

Edition Originelle

La 4^e partie est intitulée "Terres Nueves"
p. 245 à 317

n. 258 " De la Nouvelle France,
contenant Hochelaga, Canada,
Saguenai et la Floride.

Récit de la découverte de Jacques
Cartier, la terre des
Hochelaga baptisée Montréal
etc.

p. 253 Découverte du Labrador
par Cartier


Yenus^o

me,
to,

by

h

2



L'HISTOIRE
VNIVERSELLE
DV MONDE,

CONTENANT L'ENTIERE DESCRIPTION & situatiō des quatre parties de la terre, la diuision & estenduē d'une chacune Region & Prouince d'icelles.

Ensemble l'origine & particulieres mœurs, loix, coustumes, religion, & ceremonies de toutes les nations, & peuples par qui elles sont habitées.

Diuisée en quatre liures.

Par François de Belle-forest Comingeois.



A PARIS,

Chez Geruais Mallot, à l'Aigle d'or, rue S.
Iean de Beauuais.

1570.

AVEC PRIVILEGE DV ROY.

*Appartient
Cure de St
de Chauvaignes.
1680*

*a Roze
Michel
en 1642/*

1680

*Appartient à M^{re} de la Roche
1680*

L'HISTOIRE
UNIVERSELLE

DU MONDE

CONTENANT L'ENTIERE DESCRIPTION

des quatre parties du monde, la division
de chacune d'elles en Roïaumes, Provinces, Villes,

Empires, &c. avec les mœurs, coutumes,
religion & ceremonies de toutes les nations, & peuples
qui y habitent.

Par François de Belle-forest Comingois.

Paris chez Germain Mallet, à l'Aigle d'or, m.d.c.lxxv.



A PARIS

Chez Germain Mallet, à l'Aigle d'or, m.d.c.lxxv.

Jean de Beauvais.

1770.

AVEC PRIVILEGE DU ROY



A TRES-ILLVSTRE,

ET TRES-VERTVEVSE DAME

MADAME CLAVDE DE TVRAINE

Dame de Tournon, & Contesse de

Rouffillon, Salut.



ADAME, ce n'est sans cause
que ce graue, & modeste Philo-
sophe Seneque à dit, que la plus
part du temps s'escoule pour les
hommes sans proffit, soit qu'ils se
employēt à riē faire, ou que leurs
actions soyent vicieuses, ou que
leur deuoir s'estende en choses de
peu d'effait : d'autant que nous
voyons que noz diligences, iacoit
que nous voulions paroistre de faire beaucoup, sont si inutiles
que i'ay grand peur, que ceux qui viēdront apres nous, en voy-
ant les fruits si peu meurs & saisonnez, ils ne les regettent cō-
me sauuageons, & mal propres à leur nourriture. Car il fault
que tout ce que l'homme fait se raporte à l'homme, i'entens à ce
qui est le plus parfait en l'homme, entāt que si on n'auoit esgard
qu'aux seuls honneurs de ce mōde, aux plaisirs, & aux riches-
ses, l'heur seroit fort mal party entre nous, & en seront les
mieux fournis ceux qui le moins le meritent. Mais à quel pro-
pos est-ce (dira l'on) que ie dis ces choses ? D'autant qu'il fault
que nostre vie aye quelque appuy plus durable que celuy qui

*Pindare aux
Olymp. Ode. 2.*

EPISTRE.

semble dependre de ie ne scay quelle instabilité de fortune, laquelle comme dit Pindare, a tousiours quelque cas qui contrarie au succez de ceux qui sont nais avec les richesses: & lesquels si n'ont rien plus qui les rende respectables que ceste flaterie piceuse de fortune, ie suis d'aduis que & l'heur, & le respect, & la grandeur perdent tout ainsi leur establissement: comme leur fondement perd sa constance. Or scachant que, & vous, & les vostres, auez posé le plât de l'edifice de vostre vie sur vne pierre plus seure, que celle qui depend de l'inconstance du temps, & fantasie des hommes, aussi osé-ie dire que le bastiment est pour en estre durable, & la memoire non perissable & eternelle, en tant que c'est la vertu qui y a asis son premier dessein, & posé le modele de l'œuvre, si gentimēt depuis compassé, qu'il n'y manque rien pour le dire parfait, & accomply de toutes ses pieces. Et si le temps & le subiet me le permettoyet deduire, ie tascheroiy, non d'y donner quelque attainte parfaite, mais au moins d'y faire tellement mon deuoir, & que ie serois satisfait en ce desir que i'ay de gratifier aux vostres, & vous assez assuree de celle mienne deuotion à vous faire seruice, conceüe en mon esprit dès le temps que i'ay cest honneur que de cognoistre Monsieur vostre filz le Comte de Roussillon, les traitz de la vertu naissante duquel me donnent vn grand espoir de le voir vn iour le filz digne du Seigneur de Tournon, & de celle Claude de Touraine, qui en vn corps feminin porte vne vertu si remarquable, que peu d'hommes la surpassent en magnanimité, & nul en desir de seruir Dieu, l'Eglise, le Roy, & la Patrie. Et tout ainsi que la vertu qui ne gist que en parolles, & n'est painte que en la brauade sans effait, est ombragée, sans auoir l'ame des couleurs, aussi ne suffit la volonté ez choses qui concernent la protection de son pays, ains y fault aiouster quelque cas de meilleur que les desseins, les propos, & les promesses. C'est aussi en quoy on voit la difference des bien faisantz

EPISTRE.

à ceux qui ne payent ceux, à qui ilz sont obligez, que de simple parolle, car les uns employent le temps en deuils, & donnent moyen à l'ennemy de se preualoir de leur paresse, là où les autres arment la volonté avec le deuoir, & fortifient cestuy-cy avec l'effait, autant brauement, comme brusquement ilz l'entreprennent, & sagement le mettent en execution.

Si la chose ne parloit de soy-mesme, & si l'effect ne correspondoit à ce que ie dis, ie ne seroy si insolent que de le mettre en auant : mais la veüe en descourant la verité, ie penseroiy estre aussi ingrat en le dissimulant, que flatteur en le disant, si la chose estoit autre que veritable. Qui se souuiendra iamais des deux derniers troubles aduenus en France, sans larmoyer, d'ouyr ramentenir un peruertissement de la gentillesse, & courtoisie de tout le peuple iadis subiet à la vertu, & fidelité deuë à ses Princes ? mais nul ne le reduira en memoire sans se souuenir (si l'a rien de bon en soy) que vne Dame seule, sans grand appuy des siens (absentz de sa maison) aye tenu teste, voire chassé l'ennemy du Roy, & de l'Eglise de la ville, & finages de Tournon, iacoit que il semblast y auoir quelque intelligence : mais à la seconde fois, & ceste année, qui ne louera ceste illustre Dame d'auoir si bien pourueu à ses affaires, armé sa ville, fortifié sa maison, aguerry les siens, estonné l'aduersaire, que ce rusé chef & conducteur des rebelles, aye aussi bien perdu son temps deuant Tournon, deffendu sous la conduite d'une Dame, que lors que il assiegea Poitiers, où estoit enclose vne compaignie des mieux aguerris, & gentilsz compaignons de la France, & des troupes Italiennes, & ce sous la charge d'un grand Prince ? Et quoy ? Le Milan n'engendre point des Aigles, ny le Lieure des Lyons, ou Leopards, & d'un bon arbre il n'est guere iamais que le fruit n'en soit recommandable : on scait quelle est la maison de Touraine, quelz les Syons qui en sont sortis, les Roys en

EPISTRE.

ont veu la valeur, la France en a tiré le service, & nous en auons les memoires pour le lustre de la posterité. Je ne veux, Madame, icy dresser vne harangue des louanges des vostres, ny des vertus qui sont en vous, me suffisant de vous éclaircir la cause de ce que i'escris, qui est ma deuotion à vous faire service, & icelle esguillonée par l'opinion de vostre vertu & excellence, ioint le bon raport de vostre courtoisie naturelle à l'endroit de ceux qui cherissent les lettres, que m'ont fait les seigneurs de Bar, & Villemin, nourrisiers de l'esprit de vostre petit Comte de Roussillon, & de la nourriture duquel, i'espère vous serez contente, & la France encor leur en demeurera redenable! Pour donc ne souffrir que le temps s'escoulast vainement en moy, & que ie ne fusse oisif tant à recognoistre ceux qui me rendent leur obligé, qu'à monstrier que mes actions volent d'autre aïsse que le tēps passé, & que mes escrits ont ne scay quoy de plus serieux, i'ay basti ce liure de plusieurs sortes de materiaux, afin d'en donner plus de plaisir, & contentement à ceux qui me feront cest honneur de le lyre, plus pour me fauoriser en mon travail, que pour calomnier mon trop de hardiesse: & pour me targuer cōtre ceux-cy, i'ay escrit la sauuegarde sur le chapiteau du logis, portant le nom & de Touraine, & de Tournon, esperant que nul sera si hardy d'y loger autrement que bien à point, voyant qui sont ceux qui prennent la deffence & protection de ceste œuvre. Lequel, Madame, paint les mœurs, facons, loix, coustumes, & religion de presque toutes les nations qui sont sur la terre: & où les plus cler voyans y trouueront où exercer la gentillesse & subtilité de leur veüe, pour y cherir ma diligence, qui ay feilleté vn nombre infiny de liures, afin de contenter ceux, qui se contentoyent du peu que sur ce suiet auoit tracé le bon homme, sous le nom duquel par cy deuant ce liure se faisoit recognoistre. D'un cas suis-ie seur, que vous y prendrez plaisir tant pour la diuersité des histoires y cōtenues, que pour voir que tout

EPISTRE.

le but ou ie pretens aspirer tend à la gloire de Dieu, le nom duquel est ineffable, & lequel des aucuns des peuples cy compris, est cogneu, des autres si ignoré qu'ils ne scauent que c'est que diuinité, sinon tant que la nature commune leur en dōne cognoissance. Neantmoins (& qui est cas digne d'admiration) ny a-il presque peuple sous le ciel, qui cōfesse Dieu en quelque sorte que ce soit, lequel ne le nomme de quatre lettres : & qu'il soit ainsi, cōme aussi les anciens l'ōt remarqué, les Latins l'appellent Deus, nous Dieu, les Grecs θεός, les Egyptiens θωθ, ou θεὺθ, les Perses Ziri, les anciens Toscans Esar, les Mages, & Caldéens Orsi, les Arabes alla, les Assyriens Adad, les Turcs Agdi : & les peuples nouvellement descouverts, quoy que ce soit le diable qu'ilz recognoissent pour Dieu, luy donnent le nom de Cemy : souz la comprehension de quatre lettres. La loy estant comme chose naturelle en l'homme, qui est un Animal Politique, n'est aussi regettée de pas un, & n'y eut, & n'a, & n'aura iamais peuple si farouche sous le Ciel, qui ne suyue quelque forme de police, iacoit que la loy ne luy soit escrite ailleurs qu'en sa fantasie, ainsi que pourrez tirer avec la subtile gentillesse de vostre esprit de ce liure. La guerre y est peinte comme vne des inclinations plus naturelles de l'homme, mais avec telle consideration, que tant plus un peuple est barbare & farouche, de tant aussi le desir de combattre, & d'espandre le sang humain, luy est familier & plaisant : la religion de chacun y est effigiée, mais ou vous verrez quelle grace Dieu nous a faite, que ou presque tout le mōde est souillé de l'infection ou de l'idolatrie, ou de l'heresie de Mahometh, ou des schismes des heretiques, il luy ait pleu nous preserver en l'uniō de son Eglise, & nous choisir pour son peuple, parmy lequel son saint nom soit glorifié, & sa parolle fidèlement annoncée. C'est à vous Madame que ie l'offre, vous l'ayāt de long temps reserué, comme digne depōst pour me reuencher des courtoisies receuës en vostre maison : c'est vous qui en ferez

Dieu nommé de
tous en quatre let-
tres.

La loy naturelle
en l'homme.

La guerre tesmoi-
gne de la Barba-
rie des hommes.

EPISTRE.


proffit, ayant l'estomach sain, & capable de la solidité de ceste viande, & l'esprit bon, pour iuger, & de l'œuvre, & de celuy qui le presente, me suffisant que la noblesse de France se cõtente de mes traux, cõme aussi c'est pour elle que ie le fais, elle pour qui ie traualle, & à laquelle ie consacre sous la faueur de mon Dieu, & pour le seruice de sa sainte Eglise, & de mon Roy naturel, tout mon labeur, & diligence, & pour tesmoignage dequoy, i'en oblige ma foy par ce liure, à vous, Madame, qui serez celle qui porterez le guidon, & serez celle qui donnerez Indice de ceste mienne deuotion tant recommandable, & laquelle insquicy s'estant assez manifestée, n'a eu autre fin, ou preten- te que le seul contentement qu'elle à, qu'on prenne plaisir à ses veilles, & penibles traux, desquelz cestuicy estant le princi- pal, ie vous prie de l'accepter d'auusi bon cœur, que vous pou- uez penser estre entiere l'affection, de celuy, qui prie le tout puis- sant, Madame, vous donner, & à tous les vostres, en san- té longue, & heureuse vie. De Paris, ce 26. de Iuillet. 1570.

Vostre tres-humble seruiteur,
Franc. de Belleforest.

ΕΙΣ ΒΕΛΛΕΦΟΡΕΣΤΟΝ.

Αρχαῖς καὶ πλὺτον εἰλβὴν χαρίεσσιν ἔρασόν
 Πᾶσιν ἐν δι' ἑσέποις, Βελλεφορετ' ἀγαθόν.
 Ἀλλ' ὄρετ' ἡ λάμπειν, θνητοῖς διδάχῃ τε βοηθεῖν,
 Ἐθιῶν καὶ φύσιος, θερμὸν, ἔδος τε γράφει,
 Τοῦτ' ἐνδοξότερον καὶ φέρτερον ἔμμεναι οἶω.
 Τοῦ δ' ἔργου μνώφ' εἰ γε δίδωμι κλέος.
 Ἰούσου Τουρνωνίου.

AD NON MINORI VIRTUTE ET
 ERUDITIONE, QVAM NOBILITATE
 perpolitum Virum, Franciscum Belle-
 forestum, Ioannis VVillemini Sy-
 rodenſis Carmen.


 Nſpectans ego, lectitansq; nomen
 Tuum nobile tot laborioſis
 Chartis, & triſidum vagans in orbem,
 Dixi, Belleforeſte, quis parenti

Putet, quis tibi tale, tamq; ue bellum

Cognomen temere additum fuiſſe?

Illud neſcio quæ ſacri, & feracis

Bellique, omnibus & bonis referti

Dat nobis manifeſta ſigna Luci.

Muſæ dicite qualis ille Lucus,

Quo Saturnia non feraciorem

Ætas viderit, aut ſequens videbit.

Dodonæa Ioui dicata ſylua:

At bellum nemus illud eſt ſacratum

Phæbo, illud vocitant ſuum camanæ

Scribentes pede legibus ſoluto,

Scribētes quoque carmen hoc, vel illud.

*Dodona est geminis potens columbis,
Quæ iussu æthere deuolant Tonantis,
Et quercus faciunt loquaciores
Huc huc affluit ægra multitudo
Hinc responsa capit, reditque leta.
Euentus monita & sciens futuri.
Quid tu Belleforeste, Gallicana
Clarus conditor elocutionis,
Omnes ille tuus ferax camœnas
Lucus continet, elegantiores,
Et doctas magis, & magis politas,
Solertes magis, & scientiores,
Quàm sacrae Veneri decem columbae,
At quàm veriloqua eruditione
Gallis, & populis procul remotis,
Et presentibus, atque pòst futuris
Das legēsque suas, suósque mores.*

AD FRANCISC. BELLEFORETIVM
DOCTRINA IVXTA ET NOBILITATE
infignem Virum, Antonij Valetij Me-
dici Epigramma.

VERSVM NOMEN.

FRANCISCVS BELLEFORETIVS.
FLOS FRANCIS CELEBER TVIS.

PHæbo plena dedit de te præfagia quondam
Iulius patrìca Scaliger arte potens.
Nescio quid sublime tuis torquetur ocellis,
Ingenij referens signa secunda tui.
Quo tantùm Galla, atque Aquitana superbiat ora,

Laurigeris quantum Troica Roma viris.
Nec te fatidici fallunt oracula Vatis:
Nec genio defunt fata decora tuo.
Historiae sublimis apex spectaris in Orbe,
Cui parat antiquum cedere fastus avum.
Vndique nam maior laudum tibi crescit aceruus,
Eloquij tersi cui fluit unda triplex.
Quicquid Achiva premit, quicquid Romanaeque lingua,
Cultius id Gallo manat ab ore tibi.
Sic Graio, Latio, & Gallo coeunte lepore,
Historiae veteris surgit imago recens.
Surgit imago recens, formam miranda venusta:
Cuilibet, ut dicas, suspicienda venit.
Vera fides Vati: verum quoque nominis omen:
Quod capit amplexu talia sensa suo.
Francica florescit fato facundia per te:
 FLOS FRANCIS CELEBER diceris esse TVIS.


ΤΟΥ ΑΥΤΟΥ ΠΡΟΣ ΤΩΝ ΠΛΕΙ-
 ΣΤΟΝ ΑΠΑΝΤΩΝ ΤΗΝ ΙΣΤΟΡΙΑΝ ΚΕΛ-
 ΤΙΚΗΝ ΣΥΓΓΡΑΦΗΝ ΕΠΕΧΗΜΕΡΟΝ, ΠΡΩΤΕΠΙΛΟΓΟΝ.

Τίπτε σὺ γραφόμενος τὰ κλυτῶν πεπραγμένα Κελτῶν,
 Τὼ σέθεν δ' τελέσας μοι ὑπόχρεσιν, ὡς ἔρ' ὑπέσθης;
 Ὑψιγέρην τ' ἔρμαιον παλλὰς σε δίδαξεν Ἀθηνῆ,
 Ἡ διεπῆ πρὸς τὸν τε καὶ ὕστατον αἶν' αἰείδεν.
 Καὶ σὸ μὲν οἶκα δὲ νῦν Διόχης Ὀκλήλος ἀέρχης;
 Κ' ἡμᾶς ἔξαπατῶν τέχνης δόξα φαιδὰ πῦρ ἔσθης;
 Μικέτ' ἐρυκνέειν κελτῶν γὰρ οὐ ποτὲ βούλη.
 Μηδὲ τελευτῆσαι τόδε ἔργον μήδε μεγάρης.
 Μοῦνος ἐκείνος δὴν ἄρ' ἀντίπαις ἀντάξιός δῆλων,

Οἷος ὁ σῆματιζας κόμῳ συλῆματά τευτα
(Ω δ' ἀνταγρετον ἐστ' ἀγροδόν, ὅτῃ μῦρονᾶ)
Ημετέρης χώρας πῶς καλλέα μνήματα δώσῃ,
Αλλοδαπῶν ἐνδῶν ὅς θεομοῖς πῶς εἶδωκε.

ASTRA TENENT VALIDI.

FRANCISCI SIGAVDI PALATII
NOBILIS DELPHINATIS IN
Franciscum Belleforestanum & ge-
nere & doctrina nobilissimum.

 *Quisnam ille hominum, quisnam fuit ille Deorum,
Qui tibi tam bellè de bella nomina Sylua
Imposuit? Diuùm hic, Diuùm fuit unus hic: ὁ Δῖ
Agnosco vestrum tam vero in nomine numen.
Scilicet ut longo anfractu spatiosa capaxque
Sylua est: sic magni ingenij tibi flumina currunt.
Nil Sylua, nisi tu, iucundius. Illa ministrat
Materiem in cunctos usus, dat aratra colonis,
Diis statuas, tectisq; trabes, pelagóque carinas:
Tu Latias fundis, tu Graias diuite vena
Eloquij facundus opes: seu lege reuincis
Carmina, seu liber campo decurris aperto,
Vi Laërtiades, linguae dulcedine Nestor.
Hic liber est manifesta fides. Tu denique syluam
Qui fundis, sylua es sylua, nisi dissonet unum:
Nempe rudis sylua est, omni tu cultior horto.*

F. Io. BENEDICTI, Ancenisij cœnobij Minoritæ
in laudem & Autoris, & libri,

פסוק siue

Οαώαααααα.

: כִּי־יֵשׁ פֶּחַשְׁשׁוֹן וְכִרְנוֹת	: קוֹרֵא נִשְׁק לְזֶה סֵפֶר
: גַּם יִרְה דְּרָכֵי כּוֹל אַמּוֹת	: שְׁקוּלֵל סֵדֶר הָעוֹלָם
: בְּלִפְנֵי קֶרֶן הָעֲרֻנוֹת	: עַל־כֵּן תִּהְיֶה בּוֹיּוֹם נְיוֹם
: תְּ צִרְפַּת יַעַר הַחֲכָמוֹת	: אֲכֹן אֲשֶׁרִיד שְׁמִילֵא
: כִּי מְגִידֵנוּ נִכְבְּרוֹת	: אֵל יִתֵּן לָד חַיִּים מְבֹרָכִים
: תִּכַּל עִם חֲקִים נִתְּרוֹת	: סִפְרָתְךָ נִפְלְאוֹת מְכֹל
: אִם תִּצְלַח כְּאִישׁ הַחֲמוֹרוֹת	: לָכֵן אֵינִי תֹאבֵד כִּי־
: סֵפֶר עַל דְּרֵי הַדּוֹרוֹת	: תִּמְיֹר תִּתִּיחַ גַּם יִתִּיחַ וְהַ

חלל

AV S. DE BELLEFOREST, SVR

son Histoire Vniuerselle,

SONET.

Par Francois d'Amboyse Parisien.

Celuy-la seul cognoist iusqu'ou de ton beau liure
S'estendent les discours, celuy seul sçait conter
Les mets Ambrosiens qu'il te plaist presenter
Aux esprits immortelz, que ton Nectar enyure,
Qui dās vn grād tableau, ou de brōze, ou de cuiure,
Ou plustost voyageant d'ordre, aura peu conter
Les peuples qu'Apollon sous soy voit habiter
La terre, où la nature, & les Dieux les font viure.

Car d'autant que la terre en son spacieux rond,
Decourant vers le Ciel, de tous costez, son front
Est plus qu'une contrée, ou qu'une seule ville:

D'autant Belleforest ton liure, où tu depaints
Les coustumes, les loix, & les mœurs des humains,
Est sur tout autre ouurage excellent & vtile.

Musis sine tempore tempus.

†† iij

Table des Autheurs alleguez en cest œuvre.

A Bbé d'Vſperghen.
Abdias.
Agathie.
Albert le grand.
Alcoran.
Alphonce.
Aluares Nunez.
Americ Vespucce.
Ammian Marcellin.
Annales de Sauoye.
Annie Iacobin.
Anſegife Abbé.
Antiquitez de Belge.
Antoine Nebriffe.
Appian Alexandrin.
Apollinaire.
Apulée.
Arrian Nicomede.
Aristote.
Arnobie.
Auentin.
S. Auguſtin.
Aule Gelle.
Aufone.
Aymon moyne.

B Baptiſte Egnace.
Baptiſte Mantuan.
Baſile.
Beat Rhenan.
Bede.
Ben. Bordon.
Berofe.
Blond.
Boccoride.
Bode.
Boëce.
Bonfin.
Budé.

C Adamoſte.
Caſſiodore.
Castrametations du bail-
lif Chou.
Caton en ſes origines.
Chalcondyle.
Celle Rhodigin.
Cenalis.
Cesar.
Ciceron.
Claudian.
S. Chryſoſtome.
Coriolan.
Colomb.

Cornille Tacite.
Cromere.
Curtie.
S. Cyprian.

D Amascene.
Damian Gocz.
Denys Halycarnaſſe.
Denys Sicilien.
Diodore Sicilien.
Dion Pruſſien.
Dion Nicée.
Dioſcoride.
Dom Aluares.
Dugloſſe.

E Ghinart.
Ence Siluic.
Erasme Stella.
Eſtienne Biſantin.
Eſtienne Paſquier.
Euſebe.
Eutrope.

F Abie Piſtor.
Feneſtelle.
Fernand Cortez.
Fernand d'Ouiede.
Feſte Pompée.
Flore.
François Taraphe.

G Aspard Contaren.
Gaſpard de Corriereal
Gaudence Merule.
George.
Gildas.
Gilles Corroſet.
Gilles Gonçal.
Guillaume de Neufbourg
S. Gregoire.
Gregoire Girald.
Gregoire de Tours.

H Aiton Armenien.
Hector en l'hiſtoire
Herodian.
Herodote.
Heſichie.
S. Hieroſme.
Higinie.
Hippocrate.
Hiſtoire des Charles.
Homere.

Horace.

I Aques Cartier.
Iacques de Guiſe.
Iacques Meier.
Iean Annie Viterbien.
Iean Coclée.
Iean Candide.
Iean Damascene.
Iean Laſcaris.
Iean Leon African.
Iean le grand Eueſque
d'Vpſale.
Iean le Maire.
Iean Verrazzan.
Iornandez.
Ioſephe Iuiſ.
Ioſephe Indien.
Ioſſe Vvilichie.
Irenique liure de la Ger-
manie.
Iſacie ſur Licophron.
Iule Capitolin.
Iulian l'Apoſtat.
Iuſtin Hiſtorien.
Iuuenal.

K Krantz.
L

Laſtance.
Lambert de Chafna-
burg.
Laurens Surie.
Laurens Valle.
Leandre Bolognoys.
L'hiſtoire Martinienne.
L'hiſtoire d'Ethiopie.
Loys Barthoman Bolo-
gnoys.
Loys Guicciardin.
Lucas Vaſquez.
Lucan.
Lucian.
Lucie Marin.
Luitprand.

M Macchiauel.
Macrobe.
Mamertin Panegiriſte.
Manilie.
Manethon.
Marc Aurele.
Martial.

Martian Capelle.
Martin Segouien.
Mathias Michon.
Maximilian Transiluanie.
Merlin.
Methodie Martyr.
Michel Rittie.
Miroir des histoires.
Mirfille Lesbien.
Munster.

N

NAudere.
Nicephore.
Nicolas Germain.
Nonie Marcellin.
Nusno de Gusman.

O

OLae le grād Euesque
d'Vpale.
Ore Apollon.
Orodoc Gusman.
Orose.
Otthon de Fresinghen.
Ouide.

P

PAcac.
Pape Pie.
Paradin.
Paul Diacre.
Paul Emile.
Paul Ioue.
Paul Venitien.
Pausanie.
Pierie.
Pierre de Sintre.
Pierre Gilles.
Pierre Lombard.
Pierre Martyr.

Pierre Oliuier.
Pithagore.
Philippe Beroald.
Philippe de Communes.
Philon Iuif.
Philostrate.
Pindare.
Platine.
Platon.
Plaute.
Phornute.
Pline.
Poge Florentin.
Polidore Virgile.
Polibe.
Pomponie Late.
Pomponie Mele.
Postel.
Procopie.
Prosper Aquitanicque.
Ptolomée.

Q

Quinte Curse.

R

RObert Gaguin.
Rodrique Euesque
de Tolledo.
Ruelle.

S

SAbellique.
Sempronie.
Saxon Grammair.
Senecue.
Sexte Aurele.
Sexte Pompée.
Silie poëte.
Sigibert.
Sigismond.

Silie Italique.
Solin.
Spartian.
Strabon.
Suetone Tranquille.
Supplement d'Eutrope.
Suydas.

T

Theodore Gaze.
Theophraste.
Tertulian.
Tite Liuc.
Trebellie.
Tritemie.
Thucidide.
Turpin.

V

VAdian.
Vallefride.
Vapouiel.
Varron.
Vasquez de Coronado.
Vegece.
Vellée patercule.
Verimbert abbé.
Victor.
Vilichie.
Vincent au miroir histo-
rial.
Virgile.
Vitichinde.
Volaterran.
Vvolphang Lazie.
Vopisque.
Vlpian.

X

XAuier Iesuite.
Xenophon.

Francisci Amboyſij Pariſini, ad Fran. Belleſo-
reſtum, Hendecaſyllabi.

MOres, Belliſoreſte, gentiũque
Ritus, hitoriãque qui perennem
Hoc volumine tradidiſſe Gallis
Iure te poteſ ipſe gloriari,
Mox Apolline, mox fauente toto
Cœtu Caſtalidum, atque gratulante
Tibi Francigenũ cohorte tota,
Templo Mnemoſynes ſacram dicabiſ
Rerum condita ab vrbe Gallicarum
Perductam hitoriã uſque ad umbilicum.
Nam quiſ dignior eſt, fauente toto
Cœtu Caſtalidum, atque gratulante
Phæbo, & Francigenũ cohorte tota,
Ecquiſ dignior eſt ſubire munuſ
Tanti ponderiſ, & laborioſo
Templo Mnemoſynes ſacram dicare
Rerum condita ab vrbe Gallicarum
Perductam hitoriã uſque ad umbilicum,
Quãm tu, Belliſoreſte glorioſe,
Mores, atque ſtatuta gentiũque,
Ritus, hitoriãque qui perennem
Hoc volumine tradidiſſe Gallis
Iure te poteſ ipſe gloriari?

Muſiſ ſine tempore tempuſ.

In opus eximium de omnium gen-

tiū moribus à Francisco Belloforæ editum Ioannis
Aurati, Poëtæ Regij, Ad Iustum Ludouicum
Turnonium Comitem Rossilionæum,

ELEGIA.

CUM contra Turnum certamina seu pararet
Aneas Veneris maxima cura sua,
Tum pia Vulcanum votis Venus omnibus ambit,
Nato ut Lemniaca facta det arma manu.
Maternis precibus motus faber ille deorum,
Arma acri properat mox operosa viro.
Ensem satiferum duro ex adamante politum,
Et clypeum miræ molis & artis opus.
Sic Venus Aneam cælestibus induit armis,
Ipsam quæ possent arma decere Iouem.
Nunc etiam (ecce vices rerum) cælestia ut olim
Arma parat nato Claudia ferre parens.
Sed Venus Aneæ dederat fatalia Turno,
Nunc contra Turno fida dat arma Venus.
Nam mihi si fas est res indagare vetustas,
Quàmque sit antiqua nobilitate domus;
Quis neget à Turno traxisse vocabula gentem,
Quæ nunc Turnonium nobile nomen habet?
Nec minus à prisca deducit origine nomen
Claudia Turenæ gloria magna domus.
Nam Rutulus Turnus, Rutuli Tyrrhena propago,
Turenis nomen ducitur unde suum.
Sic nunc Turnonio duplex clarissima Iusto
Nobilitas gemino tracta parente venit.
Frater at Aneæ fatali est functus in urbe
Morte sua, dum res Regis & arma gerit.

IO. AVRATI

Claudia nunc mater charo viduata marito,
 Orbata domino fert onus omne domus.
 Claudia maternas partes, pariterque paternas
 Sustinet, ingenti Faemina nata animo.
 Quae virtute vigens, & robore penè virili,
 Turnonia hostiles reppulit arce manus.
 Hac tali mulier fortissima pectore, & olim
 Altera quae formâ visa sit esse Venus.
 Dignum ut praestet auis sua te iustissima cura
 Iuste puer, belli pacis & arte colit.
 Artibus ut pacis patrum, fratrumque referres,
 Quorum mirata est turba togata togas.
 Chironem nato, & Phœnicem, ut mater Achilli,
 Barrum hinc, illinc te Villeminae dedit.
 Nunc quoque, ut antiquas factis Heroïdas aequet,
 Armârunt natos quae sibi quaeque suos:
 Quaesit ecce nouum Vulcanum Belloforæum,
 Arma roget nato quem fabricare suo.
 Mulciber ille nouus clypei mirabile textum
 Struxit, Achilleus qualis, & Herculeus.
 Hesiodi Herculeus celebratus carmine quondam,
 Notus Achilleus carmine Mæonida.
 Quod mihi si qua foret par huic, illiue facultas,
 Versibus Aurati nobilis iste foret.
 Et canerem clypei miram septemplex artem,
 Emulus ut terræ sit globus ille globo.
 Utq; suas habeat Zonas, partésque quaternas,
 Et spatium, regio quod sua quæq; pater.
 His addam varias formásque, sitúsque locorum,
 Cúmque suis populos per loca quæq; locis.
 Addam mille modos vestis variósque colores,
 Linguarum varias in sua verba notas.

E L E G I A.

Addam etiam mores hominum, ritusque sacrorum,
 Quæ gens qua vitam lege vel arte colat.
 Addam mille super miracula cætera rerum,
 Carmina materiae ni superaret opus.
 Sed nunc iusta satis non sunt mihi tempora Iuste,
 Te quibus, aut scutum persequar omne tuum.
 Quod tu munus ama (nãq, est peramabile munus
 Maternum) ut matrem, nec minùs artificem.
 Artificem, quo non opus aut operosius alter
 Edidit, aut quod plus utilitate inuet.
 Nam si vir tantus qui multas vidit & urbes,
 Et mores hominum, dux Ithacensis erat:
 Ipsum tu superes licet hoc instructus Vlysssem:
 Maiorem & laudem, quàm tulit ille, feras.
 Ille quidem mundi multas erravit in oras,
 Non egit, totus quàm patet orbis, iter.
 Tu licet hîc totum collustres lumine mundum,
 Et quicquid mundus tam spatiosus habet.
 Sicque vago vir eris tantò tu maior Vlysse,
 Quantò pars toto maxima quæq, minor.

ODE AV SEIGNEVR DE BELLE-
 forest, par Iean Tirmoys, Nor. Argentenois.

Gaignant par ton industrie,
 Par tes veilles & labeurs,
 Ce qu'au mont de Castalie
 La sçauante compagnie
 Peut prodiguer de faueurs.
 Tu marques d'encre fidelle
 Les mœurs & conditions
 De l'isle que l'eau decelle,
 Et où iamais la nacelle
 N'a peu faire de seillons.
 Car sous où dedans l'Asie

Pres du riuage *Agean*,
Ou bien en la *Pamphlie*,
Bithynie, ou *Galatie*,
Pres du terroir *Lycian*:
Ou que tu sois en l' *Afrique*
Au *More Casarien*,
Ou que fendant l' *Iberique*,
Tu dies la *republique*
Du plus caché *Lybien*:
Ou demeurant en l' *Europe*
Si tu viens à raconter
La *Pireneanne* crotte,
Que la *Quirinale* troppe
De *Cesar* vient surmonter:
Tu le dis de telle grace
Et le fais si doctement,
Que ton industrie efface
Le nom de la prime race
Qui la chantoit autrement.
Aussi pour la recompense
De ce tien docte labeur,
Tu voiras qu' avec la *France*
Le reste du monde pense
De guerdonner son sonneur.
Et du plus ample heritage,
Faisant avec *Iupiter*
Tous de nouveau le partage,
Tu te voiras en ton eage
De tout le monde heriter.
Car il n'y aura contree,
Plage, ruisseau, ne forest,
Où ne soit leuë & monstree,
Redite, aprise, & chantée
L'œuvre de *Belleforest*.
Tant qu'il en reste.



PREFACE AV LE- CTEUR, SUR LE DISCOURS

*de l'origine, & particulieres mœurs, loix, ceremo-
nies, & coustumes de toutes les nations, &
sur les considerations de l'histoire.*



OMME vn peintre parfait, voulant effigier au naturel, & le visage, & tout le corps d'un homme, suivant les traits, lineamens, & proportions d'iceluy, a de coustume de dresser au craïõ, l'ombrage, & comme vne Idée des membres principaux, & les disposer en vn accord, proportionné sous pareille mesure, afin qu'il ne sorte des reigles, & nombres deuz, & propres à l'excellence de son art: & comme c'est son vray office, de donner tellemēt les couleurs à chacun des membres, de les poser deuēment en leur place, les esloigner quelquefois de sa veüe, pour avec le iugement de la perspective, voir ce qui y default, ou le trop de son œuvre, afin que avec telle diligence il puisse parfaire ce qu'il a entrepris en sa fantasie: Il n'est pas moins seant à celuy, qui décrit l'histoire de se gouverner avec pareil deuoir, & s'astreindre sous les mesmes loix de la peinture, voire y fault vn plus iuste craïõ, & subtil pinceau, veu la delicateſſe du tableau présenté, pour y dresser vne chose tant excellente que la description de ce qui s'est passé entre les hommes. Mais iacoit que il y ayt de la grandeur en la poursuite de ceste-cy, neantmoins ce qui est compris au liure qui s'ensuit, & que nous auons fait nostre en le repurgeant, & augmentant: entant que il y a plus que de l'histoire, merite aussi vne plus grande consideration: veu que les parties vnies du tout, considéré en la perfection du bastiment du monde, fault que y soyent contemplées.

P R E F A C E.

*Ce qui est compris
au 2. li. de Pline.*

*Cosmographie
description du
monde.
Geographie de la
terre, Corogra-
phie des lieux.*

*Mots particuliers
comprennent les
generaux.*

*Ces mots sont pro-
pres au Cosmogra-
phe.*

Aussi quand Pline dressa son grand œuvre de l'histoire du monde, oublia-il d'y comprendre ce qui est des dependances d'une chose tant singuliere, & si difficile à esplucher? Le nombre, la forme, mouvement, le nom d'iceluy, l'auteur, les causes de sa subsistence, la beauté, la cōtinuation, & durée, & ce qui est compris en sa rondeur, est par luy effigié, autant que il est permis à l'homme de dire des œuvres merueilleuses de celuy, duquel la puissance est incomprehensible, les faitz admirables, & que autre que luy-mesme ne peut imiter, & auquel toutes choses sont & subiettes, & obeissantes. Et ainsi sous cest amas d'histoire generale, est compris ce qui est de particulier, & embrassée la Cosmographie, Geographie, & Corographie, & la description priuée de chacune nation: sur lequel subiet, comme ainsi soit que s'arreste nostre discours, il n'est hors de propos de declairer par le menu au lecteur en quoy consiste, & de quoy sert & prouffite cecy à l'homme, lequel ayant son semblable pour obiet de son esprit, & miroir de sa vie, & ne pouuant voir, ny contempler ceste face que par le moyen d'autrui, il a esté aussi besoing, que par autrui il cogneust, & les autres, & soy-mesme, tout ainsi que en celle impression que on voit en la glace d'un miroir, l'homme se regardant, iuge soudain des vices, ou defaults qui sont en son visage. Or partissans la cognoissance de ce monde inferieur és parties susdittes, nous voyons les mots quoy que generaux se rouler sous la signifiante des particuliers, car iacoit que la Cosmographie embrasse tout ce qui est compris, & au Ciel, & en la terre, i'entendz en celle figure ronde & visible que nous apellons monde, si est-ce que sous le nom de Geographie, qui ne contiét que la description de la terre, & choses qui l'auoisinent, l'autre partie plus generale a' aussi sa place, tellement que le Geographe ose parler, & du Ciel, & des Orizons, Zenithz, points verticaux, Orientz, Occidentz, Zones, Poles, Tropiques, & cours des astres, aussi bien que le Cosmographe, d'autant que cela luy est comme necessaire, & un accessoire se mariant au principal de sa science.

Estant donc ceste science ainsi liée que on ne peut guere toucher l'un point sans faire aproche de l'autre, & que les lieux ne sont tracez sans cognoistre la terre, ny ceste cy sans la cōsideration celeste, c'est raison que parlant de l'homme, de ses mœurs & façons, nous sçachions où il est, vit, & se maintient,

P R E F A C E.

quel il est, & comme il se comporte : ce qui ne peut estre veu ny compris que visitant l'affiette des Prouinces, & places de sa demeure. Et celles-cy estant fuiettes aux aspects du Ciel, & les hōmes ressentans quelque cas des influences des corps d'enhaut, il fault que les parties de ce monde superieur soyēt contemplées, pour mesurer celles qui sont en l'inferieur: veu que le tout ensemble (ie parle du monde vniuers) n'est q̄ vne cité embrassant & les dieux, & les hommes, affin que ie parle avec Ciceron, & qu'ainsi aucun ne pense qu'il y ayt rien qui soit separé hors les limites de ce qui s'apelle mōde: duquel ce mesme auteur parle ainsi en vn autre passage: Car il n'y a rien que le seul monde, à qui quelque cas ne defaille, là où cestuy cy est fait, orné, parfait, & accōply par tout, ne luy manquant chose aucune pour l'accōplissemēt de ses nōbres & parties: & qui a esté nommé Monde par les Latins, & κόσμος par les Grecz, à cause de sa grād beauté, & pour la perfection de son artifice. Mais d'autāt que ce corps de l'vniuers a diuerfes parties selon les effect̄s & causes, soyent celles qui agissent ou celles qui sont cōtenuēs, nous laisserōs les principales, & desquelles le mōde est composé, à sçauoir les 4. elemēs & corps simples, & le ciel qui est par dessus ces corps elemētaires pour voir les regiōs, & limites du monde, à sçauoir l'Oriēt, l'Occident, Midy, & Septentrion, les vns desquels sont arrestez, & ne bougent iamais, d'autāt qu'ō les contēple cōme les puiotz du mōde, & ce sōt le midy, & Septētriō: là où les autres deux rouēt & sont mobiles, à cause de ce cours perpetuel du soleil par les degrez des signes, soit en son ascendant, ou faisant sa retrogradation. Je dis cecy à cause que le soleil ne se leuant point vn iour au mesme lieu, où il s'estoit leué le precedant, à raison de sa course ordinaire, il s'esuit q̄ les Oriēts, & Occidēs sont mobiles: & est proprement l'un Leuant, & l'autre Ponāt du costé que le soleil se leue, ou se couche sur l'horizon, iāoit que ce leuer, ou absconcer de cest astre se fait sans nulle faute entre les deux tropiques, affin qu'on ne pense que ie vueille confondre l'ordre naturel de la course solaire. Or est cecy proposé, comme i'ay dit, pour l'esgard du point touché en ce liure, qui est des mœurs de chacune nation, entant que ie ne vueil aller si stoiquement en besoigne q̄ ie vueille cōprendre la generalité des hommes & animaux sous vne mesme complexion, puis que ils sont formez d'une mesme substance de la

Ciceron liu. 1. des loix.

Cicer. liu. 2. de la nature des dieux.

Pourquoy le mōde ainsi apellé.

Parties de l'vniuers comme sont considerées.

Limites du monde de quels fixes, & de quels mobiles.

Complexions diuerfes des hōmes selon la terre où ils naissent.

P R E F A C E.

blable vie? Et se souuenât que iadis il fut tel, & que sa vie res-
fentoit l'impurité de l'idolatrie & auuglement de ceux cy,
n'a il pas vn beau, & iuste moyen de louer celuy, qui l'a retiré
d'vn tel boubier, de magnifier son excellence, recognoistre
le bien-fait, & le prier pour ceux qu'il voit encore plonger
au danger, les precipitant dedâs l'abisme de la mort eternal-
le? Quand il lyt les mœurs, police, & façons de vie (affin que
i'aille iusqu'au coing de l'Orient) des Cataïens, & Tartares
tenans les pais des Serez, de Cambalu, Quinsay, & autres ter-
res subiettes au Cam de Tartarie, & voit la Barbarie naturel-
le de ce peuple, la tyrannie de son Roy, iniustice des officiers
d'iceluy, peu de charité du vulgaire, cruauté des vns enuers
les autres, & inhospitalité à l'endroit de l'estranger, l'inciui-
lité vers chascun, & l'impiété en ce qui est de la religion, com-
me ils se sont soustraits & retirez de l'obeïssance telle quelle
qu'ils faisoient à l'Euangile, pour embrasser la loy d'vn impo-
steur, & peruers heretique, & d'autres pour se ressouiller en
l'abomination des idoles: que dira il, sinon que se dresser à
Dieu avec priere, qu'il luy plaise tellement le conduire, que
de ne iamais se foruoyer de sa foy, & n'imiter la peruersité de
ceux cy, pour laisser le bon chemin, & suyure les affections
sans iustice. Quand il lyra la ciuilité des Perses, l'estat ancien
de leur republique, la grandeur de leur Empire, la gloire des
Monarques sortis de celle braue nation, comme ils furent an-
neantis par le Grec, domptez du Romain, & en fin assuiettis
par le Mahometiste: ceste histoire luy fera admirer les iuge-
més de dieu, & recognoistre la certitude de sa sainte parolle.
Tout ainsi qu'en lyfant, l'effeminatiō Assyrienne, le desbord
confusion des Babyloniés en leur vie, l'insolēce des Parthes,
sottise & desloyauté des Armeniēs, bestialemaniere des Hir-
caniens, charmes & enforcelemens des Baëtriens, cruauté &
rigueur des Iberes, & Albaniens, execrables sacrifices des
Tauriques, & Colchiens, obstination Iuïfue, peruersité des
Itraëlites, lesquels iaçoit que iouïssent du priuilege des en-
fans legitimes en la vigne du tout puissant, secoïans toutes-
fois le ioug d'obeïssāce, & ne voulās recognoistre le seigneur
de gloire, & le vray heritier du royaume ont esté chassez iu-
stement de l'heritage. L'histoire des enfans de loy sera celle
qui nous fera penser que nous n'estās que des sauuageons, &
regettons non naturelz de l'arbre de vie, auons neantmoins
receu ceste faueur du grand, & eternal pere de famille, que

*Imperfection de
la vie des Tartar-
res.*

*Police des Perses,
voy Xenophon
en la Ciropédie.*

*Vices de plusieurs
nations du Levant.*

*Obstination, &
ingratitude des
Iuifz.*

P R E F A C E.

d'estre entez, vnys, & incorporez en l'oliuier, tout ainſi que ſi nous en eſtiôs les rameaux naturelz, & legitimes. Mais quoy? le ſage Chreſtien, ſe ſouuiendra auſſi de ce que l'Apoſtre dit, que ſi Dieu n'a point pardonné à celuy qui n'eſtoit ny eſtranger, ny ſauuage lors qu'il ſeſgara de ſon deuoir, & diſcontinua de porter fruit en ſa ſaiſon, qu'il n'vſera pas de moindre iuſtice à celuy qui eſt enté, ſ'il ſe deuoye du chemin de la verité, & ſ'apuie ſur la ſeule gloire de ſon election, ſans adiouter à la vocation les effectz à quoy la loy, & le nom de Chreſtien l'obligent. C'eſt pourquoy en la poursuite des mœurs des nations vous voyez l'Egyptien fauoriſé, dès le cōmencement de la cognoiſſance des lettres ſur toutes les nations du mōde (les Hebrieux exceptez) eſtre celuy, qui apprend le cours des aſtres aux Grecz, la philoſophie en toutes Prouinces, qui mōſtre la police, & les loix à l'Asie, Afrique, & Europe, & duquel formillent les ſages, & hōmes puiſſans pour dompter les mōſtres de la terre, en fin ce fut l'Egyptien qui à veu l'Egliſe Chreſtienne flourir en toute ſainteté, doctrine, grād ſçauoir & en nombre infinny d'hommes, qui ſeruoÿēt iadis de miroir à tout le monde: & ce fut l'Egyptien, afin que la gloire ne ſoit toute aux grandes villes & fameuſes citez, qui veit iadis les deſertz de ſon païs eſtre la retraite, & domicile des ſaints confeſſeurs de la verité de noſtre foy, qui y ont veſcu, comme vn bon depoſt pour puis apres ſeruir en l'Egliſe, contre les aſſaults des heretiques luy faiſans obſtinément la guerre, dès auſſi toſt que le feu des perſecutions des Idolatres fut aſſoupy, & la rage des tÿrans ſucceſſeurs de Diocletian aneantie. Et toutesſois l'hiſtoire des mœurs des nations vous fait tout auſſi toſt voir ce peuple abaſtardy, ſa gloire miſe à bas, & luy priué encor du meilleur qu'il eut à ſçauoir de celle doctrine qui l'honoroit par tout, & rédoit heureuſe ſa prouince. Et encor ce diſcours vous fait cognoiſtre, lyſâs les mœurs des Africains leur infidelité paſſée, la foy qui de puis y a floury, le grand nombre de Martyrs, & glorieux teſmoins du nom de Dieu, leſquels par leur confeſſion, & teſmoignage ont honoré ce païs More, & Bazané, & fait de grāds ſeruices au paſteur de tout le troupeaux, & à ſa ſainte Bergerie: mais tournant le fueillet, ces mœurs ſ'empirans, alterans & ſe changeâs, Dieu! qu'elle pitié? Le Chreſtiē ne voit plus q̄ brutalité, & abeſtiſſement d'eſprit en ceux, qui eſtoiēt ſi gētilz, & ſpirituels, aneātiſſemēt de force en ceux, qui auoyent tenu teſte ſi lōg tēps à la

*Rom. 11.
Gentilz intro-
duits en l'Egliſe
pour la rebellion
des Iuiſz.*

*Egyptiens flou-
riſſent iadis en ſçauoir, voy Eusebe.
lin. de la preparat.
Euangel. 2. & 3.*

*Ce fut Hercule
ſils d'Oſyris.*

*Deſertz, de The-
baïde iadis retrai-
te des ſaints hom-
mes. Voy l'hiſtoi-
re Eccleſiaſtique.*

*Affrique ſiege de
l'Egliſe au com-
mencement.*

*Affrique toute
Barbare à preſent*

P R E F A C E.

*S. Cyprien loue la
foy des Carthagi-
nois.*

*Le seul Chrestien
à iugement en l'hi-
stoire.*

*Clement. Alexan-
drin, en l'oraison
aux Gentilz.*

*Grecz, les plus
corruptez d'entre
les hommes.*

fureur, & bonheur de l'Empire flourishant de Rome, impieté
 en la nation qui iadis embrassoit si affectionnément le Chri-
 stianisme, que S. Ciprian en plusieurs lieux de ses escrits, ne
 peut celer le loz des Carthaginois en ce qui est du zele de la
 parolle diuine, & de l'obseruation de ce qui est ordonné par
 l'institution & de nostre seigneur Iesus Christ, & de ses saintz
 Apostres: qu'oï plus? vous voiez q l'Afrique mōstrueuse en A-
 nimaux, est deuenue plus farouche en la façon de vie des hō-
 mes, que les Lions, Onces, Ours, & Tigres qui repairent par
 ses solitudes. Tout ceci apprend le Chrestien par l'histoire des
 mœurs, affin de louer Dieu, & le craindre, & faire si biē, q dieu
 ne lui oste ce, de qu'oï iadis l'Afrique à eu autant de largesse
 que pourroient auoir, ny l'Italie, ny la Frāce. Mais, Dieu tout
 puissant! quand vous lisez quelle fut la Grece dès le commē-
 cement, qui est l'homme qui ne s'estonné voiant les folies de
 vn peuple estimé si sage, & qui a esté renommé pour le plus
 ciuil, courtois, & moins barbare de tout le monde? Neant-
 moins le Chrestien, qui ne mesure pas l'histoire à l'aune de la
 folie des hommes, & ne contemple la perfection de nostre
 vie s'arrester sur ce qui semble simplement auoir quelque for-
 me, & figure de police, & de vertu, cognoit de quoy luy sert le
 iugement en l'histoire, voiant que Dieu oste le sens aux plus
 sages, & reprouue le conseil des sçauans: lesquelz l'ayans co-
 gneu, ne l'ont toutesfois recogneu comme Dieu, ains seua-
 nouïssans en leurs pensées ont mesuré la force du tout puis-
 sant souz l'imbecillité du sot iugement de l'homme. Lisez ce
 que Clement Alexandrin, saint, & excellent personnage de
 l'Eglise primitiue dit des Grecz, comme il se moque de leur
 sottise, & abomination en l'adoratiō de leurs faux dieux, que
 elles impietez il leur met en auant de ce qu'on commettoit
 aux plus secrets misteres de leurs ceremonies: & vous cognoi-
 strez que tout ainsi que les Grecz ont esté les plus sçauans en
 la science de ce siecle, aussi ont ilz esté les plus corrompuz en
 leur vie, & les plus esgarez en l'opinion, & plus tardifs à rece-
 uoir la verité, & des premiers qui se sont fouruoyez de l'vniō
 de l'Eglise. Et lisant l'histoire, & mœurs des Grecz, iaçoit que
 plusieurs hommes nous y soient paintz fort excellens en sça-
 uoir, & remarquables en la purité de leur vie: si est-ce q vous
 y aprenez à quelle misere est conduit l'homme qui presume
 trop de foy, & se glorifie de ce qu'il à, sans regarder qui est ce-
 luy

P R E F A C E.

luy qui luy en fait si liberale largesse: Car vous voyez que entre tous les hommes les seuls Grecs ont cogneu de leurs citoyens qui ont osé nier la diuinité, & l'estre absolument de quelque Dieu, & de l'opinion desquels sont sortis tous les Atheistes qui iamais ont esté depuis au monde: Entendez aussi que de celle grande vniuersité, & fameuse escole d'Athenes sont sortis les pourceaux Aristippe, & Epicure, lesquelz ont appris la volupté aux hommes, & les ont dressez, & conduitz à vne vie plus digne d'une beste, que d'homme ayât quelque vsage de raison. La republique d'Athenes, la police des Lacedemoniens, la force Macedonienne, la barbarie des Thraciés, la superbe Thebaine, la superstition des Candiots, la vaillance des Rhodiots, l'effemination des Chipriots, & en general la gloire Grecque font cognoistre au Chrestien quel fondement il y a en ce qui est de l'heur mondain, puis que tous ces peuples sont à present les esclaves de la plus vile, & infame nation de l'uniuers: & de celle qui iadis estât sans aucun nom, fait trembler à present presque toute la terre au seul souuenir de ses conquestes. Or quel estonnement faist nostre cueur, voyans par l'histoire le commencement du peuple Turquesque sortir d'un recoin des Scythes, courir le Leuât, dompter les plus puissans de l'Asie, & en fin venir se ruer sur les Chrestiens, & aneantir la force, & gloire de tout un Empire: mais que dis-je d'un Empire, mais bien de plusieurs: entant que le Grec superbe avec la cité triomphante bastie par Cōstantin le grand, l'Asiatique se pensant indomptable pour commander sur la mer Maïour, & auoir autorité sur l'estat de Trapezonde, le fort Egyptien, ne craignant rien de malheureux, ayant la troupe effroyable des Circassiens Mamelus, & souz son obeissance l'Egypte, Iudée, Mesopotamie, Assyrie, Arménie, & quelque coing de l'Arabie: ces trois, dis-je, ont passé sous le couteau trenchant de ce Barbare, qui maintenant se ioüe à plaisir par les riches Prouinces de l'Europe. Est-ce peu de cas que un seul liure te face voir comme un peuple idolatre, lascif, voleur, pauvre, & banny de son pays, est contraint (pour auoir part en la terre d'un vsurpateur,) de receuoir vne loy incogneuë, & embrasser vne nouuelle opinion, & recognoistre pour chef, legislateur, & prophete le plus abominable, meschât, & corrompu de tous les hommes. Et neantmoins vous voyez lisant qui & quels furent les Turcs, quelles leurs

*Co fut un Theodore surnommé Athée.
Voy Laerce: & Clement Alex.
dram.*

Divers peuples en Grece.

Quelles Monarchies ont esté abattues par le Turc.

Le Turc contraint de receuoir la Mahometisme.

P R E F A C E.

mœurs, leur gloire, & auancemēt, vous trouuerez que le Mahometā les receuant pour compaignons, leur dōna lieu pour se retirer, les instruisant en l'Alcorā du faux prophete Mahometh, a par mesme moien ancāt la gloire de ses propres rois, & abatu l'estat & famille des succeffeurs de l'Ismaélite, & Arabe seducteur, & chassez les Chrestiens des sieges anciens, esquels les saints Apostres ont presidé, & ou premierement ilz planterent les fondemens de l'Eglise de nostre Seigneur, à sçauoir de l'Asie, Palestine, Egypte, & depuis de l'épire presq de toute la Grece. Et serez vous sans riē apprendre, lisant quelle fut iadis la vie des Scythes les plus rudes cruels, & sanguinaires hommes de tous les anciens? & neātmoins qu'ilz ayēt esté telz, si vous donnent ilz vn enseignement digne d'estre suiuy, & vne loy par leurs façons de faire de ne receuoir aucune religion qui soit contraire à celle de voz peres & predecesseurs: entant qu'ils n'ont point pardonné à leur Roy propre se souillant en l'effemination impudique des Baccanales à la mode des Grecs, ains l'occirent cruellement, iacoit que de leur naturel ils admirassent, reuerassent, & feissent hōneur à leurs roys autant ou plus que nations de la terre. Quels ont esté les Goths sinon vne troupe esgarée, sans loy, ny religion que detestable, & toute pleine de sang, pilleries, saccagemēs, & ruines de toutes les Prouinces où ils ont fait entrée? Si est-ce pourtant que l'histoire vous remarque la main de Dieu en ceste nation si farouche, & l'effort du tout puissant en adoucissant leur Roy sans pitié, lors que entrant dedans Rome, avec deliberation de tout ruiner, & toutesfois, changeāt d'aduis lors que la cité fut prise, les saints lieux furent exemptez de la fureur du Barbare, & les personnes sacrées au seruice de Dieu respectées par celuy que on estimoit estre sans aucune crainte, ny reuerence de la diuinité, ny des choses à icelle dediées.

*Scythes regrettant
toute ceremonie e-
trangere.*

*Qu'est-ce que en-
seigne l'histoire
des Goths.*

Quelle merueille plus merueilleuse se presente en l'histoire que celle origine de Rome, qui d'un petit amas de pasteurs a esté faite le chef de tout le monde? Qui eust dit que les succeffeurs de Romule nais pauurement, nourris comme au village, instruits parmy le sang, les vols, raiuissēmens, & iniures faites à chacun, deussent donner loy à ceux qui les deuançoient, & en ancienneté, grandeur, & sagesse, & qui auoyent esté les plus puissans de tout l'vniuers? Cecy n'est riē,

P R E F A C E.

au pris de ce que le Chrestien y regarde de plus grand, à sçauoir la puissance de Dieu, sa prouidence, bonté, miséricorde, & ineffable iustice, qui domptant les tyrans, abaissant l'orgueil, & presumption des Princes qui luy faisoient la guerre, vainquant la furie des infidelles seâs sur le throsne de ce grâd Empire, à nourry parmy les glaiues, au milieu des flammes, dedans l'obscurté des prisons, sur les gibets, geines, tortures, croix, & roües, les semences viues de son Eglise, plantant avec le sang le fondement solide de l'Eglise Apostolique, Catholiq, & Romaine, en laquelle n'apparut onc tache, ny souillure, & ne fut iamais receuant aucune ride, ny mauuaise impression, & de laquelle la foy, à esté cogneuë & publiée par tout le mōde, cōme estant appuyée sur la pierre viue, & soutenue de la main toute puissante de celuy qui a dit, que les portes d'éfer ne pourrōt rié contre ceste cité de Dieu, quoy que elle soit assaillie de plusieurs: & que nuls flots agiteront tellement la nacelle où Iesuchrist tient le gouuernail, & ses saints y sont les Pilottes, que iamais elle puisse souffrir naufrage. Ce sont Chrestien, ce sont les prouffits de ceste histoire des mœurs des nations, c'est l'auancement que tu y reçois en ce sçauoir, aprenant que la bestise, simplicité, & rudesse d'un nombre de pauures hommes si petit, que la multitude pouuoit les accabler, si pauure que les richesses luy manquât, il n'auoit dequoy faire parade, & surquoy se fonder, que la croix: seruant de moquerie, & risée aux Gentilz, & de chagrin, & scandale à la nation des Hebreux: que ceste simplicité, dis-ie, est celle qui à cassé la teste du serpent, dompté la fureur des tyrans les plus farouches, abatu le faux seruice des Dieux, aneanty l'Idolatrie, haucé l'humilité iusqu'au ciel, & plongé l'orgueil iusque aux plus profonds abismes des enfers: C'est elle qui a contraintz les sages, à recognoistre leur folie, & les grandz à s'abaisser souz la main puissante de Dieu, & induitz les peuples à recongnoistre celuy qui donne l'heur & grandeur, & qui chastie, abaisse, & aneantist ceux qui osent luy faire resistance.

Ie ne puis presque m'arrester en si beau chemin, voyant quel aise, contentement, & plaisir le Chrestien a lysant, non les fables, mais l'âtiquité des natiōs, & peuples plus cogneuz de la terre, & la descouuerte de ce qu'on ne sçauoit point iadis, les mœurs des Barbares les plus farouches que iamais

Consideration en l'histoire des Romains.

Sainteté, & integrité du siege de l'Eglise Rome.

Miracle du commencement des Chrestiens.

P R E F A C E.

*Verité de l'histoire
de des pays descon-
uertz, de nostre
temps.*

*Lieux habitables
comme contèplez
par les anciens.*

*Estêdue inero-
yable de pays, où le
peuple est An-
tropophage.*

*Peuples qui iadis
ont immolé les ho-
mes aux Idoles.*

l'histoire des anciens nous aye tracez, & les diuersitez des manieres telles & si grandes, que si la narratiō en estoit faite par quel que ce soit des historiens du temps iadis, on la tiendrait pour fabuleuse : ce que on n'ose point faire, veu que l'œil est le tesmoing de ce que la plume met en auant : Car outre ce que les anciens ne pensoient point iadis que outre les colōnes de Hercule y eut autre cas que vne infinie estenduë de l'Ocean, & que la terre eust là son limite, encore auoyent ilz opinion q̄ sous la ligne Equinoctiale n'y eust aucune habitation d'hommes, & que les Poles ne pouuoient souffrir que hōme les aprochast pour y faire demeure. Et toutesfois l'experience à fait voir du contraire, & cognoistre que tout ainsi que c'est contre la foy des anciens que ces pays soyent habitables, que les peuples aussi y sont d'une façon de vie toute diuerse au reste des hommes qui habitent èz autres parties de la terre. Et que il soit ainsi, où trouuez vous vne si desnaturalée façon de mœurs èz Scythes, ny Hircaniens, que celle des Caribes & Canibales, lesquels vont tout ainsi à la chasse des hommes, que les autres nations poursuivent les bestes, & sauagine pour leur viure? On lyt bié que quelques Scythes immoloyent les estrangers, qui par cas passoyent par leur terre: mais de voir sept ou huit cens lieues de pays où le peuple se nourrist de chair humaine, & n'offrist autre cas aux idoles, que cœurs humains, iamaïs cela n'estoit venu à la cognoissance de l'antiquité : & toutesfois vous verrez en ce liure, selon que nous auons recueilly des memoires de ceux qui ont visité les pays Occidentaux, que dès le septentrion iusque aux terres Australes, ceste brutalité a lieu, & les hommes se gouvernent avec pareille courtoisie, si que les Floridiens, les Mexicans, Canibales, ceux du Peru, Colao, Plate, & l'Amerique, ou mangent les hommes, ou les sacrifient cruellement aux Idoles. Ce ne sont point choses qui n'aduindrent iamaïs, que ces sacrifices, veu que iadis n'y a eu nation tant courtoise fut elle, qui ne soit tombée en faute semblable, entant que le Romain sacrifioit l'homme à Saturne, le Gaulois à Mercure, les Lusitaniens à Pluton, & ceux qui auoyent gousté la perfection de la loy Mosaique, soublioyent encor iusqu'à la que de passer par le feu leurs enfans, & les consacrer à Moloch, ainsi que nous en font foy les liures de la Bible. Si l'on vouloit aller rechercher des haults intelletz, & pointz

P R E F A C E.

de la philosophie és sacrifices, adorations, & opinion de ce peuple, ie me fais fort, qu'on y trouueroit aussi bien dequoy y bastir des interpretations des fables que Macrobe, Fulgence, Phurnut, & Hesichie en ont songé sur la folle inuention des dieux adorez par l'antiquité. Car qui verra les vns adorer l'eau, ne faillira de dire que c'est vn trait de la nature, estimât ces peuples croire que l'eau soit le principe, & source originale de toutes choses: & en ceux qui honorent le feu la raison n'y perdra aussi sa place, non plus que ceux qui reuerent le soleil comme vn des principaux auteurs de la generation des choses qui ont esté sur la terre. Mais (comme i'ay dit) nous ne voulons point cabaliser ce qui est fait sans raison, & où la seule enuie, & malice de Sathan est celle, qui attire, & rauist les hōmes à ceste pèrversité: & leur fait pis faire, quand ils l'adorent luy mesme sous la figure la plus effroyable, hideuse & detestable que homme sçauroit imaginer, ainsi que lyrez, & en Calicuth, & en la description des mœurs de Mexique. Aussi quelle raison sçauroit on donner de la façon de faire des Guinéens, qui n'ont Dieu, que celuy que tous les matins fortuitement ils s'imaginent, ny diuinité que la chose la premiere, qui se leur represente le matin fortans de leurs loges: & où le dieu est de pire cōdition que celuy qui l'adore, & de moindre durée que celuy, qui luy fait honneur, entant que aujourd'huy, il luy fera la reuerence, & demain il le mangera, le brisera, ou le gettera dans quelque profonde riuiera, d'autant que les grenoilles, serpens, oiseaux & bestes offertes fortuitement sont les dieux iournaliers de ce peuple.

Folie de pèser que les anciens ayent raporté à la nature leur idolatrie.

Sathā adoré sous figures monstrueuses, & en quel pāis.

Sotte idolatrie des Guinéens.


C'est donc tout cecy qui est consideré en ceste histoire, en laquelle ie proteste de ne rien dire du mien, ny des songes d'un simple raport, ains avec l'autorité, & tesmoignage de auteurs de telle marque, qu'à grand peine y a il hōme de sain iugement qui ose les desmentir, ny appeller de leur sentence, en la recherche, & lecture desquelz i'ay trauaillé avec telle diligence, que ie n'ay point pœur qu'on m'accuse d'alleguer faux, où s'il y a faulte de quelque chapitre, si m'asseure-ie que l'auteur n'y est fraudé, & que c'est de celuy que i'allegue que la sentence à esté tirée. Au reste le lecteur se peut de tant fier en mon trauail, que i'ay tasché à mon possible de le releuer de peine sur ce qui touche la recherche de l'origine des peuples de chascune Prouince, entant qu'on en peut recueillir

P R E F A C E.

des liures des anciens: que si par tout ie n'ay vſé de pareil de-
 uoir, qu'il excuſe mō default en ce qui eſt de la ri cheſſe pour
 auoir les liures rares, & neceſſaires à pourſuite de telle con-
 ſequēce: toutesfois, pour le peu de pouuoir que i'ay, & ayant
 eſgard aux moyens d'un qui n'a reuenu que ſon trauail, & in-
 duſtrie, ſans ſuport de Prince, grand prelat, ny puiſſant ſei-
 gneur, ſi oſe-ie dire que pluſieurs, qui ont eu les grandes pen-
 ſiōs, n'ont dōné encore at tainte, ſi gaillarde à vne telle preu-
 ue de leur ſçauoir, que i'ay fait icy de mō trauail à rechercher
 les bons liures, ay mant mieux recognoiſtre ce que ie prens
 d'autruy, & me confeſſer le redeuable des hommes doctes,
 que non eſtre eſtimé ſi impudent larron, & arrogant vſurpa-
 teur du nom d'autruy qu'à la fin avec ma honte, ie me veiſſe
 deſpouillé avec ceſt orgueil, comme vne Corneille d'Eſope,
 de toute ma gloire paſſée. En ſomme, bien que ceſt œuvre
 ſemble porter la face d'une Geographie, & que nous y ayons
 obſerué la plus part de ce qui eſt requis en ceſte conſidera-
 tion, ſi eſt-ce que pour le preſent ie ne feray la preface con-
 tenant les aduertiffemens propres à cecy ſur ce qui eſt du
 monde, & parties d'iceluy, quoy qu'au commencement on
 diroit que ie vueille pourſuiure ceſte entrepriſe: mais ma pre-
 tente tendoit ailleurs, ainſi qu'auex peu veoir ſur les doubtes
 de la variété des mœurs des hommes de laquelle encor ie
 me ſuis paſſé aſſez legerement pour auoir affaire avec des
 Chreſtiens qui ſont modeſtement curieux, & curieusement
 modeſtes ſur les enqueſtes des ſecretz, & de Dieu, & de la
 nature. Auſſi ne preten-ie rien faire qui ne redōde à la gloi-
 re de celuy, qui eſt l'auteur de ma vie, conſeruateur de ce que
 ie ſuis, & le ſalut de mō ame, & qui ne ſerue au ſeruice de ſon
 eglise, de laquelle ie ſuis l'enfant tref-humble, & au contente-
 ment de ceux de ma nation, auſquelz il a ſi lōg temps que ie
 raſche de complaire au pris de ma ſanté, & ſans me ſoucier
 des frais que ie puis faire en m'employant de telle ſorte, &
 ſans aucun relasche. Et quel plus grand bien me peult-il ad-
 uenir que de glorifier mon Dieu en ſon Eglise de ſeruir mon
 Roy, en gratifiant à ſa nobleſſe, de laquelle ie me ſçay eſtre le
 bien voulu & ſuporté, & d'eſtre celuy que chaſcun loüe pour
 eſtre touſiours en action, & non iamais oiſif, pour l'ornement
 de ſon nom, & ſeruice de la republique de France? A vous
 donc François, eſt-ce que ie cōſacre mes trauaux, i'açoit que

P R E F A C E.

aucuns seigneurs soyét esleuz pour estre les tuteurs de la minorité de mes escritz, l'ëfance desquelz fest ioüée sur des subiets assez folastres, mais d'icy en auant ilz vous osent promettre mieux : & ayans visité Boëfme, traduit ce qui y estoit à traduire, & retrenché les superfluitez, nous y auons aussi fait vn tel accroist, que ce n'est plus luy qui parle, ains Belleforest, qui à parfait ce que ce bon homme n'auoit que seulement craïonné : me faisant, fort que si Dieu me fait la grace de viure guere longuement, ie vous donneray l'entier accomplissement de ce qui pourroit manquer en cest œuvre. Pour à quoy paruenir, ie vous prie de m'ayder, & par voz prieres à nostre Dieu, sans lequel nous n'auons moyen de rien ny faire, ny promettre, & par voz moyens, & aduertissements, affin que la peine d'vn soit illustrée, & soulagée avec la charité de plusieurs amoureux de leur païs, & les vrayes nourrissons de la France. A Dieu.








L'HISTOIRE VNI- VERSELLE DV MONDE,

CONTENANT LA DESCRI-
ption & situation des quatre parties de la Terre, l'origine
& particulieres mœurs, loix, ceremonies, & coustumes de
toutes les nations & peuples y habitans, diuisée en quatre
liures.

DESCRIPTION DE L'AFRIQUE LIVRE PREMIER.

DE L'ORIGINE ET CREATION
de l'Homme, selon la vraye opinion des Theologiens. Chap. I.



PRES que Dieu eust en cinq iours fait & creé le Ciel, & la face admirable de tout cest vniuers, lequel à cause de son lustre, ornement, beauté, & perfection est appellé monde, & que sa maiesté eust fait tout ce qui est compris & enclos en la rondeur vniuerselle de ce corps accomply : au sixiesme iour il forma l'homme le plus noble animal qui soit, & lequel seul sur tout ce qui est ça bas a eu pour sort & partage vn esprit, & ame celeste, & participant de la diuinité, afin que cest homme presidast sur les choses créées, & iouïst d'icelles pour ses necessitez & vsages. Or d'autant que cest homme auoit esté composé de la terre ayant sa couleur & veine coulourée & rougeastre, il fut nommé Adam: apres la creation duquel Dieu tira la femme d'une des costes d'iceluy assoupy de sommeil, afin qu'il ne vesquist point seul, & luy donna pour compaignie & espouse: les conduisant tous deux en vne partie de la terre tres-plaisante & agreable, & arrousee de tous costez de fleues & eaux courantes, qui rendoient ce lieu second & plein de delices, qui fut cause qu'estant ainsi tousiours verdoyant, & d'un regard donnant contentement aux yeux, on luy donna le nom de Paradis, qui est mot

A

Genese 1.

Philon Iuis liure de
la saculture du monde.

Ouid. 1. Metamorp.
La lance liure de
l'œuvre de Dieu. c. 2.

Josephe antiquit. lin.
1. chap. 1.

De la creation de la
femme, voy Platon
en son banquet, &
Ensebe prepar. enig.
liur. 12. chap. 1.

Paradis terrestre lieu
de delices, voy Philo

LIVRE PREMIER

*livr. 1. des allegories
de la loy.*

*La terre maudite, &
pourquoy.*

*La corruptiō de l'hō-
me vint de la multi-
tude.*

*Mespris du ciel dès
le premier aage.*

*L'Arche de Noé
figure de l'aduenir.*

*Division & partage
de la terre par Noé.*

*L'Arabie heureuse
dite aussi Sabée.*

*Tuiscon d'où l'on esti-
me que s'appellent les
Indesques, Voy Be-
rose.*

*Tubal en Celtiberie
qui est celle partie de*

grec, signifiant verger plaisant & delicieux. La vie de ces deux dès le com-
mencement fut heureuse, & bien fortunée, n'estans suiets à mal, encom-
bre, ny danger aucun, la terre produisant de son bon gré, & sans qu'il la
fallust cultiuer toutes choses prouffitables à la vie. Mais dès qu'ils s'esga-
rerent outrepassans la loy, & commandement de leur Dieu & seigneur,
ils se veirent chassez de ce lieu tant agreable, & contrains, à leur grand
regret, de prendre ailleurs & giste, & demeure: C'est lors que la terre est
mauldite, & qu'elle cesse de produire volontairement, & pour ce fut l'hō-
me forcé de gagner sa vie avec grand' peine, ahanant & suant pour l'ac-
querir de quoy se nourrir, & alimenter: les maladies d'autre part entrerent
au monde affoiblissans ces corps, lesquels sentirent les rigueurs du froid,
& les brullâtes ardeurs de l'esté. Adam ainsi banny, eut de sa femme Caim
son aîné, & apres luy Abel & plusieurs autres: & ainsi croissant le monde,
& se multiplians les hommes, de tant plus le nombre deuenoit plus grād,
les vices aussi alloient s'enracinans avec plus de vehemence, & s'empir-
roit tellement la vie, & façons de faire des hommes dès ce premier aage,
que l'outrage & iniustice estoient accomptez à grand' vertu & innocen-
ce: & en lieu de pieté & reuerence enuers Dieu, on ne tenoit plus com-
pte de la diuinité: & alla ce mal'heur si auant, & la meschanceté prist vne
si longue estendue, que le tout-puissant (n'ayant trouué parmy l'infiny
nombre des hommes qu'un seul iuste appellé Noé, lequel pour cela il
voulut sauuer avec toute sa famille, affin qu'il y eust quelque reste pour re-
parer la race des hommes) enuoya le deluge: lequel arroufant la face vni-
uerselle de la terre, abisma & engloutist d'un coup tous les animaux con-
tenuz en icelle, voire iusqu'aux oiseaux qui s'esgayent en l'air, sauf quel-
que petit nombre qui furent conseruez & sauuez dans l'arche & nauire
qui portoit la figure des choses à venir. Le dixiesme mois apres, ceste
grand' inondation cessant, l'arche s'arresta sur les montaignes d'Armenie,
où Noé s'estant mis sur terre ferme, & ayant licencié tous les animaux, re-
para en peu de temps par l'aide & faueur de Dieu, les ruines & descheu-
te du genre humain ainsi aboly & mis à neant, si que la terre fut presque
toute peuplée de ses enfans & neueux qu'il enuoya comme en nouuelles
colonies & habitations par tous les coings & prouinces du monde. Il
enuoya (ainsi que dit Berose) Cam Esen en Egypte avec vne troupe d'hō-
mes pour y habiter, Tritame en Lybie, & Cyrene, & Iapet l'anciē surnomé
Atlas eut pour son sort le reste de l'Afrique. A Gange (à luy ioints les en-
fans de Gomer dit Gaulois) escheut l'Asie Orientale: A Sabe surnom-
mé le Porte-encens l'Arabie heureuse: & Arabe eut le gouvernement de
la deserte, & Petrée de la pierreuse: Chanaan eust son partage en la region
Damascene iusqu'aux confins, & derniers limites de Palestine: Et feit
Roy en Europe Tuiscon depuis le fleue de Tane iusqu'au Rhin, au-
quel se ioignirent tous les enfans d'Istre, & Mese avec leurs freres depuis
le mont Adule iusqu'en Mesembrie vers le Pont Euxin, ou mer Maiour,
sous l'Empire desquels vesquirent regnans Tir, Archadie, & Emathie en
Italie: Gomere Gaulois dit Samothès gouuernoit les Celtes, & Tubal eust
sa seigneurie en Espagne. Ce depart si soudain que feirent les enfans, for-

tans de la cōpaignie de leurs peres, desquels ils n'auoient point encor goûté, ny appris les mœurs, & sainteté de vie, fut cause de la diuersité des manieres, & façons de vie, & meſlange des polices qui depuis aduint par le monde. D'autant que Cham eſtant contraint de ſ'enfuir pour ſ'eſtre moqué de la nudité de ſon pere : ſe retira avec ſa femme & enfans en celle partie d'Arabie, qui depuis porta ſon nom, & n'ayant appris aucune forme de religio de ſon pere, il laiſſa auſſi ſes enfans, auſſi mal inſtruits qu'il eſtoit, & ſans leur donner autre cognoiſſance de la diuinité, que celle que nous auons (conduits par le propre inſtinct) de nature. D'où aduint que ceux de ceſte terre ſortans les vns apres les autres pour aller peupler d'autres pays & prouinces: (car la race maudite priſt vn grand & terrible accroiſſemēt) ſ'eſpandirēt en maints lieux de la terre, leſquels ſ'eſcoulans & tōbans en diuers (& non aiſez à diſſoudre) erreurs, le changemēt des langues aduint: La cognoiſſance d'vn Dieu, & celui vray & tout-puiſſant fut abolie, & ne ſe parla plus d'aucun exercice de religio & pieté: & en y eut qui deuindrent ſi rudes, groſſiers & barbares, leſquels, ainſi qu'entendrez, veſquirent ſi brutalement, qu'à grand peine ſçauoit-on mettre differēce entr'eux, & les beſtes brutes. Ceux qui ſe tenoient en Egypte, eſbahis du mouuement des clartez celeſtes, & ayans en admiratiō la beauté reſplendiſſante du Soleil & de la Lune, comme ſ'il euſt eu quelque diuinité en ces Aſtres, ils commēcerent à les honorer comme Dieux: l'vn ſous le nom d'Iſis, & à l'autre ſacrifiant ſous l'appellation d'Oſire: reuerans Iupiter comme l'eſprit qui nous viuifie, Iunon comme la region de l'air, Vulcan en lieu de feu, & Ceres faiſant la terre pour le quatrieſme des Elements: & en adorerēt pluſieurs autres, leur donnās diuers noms ſelon leurs tranſports & fantaſies. Or ne ſ'eſpandirent pas ſeulement ces tenebres par l'Egypte, ains toutes les prouinces, & regions poſſedées par les ſils, neueux, & deſcendant de Cham furent ofuſquées d'ignorance, & adonnées à vne infame ſeruitude d'idolatrie. Au reſte il n'y eut pays qui tant produit de peuple pour ſ'eſpandre par les autres nations que l'Arabie où Cham ſe tenoit avec ſes familles, & enfans: ſi grand malheur, & dommage apporta au genre humain le banniſſement ſi mal à propos de ceſt enfant deteſtable. Au contraire, la ſemence & race ſortant de Sem & Iaphet, ſuyuant la maniere de vie & ſainctes conſtitutions des anciens, ſe contentant de peu & ne ſe ſouciāt d'eſtendre tant ſes limites, ne vaga ainſi ny en tant de lieux que la lignée de l'enfant excommunié. Ce qui aduint, afin que le deſir de la verité, vraye pieté, & le ſeruice deu à vn ſeul, & vray Dieu demeuraſſent cachez parmy vne poignée de gens en vne ſeule nation iuſqu'à la venuē du Meſſie, & Sauueur de tout le monde.

Eſpaigne dite à preſent Aragon.

Faulte veoir Eroſe 1. liur. des deſlor.

Les meſchans multipliez plus que les bōs Voy Philon liure des Geans.

Commencement de l'idolatrie ē Egypte. Adorateur du Soleil, & de la Lune. Voy Philon liur. 1. de Monarch.

Iſis & Oſire Roys d'Egypte, Voy Denis Sicilien en ſes Antiquit. liur. 1. ch. 2.

Le Meſſie auoit eſlu la ſemence d'Abraham.

LIVRE PREMIER

De l'Origine de l'Homme selon la faulſe opinion des Gentils. Chap. 1.

*Voy de cecy Eusebe
prepar. Euang. liu. 1.
chap. 4.*



*Que le monde soit in
corruptible les Plato-
nistes le tiennent, Et
Philon Iuis en a fait
un liure.*

*Ce qui est leger tend
en hault, & le pesant
est poussé en bas.*

Voy Ouid. l. Meta.

*Opinion sur la source
& generation des a-
nimaux.*

*Tout cecy est pris de
Diodore Sicil liur.
d' Antiquit. l. ch. 1.*

Les Philosophes qui sans auoir la vraye cognoissance de Dieu, & contre la verité se sont meslez plusieurs siecles auant nous, d'escrire, & traiter de la nature, & histoires de toutes choses, ont eu vn autre, & bié diuerſe opinion de l'origine, & commencement de l'homme, que celle des Theologiens. Car les aucuns ont dit que le monde n'auoit point esté fait, & qu'il estoit eternal, & incorruptible, & que de tout temps l'humain lignage estoit en estre, & n'auoit onc eu commencement de sa naissance & origine. D'autres (ayans meilleure opiniõ) ont estimé le mode auoir esté fait & engédre, & qu'il est corruptible, & que l'homme a commencement, & a pris estre en temps & saison, & source pour sortir quelquefois en lumiere. Entant que, & le ciel & la terre auoient dès le commencement vne certaine idée meslée avec leur nature, de laquelle les corps estans separez de leur liaison & masse confuse, le monde auroit pris & receu ceste perfection & beauté que nous y voyons: si que l'air ayant eu pour son partage ce mouuement continuel qui l'accompagne, le feu, à cause de sa legereté, a pris les lieux haults pour sa demeure: & par mesme le soleil, & le reste des Astres, ont obtenu & choisy leur cours naturel & ordinaire: là où ce qui est meslangé d'humeurs, s'est, à cause de sa pesanteur, arresté en vne place, tellement que de ces choses ainsi meslées de l'humide la mer a eu sa source: & de ce qui est dur & grossier, la terre fut composée, & boüeuse & molle, pour la participation de l'humeur. Mais le soleil y espendant ses rays, & l'eschauffant avec son ardeur, elle s'espeussist & deuint plus ferme: & la superficie d'icelle s'enflant par la viue force de telle chaleur, on voit en plusieurs lieux vn amas caillé d'humeurs, lesquelles se sont engendrées certaines pourritures, & corruptions, couuertes d'une simple peau & come fort tendre crouste de terre: ainsi qu'on voit aduenir es marez d'Egypte, & es estangs & paluz, lors qu'une soudaine ardeur du soleil, les vint eschauffer, & saisir. Ainsi la chaleur meslée avec ce qui est humide, s'enfuit la generation des animaux, entant que la nuit l'air s'espendant & entourant ces lieux, humecte la terre, laquelle durant le iour est consolidée par la force & vigueur du soleil: En fin la corruption de ces choses putrescées ayant ataint la perfection, & escheant comme le temps de leur part & enfantement, ces croustes & peaux superficielles se creuans, & estans ostées, elles engédrent & produisent tout genre & espeece diuerſes d'animaux: d'entre lesquels ceux qui ont receu le plus de la nature du feu & chaleur deuiennēt oiseaux, & s'en volās, ont l'air & les hautes parties pour fort & heritage: mais les plus grossiers, & qui participoient le plus de la terre, ont esté faits serpens, & autres choses terrestres, & animaux de toutes sortes, & diuers, & en forme, & en grandeur. Ceux qui estoient de nature aqueuse, & ressentans du tout l'humeur, eurent pour domicile l'element de l'eau, & furent appelez poissons. La terre apres cecy, soit que l'ardeur du soleil en fut cause, ou l'effort des

vents, sechant & deuenant de iour à autre plus dure & massiue, cessa de produire & engendrer les plus grands & corpulents d'entre les animaux : & fallut que ceux qui estoient produits de la premiere engeance de la nature, en feissent & engendrassent d'autres s'entremessans & couplans ordinairement ensemble les masses avec leur femelles. Ces sages mesmes tiennent & disent, que les hommes furent engendrez dès le commencement, cerchans leur vie & pasture aux champs, vñs vn viure sauuage & rustique, se contentans de ce que les herbes, & arbres leur fournissent pour nourriture. Aufquels comme les bestes furieuses feissent des assauts, & les endommageassent cōtraincts de telle necessité, & pour resister à tel effort commencerent à s'assembler, & s'entr'ayder en leurs affaires, & en fin faire & bastir des maisons pour se tenir ensemble : & estant leur parole confuse, & sans qu'ils peussent s'entr'entēdre, peu à peu ils formerent leurs voix, & rendirent articulées, & intelligibles leurs paroles, donnans à chacune chose son propre nom & vocable. Mais comme le nombre estant multiplié ils se fussent separez, & habitassent en diuers lieux de la terre, esloignez les vñs des autres, ce fut lors, que on dit, que aduint le changement de leur langage, qui fut cause que par ce moyē furent aussi inuentez diuers caracteres de lettres pour escrire. Et de chacune des premieres assemblées des hommes ont pris source toutes les nations, & peuples de la terre. Or ceux qui premierement habiterent la terre, n'ayant secours aucun de personne, viuoyent fort pauurement, n'ayans encor l'esprit n'y industrie de ferrer les fruiets, & les garder pour en subuenir à leur necessité : d'où aduenoit que plusieurs durant les rigueurs de l'hüuer en defailloyent de faim, ou mouroyent transis par la vehemence des froidures : Mais l'experience les ayant rendus sages ils cercherent des Grottesques & cauernes, pour s'y retirer durāt le froid, & y garder dequoy se sustenter au temps que la terre cessoit de produire. Ce pendant le feu vint à leur cognoissance, & inuenterent toutes choses proufitables & qui seruoient pour la commodité & vñsage des hommes : En somme la necessité seruant de maistre, & instructeur aux hommes, les instruiet & incita à l'inuention & sçauoir de tout ce qui est necessaire pour la vie, ayans pour secours & instruments les mains, la parole, & la gentillesse gaillarde de leurs esprits. Or ceux qui, laissans la diuine prouidence, comme la cause premiere qui a produit toute chose, ayāt estimē telle estre l'origine de l'homme, ont tenu aussi, que les Ethiopiens furent les premiers d'entre les hommes, prenans leur raison de ceste coniecture : que lors que la terre estoit boueuse, & molle auant que le soleil l'eschauffant elle se fust endurcie, la terre Æthiopienne estant la plus proche & voisine du Leuant, fut aussi premierement reschauffée : d'où s'ensuiuit que de ceste premiere temperature & meslange biē ageancé du chault, & de l'humide l'homme fut engendré, lequel se plaissant en la terre, où il auoit pris sa naissance, ayma mieux s'y tenir que de chercher nouuelle demeure, estāt encor toutes choses incogneues. Or ayans vn peu discouru sur le païs d'Afrique, qui est l'vne des quatre principales parties de la terre, ainsi que auōs fait la diuision de nostre liure, nous deduirons puis apres l'assiette premierement de l'E-

*Vie grossiere & sau-
uage des premiers hom-
mes.
Orose refuse tout ce-
cy. liu. 1. chap. 1.*

*D'où vint la diuer-
sité des langues.*

*De ces choses comme
elles furent inuentees
voy Polydore au li-
ure qu'il a fait sur ce
propos.*

*Les Egyptiēs auoyēt
mesme opinion, que
l'homme estoit pre-
mieremēt sorty d'E-
gypte. Voy Eusebe
prepar. Euang. liur.
2. chap. 1.*

LIVRE PREMIER

thiopie & les mœurs du peuple habitant en icelle sans oublier les regions, nations & gens qui vivent en elle diuerfement & deschifrant le tout chacun en son ranc, & avec vn singulier ordre.

Du firplan, & diuision de la terre. Chapit. 3.

Orose liu. 1. chap. 2.



VYVANT la sentence d'Orose, noz predecesseurs ont figuré le monde terrestre estre entouré par l'Océan en figure trigonaire, ou Triangulaire, & dequoy ils ont fait trois parties, à sçauoir l'Afrique, Asie, & Europe. Or est le Nil (fleuve tant renommé) celuy qui separe l'Afrique d'avec l'Asie, lequel vers les parties australes arrouse le pais Ethiopien, duquel aussi

Grand estendue du Nil, courant des fins d'Ethiopie iusque en la mer Méditerranée. Strabon. liu. 17. Pompo. Mel. liur. 1. Plin. liu. 5 chap. 9.

il sort & y prend source : puis faisant sa course vers le North laue le pays Egyptien le foisonnant par ce gras arrousement d'une esmerueillable fertilité. En fin se va lancer entre les bras de Thetis, s'engoulphât en mer par sept bouches. L'Europe est bornée par la mer mediterrannée les diuisant & separant de l'Océan occidéal pres l'isle des Gades ou Calitsau destroit de Gibraltar & colônes d'Hercule, où la mer fait ouuerture des terres, & entre en cest Océan faisant ceste diuision par l'espace d'environ quatre

Où à present est le destroit de Gibraltar fut iadis terre ferme, voy Aristote liu. 2. des Meteores Pêpo. Mele liur. 1.

petites lieues qui font dix mille d'Italie : car telle en fait la description Pomponie Mele, en sa Geographie, tenant que cela fut iadis terre ferme, mais que la vehemence de la mer engloutissant cest espace de terre, causa la diuision de l'Afrique, & Europe. Laquelle Europe est encor separée de l'Asie par le fleuve Tanais, à present nommé le Tane, lequel venant des parties gelées de Septentrion s'ecoule dans la mer maiour & Paluz Meotides du costé où est maintenant assise la cité magnifique de Capha, iadis

Capha cité iadis des Geneuoys, les Turcs, la possèdent.

Il y en a qui sôt tout l'Egypte Africain, cōtre l'opiniō de tous les Geographes.

Estendue, & limites du pays d'Afrique.

Magasin des Geneuois, & lequel fleuve, ioint à la mer maiour, separe le reste de l'Asie du continent de l'Europe. L'Afrique estant bornée & limitée du costé du Leuant par la riuere du Nil, de toutes les autres parts la mer luy sert de termes & limites : elle est plus briefue & estroite qu'Europe vers terre ferme, mais beaucoup plus large, & de plus grande estendue lors qu'elle s'espand es embrassemens de l'Océan soit vers le couchât, ou regardant les parties Australes : tellement que d'un costé estant montueuse, elle va en s'abaissant, & courbant lors qu'elle aduise l'occident, croissant petit à petit en prominance sur le milieu, & sur la fin tirant au

Cap de bonne esperance incogneu des anciens.

Afrique pays fort desert, & pourquoy.

Des bestes cruelles qui sont en Egypte. Voy Solin chap. 30.

midy elle est estrangement estroite vers le promôtoire nommé Lyon de mer, & par d'autres le cap de bonne esperance. En ce que ce pais est habité c'est des plus fertils de la terre, mais la plus part est desert, ou à cause des sablons & areines seches, & sans aucune humidité, ou pour les inclemences du Ciel qui le fait sans habitation quelconque : ou, qui est le plus vray-semblable, à cause de la grand multitude des animaux cruelz, farouches, & sauages qui y repairent. La mer qui l'enceint du costé du Nord s'appelle Lybique, vers l'occident Atlantique & vers le midy Ethiopique. Or l'Afrique sur le commencement (ainsi que tesmoigne Herodote) n'estoit habitée que de quatre peuples & nations, deux desquelles estoient

nés au pays, & les autres estrangères: les naturels estoient les Penes, & Ethiopiens, l'un desquels se tenoit es parties occidentales d'Afrique, & les autres auoyent leur habitation vers le midy: les estrangers estoient les Phenissiens, qui y passerent avec Didon, & les Grecs plus anciens avec Hercule, & depuis en la compagnie d'Ulysse. Les plus anciens d'entre eux sont les Ethiopiens & Egyptiens, si est vray, ce qu'ils disent de leurs ancestres, lesquels estoient iadis fiers, grossiers, & rustiques, viuans de chair de sauuagine & d'herbes tout ainsi que les bestes brutes, sans vser de loy quelconque, de religion, ciuilité, n'y ayans aucune police, ou magistrat qui les gouuernast, & conduit: vagabons, & errans çà, & là, & se posans, & arrestans au premier lieu qui leur venoit en fantasie, comme ceux qui n'auoyent maison ny retraite propre & ordonnée pour leur demeure. Mais Hercules le grand y estant arriué, les apriuoisa, & redit plus courtois & ciuilez, y ayant conduit quelques troupes estrangères pour y habiter sur ces naues qui passerent en Libye: lesquels dresserent des cases, & maisonnettes rustiques, & commencerent de s'assembler & habiter par troupes & familles ensemble: mais nous parlerons par cy apres plus amplement de ces choses. L'Afrique n'est par tout habitée, d'autant que vers le midy elle est pour la plus part deserte à cause des chaleurs excessiues, & ardeurs du soleil: mais du costé que elle regarde l'Europe, elle est fort peuplée & fréquentée: la fertilité y est si grande que elle en semble & monstrueuse, & incroyable, veu que les moissons rédent telle vsure aux laboureurs qui semant vn grain leur en fait portée de cent, & d'auantage. C'est chose merueilleuse ce que on dit de la gresse du pays de Mauritanie, que il y a des vignes, le tronc, & cep desquelles deux hommes ne scauroyent embrasser, les raisins desquelles auoyent vne coudée de longueur: que il y a des chardons, fenoil & autres telles herbes le bout & pomme desquelles estoient de douze coudées, ayant le tuyau si gros, & espais que les nœuds pourroyent tenir pres de huit caques, & barilz. On y voit des Asperges d'une insigne & incroyable grandeur & grosses à l'equipollent: Et vers le mont Atlas, il y a des arbres d'une hauteur excessiue & merueilleuse, lesquels sont sans aucun nœud, & ont la mesme odeur & soeuété que la feuille du Ciprés: mais sur tous les arbres le Citrier est le plus noble & excellent, & lequel iadis fut fort prisé entre les Romains, qui en faisoient faire leurs tables, sieges & couchettes. L'Afrique est nourrice & mere de plusieurs Bestes, comme sont Elefans, & dragons, lesquels ont guerre avec les bestes plus farouches & tuent les lions, buffles, pardes, cheures, & singes les entortillant de leurs queües, & infectant de leur venin, & est ce pays abondant en tout ce genre d'animaux furieux, sauuages, & dâgereux, il y a des Camelopards, & Rhises, tout semblables à thoreaux. Herodote tiét que il y naist des afnes cornus, des Dragons, Hienes, Histres, moutons sauuages, Thoez engendrées d'un loup, & d'une Hiene, des Pâtheres, Cigoines, Papegaux, Austruches, & en oultre grand quantité de serpentz, comme Cerastes, Aspics, & autres fort venimeux pour la ruine desquels, au secours & proufit du gère humain la nature à produit vne petite bestelette nommée Icneumon laquelle les assaillant en fait belle despêche.

Herodote liur. 4.

Voy Diodore Sicil. liur. 1. de Antiq.

Barbarie des anciens Africains.

C'est Hercules fut surnommé Lybien sorty d'Egypte, & non des Grecs. Voy Berosse & Diodore Sicil. au 1. des antiquitez.

Grande fertilité d'Egypte. C'est à semblé à plusieurs ieroyable, mais le fait & experience le monstre veritable.

Arbres sans nœud au mont Atlas. Ces Citriers ne sont ceux qui portent des Citrons. Voy Dioscorid. liur. 1. chap. 136. Et Pline. liur. 13.

Des bestes d'Afrique. Voy Pline & son singe Solin.

LIVRE PREMIER

De l'Ethiopie, & mœurs du peuple qui iadis y habitoient. Chapitre 4.

Ceste diuision d'E-
thiopie est prise du 1.
liure de Strabon.

Que l'Ethiopie s'a-
pelle à present Indie,
l'auteur l'a songé,
veu le grand trait de
mer que il y a d'E-
thiopie aux Indes.
Pline liure 6. ch. 30.



Ce sont les songes de
iadis de ceux qui en-
cor n'auoyent penetré
si auant.

Voy Diodore Sicil.
liu. 4. des antiq. ch. 1.
Ceste cy est l'opinion
d'Homere en son I-
liade.

Ce sont les lettres que
on nomme Hierogly-
phiques.

De ces lettres voy
Ore Apollon &
Pierie en ses Hier-
oglyphiques.

Grande obeissance
faicte au Roy d'E-
thiopie.

L'ETHIOPIE est cōsiderée diuerſement entāt que elle est & en Aſie, & en Afrique: l'vne deſquelles, & qui à present ſ'appelle Indie, eſt vers l'Orient ar-rouſſée de la mer rouge, & ſein d'Arabie, ſ'auoiſināt vers le ſeptentrion d'Egipte, & de Libye, & à ſoleil couchant elle eſt bornée de la haute Libye: & du coſtē auſtral elle cōfine avec l'autre Ethiopie qu'on nomme & haute, & auſtrale: ainſi ditte d'Ethiops fils de Vulcan, qui cōme dit Pline, en a eſtē le Roy des premiers: ou bien du mot Grec *ἄϊψω*, qui ſignifie ie bruſle, & *ἄϊψ*, qui emporte autant que regard, & veuē, à cauſe que pour le voiſinage du ſoleil, celle terre eſt aduſte, & bruſſée, y faiſant grand chaleur ordinairement. Tout ce qui eſt d'Ethiopie, giſt ſouz la ligne meridionale, eſtant le païs fort montaigieux vers l'Occident, ſablōneux au milieu, ſi comme en la Nubie & deſert tirant à ſoleil leuant: & tient on que les hommes en diuers lieux y ſont diſformes, & d'vne figure mōſtrucueſe & horrible à regarder. Ce peuple eſt le plus ancien de tous les hommes, aumoins tels eſtimez par les hitoriēs du temps iadis, & ſont vraiment naturels du païs, comme ceux qui iamais ne furent domptez, & qui touſiours ſe ſont maintenuz en libertē, & n'ont onc recogneu prince eſtranger quelcōque: & tiennent encor que les Ethiopiens ont eſtē les premiers qui ont honorez les Dieux, & leur ont fait des autelz, tēples, & ſacrifices, & les premieres ceremonies qui iamais furent inſtituēes. Ils auoient iadis deux ſortes de lettres, les vnes apellēes ſacres, cogneuēs ſeulement des preſtres, & les autres pour le vulgaire: neantmoins leurs lettres ne furent telles qu'on en peut former & ioindre des ſyllabes, ains ſignifioient les deſſeins de leur eſprit, paignant des beſtes, & les parties, & extremitez des corps humains, & diuers outils ſ'y raportās, pris de diuers artiſans: & n'y a effigie qui n'ait ſa propre & peculiere ſignifiāce, comme l'Autour ayant en ſoy le ſigne de haſtiue diligence, le Crocodile de malice, la figure de l'œil ſignifie fidelle garde, & ainſi des autres. Celuy d'entre les preſtres qu'ils aperceuoient eſtre transportē de fureur, eſpris de rage, & manacle, c'eſtoit à luy qu'ils faiſoient le plus d'hōneur, & l'auoyēt en opinion d'vne treſgrande ſaintetē: De ceſtui-cy ils en faiſoient iadis leur roy: & cōme ſil auoit en ſoy quelque diuinitē, ou que pour le moins cela leur ſoit donē par la diuine prouidēce, ils l'adoroyēt: & failloit qu'il veſquiſt ſelon les loix du païs, & ne trāſgreſſaſt en riē les couſtumes & fa-çōs de faire des anceſtres. Il ne faiēt mourir perſonne: ains ſi quelcū à meritē la mort & qu'il vueille que la punition en ſoit faite, il ne fait que luy enuoyer vn ſergent & huiffier de ſa maiſon, lequel dez que le criminel aperçoit, il ſ'en va chez ſoy & ſ'occide de ſoy-meſme. Or portoyent ils tant d'honneur, & reſpectoient tellement leur Roy, que ſi le Prince ſe ſentoit mal de quelque partie que ce fuſt de ſon corps, les courtiſans & ſuyuants ſa court ſe bleçoyent en la meſme partie, eſtimant choſe fort indigne que le Roy eſtant ou borgne ou boiteux, ſes amys & officiers fuſſent ſains ēs membres

membres offence & alterez au corps de leur chef. On tient encore que ceux qui sont les plus chers & fauoris des Roys, lors que leurs princes meurent, pour tesmoigner de la fidelle & loyalle affection qu'ils luy ont portée, ne font conscience de l'occir estimant que ceste fin & attestation soit la plus grand gloire & honneur qui leur puisse aduenir. Quelques vns d'entreux pour estre voisins des ardeurs du soleil vont tout nudz, sauf qu'ils couurent leurs parties honteuses avec des queues de moutons, & les autres vont vestuz de peaux de bestes à tout le poil & laine, d'autres se couurent la moitié du corps avec leurs cheueux entrelacez de quelques bandeaux & cordeles, & tous s'adonnent ordinairement au pasturage, & sont leur bestes fort petites, & qui ont leur toison, & dure, velue, & fort espaisse. Les chiens qui les gardent ne surpassent guere en grandeur le bestail, mais ils sont hardis & forts, & qui attaquent courageusement ceux qui aprochent de la bergerie. Le grain qui est le plus en vlage, est l'orge, & le millet, duquel aussi ils font leur breuuage, n'ayans d'autres fruits si ce n'est des dattes des Palmiers, & de ce n'ont encor en grand abondance: si que plusieurs sont contrains de viure d'herbes, & des plus tendres racines des Cânes & Roseaux, de chair, lait & fourmage. Iadis Meroë fut la Metropolitaine, & chef de tout le royaume, assise en vne Isle sur le Nil ayant trois mille stades de grandeur, & faite en forme d'un bouclier & rondelle en sa figure. Les habitans sont en partie pasteurs, lesquels viuent le plus souuent de la chasse, & les autres labourers lesquels ont de belles & riches mines d'or, tellement qu'Herodote recite, que lors que Cambise fils de Cire, Roy Persan enuoya ses messagers en Ethiopie, ils veirent comme les criminels estoient liez de chesnes d'or, aussi les Macrobes Ethiopiens faisoient iadis plus de compte de l'erain que de l'or mesme, tant ils estoient grossiers, & rudes, n'ayans cognoissance de ce qu'a present ils cherissent autant que nation qui viue sur terre. On seme en ce pais là du Sesame, lothe, & autres fruits & ont grand quantité du boys d'ebene, & du Siliquastre qui ressemble au goust de poiure, lequel ne croist point en Ethiopie: on y chasse les Elephans, & les mangent: Le pais abonde en Lyons, Rhinoceros, Basilicz, ou cocqz royaux, Pardz & Dragons lesquels enuelopās & entortillans leur queue à des Elephans s'en rassasient & les font mourir en sucçant leur sang: & se trouue encor en ceste region la pierre nommée Hyacinthe, qui raporte fort à l'Amethyste, mais n'est si pure ny precieuse, ayant aussi moins de couleurs, & le Crysopepse pierre aussi fort singuliere est de la semence de celle province, en laquelle aussi on recueille le Cinnamome, ou Cannelle. Ils portent en guerre des grans arcz ayants quatre coudées & bruslez par les bouts, instruisans leurs femmes à la guerre, la plus part desquelles se pertuisans les leures y portent un aneau d'erain comme chose galante & honorable. Ils honoroient iadis le soleil leuant, & maudissoient avec une infinité d'imprecations le mesme astre lors qu'il se couche & absconce de nous. Quand à leur sepulture il y en auoit qui gettoient les corps deffuntz dans les riuieres, les autres les mettoient en des vases de terre, ou de voirre, les tenans & gardans un an entier en leurs maisons, ou ce temps durant ils leur faisoient un grand honneur &

Cela s'observe encor en plusieurs lieux des Indes orientales.

Meroë isle dans le Nil, ou est la cité iadis chef du royaume Ethiopien. Herodot. liur. 2. Strabon liur 17. Diodor Sic liur. 1. des antiq.

Macrobes Ethiopiens ainsi nommez de la longueur de leur li. Voy Plin liure 6. Mele liur. 3. & Solin chap 33. Sesame est du fument Indien Siliquastre est nommé aussi Piperitis. voy Plin liur. 10. chap. 17.

Hyacinthe pierre precieuse, voy Plin liur. 37. cha. 9. Crysopepse, signifie or verdoyant, à cause de la couleur de ceste gemme. Sorte Religio des Ethiopiens iadis, mais autāt en pl^e celle des Guinéens à present, qui châtent tous les matins de Dieu.

LLVRE PREMIER

*Cecy est referé aux
Macrobie par
Herodote liur. 3.
Diodor. Sic. liur.
4. ne spécifie l'un
pays plus que l'autre.*

*Sauuage autorité,
des Pôitises gétilz
en Ethiopie.*

*Sabellique en ses
Raph.*

*Ainsi l'interprete
Hoez. Portu-
gais, au liure qu'il
a fait sur la reli-
giô des Ethiopiens.
Voyl'histoire d'E-
thiopie de Dom
d'Aluarez.*

*Tous les Euesques
Ethiopiens ont la
croix qui les pre-
cede.*

*Mariage permis
aux Prestres en
Ethiopie.*

*Je m'estonne que
l'auteur parla icy
des Iacobins, &
Augustins, veu
que les Ethiopiens
ne cognoissant pas
vn de noz saints
(q's les Apostres,
& S. George) S.
Anthoine, & S.
Macaire, qui su-
rēt Egyptiens, &
tens les deux der-
niers.*

reuerence, & leur offrant les premiers de tous leurs fruitz. Aucuns tiennēt que les Ethiopiens eslisoyent principalement & sur tous celuy pour leur Roy qui estoit le plus beau & mieux formé & proportionné de membres, & le plus expert & sçauant au pasturage & nourriture des bestes. Or ce Roy estoit si suiet que toutes les fois que les prestres luy commandoient de se faire mourir, il faillloit obeïr: lesquels aussi auoyent l'autorité d'en eslire vn autre en sa place: ainsi que les Prestres de Memphis en vsoient pareillement enuers les Roys d'Egipte. Ils receuoient l'opinion qu'il y auoit deux dieux. L'vn immortel, auteur & Prince de tout cest vniuers, & l'autre mortel, instable & sans aucune certitude: & faisoient leur Roy (ainsi que dir est) celuy qui estoit le meilleur, & l'honoroient comme vn Dieu, ne faisans pas moins à celuy qui auoit fait quelque bien au public, qu'ils prisoient & veneroient apres le Roy, sur tous autres. Telle fut dès le commencement & dès plusieurs aages, & siecles la maniere de viure & l'estat des Ethiopiens, telle leur race, coustumes, loix, mœurs & Ceremonies. Mais à present (ainsi que Sabellique le racompte, & duquel j'ay tiré tout ce qui s'ensuit, lequel se vante le tenir de ceux mesme du païs Ethiopien.) Le Roy d'Ethiopie (que les Européens chrestiens appellent Pretelean, comme qui diroit Roy puissant, veu que Giam signifie precieux & excellent) est si riche, grand terrien & redoutable qu'on tient qu'il a soixante deux Roys portans couronne qui luy font hommage, & payent tribut annuel de diuerses especes de richesses, & marchandises, & sur tout de cheuaux, à cause que le païs d'Ethiopie n'est guere abundant en ceste race d'Animaux, en lieu desquels on se sert de Bœufs, & Mulets. Les collations de toutes Eueschez & Abbayes sont au roy, & est à luy à donner toute sorte de benefices, ainsi que le Pape en permet en l'Eglise Romaine, & dispense l'vsage à noz Princes: & neantmoins ce Roy Ethiopien n'est ny prestre ny ayat receu aucune promotiō de clericature. Il y a grād & presque vn infiny nombre d'Archeuesques, chacun desquels a pour le moins vingt Euesques souz son obeïssance. Et lors que le Roy, Princes, & chefs de l'Eglise marchent en public on porte la croix, & vn vase d'or réply de la terre, lequel les admoneste à se souuenir qu'ilz sont mortelz, tout ainsi que la croix leur remet en memoire la passion de nostre seigneur, & fauueur Iesuchrist. Les prestres se mariēt pour auoir lignée, mais leur femme defaillant il leur est interdit de voler à secondes nopces. Les temples dediez à Dieu & à ses saints sont fort grāds & beaucoup plus somptueux riches, & magnifiques que les nostres, & lesquels pour le plus sont faicts & elaborez fort subtilement en voulte: Il y a grand diuersité de moynes souz le nom, & profession de saint Anthoine, & saint Macaire, qui n'ont aucun habit, ny couleur qui les separe ou face recognoistre de quel ordre ils se reclament apres Dieu, & la glorieuse vierge Marie mere de Dieu: ilz honorent sur tous autres saint Thomas l'Apostre, comme celuy qui a planté l'Euangile en leurs contrées: & ont en opinion que leur Roy est sorty de la race, & famille de Dauid, ayant duré ce sang de pere en filz par tant de siecles iusqu'à present: dès lors que la Royne de Saba vint voir Salomon, & ouyr sa sapience duquel s'accointant: ils tiennent que elle s'en

retourna enceinte de son faict, & acointance. Or n'est point noir le Roy, (comme plusieurs estiment) ains assez blanc & d'une couleur plombée, & tirant sur l'oliue. La cité principale & chef du pais s'appelle Garamé, laquelle n'est ny murée, n'y fortifiée de terrasse, ou bastions, ains seulement de tentes dressées, lesquelles sont closes de rideaux, & tapis faicts de soye, tissus de lin fort subtil, & delié & de pourpre, & cecy à cause qu'il est ordonné par vne loy fort ancienne que le Roy ne se tienne point enfermé plus de deux iours, mais plustost que il se monstre à ses subiects : ou peut estre que ilz trouuent mauuais, & malscant ceste mollesse & effemination en leurs Princes: ou (qui est le plus vray-semblable & que l'auteur a oublié) à cause que si le Roy s'arrestoit longuement en vn lieu, il y souffriroit de grandes incommoditez de viures, veu le nombre infiny de seigneurs, officiers, & peuple qui sont à la suite de sa court, veu qu'il mene ordinairement, si l'y a bruit de guerre, plus d'un million d'hommes, cinq cens Elephans, & vne infinité de Chameaux, & de cheuaux, & ce au moindre mot que il se fait de trouble : mais le train commun est de plus de cent mille personnes lors que le Roy marche: Or y a-il parmy l'Ethiopie des soldats & officiers choisis de toutes parts, qui sont aux gages du Roy & lesquels sont marquez legerement sur la peau de la Croix, avec vn cautere & fer tout chault, ainsi que nous en faisons par deça aux cheuaux, qui a esté cause que aucuns ont estimé que en Ethiopie ce fut ce seul signe qui seruiſt de Baptême. Allans en guerre, ils imitent leurs ancestres vians de l'arc, & ont encor des piques, & halebardes, des corseletz, & morions qui sont & offensives, & defensives. Le premier ranc de dignité, & le plus hault des estats sont les Euesques & clergé, les sages & sçauantz qu'ils nōment Balsamates, & Tenquates, marchent apres, & la noblesse tient le troisieme ranc & ordre : & en tous celuy est le plus honoré, lequel excelle & surpasse les autres en vertu, purité & integrité de vie, à cause que telles actiōs leur sont pour premier & principal degré de sapience, ou sagesse : & les derniers sont ceux qui reçoient soule en quelque estat qu'ils soyent appelez, Les iuges quoy que cognoissent des crimes de mort, si est-ce qu'il fault faire leur rapport au gouuerneur & preuost de la cité où ilz demeurent, lequel ilz nomment Lycomege, & est celuy qui porte & le tiltre & l'effait de lieutenant du Roy, & representant sa personne. Ils n'ont Loy quelcōque par escrit, ains tout est voidé selon droit & equité: si l'y a quelque femme accusée d'adultere, ceux-là en font la punition à qui le fait en touche & qui s'en ressentent, comme interessez en leur reputation. Les hommes assignent douaire à celles qu'ils veulent espouser sans que ils s'acointent par mariage aux estrangeres: & sont les meubles, & ioyaux des espousées, de l'or, perles, & draps de soye dequoy ce peuple a fort grand abondance. Les accoustrements tant des hommes que des femmes sont faicts esgaulx allant iusqu'au pied, avec des mâches & sans aucune ouuerture ny sans que on aduise de quelle couleur, si ce n'est que on n'y vse iamais du noir que lors qu'on porte le dueil, leur estant ceste couleur vn grand signe de tristesse : & pleurent leurs morts par l'espace de quarante iours. Lors qu'ils font quelque grand festin & banquet somptueux, le se-

Voy Alvarez, & son histoire d'Ethiopie.

Puissance incroyable du roy Ethio-pien.

En quoy se sont trompez ceux qui pensent qu'en Ethiopie le feu ser-ue de Baptême.

L'ordre des estatz en Ethiopie est tout autrement des-crie par Alvarez.

Les hommes font douaire aux femmes en Ethiopie.

LIVRE PREMIER

Alvarez dit en son Ethiopie que il en a ven servir au Pretelean, un iour de grād feste. Ethiopiens vsent de lettres Arabiques.

Comme l'on traite les Princes du sang en Ethiopie.

Toute l'Ethiopie n'est esgalle en temperature.

Mores en Egypte Et par tout l'orient. Sarraïns pilleurs de tout le monde: Et qui ont alteré tous les estatx, & royaumes, cōmençans dès l'a de grace 637. iusqu'à ce que les Turcs les aneantirēt du tēps de Noradi Et Saladin, qui fut environ l'an de grace 1182.

Strabon appelle Egypte region d'Asie premiere partie d'icelle liure 1. C'est Egypte regnoit vivant encor Moyses, Et s'appelloit Renese, Eusebe en ses Chroniq. Limites d'Egypte Plin liu. 5 chap. 9. Strabon liu. 17 Diodore Sicil. 1. Et 2.

cond service est de chair crüe de laquelle estant bien espicée de choses aromatiques, ils se farcissent gloutement le vētre, cōme de viāde la plus exquise & delicate qu'ils sçachēt trouver à leur appetit. Ils n'ont aucū vsage de faire ny tisser des draps de laine, & ainsi ils sont tous vestus de lin, ou de soye: & n'vsent tous d'un pareil & mesme langage ains y sont les langues & mots fort diuers & difficiles, neant moins en escriuant outre leurs propres caracteres, ils vsent aussi des lettres, langage & forme d'escrire du commun Arabique: Ils s'adonnent plus au labourage & pasture que à autre exercice quel que ce soit, ayants deux estéz & par ainsi aussi double moisson, [mais non par tout, car les terres trop tirans vers les parties Australes, ressentās le tropique hyuernal sont empeschées par les grādes froidures, comme sont celles où sont les montaignes esquelles on fait nourrir les enfans royaux, lesquels sont là confinez tous sans iamaïs en sortir si ce n'est celuy qui est reserué pour regner le Roy estant decedé, car lors on va querir en ce mont, celuy qui est le plus proche du sang royal: & aussi le costé Ethiopie qui est voisin du tropique. d'esté n'a garde d'auoir les deux moissons, y obstant les ardeurs & la grand solitude: & ainsi l'auteur sē est fait à croire, ou bien s'est laisse trop aller apres l'aduis d'autrui, sans s'enquerir ainsi qu'il fault diligemēt des matieres.] Or tout le païs de Libye, qui est depuis Ethiopie iusqu'à l'Ocean occidental est habité de Mahometans, & y vit le peuple tout ainsi que les Barbares qui sont en Egypte, lesquels on appelle Mores à cause, cōme i'estime, des courses que les Mores ont fait par tout, lesquels n'ont pas esté moins furieux vagans & courans par tout, que iadis ces Arabes que on nommoit Sarraïns, du tēps que le monde receut vn si estrange changemēt, que les mœurs, la religion, police & estats furent alterez au monde, & que avec ceste confusion, les terres aussi perdirent, & leur nom, & leur ancienne excellence.

Du Païs d'Egypte, & façons de vie des Egipciens du temps iadis. Chap. 5.



EGYPTE est vne region d'Afrique, ou qui luy est fort voisine, ainsi qu'aucuns disent doutans à qui ils le doiuent attribuer, comme iadis elle fut nommée Aerie, prist le nom d'Egypte d'un prince ainsi dit, & frere de Danae, qui en fut dechassé pour auoir occis Egypte son frere. Ceste Prouince, ainsi que dit Plin liure cinquiesme, est du costé de la mer rouge & de la Palestine regardant l'orient, & vers le Ponant a le païs de Cyrene, & le surplus de l'Afrique, & vers le midy, elle s'estend iusque en Ethiopie: & vers le septentrion elle regarde la mer d'Egypte, qui est la mediterrannée. Ses villes principales furent Thebes, Abyde, Alexandrie, Babilon, & Memphis (à present Damiete) & le Caire siege royal du soldan d'Egypte, & l'une des plus grandes citez de l'univers.

[Je ne passeray en cest endroit vne faute si lourde de ce bon homme qui a fait le recueil de ce liure que de souffrir qu'on impose ainsi au lecteur sur les noms propres qui est vn des cas principaux qui sont à observer en

l'histoire, & en quoy il ne faut iamais tant soit peu s'esgarer, prenans l'un pour l'autre, & croyans au raport incertain d'autrui, plustost que d'en esplucher les matieres. Or dit il que Memphis est celle cité qu'a present on nomme Damiete, mais combien veritablement, ie vays vous le faire voir: Ptolomée en sa Geographie liure 4. table 3. d'Afrique meēt Damiete (iadis Pelusium) sur l'embouchure du Nil, & l'une des sept bouches d'iceluy entrant en la mer mediterrannée là ou Memphis (à present Messer) gist sur la partie occidentale du fleuve asses esloignée de la mer, & ou l'on voit ces folles despences des anciens Roys d'Egipte en Colosses, Obelisques, & Pyramides. Et à fin que le lecteur voye la faute de plus pres & que les sçavans ayent dequoy esplucher plus diligemment les liures, avant que determiner de quelque fait, la grande distance des lieux fait diverses les villes de Memphis, & de Damiete, ceste cy estant à 63. degrez de latitude, & 31. de longitude, la ou Memphis gist, à 61. de latitude & 29. de longitude, qui est si voisine du grand Caire qu'il n'y a que la ruiere entre deux. Et d'avantage semble qu'il face distinction de Babylōne Egiptienne d'auec le Caire, comme ainsi soit que ce n'est qu'une mesme chose, & que ceux la faillent qui l'estiment estre celle que iadis on nommoit Heliopoly, ou cité du soleil de laquelle est faicte si souvent mention es escrits des historiens anciens, veu que Strabon auoisine de la cité d'Heliopoly vn chasteau nommé Babilon, ou depuis les Souldans d'Egipte feirent bastir ceste monstrueuse cité comprenant & Heliopoly & Babylonne; à present ditte Caire, qui signifie autant que munition, & forteresse. Mais soit dit cecy en passant, & ce pendant nous continuerons à suyure le sens de nostre auteur en ses recueils tant louables & necessaires.] Platon a eu opinion qu'il ne plouuoit iamais en Egipte, mais que tous les ans la terre est arrousee par les desbords & inondations du Nil qui la rendent fertile, & qui aduiennent apres le solstice d'esté vers la fin de Iuing & commencement de Iuillet, & ce à la premiere nouvelle Lune depuis ledit solstice d'esté. Aucuns ont pensé & dit que l'Egipte est vne isle du Nil, lequel se separe de telle sorte qu'il effigie & forme vne figure triangulaire en la terre, qui a esté cause que plusieurs luy ont donné le nom de Δ Delta lettre Grecque, à cause qu'elle est ainsi figurée en triangle. [Mais d'autres ont passé outre disans que ce lieu compris au Delta n'estoit point iadis terre ferme, ains le cours du Nil, mais que le fleuve y ayant amené tant de terre & limon des autres lieux qu'il rauageoit, a causé cest amas de terre qu'il a faicte cōtinue. Ce qui sembleroit vray-semblable & assez aisé veu les occurrences qui aduiennent ordinairement en cas semblable & que aussi Herodote dit qu'allant du païs Cyrenaique en Egipte il semble qu'on descende par vn des lits & fil ancien du fleuve: toutesfois ce ne sont que simples coniectures, lesquelles suyent Seneque, lors qu'il dit que le païs d'Egipte ne doit pas seulement sa fertilité au Nil, ains encor luy est redeuable de ce qu'il a de terre ferme.] Ce sont esté les Egiptiens qui les premiers ont inuenté les noms de douze dieux, qui aussi ont dressé des autels & simulachres temples & oratoires, figurés des animaux en leurs statues ce qui monstre que sans doubte ils ont pris origine des Ethiopiens,

*Faute de l'auteur
de ce liure disant
Mēphis estre Da
mietz.*

*Ptolomée li. 4. c.
1. table 3. d'A
frique.*

*Des Pyramides
de Mēphis. Voy
Mele. 1. Plin li.
30. ch. 12. Am
mian Marcellin
li. 22. Herodote
li. 2. Solin ch. 35.
Le Caire est Ba
bylōne d'Egipte,
iadis nommé He
liopoly.*

*Strabon liur. 17.
Pomp. Mele li. 1.*

*Que signifie le
mot Cahira, ou
Alcahir.*

*Voy Plin liur. 5.
Herod. 2.*

*Voy Aristote 2.
Meteo. cha. 6.
Herod. 2. Str. 1.*

*Seneque questio
natur. liur. 4.*

*le 1. & 2. liur. de
Diodo. sont pleins
des façons de faire
des Egyptiens.*

LIVRE PREMIER

Des Dieux Egyptiens. Voy Eusebe prepar. Euag. liur. 2. chap. 1.

Faineantise des hommes iadis en Egypte.

Egyptiens enseignez par Abraham. Voy Joseph des antiq. liu. 1. chap. 8.

Papiros est un arbre trouué es palmuz. d'Egypte. Voy Plin liu. 13. chap. 11.

Pythagore, i'estime, a prist ceste superstition en Egypte d'abhorrer les febues.

Auec ces maudissons ils pensoient reietter tout leur malheur sur ceste teste detestée.

Isis ce fut Ioymée de Iupiter a-

lesquels ont premierement introduit toutes ces choses au monde ainsi que Diodore Sicilien le racompte. Les femmes Egiptiennes iadis exerçant marchandise, tenant tauerne & tout le trafic acoustumé es villes faisoient tout ce qui est du deuoir & office des hommes, là où ce pendant ces maris effeminez estoient faineants encloz en leur maisons: & si failloit porter quelque fardeau les hommes les mettoient sur la teste, & les femmes les portoyent sur les espaules, eux s'acroupissans pour pisser, les femmes vuidoient la vessie toutes debout: alloient à leurs affaires dans leurs maisons, & banquetoient en pleine rue. Entre les Egyptiens ny auoit femme aucune qui peut estre Prestresse au temple d'aucun Dieu, ny deesse: ils ne sont point consacrez à quelque dieu particulier, ains à tous ensemble. Entre les prestres vn estoit esleu souverain Pôtife, lequel estant decédé, son fils luy estoit successeur en la dignité & prestise. Les enfans legitimes, selon l'ordonnance du pais, ne refusoient de nourrir leurs parens, & n'y estoient forcez aucunement, là où les femmes y estoient contraintes, si par cas elles faisoient les retifues. Plusieurs d'entre les gentils portans le dueil, ou pleurans leurs morts auoient de coustume de souiller de boüe leur teste, & de laisser croistre leur barbe & cheueux, mais les Egyptiens se rontent la teste & coupent la barbe, & pestrifient la paste à tout les pieds, & la bouë avec les mains, & disent aucuns qu'ils ont les premiers introduit la circoncision entre les hommes, de ceste opinion sont les Grecs ignorans l'histoire sainte des Hebreux. Ils escriuoient de la dextre vers la fenestre ainsi que les Hebreux & Arabes, l'ayans appris des Iuifs, Abraham leur monstrant de ce faire, Leurs femmes ne portans que simplement vne robe, les hommes comme plus molz, & effeminez en auoient deux: vsoient aussi de deux sortes de lettres, l'une qui estoit sacre, & l'autre permise à vn chascun, mais tout cela estoit pris des Ethiopiens. Les prestres failloit que rasassent de trois en trois iours le poil qui estoit sur tout leur corps, à fin qu'en sacrifiant ils ne portassent aucune souillure au temple & sacrifice: portoient des vestemens de lin tousiours freschement lauez, blancs & nets, disans qu'ils se coupoient & tailloient le prepuce pour estre plus nets, estant plus seant d'estre sans ordure, que souillez en sorte quelconque, & auoient des souliers fait du boys de Papier: & ne semoyent en Egypte des febues, n'y estoit permis d'en manger, si par cas on en y portoit de terre estrange: voire fut deffendu aux prestres de seulement en auoir la veüe, à cause qu'ils ont opinion que ceste espece de legumage soit souillée & immodeste, leur coustume estoit de se lauer tous les iours d'eau froide, de iour bien souuent trois fois, & la nuit deux, chose obseruée presque par toutes les nations du Leuant. Ces sacrificateurs Egyptiens ne mangeoient iamais de pas vne teste des bestes sacrifiées, ains premierement ils les maudissoient avec de sauuages & execrables abiurations & mots cruels & abominables: puis les vendoient au premier estrange qui passoit: ou si l'y auoit marchand pour les acheter, on les gettoit dans le Nil. Tous Egyptiens immoloient les massles des Bœufs, thoreaux, & veaux, mais de sacrifier les vaches il estoit deffendu, à cause qu'elles sont dediées à la deesse Isis tant renommée & honorée entre eux. Ils viuoient de pain de seigle & vsoient

de biere, à cause qu'il ny croissoit point de vin: vsoient aussi pour leur manger de poisson partie crud & seché au soleil, ou salez & confits en leur saulmurte: mangeoient aussi des oiseaux crudz & salez, & les plus riches d'entre eux auoient des Cailles, & Canardz pour leurs delices & viandes plus exquises. Estans assemblez en vn banquet, & le souper finy qu'estoit y auoit certains qui portoient vn corps mort dans vne biere, iceluy fait de boys, ou effigié en peinture exprimant au vif la chose, ayant vne coudeé ou deux de hauteur, & monstroient ceste figure à chascun des assistés au banquet luy disans, Bois & mange & regarde cestui-cy, car ayant vescu à ton aisé si luy seras tu semblable apres ta mort. Les plus ieunes rencontrans ceux qui les precedent d'aage, se destournent du chemin pour leur faire voye, & les voyans venir en vne assemblée se leuoient pour leur faire place & donner leur siege, ce qui aussi estoit estroitement gardé entre les Lacedemoniens, & s'entre-rencontrans en ruë ils se saluoient sans parler, ains tendans leur main, & l'abaissans iusqu'au genoil. Ils portoient comme i'ay dit des acoustremens de lin, frangez par les bras, qu'ils apelloient Casilires, gettant par dessus des manteaux blancs pour les couvrir: car les vestemens de laine estoient deffenduz quand l'on entroit aux temples, & ne les eust on osé enterrer avec le corps d'un trespaslé. Or d'autant que ceux qui iadis ont surpassé les autres en sçauoir & doctrine, & qui ont escrit les loix & ordonnances pour instruire les mœurs chacun des gens de sa prouince, ont voié en Egypte pour y apprendre la sagesse, loix & façons de vie de ce peuple, comme celuy qui le temps passé surpassoit toute autre nation en doctrine & courtoisie, & que de tels ont esté, Orphée, Musée, Melampade, Dedale, & Homere: apres eux Licurgue legislateur des Lacedemoniens, & Solon qui donna loy aux Atheniens: Platon philosophe, Pythagore Samien, Emmolxis disciple d'iceluy. Eudoxe Mathematicien, Democrite natif d'Abdere, Inopide de Chio, Moysse Hebrieu, & vn grand nombre d'autres, ainsi que les Egyptiens se vantent estre contenu en leurs liures saints contenant leur histoire: tous ceux cy donc ayés voié en Egypte, pour prouffiter en la doctrine des sages dudit pais, il me semble raisonnable que nous arrestions vn peu sur les manieres de viure de ce peuple, à fin de sçauoir qu'est-ce qu'un chacun de ces grands personnages atiré de la doctrine d'Egypte pour l'introduire en leurs prouinces. Car, comme Philippe Beroald dit sur l'Asne doré d'Apulée, il y a plusieurs choses apropiées à nostre religion qui sont tirées des ceremonies des Egyptiens telles que sont les habits de lin, & la rasure de la teste de noz Prestres, les tours & mouuemens qu'ils font estés à l'autel, les processions, la musique, les reuerences & prieres: [mais Beroald se trompe en tout cecy, & ou il a ignoré le vray vsage, l'inuétion, & les causes & source de ces façons fidelles & saintes de noz prelatz & sacrificateurs, ou il estoit aussi grossier chrestien comme Apulée mal fondé & pis sentant des superstitions de son aage: veu qu'auant que les Chrestiens se fussent proposé vn seruice abominable pour l'imiter, ils eussent embrassé (comme ils ont) les façons de faire des Iuifs, comme ayans fondement sur le diuin plaisir, & qui n'estoient sans grand mystere & signifiante, mais laissons ces

*dorée en Egypte.
Lactance liur. 1.
ch. 11. Et fut conuertie en vache,
ainsi que le faignent les poètes.
voyz properce au 1.
Et 2. Apulée au
10. de l'asne doré.*

*De cette façon de
banqueter voyz
Herod. 2.
Honneur fait aux
vieillards par les
hommes.
Cecy est obserué
encor par ceux qui
font la reuerence
au Roy d'Ethio-
pie.*

*Egypte escole pour
tous les sçauans.*

*Hommes excellēs
qui ont passé en
Egypte pour y a-
prendre. Voyz S.
Hierosime au pro-
log. de la Bible.
Et Philostrate en
la vie d'Apollon-
nie Thianée.*

*Philippe Beroald
sur le 10. de l'As-
ne doré d'Apulée.*

*Mal parlé de re-
ferer noz. ceremo-
nies à celles des
idolastres.*

LIVRE PREMIER

*Et cecy, & ce qui
s'ensuit est presque
tout pris de Dio-
dore liur. 2. ch. 3.*

*Quels officiers de-
putez pour le ser-
vice des Roys d'E-
gypte.*

*Les grans se façō-
nēt selō les mœurs
de ceux qui les
manient.*

*Honneste façon
de vie des anciens
Roys d'Egypte.*

*Longes d'un
Roy tel qu'il doit
estre.*

Chrestiens gentilsfians, & pleins d'impieré pour eclercir nostre auteur trop simple en les poursuites. Quand aux Roys d'Egypte ils n'abusioient point si licentieusement de leur puissance que les autres princes des nations, ausquelz la seule volonté sert de loy: veu qu'il falloit que, fust à leuer tributs ou à leur nourriture ils se gouvernassent selō les loix, & ordonāces communes du païs, car c'est ainsi que Diodore Sicilien le traite liure second de ses antiquitez. Ceux de la suite & service ordinaire du Roy estoient choisis non d'esclaves fussent ils estrangers, ou nez, & nourris en leurs maisons, ains des enfans des gentilzhommes prestres, passans l'aage de vingt ans, & qui fussent les plus sçauāts & mieux moriginez que tous les autres, afin que le roy meü de la honte, & reuerence de si honorables, sages & illustres ministres, se deportast de faire chose qui luy peut tourner pour sa villennie à blasme & vitupere: entant que nuit & iour ils l'esclairoyent & l'assistoyent en toutes ses actions & affaires. Aussi quād les Princes ont des gens de bien qui les seruent & conseillent à peine en voit on, qui l'esgarēt du chemin de vertu & preud'homme. Or y auoit il des heures ordonnées & de nuit & de iour esquelles la loy permettoit au roy de traiter les affaires: car le matin il receuoit les epistres, lettres, requestes, & autres memoires de ce qu'il luy faudroit executer, afin que respondant à tous, il y pourueut & avec le temps & à son rang, & selō iustice. cecy fait, accompagné d'une troupe d'hommes graues, meurs, & sages il se lauait le corps, puis vestu richement alloit faire son oraison aux dieux, & sacrifices au temple, dās lequel estant arriué & les bestes du sacrifice amenées au coing de l'autel, le prestre en presence du Roy, à l'ouye de tout le peuple prioit à haute voix pour le Roy, luy souhaitant bonne & longue vie, pourueu qu'il se monstrast iuste & doux enuers ses subiects. Apres la priere il se mettoit à discourir les vertus du Roy, & déchifrant le tout par le menu, il mōstroit combiē il honoroit les dieux, caressoit les hōmes, & estoit iuste, sage, chaste, veritable, magnanime, liberal. Et cōme aussi il chastioit l'apēit sensuel en toutes ses actions: n'oubloit de recōmander sa debōnairētē, qui ne punissoit point les crimes à la rigueur, & recōpensoit les biēfaisans plus que de leur merite, & ayāt dit cecy, il maudioit ceux qui viuroyēt au cōtraire. Et si quelque faute estoit escheuē au gouuernement il en purgeoit, & excusoit le Roy, regettant la coulpe sur ses officiers & ministres, comme dōnans faux entendre au prince, & le conseillans mal & contre la loy & iustice. Ce que paracheuē le prestre exhortoit le Roy à bien viure, & par ce moyen se rendre agreable aux dieux, l'instruisoit en bonnes mœurs, & luy conseilloit de suyure l'aduis de ceux non qui luy mettroient le vice en parade pour l'embrasser, ains qui luy proposeroiēt la vertu & les exercices qui rendent glorieuse la vie de l'homme. A la fin le Roy ayant sacrificié vn Thoreau à ses dieux, le Prestre lisant les gestes & dits memorables des hommes les plus fameux & illustres, admonestoit le prince qu'à l'exemple de ceux là il gouuernast son peuple en toute douceur pietē & iustice, sans s'amuser à l'auarice: & accumuler seulement des thesors, ou iuger selon les loix anciennes, ains failloit que ses actions plus particulieres, comme le pourmener lauer, coucher avec sa femme, & tout le temps de la

de sa vie fussent mesurées selon l'ordonnance sans en rien l'outrepasser. Leurs repas estoient fort sobres, comme ceux qui ne mettoient sur table que du veau, & quelque oye, & y auoit mesure de vin ordonnée pour repas à chacun, afin qu'on n'emplit point plus que de raison le ventre, & que personne ne beust iusque à sentir son cerueau troublé d'yurognerie. En somme leur façon de vie estoit tant bien dressée, qu'on eust plustost estimé qu'un medecin les reiglât pour conseruer sagement leur santé, que non pas que ce fussent les statuts de quelque legislateur. C'est chose merueilleuse que les Egyptiens vesquissent ainsi en leur priué, non suyuant leur fantasie, mais selon l'ordonnance de la loy: mais il y a encor plus grande occasion de merueille de voir qu'en iugeant, ou assemblant les daces & tributs, ou punissant les malfaiteurs, il ne se trouuast aucun qui transporté d'orgueil, haine, courroux, ou autre passion semblable se foruoyast iamais de ce qui estoit iuste & equitable: ains s'assuiectionnant à la loy, tant s'en faut qu'ils fussent marrys de ceste contrainte, que plustost ils s'estimoient heureux d'auoir les moyens de faire paroistre leur obeissance: Aussi quand ils voyoient quelques vns qui viuoient selon le transport de leurs folles conuouitises, les excusans ils pensoient, qu'ils ne pouuoient ce faire sans grands perils & dommages: sçachans que tombans souuent en faute, si est-ce que cela aduenoit pour auoir esté surmôtez & vaincuz d'Amour, ou de haine, ou de quelque autre affection vicieuse: là où ceux qui façonnent leur vie avec conseil, prudence, & sagesse, c'est en peu de choses qu'ils errent & offensent. Les Roys vsans de telle douceur & de bonnairété enuers leurs suiets gaignoient tellement le cœur & amitié de chacun, que non seulement les prestres, ains tout le reste du païs auoient plus de soucy du salut & felicité royale, & prioient de meilleur courage pour luy que pour eux mesme, pour les femmes, & enfans, ou pour la vie des autres princes & gouuerneurs du Royaume. Et vn Roy si bien viuant & reluisant en si bones mœurs, estant mort, c'estoit pitié que de voir le dueil que tous en general en demenoient, deschirans leurs habits de tristesse, fermans les temples, n'allans ny frequentans les foires, ou marchez, passans le temps sans solenniser aucune feste, souillans leurs chefs de boüe l'espace de deux mois douze iours, portâs vn linge ceint deffouz les bras, & s'assemblans deux fois le iour, deux ou trois cens tant hommes que femmes ainsi acoustrez pour renouueller ce dueil & complaints, chantâs ce pendant en vers les vertuz & saincteté de vie du roy defunct. Durant ce temps ils ne mangent d'aucune viande cuite n'y boient vin & s'abstiennent de tout apareil exquis pour leur table, ils ne se lauent n'y oignent, ils ne couchent dans le lit, ny s'acointent de leurs femmes, ains tout le long de ces 72. iours ils pleuroient, & gemissoient la mort du roy comme de leur enfant propre. Durant que tout cecy se fait, on dresse tout l'appareil des funerailles, & le dernier iour, le corps est porté deuant la porte, & sur l'entrée du tombeau & sepulchre: là où on recite vn abregé & sommaire de la vie, & gestes du roy defunct suyuant la coustume ancienne: & est permis à chacun selon son bon plaisir d'accuser le trespaslé, ou cependant assistoyent les sacrificateurs louans la vie passée de celui duquel le corps

Sobrieté des Egyptiens.

Modestie des Egyptiens.

Amitié des Egyptiens vers leurs Roys.

Esrange dueil apres la mort des Roys d'Egypte.

Ceremonies funebres en la mort des Roys anciens d'Egypte.

LIVRE PREMIER

estoit là deuant le peuple: duquel la multitude est infinie approuuât avec grâde acclamatîo & frapement de mains ce qui est de louable, mais reietans avec vn grand bruit & tumulte les choses qui ne luy plaisent au discours de ceste vie: Ce qui a souuentefois causé que plusieurs Roys, le peuple leur estant ennemy & s'offençant de leur vie precedente alors recitée, ont esté priuez de l'honneur, & magnificence de leurs obseques, & de la pompe acoustumée en l'apareil des funerailles royales. Ceste crainte en a contrainct plusieurs de viure iustement, se doubtrant de ceste fureur populaire enuers leurs corps morts & de l'effait de ceste colere, preiudiciant à leur honneur & reputation, & les souillant d'une infamie perpetuelle.

Qui forçoit les Roys d'Egypte de bien viure.

Du gouuernement & police d'Egypte. Chap. 6.



Moyens de maniment public, iadis en Egypte.

Prestres anciens en Egypte fort sçauans.

Autorité des Prestres en Egypte.

Egypte iadis sans nulle exactiō greuant le peuple.

A coustume, & façon ancienne du royaume Egyptien a esté iadis de telle sorte: Tout l'Egypte estât diuisé en plusieurs parties, & gouuernemēt, que les Grecs apellent *νομοι*, à chacune d'icelles il y auoit vn gouuerneur qui auoit le soing de tout ce qui estoit requis pour le maniment des affaires: Or le reuenu, domaine, & tribut estant diuisé en trois lotz & parties: La premiere estoit pour les sacrificateurs lesquels estoient fort honorez & reuerrez du peuple, tant pour estre consacrez aux Dieux, & qu'ils auoyent la charge des choses sacrées, que pour leur sçauoir & singuliere doctrine, par laquelle plusieurs estoient auancez & instruits: de ce reuenu, les prestres en distribuent, & pour le seruice des temples, & pour leur nourriture & priuées necessitez de chacun, car ils n'auoyent garde d'oublier rien qui seruiſt aux ceremonies, & seruice diuin, & n'estimoyēt que ce fut bien fait de laisser sans support, & nourriture ceux qui departēt le sçauoir, & seruent de conseil pour le proufit, vtilité, & auantage de la republique: d'autant qu'ils estoient appelez tousiours au conseil & effait des choses plus importantes, à cause qu'ils pouruoient à l'aduenir, & predisoient les futurs succez des affaires, soit par les moyens de l'Astrologie, ou par la deuination faite par le moyen des sacrifices: avec ce qu'ayans les histoires en main, ils produisoient les gestes des anciens, afin que les Roys par là prinssent aduis & conseil sur ce qu'ils auoyent à faire. Or ne faisoit on pas ainsi entre les Egyptiens, qu'il estoit vſé parmy les Grecs que ou vn homme, ou vne femme aye la charge & preside seul aux choses sacres, veu que plusieurs ont le mesme honneur & s'adonnent à la culture & seruice des dieux, & laissent le mesme soing à leurs enfans pour heritage. Ces gens sont tous francs de tailles & de tous subsides honorez & constituez en dignité sur tous autres apres le Roy. L'autre portion du reuenu du royaume estoit pour le Roy, lequel l'employoit & aux fraits des guerres, & pour l'entretien de sa maison, & pour en departir liberalement aux hommes vaillās & illustres, & à chacun selon son merite. D'oū aduenoit que le peuple n'estoit greué, ny oppressé par aucun tribut extraordinaire. Car les gens d'armes & soldats estoient salariez de la troisieme

partie du reuenu ordonnez & choisis pour le seruice de la guerre, leur estant establis ces gages afin qu'ils fussent plus gaillards & mieux affectiōnez à s'exposer aux perils & hazards pour le bien public. Leur republique fut aussi diuisee en trois estats pour le seruice, & soustiē du corps d'icelle. Les laboureurs c'est à sçauoir, les pasteurs, & artisans : les premiers ayans pris à ferme à vil pris les terres fut du Roy, des prestres, ou des soldats, dez leur enfance s'adextroient au labourage, ou sans cesse ils emploioient tout le reste de leur vie: qui estoit cause qu'ils furent les plus excellens laboureurs de la terre, soit qu'ils tinssent cela de nature, & comme pour heritage de leurs ancestres, ou que le long exercice & vsage les en feit si bons maistres. Les pasteurs aussi ne faisoient, ou suyuoient autre estat que de gouverner les bergeries, ainsi qu'ils l'auoiēt apris de leurs parens y passans tout ce que nature leur donnoit & ostroyoit d'aage: Quand aux artisans, c'est sans doute que les arts mecaniques ont esté conduits en Egypte iusqu'au feste & fin de leur perfection & souueraine excellence: d'autant que ceux qui estoient appelez à cecy, n'estans receuz au gouuernement: & ne se soucians d'aucun maniment public, n'exerçoiēt aucun autre estat, ou office, que celuy que la loy leur ostroyoit & qu'ils auoient apris & receu de leurs maieurs: si que ny l'euie de celuy souz qui ils faisoient tel apprentissage, ny la haine publique, ou discordes ciuiles pour les honneurs, ny autre empeschement ne les destournoit de leur entreprise. Leurs iugemens encor n'estoient faits fortuitement ny à la volée, ains y pouruoyoit on avec grand prudence & raison, ayans opinion que les biēsfaits estoient de grand consequence pour le bien public. Auoient aussi opiniō que punir les meschans, suporter ceux qui sont affligez, & se condouloir de la necessitē de l'indigent estoient les vrais moyens pour extirper toute meschancetē de leur terre: & au contraire tout estre en confusion, & viure en desordre, si par faueur, ou presens on quittoit & laissoit impunies les fautes enormes & les crimes qui meritoient punition de mort: A ceste cause ils choissoit des citez de Heliopoli (à present le Caire) Mēphi, Ceres, Messer, & de Thebes des hommes bien renommez & illustres pour en faire des iuges & presidents, les iugemens desquels ont vn long temps esgallē la sinceritē des Areopagites d'Athenes, & ne furent moindres en bonnes & saintes loix aux ordonnances du Senat de Lacedemone. Ceux cy estans créez trente en nombre eslisoyent le president & chef du conseil, celuy que on cognoissoit pour le plus vertueux, excellent & sage, & en son lieu l'assemblée mettoit vn autre pour conseiller & assesseur parfaissant le nombre: ceux cy estoient entretenuz richement par le Roy, mais sur tous estoit le mieux apointē le president & chef du conseil, lequel portoit vne chesne d'or au col où pendoit vne Medalle toute enrichie de diuerfes estoifes de riche pierrerie, & appelloient ceste image la veritē, comme celle qui deuoit guider le cueur du prince en son iugement. Or le iugement de quelque cas estant dressē, & le signe de veritē mis en auant, on portoit les liures des loix, qui estoient huit en nombre pour ne s'esgarer du droit en la cause proposēe: & portoit la coustume que celuy qui deferoit & accusoit le crime d'vn autre, donnaist son

Egyptiens Excellens laboureurs.

Pourquoy les artisans d'Egypte estoient si excellens en leurs mestiers.

Grāde equitē des Egyptiens iadis.

L'impunitē des maux cause desordre en l'estat.

Election de Iuges des plus gēs de biē.

Veritē marque des princes au iugement.

LIVRE PREMIER

*Forme de proceder
iadis aux iugemens
en Egypte.*

*Arrest en quelle
sorte estoit donné.*

*Pariure pugny de
mort comme cri-
me detestable.*

*Charité recoman-
dée.*

*Loy contre les ca-
lomniauteurs.*

*Ordonnance tref-
iuste contre les mé-
teurs & fai-neüs,
Solon porta d'E-
gypte ceste loy à
Athenes. Voy
Diodor. lib. 2. c. 3.
d'oü tout cecy est
pris.*

*Loy contre les ho-
micides.*

*Peres tuans leurs
fils comme estoient
punis.*

dire par escrit, déchiffrant par le menu, & la maniere comme le cas auoit esté executé, & le dommage fait par le delinquant, & combien preiudiciable il estimoit ceste faulte. L'accusé n'estoit forcloz de sa deffence, ains luy estoit donné temps pour respondre à chacun article de l'accusateur, & le tout mettre par escrit deuant les iuges, niants les vns, ou amenât raison de sa iustice, & raison pourquoy il auroit fait ce dequoy il se voyoit accusé, ou en monstrant que sa faulte ne meritoit si grande punition ou amende que celle que l'accusateur auoit proposée. Les iuges ayant ouys deux fois chacune des parties, & le cas estant mis au conseil tout debatu & conclud: le president tournât le signe, & image de la verité vers la plus iuste partie, prononçoit l'arrest & sentence du different: & telles estoient les procedures & moyens de plaider gardez iadis en Egypte. Et d'autât q nous auôs parlé des loix & ordonnances en general, ce ne sera hors de propos, si nous espluchons & recitons vn peu par le menu les anciens statuts de ce peuple, afin que on cognoisse de combien ils auoyent mieux ordonné leurs affaires que tous autres, & si leur ordre & façon de faire, n'estoit le meilleur & le plus prouffitabel.

En premier lieu celuy qui iurant se patriuroit, estoit sans remission mis à mort, comme estant conuaincu de double crime, entant qu'il violoit celle reuerence qu'on doit aux dieux, & annulloit celle loyauté, & foy qui sert d'un grand & tres estroit lien pour conseruer la societé humaine. Celuy qui voyant voler, & deualiser vn passant par les assassineurs, ou qui ne tenoit compte de l'ayder, & n'empeschoit sa mort ou deualisement, estât en sa puissance de le recourir, estoit aussi irremissiblement mis à mort: & ne pouuant luy donner faueur, ny secours, estoit il tenu neantmoins de denoncer le fait & les voleurs, qui auroient commis le crime: ce que ne faisant, & mis en iugement estoit foueté par certain nombre de coups, & tenu trois iours prisonnier sans manger chose quelconque: Celuy qui fausement accusoit vn autre estant conuaincu de la calomnie, portoit la mesme penitence & peine que celuy eust fait qu'on auoit accusé, si l'accusation eust esté veritable. Les Egyptiens estoient contrains par la loy de porter au President leurs noms par escrit, & ensemble luy declarer l'estat & office duquel ils se mesloient & viuoient, en quoy si quelcun mentoit, ou que lon trouuast qu'il vesquist d'un gain sale & qui fut contre les loix, il estoit pugny de suplice de mort. Si quelcun auoit occis vn homme fut franc, ou esclau de son gré, & sans iuste occasion il n'y auoit aucun respit, ains il luy failloit perdre la vie selon les loix, lesquelles n'auoient aucun esgard à la qualité & condition de l'homicide, ains à l'ordonnance afin de destourner les hommes de faire tort à leur prochain: & qu'aussi en punissant le meurtre fait en la personne d'un esclau, la vie des libres en estoit rendue en plus grande assurance. Les legislateurs n'auoiēt estably peine ny suplice aucun aux peres, qui occiroient leurs enfans, seulement leur estoit enioint que par l'espace de trois iours, & trois nuits continuels ils se tinssent pres le corps mort, & afin qu'ils n'y faillissent on y mettoit des gardes pour leur faire le guet. Ils vsoient de ceste gracieuseté de iugement, leur semblant iniuste, que celuy la perdist la vie, qui l'auroit donnée

à son fils, plustost estimoient ils raisonnable que ce fut vne douleur & tristesse pour la repentance de leur colere precipitée qui les punist que nō pas tout tourment, qui seroit trop leger, au pris de ceste desplaisance & chagrin qui leur redroit la vie fascheuse & pire que la mort. Mais si quelcun s'oubloient iusqu'à la que de tuer son pere, aussi y auoit il suplice cruel ordōné pour en faire la punition: entant que les ayant deschiquetez avec des poinçons, & caniuers fort poignans, & avec des cannes aigues, ils les faisoient bruller tous vifs, estimans que c'estoit le plus detestable entre les forfaites que de priuer de vie celuy par violence duquel on tint & estre & nourriture. Les femmes qui deuoient subir peine de mort, estans enceintes, on attendoit qu'elle fussent deliurées, ayans opinion que ce seroit commettre vne grand iniustice, si on punissoit avec vn criminel celuy qui iamais n'auroit fait faute quelconque, ou fils faisoient mourir deux personnes pour le seul peché de l'vne. Quand au fait militaire, ils y procedoient en ceste sorte, celuy qui laissoit son ranc au cōbat, ou refusoit d'obeir à son Capitaine, bien qu'il ne fust puny de mort, si estoit il rendu infame, estant cassé & priué de tout honneur & attente de gloire, & luy estant deffendu de iamais porter armes & retourner à son premier estat & exercice: Ceste loy acoustumoit les hommes à bien faire & à craindre & redouter plus que la mort vne marque si ignominieuse & pleine d'infamie. Ceux qui descouuroient les secrets à l'ennemy & pratiquoient avec luy auoyent par l'ordonnance la langue coupée: & quiconque rongeoit, ou falsifioit la monnoye, changeoit, ou gastoit les poix & mesures, qui falsifioit les seins & contrefaisoit les escritures ou corrompoit les cedulles, instruments, ou actes publics, à celuy les deux mains estoient coupées afin que le mēbre qui auoit failly se sentist à iamais de sa faulte: & que les autres admonnestez par tel suplice se donnassent garde de tomber en crime & faulte pareille. Les loix procedoyent encor fort rigoureusement cōtre ceux qui s'oubloient à l'endroit des femmes: veu que celuy qui violloit & forçoit vne femme libre de cōdition estoit chastré & luy coupoit on, & le membre & les genitoires, entant que en faisant ce mal, il auoit commis trois grands & estranges forfaites, à sçauoir l'outrage, le rapt, & corruption en la femme d'autrui, & la confusion & meslange des enfans bastards avec les legitimes. Celuy qui estoit surpris en adultere, où la force estoit esloignée, estoit foueté iusqu'à mille coups de verges, & à la femme on luy coupoit le nez, afin que par la mutilation de ce membre elle fut punie en la face par l'attrait de laquelle elle auoit fait pecher l'hōme, estant le nez le plus beau ornement du visage. Quand aux coustumes, & ordonnances faites sur les trafics & commerces, on tient que Boccoride en fut l'auteur: Or sont telles les loix, si quelcun denie auoir receu l'argēt qui luy aura esté presté sans cedulle le debiteur sera creu à son simple serment, comme estans les Egyptiens, hommes qui tenoyent grand compte de la solennité des serments, comme chose sainte & religieuse: Car cōme ainsi soit que difficilement on adiouste foy à ceux qui iurent à tous propos, aussi se donnoient ils garde que les gens de bien ne fussent cōtraints de iurer que fort tard, afin qu'ils ne perdissent la reputation de leur preu-

Loy cruelle contre les Parricides.

Loy sur les femmes grosses.

Loy militaire pour tenir les soldats en deuoir.

Punition de ceux qui pratiquoient avec l'ennemy.

Iuste punition à toute sorte de fautes. Ceste loy fut depuis gardée par les Lombards. voy liur. 3. chap. 26.

Loy cōtre les violleurs & paillardes.

Iustice sur les adulteres & hommes & femme. Boccoride legislateur.

Cecy s'observe encor entre nous.

*La loyauté depēd
de la vertu.*

*Loy sur les vsu-
res.*

*Solon établit loy
cōtre les vsuriers.
Semblable ordō-
nance faite à Ro-
me. Voy Hali-
carnass. liur. 6.
Loy estrange d'E-
gypte touchāt les
larcins.*

*Mariages des E-
gyptiens le temps
passé.*

*C'est vne questō,
si la femelle ayde
auec sa semence à
la generation.
Voy Arist. de la
generation des a-
nimaux. l. i. c. 18.
Nourriture sauua-
ge des enfans ia-
dis en Egypte.*

*Geometrie &
Arithmetique
prises en Egypte,*

d'homme : Le legistateur encor, mesurant par la vertu toute foy, & loyauté, tasche d'accoustumer les hommes à toute honnesteté par l'exercice des bonnes mœurs, afin que on ne doubta point de leur foy.

Aussi fut d'aduis celuy qui ordonna cecy, qu'il seroit iniuste de ne croire point celuy, auquel on auroit presté sans cedulle iurāt en sa cause propre. Ne voulut que l'vsure mise & contractée par escrit s'estendit le double de ce qui auoit esté presté : & ordonna que le payement seroit pris tant seulement sur les biens du debiteur, sans qu'on peut s'empoigner au corps, ny l'esclauer ou mettre en prison, luy semblant raisonnable qu'il suffisoit que les biens, & non les corps fussent assuiettis à telle obligation. Et que aussi les corps des citoyens estoient obligez à la republique, laquelle s'en vouloit seruir, & en temps de paix, & à la guerre en ses affaires. Car il iugeoit estre mal fait que les soldats & gensdarmes qui hazardent leur vie pour le salut public soient emprisonnez pour debtes & vsures : & fut ceste loy donnée aussi par Solon aux Atheniens, laquelle fut apellée Disatée, defendant que pour vsure, aucun citoyen fut lié, ny mis en prison. Or auoient les Egyptiens vne loy toute particuliere entre eux touchans les larcins, qui estoit telle. Ceux qui auoient en deliberation de s'exercer en cest art, failloit qu'allassent s'enroller au registre du Prince, & chef des sacrificateurs, & luy porter la chose desrobée tout aussi tost qu'elle auoit esté emblée, & prise : Celuy aussi sur qui le larcin auoit esté fait failloit que vint escrire & denoncer deuāt le mesme Seigneur le temps, iour & heure qu'il auoit receu ceste perte. Par ce moien les larcins estant facilement decouverts le perdant recouuroit son bien, sauf que la quatriesme partie estoit ordonnée pour le larron, pour punitiō de celuy, qui auoit si peu soigneusement pris garde à ses affaires : estimāt le legistateur qu'il valoit mieux puis qu'il estoit impossible d'empescher du tout les larcins, qu'on ne perdist vne partie de ce qui auroit esté desrobé, qu'estre priué du tout sans espoir d'aucune restitution, ou recouurement. Les mariages y estoient diuerfement considerez : veu que les prestres Egyptiens espousoyent vne femme sans plus : les autres en auoyent tant qu'ils vouloyent, & cōme ils en pouoyent nourrir : aucun n'y fut onc pour lors estimé bastard, & eust il esté produit, & engendré de quelque esclau ou acheté : d'autant qu'ils estimoyent le seul pere auteur de la generation, que la mere ne luy dōne que le lieu pour receuoir la semence & la nourriture, laquelle on leur dōnoit avec si peu de frais, & despense qu'à grand peine presque le pourroit on croire : car ils entretenoyēt leurs enfans de racines de ionc, & d'autres choses qu'ils cuisoient sous les braises, ou avec des herbes qui croissent dās les paluz soit ou bouillies, ou mises sur les charbons, ou quelquesfois toutes crües qui estoient les delices de ceste enfance : la faisant aller pieds nuds, & la plus part sans vestement quelconque, à ce les secourant la douceur, & temperie de l'air, qui est naturelle à ce païs, & prouince. En somme toute la despence que font les parens pour leurs enfans iusqu'à ce que ils soient en aage, ne leur scauroit couster vingt Drachmes, à tout le moins n'excede point ceste somme. Les prestres instruisoient les leurs aux lettres tant Hieroglyphiques que profanes, & les acoustument plus que à autre

science ny ſçauoir, à apprendre la Geometrie & ſadextrer en l'Arithmetique. Quand à la Muſique & ieu d'eſcrime, de lutte, ou le voltiger, ils ne vouloyét qu'on les y acouſtumast, à cauſe q̄ ces exercices eſtoyét trop violés & perilleux, ſi tous les iours on y employoit les corps encor ſi tédres, & que cecy en lieu de fortifier, debilitoit, & caſſoit les forces en l'hôme. La Muſique ils eſtimoyent non ſeulement inutile & ſans prouffit, ains encore fort nuifible, comme celle qui amollit & effemine les cœurs des hommes, & leur rauit leur gaillardie. La medecine de laquelle ils vſoyét pour ſallegier, eſtoit la diete, ou le vomiffement, & cela ou tout auſſi toſt qu'ils ſe trouuoient mal diſpoſez, ou y laiſſant trois ou quatre iours d'eſpace entre-my, entant qu'ilz croioient (comme il eſt aſſez vray) que toute maladie procedoit de trop, & ſuperfluemēt ſe nourrir: & que celuy remede eſt le meilleur & plus court pour conſeruer la ſanté que d'oſter la cauſe & la ſource de toute maladie. Ceux qui voiageoyent, ou eſtoyét en guerre, tombans malades eſtoyent guaris ſans rien deſpendre: à cauſe que les medecins y eſtoyent nourris, & ſalariez du public, & eſtoyent tenuz par la loy de prendre eſgard aux patients, & les guerir ſuyuant les ordonnances, receptes & eſcrits des anciens de leur art, & qui fuſſent renomez & autorifez. Si le medecin ayant ſuiuy les reigles du liure ſacré n'a peu guerir le malade, il eſt ſans coulpe, quoy que l'autre ſ'en aille mourir: mais ſil le guerifſoit vſant d'autres, & de plus de remedes que leur liure ne portoit, on le faiſoit mourir ſans compaſſion aucune. D'autant que le legiſlateur croyoit que l'ordre de penſer vn malade qui auroit eſté dés long tēps obſerué par les medecins, & inuenté avec grand peine par les anciens eſtoit beaucoup meilleur, & plus ſalutaire que les nouuelles inuentions des modernes. Les Egyptiens ont eſté les plus eſtranges, & ſortement ſuperſtitieux outre tous les idolatres: entant que non-contents des ſtatues des hommes ils ont encor adoré les beſtes, & mortes, & viues: telles qu'eſtoient les Chats, les Chiens, Ichneumons, Eſpreuiers, Ibides, Loups, & Crocodiles, & vn infinny nombre d'autres. Et tant ſ'en faut qu'ils euſſent honte de faire publique profeſſion de celle beſtiale façon de ſeruice, que pluſtoſt ils ſe penſoient dignes de louange, & honneur, ſe veantrans en ceſte vilaine & habominable pollution, & infame idolatrie: portans les figures & representatiōs de ces animaux autour de leurs villes en proceſſion, & auſſi par les villages les montrant de loing cōme dieux conſeruateurs, & auſſi quels ils faiſoient reuerence, & les prioient treſhumblement. Quelqu'un de ces dieux, & brutes deitez dés Egyptiens mourant, cēs fols l'enſeueliſſoient dans vn beau linge, le ſalans avec grans cris, & vrlemens, & bātans eſtrangement leurs poitrines, puis l'oignans avec liqueur de Cedre, & autres drogues precieufes & Aromatiques, ils les enterroient és ſaints lieux, afin que leurs charoignes fuſſent de plus de durée. Si quelcun de ſon bon gré, & de guet à pens, ou en quelque ſorte que ce ſoit mettoit à mort vne de ces beſtes, il n'y auoit aucun moien de le ſauuer de mort, à cauſe que le peuple y accourant le maſſacroit fort cruellement & ſans attendre ce qui en ſeroit ordonné par iuſtice. L'eſfroy que pluſieurs auoient d'eſtre ainſi mal traitez, faiſoit qu'auſſi toſt

*Exercices violens
d'agereux aux en-
fants.*

*La Muſique cor-
rompt l'eſprit de
la ieuneſſe.*

*Le vray remede
de toute maladie
la diete.*

*Medecins en E-
gypte, ſont ſuictz
iadis.*

*Monſtruenſe ido-
latrie des Eglyp-
tiens.*

*Voy Amobie cō-
tre les Gentilz.*

*Enſebe prepar. e-
uangelicq. lin. 2. c.*

*1. inuēt. de tou-
te ceſte folie. La-*

*clance de l'origi-
ne d'erreur lin. 2. ch.*

14. & li. 5. ch. 21.

Plutarh. au liur.

d'Iſis & Oſiris.

Sedulie poète aux

Heroi. paſchaux.

& Lucan. de la

guerre civil. lin. 8.

Strabon. lin. 17.

*Beſtiſe des Egly-
ptiens iadis.*

qu'on voyoit quelcun de ces animaux morts, ceux qui les premiers en auoient la veuë se tenant de loing, l'amentoient & pleuroient le defastre, en tesmoignage que cest accident n'estoit point aduenü par leur faute. La charge de nourrir ces beaux dieux brutaux estoit donnée à gens d'estat, & non de peu d'autorité enuers le peuple, qui s'y portoiët soigneusement & font leur despence à grands fraics, estant leur viande & pasture d'un delicat breuuage fait d'espeaulte, ou escorgeon, & de bouillie faite de fleur de farine, & autres viandes composées avec du lait, outre ce leur mettoit on deuant des oyes tant bouluës que rosties pour les rassasier. A ceux qui vivent de chair crüe, on leur distribue des oiseaux pris à la chasse, ou aux reths, & filais, somme on despendoit beaucoup, & mettoit on grand peine pour l'entreenemët de ceste vilennie. Et estoient si fors qu'e de ne cognoistre point leur bestise, voyans mourir ces bestes, ains les plouroient, & en faisoient le dueil tout ainsi que si leurs enfans fussent decedez, & les enterroient avec plus de frais & magnificence que ne portoient leurs richesses: tellement que du temps de Ptholemée surnommé Lage Roy d'Egypte, estant à Memphy mort un Bœuf de trop de vieillesse, celuy qui auoit charge de le nourrir y employa aux funerailles vne grand somme qu'il auoit eu pour sa nourriture, & encore emprunta il du Roy so. talents d'argent, pour faire la despence de ces obseques superflus. Plusieurs se bahiront lisans chose si sottre & merueilleuse despence, mais ils festonneront encore d'auantage s'ils considerent combien les Egyptiens ont esté superfluz, & excessifs es obseques de leurs morts. Veu que dès que quelcun estoit decedé, les amys & parens du deffunct s'assemblans, se couuroient la teste de fange, & allans tout autour de la ville lamentans, & plourans sans cesse iusqu'à ce que le corps estoit enterré: Et durant lequel temps ils ne se lauoiët cōme de coustume, ny beuoiët vin, ou prenoiët nourriture de chose delicate & sauoreuse & n'vsoient d'aucun acoutrement que vil & de peu de valeur. Leurs sepulchres & tombeaux estoient de trois sortes, les vns somptueux, les seconds mediocres, & les autres de peu d'importance. A la despence & frais du premier on employoit un talent d'argent, au second vingt mines, & au troisieme & dernier, les fraits estoient indignes qu'on en tint compte. Ceux qui ont la charge des funerailles, comme y estans nez & nourris dès leur ieune aage, portoient les roolles des despences pour s'enquerir des parens du mort, combien estece qu'ils y veulent despendre: & ayans conuenü du pris, on leur liuroit le corps, afin que l'appareil des honneurs fut dressé selon la despence qu'on y vouloit faire. En premier lieu celuy qu'on apelloit Gramairié, ou scribe, & greffier, ayant mis le corps sur la terre nue, marquoit sur la hanche combien il failloit fendre & inciser du corps du costé gauche. Celuy qui auoit la charge de faire l'incision, prenant vne pierre Ethiopique, fendoit le costé du deffunct, ce qu'ayant fait, il s'en fuioyt à toute course, estant suiuy des assistans, qui en le maudissant luy ruoyent des pierres, comme ayant commis quelque crime: ayans opinion que celuy là a quelque inimitié secrette en son cœur, contre le trespasé, lequel violoit ainsi furieusement le corps de son amy. Les saleurs qui saloient le corps estoient honorez entre

Dieux Egyptiens bien traittez, & nourriz.

Ce Ptolomé fut le premier Roy d'Egypte, des successeurs d'Alexandre, en la 114. Olympiade.

Folle despence en vnes funerailles de beste. 50. talens peunët möter environ. 25000. liures tour. voy Budé de Affe. Despenfe es obseques des Egyptiens.

Vingt mines, à dix escuz, pour mine, ce sont deux cens escuz. Voy Budé.

C'estoyent comme les crieurs, & portechapes à Paris.

Diuers offices de ceux qui auoyent charge des obseques.

tre eux comme gens seigneurs, & recommandables : d'autant qu'ilz pou-
uoient : & frequenter les temples & conuerſer avec les ſacrificateurs : ceux
cy eſtans pres le corps, l'un fendoit par dedans toutes les entrailles ſauf le
cœur, & roignons, & ſoudain vn autre lauoit tout cecy avec du vin Phœ-
nicien, & iceluy meſlé de choſes ſoefues & fort odoriferantes, & puis oi-
gnoient tout le corps de liqueur de Cedre premierement, & apres de di-
uerſes confections precieufes & aromatiques, par l'eſpace de plus d'un
mois : & non content de ceſt oignement, encor faiſoyent ils infuſion de
Myrrhe, Canelle, & autre eſpicerie tant pour conſeruer le corps longue-
ment ſans pourriture, que pour le rédre ſouef-flairât, & de bonne odeur.
Acouſtré & aromatiſé qu'ils auoyent ainſi ce corps, ils le rendoyent aux
parents, ayans premierement ſi bien ageancé les membres & parties, iuf-
qu'aux ſourcilz, & paupieres, qu'on euſt iugé que c'eſtoit vn homme en-
dormy. Auant que le mettre en terre, les parents faiſoient aduertir les iu-
ges, & amys du deffunct, du iour de l'enterremēt les aſſeurans que le mort
paſſeroit le fleuve & paluz des enfers. Aſſemblez que eſtoient les Iuges
quarante en nombre, & aſſis en demy rond, ou croiſſant pres l'eſtang &
paluz en vn lieu préparé pour ceſt effait, on conduiſoit vne barque poſée
pour ce ſeruiſſe par ceux qui eſtoient commis maîtres des ceremonies,
& auant que le corps fut mis en ſon cercueil, chacun auoit licence ſuyuât
la loy, d'accuſer le deffunct : lequel ſi eſtoit trouué auoir mal veſcu, les iu-
ges prononçoient ſentence le priuans de l'honneur, & droicts de ſepul-
ture : Mais ſi les accuſateurs eſtoient conuaincuz de l'auoir deſeré à tort,
ils eſtoient condamnez à vne groſſe amende. Ny ayât qui l'accuſaſt, ou le
delateur eſtant prouué calomniateur, les parētz & amys laiſſans leur dueil
& triſteſſe, ſe mettoient à celebrer les louanges du deffunct, ſans y omet-
tre de quelle race il eſtoit, n'y la gloire de ſes parentz, ainſi que les Grecz
auoyent auſſi de couſtume. Car tous les Egyptiens ſ'eſtimoyent eſtre gé-
tilz hommes : ainſi commençans le diſcours de la vie dès l'enfance, ilz ra-
contoyent ſa pieté vers les dieux, ſon erudition & ſçauoir, & l'innocence
de ſes mœurs, & venans à l'aage parfait, leur religion, iuſtice, integrité, cō-
tinence, ſageſſe, & autres vertus eſtoient ſingulariſées, ce que fait ils inuo-
quoyēt les dieux infernaux, qu'il leur pleuſt de colloquer ceſtui-cy au ſie-
ge & ranc des bien-heureux, auſquelles prieres tout le peuple reſpondoit,
louant hautement le mort, comme celuy qui iouiſſoit de l'aiſe des ames
fortunées. Chacun alors enterroit ſon mort en ſon propre ſepulchre, &
ceux qui n'auoyent ſepulture propre, les poſoyent en leur maiſon, dans la
muraille la plus ferme qui y fut, y dreſſant le cercueil tout droit, & maçō-
nant la cloſture : afin que les ſucceſſeurs ſ'eſtā enrichis, & faiſans tout de-
uoir de payer ce qui eſtoit deu par le deffunct euſſent le moyen de l'éter-
ner honnorablement. Or auoyent ils de couſtume que empruntās de l'ar-
gent ilz donnoient en gage les corps de leurs parents au crediteur : là où
faillantz à les racheter ils encouroient vne grande infamie, & ſi eſtoient
eux meſme priuez de ſepulture. Ce ne ſera ſans cauſe que on ſ'eſbahira
des institutions de ceux qui ſeirent ces ordonnances, & introduirent tel-
les couſtumes, non tant qui ſeruiſſent pour former la vie de ceux qui ſont

*Cedre arbre fort
precieux à cauſe
que onc il ne ſe
corrompt, & con-
ſerue les choſes où
il eſt mis.*

*De ce Paluz, les
poètes ont aſſez
eſcrit. Voyr Virg.
6. Eneid. toutes-
fois paſſoyent il le
corps par deſſus les
eſtangs du Nil.*

*Des dieux infer-
naux. Voyr Gra-
goire Giralde en
ſon hiſtoire des
dieux, Syntagme
6.
Priere pour les
morts entre les gé-
tilz.*

*Les corps mortz
donnez en gage
pour les debtes.*

LIVRE PREMIER

Toutes ces super-
stitions introdui-
ses à bonne fin.

Platō és livres de
la republ. s'ayde
assez de ces sa-
bles.

Quelles sont les
bonnes & saintes
loix.

au mode que pour prédre esgard à l'honneur, & sepulture des deffuncts: mais tout cecy tendoit à induire les hommes à façonner si bié leurs actiōs qu'on n'y peut trouuer que redire, & à dire verité quoy que les Grecs ayēt tasché de reformer la vie humaine, avec leurs fables poëtiques, sur l'heur des bons & suplice des meschans estans deffuncts, si ne peurent ilz onc avec tous leurs esclits attirer l'homme à suyure les choses saintes & vertueuses, ains se mocquoient les vicieux de leur dire & faisoient des risées de leurs inuentions & resueries. Là où les Egyptiens punissoient par effect les mal viuans, & louoyent les bons selon le merite de leur vertu, & bone vie: admonestans tous les iours vn chacun de ce qu'il deuoit suiure cōme prouffitable, voyant la recompense preparée, pour les œuures quelles que elles fussent d'un chacun de leurs citoyens: & ainsi les vicieux se mettoyēt en deuoir de viure bien, & vertueusement. Aussi fault-il penser que ces loix là sont bonnes & saintes par lesquelles les hommes deuiennent non riches, mais plustost iustes, honnestes, sages & modestes. Et voila quand à l'Egypte: reste à pour suiure des autres peuples, & Prouinces de l'Afrique.

Des Pœnes, & autres peuples d'Afrique. Chap. 7.

Pœnes dits des
Phœniçiens, en
ostant seulement
l'aspiratiō, à cau-
se que ce fut Dido
qui peupla celle
contrée. Apian
Alexandr. liure
Libyq.



Es Pœnes, descenduz des Phœniçiens, sont diuïsés en plusieurs & diuerses nations: entant que les Andrimachides voisins d'Egypte, suyuent aussi les mœurs des Egyptiens: & portoient iadis le mesme habit que le reste des Pœnes, à sçauoir que leurs femmes auoient en chacune de leurs cuisses vn anneau d'eraïn (ce qui s'obserue encor en plusieurs endroits d'Afrique entre les Mores) & nourrissoient longue leur cheuelure: & estoient si peu ciuils, & tant mal appris que les poulx qu'ils prenoient sur leurs corps, ils les mordoient & tuoient à belles dents, & puis les gettoient à terre, seulz entre leur voisins, qui vsoient de ceste brutalité. Ce sont eux aussi qui seulz entre ceux de leur nation, & ancienne parenté enuoyent, & produisoient leurs filles vierges qui estoient prestes à marier au Roy, desquelles il depuceloit celle qui le plus luy venoit à gré & en faisoit l'essay auant qu'elle allast au mary. L'autre peuple Africain nommé Nasamone estoit puissant, & iouissant d'un païs de grand estendue, fort cruel, & furieux & escumeurs & Pirates, qui deualisoient les Naus arrestées pres les bancs, & sablons de la mer Libique. Ce peuple farouche descend en esté, ayant laissé son bestail le long de la mer, en la campagne pour y recueillir les fruits, & dates des Palmiers, & s'y fournir du boys desdites Palmes à cause qu'elles y sont fort belles, en grand nombre, & qui sont fertilles & aportans de fort beau fruit. Ilz en prenoient donc les dates non encor meures, & les faisoient meurir au soleil, & les trempans dans du lait en prenoient leur nourriture. Ces gens auoyent (comme encor il est obserué) plusieurs ensemble vne femme, suyuant leur ancienne coustume, & se mesloyent avec elle deuant tout le monde, de mesme façon presque que les Massagetes, si ce n'est que ceux-cy mettoient vn baston à la porte. Les Nasamones ont aussi de coustume que si quelqu'un

Autant en font
encor à present
ceux qui habitent
en l'Amerique.

Nasamones. Voy
Lucan des guerres
ciuil. li. 4. & 9.
Ces bancs sont en-
tre le royaume de
Thunes, & le païs
Cirenaïque. Voy
Ptolé. en la Geo-
graph.
Strabon liu. 3. &
17.
Pauvre nourritu-
re des Nasamones

Massagetes sont
Srythes. voy Stra-
ton à la porte.

d'entr'eux prèd femme, le premier iour des nopces, l'espouſée aille courtiſer tous ceux qui ſont appellez au feſtin, les inuitant à l'acointer, & ceux qui auoyèt affaire avec elle. eſtoyent contrains luy faire quelque preſent, qu'elle emportoit en ſa maiſon pour teſmoignage du nôbre de ceux qui auoyent eu affaire avec elle. Or ces Naſamones viuent de la forme de iurement, & deuination qui ſ'enſuyt, en eſtans les miniſtres ceux qu'ils ſçauèt, & eſtiment eſtre les plus iuſtes & vertueux, d'autant que c'eſt aux mortz à qui ils ſ'adreſſent en iurant par eux, & tenâs les mains ſur leurs tôteaux. Et encor deuinent ilz aprochans leurs ſepulchres, pres leſquels leurs oraiſons finies ils ſ'endormoyent, durant lequel repos, tout ce qu'ils venoyèt à ſonger leur ſeruoit d'oracle, & prediſtion toute aſſeurée. Et ſ'entrepromettant la foy, ilz vſoyent de telle ceremonie, chacun prenoit vn hanap de la main de ſon compaignon, & beuuoyent l'un à l'autre en ſigne d'alliance, & ſils auoyent de quelque liqueur fut eau, vin, ou autre humeur, ils y mettoyent le doigt qu'ilz lechoyent l'un apres l'autre. Les Garamantes eſtoyent ſi farouches, & ſauuages qu'ilz fuyoient toute compagnie, & hantiſe d'hommes, que de ceux de leur païs, & ſi laſches & poltrons qu'ils n'auoyent aucunes armes offenſiues, ny deffenſiues, & eſtans aſſaillis, n'oſoyent faire reſiſtance, & eſtoit leur païs par deſſus les Naſamones en la Libye & Marmarique, tirant vers la Barbarie au Royaume appelle à preſent de Barcha pres la Marine, tirant vers le ponant, les auoiſinant les Macces, qui ſe raſoyent le ſommet de la teſte, laiſſans croiſtre vn topet de poil ſur le deſſus tondans le reſte en rond tout à l'entour. Les Guidanes leurs voiſins portoyent à la guerre des peaux d'Autriches ſouterraines, en lieu de bouclier. Leurs femmes portoyèt auſſi pluſieurs frâges faites de peaux, pour mōſtrer (ainſi qu'on dit) par le nombre de ces franges cōbien d'hommes les auoyèt acoſtées, car chacun qui auoit affaire avec elles leur faiſoit vn preſent ſemblable, tellement que celle qui en auoit le plus, eſtoit auſſi prilee, & honorée ſur toutes autres, comme la mieux aymée & courtiſée des amoureux.

Les Machlies ſe tenoiēt vers le paluz de Tritonie leſquels ſe raſans le deuant de la teſte portoient la cheuelure longue par le derriere, & au contraire les Auſes portent leurs cheueux ſur le deuant tout ainſi qu'on paint l'occaſion. Les filles de ce peuple dreſſoiēt tous les ans vn combat le iour de la feſte de Minerue, en l'honneur de celle dēſſe ſe combatans à coups de pierres fort deſpiteuſement, & cruellement & ſ'entreſtapans de gros baſtons, ſe vantans d'oſer ſeruer la couſtume ordonnée par celle dēſſe que nous apellons Minerue. Or celles qui eſtoient mortes en ce conſlit, portoiēt le nom de fauces vierges & corrompues, mais cecy ſe fait auāt que ſortir de la bataille : & celle qui ſ'eſtoit maintenue le plus bruſquement, eſtoit touſiours honorée par les autres pucelles, qui l'ayans armée de toutes pieces, & ſur tout d'une bourguignotte faite à la Corinthienne, avec vne creſte telle que celle de noz morions, & la faiſans monter ſur vn chariot branſlant, l'alloient en ce triomphe pour mener le long du lac & paluz Tritonien. Ce peuple meſme ſ'acointoit conſuſement des femmes, non qu'ils ſe tinſſent enſemble en quelque honeſte ſociété, ains tout ainſi

bon liu. 11. Herodote liu. 1. Pomp. Mele. 1. S. Chryſoſt. au ſermon de Penteconſte. Prolem. Table 7. d'Affie.

Ainſi en uſons nous ſur les reliques des ſaints.

Garamâtes peuple de Libye. voy Prolem.

Solin ch. 31. Lucan. liu. 4. Et 9. Pomp Mele. 1.

Macces peuple Libyen.

Femmes des Guidanes, ſe proſtituoient à chacun. Les Arabes tiēnt à preſent tout ce païs.

Pallas fut nommée Tritonie à cauſe qu'elle naſquiſt pres le Paluz Triton. Voy Pauſan. en ſes Bœotię. Pomp. Mele. liu. 1. Herodote. 4. Plin li. 5. ch. 4. Combat de filles en l'honneur de Minerue.

Grâde beſtiſe des Auſes, & Tritoniens.

LIVRE PREMIER

que les bestes en vſent. Les ſils qui en naiſſent dès qu'ils ſont paruenuz en aage, les hommes eſtās aſſemblez, il choiſiſt celuy avec lequel il veut eſtre & demeurer, lequel eſtoit reputé pour ſon pere, car les trois moys ils ſaſſembloient pour ceſt affaire.

Mont Atlas eſt de grand eſtendue depuis la Mauritanie, courāt iuſqu'à l'Ocean Occidental. voy Pôp. Mele. li. 1.

Atlantiens ne mangeoyēt chair, & ne ſongeoyent onc. d'où procedēt les ſonges, voy Plin. dernier ch. du 10. li. Albert li. 2. du ſommeil, & veille. Nomades, ou paſteurs Africains, voiſins de la région Cyrenaiq. car il y a auſſi des Nomades en la Scythie. voy Strabon. li. 1. 7. & 12.

Barce ville aſiſe ſur la mer de Cardie. Voy Plin. li. 5. chap. 5.

Mode des ſacrifices des Barcéens. Enterrement des Naſamones quel.

Maxes aconſtrez eſtrangement.

Les femmes Zabiques chartieres.

Peuples viuantz de chair de Singes.

Mœurs des Libyens.

Les Atlantiens ſont ceux qui habitoient le long du mont Atlas, & furent Anonimes, c'eſt à dire, ſans que paſvn d'eux eut vn nom qui luy fut propre: Ceux cy deteſtoient le Soleil ſur le plus chault du iour, & luy diſoient toutes les iniures deſquelles ils ſe pouuoient aduiſer, à cauſe que par ſon ardeur, il les affligeoit & rendoit leurs terres infertiles. Ils ne mangeoyent d'aucune ſorte de chair de beſte quelconque: & eſtoient ſans iamais ſonger choſe qu'elle que ce peut eſtre. Les Nomades, ou paſteurs ſ'auoiſinans d'Egypte, viuoient de chair & de lait, ſans toutesfois rien toucher qui procedaſt de la vache, d'autant que ny les Egyptiens auſſi touchoyēt iamais riē du pourceau, & ne nourriſſoiēt point de vaches: & les femmes Cirenaiques euſſent fait conſcience de les ſeulement frapper, à cauſe d'Iſis honorée en Egypte ſouz la figure d'une vache, en l'honneur de laquelle elles ieufnoient, & celebroyent des feſtes avec grand ſoing & diligence. Mais les femmes du royaume de Barce qui eſt le plus voiſin d'Egypte entre tous les Libiens, le long de la marine, ne mangeoyent ny vache, ny porc, & leſquelles bruſſoient aucunement les veines du ſommer de la teſte à leurs enfans en l'aage de quatre ans, avec de la laine graſſe & non lauée, afin que la pituite coulant du cerueau ne leur fut iamais nuifible, qui eſtoit la cauſe que ces peuples ſe vantoient d'eſtre preſque touſiours en bonne ſanté. Lors qu'ils ſacrifient ils en vſent ainſi, ayans coupé l'oreille à la beſte du ſacrifice, cōme pour premier offre, ils la gettent ſur le toit du tēple, & puis luy tournent & coupent la teſte, ne ſacrifiant en l'honneur d'aucun autre Dieu, que du ſoleil, & de la lune. Or tous les Africains enterrent leurs morts tout ainſi que les Grecs, ſauf les Naſamones, qui les enterrent tout debout, ſi bien que quand vn homme eſt aux angoiſſes de la mort, ils le dreſſent, afin qu'il ne rende l'ame tout couché. Leurs maiſons ne ſont ny de grand conſequence ny frais, eſtans faites de clayes & rameaux entrelacez en des lentisques & leſquelles ils tournent où bon leur ſemble. Les Maxes autre peuple Africain, ſ'acouſtrent fort eſtrangement leur perruque, portans la partie gauche raſe & la dextre cheuelue, & ſe peignant la face de vermillon, ſe vantās d'eſtre deſcendus des Troiens. Les femmes des Zabiques qui ſont leurs voiſins ſeruent de chartiers à leurs marys allans en guerre. Entre les Zigantz, (où les auetres ſont vne grād quantité de miel, mais on tiēt que les hommes en ſophiſtiquent beaucoup plus que les mouches n'en font) tous ſe vermillonnent la face, & mangent des ſinges, deſquels le païs abonde ēz montaignes voiſines. Tous ces peuples ſont en Libye, viuantz tout ainſi que les beſtes de ce qu'ilz rencōtrent, ſans tenir aucune prouiſion en leurs maiſons, & ne ſe veſtent que de quelques peaux de beſtes & ſur tout de Chieures qui ſont là en abondance. Les plus puiſſans entr'eux n'ont aucune cité, ſeulement des tours, & petitz forts baſtis le long des eſtangs, & riuieres, où ils ſerroyent ce qui leur eſtoit neceſſaire pour la vie. Ilz ſont

faire serments tous les ans au peuple qui leur est suiet d'obeir aux commandemens de leur prince, & d'aymer leurs compagnons & voyfins: ayans les armes selon leurs mœurs & l'usage du païs: Car comme ainfi soit qu'ils soyent de legere taille, & habitent vn pays tout presque en planure, ilz vont en guerre, sans espée, ny couteau, ou arme quelconque, sauf quelques Arsegayes, & de gros cailloux choisis à leur fantasie qu'ils portent en des vases faits de cuir, & avec cecy ilz combattent, & assaillans, & se retirans du conflict, & taschans de frapper leur ennemy n'attédoient iamais qu'on leur donnast dessus, accoustumez de leur enfance à la course pour se sauuer à la fuitte: & n'vsent de foy, ou loyauté quelconque à l'endroit des estrangers.

Les Troglodites (que les Grecz à cause qu'ilz vivent des chairs de leur bestail appellent Pasteurs) sont en Ethiopie assemblez en des Citez, & qui creent & eslisent des Roys, & seigneurs sur leur païs. Leurs femmes sont communes à chacun d'eux, sauf que le Roy en a vne qui luy est toute particuliere: que si quelqu'un acointe la femme du Prince, le bon homme ne se venge sinon d'une amende de quelque nombre de brebis, qu'il luy fait payer pour auoir planté les cornes à ce beau Roy sans force. Durant les ventz Ethesies, à cause qu'il pleut fort en ce païs, ilz ne vivent que de sang & lait meslez ensemble, & qu'ilz font vn peu cuire auant que en vser. Durant les grandz chaleurs, leur māquant pasture pour leurs troupeaux, ilz se retirēt vers les marests & paluz, & n'ot gueres guerre ensemble, que pour la dissention aduenue pour ces pasturages. Ilz tuoyent les bestes cassées de vieillesse, ou maladie, & ne viuoyent guere d'autre viande: & mettoient le nom à leurs enfans, non celuy de leurs peres & mairieurs, ains de quelcune des bestes de leur troupeau, lesquelles ilz apelloyēt & peres, & meres, à cause que c'estoit d'elles & non de leurs parents qu'ils prenoyent, & substance & nourriture. Les simples & grossiers, & le petit peuple vsoit pour breuuage de la liqueur d'un arbre nommé Paliure, & les plus riches & puiffans, tyroient le ius de certaines fleurs, ayant & gouft, & couleur semblable au Moust le plus meschant & mal sauoureux, qu'on tire de noz raisins. Et pour autant que la multitude de leurs haraz & troupeaux est fort grande & de bestes diuerfes, ilz sont contrainctz de souuent changer de place, allans tout nudz, sauf les parties honteuses qu'ilz couurent de peaux de leurs brebis.

Les Troglodites sont circoncis tout ainfi que les Egyptiens, sauf ceux qui sont boiteux, lesquels seuls se tenans en la region des Hesternes, ne voyēt ou sentēt iamais le rasoir sur leur corps pour y raire, ou couper chose quelconque. Les Troglodites apellez Megauares, portent pour armes vn escu ou bouclier de cuir de Bœuf tout crud, & sans estre tanné ny acoustré, & fait en rond comme noz rondelles, & vne grosse massue ferrée, d'autres ont des arcs, & lances pour combattre. Ils ne tiennent aucun compte de la sepulture, ains se moquant d'icelle, dès que quelcun d'eux est mort ils prennent le corps, & lians la teste aux cuisses avec des sions, & hards de Paliure, ils le posoient sur vn lieu eminent, le chargeoient en riant de pierres, & l'ayant couuert d'un grand monceau de cailloux, s'en retournoient sans

*Troglodites quelz
& dits pour habi-
ter dans les grot-
tesques & cauer-
nes. Solin ch. 34.
Herodote 4. d'oū
tout cecy a esté
pris.*

*Ces Troglod. ha-
bient dans le sein
Arabique. Voy
Ptol. lin. 4. ch. 8.
Table 4. Et sont
Ethiopiens.*

*Pauvre vie des
Troglod. ventz
Ethesies viennent
du Lemēt, & souf-
flent tous les ans
40. iours apres la
Canicule. Voy
Strabon l. 3. Pli-
ne. 37. ch. 5. Gelle
lin. 2. ch. 18.*

*Paliure est cēt her-
be, & arbre, leq̃l
se trouue seulemēt
en Afrique. voy
Dioscorid. li. 1. c.
123. Theophrast.
liur. 3. ch. 17. &
lin. 4. ch. 4.*

*De quelles armes
vsent les Troglo-
dites.*

*Cruelle façon d'ē-
terrer les morts.*

LIVRE PREMIER

monstrer vn seul brin de tristesse pour la perte de leur amy. Ils bataillent ensemble non pour leurs finages, ou iniures ou esmeuz de courroux, ou ambition, seulement pour les pastis & herbages à nourrir leurs troupeaux. Leurs combats commençoient à grands coups de pierre, iusqu'à tant qu'il y en auoit de blecez : & lors ils prenoient leurs arcs desquels ils estoient merueilleusement bons maistres, sachans si bien que plusieurs y demouroient pour les gaiges: Mais en fin les plus vieilles d'entre leurs femmes se presentans, & sans aucune crainte, se mettans entre les deux parties faisoient cesser le combat (car c'estoit grâd forfaiture que d'en offencer quelcune) auquel pour l'amour & reuerence de ces dames ils mettoient fin soudainement. Ils estoient si charitables enuers les vieillards qui ne pouuoient plus suyure les troupeaux, & haras vagans de lieu en autre, que les estranglans avec vne queue de Boeuf, les faisoient miserablement mourir. Leur estoit permis de faire mourir vn qui languissoit en maladie, encor qu'il refusast de finir, & pensoient luy faire vne grand faueur, & auantages, vñs de pareille courtoisie aux febricitans & à ceux qui estoient assailliz de quelque maladie incurable : ayans opinion que celuy est le plus malheureux d'entre les hommes, qui ne pouuant rien prouffiter en viuant, desire toutesfois de viure en ce monde. Herodote escrit que les Troglo-dites font des Grottesques pour y habiter, sans auoir aucun desir d'accumuler richesses, veu qu'ils se sont dediez, & consacrez à vne pauureté volontaire, se glorifians en ce seulement qu'ils iouissent d'vne pierre exquisite que nous apellons Exachontalite : & qu'ils viuent de chair de Lefards, & serpens: que leur parolle est si confuse, que plustost on iugeroit qu'ils sifflassent ou grinçassent les dents, que non qu'ils imitassent aucunement la voix humaine. Il y a encor vne autre nation Ethiopienne par dessus l'Egypte le long du Nil vers les parties australes, où les hommes, nommez Rizophages (qui signifie mange racines) ne viuent que des racines des roseaux, arrachées des lieux voisins, qu'ils lauent & battent tant avec des pierres iusqu'à ce qu'ils les amollissent, & desquelles ils font des gateaux comme vne tuile autant qu'on en peut tenir en la main, & les mangent, estans cuits au soleil. De ceste viande ils en iouissent en paix, & en ont en abondance tout le long de leur vie, à cause qu'ils n'ont guerre avec pas vn de leurs voisins: si est-ce qu'ilz ont guerre cōtinuelle avec les lyons, qui pour se rafraeschir aux ombres, sortent des desertz, & aussi pour suiuer les moindres bestes pour se repaistre: qui est cause que souuent les pauvres Ethiopiens, se tenans aux Paluz en payēt la folle enchere, & sont deschirez des qu'ilz sortent de leurs marests par ces bestes farouches, & cruelles, tant pour n'estre des plus courageux que l'on sache, & n'ayans armes pour se preualoir de telle violence. Et il y a long temps que ceste nation eust esté ruinée par les Lyons, si nature n'eust pourueu de son bon gré à leur defence, & conseruation. D'autant que sur le commencement que la Canicule espand ses ardeurs, il naist vne si grande & innombrable multitude de frelons en ce pais là, sans qu'aucun vent y regne pour y causer, en attirant les vapeurs ceste corruption, que les hommes se retirās dans les paluz n'en sont point vexez ny tourmentez, mais les Lyons en sentent telle

Batailles des Troglo-dites, pourquoy se faisoient, & comment prenoient fin.

Cruauté Barbare sur les vieillards maladifs. Estranges receptes pour les malades.

Livr. 4. d'où l'auteur a pris tout cecy, n'est parlé vn seul mot de ces cruautés. Bien parle-il de leurs manger de serpens & parolle confuse. Rizophages habitent par delà l'isle de Meroë, pres le fleuve Astape. Voy Diod. Sicil. l. des antiq. 4. c. 3.

Ethiopiens assailliz des Lyons. tout cecy est de Diod. Sicil. li. 4. ch. 3.

Frelons, & Tans, ou hancions chaf-

guerre qu'ilz sont contrainctz de s'en aller, tant pour se fâcher de la morture de ces bestioles, qu'espouventez de leur son & murmure. A ceux-cy sont voisins les Hilophages, & Spermatophages (c'est à dire ronge-boys, & mange-semences) les derniers desquels recueillans les fruits cheans des arbres s'en nourrissent sans se pener autrement pour auoir esgard à leur prouision, contents le reste du temps de substenter leur poltrone vie des herbes qui naissent par la campagne marescageuse. Là où les Hilophages se mettrons en campagne avec leurs femmes, & enfans montēt sur des arbres, ou coupans le tendron & bous des branches, ils en nourrissent leurs corps miserables: & sont si adextres (à cause du long vſage de grimper sur les arbres) qu'ils faultent d'un en autre, comme si c'estoient des oyseaux, & Escurieux, & se coulent le long des branches & rameaux, les plus tendres & foibles, sans danger de leur personnes, tant ils sont maigres & legers, & ce qui semble chose incroyable, ils sont si subtils que si le pied leur glisse sur quelque rainseau soudain les mains s'accrochant à la branche les deliure de l'infortune de la cheute, & quoy qu'ils tombent, encor sont ils si peu chargez de chair & graisse, que la legereté du corps empesche qu'ils ne reçoient aucune offence: & ainsi ils rassasient leur ventre affamé emplissant des tendrons des arbres ainsi que font les cheureulz, & chamoys en noz montaignes. Ces gentils oyseaux vont tousiours tous nuds, & ont leurs femmes, & enfans communs, aussi leurs richesses ne sont trop grandes: quoy qu'on die qu'ils bataillent à beaux coups de bastō pour les lieux de leurs demeures, esquelles les vaincuez, donnent loy, & commandent sur les vaincuz. Mais il en meurt plus de faim, que de coups receuz à la bataille entāt que leur defaillant la veuē, ils sont priuez du sens qui leur faisoit voir le soustien de leur vie, & ainsi ils perissent. Le reste de ce païs est habitē par les Cineques, lesquels bien que soiēt en moindre nombre que ne sont les sus-nommez, si est-ce que leur vie est fort differente ensemble. Car ils ont leur demeure aux boys, & leur païs estant forestier, fâcheux, mal-plaisant, & raboteux, & où l'eau est rare & les fontaines difficiles à y estre trouuées, ils sont forcez de prendre leur repos sur les arbres, de peur de seruir de pasture aux bestes qui repairent par telles solitudes, & sur le point du iour, allans vers les eaux pour rassasier leur soif, quoy qu'ils soiēt armez, si se cachent ils parmy les feillardz les plus espais de ce païs boscaugeux: & ce sçachant que sur le chault plus ardent du iour les Bœufs sauvages, les Pardes, Lyons, & autres bestes farouches tourmentées tant de la chaleur ardente du soleil, que vaincuz d'une rage impaciente de soif, iroient aux fontaines pour s'y rafraeschir, & rassasier leur alteration. Ces animaux renduz qu'ils sont pesans & lourds pour s'estre chargez d'eau, ces Ethiopiens sortans de leur embusche leur courent sus avec des perches & bastons aiguisez & bruslez par vn bout, & les tuent de pierres, & saiettes, & les partageans ensemble, & donnant à chacune bande sa portion, ils s'en faoulent, & prennent gaillarde curée. Il aduiēt quelquefois, quoy que tard, & non trop souuēt, que quelques vns d'entre eux sont deschirez par quelque beste plus forte & puissante qu'ils ne sont, mais ils sont si cauteleux, & subtils en leurs chassē, & embusches que les plus braues, & furieux de

*Sont les Lyons du
pays des Rizophages.*

*Miserable vie des
Spermatophages,
& Hilophages.*

*Diodore fait icy
des corps aériens
des hommes.*

*Peuple de faim,
estant deuenus a-
uengle.
Ceux que cestuy-
cy appelle Cineques
Diodore nomme
Gymnites.*

*Ceux cy sont apel-
lez, par Ptholo-
mé Scinites. Ta-
ble 4. d'Afrique
liur. 4. chapit. 8.
les mettāt vers les
montaignes d'A-
zanie.*

*Chasse subtile des
Gymnites sur les
bestes farouches.*

L L V R E P R E M I E R

Comme les Gymnites adextrent leurs enfans à tirer de l'arc.

Mangesauterelles peuple fort maigre & noir demesurément.

Zephir participe & du ponant, & du midy, & c'est pourquoy il est attrémpé, & produit.

En Ethiopie ceste bruine gaste ordinairement tous les ans quelque province, ny laissant rien qui soit sur terre. Voy d'Alvarez, en son Ethiop.

Vie fort courte des Acridophages causée par la corruption de leur nourriture.

Peuples mourans de Pthiriasse & maladie pediculaire.

ces animaux demeurent vaincus & deffaictz: Ayans faute de chair ilz faident pour viure des peaux des bestes au parauant mangées, qu'ilz detrempent, & en ostant le poil les chauffent, & cuisent au feu legerement: & se les departissans ensemble, s'en saoulent avec bon apetit, & goulüement. Et pour rendre leurs enfans adextres à bien tirer de l'arc, ilz leur dressent vne bute, & ceux-là seulz ont a manger lesquelz auront touché le blâc, & c'est pourquoy la faim les pressant, ilz deuïennent si bons, & parfaitz archers. On y trouue encor les Acridophages, ce sont les mäge-sauterelles, ou Locustes, voisins du desert Libyé outre la regiõ Cinnamifere, ou portecanelle, les plus petitiz d'entre les Ethiopiés, noirs outre mesure, & maigres comme l'escorce d'un arbre. Durant la saison du Printemps nature pouruoyant à leur faim, & deffault, fait souffler les vents Zephir que nous appellons ventz d'a bas, & le Libyque, qui est austral, qui leur amenant grand quantité de sauterelles, desquelles ilz dressent leur affamée cuisine, & qui ne pouuans rié trouuer au desert viennent seruir de pasture à ces Negres miserables. Et sont ces Locustes tresgrandes, & la couleur de leurs aïles fort vilaine, & ressentant ne sçay quoy de saleté, & ordure. Or comme ceste vermine poussée du vent vient comme un nuage obscurcissant les vallons où se tiennent ces Ethiopiens, eux qui sont acoustumez à tel exercice, portent grand quantité de matiere cõbustible, & toute l'herbe au parauant coupée amoncellant le tout ensemble, & y mettans le feu le long d'une grande vallée. Qui cause que les Locustes vaincues de la force & vehemence de la fumée y sont poussées de l'air en terre, en quelque lieu un peu plus loing de ce vallon, en tombant si grand nombre, qu'elles suffisent à nourrir tout ce peuple. Lequel les salant (car ce país abõde fort en sel) en font reserue, & leur sert ceste viande d'une saulce exquisite en leurs affamez apētis, n'ayans autre nourriture que de ces bestioles engresfées des bleds mägez & rongez par le reste du país Ethiopien. Car ce peuple ne fait nourriture aucune de bestail, & ne mange aucun poisson, estant fort esloigné de la mer, & à bref parler, n'ayant autre moien pour substenter la vie miserable. Ainsi ne faut s'esbahir s'ils sont legers & dispoz de leur personne, & s'ils courent bien, & viuent briuefement, veu que les plus vieux qu'on y voye ne passent iamais l'an quarantième de leur aage. Quand à leur mort, & fin ell'est autant miserable cõme incroyable, quoy qu'elle ayt quelque verisimilitude: car ce peuple paruenü en la vieillesse si soudaine, sent engendrer premieremēt en son ventre, puis en l'estomach, puis par tout le corps, des poulx eslez, non seulement diuers en figures, & couleurs, ains encore horribles à voir, & sales & vilains, qui en peu de temps les rongent, & consomment avec vne estrange, & effroyable douleur. Le commencement de ceste maladie les empoigne avec un grand demagement tel que de ceux qui ont la gratelle, qui cause qu'en se gratant ils ont grand plaisir suiuy d'une soudaine douleur & repentance: apres ce gratter on voit sortir les poulx à escadrons, qui coulans avec vne eau sanglante sortans de ce demagement, contraignent le patient miserable vaincu d'angoisse & pressé du mal, à deschirer son corps à belles ongles non sans se plaindre, & gémir fort griueusement. Apres cecy les poulx sortent for-

formillans en telle sorte, que comme si c'estoyét des vers de quelque boys vermoulus, ilz ne peuuent estre ostez, ny effacez, renaissans soudain les vns apres les autres: & en ceste façon ces pauvres gens donnent fin à leur vie, soit pour la nourriture prise tout le temps de leur aage, ou à cause de l'indisposition de l'air corrompu de leur Prouince. Sur l'extrémité d'Afrique vers les parties Australes, habitent des hommes que les Grecz nomment Cynnammimes, & les Barbares les appellent sauuaiges, portans la barbe fort longue & toufue, & nourrissans des troupeaux de chiens sauuaiges, qui leur seruent de garant & sauuegarde. D'autant que dès le tropique de Cancer, qui est le commencement du retrograde du soleil en esté au moys de Iuing, iusqu'à moitié d'hyuer, il vient vne multitude infinie de Bœufz Indiens se ruer en la terre de ce peuple, soit que ces bestes fuyent la rage d'autres qui les poursuient, ou pour trouuer dequoy se nourrir, ou pour autre occasion, à ce poussez de la seule nature qui produit tout ce qui est çà bas de merueilleux, si est-ce que la cause en est encor incogneue & incertaine aux hommes.

Or les hommes ne pouuans se preualoir de ces bestes furieuses de leur propre force, ilz ont recours à la gaillardise de leurs chiens, avec lesquels ilz poursuient ces Bœufz, & en font souuent de beaux massacres, partie desquelz ilz mangent tous fraiz pris, & salent les autres pour leur provision, & encor avec ces chiens, ilz prennent grand quantité d'autre sauuagine, qui me fait pèser que ce sont les chasseurs Oripées descrits par Ptolomée. Les derniers de ceux qui habitent les parties meridionales d'Afrique sont les Ichthiophages, (c'est à dire mange-poisson) lesquels ayas forme humaine, vivent neantmoins aussi brutalement que les bestes, & est leur país, pres la riuée de la mer en la region des Troglodites, au sein Arabique [voilà comme les anciens ignoroyent les terres, veu que Diodore Sicilien de qui cest auteur à tout emprunté, n'a eu cognoissance iusqu'au Promontoire Prasien, qui est le dernier bout & limite cogneu par Ptolomée, qu'on sçait à present estre nommé le Royaume de Melinde, & par delà lequel encor y a terres & Prouinces infinies, iusqu'au Cap de bonne esperance, le tout descouuert par les Pilotes de nostre aage. En outre ne veux omettre que icy on met les Ichthiophages en la region des Troglodites, vers le sein & goulphe d'Arabie, qui est país Oriental, comme ainsi soit que Ptolomée les mette non en Ethiopie, ains en l'Egypte Arabique, bien loing de l'Ethiopie, tirans vers nostre Pole, & deçà le Tropique d'esté, comme ainsi soit que les Troglodites soyent tirans vers l'Equateur, & l'approchans, comme ceux qui sont par delà nostre Tropique, soit cecy dit en passant, & pour le plaisir & contentement du lecteur, lequel ie veux que on apaste d'autre viande que baies, ou simples coniectures.] Or ces Ichthiophages vont tous nudz sans iamais vser d'habillemēt quelconque, ayans à l'imitation des bestes, & femmes, & filles à discretion, & en communauté, comme ceux qui n'ont ny sens ny apprehension de plaisir, ny douleur sinō ainsi que le simple instinct de nature les cōduit, ne sçachās mettre differēce entre ce qui est honeste & les choses sales & mal seātes. Leurs logettes & maisons sōt basties assez pres de la mer,

Cynnammimes peu-
ple Chiennetier.
Tropique d'esté
est le Cancer, com-
me Capricorne est
de l'hyuer.
Bœufz Indiens à
troupeaux assail-
lēt les Cynnami-
mes.

Ptolomée liure 4.
ch. 3. Table qua-
triesme d'Afrique.

Anciens n'ot eu
cognoissance plus
auant du costé
d'Afrique, que
du goulphe Ara-
bique.

Promontoire Pra-
sien, à present roy-
aume de Melinde.

Où sont au vray
les Ichthiophages
voy Ptolomée ta-
ble 4. lin. 4. ch. 9.
Il y a d'autres
Ichthiophages.
voy Strabon lin.
15. & 16.

Grande ignorāce
des Ichthiophages.

LIVRE PREMIER

*Quelle est la pes-
cherie des Ichthio-
phages.*

& ioignant les promontoires, où non seulement on voit de grâdes spelô-ques, ains encor des valées longues, & spacieuses, & des Grottesques fort estroittes, ayans l'issue naturellement tortueuse & trefsdifficile, lesquelles voyes & maisons les habitans secourus de la nature ferment & en difficultent l'entrée avec des monceaux de pierres, avec lesquelles comme si c'estoyent des rhetz ilz arrestent le poisson & le surprennent: Car la mer croissant (ainsi que le flus y aduiet tous les iours le matin & sur le vespre) elle arrouse les bordz voisins, & s'espandant bien loing elle amaine avec soy vne infinité de poisson en terre ferme, lesquels glissans en diuers lieux pour trouuer pasture, lors que au reflux la mer se retire, il aduiet que les poissons sont laissez à sec entre les pierres: & c'est là que ce peuple accourt avec les femmes & petitz enfans, pour recueillir leur prise, que ilz estendent au soleil sur des pierres à l'aspect plus ardent du midy, les tournent souuēt: & secz qu'ilz sont, ilz despouillent les oz, & en tirēt la chair, qu'ilz pestrifient dans vne grosse pierre creuse comme vn mortier, & y meslans de la semence, & fruit de l'arbre nommé Paliure, ilz composent vne viande qui leur semble tressouefue, douce, & fort apertissante: car les poissons ainsi meslez de diuerses sortes, ils font de ceste paste des fouaces & pains longs comme vn tuileau, & les ayants fait secher encor quelque peu au soleil, ilz s'asseent pour bâqueter, & s'en repaissent avec grand plaisir & contentement, & ce s'en saoulans, & emplissans leur ventre, sans tenir ordre ny mesure à leur repas, ayans tousiours ceste viande preste, comme en vn garde-manger qui onc ne leur manque, estant la mer leur grenier, & leur seruant de boucherie avec grand abondance. Mais lors que la mer s'enfle esmeue de ventz & orages, & que les haures & orées sont inondées des vagues furieuses & escumantes de l'ocean, si que le pescher leur soit interdit, leur estat alors leur pasture faillie d'une part, ilz se pouruoient d'une autre, ramassans des coquilles, & grandes conches de la mer, desquelles cassant la durte, & test ils en tirent la chair crue, de laquelle ilz se nourrissent, ayans ces poissons escaillez, le goust tout semblable presque aux huïstres que nous mangeons par deçà: Que si par l'effort & violence des ventz contraires, la tempeste dure longuement, & que ces huïstres leur defaillent aussi bien que le poisson, c'est aux arestes & ossemētz des poissons ia mangez, desquelz ilz font ordinaire prouision, que ilz s'attaquent, mangeas ceux qui sont les plus tendres, & frais, & les autres ilz cassent avec des pierres n'estans en discretion de guere dissemblables aux bestes brutes. Or se traittent-ils (comme j'ay dit) ioyeusement, & d'un chant assez mal-plaisant, & qui ressent la modestie, & douce harmonie de ces chœurs brutalisez: ilz s'elioüissent, & congratulent pour la bonne chere qu'ils ont fait ensemble: & puis chacun se rue sur la femme qui luy vient la premiere en main, afin d'en tirer lignée, sans soing aucun qui leur trouble leurs aises, tant qu'ilz se voyent deuant les yeux dequoy farcir leur ventre: & uiuent l'espace de quatre iours se donnans ainsi du bon temps, à manger, & caresser leurs dames, & le cinquiesme s'en vont à troupeaux vers les fontaines pour allegger leur soif, crians & brayans pleins de ioye, & vñs d'une voix autant mal-plaisante comme peu aïcée à entendre & mal for-

*De ceste mesme
façon viuent la plus
part des sauvages
du Bresil qui sont
voisins de la mer.*

*Les Bresiliens aussi
mangent par l'es-
pace de deux iours
sans boire, et boi-
uent autant sans
rien manger.*

mée, en estant le son sans aucun artifice. Ce voyage n'est en guere different de celuy d'un haras & grand troupeau de Bœufz, s'emplissans tellement le ventre d'eau que à peine s'en peuuent ilz retourner a leurs loges pres la marine: & le iour que ilz se sont ainsi abreueez ilz ne mangent rien, ains se couchent aussi hors d'eux-mesme, & tant ancantis que seroit vn homme qui auroit le cerueau fort troublé de vin, & de viandes: & puis l'endemain ilz retournent à leur exercice de pescherie, & vie delicieuse de leur paste de poisson: & passans ainsi leur temps, contentz de telle frugalité & simplicité, aussi ne sont ilz presque iamais malades, iagoit que ilz ne vivent guere longuement. Leur complexion estant sans aucune mauuaise humeur, & eux sans apprehension de malice se contentent de peu, & n'ont autre soing que de chasser la faim, sans souhaitter plaisir d'ailleur, que celuy que ilz peuuent prendre chez eux, & en leur accoustumée maniere de viure. [Et telle est la vie de ceux qui habitent dans le goulphe d'Arabie, lesquels à present sont vn peu plus fins & rusez, & s'adonnent, sinon à viure plus delicatement, à tout le moins à cognoistre que vault la marchandise, l'ayans apsis par les Chrestiens & Mores qui courent le long de celle coste, & dans ce goulphe: auquel sont auoisinez les Royaumes d'Adel & Barragaz depuis le Cap de Gardafuni, qui regarde l'Arabie heureuse, où la plus part des peuples sont Mahometans, quoy que suiety au grand Empereur d'Ethiopie.]

Or les façons de faire de ceux qui sont hors le goulphe, & sein Arabique, sont beaucoup plus merueilleuses, comme ceux qui iamais ne boient, & qui naturellement ne sentent onc aucune passion, ou esmotion en leur ame, pour chose qui leur puisse aduenir. Ce genre d'hommes se tiennent loing de la terre habitée, & frequentée des autres, y estans comme poufsez de fortune, & là ilz s'adonnent à la pescherie, ne se soucians, ou desirans rien qui soit humide pour leur goust, iagoit que ilz mangent des poissons à demy crudz, non pour estaindre leur soif, ains conduictz de ne sçay quelle brutalité, & contentz de tel viure, & pasture que ilz trouuent fortuitement, ayans opinion que c'est vne grand felicité d'auoir faute des choses qui peuuent nuire à ceux qui en ont faulte, si par cas ilz venoyent à en auoir à suffisance: Et sont si patients & constans que on dit, que si quelqu'un les venoit assaillir l'espée au poing, & les frappoit, qu'ilz ne daignent s'enfuir, ains souffrent courageusement, & les coups, & les outrages, ne faisant autre cas que regarder celuy qui les offense, sans monstrier aucun signe, ny de douleur, courroux, compassion, ou misericorde. Ilz ne parlent point aucunement, ains avec signes tant des mains que de la teste, ilz font cognoistre & demandent ce dequoy ilz ont affaire, & que le plus ilz desirent. Ce peuple ayme & poursuist la paix avec vn grand accord & vnion viuantz ensemble, ne faisans tort aux estrangers, s'estans de tous temps maintenuz en ceste sorte, quoy que ce soit vn cas fort merueilleux, soit que la coustume les y ait induis, ou que la necessité les y contraigne, n'ayans le moyen de porter nuissance à personne. Leurs loges & maisons ne ressemblent point celles des Ichthiophages, ains les vns se tiennent en des Grottes qui regardent le septé-

*Voy Jean Leon
African en sa
descriptio d'A-
frique.*

*Diodore s'esgare
bien fort de faire
les hommes sans
apetit de boire, &
sans nulle passion
d'ame, choses im-
possibles, en quel
que ce soit des a-
nimaux.*

*Tout cecy est fabu-
leux, comme s'il y
eust iamais hom-
me auquel man-
quast la voix.*

LIVRE PREMIER

trion Pole Artique, esquelles & l'ombre, & la fraischeur de l'air les defendēt des ardeurs vehementes du soleil: d'autant que les Spelonques qui regardent le midy, ressemblans pour leur ardeur aux exhalations d'une fournaise, empeschent que on ne peut les aprocher pour y faire demeure. Ceux qui ne sont point exposez à la face, & abry du vent Artique, se font des maisons de coste de Baleine qui sont faites en voulte, que la mer leur fournit abondamment, qu'ils lient & ioignent ensemble, & les couurent des herbes marines, pour s'en servir contre les ardeurs du soleil, Nature trouuant d'elle-mesme l'art pour se deffendre, y estant induite par la necessité & peril de souffrir quelque grand malheur & defastre: & voila la vie des Ichthiophages d'Afrique. Reste à dire quelque cas des Amazones qu'on dit auoir le tēps passé fait leur demeure en Libye lesquelles estoient femmes hardies guerrieres, fortes vaillātes, & de grande puissance, & differentes en vie & façons aux dames de nostre aage. D'autant que celles cy pour garder leur virginité auoyent en coustume de s'exercer par quelque espace de temps au maniment des armes, & passer temps d'exercice: elles se mesloyent avec les hommes pour auoir lignée & entretenir en vigueur leur race. C'estoyent elles seules qui manioyent les affaires, & commandoyent, & gouuernoyent l'estat de leur royaume, & republique, & ce pendant les hommes estoient entre elles sans aucune autorité, faisans le mesnage en la maison, ainsi que font les femmes entre nous, obeissans comme chambrieres, non receuz au gouuernement des prouinces, & moins à suivre l'exercice des armes. Elles enceintes & deliurans leur fruit, les masses estoient donnez aux hommes pour les nourrir, mais afin qu'ilz fussent inhabiles & sans effort pour la guerre, dès qu'ilz estoient nez on leur froissoit le bras dextre, ou qui pis estoit, les faisoient mourir, ou enuoient bien loing de leur terre: Aux filles, on brusloit le bout des mamelles, afin qu'elles ne leur creussent en grosseur, ayans opinion que les tetins leurs seruissent d'empeschement à la guerre: qui a esté cause que les Grecz les ont nommées Amazones, à cause qu'elles estoient sans mamelles. Ceux qui diēt qu'elles ont habité en Libye tiennēt que elles se tindrēt en l'isle d'Hesperie, ainsi apellée, à cause qu'elle est posée vers le couchāt, & qu'elle est assise dans le paluz Tritoniē voisin de l'océan, lequel paluz s'appelle ainsi, à cause d'un fleuue de nom semblable qui s'escoule en iceluy. Ceste isle marefcageuse est prochaine d'Ethiopie, & du mont Atlas, qui est le plus grand & spacieux de toute l'Afrique. Ceste isle est tresgrande; fertile en arbres de plusieurs sortes, de fruits desquels le peuple se nourrit, y ayant de grands troupeaux de Cheures & brebis, le lait desquels sert de pasture aux insulaires, qui n'ont aucun vŕage de bled, comme ceux qui ne le cogneurent, ny veirent oncques.

Diodore Sicilien.
Antiq. li. ch. 4.
Strabon se moque
de l'opinion qu'il
y ayt iamais eu de
ces Amazones.
Voy sa Geogr. li.
11.
Des Amazones
voy Pomp. Mele.
li. 2. & 3. Celie
Rhodigin li. 9.
chap. 12.

De ceste debilita-
tiō des masses. voy
Rhodigin li. 14.
chap. 5.

D'oū viēt le mot
d'Amazone.
Voy Silius poëte,
li. 2. Et Celie Rho-
digin dit que les
Gorgones estoient
Amazones.
Je croy que ceste
isle Tritonie est
aussi cognue, com-
me la verité de
l'histoire des A-
mazones.

Des païs non recitez par cest auteur, descrivant l'Afrique. Chap. 8.



E penferois faire grand tort aux lecteurs, si nostre auteur n'ayant touché qu'un simple cartier de l'Afrique, & iceluy le moins cogneu, & qui à cause du peu de frequentation des anciens, ressent plus de la fable que de la clarté, & graue seuerité de l'histoire, ie ne taschois le plus briefuement qu'il me sera possible d'esplucher les plus renommez d'entre les peuples, & nations d'Afrique qui sont venues à nostre cognoissance par l'art & diligence des Pilotes & Mathematiciens de nostre aage à ce conduits, & appointez par les Roys, qui ont rendue la mer nauigable du costé mesme qui sembloit impossible aux anciens, & ont fait voir combien ceux là se trompoient, qui pensoient que la terre fust inhabitable, laquelle gist souz la zone qu'ils disoient ardente du Zodiaque, laquelle est & peuplée & frequentée tant par les Chrestiens que Mores, soit de l'Europe, ou de l'Afrique, ainsi que scauent ceux qui ont longuement nauigué le long des costes, & plages de l'Océa, soit qu'ils allassent au Bresil, ou voulussent passer outre, & visiter les Indes pour cause de l'espicerie. Or laissant l'ancienne diuision d'Afrique, à cause que Strabon, Ptholomée, Plin, & autres sy sont doctement employez, & l'ont espluché en ce qu'on peut attédre de la parfaite cognoissance de ce qui estoit descouuert de leur temps : & en ce qui est de la consideration celeste sy estans monstrez si diligents que les plus experts faut que confessent la redeuance de laquelle ils se confessent obligez au labeur de ces diuins esprits du passé. Tellement que cest excellent Mathematicien, & grand pilote Americ Vespuce Florentin ne fait point comme vn tas d'hommes sans scauoir, & peu d'experience, qui cōdemnent d'ignorance ceux desquels iamais ils ne feilliterent les liures, ou fils y ont veu quelque cas, ça esté toutesfois sans y entendre que le hault Alemant: Veue que Vespuce n'est si arrogant (vice propre à tout ignorant) que d'obscurcir la memoire des anciens, en pensant establir la siéne, encor qu'ayant dequoy bien payer, il peult faire parade de l'experience de plusieurs grandes choses que les ancestres n'auoient seulement veu par Idée. Laisant donc ceste ancienne diuision des Geographes, & Cosmographes des siecles passez, nous dirons l'Afrique estre à present considerée par deux sortes des Mores, les vns appelez blancs, & les autres noirs, entant que par ceste diuision on contemple tout le partage du païs Africain, qui ayant changé d'empire, mœurs, peuple & religion, ne faut festonner si à l'alteration de l'estat est conioint le changemēt & des noms, & de la diuision. Cest pourquoy Ptolomée, le plus diligent de tous Astronomiens, & Geographes, dit qu'en ce qui touche les histoires, il faut plustost s'arrester à ce qui est consideré le plus freschemēt, à cause que toutes choses sont, ne sçay par qu'elle reuolution, suiettes à estre alterées, & souffrir quelque changement. Et de fait ceux qui contemplerōt les desordres aduenuz au monde, dès le temps que les Romains fauillissans perdirent la grandeur de leur Empire, & renom glorieux de leurs conquestes, verront

L'Afrique pres- que toute descou- uerte de nostre temps.

Opinion des anciens qui pensoient l'equateur estre inhabitable. Voy Strabon. liur. 2. Aristote. 3. des Meteor. chap. 2. Pomp. Met. liur. 1.

Louange d'A- meric Vespuce Florentin.

Comme l'Afri- que est à present diuisée.

Ptolomée Geo- graph. liur. 1. c. 5.

LIVRE PREMIER

*Ceste diminution
aduint souz les
Huns, Goths, Van-
dales, Lombards,
Frâçois, & Bour-
guignons.*

*Genferic enuabit
le païs d'Afrique,
enuirô l'an de gra-
ce 431. Et les Sar-
razins y vindrēt
sur lan 648.*

*Il y auoit deux
Mauritaines, ſça-
uoir Tunigitane,
& Cefaree.*

*Deux sortes de
Mores en Afri-
que.*

*Terre de Negres
en Mely, Senega,
Guinée, Meleget-
te, & Beny.*

*Barbarie, & Nu-
midie peuplée ia-
dis d'hommes illu-
stres, & excellēs.*

*Hommes excellēs
de iadis en Bar-
barie & Numi-
die.*

*Afrique fertile
en hōmes de grād
ſçauoir & ſain-
teté.*

par meſme moyen que les Prouincēs les plus fleuriffantes, ont ſenty vne eſtrange diminution de leur gloire, avec le changement & de noms & de peuples. De cecy me ſoient teſmoins pluſieurs païs en Italie, & es Gaules, cōme la Lombardie, la Bourgoigne, Suiſſe, & Normandie, & en Eſpaigne la Catheloigne, & Andalouſie. Mais ſur toutes les prouincēs & nations du monde, ce fut l'Afrique, qui ſe reſſentit le plus de ceſte miſere, ſoit lors que Genſeric l'occupa avec les troupes des Alans, & Vandales, ou quād les Goths, & Vandalans en furent chaffeſſez par la race maudite des Arabes Mahometiſtes recogneuz par tour le monde, ſouſ le nom & tiltre de Sarraſins, leſquels ayans gaſté tout ce qui eſtoit de beau, & magnifique en celle flouriffante Prouince, & corrópu la religion, en ſurſemant ſur l'hereſie Arrienne vne pire contagion du Mahometiſme, meſſans la peruerſité de l'opinion avec les mœurs bārbares, & cruels des pilleurs d'Arabie, ſe-
rent qu'à preſent on ne voit plus celle richeſſe, beauré, & fertilité tant chā-
tée du païs African. Et d'autant que l'auteur qui à recueilly les meurs de routes nations, a oublie le principal de ſon diſcours, & ſ'eſt allé amuſer en Egypte, & Ethiopie, ſuyuant les pas des anciens, & courir en Libye pour nous repaiſtre des fables de Solin, Pline, Diodore Sicilien, & Herodote, nous embrafferons les Mauritaines ſelon la mer mediterrannée, & courrōs les terres qui ſont outre le deſtroit de Gibraltar, viſitans ce qui a eſté deſ-
couuert par les curieux & hommes excellens de noſtre aage, & ce avec le plus de briefueté qu'il me ſera poſſible, eſperant qu'en autre endroit nous en donnerons vn plus long paſſe-temps au lecteur diligēt & ſtudieux. Le vous ay donc dit qu'il y a deux eſpèces de Mores, à ſçauoir noirs, & blācs: les noirs ſe tenans bien auant delà les deſerts de Libye, tirant vers les par-
ties australes en la terre dictē à preſent des Negres, ou noirs, ſ'eſtendant iuſqu'à la Guinée, royaume de Mely, Melegete, Beny le long du fleuue de Senega dit Nigritis par les anciens, & deſquels nous dirōs quelque choſe par cy apres. Et les blancs ſont ceux qui habitent en la barbarie, & Numi-
die, qui eſtans iadis la conqueſte des Romains, ont auſſi eſté les plus ciui-
liſez, & deſquels ſont ſortis d'excellens perſonnages tant Chreſtiens que Gentils, voire, & de la ſecte Mahometiſte. Je ne veux aller rechercher les Hannibalz, Hamilcars, Hanons, Maſiniſſes, & Iugurthes pour le fait de la guerre, afin qu'il ne ſemblaſt que ie vouluſſe faire icy vn diſcours de ce qui eſt aſſez traité par Tite Liue, Polibe, Saluſte, Cefar, & Appian Alexan-
drin: mais qui contemplera quels hommes ſont ſortis de ceſte Afrique te-
nue par les Romains en ce païs qu'à preſent on nōme Barbarie, depuis que la foy de Ieſus Chriſt y fut plantée, & le ſaint Baptēſme & preſche, & re-
ceu, ie ne ſçay qu'elle Prouince de l'vniuers pourroit gaigner l'aduantage ſur ceſte cy en la production d'hommes de grande excellence, tels qu'ont eſté Saint Cyprian, & tant de Martyrs, & cōſeſſeurs de ſon temps, & deſ-
quels il fait mention en ſes œuures, comme vn Saint Auguſtin, que i'oſe dire le plus ſçauant, & profond entre tous les Theologiēſ Latins, vn Au-
relle qui fut de ſon temps vn Exupere depuis Eueſque de Tholouſe: vn Tertuliā quoy que depuis Heretique: & ne feray difficulté d'y cōprendre, Nouat, Donat & leurs complices quoy qu'apres auoir gouſté la parolle

de Dieu ils se soient retirez de l'vñion de l'Eglise, comme enfans bastards, & esprits pleins de rebellion & contumace. Entre les Mahometistes ie pourray vous louer les Roys Mansor, Marin, & Ioseph, hommes excellents en leur superstition, du regne desquels ont floury les plus fameux medecins d'entre les Arabes venuz en Afrique dès la premiere volée de Sarrafins en ceste miserable terre, tels qu'ont esté Auicenne, Rasis, Albumarfar, Auertois, & autres en grand nombre, tous nourris par les Roys de Maroc tenans la Barbarie, & vne grande partie des Espagnes. La Barbarie donc & Numidie, estans iadis (comme encore sont) les parties plus fertiles, & plaisantes d'Afrique sont aussi les mieux peuplées contenans plusieurs royaumes, & par consequent grande diuersité d'hommes, & iceux de tout dissemblables en humeurs & façons de vie: mais sur les autres est la Barbarie la mieux policée, & de grand estendue, comme celle qui dès la pointe du mont-Atlas allez pres d'Egypte s'espand iusqu'au destroit de Gibraltar contenant quatre gros royaumes, sçauoir est celui de Maroc de Fez, de Teleusyn, & de Thunes. La Numidie que les Arabes apellent Biledulgard, n'est si excellente, fertile, ny Policée que l'autre, à cause que ce ne sont la plus part que deserts, & qu'aussi les Arabes sont cause de la pauvreté, si est-ce que l'estendue en est belle, & distribuée en diuerses prouinces, lesquelles se ioignent au royaume de Thunes, & viennent prendre cours, & s'enclauer avec la Barbarie, vers le Ponant, & commençant vers l'Orient presque dès la riuere du Nil. Or afin qu'en discourant des mœurs de ces peuples il ne nous faille reuenir à la description des paisages, il faut monstrer quel cartier est-ce que tient la terre des noirs, laquelle est diuisée en plusieurs royaumes, partie desquels sont descouuerts, & d'autres incogneuz, comme aussi n'a pas long temps que ceux qu'on cognoit à present estoient hors de nostre veüe & cognoissance, entant que les deserts d'Afoar, & Haïr separant ces terres deterroient pour leur aspreté, les hommes de passer plus auant. Les principaux royaumes de ceste terre de noirs sont Mely, Tobut, la Guinée, Burno, Beny, Agadez & Nubie, laquelle est fauoufinant aux terres du Roy Ethiopien, desquels apres auoir parlé des Africains qui nous sont les plus voisins nous dirons encore quelque chose: Lesquels sont diuisez en cinq peuples, à sçauoir les Sanhagies, Musinaides Zenetes, Haoraes, & Guinerans, les derniers tiennent la prouince de Teleusyn qui est la Mauritaine, par les Romains nommée Cesarée, à cause des conquestes faites souz le nom de leurs Cefars, ou Empereurs. Ie n'ay affaire de vous deduire l'histoire d'Idris chassé par les Zenetes, & la race exterminée quoy qu'il fut Roy de Fez, establisant en son lieu la famille des Mecnales, lesquels souffrirent vn pareil traitement des Zanhages qui bastirent la cité de Maroc, me contentant de toucher ce qui est le propre subiet de ce liure, à sçauoir les mœurs des Africains selon la coste de la Barbarie, & prenans la route par les royaumes lauez de la mer Atlantique. Ne fera neantmoins inconuenient (la chose seruât à nostre matiere) de dire que depuis que les Arabes, ou Sarrafins se feirent Seigneurs de l'Afrique, du temps d'un Caliphe appellé Omen, & que pour se fortifier contre l'effort des Barbares, ils bastirent la cité de Cairoan, la plus part

Roys Mahometistes en Afrique amys du sçauoir.

Quels Arabes ont floury en Afrique.

Limites de Barbarie & royaumes d'icelle.

Assiette du royaume des Numides.

Pourquoy la terre des noirs fut iadis incogneue.

Royaumes desterrés des noirs.

Arabes d'Afrique comme sont diuisez.

Teleusyn iadis Cesarée. Succession des roys de Mauritaine.

Omen Caliphe.

Cairoan cité de Libye bastie par les Arabes.

LIVRE PREMIER

*Division des se-
cles entre les Ma-
hometanes.*

*Arabes en grand
nombre en Barba-
rie.*

*Manfor Pötifet
Roy de Maroc.*

*Etheges race des
Arabes.*

*Roy de Portugal
tient plusieurs ter-
res en Afrique.*

*Arabes adonnez
au pasturage.*

*Arabes grands
guerriers et vivans
sous la soulde de
divers Roys.*

*Bords des Chevaux
des Arabes.*

*Arabes larrons et
voleurs naturels.*

*Deserts de Bene-
gomi & Fighid.*

de ce peuple aprist & la religion, les mœurs & langue Arabesque, si qu'à present leur langage est tout gaste & ne se raportant que bien peu à la façon de parler de leurs ancestres, ayans gousté, & l'Italien & l'Arabe, pour avoir esté subiuguez par ces deux nations. En outre faut entendre que les Mores de Barbarie abreuveez de la superstition Mahometane, sont differens en plusieurs choses aux Turcs, comme s'assuiettissans au Calife de Bagadeth, & laissans celuy du grãd Caire, auquel les Turcs font obeissance, & ce à cause des Arabes auxquels ils s'acointent pour s'en servir aux guerres, comme hommes vaillans qu'ils sont, & qui acoustumez au travail, souffrent mieux les incommoditez de la guerre que les Africains naturels, ioint que leur multitude est effroiable aux plus puissans Roys d'Afrique, qui leur donnent & tribut, & pensions pour les tenir en amitié, & alliance. Desquels nous dirons quelque mot en passant, quoy que d'iceux soit ailleur parlé en ce liure, mais ceux-cy s'offrent icy habitans d'Afrique, & qui en tiennent la meilleur partie dès le temps du Roy Manfor, celuy qui estant Pontife de Maroc, donna de grandes terres ausdits Arabes, pour s'en ayder contre la race de Ioseph, qu'il auoit desheritée. Les principaux donc d'entre les Arabes Africains sont les Etheges, lesquels se tiennent en Ducale, mais à present fort tourmentez par les Roys de Fez, & de Portugal, qui tient grand terre selon la mer du costé du Ponant, côme estant Seigneur des villes d'Asamor, & Messa, prises sur les Africains, & desquelles auant il dōne de grands affaires, & aux Mores, & aux Arabes. Lesquels en general se tiennent aux deserts nourrissans leurs chameaux, & grand nombre de bestial duquel ils fournissent les terres voisines, & trafiquent tant du costé de Tripoli, que vers les terres de Libye, & ce durant l'esté, car l'hyuer ils ne sortent iamais de leurs solitudes. Ce seroit fort long de vous esplucher par le menu les noms diuers de ces voleurs Arabes, & leur puissance qui est effroiable, s'ils estoient aussi bien armez côme ils sont vaillans, & adroits: mais si auares qu'ils ne font consciēce de s'armer les vns contre les autres, pour le plaisir des Africains, pourueu que la soulde soit suffisante à les entretenir, non-moins qu'en font les Alemans en nostre Europe: ne se prenans garde que les Roys Africains, ne taschent qu'à diminuer le nombre de ceux qui sont cause que leur païs est par le plus en solitude. Leurs chevaux quoy que maigres, pour estre presque tousiours nourris assez escharcement par les deserts, si sont ils des plus legers, & longs en haleine qu'on puisse trouuer, & qui sur tous autres portēt le travail presque à l'esgal des chameaux, se passans de peu de chose: bien est vray qu'ils n'endurent si bien la soif que les chameaux, ne leur estat ceste souffrance si naturelle. Ce peuple est tellement adonné au larcin que le plus hōme de bien d'entre eux ne sçauroit vser de fidelité avec personne qu'il frequente, si ce ne sont quelques marchats qui sont loyaux, plus pour ne perdre les moiens de s'enrichir, que de bonté qui soit grauée en leur ame. Et sur tous les plus signalez en vols sont cogneuz ceux qui habitent es deserts de Benegomi, & Fighid qui sont en la Numidie tirans vers le midy, & fauoinas du royaume de Bornei, lesquels sont si acoustumez au pillage que quelque prouision qu'ils tirent du Roy de Teleusin, si est il impossible

impossible qu'homme passe en leur terre, qui est de grand estendue, sans se sentir de leur pillerie & ruiſſement, laiſſant les pauvres voïageurs tous nudz, & leur quittant la vie, afin de leur donner plus de mal en vivant en telle miſere que ſils les faiſoiēt mourir. Et puis que nous ſommes ſur leur propos, il nous faut noter que les premiers Arabes qui onc paſſerent en Afrique eſtoient de deux diuerſes familles, à ſçauoir de Cachim, & Hilel fortis de l'Arabie deſerte, ayans l'origine de leur ſang & race d'Iſmaël baſtard d'Abraham : & vne troiſieſme famille ſapellant Machil, venuz de l'Arabie heureuſe, leſquels ſe vantent d'eſtre deſcenduz de Saba, mais leur ranc & nobleſſe n'eſt en ſi grād pris q̄ des deux autres, quoy que ſouuēt ils ayent combatu pour la preſeance de leurs familles. Ce peuple eſtant aſſez ciuiliſé pour ſçauoir les lettres, & qu'auffi leur langue entre les Barbares eſt l'vne des plus remarquées ont pluſieurs hommes excellens, qui eſcrivent les geſtes des hommes vaillans de leur nation, comprenās leurs faits louables, & vertuz tant en vers gentiment élabourez qu'en proſe, ſi que les hommes de ſçauoir n'y ſont pas du tout meſpriſez, quoy que la charité y ſoit le plus refroidie que parmy nation qui ſoit ſur la terre. Or mettēt ils difference entre les anciens Arabes, & ceux qu'on a apellez Sarraſins, car les premiers ſont nommez Arabi Araba, qui ſignifie Arabes Arabeſques, & les autres Arabi Muſtarabra qui eſt à dire Arabes par accident & qui ne ſont pas naturelz : & ceux qui ſont venuz habiter en ſont nommez Arabi Muſtehgeme ſignifiant Arabes Barbariſez, comme ayans pris, & gouſté les mœurs eſtrangeres. Quand au reſte de leurs façons de faire, on verra en l'Asie quels ils ſont, veu que leur religion, eſt celle meſme qui à corrompu l'Asie, & tient empoisonné le cœur de la plus part des peuples Africains deſquels par cy apres ie deduiray quelques façons de vie. Commençans donc aux Zemegues, Guenzignes, Tergues, & Berdenes, qui ſont vrayemēt les Numides, nous ſçaurons que leur façon de viure eſt ſemblable : & n'y a guere grand peine à ſçauoir quelle institution ils ſuyuent en façonnant leur vie, n'vſans de reigle, raiſon, loy, ny couſtume quelcōque, reſſentans ne ſçay quoy de ceſte vie groſſiere & brutale, que les poètes attribuent aux hommes du premier aage : car leur viade n'eſt magnifique, ny dreſſée avec quelque ſomptueux apareil, n'ayās l'vſage du pain, ny de viande aſſaiſonnée, ou bien apreſtée : leur manger eſt du lait de leurs chameaux pour le deſieuner en beuuans vn grand trait tous les matins, & pillent, avec ce breuuage, pacièce iuſque ſur le ſoir que ils ſoupent legerement de chair fort ſeche & boulué dans du lait, & du beurre, qu'ils vous deſpechent ſans grande ceremonie dès qu'elle leur eſt preſentée, humains le brouet où elle aura cuit : & pour leur deſſert, c'eſt à reprendre vne taſſe pleine de lait, qui leur ſert, & d'iſſue de table, & de breuuage, ſi ce n'eſt en eſté que leurs Chameaux n'ayans grand lait pour ne manger de l'herbe à ſuffiſance, ils ſont contrains de ſe pouruoir d'eau pour raffaſier leur alteration. Voulant repoſer ils ont des nattes de ionc faites ſans art guere ſubtil, & leurs pauillons de peaux de leurs beſtes, & des laines, ou filandres que produit le Datier entre ſes branches & rameaux. Leur vêſtement eſt d'vne groſſe laine, leur couurant la moitié du

Races des Arabes paſſez en Afrique.

Arabes ſçauent les lettres.

Difference d'Arabes Iſmaélites, Sabéens, & Barbares.

Mœurs des Numides ſont brutales.

Viande & banquet de Numides.

Couche des Numides.

Vêſtemēt des Africains en Numidie.

LIVRE PREMIER

*Chasse exercice
ordinaire des Numi-
des.*

*Les Numides ho-
norent leur Roy.*

*Ignorance & bru-
talité des Numi-
des.*

*Femmes de Nu-
midie courtoises.*

*Numides fort Ia-
loux.*

*Moynes Maho-
metistes sobresu-
perstitieux.*

*Africans idola-
tres le long de l'O-
céan.*

*Africans recen-
rent fort enuis le
Mahometisme.*

*Africans estoient
de caracteres la-
tins en escrivant.*

Plante.

corps, & sur la teste portēt vne toile entortillée & presque faite à la forme d'un Turbā, & plusieurs ont des chemises tissues de fil azuré, & de coton qu'on leur apporte de la terre des noirs, en échange d'autre marchandise. Le plus grand exercice auquel s'adonne ce peuple barbare est la chasse, ou le larcin, sans s'arrester guere plus de trois ou quatre iours en vn lieu, qui est l'espace que leurs chameaux ont gasté toute l'herbe qui y pourra estre trouuée. Et quoy que ceste gent soit ainsi desreiglée, & farouche si à elle vn Roy qui luy commande & auquel ils font tel honneur que chacun sçait que naturellement les Brutes mesmes sont insignez à faire à ce luy qui est le plus excellent en leur genre & espece. Ils sont du tout ignorans & sans sçauoir ny lettre, ny doctrine qu'elle que ce soit, & moins apprennent ils aucun art, ou s'adonnēt à vertu quelconque: voire y est la iustice si peu cogneuē qu'à peine se trouue il vn iuge, qui vuide les differēns qui suruiennent entre eux, quoy que leurs Roys ayent tasché d'y mettre quelque ordre, à cause que les hommes qui ont quelque sens ne peuuent supporter les façons brutales de ce sot peuple. Les femmes y sont assez belles & charnues, courtoises, & gracieuses, & eux fort ialoux sçachants la portée d'elles, & combien elles sont promptes à changer de pasture, d'ont aduient souuent grandes querelles entre eux se massacrans à peu d'occasion l'vn l'autre. Ceux qui habitent plus près des grāds chemins sont aussi plus ciuils & magnifiques, ayans pain de Millet meslé de graine de nauette, & abondance de chairs de Moutons, & d'Austruches, assez d'espicerie, des Dates & autres fruitz que les marchans leur apportent. Ils sont Mahometistes & ont des Moynes si superstitieux, que sortans du desert ils ne mangeroient pour mourir de viande aucune acoustree de main & artifice d'homme, se contentans de ce seulmēt qui est produit de la nature: & telles sont les mœurs presque de tout les peuples de Numidie. I'ay dit dès le comencemēt que l'Afrique à d'autrefois cogneu & adoré Iesus Christ, qui au parauant auoit seruy les diables, sous l'adoratiō des Idoles, mais les Chrestiens expulsēz, la secte dānable de Mahōmeth y est pl^{us} espādūē & gardée avec plus de rigueur qu'en autre partie de la terre, & mesme entre les noirs l'Alcoran est honoré & gardé fort seuerement: la où ceux qui sont sur les costes de l'Océā, sont encor idolatres, ou pour mieux parler n'ayās aucune cognoissance de diuinité quelconque. Ceux qui auoient gousté le Mahometisme au comencemēt, ne pouuoient s'arrester en ceste bestise, & mettoient à mort les prestres qu'on leur enuoyoit, qui estoit cause q^{ue} le Caliphe estoit cōtraint de tousiours tenir vne armée en Barbarie, iusqu'à ce q^{ue} les heretiques Alcoranistes, vindrent en Afrique, ou lors Mahometh eust le fondemēt ferme, & sa doctrine y fut receuē, cōme encore à present elle y est viuemēt enracinée: De ceste loy & superstitiō nous en parlerōs plus amplement ailleurs, & à propos, lors qu'il faudra discourir de l'origine des Turcs, ou de la source du nom Sarrafin tant chanté en nostre Europe. Quand aux lettres d'Afrique il ne se trouue point qu'ils ayent eu depuis que les Romains s'en feirent seigneurs autres caracteres que latins, quoy que le langage fut fort different de celuy des Romains, ainsi qu'on peut voir tant par les noms anciens des païs & villes, que dans le poē-

te Comique Plaute qui en vne de ses Comedies introduit vn parlant le langage de Carthage. Et ainsi toutes les hystoires escrites par les Arabes des faitz & guerres aduenues en Afrique, c'est sans doubte qu'ils les ont tirées des latins, non qu'ils suiussent l'ordre gardé par les Romains, contés de prendre seulement le nom des seigneurs, compartissans les temps & les accordans avec les Monarchies, & avec la succession des Iuifz, & des Caldeens. Mais quand l'horrible desbord des Arabes Sarrazins fut fait, lors que les schismatiques qui laisserent le Pontife de Bagadeth, passerent en Afrique, les Roys Mahometans feirent brusler tous les liures des Africains, afin que par la lecture d'iceux, ils ne se reuoltassent de la secte Alcorane: & ainsi l'ignorance à cause la ruine de ce peuple iadis tant gentil, riche, courtois, & scauant, qu'on estime auoir eu iadis lettres à luy propres, & imitant les Phoenisiennes, iusqu'à ce que les Romains s'en feirent maistres, qui y introduirent comme dit est, les lettres latines: les tombeaux & inscriptions des edifices anciens donnent assez ample tesmoignage de cecy, où vous ne voyez rien qu'en latin, & fut-tout es villes voisines de la mer mediterrannée, & presque par toute la Barbarie, qui fut iadis le siege des Romains. Le cōpte que tiennent à present les Africains pour les choses qui concernent leur foy & religion, sont mesurées par le cours de la Lune, faisant l'an de 354 iours, & les moys les vns de 30. iours, les autres de 29. tellement que leur an est plus court que le nostre de 12. iours, ayans leurs festes, & ieusnes en temps diuers de l'année, selon l'ordonnance de leur Alfurcan. Quand à la longueur de leur aage le plus vieil homme de Barbarie, ne passe guere les 60. 70. ans, si ce n'est vers les montaignes, où plusieurs vont plus outre que l'an centiesme de leur vie, lesquels sont fort gaillardz, & iouissans d'une telle & si verte vieillesse, que Ciceron raconte de Masinisse, lequel fut Roy de Numidie, & d'une partie de la Mauritanie: Aussi les Numides viuent longuement, quoy que les dents leur tombent tost, & ayent la veüe fort courte, à cause du vent Leuantin qui les afilige esleuant la poussiere qui leur offence les yeux: & le trop vïer de Dates à leur manger, & de lait chault, cause que les dents ne leur demeurent guere long temps en bouche. Les Libyens sont de vie plus briefue, toutesfois plus sains & allegres que les autres, maigres, dispositz, & de petite stature, & cecy à cause des grandes chaleurs ainsi qu'il en aduient aussi aux Ethiopiens qui fauoisinent le plus du midy. Ceux qui habitent en la terre des Noirs viuent encore moins que tous les autres toutesfois sont ils plus sains, dispositz, allegres & robustes, & moins suiets à douleur de dentz, ny aux incommoditez de l'acourcissement de la veüe: estans tous tant Barbares, Numides, Libyens, que Noirs fort adonnez à paillardise, & sur tout saccouplans tout autrement que l'honnesteté ne peut souffrir que ie le die: ils sont fort suietz en enfance, & sur la vieillesse à la teigne si forte & bien enracinée qu'à grand peine y peut on remediër, suietz à mal de teste, douleur de dentz, desuoyement d'estomach, à coliques passions fort vehementes, & ce comme ie pense pour l'indisposition des viandes qu'ils vsent, & à cause de l'eau trop froide qu'ils boiuent soudain apres leur potage tout chault.

Arabes ont tiré leurs hystoires des liures latins.

Arabes font brusler les liures latins en Afrique & pourquoy.

Antiquitez en Afrique escrites en latin.

Departement de l'an selon les Africains modernes.

Âges des peuples d'Afrique.

Masinisse. Voy Ciceron en son liur. de vieillesse.

Numides viuent longuement.

Les dents tombent, Et la veüe se gaste aux Numides & pourquoy.

Africains paillardards infamés.

Maladies auxquelles les Africains sont suietz.

LIVRE PREMIER

*Malcaduque fr-
quêt en Barbarie.*

*Barbares suiers à
la peste.*

*Vertus louables
des Africains de
Barbarie.*

*Carthaginois ia-
dis estimez des-
loyaux.*

*Africains bons
marchans & tra-
fiquans par tout
le monde.*

*Vertuz des Nu-
mides.*

*Simplicité des
Noirs.*

*Vices des hommes
de la Barbarie.*

Les enfans Africains tombent souuent du hault mal, & ainsi qu'ils croissent en aage, ceste maladie va aussi en decroissant, & sur ceux qui sont d'aage si ce mal se ruë quelquefois ils sont si ignorans en plusieurs endroits qu'ils estiment que ces hommes Epileptiques soient possédez du maling esprit. Le país de Barbarie est fort suiet à la peste, la ou les Numides ne scauoient que c'est, si ce n'est depuis quelques six vingts ans en ça: mais les noirs en sont du tout exemptz. Et afin que vous cognoissiez combié c'est dommage que l'Afrique soit despouillé de la vraie cognoissance de la verité Euangelique, il faut noter que ceux qui demeurent aux villes quoy qu'ils portent le tiltre de Barbares, si ne sont ils si grossiers que les lettres ne leur agréent, & que les sciences ne leur apportent vn singulier contentement, & sur tout l'estudient ils à scauoir ce qui touche & apartiét à leur foy, & superstition, estans fort deuotieux, honorans leurs prestres, & docteurs, & allans ordinairement prier en leurs Mosquées: scrupuleux au possible, & gens qui ayment l'honesteté du corps exterieure. Au reste ils sont ingenieux, & sur tous les Barbares qui habitent selon la mer Mediterranée, lesquels ont le naturel si bon que tout ainsi qu'ils sont industrieux à dresser edifices qui esgallent en beauté & subtile liaison d'Architecture, les plus superbes bastimés de l'Europe, aussi sont ils simples en leur conuersation, ne disans rien que selon les pensemens du cœur: iacoit que iadis les Romains les ont eu en opinion de desloyaux, de sorte que voulans monstrier l'infidelité de quelcun, ils ne faisoient que le paragonner à la foy punique, signifiaintz vne grande desloyauté qui estoit comme naturelle à la nation Carthaginoise. Ce peuple est ialoux extremement, ambitieux, conuoiteux de richesses, & pour les aquerir ne laisse coing de la terre, où ils ne s'achemine pour y exercer marchandise allans en Perse, Arabie, Egypte, Turquie, Ethiopie, & Italie, fins & subtils, grands escrimeurs, assez sobres au manger, mais sur toute vertu, ils sont modestes en parolle. Les ieunes respectent fort les anciens, & de sorte qu'ils n'oseroient auoir dit vn mot deshoneste en leur presence, ny chanter vne chanson d'amour, quoy qu'ils soient bons maistres en cela, & qu'ils traitent l'amour autant accortement que nation qui viue. Les Arabes qui sont parmi eux sont assez liberaux, mais pensez que ce n'est guere qu'aux despens d'autrui, & de nature ioyeuse, fins & accortz, hardis, & assez modestes. Les Numides sont plus ingenieux, & magnanimes, mais la plus part sans lettres, adroits aux armes, & des plus gentils guerriers de tout le país African. Les Noirs surpassent les autres en loyauté, simples, debonnaires, courtois aux estrangers qui dancent volontiers, & se resiouissent à báqueter, aymanz ceux qui scauent plus que les autres, & en somme ils viuent en plus de liberté que le reste des peuples d'Afrique: vous ayans fait recit des vertuz, & parties louables qui sont en eux, n'obmettray les vices desquels ils sont entachez, suyuant l'ordre mesme sur ce qui les rend vituperables, que j'ay fait en discourant ce qui les fait dignes de louange. Les habitans donc de Barbarie estans pauures sont les plus arrogans & fiers hommes de la terre, dedaignans sans aucun respect chacun n'oubliait iamais vn tort receu, vindicatifs à outrance, & si peu acostables, qu'à grand peine vn

estrange peut il iamaï entrer en leur grace. Leur parolle est superbe, leur conuersation sans plaisir, adonnez aux banquets superflus, fort mauuais mefnagers, querelleux & noïseux, sans exercice qui vaille, i'entens pour le plus commun, peu recognoissans le plaisir receu, gens melancoliques, sans esbat, ny passeremps, estans si pauures que la necessité les contraind d'estre tousiours liez au trauail. Des filles de Barbarie ne s'en trouue pas presque vne qui porte sa virginité, à celuy qui l'espouse, leur estat permis par leurs propres parens d'auoir des amys, mais dès que elles sont mariees, il n'y a plus moyen de suiure telle vie, & se portent assez sagement en leur mariage. Les Numides sont traistres, meurtriers, & larrons sur tous autres, si vils & faquins, que pour peu de chose, on leur fera mettre la main au plus vil & sale mestier qu'on scauroit imaginer. Les Libyens sont ruraux, ignorans, larrons, voleurs, & brigans, & si courtois en toutes leurs actions que ils ne sont de gueres differents aux bestes brutes & farouches, qui courent par leurs deserts & solitudes: leur vie est tresmiserable, sans loy, reigle, ny raison, & sans cognoissance de religion quelconque, viuant de la chasse, mal-faisant à chacun, & ne pouuant se tenir de faire la guerre. Quand aux Noirs, ilz sont sans pratique, ou industrie aucune, tous brutalisez, & leurs femmes impudiquement vilaines, & ne se soucient de leur honneur, nō plus que bestes, si ce n'est quelques vns des plus honestes, qui se tiennent aux villes.

*Impudicité des
filles de Barbarie.*

*Mefchanceté des
Numides & Li-
byens.*

*Salété des Noirs,
& de leurs fem-
mes.*

Des Royaumes de Hea, Suſ, & Maroc, & isles Canaries. Chap. 9.



EL A le destroit gist la prouince de Hea confinant vers le septentrion à la mer Oceane & Atlantique & le mont Atlas luy est vers le midy: qui est ny pays aspre, mō taigneux, couuert, & boscageux bien peuplé & habité, fourny de cheures & asnes, mais ayant bien petit nombre de brebis, & moindre de bœufz, & de cheuaux. Il n'y a presque point de fruiçts, mais ce n'est ny la sterilité de la terre, ny l'inclemence du Ciel qui en font cause, mais plustost l'ignorance & bestise des habitants. Le fromēt n'y croist guere, mais le millet, orge, & nauette, y viennent en abondance: & le miel qui sert de grand soulagement pour le viure de ceux du païs, là où la cire ne leur seruant de rien, est mise à mespris, & regettée. Quand ils prennent leur refeçtion ils n'vsent de table ny treteaux, mais se mettans à terre y estendent des cuirs fais en rond, sur lesquels mettent leur viande tout ainsi que aussi en vsent les Turcs allans par païs, voulans repaistre. Leur vestement est fait d'un drap grossier, piqué tout ainsi que vn lodier, lequel ils entortillent bien fort estroitement autour de leurs corps, & le ceignent d'un bandeau de laine par dessus leurs hâches, & s'en couvrēt, sur tout les parties que nature veut qu'on tiēne couuertes, & secretes: sur la teste ilz ont quelques bandes de laine longues de 5. coudées, & larges de deux, mais tousiours le sommet de la teste demoure à descouuert, sans que personne vse de bōnetz, si ce n'est les vieillards: les chemises n'y sont en vsage, à cause du deffault de lin, & quand bien il y en auroit, si n'y a il hōme

*Asiette de la
Prouince de Hea
en Afrique.*

*En quoy abondēt
les Heans.*

*Abillement des
Barbares de Hea*

LIVRE PREMIER

*A qui est permis
de porter barbe en
Hea.*

*N'y a point de
moulins en Hea.*

*Remede des ma-
ladies des Heans
est le feu.*

*Nature farouche
des Montaignars
en la region de
Hea.*

*Hea, & Sur-
regions suiuettes au
Serif.*

*Assieté de Suz.
Baleines en la co-
ste de Suz.*

*Naturel farouche
du peuple de Suz.
Magistratz, tri-
meistres en Suz.*

*Iustice corrompue
du Royaume de
Suz.*

*Punition des Ho-
micides.*

*Maroc Royau-
me, & où assis.*

*Fertilité du ter-
roir de Maroc.*

*Habités de Ma-
roc courtoys, &
liberaux.*

qui le sceut acoustumer ny ordi. Les hommes à marier n'oseroient porter barbe, la où estans mariez, c'est à leur volonté de la se laisser croistre. Ilz labourent avec des asnes & cheuaux, & abondent en fauugine, mais ilz n'ont aucune industrie d'aller à la chasse: & sont si fots que iacoit que leur pais abonde en riuieres & bons ruisseaux, si ne scauent ilz point dresser des moulins: ains a chacun en la maison des instruments à bras pour faire la farine, qui est la charge pour le passer temps & exercice des femmes. La medecine y est si peu cogneue, que toute maladie y est guerie en se cauterisant & adaptant le feu, ainsi que on en vse à l'endroit des bestes.

La iustice y est entretenue bien maigrement, ne se parle presque de faire droit à personne, mesmement es lieux montaigneux, où l'on ne recoignoist ny Roy, ny Seigneur, autre que celui qui est le plus fort à la guerre, en laquelle ilz s'employent si bien, que ilz n'osent sortir de leurs maisons sans auoir sauconduit, & guide de leurs propres aduersaires.

Ceste nation est suiuite au Serif, aussi bien que le royaume de Suz, qui est delà le mont Atlas vers le midy, & vers le ponant, il est arrousé de la grad mer Oceane, & finist encor vers le midy aux arenes du desert. C'est en ce pais là, & sur la coste de la mer, que on prend autant de Baleines que en lieu, où la mer passe, tellement que les edifices sont faits la plus part, des costes de ceste Belue, ainsi qu'on voit à Baïonne, qu'on en palisse les iardins. Le terroir de ce pais pour le plus est fertile en froment, l'orge, legumes, Dates & sucre en grande quantité, mais mal-cuit & purge, qui est cause que ne venant à sa parfaite blancheur, aussi la vente n'en est si facile.

Le peuple y est fort terrible & sanguinaire, & suiuet à rebellion, & cela luy procede de trop d'aïse, ne pouuās viure en paix les vns avec les autres. Ilz créent en leur cité principale, à cause de l'absence du Roy, vn Magistrat souverain la dignité duquel ne dure que trois moys, lequel à le gouuernement de toute la cité, & iuge de tous differets en dernier ressort. Leurs prestres ont cognoissance des causes qui cōcernent la spiritualité: & les teporelles se comportet plus avec faueur que iustice: qui est cause, que si vn citoyen tue vn autre, les parés du deffunct pouuās vser de pareil effort, & se venger en massacrant le meurtrier, il n'en est faite aucune poursuite. Que si l'homicide se peut garentir de ceux qui luy dressent des embusches: il est quitte en s'en allant hors de la cité pour sept ans, ou y demeurant, tenir teste à ses parties: & le terme expiré, il dresse vn banquet aux principaux, & accorde avec partie, sans que deormais il soit en crainte que aucun luy face desplaisir quelconque.

Passant plus oultre en terre ferme est le royaume de Maroc, celui d'où sont sortis les seigneurs Mores, qui ont par si long tēps tenu la plus grand part des Espaignes. Ceste region vers l'orient fauouline de Hea, & est posée en vn grad vallon entre les mōtaignes, qui est cause qu'elle ne doit riē à terre qu'hōme sçache dire, en fertilité de tout ce qui est necessaire pour la vie des hommes, comme grains, fruits, bestail, eaux, fontaines, & autres semblables comoditez. Maroc est cité principale de laquelle le royaume porte le nō, iadis superbe, & à present fort abastardie, où toutesfois le peuple est liberal & courtois & où l'on list leur loy, y ayant des colleges rétez pour ce faire, & des hospitaux pour les pas-

sans qui sont de leur secte, le tour basti & donné par ce grand Roy Moré
 nommé Mansor, tant renommé, & en Afrique, & en Espagne. Or est-il
 que ceux qui se tiennent au plat pais sont si bestiaux, que n'ayans homme
 suffisant entr'eux pour vuidier leurs querelles & differens, ils sont cōtraints
 & leur est cōme coustume de retenir les estrangers qui passent afin qu'ilz
 jugent & donnēt sentence sur leurs discordes, & faut que cest arbitre ser-
 ue de greffier, & de iuge tout ensemble. La nourriture de ce peuple n'est
 guere delicate, cōme de ceux qui viuent de faine d'orge destrepee en l'eau
 bouillante & cuite avec chair de Bouc, du plus vieil qu'ils ayēt, & de celui
 qui ne vault plus pour les troupeaux. Apres sont ceux de Guzule Prouince
 fort peuplée & cōfināt vers le Ponāt au royaume de Suiz, & vers le septē-
 triō au mōt Atlas, & tirāt à l'Orient elle auoisine les Heans. Les hommes
 y sont fort bestiaux, & ce nonobstant ayant des mines de fer, ilz en font
 des vases assez gentiment elaborez, que ils troquēt avec des draps, che-
 uaux, espices, & autres choses à eux necessaires es foires & marchez des
 pais voisins, où ils n'on garde de faillir. Les habitans n'ont aucun sei-
 gneur, ains chacun est Roy en sa maison, qui est cause que tousiours ilz
 sont en dissension, & sont si acoustumez à la guerre que leurs trefues
 ne durent iamais plus hault de trois iours la sepmaine, à quoy ilz sont
 contraintz à cause du trafic: mais se rencontrans, les trefues estant expi-
 rées ils se massacrent reciproquement sans respect d'age, ny de sexe quel-
 conque. Les Guzuliens ont pour tout vestemēt, de certaines chemises de
 laine faites en hoquetons sans manches, & assez estroites par le collet, &
 en teste, ils ont des chapeaux faits de fucilles de Palmiers. Le iour de leur
 foire & marché est gardé si solennellement, qu'il n'y a homme si hardy
 qui olast meffaire à vn autre, tant fust-il son ennemy, à cause que il y a
 vn Capitaine esleu de toutes les parties qui est sur-intendant aux crimes
 commis durant le trafic, que ilz punissent selon la grauité du forfait: mais
 les larcins y sont punis de mort, sans autre forme de procez, massacrans
 le larron avec vne espee de Pertuisanne que ilz portent pour ce faire,
 & laissent les corps morts, & pour exemple, & pour seruir de pasture
 aux bestes & oiseaux de proye. Ainsi quoy que ce peuple soit Brutal, si
 deteste il ceux qui rompent le lien de paix, & les assemblées faites pour le
 proufit, & necessité de tout vn pais.

Voyfins des Guzuliens, sont ceux qui habitent en la region Ducale,
 qui vers le Septentrion regarde l'Ocean Atlantique en pareille elcua-
 tion que l'isle de Madere: où le peuple est maling, vicieux, ignorant,
 & habitant espars çà & là, à cause que il y a fort peu de citez, vnies &
 policées: le pais estant fertile à merueille en grains, fruits, & bestail, les
 femmes assez gaillardes, mais plus superbement vestues.

La plus part de ce pais est à present subiect au Roy de Portugal, & ce
 depuis que il s'est fait seigneur d'Azamor, où il enuoye gens à sa poste,
 ayant plusieurs forts le long de la marine, comme celui qui commande
 presque de ce costé à toute la coste d'Afrique sur l'Ocean.

Ayant parlé de l'Isle de Madere, ie ne peux dire rien autre cas des
 mœurs des habitans, que ce qui sera dit des Portugais en leur lieu, entant

Mausor le grand
 Roy iadis de Ma-
 roc & de Grena-
 de en Espagne.

Bestise des Maro-
 quins du plat
 pais.
 Pature nourritu-
 re de ceux de Ma-
 roc.

Guzule Prouince
 & son assieté.

Mœurs farouches
 des Guzuliens.

Vestemēt des Gu-
 zuliens.

Justice notable des
 Guzuliens.

Ducale region
 d'Afrique regar-
 dant Madere: &
 s'estendāt presque
 iusqu'aux Cana-
 ries.

Façon de viure de
 ceux de Ducale.

Le roy de Portu-
 gal tient en effroy
 la region Ducale.

Madere premie-
 remēt habitée par
 les Portugais.

LIVRE PREMIER

que ce sont eux qui les premiers l'ont habitée, veu que au parauant, il n'y auoit vn seul pource de terre presque qui ne fut en boys, tellemēt que ceux qui y vindrent au commencement y mirent le feu, pour oster ces boscaiges, & rendre le pais habitable ainsi qu'il est à present. Ainsi auant que passer le tropique d'esté, pour voir les terres d'Afrique tirans vers l'Equateur, il nous fault visiter ces isles tant chantées par les anciés, souz le nom d'Hesperides & Fortunées, & lesquelles à present on nomme Canaries, non du nombre des chiens nourriz, ou trouuez en elles, mais plustost que la plus grande de sept qu'il y en a de voisines s'appelle Canarie, de laquelle toutes les autres ont esté ainsi baptisées. Or les quatre sont habitées de Chrestiens, desquelles les noms sont tels, Lanzalotte, Forte-auanture, La Gomere, & l'isle du fer: les trois ont le peuple Idolatre, appelées la Canarie, Teneriffé & la Palme, des mœurs des habitans desquelles ie veux discourir, n'estant sur le propos de la description du pais, ains seulement de la maniere de viure des hommes. Or les trois susdittes gouuernées par les Idolatres sont fortes & si bien gardées, que iamais les Chrestiens n'y ont sceu donner attainte, tant pour en estre le peuple vaillant & farouche, que pour l'assiette difficile des lieux, & aspreté des haüres, & Plages presque impossibles à les acoster. Or ce peuple qui reste idolatre est seigneurie par neuf seigneurs qu'ils appellent Ducs, lesquels y viennent non par succession, ains par force, emportant celuy la principauté, qui a le plus de puissance, s'entre-tuans furieusement avec des pierres, & iaelortz, qui en lieu de fer, ont d'une sorte de corne forte & aiguë pour armes, & où cecy n'est point ils bruslent le fust par vn bout, le rendent ainsi offensif, comme s'il y auoit du fer bien pointu. Ils vont presque tous nuds, si ce n'est quelques vns qui s'affublent de quelques peaux de cheüres en mettans vne deuant, & vne autre derriere: & afin d'educir leur cuir mesme, ils vsent du suif de Bouc, avec le ius de certaines herbes à eux cogneues propres pour tel effect, & de ce meslange ils soignent le corps, qui le leur rend plus dur, afin de supporter les rigueurs du froid, quoy que il n'est guere vehement en ce pais là, estans posées ces isles sur le midy, & non trop esloignées du Tropicque d'esté. Ces Insulaires ne bastissent villes, citez, ny maisons, se contentas de creux, & grottes des montaignes, où se retirans avec leur bestail se defendent de toute iniure du temps, & inclemēce celeste. Leur viure est de pain d'orge, chair, & du lait de cheüre, desquelles ils nourrissent de grans troupeaux, & quelques fruiets, & sur tout de bonnes figues. Ilz n'ont aucune certitude de religiō, ains adorent les vns le soleil, d'autres la Lune, & chacun se forge vn dieu tel qu'il luy vient en fantasie. Or ne sont ils si bestiaux que d'auoir communauté de femmes, veu que le mariage a place entre eux, biē est vray que chacun en prend tel nombre que bon luy semble: & iamais vn Canarien (i'entens des idolatres des trois isles) n'espouferoit vne femme que premierement le seigneur du pais ne l'eust despu-cellée, acomptans ceste faueur à vn grand auantage pour eux, si le prince couche vne nuit avec leur espouse. Or ont ces idolatres guerre continuelle avec leurs voisins Chrestiens des autres isles, & en prenant quelques vns, ilz ne les tuent point, pensans les tourmenter d'auantage, en leur laissant

Quelles sont les isles que les anciens nommoient Fortunées.

Pourquoy s'appellent Canaries. Nom des isles Fortunées.

Seign. des Canaries idolatres, comment sont créés.

Armes des Canariens. Vestemēt des Canariens.

Oignemēt des Insulaires pour s'educir la peau.

Maisons des Canariens quelles. Viures des Canariens.

Canariens estrangement idolatres.

Mariage des Canariens.

Filles ne sont espousées vierges par leurs maris, ains le Seigneur les destore.

laissant la vie, & les employans à escorcher les cheures qu'ils mangent, estimans cest office comme chose vile & infame, & les detiennent en cest exercice, iusqu'à ce qu'ilz se rachètent, & ainsi ils ne sont pas trop esloignez de courtoisie, quelque farouche naturel qui semble les conduire.

Ils ont vne estrange coustume de faire, lors que vn de leurs seigneurs préd possession de sa seigneurie, car il s'en trouue tousiours quelcun qui s'offre volontairement à la mort pour honorer la feste, au iour de laquelle ilz s'assemblent sur vn tertre, & hault rocher, voisin d'une vallée fort profonde, & là celuy qui se doit sacrifier luy-mesme apres quelques ceremonies faites & parolles proposées, se precipite du hault en bas, & est deschiré, & rompu en cent mille pieces. Le seigneur aussi est obligé d'honorer & entretenir, pour recompence de ce seruice, les parents du defunct, & les tenir les plus chers qui soyent à sa suite. Ces Canariens sont des plus adextres, agiles & legers hommes de la terre, couras viste, & aussi dispozt que cheureuls, sautans sur les rochs tous pieds nuds, sans craindre les pierres aigues des môtagnes, ny la durté des terres, & faisans des saults qui estonnent la veüe de ceux qui les regardent: si adroits à ruer les pierres, que visans à vn lieu ils n'ont garde de faillir d'attainte, & si fortz, robustes & puissans, ayans les bras si nerueux, & les poings si roides, & pesans qu'à coups de poings ils despeceront vn pauois, ou bouclier, pourueu qu'il ne soit point bandé de fer. D'auantage hommes & femmes en ces isles prennent grand plaisir à se paindre la chair avec le ius de certaines herbes qui les couloure de rouge, verd & iaune, & avec ces ornementz ilz expriment gaillardement leurs affections, & donnent indice de leur angosse, ou ioye, tout ainsi que par deçà nous en vsons par le blason des couleurs: & en somme ce peuple ressent bien le naturel farouche du país que il habite, lequel bien que soit fertile, si ressent il son horreur & solitude à cause de l'aspreté & hauteur des montaignes.

Reprenans la terre ferme d'Afrique, & passé le Tropique d'esté tirans vers le Pole Antartique, on voit le país des Azanaghes peuple bestial & grossier, abreuué toutesfois quelque peu des folies du Mahometisme, à cause que les Arabes y frequentent quelquesfois. Ces Azanaghes ne sont du tout noirs, ains bazanez, vagabondz & errans par le desert, viuans de dates & lait de Chameau, faisans petite & sobre despence, & suportans la faim, nature pouruoyant en cela à la faulte que bien souuent ilz ont de viures. Ce peuple est fort simple & sot, quoy que cholere & furieux, & porte ordinairement vn linge entortillé sur la teste, vn bout duquel leur pendant sur le visage leur couure la bouche, qu'ils estiment chose sale & vilaine, & indigne que on tienne à descouuert, à cause que c'est d'elle que sortent continuellement des ventositez & mauuaises odeurs, & qui est comme le lieu purgeant les excrements, tout ainsi que sont les parties honteuses. Ilz n'ont Roy, Prince, ny seigneur qui leur commande, seulement honorent ilz (instiguez de la nature) les plus anciens, & riches, & leur portent quelque respect, & obeissance: & sont gens fort pauvres, larrons, menteurs, & traistres si la terre en porte d'assez bonne taille, maigres, portans les cheueux iusque aux espaules, que ils oignent tous les

Côdition de ceux que les Canariens prennent en guerre.

Sacrifice volontaire d'hommes aux sollemitez de la creation d'un nouveau seigneur.

Canariens adextres forts, & legers.

Canariens se paingnent le corps pour sembler plus braves & beaux.

Azanaghes brutaux peuple bazané.

Vivre des Azanaghes, fort pauvre, & sobre.

Vestement des Azanaghes.

Les Azanaghes estiment la bouche vilaine & pourquoy.

LIVRE PREMIER

Trafic des Azanaghes.

Femmes Azanaghes en quoy pëscent estre belles.

Fleuve de Senega nommé Niger, est mis en l'intérieur Libye par Protop. lin. 4. ch. 6. Table d'Afrique. 4. Les peuples sont nommez, Nigrites à cause du fleuve par Mele 3. Assiete du Royaume de Senega.

Le roy de Senega fait par election.

Vie du Roy de ces noirs.

Mariage, & mesnage du Roy de Senega.

Les Noirs de Senega Mahometans.

Vestement des Noirs.

iours de certaine composition non guere bien flairante, mais en laquelle ilz se plaisent, tant sont diuerſes les apprehensions, & fantasies des hommes. Ce peuple des Azanaghes qui ſont du Royaume de Mely, ne bar & n'vſe de monnoye quelconque, & ne ſ'en ſoucient non plus que de rien, ains tout leur cas ſe paſſe au trafic par eſchange, vendans l'or au poids, duquel ilz ont en abondance, & preſque du meilleur qui ſoit en tout le monde. Leurs femmes ſont bazanées & mal veſtues, ſans porter aucune chemiſe, & ſont celles là eſtimées les plus belles entre elles, qui ont plus longues tetailles, qui eſt cauſe que dès que les tetins leur commencent à poindre & à ſe haulſer, elles ne ceſſent de les tirailler, & ſe ferrer, afin que croiſſant la chair en ceſte partie, elles puiſſent eſtre admirées comme les plus excellentes & rares en ceſte perfection de beauté.

Paſſé le païs des Azanaghes, on vient à la terre des noirs, eſtant faite la ſeparation des Bazanez & des noirs par le grand fleuve de Senega, par les anciens nommé Niger, & la ſource duquel on tient proceder du meſme lieu que celle du Nil, ayant pareil flux, & reflux que le fleuve Egyptien, arrouſant, & engreſſant par meſme moyen les terres, & nourrissant Crocodiles, & toutes belues, & monſtres aquatiques que on voit au Nil ordinairement: & à cauſe de ce fleuve, tout le païs eſt nommé Senega: regardant vers le Ponant la grand mer Oceane, au Midy le Royaume de Gambre, & vers le Septentrion eſt ceſte grande riuere, qui le ſepare comme dit eſt des Azanaghes, & donne commencement aux païs qu'on à nommez de noſtre temps la baſſe Ethiopie.

Le peuple de ce païs eſt riche, & ſuiet à vn Roy, lequel y vient par election, & eſt choiſi de la plus noble race que ilz ſçachent trouuer, neantmoins ſon autorité n'eſt point ferme, ny aſſeurée: eſtant celuy qui regne touſiours en crainte d'eſtre ou maſſacré, ou chaffé de ſon gouvernement. Ce Roy n'a aucunes daces, tributz, ny gabelles leuées ſur le peuple, ains vit pour le plus des preſens que luy ſont les Seigneurs du païs, & des pilleries que luy-meſme fait avec ſes eſclaues, & du labour de ſes terres, deſquelles il tire vn grand reuenu pour le nourrir & tenir eſtat honorable: Luy eſtant permis de tenir tout autant de femmes que bon luy ſemble, leſquelles ſont logées chacune à part, ayant des terres assignées par le Roy, pour leur entretien & nourriture. Et les allant viſiter, chacune eſt tenue de fournir la deſpence, & le défrayer tant qu'il demeure avec elle: & dès que vne eſt enceinte, il n'y va plus tant que elle ſoit deliurée, qui eſt cauſe que changeant ainſi de paſture, ilz ont vne infinité d'enſans pour ſucceder, non au Royaume, mais à leurs terres, ſeigneuries, & patrimoine. Le peuple y eſt Mahometan mais non pas des plus fins, & arreſtez en celle ſuperſtition que les Mores blanz, d'autant que ilz n'ont qui les y inſtruiſe, & avec ce que ilz ne tiennent pas grand compte, meſmement depuis que les Chreſtiens y frequentent.

Ces Noirs vont tous nudz, fors que ilz portent comme vn hault de chauſſes de cuir de Cheure, pour couvrir leurs parties honteuſes, mais les grands ſe parent de chemiſes de Cotton que les femmes ſilent, & en font des draps larges de demy pied, & les couſent enſemble les vou-

lans mettre en œuvre pour quelque habillement. Les femmes vont toutes decouvertes de la ceinture en hault, mais en bas elles sont couvertes d'un petit drap de coton ceint à trauers, qui leur pend iusqu'à my iambe, le reste nud, & en la teste ne portent autre cas que leurs cheueux tressez assez mignotement, & liez en diuerses sortes, & façonnez avec des entortillemens qui leur donnent vne assez bonne grace.

Ils mangent fort salement, simples, & sans grande malice, grans parleurs & ayans tousiours quelque cas à repliquer, & par consequent menteurs au possible, entant que en vn si long babil, il est impossible que le mesonge y manque, grans trompeurs, iacoit que au reste ilz se monstrent assez charitables, ne laissant passer vn estranger, auquel ilz ne donnent vn repas en leur maison, ou ne le logent courtoisement pour vne nuit, sans en vouloir aucun payement, ny recompence. Ilz se guerroyent ensemble, & ne pouuans viure en paix, vont assaillir leurs voisins faisant leurs guerres à pied, à cause que les cheuaux ne peuuent guere viure en ces contrées: & n'ont autres armes offensiuës que zagaïes, & iauelines ayantz demy pied de fer tout cramponné, & subtilement elabouré à petites pointes fort nuisibles, & leurs espées semblent des Simeterres Turquesques, sauf que ceux-cy sont tous de fer, sans qu'il y ayt vn brin d'acier.

Leurs guerres ne se font sans grans meurtres, & effusion de sang, veu la sorte des armes, & qu'ils vont tous nudz au combat, & que estans hardis & brutaux, ilz ne ruent guere coup qui ne porte: & sont si asseurez que encor que ilz voyent tomber leur compaignon si ne monstrent ilz point vn seul brin de crainte, ny de couardise. Au reste c'est le peuple le plus gaillard à la nage, & à passer les fleuues, que on puisse guere trouuer en tout le monde. En ce pais, quoy que hors la puissance & iurisdiction du Roy de Senega, sont les Barbarins, & Seretes, lesquels fuyent de fauuiettir à seigneur aucun, craignans que on leur enleue leurs femmes & enfans, chose familiere aux Roys d'entre les Noirs, qui font argent de toute espèce de denrée. Ces hommes sont fort cruelz & idolatres, sans aucune autre loy, que celle que leur ordōne leur fantasie: experts en guerre, & s'aydāns dextrement de l'arc, avec des saiettes enuenimées: & ne sont assaillis d'aucun à cause de l'impossibilité de l'aprophe de leur terre, qui est toute en lacz, & marestz, & de toutes partz marefcageuse. Passé ce pais on va au Royaume de Gambre, où est le Promontoire que noz Pilotes appellent Cap rouge, où les gens sont si plaisans & courtois qu'il est presque impossible que on les acointe, tant ilz ont en detestation l'aliance des estrangers. Ilz sont Idolatres, & grans forciers, aioustant foy aux charmes, & enchantemens, & autres folies qui dépendent de l'art, & ruses de Sathan, & toutesfois confessent vn Dieu, plus grand que toutes leurs idoles: neantmoins y a il plusieurs qui suiuent la loy de Mahōmeth.

Leur viure est semblable aux façons de ceux de Senega, fors qu'ilz ont plus de riz, & qu'ilz se repaissent de chair de chiē, viande non acoustumée par natiō quelconque. Suiuant ceste coste, rasant l'Afrique, & doublār au Cap des Palmes, vous entrez au Royaume de la Guinée, & voyez les pais de Melegette, Benin & Manicōgre, où selon la diuersité des peuples, vous y

Mœurs des Noirs

Noirs fort charitables.

Armes de ceux de Senega.

Les Noirs de Senega bōs nageurs.

Barbarins & Seretes fort brutaux

Gambre Royaume aprochant l'Equateur.

Gābriens forciers & idolatres.

Gambriens mangent les chiens.

LIVRE PREMIER

*Rois adorez à
l'égal de Dieu.*

*Le Soleil estimé
Dieu au royaume
de Benin.
Funérailles des
rois de Benin.*

*Hommes se sacrifiant
aux ombres
des morts.*

*Estrange idolatrie
de ceux de la Guinée.*

*Noirs de Guinée
desordonnez, au
boire & manger.*

*Remede des maladies
des Guinéens.*

*Peres vendent
leurs enfans.*

*Diverses saisons
pour les blancs,
& pour les Noirs
es isles sous l'E-
quateur.*

voyez aussi variété en leurs actions, & manieres de viure, les vns suyuant la Foy de l'Alcoranisme, & la plus grand partie s'adonnans à l'adoration de ce qui se voit, & des basses creatures. Tellemēt que leurs Roys sont adorez du peuple, qui croit qu'ils soyent descenduz du Ciel: & ainsi quand on leur parle, c'est avec grand reuerence, les saluant de loing, & mettans les genoux à terre. Aussi ces Idoles Royales, afin d'entretenir le peuple en ceste bestiale opinion de leur diuinité, ne ne veulent estre veuz en mangeant, ains prennent plaisir que leurs suiets les estiment passer leur vie sans manger ny boire. Or est le soleil leur grand Dieu, & croient que les ames sont immortelles, & que laissant le corps elles vont loger avec le soleil, & ce sont ceux de Benin, qui s'abestissent en ceste fantasie. Voire obseruent vne estrange ceremonie quand leurs roys sont decedez, que de s'assembler en vne campagne, où ils font vn puits fort large par le pied, & estreouissant iusqu'au sommet, où ils descendent le corps du defunct. Et apres ce les plus fauoris, proches parents & meilleurs amys du Roy trespassez, se laissent de leur bon gré couler dans ce puits, pour tenir cōpaignie à leur maistre, leur tournāt à grand hōneur, & auquel tous ne peuuent aspirer, de suiure leur prince en l'autre monde, tellement que les premiers qui meurent en ce fossé sont estimez les plus heureux, & ceux qui aymoient mieux leur idole royale. Les noirs de la Guinée ne sont si asseurez en leur idolatrie, veu que tous les iours ilz changent de Dieu, s'arrestans en l'adoration de la premiere chose qu'ils rencontrent le matin sortans de leurs maisons, fust elle sensible, ou sans ame ny sentiment, de sorte que telles fois vous verrez l'un faire sa priere à vn lezard, l'autre à vn oyseau, cestuy à vne pierre, & l'autre supplier vne grenouille, & le soir venu, tous ces dieux sont hors de cartier, pour donner place à ceux qui l'endemain seront en office. Ce peuple en general est fort insolent & desordonné en son boire & manger, faisant plusieurs repas le iour, & s'engorgeans de viande & du vin qu'ilz font de Palmes: & quoy qu'ilz soyent ainsi dissoluz & gourmans, si sont ilz de fort longue vie, tellement que plusieurs viuent sains, & gaillards, iusqu'à l'an centiesme de leur aage. Quelquefois ils se sentent indisposez, & pour l'inclemence du ciel attains de quelque legere fiebure, mais pour remede souuerain ils fident de Phlebothomie, & dès que la veine leur a esté ouuerte, ils ne faillent d'estre gueris.

Ces peuples sont si badaultz, que pour peu de chose, les peres, & meres vendent leurs enfans, que les Portugais achètent pour s'en seruir au labourage des terres, & iardins, & autres affaires, es isles de saint laques, saint Thomas, & autres qu'ilz ont en ce pais là, esquelles en certaines saisons, ceux d'Europe faschez de l'interperie de l'air, n'ont aucun effort pour trauailler en sorte quelconque, ainsi que en d'autres temps de l'année, lors c'est à sçauoir que le soleil s'esloigne d'eux, & nous aproche, les Noirs sentans le froid, souffrent vne grande alteration de leur gaillardise, fanté, & bonne disposition.

Ainsi les Blancs se portans mal en esté, les Noirs sont à leur aise, & trauaillent, les infirmités desquels les autres suportent, durant le froid, qui est le soulas de ceux qui sont voisins de nostre pole. Les autres Noirs qui

tirent vers l'Ethiopie, & les desertz, de tant ils sont plus esloignez de la frequentation des estrangers, aussi sont ils plus grossiers, & bestiaux, allans tous nudz, & ne paroissans estre nez que pour seruir de passe-temps, tant aux Africains & Mores blancs, que Chrestiens qui courēt ce pais pour en tirer l'Or, & l'Azur qui y croist en abondance, & c'est pourquoy le riche Roy de Portugal, s'est fortifié en la Guinée, & s'est saisy du Cap à trois pointes. Ceux du Royaume de Mani-congre sont de pareilles mœurs, & aussi bestiaux que les dessusdits, & de là iusque au Cap de bonne esperance, n'y a peuple qui soit guere venu à nostre cognoissance, pour-ce que ceux qui ont voltigé le long de la marine n'ont entré guere auant en terre ferme, qui est pour la plus part deserte, ou habitée d'hommes si peu acostables, qu'on ne scauroit rien dire de leur façon de vie, & moins quelle religion est-ce qu'ils tiennent que ie pense estre aussi sainte, que de ceux qui sont souz pareille eleuation du costé du Ponar, à scauoir sans opiniō de Dieu, ny cognoissance de loy, ou ceremonie quelconque : & pour ceste cause nous doublerons le Cap de bonne esperance pour visiter les peuples Africains qui sont en l'Ocean qui regarde les Indes, & approche le plus le pais de l'Orient. Entre lesquels les principaux sont les Cefalées assis droit souz le tropique de Capricorne, riches en mines d'or, assez courtoys, & acostables, à cause des marchands qui y abordent d'ordinaire de toutes les parties du monde, & sont idolatres, quoy qu'il sy trouue nombre de Chrestiens Iuifs, & Mahometistes. Comme aussi fait en Quiloa, au Royaume de Melinde, voisin de l'Ethiopie, & droit souz la ligne Equinoctiale : auquel est contigue la terre de Mombase où le peuple vit assez honorablement souz la diuersité des opinions de religion non asseuré ny au Mahometisme, ny à l'idolatrie, & participant de tous les deux : & c'est de ce costé qu'habitēt ces Troglodites desquels auōs parlé cy dessus, & que nostre auteur à recueillis des liures de Diodore, cōme i'ay tout ce mien discours de l'Afrique ainsi qu'elle se comporte à present de ceux qui ont voiaagé le long de l'Ocean, & ont mis pied à terre par toutes ces nations, & y frequenté les peuples cogneuz leurs mœurs, expérimenté leurs douceurs ou felonnie, & gousté la difference de noz Climatz, avec l'interperie ou clemence de celle partie de la terre tant esloignée de nostre Europe, & sont mes auteurs afin que ie ne les frustre de leur hōneur, & ne sois vsurpateur de la gloire qu'ils meritēt pour auoir trauaillé, les Seigneurs Ieā Leō Africā, Americ Vespuce Florētīn, Louys Cademoste, Pierre de Sintre, Louys Barthele Boulōgnois, & d'un excellent Pilote Portugais qui ont fait ce bien à la posterité que de luy eclercir ce que sans eux à peine feut paruenū à nostre cognoissance. Voila donc l'Afrique, & mœurs du peuple qui sont en elle, avec promesse que ie fais, que la ou l'auteur me semblera n'auoir touché les choses de nostre aage, d'y donner attainte & contenter l'appetit honneste de ceux qui liront ce recueil.]

Fin du premier liure.

Or, & azur abondant en Guinée
Meligette & Benin.

Mani-congreiens idolatres.

Cap de bonne esperance fin d'Afrique du costé Austral.

Cefale royaume Africain decouvert de nostre tēps.

Quiloa, Melinde Provinces riches en mines d'or.

Auteurs desquels est tiré ce recueil.



LIVRE SECOND DE L'ASIE, ET PEUPLES PLUS renommez contenuz en icelle.

Chapitre premier.

*Estêdue de l'Asie.
Voy Strabô li. 1.
Pomponie, Mel,
liur. 1. Orose liur.
1. chap. 2.*

*Eoe, c'est à present
mer de Cathaj.*

*Mesure du mont
Taures qui selon
sa diuision à aussi
diuers noms. voy
Plin. liur. 5. c. 27.
& Solin ch. 41.
& Mele. liur. 1.*

*Auant que sça-
uoir les bornes
d'Afrique on le
pouuoit dire, mais
à present il y a à
disputer.*

*Diuision d'A-
rabie en trois. Voy
Ptholo. liur. 5. ch.
17. 19. Et l. 6. c. 7.
Solin. ch. 36.*

*De l'heureuse,
voy Plin liur. 6.
chap. 28.*



ASIE est vne de trois parties selon l'anciëne diuision qu'on à fait de toute la terre, ainsi iadis apellée du nom de la fille de l'ocean, & Thetis, femme de Iaper, & mere de Promethée: ou comme aucuns estiment elle eust ce nom d'Asie fils de Manée Lydien. Ceste cy s'ested dès midy le long de l'orient, iusque en Septentrion, ayant pour borne vers occident le fleue du Nil, la Tane, & la mer maiour ou Pont Euxin, & vne partie de la mer mediterrannée, & de tous les autres costez, elle est arroufée du grãd Océa, lequel vers l'Orient s'apelle Eoë, qui est à dire leuatin vers le midy porte le nom d'Indien, ou mer de Cambaie, & vers le pole Artique, est nommé Scythique. La terre ferme est aucunement partie, & diuisée par le mont Taure qui s'estend d'orient en occident, en faisant courir vn de ses bras vers le Ponant, & l'autre qui regarde comme par pointe les parties meridionales: & ces deux parties du mont aportent (selon la denomination des Grecs) l'vn le nom d'interieure, & l'autre exterieure. Ceste montaigne peut auoir de largeur en plusieurs lieux iusqu'à trois mille stades, & de longueur, autant presque que toute l'Asie à sçauoir 45000. stades depuis les riuies de l'Isle de Rhodes, c'est à dire du bord de la mer regardant la dicte isle, vers l'Occident, iusque aux fins, & derniers limites des Indes, & des Scythes qui aduisent la fin de l'Orient. Et comme il est grand, aussi a il grande diuersité de noms, selon les païs compris en son estendue & ses parties estans les vnes plus grandes, les autres moindres en leur contenu & grandeur. Or tient on que l'Asie est de telle grandeur, & comprend si grande espace de terre qu'elle seule en embrasse plus souz son nom que ne font ny l'Europe, ny l'Afrique, encorë qu'on y comprenne la mer qui arrouse les deux. L'Asie est souz vne grande temperature, & serenité du Ciel, ayant les terres grasses & fertilles: & c'est pourquoy elle est abondante en toute sorte, & espeece d'animaux. Or du costé qu'elle regarde l'Afrique (comme elle ayt plusieurs & de bien fort grandes & riches Prouinces qu'elle contient & embrasse) gist l'Arabie diuisée en trois parties, lequel païs est assis entre les regions de Iudée, & d'Egypte, ainsi que Plin le racompte: l'vne des Arabies, ditte Pierreuse & enclauée du costé de Se-

ptentrion, & du Ponant avec la Syrie, & a de front l'Arabie deserte qui l'auoifine, & vers le midy elle voit celle qu'on nomme ordinairement l'Arabie heureuse. A ceste diuision il en y a qui aioustent comme dependance de l'Arabie heureuse les Panchaïens, & Sabéens: & fut nommé ce pais ainsi d'un certain fils d'Apollon, & Babylone qui s'appelloit Arabe. Le pais Arabe s'estendant en long & en large, contenoit aussi des peuples de diuerses humeurs & façons de vie, & ayans grande variété quant à leur religion, & ceremonies: nourrissans leur cheueclure & portans des Mitres, & turbans auoient la teste ceinte & liée tous d'une pareille & semblable façon, & partie desquels se faisoient couper, & raire leurs barbes. Les arts, & mestiers ne sont appris parmy eux confusement, & tout ainsi que parmy nous, ains faut que chacun suyuie l'art, & vacation de ses parens & ancestres. Celuy qui estoit le plus ancien entre eux emportoit la préeminence, & les autres estoient tenus de luy obeir: & n'auoient rien de propre, ains les biens estoient également possédez par toute une race & famille, & lesquels tous se contentoient d'une femme qui leur estoit commune. Et s'y gouernoient en ceste sorte: le premier qui entroit dans la maison pour acointer la femme, laissoit son baston à la porte & alloit passer sa fantasia de iour, car la nuit elle couchoit avec le plus vieil de la troupe, & ainsi ils estoient tous freres ensemble, ne respectas non-plus leurs meres, & sœurs que font les bestes brutes, & sans raison. Et d'autant que celuy qui faisoit couploit avec femme qui ne fust de son sang estoit crime d'adultere, celuy qui commettoit une telle faulte estoit condamné à la mort: et quoy qu'il en soit les enfans qui sortoient des parens & domestiques estoient auouez pour legitimes. Leurs festins & banquetz se faisoient par le nombre accompli de trente, où assistoient deux bons musiciens pour le plaisir de la troupe: & les parens s'entreferuoient courtoisement les uns les autres. Ils ne se soucioient de fortifier leurs villes, à cause qu'ils viuoient en paix & sans auoir guerre, ny discorde à personne. Ils vsoient d'huile de Sésame par faute d'autre, & au reste leur pais abondoit en tout ce qui peut seruir à la vie de l'homme, & y est tresheureux en fertilité. Les brebis y portent la laine fort blanche, & tresfine, & les bœufs y sont de belle & grande stature, & n'ont point de cheuaux, en lieu desquels, nature les aide en les fournissant de chameaux. Ceste terre est fertile en or, argent, & plusieurs choses aromatiques, qui ne sont guere communes en autre pais: l'encens, & le fer y abondoit, le pourpre laine, safran, la racine du Coste, les tableaux & pieces grauées & burinées y estoient portez d'ailleurs. Les corps des trespassés estoient sans honneur de sepulture, & celuy de leur Roy estoit getté à la voirrie, & parmy les fumiers, en signe de la grande reuerence qu'ils luy portoient. Et d'autant que iadis sur tous les hommes ils gardoient la foy, c'est en ceste sorte qu'ils dressoient leurs pactes, & conventions: Voulans faire quelque alliance: où il fallust vser de serment, il y auoit un qui se mettoit au milieu des deux qui iuroient, lequel tenant une pierre aigue en la main, frapoit celles des deux pres les grands doigts dans la paume d'icelles, puis prenans un petit morceau de leurs vestemens taignoit du sang tiré de leurs mains sept pierres là mises pour tesmoignage,

*Rhodigin lin. 10.
ch. 35.*

*C'est Arabe est
dit par Berosé
fils de Cur pere des
Curetes.*

*Des mœurs des
anciens Arabes,
voy Diod. Sicil.
lin. 3. antiq. c. 12.*

*Impudicité des
Arabes.*

*Banquets des an-
ciens Arabes.
Sésame estoit du
bled d'Inde &
mis entre les legu-
mes.*

*Coste.
Le latin dit Costus
ce n'est pas du coq,
veu qu'il est peu
aromatique, voy
Plin lin. 12. c. 12.
Rueillie. li. 1. c. 3.*

*Serments des
Arabes anciens.*

LIVRE SECOND

Denys, & Vranie
Dieux des Ara-
bes, mais adoré
principalement
par les Nabatéens
entre lesquels on
tenoit qu'il estoit
né, voy Hefichie,
& Diodore Sic.
liur. 4. ch. 5.
Ceste Vranie c'e-
stoit Venus. voy
Pausanie és At-
tiques, & Hefi-
chie, & Herodo-
liu. 3. d'où cecy est
pris: & d'Vranie
voy le mesme He-
rodo. liur. 1.

Superstitieuse cu-
villette de la ca-
nelle iadis entre les
Arabes: il parle
de ceux de l'A-
rabie heureuse.
Cecy est attribué
aux Ethiopiens
par Solin. ch. 33.

Arabes mange
serpens Barbares
sur tous.

Ceste vie est encor
assez commune aux
Arabes tant
d'Afrique que
d'Asie.

Sabée pais d'A-
rabie heureuse en-
quoy fertile, voy
Strabon liur. 16.
Pline li. 6. c. 28.
Mele liu. 3. Solin
ch. 36.

durant laquelle ceremonie, il inuquoit, & apelloit à tesmoins Denys, & Vranie leurs dieux: ce qu'ayant fait, luy mesme, qui auoit seruy d'arbitre, & sequestre entre les parties plegeoit, celuy avec lequel on faisoit, & passoit le contract & conuenance, soit que cela se fait avec vn de leurs citoyens, ou estrangers, de leur cognoissance. Et ce serment & pactes sont gardez inuiolables par ceux qui iuroient ceste amitié & alliance. Ils font du feu avec des sarmens du boys de Myrrhe, la fumée de laquelle est dangereuse, mais ils y remedioient avec l'odeur du storax, & en default de ce ils tomboient en de fort grandes, & dangereuses maladies. C'estoit aux feulz prestres & sacrificateurs de recueillir la Canelle, mais auant que ce faire ils sacrifioient & imoloient quelque beste à leurs dieux, lesquels ayas apaisez, & renduz propices, ils se donnoient garde que leur moisson ne fust faite deuant le leuer du soleil, & ne se fait plus tard que de son coucher. Celuy qui estoit Prince & souuerain entre-eux, faisoit le partage des gerbes de ce boys odoriferant, & aromatique, avec vne Iaueline dediee & consacrée pour cest effect, si qu'une portion d'icelles estoit premiere-ment offerte comme disme au soleil, laquelle si estoit diuisee & departie iustement, soudain que le present estoit fait à cest astre, il la faisoit de ses rays, & la brusloit deuant tous en tesmoignage certain combien ce boys luy estoit agreable. Or ces Arabes estans rustiques, agrestes & farouches, ceux qui auoient le moins de soucy de se nourrir delicatemēt, mangeoient des serpens, & pource estoient appelez Ophiophages, sans se soigner ny du salut du corps, ny des vertuz de l'ame. Les Nomades, ou pasteurs s'aydent en leurs affaires de la diligence & trauail des chameaux, & allans en guerre s'en seruoient pour monture, & pour porter leurs hardes en tous voiajes lointains, se nourrissans & de leur lait, & de la chair de ceux qui mourroient ou lassez de trauail, ou accablez de vieillesse. La riuere pres laquelle ils se tenoient, abondoit en grauiers & sablon de pur or, mais ils ne le mettoient point en besoigne, tant ils estoient ignorans des arts & industrie de se seruir d'un metal si precieux, duquel à present ils sont si couuoiteux, que pour l'aquerir ils ne font qu'espier les passans pour les deualiser, & s'enrichir de leur argent, viures, & marchandise. Il y a encor d'autres pasteurs appelez Debes, lesquels aussi s'adonnent au labourage, peuple qui abonde en or, lequel il trouue parmy les motes de la terre confusément espais de la grosseur d'un glan, ou d'une noisette, & duquel ils font des carquans & ioyaux l'enfant avec certaines petites pierres assez belles & precieuses par eux estimées, & plaisantes: au regard dequoy encor ils font de beaux & gentils braceletz. Ils vendent l'or pour trois fois autant d'argent aux estrangers, & deux d'argent, soit qu'ils eussent l'or à mespris, ou que le desir d'auoir les choses qui se gagnent par trafic les esguillonast à ce faire. A ceux cy sont voisins les Sabées, lesquels sont riches en Myrrhe, Canelle & encens & auquel pais on tient que croissoit iadis la plante de laquelle on tiroit le baume. Ils ont des Palmiers doux, flairans & des Canes, ou roseaux qui sentent bon, & ont le goust presque comme la Casse: mais avec ces douceurs, il y a des serpenteaux longs de demy pied, se tenans aux racines des arbres, qui leur sont fort nuisibles & dommageables.

geables. La grand soüeté, & le trop de bonne odeur causent vn estonnement, & defaut es sens de ceux qui passent en ce païs, tel que plusieurs s'en euanouissent & pâlissent, mais on y remédie avec des suffumigations faites de bitume, & de poil de la barbe d'un Bouc. C'est le Roy du païs qui iuge en souveraineté de toutes choses: La plus part des Sabéens sont laboureurs, & les autres s'amusent à recueillir les arbres, & fruits aromatiques. Ils frequentoient en Ethiopie pour le trafic & autres affaires, & estoient leurs nauires & bateaux tous couuerts de cuir, & calfeutrez de Bitume. Le boys & matiere qu'ils vsent pour leur chauffage, c'est de la Canelle & boys de Casse: & fust la cité Metropolitaine, & capitale du païs nommée Sabe assise sur vne montagne. Les Roys leur estoient donnez par succession d'entre ceux que le peuple apelloit & esliroit aux hōneurs, meslez de bons & mauvais, comme chacune race est diuersement composée: & n'osoient les Roys sortir de leur Palais, craignans que selon ne sçay qu'elle ancienne coustume du païs, ils ne fussent lapidez du peuple selon l'oracle & responce donnée iadis par leurs dieux. En la cité de Sabe ou estoit le palais Royal, on voyoit des tableaux d'argent richement elabourez, & de la vaisselle d'or pur de toutes sortes & especes: les lits & trepiers ayans les soubassements, & colonnes d'argēt, & le reste des meubles de telle richesse que le recitāt ce seroit mettre la chose en doute veu l'impossibilité de trouuer choses tant rares & exquises. Les Portiques & entrées estoient soustenuz de grandes, & massiues colonnes, les chapiteaux desquelles estoient d'or ou d'argent: le lambris des chambres & sales & l'ornement des portes estoient enrichiz de lames d'or, avec force pierre-rie qui estoient les regardans voyant chose si superbe, & par tout on ne voyoit reluire que l'or, & pierres precieuses. En d'aucuns endroits on voit l'yuoire raporté en besoigne fort mignonement, & autres matieres desquelles les hommes tiennent grand compte, & les admirent à cause de leur rareté. Telle fust pour vn long temps la felicité des Sabées [laquelle s'est escoulée aussi bien que le nom qui avec la religion a changé & de nom, & d'estat de grandeur & de richesses, restant toute la magnificence des Arabes de l'Arabie heureuse, en deux ou trois villes, & icelles auoifinans la mer à cause que peu d'hommes veulent se fier sur terre ferme, y obstant la pillerie des coureurs des montagnes lesquels saccagent tout ce païs qui est entre le sein Persique, & la mer rouge.]

Aussi ne faut s'estonner si les Sabéens ont longuement iouy de cest heur, veu qu'ils estoient exempts du vice qui a ruiné plusieurs peuples & nations, c'est à sçauoir de l'ambition & gloute conuoitise de s'enrichir du bien & richesses d'autrui. Les Garréens leurs voisins n'estoient en rien moindres qu'eux, comme ceux qui auoient tout leur mesnage, & meubles pour leur seruice faits d'or, & d'argent, embellissans & reuestans d'iceux, & avec de l'yuoire les portes, toitiz, & murailles de leurs maisons & edifices. Les plus modestes d'entre eux estoient les Nabathées fort diligents, & industrieux à gagner & augmenter leur biē, mais plus sages & discrets à le garder & conseruer: à cause que celui d'entre-eux qui degastoit ou diminoit tant soit peu de son patrimoine, estoit puny publiquement par

H

A cause qu'ils sont voisins, n'y ayant que la mer rouge à passer, ou le goulphe d'Arabie du costé d'Aden.

Il y auoit vne autre Sabe en Ethiopie, d'où estoit cel le royne qui vint en Indee vers le Roy Salomon.

Les Roys Sabéens n'osoient sortir de leur palais.

A present Gesam est la cité principale. voy Loys de Barthelemy liu. 2. de ses nauigatiōs.

Ne faut s'estonner de cecy, veu que les palais du Caire, & de Tauris ont figure encor de semblable magnificence.

Superbes bastimēs des anciens Sabéens.

Arabie heureuse fort descheue de sa grandeur.

Sabéens iadis sans ambition ny auarice.

Loy contre ceux des Arabes qui dissipent leur patrimoine.

LIVRE SECOND.

Armes des Arabes.

Sarrasins peuple meschât en l'Arabie pierrense.

Carouanmes, sont les cōpaignes des estrangers qui vôt par pais à troupes, car d'aller seul ny a remede.

Fante de l'auteur qui dit que l'Arabie ne nourrit point cheuaux.

Arabes Asiatiques couards & poltrons.

Arabes haïs de chacun pour leurs pilleries.

sentence, là où au contraire celuy qui l'augmentoît, se voioit honoré, & caressé de tout le monde. Leurs armes en guerre estoient l'espée, l'arc, la lance, & la fonde à ruer pierres, les Arabes encor se seruoient de haches, & halebardes en bataillant. Apres ceux cy estoient les Sarrasins, peuple cruel, & farouche, & duquel à pris source la peste la plus abominable qui iamais infecta le monde, de laquelle nous parlerons cy apres sur le discours des Turcs, & du Mahometisme. Or la plus part des Arabes recut (comme il est vray-semblable) le nom de Sarrasin de ce maudit peuple, toutesfois l'appellation ancienne demeure encor à ceux qui sont voisins d'Egypte, & qui se tiennent par les desertz de Suez, & viuent de larcins & pilleries, se ruans sur les Carouannes de ceux qui vont en Hierusalem, comme se fians en la course de leurs chameaux, s'il est besoing de se sauuer à la fuite: & m'estonne que cest auteur aye allegué que les Arabes n'ont point de cheuaux, veu que ceux qui ont fait le voiage de Leuant tiennent le contraire, cōme l'ayans sceu & veu, & senty leurs volz, & leur soudaine retraite: tant que leurs cheuaux & iumens marchent d'une telle viffesse qu'ils semblent plustost voler que courir, & lesquels ils fortifient apres leur course en les abreuuant de lait de chameaux, pource qu'ils le scauent estre fort refrigeratif. Ces Arabes Asiatiques, quoy que cruels si sont ils poltrons & couards, & n'ont garde d'assaillir vne troupe, fils ne se sentent trois & quatre fois en plus grand nombre, allans tous iours vagabons, & conduifans leurs femmes, enfans, bestial & bagage par tout la où ils vont, cōme cerchans les lieux plus escartez, & les eaux pour leurs troupeaux, joint qu'ils se craignent tousiours de surprise, cōme ceux qui n'aymēt personne, & qui pour leurs pilleries sont haïs de tout le monde. Le pourroy vous discourir d'auantage des mœurs de ce peuple, mais tant de bons esprits y ont mis la main, que ce seroit œuvre superflue, & mal à propos, si ie pensois rien apporter en place, qui n'ayt desia esté mis en vente & à la veuë de chacun.

De la region de Panchaie, & mœurs des Panchaïens. Chap. 1.

Diodor. antiq. li. 6. chap. 10.

Villes de l'isle de Panchée.



DIODORE Sicilien (fort suiuy par cest auteur) tient que Panchaie est vne isle assise au goulphe de Perse, mais depédante d'Arabie, ayant deux cents stades de circuit, & en laquelle on voyoit trois belles & superbes villes, à sçauoir Dalile Hirtacide, & Oceannide, ou le paisage est fort fertile, sauf és lieux où le sablon empesche l'abondance, & fertilité. Ceste isle est (comme il dit) foisonnât en vin, & encens, lequel y croist en telle quantité qu'il suffit pour en fournir tout le monde pour le seruice des temples, encensemens, & suffumigations. La Myrrhe y croist encor, & plusieurs autres drogues soef flairantes & de bonne odeur que les Panchéens recueillent & vendent aux marchans Arabes, qui les transportent en Phœnicie, Syrie, Egypte, & autres pais Leuantins, & de là la marchandise s'espand par tout le monde. Les Panchéens allans en guerre s'aydoient de chars armez

à la mode des anciens. Or est leur police partie & diuisée en trois manieres de gens, entre lesquels les prestres tenoient le premier lieu, avec lesquels estoient associez les artisans: Apres marchoient les laboureurs, & le tiers ranc cōtenoit les souldats, & ceux qui s'adonnoient au pasturage. Les Prestres commandoient sur tous les autres exerçant les iugemens, & viuidans les proces & differents des Insulaires, & maniant les affaires d'importance, sauf qu'il ne leur estoit loisible de condēner personne à la mort. Les Païsans labouroient les terres, tenuz & obligez de porter tout ce qu'ils recueilloient, & le mettre en commun: or d'entre eux on en eslissoit dix les plus experts & renommez à bien cultiuier, auxquels on faisoit l'honneur de distribuer les fruitz à chacun selon sa necessité: & les faisoient les Prestres iuges pour ce seul respect qu'à leur exemple les autres de mesme art fussent esguillonnez de faire leur deuoir. Les pasteurs aussi failloit qu'ils portassent sans fraude & en toute diligence, & ce qui seruoit aux sacrifices, & le reste qui prouffitoit à tous deuant les Magistrats, & le tout partie au nōbre, & partie mis aux poidz & mesure. Aucun d'entre-eux ne pouuoit se vanter d'auoir rien qui luy fust propre, excepté sa maison & son iardin, & quant aux tailles, peages, & impostz, & tout autre reuenu, c'estoit aux sacrificeurs d'en faire les lortz, & distributions, eux en raportās tousiours double portion par sus les autres. C'estoit à eux à se vestir plus mollement & delicatement que tout autre, car ce païs abonde en Brebis, qui ont la laine fort bōne & delicate, & plus apte à faire de beaux draps qu'autres qui soient au Leuant. Entre ces Insulaires non seulement les femmes ains encor les hommes se chargent de ioyaux d'or, & se parent de chesnes, carquans, & braccelliers, & portent à l'imitatiō des Perles, des bagues pendues aux oreilles, & leur chaussure estant variable, & en façon & en couleur. Les soldats ont charge, comme es autres lieux de garder & deffendre leur païs, les sacrificeurs se donnoient du bon temps, & viuoient plus delicatement que les autres, estans somptueux & magnifiques en leurs vies & actions. Ils portoient des robes d'un lin & toile blanche fort nette, subtile & deliée, portans quelque fois des habits de laine gentiment, & mollement tissue & mise en œuvre, ayans sur la teste vne mitre ceinte & enrichie d'or par grand artifice, & portoient des escarpins & brodequins diuersifiez en couleurs, & elabourez d'une main maistresse & subtile: se parans d'ornemens d'or tout ainsi que les femmes, fors qu'il n'auoient point d'oreillettes. Leur office estoit d'assister aux temples & vaquer à oraison, & priere chantans ordinairement les louanges & haults faits de ceux qu'ils honoroient du tiltre de diuinité, & se vantoient ces gentils prelats d'estre descenduz de la race de Iupiter qui en auoit laïssé la semence en Panchaie lors qu'il y fust, & du temps que familièrement il conuersoit & passoit son temps avec les hommes, commandant aux terres, & ayant l'Empire de tout le monde. Ceste isle est pleine d'or, argent, erain, estain, & fer, n'estant permis de transporter rien hors du païs, non plus qu'il est loisible aux prestres de sortir des saints lieux, car se loignans d'iceux le premier qui les rencontre à licence de les occir. On gardoit des long temps de riches & rares presens d'or, & d'argent,

Diuisiō de la police des Panchéens.

Toutes choses communes entre les Panchéens.

Cōstrainte à chacun des estats en Panchaie.

Tout en commun entre les Panchéens.

Mollesse des prestres des Panchéens.

Prestres Panchéens se vantoient d'estre sortis de Iupiter.

Grande cōstrainte & suietion aux sacrificeurs.

*Téple d'incroyable
grandeur & esté-
due,*

*L'auteur fait en
une chose qu'il ne
dit point en quel-
le cité estoit basty
ce temple.*

*Gedrosie Prouh-
ce première des
Indes, voisine de
la Caramanie: à
present royaume
de Tarse. voy
Haiton. Arme-
nier. De l'isle
d'Ormuz, voy
Loys Vartiheman
liv. 2. Cadamoſte
71. cha. de ses na-
uigations.*

*Ormuz, riche en
belles perles.*

*Le Roy de Portu-
gal à une forte-
resse & un Ma-
gasin à Ormuz.*

*Philostate grâd
bordeur.
Isles du goulphe
d'Arabie.*

*En l'histoire faut
s'arrester au plus
recent. voy Ptho-
lomée Geogr. lin.
1. chap. 5.*

faits aux dieux dans leur temple, les portaux duquel estoient enrichis, & reueſtuz richement, & d'une excellēte & merueilleuse manufacture, d'or, d'argent, & d'ynoir. Le ſiege & repos de leur Dieu estoit tout d'or, contenant ſix coudées de longueur, & quatre de large, ou rien n'estoit oublié de l'art & industrie d'un maistre excellent & parfait. Ce liēt estoit accom-
pagné d'une table ayant meſme longueur, largeur, ornement, & richesse, laquelle ſacrée au Dieu, estoit posée contre la couche diuine. La grandeur du temple ſurpaſſe toute foy, baſty & dressé tout d'une pierre blanche & polie, ſouſtenu d'une infinité de grandes colonnes, & icelles ayant des statues diuerſifiées, & force pieces & hystoires grauées en la meſme pierre: & contenoit ce temple en longueur deux arpentz de terre, & autant en largeur. Comme le temple estoit merueilleux en son baſtiment & ſtructure, les images qui estoient en iceluy ne demendoient en rien la ſuperbe du lieu estans monſtrueuſes en grandeur, ornées richement & faites d'un ſingulier artifice. Et les maiſons des ſacrificateurs estoient dressées tout autour de ce temple. A deux cēs ſtades tout à l'entour du téple, le territoire estoit dédié aux dieux, le reuenu duquel estoit employé pour les ſacrifices. [Je ne ſçay ou Diodore est allé peſcher ceſte iſle des Panchées, la baſiſant au ſein & goulphe de Perſe, & luy faiſant regarder la Gedrosie à preſent Guſerath païs indien, & auoiſinant la Caramanie, ſiege iadis du Roy Porc, contre lequel eut affaire le grand Alexandre: veu que l'Arabe n'a iſle voisine de ſa terre du coſté de Perſe, que celle d'Ormuz, laquelle à eſté cogneüe par Ptholomée liure ſixieſme, & laquelle Plinie appelle Ogire. Et à dire la verité ceſte-cy eſt des plus riches de Leuant, pour le peu qu'elle contient, areneuſe, peu fertile, & de laquelle il eſt impoſſible de chanter ce que Diodore ſonge de ſa Panchaie plus ſongée que veritablement en eſſence: bien qu'à Ormuz on peſche des plus belles Perles & mieux oriētées qu'on puiſſe guere trouuer ailleurs, ainſi que des Pilotz Portugais qui ont fait ce voiage nous l'ont fait cognoiſtre par leurs eſcritures. Mais de peſcher icy les tables d'or, & litz de pareil metal, ie le laiſſe à ceux qui ont deſcrit le royaume de Faërie, & luy accorde qu'il faille ioindre avec ce Philoſtrate, qui voulant deifier ſon Apollonie Tianée nous amene de pareilles reſueries que ceſte fable de Panchaie. Si l'on vouloit poſer ceſte iſle au goulphe Arabique il n'y a iſle remarquée que Bebel-mandel, & Camaran trop pauures pour eſtre ſi excellētes que l'or, & l'argent ny manquant point, l'ynoir y abondant encor l'une d'icelles ſuffit pour fournir tout le monde de choſes Aromatiques. Je ne dis cecy pour deroguer en rien la grandeur de l'auteur qui eſt à louer, pour auoir ſi diligemment recueilly l'hiſtoire des anciens, mais ie veux aduertir le lecteur, de penſer qu'en l'hiſtoire il ſe faut arreſter à ce qui eſt le plus recent, & croire ceux qui ont l'experience freſche de ce que d'autres dient faiſants ſouz autrui leur aprentiſſage.]

Du pays d'Assyrie, & mœurs des Assyriens. Chapitre 3.



ASSYRIE region d'Asie, prist iadis son nom (ainsi que dit S. Augustin) d'Assur filz de Sem : & à present porte le nom de Syrie : ayant le païs Indien & vne partie de Mede, qu'elle regarde vers l'Oriët, vers le Ponant le Tigre fleuve, tirant au Midy le païs Sufian, & tirant au Nord elle auoisine le mont Caucase. Il ne pleut guere souuët en Assyrie, & voila pourquoy il fault que la fertilité de tout le pays procede de l'arrousement de l'Eufrate, tout ainsi qu'en aduient du Nil en Egypte, non que cela se face du naturel mouuement dudit fleuve, ains plustost par le traual & industrie de ceux du pays: neantmoins la terre foisonne tellemēt en bleds, que la moisson y vient rendre deux & trois cens fois plus qu'on ne seme pour vsure de la semence, & où les feilles & du froment, & de l'orge, ont de coustume de trois à quatre doigts de large. Le bled Indien, ou Sefame, & le millet y viennent iusqu'à la hauteur iuste de quelque beau arbre. Ce qu'ayant espluché avec grand diligence Herodote, si est-ce qu'il faisoit conscience de l'escrire, comme chose excédant presque la verisimilitude, si on le proposoit à ceux qui iamais n'en virent l'effect & experience. Ils viuent de certains Palmiers, qui leur fournissent, & de miel, & de vin: Les barques avec lesquelles ilz alloient sur les fleuves d'eau douce, estoient faites en forme Spherique & ronde, sans qu'on y peut discerner ny iuger Prore ny Poupe quelconque: & ces vaisseaux faits en figure, & façon d'un bouclier, sont faits en Armenie, par dessus l'Assyrie de Saules, & couuertz par le dehors de cuir tout crud & nō encor conroyé. Les Assyriens vsoyēt iadis de deux robes, vne longue leur allant iusqu'aux talons, & vne autre plus courte par dessus, & les deux estoient de lin, & par dessus encor ils portoyent vne robe fort blanche : ayants des soliers aux pieds tous semblables aux chausses des Thebains: & nourrissoient les cheveux, portās de haults bonnets & pointuz à la façon des Mitres, & Caselbas des anciens Perses, & ne sortoyent dehors, qu'ilz ne fussent musquez, & parfumez fort delicatement. Chacun d'entr'eux auoit vn aneau luy seruāt de cachet, & portoit vn sceptre en main, sur lequel estoit mignotement tiré, & elaboré quelque signe, ou fleur, comme vne rose, vne poine, ou la fleur du lys, ou autre chose semblable: car il leur estoit deffendu comme cas vilain & mal seant, de sortir en rue & se monstier en public sans auoir & le sceptre, & quelque figure qui l'ornast avec signifiante. Quant aux loix desquelles ce peuple vsoit, ceste-cy m'a semblé fort merueilleuse: que les filles vierges qui estoient d'aage pour estre mariées, estoient menées tous les ans au marche, & mises en vente à cry public, à quicōque les vouldroit prendre en mariage, & mettoit on en auant premierement les plus belles, afin qu'on y mit l'enchere. Mais celles que la beauté ne recommandoit de tant que personne se souciait d'y mettre son argent pour les auoir, voire qui estoient si laides, qu'elles n'eussent trouuē qui les eust voulues recevoir en don gratuit, celles (dis-je) estoient mariées de l'argent avec lequel

Voy Berosé li. 1.

Assiette d'Assyrie. voy Ptol. li. 6. ch. 1. Table 5. d'Asie.

Eufate fleuve arrouse l'Assyrie cōme le Nil l'Egypte. Grande fertilité d'Assyrie.

Herodot. 1. il fait le consuetudinaire en chose croyable, & ailleurs, il se dispense bien fort. Palmiers fertilz en vin & miel.

Abillement des Assyriens.

Ces soliers n'estoyent couuertz par dessus, ains faits comme l'on dit à l'Apostolique.

Tout cecy est pris de Herodote li. 1. L'assyrien ne sortoit de sa maison, sans porter sceptre Rhodigin. lin. 18. chap. 34.

Les vierges mises en vente entre les Assyriens.

LIVRE SECOND

*Venitiens iadis
Henetes, le long
du sein Adriatic
à present goulphe
de Venise, vers
l'Esclavonie.
Sabellique en l'hi
stoire de Venise.*

*Coustume louable
de Venise, sur les
filles exposées.*

*Autre loy en Ba
bylonne touchant
les malades, voy
Guenare en ses e-
pistres dorées.*

*Rhodigin lin. 18.
ch. 34. voy cy de-
nant lin. 1. ch. 5.*

*Celie Rhodigin.
lin. 8. ch. 11.*

*Tout cecy est re-
cueilly de Strabō.
liur. 16.*

les belles auoyent esté achetées. Et Herodote tient que iadis les Venitiens se tenans en la coste Illyrique, vsoyent de pareille façon de faire, & qu'il le sçauoit par le bruit commun courant ainsi de son temps. Mais Sabellique, qui a escrit l'histoire de Venise dit ainsi: Le ne sçay si iamais ceste coustume mentionnée par Herodote, eust vigueur au pais Venitien, bié ose- ie affermer, qu'à présent en la cité de Venise (les richesses, & puissance de laquelle sont assez cogneuës, & par mer & par terre) entre autres façons de faire & loix remarquables, ceste cy y est obseruée, que les fillettes qui ont esté faites à la desrobée, & sous les larcins d'amour, estās exposées deuāt l'eglise de nostre Dame de pitié, sont nourries aux despens publicz en lieu assigné pour ce faire, & recluses iusqu'à ce qu'elles sont d'aage pour prendre mary, tenuës fort de court, & endoctrinées avec vne grand feuerité: celles qui sont les plus belles, d'autant qu'elles ont esté esleuës, & nourries honestement, & sont gétilles en leurs façons & gestes, sont mariées sans rien donner de douaire à l'espoux, & mesmemēt à ceux qui deliurez de quelque grand peril, ou grieve maladie, ayants fait vœu d'en retirer quelqu'une viennent vers le Magistrat pour les auoir pour femmes. Il y en a qui meuz, ou de la seule opinion de chasteté de ces filles, ou de leur insigne beauté, les espousent pour leur plaisir, & sans en attendre rien que soit de douaire: & ce pendant fault il que ilz promettent de les traiter doucement comme filles honnestes, & de bonne part. Que si per- sonne ne se presente, alors la Cité les marie, les belles à moins de pris que celles que la beauté ne recommande, & ne rend agreables ou desi- rées. Il y auoit vne autre Loy, mais particuliere aux Babyloniens, & de tant plus prouffitabile que elle est memorable, que comme au commēce- ment ils n'eussent aucun vsage de medecins, fut ordonné, que si tost que quelcū seroit malade, il demāderoit cōseil à celuy qui auroit gousté pareil- le incommodité de maladie, & tascheroit de fuiure l'ordre, & moyens de l'autre pour son remede. I'ay trouué ailleurs escrit, qu'ilz portent les mala- des en la place publique, & que la loy commandoit, que tous ceux qui a- uoyent senty maladie d'autresfois, vinsent vers le patient pour luy dire les moyës avec lesquels principalement ils estoient venus à reconualescē- ce. Les corps de leurs trespassez estoient oincts de miel, & les obseques, pleurs, & funerailles tout de mēme qu'en vsoyent les Egyptiens. L'hōme Assyrien couché avec sa femme n'eust touché vne seule partie d'icelle, ny elle aussi du mary, sans premierement se lauer de belle eau fresche. Or l'ancienne coustume des Dames Babylonniennes, pour ne sçay quelle occasion, estoit de se mesler charnellement avec quelque estranger en hō- neur de la déesse Venus: Aussi voulans ce faire, elles s'en alloient au tēple de ceste Déesse en grand troupe & couronnées, & fort richement parées pour se presenter, & rendre agreables aux amoureux: Chacun des estran- gers qui vouloit iouyr de ces beautez, regardoit celle qui le plus luy plai- soit, sur les genoux de laquelle il mettoit telle somme d'argent que bon luy sembloit, & elle estoit tenue de le suiure, vn peu loing du temple, où il l'acointoit à son aise: & le pris de ceste impudicité, estoit employé pour le seruice de ce temple.

Il y eust entre les Assyriens des maisons & familles, qui ne viuoient d'autre viande que de poisson, qu'ilz faisoient secher au soleil, & ainsi secz les pilloyent dans vn mortier, & de ceste farine conseruée, ilz en faisoient des fouaces, & gâteaux bien pestris, que ilz cuisoient, & s'en seruoient pour du pain. D'entre ceux qui n'alloyent plus à la guerre à cause de leur vieillesse, on feit vne espece de leurs Magistratz de trois sortes que il en y auoit, le second rang estoit de la noblesse, & le troisieme des plus aagez, & anciens de la Cité, & de ceux-cy estoit encore separée la puissance, & autorité Royale. Encore en Babylonne les Mages, ou sages, surnommez Caldéens estoient en pareille reputation que les prestres, & deuins en Egypte, ayans la charge des choses sacres, & des Temples, & sacrifices: s'adonnans toute leur vie à l'estude, & contemplation de la philosophie, s'exerçans en l'art, & science des Astres, pour sçauoir par le cours d'iceux les mouuements des actions, & occurrences des hommes: taschans de prouffiter à chacun & le deliurer de danger & incommodité, ores par la diuination prise du vol des oyseaux, & tantost avec des charmes & enchantementz: & estoient si faitz à l'interpretation des Augures, songes, presages, & signes prodigieux, que ilz ne failloient guere d'en donner certaine signifiante, & assurée raison.

[Toutesfois furent ilz deceuz au songe de Nabuchodonosor, que iamais ilz ne sceurent deuiner, & fallust que Daniel y secourust, La vie ia condamnée de ces sages, ignorans ce que Dieu vouloit manifester à ce fol tyran: tout ainsi que les Egyptiens ne peurent élucider le songe (interpreté par Ioseph,) qui predisoit la famine.]

Ces sages Caldéens n'estoyent point enuoyez hors de leur pays, ny de leurs maisons (ainsi qu'en vsoient les Grecz) pour apprendre ces scièces, & estre instruits en la discipline de leurs ancestres, ains l'aprenoyent vn chacun de ses parens, desquels ils la tenoyent come par succession, & heritage: & estoient les enfans appris & instituez és maisons, afin que par ce soin ordinaire, ils peussent mieux prouffiter. Leur science ne se fondoit point en doubtes, & diuersité d'opiniōs ainsi que celles des Grecs, ains persistoient costamment & simplement, és choses vne fois apprises, là où les autres auoyent diuerses sentēces & aduis sur les principes, & comencemens des causes de chacune chose: où la varieté des homes engēdre la diuersité des opiniōs. Mais les Caldéens tenoyent come chose arrestée, & veritable, que le mode n'auoit esté crée, & tous d'un consentement soustenoyent son eternité, à sçauoir qu'il estoit sans comencement, & q̄ iamais il n'auroit fin, q̄ l'ordre, & dispositiō de tout l'ornemēt de l'vniuers estoit guidé, & regy par la providence diuine, que les corps celestes ne se mouuoient point de leur bon gré, ny de quelque mouuemēt fortuit, & accidentaire, ains cōduits de quelq̄ loy, & iugemēt diuin qui les mouuoit, & causoit leur influēce. Dès toute memoire presque il se trouue que ces gens s'adonnoyent fort à sçauoir le cours des astres, & de predire plusieurs choses aux homes par la cōsideratiō de leur cours & mouuemēt, entant qu'ils attribuoyent vne grand force sur noz corps aux planettes & mesmemēt à celle q̄ noz astrologiēs appellēt Saturne: estimās le soleil le plus agreable, & plaissant des corps celestes, &

*Farine de poisson
en lieu de pain.*

*Trois sortes de
Magistratz, des
Assyriens.*

*Tout cecy des Cal
déens est pris de
Diod. Sicil. liur.
d'antiq. 3. ch. 8.*

*Le premier qui
leur apriſt ceste
sciēce fut Zoroast
Assyrien, depuis
Roy des Bactriēs.*

*Daniel. 2.
Genese 41.*

*Grecs differens les
vns des autres en
opinion. voy Plu
tarq. liur. des aduis
des philosophes.
Opiniōs des Cal
déens sur le prin
cipe des choses.
Voy Celie Rho
digin. li. 1. ch. 18.
De cecy se moque
Jean Pic de la
Mirande en vn
lin qu'il en a fait
expres. Et Euseb.
prepar. euang. lin.
6. Arist. 2. de
Celo, ch. 8. nie que
les Astres ayent
propre mouuemēt.*

LIVRE SECOND

*Les Caldéens cō-
temploient qua-
tre estoilles, sous le
nom de Mercure.*

*Superstitieuses cō-
templations des
Cald.*

*Douze Dieux
presidantz aux
mois: de mesme en-
userent les Ro-
mains, & les ap-
pellerent Consen-
tes. voy Seneq. li.
2. des quest. nat.
Varron. 1. des ru-
stiq. & S. Aug.
cité de Dieu. liur.
4. ch. 23.*

*Caldéens predi-
sent la verité, par
le cours des astres.
Ilz parloyēt ain-
si n'ayans la co-
gnissance de ce
qui estoit outre l'e-
quité.*

*De cecy voy saint
Augustin. Cité
de Dieu. li. 12. ch.
10. Pline liur. 7.
& 11. Ciceron. 1.
de Diuinat.*

lequel auoit vne force toute propre, & singuliere sur tous les autres: neât-
moins en leurs diuinations ilz l'arrestoient plus sur les aspects de Mars,
Venus, Mercure, & Iupiter, à cause que ceux-là (comme ayas vn cours qui
leur soit propre) donnoient signifiante de l'aduenir, comme s'ils fussent
les messagers, & interpretes de la volonté des Dieux: En quoy ils se font
tellement aheurtez, qu'ils apelloient quatre de ces astres indifferemmēt
Mercurus. La coustume encor de ces sages, fut de predire ce qui deuoit
succeder par le soufflé des vents, force des pluyes, ardeurs de l'esté, par l'ap-
parition des Cometes, Eclipses, & defaults du soleil, & de la Lune, par les
terre-trembles, & autres tels signes, y arrestans la signifiante, & de ce qui
estoit salutaire, & de ce qui nuisoit aux hommes. Ils imaginoyent en ou-
tre d'autres estoilles suiettes aux premieres, lesquelles ils disoyēt diuaguer
& auoir leur course, les vnes par nostre Hemisphere, & les autres aller vi-
siter le reste du rond és parties qui sont souterraines. Et suyuantz l'erreur
des Egyptiens, ils se faignirent douze Dieux principaux, à chacū desquelz
ils donnerent place au Zodiaque, & ceinture celeste des signes, & leur as-
signerent à chacun leur mois. Or, comme naturellement, ilz predisoient
les choses futures aux roys, ainsi qu'ils predirent au grand Alexandre, la
victoire qu'il eust sur Darie Roy des Persans: & de mesme en feirēt apres
à l'endroit de Nicanor, & Seleuque, & autres successeurs dudit Alexandre,
comme aussi aux Romains depuis succedans à l'Empire, la prediction
desquelz ne fut vaine, ny sans effect. Et nombroyent vingt & quatre
estoilles hors le Zodiaque, douze regardans le septentrion, & parties Bo-
reales, & pareil nombre vers le midy, & parties australes, estimās que cel-
les qui apparoiſſoyent, estoient pour le seruice des viuants, & les autres
pour ceux qui estoient trespasssez, leur esclairant souz terre. Avec telles
& semblables difficultez, & enuolopements, ilz offusquoyent la clarté de
l'esprit des hommes, y semans des tenebres d'erreur & ignorance, comme
en la supputation sorte qu'ils faisoient des années, par laquelle ilz calcu-
loyent si gentiment qu'ilz nombroyent dès leur premiere antiquité, sour-
ce & memoire, 43000. ans iusqu'à la venue d'Alexandre en Babilōne, qui
estoit vne impudente, & effrontee menterie, si ce n'est que quelcun vou-
lut mesurer leurs ans Lunaires, & par moys selon l'obseruation, & façons
de faire des Egyptiens.

Du pays de Iudée, façons de vie, loix, & ceremonies des Iuifs. Chap. 4.

*Asiette de Pa-
lestine. voy Ptol.
li. 5. ch. 16. Table
4. Pompo. Mele.
li. 1. elle fut apel-
lée Palestins des
peuples Palestins
dits autrement
Philistiins.
Ioseph. antiq. liu.
1. chap. 7.*



A Palestine est celle mesme region qu'on appelle
aussy Iudée, contenue souz ce nom particulier, en
l'embrassement de Syrie, gisant entre la basse Syrie
où estoit Philadelphie, & le mont Liban, & l'Ara-
bie pierreuse & vers le Ponant, estant auoisinée de
la mer d'Egypte qui est nostre Mediterranée, ayant
encor vers le Leuant, le fleuve Iourdain qui la laue,
& rend fertile: l'histoire sainte de la Bible, & Iosephe la suyuant, appelle ce
pays Chanaan, region fertile en diuerses choses prouffitables à la vie de
l'homme,

l'homme, abondante en viures, fournie d'eaux en abondance, & où iadis se cueilloit le meilleur baume de la terre, estant presque posée au milieu de la terre, qui cause que les froidures n'y sont point excessiues, & que l'esté ny est trop ardent ny nuisible, à cause de ses chaleurs & vehemens. Qui à esté l'occasion que les Israélites voyans la gracieuseté & temperie des Elementz en leur terre: eux qui estoient la plus ancienne race de souz le Ciel: & parmy lesquelz, dès la creation de l'homme, estoit demeurée la vraye cognoissance d'un Dieu, & la purité de son seruice, & ensemble le naïf langage du commencement, pour ce respect dis-je ilz ont estimé que ceste-cy est la terre, que Dieu auoit promise à Abraham, Isaac, & Jacob & à leur semence, laquelle seroit abondante en lait & miel, & de laquelle ils iouyrent quarante ans apres qu'ilz furent sortis d'Egypte sous la conduite de ce sage & vaillant capitaine Iosué, qui la conquist, ayant premierement vaincu 31. Roys puissans, qui tenoyent terres & seigneuries en celle Prouince. Les Iuifs gardent, & obseruent inuiolables les loix qu'ils ont receu par Moysé leur premier chef, & legislateur, iagoit que plusieurs siecles au parauant Moysé, ilz eussent vescu saintement ayans la cognoissance d'un vray Dieu, auquel ils faisoient seruice & sacrifices tres agreables, sans auoir aucune loy escrete, seulement conduits par l'esprit de Dieu, & bonne inclinatio qu'ils auoyent à la vertu de leur propre nature. Or Moysé homme excellent & grand theologien, establisant des loix à ce peuple, estoit d'opinio qu'une cité & assemblée de peuple ne pouuoit viure en repos, sans y assoir les fondemens de quelque police avec l'ordonnance de quelques loix & reigles d'equité & droiture: & ainsi ayât assez long tēps exhorté les siens à la suite de la iustice, & vertu, & a fuir l'ordure des vices, & sur tout l'impiété & faux seruice de plusieurs dieux: en fin il aiouta plusieurs loix, pour la police & estat de leur republique, à celles des deux tables, qui contenoient dix commandemens, & lesquelles il auoit receuës de la main de Dieu, sur le mont de Sina, & les publia & establit inuiolables à son peuple. Le nombre de ces loix est si grand, que qui les voudroit bien esplucher, il luy faudroit en dresser un iuste volume, si est-ce pourtant que ie ne laisseray de mettre icy les plus remarquées, & memorables: & quiconque voudra auoir la cognoissance du tout, qu'il prenne la peine de feilliter les liures saints de la Bible, & les antiquitez de Iosephe. La premiere ordonnance & decret de Moysé, fut que les enfans dès leur tendres ans aprinsent les loix, à cause qu'elles contiennent une sainte, & pure institution pour la vie humaine. Que celui qui blasphemeroit le nom de Dieu fut pendu, & son corps sans sepulture getté à la voirie, & ne voulut que le pris des paillardes fut receu pour l'employer au seruice du sanctuaire. Pour le gouuernement de chacune cité il ordonna, que il y auroit sept hommes choisis d'entre les plus sages, & vertueux, à fin que iointz à eux deux Leuites ils vuidassent comme seigneurs, les differens qui suruiendroyent entre les citoyens. Que si les iuges n'entendoient bien le fondz de la matiere à cause de sa difficulté que le souverain sacrificateur, & les plus anciens fussent appelez pour la vuidier & y donner interpretation & sentence. Qu'un tēmoing seul ne fust receu les.

Fertilité de Iadée.

Hebreux seuls, qui ont iadis adoré le vray Dieu.

Voy tout le liure des conquestes de Iosué: & le 5. des antiquitez de Iosephe.

Lys tout le cours du Genese, où est la vie des Peres sous la loy de Nature, & le 1. & 2. des antiq. de Iosephe.

Eusebe prepar. euang. li. 7. ch. 2.

Tables des commandemens, données au mont de Sina. Exode 20. Iosephe. antiq. li. 3. ch. 4.

Les principaux liures en la bible, sont l'Exode, Leuitique, Nombres & Deuteronomie.

Loy contre les blasphemateurs.

Magistratz des Iuifs meslez, des ecclesiastiq. & seculiers.

A qui appartenoit de vuidier les iugemens difficiles.

LIVRE SECOND

*Loy pour les tes-
moings.
Femmes & esclaves,
non receux en
tesmoing.*

pour preuve de quelque cas, voire ny deux, si leur loyauté & vertu n'estoit manifestement cogneuë, là où le tesmoignage de trois se correspondoit, estoit receu pour suffisant & legitime. Toutesfois estoit-il deffendu, & aux femmes, & aux esclaves de tesmoigner, à cause que l'un se pouvoit laisser vaincre par dons, à cause de la misere de sa condition: & la femme estoit suspecte pour l'inconstance & naturelle legereté de son sexe. Estoit encor ordonné que on ne prist rien, ny coupast rameau, ny brâchage des arbres plâtez, que quatre ans apres que ilz auroyent pris pied & racine, & que on portast les dismes de toute chose aux Prestres: estant telle leur charité, que ilz souffroyent que de leurs champs, & leur prochain, & l'estranger y passant, en eussent quelque fruit, & que le reste demeurast pour la vie & soustien du laboureur.

*La terre n'ayme
le meslange des choses
dissimblables.
Tout ce sommaire
de loix, est cõprins
dans Iosephe antiq.
liu. 4. ch. 8.*

Que les semences nettes fussent mises en terre sans aucun meslange, ayas ceste opinion, que la terre ne se plaist en la conionction des choses dissimblables. Que le necessiteux ne soit chassé du champ pour y glancer, ains luy soit permis d'en prendre selon que la chose le requerra: que fil a honte d'en cueillir, que on luy en presente volontairement.

*Voy le livre de
Ruth.*

La femme gaignant sa vie deshonestement en se prostituant, ne soit si hardie de prendre mary, & qu'aucun aussi ne l'espouse: & si vne fille qu'on aura prise pour pucelle, est trouuée corrompue & conuaincue de forfait, que elle soit lapidée, ou bruslée toute viue. Quiconque aura affaire avec la femme de son prochain, elle y donnant consentement & l'un & l'autre soyent punis de mort: mais elle estant forcée, l'auteur du crime portera la penitence de sa meschanceté. La veufue qui demourera telle sans hoir de son mary espousera le frere de son espoux deffunct, afin de susciter semence, pour la succession de celle race & famille: que si son beau frere refuse de la recevoir pour fême, qu'elle le face cõuenir deuant les anciens & seigneurs, & là, luy s'excusant raisonnablemēt, elle pourra prēdre à mary celuy qui bõ luy semblera, cõme quitte, & deliure de la necessité de la loy & ordonnance. Estoit limité le temps de dueil à trente iours, comme suffisant à tout homme sage, pour le tesmoignage de sa tristesse.

*Contre les enfans
rebelles & outrages.*

L'enfant rebelle & outrageux à l'endroit de ses pere & mere, estoit pendu ignominieusement hors les portes de la cité: Mais que l'enneimy occis en guerre fust enterré cela monstroït vne grand courtoisie.

*Loix contenās la
charité commune
en la société des
hommes.*

Si le creditier prenoit gaige du pauvre luy empruntant de l'argent, failloit qu'il luy rendist auant que la nuit suruinist: & que celuy qui n'auoit de quoy payer, demourast esclau en la maison de celuy à qui il estoit redevable. Quiconque achetoit vn de sa nation & pays, il le retenoit six ans en son seruice, mais au bout & sur le septiesme, il estoit tenu de l'affranchir. Ceux qui trouuoient quelque somme d'or, ou d'argent estoient tenus de le faire proclamer à son de trompe: tout ainsi que la Loy obligeoit que on ramenast les bestes esgarées à ceux qui en estoient les possesseurs, ou les luy gardast, pour leur rendre.

*Punition sur les
empoisonneurs.*

Estoit estroitement deffendu aux Hebreux de n'vser de poison, n'en composer, n'y en acheter de lieu aucun, & quiconque estoit trouué ayāt donné le boucon à vn autre, & conuaincu du crime, luy mesme estoit cõ-

deinné à boire, & humer vn semblable breuuage.

L'homme qui creuoit l'œil à son prochain, estoit puny par la souffrance de la perte de pareille partie : voire si vn thoreau frappoit vn homme de la corne, on le lapidoit, deffendans à tous que aucun ne mangeast de sa chair, comme estant prophane, & souillée.

Le desposts, & choses mises en garde estoient gardées fidelement comme si c'eust esté quelque cas du plus sacré du temple. Et encor la loy Iuifue portoit, que les enfans n'estoyent point punis pour les fautes de leurs parents, & que aussi les peres ne sentoient aucune incommodité, pour le mauuais gouuernement de leurs enfans. Et voila quant à la police gardée és villes, & au repos de la paix. Or en temps de guerre ilz se gou-

*Loix militaires.
Deuteron. 20.*

uernoyent en ceste sorte : auant que se ruer sur l'ennemy la loy commandoit que on leur demandast raison, & reparation des tortz & prises, ou vsurpations de terres par vn trompette, ou par le moyen des ambassadeurs, à quoy si on ne vouloit satisfaire, on pouuoit denoncer la guerre iustement, & estoit esleu chef, & general de l'armée celuy qui en vaillance, sagesse, & bonne conduite surpassoit tous les autres, & le soldat estoit choisi d'entre les plus fortz, adextres, & robustes de toute la multitude.

Estoit deffendu que si vne ville estoit assiégée, que on ne coupast point les arbres fruitiers, car filz auoyent langue pour parler, ilz diroyent iniures, & feroient reproches à ceux qui vseroyent de tel outrage.

*Loy des sieges, &
prise des villes.*

Que le vainqueur mit à mort sans rien excepter, tous les rebelles, & qui se mettroient en deffence, mais que le reste des vaincus fussent ou tributaires, ou rançonnez pour peine & punition de leur resistance. Portoit aussi l'ordonnance, que durant le temps de la guerre, l'homme ne vestist, ou vlist aucunement des habitz, & ornementz de la femme, ny la femme reciproquement prist l'acoustrement de l'homme. Au reste estoit deffendu à tout Israélite de manger du sang en general, de quelque beste que ce fust.

Les Iuifs ne mangent point de sang.

Les ladres, & ceux qui souffroyent coulange de semence, estoient chassés des villes, & compagnies des autres Citoyens : voire les femmes durant leurs moys vuidoient hors la cité par l'espace de sept iours, où elles rentroyent librement à l'huitiesme : & autant failloit que en feissent ceux en la maison desquels quelcun estoit trespassé.

*Ladres chassés
des villes, & ceux
qui souffrent flux
de semence.*

Celuy qui se corrompoit en dormant failloit que fust purgé par le Prestre, lequel sacrifioit deux aignelles pour sa purgation : mais premierement le pollé, deuoit se lauer de belle eau froide. Voire celuy qui en temps deffendu acointoit sa femme, passoit souz pareille subiection de la Loy & cérémonie de purgation. Et la femme ayant enfanté ne pouuoit entrer dans le temple si c'estoit vn masle, que quarante iours apres ses couches : & estât vne femelle, le nombre des iours estoit double pour l'attête de sa purification. Le mary soupçonnât sa femme de paillardise, estoit tenu de presenter vn gasteau cuit sous les cendres fait de farine d'orge : & la femme estant arriuée au paruis, & entrée du temple, failloit que iurast entre les mains du sacrificateur, que elle n'auoit fait aucun tort à son mary quant au fait de la couche. Or en estoit tel l'effait, que si elle

*Femmes mēstruées,
& ceux qui
touchoient les morts
pollus.*

*Leuit. 12. 13. 14.
15.
Expiations des
Iuifz.*

*Essay de la pudicité
des femmes.
Ioseph. antiq. 3.
chap. 10.*

LIVRE SECOND

*Peine de mort
aux adulteres. E-
xode. 22. Dente.
17. Lenuiq. 18.*

*Nul boiteux, ou
ayant défaut de
membre receu à
l'autel.*

Lenuiq. 25.

*An du Iubilé :
consideré au septen-
naire par les theo-
logiens.*

*Rachapt par l'an
du Iubilé, c'est à
dire de liberté.*

*Deuteron. 28. &
27.*

*Iuifs ceremonieux
& deuotioux iu-
dis sur tous les ho-
mes.*

*Ioseph antiq. lin.
3. ch. 10.*

*Lenuiq. 1.
Quest-ce que Ho-
locauste.*

*Façon de sacrifier
entre les Iuifs.*

*Autre sorte de
sacrifice.*

se pariuroit, la cuisse ne failloit à luy creuer & le ventre à tomber par pie-
ces, de sorte qu'elle mouroit atteinte de ceste douleur: là ou au contraire,
si elle estoit innocente au bout de dix mois elle enfantoit vn bel enfant,
sans sentir aucune angoisse de celles que souffrent en tel cas ordinaiemēt
celles qui accouchent: mais le miracle n'aduenoit point, si le prestre escri-
uant le nom de Dieu sur du papier, & le broyant dans vn hanap, ne don-
noit à boire à la femme, ceste liqueur meslée avec de la poussiere. Ce saint
legislateur establīst encor peine de mort aux adulteres, aux Sodomites,
& à ceux qui s'accouployēt à leur sang & parenté. Deffendist encor que
aucun prestre montast au saint autel, ayant faulte de quelque partie, ou
membre que ce fust de son corps, neantmoins voulut-il qu'il fust nourry
des oblations faites au temple. Ordonna en outre que sil aduenoit que
les enfans d'Israel conquissent la terre de Canaan, que au bout des sept
ans ilz laissassent les champs en repos & la terre sans estre par le soc al-
faillie: Toute terre & champ semé, ou produisant de son bon gré estoit
declairé commun en la perception des fruitz tous les cinquante ans, tant
au Iuif, que à l'ostranger à cause que c'estoit l'an cinquantesime, & celuy
que on disoit le iubilé, auquel les debtes estoient remises, & les serfs &
esclaves mis en liberté & franchise. En ce mesme an, ceux qui auoyent
vendu leurs possessions à vil pris, y rentroyent si le reuenu surpassoit, ou
estoit esgal à la somme donnée par l'acheteur. Et ce furent les loix auf-
quelles Moysse se sentant voisin de la mort, astraingnit & obligea le peuple
Hebrieu, faisant vne priere solennelle, & benissant ceux qui garderoient
saintement & sans violer ces saintes loix, decret, & ordonnances, tout
ainsi qu'il maudit, & excommunia ceux qui en seroyent les transgresseurs.
En fin lia le peuple souz le nœud d'un serment public de garder ces diui-
nes loix, & aussi les humaines constitutions, & qu'il ne souffriroit iamais
que les transgresseurs fussent sans recevoir punition de leur faute.
Et d'autant que sans faillir nous pouuons dire, l'effait nous le faisant voir,
qu'il n'y eust iamais peuple plus adonné aux ceremonies, ny surpassant les
Iuifs en deuotiō, il faut voir de quelle maniere de sacrifice ils vserēt dēz le
commēcement, & en feray le discours le plus bref qu'il me sera possible.
Ils ont le tēps passé vſé de deux sortes de sacrifices, & immolations pour
s'acquiescer la faueur du tout puissant: l'un desquels portoit le nom de public
& l'autre estoit nommé priuē & particulier: l'un portoit le tiltre d'Holocau-
ste, à cause que toute la victime estoit consumée par les flāmes, duquel v-
loyent les princes & seigneurs d'entre le peuple, & failloit que celuy qui
offroit le sacrifice, fust qu'il immolast, ou bœuf, ou aigneau, ou autre cho-
se, presentast à Dieu vne beste d'un an, & qui fust masse, le sacrifica-
teur arrousoit l'autel du sang de la beste immolée, puis mettant en pie-
ces la victime la brusloit toute sur l'Autel. L'autre sorte de sacrifice e-
stait pour les plus simples, & pour le peuple, où l'on offroit des bestes
qui passoyēt l'aage d'un an, & en offrait lesquelles on ne les brusloit point
toutes, ains ayant le prestre espādū le sang sur l'autel, il mettoit au feu les
reins, la gresse, & la coiffe, couvrāt les intestis: mais la poiſtrine, & la cuisse
gauche demouroyēt pour le droit du sacrificateur: & failloit q̄ dans deux

iours les prestres mangeassent ce qui restoit de la chair de ce sacrifice. *Luc. 2.*
 Ceux qui estoient plus pauvres, suffisoit qu'offrissent des Colombes, ou
 deux Tourterelles, l'une desquelles estoit pour l'holocauste, & l'autre pour
 le sacrificeur. L'homme qui pechoit ignoramment, estoit purgé par le *Offrandes pour
 les pechez. voy le
 Levitique.*
 présent & offrande, ou d'un bouc, ou d'une aignelle: & qui-conque se sen-
 toit coupable de quelque peché secret, selon l'ordonnance de la loy, estoit
 nécessaire que fust purgé par la mort d'un mouton. Les prestres man- *Levitiq. 49.*
 geoient la chair immolée de ces bestes fust qu'on les eust offertes pour le
 sacrifice public, ou pour l'expiation particuliere: & ne se faisoit sacrifice
 sans qu'il n'y eust de la plus pure farine pour en espandre par dessus, & en-
 semble de l'huile, sur un aigneau un picotin, sur le mouton deux, & le Bœuf
 venant à la troisieme mesure. Au reste, & soir & matin il failloit que le *Cecy se faisoit
 aux nouvelles lu-
 nes.*
 prestre immolast un aigneau publiquement. Mais le iour septiesme de tou- *Nombres. 28.*
 tes les semaines, à cause qu'il estoit consacré pour leur repos, par l'ordon- *& 29.*
 nance de la loy, le sacrifice estoit doublé tant le soir que matin, pour l'of-
 frir sur l'autel de Dieu nostre seigneur. Et au commencement de chacun
 mois, pour la purgation des pechez, le sacrificeur immoloit deux Bœufs, *Festes solennelles
 des Juifs celle des
 tabernacles en se-
 ptembre.*
 sept aigneaux d'un an, un mouton, & le bouc qui estoit l'expiation du pe-
 ché. Ils y aioustoient encor deux Boucs, l'un desquelz estoit pour les fau-
 tes de tout le peuple porté hors les fins & limites de leurs terres, & l'autre
 aux fauxbourgs, ou en un lieu trefnet on le brusloit tout entier avec sa lai-
 ne. Le souverain sacrificeur donnoit pour ce sacrifice un thoreau, & of-
 froit un mouton en Holocauste. Les Juifs auoient encor des iours pro-
 pres esquelz ils vsoient de certaines ceremonies & dediées à celle solen-
 nité le 15. du mois que les Macedoniens apelloient Hipernerethée. Et au *Nisan, ny Xan-
 tique, ne sont le
 mois d'Avril,
 ainsi qu'on a re-
 marqué au latin
 de ce liure voy Jo-
 sephe.*
 temps d'Autonne es festes des tabernacles, qui estoient annuelles esquel-
 les ils offroient à Dieu des Holocaustes, durant lesquelles solennitez ceux
 qui assistoient au sacre portoient des rameaux de Myrrhe, de Saules, de
 Palmiers & Peschiers en main, & au mois Xantique [qui est le mois de
 Mars, que les Hebreux appellent Nisan] à cause que c'est de là qu'ils pre-
 nent le commencement de leur année, vers la pleine lune, le soleil passant
 par le signe du Mouton, d'autant que ce fust en ce temps qu'ils sortirent
 de la captivité d'Egypte, ils celebrent la feste du passage, mangeans l'Ai-
 gneau mystique, & plein de sainte signifiante, & suyuoient quand & quād
 les festes des pains sans leuain, fort solennelles à toute la race Juive, si que
 durant huit iours on immoloit deux thoreaux, un mouton, & sept aigne-
 aux, lesquels estoient consumez par feu en parfait Holocauste: à tout ce-
 cy estoit aiousté le sacrifice du Bouc pour les pechez de toute là multitu-
 de. Le second iour des Azymes, ou pains sans leuain, on offroit les pre-
 miers fruits avec une mesure d'huile, & à ces premiers fruits estoit adiou-
 sté un aigneau offert en Holocauste. La Pentecouste encor estoit une de
 leurs annuelles solennitez, qu'ils apelloient Assarham, comme qui diroit
 iour cinquantesme, en ceste feste si grande ils offroient le pain de paste
 leuée de pur froment: & estoient le sacrifice ordonné pour ces iours, deux
 aignelles pour l'Holocauste, deux veaux, deux moutons, & deux Boucs,
 pour le peché du peuple. Voila quant à la verité de l'histoire touchant les

LIVRE SECOND

*Cornille Tacite
21. liur. de son hi-
stoire.*

*Outre la fau-
ceté de Tacite en l'hi-
stoire encor faut il
au nom du Roy,
qui n'estoit point
Bocchoris, ains
Cécibes Pharaon
du tēps de Moysse
long temps apres
lequel Bocchoris
vesquit, qui adu-
sera l'ordre que
met Diod. Siciliē.
liu. des antiq. 2. c.
2. & Herod. l. 2.
Songes de Tacite.*

*Fable & impu-
dente menterie de
Tacite.*

*Stotte raison, cōme
ainsi soit que les
brebis y sont aussi
suiettes que les
pourceaux.*

mœurs, loix, coustumes, & solennitez des Hebreux: en quoy les Gentilz, & Païens, qui en ont escrit sont fort differentz de ce qu'en tiennent les histoires saintes des ecclesiastiques. Car Cornille Tacite est si detestable, que falsifiant la verité, il dit & tient, que l'issue des Iuifs hors de la terre d'Egypte, n'estoit aduenue par la volonté & cōmandement de Dieu, ains la necessité y pressant les habitans d'Egypte. D'autant que comme souz le Roy Bocchoris tous les Egyptiens fussent tourmentez d'une roigne & gratelle fort vilaine, & dangereuse, le Roy sen alla au temple d'Hammon en Libye pour demander remede au Dieu sur ceste misere: à cestuy l'oracle respondist, qu'il purgeast son royaume de celle gent & nation peruerse qui mesprisoit les Dieux, & chassast les Iuifs ennemys des Dieux, les reuoyant bannis en terres lointaines. Chassé que Bocchoris eust ce peuple, comme les Iuifs fussent es deserts tourmentez miserablement de ceste infection de gratelle, & que tous fussent confitz en pleurs ne sçachants cōme s'alleger de ce mal: Voicy qu'un de leur troupe nommé Moysse s'adres- sa aux autres leur disant qu'il n'y auoit plus attente ny aux hommes ny aux dieux qui leur deust faire esperer aucune allegiance, mais que s'ils le vouloient suyure comme leur chef il se faisoit fort de les secourir. A quoy les troupes consentirent, & se mirent en chemin ignorants du tout ce qu'ils auoient à faire, ains courroient, & vaguoient à l'aduenture, n'ayans de rien tant de disette par les aspres solitudes que d'eau pour estancher leur alteration. Mais comme ils estoient sur le point de perir de soif, ils veirent vne grand multitude d'asnes sauages qui venans de paistre en- troient dans l'obscurité d'un boys fort touffu enuironnant un grand ro- cher, Moysse conseilla de suyure ces animaux, assuré qu'ils alloient boire & apaisant la soif de ce peuple, il gaigna que de la en auant on luy aiousta foy en tout ce qu'il voulust disposer & leur enioindre: & ainsi il feit nou- uelles loix, meir & introduit nouuelles ceremonies à ce peuple, & les- quelles estoient contraires & diuerfes à tout ce qu'vsoient le reste des hô- mes en honorant les dieux. Car ce qui est sacré entre nous, est profane en leur endroit, & ce qu'on nous permet leur est deffendu comme abo- minable & de tout execrable. Si qu'en recognoissance du plaisir receu par les asnes leur monstrant les eaux au desert, & qui leur dresserent la voye, ils consacrerent l'effigie de cest Animal, & la posans au plus secret de leurs temple, luy sacrifioient, & luy faisoient reuerence, offrans & im- molans à ce beau asne un mouton en despit & moquerie du dieu Ham- mon qui auoit esté cause de leur exil, & bannissement d'Egypte. Ils offriēt aussi le Bœuf pour se monstrer ennemys de l'Egyptien, qui adoroit Apis souz la figure de ceste beste: & ne receuoient aucunemēt l'vsage du por- ceau, craignans la roigne, & gratelle, pource que le porc est suiuet à ceste contagion & maladie. Ils festent le septiesme iour, d'autant qu'en iceluy ils auoient eu repos de leurs trauaux & fascheries: & au long s'adonnans à leurs aises & plaisirs, ils se repositoient & viuoient en toute oisueté, & fai- neantise tout les ans septiesmes. D'aucuns dient qu'à cause de la faim & ieufues soufferts, ils le consacroient à Saturne. Le pain qu'ils mangeoient estoit sans Leuain quelconque. Or deffendent ils opiniastrément, & con-

seruent avec grand soin ces ceremonies & façons de faire: & quoy qu'entre eux ils vsent de grâde loyauté, & foy entiere, & qu'ils s'entre-aydent affectueusement les vns les autres, si est-ce qu'ils haient mortellement tout le reste des hommes, ne voulans mâger, habiter, ny coucher avec personne qui ne soit de leur nation & famille. Au reste c'est le peuple le plus paillard de la terre, & quoy qu'il s'abstienne des femmes estrangeres, si est-ce qu'entre les siennes rien ne luy est illicite, ny deffendu, & sont circoncis afin qu'ils puissent estre recogneuz Iuifs par telle marque. Or le plus gentil & premier apprentissage de ce peuple, c'est d'auoir les dieux à mespris, & refuser de leur faire honneur & reuerence: ils croyent que les ames de ceux qui sont deffaitz en guerre, ou occis par sentence du magistrat viuent eternellement, qui est cause qu'ils ont soing de croire, & les enfers, & la gloire des celestes. Et comme ainsi soit que les Egyptiens honoroient plusieurs images & effigies d'animaux qu'ils recoiuent pour Dieux: les Iuifs au contraire ont vn seul Dieu qu'ils adorent en esprit, sans demander aucune apparence exterieure, estimans abominables & mauditz ceux qui font aucune semblance ny figure des dieux en forme d'hommes pour les adorer. Telles sont les refueries, & autres folies que Cornille Tacite vomist contre les Iuifs, auquel est ioint Trogue Pompée. [Toutesfois Iustin en l'abregé dudit Trogue en parle vn peu plus sobrement, quoy qu'il poursuive la fable de la gratelle, & le bannissement des Iuifs par les Egyptiens, mais en ce a il esté saige que pour ne tomber en tant de fautes il a teu & le temps, & le nom du Roy souz le regne duquel ce desastre aduint aux Israelites, desquels tout à rescient (comme il est aisé à voir) il falsifie l'histoire, laquelle c'est sans doute qu'il auoit feilletée. Or si ces deux ont parlé tant au desauantage des Hebreux, voyons ce que Strabon en a dit, qui viuoit du temps que ce peuple frequentoit à Rome comme estant pour lors suiuite la Iudée à l'Empereur, gouvernant l'estat Romain. Moysé (dit il) vn des prestres Egyptiens, se faschant des façons de viure de ceux de sa nation, laissa l'Egypte avec vne bone partie de ceux qui auoient l'amour des celestes & le seruice diuin en recommandation, leur enseignant come les Egyptiens erroient vilainement, lors qu'ils attribuoient à leurs dieux la figure des bestes farouches & de leurs animaux domestiques: & les Grecs abusoient aussi pensans coprendre la diuinité souz l'effigie & ressemblance de l'homme. Que Dieu estoit ce seulement, qui, gouvernant Ciel, terre, & mer, & ce qui y est contenu, estoit par nous apellé Nature: l'image duquel, n'est aucun qui iouissant de son bon sens, ose entreprendre de paindre, ou effigier, & par ainsi, laissant à part toute idolatrie, le failloit adorer dans vn saint temple & oratoire digne de sa grandeur, sans aucune figure: attendans tousiours que Dieu par signes & bienfaits se communiquoit à ceux qui seroient purs & entiers, & qui viuroient iustement, de laquelle faueur il n'vseroit point vers les peruers & meschantz. Puis il aiouste: Ses successeurs vesquirent vn long temps suyuant les ordonnances, lesquels veritablement estoient iustes, & fort religieux, mais par le cours des ans, comme les Roys eussent embrassé la prestrise ils deuindrent ambitieux, & puis tomberent en manifeste tyrannie, de la

Par ce passage
vous voyez, quel
estoit ce Cornille
Tacite.

Dion, & Am-
mian Marcellin
se monstrent aussi
ennemis de ceste
nation.

Iustin liur. 36.

Strabon lin. 16.

Encore s'abuse le
pauvre Strabon,
usant de la fa-
cture au lieu du
facteur.

LIVRE SECOND

*Sectes d'entre les
Iuifs.*

*Tout ce discours
est en Iosephe. an-
tiq. liu. 18. c. 2. &
en Philon iuis au
liure qu'il a fait
pour la nation, &
Celle Rhodig liu.
5 chap. 9.*

*S. Hierosme au
liu. des traditions
Hebraïques.*

*Pharisiens fataux
ainsi que les Grecs
stoiciens.*

*Iugement & im-
mortalité des a-
mes creu par les
Pharisiens. Voy
les actes des A-
postres.*

*Imitation du Py-
thagorisme par
les Pharisiens.*

*Saducéens &
leurs opinions.*

*Herese, & im-
piété des Saducéens
tirée de l'epicuris-
me.*

quelle sortirent les superstitions & autres vices semblables: & voila quât à l'opinion des Ethniques touchant les Iuifs.] Tandis que la simplicité auoit lieu entre les Israëlites, les sectes aussi estoient forcloses de leurs trou- pes, mais la corruption du temps, & abuz de la parole de Dieu, feit qu'il s'esleua entre eux trois sortes de Philosophes, qui viuoient hors la compa- gnie des autres, & portoient le nom & tiltre de plus grande sainteté que ceux mesme qui estoient deputez au seruice du temple. Les premiers estoient nommez Pharisiens, les autres Saducéens, & le tiers genre s'appelloit des Esséens. Les Pharisiens estoient fort sobres, & eschairs en leur vie, vestuz legerement & le moins mollement que gens de leur siecle: mer- tans en auant leurs traditions, avec lesquelles ils interpretoient, & deter- minoient la loy & ordonnances de leur legislateur Moyse. Ils portoient des tablettes, & rouleaux de parchemin sur le front, & des breuetz aux bras droitz, dans lesquels estoient escripts les dix commandemés de la loy, pource que Dieu auoit commandé disant, tu auras ceste loy, côme quel- que cas pendant & mis à l'obier ordinaire, & de tes mains, & de tes yeux: & s'appelloient ces rouleaux Philateres du verbe Grec, *φύλακται* & Tho- rat l'un emportant conseruer, & l'autre signifiant loy, comme obseruatiō parfaite de la loy. Ces Pharisiens encor (la coustume iuiue estant de por- ter leur vestement frangez par les bords d'embas) portoient leur franges plus larges que les autres, esquelles ils entrelaçoient des espines & esquil- lons, afin qu'en allant par rue, & sentans ceste piqueure, ils eussent en con- tinuelle memoire la loy & ordonnances de leur Dieu. Ils tenoient que toutes choses, quoy que regies par le conseil, & volonté de Dieu, estoient suiuettes à la nécessité de la fatale destinée, fussent elles bonnes, ou mau- uaises: & concedoient beaucoup au liberal arbitre en l'homme, lequel toutesfois ils tenoient estre secouru par ceste fatale nécessité, laquelle pouf- sée par l'effort & influence des corps celestes, ils estimoient estre de plus grand efficace que la liberté que l'homme peut auoir en sa volonté & ele- ction. Ils n'eussent osé resister, ny respondre rien au contraire de ce que leur disoient leurs superieurs, ou ceux qui les deuançoient en aage. Ils croioient que Dieu viendra iuger à la fin les hommes: & estimoient les ames estre immortelles, & incorruptibles: bien est vray qu'ils auoient opi- nion que iusqu'au iour du iugement les ames des gens de bien vaguoient d'un corps en autre, attendans la resurrección: mais celles des meschans s'en alloient és prisons obscures & eternelles des enfers: & d'autant que & en l'habit, & és mœurs ils estoient du tout differents aux autres, ils fu- rent nommez Pharisiens, à cause que ce mot emporte diuision & retraite, ainsi que dit S. Hierosme. La seconde secte estoit des Saducéens, qui nioient du tout la fatale destinée, disans Dieu auoir esgard sur toutes choses, & que luy seul en estoit le Roy & gouverneur: & tenoient que c'e- stoit en la puissance, & choix de l'homme de bien faire, ou mal se gouver- ner: & non-obstant qu'ils confessassent vn Dieu (ne l'osans nier à cause du peuple) si est-ce qu'ils nioient que les ames apres le decez iouissent d'aucu- ne gloire, ou fussent tourmentée par nul supplice en l'autre monde, ne croyoient la resurrección des morts, & estimoient que l'ame & le corps mouroient

mouroient tout ensemble, & ne receuoient qu'il y eust ange quelconque, receuans d'entre toute la Bible, les seulz cinq liures de Moÿse. Ces hommes estoient si feueres, & peu acostables que seulement ils ne s'entre-hantoient point ensemble, ceux qui estoient de mesme ligne & secte : & à cause de ceste si estrange & farouche maniere de viure, ils se faisoient appeler Saducéens, c'est à dire iustes. Quand aux Esséens leur vie estoit toute solitaire, & religieuse, comme ceux qui faisoient profession en fuyant les nopces, d'embrasser le Celibat, & continence, non qu'ils fussent d'aduis qu'on deust laisser perir la race des hommes, & leurs successions par familles : ains pour l'esgard de l'impudicité & legereté des femmes, estimants qu'il n'en y auoit pas vne qui gardast la foy inuiolable & entiere à son mary. Ces hommes ne possédoient rien en particulier, toutes choses leur estant communes, ils estimoient vn grand peché de porter Musc ou aucune odeur & vilennie, d'aller aux estuues, & bains publics, & l'ordure & saleté leur estoit gentillesse, pourueu que tousiours ils portassent la robe blanche. Ils n'auoient aucune cité déterminée pour en icelle se tenir, d'autant qu'il n'y auoit ville en laquelle ils n'eussent quelque domicile, & monastere pour s'y retirer. Ains que le soleil leuast ne leur estoit permis de parler d'aucun affaire de ce siecle, & qui fut profane, & prioient pour le leuer du soleil. Puis iusque vers les dix heures du matin, ils trauailloient & delà s'en alloient lauer le corps d'eau fresche, & puis dîner paisiblement & avec grand silence. Les serments leurs estoient en esgalle abomination que les pariures. Et n'y auoit aucun receu en leur ordre qu'il n'eust demeuré vn an à faire probation & essay de sa vie & suffisance : & apres la reception encore failloit il qu'on esprouuast par l'espace de deux ans l'integrité de sa vie. Celuy qui estoit trouué en crime flagrant & vice decouvert estoit chassé aussi de leur compagnie, & souffroit telle penitence que tout le temps de sa vie il alloit paissant aux champs tout ainsi qu'une beste brute, continuant en ceste vie iusqu'à la mort. Si dix s'asseoyent de compagnie, nul de la troupe eust osé parler sans licence des neuf qui restoient : & n'eussent craché pour rien du monde, ny au milieu de leurs freres, ny vers la part qui regardoit la main droite. Et estoient si superstitieux obseruateurs du iour du repos & feste, qu'ils faisoient conscience d'aller purger leur ventre durant iceluy : lors qu'ils alloient à leurs secrets affaires, ils portoient vne besche de boys, avec laquelle ils faisoient vne fosse en terre pour là descharger leur ventre, durant lequel acte ils se couuroient fort curieusement de leur robe afin, comme ils disoient, de n'offencer par ceste vilennie la maïesté diuine : & pour-ce dès qu'ils auoient fait, ils remplissoient la fosse de terre. Leur grande sobriété estoit cause qu'aussi leur vie estoit de longue durée, ne mangeans guere autre cas que des Dattes des Palmiers : & mesprisans tout vsage de monnoye, & richesses. Entre tous les Genres de mort ils estimoient celuy le plus heureux & desirable, si quelcun estoit occis pour la iustice & purité de sa foy & religion. Leur opinion touchant l'ame estoit qu'elles estoient créées selon la necessité du temps, & coniointes avec le corps : duquel estants dissoutes & separées, les bonnes & iustes s'en voler delà l'Ocean en vn lieu

A sçauoir le Genese, l'Exode, Nombres, Leuitique & Deuteronomie.

Esséens moynes. Voy Eusebe prepar. Euang. li. 8. ch. 4. & Philon en son Apolog.

Esséens tousiours vestuz de blanc.

An de probatiō gardé par les Esséens.

Terrible penitēce eniointe aux Esséens qui pechoient.

Grāde sobriété & continence des Esséens.

Ceste sentence est non seulement tenue des Chrestiens.

LIVRE SECOND.

*ains encor les Eth-
niques l'ont receuë
comme furent les
Platoniques, &
Hippocr. au li. de
la nature de l'en-
fant. voy Celia
Rhodig. li. 15. ch.
23 Pierre Lom-
bard distin. 17. c.
du 2. li. S. Aug.
de Gen. ad Lite.
7. chap. 2.*

*Quelles nations à
present habitent
en Syrie.*

*Diuerses sortes de
Chrestiens en Le-
uant.*

*Tout cecy est pris
de Haiton Ar-
menien. liur. des
Tartares. ch. 14.*

*Saporez, & Cos-
droë, Roys de Per-
ses affligent l'orient
sur l'Empire en
diuerses saisons:
voy Ammann
Marcellin li. 27.
Sabellique Eneid.
8 liur. 6.*

*Homar disciple
de Mahometh
occupa l'orient.*

*Où se tiennent à
present les Syriens:
à sçauoir autres
que les Iuifs.*

propre de leur felicité, ou elles iouïssoient d'un grâd aise: la où les peruer-
ses & iniques passoient plus outre vers l'orient hiurnal, & estoient ren-
uoyées en des lieux froidureux, & ou sans cesse elles estoient agitées de
tempestes & orages. Il y auoit quelques vns d'entre eux qui predisoient
les choses à venir, & se mesloient des deuinations, d'autres qui se mariants
vsoient de l'acoïntance des femmes, mais en cela avec grande modestie
& attrempance, & pour auoir lignée, afin que si du tout ils abhorroient
le meslange & conïonction naturelle du masle & de la femelle, detestans
le mariage le genre humain ne vinst à faillir. A present la Syrie & pais
Iuif est habité par les Grecs qui portent diuers tiltres de Grifons, Iacobi-
tes, Nestoriens, & Sarrafins & y a deux nations seules qui embrassent la
religion Chrestienne, à sçauoir les Syriens, & Maronites. Les Syriens sa-
crifient & communient à la façon & maniere de l'Eglise Grecque. Les-
quels ont iadis obey aux loix, & decretz du saint siege apostolique de
Rome. Les Maronites suyuent l'erreur, opinions & ceremonies des Ia-
cobites, vsans & du langage & des caracteres des Arabes: & habite ceste
troupe Chrestienne du costé du mont Liban. Les Sarrafins hommes du
tout adonnez à la guerre, se plaissent fort au labourage: les Syriens sont
du tout inutiles, [mauuais garçons, traïstres & sans aucune amitié fort aua-
res, & les plus mecaniques hommes de la terre, viuans trespauurement, &
n'vsans d'aucune charité enuers l'estranger, & la plus part desquels s'astrai-
gnent souz le seruice des Mahometistes. La où les Maroniens sont vail-
lants & adroits aux batailles. L'auteur ayant suiuy Haiton, n'a pas eu
aussy esgard à ce qui est à present, veu que la Syrie, ou Palestine dès que la
force des soldans du grand Caire fut abatue par Sultan Selin Roy Turc
a changé du tout & d'habitans, & de façons de vie, y ayant des Chre-
stiens de toutes nations, & mesme des Abissins, Georgiens, Armeniens,
& Maronites tous lesquels obeïssent au Patriarche d'Alexandrie: & les-
quels suyuant chacun les mœurs de sa nation, ne sera sans propos, si nous
en remettons le discours de chacun en son lieu.

Ce pendant verrons ceux qui sont comme naturalisez au lieu & pires
que ceux qui en estoient les naïfz & premiers possesseurs: Car lors que
les Grecs en furēt chassez par les Persans lors que Saporez. i. puis Cosdroë
obtint tant de victoires sur l'empire, la Syrie estoit plus idolatre qu'au-
trement mais Homar disciple, & successeur de Mahometh (comme nous
dirons és choses des Turcs) ayant aneanty la gloire Persane, & force
des successeurs des Arsacides, les Mahometistes chasserent & Grecs &
Persans de la Palestine: & quand Zelin en chassa la race esclau des Mâ-
meluz, & Sarrafins & Grecs, & autres vuiderent pour faire place à l'aua-
rice Turquesque, laquelle fait prouffit de tout, & ne porte commodité à
personne. Et par là chacun peut cognoistre quels peuuent estre les habi-
tans de la Syrie, & Palestine pour le present: mais quoy qu'il en soit les
Syriens n'en sont du tout exterminiez, lesquels habitent le long du mont
Liban, iusqu'aux desertz, lesquels ne s'adonnent qu'à la nourriture des
troupeaux & chameaux desquels ils ont en abondance, imitant les Ara-
bes en cecy qu'ils n'ont certain sieges ny ville, ny village, à cause qu'ils far-

restent la seulement, ou ils voyent suffisance de pasturage: & c'est pourquoy ils cherchent les vallons voisins, & posez aux piedz, & racines des montaignes, à cause que l'herbe y abonde ordinairement, & sur tout es plaines voisines de ces monts qui sont dela le Iourdain. Ceux qui auant Zelin tenoient ce païs se nommoient Beduins fort vaillans en guerre, & qui tenoient tout ce païs en crainte, mais à present ce sont les Arabes qui y habitent, les mœurs desquels nous auons descrit: & lesquels sont si forts & puissans que iadis ils ont tenu teste aux soldans d'Egypte quelle force qu'ils eussent de Mammeluz, ils n'en font pas moins à present au grand Roy de Turquie, lequel quelque puissance qu'il aye n'a peu iuf- que icy les dompter, ains viuent ces gens selon leurs loix, coustumes & façons de faire de leurs peres ne recognoissans personne, & estans l'estonnement de leurs voisins, quoy que de religion ils soient Mahometistes. Car quoy que le Turc qui tire l'or de tout ne se soucie point de la conscience de ses suiets, si est-ce que le principal exercice en Syrie est celui du Mahometisme qui me fait en sursoir le discours, l'ayant reserué ailleurs: mais en somme faut noter que iacoit que les habitans de Palestine, soient ils naturelz, ou d'estrange terre encore qu'ils fussent les plus vaillans & adroits qu'on scauroit dire, si est-ce qu'ils sont du tout desaccoustumez de la guerre, & souffrent toutes incommoditez des Turcs leurs seigneurs, leur font tribut & obeïssance, souffrans le plus paciemment qu'il leur est possible les exactions des gens du seigneur, & festimans bien-heureux qu'on les laisse viure en paix.

Voila pourquoy tant les estrangers que nous mesmes parlans de ces païs ne nous amusons guere à la description des mœurs d'autant qu'encore qu'il y ait grand nombre de Chrestiens viuans en leur religion, & selon l'ordonnance chacun de son Eglise, si est-ce qu'on apelle le païs du nom de celui qui le possède, & les plus simples estiment que tout soit infecté de la folie Alcoraniste, & que la Chrestienté en soit du tout déchassée & bannie. Les villes plus fameuses sont ores Baruth, Alep, & Tripoly pour la marchandise, esquelles les marchans Latins trafiquent, & y ont leurs doïanes, & Magasins, toutesfois le trafic n'y est tel que lors que les Soldans estoient seigneurs d'Egypte, ne si riche qu'il estoit auant que les Roys de Portugal s'emparassent des costes de la mer le long de l'Ocean des Indes Orientales. Quant à Hierusalem elle est frequentée de toute sorte de Chrestiens & Mahometans, mais pour diuers respects, & occasions ainsi que pouuez lyre es liures de ceux qui ont descrit la terre sainte, & l'ouyr fidellement par le recit de tant de gens de bien qui ont fait le voiage.]

*Zelin Roy Turc
à ruine de nostre
temps les soldans
du Caire.*

*Aux Beduins
ont succédé les
Arabes en Syrie.*

*Arabes en Palestine
ne recognoissent
personne.*

*Syriens desaccoustumez
d'aller à
guerre.*

*Le nom d'un païs
pris de celui qui
le possède.*

*Villes fameuses de
Syrie pour le trafic.*

*Le trafic de Syrie
refroidy, & pourquoy.*

*Hierusalem frequentée
de tous.*

LIVRE SECOND

*Des Pais de Mede & Armenie des mœurs, & coustumes des peuples habitans
en iceux, & en Georgienne autrement Iberie. Chap. 5.*

*Ceste opinion du
fils de Medée est
la commune en la
fable des Gentils.
Herodote liur. 7.*

*Iosephe antiq. lit.
1. chap. 6.*

*Mer Casspi, ditte
ores de Baccu ou
de Sale.*

*Voy Ptolomée
li. 6. c. 2. table. 5.
De l'effeminatio
des Medes. voy
Xenophon en la
vie de Cire le
grand.*

*Ce fut Cire qui o-
stant l'Emp. aux
Medes en fait sei-
gneurs le Persans.
Iustin liur. 1.*

*Orose li. 1. ch. 19.
Herodote. liur. 1.*

*Succesio des Roys
& Monarques
des Medes, iusque
à Cire.*

*Ec bathane cité
des Medes. voy le
liu. d' Hester en la
Bible.*

Herodote. liur. 1.

*Coustumes des
Medes.
Celle Rhodigin.
liu. 18. ch. 29.*

*Façon des sermets
des Medes.*



A regio des Medes, & le peuple d'icelle prist iadis le nom (comme aucuns dient) d'un des enfans de Medée Colchique, & du Roy Egée qui commandoit à Athenes: lequel enfant portoit le nom de la mere: toutesfois Iosephe tient que celle Prouince à pris ceste apellatio de pl^o loing à sçauoir de Mede fils de Iaphet vn des enfans du S. pere Noë. Or ceste regio a du costé de septentrion, la mer Caspie, ou Hircanique (qu'on dit à present mer de Baccu) & au Ponant la grande Armenie & Assyrie vers le midy, le pais Persan, & à l'orient luy gisent les Parthes, & Hircans, enclose de montaignes. Ce peuple a esté iadis fort puissant, quoy que mol, & effeminé, fort adroit à cheual, & à tirer de l'arc, & qui portoit vne singuliere reuerence & grand honneur à ses Roys, & Princes. Ils portoient vne tiare & bonnet rond en forme de Turban, & leurs robes & manches, lesquels ornemens fescoulerent sur les Perses, lors qu'avec la façon des habits ils leur rauirent l'empire. [Lequel les Medes auoient desia tenu par l'espace de 350. ans selon la supputation de Iustin: mais Eusebe en son liure des temps n'en y trouue pas tant, commençant le regne des Medes par Arbace, lequel ruinant, & brulant Sardanapale, mit fin à l'Empire Assyrien: & ayant regné 28. ans, il eut Sosarme pour successeur, qui tint l'Empire l'espace de 30. ans: à cestuy succeda Medide, & regna 40. ans: apres luy eust le royaume Cardicée qui mourut l'an 13. de son empire, laissant en sa place Deioce, lequel Herodote appelle vrayement Roy, à cause des troubles succedez du tēps de ses predecesseurs, & ce fut luy qui bastist la puissante cité d'Ec bathane, autrement ditte depuis Cyropoly, de laquelle est faite mention en la sainte escriture. Ce Dioce, ou Deioce mourut ayant commandé sur les Medes cinquante quatre ans, duquel nombre Herodote oste vne année. Phaorté fut successeur de Deioce & gouerna l'Empire 24 ans, (Herodote diminue de deux.) A cestuy vint pour heriter Ciarace qui regna selon Eusebe 32. ans, mais Herodote parfait le nombre iusqu'à quarante. Apres Ciarace, Astiage vint le dernier qui l'assit au thron environ 38. ans, duquel il fut chassé par Circe. Or les Roys des Medes auoient cela de permis pour vn propre & singulier priuilege, que d'auoir plusieurs femmes & espouses, mais à la fin chacun fvsurpa vne licence pareille, sauf que la difference estoit telle, que le Roy en tenoit à plaisir & à sa discretion, la où les autres ne pouuoient en espouser, & tenir que sept. Voire les femmes a comptoient à grand honte & deshonneur, si quelqu'vne se cōtentoit d'un mary, & pēsoit que cela causast sterilité, si pour le moins chacune n'en auoit plus de quatre pour son passe-tēps. Ce peuple faisoit alliaice à l'imitation des Grecs, & d'autres-fois en se bleçant au bras, & es iointures de l'espaule, d'où sortoit grand abondance de sang, pour tesmoignage & assurance de la foy iurée. Et d'autant que du costé que ce pais regarde le Nord & pais froidureux de septentrion, il est fort infertile, & ste-

rille, les bledz & autre grain leur manquant, ilz faisoient secher des amandes desquelles ilz faisoient farine, & du pain pour leur nourriture: y aioustans des pomes, lesquelles ils dessechoyent & pestriffsans en faisoient des masses, pour les garder pour leur vſage. Leur boisson estoit faite de certaines racines, ainsi que encore à present en vſent plusieurs nations estrangeres à faute de vignes, & autres choses commodés à faire vin, Biere, ou Ceruoise: & ne mangeoyent que chair de sauuagine, ne tenas compte des animaux qui leur estoient domestiques. [Et d'autant que l'Armenie leur est si voisine, & region de si grande estendue, ie n'en veux oublier le recit, ny description, veu les grands terres & peuples qui sont contenuz en celle Prouince tant ancienne, laquelle est diuisee en deux, à ſçauoir Armenie maieur & mineur: La grande est celle qui regarde la mer de Baccuc, & l'Hircanie vers le pays d'Orient, & au midy luy gist la Mesopotamie le long de l'Euftrate, la Capadoce luy est au couchant, les Georgiens, Albás, & Iberiens luy auoisinent vers la partie septentrionale, & de ce costé est celle qu'on dit & appelle la mineur, & laquelle est suiſſette au roy Turc, car la grâde pour la plus part, fait obeïſſance au Sophy, & Empereur des Perſes: & ainsi par ceste conſideration l'Armenie s'estend dès le pays Perſan, iusqu'à ce que à present on nomme la Turquie & ce en longueur, du Levant au Ponant, & ſa largeur commence aux portes Caspiés, iadis limitées par le grand Alexandre, & lesquelles sont ores nommées Mirali, & viēt finir à la terre des Medes: & est la principale cité de tout le pays, celleville tāt fameuſe Tauris, que plusieurs appellēt Tauris de Perſe, ſoit qu'ilz ignorent l'affiſſette des lieux, & diuerſité des Prouinces, ou qu'ils ayent eſgard à celui qui tient le pays, lequel est l'Empereur des Perſans. L'Armenie eſtant diuisee en plusieurs Prouinces, auſſi elle a obey à plusieurs roys, iusqu'à tant que les Aſiatiques ſ'en feirent ſeigneurs, qui y mirent leurs enfans pour Princes, & en a eſté le peuple ſi aiſé à conquerſter, que de tout temps ilz ont eſté comme la proye de leurs voiſins ainſi que pouuez recueillir des hiſtoires tant Grecques que Romaines, ſoit que vous voyez les Aſſyriens, les Medes, Perſes, ou Grecs aux cōqueſtes: ou que Mithridate ou les Parthes ſe mettent en campagne, ou que l'eſpée du Romain tache de ſe faire dame de la Monarchie du monde. Entre l'eſſemination que ce peuple tenoit du Mede ſon voiſin, encor auoit il cecy de tout propre, que adorant la déeſſe Anaitide, à laquelle (ſuyuant la ſuperſtition des Perſes) il faiſoit ſacrifices: ce peuple offroit au ſeruice d'icelle, les filles des plus nobles & riches maiſons, lesquelles en honneur de la Déeſſe ne faisoient conſcience de ſe prostituer infamement, comme ſi telle vileannie leuſt rendues plus illuſtres & dignes de louange, & auſſi c'eſtoyēt elles qui les premieres trouuoient les bons partis, d'autāt qu'il n'y auoit homme qui de bon cueur n'eſbraſſaſt telles alliances, & ne receut ioyeuſement celle là pour eſpouſe, laquelle auoit dedié le pris de ſa virginité à vne ſi grande Déeſſe: Le temple de laquelle estoit deuenu riche & opulent du pris, & argent de telles prostitutiōs: luy dedians auſſi des eſclaues de tout ſexe, comme ſi l'idole euſt eu affaire de tels ſeruices, tant le peuple, iadis auenglé du diable, estoit abreuué d'infidelité, folie & ſuperſtition.

Viures des Medes.

Deux Armenies voy Plin. liur. 6. Strabon liur. 11.

Protom. li. 5. cha. 7. & 12. Tables 1. & 3.

Eſtendue d'Armenie.

Tauris Cité chef des pays du Sophy.

Armenies tousiours affuiettis.

Strabon en ſon li. 11. de la Geographie appelle ceste Déeſſe Tanaide: mais il y fault lire Anaitide, cōme auſſi au 25. ou il parle de Capadoce.

Il y en a qui penſent que ceste déeſſe ſut Diane, cōe Pausanie aux Laconiques. Et Plutar. en la vie de Artaxerſe: quoy que Arathie, pēſe que ce ſut Venus, Et à quelque raiſon en le diſāt.

LIVRE SECOND

*Pourquoy les
Armeniens aïsez
à subinguer.*

*Voy Xenophon
en la Cyropédie.
Et Appien en son
Mithri.*

*Façons de faire
des Armeniens.*

*Mango-Cam. 4.
Emp. des Tartar-
res.*

*Cecy aduint l'an
de grace. 1253. voy
Haiton. ch. 23.*

*Quelz sont les
Georgiens, Et leur
pays.*

*Iberes, & Al-
bans. voy Stra-
bon. 11.*

*Iberes, & Al-
bans diuisez en 4.
estatz.*

*Georgiens infectez
de l'erreur des
Grecz.*

Ce peuple estoit ainsi ancéty que j'ay dit, pour estre mal nourry, & assailly de grandes froidures, ioint aussi que estans diuisez tous les vns d'auec les autres, sous la iurisdiction de diuers Princes, & iceux ne s'accordans guere bien ensemble, & que leurs voisins remuoient tousiours mesnage, il aduenoit que aisément on les assuiettissoit, quoy que de leur naturel, ilz fussent vaillants, hardys & genereux & que de tout temps ils ayent nourry, & entretenu de belles troupes tant de caualerie que de fanterie. A present l'Armenie est toute bigarrée, & en mœurs & en religiō, selō les humeurs & affectiōs des Princes qui luy cōmandent: les Armeniens pour la pluspart vont vestuz à la mode & façon des Tartares, à cause qu'ilz ont lōg temps obey à l'Emp. de ce peuple Scythe oriental, vsant de lettres & caracteres qui luy sont propres, ainsi que doctement, & curieusement à marqué Guillaume Postel en vn recueil qu'il a fait des langues du Leuant, cōme celuy qui en peut iuger, & à cause de sa grande, & diuerse erudition, & pour auoir veu les lieux, & frequēté les hommes de celles contrées. Mainténāt que le Sophy & Emp. Persan en tient vne, & icelle la plus grand partie & que le Turc a seigneurie sur l'autre, ne faut festōner si ce peuple ainsi bafoué & refuseur de complexion est estourdy & hebeté, lequel a esté contrāit de s'abreuuer de l'abominatiō de l'Alcorā, en laquelle ilz viuēt mainténāt si ce n'est vn biē peu qui sont es mōtaignes, & lesquels suyuet la foy de leurs peres. Car du temps que Mango-Cam de Tartarie occupa pres- que tout l'orient, & courut iusqu'en la Scythie Européenne, le Roy d'Armenie qui estoit bon chrestien, obtint paix & alliance auec le Tartare, & telle societé, que tandis que le Cam a tenu l'empire, iusqu'à l'Eufrete, les Chrestiens d'Armenie ont vescu en liberté en leur pays soustenus, secourus & fauorisez par les Tartares. Et pource que les Georgiēs leur sont voisins, & ont presque mesme façon de vie & pareille opiniō, & sont entachez de semblables erreurs nous les cōprendrōs tous ensemble, mais faut sçauoir que les Georgiens sont ceux que iadis on apeloit Iberiens, voisins des Sarmates d'Asie vers le septentrion, & au Ponāt auoyēt le pays Colchique, à l'orient regardoyēt l'Albanie, & au midy fauoinoiēt de l'Armenie. Ce peuple tant plus aproche du mont Caucaze, de tant il ressent la furieuse & cruelle maniere de viure des Scythes, vaillant en guerre, & s'adonnant à cultiuer les chāps, là où leurs voisins les Albans, qui aussi sont Chrestiens, & obeissent au Cam de Tartarie, s'adonnent fort au pasturage selon l'ancienne façon & coustume des Scythes. Et lesquels le temps passé diuisoyent leur estat en quatre especes d'hommes, à sçauoir deux Roys, choisis, des plus sages & anciens, l'un & qui fus de race royale: l'autre qui feit droit à chacun, & eust la charge de conduire les armées. Le premier quoy que se tenant en sa maison, & presque ne se souciant d'aucun affaire, si auoit-il l'autorité sur l'autre, & luy commandoit à cause de son aage, sçauoir, & race. Les prestres tenoyent le second lieu, les soldatz & laboureurs, le troisieme, & le quatrieme ranc estoit la populace seruant aux Roys, & tenue de leur fournir toutes choses necessaires: & voila les anciennes façons, retournons aux choses comme à present elles se comportent. Les Georgiens donc qui encor adorent Iesuschrist, suy-

uent les erreurs, & religiō schismatique des Grecz, ayās plusieurs euesques & vn souuerain, qui leur sert de Patriarche, & ce depuis que la cité d'Antioche, à laissé d'auoir vn chef es choses spirituelles. Entre ces gens, tous en general portent la teste rase, mais diuersemēt, car les clerics & prestres, ont la couronne faite en rond, & les lays la portent carrée. On tient que ces Georgiens tenoient des femmes faites & instruites à la guerre: lesquels les estoient à cheual & fort vaillantes & genereuses aux combats, sil est ainsi, ie m'en rapporte à la verité. Quant aux hommes guerriers, il est vray (comme j'ay dit) qu'ils estoient fort valeureux, & encore ceux qui viuent en liberté sont difficiles à subiuguer: mais leurs forces sont trop foibles pour s'attaquer aux Roys qui les auoient. Or eux voulans entrer en bataille, & mis en ranc prestz à choquer, ilz portoyent vne calébasse pleine de vin laquelle ilz aualoient lors, & ainsi armez, alloient plus hardiment & courageusement assaillir leurs ennemys. Le Clergé d'entre eux fadonnoit à prester à l'vsure, & à vendre les choses saintes comme Symoniacs: Par-ainsi ne fault s'estonner si Dieu à permis que la persecution des infidelles les a domptez & leur a osté les moyens d'abuser des graces & biens desquelz ilz ont iouy iadis. Ils auoyent haine mortelle avec les Chrestiens d'Armenie leurs voisins à cause de la diuersité des opiniōs, & ceremonies. Ces Georgiens sont gens de grandes abstinences, & assez entiers en leur conuersation, en Carefme, ne mangeans poisson, ny delicatessē quelconque, non plus que font encore à present les Calloiers de Grece: oyans trefattentiuement la parolle de Dieu, & persistans assez longuement en prieres es lieux où ilz ont le moyen de ce faire sans empeschement: & ont pour chef es choses spirituelles vn euesque souuerain qu'ilz nōment Iacelique auquel presque tous les Chrestiens d'Oriēt, & qui sont espars es terres du Tartare, & d'une partie du Persan, portent obeissance, & le recognoissent ainsi, que nous faisons le saint Siege Apostolique, duquel ilz ne tiennent aucun compte. Les Armeniens aussi qui sont demeurez en la foy, furent iadis (comme j'ay dit) domptez par les Tartares, mais non priuez du general exercice de la religion, veu que de ce temps le Cam mesme auoit quelque legere apprehension du Christianisme: mais l'Armenien n'estoit point d'accord, & ne l'est encor avec l'Eglise Romaine, separé de la foy en plusieurs choses de ce que l'Eglise vniuerselle tient selon l'ordonnance receuë de tous les peres anciens, & des Grecs & des Latins. Car en premier lieu ils ne scauoient que c'estoit que la feste de la natiuité de nostre seigneur & sauueur Iesuschrist, n'observans presque pas vne feste, ny vigille, & ne ieufnans les quatre temps en sorte quelconque. Le Sabmedy de Pasques leur estoit de grand respect, & ne le ieufnoyēt point, à cause qu'ils estimoyent qu'en ce iour sur le soir nostre seig. estoit resuscité des morts. En outre ils mägeoyēt chair tous les vèdredis depuis Pasques iusqu'aux festes de la Pentecouste. Leurs ieufnes estoient dès la Septuagesime iusqu'à Pasqs, mais avec telle & si rigoureuse abstinēce q̄ les mercredys, & vèdredys ilz ne mangeoyent poisson, huile, ny Lacticine quelconque, & s'abstenoyent de vin, ayans opiniō que celui qui beuuoit du vin en ces iours, pechoit plus deuāt dieu, que celui qui fust

Georgiens portēt la teste rase. Femmes guerrieres en la Georgiane.

Georgiens semplissoient de vin allans aux combats. Clergé usurier & Symoniacle entre les Georgiens.

Georgiens & Armeniens ennemis ensemble. Abstinence des Georgiens en Carefme.

Iacelique autans que euesque souuerain.

Armeniens domptez par les Tartares.

Voy Marc Venit. en son voyage de Tartarie. & Hailon Armenien au liur. des Tartares.

Armeniens discordans de l'Eglise vniuerselle en quoy. Ieufnes des Armeniens.

L I V R E S E C O N D

*De meſme en v-
ſent les Ethiopi-
ens voy d'Alua-
rez en ſon Ethiopie.*

*Cōmunion donnée
aux enfans: elle e-
ſtoit auſſi donnée
en l'eglīſe primi-
tiue. voy S. Cy-
priā au ſermon
des abuſez.
Armeniēns Ju-
daiſent.*

*Ainſi en vſent
encor les Moſco-
vites.*

*Preſtres Arme-
niēns adonnez à
Necromance.*

*Erreurs damna-
bles des Arme-
niēns.*

*Catholique chef
de l'Eglīſe des
Armeniēns.*

allé au bourdeau ſ'accoupler peu chaſtemēt à quelque paillard. Le lundy ils ne prenoyent viande ny ſubſtance quelconque: Le mardy, & ieudy, ils mangeoyent vne fois le iour, le mercredi & vendredy, les plus ſaintz, & cōſcientieux ne prenoyent rien, & n'euffent m̃gē vn ſeul morceau pour mourir: mais le ſamedy & dimenche ils mangeoyent chair, & faiſoyent grand chere, ſoulageans l'abſtinence des autres iours. Durant qu'ils ieufnoyent dès la ſeptuagēſime iuſqu'à Paſques, nul ne celebroit la Meſſe, ſi ce n'eſt le ſabmedy & dimenche, voire ny és autres ſaiſons, le iour du vèdredy, d'autant que les iours de ieufne, ils ne leur eſt permis de celebrier le ſaint ſacrifice de la meſſe, eſtimans que par la reception du ſaint ſacremēt, ils rompiſſent la religion de leur abſtinence. Ils receuoyent à la ſainte cōmuniō indifferemment les enfans, dès qu'ils auoyent paſſé l'aage de deux mois ſeulement, & ne meſloyent l'eau au vin du Calice en celebrāt, ainſi que de tous temps il a eſté obſeruē des Catholiques. Ils Iudaifoient quāt à regetter aucunes viandes, comme ſi elles fuſſent ſouillées, telles que eſtoient les lieures, les ours, & autres choſes deſſendues aux Iſraēlites. Ils ſacrifioient dans des vaſes de boys, & de voirre, & quelques vns ſans parement ny nappes ſur l'autel, ny eux veſtus des habits de preſtriſe, & ornemens deputez pour le ſacrifice, les autres prenoyent ſeulement les ſurcots deſquels vſent les Diacres en noſtre eglīſe. Et tant les Clercz, que les laiz, à l'imitation Georgiane, tous eſtoient, & vſuriers, & Symoniacs, voire les preſtres ſouilloient leur ame, ſ'adonnans aux ſorceleries, deuinations, enchantemens, & euocations de Necromance & plus adonnez à l'yurognerie, que les lays. Ils prenoyent femme, mais la premiere eſtant morte, ne leur eſtoit permis de voler aux ſecondes nopces: les Eueſques diſpenſoyent les marys d'eſpouſer vne autre femme, ſi leurs eſpouſes eſtoient conuaincues de paillardife, & adultere. Ilz ne croyoient aucune-ment le feu de purgatoire, lequel les Grecz ont touſiours creu, & croyent encore. Et ſouſtenoyent opiniaſtrement, vne ſeule nature & volonté en noſtre ſeigneur Ieſuſchriſt. En ſomme les Georgiens prouuoÿēt que ceux cy erroient en 30. articles de la vraye foy Chreſtienne. Ilz ont auſſi vn chef en cas de l'eglīſe, qu'ilz apellēt Catholique, c'eſt à dire vniuerſel, ſouz lequel ils cognoiſſent pluſieurs Eueſques, & ne ſont pas ſi au bas, ny tant dechaffez, qu'ils ne poſſèdent encor de belles terres ſouz l'obeiſſance des Perſans & Turcz, leſquels bien que ayent du tout aboly la dignité royale des princes qui ſeigneuroyent ce pays, ſi ont ils laiſſé les chefs de l'eglīſe, viuans en aſſez paſſable liberté, qui aura eſgard à la doctrine de celui, la religion deteſtable duquel ils ont opiniaſtrement embraiſſée. Je diſ cecy, à cauſe que aucuns chantent qu'il ne y a aucun Chriſtianisme en l'Armenie, Georgiane, ny Albanie, comme ainſi ſoit que les Caldéens, & Armeniens que nous voyons aſſez ſouuent en France, nous aſſeurent du contraire, & que l'obeiſſance de leurs Eueſques au ſaint ſiege, nous font voir que Ieſuſchriſt y eſt adoré par vne bien grāde multitude d'hommes: ioint que les Chreſtiens qui font le voyage de Leuant nous certifient de ce que les naturels du pays nous ont deſia fait entendre. La rigueur des peines à l'endroit des adulteres eſtoit en Armenie, du temps que la ſouueraineté touchoit

touchoit aux Chrestiens, que la femme faisant tort à son mary, auoit le nez coupé, & l'homme s'accouplant à icelle y perdoit les genitoires.

Le prestre paillardant estoit dechassé de son estat, & de l'Eglise, sans espoir de iamais plus y rentrer, & si estant marié, la femme se gouuernoit mal, il faillloit qu'il se continst, & n'habitast plus avec elle, ou que aussi tost il perdist l'entrée de son Eglise. La femme du prestre estant veufue, n'eust osé se remarier, autrement faisant, il ne luy alloit que de la mort, estant brulée sans aucune remission, & toutesfois luy estoit-il permis de se prostituer, sans que pour cela elle en receust aucune punition: Et c'est pourquoy en ce pays là, il y auoit tant de paillardes, veu l'impunité de celles qui ne voulans se contenir, auoyent la bride si à plaisir laschée, pour viure à leur fantasie. Les larrons de choses legeres, & autres malfaiteurs commettans crimes, n'importans mort estoient chastrez, afin de ne point engendrer des enfans qui fussent imitateurs de leurs meschancetez. Au reste fault noter, & que le Catholique, & euesques, & prelatz en general qui sont en Armenie, sont tous moynes, & aucuns sans estre moine ne peut estre receu aux dignitez ecclesiastiques, tellement que les autres prestres n'ont froquez, n'ont autre autorité, sauf que de pouuoir celebrer le saint seruiue: mais les moynes ne se marient point, & pour ce sont recommandez de plus grande sainteté & innocence, & voila ce que j'ay peu recueillir des mœurs des Armeniens, & Georgiens, selon qu'à present ilz se gouernent en leur seruitude.]

Punition des adulteres en Armenie.

Larrons comme punis.

Euesques Armeniens tous moynes.

De Parthie province, & des mœurs, & façons de vie des Parthes. Chapitre sixiesme



PARTHIE province de peu d'importance, & de moindre force fut iadis occupée par les Scythes appelez Parthes, c'est à dire bannis, & luy gist vers le midy la Carmanie deserte pour voisine, vers septentrion elle marche au pays d'Hircanie, ayant le pais des Medes au soleil couchant & au leuant la region d'Arie. Ceste province estant toute ceinte de montagnes, est fort pauvre & peu fertile, boscageuse, & farouche, & les montagnes la rendans par tout perilleuse, & difficile à traueser, le peuple de laquelle, du temps que les Medes & Assyriens tenoyent la Monarchie estoit sans nom, ny force quelconque, & lequel seruiroit de proye aux Persans lors qu'ils se feirent seigneurs de l'Empire d'Orient, ne tenans aucun compte, ny des hommes, ny de la region des Parthes, lesquels aussi seruiroient les Grecs du temps que les successeurs d'Alexandre tenoyent la souveraineté de l'Asie: Mais par succession de temps ce peuple s'emancipa si brusquement, & feit telle preuue de sa vertu, ayant la fortune si bien à commandement, que non seulement il donnoit loy, & receuoit tribut, en imposant commandement aux peuples & nations voisines, ains encor s'at-

Assiette de Parthie.

Protonée liur. 6. chap. 5. table 5. Strabon liu. 1. c. 16.

Crasse deffait par les Parthes. voy Plutarq. en la vie de Crasse. Ioseph. antiq. li. 14. c. 12. Eutrop. liu. 6. Dion. liu. 36. c. 37.

LIVRE SECOND

taquans aux Romains (quoy que vaincueurs de tout le monde) qui les auoyent assaillis, ils en rapporterent de grandes & glorieuses victoires. [notamment celle que ilz obtindrent contre Craffe le plus riche & puissant de Rome, qui de gayeté de cœur, apres auoir pillé le saint temple de Ierusalem, alla faire guerre à ce peuple, où luy occis, son armée fut presque toute taillée en pieces. Et lors que Marc Antoine fust les guerroyer, ilz le presserent tellement, que iacoit qu'il fust vn des sages, & gentilz chefs de guerre de son temps, si le contraignirent ils en telles angoisses, que souuent il souhaitoit ces 10000. Grecz, qui conduits par Xenophon, passerent en despit de tout le môde, & le pays des Parthes, des Medes, Armeniens, Capadociës, & de tous les habitas de la petite Asie: quoy que depuis il en vint au dessus, & les rëdit tributaires. Quoy qu'il en soit, les Parthes deuindrent si puissans & effroyables, que toutes les fois qu'on oyoit dire à Rome, qu'ils remuoyët mesnage pour la guerre, les Romains estoient en soucy de leurs Prouinces, comme leur querellans la grandeur de l'Empire:] aussi Trogue Pôpée leur attribue la Monarchie de l'Oriët, comme filz eussent partagé l'Empire avec les Romains: & Pline afferme encor qu'ilz tenoyent 14. royaumes souz leur iurisdiction, & obeissance.

M. Antoine contre les Parthes.

Voy Xenophon au voyage de Cire le ieune. Et Appian Alexandre. en son Parth.

Iustin. lin. 41. Solin (singe de Pline) chap. 59.

Tout cecy presque est de Iustin. li. 41. Arsace deliura son pays de seruitude tuant Antiochus roy de Syrie. En l'olymp. 163.

Ainsi en usoyët iadis en Egypte les soldans: Et à present le Turc, au choix de ses Iannissaires.

Après que les Macedoniens eurent perdu la seigneurie de ce païs, par la reuolte du peuple. Les Parthes furent gouuernez par leurs Roys lesquels portoyent tous le nom d'Arsacides, à cause que ainsi s'appelloit le premier d'entr'eux qui deliura son païs de telle seruitude: mais apres la dignité royale, c'estoit au peuple q la maiesté de l'Empire apartenoit, & du corps duquel on esliroit les chefs de guerre, & en temps de paix, ceux qui administroient les affaires de la republique. Leur langage estoit meslé participant du Mede, & du Scytique, comme voisins des Medes & descenduz des Scythes. Auant que la richesse les rendit magnifiques, ilz alloient vestuz assez grossierement, & ayans vestement peculier à leur nation: mais dès que ilz furent deuenuz puissans, aussi l'habit fut somptueux, riche, & plain d'or & pierrerie, ou blanc en toute perfection, imitans les bobans superflus des Medes. Quant au fait des armes, & maniere de guerroyer, ils s'en gouuernoyent tout ainsi que leurs ancestres les Scythes, ayants leurs soldats & gendarmes, non choisis d'entre les francs & libres de conditiõ, ains des plus braues & puissans d'entre leurs esclaves: qui estoit cause que il n'estoit point permis à personne parmy le populace, d'affranchir vn seul serf, & ainsi le nombre alloit en accroissant de iour à autre, & leurs forces en deuenoyent plus grandes, & plus puissantes, & les tenoyent aussi cheurement, & nourrissoient avec pareil soucy, que leurs enfans propres, les adextrant à bien tirer de l'arc, & manier, piquer, & voltiger vn cheual afin de mieux s'en seruir en guerre, & chacun vsant de telle façon de faire selon ses richesses & pouuoir, d'où aduenoit que le Roy marchant en bataille auoit tousiours vne forte armée de caualerie preste en tout euenement & affaires.

Aussi lors qu'ils s'attaquerent à M. Anthoine au combat de 50000. cheuaux qu'ilz estoient pour combattre, il n'y auoit que 800. hommes qui fussent de libre condition, tous les autres estans esclaves.

Ilz ne scauoient combattre bras à bras, & en bataille rangée, & moins aller à l'assault de quelque ville assiégée, ny la forcer: leur combat c'estoit à course de cheual, ou en fuyant: quelquesfois dissimulant leur fuite, afin de se ruer sur l'ennemy sil se mettoit tant peu fust en desordre: & n'vsoient point de Trompettes ainsi que fait nostre caualerie, ains de Tabours à la façon de nostre fanterie, & ne pouuoient durer guere longuement en haleine poursuyuans leur pointe aux batailles.

Au reste filz eussent eu autant d'effort & perseuerance, comme il y auoit de vehemence au premier assault, il eust esté impossible qu'on eust duré deuant eux, aussi bien souuent ils laissoient le conflit au plus beau, & en la plus grande & furieuse ardeur d'iceluy, & soudain ilz rechargeoient, ayans repris cœur en leur fuite, & retraite: tellement que lors que on se pensoit tenir la victoire assurée, on se voyoit assailly plus furieusement, & en plus grand danger, & extremité perilleuse que iamaïs. Le harnois & corps de cuirasses de leur caualerie, estoient faits enlassez de plumes, tout ainsi que la garniture de leurs cheuaux, desquels ilz se seruoient en guerre. Ce peuple faisoit iadis si peu de compte de l'or, & de l'argent, que ilz ne s'en seruoient en autre chose que pour le lustre, & ornement de leurs armes. Et quant à la vie priuée de chacun en son logis, ilz estoient fort subiectz à leurs plaisirs: & c'est pourquoy la pluralité des femmes estoit entre eux receüe, mais si ialoux de leur reputation, que la seule mort purgeoit la faulte des adulteres. Et c'est pourquoy, afin de ne tomber en ces accessoirs, les marys ne souffroyent iamaïs que leurs femmes vinssent non seulement au banquet des hommes, voire ny en leur presence, ou regard.

Aucuns ont laissé par escrit (entre lesquelz est Strabon) que les Parthes ne pouuans auoir lignée, produisoient leurs femmes, à ceux que ilz pensoient estre leurs amys, afin que ilz leur fuscissent semence.

Ils ne viuoyent d'autre chair que de sauuagine, & des bestes que ilz prenoient à la chasse, comme encore de nostre temps la plus part des Scythes, & Sarmates soit en l'Asie, ou Europe, sont fort adonnez à tel exercice. En tout ce que ilz font, la besongne ne leur semble point bien executée silz ne sont à cheual, car en cest equipage, ilz banquetoyent, guerroyent, trafiquoyent, & parlemétoient ensemble: & en somme tous les affaires soit de guerre, ou de police, estoient vuides les arbitres & negociateurs estans à cheual. La difference des estatz, & condition entre les Parthes fut en cecy iadis remarquable, que les nobles & francz, si marchoyent par pays, alloient à cheual, & les serfz alloient à pied comme laquays & estafiers. Les morts n'y sont guere respectez, veu que leurs corps estoient laissez sur terre pour la pasture des chiens & des oyseaux, lesquelz ayant pris curée sur la chair & l'ayans toute deuorée, ilz enterreroient les ossemens avec assez de diligence. Les Parthes estoient assez deuotieux, & adōnez au seruice de leurs dieux: peuple superbe, & de haut cœur, seditieux, fin & cauteleux, trōpeur & opiniastre, cōc ceux qui attribuent, cōme chose vertueuse, aux homes la violēce & cruauté, & aux fēmes la douceur & courtoisie: qui est cause q̄ iamaïs ils n'estoyēt en repos, ains failloit

*Parthes bataill-
loyent en fuyant.
Appian de la
guerre Parthique*

*On dit le mesme
du françois.*

*C'est ainsi qu'à
present combatte
les Rois.*

*Je ne sçay on Stra-
bon tient tel pro-
pos des Parthes.*

*Les Mosconites &
present n'en font
gueres moins.*

*Ainsi en visoyēt
leurs voisins de
Hircanie.*

*Sauuages soings des
corps des trespass-
sez.*

*Parthes ne peu-
uent viure en paix.*

LIVRE SECOND

Sageſſe des Parthes à taire leurs affaires.

Strabon Geogr. liur. II.

Lieu de Strabon interprété.

Comme Craſſe Antoine & autres, & en ſon Iulian l'Apoſtat. Eutrop. liur. 10. Ammian Marcel. liur. 25. Quel fut Arſacé des ſon commémens.

Grandeur & ſucces d'Arſacé.

que remuaſſent meſnage, ou ſe guerroyans enſemble, ou bien ſattaquans à leurs voiſins, tant les mains leur demangeoyét. Ils eſtoyét fort ſecrets en leurs affaires, & de peu de parole, pluſtoſt mettās les choſes en executiō, que d'en donner la moindre ſignifiāce que ce fut de parole: qui eſtoit cauſe que d'un eſgalle ſageſſe, ils celoyent l'heur & felicité leur ſuccedant, comme les trauerſes & infortunes qui les oppreſſoyent: & ſilz obeiſſoyét à leurs Roys & Magiſtratz, ainſi que pour vray ilz faiſoyent: c'eſtoit plus par crainte de ſupplique que d'aucun reſpect d'honeſteté, ou vertu quelconque. Ceſte nation a eſté parmy vne grande ſobrieté en ſon manger, fort adonnée à paillardiſe, & qui n'a iamais meſuré la foy, ny loyauté, ny la religion de ſes ſermens & promeſſes, ſinon entant que elle voyoit que la neceſſité, & vrgence d'affaires luy commandoyent, & que la choſe ſembloit le requérir.

[Ayant diſcouru ce que Iuſtin chante de ce peuple, ainſi que noſtre auteur l'a recueilly, ie m'eſtonne qui conduit & incite Strabon de dire que entre les eſtats des Parthes, les ſages ayans place, ſuccedoyent au premier lieu apres les Princes plus proches de la race royale, & que de tous ces deux rācs on acouſtumoit de choiſir leurs chefs & ſouuerains Princes: veu que deſia nous auons dit qu'apres le Roy, tous les affaires paſſoyent ſous le iugement, & volonté (ſeruant de loy) du peuple. Et qu'ainſi manquans les roys, & le peuple venant à l'election, il ne pouuoit faire moins que de le choiſir, & eſlire d'entre la nobleſſe, qui à parler propremēt emporte agnation, & conſanguinité és choſes de l'eſtat: & que les ſages, ou Mages, ainſi que parloyent les oriétaux, n'eſtoyent pris le temps paſſé en ces pays, que ceux de la plus rare, & ſignalée nobleſſe: & voila ce que ie penſe que Strabon entend lors que il dit, & parle des alliez, car le mot Grec, aux bien verſez en celle langue emporte non alliance, mais nobleſſe, comme capables de pareille honneur que les proches du ſang du Prince, le hoir du ſang y defaillant.

Et puis que nous ſommes ſi auant ſur les Parthes, il ne ſera trop inconuenient d'eſplucher au françoys quel a eſté ce peuple, & ſi de noſtre temps il a eſté moins remarqué en brauade, vaillance, ny conqueſtes que le temps paſſé, lors que il a tenu teſte aux roys ſucceſſeurs d'Alexandre, ou que il ſeſt emancipé gaillardement de l'obeiſſance Romaine, mettans à mort tant de Capitaines & vaillans cheſz de guerre, voire iuſqu'à deſfaire les meſmes Empereurs, qui ſeſtoyent faitz craindre & redoubtez en autres contrées. Nous auons parlé par cy deuant d'Arſacé duquel les Roys Parthois portoyent tous le nom d'Arſacides, lequel eſtoit de ſi grande maiſon, & race illuſtre, que tant ſ'en fault que les anciens qui ont deſcrit ſon hiſtoire, ſçachent dire quels ont eſté ſes parens, ny recercher l'ancienneré de ſa maiſon & nobleſſe, que encore ſont ilz en doute ſur le pays de ſa naiſſance, les vns le faiſans Scythe & les autres, natif de Parthie: il eſt vray que tous ſ'accordent en cela que de voleur & homme incogneu il ſe rendiſt le plus grand ſeigneur de l'Orient, & ſi puiſſant, & heureux en conqueſtes que il ne deuoit rien, ie ne diray aux Monarques de Perſe, ou Aſſyrie: voi-

re ny aux fils du Roy Philippe de Macedone. Mais ie n'iray courir iusqu'à vne si longue succession de siecles, ou la prescription peut deroguer foy à l'histoire, ains suys content de m'arrester à ce que n'aguere est aduenue comme passé durant la memoire de noz peres, en la personne d'un homme sorty de celle nation Parthique, & le plus admirable que le monde aye veu depuis la venue du fils de Dieu en ce monde: & entendez comment. Enuiron l'an de nostre seigneur 1403. seant à Rome Boniface, neuuiesme, & tenant l'Empire en occident, Robert de Bauiere, & en France regnant Charles sixiesme, s'esleua en oriēt vn homme si peu remarqué pour la cognoissance de ses predecesseurs que chacun le iugeât Tartare de nation, aucun n'a sceu dire de quelle region il estoit d'entre celles qui pour lors estoient suiettes aux Tartares, comme ainsi soit qu'il fust Parthe, & de si grande & illustre famille que le plus haut & ancien de ses tiltres c'estoit son nom: & sa grandeur & dignité ne s'estendoit en plus de magnificence que de bouuier, ou simple pasteur. C'est ce Tamberlan le plus espouuentable d'entre les tyrans, & la merueille du monde, qui de berger deuenant Capitaine de brigans, en fin a esté le plus grand, riche, heureux & puissant Prince de l'vniuers, comme celuy qui s'est enrichy des despouilles de toute l'Asie, si merueilleux en ses victoires que iamais il n'attenta chose au fait de la guerre, dequoy le succez ne soit ensuiuy selon ses desseins & fantasie, & ne tascha rien au maniment des affaires dequoy il ne soit venu à son honneur. Et si Arfacé iadis surmontra vn Roy puissant des succeurs d'Alexandre, & le despouilla de mainte belle Prouince, cestuy n'en a fait moins à celuy qui estonnoit, & l'Asie & l'Europe, & qui a cause de ses victoires conquestes, deffaites, & ruines faites portoit le tiltre de Hildrin, qui signifie autant que foudre & tempeste orageuse du Ciel. C'estoit Baiazeth 1. du nom Roy des Turcs, lequel fut vaincu, par ledit Tamberlan pres la cité d'Ancire au pais d'Asie la mineur, & non loing de Natolie, pour lors cité royale, & metropolitaine de Turquie, à cause que Constantinople estoit encor habitée des Chrestiens. Lequel Baiazeth, pris en la bataille, fut lié de chesnes d'or, & conduit dans vne cage, comme vn Lyon par tout, ou passoit le Tartare, qui le contraignoit venir manger souz sa table comme vn Chien, & duquel il se seruoit de monitoir, lors qu'il vouloit monter à cheual, tout ainsi que iadis le Roy des Peres Sapores en vsa à l'endroit de l'Empe. Valerian l'ayant surmonté en guerre. De quelle discipline il ysoit en guerre, la police de son cap, l'ordre singulier, & grande iustice, si quelcun desire de sçauoir, qu'il lise Pierre Messie en ses diuerses leçons, & Egnace, & Pape Pie, lesquels iailoux que la difference de religion nous destournast de dresser l'histoire d'un si excellent homme, en ont laissé quelques memoires, marris au possible que le discours entier de sa vie, gestes, & magnificence, n'ait esté descript tout au long, ce que Pape Pie eust peu faire s'il sy fut employé avec telle diligence qu'il a fait en recueillant les faits des Boesmes: car il viuoit presque du mesme tēps que Tāberlan retiré en son pais se dōnoit du bon temps, & iouissoit des despouilles de tous les Roys de l'Asie. Or ce Roy espouuentable, ayant l'armée la plus forte que iamais Roy aye conduite,

Tamberlan Parthe & de quel estat.

Tamberlan heureux en tous ses faits.

Baiazeth 1. surnommé foudre du ciel.

Natolie chef de Turquie.

Baiazeth fait captif par Tamberlan.

Voy Paule Ioue en la vie des Roys Turcs.

Valerian fait esclau par Sapores. Eutrope. l. 9. Orose li. 7. ch. 22. Sext. Aurelle victor.

Auteurs qui ont escrit de Tamberlan.

Pape Pie viuoit du temps de Tamberlan.

LIVRE SECOND

*Grande police au
camp de Tâberlä.*

*Iustice au camp
de Tamberlan.*

*Costume de Tâ-
berlan aux sieges
des villes.*

*Tamberlan se dit
le ministre de l'ire
de Dieu.*

*Religion de Tam-
berlan quelle.*

*Conquestes de
Tamberlan.*

*Samarcand cité
royale de Tâberlä.*

*Race de Tamber-
lan perie en peu
de temps.*

comme celuy qui menoit 400000.cheuaux,& 600000.hômes de pied,& vne infinité de bagage,si est-ce qu'il n'y auoit cité au monde si bien pollicée,qui encor n'eust peu prendre exemple en cest amas confuz d'hommes de toutes nations,veu l'ordre admirable qui y estoit gardé,& la grande & sage preuoyance de ceux qui auoient charge de fournir viures,& tenir en office vne telle multitude.Et est vn grand miracle du Ciel que celuy qui en sa ieunesse auoit esté nourry entre les plus grossiers & barbares hommes de souz le Ciel,acoustumé à l'iniustice des vols & violence des rapines,changeant d'estat,& deuenu Roy sceut si dextrement, & faire le grand,& commander avec sagesse. Car le soldat n'eust osé pour mourir auoir pillé le moindre hameau,village,ny maison,ny desrobé tant soit peu des biens de son voisinage,d'autant que la rigueur & seuerité y estoit telle que les fautes plus legeres ne fescouloient qu'auéc le supplice dernier de la mort. Ce grand Roy,assiegeant quelque ville vsoit de trois sortes de pavillons.Le premier iour il l'auoit tout à blanc,en signe de douceur & misericorde: le second rouge, en marque d'effusion de sang sur ceux qui se deffendroient s'ils estoient vaincuz:& le troisieme tout noir, lequel portoit la figure d'extremé desolation,mort & ruine des hommes,& demolition de la cité,ainsi qu'il en vfa en plusieurs endroits de l'Asie: veu qu'il ne failloit passer vn quart d'heure de temps outre ce qu'il auoit limité,qui ne vouloit sentir soudain l'effect de la menace de ce tyran. Lequel enquis des causes de ceste grande,& trop inhumaine seuerité,ne respondit sinon qu'il estoit le ministre de la iustice,& courroux de Dieu, lequel ce tyran confessoit sans toutesfois qu'il embrassast ny le christianisme,ny l'Alcoran,comme celuy qui suiuiot le meslange d'aduis des Tartares,souz la main desquels son pais estoit,& luy aussi nourry en leur terre: quoy qu'il se rendit plus communicable aux Chrestiens qu'à pas vn des autres,mais si chatouilleux qu'il ne failloit vser de grand familiarité en son endroit,comme celuy qui comme vn Lyon,sestant ioué,en fin rendoit vne piteuse recompence. C'est ce grand Tamberlan,qui ayant vaincu Biazeth,estonné l'Europe par son renom,conquis la petite Asie sur le Tuc,aneanty les forces des Soldans tant d'Egypte que Babylone, mis à bas le royaume des Perles,fait contenir le Camp Tartare en ses pais de Catai,& Cambalu,fait retirer le Moscouite és plus deserts & solitaires marestz,& boscages de son pais:en fin se retirant,bastist celle grande & superbe cité de Samarcant en la Prouince de Zagutai en Tartarie, qui est cause que plusieurs ont estimé qu'il en fust natif: mais comme j'ay dit la plus saine opinion est qu'il estoit Parthe. La race duquel s'est aussi tost escoulée comme il fut decedé,& ses pais vsurpez partie par le Sophy, & partie par les Tartares qui encores les possèdent:n'ayant eu successeur qui se soit soigné de faire rediger par escrit ses vaillances & conquestes.]

Du Païs de Perse, mœurs, loix, & ceremonies des Persans. Chap. 7.



PERSE est vne region orientale, ainsi nommée de Persee fils de Iupiter, & Danaée fille d'Acrise Roy des Argiues, du nõ duquel aussi s'appelloit Persepoly cité capitale de tout le royaume: & les peuples furent appelez Persans. Ceste region, ainsi que dit Ptholomée, est confinée au païs des Medes, du costé de septentrion, & vers le Ponant luy gist la Prouince Su-
fiane, appellée le royaume de Baldach, à soleil leuant elle regarde les deux Carmanies, à present royaume de Turquestan: & au midy elle a le sein & goulphe de Perse, qu'on appelle mer de Balfere: Ses villes furent iadis Aximie, Persepoly ruinée par le grand Alexandre, & Diospoli, desquelles les seules marques ne peuuent presque donner tesmoignage qu'elles ayent esté quelquefois. Les Perses estimoient le Ciel estre Iupiter: & adoroient le soleil qu'ils apelloient Mithra, sur toute autre diuinité: la Lune encor estoit par eux honorée, Venus, le feu, la terre, l'eau, & le vent: sans toutes-
fois qu'ils y fissent d'autel, ny statue quelconque, voire & sans temple, à descouuert, sacrifiant en lieu eminent & sur quelque colline, afin que cha-
cun veit & que la chose fut plus voisine des celestes: offrans la beste du sa-
crifice à l'autel toute couronnée, mais chargée de maledictions. Et mise qu'ils l'auoient en pieces, chacun (faisant le magicien, ou Prestre cest offi-
ce) en portoit sa part en sa maison sans que les Dieux en eussent quelque reserue: d'autant que leur opinion estoit que les dieux ne demandoient que l'ame de la chose sacrifiée: neantmoins quelques vns d'entre eux auoient de coustume de bruler les entrailles suyuant la façon des Grecs, & autres nations en leurs sacrifices. Lors qu'ils sacrifioient au feu c'estoit du bois sec en ostans l'escorce, & gectans par dessus la gresse plus voisine des
oz, & puis y espendans de l'huile. Ils n'auoient garde de souffler de leur bouche le feu, ains avec vn euentoir, que si quelcun estoit si hardy que d'y souffler, ou getter quelque chose morte, ou sale dedans, c'estoit sans remis-
sion qu'on le faisoit mourir. Au reste nul d'entre eux se l'auoit dans les riuieres, & ny pissoit, ny gettoit aucune beste morte, voire estoit deffen-
du d'y cracher, & d'y cuire quelque chose, ains honoroient l'eau en ceste sorte. Venans pres quelque lac, estant riuere, ou fontaine, ils faisoient vne fosse dans laquelle ils coupoient la gorge à l'hostie, & beste du sacrifice, prenans sur tout garde que le sang ne coulast point iusqu'à l'eau prochai-
ne, à cause que cela eust pollü, & souillé tout leur affaire & ceremonie: & la chair de la beste occise, estoit par les Prestres & sages mise sur du Myrte & du Laurier, & brulée avec des buschettes fort subtiles, non sans vser de certaines imprecations, & maudissons, durant lesquelles ils mesloient à leur sacrifice du lait, du miel, & de l'huile: Or ces maudissons n'estoient adreßées à l'eau, ny au feu, mais plustost à la terre. Lesquels ils continuoiet vn fort longs temps, tenans ce pendant vn faisceau de verges fort menües de Myrte. Les Roys estoient choisis d'vne seule famille, & quicõque des-
obeissoit au Roy, apres luy auoir coupé la teste & les bras estoit getté aux

Ioseph. antiq. l. 1. c. 6. tient vn autre langage sur l'origine des Perses.

Ptholom. l. 6. c. 4. Tab. 5. d'Asie. Strabon liu. 13.

Persepoly ruinée par Alexandre. Voy Currie des gestes d'Alexandre, & Plutarq. en la vie du mesme.

Dieux des Perses. Herodote liu. 1. Tout cecy est tiré de Strabon. l. 5.

Maniere de sacrifier entre les Persans.

Superstition ancienne des Perses à l'endroit du feu & de l'eau.

Maniere de sacrifier à l'eau par les Perses.

champs sans sépulture.

[Je ne sçay que cestuy entend, lors qu'il dit qu'ils ne prenoient leurs Roys que d'une seule famille, veu que puis qu'il ne touche que l'antiquité, aussi faut il sçavoir la maniere, & histoire des anciens, d'autant que dès le commencement les Assyriens tenans la Monarchie, il ne se parloit des Roys des Perles, & depuis icelle usurpée par Arbace Roy des Medes, iusqu'au dernier de ce pais qui fut Astiagé, le Persan estoit sans nom iusqu'à ce que Cyre fils de Cambise simple Gentilhomme & natif de Perse, & de la fille d'Astiagé, l'Empire fut ravy aux Medes & transporté à la maison de Perse. Or que les successeurs de Cyre, l'ayât tenu, les historiens font foy que les sages, ou Mages, ou comme voudrez les appeller souz la fainte de Smerdes fils de Cyre, & frere du Roy Cambise auquel ils se reuolterent, luy mort, tindrent le royaume lesquels ne furent onc de la race, de Cyre. Ces galans & usurpateurs deffaits par la noblesse: Darie vint au gouvernement, & seigneurie, mais en qu'elle sorte? fust-ce par succession, ou estant le plus proche en sang à la race royale? Rien moins: car comme les sept seigneurs qui occirent les tyrans fussent en consultation sur la forme du gouvernement, il s'en fallust bien peu que le royaume ne changeast de nom & fust conuerty en Aristocratie, ou Democratie, veu que du sang de Cyre il ne restoit que deux filles que Darie depuis espousa appellé à la dignité par ruse, & galante tromperie, selon que les seigneurs auoient cōplotté ensemble ainsi que & Herodote, & d'autres tesmoignent parlant de cecy. Ainsi ce n'estoit d'une famille que les Roys estoient choisis, il est vray que dès Darie. 1. iusqu'à Alexandre le grand le sang royal de Perse vint par succession: mais durant que les successeurs d'Alexandre gouvernoient l'Asie, le pais de Perse estoit sans Roy, iusqu'à ce que Arsace (duquel a esté parlé cy dessus) s'emancipa de leur obeissance, & conquist & Parthes, & Medes, & Persans, quoy qu'il ne fust ny Perse, ny du sang de Darie, ny Cyre, & duroit sa race du temps que Strabon escriuist sa Geographie, d'où nostre auteur a recueilly son ramas des mœurs des Perles, & laquelle continua iusqu'à ce qu'Artaxerse simple soldat Persan occist Artaban le dernier des Arsacides, & remist le royaume entre les mains de ceux de sa nation s'en faisant Monarque, & duquel descendirent ceux qui regnerent iusqu'au temps que Mahometh troubla l'Orient, & avec ses reuoltes, & avec son imposture. Ainsi le propos de la succession royale des Perles, nous à fait courir plus loing que ie ne pensois, non que pour cela ie vueille accuser ny Strabon, ny celuy qui l'imite de faute, veu qu'ils entendent par ce mot de creation de Roys d'une famille, le droit yse par eux, ou les accidés contraires n'alteroient point l'ordre successif de la maison royale.] Chacun des Roys Persans (ainsi que recite Strabon, allegant ne sçay quel Polycrite) faisoient bastir leurs maisons, & Palais sur des montaignes, ou ils tenoient leurs thesors & argent des tailles, & tributs leuez sur le peuple, & ce en tesmoignage de leur espargne, & bon mesnagement. Or enigeoient ils gabelles & maletostes diuersement, prenans argent du trafic qui se faisoient sur mer, mais de ce qui se passoit en terre ferme, ils se contentoient des choses esquelles chacune region estoit abondante comme

Arbace vainquit Sardanapale Justin.

Voy Herod. l. 3. Tröperie des Mages, & Philosophes de Perse à enuahir le royaume.

Avec quelle ruse Darie vint au royaume. Voy Justin. liur. 1.

Changemens aduenus en Perse.

Les Perles naturels ne tenoient le royaume du tēps de Strabon.

Artaxerse simple soldat, fait roy de Perse environ l'an de grace. 224

Comme faut entendre Strabon sur le mot de famille.

Exactiōs des roys de Perse sur le peuple.

me laines, drogues & medecaments, couleurs & autres telles choses, iufques à y comprendre le bestail. Quelque grandeur qu'eust le Roy entre les Perles si n'eust il osé faire mourir vn homme fil n'auoit commis qu'un simple crime, ny autre Persan pouuoit vser d'aucune rudesse contre quel que ce fust de ses Domestiques. Chacun Persan espousoit plusieurs femmes afin d'auoir lignée, & encore luy estoit permis d'auoir des concubines en abondance. Aussi les Roys propofoient pris & salaire à ceux qui en vn an engendreroient grande multitude d'enfans, lesquels estants nez, n'estoient representez à leurs peres qu'ils n'eussent atteint l'aage de cinq ans, car la loy du pais vouloit que durant ce temps ils fussent tenuz & nourris delicatement en la compagnie des femmes. Et la raison de cecy c'estoit afin que si durant ce temps quelque enfant decedoit, que le pere ne l'ayant iamais veu ne s'en donnast point trop grande fascherie. Ils celebroyent leurs nopçages sur le Printemps, & durant l'equinocce d'iceluy. La premiere nuit l'espouse ne mangeoit en tout son souper qu'une pomme, ou quelque peu de melle de Chameau, & apres ce sobre repas il falloit coucher le long de son espousee. La Jeunesse Persanne dès l'an cinquiesme, iusqu'au vingt & quatriesme de leur aage aprenoit à se tenir à cheual, bien piquer, & voltiger, à tirer le dard, & dresser droit les saiettes, & sur tout à parler veritablement: aussi auoient ils pour maistres & gouverneurs les plus sages, vertueux, sobres & continens que l'on pouuoit choisir, lesquels leur enseignoient, & racomptoyent des fables honestes, les louanges des Dieux, & des chansons lesquelles contenoient les gestes illustres, & faits vaillans des hommes excellens & genereux, & ce quelquefois en chantant, & d'autres leur recitant comme en lieu de quelque leçon: & s'assembloient les enfans pour ouir ceste lecture au son d'une clochette, au lieu ordonné pour cest effect, & la on demandoit raison, & le recit aux enfans de ce qu'ils auoient ouy dire à leurs precepteurs. Ils s'adextroient fort à la course, choisissans quelque enfant de grand maison, & de quelque Prince qu'ils estoient pour leur Capitaine, & failloit que le champ ou ils courroient contint pour le moins trente stades. Et afin de s'endurcir contre le froid & le chaud, ils s'exerçoient à passer à nage les torrents & riuieres impetueuses, mangeans, traueillans, & faisans leurs affaires sans cesser, soucieux de tenir leurs habits & armes secz & sans rouillure au possible, ainsi apris de ieunesse. Leurs fruits plus delicieux estoient les raisins du Terebinthe (qui est l'arbre qui porte la poix-resine) les glâds, & les poires sauuages & aigrettes, & la viande ordinaire apres auoir couru, traueillé, sué, & ahané en leur long exercice c'estoit du pain tresdur & assez mal sauoureux, du Cresson Alenoys avec vn grain sel, de la chair indifferement, & boulie, & rostie, & la belle eau clere pour tout breuuage. Allans à la chasse, c'estoit à cheual qu'ils suyuoient leur proye armez de dards, & iaelotz acerez, & abondance de saiettes, & vsoient aussi du iect de la pierre avec les fondes. Leur ordinaire exercice deuant midy c'estoit de planter, & enter les arbres, d'arracher racines, s'occuper au iardinage, & à cultiuer les terres, ou à forger, tremper, & acoustrer leurs armes, & d'autres qui s'amusoient à tistre le lin, ou à faire des reths, & filais pour la

M

Loy liant la puissance du Prince.

Salaire proposé à ceux qui auoient grand nombre d'enfans.

Cecy, & ce qui s'ensuit est d'Herodote. lib. 1.

Temps de nopçage entre les Perles.

Sobre banquet pour une espouse.

Qui veut voir au long la nourriture des Perles, lise Xenophon en la Ciropedie. lib. 1. Cice parlant à son pere.

Colleges & escoles quelles iadis en Perse. Perles iadis fort endurcis au travail.

Nourriture delicieuse de la noblesse des Perles.

Armes des Perles.

Estude & soing des Persans pour ne viure oisif.

LIVRE SECOND.

chasse, & pescherie. Les enfans estoient parez richement d'or, & semblables richesses & nourris fort délicatement en l'enfance, tellement qu'il n'estoit permis les mener à la chasse.

Armes des Perses à la guerre.

Caz, elbas Turbans des Persans.

Vestemens anciens des Persans.

Ceste coustume iadis observée en France comme plusieurs choses encor des Persans.

Herodote. 2.

Ce fut Haly qui passa en Perse: & Homar aussi qui se fit seig. de Palestine, Mesopotamie & Perse.

Ils auoient vne certaine pierre nommée Pyrope de grand pris entre eux & laquelle ils n'eussent pour rien laissé toucher à vn corps mort, tant elle leur estoit en honneur, voire ny le feu estoit porté aux funerailles, afin qu'ils ne semblaissent tenir peu de compte de celuy qu'ils auoient en si grande reuerence. Dès l'aage de vingt ans iusqu'à cinquante ils suiuiroient les armes, ne sçachans que c'estoit que le plaider, ny le trafic de marchandise, vñs de petits boucliers faits à maniere de Lozange & outre le carquoys, & arc, ils portoient l'espée & dague allans à la guerre, & vn bonnet fait en pointe, comme encor à present ils portoient leur Caz elbaz: ayans vne anime, ou deuant le Corselet fait d'ecaille bien forte. Les Princes portoient des hault de chausses, & leur hoqueton à manches venant iusqu'aux genoux & doublé de couleur blanche, & par le dehors estant paint ou taint diuersement, l'esté ils alloient vestuz de pourpre, & l'hiver diuersement & selon leur fantasie. La multitude portoit double habit, leur allant iusqu'à demy-cuisse, & en teste vne grande entortillure de voile, ou de linge, qui sont les Turbans d'auourd'huy. Leurs liets, menage, & vases à boire estoient enrichis d'or, & consultoient de leurs affaires à ieun, mais d'en donner sentence, n'y auoit ordre qu'apres auoir bien haucé le gobelet, estimans les affaires mieux traitez quand & l'estomach, & le cerueau sont vn peu eschaufez de vin, que lors que le ieune les tient languissans, & sans force. Ceux qui sont de cognoissance ensemble, & esgaux en fortune, aage, & grandeur fils se rencontroient, se caressoient & saluoient d'vn baizer à la bouche: les inferieurs vn peu plus qu'eux ils baisoient à la ioue: mais ceux qui estoient de basse condition passans deuant les grands leur faisoient vne bien grande & humble reuerence. Les corps des trespassez estans oints de Cire, ils les enterroient, sauf ceux de leurs sages, ou Mages, lesquelles ils laissoient sans sepulture, pour estre deuorez des chiens. Ils auoient vne sale & vilaine coustume des toute ancienneté que les fils se mesloient avec leurs propres meres: & ce furent les principales façons de faire, mœurs & ceremonies des anciens habitans de Perse. Iasoit qu'Herodote en y aiouste d'autres, qui ne sont guere à propos, & ne meritent le racompter, comme d'estimer vn grand forfait de cracher deuant leur Roy, ou de rire: & qu'ils estimoiēt les Grecs detestables de ce qu'ils croyoient les dieux sortis des homes: detestoient, comme chose vilaine, d'estre endebté, mais sur tout de dire mensonge, qu'auant qu'enterrer les morts ils les faisoient trainer & deschirer aux chiens: & permettoient ce que toutes autres nations ont en horreur & abhominent, à sçauoir que les peres tombez en necessité fussent soulagez par la prostitution de leurs filles: mais nous auons dit que c'estoit aussi la coustume des Babylonniens. A present les Perses vaincuz par les Arabes surnommez iadis Sarrafins sont tous Mahometistes, & comme ce peuple fust le temps passé vaillant, & renommé maintenant il a perdu la gloire de ceste vaillance.

[Il est vray que le lustre de la monarchie luy est osté, & l'ornement de la sainte religion descheu de ceste race cause leur obscurcissement, si est-ce pourtant que le Perse n'est à présent si petit compaignon que son Empire ne soit grand en Orient, & qu'il ne tienne plusieurs grands & riches royaumes, tels que sont la Perse, Mede, la grand Armenie, vne partie de la Mesopotamie, les Parthes, Hircaniens, le Turquestā, Caramanie de-
 ferte, & le royaume de Tharse, qui est la Caramanie fertile, & le pais de Guzerath, qui est en Inde, & iadis apellé Gedrosie : commande en outre aux Georgiens, & partie des Albans, & passe son Empire en l'Arabie heureuse du costé du sein Persique, commandant sur l'isle d'Ormuz, & autres recommandées en la pescherie, tant riche des Perles les meilleures qui soient en tout l'orient. Et d'autant que par cy deuant, nous auons parlé quelque peu du changement de l'estat & race royale des Perses, il ne fera hors de propos, si nous en touchons encor vn peu sur ce qui s'est passé presque de nostre temps. Veu que ceux qui ont descrit l'histoire des Roys les plus puissans entre tous les Mahomeristes, ayans fait vn long discours de la race des successeurs de Mahometh en Perse, ils louent vn Roy Vsun-cassan comme grand, & fort illustre Prince, le fils duquel fut le dernier de son estoc, & ce à cause d'vn seigneur Persan qu'il auoit occis, lequel amenoit ne sçay quelle reformation sur la doctrine de Mahometh chassant de ses terres, & tourmentant ceux qui suiuoient son heresie : ce seigneur deffait sapelloit Harduel; & laissa vn fils fort bas d'aage, nommé Ismaël, qui depuis à porté le nom de Sophy, lequel endoctriné en la religieuse superstition de son pere par vn homme de sainte vie, & disciple du deffunct Harduel duquel le nom estoit Techel, & depuis Caselbas, c'est à dire teste rouge, à cause que le bout de son Turban estoit de telle couleur, & qu'il enseignoit ses complices d'en porter vn semblable, afin d'estre separez par ce signe de la troupe & frequentation des autres qu'il estimoit heretiques. Ismaël (di-ie) abreuué de ceste doctrine, & desireux de venger la mort de son pere, voyant que les Princes & grands seigneurs tant de Perse que d'Armenie embrassoient la secte de son feu pere, se rendit aussi prescheur d'icelle; mais comment les armes au poing aioustant la force à la parole. Or luy fauorisoit fort la prediçtion de son pere, qui auoit predit qu'Ismaël seroit vn grand docteur, & celuy qui esgallant Mahometh en sainteté, estendrait bien loing les limites de l'Empire de Perse : car ceste opinion, avec la sagesse, bonne vie, grand sçauoir en la loy, courtoisie, & vaillance qui reluisoient en ce ieune Prince, furent cause que presque toute l'Armenie fut par luy subiuguée, & la grand cité de Tauris prise, non sans vn merueilleux estonnement du fils d'Vsun-cassan qui sembloit desia sentir sa ruine. Ce qui aduint enuiron l'an de nostre seigneur. 1499. Sophy commença à regner l'an 1499 ne tardant guere long tēps apres que le Mahometh de l'Europe, Luther & ses cōplices ne brouillassent malheureusement les cartes en la Chrestienté. Or le changement adueni en Perse ne sortist pas tant des forces d'Ismaël surnomé Sophy, que de la dissēsiō des Princes roxaux, Aluāt fils de Iacup, & neveu d'Vsun-Cassan, & Amarathean, son frere, car l'aîné Iacup, ayant chassé son puisné, & fait mourir plusieurs des grands qui luy auoient do-

Estendue de l'Empire des Perses à present.

Vsun-Cassan roy de Perse.

Harduel pere du Sophy occis à cause de nouveauté de religion.

Techel Caselbas.

Institution du Turban rouge en Perse.

Ismaël plante sa loy, les armes au poing.

Tauris cité prise par le Sophy.

Sophy commença à regner l'an 1499

Discorde des Princes donna entrée au Sophy au royaume.

LIVRE SECOND

*Cause du différent
des Persans, d'a-
vec les Turcs.*

né main forte, les Persans, & Armeniens prindrent leur Roy en haine, tellement que le Sophy les trouuant ainsi disposez se facilita la voye à l'empire des Perses: auquel estant parueniu, il à seruy de grand empeschement aux Roys Turcs en leurs conquestes leurs faisans la guerre sans cesse, sur le différent de leur religion, & principalement sur le choix des docteurs qui ont interpreté l'Alfurcam, le Turc suyuant les vns que le Sophy estime & tient pour heretiques: C'est ce Sophy qui tient teste au Tartare, qui a souuent vaincu le Turc, sollicité les Chrestiens de paix, alliance, & amitié non de desir de bien-faire à nostre religion, ains pour se renforcer contre ses ennemys de la maison des Ottomans: & qui armé brauement, fort en caualerie, suiuy de gens vaillans, s'il auoit les moiens de l'Artillerie qu'à le Turc, il ne luy seroit de trop grande difficulté d'abattre la gloire & forces de l'Empereur de Constantinople. Ervoila quant à l'estat present des Perses, viuants en l'erreur & superstitiō de Mahometh, ainsi que fait presque le reste de l'orient.]

Des Indes & prodigieuses manieres de viure, & ceremonies des Indiens. Chap. 8.

*Les Indes les plus
grand de toutes les
terres du monde.
Pompon. Mele. l.
3. Strabon. 15.*



*Ptolomé l. 7. c. 1
Table. 10. d'Asie.
Plin en parle as-
sez. liu. 6. c. 17. Et
Solin. c. 55. du-
quel cestuy à tiré
la plus part de son
discours. Herodo-
te. liur. 3. & 7.*

*La mesme peut on
dire des Ethiopiens
en Afrique.
Royaume de Bē-
gala au Goulphe
Gangetique.*

*Double moisson
aux Indes.*

LINDIE région orientale, est celle qui sert de fin, & terme à l'Asie, & de si grande estendue qu'on la tiét pour la troisième partie, & la plus longue de toute la terre, tellement que Pōponie Mele affirme qu'elle contient telle contenue de mer en son contour qu'à peine le scauroit on nauiguer en 60. iours, quel que vent à propos qu'eussent ceux qui feroient le voyage: Et s'estend ceste grande région vers soleil leuant à la mer orientale nommée à present du Cathai, au couchant le fleuve Inde duquel elle prend son nom luy sert de borne, & au midy est la mer, & goulphe indique vers le royaume de Cambaie, & le mont Taurus qui luy sert de limites vers le septentrion. Ceste Prouince comme elle est grande, aussi contient elle vne estrange diuersité de peuples, & de nations, & si bien garnie de citez, & villes qu'aucuns ont estimé qu'il y a de cinq à six mille citez, ou villes assez belles, & riches, ce qui n'est pas de grand merueille si ce pais est si abondant soit en peuples, ou habitations, veu que les seuls Indiens sont ceux en Asie, qui iamais ne sortirent de leur terre pour aller se tenir en autre lieu. Les fleuves, & riuieres plus memorables des Indes sont l'Inde, le Gangé & Hipanis, mais le Gangé surpasse tous les autres, & en grandeur, & cours, & embouchure dans la mer vers le royaume à present dit de Bengala iadis Baracure. Ceste terre estant inspirée des doux soufflemens du vent Fauonie, que nous apellons vent Leuantin, & autres suyuant le Grec l'apellent Zephir, les autres Soledre, à cause qu'il suit le soleil à son Leuer: & pour ceste cause les Indiens, ont double moisson en l'année, & pour les rigueurs de l'hiuer, ils sentent la vehemence des vents

Ethiopes. Ils ont faure de vin, quoy qu'en certains endroits on tiénne qu'il y en croist comme au terroir Muscane, autrement Suficane, auoisiinant les fins & iurisdiction des Indiscythes, ou Tartares proches des Indes, & habitans entre les fleuues Hipanis, lequel iamais Alexandre le grand n'osa passer, & le Gangé, & Inde. Ce pays porte du bon & naturel Narde, car nostre Aspic, ne merite de porter ce tiltre, & moins la Lauande, quoy que leur odeur soit fort agreable: mais le Narde ne croist point par toutes les Indes, ains seulement vers les parties plus meridionales: il y croist encor de la Canelle, du poiure, & roseaux aromatiques, tout ainsi qu'en l'Arabie heureuse, & en Ethiopie. C'est des Indes que on aporte l'Ebene que plusieurs ont estimé croistre là tant seulement, quoy que de nostre temps on en a trouué es terres descouuertes en l'ocean occidental, si ce n'est que on vueille tenir que ce pays ceint par la mer pacifique soit vn eschâtillon des Indes: voire que souz le nom d'Inde, on prend toute la coste d'Ethiopie, ou encor se trouue de l'Ebene. Les Papegaux & Perroquez abondent es Indes, & comme aucuns estiment on y trouue des Licornes, [iaçoit qu'aucuns, voulans ressembler plus subtilz que les autres, nient sans auoir autre experience que leur fantasie, qu'il y ayt des Licornes, comme si la nature estoit impuissante à créer ceste beste, laquelle produit ordinairement de choses si merueilleuses en diuers lieux, lesquelles sont autât à admirer que les Licornes que Louys de Barthelemy, ou Varthoman se vante auoir veu estant en Arabie.] Ceste region Indienne est encor fertile en pierrerie tresfine & precieuse, siccome sont Balais, esmerauldes, diamants, rubis, lichnites, gemmes, lapis, & perles de grand & inestimable pris. Ils y ont deux estés, l'air subtil & leger, le ciel serain & attempé, la terre tresfertile, & de bonnes eaux en abondance: Qui est cause que plusieurs d'entre eux, tels que sont ceux de la prouince Muscane, viennent iusqu'à l'an cent trentiesme de leur vie: là où les Seres, pays où croist la foye, sont de plus longue vie. Tous les Indiens souloyent porter la perruque longue, laquelle ilz se paignoient de quelque couleur ou asurée, ou iaunastre, l'estimans estre plus beaux & magnifiques, en ceste sorte, & tousiours chargez de pierrerie: mais fort differents en habits, d'autant que les vns se paroyét de voiles fort subtilz de toile fine, les autres se vestoyent de laine: partie alloient tous nuds, les autres couurans seulement leur hontes, d'autres se chargeoyent de franges voletantes au moindre soufflé de vent qui eust sceu aduenir. Pour le plus commun ils estoient & sont noirs, estans conceus tels au ventre de leur mere, r'aportas la figure de ceux qui les auoyét engendrez suiuant la disposition de la semence: laquelle est noire, tout ainsi que aux Ethiopiens: mais les Indiens sont de belle & grande stature, bien formez, forts, puissans & robustes. Aussi sont ils fort sobres, & sur tout lors qu'ils vont en guerre, & ne se plaisent guere à conduire grandes troupes, comme non necessaires: ioyeux (comme i'ay dit) se voyans bié & gentiment parez: s'abstenans de larcin sur toute chose, & auoyent des loix non escriptes, car ils n'auoyent aucun vsage de lettres, ains ils aprenoyent par cœur les vns des autres, si que pour ceste simplicité de vie, ils estoient heureux en tout affaire. Ils ne beuuoyent du vin, si ce n'estoit lors, que ilz

*Muscane ville
pres la riuier In-
de: voy Strabon.
15.*

*Du Narde voy
Dioscoride.
Plin li. 12. ch. 12
Ruellie. li. 2. ch.
6. & 7.
Ebene boys tout
noir seul trouué en
Indes Virg. 2.
Georg.
Plin. li. 12. ch. 4.*

*Licornes aux In-
des.*

*Voy Louys Var-
thoman de ses na-
uigations. li. 1. ch
19 ou il en fait la
description. Et
Marc Paul Ve-
nitien. li. 3. ch. 15.
Seres peuples sont
en la regió de Cā-
balu cité royale
du grand Cam de
Tartarie.*

*Diuers habits des
Indiens.*

*Herodote liur. 3.
tient que la noir-
ceur est aux In-
diens causée nō de
la chaleur, ains de
la semence, contre
cecy dispute Ari-
stote de la nat. des
animaux. li. 2. c.
2. Celie Rhodig.
li. 16. ch. 15.
Indiens iadis sans
aucunes lettres.*

LIVRE SECOND

Ris en usage entre les Indiens.

La loy est établie à cause de la faute & transgression.

Terrible façon de se gratter en Inde.

Mariages des Indiens.

Loix des Indiens.

Les Roys servus par des femmes.

Loy contre les Rois prenans trop de vin.

faisoyēt sacrifices, ains estoit composé leur breuvage d'orge, & de riz, duquel aussi ils faisoyent des potages. Or ce qui monstre quelle & combien grande fut leur simplicité en cōtractant, c'est qu'ils ne plaidoyēt point ensemble, entāt qu'il n'y a loy quelconque qui face mētion d'aucun depost, ou garde d'aucune chose, & n'ōt affaire de tesmoins, ny de cedulles, seaux ou escritures, croyans vn chacun son prochain à sa simple parolle: qu'ilz laissoyēt encor leurs maisons seules, & sans nulle garde, lesquels sont tous signes d'une grande bonté & innocence de ce peuple. D'auantage on ne trouuēra pas bon de ce qu'ils viuoyent tous seuls, & qu'il n'y auoit point d'heure déterminée, en laquelle on mangeast pour le plus souuent: mais que chacun prenoit son repas ainsi qu'il est conduit par son appetit & fantasie: veu que tout cela est propre pour la société, & prouffit de la police ciuile d'un pays. Ils tenoyent grand compte de se faire frotter le corps pour exercice, & mesmement auec des estrilles, tout ainsi qu'on en use à l'endroit des cheuaux: & se polissoyent en outre le corps auec de l'Ebene. Les Indiens estoient peu somptueux, & fort chiches à dresser tombeaux, & sepulchres pour les trespassez, tout ainsi que au contraire ilz se monstroyent superfluz à se vestir & parer: car ils portoyent force or sur eux, & se paroyent grandement de pierrerie, ayans pour ornement vn linge tressubtil, & delié, & portans tousiours dequoy se couvrir la face pour peur du hasle: car ils ne faisoyent riē, que pour maintenir leur beauté & pour embellir leur visage. La verité entre eux estoit reputée pour grande vertu, & ne tenoyent aucun compte des vieillards, fils n'estoyent excellents en sagesse, & prudence. La pluralité des femmes leur estoit permise, que ils acheptoyent, donnans aux parents d'icelle vne paire de Bœufz pour piece, en choisissans les vnes pour leur seruice, les autres pour auoir des enfans, & les autres pour leur plaisir & passetemps: & lesquelles fils ne contraignoient de viure chastement, il leur estoit permis de pailarder à leur aise. Nul Indien sacrifioit, encensoit, ou offroit à l'autel estant couronné, comme ainsi soit que plusieurs autres nations en ce faisant eussent des couronnes, & chapeaux de fleurs sur la teste: ilz ne massacroient, ny esgorgeoient les bestes du sacrifice, ains les estouffoyēt en leur sang, afin de ne rien offrir à Dieu, qui fut imparfait en chose quelconque. Celuy qui portoit faux tesmoignage, auoit le bout des doigtz coupez par ordonnance: & qui auoit mutilé quelcun d'aucun membre, non seulement souffroit-il pareille peine, ains perdoit encor la main qui auoit fait la faute. Mais quiconque creuoit l'œil, ou coupoit la main à vn artisan, c'estoit sans aucū respit qu'il perdoit la teste. C'estoit aux fēmes, & icelles esclauēs à garder & seruir le roy, où ce pendant les hommes n'entrans point dans le palais: le camp, & armée se tenoit dehors les villes, souz les tentes & pauillons. Si vne femme tuoit le roy, le voyant chargé de vin & enyuré, elle estoit recompensée du mariage de son successeur: or les enfans succedoyent legitiment au pere. Il n'estoit permis au Roy de dormir sur iour, & durant la nuit, il changeoit à toute heure de giste craignant les embusches, & surprises. Lors qu'il n'estoit point en guerre, il sortoit souuent hors sa maison, mesmement afin d'ouyr les par-

ties & leur faire iustice : & si durant ce temps que il se fait estriller , il luy fault ouyr quelcun , il ne laisse d'entendre aux parties , & leur respondre , & ce pendant il a trois frotteurs qui l'estrillent en Roy , & à bon esciët. Il sortoit encor pour aller sacrifier , & pour la chasse , où vne grand troupe de soldats couroyent apres la proye : tout ainsi que ceux que les Poëtes faignent ceux qui iadis celebroyent les Baccanales , estant le lieu où le Roy se deduit à tel passetemps , cloz , & enceint de cordages , & les gardes de son corps se tenans dehors cest enceint , & si ce pendant quelcun entroit dans les tentes royales , pour se iouer à quelqu'une des Dames de sa suite , & seruice , il en estoit quitte pour le pris de sa vie.

Le Roy allant , & marchant en pays , il y auoit des clochettes & tabours qui le precedoyent : & si entroit dans quelque parc cloz pour y chasser , il auoit tousiours aupres de sa personne trois ou quatre femmes armées : mais si couroit en plaine campagne , & lieux non cloz , il estoit monté sur vn Elephant , d'où auant il desbandoit son arc sur la proye qui luy passoit deuant , & autour de luy forcée femmes , les vnes sur des chariots , d'autres sur des Elephans , ou des cheuaux , tout ainsi que elles s'apareilloient pour la guerre , estans adextres & bien exercées à toute sorte d'armes , estans en cela bien fort differentes , à celles & de nostre siecle , & de nostre Europe.

Les historiens encore tiennent , que les Indiens adoroyent Iupiter le pluuiex , & le Gangé leur riuier & les Genies , & ceux qu'on appelle dieux , familiers de chacune terre. Et lors que les roys faisoient lauer leurs cheueux , chacun solennisoit le iour comme vne grand feste , & se faisoient de grands & riches presens les vns aux autres , faisans par ce moyen parade de leurs grandes richesses. Ce peuple fut iadis diuisé en sept ordres , & estats , les premiers entre lesquels estoient les sages , ou philosophes , lesquels moindres en nombre que les autres , estoient neantmoins par les roys , les plus honorez , & surhauez plus que tous en autorité. Ceux-cy estoient francs de tout labeur , & ne seruoient à personne , voire ny ne commandoyent à aucun , seulement receuoient de chacun particulierement ce qui seruoit pour les sacrifices des Dieux , & auoyent le soing des trespasses , comme estans estimez les aymez & cheries des Dieux , & qui scauoient les choses qui se faisoient aux enfers : & en outre on leur faisoit de grands presens & estoient honorez de tout le monde : à cause que ilz les tenoyent comme fort prouffitables à la vie & conseruation des Indiens.

D'autant que ces sages leur predisoient dès le commencement de l'année , les seicheresses , ventz , pluyes , maladies , & autres telles choses qui leur deuoyent aduenir durant l'an suyuant , & la cognoissance desquelles leur estoit prouffitable : car aduertis du futur , & le roy , & le peuple euitoyent , & se donnoient de garde du malheur , & pouruoyoiēt à ce qui estoit de succez bon & desirable. Mais quiconque de ces faiseurs d'Almanachs , ou presageurs , predisoit quelque cas faux , il n'encouroit autre punition ny peine , sinon qu'il luy estoit enioint de tenir perpetuel silence.

Le second ranc , & estat fust des laboureurs , lesquels surmontant tout le reste en nombre estoient exēpts de guerre , & de tout subside , fors que le

En quelle sorte le Roy vuidoit les differens.

Chasse des Roys d'Inde.

Ouy bien si ces femmes guerrieres furent iamais en estre.

De ce Iupiter le pluuiex ou arronsant. voy Pausanias , & Phormiste & Tertullian. li. 3. contre Marcion.

Ordres & estatz entre les Indiens. Strabon 15. duquel ce qui s'en suit est pris.

Philosophes Indiens prognostiqueurs.

Second estat des Indiens.

Assurance & repos du laboureur entre les Indiens, bien diuerfes à cel les des nostres.

Tiers ordre estoient les pasteurs en general.

Demeure & vie des pasteurs Indiens.

Quatriesme ranc estoient les artisans.

Artisans exceptz de tailles.

Soldats nourris & leurs cheuaux aux despens du Roy.

Ephores & magistrats des Indiens à quoy establis.

Quelz hommes estoient appelez au conseil des roys, & au iugement des causes.

Les estats immuables entre les Indiens.

Charité des Indiens vers les estrangers.

tribut royal, commis seulement à cultiuer les terres, en quoy ilz auoyent à employer, & leur tēps, & leur diligēce. A ceux-cy quelque guerre qui suruint, iamais l'ēnemy ne faisoit iniure, ne le pilloit, despouilloit, ou deualloit de ses biēs, ains les estimāt nés pour le bien & vtilité de tout le mōde, tous sabstenoyent de leur nuire & de les endommager : Ainsī le paissant deliuré de tout soucy, & labourant la terre en liberrē, cauſoit vne grande abondance de toutes choses à tout le pays : & viuoit ce genre d'hommes aux champs avec leurs femmes & enfans, ne se ſoucians d'habiter aux villes, payans au roy son tribut (car tout le pays est ſuiet aux roys) comme n'estant permis à aucun particulier, de poſſeder vn pouce de terre, ſans en recognoiſtre le roy de la cinqui. partie des fruitz qu'ils en perceuoient. Le tiers ordre estoit de toute eſpece de pasteurs, leſquels ne demouroyēt ny aux villes, ny bourgades, ou villages, ains aux champs en des tentes, viuans de la chaſſe, & dreſſans des pieges aux beſtes & oiſeaux : & ainſi par leur moyen ils aſſeuroient les ſemences des beſtes & des oiſeaux, & rēdoient le pays Indien avec ceſt exercice cultiué, & non deſert : lequel formillōne en beſtes & oiſeaux, endommageans les fruits & ſemences. Les artisans tiennent le quatriesme ranc, les vns deſquels ſont les harnois, & instruments de guerre, les autres les outils du labourage, & autres tous instruments prouffitables, & pour l'vſage. Ceux-cy n'estoyent pas ſeulement exemptz de tribut & ſubſides, ains encor on leur diſtribuoit penſion de grain du reuenu & greniers du roy. Au cinquiēme ordre estoient poſez les ſoldatz, quoy que en nombre ilz fuſſent le ſecond, qui ſ'adextroyēt ordinairement au fait de la guerre, & quelque grand nombre qu'ilz fuſſent tous enſemble leurs cheuaux & Elephās bons pour la guerre estoient nourris aux despens du Prince. Le ſixiesme ranc estoit celuy des Ephores & Magistratz, leſquels prenans garde ſur tout ce qui ſe paſſoit aux Indes en donnoient l'aduertiſſement au roy, pour y pouruoir & remedier. Le ſeptiesme & dernier estat contenoit ceux qui preſidoient aux affaires & conſeils publiques, qui estoient en fort petit nombre, mais ſegnalez en nobleſſe, & grand prudence. D'autant que c'estoit de ce nombre que on choiſiſſoit les conſeillers des roys, & ceux qui auoyent le maniment des grands affaires, & qui iugeoyent de tous differents, & controuerſes, voire d'être ceux cy eſliſoit-on les Capitaines, & Princes des Prouinces. Et voila comme la police des Indiens estoit diſtribuée, tellement qu'il n'estoit permis à vn homme d'un estat d'eſpouſer femme d'autre qualité que de la vacation de laquelle il ſe meſloit, ny ne pouuoit changer d'estat, & office : n'estant loiſible au gendarme de cultiuer les champs, ny au laboureur de ſe meſler de la Philoſophie. Encor y auoit-il des Princes, & ſeigneurs deputez pour empeschier qu'on ne ſeit aucun tort aux eſtrangers abondās en leur pays : tellement que quand quelcun d'iceux tomboit malade, on faiſoit venir des medecins pour le ſolliciter & ſil mouroit, ils le faiſoient enterrer, rendans ſon argent ou marchandie à ceux qui ſe diſoient eſtre leurs plus proches parens. Les Iuges en chacun lieu auoyent cognoiſſance des cauſes, & la puiſſance de punir les criminelz, & atteints de quelque forfait. Il n'y auoit aucun ſerf, ny eſclau de leur nation, voire y estoit la loy,

la loy, deffendant toute seruitude : d'autant que tous d'un droit, & avantage commun estoient francz, n'estans accoustumez à se preferer aux autres, ny à faire tort à personne, comme ceux qui auoyent dressé & préparé leur vie si bien qu'elle estoit pour s'opposer à tous les assaults de fortune. Disoyent en outre, que c'estoit vne grande folie q̄ les loix fussent esgales pour l'observation à tous les hommes, & que la fortune & condition leur fussent dissemblables. Mais d'autant q̄ les Indiens sont diuers en peuple, en langue & forme de vie, à cause de la grand estendue du pays, tous aussi ne sont pas si bié instruits, q̄ dit est cy dessus ains sont plus Barbares. Ceux qui auoisiñet l'oriēt en partie, s'adonnent à la nourriture des bestes, & d'autres n'y prennēt point plaisir. Les vns demeurent dās des paluz : & pres des riuieres & viuēt de poisson crud, qu'ils prennēt estans dedās des Canoes & barquerolles, faites de roseaux, & chacun vaisseau est fait d'une Canne creusée, & ces Indiens se vestēt de nattes de ces ions qui croissent es riuieres, & estangs, lesquels ayans mis en œuvre, & les ployant ilz s'en acoustroyent comme d'un haubergeon. Voisins de ceux-cy vers le soleil leuant, estāt les pasteurs viuans de chair crue, lesquels s'appelloyent Pades, desquelles on dit que telles furent les manieres de viure. Quand quelcun de leurs citoyēs homme ou femme estoit malade, ceux qui leur touchoyent de plus pres, soit par sang, ou familiarité, ne failloyēt de le tuer, disans que luy languissant, causeroit la corruption de leur chair par sa maladie : & auoit le patiēt beau dire qu'il se trouuoit bié, que nonobstant ils le depeſchoyēt & en faisoient de bons repas. Les femmes parentes, & amyes de la malade, vsent de pareil deuoir & gracieuseré à leurs cōpaignes, que les hommes à leurs amys : & de semblable massacre estoyēt estrenez les vieillards, afin qu'ils ne languissent, & que les ieunes en prinsſent curée, qui estoit cause, que tuās ainsi les malades, il y en auoit peu qui paruinſſent guere iamais à grande vieillesse. En d'autres endroits, ilz auoyent vne coustume toute contraire aux sus-nommez, lesquels ne faisoient mourir, ny homme, ny beste quelconque, voire ne semans point, & ne bastissans, ou se tenans en aucune maison, viuans seulement d'herbes : & comme ilz eussent d'une certaine semence semblable au millet, naissant de son bon gré, & sans aucune leur industrie, ilz la cueilloyēt, & la cuisans, s'en aidoyēt pour leur viure. Et dès que quelcun d'etr'eux romboit malade, il se retiroit aux desertz, là où gifant, ou y mourant, n'auoit soucy, ny de le penser, ny de sa sepulture : Et de tous ces Indiens cy recitez & ainsi estranges, la coustume estoit de s'accoupler avec leurs femelles publiquement, & sans respect de personne, ainsi qu'en vsent les bestes.

Les Indiens auoyēt des Philosophes, nommez Gymnosophistes, lesquels se tenoyent ez lieux plus lointains, esgarez, & boscageux de celle regio, & lesquels alloient tous nuds (ainsi que le nom Grec le signifie) lesquels vagans par les aspres desertz, & profondes solitudes disputoyent, & s'arraiſonnoyent des causes de la nature, estans & demourans du matin iusqu'à soleil couchant à regarder ententiement le soleil, sans remuer la veuē de dessus, quelque ardent & chault qu'il fust, contemplans & considerās ne ſcay quels secrets dans ceste Sphere ardente. Ces hommes estoyēt si patiēs,

Semblable est aussi la loy en France.

Sentence sage, & louable des Indiens

Barquerolles des Indiens, faites des canes & roseaux.

Mœurs des Pades des Indiens, vers le Leuant.

Indiens Anthropophages, vers la mer de Sur, & pays de Malacca.

Indiens estrange-mēt superstitieux.

Gymnosophistes philosophes Indiens. voyez Philostrat. de la vie d'Apollon. li. 6. ch. 4. 5. & 6. Celi Rhodig. li. 13. ch. 25.

S. Augustin cité de Dieu li. 13. ch. 17. Et li. 15. ch. 20.

LIVRE SECOND.

*Encor à present
en tout le pays In-
dien les Prestres
sont apellez Bra-
mines.*

*Brachmanes au
royaume de Nar-
singue, iadis des
Seres Nomades.*

*De ces Philoso-
phes. voyez Phi-
lostrat. vie d'A-
pollonie li. 3. c. 4.
Celle Rhodig. li.
18 ch. 31.*

*La nation des
Brachmanes fut
fort affligée par
Alexandre le
grand. Diod. Sic.
liur. 17. des gestes
d'Alexand.*

*Conuoitise, et vo-
lupté apourrist
ceux qui la suy-
uent.*

*Le corps doit ob-
beyr aux conseilz
de l'ame.*

*Brachmanes a-
noient les Grot-
tesques pour logis,
et demeure.*

qu'ilz souffroyent de se tenir les piedz nudz, tout le long du iour, dans le sable ardent sans bouger en sorte quelcôque, & sans sentir douleur, souffrans & endurans constamment de viure sans aucun logis, tente, maison, ny Grottésque, les rigueurs des glaces & neiges en huiuer, & les chaleurs vehementes de l'esté. Et entre ces sages estoient encor les Brachmanes, qui est vne nation assez puissante, [& qui se tient encor à present souz la puissance du grand & riche Roy de Narsingue, duquel cy apres nous dirons quelque chose, pour mieux éclaircir les matieres] & viuent ces hommes, ainsi que leur Roy Didyme escriuist au grand Alexandre, purement, & avec grand simplicité, sans que aucune mollesse, delicatesse, ny chatouillement de la chair les esmeue en sorte quelconque. Et n'apetoient rien plus que la raison & contentement naturel ne souhaitoit point, & ainsi facilement ilz se fournissoient de viures, non telz que de ceux qui pour rassasier leur effrené desir, tourmentent par leur recherche, presque tous les elements, mais ceux simplement que la terre sans estre violée ny tourmentée, avec le fer produit de son gré, & plus que volontairement, fournissant & chargeant leur table de viandes non nuisibles. C'est pourquoy ces hommes ne scauoient discourir de guere de genre de maladies, comme ceux qui viuoient d'une longue entiere & durable santé, & l'un ne demandant secours à l'autre, à cause que tous viuoient ensemble. L'enuie n'auoit point lieu aussi entre ceux qui estoient esgaux en toute chose, & où aucun n'estoit plus grand que l'autre, veu que l'egalité de la pauureté causoit les richesses de tous en commun.

Ilz n'vsoient point de iugemens d'autant qu'ilz ne faisoient rien qui fust à reprendre, ny chastier : & par consequent n'vsoient d'aucune loy, manquans les crimes entre eux, qui sont cause que la loy est estable : L'ordonnance generale de tout ce peuple, c'est de ne rien faire contre l'equité & iustice naturelle. Celle nation qui vit de son labeur, n'exerce point d'auarice, ny est ancantie par vne vilaine oisiveté. Elle ne souffre que son corps soit dompté par le plaisir, ny amatti par mollesse, & paillardise, ayant iouissance de tout ce mesme : que elle ne desiroit point. Entant que la conuoitise est vne peste dangereuse, & tresfarouche, laquelle apourrist ceux que elle accompagne, ne trouuant fin de pourchasser ce que elle cherche, ains de tant plus elle est enrichie elle va mendiant, & desire avec plus de vehemence. Tout cecy disoit l'Epistre du Roy Brachmane, au grand Alexandre, luy proposant en outre, que ce peuple se chaufait au soleil, estoit laué, & humecté de la rouée du Ciel, rassasioit sa soif es ruisseaux, & fontaines, & auoit la terre pour liét, & giste, sans que le soucy luy rompiست aucunement le sommeil, & que les pensées diuerfes luy donnassent aucune fascherie en son esprit. Aussi en telz hommes si simples l'orgueil n'exerçoit point son arrogante tyrannie, & ne peut esclauer tant soit peu vn de toute la troupe, si ce n'est en ce qui touche le corps, lequel il doit deuoir estre assuietty aux sages conseilz de l'ame.

Ce peuple ne fait brusler les pierres pour faire la chaux, à bastir ses maisons, ny ne faisoit le cymét plus fort en y adioustât du sable, plustost luy seruoit de retraite quelque fosse profonde, ou la concavité spacieuse de

quelque montaigne cauerneuse : sans qu'il craignist ny le bruit effroyable des vents, ny les furieux tourbillons, de quelque grande & orageuse tempeste. Et estimoit ceste maison Grottesque, beaucoup plus seure & prouffitable que celle qui est bien dressée & couverte pour se deffendre de la pluye:ioint que elle luy seruoit à double vsage, & de retraite tandis que il viuoit, & de tombeau & sepulture apres sa mort.

La richesse & rareté precieuse des habillements, n'estoit requise parmy ceux qui se contentoyent de l'escorce des arbres, pour en couvrir seulement leurs parties honteuses. Au reste entre eux ne se parent, ou atifent les femmes pour complaire, voire ne sçauent vsr d'autre art & industrie pour accroistre leur beauté, que ce que elles ont de la nature : aussi la paillardise, ou desir effrené ne les induisoit à s'accoupler, ains seulement le desir d'auoir lignée. Ilz ne faisoient la guerre à personne, ains établissoient la paix, non par force d'armes, ains plustost avec la sainteté de leur vie, & honesteté de mœurs. Les peres ne se soucioient de poursuivre les obseques & funerailles de leurs enfans, & ne bastissoit-on entre eux des tombeaux superbes, & faits à l'esgal des temples, ny ne mettoyent les cendres des corps bruslez dans des cruches & vases enrichis, dorez, & emperlez, estimantz que ces clostures seruoient plustost de supplice, que d'honneur aux trespassez. Les Brachmanes (comme dit est) ne sçauoyent que c'estoit de maladie, ou pestilence, à cause que ils n'offençoient point, ny ne souilloient l'air avec la meschanceté de leur vie : ains tenoit, & auoit tousiours la nature entre eux, paix, & amitié desirable avec le temps, & les elementz n'alteroyent en sorte aucune le succez des saisons, ny leur naturel. Leur medecine c'estoit la sobriété, & honeste espargne laquelle ne peut seulement guerir les maladies qui nous assaillent, ains encor empescher celles qui peuuent suruenir.

Ils ne desiroyent aucuns ieux, ny spectacles pour leur passetemps ains le theatre où ils repaissoient & les yeux, & leur esprit c'estoyent les memoires des gestes & vie des humains, la vanité desquelz ilz plouroient, & plaignoyent, iacoit qu'elle fut digne de risée, & moquerie. Ilz ne prenoient aucun plaisir aux fables & comptes des vieilles (ainsi que font plusieurs) ains toute leur vacation & contentement consistoit en la contéplation de la merueilleuse & excellente disposition de ce beau ouurage de l'vniuers, & causes secretes, & admirables de la nature, & ne se soucioient de filonner les ondes de l'Ocean pour le trafic, & marchandise.

Leur eloquence estoit sans fard, ny ornement, & laquelle leur donnoit ce seul enseignement de ne point métrir, sans qu'il leur faille suiure ny l'escole pour y apredre ceste doctrine, ny vn palais pour s'y adextre à la pratique, veu que ces escoles, & palais ne nous aprenent rien qui soit stable ou certain, mais plustost nous proposent mille incertitudes & sciences discordantes & repugnantes ensemble. Ceste troupe d'hommes est diuisée en deux sectes, les vns asseans le bien souuerain en l'honesteté, & les autres en donnans l'auantage à la volupté, & plaisir soit du corps, ou de l'esprit. En seruant Dieu ilz ne sacrifioient ou tuoyent aucune beste, ayans opinion que Dieu ne se plaisoit point du seruice de ceux qui estoient

Paix bien fondée.

Opiniō des Brachmanes touchāt la magnificence des tombeaux.

La bōne vie cause le deffaut de l'infectiō de l'air.

Brachmanes entēti à louer la nature.

LIVRE SECOND

*Religion pure des
Brachmanes, si la
cognoissance de
Iesus christ les enst
abreuuez comme
elle a depuis.*

*Ceste custume se
observe encor en
plusieurs lieux des
Indes, Et orienta-
les & occidenta-
les.*

*Cruelle faço d'esti-
re les enfans.*

*Estrange faço de
choisir femme.*

*Solin ch. 55. Cy-
nocephales en In-
de.*

*De tels en décrit
Herodot. li. 3. e-
stre en Afrique.
Folle persuasion
que les homes vi-
uent du seul odo-
rat.*

*Formes monstruen-
ses & faulces d'hö-
mes Indiens.*

souillez de l'effusion du sang d'autrui : que plustost le sacrifice non sanglant luy estoit agreable, s'apaisant sur l'oraison & humble requeste de ceux qui le prient, ayant la parolle seule qui est commune entre luy, les hommes, & se delectant en ce qui luy est semblable, à sçauoir en la priere & seruice qui est fait en esprit seulement. Voila quant aux Brachmanes. En Inde sont encor les Cathéens, desquels chacun espouse plusieurs femmes, & quelcun d'iceux mourant, ses espouses comparoissent deuant le Iuge, discourans au long chacune de ses seruices, & du merite, & recompence qu'elles en doiuent auoir, comme celle qui aura esté la plus chere, & mieux aymée du deffunct, & qui se sera monstrée la plus seruiable. Et le iuge ayant iugé pour celle qui aura le mieux deffendu, & deduit ses raisons, elle se parant le plus gentiment & pompeusement, qu'il luy estoit possible, toute ioyeuse, & de face riante comme victorieuse mótoit sur le bucher où estoit le corps de son mary, lequel baisant, & embrassant, & sans effroy quelconque du feu, en tesmoignage de sa pudicité se laissoit bruller toute viue avec le corps mort de son espoux : là où les autres demouroient à iamais honnies, & deshonorées. Les enfans n'y estoient point esleuez & nourris à la discretion & volonté de leurs parens, plustost selon les affections de ceux qui auoyent la charge du Magistrat pour ce faire. Ils regardoyent la habitude de leurs enfans, que filz voyoyent dès le commencement qu'ils deussent estre foibles & debiles, en quelque partie du corps que ce fust, ilz commandoyét qu'on les fait mourir. Les richesses ne causoyent leur mariage, mais plustost la beauté & bõne grace, & plus pour auoir des enfans, q pour r'assasier leur apetit & volupté. En certains lieux encore auoyét ilz ceste coustume q si quelcun n'auoit dequoy marier ses filles, que elles estäs sur la fleur de leur aage, les peres à son de trompe, & tabour, tout ainsi qu'on en vse à la guerre, les conduisoient au marché, & place publique, là où la fille estoit tenue si tost q quelcun l'aprochoit, de se descouurir tout le derriere iusqu'aux espauls, & le semblable faisoit elle du deuant, afin que l'ayans bien contemplée, celui qui la trouueroit à son gré, la prist pour femme & espouse. Ce qui f'enluit sont les songes de plusieurs, tant anciens que modernes histories, & Geographes, qui se sont laissez persuader, suyuant ce que vn ne sçay quel Megasthene allegué par Solin, dit, que en diuerfes montaignes des Indes, il y a des hommes qui ont la teste faite tout ainsi que celle d'un Chien, armez d'ongles tresacerez, & fortz, vestuz de cuyr, n'exprimantz aucune parolle ressentant la voix humaine, ains grinçans, abayoient, & iappoyent comme les chiens estans en colere. Disoit en outre que les Indiens se tenans le long du Gangé, n'ont aucun affaire de manger d'autant qu'ils viuent de la seule odeur des pommes sauuages, lesquels si vouloyét s'esloigner de leur terre, ilz portoyent tousiours de ce fruit, afin de ne faillir par faute de nourriture: que filz humoyent tant soit peu d'air corrompu, ou sentoyent quelque puanteur, soudain ne failloyent à s'esuanouyr, & mourir, & que on dit que de telz en furent amenez au camp du grand Alexandre. On lit q encor qu'il y a aux Indes des homes qui n'ont qu'un oeil: d'autres

qui ont les oreilles si longues & monstrueuses, qu'elles leur pendent iusqu'à terre, & sur lesquels ils se couchent: & si dures qu'avec leur durté ils en esbranlent & abattent les arbres. D'autres qui n'ont qu'un pied, & icy-luy, si grand & si large, que s'ils se veulent deffendre de l'ardeur du soleil, ils ne font que se coucher à la renverse, pour se faire ombre par tout le corps avec leur pied mesme. Et lit on en Clesie, qu'il y a des femmes qui n'enfantent qu'une fois en leur vie, & que soudain leurs enfans deuiennēt chenuz de vieillesse, y auoit derechef certaine nation, qui grisonne en ieunesse, & le poil luy noircist en vieillesse: laquelle leur est de plus longue durée qu'à nous, y a encor vne autre espece de femmes qui conçoient, & portent dès l'age de cinq ans, mais leur vie ne s'estend que iusqu'à lan huitiesme de leur age, d'autres qui n'ont point de teste, & ont les yeux aux espaules, & autres folies que ie laisse, qui ne meritent l'escrire.]

Sciopodes sombrageans du pied.

Tout cecy sont des resueries de Plin de son singe Solin.

A present sont les Cathaiens (fil est vray ce que Haiton Armenien en racompte) qui est vn país assis entre la Gedrosie, & le fleuve Inde, qui du peuple Cathaien porte le nom du Cathai. [Haiton n'en parle pas ainsi ny ne montre la region ou est le Cathai, qui est plus de 800. lieues loing de Gedrosie, à sçauoir en l'Inde la plus orientale, & auoïsinant la mer orientale: là où Gedrosie est sur le Goulphe indique.] Ceste nation est Scythique, mais du tout Tartare, & subiuguée par le Cam de Tartarie, ou il se tient ordinairement, & ou le changement des mœurs y est grand, qui considèrera ce que les anciens en ont dit (si iamais ils cogneurent celle terre) & cōme à present les habitans y viuent. Lesquels sont accorts, & de grand esprit, & tels qu'ils se vantent estre les seulz d'entre les hommes qui voient clerement des deux yeux, & la ou le reste des hommes, ou sont aueugles, ou n'y voyent qu'à moitié, & quoy qu'ils soiēt aiguz, & spirituelz, si est-ce que leur vantise & presumption surpasse l'effect de leur viuacité: entant qu'ils se pensent estre les plus excellens en la subtilité de tous arts, & sciences, & les mieux entenduz de tous les humains. Ils sont blancs de couleurs (& ainsi bien esloignez de l'Inde, & Gedrosie, & fort voisins du septentrion) ayans les yeux petits & naturellement sans barbe: ils vsent de caracteres latins en escriuant semblables en quadrature à la lettre Romaine (& par là on voit qu'ils sont sortis de nostre Europe, veu que iamais les Romains ne passerent en conquerant la Gedrosie) & sont diuers en religion ainsi que la superstition les conduit & incite: mais en somme ils n'ont aucun sentiment ny cognoissance de la vraye pieté & religion. Les vns adorans le soleil, les autres la Lune, d'autres des images de fonte, les aucuns honorent le Bœuf comme Dieu, & les autres diuerses, & monstrueuses figures tant l'impiété superstitieuse tient aueuglée ceste riche & puissante nation: Laquelle n'vse d'aucune loy escrite, & ne sçayt que vault la foy ny loyauté: & quoy qu'ès sciences, & arts mecaniques ce peuple soit fort excellent, si n'a il peu comprendre l'effort ny grandeur de religion quelconque. Ces gens sont fort craintifs, & sur tout ont peur de mourir, & neantmoins ils vont à la guerre, qu'ils demeinent plus avec ruses & subtilité que par vaillance, & gaillardise: vsans de l'arc aux combats, & d'une sorte de trait incogneu à tout autre peuple. Leur monnoye est de

Hommes sans barbe au Cathai.

Cathaiens idolâtres.

LIVRE SECOND

*Ce discours devoit
estre réservé au
lieu des Tartares:
car ce peuple est le
propre patrimoine
de leur Empereur.*

Papier faite en carré, en laquelle est effigée l'image de leur Roy & souverain, laquelle effaçant par le long usage ils la changent, avec de la nouvelle en rapportant la vieille au thresor du Prince, leur vaisselle est d'or, d'argent, & autres metaux: & ont faute d'huile qui est estimé si précieux que c'est au Roy seul d'en user pour s'en oindre, & le tiét en lieu de Musc, ou Ciuette, & voila quant à ce que j'auoy à dire des Indiens.

Du Quinsay, & autres païs, & provinces des Indes. Chap. 9.

*Quinsay dernière
ville du Levant
vers la mer pacifi-
que.*



*Aucuns ont pen-
sé que Quinsay,
& Themistitan
c'est une mesme
ville.*

*Chersonese dorée
est à present Ma-
lacha.*

*Cambaie region
au goulphe de Gu-
serath.*

*Cambaïens ido-
latres.*

*Mœurs des Cam-
baïens, voy Joseph
Indien liur. de ses
nauig. ch. 140.*

Et d'autant que le Quinsay est des appartenances du Roy Tartare. Et que les habitans à present suyuent la maniere de viure des seigneurs du païs, il fault vn peu esplucher les autres natiōs de l'Inde, laissées par nostre auteur, affin q̄ le lecteur demeure du tout satisfait, & contēt: Et pour à quoy paruenir, nous courōs la mer de lōg du Quinsay, & laquelle separe l'orient d'avec l'occident, cōme par son cours & fluz faisant ne sçay quelle liaison des Indes oriētales avec celles que l'on a nomē occidentales, non sans quelques raison que ceux cognoistront facilement, qui sçauent que c'est que la consideration du globe terrestre auquel ie les renuoye, sans disputer pour le present si la cité de Quinsay qui est Indienne, est celle mēme que les Espagnols ont conquise en occident, & qu'ils ont (suyuant le nom des Mexiquois) appellée Themistitan veu que (dieu aidāt) ailleur, & mieux à propos nous esperons d'esclaircir ce doute. Ainsi quittans les hommes Cathaiens, & ceux de Cambalu, & Mongali & autres païs Indiens, iusques à vne autre fois, nous verrōs la Chersonese dorée, & Isles qui l'auoisiēt à fin de n'oublier rien qui face à la descriptiō des mœurs des Indiens aussi bien modernes, que de ceux que les anciens nous ont espluché. Et d'autāt que nostre auteur fait & pose le Cathay au royaume de Gedrosie qui à present se nomme Guferath, nous prendrons nostre discours selon la costē indique, où le fleuve Inde s'engoulphe dās la mer, qu'à present on nomme le royaume de Cambaie, & la mer, le goulphe de Guferath, le long de laquelle plage il y a plusieurs citez, villes, & villages, & du peuple en grād abondance, lequel est Idolatre comme celuy, qui comme les anciens Persans adore le Soleil & la Lune, force images & statues, mais sur tout les vaches leur sont en veneration, à l'imitation des anciens d'Egypte, tellement que ce seroit peine capitale entr'eux que de tuer vne de ces bestes. Ils sont fort scrupuleux en matiere de viandes, d'autant que ils ne mangent de beste quelconque suffoquee, ny morte de sa mort, ou maladie, & ne boiuent aucunement de vin blanc. Le peuple y est assez blanc, & plus que les autres indiens qui tirent vers le midy, ageaçans & peignans mignotemēt leur barbe, & auallans leurs cheueux à l'imitation des femmes, faisans comme vne chaine de leur poil entortillé, & se plaisans en ceste sorte façon d'attiffeure, & effeminé ornement. Les femmes ne se marient iamais qu'à vn seul homme, ny les hommes reciproquement

ne prennent qu'une femme, & estans en viduité sont treschastes, & ne font comme plusieurs nations, voire d'entre les Chrestiens, ou ceux qui sont hors mariage se pensent estre dispensez à toute paillardise & lubricité. Aussi est ce peuple fort sobre ne mangeant guere que des legumes & herbages, desquels la terre leur en foisonne abondance, fils ont ceste modestie au viure, & à l'endroit des femmes, si sont ils corrompuz outre l'idolatrie en plusieurs autres choses, & sur tout en ce qu'ils font des plus grands sorciers de la terre, comme la pluspart de ce pais là adonné au service des diables, l'aide fort aussi de les appeller à leur secours, & à predire par leurs responces les choses qui leur sont à venir. Et iacoit que le peuple soit idolatre si est-ce que leur Roy est à present Mahometiste attiré d'une superstition à une autre, & ce à cause que les Mores y abordent de toutes parts, & sont en si grand nombre que le Roy se fie de ses affaires en eux, & leur permet le maniment de sa maison, sans qu'ils osent pourtât se mesler de l'estat des consciences des Gentilz, & payens du Pais. Bien est vray que à present les Portugais y trafiquent, & tiennent & le Roy & les Mores en haleine, les bridans si bien avec les forces qu'ils ont à Diu Goetz, & en l'isle d'Ormuz, que le Cambaïen n'ose rien dire, ny faire seulement mine ou contenance de se remuer. La cité de Cambaïe est voisine de la mer du costé de midy, mais où l'eau est si basse que les vaisseaux n'y peuvent aborder sinon au décroissant de la lune tout au contraire de l'accroist de l'Océan par deça qui se fait la Lune estant sur la plenitude.

Ce peuple va presque tout nud, sauf qu'il couvre les parties que la honte ne souffre estre descouvertes, & portent en teste des chapeaux tous veluz de couleur de bleu Turquin: Tous les matins ils viennent en grand nombre qui à cheual, d'autres sur des Elephans deuant le palais pour saluer le Roy, iouant plusieurs fanfares de trompettes, naccaires, & cors, joint le bruit des tabours pour seruir d'aubade & resueil, dès qu'ils sçauent que le Roy est prest à se leuer, sans de pareille façon & ceremonie le Prince se voulant mettre à table. Si le Roy a deliberé de faire mourir quelcun, il ne fait que luy cracher dessus, & ce signe est l'arrest le plus certain de la fin de sa miserable vie.

Ce Roy est presque tousiours en armes à cause qu'il à guerre continue contre le Roy de Iogue son voisin fort puissant, mais Idolatre: ce neantmoins estimé & luy, & tout son peuple d'une grande sainteté comme celuy qui va souuent en pelerinage, & qui durant son voyage, qui se fait tous les trois ans est tenu de viure aux despens d'autrui, ainsi que font les pelerins entre nous qui se sont saintement vouëz à quelque saint, ou pelerinage, conduisant une infinité de femmes esclaves, & soldats pour son service, & en cest equipage il s'uyt presque toutes les Indes tout ainsi que ces galans que nous appellons Egyptiens en France, & croy que leur course procede plus de faulte de viures estant leur prouince montaigneuse & peu fertile, plustost que de deuotion qu'ils ayent en un lieu plus qu'en autre.

Je laisseray à part la terre & royaume de Ceul qui est en l'Inde deça le Gagé auoisinant la Prouince de Cabaïe, à cause que les mœurs du peuple sont g.

*Mariage bien gay
de par les Cam-
baïens.*

*Cambaïens fort
sobres.*

*Cambaïens sor-
ciers au possible.*

*Roy de Cambaïe
est Mahometiste.*

*Portugais tiennent
des fortresses en
Cambaïe.*

*Cambaïe assise
sur la mer.*

*Flux de mer con-
traire au nostre.*

*Vestement des Câ-
baïens.*

*Reuerence des Câ-
baïens à leur roy.*

*Iogue pais d'hom-
mes vagabonds.*

*De cecy voy les
navigations de
Loys Varthomée.
livr. 4.*

Ceul deça le Gâ-

LIVRE SECOND

*Goa Isle suiuite
au Roy de Portu-
gal au goulphe de
Guserath.*

*Canonor royau-
me, & cité fort
magnifique.*

*Espicerie de quels
païs porté en Ca-
lecuth.*

*Diuision du pen-
ple de Canonor.*

*Voy Ioseph. In-
dié. c. 130. & 131.*

*Maniere de sacri-
ficer en Canonor*

*Estrange sorte de
dance en sacrificat.*

semblables à celles de leurs voisins, aussi bien que de l'isle de Goa, laquelle est à présent subiette au Roy de Portugal qui y a fait dresser vne belle & puissante forteresse pour tenir teste aux Mores, & autres Mahometistes marris que les Chrestiens se fortifient ainsi aux Indes. Le long de la mer tirant tousiours au midy, est la cité & royaume de Canonor, laquelle est habitée de deux especes d'hommes des Chrestiens, c'est à sçauoir, & de Gentils, ou Idolatres, voire s'y trouuent des Iuifs, mais on n'en tient aucun compte. Le Roy est seruant les Idoles, & non-pourtant fort grand amy du Roy de Portugal : & d'autant que la cité est vne des plus belles d'orient, & de plus grand aport de marchandise, il faut sçauoir qu'elle est posée sur la coste du goulphe de Guserats tirant vers le royaume de Calcuth duquel nous parlerons cy apres: à cause que de Canonor auant l'espicerie, & autres choses aromatiques portées tant de Narsingue que de Pegu & païs plus auant en la haute Inde, vont faire cours iusques en Calcuth. Estant donc telle Canonor elle est diuisée en trois sortes de gens, les premiers sont les Gentils-hommes, qu'ils appellent Natires, les seconds les moiens d'entre le peuple qui ont quelque reuenu, qu'ils nomment Cannez: & le tiers ranc est de la plus vile populace, qui comme sont les plus pauvres, aussi surmontent ils les autres en meschanceté, & les appellent Nuiran: haïs tellemēt de la noblesse, qu'elle ne les peut voir sans leur courir sus, & les battre. Chacun des estats à son temple en particulier, mais les hommes sont séparés des femmes, ausquelles on a dressé des oratoires pour prier à part.

Et ne pense point qu'ils n'ayent esté Chrestiens, veu ce que encor ils confessent: car ils croyent vn Dieu, & iceluy en trinité, & pource ils le font, & paignent avec vne statue ayāt trois faces, & tenāt pliées les mains, l'appellans Tambra en leur langue : & encore plusieurs autres statues, & d'hommes, & de bestes, mais ils ne les adorent point. Quand ils se presentent au temple les vns se couurent le front de terre, les autres se lauent la face, ainsi que bon leur semble, & vont trois fois le iour à l'oraison, à sçauoir le matin, à midy, & sur le soir: & sacrifient en ceste maniere. Il y a des trompettes, & cornets, & fluteurs qui appellent le peuple, & sonnent, & iouent, iusqu'à ce que leur grand Prestre & sacrificateur soit arriué, lequel vient vestu ne sçay comment à la sacerdotale, & se tenant tout debout pres de l'autel chante quelque cas faisant à l'honneur de Dieu: puis vn autre prestre chante encor apres luy, auquel tout le peuple respond ensemble. Ce qu'ayans fait par trois fois, vn prestre vient par vne fauce porte, & sort du temple tout nud, ayant vn chapeau de roses ou autres fleurs sur la teste, & deux grands Cierges, & deux Cornes: & tenant en chacune main vne espée nue, se met à courir tout ainsi que fil estoit furieux vers le Dieu qui est sur l'autel, où arriué il ferme l'huis qui est deuant l'autel, donnant l'vne des espées au prestre principal, & avec l'autre il se blece en diuers endroits de son corps: & ainsi acoustre il s'en va gaillard, & en dançant se lancer sur vn bucher à cest effait préparé duquel se sauuant avec grand vitesse, vient tout estonné, & regardant le peuple de trauers, luy dit auoir parlé à Dieu, & avec ceste protestation il luy annonce ce qu'il a pour dire

dire, & l'admonester. Ceux qui suyuent le gentilisme comme le Roy, & courtisans, espousent plusieurs femmes lesquelles sont effrôtees sans nulle honte ny honnesteté. Et qui sans aucun esgard se prostituent à chascun: & eux mourant on brusle leurs corps parmy lesquels, les femmes qui les veulent suyure, s'en vont courageusement getter au feu, & mourir avec leurs marys. Et à cause de l'impudicité des femmes les enfans des roys ne succedent point à la couronne, trop bien ceux qui luy sont au tiers degré: & sont bien si aduisez que de cognoistre la bastardise de leurs enfans, sans toutesfois auoir l'esprit d'y pouruoir avec loy punissant ceste paillardise, veu mesmement que les nations qui frequentent & habitent parmy eux leur deuoyent seruir d'exemple, & sur tout les Chrestiens des façons de faire desquels il fault dire quelque chose. Les temples de ces Chrestiens sont bastis comme les nostres, sauf que vous n'y voyez pasyne image, mais la croix, est par tout posée, & icelle tresgrande & à laquelle on porte reuerence: & faut que ceux qui veulent estre promoteurs à l'estat d'Euesque aillent iusqu'au Catholique d'Armenie, qui s'attribue ceste puissance cõtre l'autorité du saint siege Romain, & se disât (mais faucemēt le substitut de S. Pierre) & tenāt le lieu du Patriarche d'Antioche. Mais laissans cela, parlons de leurs façons de faire. Ils ne baptisent point les enfans s'ils n'y voyent vne extreme necessité de mort. Et se confessent comme nous, & reçoient le saint sacrement qu'ils consacrent sil leur est possible avec du pain non leué, ainsi que les Catholiques en vsent par deçà. Et n'ayans point de vin, à cause que le país n'en porte point, ils vsent de raisins de Corinthe qu'ilz trempent en de l'eau & en tirent quelque substance qui leur sert pour du vin: ilz n'vsent point de la sainte onction aux malades, mais en lieu ils prient sur le patient, & luy donnent la benediction. Quelcun estant mort, ils l'enterrent ainsi que nous faisons, mais ains que faire rien d'obseques, ils banquetent par l'espace de huit iours, & apres ces festins & banquets, ils prient pour le trespasé, & executent ce qu'il aura ordonné pour testament. Et sil decede sans tester celuy qui luy est plus proche de sang est son successeur & legitime heritier. Les veufues prenans ce qu'elles ont aporté au defunct se retirent en la maison de leurs peres, toutesfois ne leur est permis se marier auāt le terme de l'an expiré depuis le decez du premier mary. Ils reçoient les quatre Euangelistes, gardent les ieufnes fort religieusement de l'aduent, & de Careme continuant en prieres, & oraisons, & sur tout la sepmaine peneuse, demourant des le ieudy absolu iusqu'au iour de Pasques sans vser viande quelconque. Les festes que le plus ils obseruent ce sont les feries de Pasques. Et sur tout le huitiesme iour apres la resurrection de nostre seigneur, & cela en memoire de saint Thomas, qui en tel iour meit sa main es plaies de nostre seigneur, car c'est à ce saint Apostre qu'ils ont le plus de deuotion, comme à celuy qui le premier porta les nouuelles de la redemption au país des Indes: & est la feste solennisee & des Chrestiens & Gentilz le premier iour de Iuillet.

Ils gardent encor l'ascension de nostre seig. Et la feste de la trinité: la mort & Assumption, natiuité, & Purification de la glorieuse vierge mere de nostre Dieu & seigneur, les feries de Noel, des Roys, ou apparition, les

En Canonor les patens espousent plusieurs femmes lesquelles sont fort paillardes.

Les enfans ne succedent aux peres, & pourquoy.

Chrestiens de Canonor.

Le Catholique Armenie proment les Euesques des Indes.

Sacremens observez par les Indiens.

Banquets des Indes quelcun estant mort.

Ieufnes des Indes

Festes solennelles des chrestiens de Canonor.

S. Thomas, Apostre honoré par les Indiens & Chrestiens, & Ethniques.

L I V R E S E C O N D

*Contenance des
prestres en Cano-
nor.*

*Pthol.liv.7.ch.1.
Tab.d'Asie.10.
Voy Louys V'ar-
thomā.l.4.ch.10*

*L'Evangile pres-
ché à present aux
Indes par les no-
stres.*

*Roy de Narfin-
gue adore la figu-
re monstrueuse du
diable.*

*Où est la cité de
Calicuth.*

Calicuth sans port

*Pouureté des edi-
fices de Calicuth.*

festes des Apostres, & le iour du saint Dimenche. Ils ont des monasteres tant d'hommes que de femmes : & y viuent les gens d'Eglise fort chaste-ment, & si quelcun s'efgare soudain l'autel luy est interdit, & deffendu. Ils ont l'an comme nous, de douze moys, & vsent de Bissexte, mais ils partent le iour en 60. heures, qu'ils cognoissent au soleil, & la nuit aux estoilles. Tous en general vsent de deux sortes de monnoye, l'une d'or qu'ils nomment Saraph pesant vn ducat, & l'autre d'argent, qui vault six solz des nostres, & la nomment Paran : & en toutes les deux est figurée l'effigie de leur Prince, & neantmoins en toute la Prouince ne se trouue or, ny argent, ny metal quelconque. Et voila quant à Canonor. Passons au royaume de Narfingue qui est vne terre fort spatieuse, & laquelle Ptholomée pose en l'Inde deça le Gangé l'attribuant aux Seres, Nomades, ou Pasteurs: La cité capitale se nomme Bisnagar, & est vne des fameuses des Indes à cause du trafic, & des plus fertiles de l'vniuers, où le Roy, & habitans sont tous idolatres, ainsi que le reste presque de tout le païs Indien laissé à ceux de nostre temps, à le peupler non seulement d'hommes, ains encor de doctrine fidelle, & institution Chrestienne, comme de ia plusieurs saintes & religieuses personnes, tant des quatre mendians que des Iesuites y ont donné de belles attainces, y fondans vn saint edifice pour l'aduenir à la chrestienté, & plantans les premieres pierres, non seulement avec leur doctrine & sainteté, ains encor par l'effusio de leur sang, à l'imitation des Apostres, & martyrs confessans le nom de Iesus Christ parmy les tourmens en l'Eglise primitiue. Dieu vueille que le nom de ces confesseurs de verité vienne quelque iour en noz mains, afin que les François voyent que l'Eglise Catholique estant assaillie icy par les heretiques, & aux Indes par les Idolatres. Dieu la fait toutesfois prouffiter en la main de ces bons vigneronns qui par sa sainte grace, & priere des premiers cultiueurs de ceste vigne, auacent tellement le labourage que les fruits en seront plus que centiesme à la gloire du pere de toute nostre famille. Le Roy de Narfingue adore le diable, ainsi que nous dirons de celuy de Calicuth, & vont tous vestuz d'une chemise fort courte, & en teste portans vn ornement presque semblable au Turban des Mahometistes : le païs est riche en or, Perles, & autres pierres precieuses, qui est cause que le Roy de Portugal à fait alliance à ce Roy de terre ferme, qui ne cognoit d'autres Chrestiens, & ne sçait rien de l'Europe.

Plus outre & sur la pointe de ce costé de mer, auant que doubler vers le goulphe Gangetique est le puissant & riche royaume de Calicuth, dans le sein nommé par Ptholomée Barigazem, qui iadis s'apelloit Camanes, mais le nom luy a esté changé en Calicuth: ville pour le iourd'huy la plus belle, riche & marchande de tout l'orient quoy que non si grande ny populeuse que le Quinsay au royaume du Cathai. Celle est bastie en terre ferme bien que la mer la vienne arrouser d'assez pres, & n'a point port, toutesfois vers le midy court vne assez belle riuiera qui s'escoule en l'ocean, & donne moyen aux petits vaisseaux d'aborder à terre. Les maisons n'y sont ioignantes l'une de l'autre, comme par deça, soit de crainte du feu ou qu'ils soyent si rudes de ne sçauoir s'accommo-

der, & n'est point ceste cité close aucunement de murailles : les logis y sont fort bas & de mauuaise grace, & les batissent ainsi à cause qu'ils n'osent charger le lieu de fondement, étant le terroir tout plein de sources d'eau, n'ayans l'industrie de les faire escouler, ny de bastir sur pilotis pour asséurer leurs edifices.

Ce peuple étant Idolatre, croit neantmoins vn Dieu createur du Ciel, & de la terre, la cause premiere & moteur de tout ce qui est en l'vniuers: mais l'ayant recogneu pour tel si le fait il comme vn homme endormy, & qui las d'une si belle œuvre ne se soucie plus que de se reposer & donner du bon temps, ne se souciant plus de la principauté de ce qu'il a fait & formé: & que pour ceste cause il a donné la charge du gouvernement au Diable qu'ils disent estre celeste, afin qu'il soit iuge de la terre, & punisseur des mauuaises actions des humains, & que Dieu luy a donné puissance de rendre à vn chascun le loyer de ses merites : & appellent ce beau dieu terrestre Deumi, & le souverain Tameran. Et puis que nous en sommes si auant il faut voir leur religion & sacrifices, qui ne peuuent estre que detestables, veu la corruption de celuy qui se fait adorer souz la plus hideuse figure qu'homme scauroit excogiter. Or le Roy de Calicuth a vn oratoire en son palais tout semé de figures diaboliques telles & si effroyables que les peintres nous les effigient par deça, & non guere plus grandes que medalles, ou quelque peu plus Larges, & spacieuses : mais au milieu de la chapelle y a vn throsne d'erain ayant sur iceluy assis vn Diable de mesme matiere & sur teste portant vne tiare ou Mitre comme celle d'un Euesque des nostres, & pense que ce malin esprit leur a forgé ceste inuention se mocquant de nostre religion Chrestienne : Mais ce braue diademe est embelly de trois grandes cornes de mesme metal, & le front de l'idole en porte quatre, ayant la gueule effroyablement beante & ouverte avec quatre grosses langues & aigues dents de chascun costé, le nez difforme & fait comme le bec d'un oiseau, les yeux estincellans & hideux, la face furieuse & espouuëtable, & les mains faites comme vn croc ou hamesson & les pieds tout ainsi que ceux d'un cocq bien ergoté. Ainsi acoustré cest Idole detestable, ce peuple abusé le voyant cōçoit grande frayeur : & ce qui plus l'estonne est que par tous les coings de la chapelle il voit des images Sathaniques dressées de telle sorte, que de quelque part qu'on les regarde, on les iugeroit toutes esprises en flammes avec lesquelles ils enuoloppent les ames des hommes, desquelles le diable prenant curée en met vne en sa gueule & l'autre qu'il tient à l'autre main prest d'en faire le semblable. Les sacrificateurs qui retiennent le nom de Bramins de ces anciens Bracmanes plus sains & religieux que ces souillees & maudits idolatres, sont tenus tous les matins d'arrouser & lauer d'eau rose, & autres liqueurs odoriferantes ce beau monstre endiablé, espendans deuant luy force odeurs aromatiques. Et offrans les encensemens ils se prosternent & l'adorent & font quelquefois sur sepmaine sacrifice audict idole: mais ils n'obtiennent rien de leur demande: Or sacrifient ils en ceste maniere : Ils ont vn comptoir fait comme vn autel ayant vn pied & demy de hauteur, de large deux piedz, & pres de trois de longueur, & y espan-

Calicuthiens croient vn Dieu, mais le font oisif.

Le diable estimé par eux gouverneur de ce bas monde, cest erreur semble sortie des Manicheens.

Ornement de l'oratoire du Roy & de tous les temples de Calicuth.

Figure enorme du diable.

Bramins sont les sacrificateurs en Calicuth.

LIVRE SECOND

*Forme des sacrifices
faits au Diable.*

*Vian-
des du Roy
offertes première-
ment à l'Idole.*

*Bramins de-
puce-
lent la femme du
Roy.*

*Division des estats
Et peuple de Cali-
cuth.*

*Calicuthiens vôt
tous nuds.*

*Les filz du Roy
ne luy succedent,
ains les neveux.*

dent dessus de toute sorte de fleurs, & pouldres de senteur. Apres cecy ils ont vn vase d'argent plein de sang de cocq, qu'ils mettent sur des charbons ardans, avec vne infinité de choses aromatiques pour encenser, & prenans l'encensoir, ils enuironnent l'autel le parfumant à toute ou-
trance, & durant ces suffumigations il y a vne clochette d'argent qui ne cesse de sonner: ils coupent la gorge au cocq de sacrifice avec vn couteau d'argent, avec lequel ils fescriment quelque temps. Et ce pendant que le Prestre fait ce sacrifice, il a & pieds, & bras enrichis de pieces d'argent qui resonnent tout ainsi que des sonettes, & sur l'estomach vne bague pendue au col, car c'est la marque pour cognoistre les sacrificateurs & Bramins du reste du peuple: Et finy qu'il a le sacrifice prenant du froment en chascune de ses mains, il sort du temple à reculons tenât tousiours sa veuë sur l'idole iusqu'à ce qu'il est à vn arbre, qui est hors le pourpris, là où il espend le grain encloz en ses mains, lesquelles il met sur sa teste, & rentre dans l'oratoire, ostant l'ornement de l'autel. Au reste le roy ne prend iamais son repas qu'auparauant vn Bramin n'aille offrir les viandes à ce monsieur le Diable assis au throsne: & fassoit ce roy à terre enuironné de ces Bramins qui se tiennent quatre pas loing de luy, respondans à ses parolles en toute reuerence: & soudain que le Roy à disné, ces messers recueillent le reste, & le transportent en vn lieu propre, où se assemblent des Corneilles, ausquelles ils departent ce qui est resté du repas de leur Prince.

Or sont ces Bramins en grande opinion enuers le roy, & plus encor reuerenz du peuple: si que le roy voulant espouser femme, ne couche iamais auant avec elle qu'un de ces Bramins n'en face l'essay le premier, & que le plus excellent d'entr'eux n'aye l'honneur de despuceller la royne: & a pour sa peine celuy qui fait cest honneur au roy, que de luy planter les cornes cinq cens escuz de recompense. En Calicuth encor les estats sont partis en ceste sorte: les Bramins sont les premiers apres les Naërez, qui sont les gentilshommes, lesquels marchans en campagne portent l'espée, l'arc & la lance, à quoy fils faillent ils sont cassez d'armes & de noblesse: le troisieme ordre est de toute espee de rauaudeurs, & puis sont les Mechez, qui viuent de la pescherie, suyuent apres ceux cy les Poliares lesquels ont charge de recueillir le poiure & noix muscates. Et les Niraues qui ont en commission le labourage & cueillerte du ris: mais ces deux derniers n'oseroient approcher des Naëres & Bramins plus pres de 50. pas, qui est cause qu'ils se tiennēt es marestz & lieux estoignez de la cité d'autant qu'on peut les faire mourir s'ils aprochēt ces grans, ou s'ils leur viennent au deuant.

Le roy, la royne & peuple de Calicuth qui sont idolatres vôt tous nuds, sauf les parties honteuses qu'ils couurent de quelques bandeaux de cotō, mais ils laissent croistre merueilleusement leur cheuelure: le roy, ny les seigneurs de la cité n'oseroient manger chair sans licence des Bramins, là où les autres en vsent indifferemment, sauf qu'aucun ne touche point aux vaches. Le roy estant mort ses enfans ne luy succedent point, ains c'est le fils de la sœur du deffunct qui est le seigneur, & ce à cause que c'est le Bra-

min, & non le Roy qui a depucellé la royne: ioint que le Roy estant absent il y a tousiours quelqu'un de ces Messers avec la royne, qui luy sert de compaignie agreable dequoy le roy est aussi aise, comme & la royne & le Bramin y ont du contentement. Apres le trespas du Roy, encor tous les suiects se font couper les cheveux & la barbe, en signe de tristesse, les vns en vne sorte, autres en vne autre, se rasans ou rondas, ainsi qu'ilz sont guidez de leur folle fantasie. Les nobles & marchans font des alliances ensemble, prenans les filles les vns des autres: & souuent en signe de plus grande & estroite amitié ilz changent de femme, chacun prenant celle de son voisin & amy, mais les enfans sont au premier mary. D'autres ont d'autres coustumes, car les femmes y ont chacune sept marys, changeans toutes les nuits de pasture, & donnans le fruit qui en sort auquel des marys que bon leur semble. Ils vsent de telle iustice: que si quelcun a occis un homme, il est empalé tout vif & puis pendu: mais s'il n'y a que blessure, celui qui a forfait en est quitte en payant l'amende au prince. Quand aux debtes, le creditur voyant que celui à qui il a presté luy satisfait de parole seule, ayant retiré le contract du notaire, & prenant un escorce verdoyante d'arbre s'en va poursuiure le debteur, & l'ayant atteint le lie de ceste hard de rameaux, le conjurant de la part des Bramins, & du Roy, de ne bouger de ladite place tant qu'il aye satisfait. Celui qui est ainsi adiuré, ne bouge du lieu sans le payer, car s'il faisoit semblant de s'en fuyr, il seroit mis à mort cruellement, & sans remission quelconque. Les femmes ne s'adonnent à faire chose aucune qu'à se parer & atiffer, tellement que sortans en rue quelques nuës qu'elles soyent, si sont elles chargées d'or, & pierrerie inestimable, en ayans de pendue aux oreilles, des chelines aux bras & aux iambes, & des carquans, & ioyaux qui leur pendent sur la gorge & poitrine. Le laissez leur trafic, guerre, banques, & diuersité de marchandise, comme chose assez diuulgée, pour n'oublier point un pardon general qu'ils ont tous les ans au mois de Decembre, que presque de toutes les parties & Prouinces voisines, le peuple y afflue, & vient auprès de Calicut visiter un temple de leur idole, qui est basti au beau milieu d'un lac, & qui est le plus beau edifice de tout le pays, où l'on voit deux beaux rancz de colonnes, & vne grâde lampe faite come un nauire pleine d'huile pour seruir de clarté tout à l'entour. Cest oratoire est grand & enuironné d'arbres de toutes parts, & aucun n'entre dans le temple sans se lauer dās l'estang, & entrant au lieu saint (par eux tel estimé) les Bramins les arroient de cest huile susdite, comme nous faisons en nostre Eglise de l'eau beniste, & ainsi oincts se vont presenter au sacrifice, adorans vne effroyable idole de Sathan, laquelle adorée, & priée chacun se retire: & ce pendant les Bramins leur promettent remission generale de leurs fautes (tāt le diable scait se conuertir & transformer en ange de lumiere) tellement que par l'espace de trois iours, ce lieu est comme un Asyle & retraite de franchise à chacun, & n'y oseroit-on meffaire à personne, ny se venger de son ennemy, voire ny poursuiure un criminel par iustice. Voila ce que nous auions à dire de Calicut, laissant beaucoup d'autres singularitez qu'on peut recueillir des liures que les Portugais en ont fait, comme ceux

*Deuil du peuple
apres la mort du
Roy.*

*Echange des ma-
riages.*

*Femmes ayant plu-
sieurs maris.*

*Loy severe tou-
chant les debtes.*

*Femmes oisives
en Calicut.*

*Pardon general
entre les Idola-
tres.*

*Forme d'expiatio-
n par les Bramins
en Calicut.*

Lieu de franchise.

L I V R E S E C O N D

*Louys Varthomä
li. 5. des Naviga-
tions.*

*Où est le Royau-
me de Colon.*

*Cosambe à pre-
sent est Tarnassari
grand & riche
royaume.*

*Tarnassariés dō-
nent leurs femmes
aux estrangers pour
les depuceller.*

*Maniere d'obse-
ques en Tarnassari.*

*De ces consacra-
tions entre les Ro-
mains. voy He-
rodian en son se-
nere Celie Rhod.
liu. 21. ch. 33.*

*Estrange Ceremo-
nie des femmes se
consacrans à l'o-
bre de leurs ma-
rys.*

qui le sçauent y estans ordinaires, quant à ce que l'en ay dit c'est d'un qui a fait le voyage que ie l'ay recueilly, afin que ie ne me vante de plus sçauoir que mon esprit ne porte, & que aussi ie ne veux vendre les denrees d'autrui, comme si c'estoit ma propre mercerie.

Les roys & peuples voisins de Calicuth estans de mœurs semblables ne nous amuseront d'auantage à singulariser, ny Colon, ou Caicolon, qui sont les Bates de Ptolomée, ny Coromandel, ou Malapar au goulphe Gangetique, où l'on dit qu'est le corps de l'Apostre S. Thomas: pour voir vn peu la grand cité de Tarnassari, chef d'un gros royaume, & laquelle en Ptolomée est nommée Cosambe au sein Gangetique, auoisinant en son estendue vers le septentrion les Seres, à sçauoir le royaume de Narfingue. Ceste cité est vn beau port de mer, & son roy est tousiours en guerre avec les Narfinguiens & Bengaleens ses voisins, ayant cent mille hommes ordinairement à sa soulde & s'armement d'habillemens fort cotonez, d'espée bié courtes & boucliers rōds faits d'escorce d'arbre tout ainsi qu'e vsent ceux de Calicuth: viuāt de toute sorte d'animaux les vaches exceptées, & mangent à terre sans nappe, ny seruiette, faisans leur seruice dans des vases de bois gentimēt elabourez, leur boisson est l'eau sucree, les lits hault colloquez & faits de coton, & leurs vestemens aussi de coton, ou de soye, viuans presque de mesme façon que nous, & cultiuans les terres en pareille sorte, sauf qu'ils sont adonnez au seruice des Idoles.

Et ont ceste coustume fort estrange, de ne depuceler point leurs femmes ny les toucher, que quelque blanc, soit chrestien, ou Mahometā n'y aye donné la premiere atainte, & de là en auant, si les marys les trouuent en faulte, il leur est loisible de les massacrer. Les Roys & les sacrificateurs venans à mourir, on brusle leurs corps, & est fait vn sacrifice solennel au diable, & les cendres recueillies, les mettent dans des Cruches & grands vases bien cloz & bouchez, que ilz enfouissent souz terre à l'imitation des Grecz & Romains le temps iadis: & tandis que le corps brusle ilz y gettent force Aloez, Myrre, Benioin, Corail, Encens, Sandal, & autres soëfues odeurs, & aromatiques, sonnans ce pendant les trespettes, & fluteurs, tout ainsi que iadis les Romains en vloyent, lors qu'ils enrolloyent quelque Empereur, & Prince au nombre de leurs dieux.

Durant ceste solennité du feu, il y a vingt, ou trentre hommes deguisez en diables, ainsi que ilz les paignent, lesquels vont tout autour du busché, sautelans, & trepignans de ioye, & comme assurens l'assistance du repos du deffunct.

La femme duquel toute seule est pres du lieu batant sa poitrine, pleurant & gemissant, & s'escriant avec grande signifiante de tristesse: & tout cela se fait enuiron la minuit. Quinze iours apres cecy, la femme du deffunct semond tous ses parens, & ceux qui sont les plus proches du trespaslé, & leur fait vn grand festin, au lieu mesme où son mary aura esté bruslé, où elle se trouue parée, & attifée de ses robes & ioyaux, que ses parētz y portent: & faisans vn fosse, ou puitz bié profond l'éplissent de boys sec, & aromatique, l'entourans de roseaux comme vne haye, & closture, & le couurans d'un drap de soye, afin que le puidz ne soit aperceu.

Ayans banqueté à plaisir, plusieurs menestries iouent de leurs instrumens autour de ceste fosse: ce que estant fait, on sacrifie au diable: & soudain que le sacrifice est finy, la femme s'en vient comme toute forcenée, & ioyeulement dançant, & sautant vers ce puidz tout en feu, & vomissant les flammes, & se recommande aux prieres de ceux qui sont desguisez en diable, afin que Sathan là recoiue en sa compaignie, & luy face le voyage seur & facile: & ces mortz acheuez, elle court vers le puidz s'envelopant dans le drapeau de soye, & se lance toute viue dans les flammes, où soudain ses parentz la chargent de boys, & poix resine, afin q ces matieres ainsi combustibles, causent sa deffaire soudaine. Et si la femme oubloit ce deuoir à l'endroit de son mary, elle seroit deshonorée à iamais: faut toutesfois noter que ceste coustume est seulement obseruée par les grandes Dames, & ausquelles ceremonies le Roy assiste ordinairement.

Quant à leur police elle est telle, que l'homicide est puny de mort, sans que grace luy soit faite. Les debreurs sont condempnez à satisfaire, si le creditur monstre cedulle, car ils escriuent en du parchemin presque semblable au nostre, là où ceux de Calicut, escriuent en des escorces, & tablettes de boys. Si vn estrangier y decede sans hoir, le roy succede à son heritage: d'autant que aucun n'y peut tester, le Roy se disant seigneur de tout: auquel ses enfans succedent, & non les nepueux: & les naturelz du pays se voyans proches de la mort, sont tenuz par la coustume de faire partage esgal de leurs biens à leurs enfans.

Par delà le Gangé est la region de Bengala, ditte & nommée de la cité chef, & metropolitaine, de tout le royaume, laquelle par Ptolomée est ditte Baracure, auoysinant la region & Prouince Argentine, & sont les Bengaléens apellez par ceux du pays Mucins, & ce tout le long de la coste de Bengala, iusqu'au Cap qui double de Malacà, pour aller vers Ciambe, & les parties plus orientales: & pource que en Bengale, les mœurs sont mesmes que ceux de Narfingue, nous en surferons le discours, contens de vous dire, que c'est le pays le plus fertile, riche, & plaisant qui soit en tout l'Orient, & où se fait le plus grand trafic de pierrerie.

A ceste magnifique Prouince, s'auoisine vn Royaume qui est plus Oriental, & qui ne luy cede guere en grandeur bonté, & richesses, qui par Ptolomée est posé sur le grand goulphe d'Inde, de là le Gangé, qu'à present on nomme Pegu, à cause de la cité capitale s'appellant ainsi, & laquelle iadis portoit le nom de Balonge: estimée entre les premières, & plus marchandes de toutes les parties qui regardent l'Orient: tant à cause de sa grandeur que pour estre bastie superbement, & abondante en toutes choses necessaires pour la vie de l'homme.

C'est là que on trouue les Ciuettes en abondance, & à grand marché. Et quoy que le Roy soit Idolatre comme tous ses voisins, si est-ce que sa garde est de 1000. Chrestiens ausquelz il se fie, & qui viuans purement en leur religion, qui se r'apporte à la mode Grecque, manient les choses de la court, tellement que pour auoir accez au Roy, il ne fault que gagner la grace de quelqu'un de ces Chrestiens que on dit estre na-

Police de ceux de Tarnassari. Semblable coustume est le droit d'Aubene en France.

Ptol. liu. 7. ch. 2. table 11. d'Asie.

Bengale ou posée.

Grande fertilité & richesse de Bengale.

Balonge cité, à present Pegu, grand royaume.

Pegu abonde en Ciuettes.

Chrestiens pour la garde du Roy de Pegu.

LIVRE SECOND

Habitans de Pegu idolatres & paillards.

Erreur de ceux qui ont estimé que le Pegu fust isle.

Cherfonesse pres- que isle en Fran- çois. 4. en Grece, Dannemarch, Asie & region Taurique: & en Malaca.

Lineaments, & forme des habitas de Malaca.

Barbarie de ceux de Malaca.

Malaca domptée par le roy de Por- tugal.

Strabon lin. 1. 3. & 15.

Ptolomée li. 7. c. 4. tab. 12. d'Asie.

turelz du pays. Les payens y sont adonnez estrangement à paillardise, & les femmes sur tout, lesquelles sont si impudentes qu'elles ne souffrent point que les hommes facent l'estat de les requerir. Et quoy que le Roy les charge d'impost les plus estranges, qu'il est possible d'imaginer, si sont ilz neantmoins magnifiques sur tous les orientaux, cōme ceux qui abon- dent en tout, & qui ne sçauent que c'est presque que la valeur des choses desquelles ilz sont fournis plus qu'à suffisance. Et d'autant qu'il y en a qui ont pensé (conduitz par la seule description de quelques cartes Geo- graphiques entourans ce royaume de riuieres) que Pegu fust vne isle, si par cas vous lisez cela en quelque lieu, sçachez que c'est parlé contre toute verité, & du tout contre tout Geographe & ancien, & moderne: veu que Ptolomée l'a fait continent, assise & en terre ferme, & ceux qui y ont esté accordent par leur experience, l'opinion de ce grand Philosophe.

Voila quant au Pegu: reste à voir les mœurs de la region, que les anciens ont apellé le Cherfonesse doré, que à present on nomme Royaume de Malaca à cause de la cité chef de toute la prouince: La cité de Malaca de laquelle le Roy Emanuel de Portugal escriuist au Pape Leon 10. est assise sur la pointe du Cherfonesse, regardant le Ponant, & sur vne grand rui- re nommée Gaze, où le pays n'est guere fertile, & toutesfois riche à cau- se du trafic: le peuple y est d'une couleur pasle & tirant sur le cendré, por- tans longue barbe, le front large, les yeux ronds, & le nez vn peu camus, ie dis cecy, afin que les Phisiognomes cognoissent si la nature manque à monstrent les vices ou vertus de l'homme par les lineaments de son vilage. Veue que ce peuple est arrogant outre mesure, fin, cauteleux, & meschant, rebelle à son Roy, ne pouuant souffrir personne, car depuis qu'il est nuit, il fait dangereux aller par les rues, tant il y a de voleurs & de meurtriers, qui est cause que tous les soirs les marchans se retirent en leurs nauires de peur d'estre deualisez. Ce peuple quoy que le Roy de Cine, y enuoye vn gouverneur, si est-ce qu'on ne luy fait aucune obeissance, ains leur volon- té leur sert de loy, & se peuuent dire les plus corrompus de la terre. Que si le Roy tasche de les dōpter & adoucir leur naturelle furie, c'est là qu'ilz se monstrent plus acariastres le menaçants de quitter le pays, sil l'auance de les importuner d'auantage: & ceste seule menace detient le Roy, qui craint de perdre vn lieu de telle importance, & qui luy diminueroit grā- dement son reuenue, sil failloit que demeurast desert, & inhabitable. Ceux cy tant rogues & farouches, partie Gentilz, & partie Mahometistes, pays de tous les roys de l'Orient, furent subiuguez en l'an de grace 1512. par les agens, & capitaines du roy Portugal. Voisin de Malaca est l'océa comme dit est, auquel tirant vers le Ponant, est assise la grand isle de Taprobane par les modernes apellée Sumatre, & de laquelle les anciens ont compté de si grandes choses: veu que Strabon la dit estre obietée aux pays des Indes, & tirant vers l'Ethiopie sur les parties australes: voire semble-il la separer des Indes entant qu'il dit qu'entre elle, & les Indes y a plusieurs isles, & que Taprobane est du tout assise aux parties australes. Ptolomée mesurāt mieux les choses que Strabon, qui en parloit selon l'aduis de ce- luy que le Roy Alexandre y enuoya, la met presque souz la zone torride, ou Equi-

ou equinoctiale en pareille eleuation presque que les Canaries, & quoy que australe, esloignée pourtant de l'Ethiopie. Les anciens qui ont escrit que ceste isle est gouuernée par quatre roys, n'ont point failly, veu qu'encore à present le maniment de la police, n'en est en rien dissemblable, y ayant quatre Princes la regissans, & tous idolatres, & viuās tout ainsi que ceux de Tarnassari. Ils sont blāchastres, ayans le fronc large, les yeux rōds, le nez fort large & camuz, portans longue cheuelure, & de grande stature comme ceux que on estimeroit ptesque estre Geans. C'est vn peuple ayment la paix, & iuste en ses actions, quoy que adonné au gain sur tous les hommes en exerçant sa marchandise, neantmoins charitable enuers les estrangers qu'il reçoit amiablement en sa maison. Ils vsent l'or, argent, & estain en lieu de monnoye, y marquās d'un costé, l'Idole du diable (car ils l'adorent ainsi que font à Calicuth, Tarnassari, Malacā, & autres Provinces) & de l'autre vn char triomphāt, tiré par des Elephans, à cause que en ceste isle viennent les plus beaux & grands qui soient en tout le monde. Je pourray deduire icy ce que Solin en recite de merueilleux, & ce que plusieurs autres des anciens en disent, mais il me suffit de passer par dessus & amener seulement les choses comme à present elles se comportent. A ceste cause passēt outre, & voulāt sortir des Indes pour descrire les mœurs de ce qui reste de peuple principal en l'Asie, ne laisserons pourtant quelqs Isles les plus remarquées à deduire, & mesme où la diuersité des mœurs & vie sera segnalée entre les autres, puis que c'est le sūiet principal de cest œuvre. Pourſuiuant donc le chemin vers les terres du grand Cam, & ce en rasant les sillōs de la mer, laissant Sumatre, Monoch, & Borei isles, où le peuple outre son idolatrie est rude, grossier, & sauagement inciuil, on voit les deux Ianes fort esloignées de nostre hemisphere & esquelles on perd toute cognoissance du Nord, & ourse Boreale, de laquelle i'espere q nous discourrons plus à loisir & amplement en autre lieu, s'il plaist à dieu nous prester vie & santé à son seruice, & contentement des nostres. Des deux Ianes la plus grande ne peut iamais estre domptée par le grand Cam, ny mesme la petite si ce n'est en quelque endroit, & par la faincantise de quelque Roy, d'autāt qu'elles comprennent six Royaumes, si grāde, & spacieuse est leur estēdue, à sçauoir de celuy Ferlech, Basinan, Samare, Dragoian, Lambri, & Fanfur. Ce peuple en general est sans aucune fraude infidelité, ny tromperie, idolatre au possible, mais fort diuersemēt les vns adorans le diable, comme ceux de Calicuth, & Sumatre, les autres souz diuerses formes d'animaux, les aucuns receuans le Soleil, & la Lune pour dieux, & vne bonne partie si bestes, & estourdis, que la premiere chose offerte leur sert de Dieu pour la iournée. Leur couleur & stature presque comme nous, sauf qu'ils ont le front plus large, & grands yeux, & iceux vifz, & verdoyans, mais camuz au possible, & portans tous la cheuelure fort longue: & parlant en general, ce peuple ayme fort la iustice, & ceux qui en ont la charge, vont vestuz d'un manteau de foye, ou de cotton, tenans vn bras dehors iceluy, & quelquesfois vn corselet, quoy que peu souuent, à cause qu'ilz ne sont gueres adonnez à la guerre à laquelle toutesfois s'ils sont contrains d'aller, forcez de l'assault de quel-

*Taprobane regie
par quatre roys.*

*Lineaments des
habitans de Su-
matre.*

*Sumatriens fort
charitables.*

Solin chap. 56.

*Isles vers le grand
Ocean des Molu-
ques.*

*Voy Marc Paul.
venit. li. 3. ch. 13.*

*Idolatrie des ha-
bitans de Iane.*

*Iustice aymée des
habitāz de Iane.*

*Sagettes enueni-
mées en Iane.*

LIVRE SECOND.

*Sorte idolatrie de
ceux de Ferlech.*

*Samaristes en Ia
ne sont mäge-hö-
mes.*

*En Dragoïan
aussi mangent les
hommes.*

*Raison pourquoy
ils mangent leurs
parents.
Ptolomée l. 7. ch.
3. Tabl. II. d. 2.
sic.*

*Perles au royan-
me de Var Ma-
obaar*

*Magnificence du
Roy de Maobaar*

*Bœuf adoré en
Maobaar.*

cun, ilz s'aydent de ne sçay quelles serbatanes, avec lesquelles ilz gettent des saiettes si dangereusement enuenimées que pour le peu de sang qu'elles puissent tirer du corps de celui sur qui ils les descochent, il n'y a remède aucun pour les preferuer de mort. Et particularisant les Prouinces, c'est au royaume de Ferlech lequel est tout môtaigneux, que le peuple est tout brutal n'ayât cognoissance de loy, ny ciuilité quelconque, adorant la premiere chose qu'il rencontre sans autre discretion, sinõ que l'instinct de ceste raison cachée en leur ame, mais plustost à demy estainte, leur monstre qu'il faut recognoistre quelque diuinité : mais il la cherche trop grossierement. Ceux de ce Royaume qui auoisinent la mer sont Mahometistes, à cause des Mores qui y trafiquent ordinairement : & aux habitans de Ferlech sont semblables aussi ceux de Basinan. Les Samaristes sont Antropophages & mäge-hommes, mais non avec la cruauté des Cambales Americains, car ceux-cy, s'attaquent seulement aux vieillars ia casse de trop d'aage, & qui n'ont plus de force, lesquels les autres qui ne viuent pas si bestialement, ne laissent pourtant de tuer, & les vendre aux Antropophages, lesquels en font de bons repas : & autant en font ilz aux ieunes gens filz les voyent estre tombez en quelque maladie, que les sages d'entr'eux iugent pour incurable : car leurs plus proches parens les despechent, afin de ne les voir languir, & de mesme vendent leur corps à ces mange-hommes : desquels fault que les estrangers se contre-gardent filz ne veulent estre surpris pour leur seruir de pasture : Mais en la terre de Dragoïan voyas leurs parêts & amys malades, s'adressent aux forciers & enchanteurs, qui sont leurs prestres, pour sçauoir de Sathan, ce qui doit aduenir du patient, que filz raportent qu'il n'y a plus de remede, ilz estoupent les conduis au malade, & le suffoquent ainsi luy empeschans la respiration, & deschirans la chair la mangent cuite, ayans opinion que si les vers faisoient c'est office, que l'ame du trespassee n'en fut punie & tourmentée en l'autre monde : & ainsi ils croient les ames estre immortelles : & enterrent les os dans des montaignes. Le long de la mer de Sur, tirant vers le royaume de Mangi & Ciamba, est la region par Prolo. appelée Sine : en laquelle est compris le Royaume de Maobaar en la grad Inde, qui est terre ferme, & non îlle, & approchant le grand Royaume de Cathaï. C'est en ce païs que on pèche des perles en ceste maniere : ces gens font venir leurs Bramins, lesquels avec des charmes & ensorcellemens leur font à croire de faire assembler ces huïstres qui portent les perles, & ce seulement durant les moys d'Auril, & de May, & les marchans apres la pefcherie en doiuent la disme au Roy, & aux Bramins de douze vne. Ce peuple va tout nud, si ce n'est leurs vergoignes qu'ils couurent d'un linge : & le roy ne va non plus vestu que les autres, bien est vray que pour sa magnificence il porte vne chaine d'or au col toute enrichie de Perles, Saphirs, rubis, esmeraudes, & autre pierre-rie de valeur inestimable. Porte encor au col vne cordelée de perles & autres pierres enfilées avec de la foye iusqu'au nombre de 104. afin qu'elles luy facent souuenir d'autât d'oraisons qu'il doit dire tous les iours à l'honneur de ses dieux : car tout ce peuple est idolatre, & la plus part adore le Bœuf, qui est cause que on n'en tue aucun en celle Prouince : & si quelcun

en meurt, ilz engraisent & oignent de la gresse leurs maisons avec grande ceremonie. Ce pays est plein de magiciens, deuins, & enchanteurs : & ont des monasteres, où ils adorent les idoles, & esquels ils consacrent des filles, non que elles s'y tiennent, car chacun garde la sienne en sa maison, mais quand ilz sacrifient, ces nonnains se vont ioindre aux sacrificeurs, lesquels tous ensemble se mettent à chanter, & dancer deuant leur dieu, & vrlans & braïans, font vn piteux seruice, & fort mal-plaisante musique : estimans que tandis qu'ils dancent, ainsi que leurs dieux banquetent, & se repaissent de la viande qu'ils leur ont présentée. Si quelcun est là cōdenné à mort pour quelque sien forfait, s'il demande la grace de se tuer de sa main propre à l'honneur de quelcun de leurs dieux, le Roy luy accorde facilement. Le roy estant decedé on le brusle, selon la coustume qui est presque commune à tous ces orientaux, ceux qui ont esté les plus familiers de sa maison se gettent de leur bon gré au feu avec le corps, esperans qu'en l'autre monde ils luy tiendront aussi compagnie. Ils sont abhominables en toute espee de paillardise : & combien qu'ils mangent chair si sont ilz si superstitieux que de ne tuer aucune beste, ains taschent que cela soit fait par la main de quelque estrager. Les meurtres & larcins y sont punis rigoureusement : l'usage du vin leur est interdit, & si quelcun est prouué d'en auoir beu, il est déclaré infame sans que iamais il soit receu pour tesmoing, Voire ne reçoient ils en iugement pour tesmoigner ceux qui montent sur mer pour faire voyage à cause qu'ils les estiment desesperez, & homicides d'eux-mesmes. Les Bramins de Var Maobaar, sont natifs du royaume de Lar, voisin du susdit, du costé de septentrion : & sont ces Prestres (quelques enchanteurs qu'ils soyent) gens de bonne vie, abhorras sur tout le mensonge, larcin, & paillardise, ne prenans qu'une femme, & s'abstenans de chair & de vin, sans que iamais ilz tuent animal quelcōque. Iamais ne se font saigner, aussi n'en ont ilz guere grand besoing, à cause de leur sobriété : & vont du tout nuds, sans rien couvrir, disans que ce n'est à eux d'auoir honte, veu qu'ils se sentent estre sans peché. Et sont si superstitieux que de ne manger aucune herbe verdoyante, ny se coucher sur icelle, à cause qu'ils tiennent que tandis qu'elles verdoyent, elles ont ame, & qu'ils craignent de les tuer, & cōmettre peché, en priuant de vie quelque creature. Ils couchent sur la terre dure, & bruslent les corps des trespasses, imitans presque les Brachmanes anciens, desquels à esté dit cy dessus. Voila vn sommaire de presque tous les peuples des Indes selon, & le cours géographique de Ptolomée, & la descriptiō des modernes desquels nous auons tiré la memoire des mœurs, religio, vie & ceremonies, laissant les eleuations & confront, ou auoïnement de chacune prouince, cōme n'estant nostre suiuet pour le present, & qu'en autre lieu i'espere en dōner le passetemps au lecteur, avec plus de curiosité, iugemēt, & diligence. I'ay laissé les regions tresorietales de Mangi, Ciambe, & Quinsay, à cause que estant suiuettes au grād Cam de Tartarie, i'espere q̄ deschiffrent les mœurs de ce peuple. Nous y enueloperons aussi les terres de ses conquestes.

*Filles consacrées
au seruice des dieux.*

*Loix de Maobaar
Et punitions
des crimes.*

*Obseques des roys
quelz.*

*Vin defendu en
Maobaar.*

*Les nauigans re-
cusez, en tesmoi-
gnage.
Bramins gens de
sainte vie.*

*Superstition des
Bramins.*

*Bramins sont les
anciens Brachma-
nes.*

*Mangi et Ciam-
be au coing de l'o-
rient sur le grand
sein de Ptolomée :
que les nostres a-
pellēt mer de Sur.*

LIVRE SECOND

De la Scythie, & mœurs des Scythes anciens. Chapitre 10

Herodote liur. 4.

Berosé liur. 4. des antiquitez.

Autre est l'opinion de Iosephe, antiq. liur. 1. ch. 6.



Araxé est vn fleuve d'Arménie. Strabon 11. Et 15. Appian de la guerre Parthiq. Et Mithridat.

De la diuision de Scythie voy Ptolom. liur. 6. ch. 14.

Et 15. Table.

d'Asie. 7. Et 8.

Strabon. liur. 13.

Pomp. Mel. li. 1.

Et 3. Orosé liur. 1.

ch. 2.

Darie mis en fuite par les Scythes.

Herodot. liur. 4.

Iustin liur. 1. Et 2.

Cire occis par la royne des Scythes

Herodot. li. 1. Iustin. li. 1. Orosé. l.

2. ch. 7.

Iustin dit que les Scythes vainquirent les gés d'Alexad & Quint.

Cmsetient qu'ilz suiuirent Alex.

à la conquête des Indes. Voy Cur-

tiel liur. 8. Et 9.

Maisons des Scythes sont les chariotz.

Le pays de Scythie, est vne region Septentrionale portant ce nom d'un des enfans de Hercule, nommé Scythe, ainsi que tient Herodote: ou suyuant l'opinion de Berosé Caldéen, ce Scythe fut filz d'autre que de Hercule, & d'une dame nommée Araxé femme de Noé, & né, & nourry audit pays de Scythie, à laquelle il donna ce nom. Les Scythes dès le commencement n'auoyent guere grand estendue de pays, mais par succession de temps ilz prindrent force, & accroissement par leur grande vaillance & vertu, tellemēt que ayās assuietty plusieurs prouinces, & vaincu diuerses nations, ilz gaagnerent vn bien grand Empire, & se rendirent illustres & fameux par tout le monde. Les premiers d'entr'eux, s'arrestèrent dēz le commencement pres le fleuve Araxé, en bien petit nōbre: & incogneuz, & sans grand renom de leur vertu, neantmoins ayās eslu vn roy d'etr'eux homme vaillant, & hazardeux, & excellēt sur les autres au fait de la guerre & ruses d'icelle ils estendirent leurs terres & iurisdiction. Ceux qui se tenoyent aux montaignes coururent le long du mont Caucaſe, & les habitans en la planure, allerent en s'agrandissans dēs L'oceā, & Paluz Meotides, iusqu'au fleuve Tanai & autres lieux: lequel fait que le pays de Scythie prenāt vn long cours vers l'orient, & passant le mont Imaé, & le trauersant par le milieu, est par iceluy diuisée en deux, l'une desquelles s'appelle Scythie dans le mōt Imaé, & l'autre hors & delà ledit mōt: Et ont esté tousiours les Scythes non assuiettis le tēps passé de personne, ny guere iamaïs assaillis pour estre soumis à l'épire de personne. Car c'est ce peuple, leq̃l assailly par Darie grād Roy de Perse, cōtraignist son armée de sē fuir, nō sans grād perte de gens, hōte & reproche pour vn si grād Monarque. Deffirēt le grād Cire avec toute son armée, cōduitz par vne femme, à sçauoir Tomiris royne des Massagethes. Alexandre le grand, y ayant enuoyé vn siē capitaine avec vne belle armée, n'eust point meilleur marché q̃ les autres, y perdāt, & le chef & les soldats. Les Scythes ont biē ouy parler iadis des Romains, mais d'auoir senty leur force, & empire, il ne sē parle aucunemēt: ce peuple est rude, grossier & patiēt soit au travail, soit aux incōmoditez de la guerre, & puissant outre la cōmune force des hōes. Le tēps passé on ne cognoissoit aucune differēce des natiōs cōprises sous le nō de ceste gent, pour n'estre diuisée par cartiers ainsi qu'elle est à present en ses Hourdes (desq̃lles nous parlerōs aux Tartares) comme celle qui pour lors ne se soucioit de cultiuer les chāps, ny de bastir maisō, ou se retirer en loge qui luy fust certaine, vagāt, & courāt par les aspretez des mōts, & profond trait des deserts, & solitudes cōduisant tousiours ses troupeaux qui estoit toute leur richesse, & desquelz ilz se vestoyent & nourrissoient portants leurs femmes & enfans sur des chariots, qui estoient leurs maisons, cōc encore on le peut voir & en la Scythie Asiatiq̃, & en l'Europe parmy la Moscovie le long du fleu Rha tirāt vers les mōtaignes. Et d'autāt q̃ ce peuple viuoit iustement de son propre instinct & naturel, aussi n'vsoit-il de loy

quelconque: & sur tout ils abhorroient le larcin comme ceux qui n'enfermoient point leurs haraz, & troupeaux dans des cloz, & palissées, où les enfermoient dans des loges bien murées, ains les tenoient en belle & pleine campagne, se fians en tout le monde. Ils n'auoient aucun vsage d'or, ny d'argent: le lait, & le miel leur seruoient de nourriture, s'armans contre les rigueurs, & froidures de l'hiuer, qui leur est presque continuel des peaux des bestes sauuages, ne sçachans que c'estoit que de faire acoustremens de laine, ny la tistre & en faire du drap. Et telle estoit la façon & maniere de viure des Scythes la plus commune, iacoit que non de tous: car comme ils fussent separez, & diuers les vns des autres, aussi y auoit il de la diuersité es mœurs, chacun ayant quelque cas de particulier, comme nous dirons cy apres, mais que nous ayons encore espluché vn peu ce qui touche au viure general de toute ceste nation. Laquelle est fort gloute du sang humain à tout le moins en plusieurs endroits, veu que iadis les Scythes dès qu'auoient pris vn homme en guerre ils en humoient le sang, & de tout autat que chacun en mettoit à mort, il failloit emporter la teste au Roy, au moins sil vouloit auoir part à la proie & butin, car autrement, il n'y pouuoit rien demander. Or coupoient ils les testes en ceste sorte, ils l'incisoient en rond, tout autour des oreilles, & en ayans tiré le test, secouoient ce qui estoit dedans, en ostans par mesme moien la peau: ainsi qu'ils font le reste du cuir de tout le corps, lequel ils coronoiét comme celui d'un bœuf, & s'en vestoient, & en faisoient des rênes pour les brides de leurs cheuaux, ou en vsoiét come de seruiettes faisant leur repas, & tant plus vn homme auoit de tel seruice, il estoit estimé le plus illustre & excellent entre eux. Les aucuns encor coupoient les mains dextres de leurs ennemis, les escorchant à tout les ongles, & en paroient la couuerture de leurs carquoys, & trouffes de saiettes: d'autres ayans escorché l'homme tout entier estendoient le cuyr sur des aiz, & le portoient pour parade sur leurs cheuaux. Les testes que j'ay dit qu'ils escorchoient, les ayant couuertes de cuir de Beuf par le dehors, au dedans les doroient fort mignonnement, i'entens ceux qui estoient les plus riches, & s'en seruioiét pour tasse, & gobler à boire, & en faisoient present aux hommes de marque estrangers venans les veoir, leur faisant recit de leurs prouesses, & comme c'estoient les testes de ceux qu'ils auoient vaincuz, & occis en guerre. Vne seule fois en l'an, les Princes chacun en son pais, donnoient du vin aux troupes de leurs soldatz, & en beuuoyent seulement les meurtriers de leurs ennemis, & ceux qui n'auoient rien fait de segnalé estoient mis à part sans honneur quelconque, qui estoit vne grande & insupportable infamie entre eux: la ou celuy qui auoit fait multitudes de massacres estoit estrené de deux tassées de vin, car autant portoit il de gobelets pour parade. Leurs dieux principaux estoient Veste déesse & presidète sur tous, & apres Iupiter, & Telluz, laquelle ils estimoient estre l'espouse à Iupiter, & ceux cy honoroient ils & taschoient de se les rendre propices: apres ceux cy ils adoroient Apollon, & Venus celeste, Mars & Hercule, sans que toutes fois ils dressassent temple, autel, ny simulachre, ou statue à pas vn d'eux, si ce n'est à Mars, auquel ils sacrifioiét chacun centiesme de tous ceux qu'ils

Ceux qui ont écrit des Scythes anciens sont Justin liur. 2. Herodot. liur. 4. Strabon. 11.

Simple nourriture des Scythes.

Scythes gloutons du sang humain.

Seruiettes des Scythes de cuir d'hommes.

Gobelets de Scythes de test d'homme.

Vin à qui permis Et quand aux Scythes.

Dieux honorez iadis par les Scythes.

Venus celeste adorée par les Scythes Voy Hesichie, de ceste Venus parle Pausanie es Attiques.

LIVRE SECOND

*Sacrifices des
Scythes.
Mars adoré sous
la figure d'un es-
pée. Herodot. 4.
Ammiā Mar-
cel. liur. 31..*

*Forme de iurer
alliance entre les
Scythes.*

*Il parle icy de la
Scythie d'Europe
veu que le Borist-
hene passe en Po-
loigne. voy Ptho-
lom. liur. 3. ch. 5.
Table d'Europ. 7*

*Ceremonies gran-
des & obseques des
Rois Scythiens.*

*Estrangere & pen-
se des plus loyaux
seruiteurs des roys
Scythes.*

*Garde morte pour
les roys deffunctz
entre les Scythes.*

prenoient en guerre : aux autres ils sacrifioient des bestes , & principale-
ment des cheuaux : quant aux pourceaux , ils en faisoient si peu de com-
pte, que seulement ne vouloient souffrir qu'on en nourrist vn seul parmy
leurs troupeaux. Quand leur Roy punissoit quelcun de mort, ce n'estoit
sur luy seulement qu'il vomissoit son ire, ains encor y comprenoit tous ses
enfans masses, ne faisant aucun outrage aux femelles. Avec quiconque
les Scythes faisoient alliance, ou ligue, c'estoit en ceste sorte qu'ils sy gou-
uernoient , prenans vn grand hanap de terre, & y versans du vin y mes-
loient aussi du sang de toutes les deux parties faisans amitié ensemble, in-
cisans quelque partie de leur corps avec vn glaive: puis arroufians le bours,
& pointe de leur espée dedans ce vin: ils en faisoient le semblable de flet-
ches, haches & dards: puis jurans vn long serment avec imprecations con-
tre celuy qui comprenoit l'alliance, il failloit que tous beussent du vin de
ce hanap, non-seulement les parties principales qui capituloient , ains en-
cor tous les plus grands qui assistoient compaignons de ceux qui faisoient
la ligue. Les Mausoles & sepulchres de leurs roys estoient au païs des Gerres,
qui est où le Boristhene comence à porter, & estre nauigable. En ce païs
là, le Roy estat decedé, ils faisoient vne fosse bien profonde, en figure car-
rée, puis prenans le corps, duquel ils tiroient les entrailles, ils l'enciroient,
& en lieu de ce qui auoit esté osté du ventre ils y mettoient des poudres
odoriferantes, de la semence d'Ache, & d'Anis, ce que fait ils le cousoient
& mettoient sur vn chariot le renuoyas de nation à autre, & chacune luy
faisant vn pareil seruice : & ce pendant les courtisans, & ordinaires de la
maison royale se fendoient les oreilles, & coupoient les cheueux en signe
de tristesse, deschiqetoient les bras, & pinsetoient le nez iusqu'à effusion
de sang, & se perçoient d'une fletche la main gauche: & apres que le corps
auoit passé par tous les païs, & contrées de la iurisdiction du deffunt, ils
le laissoient en la Prouince la plus lointaine de son Empire. C'estoit la
que le sepulchre estant dressé, & que le corps mis en vn lit dans son cer-
cueil, & descendu en la fosse on plantoit des lances & autres longs ba-
stons à l'entour, avec des verges par dessus, ensemble quelques habits: &
ayât mis en l'espace vuide du cercueil, vne des plus favorites concubines du
Roy, & la plus chérie de luy tādīs qu'il estoit en vie. Encore failloit il que
pour l'aller seruir en l'autre mode, il eust de ses officiers qui l'accōpaignas-
sent : & pour ceste cause ils estrangloient pres le tombeau vn chāberlan, le
cuisinier, l'omeiller, vn courrier ou sergeāt, & son muletier, to^o n'ayās qu'un
cheual pour porter leurs hardes, qui estoit massacré avec eux & tout enlé-
ble avec la vaisselle, & meubles plus precieux du Roy, estoient ainsi enter-
rez avec leur Prince : & encor au bout de l'an il luy faisoient vn pareil
seruice aux despēs tousiours de la vie de ses meilleurs, & plus anciens ser-
uiteurs, & officiers. Lesquels estoient tous Scythes naturels, & de franche,
& noble race & tels qu'il plaisoit au Roy de choisir, d'autāt que nul esclau
estoit receu à son seruice : & de ceux cy ils en eslissoient. 50. avec pareil
nōbre de cheuaux, qu'ils estrangloient, leur ostāt les entrailles, & recousans
le vêtre, les couurans encor de leurs mātēaux, les attāchoient autour du tō-
beau fait & couuert d'une voute, eux estās à cheual, & posez de telle sorte
qu'o les pouuoit voir de loin en tout tel equipage : cōme si c'eust esté vne

troupe de cavalerie ordonnee là pour la garde du Roy decedé. Et telles estoient les ceremonies & funerailles des Rois estans mis en terre. Les personnes priuées ont eu aussi leur façon particuliere de sepulture, car vn estant trespasé, les siens le mettoient sur vn char, & le portoient vers ses amys & parens, chacun desquels dresseoit vn banquet en son lieu & posade à tous les parens du mort, & autres qui accompagnoient le corps, & ainsi ils le pourmenoiert par l'espace de 40. iours, lequel finy ils le mettoient en terre, luy ayans premierement purgé & nettoyé le test en ostans le cerueau, & le lauuant fort soigneusement sur le corps ils mettoient trois pieces de boys se correspondans ensemble, & baissans leur pointe sur lesquelles ils posoient des tentes de laine, le plus gentiment qu'il leur estoit possible: puis gettoient dans vn vaisseau fait comme vne barque, & mis sur le tombeau entre les voiles, & le bois des pierres, les plus luyfantes qu'ils scauoient choisir. Les hommes en Scythie ne se lauent point, mais leurs femmes pres de quelque pierre aspre, & raboteuse y espandans de l'eau par dessus, s'y frottoient, & estrilloient le corps nud, & estant de telle friction enflée leur chair, elles se frottoient le corps de boys de Ciprez, Cedre, & Encens, si elles en auoient, & la face de certains medicaments composez de drogues semblables: & par ce moien elles sentoient bon, & le iour apres ayant osté ces emplastres, & drogueries, elles apparoiſsoient plus belles, & d'un taint plus gélil & gaillard. Si ce peuple vouloit iurer, ou recevoir quelcun à serment on ne iuroit que par le throsne royal, & si se pariueroit, ayant esté cōuaincu par les enchâteurs, en faisans la preuue avec des verges de Saulx, soudain il perdoit la teste, & ses biens estoient cōfisquees à ceux qui auoient fait preuue de son crime & pariure. Les Massagetes sont Scythes d'Asie se tenans delà la mer Caspie, autrement d'Abaccuc, estans semblables aux Scythes & en habits, & en façons de faire, qui est cause que plusieurs les cōptent & mettēt entre les Scythes. Ils bataillēt, & à pied, & à cheual & inuincibles presque en l'une & l'autre sorte du cōbat, vſans de la lance, ſagettes, & ſangare, qui estoit le glauiue duquel ils ſaydoient ordinairement comme de leur espée: ayans pour enrichissement de l'or en leurs baudriers, aux morions & salades, & aux esselles de leurs harnois: armans en outre les poitrines, de leurs cheuaux de fin or, & de mesme metal ils en faisoient les mors des brides, & les bardes & chanfrains. Le bout de leurs lances estoit d'erain, & d'erain aussi ils garnissoient leurs trouffes & carquois, n'ayans aucun vſage de fer, ny d'argent. Chacun d'entre eux prenoit vne femme quoy que tous les acointaſſent en public, & sans honte ny respect quelconque: & c'estoient les seuls d'entre les Scythes qui en vſoient ainsi, si tels est qu'il les faille dire ny estimer. Veu que si quelcun d'entre-eux auoit enuie d'auoir affaire à la femme, il ne faisoit q̄ pendre son carquois à son charriot, & empoignoit la femme, sans honte aucune d'homme qui le peu regarder. Ce peuple n'auoit aucun terme certain & naturel limité pour sa vie, à cause q̄ deſ que quelcun estoit paruenue à grāde vieillesse, les parēs & alliez asſēblez ensemble le massacroiēt, & encore quelqs brebis pour luy faire cōpaignie, & faisans cuire indifferēment ensemble, & la chair de l'homme, & celle des ouailles ils en dresseoient leur ban-

*Sepultures des
personnes priuées
entre les Scythes.*

*Fard des femmes
indis en Scythie.*

*Moyē d'esprouer
le pariure & pei-
ne d'iceluy.*

*De ceux cy estoit
royne Tomiris, qui
occist Cīre In-
stin. 1.*

*Ptholo. l. 6. c. 13.
Tab. 7. d'Asie
met les Massage-
tes entre les daces,
hors de Scythie.
Strabon 11.*

*Vie eshontée des
Massagettes.*

*Estrange banquet
des Massagetes.*

LIVRE SECOND

*Le soleil adoré
par les Massages.
thes.*

*Chevaux immo-
lez au soleil, &
pourquoy.*

*Seres peuples ou
croissoit la soye, à
present royaume
de Cambalu, cité
royale du Cam de
Tartarie.*

*Trafic des Seres:
à present tout chā-
gés. voy Ammiā
Marcellin. li. 23.
Péponie Mele. 3.
Solin. chap. 53.*

*Seres sans aucune
maladie.*

*De la longueur de
vie des Seres. voy
Strabon. 15.*

*C'estoient ceux de
la region Tauri-
que au Cherson-
nesse, & ceste vier-
ge estoit Iphigenie
Pausanie. liur. 2.
Herodote. 3.
Isacrie sur Lico-
phon. & Diodor.
Sicil. liur. 5. tou-
tesfois tous accor-
dent que c'estoit
Diane.*

*De ceste Iphige-
nie les poëtes Tra-
giques en sont
pleins.
Cruauté des Tau-
roschythes.*

quet, & estimoient ceste mort la plus heureuse qui leur eust sceu aduenir. Or ne mangeoyent ils point ceux qui mouroyét de langueur & maladie; mais les enterroient, deplorans leur fortune pour n'auoir eu ce bon-heur d'estre immolez & mangez par leurs bons parens & amys. Ils ne semoient chose quelconque pour pouruoir à leur vie, d'autant qu'ils se contentoient de leurs troupeaux, & du poisson que le fleuve Araxe leur fournissoit en abondance: & vsoient fort de lait pour leur breuuage. Entre les dieux ils honoroient sur tous le soleil, en l'honneur duquel ils immoloient le cheual à sçauoir prenans cest esgard que de sacrifier au plus hastif, & courant des Astres, l'animal le plus soudain & courageux à la course. Les Seres viuoient debonnairement, & trespaisiblement ensemble, & non-obstant ceste affabilité, si euiroient ils la societé de tous autres hommes, tellement qu'ils ne vouloient trafiquer avec estranger quelconque par communication de parole. Mais s'ils vouloient contracter & vendre leurs dé- rées, ou d'autres en acheter, l'estranger estoit contraint passer le fleuve, sur le bord duquel chacun mettoit sa marchandise, là où les Seres (sans acheter toutesfois rien d'estrange) donnoient pris du seul regard à ses denrées, que l'estranger paioit sans autrement en disputer.

Entre eux la femme paillardes, ny l'adultere, ou le larron n'estoit point appellez en iugement, & ne sçauoit on dire que iamais vn meurtre y eust esté commis, comme ceux qui ont plus de crainte de la transgression de leurs loix, que de la menace des constellations, ny predictions de ceux qui dressent les Horoscopes, & natiuitez. Ils se tiennent es parties plus orientales: & d'autant qu'ils viuoient fort chastement, ils ne sentoient ny l'incommodité du degast de leurs bleds fust par bruine, ou par gresle & tempeste ny de leur santé par peste ou autre maladie quelconque. Aucun d'entre eux n'acostoit la femme tandis qu'elle estoit enceinte, ny lors qu'elle souffroit son flux menstrual, nul n'y mangeoit beste qui fut souillée, & ne faisoient aucun sacrifice, chacun estant inge de soy-mesme en suyuant naturellement ce qui estoit de droit & iustice, qui estoit cause qu'ils n'expérimentoient point ces fleaux avec lesquels Dieu chastie les meschancetez des hommes, ains vians longuement, à la fin ils mouroient sans maladie, & deffaillans heureux en grande vieillesse. Les Tauro-Scythes ainsi nommez, à cause du mont Taurus pres lequel ils habitent, dedioient & immoloient vne vierge, ceux qui eschapoient du naufrage, & perils de la mer & sur tous les Grecs qui y abordoiét, les traités en ceste maniere: Ayant fait quelque assez longue priere, ils assommoient l'estranger d'une massue, & luy coupans la teste, aucuns tiennent que le tronc du corps estoit précipité du hault d'une roche dans la mer, d'autant que leur temple estoit basty sur le hault & pointe d'un espouuentable & apre rocher, & sur lequel ils fichoient & plantoient les testes des immolez: d'autres accordent bien quant à planter ainsi les testes, mais nient que les corps fussent précipitez, plustost les mettans les Tauriques en terre. Le Diable auquel ils faisoient ce sacrifice, on disoit que ce fut iadis Iphigenie fille d'Agamemnon Roy de Micenes. Quant à ceux qu'ils prenoient en guerre, c'est ainsi qu'ils les traitoient: chacun emportoit en sa maison la teste de son ennemy,

ennemy, & la fichant sur vn pieu la mettoient au plus hault feste du logis, & bien souuent sur le pignon de la cheminée: les mettant en lieu si eminent, à cause qu'ils les disoient estre les gardes de leurs maisons, & familles. Ce peuple ne viuoient que de larcins, & des pilleries faites à la guerre. Mais les Agathirses estoient fort propres, & se tenans tres-mignotement se parans d'or, & ioyaux precieux, & vñs de leurs femmes deuant tout le monde, afin que ceste communauté les rendist tous freres & domestiques en vne commune liaison, sans qu'ils se portassent enuie, ny s'entrehaïssent pour cela en sorte quelconque; & quant au reste aprochans fort de la maniere de viure des Thraciens. Les Neures viuoient tout ainsi que les Scythes, lesquels quelque peu de temps auant le voyage de Darius contre les Scythes furent contrains de quitter leur païs, à cause d'une grande multitude de serpent qui s'y engendra & les infectoit, & gastoit fort pernicieusement. Ce peuple auoit vne estrange opiniõ. Et se persuadoit que tous les ans en certaine saison ils deuenoyent loups & le iuroyent, affermyent avec grands sermens & protestations: & que de rechef ces iours passez, ils recouroyent leur forme premiere. Les Antropophages c'est à dire mange-hommes estoient les plus sauages & cruels d'entre tous les hommes sans loy, droiture ny iugement, s'exercans à la nourriture des bestes, & portoyent l'habillement semblable aux Scythes, ayant vn propre & particulier langage, encor y estoient les Melanchlenes, ayans ce nom, pource qu'ils alloient tous vestus de couleur noire, lesquels vñs de façons de faire des Scythes, s'adonnent aussi à se repaistre de la chair humaine comme les precedents. La nation des Budins estoit fort grande, & la prouincẽ spacieuse & fort populeuse, tous ayans les yeux de couleur celeste & azurée & le poil roux: leur cité principale estoit Gelõ, qui aussi leur faisoit porter le nom de Gelons. Ceux cy celebroyent tous les trois ans les Baccanales, ayans le tẽps passé esté Grecs, mais chassez de leur terre, & se retirans là, tindrent les mœurs & Scythiques, & Gregeois, comme aussi leur langage estoit meslangé de l'un & l'autre peuple: quoy que les Gelõs fussent differens & en langue & en façons de vie du reste des Budins: lesquels estans naturelz du païs des route ancienneté, s'adonnaient aussi à l'estude peculier au Scythe, qui est de nourrir les troupeaux, & sont les seulz entre les Scythes, qui mangent les poux & vermine qui naist en leur chair: là où les Gelons estoient laboureurs, viuant de froment, & s'exercans aux iardinages, sans ressembler leurs voisins, ny en couleur ny au visage, & fierté de regard.

Toute leur region abondoit en boscage à cause d'un grand lac qui environne la plus part du païs où ils prennent des Loutres, Bieures, & autres plusieurs bestes sauages, des peaux desquelles ils faisoient des robes fourrées pour s'armer contre les horreurs de l'hiver. Les Lyrceens viuoient de venaison de laquelle ils cheuiffoient en ceste sorte: Ils montoient sur des arbres en estant leur païs bien fourny, & de là auant ils faisoient la guerre, & dressoient des embusches aux bestes, chacun conduisant vn chien barbet, & vn cheual tel que ceux que nous apellons harquebusiers pour la chasse, apris à se baisser, & coucher sur le ventre voyans la proye: l'hom-

*Neures peuples
chassez, de leurs
païs par les Ser-
pens.*

*Folle opinion des
Neures se pensans
estre Loups.*

*d'ou cela procede.
voy Celiẽ Rhod.
liu. 27. cha. 12. on
apelloit tels homes
Loups-Garoux.*

*S. August. cité
de Dieu liu. 18.
Ptholom. li. 6. ch.
16. met ces An-
tropophages en la
Prinice Serique,
ou de Cambalu
au païs le plus se-
ptentrional.*

*Les Melanchlenes
sont en la Sar-
matie. Ptholom.
liur. 5. chap. 9.
Budins peuple
fort grand, et nõ-
mé encor Gelons
estoient en l'E-
urope pres le fleuve
Tanai.*

*Difference des
Budins & Gelõs.*

*Chasse des Lyr-
ceens.*

LIVRE SECOND

*Ce discours fas-
cheux est tiré de
Herodote liur. 4.*

me estant sur l'arbre, secouru par son cheual ne faillloit de darder sur la premiere beste qu'il voioist, & l'ayant ferüe monter à cheual, & la pour-
suiure avec son chien, tant qu'elle eust rendu les aboys. Les Argippeëns se
tenoient au pied & racine des montaignes les plus hautes de Scythie, les-
quels on tient auoir esté chauues des leur enfance, tant massles que femel-
les, fort camuz, & le menton long, hors toute proportion, ayans vn lan-
gage tout different des autres. Ils estoient vestuz comme les Scythes, vi-
uans du fruit des arbres sans nourrir bestail quelcōque qui est cause qu'ils
en auoient disette.

*Argippeëns esti-
mez sacres, &
pourquoy.*

*Franchise en la
terre des Argipp.*

Ils couchoient souz les arbres, & durât le froid, & l'hyuer ils y dressoient
vne tente forte, & ferme, & icelle de blāche couleur, & l'esté sans ceste tē-
te ou pauillon : on estimoit ce peuple sacré à cause qu'il n'auoit aucun
soucy de la guerre & n'auoit aucunes armes en sa puissance & si iuste que
leurs voisins ayans quelque different à vider ensemble c'estoit à eux à
getter la sentence : voire leur terre seruoit de franchise, car quiconque se
retiroit vers eux : il n'y auoit homme qui eust osé luy faire tort, ny desplai-
sir quelconque. Et la façon de vie des Issedons fust telle : le pere d'un d'en-
tre eux estant decedé, tous ses parens amenoyent leurs troupeaux & ber-
gerie, & d'icelle en prenans, ils les massacroyent & mettoient en pieces,
ensemble le corps du trespassé pere de celui qui appelloit ses coulins au
banquet & mellans toute ceste chair ensemble ils banquetoyent & en
prenoyent leur repas.

*Anniversaires
entre les Issedons.
Issedons sont par-
ties en deux, as-
noir en la terre de
Mongal, & en la
region de Camba-
lus. voy Ptholom.
li. 6. ch. 15. & 16.*

Après ce oistans & chair & cuir, & cerueau du test du deffunct, ils le
doroyēt & s'en aidoyēt pour idole & simulachre luy faisans des Annier-
saires tous les ans, & luy sacrifiens de grandes hosties & vsans d'extremes
& solennelles ceremonies. Et ainsi en fait le fils au pere & le pere au fils,
ainsi qu'en vsoyent les Grecz aux festes de leur naissance. Ceux cy encor
estoyent estimez iustes, & leurs femmes aussi fortes & vaillantes que les
hommes. Et telles furēt iadis les manieres de viure des Scythes : mais d'au-
tant qu'ayans esté vaincuz & assuiettis par les Tartares, & qu'ils viuent à
present selon les loix & façons Tartaresques on les appelle aussi de mes-
me nom, iacoit que diuersemēt ils se comportent : & desquels il fault par-
ler plus particulierement & specifier les choses à fin qu'aucun ne doute
de ce que les anciens ont commencé d'esclaircir & que les modernes ont
presque conduit à la perfection.

De la Tartarie, & des mœurs & grande puissance des Tartares. Chap. II.

*Mongal est vne
partie de la grand
Tartarie.*

*Cest auheur a
suiuy Vincent au
miroir hister. l. 32*



La Tartarie de laquelle vne partie s'appelle à present
Môgal est posée en celle partie de la terre, où l'oriēt
s'auoisine du septétrion, ayant vers le Cathay, & So-
lange, [au midy le païs de la Sine, & ne sçay où ce-
stuy pèche la terre Sarrafine au leuant & en la Scy-
thie veu qu'elle estoit en Arabie : si ce n'est qu'il prist
les Turcz pour les Sarrafins, qui seroit vne faute fort

lourde tant en la Geographie qu'en la verité de l'histoire estans bien differens ces peuples les vns des autres, & en mœurs, & en façons de police] à l'occident luy gisent les Seres, ou region de Cambalu & au septentrion le grand Ocean, mais ce país non encor descouvert, ny par les anciens ny par les modernes.

Or estime lon que ceste region a pris le nom d'un fleuve nommé Tartar qui court le long de celle province, chose assez vraysemblable. Elle est fort montaigneuse, & ou elle s'estend en planure, encore est elle glaireuse & pleine d'argille & de sablons sterile si ce n'est qu'elle soit arrousee de riuieres, desquelles elle n'est pas trop abondante, qui est cause qu'elle est fort deserte & mal peuplée, sans pas vne ville, vne exceptée qu'ils appellent Cracurie. Si pauvre en boys en plusieurs endroits, que les habitans sont contrains de se chauffer avec la fiente seche des Bœufs & chevaux, & d'en cuire leur viande. Le Ciel y est mal disposé, & grandement facheux, veu que durant l'esté les tonnerres, esclairs, & foudres y sont si continuels effroyables & horribles que de grande frayeur plusieurs en perdēt la vie. Les vents si impetueux & vehemens qu'ils enleuent vn homme de dessus son cheval, & renuersent ceux qui vont par la campagne, arrachēt les grans arbres, & en somme font de grands dommages par toute la Province: en laquelle encor on voit vne telle inconstance en la disposition de l'air, qu'ores il fera vn chault excessif & tout soudain vn froid rigoureux, vne espaisse & abondante nuée de neiges couvrans toute la face de la terre. Durant l'hiuer il n'y pleut iamais, & souuent en esté, mais avec si peu d'effort qu'à grand peine la terre se sent de l'humeur & arrousement. Le país est au reste fort riche & abondant en bestail, à sçauoir Bœufs Chameaux, Cheuaux, Brebis, Asnes & autres de diuerſes sortes, sur tout les bestes cheualines y abondent plus qu'en país ny region qui soit en tout le monde.

Ceste province fut iadis habitée de quatre peuples, à sçauoir Iechamōgal, cest à dire grands Mongales, les seconds Su-mongal, qui signifioit aquatiques, lesquels aussi pour estre voisins du fleuve Tartar s'appellent Tartares. Merchat estoit le troisieme peuple, & Metrit le quatrieme. [D'autres nombrent sept nations premieres de ce peuple qu'en commun ils apelloient Mogles, la premiere & principale estoit celle de Tartar du nom du fleuve & de laquelle le reste porte le nom: la seconde Tangor, & l'autre Cunar, celle qui l'auoisine est Ialait, la cinquieme Sonith, la sixieme Monghi, que i'estime Mongal, & la derniere Tebeth qui est vers les deserts de Dauuil où l'on dit que les malins esprits aparoiſſent visiblement, & font perdre les voyageurs en leur monstrant le chemin par les voyes où ils ne peuuent trouuer ny sente ny sentier quelconque.] Ce peuple fut vn long temps suiet à ses voisins, & leur payoit tribut, tant il estoit vil & ancanty quoy qu'il fut gouverné par des seigneurs & Capitaines, qui auoyent la souueraineté du maniment des affaires mais en fin ils s'emanciperent de telle seruitude. Et ce par le moien d'un vieillard qui estoit Mareschal de son estat, lequel se dit auoir eu certaine vision d'un cheualier armé à

Ceste est la vraye description selon Ptholom. li. 6. ch. 15. Table d'Asie. 3

Il ne parle que de la seule terre de Mongal.

Grands orages en la terre de Mongal.

Indisposition de l'air.

Tartarie abondante en bestail, & sur tout en cheuaux.

Quatre peuples de Tartarie selon Vincent sus allegué.

Voy Mathias Micheu de la Savathie Asiatic. liur. 1. cha 8.

Haiton liur. des Tart. cha. 16.

Premiere institution de roy en Tartarie faite par oracle.

LIVRE SECOND

*Paul Venicien. l.
des Tart. 2. ch. 5.*

*Edits, & ordon-
nances du premier
cham des Tar-
tares.*

*Cruel essay de Cā-
guiste pour tenter
l'obeïssance de ses
suiets.*

*Les grandes mo-
narchies commens-
cent par sang, &
parricides.*

*L'Inde fut iadis
suiette en partie
au Prete-Jean.
Des courses des
Tartares en Eu-
rope, voy le. 1. liv.
de la Sarmathie,
de Mathie Mi-
cheu.*

blanc & monté sur vn cheual de pareille couleur, lequel l'ayant appelé de son nom luy parla en ceste sorte, Canguiste, (car ainsi s'apelloit ce maistre mareschal) la volonté du Dieu immortel est que tu deliures ce peuple Mongaliste de la suiectiō & tribut de ses voisins, & que tu sois le gouuerneur & Roy des Tartares, lesquels assuiettiront les autres, ainsi qu'à present ils sont tributaires de leurs voisins. Ce qui fut cause que les Tartares desireux, & de leur liberté, & de commander sur les autres eslurent, suyuant la vision & oracle, pour Roy ce Canguiste, qui a esté le premier Prince de ce peuple. Et aduint cecy en l'an de nostre seigneur. 1187. Ce Canguiste que d'autres apellent Cinghis estoit homme sage, accort & de bonne vie, & fut le premier qui tascha d'oster l'idolatrie d'entre les Tartares, deffendant par edit dès qu'il fut Roy toute adoration de tels idoles, enioignant qu'on adorast vn seul & le tregrand Dieu, par le moien duquel il festimoit estre paruenu à telle & si grande dignité. Ordonna d'auantage que ceux à qui l'aage permettoit de porter armes eussent à se trouuer à iour certain & par luy prefix, au lieu où il luy plairoit leur commander, & là il distribua & partist l'ordre de sa gendarmerie en ceste sorte, que les dixeniers obeïroient aux centeniers, & iceux aux chefs qui cōmandoient sus mille hommes, ces capitaines encor feroient obeïssance aux colonnelz de chacun regiment. Et pour essayer si les Tartares seroiēt prompts à executer ses cōmandemens, il commanda aux sept Princes, qui au parauāt auoient cōmandé sur les Tartares, de tuer leurs enfans de leurs mains propres: Iaçoit que les peres trouuassent ce commandement aspre & de fort dure digestion, si est-ce que soit qu'ils craignissent la fureur du peuple qui tenoit ce Roy comme chose diuine, ou que la religion les touchast & esmeut, estimans que Dieu auoit donné commencement à ce royaume: & que fils ne vouloient obeïr, ce ne seroit mespriser le Roy, ains la puissance du treshault, ils mirent la main à l'œuure & despecherent le monde de leurs propres enfans.

Canguiste se voyant ainsi fortifié, ne faillist soudain de se ruer sur les Scythes ses voisins tant delà que deçà le mont Imaë qu'à, present on nomme Belgian, & les feit ses suiets & tributaires, voire assuiettist ceux mesme de qui au parauant ils estoient les vassaux: & semanciperent de route obeïssance. Apres cela il s'attaqua aux nations plus lointaines avec tel heur & felicité que toute la Scythie des l'orient au septentrion & les autres terres depuis le Cathai, iusqu'à nostre mer mediterrannée furent espouuētées & troublées par la fureur de ses courses & armées enuahissant les royaumes, & Prouinces, assuiettissant les peuples plus puissans & farouches, & estendant ses forces sur le grand Ocean Indien & au grand sein & mer de Sur tellement qu'il se peut dire à bon & iuste tiltre l'Empereur & souuerain presque de tout l'orient.

[Veu que presque toutes les Indes luy obeyssent, les isles de la mer iusques à la Taprobane luy payent tribut & le recognoissent: & c'est luy qui a chassé les forces du roy Ethiopien des Indes, & qui tient le Sophi en ceruelle & le presse courans iusques bien auant en ses terres, qui encor ne laisse le Moscouite en repos lequel sans vn tel

& si puissant ennemy, eust-il a long temps affoibly les forces de la Sarmatie d'Europe & le royaume de Poloigne.] Les Tartares sont bien les hommes les plus laids & difformes qui soyét au monde, estants ordinairement de petite stature, ayans les yeux gros, & comme leur sortans de la teste, fort grandes paupieres, & le sourcil si velu, qu'on voit peu de l'œil descouvert en eux, le visage large & sans barbe, sauf qu'aux leures de dessus, où ils portent de grandes moustaches, & sur le menton quelque poil follet, & iceluy fort rare: Tous en general camuz, & ayans assez beau ventre: & se rasent la teste par le derriere de l'une oreille à l'autre, tellement que ceste rasure represente la figure d'une barbe, au reste ils nourrissent leur chevelure presque aussi longue que font les femmes par deçà, de laquelle ilz font deux tresses & cordelettes, lesquelles ils entortillent autour de leur chef par derriere les oreilles: & ainsi non seulement les Tartares se rasent ainsi, ains encor ceux qui habitent avec eux de quelque pays, estat, condition, loy, ny religion qu'ilz puissent estre. Les Tartares sont naturellement fort adextres, & legers, bons hommes de guerre à cheual, mais peu aptes à combattre à pied, aussi aucun d'entr'eux ne va iamais à pied: car iusqu'au plus pauvre tous vont à cheual, ou fident des Bœufs pour môtures quelque part qu'il leur faille aller, tant les hommes que les femmes. Leurs cheuaux sont chastrez, & n'en veulent point de hargneux, rieurs, ou qui mordent: & encherissent les mors & brides d'or, argent & pierreries, prenans plaisir à pendre au col de leur montures des clochettes & sonnettes, qui resonnent bien, comme chose qu'ilz estiment magnifique, & ressentant la grandeur. Leur parolle est rude & barbare, & eux grands criards, & quād ils chantent, c'est aussi doucement, que si c'estoyent des Loups qui vrlasent: en beuuant ilz secouent la teste, & haugent souuent le temps à bien boire, qui leur est vne grand gloire & mesme s'ils viennent iusqu'à là, que de se bien enyurer. Ilz se tiennent aux champs, à l'imitation des anciens Scythes, sans se soucier que bien peu des villes, citez, hameaux, bourgs, ny de villages, & habitent en des tabernacles, à cause que la plupart se mesle de pasturage. L'huiuer ce sont les planures, & campagnes où ils se retirent, & l'esté aux môtagnes à cause que l'herbe y foisonne, & verdoye en grande abondance. Leurs tentes, & pavillons sont faits ou de verges enlacées ensemble comme claies, & treillis, ou de feutre estendu sur des cheurons bien coniointz & cheuillez ensemble, laissant vne fenestre ronde au milieu du corps de leur magnifique logis, afin d'auoir clarté, & de faire eua-porer par là la fumée: à cause qu'ilz font aussi le feu au beau milieu de la loge, autour duquel sont assises leurs femmes & petits enfans. Les hommes s'adextrent fort à la lutte, & à tirer de l'arc, d'autāt qu'ilz sont merueilleusement adōnez à la venerie & vont armez, eux & leurs cheuaux à la chasse, si que voyans la proye ilz l'enuironnent de toutes parts, & tous ensemble luy dardent, & lancent des coups de fiesche, tant qu'ils l'ayent mise à mort. Ils n'vsent point de pain (il s'entend en aucuns endroits, & parmy ces pasteurs vagabonds) & ne pestriissent rien de farine, n'vlsant encor de napes ou seruiettes à leurs repas, tant ils sont honestes. Ils croient vn seul Dieu, & le mesme ils confessent createur du Ciel & de la terre, & facteur

Forme & stature des Tartares.

Tartares se rasent la teste.

Tartares font gloire de l'yurognarie.

Cabanes, & loges des Tartares se tenant en la campagne.

Tartares vōt armez à la chasse.

Ils tiennent ceste foy de chrestien, car ilz ont esté iadis imbuiz, de nostre religion. voy Hannon. l. des Tartares chap. 39. 40. & 41.

LIVRE SECOND

des choses tant visibles, qu'inuisibles: neantmoins ne font ils aucun seruice, ny ceremonie au nom du Dieu du ciel, ains plustost se tournent à venerer & adorer des idoles qu'ilz dressent de feutre, ou drap de soye, qu'ilz mettent de tous costez de leurs loges, les priants de sauuer, & garder leurs troupeaux & haraz, & leur font tresgrand reuerence, leur offrant de toute sorte de lait de chacune sorte de leurs bestes: & auant que manger chose quelconque ilz en presentent le premier seruice à leurs dieux: & de tout animal qu'ilz occient pour leur nourriture: ilz en laissent tout le lög d'une nuit le cœur dans vn gobelet, & puis l'endemain le cuisent, & s'en repaissent [Ilz adorent encor vn certain Dieu qu'ils nomment Natagai, c'est à dire dieu de la terre, leql ilz disent estre celuy qui a soing des fruits des champs, & estre le conseruateur d'eux, de leurs familles & troupeaux: & n'y a si petit ne si grand qui n'aye son ymage en son logis: & d'autât qu'ilz estiment que ce beau Dieu soit marié & aye des enfans, ilz font de petites effigies aupres de luy, celle de la femme assise au costé gauche de Natagai, & les enfans qui sont aussi assis deuant la face de ceste Idole.]

Natagai dieu terrestre estimé par les Tartares. Paul venitié. li. 1. c. 58

Tartares combien estiment leur roy.

Ils honorent encor le Soleil, la Lune & les quatre elements, & leur font des sacrifices, & estimans leur Cham & empereur filz de Dieu, l'adorent avec vne grâde & superstitieuse religion & reuerce: & le croient si grâd & excellēt, en font si grâd cōpte, qu'ils ne pésent point qu'il y ait hōmeau mōde plus digne & plus illustre, voire ne qui luy doie estre parangonné, & ne souffriroyēt qu'on leur tinst propos d'autre prince que de celuy qui leur cōmande, & mesprise tellement ce peuple le reste des hōmes, & a telle opiniō de sa sagesse, bōté & excellēce, qu'il ne tiēt cōpte d'aucū, voire dedaigne de parler à quicōq soit, si n'est Tartare. Ils apellēt le Pape, & tous les chrestiens Dzinthis, qui signifie payens, & Chaur, c'est à dire infidelles, chiens & idolatres, à cause qu'ils honorent le boys & les pierres. [Et ce depuis que semons par le Pape Innocent 4. à recevoir la foy Chrestienne, à quoy comme presque ils enclinaissent, Sathan suscita les Mahometistes qui ne vouloyent perdre vn si friant morceau à l'admonester de prendre la religion de l'Alcoran comme la plus pure d'autant qu'elle n'enseignoit que l'adoration d'un seul dieu, & celle des Chrestiens estoient fardie d'Idoles: en outre que la leur estoit gaillarde, & permettant tout à l'homme libre, & luy mettant les armes aux mains, & que celle de Christ, ne valoit que pour les effeminez & gens qui ne demandent que le repos: & sçauēt si bien haranguer les Alcoranistes, que celuy qui n'auoit religion qui luy fut certaine embrassa la pire, & laissant celle loy qui est toute spirituelle, empoigna la doctrine de la chair, d'Apostasie & abhominacion, & ce enuiron l'an de grace 1247.] Ils ont des enchanteurs, & eux-mesmes s'adonnent aux forceries, & à la diuination par songes, & ces deuins & magiciens leur interpretent, demandans la responce des idoles dans lesquelles Sathan leur parle: & ce pendant ils pensent que ce soit Dieu qui leur declare sa volōté par le ministere des idoles, qui est cause qu'ils ne font rien sans consulter premierement leurs oracles. Ils obseruent fort les saisons & mesmement les changemens de la Lune: non qu'ils festēt ou sollennisent vn iour plus qu'autre, ou qu'ils ieusnēt & s'abstiēnent, en l'une saison plus

Mathias li. de la Sarmatie. 1. ch. 5

En quel temps les Tartares se seyrēt en partie Mahometistes.

qu'en l'autre, comme font les Mahometans, ains font & les iours, & les saisons s'escouler tout d'un trait & en mesme sorte. Et est ce peuple si aua-
 re, & conuoiteux, que s'il voit quelque chose qui luy vienne à gré, & n'en
 puisse iouyr du gré & volonté du possesseur, pourueu qu'iceluy ne soit
 Tartare, il ne faillira d'y proceder par voye de fait, & violence, se courras
 en cela d'un edit de l'Empereur par lequel telle vsurpation leur soit loisi-
 ble & permise. D'autant qu'ils ont ceste ordonnance de Canguiste, & Chaâ
 les deux premier roys de Tartarie, que quiconque des Tartares, voire des
 esclaves des Tartares trouuera vn homme, femme, cheual ou autre chose en
 son chemin sans lettres, ou sauf-côduit du roy, qu'il s'en saisisse, & en iouisse
 tousiours come de chose sienne & iustement acquise. Ils prestent de leur mô-
 noye à ceux qui en ont indigence, mais avec vne excessiue, & insupportable
 vsure prenant vn pour dix tous les moys, & le terme escheant, s'il ne paye
 l'vsure, est redoublée payant encore interest sur le premier interestz & sur-
 croist de l'vsure. Et y sont les exactions, gabelles, daces & imposts si grâdz
 qu'on ne list point que iamais nation ayt esté si estrangement molestée
 de subsidies que sont ces Tartares par leurs Chams, ou Empereurs. C'est
 chose incroyable que ces seigneurs, ne font iamais qu' desirer, & demander
 & rauissent tout, come s'en disans les seigneurs, sans qu' iamais ilz restituēt
 riē de leurs emprunts: & sont si cruels qu' seulement ne veulēt faire l'aumos-
 ne aux pauvres. En vne chose seule sont ils louables qu' tandis qu'ils disnēt
 ou soupent si quelcun suruiuent, ils ne luy refusent point leur table, & luy
 souffrent de manger avec eux, voire inuitent les suruenās, leur cōmunicans
 fort charitablement de leurs biēs. Leur viure est tressale & ord, come ceux
 qui n'vsent (come dit est) de nape ny de seruiette quelcōque, & ne se tor-
 chent point les mains & ne les lauent, ny le corps, ny leur habillement, & ne
 font du pain, ny n'en mangēt, ny herbes, ny aucun legume: seulement se re-
 paissent ils de toute sorte de chair & de toute beste tāt soit elle sale, & souil-
 lée, & chiēs & chats, cheuaux, & rats des plus gros qu'ils peuuent trouuer
 & prédre. Aucuns d'etr'eux sont Antropophages, come ceux qui ayās pris
 leurs ennemis pour faire parade de leur cruauté: & du desir de vengeance
 graué en leur ame, les tuent & font cuire la chair, & festans assemblez en
 grand cōpagnie, le deschirent à belles dēs come loups, ou chiēs enragez,
 & le deuorent, mais plustost ayans recueilly leur sang dās des tasses le boi-
 uent fort gloutement, autremēt le lait de iumēt leur sert de breuuage. Car
 il ne croist point de vin en leur païs, mais si on en y apporte d'ailleur come
 l'on fait aussi en autre part, ils en boient volōtiers & à grands traits aussi
 gaillardement que gēs de la terre. Ils ostēt les poux les vns aux autres, & les
 mangēt, disans, c'est ainsi que i'en feray à noz ennemis. C'est grād forfait
 entr'eux que laisser perir ny perdre le moins que ce soit des viandes, ou
 breuuage qui reste à leur repas: tellement qu'ils n'ont garde de getter vn
 os aux chiens que premier ils n'en ayent tiré la mœlle. Et sont si facquins
 & auares que ils ne tuent iamais beste pour leur nourriture, qui soit saine
 & entiere, ains choisissent celles qui sont mutilées, & gastées ou languis-
 sent de vieillesse, ou quelque maladie. Ilz sont fort espargnās & eschars en
 leur vie, se cōtētās de peu, & de chose de peu de coust, ilz boiuent le matin

*Tartares ne font
 festes, & ne ieu-
 nent.*

*Loy iniuste, &
 Tyrannique.*

*Cham avec aspi-
 ration signifie seig.
 En l'agne Tarta-
 resque & sans aspi-
 ration, c'est à
 dire sang.
 En quoy sont les
 Tartares charita-
 bles.*

*Salété des Tar-
 tares.*

*Grande cruauté
 des Tartares.*

*Chicheté extreme
 des Tartares.*

LIVRE SECOND

*Braue coiffure des
dames de Tartarie.*

*Hommes & femmes
vestuz indifferement.*

Armes des Tartares.

*Obeissance grãde
du Tartare à ses
capitaines.*

Puissance des Tartares.

vn ou deux tasses de lait, & souuent tout le long du iour ils ne prennent autre substance. Et hommes & femmes vsent de mesme façon d'habitz, les hōmes ont des Turbans non guere profonds, sans pointe par leuant, mais ayans, vne queue derriere cōme les chaperon d'un Allemand ayans demy pied de hauteur & autant de large: & lequel afin que tienne en teste & ne soit mis à bas par l'effort du vent, ilz ont des brides & bandelettes pres des oreilles qu'ilz viennent lier par dessous le menton. Les dames qui sont mariées ont de certaine coiffure faite cōme vn panier tout rond ayant pied & demy de hault, & aplani cōme le cul d'un muid sur le bout fait de soye de diuerses couleurs, ou embelly avec des plumes de paō tout à l'entour, enrichy de force pierrerie & ioyaux d'or: le reste du corps est paré à chacune selon sa grandeur, & richesses: Car les grandes, & les femmes des seigneurs se vestent d'escarlata & de soye, tout ainsi qu'en vsent leurs espoux. Leurs robes sont faites d'une merueilleuse & estrange façō, fendues au costé gauche, par lequel ilz se vestēt & despouillent: ayāt quatre ou cinq boutons pour la clorre. Leurs habits d'esté sont coustumièremment de noir, & en hyuer & temps pluuieux de blanc, & ne leur descendent point plus bas que les genoux. Les robes de peaux desquelles ilz se couurent & vestent, n'ont point le poil & laine au dedans, ainsi qu'entre nous, ains c'est la chair faisant parade de la forrure, & la mettans en veüe. On ne scauroit discerner les filles, d'avec celles qui sont mariées, non plus que les hommes d'avec les femmes, à cause & que l'habit, & le port, & contenance est semblable, en l'un & l'autre sexe: tous vsans indifferement de hault de chausses & gregesques, & d'autant qu'ilz portēt les bras nuds, lors qu'ils vont à la guerre, il en y a qui se les arment de lames de fer les liants & bouclans avec quelques couroyes enlacées comme cheshons: d'autres avec du cuir doublé, tout ainsi que semblablement ilz s'en couurent la teste. Ilz ne scauent s'aider de bouclier ou rondache, bien peu vsent de lances, ou espées vn peu longues: leurs glaiues sont faits tout ainsi que vn Simeterre Turquesque, pointuz & taillans d'un costé, & de la longueur du bras, afin d'en fraper ceux qu'ilz acostēt de prez. Ils sont adroits à cheual, & tresexperts & bons maistres à tirer de l'arc. Et celuy d'etr'eux est estimé le plus vaillant & fort, qui sçait le mieux obeir en guerre: à laquelle ilz sont tenuz d'aller sans soulde, estans fort diligens & sages, tant aux combats que au maniment de leurs affaires, tousiours prests à toute occurrence, des choses que peut apporter le temps, & a prester obeissance à ceux qui ont sur eux le commandement. Les princes, & capitaines n'entrent point en bataille, ains se tenans loing enhortent leurs gens, & leur crient & donnent courage, prenans tousiours garde à tout ce qui est nécessaire pour le salut, & d'eux & de leurs troupes. Ils conduisent quand & eux leurs femmes & enfans, & souuent des images d'hommes sur des cheuaux, afin qu'ils semblent, & plus grand nombre & farouche appareil à leurs ennemys. Que si la necessité commande de fuyr, ils n'acomptent point à honte la fuite ny retraite, voyans qu'elle puisse prouffiter à quelque chose: voulans desbander leurs arcs, ilz despouillent leur bras dextre, & apres ce ilz descochent les fleches avec vn tel effort, qu'il n'y a corse-

lēt

let tant soit il bien acéré qu'ils ne transperçent. Ils assaillent & fuyent à troupes, blegans de leurs saiettes ceux de leurs ennemis qui les poursuivent: lesquels s'ils voyent, ou en petit nombre ou tât peu soit en desordre, ils s'entrent en bataille, se ruans & sur les hommes, & sur les chevaux, & lors ilz vainquent que le plus on les estime rompus, & deffaits. Lors qu'ils vont assaillir & enuahir quelque pays & Prouince, ilz diuisent leur armée pour la surprendre, & enclore de toutes parts, afin qu'on ne puisse leur venir au deuant, & que personne des habitans ne leur eschape, & en ceste maniere ils ont presque tousiours la victoire entre leurs mains: de laquelle ils vsent fort cruellement & avec vne estrange arrogance, ne pardonnas à prisonnier aucun, soit femme, enfant, ou vieillard, massacrant tout indifferemment, sauf les gens de mestier, lesquels ils reseruent pour leur serui-
C'est batailler tout ainsi que les Parthes iadis. Hailon Armeniens des Tartares. ch. 49.

ce. Ceux qui doiuent souffrir mort, sont diuisez & departis aux capitaines qui en font faire l'execution, en donnans à chacun esclau dix, ou tant du plus que du moins à massacrer: Lesquels ayans esté assommez avec vne hache & coignée, comme pourceaux, ils en donnent terreur & espou-
Punition des vaincus en bataille.

uentement aux autres: & cela en ceste sorte. Ils empoignent chacun milliesme, lequel luy attachans les pieds & liez à vn poteau dressé, ils l'y accoustrent de telle sorte par dessus les corps des autres massacrez qu'on diroit proprement qu'il admonnestes les siens à obeir aux Tartares & que iceux l'oyent & s'arrestent à ses parolles.

Et non contents de s'acharner ainsi sur les prisonniers, encore en y a il de si brutaux & cruelz, qui voyans encor ruisseler le sang de ceux que on a massacré, le vont recevoir à tout leur bouche, & s'en saoulent iusqu'à le regorger. Le Tartare outre sa cruauté est si desloyal, qu'il a beau s'obliger à quelcun, & luy iurer sa foy, & prendre l'ennemy à composition, d'autât qu'en lieu de luy tenir promesse, il le punira plus aigrement, & s'acharnera sur luy avec plus de cruauté, & bestiale furie. Il leur est permis en guerre d'abuser des ieunes femmes à leur discretion & fantasie, aussi en meinent ils captiues celles qui leur semblent les plus belles, lesquelles ils contraignent de seruir toute leur vie à leurs desordonnées volonte-
Cruauté extreme des Tartares.

z en la plus grand misere qu'homme scauroit penser, veu que ce vilain peuple est le plus sale & infait en matiere de paillardise que la terre porte: d'autant que iasoit qu'ils espousent autant de femmes que bon leur semble, & que ilz peuuent nourrir, & qu'il n'y aye degré de consanguinité, sauf de sa mere, de sa fille, & de sa sœur, qui empesche qu'un homme n'espouse ses plus proches parentes, si est-ce que ceste nation s'accouple (ainsi que faisoient les
Grande paillardise des Tartares.

Sarrasins, imitez par les Turcs à present) & aux masses, & aux bestes, & sans en estre repris, ny punis en sorte quelconque.

La femme qu'ils prennent, n'est estimée estre leur espouse, & ne reçoient rien d'elle, iusqu'à ce qu'elle à enfanté, & ainsi ils repudient celles qui sont steriles, & au lieu d'elles en peuuent prendre d'autres. Mais cecy est esmerueillable (veu la naturelle ialousie des femmes) que iasoit que plusieurs femmes soyent les espouses d'un seul homme, si est-ce que iamais pour cela elles ne se font la guerre, quoy qu'il face plus de compte, ores de l'une, tantost de l'autre, & couche avec celle qui luy vient le plus à

LIVRE SECOND

plaisir: mais quoy? chacune a sa demeure à part, chacune son ménage, & famille vivans en grande chasteté: comme les maris en extreme paillardise, & incontinence: d'autant que la loy condamne à mort celuy soit il homme ou femme, qui est atteint & conuaincu d'adultere.

Adulteres punis de mort entre les Tartares.

Paul Venitien li. 1. chap. 55.

Superstition des Tartares.

Feu honoré par les Tartares.

Purgation par le feu.

Sauuage tyrannie.

Durant qu'ils sont en paix & que la guerre les dispence d'estre en repos, les hommes ne se meslent que de nourrir les troupeaux & d'aller à la chasse, laissant tout le ménage des logettes, & maisons à leurs femmes, la charge desquelles est de prendre esgard & à ce qui est pour leur viure, & vestement de toute la famille. Ceste nation a de sottes superstitions que elle garde fort soigneusement, Il n'est loisible de mettre vn couteau dans le feu, voire ny le toucher avec ce mesme glaiue: tirer la chair du pot avec vn couteau c'estoit vn grand forfait: & ne fendoient rien ou coupoient avec leurs haches au pied du feu afin de n'offencer celuy, que ilz reuerent d'ailleur, & par lequel ilz estiment que toutes choses seront vn iour purgées, & c'est aussi grandement obserué entre eux de ne coucher, ny corps, ny bras, ou pieds, sur le fouet avec lequel ils font aller leurs cheuaux (car ils n'vsent iamais d'esperons) & se donnent garde de toucher leurs fleches avec ce mesme fouet. Tant s'en fault qu'ils tuent les ieunes oiseaux, qu'encore est-il deffendu de les prendre. Ilz ne secouent iamais la bride au cheual, & ne cassent, ou rompent vn oz avec vn autre.

Aucun n'oseroit espandre sans reprehension rien de ce que ilz mangent, ou boient, & sur tout on vse à l'endroit du lait de ceste ceremonie: Nul pisse dans leurs loges & cabannes: & si quelcun le faisoit de gayeté de cuer, & s'opiniastrant contre ceux qui l'en aduertiroient, c'est sans aucune misericorde que il seroit occis & massacré.

Que si la necessité contrainst quelcun à ce faire, comme souuent il aduient, il fault que la tente où cela est aduenue, & tout ce qui est dedans, soyent purgez & purifiez en ceste maniere.

Ilz dressent le feu en deux lieux distans troys pas l'un de l'autre, entre lesquels ilz fichent deux lances, pres chacun feu vne, & attachent vne cordelette aux deux, qui va de l'une à l'autre, & passent souz ceste corde tout ce qui doit estre purifié: ce pendant deux femmes ausquelles appartient de faire l'office de ces ceremonies sont de l'autre costé du feu, arrousans d'eau ce qui passe, & marmotans ne sçay qu'elles forceleries, qui seruent comme ils pensent à cest effait. Il n'est permis à estranger quelconque de quelque degré ou dignité qu'il soit, & de quelque grande importance que soyent les affaires que il aye a desmesler avec le Roy, de se presenter à luy, si n'a esté purgé. Quiconque foule du pied le seil de l'huys du logis ou le Cham, ou quelcun de ses Princes, ou Lieutenans, habitent il est soudain occis sur le mesme lieu sans aucune remissio. D'auantage si en mägeant, quelcun a pris vn si gros morceau que ne pouuant l'aualler il soit contrainst de le regetter, ceux qui assistent l'épougnét, & luy faisans vn trou, où la viande deuoit passer, l'occient miserablement.

Ilz ont d'autres folies qui leur semblent des fautes & forfaits irremissibles: mais de tuer vn homme, de saisir, & rauer le bien d'autrui contre tout droit & raison, d'enuahir les biens & possessions de leurs voi-

ains, mépriser les commandemens de Dieu, ce n'est que passeremps en leur endroit, & qui n'en font que le cerf, se mocquans de quiconque leur en parle. Ilz croient vn autre monde, dequel ilz ne scauroyent descrire, & auquel ilz s'attendent de viure eternellement, y receuans le pris & salaire deu à leurs œuures & merites.

Dés que quelcun d'entre eux tombe malade, & approche de la mort, on plante vne pique, ou halebarde à l'entrée de son pavillon à laquelle ilz attachent vne banderolle noire, affin d'aduertir les passantz de ne s'auancer pour entrer en laditte loge. Et ayant veu ce signal, n'y a si hardy qui ostant y entrer sans estre apellé par ceux qui sont dedans.

Le patient estant mort, toute la famille, & parenté s'assemble, & est le corps porté secrettement en quelque lieu ia préparé hors la tente, là où ilz font vne fosse assez large & profonde, & sur laquelle ilz dressent vne tente, & dans icelle aprestent la table garnie de viandes: & vestans le deffunct de tresriches habitz, & les plus precieux que il eust, tous ensemble le mettent en terre, enterrans avec luy vne iument, & vn cheual armé, & bardé, tout ainsi qu'ils vont à la guerre.

Les plus puillantz choisissent tandis que ilz viuent vn seruiteur, & le marquans de leur sein & armes avec le feu, le font mettre en terre avec eux, & ce afin que en l'autre monde ilz s'en seruent.

Après ce les amys prennent vn autre cheual, & le tuent, & en font vn banquet, puis emplissent le cuir de foing, & le recoufant le posent sur quatre pieux, en signe & memoire des vaillances de celuy qui est enterré là dessous. Les femmes bruslent les os de ce cheual mangé, pour la purgation de l'ame du deffunct, & aux obseques des grands, & des seigneurs, les amys du trespassé vident autrement du cuir du cheual, car ilz le diuisent & coupent en diuerses, & menues couroyes, lesquelles estendans tout autour du tombeau, en mesurent la terre: ayans opinion que le deffunct aura autant de terre en l'autre monde, comme ilz en auront mesuré pres la fosse où gisent ses ossementz: & mettent fin à leur deuil le iour trentiesme apres le trespas.

Il y a d'aucuns Chrestiens Tartares, la religion desquels est fort alterée & corrompue, comme l'effect le declare: d'autant que voyans leurs parents ia vieux afin d'en despescher le monde, les nourrissent de gresse plus que de raison de laquelle estans amattis ilz s'en vont en languissant, & morts que ilz sont ilz bruslent les corps, en recueillans tressoigneusement les cendres, qu'ils gardent comme chose precieuse, en saisonnans ordinairement leurs viandes lors qu'ils prennent leur refection. Or avec quelle pompe & solennité, ilz eslisent, & sacrent leur Roy, apres le decez de celuy qui regne, d'autant que ce seroit chose & difficile, & ennuyeuse à le racompter, & lire, ie m'en passeray le plus legerement qu'il sera possible.

Les Princes, Ducs, Barons & seigneurs suiuis du peuple presque assemblée de tous les coings de son Empire, s'assemblent en vne campagne à ce choisie, & où coustumierement on fait telle ceremonie: & là celuy à qui eschoit le Royaume, soit par succession & heritage, ou (l'hoir y manquant) par election, est assis sur vn throne d'or, deuant lequel

Tartares croyent la vie eternelle.

Enterrement & obseques des Tartares.

De maniere, & cruels Chrestiens en Tartarie. Par Venitien de Nestor. liu. 1. ch. 47

LIVRE SECOND

Sacre du Roy & Cham des Tartares.

tous petits & grands, se prosternent & d'une voix vnanime, & hautement luy dient ces parolles: Nous te prions, & le voulons, & le commandons que tu ayes l'empire & puissance sur nous. Ausquels il respond: Si vous voulez que ie vous obeisse en cecy, il est necessaire que par mesme moyen vous soyez tousiours apareillez de faire tout ce que ie vous commanderay, venir quand ie vous apelleray, & là part où il me plaira aller, ou ie voudray tuer, & massacrer sans crainte ceux que ie voudray que vous faciez mourir: en somme laissant entre mes mains tout l'estat du Royaume pour en disposer à ma fantasie. A quoy cōme ils donnent consentement, le roy, encores dit: La parole donc de ma bouche, vous servira desormais de glaiue, & ce sera le fer vengeur des rebelles. Le peuple fait vne grāde aplausion des mains, en signe d'accepter ceste conditiō de royale tyrannie. Cecy fait les Princes le tirans de son throsne royal, le mettent à terre sur vn feutre, & luy disent.

Regarde en hault, & recognoy Dieu, ensemble voy le lieu où tu es à present assis: si tu gouvernes bien ton estat, toutes choses te succederont à souhait: mais si tu es paresseux, à bien regir ton peuple: tu seras tellement aneanty, abaissé, & desnue de grandeur, & richesses, que seulement ce feutre, qui te sert ores de siege, ne te sera laissé pour ton vſage & service.

Ce que ayants dit luy donnent celle de ses femmes que il ayme le mieux, & les haucans tous deux avec le feutre, les proclament Empereur & Emperiere des Tartares: & tout sur l'heure, tous les deputez des Prouinces, sur lesquelles il a commandement, luy portent des presents en signe de recognoissance.

On porte aussi là, les meubles precieux, laissez par le Roy deffunct, de quoy le nouveau Prince en depart partie aux grands seigneurs du pays, & le reste il le fait garder pour sa magnificence, & ainsi chacun se retire en sa Prouince.

Ce Roy tient tout en sa main, tout est soubmis à sa puissance, & n'y a homme qui puisse, où qui ose dire quelque chose luy estre propre, ou d'autre. N'est permis à aucun d'habiter en autre terre, que en icelle que le seigneur luy a assignée: lequel aussi choisist les gouverneurs, les generaux d'armées & colonnelz, & iceux eslisent les capitaines, les capitaines font choix des membres de leurs compagnies, & iceux du reste qui est necessaire pour parfaire les bandes.

Le seau duquel le Cham use en ses patentés est ainsi escrit: Dieu au Ciel, Chuichuch Cam en terre, l'Empereur est la force de Dieu, & des hommes.

Ce grand Roy tient d'ordinaire, cinq grosses & puissantes armées, avec autant de generaux, qui sont comme Mareschaux, avec lesquelles forces il ne laisse rien qu'il ne mette à bas, & en sa subiection, & est si arrogant que iamais il ne parle aux Embassadeurs des nations estranges, & ne souffre seulement, qu'ilz luy soyent representez, si premierement, & eux & leurs presents (car c'est forfait que de venir deuant ce grand seigneur les mains vuides) ne sont purgez & purifiez par des femmes pour ce fait deputées: & lors il leur respond par truchement, & ces personnes entreposées tandis que parlent (quelque grand que soit celuy qui a affaire avec le Chā) il fault que les estrangers soyent tousiours de genoux, & estre si attentifs, que leur interprete ne faille, où s'escare d'un seul mot des parolles

Desseins de parler avec le Cham.

proferées par le prince: N'estant permis à personne de changer tant peu soit des parolles du seigneur: ny de faillir, ou venir au contraire en sorte aucune à ce qu'il commande & ordonne: iamais l'Emp. Tartare, voire ny aucun des Princes, ne mangent en public, si premierement on ne chante ou iouë des instrumens en leur presence. Et lors que les Princes & grâds seigneurs, vont par país on porte tousiours deuant eux vne tente ou petit pauillon au bout de quelque grand baston pour leur faire ombrage, & les rafraeschir, & ainsi encor en vse lon a l'endroit des femmes. Et voila quelles estoient les façons de vie (desquelles vsent encor les Tartares) & leurs loix, & ceremonies qu'ils suiuiroyent il y a enuiron deux cens ans, ou d'auantage. [Et d'autant que parlant des Indes, nous auons obmis les país & citez de Ciambà, Mangi, & Quinsay, & que ie vous ay promis que parlant des Tartares i'en tiendroy quelque propos, ie ne veux vous y faillir, tant pour acheuer la parfaicte description de l'Asie, que pour monstrier en quel temps fut-ce que l'Emp. Tartare assuiettit si grandes & si lointaines prouinces sous sa seigneurie, ioint encor que ces peuples sont forts differés de la façon de vie de ceux qui les maistrisent. Ciambà donc selon Ptolomée est en celle regio qu'on nómoit iadis le grâd goulphe ou sein, & outre lequel on ne trouuoit plus de terre, n'ayans pris esgard, à ce qu'en ont cogneu ceux qui de nostre tépsont veu q les Moluques qu'o estimoit toutes oriétales, sont en partie occidentales ce q ce grâd Pilote Magellan nous eust descouuert, si la cruauté & trahison des siés mesmes ne ne nous l'eust rauy plus tost que la necessité ne le requeroit. Or auoisine ce país vers l'oriét à la mer Oceane, & au midy aux terres, qu'il estime incogneuës & à present ce sont le royaume de Ciamba & de Mangi, vers Ponant est la Chine, & Indes de là le Gangé & au septentrion le royaume de Cambalu, où est le siege royal du grand Cham de Tartarie. Quant à la descouuerter fault noter que l'an de grace. 1368. Cham Cublai ayant enuie sur les país & Prouinces qui estoient suiuettes au Roy de Mangi vint avec vne grand armée, se ruer sur ces peuples qui ne se doutoyent en rien du Tartare, & ne se soucioient que de se donner du bon téps, sous leur roy nommé Fanfur tellemét que Baian Chinsan vn des principaux Lieutenans du roy Tartare les prist si au despourueu que plustost il s'en vist le maistre que les pauures Indiens se doutassent de telle surprise. Le roy de Mangi fut recueilly ne pensant point à la guerre, ains seulement à vsr de misericorde à l'endroit de chascun: & mesmement des enfans sans pere qui estoient en nombre infiny en celle region à cause de la coustume qui estoit telle que les femmes qui estoient sans moyen de nourrir leur portée en faisoient tout ainsi que font les bonnes commeres à Paris, les portans en lieu public à la mercy de la fortune: Le roy faisoit prendre ces enfans & les nourrissoit à ses despens, ou bien les donnoit à nourrir aux grans seigneurs du país & mesme à ceux qui n'auoyent point d'enfans, à fin qu'ils les adoptassent: Les autres il les marioit, & leur donnoit dequoy sustenter leur famille: Mais la charité du Tartare n'est si grande veu qu'il ne se soucie d'aucun peuple que pour le piller & tondre iusqu'à la peau, voire en succer le sang, tant il est tyran, conuoiteux, auare & exacteur.

Où est la region
de Ciamba.

Ptholom. li. 7. c. 3.
Tab. 11. d. Asie.

Magellan occis en
descouurant les ter
res le long de la mer
pacifique. Voy

Maximiliã Trãf-
sylv. en vne Epi-
stre au Cardinal
de Salz. Burch.

Cham Cublai voy
Paul Venitien li.

2. il est apellé par
Haiton. cha. 19.

Cobille, lequel re-
gna 42. ans. &

fut le 4. Emper.
des Tartares.

Baian Chinsan
signifie cent yeux.

Paul Venit. liur.
2. cha. 54.

Enfans exposez
en Mangi nourris
par le Roy.

LIVRE SECOND

Heretiques Nestoriens en Mangi, & par toute la Tartarie.

Citez principales du royaume de Mangi.

Comme fault entendre que les Tartares n'ont point de villes.

Zagathai estimé estre le pais de Tamberlan.

Ceux de Mangi sont Geneethliques voy Paul venit. l. 2. ch. 64.

Obsèques des morts au pais de Mangi.

Le peuple generalmente de tout ce pais est idolatre, quoy qu'il y ait quelques Chrestiens lesquels sont en petit nombre & infectez de l'ancienne erreur de Nestorie; au reste les mangiens, & habitans de Ciamba & Quinsay sont plus adonnez à la marchandise qu'à la guerre, à cause du grand trafic de poiure qu'ils font avec ceux de Pegu, & autres peuples des Indes qui en viennent là charger pour porter en Canonor, Tarnassari & royaume de Calicuth. Or ont ils deux citez fort grandes, bien basties, & peuplées, au reste d'une infinité d'autres, l'une s'appelle Singui, qui signifie cité de la terre, & l'autre Quinsay, qui vault autant à dire, que cité celeste esloignées de quelques quatre, ou cinq journées l'une de l'autre. Le vous ay dit cecy, à cause que cy dessus il a esté proposé que les Tartares n'ont ny villes, ny villages, ains se tiennent comme les anciens Scythes en la campagne, & leurs logis ce sont des tentes & loges rustiques: mais fault entendre que d'autant que le grand empereur ne va guere en ce pais oriental & que seulement il y tient des gouverneurs & garnisons pour y faire justice, & lever les tributs, le peuple y vit selonc sa façon ancienne: tout ainsi que font ceux de Cambalu, grande cité & en laquelle le roy se tient ordinairement, tant à cause de la chasse, le pais estant plein de sauuagine, que pour estre presque au milieu de son royaume. Et ainsi on voit que lors que nostre auteur a dit que les Tartares n'auoyent point de villes il entend en leur terre de Mongal, veu qu'en la Hourde de Zagathai est la grãd ville de Sammarcan, siege ancien du grãd Tamberlan, & Gambaleschie qui est au royaume du Cathai, & Quinsay au plus grand recoing de l'orient: & en somme leur pais naturel est sans villes, mais les Prouinces conquises sont pleines de belles citez & de grand peuple & frequentées par les marchans estrangers.

En ces villes donc de Mangi soit Quinsay, Sangui, ou Ciamba: car ce royaume contient diuerses Prouinces, le peuple y estant abundant en richesses est aussi adonné estragement à ses aises, ainsi ne fault pas s'esbahir, si les Tartares les ont assuiettis si facilement: & se plaisans en banquetz ils ont deux belles & fortes maisons à Quinsay, basties au milieu d'un Lac, car celle cité est bastie tout ainsi que Venise dans vn grand Lac, & assemblée d'eaux, esquelles ceux qui dressent quelque grand festin conduisent ceux qu'ils veulent traiter, ainsi qu'à paris on faict es salles à faire feste, leurs viandes sont chair de cheual, de chiens & chats imitans en cela les façons de viure des Tartares: & estant (comme j'ay dit) grande ceste region, il y a plusieurs roys lesquels tous payent tribut à l'Empereur Tartare. Le peuple de tout ce pais là est fort adonné à la cognoissance des astres, tellement qu'il n'y a si petit compaignon, qui ne s'estudie à dresser les natiuitez des enfans qui luy naissent, prenans esgard au iour & l'heure de leur naissance, & à sçauoir laquelle des Planettes est pour lors en sa puissance & gouvernement: voire ne font chose qui ne soit regie par la volonté & prediçtion de leurs astrologiens.

Quelcun mourant en celle Prouince, les parens du deffunct se vestans de sacs de Chanure, portent le corps en chantant fort hautement, & paingnans en du parchemin des images de seruiteurs, & seruantes, cheuaux, &

deniers, brûlent tout cela ensemble avec le corps, estimans que cest office puisse prouffiter au trespassé en l'autre monde, & qu'une semblable troupe d'esclaves luy feront seruice au païs des morts. Apres cecy ils sonnent & iouent de diuers instrumens de Musique, disans que les Dieux reçoient leurs parens avec telle, & pareille harmonie que les viuans font accompagnans le corps de celuy, l'ame duquel s'en va iouyr des plaisirs des celestes.

*Obseques des
morts au païs de
Mangi.*

Encore ont ils ceste coustume, que tout homme chef de maison escrit sur la porte de son logis les noms de soy, sa femme, enfans, & seruiteurs, n'y oubliant encor le nombre de ses cheuaux, & lors que quelcun des siens meurt, ou change de domicile, il efface le nom de l'absent, & y met celuy qui est en la place. Les hosteliers semblablement escriuent les noms de ceux qui viennent loger chez eux, le moys & le iour de leur venue: & par ce moien facilement ils sçauent le nombre de leurs citoyens, & de tous ceux qui sont en leurs villes: & cest ce païs si riche qu'il vault tous les ans au Cham Tartare quinze millions six cens mille escuz de reuenue. En aucuns endroits de ceste region les hommes sont si cruels qu'ils se rassasient de la chair humaine, & sur tout au royaume de Fugni qui est tout môtaigneux, mais ils n'ont garde de manger celuy qui sera mort de maladie. Allans en guerre ils se marquêt le front d'un fer chault, & personne n'y va à cheual, que celuy qui les conduit, & vsent d'espées, & lances, humans le sang de ceux qu'ils tuent, & en banquetas de la chair apres auoir gaigné la victoire. Et en tout ce païs de Mangi le langage est du tout diuers à celuy des Tartares, tout aussi bien que les habitans sont differens aux façons de vie de la Tartarie. Et c'est ce que pour le present nous est offert à esplucher sur les païs qui sont suiets au Cham & Empereur d'oriët, lequel tient dès la mer Caspie iusqu'aux dernieres extremitez de l'orient.]

*Sage moyen pour
sçauoir le nombre
des citoyens.*

*Grand reuenue du
royaume de Man
gi au Cham.*

*Antropophages
en la prouinee de
Mangi.*

Du païs de Turquie, loix, coustumes, & façons de viure des Turcs. Chap. 12.



[VANT qu'entrer à la poursuite de nostre auteur sur le païs qui à present est suiet au Turc, & qui de luy porte le nom de Turquie, nous esplucherons premierement en peu de mots l'origine de ceste nation & d'où est-ce qu'elle est sortie, afin que le lecteur voye les merueilles de Dieu, qui d'un peuple incogneu, ou bien peu estimé, il en aye dressé la plus espouuentable nation qui soit à present au monde, & par le ministère de laquelle il chastie les transgressions de son peuple. C'est chose asseurée que les anciens ont eu cognoissance de ces hommes icy, & les ont euz en opinion de robustes, & vaillans: Mele, & Plin n'en font que simplement mention lors qu'ils parlent des païs voisins de la mer Caspie, & mont Caucas: mais quoy qu'il en soit, si est il chose asseurée que la petite Asie n'a pas esté leur siege, & moins la Grece, ou païs de Thrace le lieu de leur naissance, & que long temps auant que les Chrestiens feissent le voyage de la terre sainte pour la conquerir, vn Solyman chef des Turcs sorty de

*Les anciens ont
cogneu le nom de
Turcs.*

*La petite Asie
n'est l'origine des
Turcs.*

LIVRE SECOND

*Haiton Armenien, ch. 15. du
liv. des Tartares.*

*Ptholomée livr.
6. ch. 17. table.
9. d'Asie.*

*Description de
Turquestan país
originnaire des
Turcs.*

*Homar successeur
de Mahometh
enuahit l'Empi-
re de Perse.*

*Solyman Capi-
taine des Turcs,
deffait par les
Chrestiens allans
en Syrie.*

*Baptiste Egnace,
liv. de l'origine
des Turcs.
Theod. Gaze, à
Phildelphe.*

*Chalcondile livr.
1 des Turcs.*

son país festoit fait seigneur de la Capadoce & país voisins de la petite Armenie, & ainsi nous concluons suyuant ce que Haiton Armenien en descript, & que tous les modernes en tiennét que les Turcs sont sortis des Parthes, & de celle Prouince qui encore pour le iourd'huy s'appelle Turquestan, des anciens, & par Ptholomée ditte Arie, ayât la Bacterie & Margiane vers le septentrion, au couchât la regiõ des Parthes, & Carmanie de ferre: A midy la Drangiane, & au Leuât le país Paropanissades, lesquels sont suiets au Turquestan souz l'obeissance des Tartares. Et ainsi on voit qu'ils sont de la mesme nation que celuy Tamberlan qui les chastia si bien en la petite Asie lors qu'ils taschoient d'aneantir l'Empire, depuis par eux ruiné, de Constantinople.

Or furent ils chasséz de leur terre par Homar successeur de Mahometh qui pillant presque tout l'orient enuahit l'Empire de Perse, & país voisins, tellement que passans l'Euftrate, ils coururent l'Armenie, & Mesopotamie, ou royaume de Bagaderh, & receuans la loy Mahometiste (estans au paruant idolatres) ils planterent si bien les fondemens de leur puissance en Asie, que iacoit que Godeffroy de Buillon, & autres Princes les desconfissent en la iournée qu'ils eurent contre Solyman suz nommé pres l'ancienne cité de Nicée, si est-ce que se retirans pour lors aux montaignes d'Armenie, quelque temps apres ils sortirent souz leurs chefs Othoman & Caraman, avec tel effort & puissance, que la petite Asie ne fut assez beau suiuet de leurs conquestes, si encor ils ne taschoient d'enuahir l'Europe. Apres la deffaite du susdit Solyman, qui aduint enuiron l'an de grace mil nonante sept, les Turcs furent lóg temps sans remuer mesnage, iusqu'à ce qu'en l'an 1300, Othoman chef de la race qui tiét à present l'Empire Turquesque, se rendist espouuentable à toute l'Asie, avec le nombre effroiable de ces Barbares, qui coururent le país qu'à present on nomme Turquie: & estoit de si haut lieu qu'on ne scauroit dire autre chose de luy si non qu'estant le premier de son nom, il se feist grand par sedition, & se reuoltât contre l'Empereur Grec duquel il mesprisoit la faineantise. L'ay tesmoins de cecy Baptiste Egnace, & Theodore Gaze: neâtmoins vn certain Grec, & Athenien nommé Chalcondile fait cest Othoman sorty de race illustre, homme accort, gentil & suffisamment riche, & si bien aymé de ceux de sa nation qu'il luy fut aisé de se fortifier d'hommes avec lesquels pillant le país il assembla vne grosse armée, par le moien de laquelle il bastist les premiers fondemens de la puissance Turquesque: & fust si subtil en ses actions & menées, qu'il chassa ses compaignons (de sept qu'ils estoient à faire les conquestes de la petite Asie,) de leurs terres, sauf Caraman, qui tenoit la Cilicie, qui encore à present s'appelle de son nom, Carmanie: mais les enfans de Caraman furent ruinez par les successeurs d'Othoman qui ne peuuent souffrir aucun obstacle en leur Empire. Je n'ay affaire à disputer icy sur le mot de Turc & en qu'elle façon les anciens l'ont receu, ny comme il faut lyre dans Strabon quand il parle des Scythies voisins de Paropanissades, qui sont les Turcs sans aucune difficulté, me contentant de vous dire, le tenant des liures de cest excellent homme en toute erudition Guillaume Postel, qui a visité & le país, & les liures Tur-

Turquesques, Arabes & Caldaïques, que le nom de Turc est si odieux, & mal-plaisant à ceux même de la nation qu'il n'y a si petit ny grand qui ne festime grandement deshonoré & iniurié si on luy donne du nom de Turc par le visage, à cause, comme il l'interprete que ce vocable signifie, non vilain, comme aucuns ont estimé, ains maudit, delaisé, excommunié & detestable: & voila quant à la vraye origine des Turcs, maintenant pourfuyons nostre auteur, & voyons le pais qu'à present on appelle Turquie.] Celle province que maintenant chacun baptise de ceste appellation Turquesque est limitée vers l'orient de l'Armenie, s'estendant iusqu'à la mer de Cilicie, ou Caramanie: & au septentrion elle a le Pont Euxin, & mer maiour, voire s'estend plus outre que les paluz Meotides, contenant en soy diuerses regions, royaumes & seigneuries, ainsi qu'il est recueilly de Haiton Armenien: A sçauoir la Lycaonie de laquelle la ville capitale est Cony, iadis Iconie, le pais de Capadoce, où estoit la cité de Cesarée, Isaurie où estoit la ville de Seleuce bastie par Seleuque roy d'Asie & vn des successeurs du grand Alexandre, Licie, qu'à present on nomme Briqueie, Ionie pais Grec iadis, & maintenât ditte Quiscum toute semée de Turcs, où est la cité tant renommée d'Ephese: Palphlagonie la ville capitale de laquelle fut Germanopoly, Lenéch, qui est l'empire de Trapezonde sur la mer maiour, [Et la Bithynie, depuis nommée Natolie & ores Turquie, comme le propre siege des Roys Turcs qui les premiers ont commandé sur ceste nation, & la ville capitale & siege royal desquels estoit à Bursé, iadis Pruse, chef aussi bien que de nostre temps de tout l'Empire d'Asie iusqu'à ce que Constantinople a esté soumise à la tyrannie de ces Barbares: mais nous passerons plus outre que nostre auteur qui n'a osé s'estendre plus que Haiton craignant de se mesprendre, & dirons que la seigneurie Turquesque embrasse à present vers le leuant toute la Syrie, Palestine, Asyrie, & la plus part de l'Armenie, & encore de l'Arabie beaucoup: au midy tout l'Egypte & l'estendue de la mer mediterrannée, iusques en Barbarie, au septentrion la mer maiour, & paluz Meotides, & le pais voisin de la Tane iusqu'aux embouchures que fait le Boristhene dás la mer maiour: tout le Propontide, & bras saint George, la Thrace, qu'ils nomment Romanie, la Macedone à present Albanie, la plus grande part de l'Esclauonie, toute la Grece d'Europe, & Dieu sçait quelle part le Turc possède de Morauie, Podolie, de la Bosnie, Seruie, Valachie, Transsylvanie, & Hongrie tenant tributaires toutes les isles de l'Archipelague & celles qui sont encor le long de la Valone, & iusque au goulphe de Venise: & voila l'estendue de l'empire des Othomans.] Les nations & peuples qui viuent sous la puissance de ce grand roy sont donc non seulement Turcs, ains Grecz, Armeniens, Arabes, iadis Sarrafins, Iacobites, Nestoriens, Iuifs & Chrestiens: mais la plus grand partie de ses suiets sont viuant selon les loix & ordonnances que le faux prophete Mahometh donna, & establist aux Sarrafins peuple Arabique, l'an de nostre salut 631. Or quant à Mahometh sous lequel tant de peuples viuent esloignez de la cognoissance de la verité, on ne sçait pour le certain s'il estoit Arabe, ou Persan: mais quoy qu'il en soit, son pere fut idolatre & sa mere de la race d'Ismaël ba-

Postel au liure de l'histoire originelle des Turcs.

Les pais d'Asie nommez Turquie quels sont.

Provinces de Turquie en la petite Asie.

Changement du nom des Provinces par la mutation des seigneurs. Natolie, ou Turquie est la Bithynie.

Pruse chef de Turquie auant la prise de Constantinople.

Grand estêdue de l'Empire Turquesque pour le preset.

Terres que le Turc tient en Europe.

Peuples habitans es terres du Turc.

En quel temps Mahometh vint au monde annoncer sa perniciousse doctrine.

LIVRE SECOND

Hard d'Abraham & par consequent estant quelque peu introduite en la loy des Hebreux. Et ainsi estant brouillée la religion du mary & de la femme & chascun d'eux taschant de gagner le cœur de leur enfant pour le tirer à sa secte le redirent à bien parler sans loy ny religion qui luy fut assurée: ains estant deuenu grand, fin & cauteleux qu'il estoit & d'un esprit remuant, & plain de trôperie, ayant conuerlé quelque tēps avec des Chrestiens gens de bonne vie, & excellente doctrine, se pourpenſa de bastir vne religion cōposée des deux loix Chrestienne & Mosaique pour en abreuer malheureusement tout le genre humain. Il disoit que les iuifs estoient meschans & detestables de nier que Iesus Christ fut né de la vierge Marie, veu que les Prophetes inspirez de Dieu & douez d'une grāde perfection de vie & sainteté l'auoyēt predict & denoncée la venue de celuy Iesus Christ long tēps auparauant qu'il vinst au monde. Neātmoins accuſoit-il les Chrestiens de folie & peu de iugement, de croire que Iesus le tref-aymé de Dieu, & fils de la Vierge, eust voulu souffrir de telles indignitez & moqueries, voire vne mort si cruelle par la main des Iuifs. Martin Segonie de neufmont en vn sien liure qu'il a fait du saint Sepulchre de nostre roy & sauueur Iesus Christ, a laissé ce qui s'esuit pour memoire du saint, Que les Sarrafins, Arabes, & les Turcz, fuyans l'anciēne doctrine, & presches de leurs faux Apostre Mahometh, se moquent des Chrestiens pour honorer avec telle reuerēce ce lieu où Iesus Christ reposa apres que il eust esté depōsé de la croix: Et quoy qu'ils cōfessent que Iesus Christ est le grand & souverain Prophete amy & messager principal du tout puissant, sorty de l'esprit de Dieu, sans peché ny tache quelconque de celles qui souillent la race des hommes & que ce sera luy qui à la fin du mōde viendra iuger les vifs & les morts, & faire iustice de toutes les nations de la terre. si est-ce qu'ils ne peuuent recevoir que son corps ayt esté enterré, & que ce sepulchre de Ierusalē soit le repos de ce saint Messie, à cause que ils tiennent que ce corps glorieux, & conceu par l'inspiratiō diuine, estoit du tout impassible, & immortel: voila ce que Segonie dit q̄ les infidelles dient & reprochēt ordinairement non moins detestablement q̄ follemēt à ceux de nostre sainte & veritable persuasiō. Ce maudit & endiable prophete ayāt embabouiné ce peuple avec ceste trôperie, & abreué les simples d'un boucon si dāgereux, feit vne loy, laquelle pour rendre inuiolable & à fin que les gens de bō esprit ne reietassent avec raisons sa religion superstitieuse & infame, contenoit peine de mort contre ceux, qui oseroyēt disputer contre son Alcoran ny amener rien d'iceluy en doute. Et par ceste ordonnance il feit assez cognoistre à ceux qui ont sain le iugement, avec quelle sincerité il auoit basti ceste loy si detestable, puis qu'il vouloit la celer, comme quelque secret mystere, à fin que le peuple ne fut point abreué des folies qui y sont cōtenues: & ſayda Mahometh en bastissant & dressant son Alcoran de la diligence d'un moyne heretique nommé Sergie Nestorian de persuasion & homme meschant, ambicieux, & detestable, & laquelle pour rendre plus fauorable & aisées à estre embrassées de tous estats & sectes d'hommes, il la messa & composa de toutes pieces rapportées, & entassées en vn corps; & prises de tout tant qu'il y auoit de diuersitez d'opinions entre les hōmes. En premier lieu il louē Iesus Christ

Cantelle de Mahometh.

Mahometh accuſe les Iuifs, & se moque de la foy des Chrestiens.

Martin Segonie escrit du saint Sepulchre.

Turcz se moquent de ceux qui honorent le tombeau de nostre Seigneur & pourquoy. Mahometistes disent nost. Seign. iuge du monde.

Erreur des Mahometistes disans Iesus impassible auant sa resurrection.

Peine de mort à ceux qui disputēt de l'Alcoran.

Ainsi tenoit iadis caché Nume roy Romain le liure des ceremonies de ses dieux.

extremement pour apaiser les Chrestiens, affermant qu'il a esté vn saint personnage accompli en toute vertu & sainteté, entant qu'il l'appelle tantost la parole de Dieu, ores l'esprit, & tantost l'ame du tout puissant en ses escrits: le nomme fils de la vierge, laquelle il haue iusques au ciel par ses loüanges, & confesse qu'il l'accorde à tout ce qui est contenu en l'histoire de l'Euangile, sinon en ce que noz saint liures sont contraires à son Alcoran. Dit en outre q les disciples & successeurs des Apostres ont corrompu l'euangile, lequel il seroit besoyn de corriger & reformer avec la pureté de son liure Alcoraniste. Et ainsi alluchant les Chrestiens & pour les micux attirer il se fait baptiser à son moine Sergie: & d'autant qu'il scauoit la diuision qui pour lors tourmentoit l'Eglise de Dieu (pareille à la cõfusion des sectes qui assaillent à present la sainte maison & bergerie de nostre seigneur,) à fin d'engagner de toutes pars & fortifier son costé par la multitude: Il nioit la trinité avec les Sabellians, receuoit deux personnes ou puissances en la diuinité avec les Manichéens, & suyuant Eunomie nioit l'egalité du Pere avec le fils: & disoit que le saint Esprit auoit esté créé ainsi que le croyoient les Macedoniens heretiques: des Nicolaites il en receuoit la licence d'auoir plusieurs espouses: & acceptoit le vieux testament, lequel encor il disoit estre peruersty en plusieurs endroits. Et pour dresser vn plus chatouilleux attrapoire avec ces incertitudes d'opinion & foy des choses sacrées, voyant que la vie des hommes est gagnée par les molles effeminées de la chair il permit à ses disciples toute volupté, & leur lascha la bride à toute corruption de paillardise: qui a esté cause que ceste peste & infection s'est espandue tellement que la plus grand partie de la terre s'esgarât & deuoyât de la verité, est encore à present en office à la poursuite des loix Alcoranistes. Aussi voit on q l'Europe seule & encore icelle nō entiere croit en Iesus Christ & embrasse l'euangile là où Mahometh en renāt vne belle partie, possede encor toute l'Asie, & Afrique, d'autāt q il n'y a Prouince en icelles, quelque loy q les roys y suyuēt soient ils Chrestiens, ou idolatres, q tousiours les Alcoranistes ny ayēt quelque belle Mosquée. Et d'autāt q ceste loy est premieremēt sortie des Sarrafins, & q ce peuple est le premier qui embrassa & receut l'impieté & doctrine abominable de ce faux prophete, faut scauoir, q les Sarrafins furent Arabes de la regio ditte Pierreuse, laquelle d'vn costé auoisine le pais de Indée & de l'autre est enclose du pais Egyptien, vers la mer rouge: ditte à present mer de Suph & ce vers le midy, au leuant luy est l'Arabie heureuse: & est le mont sainte Catherine en ceste terre Sarrafine, nommée iadis Nabathée, & à present Baraab, & fut iadis habitée par les Amalechites. On les appelle Sarrafins, d'vn Casal, ou Bourgade dudit pais nommé Sarrach voisin des Nabathées, ou cōme aucuns pensent, & que eux mesmes s'en vantent à cause de Sarra femme d'Abraham, de la race de laquelle ils se disent estre descendus: & c'est pourquoy ils auoyent fantasie & encore sont les Mahometistes en ceste opinion, qu'ils sont les seuls entre les hommes à qui legitimement appartient la succession & effait des promesses diuines faictes aux peres du vieux testament. Ce peuple s'adonnoit à l'Agriculture & labourage, & à la nourriture de leur bestail: mais la plus

Voyle 2. & 3. li. de l'Alcoran, & Postel au liure de la religion des Turcs.

De pareil blasphemement les Calvinistes.

De quelles heresies des Chrestiens apostats est forgé l'Alcoran.

Pourquoy l'Alcoran a esté tant chery

Sarrafins Arabes de l'Arabie pierreuse, voy Ammian Marcellin liur. 14. Description de l'Arabie Sarrafine, Ptholom. l. 5 ch. 17. Tab. 4. d'Asie.

D'où viēt le nom des Sarrafins. Opinion des Sarrafins Postel tient que les Mahometistes ignorent ce mot de Sarrafin: & qu'ils se tiennent pour enfans d'Agar, & non de Sarra.

*Sarrasins se reuol-
tent contre Hera-
cle par le conseil de
Mahometh. Sa-
bellique Enn. 8. l.
6. Blond. Decad.
1. lin. 9.*

*La conquête &
entrée de Hera-
cle en Ierusalem,
fut l'an 624. &
les Arabes s'en
feirent maîtres,
l'an 638.*

*Turcs chassés de
leur pays, occupent
la Perse Blond.
Decad. 2. li. 1.*

*Accord des Turcs
& Sarrasins en-
semble Sabellig.
Ennead. lin. 2.
Haiton cha. 15.*

*Nô. des Sarrasins
aboly.*

*Car Timar signi-
fie autant que ré-
te ou fruit.
Timarli sont les
garnisôis du Turc.*

grâd part ne se soucioit que des armes, & ce fut pourquoy les Empereurs Grecs les appelloient à leur soulde, & que Heracle allant contre les Perses les soulloya: mais eux se voyans mespriser apres la victoire conquise & gagnée, & qu'on les faudoit de leur promesse à eux faicte, enflammez de courroux & fureur, & à ce instiguez par Mahometh leur Prophete & general conducteur, ils se reuolterent, & d'autant que leur chef vouloit remuer mesnage, & ne cherchoit que les occasions pour s'agrandir trouuant si belle occasion falla ruer sur Damas en Syrie: & là festant fortifiez & garnis de viures, & munitions prindrent la volte d'Egypte, & ayant assuietty ce pays, coururent en Perse, qu'aussi ils meirent en leur obeissance, & de là par succession de réps, & sous Haly vn des disciples du faux Prophete se feirent seigneurs d'Antioche & puis de Hierusalem que n'agueres Heracle auoit osté avec la vraye croix, d'entre les mains de Coldroé Roy des Perses. Ainsi croissoit la puissance & renom de ces Barbares & estoit si effroyable leur effort, qu'il n'y auoit rien plus qui peut leur faire resistance. Mais voicy comme ces Arabes Sarrasins estoient sur le point de leur gloire, & que tout bransloir deuant eux, que les Turcs nation sortie des Scythes, peuple Barbare & cruel, estans chassés de leurs terres par leurs voisins, passans les portes Caspiques iadis posées par Alexandre, qui se ruèrent en la petite Asie par le pais Colchique: puis laissant ceste route vindrent courir l'Armenie, les Perses & Medes, mettrons tout souz leur puissance. Les Sarrasins, qui souffroyent fort enuis que si soudain on les priuast de leurs conquestes allerent contre les Turcs: mais se voyans inefgaux en force & l'ennemy plus gaillard, vindrent à telle composition, que le Turc seroit receu au gouuernement & monarchie avec eux, pourueu qu'il receust la foy & fauce persuasion du Mahometisme: ce qui fut accordé. Or ne scauriez vous dire laquelle des deux nations fait le plus de gain, veu que l'Arabe ceda & quitta la souueraineté d'une si belle & puissante monarchie, & le Turc se laissa coiffer (pour regner) d'une si vilaine & infaiete punaisie que la secte peruerse, & maudite de l'Alcoran. Et ainsi le lien d'une seule opinion, qui ioignist ces deux grandes & puissantes nations ensemble à esté cause vn long temps qu'entre les ignorans on a pris les Turcs pour les Sarrasins & ceux cy pour les autres sans vser d'aucune difference de choses tant diuerses: là où à present le seul nom de Turc estant en vigueur, il n'est plus aucune memoire du nom Sarrasin, & moins encor de leur puissance.

De l'ordre tenu en l'estat, gendarmerie & police des Turcs.

Cha. 13



Les Turcs n'ont pas d'une simple sorte de gendarmerie, ains diuerse, entant qu'il y a ceux qu'on appelle Timarli, signifiant gens qui viuent aux despés du peuple, qui leur sert de soulde, & rente fonciere & sont 80000. en nombre, ayants des chasteaux & villages selô qu'il plaist au seigneur & qu'il leur fait departir à chascun suyuant son merite: & lesquels

sont tousiours prests au moindre commandement qui leur est fait par le Sangias ou gouuerneur du pays où ils sont departis.

Tout ce peuple Timarliens est sous deux generaux, qui sont comme Connestables d'Asie & d'Europe, nommez Bassaz, ou comme autres dient Baschaz: toutesfois portent ils le nom tous les deux de Beglerbey, l'un ayant le Romenley, qui est tout le pays que le Turc possede en l'Europe, & l'autre est de Beglerbey de Natolie, commandant sur ceux de l'Asie: depuis y ont esté aioustez ceux de Caraman, d'Amandole, & Merdin, qui sont la Cilicie, Armenie & Mesopotamie, & de Missir, qui est l'Egypte, & le grãd Caire: & y sont les choses si bien disposées, & les garnisons dressées avec tel ordre, qu'outre vn grand nombre de Courts, qui sont ceux d'Hermindu, ou Armenie habitans aux montaignes que Xenophon appelle Carduches, le Turc assemble de ces garnisons, & du train ordinaire de sa maison deux cens mille, dixhuit cens hommes. Il y a encor des fataux ou enfans perduz, qu'ilz nomment Aconizes, lesquels ne recoiuent aucune souldie, mais marchent tousiours deuant l'armée, pour decouurer & piller tout le paisage, & doiuent rendre au Roy la cinquiesme partie de leur butin, & sont en nombre d'environ 40000. Le troisieme ordre des soldats sont les Charips, Spahizglan, & Soluphtas, les premiers & plus excellents de la caualerie sont les Charips, nombre esleu des Scythes, & des Perles, qui sont 800. en nombre & assistent tousiours au seigneur marchant en bataille: & n'y a d'autres qui aprochent sa personne quand il est question d'entrer au combat, & luy seruent de sauuegarde.

Les Spahis, ou Spachisoglan & Soluphtas, sont ceux qui en leur enfance ont seruy en sales vsages le seig. & qui estans grandeleus, sont par le benefice du Roy, mariez & enrichis tant du douaire de leurs femmes, que des gages du seigneur, & de ceux ilz s'aydent voulant enuoyer en quelque lieu pour embassade, assistans ordinairement au Prince, quelque part qu'il vucille marcher, le ceignans à dextre & senestre, afin qu'aucun ne l'aproche. Et c'est de ceste troupe que sont choisis ordinairement les gouuerneurs des Prouinces, & tous ceux qui ont quelque charge à la porte du seigneur, & sont treize cens en nombre. La fanterie est diuisée aussi en trois ordres, & les premiers sont les Ianissaires, lesquels sont recueillis par les chercheurs au nom du Turc en leur enfance, de toutes les terres suiettes à son Empire: & que on fait par quelque temps instruire, & adex- trer au fait militaire, ayans des maistres escrimeurs es escoles publiques, deputées aux serrails pour cest effait: & soudain apres cela ilz sont enrol- lez sous la charge des Capitaines à ce commis, & portent vne robe plus courte que les autres, le turban blanc & haucé en pointe: leurs armes sont l'escu, ou rondache, l'espée & l'arc: c'est à ceux-cy à garnir & fortifier le cãp, & assaillir les villes, & sont fort hardis & vaillans, & quelques 20000. en nombre, & bien souuent d'auantage. Le second ordre sont les Asaphs armez à la legere, ayans l'espée, escu, & pique, & pour estre discernés d'avec les Ianissaires, ilz portent le bonnet & turbã rouge, la charge desquelz est de tuer les cheuaux des ennemis durant la bataille: & est choisi le nombre de ceux-cy, selon que la necessité le requiert. Toutesfois quand le sei-

*Sangias sont les
moindres gouuer-
neurs suietz, aux
Beglerbeys.*

*Diuison des Pro-
uinces aux Bas-
chaz, ou Begler-
beys.*

*Curtis iadis Car-
duches, voy Xe-
nophon au voya-
ge de Cire le ien-
ne.*

*Ces Curtis furent
defaits par le So-
phy l'an 1549.
Enfans perdus et
pillards.*

*Garde de la per-
sonne du Turc à
la guerre.*

*Tous ceux la sont
de la caualerie.*

*Garde de Spahis
la plus pres du roy
Turc.*

*Triple ordre de
soldats & fanter-
ie Turquesque.
Ianissaires in-
struits à la guerre.*

*Armolement, &
armes des Ianis-
saires: mais à pre-
sent ilz ont aussi
l'arquebuse.*

*Azzaphs Pi-
quiers.*

*Armes & Tur-
bã des Azzaphs.*

LIVRE SECOND

*Tiers ordredes gés
de pied infiny en
nombre.*

*Grand ordre du
cap Turquesque.*

*Diligence, obeis-
sance & police au
camp du Turc.*

*Le Turc est celuy
seul qui observe la
discipline mili-
taire.*

*Le Turc semble
estre invincible.*

*Soldats Turcs sans
superfluité.*

*Turcs n'ont point
d'enseigne en guer-
re.*

*Pourquoy les Sol-
dats se presentent*

gneur marche, ils ne sont guere moins que de quarante mille : & sont recompensez à la fin de la guerre chacun selon son merite. Il y a encore vn nōbre infiny de fanterie, sans souldes ny gage aucun, ou qui y vont de leur bon gré, ou que l'on y cōtraint, tels que sont les pionniers, & gastadours, les ingenieurs, les charpētiers & ceux qui fournissent le camp de viures, & autres choses necessaires, afin que ceste troupe confuse, aplanisse les chemins es costaux & rochers trop aspres & raboteux, afin d'y passer l'artillerie que on mene sans nombre, lors que le Turc marche, & facent soudain des pôts sur les rivières pour passer l'armée dressent des motes, & buttes, & facent les trenchées ou soyent employez aux mines au siege de qlque cité : & tout autre tel & semblable exercice pour le service du seigneur.

Le camp est suiuy de changeurs, theforiers, marchans, & artisans de toutes sortes en vn infiny nombre, afin que rien ne defaille de ce qui est necessaire pour la vie de l'homme. Mais il n'y a rien tant à admirer en ceste nation, que la grand diligence de laquelle elle vse à faire ce qui luy est commis, la constance, & longue souffrance es perilz & traueses, & avec quelle reuerence, ilz obeissent aux commandements de leurs superieurs : & comme pour la moindre faulte commise, il n'y va pas moins que de la teste. Aussi n'y a-il riuieré tant soit profonde & impetueuse, que ilz ne trauerfent, ny montaigne tant haute & difficile qu'on sçache dire, que ilz ne rendent voiable & aisée à passer : si tost qu'on leur dit le mot ilz se ruent & precipitent par les lieux, & aisez & impossibles à y cheminer se souuenās plus du commandement de leur capitaine, q̄ de leur propre vie, qu'ils hazardent endurās trespātiement & les lōgues veilles & la faim. On n'oyt aucun tumulte, ny esmotiō seditieuse parmy leurs troupes, ils murmurent plustost que crier en cōbatant : & durant la nuit il y a vn si grād silence par tout le camp, que souuent ils laissent eschaper les captifs sans les pourluyre, afin que aucun tumulte & desordre ne se cause au camp par ce moyen. Et à dire la verité, les Turcs sont les hōmes de ce mōde qui gardēt le meilleur ordre en guerre, & qui bataillēt le plus legitimemēt, & luyuāt la vraye discipline militaire : & ainsi ne fault s'esbahir qui est cause que leurs affaires vont si bien, & qu'ils se sont agrandis si estrangement iusque à nostre siecle, veu qu'il n'y a que deux cens ans que ce peuple est en vigueur & à pris tel, & si grand accroissement, qu'il semble estre presque invincible, si quelq̄ maladie infectée, ou peste generale & trespēnicieuse, ou quelque discorde ciuile, ne les dompte, ruine & accable. Les guerriers tant à pied que à cheual se vestent fort honnestement, & sans qu'il y ayt rien de superflu en leurs habits, ny chose mal-seante : les selles & brides, ou mors des cheuaux de la cavalerie, sont sans aucune bobance, & superfluité : personne ne va armé si l'on n'est prest à combattre, on porte leurs armes dans des paniers apres eux aux chariages. Ilz n'ylent point d'enseignes, guidons, ou estendars, & banieres, seulement y a vne lance ayant au sommet quelques houpes de diuerses couleurs par lesquelles chacū sçait se retirer souz celle de son capitaine : ilz ont toutesfois des tabours, & fifres pour animer, & inciter le soldat à la guerre. Laquelle finie, fault que toute l'armée se presente deuant le commissaire general

des guerres, afin de sçauoir, & le nombre des mortz, & qui sont ceux qui sont deffuncts au seruice du Prince, & q̄ en leur place on en y mette d'autres des ieunes. Tandis que le Roy est en guerre, le peuple Turquesque par les villes est en priere pour les soldatz qui sont au camp, tant en leurs banquets que assemblées és Mosquées, & prient encore pour ceux qui finent leur vie aux cōbats, & sur tout pour ceux qui sont morts pour la deffence du païs, & cause ou querelle de leur commune religiō, les estimâs biē-heureux pour n'auoir point mis fin à leurs iours parmy les pleurs & gemissemēs de leurs fēmes & enfans, ains en la foule des ennemys, & au son des tabours & vlemēt des ennemys, froissis des harnoy, & esclats des lances & tonnerre de l'artillerie. Les Turcs descriuent les victoires de leurs maieurs & ancestres, & estans redigées par escrit ilz les chantent, fort volontiers & les louent comme illustres & dignes de memoire, estât d'opinion que ceste façon de faire sert de beaucoup pour animer les soldats à se monstrier vaillans & hardis en toutes entreprises. Leurs maisons, & edifices sont ordinairement de terre & boys sans grand artifice, sauf quelque peu qui sont de pierre, & mesmement les loges des Baschiaz & grands seigneurs les baings & les Mosquées. Et quoy qu'on die qu'il y a de si riches hommes entre les Plebées & commun peuple des Turcz natures, qu'il y a tel qui peut fournir au payement & nourriture de toute vne armée: si est-ce qu'ils sont si auares, taquins & chiches, & fuyent tant les despences, & font la chatemite, que contrefaisans le pauvre, ilz choisissent vne pauureté volontaire en leur vie, & se traittent plus que mecaniquement. Et c'est pourquoy ilz regettent les peintures, & ont en telle horreur les ymages, que voyans que les Chrestiens sy plaisent, & en ont en leurs temples, ils les appellent Idolatres, & soustiennent que pour vray ils le sont.

Aussi n'vsent ilz d'aucun seau, soit és lettres, & patentes Royales, ou autres, & ne les marquent d'aucune figure: ains aioustent foy aux parolles de celuy qui leur escrit sçachans son nom, ou cognoissans la lettre & caracteres d'écriture.

Ilz n'ont aucun vsage de cloches, & ne souffrent en auoir aux Chrestiens qui demeurent parmy eux, & en leurs terres. N'est permis au Turc de iouer à l'argent, ny chose quelcōque, & si quelcun est trouué en quelque sorte de ieu que ce soit, il en est tencé, reproché, & en souffre grandes ignominies. Nul tant soit il grand seigneur, ou haucé en dignité, ne prend siege, banc, chaire, ny escabelle pour sy asseoir, ains s'acoustrans honestement, & se courrans de leurs robes s'assent à terre ainsi que font les enfans, ou pour mieux dire, les cousturiers de pardeçà.

Leur table est pour le plus souuent de cuir de Bœuf, ou de Cerf non conroyé & encor velu, fait & taillé en rond ayant deux pieds & demy de large, avec des boucles & aneaux de fer, desquels il se ferme avec vne courroye tout ainsi que fait vne bourse, & s'espand & est aisément portée.

Nul aussi n'entre dans la maison, ou Mosquée, où il faille s'asseoir, sans laisser ses souliers à cause que ilz estiment grand vilennie que aucun

*deuēt le. Commis-
saire des guerres.*

*Priere pour les sol-
dats mortz en
guerre.*

*Victoires esrites
par les Turcs.*

*Chiche despense
des Turcs à bastir.*

*Chose dure à croi-
re, et s'ust-ce Cras-
se Romain.*

*Turcs vilains &
chiches sur tous
hommes.*

*Les Turcs appellee
les Chrestiens I-
dolatres.*

*Les Patentes du
grand Turc sans
aucun seau ny si-
gure.*

*Tout ieu à l'ar-
gent deffendu aux
Turcz.*

*Turcs s'asseēt tous
à terre.*

*Ils tiennent cecy
des Tartares.*

Nape des Turcs.

LIVRE SECOND

*Tapis, & Nates
es Mosquées pour
s'asseoir.*

*Scrupuleux super-
stitieux des Turcs.*

*Turcs s'acroupis-
sent en pissant.*

*Vin deffendu au
Turc par l'Alco-
ran. Lis le chapi-
tre d'Aruth.*

*Observations Ju-
daïques, qu'il aux
viandes.*

*Le Vendredy est
la feste des Turcs.*

*Confession de foy
des Mahometi-
stes.*

Prieres des Turcs.

*Lauemens de tout
Mahometistes.*

*Ieufnes ordonnez
en l'Alcoran.*

*Cela ne s'observe
guere que par les
Mores Et anciens
Mahometistes.*

*Deux sortes de
Pasques entre les
Turcs & Maho-
metans.*

fassée estant chauffée : aussi leur chaussure est tellement faite, qu'ilz la laissent, & reprenent sans mal-aise ny difficulté quelconque. En quelque lieu qu'ils fassent soit en leur maison, ou aux Mosquées, ils y ont des tapis veluz, ou des Nates de ionc : & en d'autres endroits pour estre trop bas, ou sales & bourbeux, ils les font pauer de boys. Tant hommes que femmes portent leur habillement assez long & large, & ouuert par le deuant, afin qu'ils se baissans, en allant à leurs affaires ilz se puissent plus aisément couvrir, & cacher: D'autant qu'ils sont fort scrupuleux en cecy, & se donnent garde que vuidans le ventre, ils tournent le doz au midy, vers laquelle partie du Ciel ils regardent en faisant leur oraison, avec ce ilz seroyent fort marries que homme quelcôque les eust veuz à leurs priuez & secretz affaires, afin que personne ne voye leurs vergoignes. Encore fault noter que voulans pissier, ilz s'acroupissent, tout ainsi que les femmes par deçà, car si quelcun estoit si osé que d'espandre eau tout debout, on l'estimerait, ou fol, ou heretique. La loy leur deffend l'usage du vin, à cause qu'il est la semence & nourriture de peché: neantmoins boiuent ils le moust, & mangent les raisins S'abstiennent encor de la chair de pourceau, & sang de la même beste, & de tout animant suffoqué, quant au reste des viandes toutes leur sont permises, si ce n'est qu'aucuns Iudaïsans refusent de manger & lieures, & conils. Le iour du vendredy leur est solennel, & cessent de tout œuure, ainsi que nous en vsons le saint iour du Dimanche, ou les Iuifs en l'observatiō du Sabbath, & iour septiesme. En chacune cité y a vne Mosquée principale, en laquelle le iour de la feste, tous s'assemblent apres midy, & là l'oraison solennelle estant finie le prestre dit Iman, monte sur vn lieu vn peu plus eminent, & là presche le Catechisme de Mahometh. Ils confessent qu'il y a vn Dieu lequel n'a aucun qui luy soit esgal, ou semblable, & mettent en auant que Mahometh est son loy, & fidelle prophete. Les Mahometistes sont tenus cinq fois le iour de prier, tournans la face vers le midy, & auant que ce faire, ne faillent de se lauer parfaitement & entiere-ment tout le corps, parties honteuses, pieds & mains, bouche, nez, yeux, oreilles, & cheueux, principalement s'ils viennent ou du priué, ou d'auoir affaire à leurs femmes, si ce n'est qu'ils soyent malades, ou faisans voyage. Que s'ils ont faute d'eau, ce qui n'aduient guere, à cause qu'il n'y a cité où n'y aye des cisternes & lauatoires publiques, ilz se frottent de pouldre & terre non souillée : & auant s'estre ainsi lavez, celui qui est souillé de quelque souillure que ce soit, cuit tant qu'il luy est possible de parler à aucun, voire encor de parler à personne. Ils ieusnent tous les ans fort estroitement l'espace de cinq sepmaines, sans que de iour ilz mangent ny boiuent, ny se messent avec les femmes, mais tout le long de la nuit, dès le soleil couché iusqu'au matin ilz banquetent, & se donnent du bon tēps avec les femmes tout à leur aise. A la fin du ieufne, & le soixantiesme iour d'apres ils celebrent la feste de Pasques [Mais fault noter qu'ils ont Pasques petites & grandes, celles cy se font le 30. iour, & soudain apres le ieufne où ils vsent de ceremonies grandes, & longues prieres se baissans l'un l'autre, & se pardonnans s'ilz ont quelque different ensemble, & y lisent diuers Afora ou chapitres de l'Alcoran, & même le 3. principal qu'ils nomment

ment Elmeide c'est à dire la Cene, & dure ceste feste trois iours, où ils fônt de grandes aumosnes. Les Pasques petites sont celebrées soixâte dix iours ou quatre vingts apres les premieres, mais le ieusne en celles cy n'y est cōtraint, & seulement le plus deuotieux les ieusnent, mais la solennité est presque aussi solennellement gardée qu'aux grâdes sauf qu'on ne lyft pas tāt, & n'y fait tant d'aumosnes.] Ces festes sont par eux obseruées en l'ouenāce de l'aigneau que Abraham veit au lieu de son fils Isaac, pour le sacrifice : & de certaine nuit qu'ils croyent l'Alcoran auoir esté enuoyé du Ciel à leur faux prophete. La coustume aussi des Mahometistes est d'aller tous les ans à la maison (cōme ils l'estiment) de Dieu à la Mecque en Arabie, en recognoissance de la foy de laquelle ils font professiō, & pour honorer deuēmēt Mahometh sorty de ce païs là, & visiter son tombeau qui est à Medinne Talnabi, & non point à la Mecque. Et iāçoit q̄ Mahometh qui estoit tyran & sanguinaire, ayt ordonné en son Alcoran qu'on poursuīue à mort tous les aduersaires de sa loy & faux prophetes, si est-ce que les Mahometans ne contraignent guere personne, si ce n'est en certaines choses, à renier sa religion, & ne reçoient en cela la persuasion de leur legislateur : Qui est cause que les Turcs (qui sont grandz Politiques) souffrēt toute secte, & opinion entr'eux, & en leurs terres, & permettēt à chacun de seruir à Dieu à sa mode & fantasie. Leurs Prestres & docteurs ne sont guere differans en habits au commun peuple, ny leurs Mosquées en parade aux maisons des particuliers. Il leur suffit de sçauoir les poincts principaux de l'Alcoran pour leur foy, & ce qui apartient à l'oraison & obseruation de la Loy : aussi ne sont il trop adonnez à contemplation, ny à l'estude des lettres. Ils n'ont aucun soucy des Mosquées, ny du salut des ames, & sont sans sacre mens quelconques, sans reliques, saints vaisseaux & autels où ils offrent quelque cas à Dieu en signe de recognoissance. Ains se soignans de leurs femmes, enfans & famille, s'adonnent à labourer, iardiner, marchander, chasser & autres telles occupatiōs peu sortables à ceux qui sont dediez au diuin seruice, avec lesquelles ils poursuiuent leur vie, & en sustentent leur famille, ainsi que en font les lays, & autres hommes, ne leur estant rien deffendu, ny non loisible : seulement sont ilz francs de seruitude & subsidies leuez pour le seigneur, honorez de chacun, comme sçachans les ceremonies de la Loy, & qui, presideans en la Mosquée, sçauent enseigner les autres. Ilz ont nombre de belles & grandes escoles esquelles on lit les loix publiées par leurs princes pour le manimēt de l'estat, & y sont les enfans introduits en plusieurs sciences, afin de seruir & aux Mosquées, & au gouuernement de la chose publique. En ceste secte Mahometane il y a plusieurs & diuerses sortes de moynes, (afin que Sathan se monstre en ce qu'il peut le Singe de l'Eglise de Dieu) Les vns desquelz fuyans la compagnie & societé des hommes se tiennent es boys & solitudes assemblez & viuans en fraternele communauté. Aucuns se tiennent aux villes logeans les passans, ou à tout le moins receuans les pauures en leurs hospitaux pour dieu, quoy qu'ils n'ayēt dequoy leur donner à repaistre, d'autant qu'ilz viuent aussi bien d'aumosne, & caymanderie : D'autres se tenans aux villes, ont tousiours vne calebasse assez grande, pleine

Raison de la solennité de leur Benirā ou Pasques.

Mahometh n'est enterré à la Mecque, ains à Medinne Talnabi.

Les ministres de Calvin sont tous tels que les Imans & prestres de l'Alcoranisme.

Prestres Mahometans immunes de subsidies & fort honorez.

Escoles en Turquie & de bien rentées en Barbarie. voy L'Éthiopien, en son Asriq.

Ceste vermine en general s'appellent Deruis qui signifie saints. Il en y a de quatre sortes Deruiss.

L I V R E S E C O N D

*Seichlar, Torla-
qui, Et Calender:
qui sont tous cay-
mans.*

*Hypocrisie des
Derviss. meschâs
nonobstant sur
tous les hommes.*

*Turcs bons iusti-
ciers.
Punition des A-
dulteres.*

*Suplice des lar-
rons.*

*Quels tesmoins
receus en Turquie.*

*Inquisiteurs de
foy en Turquie.*

*Tous enfans sont
successeurs des
Turcs.*

*Libelle de repude
entre les Turcs.*

Dames Turques-

de bonne eau, de laquelle ils offrent à boire à quiconque à soif, & pour cest office de charité, ils prennent de bon cœur, ce qu'on leur donne iagoit qu'ils facent semblât de ne rien esperer de leur deuoir & benefice: & ont si grâde parade, & hypocrisie en leurs parolles gestes, contenâces & actiôs exterieures qu'on ne les estime pas hômes simplement, ains plustost Anges enuoyez de Dieu. Et toutes ces diuersitez de caphards sôt recogneus à la differéce de l'habit & Turban, veu que les parens du prophete le portēt de noir par dessous, mais le dessus est verd, & pource apellé Iessil Bassi: & la barbe longue: & ainsi des autres, afin de discerner la profession d'un chacun d'entre eux. Les Mahometans & Turcs sont grans & curieux obseruateurs de punir rigoureusement les vices & forfaits: car quiconque blece vn autre iusqu'à effusion de sang, il est condâné à peines semblable: celuy qui est trouué en adultere, & la femme aussi soudain & sans grace quelconque sont lapidez & mis à mort. Les paillards n'y sont sans suplice entant que celuy qui est conuaincu, fault que souffre quatre vingts coups de fouet ou de baston. Le larrô pris en forfait par deux fois, est estrené de pareille punition que le paillard, mais y tournât la troisieme on luy coupe le poing, la quatrieme luy est remise, en luy coupant le pied. Celuy qui fait dommage à son prochain, apres l'estimation du dommage, il faut que satisface à la partie offencée. Si quelcun se pense mal partagé & redemâde sa possession, la loy Turque cōmande qu'il prouue son dire par tesmoins, & que celuy qui nie tenir rien du demandeur s'en purge par serment. Or ne reçoient ils à tesmoignage que personnes de marque, & autorisées, & de telle & si bonne reputation, que iustement on se puisse arrester à leur foy & serment. Il y a aussi grand nombre d'inquisiteurs par le pays, pour scauoir ceux qui font mal leur deuoir à dire les oraisons ordonnées par la loy, & lesquelles ils punissent, leur faisans faire amende honorable en leur mettant vne table ou aiz au col, auquel soyent attachées plusieurs queuës de Renard, & le traient ainsi équipé par les rues iusqu'à ce qu'il se rachete par quelque bonne somme de deniers. Il n'est permis à Turc quelconque de passer son aage iusque en la vieillesse, sans auoir esté marié, & ce afin qu'il ne meure sans prouffiter au public, laissant lignée pour le seruice du seigneur, & peut chacun espouser quatre femmes legitimes, & quelque parenté qu'il y ayt, rien n'y est respecté que les meres, & les sœurs tant seulement: mais de concubines chacun en a loisiblement, tout autant qu'il en peut nourrir: & neantmoins les enfans sortis tant des vnes que des autres succèdent en l'heritage de leurs peres esgalement sauf que deux femelles n'emportent que comme vn seul male en la successiô. Et ne tiennēt deux femmes en vne mesme maison ny ville, à cause qu'ilz en ont en plusieurs lieux, & nommément marchans & capitaines, à cause des querelles & crieries qu'elles feroient viuans ensemble, ains les mettent séparées les vnes des autres. Et ont les marys puissance de les repudier iusqu'à trois fois, & les reprendre: & celles qui sont ainsi regettées, & estans iointes à vn autre homme, peuuent si bon leur semble demeurer avec luy, encor que le premier les redemande.

Les Dames Turquesques sont fort honnestes, & modestes en leurs ha-

bitz, ayant leur coiffure pointue, sur laquelle elles portent vn voile si gentiment acoustre, que pendant vn costé & partie d'iceluy, si elles veulent sortir dehors, ou se trouuer en compagnie, où il y eust des hommes, tout soudain elles s'en couurent tout le visage sauf les yeux: & portent sur leurs vestemens vn linge blanc delié, couurant tout le reste de sorte, qu'il n'y a homme qui sceut discerner laquelle est la femme estant en quelque troupe. Les dames Turques ne se trouuent iamais en lieu où les hommes sont assemblez: leur est encore estroitement deffendu d'aller au marché, vendre, ny acheter en sorte quelconque: & en la grand Mosquée elles ont place du tout esloignée de celle des hommes, & close tellement que personne ne les y peut voir, & moins y auoir entrée. Non que toutes dames entrent à l'oraïson, ains seulement les espouses des seigneurs, & ce le seul iour du vendredy, & à l'oraïson du midy, qui est la solennelle entre les Mahometistes. C'est chose fort rare, & tellement contre la coustume q l'homme parle à vne femme en public, que si vous demouriez vn an en leur cōpagnie à peine le pourriez vous voir vn e seule fois: Que si l'on voyoit vn homme en public deuiant avec vne femme ou allans de compagnie aux champs ils le trouueroient estrange, & reputeroient cōme chose monstrueuse. Ceux qui sont mariez ne se iouēt iamais tant peu soit avec leurs femmes en presence d'homme qui viuē, & n'ont parolles ensemble, à cause que l'homme retient tousiours vne mesme seuerité enuers son espouse, & elle ne luy māque de semblable respect, & reuerence. Les grās seigneurs qui ne peuvent estre continuellement avec leurs dames les laissant à la charge de certains eunuques & garde-couches, lesquels y font vne garde & sentinelle, si solennelle, qu'il est impossible qu'autre homme que leur mary les arraisonne, & qu'elles forfacent, ou se corrompēt, & fassent porter les cornes à leurs espoux. Et pour ne faire si lōg discours tous Mahometistes en general, font si grand compte de leur Mahometh, & respectent tant les loix par luy escrites en l'Alcoran, qu'ilz fassurent que ceux qui les garderont, iouyront sans faillir de la vie eternelle. C'est le Paradis que leur paint & effigie cest imposteur, tout plein de delices, & vn iardin enuironné de deux & flotellans ruisseaux, posé sous vn Ciel serene, & air bien temperé, où ilz auront tout ce qu'il leur viendra à souhait: les viandes exquisés en diuerses sortes, & iusque à s'en saouler, où ilz seront tous vestuz de soye, acostez de belles garces qui les seruiron t à tout clin & signe des yeux, & presenteront les merz en des platz & vaisselle d'or & d'argent: Là aussi les Anges seront leurs eschançons & versé à boire, portans du lait dans des vases d'or, & du vin ez tasses d'argent: mais il fait leur vin vermeil, se plaissant en telle couleur.

ques modestes en habits, là où les Chrestiens y sont superflues estrangement.

Deffendu aux dames se trouuer avec les hommes. Quelles Dames entrent à la Mosquée.

Respect des femmes à l'endroit de leurs maris en Turquie.

Garde-couches des Seigneurs en Turquie.

Quel est le Paradis de Mahometh & plus detestable que les chāps Elysiens des Grecs.

Turcs croyēt l'enfer mort eternelle.

Telle & semblable est l'assurance des Caluinistes.

Mais, au contraire, ceux qui violeront la sainteté des loix Alcoraniques, ilz sont menacez de l'enfer & mort eternelle: Toutesfois pour adoucir ceste crainte, ilz ont ferme esperance, que celui qui mourant, croit fermement à l'Alcoran, quelque grand pecheur que il ayt esté, appuyé de ceste foy en Dieu, & en Mahometh, il sera sauué sans doubte quelconque.

Voila en sommaire ce que les Turcz tiennent de leur loy & religion:

LIVRE SECOND

ie laisse le Dinan, ou auditoire & ce qui est gardé à la porte du seigneur, comme il reçoit les Embassadeurs, ses exercices à la chasse, & venerie, & les ceremonies de sa Circoncision, ou sepulture: à cause que plusieurs se sont employez en ce suiet, comme aussi à deduire les successions, conquestes & inuasions faites depuis deux cens ans en ça, par la famille des Othomans.

Des Chrestiens & origine d'iceux, & ceremonies.

Chapitre 14.



[E passeray, amy lecteur ce chapitre, fort sommairement, à cause qu'estât assuré qu'il n'y a Chrestien, qui ne sçache que c'est que de sa foy, & ne soit assuré qui est celui en qui il doit apuyer son esperance, & qu'à grand peine ce liure sera manié par les Tartares Turcs ny Arabes, ie suis d'aduis que laissant vn si long discours, ie face vn simple sommaire, afin de plucher en particulier les mœurs des peuples d'Europe, la plus part desquels ont embrassé la sainte foy Euangelique, quoy que d'aucuns se soyent soustraitz & separez trop follemēt du sein, & giron de l'Eglise vniuerselle & Romaine. Vous m'excuserez donc si ie ne poursuis ainsi que l'auteur a fait, & si content de l'origine chrestienne, ie laisse au latin son cours, & me repose en ses descriptions pour ne seruir que bien peu à la matiere.]

Pour sauuer le monde de la peine due au peché, Iesus christ venu au monde.

Iesus né de la vierge par l'operation du S. Esprit.

Electio des Apostres & charge d'iceux.

S. Pierre esleu chef de l'Eglise.

Iesus christ donc, nostre Seigneur vray & eternal filz de Dieu tout-puissant, secode personne de la sainte, & non desinie Trinité: il y a mille cinq cens soixante neuf ans, que d'un conseil à nous caché, & incomprehensible mystere saint & sacré vint en ce monde pour le rachapt des hommes miserables asseruis à la mort, pour le peché & desobeissance des deux premiers desquelz la race humaine a pris origine: & afin de nous recourir la porte celeste, qui nous estoit interdite à cause de celle transgressio, & pour remplir les sieges vuides pour la cheure des esprits orgueilleux, à quoy nous estions créez ce Dieu de Dieu, & lumiere de lumiere, fest fait homme, & conçu par l'operation du saint Esprit, nasquist de la glorieuse vierge Marie, laquelle estoit de la famille & race de Dauid, afin que l'escriture fut accomplie. Luy ayant fait choses merueilleuses & annoncé la volonté de son pere au monde sur l'an 33. de son aage, par l'enuie des Iuifz, fut liuré à Pilate, & par luy condamné à la mort de la Croix: enseuely & reposant au tombeau le troisieme iour resuscita des morts, & ayant bonne troupe de disciples instruitz en la sainteté de sa doctrine, d'iceux il en choisit douze, ausquels apres sa resurrection il donna la charge comme ses nonces & embassadeurs, d'annoncer par tout le monde la remission des pechez en son nom, & prescher l'Euangile à toute creature, enseigner à tous ce qu'ils auoyent appris de luy, & les destournantz de l'abomination des Idoles, que ilz les baptisassent au saint nom de l'ineffable Trinité.

C'est ainsi q Symō Pierre, chef de la troupe, & celui auq il dōna le gouuernemēt de son eglise: apres que, selō la promesse de son maistre, ils eurent

receu les graces du S. esprit, visiblement le iour de la Pentecouste, cōme chascun eust pris son cartier pour executer leur charge, vint en Antioche y fondant le premier siege de l'eglise, où souuent avec les autres Apostres il feit des Synodes pour les affaires du corps des fidelles: & ce fut là que premierement on ordonna qu'en honneur & souuenance du chef de l'eglise, Iesus Christ nostre seigneur, ceux qui seroyent vrayz & legitimes sectateurs & enfans d'icelle portassent de là en auant le nom de Chrestiens, & soustiendroyent iusqu'à la mort l'integrité de la foy receuë par ceste eglise mere bien sentant, & Apostolique. Le premier siege apres cela fut transferé à Rome: où le bon S. Pierre & ses successeurs furent vn lōg tēps à travailler, & se peiner par bonnes mœurs & sainte vie, grand sçauoir, & inspiration celeste, y ioints les miracles pour monstrier que ceste religion Chrestienne, incogneue encor, rude, & non cultiuee, semée par quelques vns de la loy de Moysè laquelle Iesus Christ estoit venu pour parfaire & non destruire, seruoit & estoit necessaire pour policer en mieux avec la salutaire doctrine de Iesus Christ, & illumination du saint esprit les Egyptiens, Romains & Grecz chassans leurs ceremonies & faux seruices, & corrigeant leurs loix & façons de vie, avec la purité de ceste diuine philosophie. Et d'autant que ceux que le saint esprit conduisoit, ne peuuent estre sans ordre veu que les Gentils & idolatres auoyent leurs magistrats, pour les dresser, & iceux ayans les vns esgard sur la police temporelle & les autres sur les sacrifices: & que le peuple Hebreu, iadis le choisy & esleu de Dieu auoit & ses iuges puis son roy: & les sacrificateurs, Leuites Chantres, Portiers, Docteurs & Pharisiens: & l'Empire Romain des Consulz & Proconsulz, pour le gouuernement des Prouinces, aussi l'eglise de Dieu, qui est le corps le mieux ordonné de sous le ciel, en ce qu'elle a de visible au monde, a le souverain Euesque & Pape à Rome qui comme vn saint Monarque preside sur tout le monde, & les quatre Patriarches, qui sont comme les Consulz du saint & Apostolique siege de Rome, & les Cardinaux representans le reste des Conseillers & iuges du senat de la cité souveraine de l'vniuers.

Ie laisse le nombre infiny d'Euesques & substitutz, ou suffragans d'iceux les Archiprestres, Archidiaques, Doyens, Curez, simples Prestres, Diacres, Soudiacres, Exorcistes, Lecteurs, Portiers, Escriuains, ou Secretaires & Chauffecires & porte-lumiere, lesquelz comme peuple choisy portēt tous le nom de clergé. Et pour toucher aux mœurs & estat de chascun c'est aux Euesques d'ordonner, & promouuoir le reste du Clergé, de sacrer & dedier les vierges, de consacrer ceux de leur estat & ordre, d'imposer les mains, confirmer, benir les lieux deputez pour le seruice diuin, & de deposer ceux qui s'esgarēt du legitime deuoir de l'estat ecclesiastique. A eux aussi est la puissance de celebrer les Synodes: & faire le mesme qui est permis aux moindres prestres, à sçauoir la consecration à l'autel, l'exercice des saints Sacremens, desquels les vrayz Catholiques en reçoient sept: l'absolution des pechez par penitence, & le droit de l'excommunication, & d'annoncer l'Euangile au peuple. C'est au clergé de viure chastement, d'auoir rasure sur la teste, de ne porter point barbe, ny longue cheuelure,

Premier siege en Antioche l'an de grace 38.

Chrestiens premierement appelez en Antioche.

Ensebe au lieu des tēps faict que S. Pierre vint à Rome l'an 44. de nostre seign. Police de l'eglise Chrestienne.

Le Pape est cōme le Monarque de l'eglise de Dieu. Dimeses dignités en l'eglise.

Clergé c'est fort & choix.

Puissance des Euesques Chrestiens.

Office du Clergé entre les Chrestiens

LIVRE SECOND

*Gens de religiō de
grand prouffit en
l'Eglise de Dieu.*

*Habitz du grād
Euesque du pre-
mier siege.*

*Heures canonis-
les en l'Eglise chā-
tées tous les iours.*

*Chrestiens admo-
nestez à paix a-
uant que aller à
la sainte com-
munion.*

*Euesques depen-
dent tous du Pape
comme du chef de
l'Eglise.*

*Mariage sainte-
ment entre les Ca-
tholiques.*

de se soigner seulement des choses appartenantes au seruice de Dieu, sans s'entremesler des affaires de ce mōde, de sçauoir les saints escripts à fin d'auoir dequoy instruire ceux desquels la charge leur est commise. Je n'ay affaire de discourir tant de sortes de gens de religion consacrez à Dieu, vians sous les vœux de chasteté, pauvreté & obediēce, & separez avec vne grand diuersité d'habitz les vns des autres & toute ensemble du peuple, l'institutio desquels estant sainte la continuatio loüable, nous voyōs le prouffit & bien qu'en sent l'Eglise, ayant de si solides piliers & loyaux defenseurs de sa liberté & saine doctrine: Je ne veux m'amuser à la description de leurs rancz, loix, habitz, noms, ceremonies, estatz & dignitez tenans en ordre ceste excellente police, qui est comme l'escole de laquelle sont sortis tant d'excellans docteurs & prelatz qui ont tenu le gouuernement de la sainte Eglise Apostolique & vniuerselle. Je laisseray aussi tant de sortes d'ornemens des Euesques, Abbez & ordres tant supremes que mediocres, des officiers & ministres seruās au saint temple de nostre seigneur: ne m'arresteray sur les habitz Pōtificaux du souuerain Primat, laisseray son manteau de pourpre, sa robe violette, son sceptre, & couronne faicte en pointe, desquels il vse les festes solennelles celebrant le diuin office: assiste de six ministres chantant, & parfaissant le grand, & admirable sacrifice de la Messe. Il n'y a Chrestien qui ignore avec quelle deuotiō on chante sept fois les iours les Heures qu'on appelle canoniales: & les bons auteurs, signamment ceux qui ont redigé les saints Canons par ordre, discourēt qui sont les saints Euesques & Docteurs, qui ont aiousté quelque ceremonie necessaire pour rendre plus reuerē le diuin & espouuētable mystere, où le corps de nostre seigneur est cōsacré & distribué aux fideselles Catholiques en son Eglise: & que de tout tēps le peuple Chrestien a esté repeu & nourry de la parolle Euāgelique: que c'est d'une ancienne institution que ceux qui venoyent à la sainte communion, se pardonnaient les iniures les vns aux autres reciproquemēt, & q̄ pour les inciter à ceste mutuelle concorde, le ministre leur faisoit entendre que celuy qui y venoit avec haine, ne iouissoit du benefice de reconciliation avec Dieu, quelque confession de bouche qu'il eust fait deuant le prestre. C'est en l'Eglise que le Chrestien a pris les 12. articles de la foy, & les 10. commandemens que Dieu donna à Moysē, ausquels il est obligé. Je laisse le discours des sept Sacremens, la cause de leur institution, & le fruct qui en vient au Chrestien, & comme les Euesques sont sacrez & tout le clergē, non pour estre dispensez à leurs fantaisies, mais qui despendent de l'autorité du saint siege Apostolique de Rome. C'est le Catholique qui entre tous les peuples, nations & opinions, est celuy qui garde plus saintement le nœud du mariage, lequel il reçoit pour sacrement, & ainsi ferme & inuio- lable, comme coniunctiō faite par droit diuin naturel, & de l'institutio & police des hōmes pour le maintenement, & cōseruation de la societé humaine, ie ne deduiray la forme des contractz, estant cela du subiet des loix de chascune prouince, ny de la maniere des parolles & benediction obseruée en l'Eglise, les mariez se presentans en icelle, comme ses enfans & fideselles, legitimes, & obeysans, & comme entre les Chrestiens qui sont

vrayement telz, le diuorce n'est point receu sinon és causes decidées par les saints Canons: & moit y est permis le concubinage, si grande est la purité gardée en la police sainte & euangelique de la cité diuine, contenant en soy l'assemblée de tous les fidelles. Et ne seruiroit de guere (ce me semble) de proposer quelles sont les festes solennelles de noz Chrestiens tant en souuenance des saints mysteres de l'incarnation, natiuité, circumcisiō, mort, passiō, resurrectiō & ascensiō de nostre seigneur Iesus Christ, & de la memoire du S. Sacremēt, missiō & descēte du S. esprit sur les Apostres, q̄ des memoires souuēt faictes de la glorieuse vierge mere de Dieu, & des saints Apostres, martyrs, cōfesseurs & vierges, desquels le long de l'année l'Eglise celebre les iours nataux, à scauoir de celle renaissance spirituelle à tel iour q̄ ils ont esté receuz en celle gloire eternelle promise à tous ceux qui persevererōt au seruice de celuy grād Dieu qui veut estre seruy seul, & honoré en ses saints & fidelles seruiteurs. Tout cecy est assez notable à ceux à qui nous dressons ce volume lequel si ie pēsoy deuoir estre manié par les estrangers & esloignez de nostre foy, tāt s'en fault que ie voulusse abregier la matiere que plustost ie tascheroiy d'y faire vne plus grande recherche pour l'ornement de celle sainte religion hors laquelle ne fault qu'homme du monde espere salut, quelque vertu heroïque qui puisse estre ny paroistre en ses actions: veu que l'Eglise Apostolique & Romaine est seule legitime, & sa foy certaine les sacremens fondez en l'escriture, & notammēt instituez, ses ceremonies receuës dès le temps des saints Apostres, & Eglise primitiue, l'ordre du Clergé venu par succession sans que iamais les persecutions tant des idolatres que des heretiques en ayent peu rompre la suyte, & continuation qui encore dure, & durera iusqu'à la fin du monde quelque part qu'il plaise à Dieu de transporter son troupeau. C'est parmy ceste sainte troupe que le iour du Dimenche est solennisé en lieu que les Iuifz auoient le septiesme, tant pour ne point Iudaïser, que pour ramenteuoir la merueilleuse resurreccion de nostre seigneur, auquel iour le diuin seruice est cōtinué & faict en l'assistance de tout le peuple & la parolle de Dieu annōcée, à fin que ceux qui cessent du trauail du corps, ayēt repos en l'ame par la nourriture internelle.

C'est en ceste Eglise qu'on ramentoit au peuple dès le iour de la septuagesime iusqu'à Pasques, le ieusne, passion, mort & sepulture de nostre seigneur, le peché du premier homme, l'idolatrie des anciens, la seruitude du peuple de Dieu en Egypte & autres calamitez des fidelles que l'Eglise & lyt & chante avec signifiante de tristesse, & dès le iour de sa resurreccion iusqu'à huit iours apres la feste du saint Esprit, est le triomphe que Iesus Christ à eu de la mort, son ascension glorieuse, l'enuoy du saint Esprit, & lors sont admonnestez les Chrestiens de celle reconciliation que le filz eternel de Dieu à fait pour le genre humain à son pere par le merite de sa passion, & ensemble leur est annoncée la remission des pechez. Et c'est lors qu'on lyt la ioyeuse nouuelle contenue au nouveau testament. Apres Pentecouste iusqu'aux Aduens, l'Eglise ne cesse de publier la vie, & conuersation de Iesus Christ au monde, les merueilles de ses œuures & miracles & la purité de sa doctri-

Diuorce pour se remarier defendu en l'Eglise.

De quoy fait solennité l'Eglise

Dieu veut estre honoré en ses saints.

Hors l'Eglise n'y a point de salut.

Les marques vraves de l'Eglise se font en l'Eglise Romaine.

Le Dimenche solennisé & pourquoy.

Cōme l'office diuin est distingué en l'Eglise Catholique selon les temps & saisons. Passion de Iesus Christ.

Resurreccion de nostre seigneur.

LIVRE SECOND EE L'ASIE.

*Conuersation du
fils de Dieu en ce
monde.*

*Attēte de nostre
seigneur.*

*Solennité de la
naissance de Iesus
Christ.*

*Obeissance du
peuple fidelle aux
Euesques.*

*S. Ciboire où re-
pose le S. Sacra-
ment.*

*L'entrée au Chœur
interdite aux
lays.*

*Insolence des lays
Et femmes à pre-
sent en l'eglise.*

1. Corinth. 11.

1. Pierre 3.

*Priere pour les
Trespassez, de l'ég-
lise.*

*La soy premiere-
ment plantée en
Asie.*

ne, à fin que l'eglise estant comme posée parmy les flots & vagues d'une mer impetueuse en se resiouissant de la bonace promise aux biens viuans, se donne neantmoins garde par tels aduertissemens pris de l'une & l'autre loy, d'estre submergée par le vent furieux de quelque pestilence & orageuse doctrine. De l'aduent iusques à la natiuité du fils de Dieu, l'eglise nous propose l'estat des siens des Moyse iusques à Iesus Christ lequel attendu par la promesse faicte, à tenus les saints peres en ioyeuse attente de la redemption des humains. Et c'est pourquoy durāt ce temps on lit les Prophetes, & que les ecclesiastiques celebrent le ieusne, à fin de plus saintement se presenter à la feste premiere de nostre redemption, qui est le iour que le fils de Dieu nasquist de la glorieuse vierge Marie, ainsi qu'il est contenu en l'Euangile, & long temps au parauāt auoit esté predit par les Prophetes. L'obeissance Chrestienne a de toute ancienneté esté si grande que le peuple n'a onc pris la hardiesse de dresser temple ny oratoire sans le consentement du pasteur diocesain, lequel benist & sacre les saints lieux, ornemens, liures, & autres choses qui concernent le seruice de Dieu. Le laïse à part l'ordre y tenu aux prieres, la forme des bastimens les autelz, croix, images, seruans de memoires de nostre seigneur, de sa glorieuse mere, des saints Apostres & martyrs, le lieu des baptêmes, l'onction, & huile sainte; le sacré Ciboire où repose pour l'usage des malades, & assistance ordinaire le corps precieux de nostre redempteur: ne veux encor esplucher par le menu, les causes pourquoy le peuple est esloigné, (ou le doit estre) du saint pourpris du grand autel, voire luy est interdite l'entrée du Chœur où le clergé Psalmodie veu que & cecy seroit trop long & que chacun en estant assez aduerty, n'y fault que par malice, veu la corruption grande de toutes choses estre telle qu'à present les femmes se fourrent iusqu'au coing du saint lieu que seulement elles ne deuroient regarder qu'avec frayeur & estonnement, & que les lays s'insinuent à manier les choses, que le seul Prestre, ou pour le plus les diacres deussent porter & rapporter, qui à esté cause que de ce peu de compte, le saint à esté mis à mespris & que la deuotion fust presque du tout escoulée en l'eglise. Le premier qui voulut que les femmes eussent la teste voilée & couuerte en l'eglise fut S. Paul, & que les hommes ne nourrissent point la cheuelure, & que tous les deux sexes fussent vestuz modestement. Le Chrestien enterre honorablement son mort, quoy que selon la diuersité des regions les façons en soyent aussi diuerses, neantmoins tous ceux qui recognoissent la pierre angulaire, & sont du corps & troupeau du grand pasteur Iesus Christ en la locieté de la bergerie Catholique, recoiuent la priere pour les trespassez, comme salutaire, trouuent bons les encensemens la croix, l'eau beniste, & autres saintes, & profitables ceremonies, fondées tant sur la diuine escripture, que sur l'ordonnance des peres & coustume receüe entre les Chrestiens des l'eglise naissante & primitive: & voila quant aux Chrestiens, desquels auons parlé & discouru en l'Asie à cause q' ce fut en ce riche pais que fut planté premierement le fondement de nostre sainte religion en Ierusalem, Antioche, Ephese & autres citez & pais de l'Asie.

Fin de l'Asie.

Description



DESCRIPTION

DE L'EUROPE TROISIÈME

PARTIE DU MONDE, ET DES

nations, peuples & provinces plus

memorables d'icelle.

LIVRE TROISIÈME

Chapitre premier.



L'ASIE estât despechée, il est desormais tēps de venir à la description de l'Europe qu'on faiēt la troisieme partie de la terre, laquelle (comme aucuns disent) a pris ce nom de la fille d'Agenor nommée Europe laquelle rauie par Iupiter, fut conduite en Candie. [Mais ceste raison est froide, veu que le país Phenissien est Asiaticque, & l'isle Candiote de mesme, joint qu'Herodote dit qu'il ne sçait d'où ceste partie a pris son nom, si ce n'est, dit-il, que nous disons qu'elle est ainsi appelée d'Europe dame Tyrienne, & qu' auparauant elle auoit vn autre nom tout ainsi que le reste des regions de la terre. Mais ceste Princeesse estoit d'Asie, & est certain que iamais elle ne passa en celle terre que les Grecs appellent Europe, ains voyagea de Phenisse en Candie, & puis de là passa en Afrique.] Or ceste terre vers l'occident est close par la mer Atlantique vers les Colonnes d'Hercule, au Nord & septentrion elle à la mer Angloise, & tout le trait de Noruege, & mer glaciaire: au leuant son limite est borné par le Tanai, Paluz Meotides & mer maiour, & au midy la mer mediterrannée la separe de l'Afrique. Ceste terre est diuerse & bien disposée pour la complexion, nourriture & bonté des espritz humains & pour leur habitude, force & gaillardise, ayant les moyen de faire largesse à toutes les autres parties de la terre, & d'hommes, & de choses necessaires pour la vie. Car elle est tout habitable sauf en vn petit recoin, ou à cause du froid excessif personne n'y peut habiter, à sçauoir du costé de la Tane, & paisauoisinez du Borysthene & paluz meotides, où le peuple fait sa demeure dans des chariotz couuerts de peaux de bestes. [Ces bonnes gens du passé, ne recognoissoyēt encor que les bordz de la Moscouie du costé

Chose fabuleuse d'Europe ayant pris son nom de celle que rauit Iupiter.

Herodot. liur. 4.

Description d'Europe. Strab. liur. 3. Orose liur. 1. ch. 2. Mele liur. 1. Ptholom l. 2. et 3. a cause que Pline dict que toutes les isles Septentrionales sont comprises sous le nom de Britanniques liur. 4. chap. 16. Louanges d'Europe prises mot à mot de Strab. 3. Rien d'inhabitable en Europe.

LIVRE TROISIEME

*Le mesme Pole
Artique peuplé
de diverses nations
voy Olac le grand
& Jean le grand
ez descriptions de
Gothie, Norwege
& Biarmie.*

*Comme & par
qui l'Europe a e-
sté civilisée.*

*La temperie de
l'air sert à la cour-
toisie des hommes.*

*Les hommes re-
tiennent l'humeur
du pays de leur
nourriture.*

*S'agisse de la na-
ture au comparti-
ment de la terre.*

*Les Grecs & les
Romains sous qui
jadis ont tenu &
gouverné l'Europe.*

*L'Europe suffi-
sante de se nourrir
& de se défendre.*

du Don, ou Tanai, & vers le Boristhene, à peine auoyét ils ouy parler de la Russie, tant s'en fault que passant plus outre vers le Chersonese Cymbrique, ils eussent cogneu les pais tres-froids de Lapons & Biarmiés, qui festendent iusqu'au Pole Artique, & est le peuple innombrable és lieux mesmes q̄ lesanciés ont estimé inhabitables, ainsi (que Dieu aydant) nous deduirons ainsi q̄ verrons les choses le requerir, à fin de môstrer que l'Europe n'a point vn seul eschantillō de terre qui ne soit peuplé à bō esciēt.]

Or ce qui est habitable, & est en pais froid & montaigneux, est aussi fort difficile à estre cultiué. Au reste n'y a lieu tant soit-il fascheux, mal habité & inquieté par le brigandage & inciuilité des habitas & voisins qui n'y deuienne aisé en y changeant mesnage & y mettant de gens de bien. Veu que les Grecz au commencement festans faits seigneurs des lieux montaigneux & pierreux, s'y arresterent dressans leur police bien gentiment, & ce en prenans esgard à l'inuention des artz, & choses qui seruissent à la politique & commun profit de ceste vie. Les Romains aussi ayāt assuietty plusieurs nations cruelles & farouches & lesquelles pour se tenir en ces pais malaïsez à aborder, aspres raboteux & difficiles à estre habitez estoient aussi de dangereux accez, & ne receuans la compaignie de personne, les rendirent neantmoins acostables, par le meslange d'autres hommes courtoys & ciuilez, qui leur aprindrent l'honesteté & courtoisie, adoucissans celle brutale, & sauage façon de vie de ces hommes rudes, grossiers & Barbares. Or tout ce qui est d'Europe en planure, & iouist d'une naturelle & temperie d'air se court grandement à la douceur & gracieuseté des habitans & cause qu'ils sont ciuils & acostables: veu que ceux qui se tiennent és regions fertiles & heureuses, sont ordinairement gracieux & paisibles: là où le peuple habitant és terres mal-plaisantes, & infertiles sont gens guerriers, sentans le masle, d'un naturel seuer & peu courtoys. Neantmoins que ceste diuersité face leurs humeurs contraires, si est-ce que ces nations sont profitables, & se font plaisir, reciproque les vnes aux autres: entant que celles qui sont nées à la guerre soustiennent & defendent par leur effort les autres qui les en requierent: les autres departans leurs viures, & communiquans leur sçauoir, doctrine, & ciuilité en la façons des mœurs, & bien-seance du viure. Là où les dangers & dommages qui accōpaignent ceux qui refusent plaisir à leurs voisins sont trefcuidens: entant que l'effort de ceux qui manient les armes emporterait facilement le dessus, si la multitude des autres ne l'accabloit & chastioit son audace: en quoy la nature mesme à besoigné, y mettant vn ordre bon & salutaire partissant la terre en montaignes & planure: tellement que de tous costez il y en ayt & de guerriers & de politiques ciuils & paisibles: mais l'un en plus grand nombre à sçauoir de ceux qui aiment & cherissent la paix, à fin qu'ils soyent les plus forts pour la multitude: en quoy ils ont esté secourus par la prouidence & sage cōduite des Monarques Grecz & Macedoniens premierement, & depuis, par les Romains qui leur ont succédé à l'Empire, & par ce moyen l'Europe est tref-suffisante de soy, & sans aller querir ailleur secours, pour se preualoir en ses affaires, & en temps de paix, & durant les troubles des guerres. Veu que de bons guerriers elle en

à bonne, & grande multitude : & pour cultiver les terres les hommes ne lui manquent point ny pour habiter les villes, & dresser la police & bon ordre des citez & royaumes. Au reste elle est excellente en l'aport de très bons fruits, & iceux nécessaires à la vie de l'homme, & des métaux, autant qu'il en suffit pour leur usage : quant aux odeurs pour les autels & sacrifices & pierrerie précieuse, & de grand pris il faut qu'elle s'en fournisse en pays estrange. Toutesfois ceux qui ont faute de ces mignotises & delicateſſe n'ont pour cela plus malheureux, ny leur vie plus infortunée & mal-aisée. L'europe encor est fort abondante en bestail, groz haraz, & riches troupeaux, ayant, & nourrissant fort peu, où point de bestes farouches & nuisibles, & voila en general quel est l'estat de l'Europe, reste à particulariser ses parties, desquelles vers le levant la premiere est la Grece qui se presente, par laquelle aussi il nous faut commencer.

Europe abonde en métaux.

Default d'Europe en odeurs & pierrerie.

De la Grece, & loix données aux Atheniens par Solon le premier, & plus excellent législateur d'entre les Grecs. Chap. 2.



Rece qui est l'une des belles regions de l'Europe fut iadis ainsi dite d'un qui avoit à nô Grec, lequel y posseda le temps passé de grâdes terres & seigneuries: Les limites de laquelle sont dès l'estressure & destroit de terre qu'on dit Isthine pres le destroit de Corinthe & s'estendant du septentrion au midy à la mer Egée, ou Archipelague, & vers le couchât la mer Ionique: cōtenant à present la valonne iusqu'au Goulphe de Venise: les Thermopiles la partissent par le milieu tout ainsi q' l'Apennin en fait de l'Italie s'estendant dans les montaignes des Leucade & la mer qui regarde le Ponant, iusqu'à la mer qui tend vers l'orient, les dernières mōtaignes qui sont vers l'occidēt s'appellent Oethe, la plus haulte desquelles est Callidrome par le Vallon de laquelle on prend le chemin vers le sein & goulphe dit Maliaque n'ayât guere plus de 60. pas de large: & est ceste voye seule par laquelle (pourveu qu'on n'y donne aucun empeschement) on peut passer une armée: veu que le reste de la mōtaigne est si aspre, raboteux & difficile que les plus deschargez le trouveroient fascheux & inaccessible: & pource appelle on ce passage Pyle qui signifie portes, & d'autant qu'il y a des surges & sources d'eaux chaudes & sulphurées, il s'appelle aussi Thermopile, cest à dire porte chaude. Les regions & Prouinces Grecques qui sont selon le bord de la mer sont Acarnanie, Etolie, Locride, Phocide, Beotie, & Eubée, qui est presque (estât isle) cōiointe avec terre ferme. Le pays Attique, & de la Morée, iadis Peloponèse s'estend plus que les autres le long de la mer sous la diuersité des mōtaignes qui les ceignent: & du costé q' la Grece regarde le Nord, ou Septentrion est l'Epire, Perrebie, Magnesie, Thessalie, le sain dit Malliaque. Athenes cité iadis tant fameuse mere, & nourrice des artz liberaux, & des hommes sçavans & illustres en philosophie, & la plus excellente, belle, riche, & puissante de la Grece estoit posée en la region Attique entre l'Achaïe, ou Morée & la Macedone,

De cecy fait mention Plin li. 4. c. 7

Description de Grece. voy Strabon 8. 9. Mele 2. Mer Egée à present Archipelague.

Quelle est la mer Ionique.

Tite Live 4. de ca. liur. 6.

Oethe mont sur lequel les poëtes faignent que Hercule se brusla.

Ce sein s'appelle à present Goulphe de Negropont.

Thermopyle que signifie.

Strabon liur. 9. Herodot 7.

Eubée isle à present Negropont.

Epire est à present Albanie.

Voy Ptholom l. 3 ch. 15. Tab. d'Europe. 10.

Où estoit la cité d'Athènes, qui à present est presque rien, & s'appelle Sathine.

LIVRE TROISIEME.

*Cecrops premier
bastist Athenes
voy Eusebe liur.
des temps.*

*D'où Athenes a
pris son nom.
Ioseph li. i. ch. 6.
d'Atlee roy d'au
sanie es Attiques
lin. i.*

*Loix rigoureuses
de Dracon.
Plutarq. en la vie
de Solon.
Celie Rhodig. li.
10. ch. 6.*

*Comme Solon de-
partist la cité de
Athenes.*

*De quel ranc e-
stoyent choisis les
magistrats d'A-
thenes.*

*Servie Tulle em-
prunte la police
d'Athenes.*

*Voy Eusebe liure
des temps.
Changement de
police à Athenes
Solon en quel tēps
vinoit à sçavoir en
la 47. olyp.*

*De l'Areopage
voyez Pausanie
li. i. Hellanique
histoire 1.
Celie Rhodig. lin.
12. chap. 19.*

*Souverain conseil
Estably à A-
thenes.*

*Loy contre les re-
belles & seditieux*

& fut le païs Attique nommé ainsi d'un seigneur appelé Atthis, lequel succeda à Cecrops au royaume d'Athenes, qui en fut le bastisseur & fondeur, qui fut cause qu'on appelle la cité Cecropie, & puis Mopsopie du nom de Mops, & d'un fils de Xut, ou plustost (suyuant l'opinion de Iosephe) par Ianan fils de Iaphet, elle eust à nom Ionie, & en fin elle prist le nom d'Athenes de la Deesse Minerue, à cause que les Grecz appellent Pallas Αθηναν en leur langage. Dracon fut le premier iadis, qui escriuist loix entre les Atheniens, mais à cause qu'elles estoient trop rigoureuses, Solon Salaminien les corrigeant, en abolist, & annulla vne grande partie, veu que il n'y auoit presque constitution de Draco qui n'emportast peine de mort tellement que ceux qu'on trouuoit oisifs & faineans estoient salariez par perte de leur vie. Celuy qui prenoit des fruits, ou des herbes au champ, ou possession d'autrui n'estoit pas plus doucement puny qu'un qui eust occis son pere: Solon, ayant esgard au reuenu d'un chascun citoyen, & selon l'estimation des biens, il distribua les quartiers & dixaines de la cité d'Athenes: & estoient ceux là les premiers en ranc qui auoyent cinq cens mines de grain de reuenu. Les secōds estoient ceux qui iouyssoient de trois cens mines de rente & pouuoient nourrir des cheuaux. Au troisieme rac estoit ostée la charge de nourrir cheuaux: mais il falloit que possedassent autāt de reuenu que les secōds, & de ces trois ordres on choiissoit les magistrats, le reste du peuple estant mis en cōpte comme estrangers & mercenaires: & ces susdits auoyent puissance de parler au peuple & de iuger des differens, tous autres forclos des suffrages & puissance de venir aux Magistrats, & ceste ciuile, & gentille police estāt imitée par Tulle Seruie Roy Romain auoit esté aussi prise ainsi qu'aucuns estiment de l'inuention des Atheniens, [Lesquels furent long tēps sous le gouuernemēt des roys, chāgeans deux fois de famille par l'espace enuiron de 600. ans, & puis vindrēt sous des magistrats, ou Princes ayās presque esgale puissance que roys & la dignité desquels duroit iusqu'à la mort, & se maintindrent en ceste sorte par l'espace de 369. ans, où prenant fin la principauté ils esleurēt cinq gouuerneurs tous les ans des plus nobles & riches de la ville pour manier les affaires, & administrer l'estat de la police, & iugemens, & pour cōmander sur les armées, si par cas il y escheoit guerre: durant laquelle saison, estans abolies les loix de Dracon, Solon establit les siēnes, au mesme tēps que le royaume corinthien fut destruit, & que les Israëlites furent menez esclaves en Babilōne.] Ce fut ce Solō le premier qui ordōna le conseil & parlemēt des Areopagites, choisy de conseillers & iugēs annuels: il y en a qui disent q Solō, pour oster tout moiē de tumulte ou discorde entre les citoyens à fin que la folle multitude du peuple ne troublast (ainsi q de coustume) avec l'incōstance de ses suffrages l'equité des iugemēs, choist 400. homes cent de chascun des estats, auxquels estoit permis d'aprouuer, ou annuller ce qui seroit ordōné par les Areopagites. Par ce moyē cōme si la nef eust esté tenue, & appuyée de deux ancrs, cōtre tous flots & orages qu'eussēt peu naistre en la cité, il pēsoit auoir estably vn estat durable, & fortune lo- gue pour le bien de sa republique. Par vne de ses loix il auoit estably que

ny les Parricides, ny ceux qui auoyent conuoité ou rasché d'vsurper la tyrannie, fussent iamais receus aux honneurs & dignitez de la republique Athenienne. Et non seulement priua-il ceux là d'honneur en la cité, ains encor celuy qui voyant quelque trouble & sedition entre les Citoyens, demouroit neantmoins les bras croisez, & sans suyure pas vne des parties qui faisoient l'esmotion, ayant opinion que ce n'estoit le deuoir d'un bon citoyen de seulement auoir esgard à son proufit particulier, sans prendre soucy aucun des affaires, salut & bien de toute vne communauté. Celle loy de Solon fut aussi admirable, par laquelle estoit permis aux femmes, qui auoyent des marys peu suffisans à fournir aux charges & deuoirs de la couche, d'en choisir tel que bon leur sembleroit des parents, plus proches du mary, pour seruir de procureurs & substituts aux aydes, & effectz qui sont de l'essence du mariage. Ne voulut en outre, que la femme portast somme d'argent à son mary pour son mariage, ny autre chose que quelques habillemens & meubles, pris en la maison de son pere: disant que l'alliance, & conionction matrimoniale, ne deuoir point estre faite à pris d'argent, ny pour l'esperance de richesses, ains seulement afin que l'homme se iognist amiablement à sa femme pour en auoir lignée qui luy succedast, & afin que luy mort ne fut maudit & abhominé, pour n'auoir fait aucun prouffit à la republique. Quiconque disoit iniure à vn autre dedans le temple, ou au lieu des plaids & iugement, il estoit condamné à cinq drachmes d'amende. Estoit permis libremēt à chacun en testant de donner argent ou autre chose de leur conquest, à qui bon leur sembloit, comme ainsi soit que au parauant, selon la coustume du pays, il fallust que cela demourast en la maison de celuy qui testoit: d'autant qu'en cecy il eust plus d'esgard à l'amitié qu'à la parenté, & au plaisir & alliance qu'à la liaison du sang: toutesfois y auoit pouruision telle, que le testateur ne fut hors de son sens, ou que on ne l'eust suborné, trompé, ou gagné par quelque moyen illicite: Ordonna encor Solon, que celuy qui ne seroit parēt d'un homme decédé, ne le pleurast, ou en feit le ducil en sorte quelconque. Ioint que le fils n'ayant esté instruit en aucun art ou science par son pere, ne fust tenu par la loy, de nourrir sondit pere, estant cassé de vieillesse, ou surpris de quelque grande necessité. Et ceux aussi qui estoient bastards & illegitimes, n'estoyent obligez aucunement à la nourriture de ceux qu'ils estimoient estre leurs pere & mere: veu que celuy qui ne peut s'abstenir d'accointer la paillarde, monstre assez & tres-que manifestement qu'il n'aprouche point la femme pour en auoir des enfans, ains plustost pour rassasier sa lubricité & paillardise, & que par ce moyen c'est luy-mesme qui se prue du salaire de sa diligence, & proufit qu'ils doiuent auoir ceux qui trauaillent pour le public. Voulut Solon que impunément on occist le paillard qui seroit trouué en adultere: mais fort doux enuers ceux qui violoyent vne fille de maison, lesquels il condamnoit seulement à dix drachmes d'amende. Il osta la licence au pere de vendre sa fille, & au frere d'aliener sa sœur, si ce n'est qu'ils les eussent trouuées en faulte & paillardise. Celuy qui emportoit le pris aux ieux Isthiniens, auoit cēt drachmes pour recognoissance: mais qui vainquoit aux courses du mont Olympe en obtenoit 500. en

Loy contre les neutres & temporis.

Sauuage Loy de Solon pour les femmes.

Loy sur l'abrogation des donaires.

Ceux maudits qui sans enfans decedoyent, pris de la Loy de Moysse.

La Drachme vaut trois solz & demy. Voy Bu décli. de Affe.

Puissance de faire Legatz, voire hors de sa famille.

Loy contre les peres qui laissent leurs enfans sans vacation.

Bastards non tenus de recognoistre leurs peres.

Comme les peres pouuoient vendre leurs filles. Des ieux Isthiniens Pausanie li. 2. &

LIVRE TROISIÈME

*des Olympiens
luy-même lin. 5.
Célie Rhodig. li.
13. ch. 17.
Loups poursuivis
par salaire public
à Athenes.*

*Loy pour les en-
fants de ceux qui
moururent en guer-
re. voy Thucydide.*

*Ceste loy s'observe
en France, Et mes-
mes entre les Prin-
ces.
Car on scelloit les
lettres avec les a-
neaux.
Princes jurés
côdemnez, à mou-
rir.*

*Artisans hono-
rez en Athenes.*

*Ces tables estoient
gardées au Prita-
née. Pausanias. l. 1.
Herodote. c.
Des usages des le-
gislateurs profa-
nes. Voy Célie
Rhodig. liur. 18.
ch. 19.
Ainsi en usage
Nume à Rome de
sa Nymphe Ege-
ris voy Plutar-
que.*

*L'origine & co-
mencement des
Atheniens.
Pausanias lin. 1.*

signe de sa victoire. Celuy qui ayant surmonté vn loup le conduisoit en la cité, receuoit cinq drachmes du thesor public, & qui prenoit la louue n'en auoit qu'une estant ces deux pris l'un la valeur d'un bœuf, & l'autre d'une brebis, & de tout temps les Atheniens en auoyent aux loups, & les poursuioyent, à cause qu'ils preiudiciēt & au bestail, & troupeaux, & au labourage de la terre. Les enfans de ceux qui moururent à la guerre, & pour le seruice du public, estoient aussi nourris aux despens du thesor, & de la ville, & instruits en toute ciuilité & bonnes lettres, afin que tous les citoyens fussent par ceste honesteté, plus affectionnez à combattre vaillamment & hardiment pour la deffence d'une cité qui les caressoit si charitablement. Or donna encor Solon, que celuy qui perdrait les yeux à la guerre, fust entretenu & nourry aux despens de la cité. Feit vne assez belle ordonnance par laquelle, il deffendist que le curateur d'un mineur ne demourast point avec la mere du pupille: comme aussi il commanda que celuy ne fut point tuteur, ny curateur, auquel peut aduenir la successio & heritage par la mort des pupilles. Estoit deffendu par sa loy, que l'orfeure ayant fait vn anneau n'en retint point le seau, ny cachet rapportant l'effigie du possesseur de la bague. Et vouloit que qui creueroit vn œil à son prochain, qu'il perdît les deux en recompence: au reste ne retirer ce qui n'est sien, & qui feroit le contraire, la peine de mort y estoit establie. Si le Prince & gouuerneur de la cité estoit trouué s'estant enyuré, la loy le côdemnoit à la mort. Solon fut aussi le premier qui aprinst aux Atheniens de côpter leurs iours selon le cours de la Lune. Permit qu'on portast toute sorte de fruits hors le païs Attique pour le trafic, sauf le miel & la cire. Ne voulut que aucun estrangier fut receu citoyen en la cité, si ce n'estoit quel- que artisan qui s'y retirast avec toute sa famille, ou celuy qui seroit banny à iamais de son païs. Ces loix & ordonnances fait il tailler en des tables de boys, qu'il apella Axiones, les promulgant, & autorisant par serment solennel du peuple pour cent ans, s'assurant que les citoyens accoustumés par si long temps en vne telle maniere de viure, à grand peine laisseroyent ilz iamais de continuer en ce deuoir. Mais Herodote accourcist bien le tēps de la longueur & durée de ces loix, establies par Solon au païs Attique, n'y ayant mis le terme que de dix ans seulement. Et imitant les autres legislateurs, qui pour autoriser & dōner plus de maiesté à leurs loix, faisoient parade de quelque Dieu, afin que le peuple les gardast avec plus de reuerence, il attribua (ainsi que desia auoit fait Dracon) les siennes à la Deesse Minerue, comme si c'eust esté d'elle que l'inuention d'icelles fust procédée: & contraignist, & peuple, & Senat de iurer publiquement, & sur vne pierre au marché, qu'ils les garderoient inuiolables. Ceux qui bastirent la cité d'Athenes ne furent point estrangers, ou gens venus d'ailleurs & vagabonds, ou vn amas confus de peuple ramassé de diuerses contrées, ains natifs du mesme lieu qu'ilz habitoient, & le lieu de leur demeure estoit aussi le païs de leur naissance & origine. Ce furent les premiers en Grece, qui enseignerent l'usage d'ourdir les toiles, de faire l'huile, & tirer le vin du raisin, de cultiuier les terres, & semer les grains, cōme au parauant leurs voisins vesquissent de glands & autres fruits sauuages. Quant aux lettres

& l'eloquence, la police, honnesteté, les loix, la courtoisie, c'est sans doubte qu'elles auoyent leur temple & siege principal en la cité d'Athenes. Et d'autant que iadis les femmes en faueur de Minerue, auoyent prononcé sentence contre Neptune, touchant l'imposition du nom de la cité, furēt ordonnées trois loix pour apaiser le courroux de Neptune cōtre les femmes: à sçauoir que dame quelconque n'entreroit iamais au Senat: que les enfans ne porteroient ny nom, ny armes de leurs meres, & qu'elles ne seroyēt point dites Athenées, ny Atheniènes, ains seulement Attiques. Ceux qui estoient morts en bataille, estoient enterrez avec ceste ceremonie: Trois iours durāt, on dresseoit vne tente ou loge, où les ossemēts des morts estoient mis, & où chacun pouuoit porter, s'il auoit rien des reliques de ses predecesseurs, & chacune tribu & famille portoit en des bieres les ossements de sa parenté & alliance: & parmy tous ceux-là y auoit ordinairement vn liēt & cercueil vuide, & paré, neantmoins en memoire des absens, & qui festans perdus à la bataille, n'auoyent esté trouuez entre les morts, & estoient portez ces cercueils indifferemmēt par les citoyens, ou par les estrangers leurs amys, ou ce pendāt les femmes se tenoyent pres le tōbeau, crians, & pleurans outre mesure: & les enterroyēt hors la ville, & aux faux-bourgs en vn cemetiere public, qui estoit pres le monument de Calixte: auquel ils mettoyēt tous ceux qui mouroyēt aux cōbats, sauf ceux qui furent occis à la iournée de Marathon, ausq̄ls à cause de leur vertu & vaillāce singuliere, ils dresserēt des tōbeaux au mesme lieu, où ils gaignerēt la bataille. Les corps estans mis en terre, vn des seig. de la cité des plus autorisez, & choisi entre les plus excellēts, estoit deputé à faire vne oraison funebre à la louange des decedez selon la dignité & vaillance de chacun, laquelle finie, on se retiroit en la cité. Et c'est ainsi qu'ils en vsoyent tout le long de la guerre, pour recognoissance des seruices des bons citoyens: mais leur gloire est du tout aneantie, & n'aparoit plus de celle grande cité que quelques pauvres ruines, elle estant reduite en vn miserable cazal, & pauvre village, que à present on nomme Sathine.

*Loix d'Athene
contre les femmes.*

Voy Thucidide.

*Maniere d'obseques
gardée à
Athenes pour
ceux qui mouroyēt
en bataille.*

*Car Marathon
n'estoit guere loig
d'Athenes. voy
Strabon. li. 9.
De ceste bataille.
voy Herodot. li.
6. Justin. li. 2.*

*Athenes du tout
ruinée à present.*

Du pays de Laconie, des mœurs & loix anciennes des Lacedemoniens. Chap. 3.



LA CONIE prouince assise au Peloponess, que à present on appelle Morée, a eu iadis le nom & d'Oebalie, & Lacedemone d'un enfant de Iupiter, & Taigē, lequel eust à nom Lacedemon, & par lequel fust bastie, & nommée celle tant illustre, & fameuse cité de Lacedemone, portāt le nom de la Prouince: elle fut aussi apellée Sparre, d'un des enfans de Phoronée qui portoit ce mesme nom. [Toutesfois Pausanie tient, qu'elle fut ditte Sparte de la femme de Lacedemon, & fille d'Eurote, de qui aussi le fleuve passant par celle cité auoit pris la denomination: mais cela se peut accorder facilement que vn des enfans ayt causé le nom de Sparte & que Lacedemon espousast la fille dudit Phoronée, qui fut roy des Argiues, iasoit que Eusebe tiēne que Sparte estoit vn filz dudit Phoronée, & auquel

*Par qui bastie
Lacedemone.*

*voyez Pausanie
li. 3. ou aux Laco-
niques.*

*Lacedemone à
present se nomme
Mistrate.*

*Ce Phoronée re-
gnoit du temps de
Isaac. voy Euse-
be aux Chroniq.*

*Licurgue frere du
Roy de Sparte.*

*De Lycurgue &
de ses loix & mo-
destie. voy Justin.
liv. 3.*

*Plutarque en la
vie de Lycurgue.
Pausanie liv. 3.*

*Deux roys à La-
cedemone.*

*Conseil en Lace-
demone pour tenir
& les Roys, & le
peuple en bride.*

*Ephores instituez
à Sparte cinq en
nombre. Celie Rho-
dig. liv. 18. ch. 26*

*Les Roys regne-
rent à Sparte 350
ans. Et les Epho-
res y cōmencerent
en la 5. Olympi.*

*Partage esgal des
terres Spartaines.*

il attribue la fondation de celle cité: & ainsi pour les accorder, il fault di-
re que le fils du Roy Argiuien la fonda: mais que Lacedemon l'ayant em-
bellie & accreue, luy donna le nom de sa femme, qui portoit le mesme nō
que auoit le fils de Phoronée: lequel viuoit long temps au parauant, que
ny Athenes, ny Lacedemone, eussent roys ny police quelconque.] Ceste
cité fut la Royale & Metropolitaine, siege du Roy Agamemnon, celuy
qu'on dit auoir esté general en l'armée des Grecs, faisant le voyage de
Troye. Licurgue grand & illustre philosophe, frere du Roy de Sparte nō-
mé Polydecte, comme son frere estant mort il eust la charge des enfans
mineurs ses neveux, & gouverna le país attendant leur maiorité, refor-
ma les mœurs de la cité y establisant de saintes loix, & legitimes coustu-
mes, adextrant les Spartains à toute honesteté & vertueux exercices, com-
me ainsi soit, que au parauant les Lacedemoniēs fussent les seuls entre les
Grecs fort mal complexionnez & inciuils, tant entre eux mesme, qu'à l'é-
droit de leurs hostes & voisins, ne frequentans aucun, & n'ayans affaire,
ny communication avec personne. Pour oster donc ceste barbarie & in-
ciuité, Licurgue hardiment & sans craindre la fureur populaire abolist
toutes les loix, ordonnances, coustumes, & anciennes façons de vie des
Spartains, en y introduisant d'autres plus ciuiles, modestes, & louables. La
premiere desquelles fut, que les plus anciens seroyent tousiours appelez
au conseil des Roys, (car il en auoit deux ordinairement en Lacedemone)
& ceste troupe assistant au conseil, seruoit d'arbitre & moyennneur, entre
la puissance Royale, & la violence de la multitude, afin que le peuple ne
se emancipast en se reuoltant, & que les Roys n'abusassent tyranniquement
de leur autorité. Vingt & quatre vieillars (car tel en dit auoir esté le nom-
bre Aristote) assistoyent aux deux roys, prenans esgard que la Democra-
tie, ou puissance populaire ne prist plus de pied & fondement que de rai-
son, & que les Roys n'attentassent de changer la royauté en tyrannie.
Et failloit que le peuple fust aduertie de tout ce que ceste troupe choisie
ordonnoit, & deliberoit au conseil. Long temps apres furent ordonnez
les Ephores, afin de seruir de frein & bride à ceste dignité de peu d'hom-
mes, qui commençoient à se gaster, & deuenir insolens & insupportables,
& s'appelle ce gouvernement de peu d'hommes en Grec Oligarchie: néat-
moins l'election des Ephores n'aduint, que quelques cent ans apres la
mort de Lycurgue, regnant Theopompe à Lacedemone. Les seigneurs
qui gouvernoient la cité, ayans eux-mêmes crée les Ephores, feirent en-
cor vne autre ordonnance sur le partage & diuision des terres & posses-
sions, mettans en teste à la multitude que tout le terroir, & iurisdiction
Spartaine fut mise en commun, afin que la distribution en fut faite esgale
à chacun: d'autant que la raison vouloit que les citoyens fussent premiers
en vertu, & excellence, & se deuançassent en generosité les vns, les autres,
& non en bobans, delices, & superfluité de richesses. Les lots dōc des ter-
res vindrent en 39000. sorts, & parties contenans toute la iurisdiction &
seigneurie, & les finages de la cité en 9000. parties: Les villes municipales,
& champestres triployēt ce nombre, & portoit le partage de chacun, que
les hommes auoyent pour teste soixante dix mines de bled, & les femmes

12. pour ans pour leur nourriture & menus affaires. Le législateur eust volontiers fait partager en mesme esgalité les meubles, & l'auoit entrepris dès le commencement, mais craignât la male grace de la multitude, d'autant qu'il en voyoit desia plusieurs mal disposez à le souffrir, s'en desista, toutesfois pour oster les superfluites & l'auarice, interdit-il tout vsage d'or & d'argent, & feit battre monnoye de fer, qui estoit de peu de valeur, & par ce moyen il empescha & rompist les desirs, & de desrober, & d'accumuler thesors, n'estant l'or, ny l'argent en estime. Afin encor que le fer qui seruoit de monnoye, ne peut prouffiter despuis en autre chose, à cause de sa mollesse, lors qu'il estoit tout ardent, il le faisoit estaindre avec du vinaigre. Chassa encor de la cité tous artisans comme inutiles, là où les orfeures s'en allerent de leur bon gré, voyans que l'or y estoit interdit, & que le seul fer estoit en vsage pour la monnoye. Et pour oster toute superfluité & delicateffe au viure, ordonna que on mangeast en public, que pauvres & riches fussent assis à mesme table, & fussent seruis de pareilles viandes. Deffendit que ceux qui auroyēt banqueté en leur maison ne sortissent point en rue: & celui qui se falsoit de viure ainsi escharcement estoit repris & tancé des autres, comme peu sobre, & non apte à viure selō les coustumes du pais, & ainsi fut toute la superfluité ancienne ostée & abolie de Lacedemone. Les riches & plus puissans de la cité à cause de cela, fasprirent contre luy de sorte, que se ruans sur luy, luy creuerent vn œil d'vn coup de baston, qui causa que depuis nul Lacedemonien entroit au banquet avec le baston à la main. Et apellerent ces festins & façons de banqueter filies, c'est à dire amitez, comme vray signe, & argument d'vne grande societé & courtoisie, liant ensemble le cœur des citoyens, ou plustost Phidities, à cause de l'espargne & grande sobriété de despence, en laquelle ils s'acoustumoyent viuans en telle sorte.

Ceux qui auoyent sacrifié, ou venoyent de la chasse, n'estoyent aussi contrains se trouuer au banquet public, ains auoyent permission de manger en leur maison, où tout le reste du peuple failloit que mangeast en public. Or pour fournir à la despence de ce souper ordinaire, il failloit que chacun fournist vne mine de farine, huit cores de vin, cinq liures de fourmage, & de figes cinq liures & demie, y assistoyent les enfans, comme leur seruāt d'vne escole de sobriété, attrempance & d'apprentissage de toute honesteté & courtoisie: entant que on y parloit des affaires, & s'y iouoit on modestement, & sans vser de parolle sale, ne qui piquast aucun de la compagnie. En Sparte on se marioit plus pour l'egard de la lignée, afin d'auoir des citoyens qui suiussent les armes, que de soing qu'ils eussent de la chasteté: & y auoyent les femmes, tant de licence & d'honneur, que les marys les apelloient dames & maistresses. Les filles y estoient adextrees, & acoustumées à la course, escrime, ieu de la balle de fer, & au trait, & ieu des Arsegayes, dards, ou corsegues: afin qu'oublans les delicateffes d'ameretes, elles fussent rédues plus robustes à souffrir le trauail de l'enfantement: & s'exerçoyent toutes nues comme les garçons, chantans, dançans en certaines solennitez, en la presence, & à la veuë des ieunes hommes de leur age, & quoy que elles se descouurissent, si n'y auoit il rien d'insolēt, ou peu

Or l'argent sans compte, n'y pris à Lacedemone.

Artisans chassés de Lacedem.

Les Spartains mangeoyēt en public.

Ce fut vn nommé Alcandre qui luy creua. Voy Pausanie ex. Laconiques 3. & Celie Rhodig. liu 3. ch. 28. Et l. 14. c. 18. Les freres des Lacedemoniens.

Si ce mot Core venoit à la quantité de cinq muids pour Cpre, c'estoit bien pinté

Quel nom estoit donné aux femmes de Lacedemone. Cesto balle estoit par les anciens dite Discus, & faicte en rond.

De ces exercices des filles Lacedem. voy Platon 5. de la republ.

LIVRE TROISIÈME

*Celibat detesté &
méprisé par les
Lacedemoniens.*

*Spartains ne
voyoient leurs fem-
mes qu'elles ne fus-
sent enceintes.*

*Sot prest des fem-
mes en Lacede-
mone.*

*Cruauté des La-
cede. envers leurs
enfants.*

*Taigé estoit vne
colline pres de
sparte, où l'on im-
moloit au soleil.
voy Pausanie. 3.
Estrange nourri-
ture des enfans
Laced.*

chaste, d'autant que personne n'y pensoit en mal, & ne prenoit garde à vilénie quelconque. De là venoit ceste naïue gaillardise, & à tout proptitude des dames Lacedemoniennes plustost meures, & apres au travail que toutes les autres de la Grece. L'homme qui auoit vescu en Celibat, estoit comme indigne de la compaignie des autres chassé des ieux publiques, & se pourmenoit rouant autour de la place tout nud le long de l'hiver, afin de n'estre honoré avec les autres vieillards, par la ieunesse. Les filles meures & prestes à marier, estoient rauies par ceux qui les deuoyent espouser, & le iour des nopces, l'espousée conduite en la chambre de son espoux, on luy rasoit les cheveux, puis venant l'espoux, luy desceignoit sa ceinture & luy estoit permis d'y coucher la nuit tant seulement, car de iour il n'eust osé l'acoster, d'autant qu'il estoit defendu à tout Lacedemonien, tant s'en fault de caresser, voire ne de voir leurs femmes de iour, tant que ils fussent peres de quelque enfant : & la charge & soing des enfans, estoit commis aux hommes dignes, & suffisans à les instruire en toute vertu & honesteté. Les vieillards qui se voyoient inhabiles à faire des enfans, auoyent licence de donner leur femme à quelque ieune homme, qui fut bon & vertueux pour en auoir lignée : & quoy que elle fut grosse du fait d'autrui, si est-ce que les enfans estoient au mary : sans que aucun eust osé reprocher d'infamie, celui qui ayant vne femme chaste, pudique, & fertile, induisoit neantmoins vn autre à la luy engrossir, & labourer le terroir de son espouse, comme gras & fertile, & propre à produire quelque bon fruit. Et se moquoient d'aucunes nations, lesquelles nourrissoient, & supposoyent ores par pris, tantost par prieres les chienes & iuments, aux bons animaux de leur espee, & ce pendant tenoyent leurs femmes en seure garde : quant à eux fussent ilz ou fortz ou foibles, si ne vouloyent ilz estre sans auoir lignée. La nourriture des enfans n'estoit point par les parens distribuée, & n'estoit à eux de les esleuer : car dès que vn enfant naissoit, on le portoit en vn lieu public à ce destiné, que ilz apelloient Ieschem : où estant desia grandelet, filz le trouuoient l'ayans contemplant à leur fantasie, taschoyét de le faire enroller en vn des neuf mille sorts du peuple, à qui le terroir & sinage de la cité estoit distribué : mais si l'enfant estoit laid, difforme, & contrefait, ils l'enuoyoient en vn lieu raboteux, & plein de precipices pres vn monticule nommé Taigé, & là faisoit on precipiter ceste pauvre creature cōme inutile, & sans nul proufit pour la republique. Les femmes ne lauoyent point leurs enfans avec de l'eau, ains le vin en faisoit l'office, à cause q̄ celle liqueur resoult les mēbres, & les debilité, & mesmement si le corps est fuiet au hault mal : elles ne fomentoyent ny enuelopoyent aucunement ceste tēdre enfance, ny la tenoit en aucun berceau ou langes, & les acoustumoyent aux tenebres & solitudes. Qui estoit cause q̄ plusieurs nations estranges poursuyuoiet d'auoir des nourrices Spartaines pour nourrir & esleuer leurs enfans. Les petits en Lacedemone, dès l'ā septiesme estoyēt adextrez avec leurs compaignons en l'assemblée, & y aprenoyent les lettres nō pour y estre sçauās, ains seulement pour leur necessité, car le reste de leur apretissage cōsistoit en souffrance & à l'acoustumer à la peine & travail sans cesse. On coupoit leurs cheveux

rez à rez du cuir, & les faisoient aller pieds nuds, & sur l'an douziesme, ilz començoient à ne porter qu'une robe suyuant l'ordonnance & coustume du pais, sans qu'ils sceussent que valoit, ny bain ny estuue : & couchoient sur des lits faits de roseaux : & en hyuer ceux-là estoient honorez de lit, lesquels ilz apelloient Lycophones, c'est à dire tue-loups. Et celuy estoit eslu Iré, c'est à dire precepteur & maistre d'enfans, qui passoit les autres en aage de deux ou trois ans, lequel donnoit commission aux plus grandz d'aller buscheter & querir du bois, & aux petits de chercher leur charge avec larcin : & d'entrer au banquet des grands & anciens, pour y rober quelque chose. Celuy qu'on surprenoit au larcin estoit foueté, non que cela fut reputé à vice, ains seulement d'autant qu'il ne s'y estoit pas porté subtilement, n'y avec la finesse qui y estoit deuë. Le gouverneur pour adextre ses compagnons, commandoit aux aucuns de chanter, aux autres de proposer quelques questions subtiles & aigues, & failloit que la response fut, & briefue, & soubdaine. En quoy si quelcun se monstroient pesant & paresseux, le chef luy mordoit un peu viuement le ponce. On leur enoignoit encor d'vser d'une oraison graue & sententieuse, toutesfoi ayant quelque gayeté, & gaillardise, mais le tout tresbriefuement : de sorte que on disoit en commun proverbe, qu'il estoit plus aisé de philosopher aux hommes, que d'imiter la briefueté de parole des Laconiques.

Larcin loué entre les Lacedem. Plutarque aux Apophtegmes.

Voy Platon au Protagore.

Briefueté de parole louée entre les Laced.

Or fault-il sçauoir en quoy dès le commencement s'employoit un chacun des estats, & comme ilz estoient en un honeste debat, & vertueuse enuie, à qui feroit le mieux quelque chose de bon : veu que tous les aages estoient partis en trois rances & ordres.

Chacun de ces Chœurs auoit son mot, veu qu'aux festes grandes & solennelles les plus anciens disoient en châtant : Nous fusmes iadis fort robustes & ieunes, & le disoient avec une fort douce & melodieuse voix : lesquels estoient suyuis de ceux qui estoient en aage parfait, & en leur plus grand force, desquelz la parole estoit telle : & nous sommes ieunes & puiffants, ce que il vous est loisible de tenter, & experimenter, à quoy aioustoyent les enfans en disant. Nous serons aussi bons & gaillards que vous & meilleurs encore que tous les deux. Plutarque dit que encore de son temps les Lacedemoniens vsoient de certaines chansons, & accordz que ilz sonnoient sur des fleustes, lors qu'ilz marchoyent en bataille.

Plutarque en la vie de Licurgue. Thucydide 5.

Laced. pourquoy vsoient du ieu de fleustes allans au combat.

Thucydide est auteur de ceste façon de faire Laconique, quant au ieu de fleustes vû en guerre, niant toutesfoi, que ilz fussent conduitz de quelque superstition, ou en l'honneur de quelque diuinité, ny pour irriter, & esguillonner leurs esprits à plus de vaillance & brauade au combat (ainsi que en vsoient les Romains avec leurs cornets & trompettes) mais plustost, afin que avec ceste douceur & harmonie, ilz allassent d'un pas egal & sans trop de vehemence, ou desordre se presenter à l'ennemy. Il se treuuent encore des vers d'un poëte Laconique, qui font foy que non seulement les Spartains vsoient entrans en bataille des fleustes, ains encor de la harpe, laquelle coustume auoit esté empruntée des habitans de l'Isle de Crete.

Les Romains incitoient les soldatz avec des cors & trompettes.

Laced. vsent de la harpe marchans en bataille.

Halyatte Roy Lydien mol & effeminé.

Herodote escrit que Halyatte roy des Lydiens marchât en guerre menoit

LIVRE TROISIEME

Herodot. lib. 1. des fleurs & ioueuſes de lyre & de harpe, & ce qui eſt indigne d'eſtre recité) dreſſoit des banquets delicieux, & vſoit de delices effeminées, allant combattre les habitans de Milet. Les Romains outre les cors, & ſon de trompes, animoyent encor le ſoldat avec vn grand cry & huée lors que ilz affrontoyent l'ennemy: ce qui eſt bien au contraire de ce que

Homere en l'Iliade. Homere chante des Achiues & Grecs, leſq̃ls il fait marcher ſans dire mor, & respirans ne ſçay qu'elle force & gaillardife ſous le repos de tel ſilence.

Avec quelle gaieté les Gaulois marchoyēt en bataille. Les Gaulois cōme eſcriuent Tite Liue, & Polybe y alloÿēt en dançant, & ſautelant, & frapans de leurs boucliers ſur les creſtes de leurs morions & bourguinottes. Aucuns Barbares commençoÿent l'eſtour & conſlit avec vilements eſpouuentables: par leſquelles façons de faire, on voit que pas vne des autres nations ne ſuiuoit la maniere de faire des Lacedemoniens

Laced. portoyent longue perruque. en ſonnant l'aſſault aux alarmes. Dès que ilz ſortoyent d'enſance ilz nourriſſoyent leur perruque & cheulure ſuyuant l'ordonnance de leur legiſlateur qui auoit opinion que les hommes paroiſſent plus beaux ayāt ainſi longs les cheveux, leſquelz couuroÿent les fautes du viſage, & ſil y auoit quelque default que les cheveux donnoÿent plus de fureur & apparence de force & gaillardife. Le Roy auant que entrer au combat imoloit vne cheure aux Muſes, Ce peuple auoit certaine loy ordonnée pour ſon viure, & en paix & au temps de la guerre, ayans opinion qu'il ſe failloit exercer au fait militaire, comme ayant eſté produits de la nature, non pour leur aiſe particulier, ains pour la deſſence de leur pays.

Laced. bons guerriers naturellement voy Herodot. 7. Demacate à Xerſe. Ilz ne ſ'adonnoÿent à art quelconque qui leur aportast gaing, cōme ceux qui n'embralſſoyent autre cas que les deſirs de la guerre: le reſte du temps ils l'employoient à banqueter enſemble, & viuans en cōmun, il aduint ce que d'eux eſcrit Plutarque, que les Lacedemoniēs ne vouloyēt plus viure en leur priuē, & quand bien ils en euſſent eu deſir, ſi leur eſtoit-il preſque impoſſible de l'eſſectuer, veu la grand accouſtumace qu'ils auoyēt de ſuyure les façons anciennes de leur pays & predeceſſeurs. Quant à donner ſuffrages & balloter à l'eſlectiō des Magiſtrats, ils en faiſoyēt tout au contraire des autres nations: veu que vne petite troupe d'être eux choiſis pour tel effait entroyēt en vn lieu ſecrer pres l'aſſemblée où les voix eſtoÿēt données, d'où auant ils ne voyoient perſonne, & aucun auſſi ne les pouuoit voir: là ils prenoÿēt garde au nombre des voix pour le ſort de l'eſlectiō, & oyans le bruit plus grand en la preuue & conſentement du peuple, pour quelcun des competeurs & pourſuyuās la dignité, ils l'eſcriuoÿēt en vne tablette, laquelle puis apres eſtāt propoſée en public donoit teſmoignage qui eſtoÿent ceux d'entre les pourſuiuans qui auoit le plus de voix, & emportoit le magiſtrat & office. Licurgue fut le premier qui, oſtant toute ſuperſtition, permit qu'on enterraſt les corps des citoyens dans l'encloz de la cité, voire d'auoir tombeaux à l'etour du circuit des temples: toutesſois n'eſtoit il permis d'eſcrire le nom d'homme ny femme ſur le tombeau, ſi non de ceux ſeulement qui eſtoÿent morts combatant vaillamment à la guerre: & ne duroit leur dueil que l'eſpace de 15. iours.

Les Atheniens ne ſouffroyent au contraire aucun enterrement en leur ville Thucid. Defendu en outre aux Lacedemoniēs de voyager, afin de n'apporter quelque corruption de mœurs en leur cité par la hantiſe, & frequentation

Les voyages deſendus aux Lacedem. & pourquoy.

des estrangers : voire ceux qui venoyent d'ailleur à Sparte, en estoient chassés, si ce n'estoit gens qui peussent proufiter à leur republique à fin que les estrangers ne s'acoustumassent à viure suyuant les façons & discipline Laconique, ce qui semble estre plus barbare & plein d'euie que de raison. Mais Plutarque en rend la cause assez iuste, disant que le legislateur le feit, à fin que par les rapports de nouuelles & arraisonnemens mutuelz du citoyen avec l'estranger on ne causast diuerfes humeurs & volonteiz en la fantasie des habitans qui est vne peste tref-dangereuse pour empeschier le maintenant du repos en vne ville : Lycurgue ne voulut que les ieunes hommes eussent plus d'une robe & vestement quelque saison que ce fust de l'année, & deffendit que l'un fut mieux en ordre, ou vestu plus mignonement que les autres, & qu'aucun se traitast ou banquetast plus magnifiquement que le reste des citoyens.

Defendit en outre que le trafic se feist par eschange & non en achetant argent comptant : & ordonna que les ieunes hommes se tinsent non à la suite de la Court, & en la ville, ains aux champs, pour passer ceste gaye & glissante ieunesse en peine, & travail, plustost qu'en repos, aise, & delicatesse : où il ne voulut qu'ils eussent autre liêt que la terre dure, ny sauce que d'aperit, ny qu'ils reuinssent en la cité, qu'estans en aage d'homme pour faire seruice au public. Ordonna d'auantage que les filles fussent mariées sans dot ny doiuaire quelconque, à fin qu'aucun ne choisist femme pour ses richesses, & que l'homme fut mieux obey de son espouse, n'estant bridé de l'obligation d'un doiuaire. Ne voulut que les plus riches & puissans fussent les plus honorez, ains donna cest auantage aux vieillards qui surpassoyent les autres en aage, & n'y a eu iamais lieu en la terre où les vieillards ayent esté plus reuerrez qu'en Lacedemone. C'estoit aux roys à se mesler des affaires de la guerre & aux Magistrats des iugemens & successions annuelles des officiers de la cité, au senat de prendre esgard que les loix fussent bien gardées & obseruées : & permit Licurgue au peuple d'eslire de nouueaux Senateurs & faire tels magistrats que bon luy sembleroit, & d'autant qu'au commencement ces loix sembloient dures & intolerables aux citoyens pour leur nouueauté, Licurgue pour les autoriser faignist qu'Apollon Delphique en estoit l'auteur, & que de Delphe il les auoit portées, à ce contrainct par le diuin commandement, à fin qu'avec ceste religion il les accoustumast à souffrir ce qu'ils ne pouuoient accepter qu'avec fascherie & difficulté. Et à fin que ses ordonnances prinsent eternal & durable cours & establissement, il obligea ses citoyens par serment de ne iamais rien changer, ny innouer des loix par luy faites, tant qu'il fut de retour, d'autant qu'il s'en alloit vers l'oracle Delphique pour consulter Apollon, qu'est-ce qu'il faudroit adiouter où diminuer en ses ordonnances. Et sous la faueur de ce serment solennel il s'en alla en Candie où il passa en exile volontaire le reste de son aage : voire commanda-il mourir qu'on gettast ses ossemens en mer, à fin que si par cas les Lacedemoniens recouuroient son corps, ils ne se pensassent estre absous du serment fait sur l'obseruation de ses edits. Ne sera hors de propos de dire vn peu quel honneur les Laced. faisoient à leurs roys & de quelles préeminences est-

Plutarq. en *Licurgue*.

Sage aduis du legislat. Lacedem.

Ainsi en usent plusieurs des peuples desconuers de nostre temps.

Des meurs des Lacedem. lisez Xenophon liur. 6. des faictz des Grecz.

Filles mariées sans rien porter & pourquoy.

Vieillesse reuerée en Lacedemone.

Aussi estoit elle entre les Georgiens au mont Caucaisse Rhodig. li. 18. ch. 27.

Lycurgue saint

Apollon auteur de ses loix, voy Plutarque & Pausanie.

Lycurgue meurt en exil.

Honneurs des roys Laced. non encore si grands que des Doges de Venise.

LIVRE TROISIEME

*On appelloit cela
en latin eviscera-
tio. i. de sentraill-
ment.*

*Brebis sacrifiées à
Apollon à Laced.*

*Pythies quels, &
furés nommez d'A-
pollon, voy Xeno-
phon li. de la dis-
cipline. Laced.*

*Sang royal comme
respecté à Laced.*

*Honneurs & fu-
nerailles des Roys
de Laced.*

*Dueil public aux
funerailles des roys
Laced.*

ce qu'ils les ornoient: Il leur donnoient les deux plus grands degrez de prestise, à sçauoir de Iupiter Lacedemonien & Iupiter Celeste: & la puissance de faire la guerre à quelque païs & nation que bon leur sembleroit, sans qu'il fut permis à aucun Spartain d'y contredire sur peine de perdre la vie, ioint que les roys seroyent les premiers aux voyages & entreprises, & les derniers à se retirer ayant chascun cent hommes choisis & vaillans pour leur garde. Lors qu'ils sortoyent pour aller en guerre il leur estoit permis de prendre tout autant de bestes qu'il leur plaisoit pour sacrifier, desquelles les peaux & cuirs estoient aux prestres faisans l'office: voila quant à la guerre. Durant la paix on leur faisoit l'honneur que lors qu'en quelque feste solennelle la cité distribuait de la chair crue au peuple & celebrait quelque grand banquet, les Roys estoient les premiers assis & auoyent le premier seruice, ayans double portion pour leur plat, & ayans pour leur part les cuirs des bestes, & les choses offertes desquelles on ne faisoit que gouter seulement: & tous les premiers iours de chascun mois, on leur donnoit à chascun vne brebis aux despens du public pour en faire sacrifice au dieu Apollon, & six minots de farine, & vn baril de vin Lacedemonien. En tous ieux, spectacles, & courses ou ieu d'escrimes publics ils y presidoient en certains lieux se pouuans appuyer de quelque citoyen tel qu'ils voudroient, & à chascun d'eux estoit loisible d'essire & choisir pour soy deux Pythies, qui estoient des deuins, qu'on enuoyoit consulter Apollon & lesquels estoient nourris du public à la table royale. Les Roys ne se trouuant point au banquet on leur enuoyoit des demy minots de farine, & quelque mesure de vin, mais presens toute chose leur estoit baillée au double. C'estoit aux Roys à vider les differens & donner vne fille orpheline à celuy ou qui l'auoit frâcée, par la volôte du pere seule ou la mere y cõsentant: à eux aussi d'ordonner des voyes publiques & auoir esgard sur ceux qui sans leur consentement vouloyent adopter quelcun en leur famille: leur estant loisible d'entrer quand bon leur sembloit au senat, lequel estoit de 28. Senateurs ainsi qu'auons dit cy dessus: où les Roys n'assistas point, il falloit que deux Senateurs plus proches du sang royal y tinsent leur place, ayans deux balotes plus que les autres, & puis encor leur voix ordinaire: & ainsi les Laced. respectoyent leurs roys estans en vie: mais lors qu'ils decedoyent, il y auoit deux homes à cheual qui en alloient porter la nouuelle par tout le païs suiet à la seigneurie de Sparte: & ce pẽdant les femmes alloient par la cité frappans sur des pots & chauderons: & durant que cela se faisoit, il estoit necessaire qu'en chascune maison il y eust deux, libres de condition, homme & femme qui se vestissent de dueil, à peine de grosse amende & punition à ceux qui seroyent du contraire, & estoit pareille la coustume des obseques royaux des Princes Lacedemoniens, que d'aucuns roys & Barbares d'Asie, les façons desquels estoient de telle sorte. Veu que le Roy Laced. mort il falloit que de tous les païs subiets ceux qui estoient amys & allies des Spartains se trouuassent aux obseques & funerailles, desquels & des Lacedemoniens mesmes, & des esclaves apres que plusieurs milliers estoient assemblez avec les femmes indifferement en vn mesme lieu, se mettoient à plourer, frapper leur teste & viler

effroyablement, disans tousiours que ce Roy dernier decedé auoit surpassé les autres en vaillance & generosité. Mais celuy des Roys qui mouroit en bataille estoit ainsi honoré : on le tiroit au vif, & posoyent son effigie dans vn liêt bien dressé, pour l'enterrement de laquelle les iugemens cefoyent par l'espace de dix iours, sans que pas vn magistrat fassist en court pour faire ou rendre iustice, ains estoit-on en tristesse continuelle: Et en cecy ils accordoyent avec les Perles, que celuy qui succedoit au defunct quittoit les debtes aux citoyens de Sparte qui estoient redeuables, ou au Roy son predecesseur, ou à la cité & republique: d'autant que les Perles en vsoyent ainsi à l'endroit des Prouinces à eux subiettes leur quittât les arrerages des tributs, esquelles estoient redeuables au Roy decedé. Les mœurs des Laced. encor s'accordoyent avec les façons de faire des Egyptiens, entant que leurs cuisiniers, trôpettes & ioüeurs de fleurs venoyent par succession, sans qu'autre se meslast de l'estat, que ceux qui estoient nez de telz peres.

*Roy nouveau
quittait les debtes
au peuple.*

*Costume des
Perles.*

Et voila quant à l'estat de Lacedemone, laquelle ayant flory long temps & contre les Perles & Macedoniens, fut assuiettie par les Romains, & du temps de nos peres à esté du tout aneantie par la cruelle Barbarie des disciples de Mahometh, & Tyrans de la famille Turquesque.

De l'Isle de Crete & des mœurs tant recommandez des habitans en icelle. Cha. 4.



Je ne sçay qui a meü le ramasseur de cest œuvre de nous aller icy confondre la suite des regions par luy descriptes selon les parties de la terre, veu qu'il mesle icy l'Isle des Candiens avec la Grece d'Europe : entant que le país Insulaire de Crete est du tout esloigné de l'Europe à quiconque nous adressons pour en sçauoir les dimensions. Et m'estonne que ce bon hōme voulant si peu dire de Candie, qu'il faict, & esplucher quelque simple trait des anciens pour enrichir son dire, n'ait suiuy le cours d'Asie ou descriuant la Turquie propre suiet de ce país Asiatique : où paignant l'Afrique, comme estant Crete opposite à la region Cyrenaique d'Egypte y enuelopant & Candie & Rhodes, & Chypre conquesté des Chrestiens, & les deux retenues par iceux, mais en payant tribut à l'ennemy de la foy Chrestienne. Toutefois pour ne nous destourner de sa continuation ny rompre aucunement son ordre, il nous suffira que le lecteur soit aduertie que nous sommes contens de peruertir icy, ce qui deuroit estre bien dressé plustost qu'oublier rien qui soit de consequence : & par ainsi non seulement vous donneray-ie Candie avec les mœurs des anciens Candiots, traduisant, & suyuant nostre auteur, ains encor selon ce qu'elle se comporte à present, luy ioignant & Rhodes, & Chipre Asiatique, & Negropont qui est des appartenances d'Europe, comme digne desquelles on parle, entant qu'elles ne doiuent rien à Isle que on sçache sur la mer, soit en antiquité, courtoisie, brauade ny vaillance

*Candie est des
tout en Asie.*

LIVRE TROISIEME

Crete iadis, à present Candie.

Virgil. 3. Eneid.

Description de

Candie. Strab. li.

10. Solin cha. 27.

Ben. Bordon li. 2.

Estendue de l'isle de Candie.

Gnose citée de Minos. Ouid. 3. Metamorphos.

De ce mont voy

Tacite li. 20. Et

Solin chap. 27.

Le stade est de

125. pas.

Bestes nuisibles ne naissent en Crete.

Maluoisie Candiotte connue par tout.

Du dictamne voy

Dioscorid. li. 3.

chap. 35.

Du Phalange

Plin li. 20. c. 4.

De ces gemmes

ayant couleur de

fer voy Plin li.

37. chap. 10.

Tout le discours de

ceste isle est dans

Diod. Sicil. li. 6.

chap. 15.

Des changements

de l'isle de Crete

voy Herod. 7.

Platon 5. de la

republ.

Strabon 10.

de ceux qui les ont tenues, habitées, & possédées.

Commençons donc d'embrasser nostre auteur.] Crete, appelée aussi Candie, est vne isle en la mer Mediterranée fameuse, & renommée iadis pour estre illustrée de cent villes: laquelle (selon qu'en dit Strabon) a vers le Nord, ou septentrion, la mer Egée, où Archipelague & la mer de Crete, du costé de midy elle à le país de Lybie, vers l'occident l'Isle Cytherée & à l'Orient la mer Carpathie, sur laquelle est assise l'isle de Rhodes, ayant en longueur 270000. pas, qui peuvent faire quelques cinquante de nos lieues & cinquante mille de large reuenans à la proportion de quatre mille pour lieue, & de circuit elle cōtient 588000. que le diligent lecteur mesurera selon la proportion là dictée & proposée en comptant les mille à nostre maniere de compter. Les citez iadis principales estoient Cortine Cydonée, Gnose laquelle estoit le siege royal où se tenoit le roy Minos, & le mont Ide qui fut le plus beau & renommé de l'Isle estimé des plus haults que l'on sçache. Apollodore dit & tiét que le tour de ceste isle est de deux mille trois cés stades & d'auantage, mais Artemidore en oste mille du nombre. L'isle de Candie ne nourrit aucun animal qui soit venimeux, où nuisible, serpent, ny autre semblable vermine, chahuas, ny choïette & si quelcun en y est porté d'ailleur, soudain vient à faillir, & y mourir: les cheures y sont en abondance, mais les cerfs y manquent, & le vin y croist à souhait. [Et si bon qu'il n'y a presque nation en Asie, Afrique, & Europe, où la Maluoisie Candiotte ne soit renommée, veu que iusques en Calichut elle est portée, quant à noz parties d'Europe, on sçait que l'Angleterre n'ignore non plus que vault celle liqueur vineuse d'Asie que la douceur des vins de Gascoigne, iajoit que ceux cy leur soyent plus souuent communiquez.] La Crete aussi produit l'herbe dictamne valant contre le venim, & l'Alunose, laquelle estant goustée, & maschée empesche qu'on ne soit saisi de la faim. Entre la vermine il y croist des Phalanges, qui est vn genre d'araigne fort dangereux: & vne pierre appelée Idée Dactile. Ceste Isle fut iadis nommée Curete à cause des anciens habitateurs d'icelle qui auoyent tel nom, puis ostée vne lettre elle fut ditte Crete: d'autres disent que ce nō luy viét d'un roy dudiét país nommé Crete fils de Iupiter, Roys des Cretes, d'autres d'une Nymphé, & fille d'Hesperide.

Dés le commencement le peuple qui y habitoit estoit rude, grossier, & Barbare, mais Rhadamanthe roy fut celuy qui premierement les polica & fait deuenir plus courtoys en leurs façons de vie: apres lequel regna Minos, qui leur donnant loix, les rendit encor plus iustes & equitables. Platon est tesinojn que les Lacedemoniens & autres nations espuisèrent leurs loix des institutions & manieres de viure des Candiotz: [Et Strabon met en auant que le bruit estoit tel entre les Cretes que le Legislateur Lycurgue aprist en Crete les loix de Rhadamathe & Minos, & des editz des Egyptiens & que de tout cela ensemble il en bastist les loix pour la police des siens. Le prouuant par la coustume qu'ils auoyent de raur celles qu'ils vouloyent espouser, ce que nous auons dit auoir iadis esté obserué par les Lacedemoniens.] Ayant long temps vescu ce peuple en ceste police & gentille institution de ses roys estimez iustes entre les anciens, les tyrans

tyrans commençans à se faire seigneurs en l'isle changerent aussi les façons honnestes de vie, & apres s'enfuyuiſt la corruption entiere à cause des larcins des Ciliciens leurs voisins de terre ferme qui eſcumoyent la mer, & entroyent ſaccageans & rauageans toute l'isle. Ce peuple Candiot fut des ſon commencement fort ſoigneux de ſe tenir & conſeruer en liberté eſtimans celle poſſeſſion eſtre la vraye & aſſeurée, qui n'eſtoit point ſuiete ny expoſée à la violence & conuoitiſe rauillante d'un tyran. Fut auſſi grandement amoureux de paix & concorde: qui eſt l'ennemie de ſeditio, & icelle le nourriſſoit de l'auarice & deſir de richesses: & ainſi viuans modestement ils aprenoient à ſe contenter de peu de choſe. Les enfans Candiors faiſoient entre eux des aſſemblées qu'ils nommoient troupeaux, d'entre leſquels on choiſiſſoit ceux qui eſtoient aptes à marier, qu'ils contraingnoient à eſpouſer femme: les hommes parfaits & venuz en aage, mangeoient & banquetoient enſemble, ſ'adonnans au manieiment des armes pour le ſalut, & deſſence de leur païs, exerçans leur corps en tout labourieux & penible exercice, afin de ſ'endurcir au trauail: ſ'accouſtumans à ſouffrir les rigueurs du chault marin, & l'aſpreté des froidures, courans par les rochers pleins de precipices & buiſſons eſpais & touffuz, ioians à l'eſcrime & lutte ez lieux publics & deſtinez à ce faire, vſans ſur tout d'arcs, & de fleſches, & celebrans tous armez la dance que les anciens nommoient Pyrrichie: laquelle ſe faiſoit afin que par les geſtes faits en icelle les hommes aprinſſent à gauchir, & euites les coups eſtans en bataille: Ils vſoient d'un ſaye & abillement court, du ſolier propre au ſoldat, n'ayans meuble ſi riche, ne qu'ils eſtimasſent ſi precieus que les armes: ſi adextrez & accouſtumez à la marine, qu'on diſoit en commun prouerbe lors que quelqu'un ſaignoit & diſſimuloit de ſçauoir ce en quoy il eſtoit bon maistre, un Crete, & Candiot ne ſçait, peult eſtre, que c'eſt de la mer. Les mariages y eſtoient celebrez & traitez de chacun avec ſa pareille: eſtant neantmoins loiſible aux filles de choiſir celuy qu'elles vouloient auoir pour mary: au reſte l'eſpoux ne pouuoit retirer ſa femme pour l'emmener à ſon logis qu'elle ne fut capable & ſuffiſante à regir vne famille, & à bien faire ſon meſnage: & auoient pour doüaire, ſ'il y auoit un frere en la maiſon de la fille, la moitié du bien paternel pour ſort & heritage: [Et eſtoit ce peuple fort adonné au vice qui a iadis rendue infame la Grece, & à preſent les Turcs en ſont vilainement infectez, & duquel on ſouſpçonne quelques nations de noſtre Europe, qui eſt ſi deſteſtable que le ſeul nom en eſt odieus à tout eſprit hōneſte, & pour lequel iadis Dieu abiſma, & brulla cinq citez en la ſubuerſion de Sodome: de ce parle aſſez & trop longuement Strabon ſ'arreſtant à la poursuite de leurs amours deſteſtables.]

Les enfans, par ordonnance de la loy, aprenoient les lettres, & ſur tout quelques chanſons & accords de muſique. Et lors qu'on les menoit en l'aſſemblée des hommes, ils ſ'aſſeoyent à terre veſtus de quelques habits de peu de valeur: & ſ'il falloir dreſſer partie pour ſ'adextrez au combat, le plus gaillard, robuste, grand, & illuſtres des autres conduiſoit le troupeau. Selon leurs forces pluſieurs ſ'aſſemblans d'un meſme aage ſortoyent aux

Crete courue & pillée iadis par les Ciliciens.

Modestie ancienne des Candiors.

Tout cecy leur eſtoit commun avec les Laced.

Armes, & abillemens des Candiors iadis.

Dance Pyrrichie faite en armes, inuentée par les Curetes, voyz Lilié Girald en l'hiſt. des dieux Sintagme. 1. et Rhodigi. lin. 5. chap. 4. et lin. 18. ch. 26.

Prouerbe contre les diſſimulateurs.

Mariages des Cretes.

Nourriture des enfans en Crete.

LIVRE TROISIEME

champs pour aller à la chasse, à fin de s'exercer les corps à courir & tracas-
ser le long de la iournée.

*Combats par iens
se tournoient en
furie.*

A iours certains on dresseoit des combats, & assemblée d'enfans les-
quels au son des lyres, fleustes & autres instrumens entroyent en bataille,
où la partie vaincue estoit suportée par les hommes à qui touchoyent les
vaincus, tellement, que souuentefois le ieu ne se desmeloit sans effusion
de sang. Il y en a qui disent qui ç'a esté de l'inuention des Cretes que de
marquer les iours heureux avec vne pierre blanche, & d'une noire, ceux
qui leur apportoient quelque mal-encontre, iacoit que la plus saine partie
tient que ceste coustume est sortie des peuples de la Thrace.

*Candiotz hommes de
mauvaise vie.*

*Pourquoy les Can-
diots hayent les
Latins.*

*Constantinople es-
toit aux François,
l'an. 1200.*

*Candie cité iadis
Gnose donne nom
à l'Isle de Crete.*

*Boniface de Mo-
ferrat Duc de
Crete, quitte son
droit, & est fait
Roy de Thessalie.
voy Sabelliq. En-
nead. 9. liu. 5.
Blond. de l'inclin.
del'Emp. Decad.
2. liu. 6.*

[Tout ainsi, que rien ne dure en sa perfection que la diuinité, aussi les
mœurs des hommes falterent & escoulét avec le cours & succez du tēps,
veu que quelques loix & gentilles inuentions qui tinssent iadis les Cretes
en honneste deuoir, si est-ce que se desbauchans & emancipans de leur
ancienne façon de vie, aussi perdirent ilz le tiltre de bonté, & de sorte que
saint Pol les appelle, mauuaises bestes & ventres paresseux. Et à dire la ve-
rité, si vous lisez l'histoire Venitienne, & oyez parler ceux qui ont fréqué-
té ceste isle : ce ne sera que vous ne voyez vne ne sçay quelle brutalité en
ce peuple & si accoustumé à changer & de complexions, & de mœurs,
que tout ainsi que iadis il ayroit la liberté, à present il la deteste ne pou-
uant viure sous la seigneurie qui les traite doucement & souhaittant à
changer de seigneur, pour ce seul respect qu'ils ne voyent point de bon
œil celebrer l'office diuin en leurs pais à la façon de l'eglise Romaine, &
qu'aussi ils se faschent d'estre gouuernez par les Latins. Car apres que
l'Empire Romain fut transporté par Constantin le grand en Grece, les
Emp. luy succedans tenans leur siege en Constantinople donnerent des
Ducs & gouuerneurs aux isles des hommes de leur nation: De sorte que
lors que l'Empire de Constantinople tōba entre les mains des François, &
que Baudouin Comte de Flandres en fut inuesty par l'accord & election
des Princes & seigneurs, tant François que Venitiens: l'Isle de Candie, ja-
dis Crete, (mais qui a pris ce nom de la ville capitale, laquelle se nommoit
le temps passé Gnose, où estoit le Palais & residence de Minoz, & qui de-
puis fut nommée Candie par celui qui la renouuella, comme aussi de nos-
tre temps elle a esté rebastie toute de nouveau par les seigneurs de Ve-
nise,) ayant esté donnée à Boniface de Monferrat par l'Emp. Alexe, fut
par Baudouin donnée aux Venitiens en recognoissance des plaisirs re-
ceus d'eux en ceste conqueste, voyant qu'ils desiroient d'auoir ceste pie-
ce: & à fin que le Comte Boniface n'eut occasion de mescontentement, il
le couronna Roy & l'inuestist du royaume de Thessalie: lequel deslors
ceda & feit transport de l'Isle aux Venitiens, & leur en passa contract
suyuant sa cession & le don de Baudouin de qui les Venitiens l'auoyent
receuë, & aduint cecy l'an de nostre salut, mille & deux cens, & en la
mesme saison que les Tartares sortans de leurs cachots & montai-
gnes se ruerent sur les Prouinces voisines, courans, rauageans & pil-
lans presque tout l'Orient, ainsi qu'auons dit parlans de leur puis-
sance.

Les Candiots ne pouans viure en paix se renolterent : mais en fin furent si bien chastiez par Iaques Tiepoli enuoyé pour gouuerneur de la part de la seigneurie de Venise que iusqu'auourd'huy, bien que contrainsts ils sont suiets à l'enseigne & lyon de sainct Marc.

Le sçay par de bien honnestes gentils-hommes qui ont demeuré en Candie que le Candiote est sauuage en ces façons, fin, dissimulé & trahistre, & qui quelque beau semblant que face aux Latins ne les ayme que pour en tirer profit, & ne les caresse que par crainte: Car si la nuit les seigneurs Venitiens, & autres de par deçà l'y tenans, veulent aller visiter leurs amys, il ne fault marcher ny mal accompagné ny sans estre bien couuert, veu que ces insulaires ne faillent de leur donner dessus, armez de mailles à la Turque, de Simeterres & Corfesques, où lauelines & d'arcz qu'ils enfoncent fort brusquement & d'une estrange maniere, visans autant bien que nation qui viue, ayant cela encor des restes de leurs ancestres du premier aage, Ilz sont riches en Sucre, Cotton, Cristail, & bons vins, l'Isle y est abondante belle, & arroulée de plusieurs riuieres ombragée d'une infinité de montaignes, esquelles on voit plusieurs ruines d'anciens edifices qui fait cognoistre que les Roys qui iadis l'ont tenue n'estoyent point petits compagnons.

Le laisse à part tout ce qui est dit de fabuleux touchant Iupiter nourry en Crete, veu que Pausanie tient que ce ne fut en ceste Isle, ains en vn territoire d'Archadie nommé Cretée, & ne me soucie de ceux de nostre temps qui pour auoir veu quelque Grottesque ressentant son antiquité au mont Ide, se font à croire que c'est le lieu où les Corybantes teindrēt Iupiter caché à fin que Saturne n'en fait gorge chaude ainsi que du reste de ses enfans : car toutes ces folies sont autant à croire & considerer, comme le Laberinthe & le Minotaure inuentions des Poëtes, & non subiet qui soit digne de celuy qui traite l'histoire, laquelle à en soy telle maiesté que celuy est punissable qui la veut voiler de mensonge en protestant de dire la verité.

Aussi Diodore Sicil. parlant de ceste Isle ne fait conscience de dire des choses qu'on recite fabuleusement estre auenues en Candie. Laquelle laissans pour assez descrite est temps que voyons les autres Isles par nous cy deuant mentionnées.

Regardans donc Rhodes, nous la verrons auoir du costé du septentrion l'Isle de Carpanthe laquelle donna le nom à la mer Carpathie, au midy elle regarde la cité d'Alexandrie d'Egypte : voit la Doride país d'Asie la mineur vers le Ponant, & au leuant elle a encor la mesme Asie, prenant sa visée vers la Cilicie siege ancien des Caramans Princes Turcz, & des premiers qui dresserent l'Empire en ces contrées. Les raisons du nom de ceste Isle sont diuerses, les vns disans d'une sorte, les autres d'une autre, les vns tenans qu'elle fut ainsi nommée d'un Roy appelé Rhode, d'autres entre lesquels est Diodore Sicilien, tiennent que Neptune eut d'une des sœurs des Telchins une fille nommée Rhodon, pour l'amour de laquelle il meit ce nō à l'Isle, & d'autres l'appellerēt ainsi à cause de la grād quantité & focueté des roses qui y croissent, lesquelles en Grec on appelle *ródos*

Candiots rebelles
chastiez, par Tie
poli.

Candiots assassins
de nuit.

Armes des
Candiots.

Richesse de Candie

Pausanie lin. 8.

Fables racomptées
iadis de l'Isle de
Crete.

Diodore Sicil. cō.
fesse Fables ce que
on dit de Crete li.
6. chap. 15.

De Carpathie &
Rhode. voy. Ptol.
lin. 5. cha. 2. Tab.
1. d'Asie.
Strabon. 14.

Diodor. Sicil. lin.
6. ch. 13. Plin. lin.
5. ch. 31.

Rhodes pourquoy
ainsi appelée.

LIVRE TROISIEME

qui est le plus vraysemblable.

Ceste Isle fut iadis estimée la bien chérie d'Apollon par les Poëtes, à cause qu'il n'y à iour tant soit-il nuageux que le soleil n'y apparaisse: & si fameuse que bien que plusieurs la surmontent en grâdeur, si n'y à il eu Isle en mer plus recommandée que celle la par les histoires tant à cause de sa gentillesse, que bons esprits, qui en sont sortis, & les plus excellēs desquels on face memoire, comme ainsi soit qu'aucuns ont estimé que ce grand poëte Homere ayt pris naissance à Rhodes. Le païs y est montueux & au Promontoire qui regarde le Nort est le mont Philerne, sur lequel les cheualiers de saint Iean de Hierusalem auoyent iadis basti vne fortrefse: où encore toute l'isle estoit partie avec vne muraille la traufferant avec vne tour au milieu, laquelle à present est presque ruinée en diuers endroits, & y court vn seul fleuve par l'isle, nommé Gadure loing quelques trois lieues de la cité, laquelle abode en cisternes à cause du defaut qu'elle a d'autres eaux, forte au possible & ayant vn tresbon, & grand port. Combien ceste isle a esté iadis excellente se peut veoir en ce que les Romains y enuoyent leurs enfans pour y apprendre les lettres à cause qu'elles y florissoient plus qu'en autre part de la Grece Asiatique, & où ils alloient gouter la douceur de l'eloquence, & l'abondance, & enrichissement du bien dire: & sur tout l'Architecture Mathematiques, & art militaire y estoient traitées d'où aduint que les vaillans hommes y foisonnoient, les Paintres, & tailleurs d'Images fut en Marbre ou en Bronze, n'y manquoient point, tesmoing ce grand Colosse de Bronze qui par tous les anciens à esté estimé vn des sept miracles de l'vniuers, & lequel traufferoit le canal du port, estant de telle hauteur qu'un nauiue y passoit dessous à pleines voiles.

*Voy Solin ch. 16.
Homere estimé
natif de Rhodes.*

*Philerne montai-
gne de Rhodes.*

*Gadure seul fleu-
ue en l'isle de Rho-
des.*

*Romains enuoy-
oyent leurs enfans
aux estudes à Rho-
des Strabon. 14.*

*En quelles gens
excellloit iadis
Rhodes.*

*Colosse de Rhodes
miracle del'vni-
uers.*

*Pindare Olymp.
ode. 7.*

*Rhodes vaincue
par les Romains,
Appian Ale-
xandrin, lin. 4.
des guerres civiles.*

*Nul oloit entrer
à l'Arsenal à
Rhodes que les
Seigneurs.*

L'excellence de ceste Isle a contrainct iadis Pindare poëte Lyrique de dire qu'il y auoit pleu de l'or, à cause que iacoit qu'elle ne soit des plus fertiles en viures que lon sçache: si est-ce que l'abondance de toutes choses n'y manquoit iamais, ioint qu'elle estoit foisonnée en diuerses sortes de metaux: Mais laissant toutes ces singularitez, les guerres que les Rhodiens de iadis ont eues, comme ils furent vaincus par les Romains, & leur isle prise & assuiettie, nous dirons quelque peu de leurs mœurs anciennes pour puis apres toucher, comme en passant le cours de ses fortunes de nostre temps & come l'isle est venue entre les mains des infidèles. La coustume des anciens Rhodiots fut de se soigner du peuple: mais non de permettre le manimēt à la multitude ainsi qu'en faisoient les citez où la Democratie auoit lieu, & nourrissoient fort soigneusement les pauvres sans leur donner aucune preeminence, à fin qu'ils n'engédrassent confusion en la cité, & que estans sustentez, ils seruissent au public en ce qui seroit necessaire, & sur tout au mestier du nauigage & besoignes de leur Arsenal: veu que les Rhodiens estoient fort puissans pour lors sur mer. Neantmoins estoient les seign. si ialoux du secret de leurs forces, que il n'y auoit si hardy d'entre le peuple qui olast entrer au lieu secret de l'Arsenal, & ce sur peine d'y perdre la teste: à cause que là (ainsi qu'on le voit à present à Venise) estoient toutes les munitions de guerre. Au commence-

ment les premiers, qui habiterent ceste isle estoient grands forciers, & si dangereux que avec l'infusion de certaine eau charmée, ils gastoyent les semences, & faisoient mourir les haras & troupeaux. Ilz estoient grands escrimeurs, subtils artisans, d'esprit gentil & de grandes inuentions, vaillās en guerre, & grans babillars, comme ceux qui ne pensoient auoir pareilz en eloquence, & bonne grace à bien coucher leur dire : & au reste si heureux sur mer qu'il ne se faisoit guerre nauale, où les Rhodiens ne fussent appelez des premiers. En vne de leurs loix ils auoyent vn commandemēt que tout pere eut plus de soucy de pouruoir vne fille vertueuse, que pour en enrichir dix masses, à cause de la fascheuse garde de chose si inconstante que la femme. Ceste isle estant tombée souz l'Empire Romain, quoy q̄ tousiours elle eust esté fidelle, mais saccagée par Cassie durant les guerres ciuiles en despit de Cesar, fut souz la loy & puissance d'iceux : iusqu'à ce q̄ enuiron l'an de nostre Seigneur 650. Les Mahometistes ayants couru l'Afrique, pillé l'Egypte, & gasté la Palestine, osterent aussi Rhode de la main des Empereurs de Grece, & ce furent eux qui demolirent ce Colosse tant fameux, duquel la cité chef de l'isle portoit le nom, & en feirent porter en Alexandrie d'Egypte le Bronze, qui en fait la charge parfaite de neuf cens chameaux. Et comme ceste isle fut prise & reprise, tantost par les Empereurs Grecs, & puis par le Soudan d'Egypte, en fin les cheualiers de S. Iean de Ierusalem, ne pouuans plus se tenir en Palesthine, se ruerent sur les infidelles Mahometistes, qui de rechef s'estoyent faits seigneurs de Rhodes, & les en chasserent en l'an de nostre salut 1307. & y fonderent si bien leur demeure, que quelque diligence que les Soldans du grand Caire, les Mores d'Afrique, ny les Turcs d'Asie ayent fait par vn long temps, si a-il esté impossible qu'ils les en dechassassent. Veu mesme q̄ ce grand, & effroyable guerrier Mahometh Roy Turc, & lequel auoit ruiné les Empires de Constantinople, & Trapezonde, estant venu assieger l'isle Rhodienne, deffendue par Pierre d'Anbusson grand maistre de l'ordre de S. Iean, fut contraint se retirer avec grand perte des siens, & à sa grand honte & confusion, quoy qu'il y eust arresté opiniastrément l'espace de trois moys avec esperance de les forcer. Mais le malheur suiuant la gaillardise Chrestienne & la fortune enuiant leur vaillance, ou pour mieux parler Dieu voulant punir les Chrestiens, ceste noble isle fut prise sur les cheualiers Rhodiens, estāt grand maistre de l'ordre Philippe de Viliers, lesquelz y feirent si bon deuoir que l'ennemy Barbare ne pouuoit assez louer, & admirer le cueur & constance de ces vaillans, & inuincibles hommes, lesquels si eussent eu quelque peu de renfort, eussent aussi bien tenu teste à Othoman ou Sultan Solymann, comme depuis ils ont fait à Malthe : ainsi l'Isle la plus noble de la mer Mediterranée, la mieux policée, & qui iadis fut le domicile des bonnes lettres est sans police, ny ornement tombée souz la malediction de la Barbarie Turquesque. De ceste ruine & sac de Rhodes plusieurs en ont escrit, comme vn Guillaume Canoersin, & Jacques de la Fontaine, lesquels le diligent lecteur pourra lyre afin que ne foyons destournez de nostre poursuite des autres isles que ie vay vous deschiffrer.

Rhodiens gens de grand esprit.

Marc Aurel. ch. 38.

Savrasius prennēt Rhodes, seant Martin 1. à Rome.

Blond. Decad. 1. liu. 9.

Grandeur du Colosse de Rhodes.

Rhodes prise par les cheualiers S. Iean, seant Clement 5. à Rome.

Constantinople pris par Mahometh, lequel assiegea Rhodes.

Pierre d'Anbusson grād maistre de Rhodes.

Ce siege aduint l'an 1481.

Rhodes pris par Solymann Turc, l'an 1522.

Sabelli. Ennead. 10. liu. 7.

Ceux qui ont écrit de Rhodes.

LIVRE TROISIÈME

*Prolo. liu. 5. c. 14.
Tabl. 4. d'Asie.*

Fertilité de Chypre Strabon. 14.

Venus née en Chypre, Hesode en la Theogonie.

Loy de Venus touchant la paillardise. Lactance. li. 1. chap. 17.

Filles de Chypre se prostituant aux étrangers. Just. 18.

Chypriens immoloient les hommes. Lactance liur. 1. chap. 21.

Hérodote. 7.

Voy François Tarrapheli. des Rois d'Espagne, allegant Euseb. liur. des temps.

Sauterelles gâtées les fruits en Chypre.

En quoy abonde l'isle de Chypre.

L'isle de Chypre est celle qui suit Rhodes, & en grand ancienneté, & en renommée comme estant recogneüe par les anciens, & remarquée des modernes : elle est assise vers le ponant regardant la Pamphilie : au midy l'auoisine la mer de Syrie & d'Egypte, comme aussi la Palesthine la voit du costé de l'Orient : & au Septentrion luy est la Cilicie, ou Caramanie. Les villes principales d'icelle sont Famagoste iadis Salamis : Curie, à present Linise, Throni, & maintenant Cap de la Grode. Chypre n'a faute de chose qui puisse recommander vn pays en fertilité, ayant & vin & huyle en abondance : iadis elle fut si chargée de boys que merueille, mais à la fin les forests estans employées & pour le seruice des mines, & pour le nauigage à ce aydant les loix & permissions des princes, afin d'en purger le pays, & rendre la terre labourable, ainsi que de nostre temps en ont fait les Portugais en l'isle de Madere, elle en est plus despeuplée presque que les seigneurs qui la possèdent ne voudroyent. Chypre à esté le pays & naissance de la Déesse Venus, laquelle en tesmoignage de son insigne lubricité, & pour luy donner couuerture, estant dame du pais, ordonna que impunément, & sans crainte les femmes y peussent paillarder. Et de là vint la coustume que les filles Cypriottes auant que prendre mary, à certains iours elles venoyent sur le bord & haure de la mer, pour se presenter au premier des estrangers qui voudroit en iouyr pour son argent, & avec laquelle maniere de gaing elles retiroyēt la somme pour payer leur douaire, & satisfaire à la déesse Venus pour les primices de leur pudicité. Outre ceste souillure, & vilennie de paillardise, les Cypriotes auoyent encore humé les sanglans desirs des Barbares de l'Asie, veu que ayans appris par Tuccer d'immoler les hommes, & espandre le sang humain en adorant le diable souz le nom de Iupiter, ilz continuerent iusqu'à ce que l'Empereur Hadrian tenant l'Empire à Rome en abolist la coustume. Les roys de ceste isle le temps passé portoyent des habillemens de teste, faits comme les Mitres de nos Euesques, & suiuant la façon de faire des Roys Persans, & auoyent leurs robes longues, ainsi qu'à present on en voit vser aux Turcz, & quant au reste ils viuoyent à la Grecque : elle fut dès le commencement gouvernée par des seigneurs & tyrans, chacun tenant son cartier de l'isle, ainsi que iadis aussi en estoit regie la Sicile, mais les Ptolomées gouvernās l'Egypte, ilz furent faits seigneurs de Chypre, non sans secours des Romains : veu que ceste isle à esté d'autres fois si riche & puissante, que elle a enuoyé des Colonies en diuers lieux, & a vn fort long temps commandé sur toute la mer mediterrannée, & basti plusieurs villes en Espagne.

Et iacoit que ceste isle aye tout ce qu'on scauroit souhaiter, si est-ce que, ou l'indisposition de l'air, ou la punition de Dieu, y cause vne grande incommodité entant que le plus souuent il y passe vne si grande quantité de Locustes & Sauterelles que de la multitude le soleil en est obscurcy, & ou ces malheureux animaux s'arrestent, il n'y a arbre, fruit, ny semence, non mesme les racines des herbes, qui n'en demeurent attaintes de telle sorte, qu'il semble que le feu y ayt passé, tant la terre en est gâtée & confuse : & neantmoins y a il abondance de bled, vin, orge, sucre & coton : & le peuple assez courtois, & qui n'est si esloigné de la religion des latins que le reste des Grecs, où les Européens de deçà la mer frequen-

rent. Ceste isle ayant esté assuiettie aux Romains y a continué iusqu'à ce que les Empereurs Grecs pressés d'ailleurs ont esté contraints d'en quitter la seigneurie: & y ont commandé plusieurs seigneurs Latins dès le temps que les Chrestiens firent la conquête de la terre sainte. Veu que les roys de Hierusalem vn long temps ont porté le tiltre de Roys de Chypre, ainsi que encor plusieurs familles illustres en querellent presque le nom sans rien ou peu d'espoir d'attaindre à la conquête de ceste Prouince. Je n'ay affaire de vous deduire les discordes que la conuoitise d'auoir ceste isle à cause entre les Venitiens & Geneuoys, & les trahisons d'un bastard pour en priuer le vray heritier qui estoit fort de la maison illustre de Sauoye, & laquelle encore en porte, & le tiltre, & les armoiries: Et omettray comme ce bastard se retira vers le soudan d'Egypte, les guerres, menées, & conspirations tant de la part du bastard, que de la royne mesme, qui ne vouloit point que sa fille fut mariée à homme d'autre opinion que la sienne. Voire vous renuoye à Blond, & a Sabellique pour voir par quel moyé les seigneurs de Venise en sont deuenus seigneurs, lesquels pour le iour d'huy en iouissent soit que ilz y ayent droit, ou que comme vsurpateurs, ilz en facent l'homage au grand roy de Turquie: car quoy qu'il en soit, ie sçay que la possessiõ leur en vint en main, souz la principauté de leur Duc Mocenigue enuiron l'an de nostre seigneur 1478. & de laquelle ils iouissent encore à present, comme heritiers de Catherine Cornelië fille d'un citoyen de Venise, dequoy i'en laisse le proces à vider à ceux qui n'ont autre chose à faire. Et ce pendant nous passerons vers le pais de Negrepont, afin d'en descrire la Prouince. Negrepont donc est celle Isle, & citée que iadis on apelloit Euboëe, laquelle fut iadis habitée des Abanites, & ainsi ditte d'une dame illustre portant ce mesme nõ: & est assise en l'Archipelague iointe à l'Europe par vn Pont qui est sur le Canal qui l'a separé de terre ferme & ce du costé de l'Attique, & ayant les Cyclades à l'Orient, l'Achaïe au Ponant, l'Attique au midy, & l'Hellespont au Septentrion. C'est elle qui est separée du pais Béotien, par vn canal le plus fascheux que l'on sçache guere en toute la mer Mediterranée, & y fut celui de Gibraltar, ny le destroit tant redoubté de Messine, voire ne sçay si en l'Océan les courantes qui sont du costé de la Floride, ny les fureurs du destroit de Magellan, ou l'impetueuse course de la mer pres le cap de bonne esperance, ont plus de danger & difficulté que l'Euripe d'Eubée, auquel sans que le vent y souffle & durant la plus grand bonace du monde, on voit ceste merueille de nature que les flots sy esmeuent avec vne effroyable vehemence: dequoy n'ayant peu Aristote entendre, ny deduire les raisons, estât allé sur le lieu pour en voir l'experience, vaincu de desespoir se precipita dedans en disant: Puis que Aristote ne peut comprendre l'Euripe, à tout le moins l'Euripe sera capable d'Aristote. Et iacoit que Tite Liue se soit essayé d'en amener quelque raison, & ait songé des vents y causans ceste esmotion, si n'a il rien touché au vray, veu que, comme dit est, l'experience fait voir du contraire: de ce destroit & canal parle assez au long Thucidide en sa guerre du Peloponnese. Ce fut là où l'on dit que les Grecs furent submergez, par les rûes de

*Rois de Ierusalem
ont commandé à
l'isle de Chypre.*

*Bastard de Chypre
se lève contre
le legitime.
Voy les Annales
de Sauoye.*

*Sabelli. Ennead.
10. lin. 7.*

*Comme c'est heri-
tage leur estechen
lyses Coriolan li.
2. des faits veni-
tiens.*

*Venitiens sont
faits seigneurs de
Chypre.*

*Catherine Corne-
lië heritiere pre-
sumée de Chypre.
Strabon. lin. 10.*

*Prolo. li. 3. ch. 15.
tab. 10. d'Europe.
Description de
Negrop. Pomp.
Mel. li. 2. Pline.
liur. 4. ch. 12.*

*Liens dangereux
en la mer.*

*Mort d'Aristo-
te. voy Laurens.
valler au Dialog.
du liberal arbit.*

*Tite Liue 3. de la
2. guerre punique.
Thucid. lin. 8. &
Pline lin. 10. c. 6.*

LIVRE TROISIEME

*Negropont citée,
iadis Chalcide.*

*Fertilité de Ne-
gropont.
Mahometh Roy
des Turcz.*

*En quel tēps fut
prise l'isle de Ne-
gropont.
Omarbech Bas-
cha.
Chrestiens trahis
par un canonier.*

*Negropont prise
d'assault.*

*Hypocrate natif
de Lango iadis
Coo.
Lesbe, à present
Metelin Samos
pays de Pytha-
gore.
Chio prise de no-
stre temps sur les
Geneuoys par Sul-
tan Solymán.
Sultán Solymán
pourquoy aigry
contre les Gene-
uoys.*

Nauplie pere de Palamede, à cause que traistreuſement on auoit fait mourir ſon filz au ſiege de Troie, ainſi que le chantent les poëtes en leurs eſcrits. Je ne m'arreſteray longuement à diſcourir ſur les mœurs du peuple veu que deſia nous en auons aſſez dit, parlant d'Athenes & Lacedemone: ſeulement diray que Negropont, qui iadis ſ'apelloit Chalcide, eſt vne des plus abondantes terres de la Grece, en bledz, vins, & huiles, où le peuple y eſtoit courtois & ciuil, bon & loyal chreſtien, & obeiffant à la ſeigneurie de Veniſe, de laquelle ilz ſe fournifſoyent de boys pour faire galeres, & autres vaiſſeaux pour l'equipage des armées de Mer. Mais Sultán Mahometh, celuy tyran ſanguinaire qui auoit deſia ruiné l'Empire Chreſtién des Grecs en Conſtantinople, enuieux de la puissance Venitienne, ſe faiſant qu'une ſi belle piece, & tant voiſine de ſa iuriſdiction, & neceſſaire pour ſon ſeruiſe, fut à ſa barbe poſſedée par les Chreſtiens, fut l'aſſieger l'an de noſtre ſalut 1471. y ayant premieremēt enuoyé Omarbech Baſcha, qui en l'arriuée de ſon ſeigneur, faiſant dreſſer vn pont de nauires, paſſa l'armée en l'Iſle, & aſſiegea les Chreſtiens du coſté que les moins ils ſe doubroyēt, eſtans trahis & vendus par le maiſtre canonier, qui auoit donné aduer- tiſſement à l'ennemy de quelle part le mur eſtoit le plus foible. Tellemēt que quelque deuoir que faiſſent les Chreſtiens hommes & femmes, ieunes & vieux à ſe deffendre, ſi eſt-ce qu'à la fin la cité fut priſe d'aſſault, & où Mahometh n'oublia rien ſoit de ſa cruauté, ou naturelle paillardie. Néar- moins la neceſſité ne fut ſi vrgente aux vaincus que auant mourir ils ne ſe vengeaſſent du traistre canonier, qu'ils maſſacrèrent avec autant de fu- rie, comme iuſte eſtoit la douleur ſe voyans trahis ſur le point qu'ils atten- doyent eſtre ſecourus par les Geneuoys, & Cathalans qui venoyent à leur ſecours. Je vous laiſſeray à part les iſles de Lango iadis Coo, païs, & lieu de naiſſance de ce diuin Philoſophe, & pere des medecins Hypocrate: ne vous paindray Leſbe, à preſent Methelin, de laquelle ſont ſortis tāt d'ex- cellens poëtes, ny Samos heureuſe en la portée d'un tel homme que fut iadis Pythagore: voire omettray la miſerable iſle de Chio, ornemēt en ce temps de toute la Grece, & rempart pour la retraite des Chreſtiens ſy re- tirans ſous la faueur des ſeigneurs Geneuoys qui en eſtoyent maiſtres, mais priſe & gaſtée il y a quelques 4. ou 5. ans par ce cruel tyran, Sultán Solymán aigry contre ceux de Genes à cause qu'ils tenoyent le party du roy des Eſpaignes contre lequel il ſ'attaquoit allant à Malthe, & pour ſe ven- ger ſur eux de la honte receuë au ſiege Malthois, y perdant & ſon temps, & grand nombre de ſes Ianiffaires, & les plus braues chefs de ſon armée.]

Du pays

*Du pays de Thrace, à present Romanie, & des cruelles façons
des Thraciens. Chapitre 5.*



A Regio de Thrace, aujourd'huy nommée Romanie, est en Europe, & nommée pour vne des parties de Scythie, jointe au pais de Macedone, ayāt vers le Nord & Septentrion le Danube, au leuant le Propontide & bras saint George, au midy l'Archipelague, & au Ponant la haute Mysie, à present ditte Seruie. Ceste-cy fut iadis nommée Scythion & depuis Thrace d'un filz de Mars, ainsi nommé, ou à cause de son aspreté, & que elle est fort raboteuse, d'autant q̄ les Grecz apellent *τρεῖς* ce qui est aspre & difficile à cause de sa rudesse. Ce pais, cōme dit Pomponie Mele, n'est ny fertile à cultiuer, ny de douce & saine température, si ce n'est es lieux qui auoisinent la mer, là où il est, & assez abundant & plaisant pour y habiter. La region y est froide, & fort mal propre à nourrir & produire les semences que on y gette, à peine s'y trouue ny pomme, ny poire, ou fruit à escorce molle, & quoy que les vignes y croissent, si est-ce que les raisins n'y viennent à perfection, sinon es lieux, où les vigneronns avec des feillards empeschent la vehemence des froidures.

Les villes plus remarquées de la Prouince furent Apolophame, Enos, Nicopoly, & Byfance qui depuis a porté le nom de Constantinople de Constantin le grand, qui l'embellist & rendist plus grande, la faisant chef de l'Empire siege des Emp. & la premiere de tout l'orient y estoit encor Perinthe, Lysimachie, & Calipoly. Les riuieres plus cogneues le Hebre, Nefte & Strymon. Les montaignes Heme, Rhodope, & Orbele, où le premier Orphée celebra les furieuses & insensées festes de Bacchus, qui luy causerent depuis sa mort & ruine. Les hommes y sont farouches, rudes, grossiers & en grand nombre, tellement que si ou ilz estoient souz l'Empire & subiection d'un seul Roy, ou qu'ils l'accordassent biē ensemble, il seroit impossible (il faut croire ce qu'en dit Herodote) qu'on les peult vaincre ny surmonter, & seroyent les plus forts & puissans de la terre: mais d'autant que l'accord n'est compatible entr'eux, & que facilement vn seul seigneur ne les peut tenir en deuoir, aussi sont ilz foibles, & sans grand deffence. Et estans en si grand nombre, ils ont diuers noms, chacune Prouince ayant le sien, mais quant aux mœurs ilz sont tous semblables, sauf les Gethes, & Draufes, & ceux qui habitoyēt par delà les Crestones. De ces deux les Gethes auoyent opinion de ne perir point apres sa mort, mais que ilz s'en alloient apres leur decez avec leur Dieu Zamolxis. Or ce Zamolxis fut iadis disciple de Pythagore, lequel estant de retour en son pays, voyant les sottes façons & corrompue maniere de viure des Thraciens, luy acoustumē en l'honeste, & ciuile vie des Grecz d'Ionie, leur donna loix, & aprist de bonnes mœurs & courtoises coustumes, leur faisant entendre, que ceux qui viuroient selon ceste ordonnance, ne failliroient apres le trespas d'aller en lieu, où ilz iouiroient d'une vie immortelle, & en icelle auroient abondance de tout ce que

*Description de
Thrace: Ptol. liu.
3. c. 11. tabl. d'Eu-
rope 9. Pēp. Mele
liu. 2. Strabon. 7.*

*Cause du nom de
Thrace.*

*Qualité du ter-
roir de Thrace.*

*Pres Nicopoly fu-
rent deffaits les
Chrētiens par
Amurath en
l'an 1416.*

*Pres le Hēbre
fut occis Orphée,
Ouide 11. Meta.
Orphée premier
inuiteur des Bac-
canales en Thra-
ce. Virg. 4. Geor.
Pomp. Mel. 2.
Comme les Thra-
ces seroyēt inui-
cibles.*

*Herodot. liur. 4.
§ 5.*

*Herod. 5. les apel-
le Draufes, & nō
Thraufes.*

*Zamolxis Dieu
des Gethes Thra-
ciens. Strabon 7.
Herod. 4.*

LIVRE TROISIEME

*Terrible façon de
mander messages
à Zamolxis.*

l'homme sçauroit souhaiter. Ceste doctrine eut telle force que ce peuple barbare, l'eust en estime de diuinité, & luy se retirant de leur compaignie, s'esuanouit & laissa vn grand regret au cœur de ses concitoyens qui desiroient sa presence : & c'est pourquoy ilz enuoyoyent souuent vers luy quelque messager choisi de leur compaignie, qu'ils faisoient monter sur vne nef & galere à cinq rames, luy donnans charge d'aduertir Zamolxis de ce qui leur estoit necessaire. Or l'enuoyoyent ilz en ceste maniere.

*Thraces descochâs
leurs arcs cōtre le
ciel, quand il ton-
noit.*

*Draufes Thraciës
ploroyēt à la nais-
sance, & s'esouif-
soyent au trespas
de leurs parens.
Herod. 5. Pomp.
Mel. 2. Solin 16.
Celië Rhodig. li.
10. ch. 22.*

*Fēmes s'exposans
à la mort pour
leurs marys.*

*Sauuages fune-
railles des Thra-
ciens.*

*Ainsi en usent
encor pour le iour-
d'huy ceux qui se
tiennent pres la
mer maiour d'aco-
sté de Colchide.*

Ilz ordonnoyent que aucuns d'entre eux tinssent en main trois dardz, & que d'autres prenans par les pieds, & par les mains, celuy qui deuoit aller Embassadeur vers leur Dieu Zamolxis, le haussent de terre en l'esbranlant sans cesse, le faisans choir sur les dards & iaelots des autres: fil mouroit en cest office, ilz auoyent opinion que Zamolxis auoit ouy & accepté leurs prieres & requestes : là où au contraire, fil ne decedoit point, ilz l'accusoyent de meschanceté, & que pour ces vices, Zamolxis ne vouloit le receuoir, ny ouyr son embassade : & tant-cé que ilz ont cestui-cy, ilz luy en enuoyent vn autre auquel estant encore en vie, ilz donnent commission de dire à Zamolxis ce que ilz attendent de sa diuinité. Ces mesmes Thraciës quand ilz oyoient tonner & foudroyer, dardoyent, & descochoyent des saiettes contre le Ciel, & menaçoÿēt Dieu, n'ayans opiniō que il y en eust autre q̄ celuy qu'il bastissoyent en leur fantasie. Les Draufes suiuyoyent en toutes actions les façons, coustumes, & superstitions du reste des Thraces, sauf que en la naissance des enfans, & au trespas de leurs amys ilz se gouuernoyent en ceste sorte. Dès que l'enfant estoit né, tous les parens s'asseoyent autour du berceau plourans, gemissans, & racomptans toutes les miseres qu'il luy faudroit souffrir en ceste miserable vie, & faisans vn long discours des calamitez des hommes. Mais quand quelcun estoit trespasé, ilz le mettoyent en terre, s'eslouissans, iouans & banquetans ensemble, recitans quel estoit son heur, estant deliuré des angoisses de ce monde.

Mais ceux qui se tenoyent par delà les Crestones auoyent ceste coustume, comme ilz espousassent plusieurs femmes, le mary estant mort, il y auoit vn grand debat entre elles, laquelle estoit la plus digne de suiure son espoux comme la mieux chérie, & celle qui s'estoit portée le plus honestement en son endroit, & failloit que les plus proches du deffunct vuidassent ce different par leur sentence. Celle qui auoit gain de cause, & estoit honorée d'vne telle faueur, estoit aussi conduite parée, & atifée mi-gnonnement par ses parens, hommes & femmes vers le tombeau de son mary où elle estoit massacrée, par celuy qui luy touchoit le plus en parenté, & soudain mise en terre avec son espoux : où ce pendant les autres femmes ploroyent, & detestoyent leur defastre, d'auoir esté ainsi priuées d'vn si grand honneur, & auantage, d'autant que cela seruoit d'vn grand reproche & deshonneur à celles qui demouroyent en vie.

Le reste des Thraces auoyent d'ancienne coustume & paternelle ordonnance de vendre publiquement leurs enfans: & ne se soucioyent de faire guere grand garde, ou tenir l'œil sur leurs filles à marier, ains les souffroyēt de se ioindre, & acointer, à qui bon leur sembloit, & à celuy qui le plus

leur venoit à gré. Mais ilz estoient plus curieux de la chasteté de leurs femmes, que ilz achetoyent à grand somme & quantité d'erain de leurs parents, les marquant au front avec quelque fer, & marque à ce propre qui leur estoit vn signe de noblesse : comme au contraire celles qui n'estoyent ainsi signées, estoient reputées pour viles, & roturieres.

Elles y estoient vendues au plus offrant & dernier encherisseur, exposans premierement les plus belles en vente, lesquelles auoyent le pris de leur mariage, non moindre que apportoit l'apreciation : Mais les laides failloit que achetassent les hommes que elles vouloyent auoir pour espoux. Hommes & femmes y banquetoyent ensemble aupres du feu, gettans de la graine & semence de certaine herbe sur les braises, par l'odeur de laquelle estans comme esmeus d'yurognerie, ilz se resiouissoient d'imiter ce transport que souffrent les yurongnes, par le default de leurs sens. Ilz acomptoyent à grand honneur de viure oisifs, & reputoyent le larcin grande vertu, comme au contraire ceux-là estoient entr'eux estimez vilains qui s'adonnoient à cultiuer la terre.

Les Dieux que ordinairement ilz honoroyent, c'estoyent Mars, Bacchus, Diane & Mercure, que ilz adoroyent en grand honneur & reuerence : & iuroyent par le dernier, à sçauoir Mercure seulement, l'estimans le chef, & auteur de leurs familles. Ce peuple excède en grandeur & stature le reste des hommes, ayant les yeux azurez, le visaige, & regard fort fier, & farouche, la parolle horrible & mal-plaisante, & qui sont de fort longue vie : ils bastissent leurs maisons basses, vsent de mesme pris aux viures, n'ont point de vignes, & abondent en fruitage. A l'election de leur Roy, on n'auoit point d'esgard à la noblesse, ny grandeur des maisons, ains l'éportoit celuy qui auoit le plus de voix de la multitude, veu que le peuple eslissoit celuy qu'il cognoissoit bien moriginé, & fort remarqué d'une ancienne debonnaireté & clemence, quelque grande vieillesse qui fut en luy. Mais ilz auoyent c'est esgard, que le roy n'eust point d'enfans, car s'ils entendoient qu'il eust hoir, il auoit beau estre vertueux & debonnaire, que on n'auoit garde de luy donner la principauté : voire que s'il en engendroit depuis qu'il estoit mis en dignité, ilz ne failloyent de le deposer de son autorité. Veue qu'ilz ne taschoyent à autre chose sinon d'espescher que le royaume ne tombast point en succession & heritage de pere en fils. Et quelque iuste droit, & equitable que le roy se monstrast, si est-ce que du tout ne luy estoit loisible, & ne iouissoit point du priuilege de souveraineté : & pour ce luy failloit eslire quarante Coseillers pour luy assister, afin que seul il ne vuidast les affaires de consequence, & sur tout ne gettast sentence es causes criminelles. Que si le Roy mesme tomboit en quelque crime, on procedoit contre luy, & estoit puny rigoureusement de mort, non que personne fut si osé ny temeraire de le toucher ou violer, ains par le consentement & sentéce de toute la multitude, toute chose necessaire luy estant deniée, & luy laissé seul estoit en fin contrainct de mourir miserablement de malice de faim. Les grands seigneurs y estoient honorez de telz obseques. On portoit en place publique le corps, ou par l'espace de trois iours tués diuerses bestes pour le sacrifice, ilz banquetoyent, & faisoient grand

*Femmes achetées
marquées au front.*

*Turognerie des
Thraces.*

*Il n'est point dit
quelles estoient ces
herbes, mais Plin-
targ. es questions
compte les herbes
qui yuroient a-
uec la suffumiga-
tion de leur sem-
ce. Voyez Diosco-
2. de la matiere
medicinale.*

*Dieux adorez en
Thrace. Mars na-
tif de Thrace.*

*Arnobie. liu. 4.
contre les Gëtilz.
Thraces estimoyent
Mercure sorty de
leur pays. Hero-
dot. 5.*

*Election des roys
de Thrace.*

*Juges esleuz pour
assister au Roy de
Thrace.*

*Mort cruelle des
Rois de Thrace
mal-vivans.*

chere, puis ayants fait quelque legere plainte, ilz l'enterroyent ou brusloyent mettant les cendres sous terre, & ayans dressé vn tombeau, outre plusieurs ieux & esbatz, ioustes, & tournoys qu'ils y dressoyent, le plus frequent estoit la Monomachie, c'est à dire le combat singulier d'un homme contre vn autre. Les armes & harnois desquels ils vsoyent, lors que Darie Roy Persan, passa l'Hellespont estoient, ainsi que racompte Herodote, vn morion, ou bourguignotte faite de peaux de Renards, vestus de chemises, par sus lesquelles ils portoyent diuers sayes & pourpoints, & es pieds & iambes, des chausses faites de peaux de Cerfs, & chamoys, & cheureulx, portans des dards & iavelots, & petits boucliers faits à maniere d'un croissant qu'ilz apelloient Pelses, & de petits poignards pour s'en ayder, y venans aux prises avec l'ennemy, & auoyent mesme langage que les Scythes leurs voisins. Plin tient que le pais de Thrace estoit diuisé & party en cinquante bandes & cartiers, comme l'on diroit à present les cantons des Suisses: mais celle contrée qui iadis s'apelloit Gethique, & où Darie filz d'Histapes Roy Persan cuida estre deffait avec son armée, est celle que à present on nomme Valachie, ainsi ditte des Flacces Romains qui conduirent là vne Colonie, & ainsi premierement elle portoit le nom de Flaccie, mais depuis d'un mot corrompu Valachie. Ce qui encore se voit euidentement en ce que leur langue aproche fort du Latin, mais si corrompu, que à peine en scauroit vn Romain tirer signifiante quelconque. Et vsent en escriuant de caracteres Latins, la forme toutesfois aucunement diuerse de celle des nostres, mais quant aux ceremonies ils suiuent la façon de faire des Grecz.

Combats dressés en l'honneur des morts en Thrace. Herodot. 4.
Armes offensives & defensives des Thraces.

Diuison des Cantons en Thrace. Voy Plin. 4.
Darie presque deffait en Thrace. Justin. 2.
D'où vient le mot de Valachie.

Caracteres latins entre les Valaches.
Celle qui iadis fut Dace contient à present la Transylvanie, Ruscie, Seruie, & Bulgarie.
Seihemburg est la region ditte Septe Castra.

Danes & Gethes noms d'esclaves es Comiques Strabon liure. 7.

C'est la Transylvanie qui tant à porté de ruine à la Chrestienté.

Les Daces puis apres se saiserent de la terre des Gethes, du nom desquels elle fut appellée Dace: mais à present les habitans sont descendus des Alemans, Siciliens, & Valaches. Les Alemans y furent enuoyez par Charles le grand, lors que il chassa les Saxons de leur terre en mandant vne Colonie en celle terre Thracienne, & s'apelle la Prouince de ces hommes vaillans en leur langue Seihemburg, à cause de sept villes qu'ilz tiennent en leur iurisdiction. Les Sicules, ou Siciliens ny sont là venus de l'Isle Sicilienne, ains sont Hongres, & de ces Huns trefanciens, qui les premiers s'arrestèrent en ces lieux, dès qu'ils sortirent de Scythie pays de leur origine.

Entre les Valaches y auoit deux factions, à scauoir Dragules, & Danes, ou Daues: & c'est pourquoy les Comiques iadis (ainsi que tiennent aucuns Grecz) vsurpoient ces mots de Gethes & Danes, introduisans quelques esclaves en leurs ieux & Comedies. Les Dragules de la memoire de noz peres se voyans foibles & insuffisans de tenir teste aux Danes, apellerent pour s'en preualoir les Turcs à leur secours, lesquels ruinerent du tout la race des Danes. Bien est vray que Iean Huniade homme vaillant, & grand Capitaine, deliurant les Danes de ce Peril, s'en fait seigneur & Roy de la terre.

Les Valaches s'adonnent à la nourriture des bestes, & au labourage, ce qui monstre assez aisément, d'où est-ce que ce peuple a pris origine. Ilz payoient tribut vne seule fois à chacun Roy venant à la couronne, & chacu

luy donnant vn bœuf pour tribut & hommage, qui montoient au nombre de 60000. ou d'auantage. Entr'eux c'estoit crime de mort de ne marcher en bataille, des qu'ils auoyent receu commandement de leur Prince. La Valachie est voisine de la Transsylvanie vers le ponant, au leuant elle s'estend iusqu'à la mer maiour, & au Nord, & septentrion elle marchisse avec les Russiens, & du costé de midy, elle est arrousee du Danube: à l'entour duquel le peuple y habitant est vague & non s'arrestant en vn lieu à cause qu'ils ont l'huiuer perpetuel, & la face du Ciel fort triste & descourtoise. Iadis à peine les pouuoit nourrir leur terre, & faisoient leurs maisons bié pauures qu'ils couuroient de chaume, ou de rameaux & feillards. Ils se tenoyent sur la glace espaisse & endurcie, & se nourrissoient de la sauagine prise à la chasse, leurs maisons estoient incertaines, s'arrestans là où la lasseté les contraignoit se reposer, & viuoient & mecaniquement & salement à cause de l'inclemence du Ciel: & nonobstant ceste rigueur ne les empeschoit d'aller tousiours teste descouuerte.

Tribut donné aux roys des Valaches.

Description de la Valachie. voy Iornandes. lin. de l'origine des Goths, & Ptol. lin. 3. chap. 7. 8. & 9. tab. 9. d'Europ.

Des Goths, de leur origine, mœurs, religion & conquestes. Chap. 6.



L'Auât que l'auteur que nous suyons à icy fait mention des Gethes, que plusieurs estimét estre ceux que les anciens appellent Goths: & que luy mesme à l'aise en poursuuant le cours de son œuvre l'histoire des mœurs de ces Goths, ie n'ay voulu frauder le lecteur qui n'a le moyen de lire la diuersité des histoires ce que les anciens & modernes ont estimé de ceste effroyable, & puissante natiō des Goths, laquelle a esbranlé, sur toute autre, l'Empire de Rome & parties d'Europe les plus gaillardes & guerrieres. Et auant qu'entrer en celle partie qui proprement porte le nom de ce vaillant & illustre peuple, & que ie m'efforce d'en d'escire le païs, c'est raison que nous voyons les difficultez des historiens, & amenions la diuersité de leurs aduis sur cest affaire, à fin que plus à nostre aise, & sans tor dre le nez à la verité nous en donnions quelque iugement selon que verrons l'occasion le pouuoir offrir: & q̄ le tēps, qui est la vraye guide des occurrences, nous en pourra faire sages, sans que personne soit interessé en ce qu'il en pense. Il me semble auoir leu dans Lazie historien du Roy Ferdinand d'Austriche qui depuis fut Empereur, que les Goths sont descendus des Alemans, mais cela est avec aussi peu de raison comme les Alemans tiennent que les François ont pareille origine, à sçauoir qu'ils soyent descendus de la nation Germanique: veu que vous ne trouuez auteur quelconque qui soit digne de nom, ny homme de grand recherche, qui en ayt donné l'assurance telle que de raison, s'il ne veut dire, ce que Beat Rhenan maintient en la preface des liures de Procope, que l'isle de Scandie, où Scandinaue soit des appartenances de la Germanie, mais lors il n'y auroit rien d'incōuenient que, & les Lithuaniens, Russiés, & Moscouites ne fussent compris en ceste description. Quant à penser que les Goths soyent ceux mesme que iadis on appelloit Gethes, encore y

L'auteur a oublié les Goths & leur histoire.

Volphang. Lasie lin. 9. & 10. des remuemens des nations Beat. Rhenā. sur l'hist. de Procopie.

Procopie l. 1. de la guerre Gothique.

LIVRE TROISIEME

a il moins de propos, veu que Procopie secretaire de ce grand Capitaine Bellifaire, qui vainquit si souuent les Goths, n'en donne aucune assurance.

Scandinauie de laquelle parle Plin. li. 4. ch. 13. Pthol. li. 3. cha. 5. Tab. d'Europe. 7. Qui fait qu'on estime mesmes les Goths & les Gethes.

Mais d'autant que les anciens ont esté peu curieux de rechercher les choses, & que ce pais septentrional de Gothie & Suece & tout le trait que l'on estime (ne sçay si veritablement) insulaire en ce pais Scandinauien n'estoit parueniu à leur cognoissance quoy que Ptholomée y ayt recogneu ne sçay quel pais des Carbons voisins des Lapons iugez raisonnablemēt estre vers les Goths: ne fault festonner si apparoissant vne natiō si puissante parmy les Gethes, & y ayant ne sçay quoy d'aprouchant aux noms on a fait vn iugement egal de la chose mesme avec son appellation. Veue que c'est chose assurée que les Goths sortans de leurs pais & desirieux d'enuahir l'empire Romain ils se ruerent premierement sur les peuples voisins de la mer Venedique, & de là faisans les VVadales prendre le nom Goth

Mer venedique à present Finonique des Finiens peuple Scandien. Les Goths ne sont ny Alemans, ny Gethes, quoy qu'on dient Volatere Blond, ny Sabellique. Jean & Olaf grands Iornandez, tous Goths ont écrite ceste histoire.

prindrēt la route des Scythes, Gethes, Mysiens, Seruiens, Thraciens Grecz, & pour plus aisément donner affaires aux Emp. lors se tenans en Grece qui fut cause, que l'espandans en diuers pais & selon l'assiette des Prouinces, ils furent aussi nommez Visigotz & Ostrogots, ainsi que vous les lisez estre dits es histoires. Ainsi ne faut les estimer ny Alemans, ny Gethes, ny Thraces, ou Scythiens, non plus que François ou Espagnols, pour auoir couru, & faiszy pillāt les terres susdites, d'autāt qu'ils sont sortis sans aucune difficulté de ceste grande & spacieuse terre de Scandie, de laquelle ayant amplement parlē les deux Euesques Goths Jean & Olaf sur nommez grands & Iornandez Alain, il me suffira d'en limiter le pais & dire les mœurs & ceremonies, puis que c'est le sujet de nostre œuvre, car du reste il en fault a-

Description de Gothie & assiette de Scandie.

iouster foy à ceux qui en sont natifs & qui estans hommes de qualité & de marque ne peuuent estre regettez comme vains & flateusement amys de leur pais, peuple & Prouince.

Plin. li. 4. ch. 13. Solin. ch. 23.

L'Isle donc de Scandie, ou Scandinauie, le seul nom de laquelle a esté cogneu par Ptholomée est assise en la mer Germanique, où pour mieux parler Gotthique & si grande que Plin n'a doubté de l'appeller vn autre monde, tout ainsi que les modernes en font des terres occidentales decouuertes de nostre temps. Elle est presque de tous costez enuironnée d'un espace infiny de L'ocean qui represente en grandeur celle mer que nous disons mediterrannée, & laquelle separe l'Afrique d'avecques l'Europe. D'autant que vers le midy elle regarde le pais de Suece, & mer tirant vers l'isle de Finlandie, au Nord elle a les Biarmiens, au Ponant la Noruege, & à l'Orient elle voit le pais des Moscouites, par laquelle figure vous pouuez penser quelle doit estre l'estendue de ce grand pais, & si il merite le nom d'Isle ou terre ferme veu qu'il n'y a homme qui sçache encore dire où est le bout d'iceluy pour iuger de cela du costé du Nord, ou s'il se va point ioindre avec celuy de Bacaleos decouuert de nostre tēps, tout ainsi que les plus sages & aduisez ont estimé que le pais de Mangi & Quinsay, se correspond au iugement du Globe à la terre du Mexique, dequoy ie ne veux temerairement decider, m'en raportant ou à l'experience, ou au decret & saine ordonnance des plus excellens Geographes qui en parle-

Aussi Solin la dit tresgrande & qu'elle n'a riē de plus grand que soy mesme.

Doubte à dissoudre entre les Geographes.

ront par raison & non à la volée, ainsi que font vn ras d'ignorans, qui pour dire, ie le pense, & sans entendre les dimensions, osent toutes-fois dementir les anciens, & iuger des mesures où iamais ils ne sceurent que vault le mot de degré, & moins l'experience d'iceluy Globe de la terre.

Ce grand païs soit il Isle, ou terre ferme contient en soy trois royaumes assez spacieux, à sçauoir des Goths, Sueces & Noruegiens quoy que Procopie mette 13. nations & chascune gouuernée de ses Roys & Princes, mais nous deduisons simplement ce qui est de general comme n'ayans en deliberation pour le present d'en d'escire que les façons de vie: qui sont presque semblables, que fil y a quelque diuersité nous tascherons de la deduire.

Les Goths selon les escrits des anciens ont esté, & sont encore des plus beaux hommes de la terre tous bien proportionnez, & de stature digne & d'estre admirée & loüée: Car lors que Belisaire conduit Vittige Roy des Goths & plusieurs autres des seigneurs de ceste nation en Constantinople, il n'y eut homme en la cité qui ne sestonnast tant de la grandeur que de la beauté, proportion, lineamens & bienseance du corps des ces estrangers.

Mais entre tous ceux qui effigient naiuement les traits d'vn homme beau en toute perfection, fault lyre ce que Sidonie Apollinaire en escrit à Agricole parlant de Theodoric Roy des Goths: duquel il fait la stature moyenne, ny trop grande, ny trop petite, sa treste ronde en largeur, les cheueux crespes & blonds, les sourcils gentiment voutez de poil pendant assez bas, & les oreilles, à la façon du païs, couuertes de sa perruque: le nez vn peu Aquilin & crochu, les leures subtiles sans trop de carnosité, & la barbe fort espaisse, laquelle toutesfois il se faisoit arracher: la couleur blanche, & meslée d'vn honnestes vermillon, ressentât sa honte & modestie: & en somme le reste representant vn chef d'œuvre de nature: en quoy il recommande la beauté ordinaire qui faisoit ce peuple admiré de tous les autres.

Quant à l'accoustrement ils estoient fort braues & pompeux, veu que les seigneurs alloient ordinairement vestus de toile d'or, mais les autres & le populaire se couuroient de peaux & fourrures fort riches, ainsi qu'encor pour le present en vsent tous les peuples septentrionaux: mais oyons encor Apollinaire exprimant leurs habits lors qu'il parle de Sigismer Prince du sang royal des Goths, & de son equipage, qui dit ainsi à son Domitie: Toy qui te plais souuent à veoir & les harnois & les hommes qui s'acoustrent proprement des armes, ie suis en doubte, voire ie pense en mon esprit le plaisir que tu eusse pris voyant le Prince Sigismer vestu & acoustré à la mode & selon la coustume de son païs:

Deuant luy marchoyent des cheuaux bardez & chargez de pierrierie qui reluysoient donnans vn grand lustre à ses armes: & ce qui estoit le plus gentil que il estoit parmy ses gentilshommes à beau pied comme eux, & ayant l'habillement d'or, & de soye, & à cest ornement on voyoit vne grand blancheur accompagnée d'vne viue

*Voy Procopie lin.
3. de l'histoire des
Goths & de leur
beauté: Suetone en
la vie de Caligule
& S. Hierosme
à Sunie & Fre-
telle.
Sidonie Apolli-
naire li. 1. Epi. 2.*

*Abillement des
Goths, voy Pro-
cop. li. 2.*

*Apollinaire li. 4
à Domitie: epi. 21.*

LIVRE TROISIEME

couleur vermeille qui luy embelissoit le visage: Mais la contenance de ceux qui le suyuoient, seroit mesme en paix espouventable. Car leur chaussure aux pieds estoit premierement faicte de cuir velu en forme de guesres & triquehoules, sans que les genoux, ny vne partie des cuisses fussent couverts aucunement. A ce estoit adioustee vne robe courte & estroite, & de diuerses couleurs, qui à peine descendoit iusqu'aux iarets qui estoient à descouvert, & les manches de laquelle voiloient le bout des bras & la iointure des espauls. Leurs Hoquetos estans de verd, estoient bordeés & badeés de violet & d'incarnat, & leur pedoyent en escharpe de petits baudriers & courtes espées, par dessus des robes de peaux bouclees fort getimét. Le mesme habillement qui seruoit à les parer, estoit aussi fait pour leur deffence: & portoiēt en leurs dextres des vouges & espieux, & des dards à lancer là où à la gauche le bouclier estoit pour s'en couvrir, garentir, & targuer, & voila quant à l'habillement, & aux armes tiré de celuy mesme qui s'en dit estre tesmoing plus asseuré que de l'ouie: A cecy Claudian a iousté le Carquois, arcz & sagettes, & l'orneimēt des peaux pour s'en couvrir & armer la poitrine, comme d'un corps de cuirasse, disant que le pomeau de leurs glaiues estoit d'yuoyre, comme encor & Alemans & les septentrionnaux l'ont en vſage.

Les Goths ont eu de tout temps de propres caracteres à escrire, tellement que les enfans aprenans les lettres par mesme moyen estoient induits à reduire en leur memoire certains vers faits & en l'honneur de leurs dieux, & des hommes illustres qui auoyent fait quelque hault & excellēt fait pour la deffence de leur pais & nation, & non seulement les enfans, ains encor les hommes de marque lesquels à cause de ce deuoir & pour s'y monstrer scauans, & curieux à la recherche en gaignoyent & les royaumes, & dignitez & en estoient mis au nombre des dieux: Desquels ils en auoyent aussi belle multitude que le reste des Gentils, & ne s'en fault estonner, veu qu'ils descendent de celle race de Gog & Magog, desquels sont sortis tous les peuples septentrionnaux qui à bon droit ont porté le nom de Barbares.

Or le principal & plus grand de tous ces dieux estoit Thor, lequel ils paignoyent couronné & ayant vn sceptre en main, & douze estoiles autour de sa teste, comme gouuerneur du Ciel, & qu'ils estimoyent estre celuy qui lançoit les foudres en terre, qui auoit la puissance de la pluye & du beau temps, & qui deliuroit les hommes des malignes & peruerſes influences des astres: & à ce Thor ils dedient le Ieudy, qui a fait penser aux hommes de meilleur iugement que cestui-cy n'estoit, autre que Iupiter, ou Iane, veu qu'encor pour le present les Goths appellent Thor le moys de Ianuier, qui est le premier de l'année. Et estoit ce Thor accompagné de deux autres qui luy assistoyent, à ſçauoir Othim qu'on dit auoir esté Mars, auquel ils immoloyent les hommes, & Frigge qu'on estime Venus, quoy qu'ils la paignissent armée, mais cest à cause que tout sexe en ce pais la manie les armées.

Outre ces trois dieux susdits ils en honoroyent trois autres moindres, & sur tout vn nommé Methotin, qui fut en son temps vn fort mauuais garſon

Armes des Goths
le temps passé.

Claudian li. 2. cō-
tre Rufin, & au
li. de la guerre
Gothique.

Iean le grand li.
1. cha. 7.

Voy Saxo Gram.
des faits des Da-
noys.
Goths sortis de
Gog de Magog.
Ioseph. antiq. lin.
1. chap. 6.

Iean grand li. 1.
cha. 4. & du dieu
Thor. ch. 9. & sa
force & effigie.
Ianier appelle par
les Goths Thor.
Quel dieu est-ce
qu'Othim entre
les Goths, voy Sa-
xon gramm. Olaf
le grad. li. 3. ch. 3.
Venus armée, voy
Pausan. li. 3. laſt.
li. 1. de la ſauce
relig. ch. 20.
Dieux moindres
quels entres les
Goths, Olaf. lin.
3. cha. 4.

garson & tel que sont les Atheistes, & heretiques qui font vne idole de leurs fantasies: ce galant estoit grand magicien, comme tout ce peuple septentrional a esté adonné à ceste vilennie & detestable superstition, lequel occis par le peuple, emporta neantmoins le nom de diuinité: tout ainsi que Froé deuant l'idole abominable duquel on sacrifioit les hommes à l'imitation des Scythes à leur Diane Taurique, estoient encore adorez Vagnosth & Hadingue, comme iadis à Rome & à Lacedemone, Castor & Pollux, ainsi que deux souuerains compagnons de Thor, & Othim, presideans aux guerres, & departans les victoires. Rostich lequel pour auoir surmonté de son temps tout autre en la science des diables, fut mis en pareil ranc qu'un Mercure à Rome, en Grece, ou en Egypte.

Rostar fut dieu aussi cruel qu'Othim, ny Froé, d'autant qu'on ne le pouuoit apaiser qu'avec l'effusion de sang humain, de ceux qui estoient vaincuz par les Goths en bataille. Je laisse à part les folies qu'ils croyoient que les vns dieux chastiaient les autres, veu qu'en cela ils se monstroient auoir esté instruits en la sorte, & superstitieuse religion, & foy des Grecs anciens, & qu'un ayant fait quelque faute estoit chassé des Cieux, ainsi qu'on dit que fut Apollon par Iupiter, ayant donné la charge du chariot du soleil à Phaeton son fils. Mais leurs sacrifices estoient autant cruels que meschans, & abominables: veu qu'ils suffoquoient un homme dans vne fontaine voisine du temple, & puis l'alloyent pendre à la prochaine forest, l'estimans pour auoir esté la plaisante victime de leurs dieux que celuy mesme fut mis en leur nombre: voire les roys, si le sort tomboit sur eux s'estimoyent bien-heureux de mourir en ceste sorte. Et fut iadis ce peuple si superstitieusement miserable, qu'oyant tonner, il pensoit que d'autres dieux s'attaquassent aux leurs, & pour ceste occasion ils faisoient vn grand bruit & tintamarre avec de gros maillets de fer, sur des vases de Bronze, taschans d'imiter par ce moyen les tonnerres, & estimans ainsi deliurer leurs Heroz de la furie & assaut de ceux qui les assailloyent. Et dura ceste folle façon de faire iusqu'en l'an de nostre salut. 1130. que Magnus Roy Goth abolist ceste coustume, pour laquelle il fut estimé du peuple payen, comme sacrilege, & ennemy des dieux, hay & maudit de tout le monde.

Allans en guerre ils sacrifioient des cheuaux comme les Scythes, l'ayant apris d'eux, ou l'ayant montré aux autres, & en portoyent les testes au bout de certaines Perches, ou Lances, avec vne grande entr'ouuerture de la gueule, comme si la beste vouloit engloutir quelque chose. C'a esté pitié iadis, de voir comme sathan tenoit ce miserable peuple esclaué en les liens, & comme iusqu'aux simples femelletes en tout ce pais Scandinauien il n'y auoit personne qui ne fut estrangement adonné aux charmes, enchantemens & sorceries: de cecy, à cause que Iean, & Olaf surnomez grands, & tous deux Goths, & euesques de la cité d'Vpsale en leur pais, en ont assez parlé, & que tous les historiens tant sacrés que prophanes ont amené plusieurs exemples de ces choses avec l'effait (quoy qu'abusé & cauteleux) de telle science, nous en passerons outre, & poursuuons ce qui est plus plaisant & sortable pour nostre matiere. En Scandie

Methotin magicien adoré pour dieu.

Froé autre magicien se faisoit immoler les hommes.

Vagnosth. & Hadingue dieux de la guerre.

Rostich, dieu des ruses.

Rostar estimé estre Saturne.

Opinions que les dieux chassent l'un l'autre, voyez les poëtes Grecs & latins.

Apollon pourquoy chassé du Ciel.

Sacrifices des Goths semblables, à ceux des Thraces à leur dieu Zamolxis. voy Herod. 4.

Goths imitant le tonnerre & pourquoy.

Magnus Roy Goths osta celle superstition.

Tout ce cartier Boreal auoit presque mesmes façons de faire.

Scandinauiens tous suets à estre sorciers.

Olae liu. 3. Iean le grand. liu. 17.

LIVRE TROISIEME

Mœurs des Noruegiens sauvages.

du costé de Noruege, le peuple y est fort sauvage, & estrangement cruel, viuant dans des Grottes, & cauernes, à cause de la continue des neiges qui tiennent le pais couuért, & se nourrissent de poisson & de sauuagine, & sont si desians qu'ils n'ont garde d'acoster homme qui vienne surgir en leur terre pour y trafiquer, craignans tousiours qu'on les vueille trahir, & que les suruenans soyent des voleurs & Pyrates escumans la mer pour les conduire en seruage. La plus part de ceux cy, (imitans les

Nomades vers la mer Caspie. voy Herodote.

Nomades, qui habitent pres la mer Caspie) ferment leurs cauernes de Clayes & palyz enlassez de rameaux, & ioncs de mer, ou de mousse recueillie parmy l'aspreté des rochers, leurs armes sont arcs forts & roides, & des iauelines ayant de petits crocs en forme d'un petit croissant, ayans les vns des corselets non de fer, mais de peaux d'Asnes sauuages, ou Alces, & de Rangiferes: & sont les plus adextres, & legers hommes qui se puissent trouuer sous le Ciel: aussi de tout temps les Goths ont esté estimez des plus braues, & subtils archers du monde, ce qu'encore

Asnes sauvages & alces, & Rangiferes en tout ces pais septentrionaux

imitent ceux de Finnie, car les Sueons, ou Sueciens s'aident fort d'halebardes, piques, & iauelines: les Goths de ce temps portans vn Casquin court & les chausses estroites, là où les Sueons imitent la superfluité Alemande tant es deschiquetures que largeur de leurs chausses & habits, mais les Lappons, desquels nous dirons encor quelque cas, se vestent des peaux des bestes que nous estimons deça si precieuses, non qu'ils se soucient de s'en parer, ains seulement pour la necessité, & à fin de s'en armer contre la froidure: n'ayant ce peuple Barbare autre chose deuant les yeux que la cruauté, & plaisir du corps, & estant encor abreuué de l'abomination des idoles.

Abillement des Goths à present, & leurs armes.

Lappons peuple cruel, & idolatre.

Description de Lappie.

Et à fin de ne rien laisser en arriere faut sçauoir où est ce que est l'habitation de ce peuple: le pais de Lappie est party en oriental, & occidental, ayant la mer Bothnique qui en fait la separation, qu'on appelle aussi le goulphe de Suece, ayant sur l'extremité la cité de Tornie, vers l'Orient elle confine au Lac dit blanc, tirant à la Biarmie, vers le septentrion luy est la Scrisinie s'estendant aux terres incogneuës, au Ponant elle voit l'Isle d'Islande, & sauoisine d'une partie de Noruege, là où au midy elle touche & l'autre Noruege, & le pais & royaume de Suece, vers l'Orient les Lappons sont Chrestiens, & honorent saint André ainsi que font les Moscouites: & les occidetaux, comme dit est, sont presque tous idolatres: peuple fort nerueux de belle taille, adroits & agiles au possible, & sur tout comme j'ay dit à tirer de l'arc, veu que les enfans dès que sçauent cheminer, n'ont rien à manger, si premierement ils n'attaignent & visent droictement sur leur desieuner, & se tiennent en des loges & tabernacles aisez à transporter, comme ceux qui changent souuent de cartier, & ne viuent d'autre cas que de pescherie & sauuagine, dequoy ils ont en grand abondance, fins & subtils, mais lourds en parole, & en lieu de cheuaux vsans de Rangiferes, beste ayant la couleur & proportion d'un asne, longle fendue, la forme & ramure semblable à celle d'un cerf, sauf que les andouillieres en sont plus couuertes, & que les branches ne sont en si grand nom-

Voy Damian Goez. Portugais. S. André honoré par les Lappons & Moscouites.

Vie des Lappons.

Rangiferes quel animal.

bre au Rangifere: Ce peuple adore le feu & les statues de pierre, adonné à diuination, comme celuy qui predit les choses qui luy doiuent aduenir tout le long du iour par le rencontre de la premiere chose qui se luy represente: ils obseruent fort religieusement le mariage, & sont iailoux au possible, & enchanteurs outre toute foy, si l'on vouloit vous en deduire ce que ceux, qui se disent l'auoir veu, en tesmoignent.

Ce peuple vit fort pacifiquement, & quoy qu'il soit furieux, & fort vaillant en guerre, si est-ce qu'il ayme la paix, & simplicité, detestant la conuioitise, & ne sçachant que c'est que de larcin ou pillerie, ny voulant en rien frauder son prochain.

Et ayans besoing de biens portez d'ailleur, ils y vsent de permutation & change sans dire mot, mais tout leur trafic se passant par signes, ou l'or & l'argent ne seruent pour l'achast, ains avec des peaux precieuses esquelles ils abondent, des draps, toiles, & poisson, ils achètent ce qui leur est necessaire, comme froument & sel ou le poids ny la mesure, ains l'œil y fait le pris, qui est, comme i'ay dit, d'une chose pour autre, & honorent fort leurs Bergchara qui sont les Iuges & Presidents pour les roys de Suece & de Noruege, qui sont seigneurs chascun d'un costé de la Lappie.

Leurs foires se font ordinairement sur les Lacs glacez qui dure la plus part de l'année, & sur tout au Lac gelé dit Meler, & ceste foire comence dès les roys & là si les choses tendent à la guerre, ils n'ont garde de rien vendre qui soit bon pour les viures, tant ils sont soigneux à pouruoir à leurs affaires. Contractant leurs mariages, c'est par le feu que le signe en est donné le tirans avec un fusil de la pierre, signifiens par le feu caché en ce caillou la viue & ardente liaison de ceux qui sont conioints par ce lien indissoluble, voire ceux qui sont Chrestiens font si grand compte du feu, qu'allans espouser à l'Eglise, il n'y a aucun qui ne porte de beaux cierges allumez, qu'ils offrent au Prestre avec de forts riches dons & presens.

Ils vestent leur espousée de martres subellines la mettans sur un Rangifere paré de mesme, & la conduisent en chantant & dansant à la maison & couche de son espoux: lequel estant vestu de peaux de Louceruier, cherissant l'espouse avec grande honnesteté, & avec tel respect, ou plus (peult estre) que ne font les Chrestiens les mieux apais & civilisez.

Leurs dances qui se font de nuit, à cause qu'estans sous l'aspreté du septentrion, ils sont la plus part de l'an en tenebres continuelles, comme aussi une autre partie ils ont le iour qui leur fait ordinaire clarté, leurs dances (dis-je) nocturnes sont fort estranges, car ayans banqueté gaillardement, ils ont des ioueurs d'instrumens qui chantent & sonnent avec une façon si piteuse, les gestes de leurs ancestres & les proiesses des Princes & Geans de leur pais, que plorans & gemissans, & vilans comme saisis de quelque transport se laissent aller par terre tous esperdus & comme esuanoüis, & tout aussi tost les sonneurs recommencent leur chant plus gaillard, qui les fait esueiller de

Le feu adoré par Lappons idolatres

Diuination des Lappons.

Simple conscience des Lappons. Olaus liu. 4. ch. 5.

Marchandise des Lappons.

Ainsi en vsent en la Taprobane, voy Plin. li. 6. c. 22. A qui est suiette la Lappie.

Foires des Lappes

Lac de Meler.

Mariage des Lappons par le feu.

Ceremonie des Lappes Chrestiens aux nopces.

Dances tristes des Lappons.

LIVRE TROISIEME

*Lapons pleurent
ceux qui naissent,
et se resioyissent
à la mort.*

*Lapons travail-
lent plus la nuit
que le iour.*

*Voy Iean grand
en supreface. ch. 5.*

*Voy Saxo Gram.
en sa Danie.*

Biarmie ou posée.

*Biarmies sorciers
Et idolatres.*

*Assiette de Fim-
marchie.*

*Bon air de Fim-
marchie.*

*L'egueur des iours
et nuits en Fim-
marchie.*

*Scriefinie du tout
septentrionale.*

cest estonnement & palmoison. Et leur procede ceste tristesse de ce qu'ils ne peuuent au pris de leur vie imiter ceste vertu de leurs ancestres en defendant l'honneur des filles, & punissant les rauisseurs & voleurs de la pudicité des dames: & s'esioyissant au trespas de leurs amys, tout ainsi qu'ils se contristent à la naissance de leurs enfans, ainsi qu'auons dit estre iadis vsé en Thrace. Et est ce peuple plus assidu au travail durant la longueur trimestre de la nuit, soit au ray de la Lune, & des estoiles, où à la clarté de la chadelle & des lampes, ou en lieu d'huile ils vsent de gresse de poisson, que nō pas lors que le soleil les tient en lumiere vn semblable, ou plus lōg temps. De la durée des iours & des nuits en ces païs septentrionaux ie m'e passe legerement, & mē suffir de la toucher en passant à fin que le lecteur en soit aduerty, & que s'il en veult sçauoir d'auantage, qu'il lyse ceux d'ou ie l'ay tiré, à sçauoir les Euesques d'Vpsale Iean & Olae, qui le pourront satisfaire, & voila quant aux Lapons.

Ne fault laisser la Biarmie sans en dire vn petit mot en passant, laquelle est du tout septentrionale estant en son Zenith sous le Pol Artique, & est diuisée aussi en deux parties deça & delà les mons: le païs y est fort beau & fertile, mais le peuple se soucie fort peu de le cultiuer, à cause de la grande abondance de poissons, & sauuagine, à laquelle nourriture estans acoustumez, ils n'ont guere grād affaire de pain. C'est la natiō la pl' forcieri de sous le Ciel, comme ceux lesquels (ainsi que les poētes chantēt de Medee) confondent par leurs charmes, la face seraine du Ciel, y meslant des nuages si espais, & des tenebres si caligineuses que la nuit plus sombre, n'y sçauroit rien faire à l'esgal en obscurité, idolatres au possible & sans aucune cognoissance du vray dieu, sçachans enforceler les hommes du seul regard, & les tourmentent de telle sorte, ou par l'œil, ou avec la parolle qu'ils les rendent tous hors de leur sens, & si maigres, que bien souuent ils se consomment petit à petit, & finent en grād langueur. La Fimmarchie est region occidentale regardant les bords de la mer glaciale, & quoy que l'air y soit tousiours froid, comme il est en toutes les Prouinces par delà, si est-ce qu'il n'est aucunement nuisible, ains de telle temperie que les poissons, qui est leur nourriture, y durent sans estre salez vn fort long temps dessechez par la seule force de l'air. Le iour y dure depuis le 25. de Mars, iusqu'au 15. de septembre sans qu'no y voye vn seul signe des tenebres de la nuit, laquelle commençant apres ce long iour, & continue le mesme espace avec vn grand peril de ceux qui nauignent, qui s'y mettent en grand danger allans à l'obscurité à cause des rochs & escueils qui sont cachez sous l'eau tout le long de celle plage.

Les hommes y sont beaux, de belle stature, & fort robustes, vaillans en guerre, comme ceux qui ne sçauent que c'est que d'aïse, ny d'oïsiuēté, & est grand dōmage que tant de peuples auoïfinez & regis de Roys Chrestiens, soient encor enuelopez es tenebres de l'ignorance, & ne cognoissent le vray dieu pour les oster de la seruitude de Sathan qui les detient en vn auenglement si miserable. Je laisse là Scriefinie tant pour estre peu cogneue que pour l'assiette, marchifant à la mer glaciale du costé le plus septentrional: & ne discours de la Bothnie, & Noruege à cause que

les Sueons, & Gothz Bithoniens, & Noruegiés, sont presque vñs de mesmes mœurs, quoy que gouuernez bien souuent de diuers Princes. Reuenons donc aux Gothz lesquels de tout temps ont esté adonnez au fait de la guerre, & tellement qu'il n'y auoit querelle qui ne fut vuidée par les combats, comme aussi il a esté obserué, & par les François, & par les Alemans, iusqu'à ce que & les Papes y ont pourueu par decretz, & les Roys par ordonnances voyans le preiudice que cela portoit à la republique Chrestienne. Entre les Gothz la loy y est inuiolable, que vn homme apellé au combat par vn autre n'oseroit le refuser, que s'il le fait, outre que il deschoit de son droit, encore est-il infame, & desgradé d'armes pour toute sa vie. Lors que les Gothz ont roy de leur natiõ, il est fort honoré, & se fait porter en chariot, ou coche, tiré par des cerfs à ce accoustumez, ainsi que nous faisons conduire les nostres par des cheuaux: & n'estoit permis à pas vn de s'vsurper la royauté sans le consentement du peuple, qui apelloit à ceste dignité ceux qui luy sembloient plus dignes & iustifians: & ainsi quãd les enfans du Roy decedé, se monstroient vrayz successeurs en vertu de leurs peres, on les esliõit aussi pour estre Roys, & si au contraire ils degeneroyent vn autre meilleur, & plus prouffitabile que eux, estoit mis en leur place. Et avec ceste sagesse en l'election, ils ont iadis fait de si belles & remarquables conquestes, auxquelles à beaucoup aidé celle grande sobriété qui les rendoit louables, souffrans aisement toutes les incommoditez, qui accompagnent ordinairement ceux qui suyuent le mestier genereux des armes. Or estans Scythes aussi biẽ que sont les Moscouites & autres leurs voisins, aussi auoyent ilz & les mœurs & la vaillance des Scythes: dequoy se vante Arée roy des Gothz, escriuant à Philippe roy Macedonien, quãd il dit: Tu commandes sur les Macedoniens, hommes nez, & vaillans aux armes, & moy sur les Scythes qui sçauent endurer la soif, & la faim quand il est besoing. S'ils ont en rien esté moindres en courtoisie, que pas aucune de ces nations qui semancipoyent iadis du nom & tiltre de Barbares, estans & iuges & parties en ceste cause, ie suis content de m'en rapporter au iugement de ce bon Euesque d'Auuergne, Sidonie Apollinaire quand il dit: que les Gothz les iours des festes venans à banqueter, ne faisoient rien qui ressentist la superfluité, veu qu'on n'y voyoit point vn sommeillier n'emplissant les tasses se pourmener à my-triste à l'entour des tables, ains tout le plus grand ornement du festin, c'estoyent les graues propos tenus durant le repas, tellement que, ou l'on gardoit vn merueilleux silence, ou l'on y discouroit des choses serieuses & qui estoient de grand conséquence: & ou les viandes estoient plus exquises eu esgard à la gentillesse d'icelles, qu'à la superfluité du pris: & en somme, dit ce bon Euesque, vous y voyez la sçance des Grecs, l'abondance des Gauloys, l'Italienne soudaineté, vne pompe publique & priuée diligence & vne modeste discipline du Prince. Si les Goths ont esté si Barbares que aucuns les ont paints, ie ne veux d'autres tesmoins que les saints mesmes qui ont vescu de leur temps, mesme S. Augustin, qui es liures de la cité de Dieu en fait le discours assez ample parlant d'Athanaric qui saccagea la cité de Rome à cause de la trahison faite aux Gothz par les menées de Stilicon: & que on voye avec

*Loy des Gothz
sur les combatz.
Jean le grand. li.
2. chap. 8.
Chariot conduit
par des cerfs.*

*Comme les Roys
sont apellez à l'e-
stat entre les
Gothz.*

*Gothz, sobres en
leurs actions.*

*Plutarque en la
vie de Philip.
Arée roy Goth
au roy Macedo-
nien.*

*Sido. Apollinai-
re li. 1. epist. 2. à
Agricole.*

*Gothz, courtoys
& modestes.*

*Roy S. August.
cité de Dieu. tout
le 1. liure.*

LIVRE TROISIEME

*Voy Procopie. li.
3. de l'histoi. des
Gothz.*

*Lombardz sortât
de Scandie enui-
ron l'an de grace*

383.

*Meschanceté de
l'Emper. Valens.*

Paul discret li. 1.

*Voy Iornandez.
Goth.
Premier voyage
des Gothz.*

Second voyage.

*Appian. 2. des
guerres civiles.
Beristh Roy, &
legislateur des
Gothz. Iornan-
dez.*

*Jean le grâd li. 3.
chap. 17.*

*Troisiesme voya-
ge des Gothz.*

*Gothz. assaillis
par Alexand. le
grand.*

*Voy Arrian. &
Strabon 7.*

*Estiène Bisantin
liv. des villes.*

*Voy Suet. Tran-
quille en la vie
d'Auguste.*

Strabon 8.

*Quatriesme voy-
age des Gothz.*

Quelle douceur Totile, q'on fait si extrauagât é cruauté, vîa à l'édroit des Ro-
mains lors qu'il prist la cité de Naples: & avec quelle grace il receut à Ro-
me, l'ayant prise Pelagie le plus grâd ennemy qu'il se pensast auoir en ce
môde, afin qu'on voye, que ceux qui à present veulent estre nômez cour-
tois, surpassent les Gothz en descourtoisie. Et afin q'ie paracheue le tout
i'ay dit que les Gothz furent idolatres, & quelz dieux ils adorerent, mais
ilz receurent le baptesme, lors que les Lombards passerent la mer pour
venir en Italie: mais depuis, n'estans encore bien confirmez en la foy fu-
rent gastez par la meschanceté de l'Empereur Valens, qui leur donna des
Euesques infectez du venin de l'heresie des Arriens: en laquelle ilz ont
vescu fort long temps, tant en Italie, Aquitaine, que Espaigne, où ils com-
mandoyent, iusqu'au temps du bon Roy Reccarede, qui chassa les mini-
stres Arriens, & receut la foy de l'Eglise Catholique & Romaine, où ses
successeurs ont perseueré iusques au iour present. Ainsi ayans discoursu
des mœurs & de la religion, reste l'autre point à vuider, qui sont leurs cô-
questes, afin de voir le changement des choses, & la force extreme de ce
peuple. Il appert assez par les histoires que la Scandinauie a esté estrange-
ment fertile en peuple, veu que si souuent si grandes armées en sont for-
ties, & lesquelles ont & attaqué, & subiugué de si braues & superbes na-
tions. Premièrement sortans de l'isle septentrionale de Scandie, se ruerét
sur le païs voisin de la mer Baltée, & nommerét les isles voisines de Suece
de leur nom telles que sont Gothland, Schonland, & Finlâd, & d'eux aussi
prist tiltre le Royaume de Gothie. La seconde expedition, fut lors que
passans en la Germanie, ils occuperent le pays qui est arroulé du fleueue
Vistule: ce qui aduint lors que Sylle estoit dictateur à Rome: à quoy don-
ne grand preuue ce qui est dit en Appian, que Cesar dictateur feit la guer-
re aux Gothz: & fut chef des Gothz Berist: lequel Iornandez dit auoir es-
té legislateur des Gothz. La troisieme course de ce peuple, ne pouuant
viure en repos, ou bien estant en trop grand nombre, fut lors qu'ils passe-
rent en Dacie, à present Transylvanie & Valachie, qui a esté cause que
ceux qui n'ont point recerché les choses de loing, ont estimé les Gethes es-
tre l'origine des Gothz, comme ainsi soit que les Gothz soyét autres que
les Gethes, entant qu'ilz occuperent ce pays le long du Danube, & le tin-
drent brauement contre les courfes & assauls, tant des Lacedemoniens
que des Romains, iusqu'à ce que allans contre Valens Empereur, ilz pas-
serent outre. Et de cecy Arrian descriuant la vie du grand Alexandre fait
mention, si bien qu'il dit les Gothz festre preualuz contre les forces du
grand Alexandre. Là se tenans ils ont donné de grans affaires aux Ro-
mains: tellement que Auguste pour gaigner le cœur de ce peuple farou-
che, tascha de donner Iulie sa fille en mariage au prince des Gothz, mais
ceste alliance ne peut estre de longue durée, soit que l'Empereur y allast
de mauuaise foy, & voulust sous ce pretexte trôper & amuser les Gothz,
ou que eux se desians pour ceste si grande gracieuseté, ne voulussent que
vne estrangere portast tiltre de Roynie de leurs terres. La quatrieme
saillie & changement de terre par eux faite, fut lors qu'ils se ruerent sur la
Romanie (iadis Thrace) pour se voir trop opressez de subides, & affligez

par les garnisons imperiales:ioint que voyās puis apres qu'il y faisoit beau pour s'emāciper de telle feraitude, estans les Empereurs detenus en guerre contre les Alemans,ilz feirent ceste belle entreprise. Et la plus grande & vrgente necessitē de ce faire, fut que les Huns leur coururent sus, conduitz par Balamber, auquel ne pouuās resister, pour auoir perdu leur roy Ermanaric,laissent la Transylvanie & Hongrie, ayās obtenu des Emp. Valentinian & Valens le pays de Thrace, souz tiltre de tribut perpetuel. Mais Eutrope est d'aduis contraire à cestui-cy & raporte ce changement de païs à la discorde qui fut menē entre les princes Gothz Fridiger & Athalarique,& de laquelle discorde fut causē la difference des noms des Gothz,en Ostrogothz & Visigothz,les vns nommez orientaux,& les autres Gothz de l'occident.Leur autre & cinquiesme retraite fut en Pannonie & Seruie,Bosne,Rascie & Bulgarie,espondans tellement leur puissance que du temps de Theodose le ieune,ilz tenoyent presque tout l'Empire d'Occident en main : iusqu'à ce que Attila Hun les surmonta, mais luy decedē, ils semāciperent de la suietion de ses enfans & coururent toute l'Esclauonie, faisans alliance avec les Romains ausquels ilz donnerent secours contre les Sarmates, & tenoyent tout iusqu'au lieu où à present est posē la grande & riche citē de Venise.

Le sixiesme cours des victoires des Gothz fut en Italie, en laquelle ilz vindrent à diuerses fois : Premieremēt souz Rhadagaise, homme felon & idolatre, contre lequel les Romains apellerent les Huns à secours, mais Dieu qui ne voulut que ce tyran vint à parfaire ses desseins, qu'il auoit de ruiner l'Italie,& cōsacrer les corps des siens à ses Dieux le ruina, & le mit entre les mains des seruiteurs de l'Empereur. Ce voyage n'ayant succedē à Radagaise,Alaric Roy des Visigothz vint en Italie, regnāt Honorie, lequel feit vn estrange sac de tout ce beau pays,l'escole iadis de toute ciuilitē,saintetē & courtoisie, lequel prist & saccoagea Rome, sans souffrir toutesfois qu'on feit aucune violēce,ny aux saints lieux,ny à ceux qui estoient de l'ordre ecclesiastique, ou qui se retiroient à garant dedans les Eglises.

Le troiesme voyage en Italie, fut par Vidimir soudain apres la mort d'Attila Hun, mais adoucy par l'Empereur qui luy feit de grans presens laissant l'Italie passa en Gaule, & se joignant avec les Visigothz se tint & là & ez Espagnes. La septiesme & derniere arriuee en Italie,fut celle de Theodoric souz Zenō Empereur. Lequel Theodoric en ayant chassē Odoacre roy des Herules y fonda l'estat,& repos des Goths iusqu'au temps de Iustinian le grand qui leur donna de grands assaultz par Bellisaire, & autres ses lieutenans, iusqu'à tant que les Lombards en chasserent les reliques : & ce pendant Vidimir & Vallie festoyent agrandis ez Gaules, & Espagne.Mais auant que passer outre:ie ne veux de tant flater noz annalistes François, que ie leur accorde vne si extreme puissance pour les premiers roys sortis de Pharamond,que il semble qu'ilz vueillent emanciper tout le corps Gaulois, d'autres coureurs que de ceux desquels on nous donne, ne scay si à bon droit,le nom à present, comme ainsi soit que les Gothz tinsent la meilleure & plus belle partie des Gaules. Et qu'il soit vray,ie puis alleguer plusieurs historiens, comme Iornandez parlant du

Voy Vopisque, en la vie d'Aurelian.

Voy Ammian Marcel. liu. 31. Et Claudiā ē la guerre Gothique.

Eutropel. 12.

Pannonie c'est le pays d'Hongrie, & d'Autriche. Voy Spartian, Et Trebellie Pollion en la vie de Galien Emp.

Voy Sidonie ex Panegiriques, & Claudian 4. Panegi pour Honorie Emp. Sixiesme course des Gothz fut en Italie.

Voy Jean Damascene au supplement d'Eutrop. Et Paul diacre 3. De Radagaise. Ecor Jean le grand liu. 15. ch. 7. Rome prise par Alarich.

Vidimir Roy Goth. voy Iorn. Septiesme course des Gothz.

Ce fut environ l'ā de grace 482.

Paul dia. liu. 6. Blond. dec. 1. li. 3.

Odoacre s'estoit fait roy d'Italie.

Vallie, Et Vidimir en Gaule & Espagne.

Jean Damascene au supplement de Eutrope.

Iornādez, Goths.

LIVRE TROISIEME

Roy Rhiotime gouvernant la Bretagne, & tenant le party des Romains, lequel fut vaincu par Euric Roy des Visigothz, qui tenoyent vne partie des Gaules, & lequel ayât fuiuy son ennemy iusqu'en Bourgoigne, lequel pais estoit allié des Romains, s'en alla en Auvergné, où il prist la cité principale, que ie pense estre Clermont. Cestuy me sembleroit suspect, cōme aussi feroient Iean & Olac, tous deux euesques : si encore vn prelat saint & croyable & Gaulois de nation, à sçauoir Sidonie Apollinaire, ne m'en donnoit assurance, & ne me faisoit vn denombrement des pais vsurpez en Gaule par ceste nation Gothique. Or voicy comme il en escrit à Grec Euesque. Ce sont les Auvergnats qui par leur gaillardise & propres frais, ont souuent resisté à la force & efforts des ennemis publics. Lesquelz se voyans assiegez par les Goths ne se sont estonnez en sorte quelconque, quoy qu'ils serussent despouuement à l'ennemy, qui les tenoit à son aduis enfermez en grand destresse. Et de ce mesme assault il en aduertit Agrece Archeuesque de Sens : mais escriuant à Basile il specifie mieux les matieres, disant: Et iagoit que le Roy des Goths soit terrible à cause de ses forces qui sont & grâdes & espouuētables, si est - ce qu'il me semble qu'il ne fait pas tant la guerre aux loix & puissance des Empereurs Romains, comme à la religion & ordonnances des Chrestiens, le voyant si aspre ennemy du nom des Catholiques, de sorte qu'on ne sçauoit dire où est-ce qu'il tend le plus, ou à mettre l'Empire es mains de ceux de sa nation, ou cōtraindre chacun à sa secte & heresie. Aussi à Bordeaux, Perigueux, Rhodéz, Limoges, Caors, Bazas, Cominge & Aux, & en vn autre grand nôbre de villes & citez, on ne voit rien que le massacre des saints prelatz & euesques, sans que aucun soit mis en leur place. Par là vous voyez quelles terres les Gothz tenoyent en Gaule possedans la Gascoigne, Perigort, Roergne, Limosin, Quercy, Armaignac, les Lâdes & Cominge, contre l'autorité de celuy qui dit que il n'y a que 500. ans que celle terre est habitée. Quand aux Espaignes, c'est chose seure qu'ils les ont possedées & que les Roys d'Aragon & Castille, les Comtes de Barcelonne, & presque toutes les illustres maisons de Nauarre, Castille, Aragō, & Cathaloigne sont sortis de ceste nation belliqueuse, laquelle fut chassée de là par les Mahometans, comme nous dirōs en l'Espaigne. Mais en la Gothie à present, comme ce peuple septentrional a esté leger à conceuoir les opinions, & ce par le moyen des Roys de Suecē & Dannemarch, l'impietē de Luther y a pris place, afin que la succession maudite de Gog & Magog, ne cesse de persecuter l'Eglise, comme de long temps elle sy est accoustumée.]

*Sido. Apoll. lin.
6. epist. 8.*

*Agrece Euesque
de Sens.
A Basile epist. 6*

*Pais possédé par
les Gothz. en
Gaule.*

*Rois d'Espaigne
descendus des
Gothz.*

*Gothz. à present
Luthériens.*

De la

*De la Russie ou Ruthenie, & des mœurs des Russiens telz qu'ilz
sont à present. Chapitre 7.*



Le pays de Russie, que les Latins appellent Rhutenie, & Podolie est diuisée en trois, à sçauoir blanche, haulte & basse Russie, & est vne partie de la Sarmatie, s'estendant vers le país de Poloigne, & enclose par le fleuve Peucé du costé de Septentrion, vers son leil leuant par la riuere Mosche, & au couchant luy sont proches la Liuonie, & Prussie, dernieres prouinces de l'Alemaigne. L'estendue de la lógueur de Ruthenie, ou Roxolanie (car ainsi est elle encor appellée) est de huit grandes iournées depuis le fleuve Tanais iusqu'à L'océan septentrional: & puis dés la mer Liuonique, iusqu'à la mer Caspie, qui est sa latitude, il y a pres de cent iournées.

[Or y a-il diuerses opinions sur le nom Russien, entant que plusieurs estiment qu'il soit venu à ce peuple, d'un Russe frere, ou neveu de Lech Roy de Poloigne, tout ainsi que si celuy eust esté Prince des Russiens. Autres tiennent que tout le pays à pris le nom d'une fort ancienne ville portât ce mesme nom, ainsi qu'en plusieurs endroits les villes capitales donnent le nom à toute vne Prouince. Mais les Moscouites ont bien diuerses opinions & tiennent que le nom vient de la dispersion de ce peuple, d'autant que Rossieia en langue Rothenique, signifie ensemencement diuers, & dispersion en plusieurs endroits, estant ce país habité comme d'un meslange à demy confus de diuers peuples. Ce qui est vray semblable, qui lyra ce qu'é dit Iornandez Alan, lors que parlant de la seconde expedition des Gothz, il les fait entrer en la terre des Scythes par delà la mer Balthée, laquelle il dit estre marescageuse, mais fort abondante & fertile, ce qui accorde bien avec le naturel, & assiette de la Moscouie,] Car ce país est si gras & fertile que pour peu qu'on y remue la terre en la cultiuant, & qu'on y sème le grain par dessus, elle portera trois ans de suite, sans qu'il la faille, ny laisser en repos, ny l'amender, & engreffer tous les ans: ains dès aussi tost que on a coupé les bleds, il ne fault que secouer les gerbes, & de ce grain il en fort abondamment ce qui suffit pour l'année suiuite. L'herbe pour le pasturage y croist si haulte, qu'il n'y a baston si hault qu'elle ne surpasse: & la diuersité des fleurs telle & si soëue q les abeilles, & mouches à miel, y sont en telle abondance, que elles font leur miel non seulement és ruches que on leur prepare, ou dans les troncs des arbres, ains encore les rochers, & ca uernes de la terre, leur seruēt pour y enserrer leur riche mesnage. C'est de ce país là que viennent ces grands moules & ronds de cire, qu'on porte par deçà & est fournie presque toute l'Europe du miel & cire de Moscouie. Les estâgs de ce país là ne sont point peuplez par les habitans, ains dit on que les poissons y sont produits par la seule faueur, & influēce du ciel.

Le lac qu'ils nomment Katzibée leur fournit du sel à suffisance, & le recueillent lors que l'eau s'escoule, & le laisse à sec pour la cueillette duquel les Moscouites ont guerre souuēt avec les Tartares. C'est cas merueilleux que en la Prouince qu'ils nomment Chelmen, si vous y coupez des Pins,

Podolie est sur l'extremité de la Sarmatie d'Europe. Voy Pthol. li. 3. ch. 5. tabl. 7. d'Europe.

Limites de Russie

Les Mosconites sont appelez par Pomp. Mele. li. 2. Hamaxchites.

D'où vient le nom de Russie.

Voy Sigismond liber. aux Commentaires de Mosconie.

Rossieia signifie dispersion.

Iornandez, ex choses Gothiques.

Grand fertilité de Russie.

Abondance de Cire & miel en Russie.

Lac Katzibée est en l'Asie, & par delà le Tanais pres du royaume de Cambalu vers le nord.

LIVRE TROISIÈME

*Troncs d'arbres
reduit en la dur-
té d'un rocher.*

*Ionc odorant en
Russie.*

*Circuit de la grãd
citè de Moscouie.
Voy Paul Ioue
en son traité de
Moscouie, & Si-
gismödliber. en ses
commentaires.*

*Estrange façon de
venir aux digni-
tez.*

*Grãdes forces du
Moscouite.*

*Armes des Mos-
couites.*

*Nô royal odieux
aux Moscouites.*

*Nom de roy usur-
pé par le Mosco-
uite.*

*Le Duc Mosco-
uite prend le nom
de Czar.*

*Pourquoy le Duc
Moscouite prend
le nom de Roy.*

& les laissez à terre sans les mettre en œuvre, ilz ne faudront dans deux ou trois ans de deuenir aussi durs, & resistans au fer que vn rocher, & dure pierre : autres dient se conuertir en pierre, ce qui ne porte pas tiltre de faux, veu que de semblables miracles de la nature, se lisent & trouuent dans les liures des hommes qui ont recherché les secrets des causes naturelles.

Ce païs est aussi fort abondant en craye, & tirant vers la Tane, & Palus Meotides, on y trouue des Canes & Ioncs aromatiques & du Rhapon-tique, & d'autres plantes & racines, qu'on ne voit guere en autres côtrées.

La citè royale, & chef du pays est Moscouie, assise sur le fleuue Mosche, duquel elle prend nom & d'elle toute la Prouince, & a ceste citè 14000. pas de tour & circuit : où toutes les maisons & temples sont faitz de boys, mais gentiment mis en besoigne, sauf le Palais du Prince, & quelque Eglise principale qui sont de pierre, & bastis à la façon de France & d'Italie. On n'y vse d'aucun argent monnoyé : & y a vne Pier-re au milieu du marché de la citè sur laquelle si quelcun estant monté, ne peut estre desmis, ny desroqué, il est fait magistrat, & chef de la police : on y peine fort à monter & descendre, les vns en chassans les autres telle-ment que souuentefois les habitans y combattent à bon escient pour gagner le premier lieu. Et est ce peuple fort puissant, & adextre à la guer-re, veu que n'a pas long temps estât bruit de guerre on compta au cap six vingt mille cheuaux, chacun desquelz auoit compagnie & cōmandoit sur quelque troupe en l'armée. Ils vsent d'arcs selon la coustume, & icelle tref-ancienne du païs, eux estans vrayemēt Scythes : ils portent encor vne lāce de douze pieds de lōg : la caualerie & gens d'ordonnāce, sur la maille ont encor vn corps de cuirace, le vêtre duquel est fait en bossē & prominēce, comme vn miroir, & au lieu de salade, ou bourguignotte, ilz ont vn cha-peau pointu, vñs plus de caualerie que de fanterie, en quoy ilz ne sont guere bien adextrez. Neantmoins, tels qu'ils ont, les soldatz à pied portēt des arbalestes, & puis peu de temps en çà ilz se sont accoustumez à l'har-quebuse. Mais d'y estre si prōpts que noz Italiens, François & Espaignols il y a bien à dire. Ce peuple ne prend plaisir au nô de roy qui est cause que le Prince, pour se monstrier plus courtoys, & populaire se contēte du seul tiltre de Duc, ayant Empire souuerain sur vn si grand & puissant peuple.

[Celuy toutesfois qui a escrit l'histoire des Moscouites quoy que cōfesse que dés Kurich seigneur Ruslien, iusqu'à Ieā Basile, les Princes Mosco-uites se foyent contentez du tiltre ducal, si est-ce qu'il dit qu'à present le Duc vsurpe le tiltre royal & se fait apeller Czar en ses patentés, qui est au-tant que Cesar, & que ce nom s'vsurpe lors qu'il escrit à l'Empereur, au Pape, aux Roys de Dannemarch, & de Suece, aux Ducz de Liunie, & Prusse, voire & quand il enuoye ses Embassades au Turc en Constantino-ple : Mais de tous ces Princes & Seigneurs, n'en y a pas vn qui l'apelle Roy, que les seulz Liuniens, à cause que il les tient en serre, & comman-de sur vne partie de leur pays. Et quand on demande à ses subiets la cause de ce changement de nom, ilz respondēt que le nom Royal luy est bien deu, puis que les Roys luy sont tributaires.]

Le Duc va acoustre de mesme façon que les autres, n'y ayant aucune au-

tre difference que du seul bonnet, que il porte plus hault & pointu que le reste de la noblesse. Ces Russiens ne mettent aucune difference aux couleurs en se vestant, sauf que personne ne porte le noir si ce n'est au dueil. Et hommes & femmes portent chemises de lin fort deliées, qui leur vont iusqu'à demy iambe & ouurées au colet de foye rouge & fil d'or assez gentiment. Leurs abillemens assez larges, & à la façon Grecque ainsi que pres- que s'en aident, & les Turcs, & les autres nations septentrionales: il est bien vray que les Russiens & Moscouites, ont les manches plus larges que tous les autres, & passémentées d'or aux boutonieres, & sur les espauls. Et par dessus ils portent des Robons faits de peaux de Loutres. Quelcun de- cedant, c'est la femme seule qui le plaint, & en fait le dueil, portant un voile de toile blanche & deliée sur le chef, qui luy descend iusqu'à la cein- ture: Ceux qui sont plus riches, le quarantième iour après le trespas font un banquet à leurs parents & amys en memoire du trespas: & les pau- ures durant celuy espace en font d'avantage: car ilz banquettent cinq fois solennellement ensemble, & au bout de l'an ilz font encor le semblable.

Si quelcun reste de son sang, il fait enregistrer les noms des trespassez de sa maison, afin de sçavoir le iour auquel il fault célébrer les banquetz de la commemoration des trespassez, & portent les corps en terre avec plaintes, pleurs, & gemissemens.

La coustume du pays veut, que les femmes portent des perles & ba- gues à leurs oreilles, & est bien seant encor aux masles, mais durant qu'ilz sont en enfance. Celle qui vole aux secondes nopces, est encore estimée assez chaste, mais si elle passe outre, on l'a en opinion de paillard & im- pudique: & font pareil iugement aussi des hommes. Les filles laissent pendre par derriere leur chevelure, mais les mariées faut que la tiennent cachée. Les hommes y vont tonduz, & est grand reproche parmy ce peu- ple, à un homme s'il estoit si mol que de parer ses cheveux, & les frizer, ainsi que plusieurs font en noz contrées. Tous les Russiens sont estrangement adonnez aux femmes & à l'yurognerie, laquelle ils acompent à grand louange, & tiennent que le paillarder est loysible & dispensable: pourveu que cela se face du tout hors de mariage. L'usure y est si commune & tant permise, que mesme les prestres ne font difficulté d'en souiller leur con- science. La plupart des Russiens sont esclaves, tellement que il y a plu- sieurs, mesme de la noblesse qui se vendent eux-mesmes, leurs fem- mes, & leurs enfans soit pour viure plus en oisiveté, & sans rien faire, ou pour iouyr plus franchement de leur plaisir & volupté. Les gens d'E- glise Russiens à l'imitation Grecque vont vestus de noir, mais les Prelatz ont le blanc pour parure: & portent une bague pendue au col faite en ta- ble d'attente, dans laquelle sont escripts les commandemens de Dieu: les simples Prestres sont aussi vestus à la Grecque. Des Nonnains il n'en y a que d'une sorte & profession, vivants selon la règle saint Anthoine l'ab- bé de Thebaide, & est leur habit noir. Ce peuple a son propre langage, s'il est Schytique, ou autre je n'en sçay rien, [mais ceux qui ont traверт le pais sçavent bien, que en tout ce trait de pais iusqu'en la Tartarie Asiati- que, les peuples en general parlent la langue Esclavonique.]

Habitz des Rus- siens & Mosco- uites.

Dueil des Mosco- uites.

Anniversaires celebrez avec ban- quetz.

Ceux qui se rema- rient estiment peu chastes.

Ainsi en usent les Paisanes en Lymosin.

Vices des Mosco- uites.

Moscouites tous usuriers.

Moscouites se ven- dent eux-mesmes.

Abillement du clergé en Mosco- uie.

Nonnains de S. Anthoine en Mosconie.

Langage esclavon en Moscouie.

LIVRE TROISIEME

*Sciences embras-
sées par les Mos-
couites.
Moscouites suivent
l'Eglise Grecque.*

*Vuidage des pro-
ces & crimes en-
tre les Moscoui-
tes.*

*Labourage des
Russiens.*

*Breuvage des Rus-
siens c'est la biere.
Huiles desquelz
on use en Mosco-
vie.*

*Ce fut enuiron l'an
de grace 1260.
Volodimer ba-
stard 1. duc Mos-
couite Chrestien.
S. André pres-
cha en Moscouie.*

*Moscouite deteste
le siege de Rome.*

D'où sont choisis

Mais ils vsent de caracteres de lettres, non guere differens en figure aux Grecz. Et en Grec ilz aprenent & la Musique & Grammaire, car quât aux autres sciences ilz n'en tiennent aucun compte, & sont d'accord quant aux poinçts & sommaire de la religion avec les Grecz, vsans de mesmes ceremonies, & d'esgalle reuerence, honorans les saints glorieux qui iouissent de la gloire celeste. Il y a douze hommes choisis pour rendre iustice, & traiter les iugements, l'un desquels informe des crimes, & en fait le rapport aux autres, & bien souuent à la personne du Prince, si la matiere le requiert, & est de telle consequence que les Iuges ne la puissent decider. Et si l'accusé ne peut estre cōuaincu du crime, duquel on n'aye point cognoissance asseurée, il fault qu'il entre en combat contre celuy qui l'accuse: & celuy qui aura la victoire a double recompence selon la sentence & estimation des Iuges. Ce peuple est fort adonné au labourage, & cultiue les champs avec des cheuaux, la terre y est tresfertile, sauf que elle ne porte point de vin: & pour ce ilz font de la ceruoise, & biere de miller, orge, & obelons cuits ensemble, qui leur sert de breuvage comme presque à toutes les nations septentrionales. De l'huile ils en font de noix, cheneuy & pauot, car la Russie ne porte point d'olives, & d'aucun pays on ne fait point venir de cest huile & liqueur en Moscouie. Ce pays nourrit de diuerfes sortes d'animaux, & des peaux fort riches, precieuses, & exquisés, desquelles les anciens mesmes ont tenu iadis grand compte: & du poisson en abondance, & entre tous est vn le plus renommé & sauoureux celuy qu'ils apellent Selde, semblable à celuy qu'on prend en Italie au lac Benac dit à present lac de la Garde. En la Russie se trouuēt sept Lacz fort renommés & de grand estendue, neuf belles & grâdes riuieres, & parmy lesquelles est le Boristhene, cōme l'on le peut assez aisément recueillir, des choses qu'ils dient tant de sa grandeur que nature, ioint que l'assiette du pays & cours du fleuue, correspondent tresbien à ce que les Geographes en descriuent, [Les Russiens, & Moscouites receurent la foy souz le Duc Wolodimer, qui regnoit en Moscouie, lors que Michel Paleologue tenoit l'Empire de Constantinople, qui monstre que ce n'est, que de peu de tēps en ça que ceste nation est baptisée: quoy que leurs Annalistes se vantent, que la foy y a esté preschée par S. André Apostre, lequel ils disent estre venu d'Achaïe auant iusqu'au Boristhene, & que depuis en ça ilz ont la cognoissance de l'Euangile: A quoy ie ne veux resister, sçachant bien que S. André à euangelizé en Grece, & souffert à Patras cité de la Morée, & que il n'est pas hors de verisimilitude qu'il n'ayt esté iusqu'en Russie: mais que la Chrestienté y ait esté tousiours depuis entretenue, non: veu qu'il apert que Wolodimer est le premier Prince Moscouite, qui onc fait profession du baptême, & lequel instruit par les Grecs, qui desia estoient separez de l'Eglise Romaine en goustâ l'erreur, & en a laissé les semences en ses terres. Or venons à leurs façons: Les Metropolitains, Euesques, & abbez dependent tous du Patriarche de Constantinople, & ont le saint siege Apostolique de Rome, & le souuerain Primat, qui y preside en grand detestation, ne luy faisans presque l'honneur de luy donner le tiltre de docteur. Et quand ilz en veulent faire quelcun ilz le choisissent par les hermitages,

& monasteres, prenans le plus saint & mieux nommé, & en ayans esleu vn nombre les conduisent au Duc, qui choisist celuy qui luy est le plus agreable. Les Euesques ny Primats, n'ont là aucū sief, ny iustice, bien qu'ils ayent suffisant reuenu pour leur entretenement, & ne mangent iamais chair, aussi sont ils tous moynes. Les prestres sont choisis d'entre ceux qui ont seruy longuement de Diacres en l'Eglise, & nul n'est receu diacre, s'il n'est marié, tellemēt que souuent ils espousent femme le mesme iour que ils viennent receuoir cest ordre: & si celle qu'un diacre doit espouser est mal nommée, il est regetté de son office. Le prestre, la femme estant morte, est suspendu de sa dignité & ne chante plus messe, ny n'est receu à seruir à l'autel: il est vray, que s'il se contient, & vit chastement, on luy permet d'entrer au cœur & assister au diuin seruice: car n'est permis aux veufz de celebrer, iacoit que par cy deuant ils le peussent faire. Mais s'il se remarie, ce qu'on ne luy desdend point, lors il n'oseroit, non plus qu'un lay, assister ny à l'autel, ny au cœur pour y Psalmodier: au reste nul prestre peult sacrifier, ou baptiser, qu'un diacre ne luy assiste. Le clergé és choses legeres est soumis au iugement de l'Euesque ou Metropolitain, mais où il y a si peu qu'on scauroit dire de crime, ils ne sont non plus respectez que les moindres d'entre le peuple: & sont presque vestus tout ainsi que le vulgaire, sauf qu'ils portent des bonnets plus larges, & qu'ils ont la teste rase, ainsi qu'ont les nostres par deça. Quant aux moynes ils y viuent fort estroitement reglez, ne mages iamais chair, ny osans se resioiir au moindre passetemps du monde: plusieurs se retirent seuls aux hermitages, aussi aisés parmy les solitudes qu'és monasteres, où ils passent leur temps à cultiuier le peu qu'ils ont de terre, à fin de se sustenter d'herbes, & racines.

Les Euesques en Moscouie.

Euesques Moscouites ne mangent iamais chair.

Prestres mariez.

Prestres et veufs & remariez, chafsez de l'autel.

Clergé Moscouite soumis au iuge episcopal.

Grande rigueur de la regle des moynes.

Poins esquels les Moscouites different de nostre religion.

Les moynes ne peuuent se marier, & les prestres se marient.

Confirmation non receue des Moscouites non plus que des Calvinistes. Herese detestable des Grecs sur la processio du saint esprit.

Le laisse à part les habits & acoustremens de leurs Euesques, qui ne sont gueres dissemblables aux nostres, pour voir en quoy est-ce qu'ils different de nous quant aux points de la religion, & pourquoy nous les estimons schismatiques, & ils nous appellent infidelles, & hayent à l'esgal des Mahomestites. Et tout cecy à cause que nous celebrons le ieusne le samedy, là où ils en font conscience, aussi bien que les Ethiopiens, ioint que nous retrenchons deux iours de la septuagesime qui est celle belle & detestable feste des Baccanales que nous appellons Mardy gras, en quoy veritablement ils ont quelque raison, mais cela n'est pas chose, où il faille guere s'arrester. Sont aussi offencez que nous ne receuons le mariage des Prestres en nostre Eglise: là où entre eux les moynes, desquels on choisist les Euesques, ne se marient iamais & s'abstiennent de chair toute leur vie. Tiercement s'offencent de l'onction que font nos Euesques à la confirmation, disans qu'il suffit de l'huile que le Prestre à vŕe sur l'enfant au saint Sacrement de Baptême. Se scandalisent encor de ce que noz ecclesiastiques consacrent le precieux corps de nostre seigneur en pain non leué, & vsent de raisons aussi sottes & friuoles, comme leur opinion est sans aucū fondement: mais le pire est qu'il ne croyent point que le saint esprit procede du pere, & du fils, ainsi que le tient la sainte Eglise vniuerselle, & que les anciens Grecs, & Latins ont enseigné regettans vne semblable heresie que celle, en laquelle encor tous les Grecs sont enseuelis. Et sont plus

LIVRE TROISIEME

*Penitence à ceux
eniointe qui par-
lent avec les Chre-
stiens de l'Eglise
Romaine.*

*Baptême des
Moscouites.*

*Triple mersio ob-
servée par les Mos-
couites au bapte-
me.*

*Confessio des Mos-
couites.*

*Grande ignoran-
ce des Moscouites,
ne sachant l'orai-
son dominicale.*

*Communion sous
les deux especes en
Moscouie.*

*Images s'entend
peintes & non en
bosses à la Greque.*

*Festes comme so-
lennisées.*

*Moscouites ne
iurent Dieu.*

*Moscouite ne
croist le purgatoi-
re Et si prie pour
les morts.*

scrupuleux à euter vn homme qui aura esté parmy nous, ou conuersé a-
uec vn de l'Eglise Romaine, que nous à fuir la compagnie de l'heretique,
veu que par les Canons de leurs Metropolitains, il fault que celuy qui se
souille, (car c'est ainsi qu'ils parlent) avec vn Latin & Romain en luy par-
lant, & frequentant avec luy soit purgé, & ne peut estre receu, à la com-
munion sans penitence, lauemens & benediction de son Curé, lequel fait
de grandes & longues prieres sur luy tout ainsi, qu'on faisoit iadis sur les
Catechizez, où ceux qui venoyent au Baptême: lequel ils celebrent en
ceste sorte. Dès qu'un enfant est né, soudain le Prestre est appelé, lequel
estât deuant l'huis de la maison, où est l'accouchée, impose, en priant, le nō
à l'enfant. Puis le 40. iour d'apres, ils le portēt à l'Eglise, où il est baptisé plō
geans tout le corps trois fois en l'eau, car s'il n'estoit q̄ simplement arroulé,
ils ne l'estimeroyēt point auoir receu deuēmēt le baptême: apres l'oignēt
du saint huile cōsacré en la sepmaine sainte, & de Myrrhe. L'eau est be-
niste toutes le fois qu'ils baptisent à cause q̄ soudain qu'ils l'ont vſée, ils la
gettēt hors la porte du tēple, où tousiours il fault porter l'enfant, s'il n'est
fort pressé de maladie. Le prestre coupe, & arrache les cheueux à l'enfant,
qu'il enuelope en de la cire, & garde celà en certain lieu du temple, ils ne
messēt, ny sel, ny salie en leurs ceremonies du Baptême. Ils sōt meilleurs
Chrestiens que nos Lutheriens, ny Caluinistes, car ils se cōfessent, & avec
grand contrition reçoient la penitence du Prestre, ce qui se fait au beau
millieu de l'Eglise, & deuant quelque image à ce ordonnée, & d'autant
qu'il en y a fort peu qui sçachent leur Patē-nostre, ayans receu la benedi-
ction du Prestre, ils disent: Iesus Christ fils de Dieu, aye pitié de nous, &
c'est l'oraison la plus commune entre les petits & vulgaires. Et tiennent
ordinairement vn vase plein d'eau beniste dès la feste des Roys, ius-
qu'à Pasques, à fin de purger avec cest eau ceux qui ont commis quelque
grand crime, le prestre luy enoignant ceste ablution pour penitence, ils
cōmunient sous les deux especes, mettāt le corps de nostre Seigneur dans
le calice avec le sang, d'où le prestre prenant avec vn cueillier partie d'un
& d'autre, le distribue à ceux qui se presentent: & reçoient les enfans,
dès qu'ils ont sept ans, à cause qu'ils tiennent qu'à cest aage l'homme est
suiet à tomber en peché. Nul prestre, ou moyne dit ses heures, sans a-
voir quelque image deuant luy, & laquelle aucun n'oseroit toucher sans
luy faire grand reuerence. Leurs festes sont plus solennisées pour yron-
gner, que pour soucy qu'ils ayent du diuin seruice, veu que les seigneurs
en ces iours se vestent pompeusement, & font grand chere, là où les pau-
ures & les esclauues travaillent, comme si le repos appartenoit seulement aux
riches. Ils ne iurent point ou peu, où du tout le nom de Dieu, tous leurs
fermens se font le signe de la croix, fait avec les doigts, & qu'ils baient,
cōme aussi on en vſe en plusieurs endroits de la France. Et quoy qu'ils ne
croient point qu'il y ayt purgatoire, si est-ce qu'ils prient pour les morts,
& celebrent (comme dit est) des Anniuersaires, estimans que le lieu où
sont leurs parens leur est donné doux & plaisant en l'autre monde, à cau-
se de leurs prieres: Et nul ne touche à l'eau beniste, ains c'est au Prestre
d'en arrouser ceux qui entrent au temple. Ils ne sacrent ny benissent les

eglises, ou Cemitieres, difans que la terre est assez confacrée par le corps qu'on y enterre, lesquels ont esté lauez, oints & sacrez au saint Baptême. Ils honorent fort saint Nicolas, & racontent grand nombre de ses miracles en leurs sermons, & saint André, & vn saint Pierre qu'ils nomment le miraculeux, & leur Roy Wolodimer, qu'ils ont mis au nôbre des saints.

*Saints honorez
en Mosconie.*

Leurs ieufnes sont, le Carefme sept sepmaines entieres, esquelles ne mangent ny chair, ny poisson, & vn autre ieufne dès les feries de Pentecouste, qui est leur feste de tous les saints, iusqu'à la saint Pierre : & puis dès le premier iour d'Aoust, iusqu'à l'assumption de la vierge Marie : & six sepmaines deuant Noël à l'aduent, qu'ils appellent le ieufne saint Philippe.

Ieufnes de Mosconites.

Les Docteurs qu'ils suyuent, sont Basile le grand, Gregoire Nazianzene, & saint Iean Chrysostome : & n'ont point de prescheurs, leur suffisant d'assister au seruice, & d'ouyr reciter au Prestre l'epistre, & l'Euangile qui leur lyt en esclauon, à cause (disent-ils) que de tels sermons sortent plu-

*Docteurs receuz
par les Mosconites*

sieurs heresies : & suyuent la volonté de leur Prince, comme doctrine à laquelle il fault obeir, ils payét les dismes de toutes choses à l'Eglise pour le soubstien des pauures, des orphelins, des malades, des vieillards & estrangers, & pour l'enterrement gratuit des trespassez : pour subuenir encor à ceux qui sont trop chargez d'enfans, & reparer les Eglises, & pour le soulagement des ames qui sont en peine en l'autre monde attendans le iour du iugement : & cecy par l'ordonnace du Duc Wolodimer premier Chrestien, comme dit à esté cy dessus. Leurs façons de mariage sont telles

Mosconites celebrent en langue vulgaire.

vn ieune homme n'oseroit faire l'amour à vne fille pour l'auoir en mariage, ains c'est au pere de la fille de prier l'amoureux de l'espouser : & apres y cōsentans les parés, on parle des conuentions, & tout soudain iour assigné pour les espouailles : durant lequel temps le fiancé ne parle pas seulemēt à la fiécée voire ne luy est permis de la voir. Le iour des Noces on fait des dons, que l'espouse est tenu de satisfaire dās l'an à ceux qui luy ont donné, ou leur renuoyer ceux qui luy semblent ne luy estre point necessaires. Or n'espousent ils femme qui leur attouche de sang iusqu'au quatriefme degré, & aucun n'oseroit espouser la sœur de son allié : à peine feroient ils ce qu'aucuns font en France, qui espousent les veufues de leurs freres à la Iudaïque, voire ne souffriroyēt mariage entre ceux qui ont tenu vn enfant ensemble au baptême. Venir aux secōdes nocces il est permis, mais non sans soupçon d'incontinence : aux troisiemes ne l'octroyēt sans

*Mosconites payēt
les dismes à l'eglise.*

*Maniere de se
marier en Mosconie.*

grande occasion : mais de se marier pour la quatriefme fois, tant s'en fault qu'ils le permettent, qu'encore ils disent que c'est contre la religion Chrestienne. La condition des femmes y est miserable, d'autant qu'ils les soup-

Degrez de consanguinité charnelle, & spirituelle, le gardez, en Moscouie.

çonnent toutes peu pudiques si elles ne sont tenues encloses dans leurs maisons sans iamais gueres sortir que quelques festes qu'on leur permet d'aller seules femmes avec femmes se iouer dans les prez, le reste de l'année estans enfermées pour filer & coudre, & se mesler du menage. Tous Moscouites tāt grāds soyēt ils, se cōfessent les Clopes, c'est à dire esclaves

*Bigamie detestée
par les Mosconites
Condition miserable des femmes de Moscouie.*

du Duc, ainsi que les Turcs en vsent à l'endroit de leur Monarque. Ils s'adōnent sur tout à l'exercice de la guerre, tellemēt que les enfans & ieunes hommes, s'assembloit en la place publique les iours des festes à la veuē

Mosconites se disent esclaves du Duc.

LIVRE TROISIEME

Iustice des Moscouites.

Loix ordonnées en Moscouie, par Bafile leur grâd Duc en l'an de grace enuiron 1400.

Punition des larcins.

Iuges subalternes ne peuent iuger à mort.

Duel, & combat singulier vuide les differens.

Iustice se fait par argent en Moscouie.

Monnoye de Moscouie toute d'argent & point d'or.

Comme le trafic se fait en Moscouie.

de tout le monde, où ils combattent à coups de poing si obstinément que bien souuent on les emporte à demy morts de celle mal plaisante escrimme. Ils sont grands iusticiers, & mesme contre les larrons & voleurs, auxquels ils rompent les talons, & les laissent languir deux ou trois iours, & la playe estant enflée, derechef il les tourmentent : si le crime n'est fort grand, tout forfait est puny par le pendage : car trancher la teste est pour les meurtriers qui volent, & deualisent les passans, & ne font iamais iustice qu'en hiuer, à cause que l'esté ils sont entérifs aux affaires de la guerre.

Or vous descriray-ie quelques vnes de leurs loix auât que sortir de Moscouie, veu que c'est la loy qui dresse & informe les mœurs des hommes. Premièrement que ceux qui tuoyent leurs maistres, & seigneurs, les traistres, sacrilegues, suborneurs des esclaués d'autrui, les imposeurs de faux crimes, & les boute-feux, y sont sans aucune remission punys de mort cruelle. Le larcin pourueu que ce ne soit sacrilege, où rauissement de l'esclaué d'autrui, n'y est point puny de mort, ains le larron y est bastonné, & condamné à l'amende : & rencheant en faute, & ne pouuant satisfaire à partie, c'est alors qu'il passe par le pendant. Si vn homme estant accusé de larcin, n'est conuaincu, & que ce pendant quelque homme honorable afferme par serment que l'acusé à esté d'autresfois soupçonné, ou a fait & accordé avec quelque partie, le voulât actionner avec ceste seule preuue, le criminel est enuoyé au gibet. L'homme de basse qualité, ou de vie mal famée estant accusé de larcin, est mis à la question : & s'il ne confesse, encore fault il qu'il donne pleiges & cautions, pour le représenter encor à la torture, s'il est question d'y venir. Les Baillifs subalternes n'ayans puissance de condamner, ouyes les parties en pourront condamner l'une à quelque amende, les renuoyans aux iuges souverains & ordinaires, à fin qu'ils en cognoissent, & iugent diffinitiuement.

Deux ayant proces ensemble sur iniure faite, ou receüe, fault qu'aillent se représenter deuant le Prince en la cité principale, & là l'acusé obiectât les tesmoings requiert d'estre receu à se purger par serment, & au combat contre sa partie : à quoy est receu selon la coustume du païs : ils entrent au camp armez de toute sorte d'armes, sauf de l'arc, & de la pistole : & portent de courtes dagues bien pointues, & celui qui a la victoire, est satisfait selon que le porte le bon plaisir de son Prince. La iustice ne s'y fait qu'avec grande corruption & pris, tout se vendant sans respect quelconque, tellement que le pauvre n'a acces aucun au Prince, & fort à peine, & difficilement aux conseillers, à cause qu'ils y vont les mains vuides. Ils ont diuerfes especes de monnoye selon les Prouinces suiuettes au Duc, & en est la forme longue, & faite en ouale, ayant vne rose d'un costé, & vn hōme à cheual de l'autre : en d'aucunes est le Prince assis en son siege d'une part, & en l'autre vn homme qui luy fait la reuerence, & s'encline fort bas en s'humiliant. La marchandise qu'on y porte de païs estrange, fault que soit estimée par les deputez, & n'oseroit on en vendre vn seul denier vaillant, que le Prince n'en soit premieremēt aduertý, à fin qu'il s'en fournisse auant tout autre : & n'est permis guere à autres marchans qu'aux Polonois, & Lithuaniens de trafiquer en Moscouie : Bien est vray qu'en la ville

ville de Cloppigrod durant la foire, les Turcs & Tartares y vont & vendent leurs d'érées. Ils sont fort trompeurs, & cauteleux, & lors que le plus ils iurent & afferment, c'est signe qu'ils trament quelque tromperie: leurs plus grandes richesses sont les peaux, & fourrures les plus belles & riches de l'univers, & lesquelles y sont assez cheres, à cause que de tous costez les marchans y abordent: Le miel, la Cire, des Cuirs, & certaines dens de bestes qui ressemblent yuoire, dequoy les Turcs font de belles, & subtilement elabourées poignées, & pommeaux de leurs espées, & Simeterres. On y vend aussi pour les Tartares des Selles, mors & brides, mais armes, & fer, il est deffendu d'en vendre, ny debiter si ce n'est avec la permission du gouverneur de la Prouince, qui de cela tire de fort grans profits. Au reste il n'y a si petite mercerie, dequoy il ne faille payer le droit au seigneur Duc, & le tout selon le poids, liure, ou aunage de chascune d'érée, & c'est pourquoy on y met des visiteurs, & q'personne n'y vend rien sans l'ordonnance du Prince. L'air de la Prouince proprement ditte Moscouie est fort inconstant & mal temperé, tellement qu'aucunesfois le froid y est si vehement que les hommes roidissent par les chemins, pour la rigueur des froidures: & d'autres la chaleur si exorbitante que les semences en sont toutes gastées, & estoit n'aguere tout le païs boiscageux, & ainsi ne faut s'esbahir s'il n'a pas long temps qu'on à faict compte de ceste nation, qui est des dernieres cogneuës, & laquelle estoit mise au ranc des Tartares, d'autant que si ce n'est depuis quelques 80. ou 100. ans ença, elle obeïssoit au Cham de Tartarie, & le Duc Moscouite dependoit du vouloir & plaisir du Tartare, auquel il faisoit hommage: & voila quant à ce qu'on peut alleguer des mœurs Moscouites.]

Moscouites trompeurs & sans loyauté.

En quoy abondent les Moscouites.

Pourquoy on arreste les d'érées.

Moscouie païs mal temperé.

Moscouie sujette aux Tartares.

De la Lithuanie & façons de vie des Lithuaniens. Chap. 8.



Lithuanie vers l'Orient est coniointe à la Pologne le tout compris par Ptholomée sous le nom de Sarmatie contenant quelques cent, ou six vingts lieues de tour, fort marécageuse, & chargée de forests, & boiscages, qui est cause que fort mal aisément on l'approche, & est presque inaccessible, à cause que les eaux des Paluz la couvrent presque par tout. Il est vray que l'huyver le trafic est plus libre avec les Lithuaniens, à cause que les estâgs y sont tous pris, & caillez de glace, & la neige y estant fort haute par dessus, qui faict que les marchans y passent & vont à gué par tout le païs: toutesfois à cause que les chemins sont mal aisez à tenir, il s'y fault gouverner tout ainsi qu'on fait sur mer suyuant l'estoile du Nord, & se façonnât selon le iugement du Cadran, & de la Boussole: & au regard des Astres & estoiles de nuit. En Lithuanie les villes n'y sont gueres frequentées, & n'y a grand abondance de bourgades & gros villages: neantmoins est peuleuse, & le peuple riche en bestail & peaux de Martes communes, Martes Sublines, Genethes, Lou-ceruiers & autres precieuses, & rares, & abondant en Miel & Cire: & n'ont usage quelconque de monnoye, les dames

Lithuanie boiscageuse & marécageuse.

Comme les chemins se cognoissent l'huyver en Lithuanie.

Richesses des Lithuaniens.

LIVRE TROISIEME

Impudiques mariages des Lithuaniens.

Sentence brutale d'Aristippe.

Peuples parlans esclauon diuisez en sectes.

Je ne sçay cōme il dit cecy, ven que Hierosime de Prague fut bruslé à Constance seant Martin qui seoit à Rome, auant Eugene 4.

Idolatrie estrange des Lithuaniens.

Vilne cité royale de Lithuanie.

Tartares Mahometans en Lithuanie.

Lithuaniens ne font guere bons à la guerre.

de ce païs ont des amys, par la permission & octroy de leurs marys, lesquels ils appellēt aydes & secours de couche & du mariage: & toutesfois si les hommes auoyent vne concubine, ils en encouroient honte & reproche. Aussi les mariages sont si peu fermes, & stables que facilement ils les rompent & se quittent par mutuel consentement, se marians, & remarians tout autant de foys que bō leur semble. Et est ce peuple si esloigné, & different de la commune façon de vie du reste des hommes, que la sentence d'Aristippe ne semble point auoir esté dite hors de propos, lors qu'il propose que l'honnesteré gist plus en coustume que nompas en nature. Le vin n'y est guere en vsage, le pain fort bis, à cause que le bled n'est guere criblé, n'y la farine faïcée: les troupeaux leur fournissant de vin, à cause q̄ le laiēt est leur breuuage en abōdance. Et parlent esclauon cōme les Polonois, & est ce langage commun à plusieurs nations, desquelles les vnes obeyssent à l'Eglise Romaine, les autres suyuent le schisme des Grecs: sous le siege Catholique sont les Polonois, Dalmates, Croatiens & Carniens: & sous le Grec les Bulgares, Russiens, & vne partie de Lithuanie: d'autres, parlans ce mesme langage sont infectez & abreueuz de diuerses heresies, comme les Boësmes. Morauiens, les vns desquels suyuent les resueries des Hussites, d'autres embrassent l'erreur des Manicheens, partie adorent les idoles des Gentils, comme plusieurs d'entre les Lithuaniens. Hierosime de Prague, lequel du Pontificat d'Eugene. 4. annonça l'Euangile en ce païs, & qui nous a fait entendre les mœurs incongneus de ce peuple iusqu'à present disoit que certains Lithuaniens tenoient des serpens en leurs maisons lesquels ils honoroyent, & leur faisoient sacrifices comme à leurs dieux domestiques & familiers, mais qu'il auoit si bien fait que tous furent occis, sinon vn qui ne peut estre offensé par les flammes. D'autres adoroyent le feu, & deuinoient par iceluy mesme. Vne partie receuoient le soleil pour leur dieu, le dressans l'vne monstrueuse grandeur sous la figure d'vn marteau: & ont leur grand Duc, & conducteur propre auquel ils obeïssent, quoy que souuent ils ayent esté suiets du Roy de Poloigne. La cité Metropolitaine est Vilne & siege d'Euesque, aussi grande ou plus que Cracouie avec tous ses faubourgs qui est la cité royale de Poloigne. Les maisons n'y sont iointes, & cōtigues les vnes aux autres, ains tout ainsi disposées qu'aux champs, ayans des iardins qui les separent, & des vergers. Il y a deux belles forteresses, l'vne sur vne colline & l'autre au bas en la Planure: & est loing Vilne de Cracouie de quelques 35. lieues. Les Tartares se tiennent en la cāpaigne près de Vilne en lieux qui leur sont ordōnez, labourās les terres selō nostre maniere, & portās la machadise par le pais parlās Tartare, & viuās selō la professiō & secte de l'Alcorā de Mahometh. Les Lithuaniens ayās guerre cōtre quelcun y vōt plus tost en grād apareil & pour parade q̄ biē adextrez, & prests à cōbarre, aussi leurs forces s'escolēt tout aussi tost: q̄ s'ils sont forcez de poursuiure ils reuoyent ce qu'ils ont de plus cher & precieux, soit hardes ou cheuaux en leurs maisons, & suyuent leur Duc plus par force & contrainte que de desir qu'ils ayent de luy faire seruice. Les grans aussi qui sont tenuz de seruir le Duc avec quelque nōbre de gens, rachaptēt ceste seruitude avec grand

somme de deniers: & est cecy si coustumier & ordinaire entre eux, & leur tourne à si peu de honte & reproche de poltronerie: que les cheffz, & colonnelz font crier à son de trompe par le camp, que s'il y a quelques vns qui se vueillent retirer qu'ils viennent & apportent argent, & qu'on leur donnera leur cōgé, & sauf-cōduit: & sont si licentieusement dispensez à tout faire que ceste liberté tant desbordée les fait abuser & de la licence, & libre cōdition en laquelle ils vivent: & ont les biens souuent, & domaine du Prince tellement engagez entre leurs mains, que lors que les Princes viennent en Lithuanie, il est impossible qu'ils y vivent de leur reuenu, si le peuple ne fournisse aux frais, & les aide à tenir l'estat, & suite de leur maison. Ils portent les habillemens longs à la façon des Tartares, mais la lance, & escu suyuant la mode des Hongres, & ont de bons cheuaux, mais tous chastrez, & que iamais ils ne ferment, & lesquels ils conduisent à leur fantasia avec vn seul canon, sans vser de mords qui soit fascheux ny rude. C'est en Lithuanie que sourt & passe le grand fleuve Boristhene qu'ils appellent Nieper, toutesfois Sigismond liber, au voiage sien de Moscouie monstre que le Nieper n'est pas vrayemēt le Boristhene, ains vn autre que ceux du pais appellent Borasin, lequel correspond du tout à la description qu'en fait en ses tables Ptholomée. Les pais y est fort fertile en bledz lesquels neantmoins n'y viennent guere à maturité: le peuple y est miserable & tenu en grāde captiuité: entant que les grās qui vont par pais accōpaignez d'une grand troupe d'estafiers entrent dans les maisons du paisant & y ravisent ce que bon leur semble, non sans estriller bien souuent le maistre de la famille: Là n'est loisible à vn fermier de venir deuant son seigneur les mains vuides auquel outre le cens & rente, ils sont tenuz de donner toutes les sepmaines trois ou quatre coruées. Voire si la femme de leur curé est morte, ou qu'il se marie, ou luy soyent nez des enfans, ils sont contrainct de luy bailler alors quelque somme d'argent, pour cest esgard seul qu'il les oyt de cōfessio durant l'année. Et si quelcū a commis crime de mort, il faut que luy mesme se pendre tout aussi tost que le cōmandemēt luy en est fait de par le prince, autremēt le miserable est tourmēté, batu & questionné, & déchiré cruellemēt auant qu'o le face mourir. En ce pais y a grand abondance d'Alces, Vres, & Bisōs: Les vnes sont vrayemēt Bœufz sauuages fort cruels & puissans, & à la chasse desquels il faut vser de grand adresse & subtilité. Les Bisōs sont d'autre figure cōme ceux qui ont des crins, & iube semblable à celle d'un cheual, fort veluz vers le col, & espauls, cōme vn Liō, longue barbe à la façon d'un bouc, ayans la teste petite, les yeux grās, estincelās, & farouches, le front large, & vn grād espace entre les deux cornes, si qu'il y auroit place suffisante pour le siege de deux hommes, si la beste estoit dōptée, laquelle est fiere & despitueusemēt cruelle: & pour de làq̃lle se garantir ceux qui en chassant estant las, veulēt se reprēdre haleine luy gettēt vn bōnet rouge, sur leq̃l elle s'acharne & passe sa colere à belles cornes & saboulemēt de pieds & ongles. L'Alce est pl' grād qu'un cerf, & de couleur pl' blāchastre, ayāt presq̃ la ramure sēblable, courāt pl' vistemēt beaucoup que le Cerf, & de l'ongle duquel on vse contre le venin à quoy elle sert ainsi qu'on l'a cogneu par experience, & sur tout profite contre le mal ca-

Fayne-antise de la noblesse de Lithuanie.

Pauvreté du Prince Lithuanien.

Habillement & armes des Lithuaniens.

Boristhene cōme nommé en Lithuanie.

Sigismond liu. de Moscou. Pthol li. 3. ch. 5. Tabl. 7. d'Europe Fertilité de Lithuanie.

Insolence de la noblesse de Lithuanie.

Prestres de Lithuanie mariez.

Cruelle iustice des Lithuaniens.

Description des Vres, Bisans, & Alces.

Quel le Bisson. Figure de l'Alce.

LIVRE TROISIEME

*Premier grand
Duc Lithuanien
Chrestien.*

*Ladislas espousa
Hedimige: apellé
au parauant In-
gello. Voy Crème-
re, liu. 15. en l'hi-
stoire de poloig.*

*Superstition des
Lithuaniens.
Sepulture des Li-
thuanien.*

*Ingellon, ou La-
dislas presche la
foy en Lithuanie.*

*Description de
Liouonie.*

*Par qui fut con-
uertie la Liouonie
à la foy*

*Ce sont les Eapūs
qui se tiennent pres
la Bothnie.*

*Description de
Prussie.*

Wistule fleuue.

duque. N'oublirōs encor à dire depuis quel temps est-ce que les Lithuaniens ont reçu la foy de nostre seigneur Iesus Christ, veu qu'il n'est ia de longue memoire qu'ils ont pris le saint baptesme. ainsi depuis nommé Ladislas, au parauant Ingellon, & duquel les roys de Poloigne qui regnēt à present sont descendus, fut grand Duc de Lithuanie, & celuy qui deliura son païs de la subiection des Moscouites, lequel se feist Chrestien enuiron l'an de nostre salut, 1400. chassant la miserable superstition d'idolatrie, qui encor tenoit aueuglée l'ame des Lithuaniens, lesquels (comme dit est) adoroyent les serpens, leur immoloyent des Coqs, & les nourristoyent de lait & dedioyent des festes solennelles tous les ans apres les moissons vers le moys de septembre: & reuenans de la guerre ils brusloient pour sacrifice les despoüilles prises sur leurs aduersaires, & vn de leurs ennemys qui seruoit de victime pour le sacrifice. Quelcun d'entr'eux mourant (à l'imitation des Scythes anciens) ils brusloyent avec son corps les plus riches meubles, & les plus beaux cheuaux de son seruice, offrans lait, miel, & moult au tombeau. Auāt qu'estre Chrestiennez, il n'y auoit que les nobles qui sceussent que c'estoit que l'usage du drap & des souliers, le peuple se vestant de lin & des peaux des bestes sauuaiges. Mais Ingellon pour gaigner le cœur du peuple, & luy faire goustier plus doucement ce saint changement de foy & religion qu'ils auoyent receu fort enuis, fait porter force draps & cuirs, vestit & chaussa plusieurs de ses suiets, & les preschant luy mesme, fut le premier qui planta la foy en Lithuanie: tenant l'Empire Romain Sigismond, qui depuis fut Roy de Boëme, & seant à Rome Iean vingtdeuxiesme.]

De Liouonie, & Prussie, & Cheualiers de nostre dame. Chap. 9.



Liouonie, n'aguere apellée à la cognoissance de la verité, & au vray seruice, & foy de nostre seign. Iesus Christ est iointe à la Russie vers le septentrion, & s'estend plus en longueur, que autrement & ce le long de la mer, regardant la Gothie, & païs de Suece, nombrée & comprise aussi en la Sarmathie: estāt souuēt assaillie des Tartares qui sont sortis de la race des anciens Scythes. Cepaïs Liouoniē fut attiré, & reduit au Christianisme p les Cheualiers Teutoniques, qui chassiez de Palestine feirent la cōqueste de ce païs & en osterēt le seruice abhominable des Idoles. On y a souuēt cōbatu sur le dif ferēt de la p̄cipauté. Vers l'occidēt (cōme dit est) elle regarde la mer Sarmatique & goulphe d'une estēdue, qu'o ne cognoit point encore, la bouche & destroit duquel est en celle Presqu'Isle, & Chersonesse Cymbrique qu'à present on nōme Dace, en Dannemarch. Vers ce goulphe tirant au septētrion, y a des hōmes & peuples demy-brutaux, lesquels n'ont aucune communauté de langage avec hōme quelconque, eschāgeans seulement leur marchandisē par signes, & mouuemens de la teste: & au midy de Liouonie, est assise la Prussie, terre qui participe à ceste heure de l'Alemant, & Sarmate, à cause des Cheualiers là venus de la terre sainte, qui estoient tous Alemans. Si Ptholomée, ne se trompe, ceste terre est arroulée du fleuue Wistule dēs la ville de Torne, iusqu'à Gedan,

où ledit fleuve s'engoulphe en la mer Baltée, & passant outre celle riuere, festendant vers l'ocean de Sarmatie, elle passe les bornes de la Germanie: à l'orient luy sont les Massouites, & Polonois, & au couchant les Saxons. Le terroir de Prussie est fort fertile, & gras & de grand aport, bien arroulé de ruisseaux & riuieres, bié cultiué, le pays plaisant, & où le bestail foisonne, la pescherie y est grande, & la terre pleine de fauuagine pour le deduit de la chasse. Ce pays & autres voisins estoit iadis le siege & demeure des Vlmeriges, lors que les Goths sortirent de l'isle de Scandinauie, pour passer en terre ferme, ainsi que escrit Iornádez. Ptolomée tient que les Aina-xobies Alaunes, que aucuns (non mal à propos) ont apellez Alans, Venedes, & Githons, que aussi d'autres nomment Gothós & Gothz, se tenoyét le long de la riuere Vistule. La Prussie a aussi adoré les diables sous l'effigie des Idoles iusqu'à ce temps que Federic second tenoit l'Empire d'Occident, & lors la foy y fut preschée, & aduint cecy enuiron l'an de nostre Seigneur 1226. Les cheualiers Alemans qui estoient dediez à la glorieuse vierge mere de Dieu, & lesquels pour cela on nommoit Marians, apres qu'ils eurent perdu Prolemaide en Syrie se retirerét en Alemaigne. Ceux cy estans hommes de guerre, nobles & de hault cœur, se faschans de viuere oisifs s'adressent à l'Empereur Federic second de ce nó, & luy remonstrét comme la Prussie, pays voisin des Alemaignes ne tenoit compte de la foy de nostre Seigneur, & ne vouloit receuoir son seruice, & que souuent le peuple d'icelle auoit fait des courfes sur les Saxons, & autres voisins suiets à l'Empire, rauissant infiny nombre de troupeaux, & autres richesses: sil plaisoit à sa maiesté, que ilz se mettroient en deuoir de refrener l'insolence de ces barbares & infidelles, Pourueu qu'il permist, & ottroyast à perpetuité ceste terre pour le soustien, vie & retraite des cheualiers apres que ilz l'auroient conquise à force d'armes. Car desia les Ducs de Massouie, qui se disoyent seigneurs du pays, auoyent donné & cédé leur droit ausdits cheualiers. L'empereur eut pour fort agreable l'offre de ces vaillans hommes, & octroya telle donation aux freres qu'ils voulurent, leur en despeschant patentes scellées du seau d'or de l'Empire. Ceux cy se mettās en equipage, ne tarderent guere long temps, sans se faire seigneurs de tout le pays Prussien qui est deçà & delà le fleuve Vistule, l'ayant assuietty, & acquis à force d'armes le mirent sous leur puissance, fief, & iurisdiction, estant grand maistre de l'ordre Hermā de Salze. Et ainsi les Prussiens vaincus, receuans la foy de l'Euangile, receurent aussi le langage des Alemans. [Auant que passer outre fault dire d'où sont sortis les Prussiens: entre plusieurs nations de la Sarmatie d'Europe Ptolomée fait mention des Borus-fes, lesquels il pose vers le Nord, & Septétrion, en vn recoing esloigné des autres, & sont ces mesmes qu'on dit Moscouites, Liuoniens, & Prussiens, les derniers desquels changeans quelque lettre en corrompant le mot ancien, prindrent depuis le nom de Prussiens: car de dire qu'ilz ayent pris le nom du Roy de Bithynie nommé Prussie, ce seroit s'arrester aux fables, en lieu de suiure le fil de l'histoire: Car & Strabon, & Pline, & Ptolomée: assez diligēs recercheurs n'eussent point oublié vne chose tant segnalée veu qu'ils se sont amusez à choses de moindre consequence, veu que on sçait

Prussie pays fort gras, & fertile.

Ce fut en la premiere expedition des Gothz. voy cy dessus ch. 6.

Iornandez, liure des Gothz. Ptol. lin. 3. ch. 5. Tabl. d'Europ. 7.

En quel temps Prussie receut l'Euangile.

Cheualiers Marians chassés de Syrie par les Mahometistes.

Enée Syluic tient que ce fut le Duc de Moscouie, voy Naclere.

Mais il est plus vray semblable de la Massouie. voy Crommere liure 8.

Herman de Salze i. grand Maistre tenant la Prussie. Crommere liu. 7.

Voy Crommere liur. 1. & Erasme Stella.

Duglossé tiét que Prussie roy d'Asie, donna le nom au pays Prussien.

LIVRE TROISIÈME

*D'où viêt le mot
de Liouonie.*

*Mœurs des anciens
habitans de Prus-
sie.*

*Mariembourg
ville capitale de
Prussie*

*Ordre des Teuto-
niques on institué.*

*Habit des Ten-
toniques.*

*Albert de Bran-
debourg a ruiné
l'ordre des Ma-
riens deuenant
Lutherien.
Osiandre hereti-
que a gasté la
Prussie.*

*Prussie erigée en
Duché & comté.
Wolphang Duc
de Prussie.
Cheualiers Liuo-
niens de l'ordre
aussi des Teuto-
niques. Voy Nau-
clere.
Prussiens tourmē-
tez par les Mos-
covites.*

que la Liouonie a son nom d'un Romain nommé Libon qui s'y retira fuyant la furie des Césars. Les Prussiens furent iadis fort cruels & Barbares, & grands beuveurs, ayans pour leurs grandes delices le laiët des iumens auit qu'ils sceussent l'usage de l'Hidromel, duquel ils vsent à present pour leur breuuage. Ils prenoient autant de femmes en mariage, qu'il leur venoit en fantasie, & les tenoient aussi esclaves & subiectes, que si c'eussent esté leurs seruantes. Estans las ou de trauail, ou de trop boire, les baings & estuues les aydoient à se mettre en nature, se lauans & baignans, voire au plus froid de l'hyuer, de belle eau froide: Et enterroient leurs morts avec leurs plus riches meubles, armes & cheuaux, & sacrifioient aux mortz en bataille quelque ennemy pris en icelle, & adorans le feu, le soleil, la lune, les bestes, serpens & toute autre chose] Pres du fleuve Vistule y eust iadis un chesne, là où les cheualiers apres quelques victoires, dressèrent vne fortresse dès le commencement pour leur retraite: puis comme les choses humaines de peu viennent en grandeur & accroissance, par trait de temps ce chasteau est deuenu vne belle ville, & fut nommé Mariembourg, qui est la Metropolitaine & siege de celuy qui estoit grãd maistre de l'ordre. L'origine de ces Cheualiers fut dressée des Alemans en la cité de Ierusalem, & n'est loisible à autre d'y estre receu, si n'est de la nation Germanique, & gentil'homme de nom & d'armes, auquel on faict prometre de se tenir tousiours prest de combattre & batailler contre les ennemys de la sainte Croix & religion de nostre Seigneur Iesus Christ. Ils portent la croix noire, & le manteau blanc, & nourrissent la barbe, sauf ceux qui châtent la Messe & sont du corps du Clergé: Ces Cheualiers sont tenus de dire à certaines heures, l'oraison Dominicale au lieu des heures Canoniales, & ne se soucient beaucoup de sçauoir les lettres: ils sont fort riches & presque esgaux aux Roys en puissance. Aussi ont ils souuent eu guerre cōtre le Roy de Poloigne, à cause des fins & limites de leurs terres, & quelque grand seigneur qu'il soit, si n'ont ils craint souuentefois de luy lurer bataille. [Mais depuis que de nostre temps Albert de Brãdebourg grand maistre de cest ordre, a eu faict banqueroute à l'Eglise, & qu'il a quitté & le froc, manteau, croix & profession de defendre l'Eglise contre les Barbares, & que contre son serment & statuz de sa religion il a pris femme, obeissant aux loix Lutheriennes, & à la suasion d'Osiandre: ce pays Prussien qui estoit releuant de la seule souueraineté de l'Empire, est rendu suiet & homageable au Roy de Poloigne par le serment de fidelité faict & donné par ledit Albert, qui le prist en tiltre de Duché, & encore le tient à pareille cōdition Wolphang son successeur, ayans regetté le ioug de l'Eglise Romaine par le moyen de laquelle ils estoient paruenus à telle grandeur, & à laquelle ils ont faucé la foy, tout ainsi qu'ils en ont vsé à l'endroit de l'Empire. Meilleur marché n'en ont eu les cheualiers croisez & porte-glaiues de Liouonie, lesquels ayans abiuré la foy de leurs ancestres & embrassé le Lutherisme, Dieu sçait si depuis ils ont senty la main de Dieu punissant leurs apostasies, veu que au parauant ils faisoient teste gaillardement au Moscouite qui ne pouuoit rien gagner sur eux que des bastonades, là où à present il les ferre & talōne tout à son aysé, ayant vsurpé la plus part des

terres qu'ils auoyent en Liuonie. De cecy lysez Laurés Surie au suplemēt de la Chronique de Naclere: & Sigismōd qui a escrit l'histoire de Moscovie] A Prussie, & Lithuanie est voisine vne petite region nommée Samogithie, enuironnée de forests & riuieres, ayāt quelques 12. ou 13. lieues de largeur, le peuple de laquelle est de belle, & fort grande stature, mais mal ciuil, rude & Barbare, [suiette au Duc de Lithuanie, qui y enuoye vn gouverneur qu'ils appellēt Starost, c'est à dire, vieillard ou ancien, & n'est guere loisible au seigneur de le changer, fil n'a fait quelque grand faulte, ains luy est son office continué & donné pour sa vie. Ce peuple est audacieux & prompt à la guerre, ayant des corselets, & s'aidant d'espieux semblables à ceux desquels on vse à la guerre: mais plus courts, leurs cheuaux sont si petits que c'est merueille comme ilz peuuent fournir au travail & besoigne à laquelle ils sont employez, & fendent ou rōpent la terre quelque forte qu'elle soit non avec le fer, ains à tout des socz de terre ains que en vsent aussi les Moscouites. Or comme vn gouverneur pensoit les soulager faisant porter des socz de fer, aduint que deux ou trois ans de sūyte, la terre ne porta rien de prouffit y obstant l'interperie du Ciel, mais ce peuple lourd, ne prenant esgard à cecy, cōmença se mutiner & dire que le tout procedoit pource qu'on faisoit cultiuer avec le fer outre la coustume lequel rendoit leurs terres infertiles, tellement que le gouverneur fut cōtraint, pour cūter sedition, de les laisser labourer à leur fantasie. Et à cause que le país y est (comme dit est) fort boscageux & solitaire, & que le peuple est encore rude, & assez mal fondé en la foy, ne fault l'estonner, si le diable les estonne avec l'effroy de plusieurs & diuerfes visions.]

Les Samogithiens, espousent plusieurs femmes, & sans aucun esgard de sang, ny parenté, entant que le filz, son pere estant mort, espouse sa belle mere & marastre, & le frere ne fait conscience de prendre sa belle sœur à femme. Ilz n'vsent d'aucune monnoye, & bastissent leurs maisons fort basses, couvrans ces logettes de fange, & de chaume & le toit estant fait tout ainsy que les Barques, ou Galeres, au sommet & feste desquelles, ilz font vne fenestre si ample que facilement elle donne clarté à tout l'edifice. Là le feu brulle tousiours, tant pour aprestier leur viande que pour cause du froid, qui y est si vehement que presque tout le long de l'année la glace tient les riuieres caillées, & les ruisseaux espris en glace: [& font l'astre & foyer au milieu de la maison, affin que le pere de famille assis puisse en se chauffant prendre esgard, & à son mesnage, & à ses troupeaux, à cause que & hommes & bestes couchent sous mesme toit sans aucune separation de paroit ny closture.

Les plus riches & puissans en lieu d'or, ou argent ont des vases, ou coupes faites de cornes d'Vres pour boire cōme chose magnifique: & ont du meilleur miel & le moins entremeslé de cire qui soit en toutes les regions septentrionales quoy que elles abondent en abeilles. Ilz n'vsent point d'estuues, ny de poilles ainsy que leurs voisins, & est ce peuple enclin naturellement à la diuination, charmes, augures, & enforcellemens. Les Samogithiens adoroyent le feu (& encore il y en a qui sont touchez de ceste superstition abhominable) l'estimans sacre-saint, inuiolable

*Laurens Surie.
Sigismond liber.*

*Samogithie sui-
te au duc Lithu-
nien.*

*Gouverneur de
Samogithie dit
Starost.*

*Samogithes rail-
lans en guerre.*

*Samogithiens la-
bourrent leurs ter-
res avec du boys.*

*Samogithiens af-
fousent plusieurs
femmes.*

*Samogithiens in-
cestueux.*

*Quelz sont les
bastimens des Sa-
mogithiens.*

*Samogithes boi-
uent es cornes des
Vres.*

*Samogithes de-
vins & forciers.*

LIVRE TROISIÈME

*Le feu adoré par
les Samogites.*

*Samogites adorent
les Serpents.*

*Ladislas Roy ost
l'idolatrie de Sa-
mogitie.*

& lequel ilz gardoyent tousiours allumé en leurs foyers, & sur tout en vn temple posé sur vn costau & colline pres le fleuve Neuyase, où tousiours assistoit vn Prestre, qui n'auoit autre charge que de ne laisser le feu sans matiere. Ilz adorent aussi encore en plusieurs endroits des serpents ayans quatre pieds & faits tout ainsi que des lesards, & d'un pied & demy de longueur qui sont noirs de couleur, & gros assez eu esgard au reste de leur proportiō, & les appellēt Giuaites, qu'ils nourrissent en leurs maisons, & venans ces bestioles à iours certains pour prendre leur pasture: ce sot peuple les regarde mager avec reuerence & crainte, iusqu'à tāt que saoulz ilz se retirent. Or quelque mal'heur aduenant à eux ou leur famille, ilz disent que c'est à cause que leur dieu serpent n'a pas esté receu comme il luy apartenoit, ny rassasié & saoulé à son aise. Ladislas roy de Poloigne, qui fut aussi grand duc de Lithuanie & le 1. Chrestien (comme dit est) & nommé Ingellon auant son baptême, lors qu'il contraignit ses suiētz à recevoir la foy Chrestienne, feit estaindre le feu qu'ilz tenoyēt pour Dieu & abatist la Tour où il estoit reuerēment gardé, abatant par mesme moyē les forests que les Sarmates adoroeyēt encor, comme la maison & retraite des dieux, suiuant ce que dit le Poëte.

Les Dieux aussi dans les boys habitoyent.

*De ceste abusson,
Et Grecz, Et
Romains, voire
Hebreux ont es-
té taschez. Virg.
Bucc. Eglog. 2.
De cecy lvs en vn
exemple en Sigis-
mond liber, en sa
Moscouie.*

*Banquet apresté
pour les morts.*

*Feste forestiere en
Samogithie.*

*Perkume tonnerre
Dieu de Samogi-
thie.*

*Zlota Baba Ido-
le de Moscouie.*

*Figure de l'Idole
de la vieille dorée.*

Non seulement honoroyent ils les boys, ains encor tenoyēt pour saint & inuiolable tout ce qui y repairoit, cōme sont les oiseaux & bestes sau- uages: & ce qui est vn cas esmerueillable que ceux qui leur faisoient mal, & violence estoient soudain saisis, & rendus contrains, & impotens des pieds & des mains, & ce par l'illusion & impostures du maling esprit. Et parainfi chacune maison auoit vn foyer, & chapelle en ces boscs, où ilz brusloyent leurs morts, avec leurs cheuaux, selles, armes, & plus riche mefnage. Et pource qu'ilz auoyent opinion que les morts reuinissent là de nuit, ils y dresloyent des sieges de liege, sur lesquels on mettoit de tresbō- ne & delicate boisson, & d'une certaine paste faite en forme d'un four- mage, & du tout en abondance afin que les morts en vsassent pour leur viure & repas. Tous les premiers iours d'Octobre, ilz faisoient vne grand & solennelle feste dans ces boys, où tout le peuple estant assemblé chacu- ne famille se retiroit en sa loge, banquetans à la mode du pays, & faisans la plus grand chere qu'il leur estoit possible, sacrifiens en l'honneur des dieux foyers, & sur tout à celuy qu'ils nomment Perkume, qui signifie autant que le Tōnerre. [Et puis que nous sommes sur l'Idolatrie i'ay lais- sé, parlant de la Moscouie, vne Idole au païs le plus septentrional de la su- ietion du grand Duc Russien que ceux du pays appellent Zlota Baba, qui signifie la vieille dorée. Laquelle le peuple adore avec plus grand hōneur & reuerence que Dieu qu'ils recognoissent, & tellement que aucun n'y passe sans y faire quelque present, que fil n'a autre chose, encor prendra il plustost vn poil, ou morceau de son habit, que s'en aller sans laisser gage de sa deuotion à ceste vieille. La figure de laquelle est faite en façon d'une dame aagée tenant vn enfant entre ses bras & en son giron, & vn autre qui luy est aupres: l'un est son fils & l'autre son neueu, car ainsi en parlant les Tar-

les Tartares du païs. Les habitans de celle region tiennent encor que celle Slora Baba, à laiffé des clochettes pres son idolle qui refonnent, & font bruit: ce qui n'est pas de merueille eftant expofées au vent qui les efbraie: Mais de pèfer qui eft ceste déeffe (car ie ne puis croire que ce ne foit quelque obseruatiō des folies & fuperftitieuſes Gregoïſes,) ie ne ſçauroy, ſi ce n'est qu'on le prêne de Cybelle, qu'auffi on apelloit la mere des dieux, cognue de toutes nations, comme la nourrice du gère humain, & celle qui ſauua les enfans de la tyrānie deuorāte de Saturne. Mais laiſſons cela aux poètes, & venōs à nos Samogithiēs,] leſquels ont meſme langage que les Polonois & Lithuaniēs, d'autāt q̄ les curez & preſcheurs leur annoncēt la parole diuine en lāgue entēdue de Poloigne. Or ſuiuēt ils l'obeiſſance de l'Egliſe Romaine, iāçoit que d'autres Ruſſiens vers le midy, & les Moſcouites qui leur ſont au Septentrion, ſont adonnez à la façon de faire des Grecs, & obeiffent non au Pape & ſouuerain de l'Egliſe catholique, Apoſtolique & Romaine, ains pluſtoſt au Primat de Grece, & Archeueſque de Conſtantinople.

Clochettes pres l'idolle de la vieille dorée.

De ceste Cybelle roy Martian Capelle li. i. c. 2.

Et S. Auguſtin li. 8. de la cité de Dieu.

Samogithes ſuyuent l'Egliſe Romaine.

Du Royaume de Poloigne, & mœurs deſquelz à preſent vſent les Polonoys. Chapitre 10



Poloigne regiō d'Europe fort grande, & plaine, d'où auffi on tiēt que elle à pris le nom, d'autāt qu'e langage Eſclauōne, de laquelle les Polonois vſent, Pole ſignifie Planure: & autremēt ceste Prouince eſt ditte Sarmatie, auoiſinant vers le Ponāt le pays de Sleſie, ayant les Pruſſiens, & Maſſouites au Nord & ſeptentrion, les Hongres au midy, & à l'Orient le pays de Ruſſie: & a le mont Carpathie que ceux de Poloigne & voiſins appellēt Crapatz qui la ſepare d'auec l'Hongrie. La Poloigne eſt diuiſée en deux: celle qui eſt voiſine des Pruſſiens & Saxons, eſt ditte la grande, & la petite ou mineur celle qui eſt iointe aux Hongres & Ruſſiēs. Et eſt ce royaume party en quatre Prouinces, ou quartiers principaux, chacun deſquelz eſt viſité tous les ans par le Roy, & chacune deſdites regions eſt tenue de defrayer & le Prince, & ſa ſuyte par l'eſpace de trois moys. Mais ſi par cas quelque affaire ſuruenant, le Roy vouloit ſy arreſter plus q̄ dudit terme, le pays n'eſt tenu de luy fournir rien d'auantage. Cracouie eſt la cité principale, la plus grande, riche & fameuſe de tout le Royaume, & en laquelle ſont les theſors & richesses royales, & la magnificence de tout le pays, là où le reſte des villes & citez ne ſont de guere grand eſtoffe, ny dignes que on en face compte, les maiſons y eſtans baſties de murs non cimentez, & la plus part enduits de mortier de terre ſeule, ſans chaux ny ſable quelconque: & y eſt le paſſage aſſez plaiſant & fort chargé de boſcages. Les naturels du païs ſont ſages & diſcretz en leurs actions, fort courtoys & debōnaires à l'endroit des eſtrangers: beuans fort volontiers, ainſi qu'en vſent encor tous peuples ſeptentrionaux, mais l'vſage du vin y eſt fort rare, & ne ſçauent les habitans que c'eſt que de cultiuer les vignes. Ils ſont certaine boiſſon auec du bled & autres graines & ſemences, qu'ils nomment Cer-

D'où ditte Poloigne Crommere li. 1.

Description de Poloigne.

Carpathie montaigne.

Double Poloigne grande, & petite. Roy de Poloigne, viſite tous les ans ſes pays.

Cracouie cité principale de Poloigne.

Baſtimens de Poloigne.

Naturel des Polonois fort courtois.

LIVRE TROISIÈME

*Je pense que ces
chevaux sont les
Rangiferes.*

*Fertilisé & abo-
dance de miel en
Poloigne.*

*Procopie liv. 3. de
la guerre Gothiq.
Sabelliq. Eneid.
8. liv. 4.*

*Crommere liv. 1.
ch. 15. & 16. Va-
poniel. 1. de l'hist.
de Poloigne.
Blond. Dec. 1. li.
1. Sabell. Enead.
2. liv. 2.*

*En quel temps les
Slaves ont esté
premierement co-
gnus.*

*Pline li. 4. ch. 12.
Ptol. liv. 3. ch. 5.
Tab. 7.
Depuis quel tēps
le nom & peuple
Esclanon est co-
gnu en les histoires.*

*Que signifie le
mot Slave.*

uoise, & y est le terroir gras, abondant, & fertile, bon pour le pasturage, & où les haras y sont nourris à suffisance. La chasse fort diuerse à cause de la grande variété des bestes qui y repairent, comme cheuaux sauuages ayant des cornes comme vn Cerf, le Bœuf fier & non apriuoisé, que les Latins appellent Vre. En Poloigne on ne tire de terre autre sorte de metal que le plomb, & du sel aussi dur que pierre ou rocher, & est le plus riche reuenu, & leuée de tribut que le roy aye en toutes ses seigneuries. Le miel y croist en telle & si grande abondance, que ny les Polonois, ny Russiens ont assez de lieux pour enfermer ceste largesse de nature: car on voit & les forests & les arbres tous noirs de l'ouurage des abeilles qui y dressent leurs ruches, essoinnes, & maisons. Les caracteres desquelz ils vsent en escriuant sont composez partie du Grec, partie du naturel de leur país, comme aussi les ceremonies y sont meſlangees, les vns tenans la foy de l'Eglise Apostolique de Rome, & d'autres suyuant l'opinion des Chrestiens de la Grece: & hommes & femmes se vestent aussi presque tous à la façon des Grecz. [Et puis que nostre auteur ne s'est gueres peiné, à nous donner l'origine de ce grand, & courtoys peuple de Poloigne, se contentant de dire que le nom du pays est dit de la planure, & que aussi il a esté dit que les habitans en iceluy parlent Esclauon, il fault aussi entendre que ceste nation est de la premiere origine Esclauone, & que le país qu'à present on nomme Esclauonnie, & iadis Illyrie, & Dalmatie a pris le nom des Slaues & Polonois, y passez, apres qu'ils eurent pillé, & la Macedone, & le país de Thrace. Or estoient ilz sortis de Russie, & Sarmatie Asiatique, & depuis passans en Europe apres que les Wandalles quittans leurs terres comencerent à courir les fins, & limites de l'Empire vn peu apres que Attille eut fait ses ieux & eust affligé & les Gothz & l'Empire: ce que encor tiennent ceux qui ont escrit au vray l'histoire de Poloigne, ausquelz cōsentent, & Blód, & Sabellique: quoy que aucuns ayent tenu qu'ils estoient sortis de la Croatie: mais comme qu'il en soit, c'est chose seure que le nom des Slaues qui depuis ont esté nommez & Boesmes, & Polonois, n'a esté cogneu que depuis le temps de Constantin le grand, & ce peuple commença à remuer meſnage du regne, & tenant l'empire Iustinian, les Gothz & Wandalles (comme dit est) ayants quitté celle partie de terre où estoient les Vlmerignes vers, & pres le fleuve Vistule, iusqu'au mont Crapatz. Je ne m'amuseray à discourir si les Polonois sont Alemans, veu que si la Sarmatie est par les anciens Geographes comprise en la Germanie, ilz le sont, & sinon au cōtraire il les fault tirer de ce rac: or est-il que Pline les en dispēse disant que les Sarmates ne sont point Germains, & le meſme se recueille par les descriptions de Ptolomée. Quant au mot de Slaue que mal à propos on a depuis dit esclau par le vice de la lague Italiēne c'est sans doute que les historiens anciens n'en ont eu cognoissance, & les premiers qui en ont parlé se sont esté Procopie & Iornandé en l'histoire du temps de l'Emp. Iustinian: tellement qu'on ne ſçait bonnement de quel homme est ce que ce peuple à pris ce tiltre: il est vray que le vocable Slouo, ou Slaua en langue Esclauonne signifie & parole, & gloire, & renommée, tellement qu'on les a nommez Slaues, & Slauins, ou pour estre grands parleurs &

babillars, ou pour le renō qu'ils ont aquis en leurs cōquestes. Mais de quelle part q̄ soit venu le nō, si est-il chose asseurée que les Esclauōs, qui tiennēt la Dalmatie & Illyrie sont venus de ce peuple, qui à present (ayāt chāgē de nō) est nōmé & Boesme & Polonois, cōme ayās tous les deux mēme origine, & de nō, & de païs. Or q̄lles ōt esté leurs cōquestes, & depuis cōme ils ont perdu vne partie des terres cōquises sur les Alemās, & ce par la vaillance de Charles le grand Emp. & Roy de France, les histoires vous en pourront rēdre certains, sans que nous arrestōs d'en faire le discours, & lesquels ces auteurs apellent Slaues, Serbes, & Sorabes, chastiez par Charles fils du susdit Emp. & lequel il auoit fait gouverneur, & Viceroy au limate d'Hongrie pour tenir teste à l'Emp. de Grece. L'ancienne religiō des Polonois, ainsi que des autres natiōs à esté l'adoration de plusieurs dieux, en laquelle les peuples septentrionaux ont plus lōguemēt persisté q̄ le reste de l'Europe à cause q̄ leur barbarie & cruauté dōnoit grād empelchemēt aux hōmes religieux d'y auoir accez pour y aller prescher le saint & sacre Euāgile: ioint q̄ ce peuple n'ēbrassant que les guerres, n'auoit guere grand soing d'ouïr riē qui fait au salut de son ame. Or les dieux qu'adoroyent les Slaues ou Polonois estoient Iessan, c'est à dire Iupiter, Ladō qui estoit Plutō, Niam, Diane, Marzā, Mars, Zizilia, Cerez & Zieuanne qui estoit Venus, ayās pareille opiniō de ces dieux q̄ les autres natiōs, & leur sacrifiant en la mēme façō q̄ les Grecs & les Romains: solēnifans leurs festes en banquet, dançans, chātans, & s'esouiffans en toutes sortes à eux possibles: laq̄lle obseruatiō Dlugosse historiē, dit auoir duré encore de son tēps, & ce quelques années apres q̄ les Polonois eurent receu la religiō Chrestienne: voire encore à present en Lithuanie, lors qu'e leurs festes ces gēs s'esouiffent, & dancent chantans, ils repetent souuent ce mot de Ladon avec vn grand applaudissemēt & batemēt demains. Eurent encor cōme dit Dlugosse, Ziuie vn de leurs dieux, & déesse qui signifie ceste force vitale de l'air donnant vigueur aux choses animées: Pogode, qui estoit la serenité, & temperie de l'air: mais ils sont venus à l'Euāgile & saint Baptesme enuiron l'an de grace 963. regnāt en Pologne Micislas, qui aussi a esté le premier roy Chrestien de ceste natiō. Or auāt que le saint lauement y fut cogneu: ils vsoyēt de ceste ceremonie lors qu'ils vouldoyēt imposer le nō à leurs enfans, ce qui ne se faisoit qu'ilz ne fussent grādelets: car ilz le conduisoient au temple de leurs dieux, & luy coupoyēt sa premiere cheueure qu'ils offroyēt cōme pour arres de leur seruice: A cest effait on apelloit les amys & parens pour se resiouyr & y estoit sacrifié vn pourceau, & de l'eau mixtionnée, & faite cōme nous faisons l'Hidromel, & cecy est décrit par Crommere en la vie de Piaſte qui succeda à Popiel le ieune, celui qui pour sa cruauté & par iugemēt de Dieu fut māté des rats, avec sa femme & enfans, & fina ainsi sa miserable vie. L'ancien estat de Pologne, apres les premiers roys defaillis fut reduit sous la puissance de douze princes choisis d'entre les plus puissans & remarquez de la noblesse, lesquels eussent iurisdiction chacun en vne Prouince, & gouernassent l'estat en commun, y apellans le conseil député par le peuple, & les apellerent Vaiuodes, ou Palatins, Ceux cy dès le commencement se porterent fort sagement en leur admi-

*Dalmatie pour-
quoy apelee Es-
clauonie.*

*Roy Eghinart en
la vie de Charles
le grand.*

*Bonfinie hist. de
Hongrie: Decad.
1. liu. 9.*

*Vitrichind. des ge-
ſtes des Saxons li.
1. & 2.*

*Blond. Decad. 2.
liu. 1.*

*Dieux adorez
entre les Slaues.*

*Dlugosse historiē
de Poloigne.*

*Dances de Li-
thuanie sentent
encor le Paga-
nisme.*

*Ziuie Déesse.
Pagode serenité.
En quel tēps Po-
loigne receut la
foy Chrestienne.*

*Present des che-
ueux des enfans
en leur imposant
leur nom.*

*Crommere liu. 2.
Popiel roy de Po-
loigne mangé des
rats.*

*Pologne gouuer-
née par les Vai-
uodes & Pala-
tins.*

LIVRE TROISIEME

*Palatins pour-
quoy chassiez du
gouuernement.*

*Façon d'eslire ia-
dis le Roy en Po-
loigne.*

*Voy Crommere.
liv. 2. en la vie de
Lefque. 2.
Lefque occis, &
pourquoy.*

*Costume des no-
bles lors qu'on lyt
l'Euangile.*

*Ordonnance tou-
chant les garni-
sons tant de cava-
lerie, que de fan-
terie.
Boleslaz, fait roy
par l'Empereur.*

*Poloigne tributai-
re au S. Siege.*

*Estatz de Hon-
grie tenus en la
campagne.*

*Poloigne bigarrée
à present en se-
ctes.*

nistrat[i]on & magistratz & ordonnerent d'assez bônes loix, mais en petit nombre, veu la rudesse du temps d'alors: mais changeans de complexion, & conuertissans la iustice en tyrannie & vsurpation, le peuple les mespriant, & chacun estant Roy à sa fantasie, en fin les Roys furent remis sus, & ce mot de Palatin, & hôneur de tiltre de prince est demeuré aux maisons, ainsi qu'en voyons estre aduenu en nostre France, aux maisons des anciens Pairs, ou de ceux qui tiennēt leur place. Iadis la race royale estant defaillie ou ne se pouuans accorder sur l'election du prince, ilz auoyent de coustume de dresser vne lice, & là à course de cheuaux de diuerses couleurs cōmettre le sort à la fortune, tellemēt que par l'accord de tous, celui qui le premier venoit à l'attache & borne ordonnée, celui auoit aussi le nom & preeminence du Royaume. Là y auoit des iuges deputez, tāt pour donner le signe de la course, que pour iuger de celui qui auoit emporté le pris & victoire, & cecy dient les Croniqueurs Polonois auoir esté pratiqué lors que Lefque second du nom vint à la couronne de Poloigne: car vn autre Lefque sorty de grand lieu, ayāt fait fraude au ieu, en semant des cloux en la campagne, & luy ayant pris sa carriere à l'escart: vn ieune hōme de bas lieu la descouurist & gagna le pris, ayant esté occis premierement le fraudeur & trōpeur. La noblesse de Poloigne, apres la cognoissance de la verité du filz de Dieu, auoyt de coustume que lors que le prestre ou diacre, commençoit à lire l'Euangile à la Messe, de desgainer à demy leurs espées, comme se confessans prestz à cōbattre, & espandre leur sang pour la defence de ceste sainte doctrine contenue en l'Euangile: & le mesme auons nous veu obseruer en maints endroits de la Frâce. La coustume encor de Poloigne porte que les Palatins, chacun en son gouuernemēt leuent certaine quantité de caualerie pour la tenir prestte toutes les fois que le Roy en aura besoing, tout ainsi que sont les garnisons en France de la gendarmerie, & fut cela ordonné par le Roy Boleslaz enuiron l'an de grace 1020. lequel encor imposa aux villes la charge de faire certain nōbre de fanterie qu'elles soudoyent, ainsi qu'en France on auoit dressé les Legionaires. Le Royaume de Poloigne est tributaire au saint siege, tellement qu'il n'y a homme en tout le pays qui ne doieue pour sa teste à la lampe qui brusle à Rome, en l'Eglise S. Pierre, vn tournoys tous les ans, sauf les nobles, les cheualiers & Ecclesiastiques & sapelloit cela le denier S. Pierre, comme aussi en Angleterre. Auoyēt aussi de coustume iadis d'assembler les estatx où le roy presidoit & lesquels ilz tenoyēt en plaine campagne y dressans tentes & pauillons, ressentans encor la maniere de viure des Scythes, desquels ils sont & voisins, & sortis de leur sang & famille. Je laisse à part plusieurs autres choses pour euitier prolixité, ioint que ie pense auoir deduit le plus vtile & necessaire, q'il y reste rien à dire: on le pourra recueillir des annalistes, qui en ont fait vn assez ample discours. Le païs de Poloigne est à present le plus bigarré en religio que autre de l'Europe, veu que de tout tant qu'il y a d'heresies, & diuersité de sectes & opinions, il n'y manque lieu pour leur donner, & entrée & accomplissement au grand malheur, & ruine (si Dieu n'y pouruoit) d'une si excellente Prouince.



Mongrie à present est sans aucun doute celle partie, & region d'Europe que iadis on nommoit Pannonie, iacoit que maintenant l'Hongrie soit de plus grand estendue que n'estoit le temps passé la Pannonie. Car dez le fleuve Laith iusqu'au Saue elle comprend seulement la basse Pannonie : & toutesfois s'estend elle delà le Danube iusqu'aux limites de Poloigne, embrassant celle region que iadis tindrent & habiterent les Daces, & Gepides : & est plus ample la seigneurie que ne porte le nom de la Prouince. Ceste terre fut iadis (ainsi que disent les auteurs anciens) enuironnée de neuf cercles, que les Alemans nomment Hagues, chacun desquelz estoit tellement dressé, & fait de pieces de bois de Hestre, ou de Chesne, ou Sapin que chacun contenoit vingt pieds de large de bord en bord, & auoit autant en hauteur : or toute la cité, & lieu ainsi entouré estoit remply tout de craye fort gluante & ferme ou de pierres tresdures, & la superficie des rampars estoit couuerte de grosses motes de terre encore toutes herbues : aux coins de ces rampars, & trenchées on auoit planté des arbrisseaux, lesquels coupez, & espars ça & là representoient des arbres & herbes, tout le long de là fortresse. Or de l'un cercle à l'autre il y auoit l'espace de vingt lieues d'Alemagne commençant du premier iusqu'au neuuiesme, quoy que le chemin allast tousiours quelque peu en estressissant. Entre ces leuées fossez & trenchées, & dans leur enceint & circuit les bourgs villages, & hameaux estoient tellement disposez & situez qu'on pouuoit entendre de l'un auant à l'autre la voix d'un homme : & là les edifices estoient munis & fortifiez d'espaiss & bien forte muraille. Les portes estroites & basses, & en lieu escarté, afin qu'ils peussent plus facilement & à couuert sortir, pour aller faire leus courses, pillages, larcins, & voleries : & donnoit l'un cercle à l'autre le mot du guet de toute chose, par le son retentissant de leurs trompettes. Les Pannons ont iadis possédé ceste Prouince & ce dès le commencement, nommés Pæoniens par les Grecs, & depuis les Huns peuple de Scythie y passerét, lesquels en furét chassés par les Goths fortis des isles de la mer Germanique : mais iceux en furent encor ostés & despossédez, par les Lombards, lesquels estoient aussi issuz de l'isle, ou plustost païs continent, de Scadinauie ceinte de l'Océan : en fin par les Hongres, aussi Scythes d'un païs non guere esloigné du fleuve Tanais, ou de sa source, & lequel s'appelle Iuhra, & iadis Hongrie, qui est vne Prouince miserable, pauvre & deserte à cause des grandes froidures, & est subiette au Duc Moscouite auquel ils payent tribut non d'or ou argent, desquelz ils n'ont aucune cognoissance, mais bien de peaux fort riches & precieuses, desquelles ils ont à cōmandement. Ils ne cultiuent ny ne sement leurs terres, & ne font cuire du pain, se contentans de viure de la chasse, & de la pescherie, vñs l'eau pure pour leur breuuage, & habitans dans les boys en des logettes qu'ils font de rameaux & branchages entrelassez ensemble. [Il est vray que Procopie en la guerre Persique fait distinction des

Description de
Hongrie Ptholomee
liu. 2. ch. 16.

Tab. 5 d'Europe.

Strabon liu. 7.

Appian met la
Pannonie entre
les Illyriques.

Hongrie diuisee
en haute & basse
Pannonie, la basse
est Hongrie & la
haute Austri-
che.

Païs Pannonien
comme iadis forti-
fié.

Pannonies adon-
nez au larcin le
temps passé.

Voy Tornandez.

De tout ce dis-
cours lys Blond.

Decad. 1. liu. 1. de
la decheute de l'Em-
pire Sabellic. En-
nead. 7. li. 9.

Agathie liu. 4.
parle de ceste des-
cente des Huns,
qu'il ne fait en-
rien differer des
Hongres, Proco-
piel. 1. de la guer.
Gothiq. & 1. de
la g. Persique.
Vie des Huns se-
tenés en Scythie.

LIVRE TROISIEME

*Procop. liv. 1. de la
guerre Persiq.*

*Duquel temps re-
gnoit Perozas en
Perse.*

*Euthalites Huns
blâcs, & leurs fa-
çons de vie.*

*Vestemens des
Huns sauvages.*

*Baleine en la co-
ste septentrionale.*

*Mors, poisson sep-
tentrional.*

*L'ignorance de
l'histoire, à fait
donner tant de
cours au sang
Troyen.*

*Où fut iadis le
vray siege des
Pannoniens.*

*D'où vient le nō
de Pannonie.*

Huns, appellent les vns blancs, & les autres Nomades: Or des blancs il en parle en ceste sorte: Les Huns Euthalites, ne menent point vie pastourale comme le reste des Huns, ains est leur region tres-bonne, & tres-fertille & iamaïs ceux cy ne vindrēt faire courses es terres Romaines, si ce n'est à la fuyte du Roy de Perse: & sont les plus beaux, & blâcs d'être les Hūs, nō sales, ny de fier & farouche regard cōme les autres, ny viuas ainsi qu'eux, tout à l'esgal des bestes sauvages & farouches, plustost sont policez ayans vn Roy qui leur cōmāde & vīans de droit, equité & iustice avec leurs voi-
sins, aussi biē q̄ les Romains, ou autres natiōs ciuiles. Les plus heureux d'être eux ont vingt amys qui sont ordinaires à leur table, & lesquels ils font participās esgalemēt de leur puissance, & bourse & fortune, & quelcū en mourāt ils le font porter en terre suyuant leur anciēne coustume. Or par là vousepouuez voir qu'Attila Roy des Huns, quelque cruel qu'il se mōstrast n'estoit point de celle regiō sauvage suiēte au Moscouite à present, ains, qu'il aprochoit plus la temperie de l'air, sans estre si proche des mons septentrionaux, bien qu'il aye fait ramas de tout ce qu'il peut tirer d'hommes de la Scythie, pour se ruer sur l'empire Romain. Ces sauvages donc viuant parmy les bestes, ne se couurent point, ny de lin, ny de drap de laine, ains des despouilles des Loups, & Ours, & Cerfs, ainsi que freschemēt ils viennent de les tuer: adorans le soleil, la lune, & autres estoiles & clartez du Ciel voire & la premiere chose qui se leur offre sortans de leurs loges: & ont langage qui leur est tout peculier, & peschent le Corail le lōg de la mer, & chassēt les Baleines: la greffe, ils la vendēt aux natiōs estrāges: le long de la mer il y a quelques petites montaignes sur lesquelles s'agrippans des dens il y a certains poissons qu'ils nōment Mors, & comme ils ne peuuent sy tenir, tombans & se precipitans meurent, & seruent de pasture aux Huns, lesquels les recueillans les mangent, referuans les dens dudit poisson qui sont & larges, & fort blanches qu'ils changent à d'autres denrées avec les marchans qui passent en leur païs, & de ces dens on faict de beaux manches, & poignées pour les dagues & couteaux: [Et d'autant que des le commencement nous auons parlé de la Pannonie, ou Pæonie & suyuant nostre auteur auons espliché quelque peu des mœurs des anciens, ce ne sera mal fait pour le plaisir, & suport du lecteur, de rechercher briefuement l'origine de ce peuple, à fin de ne laisser en doute & erreur, ceux qui s'acheurtent à la folle multiplication de presque tout le mōde faite, ou fainte auoir esté, par la troupe bannie des Troyes, desquels on tasche de faire sortir presque toutes les nations de l'Europe, lesquelles sont aussi anciēnes pour le moins que les premiers peres, d'où sont descēdus ceux qui depuis bastirēt Troye. J'ay allegué dès le cōmencement Apian Alexandrin, lequel en son liure Illyrique dit que les Pæoniens ou Pannoniens furēt iadis possesseurs de celle partie d'Illyrie & Dalmatie, qui auoisinoit le païs de Macedone. Or iacoit que les Grecs, qui s'y surpēt licēce de tout dire, facent venir le nom de la Pæonie de Peon fils de Priam, & que d'autres de mēme nation Grecs, à sçauoir, donnent cest honneur à Peon frere d'Epée, & Endymiō, si est-ce que nous aymōs mieux suyure Beroſe, lequel mariant son histoire avec le discours de Moyse la rend plus

croyable, or ce Caldeé fait sortir les Pannoniens de Banó fils de Mese, & arriere-neveu de Sem, fils aîné de Noé, lequel Mese comanda sur les pais cōtenus dés la mer maiour, iusqu'au Danube: & departāt les Prouinces à ses enfans, Banon eut celle terre qui est entre le Saue, & le Danube qu'il nōma Banonie, & depuis fut ditte Pānonie, & à present est Hōgrie: & du nō du pere fut nōmée la Misie haute & basse, q̄ maintenāt on dit Seruie, Rascie, Bulgarie, & vne partie des Valaches, & de ceste Pæonie font souuēt mentiō les historiēs Romains: & sur tout Tite Liue qui racōpte cōme les Pānoniēs passerēt en Illyrie, & coururēt tout ledit pais & la Dalmatie iusqu'au lieu ou à present est bastie la citē de Venise. Ainsi les Romains ont nōmé ce pais Pānonie, ou à cause de Banó fils de Mese sūyuāt Berose, ou (cōme dit Diō Nicée) à cause q̄ les habitās se vestoiēt de draps de diuerfes couleurs, & pieces raportées en la tissure. Or leur pais est ainsi decrit p Appiā Alexādrin. Cesar (parlāt de Auguste) les Illyriēs n'ayāt encor voulu obeir aux Romains, passa p la Pānonie pour les aller cōbatre & assu iettir. Or est la Pānonie pais fort boscageux s'estēdāt des Iapodes iusq̄ aux Dardaniēs. Les Pæoniēs n'ōt aucunes villes, ains se tiēnēt en des hameaux selō leurs familles, & alliāces de sang, & n'vsent d'aucū iugement cōmun, n'ayās aussi Prince qui leur cōmāde & qui preside sur les autres. Et iācoit q̄ ils eussēt 100000. cōbatās prest à marcher en bataille, si est-ce q̄ ayās faute de chef n'oserēt venir aux mains. Et Iornādez accorde à Appiā en ce voyage de Cesar Aug. Et quoy q̄ ce peuple fust mis au rac des Barbares, si est-ce q̄ les Dalmates & Pānoniens s'estāt reuoltez cōtre l'empire, cōme Tibere assis en sō throsne s'equist de Batō, qui les auoit esmeus à se reuolter: le gētil Batō ne luy dist autre chose sinō, c'est à vous q̄ la faute de ceste rebellio doit estre mise sus, qui pour la garde de vos troupeaux auez enuoyé non des chiēs, ou bōs pasteurs mais des loups, & mercenaires. Ces Huns dōc sortis du profond de la Scythie, ont esté ceux qui en fin ont donē le nō au pais d'Hōgrie, quoy q̄ Goths, Alās, Vādāles, & autres ayēt couru la prouin ce Pānoniēne.] Or celle regiō qui s'appelle à present Hōgrie, a vers le couchāt, les pais d'Austriche, & Boēme, & au midy celle partie de l'Illyrie, ou Esclauōnie, qui auoisine la mer Adriatiq. vers l'oriēt elle regarde la Seruie où iadis les Misies & Triballes ont fait leur demeure, qui maintenant est nōmée Sagorie par aucūs, au Nord, & septētrion, & par delà le Danube luy gist le pais de Poloigne, diuisez d'ensemble par le mōt Carpat, & les Moscouites. Toutesfois assez mal à propos met cest auteur la Moscouie pour voisine de Hōgrie, quād biē elle cōprendroit toutes les deux Misies, & haute & basse, veu q̄ par ce moyē il enclorroit en l'Hōgrie presque tous les Sarmates de l'Europe.] La ville royale d'Hōgrie, c'est Bude, aîsi nōmée de Bude frere d'Attila, qui en fut le bastisseur. [Veū que (cōme dit est) les Pānoniēs ne se soucioyēt guere de bastir villes, ains se tenoyēt p troupes & familles aux champs, y bastissāns des hameaux & villages. Or ce fut cest Attila qui le premier entra en Pannonie des Roys Huns, homme de grād esprit, & des plus sages guerriers de son tēps, ayāt le cœur hault & genereux, vaillant de sa personne, cauteleux, & dōneur de cassades à son ennemy, magnifique en ses actiōs, portāt vn Autour courōné pour Armoiries,

Misie de qui a pris le nom. voy Berose.

Tite liue. liu. 10. de la 4. Decade.

Des Pannoniens voy Dion Nicée. liu. 51. & 54.

Appiā liu. de la guerre Illyrique.

Lisez Vellée Paternule, & tranquille en la vie de Tibere, & Iornādez, au li. des tēps.

Gentile responce de Batō à Tibere Emp. Dion. l. 55. Description de Hongrie.

Sagorie est ditte par Sabelliq. Ennead. 9. li. 1. mais c'est à Strabon le pais des Gethes Et à present vne grād partie de Bulgarie.

Faute de l'auteur Latin faisant la Hongrie voisine de la Moscouie. Bude ville d'Hōgrie de qui aîsi nommée.

Attila grād personnage. Paul diacre liu. 5.

Les courses d'Attila furent environ l'ā de grace 440. Prosper Aquitaniq. Iornādez liu. des tēps.

LIVRE TROISIEME

*Tiltres d' Attila,
Michel Rittie. li.
1. de Hongrie*

*Mort d' Attila,
l'an de nostre seig.
455.*

*Troisième venue
des Huns en Pā-
nonie.*

*Quand les Hōgres
receurent le bap-
tesme.*

*Charles le grand
deffait les Hōgres
Voy nostre hist.
des Charles li. 2.*

*Force de l'eau de
vn ruisseau en
Hongrie.*

*Abillement des
Hōgres.*

*Dueil en Hōgre
combien dure.*

*Jugemens selon la
loy.*

*Jugemēt fait par
les armes en com-
bat.*

& si arrogant, qu'en ses tiltres sur les lettres & patentés, il faisoit ainsi es-
crire: Attila fils de Bendetruc, neveu du grand Nemroth, nourry en En-
gadi: par la grace de Dieu roy des Huns, Medes, Goths, & Daces, la pœur
& espouventemēt du monde, & le fleau de Dieu. Attila mort que fut l'an
100. de son aage & qui deceda le propre iour qu'il espousa la fille du Roy
des Bactrians, d'autres disent des Gepides, ayant trop beu, & s'efforçant a-
pres sa nouvelle espouse, d'un flux de sang qui le faisoit & l'emporta. Luy
decedé (dis-je) ses enfans ne iouyrent guere de ses conquestes, à cause des
diuisions & querelles qui sourdirēt entr'eux qui fut l'occasion que ce païs
demeura sans aucun roy, iusqu'à ce que les Huns qui festoyent retirez a-
pres les guerres des enfans d'Attila en leur païs Scytique, vindrent dere-
chef en Pannonie avec leurs femmes & enfans, enuiron l'an de grace.
744. & ce fut lors que la foy Chrestienne y fut premierement annocée, &
receuē par les moyēs de Zeire vn des Princes qui les auoit conduits: mais
d'autres tiennent que ceste conuersion vint enuiron l'an de nostre salut,
788. que Charles le grand aneantist presque toutes les forces des Huns, &
meit son fils Charles pour gouuerneur, & que lors Cacan Roy Hongre,
receut le baptisme avec toute sa maison, & peuple d'Hongrie.]

Le terroir de ce païs est fort fertile, & abondant en fourment, entant
qu'il est cultiué, & riche en or & argent. C'est chose merueilleuse ce que
les habitans en dient qu'il a vn ruisseau en Hongrie, dans lequel si souuēt
on baigne du fer, qu'il se conuertist en cuyure. Les hommes portent leur
abillement fort eschancré vers le collet à fin que la chemise apparoiſſe les
collets & fraises de laquelle ils ouurent & acoustrent de filet d'or, & de
foye & ce tout sans aucune difference d'estat, vsans de pareille indifferen-
ce à la chaussure, portant des Brodequins à la façon ancienne des Tragi-
ques. Ils se fardent, oignent, & crespent les cheueux, les couurans d'un pe-
tit chapeau de toile, sans guere l'oster, si ce n'est en reposans, ou estās sans
rien faire ce que les allemans obseruent aussi en plusieurs endroits. L'ac-
coustrement des femmes est plus estroit, & couurāt tout le corps iusqu'au
col, ou seulement apparoiſſent les ourages bienfaits de leurs colets, &
chemises, & portent vn mâteau par dessus leurs robes, affublans, & parans
leurs testes de foye, ou lin, & se couurent tout le visage sauf le nez, & les
yeux, & vsent ordinairement de perles, & Pierrerie en se parant, & sacou-
strans voulant sortir en rue: hommes & femmes portent des botines ou
brodequins iusqu'à demy grēue, & portent le dueil deux ans, & pour le
plus commun & ordinaire il ne se fait que le long de l'an. Les hommes
rasent leur barbe, sauf es leures de dessus nourrisans des moustaches à la
Turque: Iugeans de la foy, & religion selon la foy droite, & receuē de l'e-
glise vniuerselle, qui leur sert aussi de droit es causes, & affaires qui suruiē-
nent entre eux, dequoy s'en raportent à la loy escrite & ordonnances des
empereurs. Ils ont encore vne autre maniere de vider les differens es
matieres où gist de grande difficulté de preuue, d'autant que les parties
tant deffenderesse, que celle qui accuse faut que combattent ensemble: au-
quel duel & combat le roy, ou celuy qui le represente faut que soit pre-
sent pour en iuger, & donner sentence en faueur de celuy qui emporte la
victoire

viçtoire. Celuy est assez vainqueur & luy donne lon le dessus, sil met son ennemy en necessité de parer aux coups, ou si l'autre reculant outrepassé les bornes de la place, ou camp ordonné pour le combat. Ceux qui combattent à cheual, vsent de la lance plustost que venir à l'espée, ou coutelaz: mais à pied, si aucuns entrent en lice faut que foyent tous nuds, sauf les parties honteuses. L'Hongre à son langage propre, iacoit qu'il suyue le parler des Boësmes, & l'imite aucunement, ont aussi des caracteres à escrire propres à leur langue, mais plus volontiers suyuent ils la façon des lettres des Latins. Ceste nation est farouche & de grand cœur, & effort en guerre, plus aptes aux guerres à cheual, qu'à suyure la fanterie, obeïssans aux roys, & à leurs lieutenans. Ils ont quelques gens d'ordonnances & hommes d'armes, & de la caualerie legere, mais non en trop grand nombre: & combattent à troupes, & escadrons, mais toutesfois non toutes les bandes ensemble & à vn coup. Il n'y a natiō Chrestienne, qui ayt iamais tant donné d'affaires aux Turcs que l'Hongre, ny autre qui ayt plus souffert l'effort, & puissance de la gendarmerie Turquesque si obstinément. ils se sont acharnez les vns sur les autres, & si souuent & sans grand auantage ils ont tousiours combatu & guerroyé ensemble. [Et si la diuisiō des Chrestiens mesmes n'eut donné si grand entrée à l'infidelle qu'elle a, & que l'ambition des Princes n'eut causé ce malheur, & que le Transsylvanien n'eut esté plus cōuoiteux que religieux, & amy de sa foy & salut de son païs, l'Hongrie tiédroit encor teste au Turc, & le chasseroit aussi gaillement que lors q̄ les cruels Emp. Turcs Mahometh, Baiazeth, & Selin y sont venus donner attainte sans grand profit, & n'eust perdu de si belles villes, & citez, voire presque tout le plus beau qui fust en ce royaume.] L'autre Hongrie que nous auons dit s'appeller Iuhrà, qui est la mere de ceste cy, & qui encor luy ressemble presque en langage & façons de vie: est encor idolatre, & vit selon la coustume ancienne des Barbares de Scythie. [Aucuns ont appellé ceste region Iugarie, mais les Moscouites la nōment Iuhrie & le peuple Iuhrie, se glorifias que ce soit de leur païs que tant de vaillans hōmes soyent sortis, & lesquels ayent iadis assuietty la plus grande partie de l'Europe. Qui voudra voir d'auantage & des mœurs, & conqueste des Hongres, & les changemēs de leurs estats, ou les grādes guerres qu'ils ont eu avec les Turcs, qu'il lyse Martin Crōmere en l'histoire de Poloigne, & Bonfinie en celle qu'il à fait des affaires d'Hongrie:]

Loy pour la victoire.

Cōbats à pied en quelle sorte en Hongrie.

Langage, lettres & naturel farouche des Hongres.

Façon de cōbatre des Hongres.

L' Ambition & discord des grans à ruiné l'estat de Hongrie.

Iuhrà païs des anciens Hongres en Scythie.

Iuhrie Prouince d'où sont sortis les Hongres, voy Sigismund Liber en l'histoire de Moscouie.

Auteur parlans d'Hongrie.

Du païs, & royaume de Boësmes, mœurs, & religion des Boësmes. Chap. 12.



Le païs, & region de Boësmes est enclos és bornes, & limites de la Germanie, (iacoit que Crōmere l'en emancipe avec la Poloigne,) & est exposée au vent froid, & soufflemēs aquilonaires, A l'Orient luy gist l'Hongrie, Bauiere au midy, l'autre partie de Bauiere vindelicie, ou Norique luy est au Ponāt, & au Nord la Poloigne: & est ce païs presque d'esgalle lōueur, & largeur, ayant trois iournées de chemin d'estēdue, & la forest Hercinie

Description du païs de Boësmes.

Forest Hercinie à presēt forest d'Orthon.

LIVRE TROISIEME

Albis & Multaue fleuves.
Prague citée & chef de Boesme.
Crommere liur. 1.
Berosé liur. 4.
Voy Aventin liur. 1. de l'histoire de Bauiere.
Boiogere, Ingerman Scythes viuant en Boesme.
Marcommas sont ceux de Moranie.
Par qui bastie Prague.
Les Boesmes descendus des Scythes.
D'où sont descendus ceux de Bourbonnois.
Tite Live li. 5. de la fondation de Rome.
Strabon 5.
Cesar liur. 1. des Commentaires.
Cornil. Tacite li. des mœurs des Germains.
Boesmes sortis de Gaule. Strab. l. 7.
Voy Vellée Patercule en la vie de Tybere.
Ptholom. li. 2. ch. 11. Table d'Europe. 4.
Noms des auteurs de la region de Boesme.
Tybere contre les Marcommans en Boesme.

luy seruât de toutes parts de murs & de closture. Le fleuve Albis l'arrouse passant par le beau milieu de la Prouince, & vne autre riuere ditte Multaue, laquelle passe selon les murs de la cité de Prague, laquelle est belle & fort grande, & le chef & metropolitaine de tout le royaume. [Or auant que venir aux mœurs, il fault vn peu sçauoir la cause du nom de Boesme, & l'origine de ce peuple: veu que celuy qui a fait l'histoire de Poloigne, met cestuy-cy parmy les Slaues, & Berosé les cõprend en la Sarmatie qui est de l'Europe. Les Annalistes de Bauiere tiennent que quelque tẽps apres le deluge, il sortist des parties Septentrionales, à sçauoir d'Armenie, vne grãd multitude de peuple ditz Boies, lesquels passans, vindrẽt s'arrester le long du Danube, estant chef de ceste troupe vn Boiogere qui avec son fils Ingerman, laissant la Scythie & Armenie, posa son siege sur le Danube, & estendãt sa seigneurie iusqu'à la forest noire ou Hercinie, bastist au milieu des boys près les bords des fleuves Albis & Multaue, vne ville qu'il noma Boigsmã, & qui depuis eut nom Marobadue du Roy des Sueces & des Marcõmans qui en auoit chassé les Boies: & apres vindrẽt les Zeches qui depossederent les Marcõmans, & appellerẽt celle citée Prahe, laquelle encor à present est Prague & chef de tout le païs de Boesme. Et ainsi on verroit que les Boesmes sont Scythes dès le commencement comme ainsi soit que la verité est assez euidente, que tous les peuples & d'Afrique & d'Europe sont venus de l'Asie, en laquelle se fait le premier meslange des langues, & la diuision des terres par Noé & ses successeurs. Et par mesme moyen pourra l'on cõclurre, que les Boies Gaulois, qui sont ceux de Bourbonnois, soit qu'ils soient venus en Gaule de la Scythie auant, ou que puis laissant les parties d'Allemagne, ayent couru en Gaule, si est il tout alleuré que ce furent eux qui passerent en Italie avec les Manceaux, & y bastirent la citée de Boloigne. Neantmoins Cesar fait que ces Boies Gaulois laissant leur pays, vindrẽt s'empatronir & faire seigneurs du pays Norique & de Bauiere: mais chassiez de la forest Hercinie (comme dict Tacite) se allerent arrester près du Danube, iacoit qu'au parauant ilz eussent chassiez les Cimbres de la mesme forest: Ainsi que le lecteur considere que les Boies & Boesmes de leur source primeraine & anciẽne sont descendus des Scythes, & puis des Gaulois, & en fin des Slaues, & tous ce pẽdant venus d'Asie: Et quoy qu'il en soit, le nom des Boesmes est fort ancien & reconnu, veu que Ptholomée en parle en ceste sorte. Souz la forest Hercinie sont les Quades, au dessouz desquels sont les mines du fer, & la forest nommée Lune: Voisins de laquelle sont les Boesmes qui est vn grãd peuple, & les limites duquel s'estẽdẽt iusqu'au Danube. Or voyez que Ptholom. les nõtme Boesmes, Vellée Boiohemes, Strabõ Bubiemes, & Tacite Boiemes. Et affin qu'on ne pẽse que ce soit fables, qu'on life le septiesme de la Geographie de Strabon, & lors on verra la peinture & table si naiuemẽt dressée du païs Bohemien, qu'il n'y manque rien pour la preuue & asseurãce de mon dire: voire Patercule, parlãt du voyage de Tybere Cesar en Pãnonie, monstre cõme ledit Empercur prist la volte pour courir sus à Marobadue & aux Marcõmans qui estoient en Boesme. Le laisse plusieurs autres choses que ie pourrois alleguer sur ce propos, me cõtẽtant de vous en auoir fait veoir l'origine.] Le terroir de Boesme est fertile en fourment & orge,

pasturage, bestail & abondant en pescherie, l'Oliue n'y croist nō plus qu'au reste de la Germanie, & n'a du tout faulte de vin, & est vray qu'on y fait de tres-bonne ceruoise qu'on porte iusqu'à Vienne en Autriche. Et quoy que le pais de Boëfme soit tout ceint, & environné des terres Alemandes, si est-ce que les Boëfmes ne parlent point Alemant, ains en fut chassé ce langage du temps que les Slaues où Esclavons se feirent seigneurs de ceste terre. Car on lyt en leurs annales qu'il y eut deux freres, qui estans sortis de Croatie avec troupe de peuple vindrent se faire seigneurs, l'un de Boëfme, & l'autre de Poloigne changeans de nom aux terres, & aprenās leur lāgue au peuple qui y habite, ainsi que le tesmoigne Volaterrā. Neāmoins se trouuent-il plusieurs qui encor iusqu'au iour presēt, vsēt de la lāgue des Alemās : tellement q'és Eglises, & aux sermons le peuple est enseigné en langue Alemande, mais hors les temples, & mesmes és Cemitieres on y vsē du parler Bohemien, iadis c'estoit aux seuls quatre mendiās de prescher & annoncer la parolle de Dieu au peuple en tel langage que bon leur sembloit. Ce peuple ne fut iamais lié en general d'aucune loy ou ordonnance sainte l'acheminant à vertu, ains la volonte seruoit à chascun de loy : & si peu cōstans en la religion, qu'ayans iadis embrassē la folle persuasion des Vaudoy, encore de la memoire de nos ayeux ils se laisserent infecter du venin des Hussites, si qu'à present ils ne son guere diligēs obseruateurs de la foy Catholique, ny grandement affectionnez aux ceremonies de l'Eglise Apostolique & vniuerselle. Aussi ne tiennent ils aucun compte du Pape, & souuerain Primat de l'Eglise de Rome, & nient qu'il soit plus excellent, ny venerable, ou plus à priser que le reste des autres du Clergé, comme ceux qui ne mettent aucune difference entre les Prestres, ny recoiuent les degrez obseruez de tout temps en l'Eglise : ayans opinion que le ministre, faut que soit recogneu non pour sa dignité, ains eu esgard à la saincteté de sa vie. Quand les ames sortent du corps ils tiennent, ou qu'elles vont iouyr soudain de la gloire celeste, ou descendent en enfer pour y estre tourmentées perpetuellement : car, disent-ils, il n'y a aucun feu de purgatoire pour les nettoyer & purger. Et pour ceste cause ils se moquent des obleques anniuersaires, & prieres faictes pour les morts, disans que c'est vne inuētion pour rassasier l'auarice des prestres. Leur impieté s'estend iusqu'à la que de demolir, & abatre les images & representations seruans de memoire de nostre Dieu, & sauueur Iesus Christ & des saints qui sont avec luy en sa gloire. Ils se moquēt & font risēes des benedictiōsfaires sur l'eau, les cierges & rameaux és festes certaines en l'Eglise : & tiēent q'les Diabls sont inuēteurs des religions des quatre medians. Diēt q'les prestres doiuent estre pauvres, & se contenter des aumosnes des bōnes gēs, sās posseder ny argēt, ny aucune richesse. Qu'il est permis à chascun de prescher l'Euangile. Tiēnt qu'il ne faut souffrir aucū peché digne de mort sans punitiō pour euitier quelq' malheur q'ce soit, ny ayāt dāgereuse cōsequēce. Si celuy qui à autorité sur le peuple est cōuaincu d'aucū peché mortel, ils sont d'avis qu'ō le depose, soit il magistrat tēporel ou ecclesiast. estāt indigne qu'ō luy face obeissance. La cōfirmation & extreme onctiō ne sōt point p les Bohemiēs & Hussites receus pour sacremēs en l'Eglise.

Ee ij

Fertilité de Boëfme.

Ceste opinion de Croatie est amenée & resutée par Crōmère l. i. ch. 14. 15. & 16. de l'hist. de Poloign. Volater. Enn. 8. l. i. 2.

Langue Alemande en Boëfme.

Boëfmes sans loix publiques.

Boëfmes suiets à l'heresie.

Vandoy heretiques autrement pauvres de Lyon commencerent en l'ā de grace 1164.

Voy Nauclere Hussites de Jean Hux qui sema sō venin en l'ā de grace 1415.

Hereses des Boëfmiēs & Hussites. Boëfmiens brise images comme nos Huguenots.

Autant en font les Lutheriens & Calvinistes.

LIVRE TROISIEME

Ils n'estoyēt si detestables que nos sacramentaires.

Communion sous les deux especes des Boësmes, voy Jean Cochlée en son hist. des Hussites.

Naclere en la generation 47.

Adamites heretiques plains de vilénie Et ordure.

Execrable paillardise des Boësmes, mises sus de nostre tēps aux Caluinistes.

Accusent la confession auriculaire de superfluité & cōme chose controuuée & sans autorité: & qu'il suffit au Chrestien de confesser à Dieu ses pechez en son cabinet ou autre lieu secret & escarté. Qu'il faut receuoir le baptême, sans y vser d'aucune mixtion de cresse, ou huile y suffisant la seule eau: tenoyēt l'usage des Cemitieres inutile, & comme inuenté pour le gaing du Clergé, qu'il ne se faut soucier du lieu, ny de la terre où les corps doiuent estre enterrez. Et d'autant que le monde est le temple du Dieu tout puissant, emplissant & comprenant, ils disoyent que ceux qui bastissoyēt des tēples & oratoires, sembloit que voulussent enclorre & limiter la maiesté de Dieu à leur fantasie. Mesprisoyēt encor, cōme choses de neant les vestemens sacerdotaux, les paremens des autels, Aulbes, corporaliers, Calices, & Platines, & autres vases seruans aux ceremonies gardées en l'Eglise: que le prestre pouuoit consacrer le corps de nostre seig. en tout lieu, à tout tēps, & toute heure, & le ministrer & departir à ceux qui vouldroyēt le receuoir, qu'il luy suffisoit de seulemēt pronōcer les saintes parolles sacramētelles. Estimoiēt chose vaine, & tēps perdu d'implorer en nostre necessité l'aide & priere des saints qui iouissent de la gloire, & regnēt es Cieux avec nostre seig. Iesus Christ, & auoyēt mesme opiniō des sept heures canoniales qu'o à de coustume de chāter en l'Eglise de Dieu. Et permettoyēt le trauail tout iour de feste, sauf celuy q les Chrestiens honorent & nōment le saint Dimēche, regettās du tout les festes & solēnitez des saints, & n'estimoiēt que lesieufnes seruissent de riē pour l'accroist de nos merites & salut. On tient que les prestres Bohemiēs administroiēt sans aucune differēce, le S. Sacremēt sous les deux especes, & aux lays, & aux enfans & tous autres se presentās à la table, vsans de mesme pain sans leuain que nous vsons, sauf qu'il estoit vn peu plus grād. On tiēt q l'auteur de ceste refuerie, ce ne fut pas Ieā Huz, ains vn autre nōmé George Poggebrace. [Mais Naclere le dōne à vn Pierre de Troye, qui admonesta Ieā Huz, de la faute qu'il ne voyoit point q nostre seig. auoit departy le sacremēt aux siēs en la Cene, sous les deux especes.] Il y eut encore vn Picard venu de Frāce en Boësmes, qui mit vne autre grād refuerie en la teste de ce pauvre peuple, car ayant attiré vne infinie multitude, tāt d'hōmes que de femmes il leur cōmanda d'aller tous nuds & les apella Adamites. Ce paillard fut auteur de route insolēce & vilénie, aprenāt à ceste miserable natiō de se mesler publicquēmēt & sans esgard, ou respect aucū de sang, ny parētē: à quoy furēt adioustez, de grāds & enormes crimes, lesquels on dit durer encor en plusieurs endroits, mais lesquels on execute le plus secretemēt qu'il est possible. D'autant qu'il y en a en Boësmes d'aucū qui vont sacrifier en des lieux souterrains (& pource on les appelle Grueberhaimer en leur lāgue) & durāt leur seruice, dés aussi tost q leur prestre & ministre dit, suyuant la coustume & cōme pour le mot du guet, ces parolles, Crois- sez & multipliez, & emplissez la terre, soudain (dis-ie) on y estaint les chādelles, & chascū empoigne la premiere femme qui luy viēt à la main, sans esgard aucū de l'age, ny reuerēce deuē au sang & parētē, & se meslēt cōfusēmēt les vns avec les autres. Apres ceste belle liaison & meslange, chacun se remet en la place, & les chandelles rallumées on paracheue l'office.

Ceste execrable ceremonie des Adamites, n'est en guere differente à ces Baccanales, premierement iadis celebrées en Toscane, & depuis à Rome, que les hommes & femmes meslez ensemble faisoient, ou apres festre remplis de vins & de viande, on abusoit de tout sexe & de tout aage, violant, & forçant & les enfans, & les dames de maison, & y exerçans d'autres insignes meschancetez qui en sortoyent, comme d'une boutique de route vilennie, & forfaiture. Or fut l'ordonnance de telles festes defendue, & peine de mort establie sur ceux qui s'en feroient desormais les chefs ny auteurs, ce qui aduint Q. Martie Philippe, & Posthume Albin estans Consulz à Rome: ainsi que l'escriit Sabellique. Ceste pestilente impieté & execrable heresie des Boesmes, quoy que il y ait eu quatre Roys, à sçavoir Venceslas, Sigismond, Albert, & Ladislas, qui se sont efforcez de l'arracher & destruire, si est-ce que ilz y ont perdu leur peine, & n'y ont sceu donner entier & final remede.

Baccanales instituees à Rome.

S. Augu. cité de Dieu, li. 6. ch. 9. & li. 18. ch. 13.

Baccanales defendues.

Sabelli. Ennead. 5. li. 7.

De la Germanie: & diuerses coustumes & mœurs des peuples qui sont en icelle. Chapitre 13.



GERMANIE region tres-ample, & de grand estendue en Europe est toute Septentrionale: & fut iadis diuisee des Gaules par le Rhin, & des Rhetiens, & Pannoniens (à present Sueuiens) & ceux du pays d'Austriche: des Sarmates, & Daces, & les mœurs, & la mutuelle crainte & peur reciproque, que ont les vns des autres les separe & diuise: & le reste est environné & encloz de l'Ocean. A present les pays de Suëue, Vindelicie, Bauiere, & Austriche, les Alpes, & la plus part de l'Illyrie, ou Esclauonnie, Croatic, & Stirie, voire iusqu'au destroit & limites des Grisons, vers le pas de Trâte est contenu sous le nom de Germanie. Et qui plus est toute la cōtrée presque de la Gaule iadis nommée Belgique, & des païs voisins du Rhin, ont gousté, & pris le nom, & langue Germanique, tellement que le vulgaire ignore qu'il soit Gaulois, & se fasche & courrouce, si on luy dit qu'il le soit aucunement: & par succession de temps les Heluetiens, ou Suisses ont receu & le nom, & le langage, & les façons & mœurs des Alemans. Voire en la Gaule Transalpine, vn bon trait de païs est tombé souz le nom de Germanie. Les Alemans ont esté aussi ceux qui ont contrainct les Prussiens nation furieuse, trespuissante & vaillante en guerre, à recevoir la foy, & religion Chrestienne, lors que les cheualiers Teutoniques osterent la Prussie d'entre la main des infidelles, y faisans prescher en Alemant, & commandans au peuple de suyure la religion & ceremonies de nostre Eglise & profession. Ainsi prenans esgard aux premiers, & anciens limites de l'Alemaigne, on verra qu'elle en a depuis plus vsurpé d'ailleurs, que iadis elle n'en auoit de son propre, & fut le temps passé diuisee comme en deux parties, & ce dès le commencement, tellement que celle qui auoisine le plus les Alpes est ditte la haulte Germanie, & celle qui tire au septentrion & est la plus proche de la mer est nommée, & estimée pour la basse Ale-

Voy Beat. Rhenan. li. 1. de la Germanie Ptol. li. 2. ch. 11. Tab. 4. d'Europ.

Car ces trois sont compris sous le nom d'Esclauonnie.

Ce que aujour-d'huy la Germanie contient.

Suisses ne sont point les Heluetiens de iadis.

De la description de Germanie, voy Tacite liure des mœurs des Germains, & Iosse Villichie sur le mesme Tacite.

Consideration de l'Alemaigne haulte & basse.

LIVRE TROISIEME

*Beroseliur. 5. des
Rois Assyriens.
Eusebe liur. des
temps.*

*Manne regnoit
l'an du monde
1963. & 306. a-
pres le deluge.*

*Diuisio des quar-
tiers & des noms
en Alemaigne.*

*Cornil. Tacite en
son liur. des Ger-
mains.*

*Absurdité que
le mot Aleman
soit venu de Mā
filz de Tuiscō, ny
de Hercule A-
leman.*

*En quel temps les
Germains furent
cogneus des Ro-
mains.*

*D'où viēt le mot
de Germain.
Strabon. 7.*

*Cor. Tacite. liur
des mœurs des
Germains.*

*Mot d'Alemāt
nō cogneu des an-
ciens.*

*Voy Marcellin
liu. 14. & 20.*

maigne. Ce departement de ceste Prouince dure encor iusqu'à present sous le nom d'Alemaigne, apellée ainsi comme aucuns pensent du lac Le-
man, que maintenant on dit lac de Lofanne. [Mais ceux qui acceptent les
escripts de Berosé, disent que ce nom vient de Hercule, surnommé l'Alemā
qui regna en Germanie du temps de Mancalée Roy d'Assyrie, lequel par
Eusebe n'est mis que douziésme en nōbre: mais d'autres le raportent plus
loing à Manne, à sçauoir second roy de toute la Germanie, filz de Tuiscō
tous deux auteurs, & chefs de la nation des Alemans: lesquels depuis, cō-
me dit Tacite, furent diuisez en trois noms, qui sont Igeuones, Hermiuo-
nes, & Istcuones. Et tenoyēt le nom de Germain pour nouveau, mais c'e-
stoit du tēps de Tacite, car celuy d'Alemant est bien encor plus nouveau,
& nō receuable de le rapporter, ny à Māne filz de Tuiscō, ny à Hercule sur-
nommé l'Aleman, veu qu'il n'y a pas aucun des anciēns auant les conquestes
des Cefars qui baptise ce peuple d'un tel nō, ny long tēps apres, iusqu'à ce
q' les courses des Goths, Vādāles & autres barbares furēt faites & l'espan-
dirent par l'Empire Romain. Et quāt au mot de Germain il est bien plus
anciē, d'autāt que les Romains qui en ont escrit les premiers leur dōnent
ce tiltre: & les ont cogneus quelques 640. ans apres le bastimēt de Rome,
lors q' les Cimbres vindrent pour faire guerre aux Romains. Et pourquoy
ils furēt apellez Germains, aucuns ont pēsē q' ce soit à cause de leur force,
pource q' ce mot Garman signifie tout masle & robuste, mais la raison n'e-
st apuīee de guere grāde autorité: Strabō y va d'autre grace lors qu'il dit,
Outre le Rhin sont & habitēt les Germains vers l'Oriēt, imitans quelque
peu la façon de faire, & les proportions & habitudes des Gaulois soit en
leur farouche naturel, grandeur de corps, & couleur de visage, & cheueux
jaunissans: Et ainsi à bon droit les Romains leur donnerent ce nom de
Germain, cōme les recognoissans cōme freres legitimes des Gaulois, d'au-
tāt que le Latin appelle Germains ceux qui sont freres legitimes, & sortis
d'un mesme ventre, Cornille Tacite, cōme celuy qui chatouille, en ses dis-
cours les Alemans est de diuerse opinion, disant ainsi. Au reste le nom de
Germanie est nouveau & de n'agueres imposé à ceste natiō, entant q' ceux
qui les premiers ont passé le Rhin chassant les Gaulois, ont pris aussi le
nom & de Tungres, & de Germains: ainsi le nom de la nation, nō du peu-
ple prist petit à petit force en l'esprit du vaicu saisi de crainte: & soudain
les vainqueurs en commencerent aussi vsē ensemble, s'entre apellās Ger-
mains. Voyez que Tacite ne donna guere grande raison de ceste apella-
tion: tellement que facilement ie condescendray à suiure l'aduis de Stra-
bon si on ne me donne raison plus valable. Quant au mot d'Aleman les
anciens l'ont incogneu, & ne trouueres pas un de ceux qui ont escrit ia-
dis, ny du temps des Cefars apres la mort de nostre seigneur, qui en face
quelque mention, ains est tousiours mis en auant le Germain. Et les pre-
miers qui en ont vsē ont esté ceux qui ont escrit ou apres, ou un peu deuāt
le regne de Constantin le grand: sans que pour cela ils vous dōnent guere
grande raison de la cause de ce vocable: veu que Ammian Marcellin qui
a vescu du temps de Iulian l'Apostat est des premiers qui mentionnent le
nom Alemant, & cesse d'vsē de l'appellation de Germanie, si ce n'est lors

qu'il reuient aux descriptions, & repete la memoire des anciens, & les bornes & limites des prouinces. Mais celuy qui parle encor plus clerement est Agathie, lequel faisant mention des Alemans en parle en ceste maniere. Les Alemans (si nous croyons ce que A finie Pollion, qui a diligemment escrit les gestes des Germains) sont gens estrangers & venus d'ailleur r'assemblez d'une diuerse & confuse multitude de peuple, ce que leur nom semble signifier: entât que Theodoric Roy des Gothz iouissant de l'Empire d'Italie assuiettist, & r'edit tributaires toutes les Alemaignes: mais luy decedé & estât la guerre eschauffée entre Iustinié Empereur & les Goths: les Goths flateusement se gouuernans enuers les François & taschans par tout art, ruse, & flaterie de se les rendre amys & fauorables, se voyans deposez de plusieurs terres & mesme ayans perdu l'autorité qu'ils auoyent sur la gent & nation Alemande, ils la laisserent entre les mains des François. Or quoy que Agathie mette en ieu ceste confusion de peuples diuers, desquels l'Alemaigne est composée, encor ne dit il rien du mot, n'y d'où il prend origine: & néantmoins fault-il penser qu'une si grâde nation n'a point laissé le nom de Germains pour prendre celuy d'Alemant sans quelque grande, & euidente cause, & occasion de ce faire, iacoit que proprement Alemans n'estoyent pour lors appelez tous ceux qui se tenoyent en Germanie, ains seulement ceux qui se tenoyent voisins du Rhin, & des Gaules, ce qui se recueille de plusieurs passages des auteurs susnommez, & mesme d'Eutrope parlant de Maximian Herculien qui vainquit les François & Alemans, & tua leurs Rois, & vlt de grandes cruautéz à l'endroit de toute la nation. Ce que Vadian homme excellent, & grâd rechercheur, si homme de nostre temps, à bien sceu marquer, pour môstrer que chacune nation a des proprietiez en sa langue, que les autres ne peuuent exprimer, & qui luy sont comme particulieres: tels que sont les noms d'Alemant, German, Lombard, de la forest Hercinie, & Marcômans: lesquels iacoit que semblent fortuits & imposez sans guere grande occasion ny necessité si retiennent ils les traces de leur origine, & sont assez apparoir de la source d'où ils ont esté pris, veu que encor à present on voit vn bourg qui porte le tiltre de champ des Alemans, pres le lac Acronie, que ceux du pays nomment Algoyu en lieu que le temps passé on disoit Almagoyu, qui signifie la vallée des Alemans: aussi est-ce en ce lieu que le peuple ainsi nommé se tenoit ainsi qu'on peut recueillir par Ammian & autres cy dessus nommez: & appellé en ceste sorte, non du lac Lemman, ny des anciens roys de ceste nation, mais bien du mot Alman qui signifie (côme dit Auentin) tout homme, & ce peuple se vantât par telle appellatiô d'une force masse & robuste: Il est vray qu'il y a des auteurs qui mettent difference entre les Germains & Alemans, sicomme Spartian quand il dit en somme toute la Germanie & l'Alemaigne, avec le reste des nations qui les auoisinent: là où il parle de Caie Marie & peuples qu'il vainquit, & Vopisque, disant: Témoin les François, les corps desquelz estoyent ionchez par les voyes marescageuses, témoins les Alemans & Germains chassés bien loing des bords & limites du Rhin: & Spartian (faisant mention de l'Empereur Caracalle) dit aussi, luy vsurpant, & attribuant le nom de Par-

Ainsi qu'il fait au liu. 15.

Origine des Alemans, Agathie liu. 1.

Alemans mis sous l'obeissance des François.

Eutrope. 10.

Vadiit sur Pomponie Mela li. 3.

Ceste vallée est voisine du pays des Suisses.

D'où vient au vray le nō d'Alemant.

Beat. Rhenan. li. 1. dit les Alemans estre Germains septentrionaux.

Auentin liu. 2. de l'histoi. de Baviere.

Spartian en la vie de Caie Marie.

Vopisque en la vie de l'empereur Probe.

Spartian en la vie de Caracalle.

LIVRE TROISIÈME

*Valafride en la
vie de S. Gal.*

*Tacite au liu. des
mœurs des Ger-
mains.*

*Agathie liu. 1.
Prouinces d'A-
lemaigne.*

*La haulte s'apel-
le en Aleman,*

Hoch rent schlād

*La basse: Nider
rent Schland.*

Ce denombrement

*est pris dès le com-
mencement Et*

*lors que Tuisco re-
gnoit, car Ptolé-*

mée, ny Ammiā

ne luy donnent si

grand'estendue.

*Assiette Et con-
dition du pays*

Alemant.

Des forestz de

Germanie, Voy

Tacite liu. 2. des

Annales.

Lonanges d'A-

lemaigne.

Saled'ou sont dits

les Saliques. voy

Beat. Rhenan.

liu. 1.

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

et plus d'ailleurs

thique, Arabique, Germanique, & Almanique (car il auoit vaincu la nation Alemande.) Et pour mieux esplucher la matiere Valafride auteur entre les anciens & modernes non contemprible, cōprend sous le nom Alemant, ceux qui auoisinent le lac de Constance, & le Rhin, & qui vers le Ponant habitēt le long du lac de Zurich, & Limagne, où à present est le siege & pais naturel des Suisses. Neantmoins, nonobstant toutes ces specifications le temps a gaigné que toute la Germanie a porté, & porte à present le tiltre d'Alemaigne, de quelque lieu qu'elle l'aye pris, car ie n'e veux affoir le iugement, ains me contente d'auoir amené les raisons tant seulement, afin que le sage, & ingenieux lecteur suplée à mon incapacité, qui luy vais remettre en main les façons de vie Germaniques, assez biē espluchées par nostre auteur, qui s'est seruy de la diligence de Tacite, & tesmoignage d'Agathie, quoy qu'il supprime leur nom, & encor nous a secourus de son industrie mesme, qui estant du pais, a cogneu les mœurs du peuple de son age.] Or tāt la haute que basse Germanie contiēnent plusieurs Prouinces: entant quē la haulte, s'estend depuis le fleuue Mogā qui passe en la Franconie, ou France Orientale, & montant embrasse les pays de Bauiere, Austriche, Stirie, Athese, Rhetie, Suisse, Suēue, Hellsace, la Prouince du Rhin, iusqu'à Maience. La basse cōtient la Franconie, le pais meridional de laquelle tend & fauoisine de la haulte, & embrasse encor les pais de Hesse, Lorraine, Brabant, Gueldres, Zelande, Holande, Phrise, Flā-dres, Westphalie, Saxe, Dannemarc, la Peninsule, Pomeranie, Liuonie, Prussie, Slesie, Moraue, Boesme, Misne, la Marche, & Turingie. La terre Germanique (selon le tesmoignage de Cornille Tacite) fut dès le commencement, quoy qu'il y eust quelque chose d'exceptée, du tout ou chargée de forestz, & boscages qui la rendoyent effroiable, ou pleine de Palus & marests qui luy causoient vne grande sterilité, basse & costé qu'elle regarda les Gaules, & venteuse de la part qu'elle tourne vers la Bauiere, & pays d'Austriche, si mal propre à estre cultiuee qu'elle ne produisoit aucū arbre, fruitier & incapable pour le labourage, toutesfois abōdante en bestail, qui neantmoins ne venoit guere grād, ny ayant aucune miniere d'or ny d'argēt, & pour ceste occasiō non desirée d'aucū, & mesprisée presque de tout le mōde. Mais à present elle à changé de chance, estant celle regiō si belle & plaisante, embellie de tant de grandes, riches, & populeuses villes & citez, & ayant si beau & grand nombre de chasteaux, villages, & bourgades qu'elle ne doit rien à l'Italie, France, ny Espaignes en beauté ny magnificence: le Ciel y est assez serain & agreable, & la fertilité des terres à souhait, & autant qu'on scauroit desirer. On y voit les gentilles collines exposées au rayonnement du soleil, les forests sombres, & ombrageuses, les champs foisonnans en formens, les montaignes, & costaux chargez de bon vignoble. Outre cē y courent de belles, & trescleres riuieres telles que sont le Rhin, Danube, Mogā, Albis, Neccare, Sale, Odere, & plusieurs autres tant fleuues que petits ruisseaux flotellans doucement, & par leur arroufement engressans les champs & terres qui les auoisinēt. Les fontaines d'eau douce, les bains, & estuues d'eaux ensoulphrées, & chaudes naturellement y sont en abondance, le sel ny manque point: & en somme ce pais

païs ne doit rien à terre aucune en fertilité de metaux. Et qu'il soit vray: Cestuy parle par trop affectionnement de son pays. & l'Italie, les Gaules, & l'Espagne, n'ont argent que celuy qu'elles tirent des marchans d'Alemaigne, laquelle ayant abondance de metaux, n'a point faute d'or & n'en est du tout priuée. Que si quelcun des anciens venoit maintenant à resusciter, & regardoit diligemment ce qui est de secret par toute la region Alemande, n'auroit-il pas grande occasion de s'esbahir, & esmerveiller d'un si estrange changement: qu'est-ce qu'il diroit, voyant les lieux si bien disposez, & sains, le Climat iouissant d'une si grande serenité & temperie du Ciel, le terroir tant fertile & abondant le vin, les bleds, & fruits y croissans comme à souhait, les arbres entez, & plantez iusqu'à rendre merueille en l'esprit de chacun, la superbe & magnificence du plan, & bastiment des villes, l'excellence des edifices des temples & Eglises, & la pieté & deuotion entiere du peuple Alemant enuers Dieu: la courtoisie, & ciuilité des bourgeois & citadins des villes, la brauerie & pöpe de l'abbillemēt de chacun, la discipline & art militaire, la maniere de dresser l'appareil d'un camp, & armée, & le reste de l'ornement & gaillardise des Alemans: filz voyoient encor quelle, & combien puissante est celle noblesse qui en sort, à grand peine diroyent ilz, (si ie ne suis trompé en mon opinion) que ceste terre fut pauvre, deserte & sans habitation, ny son Climat aspre, & sans salubrité, ou attrempé aspect du Ciel, ny le terroir facheux à cultiuer: plustost verroyent ilz combien est veritable ce qu'on dit ordinairement: que vne bonne matiere demeure sans estre cogneue en sa perfection par faute d'artisan qui la mette en besoigne. Car iagoit que es autres regions l'hiaer ny soit point si vehement & aspre, & les fruits meilleurs & plus sauoureux, neantmoins l'esté est en icelles moins attrempé & par consequent les fruitz y sentent plustost corruption: aioustez à cecy Alemaigne pais fort temperé. que la Germanie est exemptee de l'incommodité que les serpents & autres bestes venimeuses apportent à l'homme n'en y ayant point que peu, & icelles sans grand effort pour nuire. Or a elle esté nommée Germanie de frefche appellation à cause que tous les peuples habitans en elle estoient esgaulx en stature, proportion de membres, coustumes & façons de vie Cecy est pris de Tacite Et Berosé. Nous auons confuté cecy. tout ainsi que filz eussent esté freres: car au parauāt on la nommoit Teutonie de Tuiscon fils de Noé: & depuis Alemaigne du nom de Manne fils du fufdit Tuiscon, & les deux peres de la generation Alemande: Il est vray que plusieurs estiment que les Germains soyent indigenes, c'est à dire nez dès le commencement en ceste terre, sans que d'ailleur on y ayt mené l'engeance: & de ceste opinion est vn qui a fait les vers qui sensuyuent.

Là est ce peuple grand & par tout renommé
Inuincible aux combats où le monde animé
S'encline au Pol Arctiq: lequel souffre & endure
Le chault patiemment, les vents, & la froidure
Haissant le repos, avec l'oisiuereté.
Né il est en ces lieux, & d'ailleurs n'a esté
Là transporté son sang, & gaillarde origine,
Mais le Ciel l'a produit de l'essence diuine

LIVRE TROISIÈME

Du vieux Demogorgon, alors qu'en l'ynivers
 La nature crea ce qui est de diuers
 Les Grecz, & les Latins du nom Cerman l'honorent
 A cause qu'on les voit qu'ensemble ilz se decorent
 Et caressent ainsi que font les plus prochains
 Et liez d'un sang mesme, & que freres germains.
 Encore ce beau nom leur plaist: & sont semblables
 En traitz & liaison de membres, redoutables
 Pour leur braue grandeur: & admirez encor
 Que nature prodigue espandant le thesor
 D'une grande beauté, à ces corps (liberale)
 Embellis de blancheur, avec vn cœur tout masle:
 Leurs yeux doux furieux, tousiours estincellans
 Et leurs cheveux à l'or en couleur ressemblans,
 Leur corps est bien dressé, & de grande stature
 La parolle au maintien se referer à cure
 Les gestes, & le cœur marchent d'un mesme point,
 Et rien de feminin la parolle n'a point
 Mais qui plustost ressent, & Mars, & les alarmes,
 Comme de gens qui sont nez, & nourris aux armes
 La chasse est leur deduit, & piquer les cheuaux
 Leur plaisir desiré, courir par monts, & vaux
 Et avec grand travail soustenir ceste vie
 C'est ordinairement leur ioye & leur enuie
 Soit aux Arts mecanicqs, ou d'un soc my-taillant
 La terre par les champs de iour desentraillant
 Ou marians la vigne aux Dieux alors que veufue
 Et sans aucun suport se trainant on la treuve.
 Ils laissent leur pais dès leurs plus tendres ans
 Soit pour science aprendre, ou aller sillonnans
 Les flots de l'océan sur vne nef legere,
 Pour leurs coffres emplir: ils suyuent la maniere
 Des pillages mutins, & les treuvent de droit
 Alors que les fureurs de Mars leur cœur conçoit,
 Pour guerroyer ilz vont aux estranges Prouinces
 La soulde receuans és courts de plusieurs Princes.
 Souuent par les hauts rochs, & par les profonds boys,
 Par les taillis espais, & vallons d'autres-fois
 Courent sus au sanglier farouche, & bien miré,
 Puis viennent élancer le Cerf ia retiré
 Par l'obscur des forests, desbrossants à la suite

*Les Alemas ont
 les cheveux blonds.
 voy Seneca ex
 quest. natur. &
 Martial 1. des
 Epigrammes.*

Le tout pour butiner ceste legere fuite:
 L'ours gist sous leur espieu, & le vol hault & fier
 Du Tiercelet gaillard, du gentil esperuier
 Leur donne du plaisir, lors qu'une main grifante
 Que l'ongle & que le bec sur la plume tremblante
 Vient fondre en rauissant: Ce peuple d'un cœur franc
 Ne craint aucun peril, ny d'espandre son sang
 Pour la vie, & salut de sa chere patrie
 Et de ses bons amys, si quelque fauce enuie
 Leur bastist quelque tort: ils ne doubtent la mort
 Pour venger iustement & l'iniure & l'effort
 Qu'on tasche de leur faire: ils ont l'ame fidelle
 La foy sans mesprison, & aiment d'un grand zelle
 La sainte Pieté, & honorent leur Dieu
 Avec humilité en tout temps & tout lieu.
 La iustice & le droit, la verité constante
 Gisent en leurs esprits, & leur langue n'attente
 De rien faindre ou farder avec quelque couleur,
 Marchans tousiours ensemble & la langue, & le Cœur.

Les Germains iadis auant qu'entrer en bataille chantoient vn saint hym- *Autant en fai-*
 ne en l'honneur d'Hercule, lequel ils disoyent auoir esté quelquefois en *soient les Danois*
 leur pais: & vsoient marchans & suiuaus leurs ordres avec vn son & chât *Et les Goths. voy*
 effroyable & plein de grauité quoy que non desaccordant & sans aucune *Saxon gramm. Et*
 proportion de nombres & mesures, qui neantmoins estoit inuenté pour *Olae le grand.*
 en estonner leurs eanemys. Plusieurs d'entr'eux auoyent les yeux farou- *Face & propor-*
 ches, estincelans, & de couleur bleüe & celeste, les cheueux blonds, & re- *tion des Alemans*
 luisans, la stature du corps grande, soudains, & allans d'une grande impe- *voy Manilie lin.*
 tuosité, & precipice en leurs affaires: au reste mal propres au trauail, & im- *4. des Astrono.*
 patiens à souffrir vn long labeur & peine qui fut durable, & n'ont garde *Et Celie Rhodig.*
 d'endurer la soif & le chault si bien que les Gauloys, mais quant au froid *lin. 18. ch. 20.*
 ilz le souffrent avec autant de patience, ou plus que nation qui viue. Ilz *Imbecillité des*
 n'auoyent iadis aucun vsage d'or, ny d'argent: & faisoient aussi peu de cō- *Alemans au tra-*
 pte de la vaisselle d'argent que on donnoit à leurs capitaines, ou enuoyoit *uail.*
 pour present à leurs princes, & la manioyēt avec aussi peu de respect que *Alemans iadis*
 si c'eust esté terre. *mesprisoient l'or,*
& l'argent.

L'or, & l'argent a esté & cogneu & estimé par eux à cause des trafics, &
 commerces des leur premier vsage: Aucuns ont estimé que la terre Ale-
 mande n'eut du tout aucune mine de metaux, voire que le fer n'y creust
 en sorte quelconque: d'où est aduenue que iadis il y en auoit peu qui vsa- *Alemans pi-*
 sent d'espée en guerre, plustost auoyent ilz de longs bastons & espieux, *quiers des tout*
 ou piques avec vn peu de fer au bout, arme propre pour attaquer l'enne- *temps.*
 my soit qu'il fallust combattre de loing, ou venir aux attaches.

LIVRE TROISIEME

*Armes des anciens Alemans.
voy Tacite aux Annales liur. 2.*

De ceste maniere de dresser cheuaux usent encor les Alemans, et sur tout les pistoliers. Ignominie de perdre son escu en guerre: ainsi en fut aux Lacedemoniens.

Prestres iuges des crimes entre les Germains.

*Idolatrie des anciens Alemans.
Agathie liur. 1.*

Meres, femmes et enfans des Germains en guerre. Le mesme est dit des Cimbres. Grand cueur des femmes Alemans.

*Celie Rhodig. liur. 18. ch. 20.
Opinion que les Germains auoyent des femmes. Hommes immolez à Mercure par les anciens Alemans.*

Le cheualier s'armoit de lance & escu, & la fanterie lançoit plusieurs traits chacun à la fois entrans en l'estour. Ou ilz combatoyent ou bié nuds, ou bien vfans d'un hoqueton fort court : & n'y auoit aucune diuersité d'habits qui distingast les compagnies, seulement paignoient ilz leurs escus, pour avec ceste couleur pouuoir s'entrecognoistre : Il y en auoit peu qui vlassent de corselet, anme, ny corps de cuirace, & peu encor qui armaissent leur teste de Morion, Bourguignotte, ou salade. Ilz n'auoyent grand soing de la beauté, ny vistesse de leurs cheuaux, ny de les faire volter en rond, ou à passades comme les Italiens, contens de leur aprendre vne droite carriere. Celuy qui perdoit son escu à la bataille estoit si detesté que il n'estoit receu, ny aux sacrifices, ny au conseil, & publique assemblée des anciens: qui fut cause que plusieurs despitez d'une telle ignominie, & suruiuans à telle escorne se pendoyent de desplaisir.

Leurs roys estoient choisis du corps, & d'entre les nobles, lequel n'auoit point puissance de faire tout à sa fantasie, ny d'vser souuerainement des choses à son plaisir. Celuy entr'eux estoit chef des armées, qui excelloit en vertu, & qui scauoit mieux faire & effectuer que commander : Au reste n'estoit permis à autre de lier, battre, ny punir de mort aucun, sinó au seul prestre, afin qu'ils n'estimassent point que autre que Dieu fust celuy qui chastiait les forfaits, & se vengeast des fautes commises contre sa maiesté.

Ilz auoyent de coustume de porter en guerre quelques effigies & tableaux representans leurs dieux, que ilz tiroient des temples bastis es forêts où estoient leurs oratoires. [Aussi Agathie tient qu'ils adoroient les boys, forests, & buissons (comme nous auons dit, qu'en faisoient & les Moscouites, & Lithuaniens) voire les arbres en particulier, les estangs, & ruisseaux auxquels ilz sacrifioient des cheuaux apres leur auoir coupé les testes.] Allans en guerre ilz vouloyent que leurs plus proches, familles, & choses cheres ne s'esloignassent guere d'eux, afin qu'e la presence de leurs amys, & parens, ou ils vainquissent glorieusement, ou mourussent avec honneur & louange : faisans tesmoins de leur gaillardise aux combats leurs femmes, enfans, & tressainte presence de leurs peres & meres. Estans blecez ils se retiroient vers leurs meres, & fidelles espouses: & les dames n'estoyent si delicates que elles ne compraissent les playes, & blessures, & ne s'enquissent de la maniere comme ilz auoyent esté attains, & en quel lieu est-ce qu'ilz les auoyent receuës: aussi aprestoyent elles à manger aux soldatz & les incitoient à bien combattre. Aussi trouue l'on par escrit que souuent est aduenue que les Germains estans presque rompus, ont esté mis sus par le moyen & enhorrement de leurs femmes. Aussi estime l'on que ceste nation pensoit qu'il y eust quelque chose de saint & preuoyant en l'esprit & Genie des femmes: qui estoit cause qu'ilz ne regrettoient point leurs conseilz & ne mesprisoyent l'aduis ou sentéce d'icelles en pleine assemblée. Ils immoloyent des hommes à certains iours à Mercure: mais à Hercule & Mars, ils n'offroyent que des bestes. Ils vsoyent de sort & Augures en leur diuination. Es choses de peu d'importance, c'estoit aux Princes & chefs des citez de decider des affaires, mais où le cas estoit de grand effect & conséquence il failloit que tout le corps de la ville y fut asséblé pour en iuger.

& ne donoient cōmencemēt à aucune entreprife q̄ durāt la nouuelle Lune, ou elle eſtāt en ſa plenitude & perfection: & ne cōptoiet point par les iours, ains auoyent eſgard ſeulement à la nuit en ſupputant. Venans au conſeil, & eſtats ils eſtoient armez (comme encore à preſent ils ne vont iamais ſans auoir l'eſpieu en la main) & voulans monſtrer qu'ils conſentoient à quelque aduis, ils ne faiſoyent que bransler leurs piques, qui eſtoit vn ſigne le plus honorable de leur aprobatō & conſentement: mais la choſe leur deſplaiſant leur murmure & fremiſſement en donnoit la ſignifiāce. Ceux qui fuyoyent de la guerre ou trahiſſoyent leurs amys, eſtoient pendus au premier arbre trouuē: les cōiards & poltrons, & qui n'auoyent aucune force, eſtoient gettez és boubiers, & couuerts de fange, ou bien precipitez dās les mareſts, mettant vne claie ou grille de bois, à fin qu'ils n'en peuſſent ſortir, comme ſils euſſent eſté d'aduis qu'il falloit punir vn forfait publiquement, mais toutesfois cacher & couurir l'infamie deteſtable du peché. N'eſtoit permis au Magiſtrat de faire choſe quelconque fut en priuē, ou deuant tous ſans eſtre equippē de ſes armes, ils eſtoient fort curieux d'eſtre bien ſuyuis, entant que ceux qui auoyent la plus belle & gaillarde troupe de ieuneſſe en leur compaignie eſtoient loüez & renommez ſur tout autre, tāt entre les ſiens que parmy leurs voiſins. C'eſtoit reproche & infamie au ſoldat de ſuruiure à ſon chef mort à la guerre ſil n'eſtoit decedē apres auoir emportē la victoire: Auffi le Prince combattoit pour vaincre, & ceux qui le ſuyuoient batailloient pour ſon ſalut & deffence: Ils embraſſoyēt la guerre de gayeté de cœur, & ſans aucune neceſſité, comme ceux qui ne trouuoient aucun repos agreable que celuy de l'art militaire: & c'eſt pourquoy ils acomptoyent à faineantife & couardife de ſe pouruoir pluſtoſt de quelque cas neceſſaire, en ſuāt & trauaillant ſi la choſe pouuoit eſtre acquiſe par effuſion de ſang. N'eſtans plus en guerre les plus vaillans & illuſtres n'auoyent autre ſoucy que de dormir, māger, & boire, laiſſans à leurs femmes la charge de leurs maiſons & labourage, à quoy auſſi les vieillards eſtoyēt employez: tellement qu'on peut ſeſbahir à bon droit, de veoir deux choſes ſi contraires en ceſte nation que l'amour enuers le ſommeil & faineantife, & vne ſi grande haine conceuē contre le repos. Leur demeure ordinaire eſtoit en des villages & hameaux, ayans les maiſons ſeparées, & leur habillement vn Hoquetō clos & attachē d'une boucle ou laſſet, & en defaut de ce d'une belle eſpine, les plus riches differoyent en habit d'avec le pauvre, non qu'ils le portaſſent plus large & abondant, ains qui eſtoit plus eſtroit, & ſi bien appropriē au corps, qu'il ſembloit eſtre meſme avec les mēbres qu'il couuroit: & eſtoit eſgal l'habillement des hommes & femmes tout enſemble: Or eſt-il que iadis les Germains entre toutes les nations tant orientales que ſeptentrionales, ſe ſont dès le commencement contentez d'une ſeule femme, iacoit qu'il y en euſt qui en eſpouſoyent pluſieurs: & ce n'eſtoit pas la femme qui portoit doūaire à ſon mary, pluſtoſt l'homme vſoit de ce deuoir à l'endroit de ſon eſpouſe: & ne ſe ſoucioyent d'atiffer leurs femmes, ou employer leur bien en bagues ou meubles, ains donoit on vn paire de bœufs attellez, & mis ſous le ioug, vn cheual tout bridē, vn eſcu,

*Aſſemblées du
Conſeil faites en
armes.*

*Punition deſtrai-
ſtes & ſuyards.*

*Soing des ſoldats
pour leur Prince.*

*Germains adon-
nez à dormir &
gourmander en
temps de paix.*

*Alemās iadis ſes
villes ſe tenoyent
aux villages.*

*Abillement des
Germains iadis*

*Alemās n'eſpon-
ſoyent guere que
une femme.*

LIVRE TROISIEME

*Pudicité meruei-
louse des femmes
Germaines.*

*Punition des adul-
teres.*

*Modestie & se-
uerité des Ger-
mains.*

*Contenance de la
ieunesse Alemā-
de.*

*Loy sur l'homici-
de & satisfaction
pour iceluy. voy les
loix anciennes
d'Alemaig. titl.
50. paragraph. 1.*

*Hospitalité Ale-
mande.*

*Ainsi en usoyēt
aussi les Perses.*

*Alemans iadis
simples & sans fi-
ction.*

*Alemans beau-
meurs à outrance.*

la Pique, & l'Espée. C'estoit cas merueilleux que de la continence & pu-
dité de leurs femmes, entant qu'à grand peine les voyoit on iamais es
spectacles, & ieux publiques, ny es banquets & festins: aussi bien tard par-
my vne nation tant populeuse, voyoit ou entendoit on dire qu'il y eust vn
adultere. Que sil aduenoit qu'une femme fut conuaincue de ce crime, on
luy coupoit premierement les cheveux, & la conduisoit son mary toute
nue en pleine place deuant les parēns, la priant du droit de sa maison, &
estoit fouëtée par tout le village. Il n'y auoit aucun espoir, ny moyen de
recōciliation depuis q la femme s'estoit oubliée à faire tort à son espoux,
quelque ieunesse, beauté, ou richesse qui la recommandassent, car iamais
plus les marys ne les vouloyent veoir. N'estoit permis à aucun de dresser
des risées l'a, pour les vices d'autrui, estimant que ceste façon de faire
estoit plus pour gaster & corrompre les mœurs que pour y dōner chasti-
ment & remede. Les femmes donc prenoient vn seul mary tout ainsi que
elles n'auoyent qu'un corps & qu'une vie, sans que leur pensée, ny desir
s'estendissent plus outre comme aymans plus l'honesteté du mariage, que
les caresses de leur marys. Aussi les bonnes mœurs auoyent enuers eux a-
lors plus de vigueur, & efficace que les bōnes loix en autres endroits. Les
ieunes hommes commençoient tard à sçauoir que c'est que d'acointer
les femmes, & parainfi moins estoit leur ieunesse & gaillardise espuisée, &
aneantie, aussi ne hastoit on point le mariage des filles, à fin que les deux
parties fussent puissantes, & meures pour la generation. L' homicide com-
mis estoit recompensé & amendé par quelque pris & nombre certain de
bestail, & le meurtrier accordant à partie satisfaisoit à toute la maison de
l' homicide. Ce peuple prenoit grand plaisir en la societé, & à recevoir &
heberger les estrangers: aussi estoit ce reputé à grand crime, si on denioit
sa maison, ou chassoit de la table les suruenans. Ils auoyent grand conten-
tement à s'entrefaire des presens, sans que pour cela ils se reprochassent
chose quelconque, veu qu'ils ne s'estimoyent estre aucunemēt redevables
pour chose qu'ils eussent receuē. Ils passoyent la nuit & le iour en ban-
quetant, & yurognant, de sorte que l'yurognerie n'estoit acomptée au-
cunement à vice à ceste nation: ainsi apres bien boire, on ne voyoit que
querelles, & nonobstāt sans iniures, ny reproches plustost y voyoit on fai-
re vn meurtre que dire vne parolle iniurieuse & traitoient des grans affai-
res soit de paix, ou de guerre en banquetant, comme si en nulle autre sai-
son l'esprit de l'homme n'eust esté moins en soucy, ny plus eschauffez pour
entreprendre les choses de consequence. Ce peuple n'estoit iadis ny fin,
ny cauteleux, ains disoit simplement & sans grand exhortation ce qu'il a-
uoit en pēsee. Le iour d'apres qu'ils auoient cōsulté, ils retractoient les cho-
ses mises en deliberatiō & ordōnées, à fin d'y deliberer encore cōme ceux
qui ne sçauoyēt que c'estoit que de faindre ny dissimuler, & passioient sous
la rigueur de ce qui estoit arresté, cōme ne pouuant errer apres auoir sou-
uent consulté d'un affaire. Leur boisson estoit composée d'orge, & faite à
la semblance du vin, mais ceux qui se tenoyent pres des riuieres auoyent
du vin qu'on leur apportoit des pais estranges. Leur viande estoit sans art,
à sçauoir des pōmes sauuages, de la farine freschement mouluë & du lait

caillé, mais ils beuuoient desmesurément, & à toute outrance. D'une forte seule de passeréps se contentoyent ils, qui estoit d'apprendre à la ieunesse de passer dextrement par des reings de piques & espées nuës, à fin de les adextrer aux combats, entant que l'exercice se conuertissoit en art, & habitude, & donoit bonne grace à leur agile dextérité. Estoyent tellement adonnez au ieu du hazard qu'ayant perdu tout leur bien, ils y engageoiër encor, & vendoient la propre liberté de leurs personnes: si que le perdant demeueroit esclaue de sa partie, & le seruoit volôtairement: Et quoy qu'il fut ieune, robuste, & fort, si se laissoit & lier, & vendre comme vne beste au marché. Ils partissoient l'année en trois saisons, en l'hiuer, Printemps & Esté, comme ceux qui ne cognoissoient l'Automne à cause qu'ils n'auoyent ny vin, ny autres fruits recueillis en ce temps. Leur larmes estoit bien tost passées au trespas de quelcun, mais le regret, & douleur demeueroit longuement graué en leur esprit & memoire: C'estoit aux femmes le plourer & lamenter, & aux hommes d'auoir seulement la souuenance du mort. Et telles furët iadis les coustumes & manieres de viure des peuples de Germanie. Mais quel changement y a esté faict depuis par le trait du temps, ainsi qu'il est encor aduenü par toutes autres nations: on le peut assez cognoistre, par l'estat auquel les choses sont à present. Or pour le iourd'huy toute la Germanie est diuisée en quatre estatz, & manieres de gens: Le premier est du Clergé, soit-il seculier, ou regulier, & religieux: & tous les deux sont bien rentez & enrichiz de grandz reuenüz, & rentes: fort honorez de tous autres, non tant pour estre dediez au seruice de Dieu, auquel ilz sacrifient, & chantent les loüanges de saintz, & ont soing des ames, & salut du reste du peuple, que pource aussi qu'ils ont la cognoissance, & intelligence des saintes escritures, les enseignët au peuple, & viuent en continence. D'autant que le peuple Alemân mesprise facilement les prelatz & ministres de l'Eglise, qui sont ignoras. Chascun est vestu entre les gens de religion fort religieusement, & portäs l'habit seant, & propre à leur estat, & condition. Les prestres non moynes, ont leur robes larges, & longues, & de couleur noires, leurs bönetz sont de laine, & fort creux, & non pointuz, qui leur entrët en la teste iusques aux oreilles. Alläs par ruë, ils portent des chaperons sur les espaules, qui sont faiz aux aucüs de foye, & aux autres de simple laine, & cecy pour l'honesteté, & biëseäce de leurs estatz: portent aussi des mules, & des souliers dedans, ou bien des pantoufles sans escarpins, lesquels ils laissent estäs en leur maison: La plus part de ceux-cy s'adonne à oyssiueté: & n'a guere grand soucy des lettres, ny du sçauoir, pasäs les apresdinées, à boire, iouer, & bäqueter. Les moindres du Clergé, estans offencez, s'en vont à recours aux Euesques, & quelquefois en court de Rome d'oü souuët ils endömagent ceux qui leur ont fait tort, & se rëndent plus assurez en leur estat, & licëce de vie. Le second estat est de la noblesse, sous lequel y à plusieurs qui sont cötenus, car il y a des Princes, Côtes, & Barös, & des Cheualiers qui ne sont pas si auäcez en dignité. Les Princes deuäcët, & söt pl^r prisez q̄ les autres, nō pour leur grädeur, où pour le sang illustre d'oü ils sortët, q̄ pour estre puissäs plus q̄ tout autre, cōme ceux qui ont de gräds domaines, terres, seign. & reuenüz: les

Exercice de la ieunesse Alemäde.

Ieu aymé des Alemans, iusqu'à iouer leur liberté.

Dueil des Germains.

De l'estat, mœurs, & conditions presentes, du païs d'Alemaigne. Chap. 14.

L'estat de la Germanie à present.

Quel le Clergé d'Alemaigne.

Habit des gens d'Eglise, en Alemaigne.

Le second estat est la noblesse.

LIVRE TROISIEME

Princes comtes & Barons Alemans suiets à l'Emper.

Noblesse d'Alemaigne ne peut user de l'estat de marchand: aussi ne fait elle en France.

Chasse est l'exercice de la noblesse. Loy rigoureuse contre les roturiers allans à la chasse.

La noblesse Alemande braue en habits.

Marcher grane des gentilshommes Alemans.

Nobles en Alemaigne ne font conscience de piller & ravier, Celie Rhodig. li. 18. ch. 20.

Comme se vuidēt les differens des Gentilshommes.

Ils ont tant fait que la plupart leur en est escheu.

Comtes & barons espars çà & là par le país semblent celle diuersité de fleurs qui sont en vn pré tant ils embellissent par leur lustre leur patrie. Mais ce n'est sans merueille de veoir que & les Princes, les Comtes, Barons & telle noblesse obeir aussi tost qu'ils sont commandez, la necessité le requerāt aux iussions faites par l'empereur comme ses suiets & hommageables: & ce pendant les plus petits d'entre les nobles se disent exemps de tel assuiettissement, & ne vont seruir aucū en guerre s'ils ne sont soudoyez & bien apointez, & ne souffrent que leurs suiets & vassaulx suyuent aucū qu'eux en guerre: & neantmoins ils appellent l'Emp. de Rome leur Prince & souuerain seigneur, & pour tel le recognoissent. Tous les nobles pèseroyent auoir profané & denigré l'estat, & splendeur de leur race, s'ils faddonnoyent en sorte aucune à la marchandise, ou exerçoient quelque art qui fust mecanique: leur tourneroit à deshonneur s'ils prenoyent à femme vne roturiere, & qui fust de moindre & plus basse qualité qu'ils ne sont, & s'ils se tiennent en quelque ville estrangere comme s'ils en estoient les citoyens. Aussi mesprisans la compaignie, acointance, & hâitise des Bourgeois des villes, ils bastissent des chasteaux & forteresses es costaux & collines, viuent en liberté aux champs & par les boys avec leurs femmes, enfans, & familles. Aucuns d'entr'eux frequentent les cours des Princes & les suyuent à la guerre: d'autres se tiennent cazaniers en leurs maisons, viuans de leurs rentes, & reuenus de leur patrimoine: Tous nobles vont à la chasse, laquelle vacation ils disent à eux seuls appartenir comme en estans en possession par l'og v'sage, & en ayans l'octroy & liberté des Princes. Que si vn païsant, ou autre du populaire est attainct d'auoir chassé, principalement aux Lieures, Biches, Dains, Cheureux & Cerfs, en plusieurs endroits on leur creue les yeux pour penitence: & en d'autres ils en perdent la teste. Est toutesfois permis à chacun de chasser les bestes qui sont dommageables & nuisibles. Les nobles encor' se traictent bien, & sont grand chere, & se vestent magnifiquement, portans hommes & femmes force bagues, chesnes, & colliers d'or, & d'argent, & leurs habits de soye de toutes couleurs. Allans dehors ils sont suyuis d'vne grand troupe de gens de leurs domestiques: & marchent avec telle grauité & d'vn pas si posé & lent, que aisément on les cognoit entre les petits & le populaire. Et fil faut aller vn peu loin, c'est à cheual & non à pied que le gentil-homme marche, car aller à pied ils l'acomptent à reproche & deshonneur, & disent que c'est le signe d'vne estrange misere & pauvreté: & toutefois ayans faute des choses necessaires, ils ne trouuent point vilain ny mal-scāt le piller & butiner, & n'en ont honte quelconque. Ayans receu quelque tort, c'est tard qu'ils le poursuyuent par iustice, ains s'assemblans de chascun costé à troupes de cheualerie ils vengent l'iniure au trenchant de l'espée & pillans, bruslans, & rauageans les terres de leurs ennemys, contraingnans par ce moyen celuy qui a fait l'offence d'en faire reparation, à l'offence. Ceste gēt noble est superbe, félone, sans repos, auare au possible, & qui ne cesse de dresser embusches tousiours aux prelatz & aux biens des gens d'Eglise: tenans les pauvres païsans en vne estrange seruitude, & en tirans tout ce qu'ils peuent en arracher. On ne scauroit croire avec quel le cruauté

le cruauté ils tourmentent, rançonnent, & escorchent ce pauvre & miserable peuple viuant soubz leur main & seigneurie. Et faut dire que nostre Germanie seroit la plus belle & heureuse prouince de l'uniuers, ie dis trois & quatre fois bien fortunée, si ces Centaures, Denys, Phalaris & Harpies en estoient chassés, ou à tout le moins qu'on corrigéast & retréchaist leur tyrannie & insolence, & si diminuant leur puissance & autorité, on les forçoit (ainsi qu'on a fait entre les Suisses) de viure en leur priuè & sans iurisdiction, contens de leurs rentes & domaine. Le troisieme estat comprend les Citoyens & Bourgeois des villes: les aucuns desquelz sont immediatement suiets à l'Empire, sans recognoistre d'autre seigneur: les autres outre l'Emper. ont des Princes, ou sont subietz aux Ecclesiastiques. Ceux qui respondent simplement deuant la maiesté Imperiale, ont de grandz priuileges & libertez, vians selon les coustumes & ordonnances de leur police & magistratz libres des Citez, qui leur sont commis pour les gouverner. Ils eslisent tous les ans vn d'entre les citoyens qui par l'autorité & voix des Magistrats, est souverain avec l'Empire, au maniment de la iustice: lequel voulant faire le procez à quelque criminel, il fault que sy gouverne en ceste sorte: Les assesseurs & cōseillers esleuz par le peuple luy assistent, & sont près de luy au conseil, & ce pendant on amene le criminel lié deuant l'audience, où il est permis aux parties de deduire leur fait & accusant & deffendant leur cause, lesquelles ouyes on va delibérer, non selon les loix desquelles ils n'ont aucune cognoissance, mais cōme la raison naturelle les guide, & qu'ils sont deja stilez par la pratique: Et de mesme en vsent ils ez causes ciuilles, sauf qu'en celles cy on appelle à la chambre Imperiale, ce qu'on ne peut faire ez crimes. Ez villes & citez Imperialles, il y a deux sortes de citoyens & Bourgeois, estant les vns nobles, & les autres roturiers: Ceux-cy s'adonnent au trafic, & aux artz mecaniques, là où les nobles (qu'on appelle aussi Patrices) vians de leur reuenu, suyuent la façon de faire des autres Gentils-hommes, & Cheualiers. Que si quelque roturier estant deuenu riche, vouloit s'insinuer en leur cōpagnie, ou les frequenter, & s'allier d'eux, ils n'ont garde de le souffrir, & le regretant tout aussi tost, qui a esté cause que tous les deux estatz se sont longuement maintenuz en leur force & vigueur, autorité, & excellence. Toutesfois le maniment des affaires & gouvernement de l'estat public, est accordé esgalement aux deux estats, & n'est le peuple suiuet, ny asseruy aux nobles, estant chascun maistre de son bien, & viuant en liberté à sa fantasie pourueu que ce soit sous les loix & coustumes de leur police: & en general la iustice est administrée par tout le païs, par des hommes qui n'ont aucunes lettres. En chascune ville, & en certains villages, on eslit douze hommes pour iuges, ayans le renom de bonne vie, & entiers en leurs actions par le tesmoignage de chascun, sans qu'on aye esgard s'ils scauent les lettres ou non. C'est à ceux cy de prendre la charge, & y sont forcez, quoy qu'il n'y ayt gage aucun, ny espoir de recompence quelconque, sauf l'honneur qu'ils en raportent sy estans bien gouvernez, & laissent leur profit particulier pour vaquer seulement au bien public, oyans, & vuydans les causes es temps, & heures ordonnées à ce faire: chascun

Tyrannie & pillerie des Nobles en Allemagne.

Troisieme estat est des Bourgeois

Deux sortes de Citez, en Allemagne.

Condition des villes Imperiales, & leur franchise.

Magistrats des villes Imperiales.

Deux sortes de Citoyens es villes de l'Emp.

L'estat public cōme gouverné es villes Imperiales.

Iuges sans lettres esleuz en Allemagne.

LIVRE TROISIEME

d'eux iurant de rendre le droit à quiconque viendra vers eux, selon qu'il verra estre le plus iuste, meilleur, & equitable. Iadis on ne souloit point appeller de leur sentéce, estimans que c'estoit mal iugé de ne s'arrester au iugement de tant de gens de bien, & lesquels faisoient cest office gratuitement. Mais à present on en appelle à tous propos : ce qui seroit suportable, si les iuges à qui s'adressent les apeaux se gouvernoient en iugeant selon la forme, & coustume des anciens qui iadis tenoyent leur siege. Mais il y en a qui n'en tiennent guere grand compte : ains aduient souvent que les premiers iugent plus equitablement que ceux qui corrigent leur sentence, avec ce seul pretexte qu'elle a esté gettée contre les loix escrittes : & par ce moyen, & les iuges subalternes sont à tort calomniez, & la partie qui auoit gagné sa cause y est interessée : Or combien ceste façon de proceder est iuste, ie m'en raporte à leur conscience.

Concorde des Citoyens en Alemagne.

Les Citoyens es villes vivent en grand amitié & concorde, se portans tres-honnestement ensemble, trafiquent en public, & priué ensemble, & bien souvent, banquetent de compagnie, se ioient & s'arraisonnent : c'est bien tard quand ils se trompent & deçoient l'un l'autre, & quand ils se tencent & ont quelques noises & debats. En quelque temps, heure, ou lieu que ce soit, fils se rencontrent, soyent hommes ou femmes, ils s'entre-saluent fort amyablement, & se portent honneur & reuerence. Tous vont vestus assez simplement, & vivent escharlement les iours ouuriers, mais aux festes ils font vn peu plus larges & magnifiques. Ceux qui trauaillent font quatre repas le iour, & les oisifs & viuans en repos n'en prennent que deux.

Chicheté des Citoyens Alemans.

Or le vestement ordinaire des hommes est de laine, là où les femmes le portent de toile, ou treillis, mais & les vns & les autres tant bisarre diuers, & de plusieurs & variables couleurs & façons, qu'à grand peine l'une sorte rapporte & ressemble à l'autre, & se plaisent estrange-ment es modes & façons d'habits des autres nations, soit des Italiens ou autres, mais sur tout ils ayment d'estre abillez à la Françoisé, pre-nans des François la coustume de porter des souliers larges par deuant, & des manches aux habits fort larges & deschiquetées, des chappeaux & bonnets, laissant l'ancien habillement de teste. Car j'ay veu que de mon temps on portoit encor' les souliers pointuz, les robes courtes & estroites, & des chaperons à queuë ou barbutés à la façon du temps passé.

Diuersité d'habits plais à l'Alemant.

Mais ceste espargne & modestie ancienne est demourée pour lustre & ornement aux femmes, lesquelles laissant à part tous ces grands entortillemens de voiles avec lesquels elles se faisoient les testes grandes, à present se voilent d'un seul couurechef, & marchent modestement allans par rues : voire ont quitté à part ceste superfluité d'or & argent, & pier-rierie en carquans, coliers, chesnes, ceintures, & autres ioyaux & affi-quets, & reietté la foye & fourrures faites de peaux precieuses & de pris presque inestimable.

Que diray-ie des recameures passemens & broderie, qu'à present les seules damoiselles & femmes des Gentils-hommes portent ? L'acoustre-ment de nos Bourgeoises est assez modeste, bien seant & honneste, &

n'y autoit rien que reprendre, si quelques vnes ne les faisoient faire trop d'ouerture au hault de leurs robes, & ne les eschancroient par deuant plus que de raison. Les Alemans se vestent de noir és obseques & funerailles de leurs parens, & en portent le dueil trente iours; & pendant ledit terme ils font prier trois fois pour le deffunct, le iour de l'enterrement, le septiesme iour, & le trentiesme. C'est vn peuple tresardant & deuotieux au seruice de Dieu: si qu'il n'y a artisan quelconque lequel le matin auant que mettre la main à la besoigne, ne s'en aille à l'Eglise y prier & ouyr la messe.

Les seruiteurs & chambrieres y sont contrains à ce deuoir par leurs maistres, & n'est pas peu de reproche que de laisser le seruice de Dieu par paresse, ou autre occasion, si elle n'est de grand importance. Aussi n'y a il si pauvre cité en laquelle n'y aye quelque conuent, & monastere, d'un ou autre des ordres des quatre mendiants, & vn hospital pour la retraite & suport des pauvres. On y entretient encor & fait nourrir aux lettres les ieunes enfans qui pour estudier sont volontaires bannis & errent par le monde, & en voit on souuent vn tel & si grand nombre en vne cité, qu'on s'esbahiroit comme il est possible qu'on en puisse tant entretenir, ceux cy sont hebergez pour Dieu par les Citoyens, & puis vont mendiant leur pain en chantant de porte, en porte, de quoy ils sont fournis abondamment, à cause qu'ils seruent & chantent à l'Eglise avec les Prestres y deputez, & qu'on les institue ainsi pour les promouoir au Clergé. Ioignant toute Eglise de Paroisse, il y a vne maison qui est au public, où l'on lyt les arts liberaux, & bonnes sciences, & là où & ces pauvres & les enfans de la ville sont enseignez par gens gagez pour ce faire: lesquels sont hommes bien famez & legnelez & en sçauoir, & honnesteté de vie: ceux cy chastient ceux qui faillent, & qui ne font leur deuoir à l'estude les fouëtans ou les tençans aygrement. Les edifices prieuez sont ioints & contiguz les vns des autres, & bastis assez bien selon l'assiette des lieux, & puissance de ceux qui y habitent.

Les bastimens de riches sont dressez de pierre, & à chaux & sable fort superbement, les pauvres ont les loges basses, & faites de boys & de terre: & toutesfois tant les vns que les autres couurent leurs maisons de tuile, ou d'ardoise, si c'est pour crainte du feu, ou pour la magnificence du bastiment ie ne vous en sçauois que dire. Au pais de Saxe & plusieurs autres endroits ils les couurent de Lates & Bardeau, qui cause que les villes y semblent moins belles & plus suiettes à y estre bruslées. Les places y sont ordinairement paüees de cailloux ou grez & pierre fort dure: Les portes des villes embellies de hautes & fortes tours, où de iour les gardes aduertissent au son d'une trompe la ville du nombre des cheuaux qui arriuent, & que ceux qui sont à la porte soyent aduertys, & se tiennent sur leurs gardes, & fortifient de gens la porte. Leurs villes sont ordinairement assises en lieux fort & remparez tant par l'art que par la nature, ou pres des grosses, & tournoyantes riuieres, ou sur quelque mont fascheux & mal aylé à l'aborder. Celles qui sont posées en la planure sont remparées de

*Dueil et funeral-
les des Alemans.*

*Ceste deuotion y
est à present bien
refroidie.*

*Charité des Ale-
mans vers les
pauvres qui ven-
lent estudier.*

*Escoles en Alle-
magne bien or-
données.*

*Edifices selon la
puissance de cha-
cun.*

*En saxe les mai-
sons suiettes au
feu, & pourquoy.*

*Fortifications &
assiette des villes
en Allemagne.*

LIVRE TROISIEME

grosse muraille, de profond & larges fossez, & de rampars inexpugnables entourées de tours, & bouleuers sans nombre & faits en forme de terrasse. Il y a aussi des villes champestres ayans des fossez & trêchées si larges, creules & profondes, que aisément les habitans se deffendent des cour-
Quatriesme estat sont les laboureurs ses & pillages, ou surprises, que les ennemys ont de coustume de faire d'emblée. Le dernier ranc & estat est des bonnes gens qui se tiennent aux champs, & hameaux, & villages, & qui cultiuent les terres, & lesquelles à cause de leur habitation & estat, on appelle ruraux & rustiques: la condition desquels est miserable: Ceux cy habitent esloignez les
Bastiment des champs. vns des autres: chascun en sa famille, & troupeaux viuant pauurement, & fort mecaniquement. Leurs maisons sont basties de terre ou mortier & de boys, & couuertes de chaulme bien peu hault esleuées: leur pain bis, & la plus part d'auoine, leur viande febues, & pois: le breuuage la belle eau, ou de la Bierre: leurs habits sont vn roquet de toille, des giestres, ou triquehoufes, & quelque meschant chapeau de feultre pour affubler leur teste. Ces pauures gens sont tousiours en trauail, & sans repos, & mal
Vestemēt des Rustiques. propres & sales en leur mesnage: & portent vendre ce qu'ils ont aux marchez des villes voisines, soyent fruits, bestail, ou reuenü des champs, & de leur bergerie, & de celà se fournissant des choses qui leur sont necessaires: d'autant qu'ils ont peu, ou point d'Artisans qui se tiennent
Les païsans François n'en font guere moins les iours des festes. parmy eux en leurs bourgades. Les iours des festes ils s'assemblent tous auant midy à l'Eglise, y en ayant vne en chascun village, & là assistent au seruice & oyent le prestre & Curé leur interpretant l'Euangile, & declairant les commandemens de nostre seigneur. Et apres midy ils s'en vont sous quelque arbre & en lieu public traiter & communiquer de leurs affaires. Apres celà les ieunes païsans au son de la fleuste se mettent à dancier, & les plus anciens s'en vont à la tauerne, & boiuent alors du vin à commandement. Les hommes ne marchent iamais en public sans armes ayans l'espée, ou autre baston tousiours en main pour s'en seruir en quelque necessité qui leur puisse suruenir. En chascun bourg on eslit deux ou trois hommes, qu'ils appellent Bourgmestres, qui sont comme iuges & arbitres de leurs contractz & differens, & ayans charge de traiter les affaires du village, non qu'ils ayent puissance aucune en la police, ny que l'administration de la iustice leur soit commise, car c'est aux seigneurs & aux officiers qu'ils y employent, appelez Scultels en leur langage. Ils font souuent des Coruées pour le seruice de leurs seigneurs, labourans leurs terres, & les ensemençant, recueillans les moissons, portans les grains aux Greniers, fendans, & abatans le boys, seruans d'aides aux maçons qui bastissent, & fossoyans où il est de besoing, & en somme il n'y a seruitude à laquelle les seigneurs ne diēt que ceste miserable troupe de peuple leur est astrainte & obligée. N'y a encor rien tāt soit grief & difficile que ces pauures gēs osassent refuser y estās employez par le cōmandemēt du seigneur, car y faillās, les amēdes & bostōnades n'y sōt aucunement espargnez. Mais le pis du marché, & le plus insupportable au laboureur, c'est q la plus part d'ētr'eux ne sōt les vrays & entiers seigneurs des terres qu'ils tiennent & possèdent, ains en appartient la iouissance

*Ces Bourgs-
mestres ont mesme
pouoir que les
Consuls des villa-
ges en Gascoigne.*

*Seruitude mise-
rable du païsant
en Alemaigne.*

*Cestui-cy n'enten-
doit guere biē que
c'est que des ser-
mes prises à lon-
gues années.*

à ceux desquels il fault les racheter, en leur payant tous les ans certaine portion des fruitz qui s'y leuent & recueillent. Telles sont les manières & coustumes de viure, desquelles on vse à present presque par toute l'Allemagne: mais ayans parlé de ce qui est en general, c'est raison que les matieres soyent vn peu spécifiées, & les nations descrites par le menu, & chacune en son ordre ainsi que iusqu'icy il a desia esté gardé par tout le corps de ce liure.

*Du pays de Saxe: des mœurs & coustumes des Saxons tant anciens
que modernes. Chapitre 15.*



A region de Saxe est vn pays tout particulier de la Germanie, ayant ses bornes du costé d'Occident au fleuve Visere, ou comme d'aucuns disent au Rhin: vers le septentrion elle regarde le pays de Danemarck, & la mer Baltée: au midy sont les Franconiés ausquels sont opposez les Baioariens & Boesmes: & à l'Orient elle regarde la Prussie. Or combien de peuples sont enclos en ce grãd trait de terre, & de quelle diuersité de nōs on le peut aisément voir par la precedente description de Germanie: & toutesfois toutes ces nations sont comprises sous la iurisdiction Saxonique. Ceste terre a pris son nom des Saxons peuples, desquels les reliques furent prises de ces soldats qui iadis ayans fuiuy Alexādre le grand en ses conquestes, & luy estant decedé & faisi d'vne mort auant-saison se disperferent par tout le monde. D'autres disent qu'ils sont sortis de la grãd Bretagne, & que laissans leur país, pour trouuer nouvelle demeure, vindrent surgir en Germanie, si que chassans ceux de Thuringe de leur terre s'en firent maistres & seigneurs. [Non plus qu'ailleur ne veux ie laisser le lecteur apres les resueries de ceux qui ne sçachans chercher rien de solide de l'histoire se vont amuser à des folies, & imaginer des races, descētes & genealogies qui iamais ne furent en estre, si comme de dire & faindre, que des soldats du grand Alexandre soyent descendus les Saxōs, comme ainsi soit qu'il n'y a auteur quelconque des anciens qui se souuienne, tant s'en fault du nom Saxon, que encore ces erreurs (semblables aux courtes d'Vlysse) des Macedoniens ne sont par aucun ramenteuēs: & aussi ne sont elles vray-semblables, comme ainsi soit que mort le grand Monarque Grec, il y auoit assez de seigneurs de sa suyte qui sceurent bien employer le soldat à nouuelles conquestes, ainsi que ceux qui lisent les histoires en sçauroyent bien rendre la raison. Or la plus fresche memoire des Saxons est prise de Ptolomée lequel viuoit du temps mesme que Tacite lequel neamoins n'en fait aucune mention, non pas qu'ils ne fussent, mais d'autant qu'ils estoient sans renom ny bruit quelconque, nomplus que plusieurs autres des Septentrionaux: & toutesfois Suetone fait recit de la guerre de Lollie sous Auguste contre les Thuringiens & Saxons, où les Romains furēt deffaits par les Barbares, qui me fait iuger que Tacite ne fesoit guere amusé à esplucher toute la Germanie ou bien qu'il ne faisoit pas grand

*Description du
país de Saxe.*

*Opinion assez frē
uole veu que ia-
mais les Saxōs ne
furent au service
d'Alexandre.*

*Encore ceste opi-
nion est fauce, veu
que Gildas tient
l'arruée des Sa-
xons en l'isle Al-
bion & en furent
chassez, par les
Danoys.*

*Ptolom. liu. 2. ch.
11. Tabl. 4. d'Eu-
rope.*

*Suetone en la vie
de l'Empereur
Oclavian.*

*Trithemie abbē
en sa Chronique.*

*Romains deffaits
par les Saxons.*

*cecy aduint 15. ās
auant que Iesuf-*

LIVRE TROISIEME

*Christ nésquift de la vierge.
Saxons estoient Insulaires & Pyrates en la mer Baltée le long de Noruege.*

*Voy Gildas, & Bede auteurs Anglois.
Sidonie l. 8. epist.
6. A Naumatie.*

Saxons bons Pilotes.

Subtilité & sagesse du Saxon sur mer.

Hardiesse & assurance du Saxon durant les tempestes.

Captifs iadis diffez, & occis par les Saxons.

Grande cruauté des Saxons sacrifiant

compte des Saxons. Qui dirons nous donc que furent ces Saxons qui depuis ont tant donné d'affaires à Charles le grand? ie ne vous renuoye qu'à celuy Geographe que ie vous ay allegué, qui les fait peuples habitans le long de la mer vers le destroit Cymbrique, & encore les fait il insulaires & ainsi on les peut aller recercher en Scandinauie beaucoup plustost que en Macedone, de laquelle les bones gens n'auoyēt iadis aucune cognoissance, nomplus que les Grecs de ces isles septentrionales. Et se cōmencerent faire cognoistre (ainsi que dit est) du temps d'Auguste, & delà auant ils cōtinuerēt d'exercer l'art Pyratique, & d'escumeurs de mer, sicōme du temps de Diocletian qu'ils coururent l'Ocean iusqu'en Picardie: & festēdirent deuers la petite Bretaigne & pais des Armoriques: & ce fut dès le cōmencement qu'ils taschoyent d'enuahir l'isle à present ditte Angleterre: & afin que ie ne parle sans quelque plus solide raison de ces courtes larronesses des Saxons voltigeans sur mer il fault lyre vn peu ce qu'en dit Sidonie Apollinian, escriuāt à Naumatie. Cōme ie voulusse (dit il) mettre fin à mon Epistre, qui iargonnoit desia trop longuement, nous auons ouy des nouuelles fort soudaines venās de Xaintes, & auons entendu du messager, que n'aguere vous auez esté contrains de sonner l'assault & mōter sur mer faisans l'office ores de soldat & soudain de Nautonier, vous metans sur des barques courbées à la misericorde de l'Ocean pour vous opposer aux fustes pendantes & grandes Hurques des Saxons, esquelles tout autant que vous voyez de rameurs & agacheurs, autāt vous semble il voir de larrons, & de Pirates, si bien ils sont apries tous à commander, & obeir: à enseigner & aprendre de voler & piller: tellement qu'il fault que vous foyez bien tousiours sur voz gardes, car c'est vn ennemy le plus cruel & farouche de tous les autres: entant qu'il assault à l'improuiste & s'eschape & retire avec vne grand sagesse & preuoyance: si hardy, qu'il mesprise ceux qui se presentent au combat, & accable ceux qui ne prennent garde à leurs affaires. Si diligent, que suyuant quelcun il n'a garde de le laisser eschaper: & si luy fuyt à peine le peut on r'attaindre. Si asseuré que le naufrage tant s'en fault que luy donne frayeur que c'est plustost son exercice, ayant non seulement cognoissance des perils de la mer, ains encor vne bien grande familiarité avec la fortune d'icelle. Car si quelque tempeste les assault, elle les rend plus asseurez à leurs courses, & moins preuoyans ceux contre qui ilz dressent leur equipage: & sont si peu soucieux des dangers, que au milieu des vagues enflées de tempeste & flortz escumeux de la mer, voisins des rochers, & escueilz espouuentables, prestz presque à y heurter à l'encontre viuent ioyeux en ce peril, conduits de la seule esperance de bien & prouffit qui leur peut aduenir au pillage. D'auantage auant que desancrer ou sortir de terre ferme, & pays par eux rauagé, ilz ont de coustume ains que s'en aller, de prendre chacun dixieme de leurs prisonniers, lesquelz avec vne triste & superstitieuse ceremonie ilz massacrent, meslant l'equité du sort avec l'iniquité d'vn supplice tant cruel & abominable. Avec telles offrandes & vœux ilz obligent leur foy aux dieux, & s'en rendent quittes en sacrifiant ceux qu'ilz prennent en guerre, & non tant purgez par ces sacrifices, que pollus par les sacri-

leges commis, ilz acomptent à religion l'effect detestable d'une mort si leurs captifs, & malheureuse, ayans mieux tourmenter vn captif & le massacrer cruel- prisonniers. lement, que en tirer rançon pour le rachat de sa vie; & en autre passage il dit en certains vers à Lampridie.

*Là voit on les Saxons, acoustumés iadis
À sillonner la mer, aparostre esbahis,
Et n'oser mettre pied sur les terres voisines.*

*Sidonie en ses
Hendecasyll. à
Lampridie.*

Voyez donc quelles gens estoient les Saxons, & fil y a rien de vray-semblable que la Grece les aye produits. Veu que tous les auteurs qui en parlent les font voisins de la mer, & septentrionaux, aussi bien que les François, desquels noz annalistes ont chanté de si belles fables. Theodose le grand est loué pour auoir vaincu en guerre nauale le Saxo à cause que ce peuple estoit né, & nourry en cest exercice que de combattre sur mer: & Honorie reçoit grand louange, & actions de graces pour auoir pacifié l'estat sur l'Ocean troublé par les courses des Saxons. Et long temps au parauant Care Empereur natif de Narbonne (ayât esté foudroyé Diocletia) acompta à grand heur d'auoir vaincus les Saxons & François, qui couroyent & pilloyent les Gaules auoisinées de la mer. Voyons encor ce que en dit Paul Diacre: Valentinian (dit-il) dompta & accabla les forces des Saxons, qui festoyent ruez sur les limites & bornes des terres des François, & estoient ces Saxons, peuple se tenant sur les bords de l'Ocean, & habitant ez paluz inaccessibles, fort terrible & puissant en guerre, soudain & agile en ses actions, & lequel aspiroit d'entreprendre sur les terres de l'Empire. Et afin que avec autorité ie refute l'opinion de ceux qui veulent que les Saxons soyent descendus de l'isle de la grande Bretagne, oyons ce bon Diacre qui en parle tout au contraire, disant ainsi.

Quelque temps apres les Anglois, ou Saxons (il confond les noms comme estant vn mesme peuple) passerent sur troys longues naus en Bretagne, ce voyage ayant esté raporté en leur país comme prospere & qui leur auoit bien succedé, on y enuoya plus grandes forces, avec lesquelles ilz chasserent de l'isle ceux pour la ruine desquelz on les auoit appelez à secours, & aduint cecy du temps de Vortigere Roy de celle isle, ainsi que porte au vray l'histoire des Anglois. Et en ceste sorte ce fust le Saxon Anglois qui donna ce nom d'Angleterre à l'isle Bretonne, & non ces Insulaires du sang (comme ilz disent) de Brute Troien à la nation Saxonne, laquelle, comme il apert, assez est Septentrionale & née le long de la mer Baltée.]

Or ceste natio à esté iadis fort fascheuse, comme celle qui ne laissoit guere ses voisins en repos, tousiours tédât à inuader & guerpier leurs terres, mais les Saxons entr'eux viuoyét fort paisiblement & les seigneurs preuoyent avec grand courtoisie ce qui seruoit au bien de leurs citoyens pour les en fournir & ayder. Et ont esté fort curieux à la conseruation des familles & races de leur premiere & ancienne noblesse, ne voulant guere s'

*Clandian au P. a-
negirig en l'hon-
neur d'Honorie.
Eutrope liur. 9.*

*Paul diac. des ge-
stes des Romains.
liu. 1. en la vie de
Valentinian.*

*Ammian li. 27.
Paul diac. li. 3. en
la vie de Theodo-
se le jeune.*

*Ceste premiere
course aduint l'an
de grace 446.*

*Roy Polyd. Virg.
liu. 1. de l'histoire
Angloise Gil-
das. 1. li. de l'hist.
Ecclesiast. & Be-
de en l'hist. An-
gloise.*

LIVRE TROISIEME

cointer des estrangers, ny fallier de moindres qu'eux, taschans par ce moyē de tousiours tenir leur peuple en sa sincerité & tousiours semblable à soy-mesme & suyuant les mœurs anciennes de leurs ancestres. Qui a fait que encore on les voit ayās vne mesme habitude, grādeur & stature du corps, & la couleur du poil, & cheueux presque toute semblable en vne si grāde & presque infinie multitude de peuple. Or fut ce peuple diuisé generale-ment en quatre estats & differences, de nobles, francs, affranchis, & esclaves: & estoit deffendu par leur loy & ordōnance, qu'aucun ne forlignast de son ranc en contractant mariages: mais que le noble espousast femme de son calibre, & le franc, vne de libre condition, l'affranchy en prist vne qui eut esté mise, cōme luy, en liberté, & que le serf s'accouplast avec l'esclau, & quiconque contreuenoit à telle ordonnance il ne luy alloit que de la vie. Ilz auoyent de tressāintes & bonnes loix pour la punition des forfaits & malefices: [comme sur les meurtres, où l'on auoit esgard à la condition de celuy qui auoit esté occis, & en aucun n'y auoit presque peine quelconque de mort, si ce n'est de celuy qui faisoit homicide en l'Eglise, car le faisant il n'y auoit aucune remission, voire quiconque se mettoit en embusches, & aguet pour ce faire, encor qu'il n'executast poit son vouloir, il estoit banny, & cōdemné à grandes amendes. Les larcins y estoient punis avec plus grande seuerité, veu que le pris de trois sols anciens estant desrobé fut de iour, ou de nuit n'estoit racheté que par la perte de la teste. Les boutefeux, & vsans de violence passoient sous la rigueur de pareille sentence: Et quant aux heritages, nul ne pouuoit priuer son legitime heritier, ou ayant cause de sa succession, pour la donner à vn autre, fil n'en inuestissoit l'Eglise, ou faisoit le Roy son heritier.] Ce peuple s'estudia fort aussi à si bien dresser ses mœurs que l'utilité y estoit contemplée selon ce qui sembloit honeste en la poursuite, & consideration de la loy de nature: ce qui leur eust presque suffir le tēps passé s'ils eussent eu quelque cognoissance du vray Dieu & puissant, & bon createur de tout le monde. Mais quoy? le Saxon estoit aussi bien plongé en l'abisme de l'Idolatrie que les autres nations, adorant les arbres biē feillus, verdoyans & chargez de brāchage, & n'en faisoient pas moins à l'endroit des Fontaines. Ilz auoyent encor vn gros tronc d'arbre fiché en terre en lieu descouuert qu'ils apelloient Irminsual, qui signifie colonne vniuerselle comme soustenant toutes choses. [Ceste colonne & tronche fust abatue par Charles le grand ayāt subiugué ceste nation lors qu'il les transporta en Flandres & Brabant afin qu'ilz y habitassent, & ne remuassent plus mesnage en leur pais.] Les Saxons adoroient aussi Mercure auquel (comme le reste des Alemans) ilz sacrifioient à iours certains ceux qu'ils prenoient en guerre. Or ne trouuoient ilz digne, ny bien seant à la maiesté des dieux qu'on les enfermast dans vn temple, ou qu'on feist aucune statue, ou simulachre pour les représenter entant qu'il estoit impossible à l'homme de comprendre ce qui est de la maiesté diuine. Ilz dedioient les boys de haute fustaye, & les forêts plus sombres & espaisées à leurs dieux, lesquelles ilz honoroyent du nom & tiltre de leurs dieux, contemplant & disputant sur les secretz plus grandz de la nature avec grand respect & reuerence. Ce peuple fut encor adonné

Franc. & affranchy different: le premier l'est de nature: & le second de grace de celui qu'il seruoit. Loy des mariages entre les Saxons.

Voy les loix Saxones tiltre 2. parag. 8. & 10.

Tiltre 4 para. 7.

Tilt. 14. parag. 2.

Idolatrie des Saxons. voy Vitichin de en l'histoir. des Saxons Deca. 1. Auentin liur. 4. hist. de Baviere. Beat. Rhenan. li. 2. des choses Germaniq. ce fut l'an de grace 779.

Mesme fut l'admir des anciens Romains. voy Plutarq. en la vie de Nume Pompilie. Tacite refere cecy à toute la nation Germanique.

adonné sur tout autre au vol, & entrailles, & au mâger des oiseaux, & forz pour par cest esgard deuiner les choses à venir. [Et quoy q̄ le passé, & compté cy dessus soit rapporté à tout ce qui est de peuple iadis contenu en la Germanie, & que Tacite en ayt tenu propos en diuers endroitz referant ne sçay quoy de grand, & heroic aux femmes suyuant l'opinion des Germains, si est-ce que principalement cela se rapporte aux Saxons, veu que ce fust en leur païs que ledit Tacite gouverneur pour lors en la Gaule Belgique fut en la Prouince des Westphales, & y veit l'honneur que on y faisoit aux Déeses Velleda, & Aurine. Or si la Westphalie est esloignée des Saxons ie m'en rapporte à la verité, & suis encor plus satisfait de ce que j'ay recueilly de I. Villichie Resellian, qui escrit sur Tacite, lequel dit que Aurin signifie vne sorciere, & vne de ces femmes, lesquelles par sort presagent & deuinent ce qui est à venir: veu que encore à present audit païs (si Luther avec vn diable n'en a chassé vn autre) il y a plusieurs de ces femmes, qui ne faillent de predire les futurs euenemens des choses, ou quelcune pour le moins, mettans quelque figure de cire en vn bassin plein d'eau, & y marmoras dessus ne sçay quelles oraisons pleines de superstition & idolatrie: A cecy m'ayde beaucoup ce que Saxon en l'histoire Danoise, chante des peuples voisins de l'Ocean septentrional, pres lequel nous auôs dit estre nez & nourris ceux desquelz nous faisons mention à ceste heure.] Or la forme & façon comme ce peuple deuinoit iadis par sort estoit telle: Il prenoit vne verge de quelque arbre fruitier, & la mettoit en plusieurs pieces, lesquelles il marquoit de diuerses sortes & couleurs, & les estendoit sur quelque abillement blanc, & net, & ce sans vsr d'aucun ordre en les y espendant. Or si la consultation touchoit le public, le prestre presidoit à ceste façon de faire le sort: si c'estoit pour quelque cas particulier, le pere de famille, & chef de la maison, où l'acte se faisoit ayant fait sa priere aux Dieux, & ce les yeux fichez & esleuez en hault, leuoit trois fois ces vergettes ainsi espendues, & selon que la marque tournoit, il predisoit aussi de l'heur, ou malheur de ce qui deuoit aduenir: là où les marques deffendans l'entreprise, on surseoit l'affaire à vne autre fois. Et si les verges du sort accordoyent que on l'entreprist, encore failloit-il que le sort leur donnast signifiante de l'issue: & auoit l'Augure comme art propre ceste nation pour consulter du succez de leurs affaires. Nourrissoient aussi des cheuaux blanz aux despens publiques dans les boys, & forests plus profondes & obscures, & telz que iamais n'auoyent seruy: Ilz les attelloient à vn chariot saint, & sacré, & dedié pour ce seul effait, lequel estoit suiuy & accompagné du Prestre, du Roy, ou Prince de la Cité, lesquels prenoient garde au hennissement & bruit que faisoient ces cheuaux: tellement qu'il n'y auoit aucun genre de diuination auquel ilz aioutassent autant de foy que à cestui-cy, & où s'arrestassent tant le peuple, que les seigneurs, les Princes & les sacrificateurs: d'autant qu'ilz estimoyent ces bestes comme ministres des dieux, & sçachans les conseils & secrets des Celestes. Encore auoyent ilz vne sorte & maniere de sort, par laquelle ilz preuoyent ou prenoient coniecture de l'euenement des guerres qui leur sembloient

Hh

Tacite. 21. des Annales, & au liu. des mœurs des Germains, auquel consent Celsus Rhodig. liu. 18. ch. 20.

Velleda & Aurine Déeses en Alemaigne.

Aurin mot ancien Saxon, signifie Sorciere. Iosse Villichie sur Tacite.

Sorcières en Saxe.

Saxon li. 1. ch. 2.

Maniere ancienne de deuiner par sort en Alemaigne.

Sort par le hennissement des cheuaux en Saxe.

LIVRE TROISIEME

*Deuination prise
par l'éuenement
des combats singu-
liers.*

*Martin Luther
à infecté d'here-
sie le pais de Sa-
xe.*

*Eglise de nostre
dame en Alber-
stad, ou les lays
n'entrent point.*

*Estrange ceremo-
nie en Alber-
stad.*

*Le penitèr d'Al-
berstad nommé
Adam & pour-
quoy.*

*Mines d'argent
en Saxe.*

*Saxons exorbités
à boire.*

de plus grand importance: Car ils contraignoyent chacun de leurs captifs pris en guerre, & estant de la nation à qui ilz auoyent à faire, de combattre contre celuy des leurs qu'ilz choisiroient: & quiconque emportoit le dessus seruoit de preiugé pour la victoire future de quelque costé que fut le vainqueur. Charles le grand (comme dit est) les ayant affligés par guerre l'espace de trente ans, les contraignist à la fin de quitter toutes ces superstitions, & d'embrasser la religion Chrestienne en laquelle ils ont continué, avec le reste de la Germanie fort deuotieusement & fidelement iusqu'à nostre temps que Martin Luther a semé en plusieurs endroits le venin de sa fauce doctrine. En ceste region Saxonne la magnifique structure, & superbe bastiment des temples somptueux & religieux monasteres y est à grandement admirer: & plus encor la coustume obseruée en l'Eglise d'Alberstad, dediée à la glorieuse vierge Marie mere de nostre Dieu & seigneur, en laquelle les lays n'entrent point, en estant l'entrée seulement permise à ceux qui sont du corps & vocation sacrée du Clergé. Quoy donc que nul lay ayt licence d'y entrer, si est-ce que tous les ans le iour des Cendres, on choisist l'homme d'entre le peuple le plus mal famé, & meschant que on sçait choisir en la cité, lequel ayans vestu de noir, & luy voilans la teste & couvrans la face d'un chaperon, lequel assiste en cest appareil au diuin seruice: Mais déz aussi tost que l'office est finy on le chasse de l'Eglise: chassé ainsi que il est, il fault que durant tout le temps des ieunes du careme, il aille vagant tout pied nud par la ville visitant, & allant prier par toutes les Eglises, Monasteres, Chapelles & oratoires. Les Chanoines sont tenus de le nourrir: & le iour du ieu dy absolu, lors que on sacre le saint huile, & celebre la Cene, on l'introduit de rechef en l'Eglise apres la consecration du crefine, & là il reçoit l'absolution de ses pechez par les Penitentiars, & ayant receu l'aumosne on luy donne congé, & d'icelle mesme il en fait un present volontaire à l'Eglise, & autel de nostre Seigneur. Cest homme est par eux apellé Adam, à cause que estant ainsi purgé il est innocent comme estoit nostre premier pere auant que mordre au fruit de l'arbre deffendu: & leur est aduis que l'expiation, & purgation des crimes de cest homme redonde sur la cité, & sur tous les citoyens.

Le terroir Saxon est fertile en toute sorte de viures & fruits, sauf la vigne, & sy trouuent plusieurs mines d'argent, & d'Erain. En Goslarie, & autres diuers lieux dudit pais, on voit des fontaines, de l'eau desquelles on cuit & fait du sel tresblanc, qui est de grand prouffit & reuenu au Prince, & commodité pour ceux du pays. Ilz sement du froment, & de l'orge, desquelz outre que ilz en font du pain tresblanc, & sauoureux à manger ilz en composent encor de la ceruoise, en default de vin, de laquelle ilz boiuent si goulumét, & desmesurément, que ceux qui versent ne sçauoyent fournir aux beueurs, & parainfi on met un grand pot sur table plein d'icelle boisson, chacun beuuant à mesme, ou en versans dans une grand tasse qu'ilz mettent sur table, & se semonnent les uns les autres à dringuer, & faire caroux a toute ouurance. C'est chose incroyable à dire combien ce peuple alteré aualle de ceste ceruoise, & combien souuent

ilz se prouoquent à haucer le gobelet, voire y contraignent ceux qui les refusent, car il n'y a porc, thoreau, ny cheual, qui en aualast autant d'une leuée quelque soif qui les faist. Et ne leur suffist point d'auoir beu iusqu'à s'enyurer, ou rendre salement leur gorge: ains gist leur sobriété à continuer & nuit & iour ceste honeste pratique de bien boire.

Celuy qui boit le mieux de la compagnie non seulement en raporte il louange, & honneur de ceste vaillante yurognerie, ains est encor couronné de quelque gentil chapeau de roses, ou fleurs, & herbes souef flairantes, ou gaigne quelque autre gentillesse pour le pris de sa victoire.

Leur façon de faire s'est espandue par toute la Germanie, & tellement que on fait tout ainsi des vins forts & fumeux, que les Saxons de leur simple Ceruoise, au grand preiudice de ceux qui les imitent.

Tandis que ilz banquetent si quelcun passe pres d'eux, soit le maistre du logis, ou autre, se leuent tous ceux qui ont quelque verre plein, & luy presentent avec grand courtoisie à boire à sa bonne grace.

Ilz tiennent celuy pour leur ennemy, qui estant inuité à boire souuent, refuse, & sans rendre iuste raison, desdaigne de goustier avec celuy qui le semond, tellement que plusieurs fois ceste iniure est vengée ou par l'effusion mutuelle de leur sang ou par homicide. Les viandes des Saxons sont dures, mal aprestées & de grosse concoction: à sçauoir du lard, des saulcisses, ou andouilles sechées à la fumée, oignons crus, du beurre salé en plusieurs endroits ils font cuire le dimanche la viande pour en viure, & en yser tout le long de la sepmaine. Quant aux enfans, ilz ne les nourrissent point, comme nous faisons, avec de la bouillie, ains leur donnent la viande solide mais tresfort maschée par la mere, ou nourrice, qui la font aualler ainsi amollie à ceste tendre enfance: & c'est pourquoy les Saxons acoustumez dèz le lait à ceste nourriture, sont plus robustes que les autres, & souffrent les incommoditez de la vie avec plus de patience.

Ilz ont langage particulier pour eux, mais quant à l'accoustrement & autres façons ilz sont semblables au reste des Alemans.

[Je serois marry si taschant de r'afreschir la memoire de l'antiquité pour le plaisir du lecteur, ie laissoy l'estrange façon des Saxons iadis à se tondre, veu qu'ils coupoient les cheueux de derriere, & vers la nuque, laissant croistre le poil par deuant, iusqu'à leur couurir la face: & que cela soit vray j'ay Sidonie Apollinaire pour auteur, lequel escriuant à Lampri-
die, tandis qu'il estoit en la court du Roy des Wisigoths Theodoric, qui pour lors faisoit sa residence à Bourdeaux, parle des Saxons en ceste sorte.

*Pris des gloutons
benueurs.*

*Alemans en ge-
neral grands ben-
ueurs.*

*De pareille façon
en use l'on en
Gascoigne.*

*Quelle perruque
portoyent iadis les
Saxons.*

*Sidonie: à Lam-
pridie en ses Hé-
decayll.*

*Cy voyons les Saxons acoustumez iadis
A sillonner la mer, aparoistre esbahis
Et n'osans mettre pied par les terres voisines:
Les perruques desquelz, & cheuelures fines
Le fer par chacun bord derriere va coupant
Et les cheueux peigne l'on regette deuant:*

LIVRE TROISIÈME

*Ainsi le poil coupé, le chef nud sans nul' grace
Et couuert en demeure, & le front, & la face.*

*Saxons nommez
Sicambres.*

Puis aiouste aux vers, adressant sa parole au Saxon qu'il nomme Sicambre, comme aussi on nommoit iadis les François:

*La nuque ainsi tondant, ô Sicambre vieillard
Lors que te vois vaincu, regettes autre part
Ta perruque en courrant ton front iadis derriere
Et d'un poil nouuellet la couures la premiere.*

Le laisse le discours plus long & des Saxons & des Sicambres, iusqu'à ce que & la France, & l'Angleterre nous y remettront, & si nostre auteur y oublie quelque cas qui soit notable, ie me mettray en deuoir de soustenir, & parer aux coups qu'il n'a peu porter, ou que peut estre il ne vouloit monstrier à ceux qui ne luy sembloient assez adextrez à tel apprentissage.]

*Du pays de Westphalie, & iuges establis sur les Westphaliens par
l'Empereur Charles le grand. Chapitre 15.*

*Monts obnobies
à present de Hesse.
Ptol. liu. 2. ch.
11. tabl. 4. d'Europ.*



Vestphalie est vne region comprise aux bornes, & limites de Saxe, ayant le Rhin au soleil couchant, le fleuve Wisere au Leuant, le païs de Frise au septentrion avec la Holande, & regardant au midy les môtaignes de Hesse, que Ptolomée appelle môts Obnobies: de ces môtaignes sourt le fleuve Amasis lequel trauersant presque toute la Prouince, passe par Paderburg & Munster deux belles Citez, puis s'escoulant par Phrisie, se va rendre en la mer Septentrionale. Est encor en ce païs le fleuve Sale renommé es histoires des Romains, à cause que ce fut là que mourut Druse beau filz de l'Empereur Octouian Auguste. Ceste region ainsi que tient Strabon, fut iadis habitée par les Bracteres, ainsi que la coniecture le monstre, d'autres disent que ce furent les Sicambriens, alleguez par le mesme Strabon. Le premier qui contraignist ceux-cy à la foy Chrestienne fut Charles le grand apres qu'il les eust vaincus & affoiblis par guerres: Mais comme souuent ilz se reuoltassent, & venans à leur vomissement ils embrassassent l'Idolatrie, faisans banqueroute à la foy de l'Euangile, & ne tinssent aucun compte du serment de fidelité fait deuant l'Empereur: Charles le grand, afin de tenir en haleine, & crainte ce peuple Barbare avec l'estonnement d'une peine & supplice present, ordonna & establit des iuges secrets par la Prouince: ausquels il donna puissance, que dèz que quelcun se pariureroit, ou violeroit la foy promise, ou auroit commis quelque autre crime, que soudain on le prist, & sans autre forme de proces, ny aiournement, ou poursuite, ny pretente ou congé de se iustifier, on le feit mourir: mais il y commist des gens de bien, & aymans equite, & iustice, afin que sans raison on ne s'attaquast point à l'innocence de ceux qui n'offenceroient point.

*Amasis fleuve.
Sale fleuve.
Druse mourut en
Alemaigne voy
Dion. l. 55. Corn.
Tacit. Annal. l.
1. Suetone en la
vie de Octouian
Auguste. Strabon 7.
Voy Paul. Emile
es Annales de
France. 2.
Iuges secretz, establis
en Westphalie par le grand
Charles roy François.
Voy les annales de France: Et
Aventin liu. 4.
de l'histoi. de Baigniere.
Ceste façon ressembloit
presque l'inquisition qu'on
pratique en Espagne*

Ceste façon de proceder estonna & effroya les Westphales, & les contrainst de se contenir en deuoir, voyans le plus souuēt les seigneurs, & plus grands du païs brâchez par les boys, pour seruir de guide aux passans sans qu'ils eussent au parauant rien ouy dire de leur accusatiō: & s'ils s'enqueroient de la cause & occasion de tel supplice, ils n'auoyent autre cas pour responce sinon que les iusticiez auoyent faucé leur foy, ou commis quelque crime contre la Loy de l'Empereur: & dure encor iusqu'à nostre temps ceste façon de faire, qu'on nomme iugement secret. Ceux qui president à ce conseil, sont bien si presomptueux qu'ils osent entreprendre iurisdiction sur toute la Germanie, & portent le nom & tiltre d'Escheuins, ils ont des coustumes fort secretes, & quelques si occultes manieres de proceder au iugement des malfaiteurs, que iamais il n'a esté possible d'en trouuer qui par pris, ou crainte en aye voulu reueler vn seul point ny façon de faire. Aussi la plus part des Escheuins sont incogneus, lesquels vont çà & là par les Prouinces, notans & remarquans la vie de chascū, & trouuans vn malfaiteur, le deferent en iugement, & l'accusent, prouuant ce qu'ils imposent selon ce qu'ils l'ont par leur secrette coustume: leur sentence estant enregistree contre le delinquant accusé, la mettent es mains des ieunes Escheuins, la charge desquels est de la mettre en execution.

Aussi fut elle ratifiée par Federic. 3. enuiron l'an de grace. 1316.

Estrange façon de iugement.

Les criminels qui ne sçauent rien de leur condamnation, ne se donnent garde, que quelque part qu'ils se trouuent on les empoigne, & sont tout aussi tost despechez. Ceste sorte de iugement est à present fort abastardie, à cause qu'on y met des hommes de basse condition, & lesquels s'entremessent encor des matieres ciuiles, comme ainsi soit que iadis l'inquisitiō, & executiō des crimes leur fut permise, & octroyée. Ceste region Westphalique est froide extremement, destituée, & pauvre de vin, & de froment, on y mange le pain fort noir, & la ceruoise sert de boisson. Le vin qu'on y porte du Rhin est fort cher, mais c'est pour les plus riches, lesquels encor n'en vsent guere souuēt. Les Westphaliens sont ingenieux & bons guerriers, & de là est venu le commun dire que Westphalie engendre plustost des hommes vicieux & cauteleux, que fortz, ou trop simples; & sont suiets à l'Euesque de Coloigne.

Infertilité de Westphalie.

Westphaliens plus fins que simples.

De la Franconie, ou France Orientale, & diuerses façons des habitans en icelle. Chap. 16.



A Franconie, ou France Oriētale est vne partie de Germanie, & cōme le cœur d'icelle ayāt pris le nō des Sicambriens, qui furent appelez François du temps de l'Emp. Valentinian, à cause qu'ils auoyēt surmōtez les Alans, voisins des Gothz & Danoyz. Ceste regiō à les païs de Sueue, & Bauiere au midy, le Rhin luy est au Ponant, les Boësmes l'auoifinent du costé d'Orient & ceux de Hesse & Thuringie peuples de Saxe luy sont au Nord & septentrion. Ceste Prouince est close, & enuironnée de grandes & trefespaisses forests, de hautes, & difficiles montaignes si

D'où viēt le nom de Franconie.

Valentinian Emp. E aduint cecy, l'an 326. E sous Constantin le grand, non du temps de Valentinian.

Assiette de Franconie.

LIVRE TROISIEME

*Beauté du païs
Franconien.*

*Riuieres de Fran-
conie.*

Vins Franconiens.

*Enée Syluie en la
Geographie en
l'Europe. cha. 39.*

*Abbdace de Re-
glisse en Franco-
nie, où.*

*Sauuagine nour-
rie pour le plaisir
des seigneurs.*

*Quels sont les sei-
gneurs à qui la
Franconie obeyt.
Herbipoly s'ap-
pelle en Alemañ
Vitziburg.*

*Comme l'Euesque
d'Herbipoly est
mis en son siege.*

qu'à peine y peut on penetrer: mais au dedas elle a vne belle planure, embellie de plusieurs villes bien murées & remparées, & d'une infinité de chasteaux & grosses bourgades. La forest Hercinie est celle qui la ceignant à l'étour avec des costaux tres-haults & aspres, luy sert comme d'une muraille naturelle, & l'arrousent les fleuves Sale (d'où est venu le nom de Sâlien & Salique) Mogan, qui est nauigable, Tubere, & Necchare. Les vallons, par où courent ces riuieres, sont larges & de grand estendue ayans les coustaux voisins, chargez de bons vinobles, & le vin si delieieux qu'on en porte aux nations eslongnées, l'achetans à cause de son excellence. Le terroir de ce pays, est assez sablonneux, & non pierreux, que du costé de Noricque, & là où il est auoïsiné des riuieres, ainsi que Eneé Siluie le tesmoigne. Franconie est fertile par tous costez, rendant avec vsure toute sorte de grains qu'on y feme, & le legumage: & n'y a quartier en Alemaigne qui nourrisse de si beaux, & gros oignons, ne si belles raues & naueaux, ou des choux cabuz si excellans, & bien pomez. Aïoustez y si voulez, la grande abondance de Reglisse, racine mielleuse, & tant requise, qui est telle que du terroir de la ville de Babemburg, on en charge à charretées pour en fournir les autres païs: on ne voit que de beaux vergiers chargez de toutes parts d'arbres fruitiers, & des prairies fort plaisantes & delieieuses, le païs est en somme bien garny de bestail, & grans troupeaux, & peuplé de plusieurs & infinis milliers d'hommes. Et à cause de la multitude des riuieres, aussi la pescherie y est à commandement, mais le deduit de la chasse plus encor, à cause que les seigneurs ont infinité de Buïssons, boys, & parcs, où ils nourrissent la sauuagine pour en auoir le plaisir: Leur font encor dresser des loges es Parcs, esquelles les bestes si retirent en hiuer, tant pour euitier les rigueurs du froid, que pour y vser de la pasture qu'on leur y apreste: de chasser à ceste venerie n'est permis sinon aux seig. & Gentils-hommes. Or la Franconie est departie sous la seigneurie, & suiection de cinq Princes, à sçauoir le Burgrau de Norimberg, & le Comte Palatin, Princes temporels, trois ecclesiastiques, qui sont les Euesques d'Herbipoly, Maïence, & Babemburg. l'Euesque de Herbipoly, porte aussi tiltre de Duc, qui est cause que lors qu'il chante la Messe, il tient sur l'autel l'espée toute nue & baniere desployée. Cestuy le iour qu'il veut faire son entrée, & prendre possession de la chaire Episcopale, vient en la cité accompagné, selon la coustume, d'une grand troupe de Caualerie: & dès qu'il est en la ville il met pied à terre, & laissant tous ses beaux & riches habits, fault que se veste d'un acoustrement gris, & de peu de valleur, & se ceigne d'une corde: & équipé ainsi, s'en va la teste & les mains nues en grande humilité vers les Chanoines en l'Eglise mere & Cathedrale, où ayant iuré & promis fidelité au Chapitre, il est mis & haucé en sa chaire & autorité. Mais auant tout cela, il est conduit deuant la representation & effigie d'un certain Euesque, & là on l'admonnestre serieusement, & sans flaterie, de se gouuerner aussi bien, & sagement que celuy duquel il voit là l'image, lequel n'estant qu'un pauvre & abiect escolier, durant vne grand discorde aduenue en l'election, fut esleu comme par mespris, & toutesfois se porta il

en homme de bien, & gouerna tresbien, & l'estat de l'Eglise, & les affaires & police de la ville, & de tout le païs.

*Princes non receus
à l'Euesché de
Herbipoly.*

Or nul enfant des Ducs ou des Comtes du pays est receu à cest Euesché, seulement y appelle on & met en la dignité, quelqu'un qui soit de la simple noblesse. Or font ils cecy, non que le reuenu de l'Euesché ne soit suffisant d'entretenir le train d'un Prince & bien grand seigneur, veu qu'il est de grand profit & puissance : mais c'est à fin que la dignité demeure es mains de ceux qui sont chefs au chapitre, & de la noblesse du païs, de laquelle sont choisis la plus part des Chanoines. La preuosté encor de l'Eglise d'Herbipoly est & honorable, & seigneuriale, & fault que quand un nouueau Preuost vient à cest office, qu'il aille visiter plusieurs villages & parroisses, sur lesquelles il leue les dîmes, & là faire deffoncer quelques muids de vin au peuple, & y mettre des tasses aupres à fin que chascun qui voudra, en puisse boire à sa fantasie.

*Preuosté de l'E-
glise d'Herbipoli.*

Les Franconiens ne different, ny en habitude, ny proportion de corps, ny en façons d'habits au reste des Alemans : & endurent fort le trauail, adonnez tant hommes que femmes à cultiuer les vignes, & ainsi personne ny est oisif & sans rien faire.

Ce peuple vend son vin pressé de sa pauureté, & boit la belle eau cleire, car il mesprise la biere, & ne tient compte de la ceruoise, voire ne souffre qu'on en porte en son païs : Il est vray qu'à Herbipoly durant le temps du ieusne on en y vend, mais c'est hors la ville & aux bateaux, à fin que ceux qui pour l'abstinence cessent en ieusnant de vin boire, ayent en lieu d'eau ceste boisson. Le Franconien est insolent, & fier de son naturel, ayant grand opinion de soy, & fort presomptueux iusqu'à mespriser tout autre nation & peuple, & sont si piquans, & mesdisans des autres que les estrangers qui frequentent & conuersent avec eux, fils ne sont trop legers en parolle, n'ont garde de leur dire le païs de leur naissance. Ceux qui souffrent patiemment leur gloire & arrogance sont les bien venus, & les souffrent facilement d'habiter avec eux, & les ayant comme essayez avec ceste façon rigoureuse, les reçoient souuent pour alliez & leur donnét leurs filles, & parentes en mariage, d'où aduiét que plusieurs de Sueue, Bauiere, & de Hesse s'arrestent & sont domiciliés en Franconie. Les Franconiens sont au reste fort deuotieux, & ayment le seruice de Dieu, toutesfois sont ils à presens adonnez à deux grans vices, à sçauoir au blaspheme, & larcin, l'un leur semble beau, & l'autre honneste, & à eux permis & loïsibles des long temps. Ils ont plusieurs merueilleuses & estranges façons de faire, lesquelles ie descriray, à fin que ce que l'on recite ailleurs des estranges nations, ne semble faux, & soit acompté à fable. Les cinq sepmaines qui precedent la natiuité de nostre seigneur tous les Ieudis on voit de nuit les enfans, tant filles que garçons aller heurtans de porte en porte, & chantans des chansons, qui contiennent la prochaine natiuité du sauueur de tout le monde, & souhaitent le bon an à toute la compagnie, & pour cest office & message plaignant ceux qui sont es maisons leur donnent des poires, pommes, & noix, & d'autres les estreignent de quelque petite piece d'argent.

*Ceruoise non per-
mise de vendre en
Franconie.*

*Mœurs estranges
des Franconiens.*

*Vices du Franco-
nien.*

*Ceremonies ordi-
naires en Franco-
nie.*

LIVRE TROISIEME

*Corybantes, voy
Ouid. es fastes.
La lance de la
fauce relig. liu. 1.
cha. 13.*

*Estreines sont de
longue & ancienne
coustume, voy
Macrob. 1. des
Satur.*

Auec quelle ioye ils reçoient & honorent la feste de la Natiuité de nostre seigneur, & ce dans les temples, non seulement le clergé, mais encor tout le peuple, on le peut recueillir en ce qu'on voit tous les ans en telle feste la représentation d'un enfant nouveau né, posé sur le maistre autel, à l'entour duquel les enfans & fillettes vont sautans & dançans, & les vieux chantent auec un accord semblable à celui des anciens Corybantes, desquels les fables portent qu'ils fesiouïssoyent en Candie dans vne Grotte du mont Ida, & dançoient autour du berceau de Iupiter iadis nourry, & esleué en celle môtaine. Le iour des Calendes de Ianuier qui est celui où l'an des Chrestiens commence, & d'où nous prenons le commencement des supputations du cours du temps, on voit en Franconie, les parens & amys s'entre-acoster, & se salüans ensemble, & touchans la main se souhaitent l'an nouveau pour heureux, & profitable, & passent celle iournée fesiouïssans, & banquetans ensemble. Et suyans l'ancienne coustume prise de leurs ayeux, ils s'entr'enuoyent les vns les autres des presens qu'on appelle estreines, & iadis les Romains les disoyent Saturnalices, à cause qu'on en vsoit ainsi entr'eux aux festes des Saturnales, & les Grecs les appelloient Apophoretas. Sur ceste façon de faire, l'année passée ie feis quelques vers en telle substance.

*Par huit iours continu honorans ta naissance
O Christ vray fils de Dieu, & Dieu vray en essence!
Des himnes nous chantons: & puis à nos amys
Des presens nous faisons, qui de bon cœur sont pris,
De Leuraux, ou Chappons, ou d'un gasteau insigne
Où engrauee soit l'armoirie plus digne
De celui qui le donne, ou dedans un panier
Dix pommes nous mettons venans de l'Orengier,
Dix pommes nous mettons my vertes my dorées
En un Vase de Buys: & diuerses dragées
Dans vne tasse d'or, pour en faire present
A l'amy pres de nous, & onc du cœur absent.*

*En France on y
met vne sebue.*

A la feste de l'apparitiō de nostre seigneur (par nous ditte les roys) chascune maison fait faire un gasteau composé de farine blanche & pure, de miel, poyure & gingembre: puis est créé un Roy en la façon qui s'ensuyt. La dame du logis est celle qui fait le gasteau, auquel en le pestissant elle met vne petite piece d'argent: puis le faisant cuire en la braïse & astre net, & bien chaud du foyer, le depart & coupe en tout autant de pieces qu'il y a de personnes en la maison, & en donne à chascun la sienne: Toutesfois en y a il des parties assignées, premierement à nostre seigneur Iesus Christ, & à sa glorieuse mere la vierge Marie, & aux trois sages qui le vindrent adorer, lesquels on dōne aux pauvres pour Dieu. En la part de qui-conque escheoit qu'on trouue la piece d'argent mise au gasteau, celui estant salué comme Roy, est assis en chaire & esleué trois fois en hault auec ioye, acclamations & plaisir de toute la compaignie: Le roy aussi leué en hault a de la craye en la main droite, & toutes les foys qu'on le haue, il

ce, il fait autant de croix au plancher de la sale, ou chambre où ils sont assemblez, d'autant qu'ils portent grand respect & reuerence aux croix comme le signe de grand effait, & qu'ils estiment les preseruer de grans inconueniens, & durât les douze iours qui sont entre Noël, & la feste des Roys, il n'y a maison en Frâconie qui soit habitée, laquelle on ne parfume & encence avec encens, ou autre chose aromatique, & odoriferante contre la force des malins esprits, & pour obuier aux enforcellemens des enchâteurs. Il n'est guere grâd besoing de dire avec quelle façon ils se gouvernent les iours gras qui precedent le Carefme: veu qu'on sçait comme le reste des Alemans, desquels les Franconiens ne degenerent, se gouvernent en ceste folle & debauchée feste. Car on y mâge & boit, & y fait tât de sortes d'esbatemens, qu'il semble que iamais plus on ne doie auoir la iouissance de tel plaisir, & que l'endemain il faille partir de ce monde, & ce iour soit fait pour rassasier tout le defreglé apetit du corps, pour le dernier adieu de ses aises. Il n'y a si petit qui ne tasche d'inuêter quelque nouveau ieu & spectacle, pour donner recreation & à l'esprit, & à la veüe des regardans, & qui puisse les attirer en admiration, & à fin que la honte ne les retarde de rien faire, ils se masquent & desguisent, les hommes vestans l'habit des femmes, comme elles aussi insolemment, & peu honnestement vestent celuy des hommes. Les aucuns, voulans représenter des Satyres, ou plustost des Diables, se paignent le visage de vermillon, ou d'ancre, & prennent des habillemens effroyables, & abominables: & d'autres vont tous nuds courans çà & là, de mesme façon que faisoient iadis les Lupercaux Latins, desquels ie pense que ceste vilaine coustume soit venuë & escoulée parmy nous. D'autant que cecy n'est en guere different aux ceremonies lupercales celebrées iadis par la ieunesse Romaine, & enfans des meilleures maisons au mois de Feburier, en l'honneur de Pan Lyrée: lesquels tous nuds, & ayâs le visage taint en sang, couroiët avec des fouets par la ville frapans d'iceux, tous ceux qui se leur offroyent au deuant: là où nos Lupercaux Franconiens frappent sans discretion, ny esgard de personne les passans avec des sachets pleins de cendre. C'est cas estrange que le iour des cendres en plusieurs lieux on voit que les garçons de toute vne parroisse s'assemblent, & prennent toutes les filles qui durant l'année auront frequenté les dâces plus que les autres & les atellent comme cheuaux, ou iumens à vn chariot, sur lequel est assis vn menestrier sonnant & ioüant de quelque instrument, & les conduisent en cest equipage iusqu'à la premiere riuere ou Lac qu'ils rencontrent. Ie ne voy aucune raison qui les meue à ce faire, si ce n'est qu'on die que par ce moyen ils les vueillent purger des fautes par elles commises, de ne s'estre point abstenuës de suyre leur legereté dâçant ainsi contre le commandement de l'Eglise. A la my Carefme, & lors que l'Eglise nous enhorte de nous resiouir, en mon pais la ieunesse s'assemblant fait vne effigie de paille, representant la mort ainsi qu'on a de coustume de la nous paindre & tirer, & la met au bout d'un baston la portant par les villages voisins, non sans crier & braire, la venuë d'une chose si gentille. Il y en a qui bienuiennent & caressent courtoisement ces porte-mort, & les repaissent de lait, pois, & poires sechées

*Feste de mardy
gras prises des idolâtres.*

*Lupercaux à Rome. voy Plutar.
en la vie de M.
Anthoine.
Ouid. aux fastes.
Virgil. 8. Eneid.
Varron. 5. de la
langue Latine.
Pan Lyrée. voy.
S. August. cité de
Dieu, l. 18. ch. 17.
Pausanie li. 8.
Ceremonie estrange
du iour des Cendres.*

*C'est le 4. dimëche
dit Letare.*

LIVRE TROISIEME

*Courfes d'enfans
à Pasques en A-
lemaigne.*

*Comme les saints
font honorer en
Franconie.*

*Ceremonies aux
rogations en Fran-
conie.*

*Benediction des
champs le iour de
la Pentecouste.*

au four (viande de laquelle nous vsons en Carefme) & renuoyent ainfi la mort, laquelle par d'autres n'est si doucement traitée, à cause que l'estimans annonçeuse de mauuaises nouuelles, la chassent de leurs maisons & limites avec iniures, & coups de baston. En la mesme saison encore obserue lon ceste coustume: les ieunes garçons de tout vn village entortillent quantité de fouërre autour de quelque vieille roüe de charette & la portas sur quelque haulte colline, ou coustau, apres plusieurs ieux & pasetemps acoustumez (pourceu que la rigueur du froid n'y donne empeschement) esquels ils passent le temps iusqu'au soir, sur le tard ils mettent le feu au fouërre, & voyant la roüe bien enflammée la gettent du haut en bas de ceste montaigne: laquelle donne vn spectacle effroyable à ceux qui ne scauent la coustume du pais, si que plusieurs les plus rudes, estiment que ce soit le Soleil, ou la Lune roüer du Ciel en terre. Mais venuë la feste de la resurreccion de nostre seigneur, & la veille de Pasques quelque riche homme du village fait faire vn gasteau ou deux, pour les garçons, & pour les filles pour gagner lesquels, s'estant faite vne bien grande assemblée de peuple sur le tard & dans quelque grand pré, ceste ieunesse faut que gagne les gasteaux à la course. Le iour des dedicaces des Eglises, & festes des saincts Patrons des Parroisses, dequoy on fait solennité annuelle, suyuant la bonne & ancienne coustume des Chrestiens, il n'y a Bourg, ny village, qui ne pense faire grand honneur à la sainteté du iour, en s'esioüissant, & faisant grand chere: c'est là que vient la ieunesse des autres lieux, non pour visiter les saints lieux tant, que pour y voir, & frequenter les dances, où ils viennent embastonnez, comme fils alloient à la guerre, laquelle souuent ils y rencontrent, ou eux-mesmes s'esmeuent, allans & reuenans à troupes, & le plus des fois s'en allans à leurs maisons les testes rompues, & sanglantes. Les trois iours que selon la Loy, & ordonnance Apostolique on celebre les processions generales des rogaïsons auant l'Ascension nostre seigneur, en Franconie s'assembleront plusieurs croix, cest à dire paroisses (car ainfi baptisent ils le nom des assemblées du peuple marchas sous le signe de la croix de son Eglise) & estas dedans les temples vn chascun à part soy fait son chant, & priere, & non tous ensemble: & là les fillettes & petits enfans vestus honnestement, & gentiment marchent avec des chapelets de fleurs, & verdure, & de guirlandes sur leurs testes, & des bastons de Saule verdoyât en leurs mains. Les Prestres de chascune Eglise & paroisse escoutent attentiuement le chant chascun de ses paroissiens, tellement que ceux qui ont le mieux, & le plus doucement chanté, ont, suyuant leur sentence, & selon l'ancienne coustume & institution, certaines mesures de vin pour defalterer leurs gosiers enroüiez. Durant les Feries de Pentecouste presque par toute l'Alemaigne on obserue cecy: que tous ceux qui ont des cheuaux s'assemblent, ou qui en trouuēt à prest, & menent vn prestre aussi à cheual, lequel porte le saint Sacrement, & en cest equipage ils font le tour par tout le territoire chantans des hymnes, & oraisons, & prians Dieu qu'il luy plaise garder les bledz, fruits, & moissons de tout peril, danger, & infortune: soit de bruisne, gresle, orage, ou tempeste. Le iour saint Urbain, les vigneronz es lieux où le vin croist,

mettent vne table en la place, ou autre lieu public la couvrans d'une belle nappe, de fueillages, herbes, & fleurs odoriferantes, & dessus posent l'Effigie & petite image du bien-heureux Euesque: que si le iour est cler & serain, ils boient à grands traits & se resiouissent en l'honneur du bon saint: mais si le Ciel est couuert, & qu'il pleue, tant s'en fault que le saint soit honoré que plustost ils gettēt cōtre son image de la bouë, & fallissent d'eau orde & puante, & la nappe, & ce qui est dessus. Car ils se font à croire que selon que ce iour se porte, que la vigne estant encor en fleur, en croist, ou diminue pour l'espoir de la vinée de l'an present. Le soir de saint Iean Baptiste en toutes les villes, bourgades, & villages, de presque toute l'Alemaigne on fait des feux de ioye, où l'assemblent hommes & femmes de tous aages, dançans & chantans tout autour du feu, y obseruans encor plusieurs superstitieuses façons de faire. Et se font des tissus chapeaux & ceintures d'Armoise, & veruaine, & portent des bouquets de fleurs qu'ils appellent Esperons, à cause qu'elles en ont quelque similitude, & regardent le feu seulement par les entre-ouuertures de ces fleurs, estimans que ce regard empesche que tout durant l'année ils n'aient plus aucune douleur aux yeux.

Ceux qui s'en veulent aller auant que le feu soit estaint, y gettent premierement les herbes desquelles i'ay dit qu'ils se ceignent, & disent telles ou semblables parolles: Avec cecy s'en aillent & soyent mises à neât & deuorées du feu toutes mies infortunes & malheurs. Deuant la Forteresse qui est au mont de la cité d'Herbipoly, ou Wirtzburg les Domestiques de la maison de l'Euesque, font aussi le feu dans lequel ils mettent des caques & barils deffoncez mis au bout de quelques bastons, lesquels estans enflammez avec du salpêtre & autres matieres, ils sont esleuez en l'air, de sorte qu'ils sont portez & lancez iusques dans le fleuve Morgan: qui n'en auroit jamais l'experience, penseroit que ce fust quelque dragon volant, & vomissant flammes ainsi qu'aucuns les faignent estre. En mesme saison ils font des pots de terre tous pertuisez, que les filles ornent de fleurs, & roses vermeilles, & puis y mettent vne chandelle allumée dedans, & les posent sur le feste & sommet des maisons, pour y seruir de falots & de lampes.

Aux villages les garçons à marier portent des Pins tous entiers, & esfontent, & en coupent tout le brâchage qui est en bas, & ornent, & embellissent le hault & cheuclure de l'arbre, de miroirs, pieces de verre, escussons & autres choses resplendissantes & qui reluyent, laissant l'arbre ainsi planté tout tant que l'Esté dure. En l'Automne les raisins estant mœurs, il n'est permis à personne de vendenger sans le congé du seigneur à qui il doit la disme, & nul deuant l'autre, ains tous ceux qui ont des vignes en vn cartier vendengent ensemble, & le despechent en deux, ou trois jours, d'autant qu'on depart les cartiers chascun à son iour, suyuant l'ordonnance du seigneur, & aux vallôs on met au pied du vignoble qui est es coustaux, ce qui appartient pour le dismage. Ceux qui veulent vendenger plus tard que les autres, faut que non seulement ils ayent licence de ce faire, ains encor qu'à leurs propres despens ils facent porter les dismes

Sorte et peu Chrestienne façon de faire.

Feux de ioye la vigille saint Iean Baptiste.

Ceremonies obseruées à ce feu.

LIVRE TROISIEME

*Autant en fait
on à Bordeaux en
Gascoigne quand
aucontroullement.*

*Tout cery est assez
indigne d'estre re-
cité.*

au pressouër du seigneur. Les vendanges finies, à cause qu'à Wirtzburg il y a des ieunes homes commis à controller ceux qui payent, ou font fraude à payer la disme & font satisfaire à chacū ce qui luy est deu, ces ieunes, tout finy qu'est chacun fait des torches de paille estans aux champs, qui y est apportée tout expres, & les alument, & entrent avec ceste clarté le soir en chantant dans la ville: car ils estiment qu'avec ceste ceremonie ils purgent & brulent l'Automne. Les Franconiens celebrent avec grand allegresse les festes des deux illustres & sains Euesques, Martin & Nicolas, toutesfois en diuerse maniere: car à saint Martin on le festoye à table & en hauçant le goblet, & saint Nicolas est honoré à l'autel & Eglise. Aussi n'y a il homme tant soit il pauvre ou chiche, & tenāt qui ne mange quelque volaille, ou piece de porc, ou de veau rostie, & qui n'eslargisse sa conscience & sa bourse à bien boire, d'autant qu'alors chascun taste ses vins nouueaux, & en fait taster à ses voisins: voire à Wirtzburg & plusieurs autres lieux en ce iour, on en donne pour Dieu aux pauvres. On y fait combattre en vn parc, & closture deux sangliers eschauffez, & esmeus, à fin qu'à coups de dens ils se deschirent l'vn l'autre: & iceux mis à bas, & acablez de blessures le peuple en a vne partie, & l'autre est distribuée aux magistrats. Le iour S. Nicolas les enfans qui vont à l'Escole, eslisent entr'eux trois, l'vn desquels est l'Euesque, & les autres sont les diacres: cest Euesque est le iour de la feste conduit à l'Eglise par toute la troupe des Escoliers, acoustre & vestu en habits pontificaux, avec lesquels il assiste au diuin seruice: lequel finy, luy & ses diacres s'en vont chāter de porte en porte pour recueillir quelques deniers, & nient que ce soit aumosne, ains seulement subuention charitable deuē à l'Euesque. On apprend les enfans à ieufner la veille dudit sainct, avec ceste ruse que leur mettans le soir, lors qu'ils dorment, quelque piece d'argent dans leurs souliers, on leur fait entendre que c'est de la tref-grande liberalité du sainct Euesque: & pour ceste raison il y en a qui ieusnent si obstinément que pour l'esgard de leur santé, on est contrainct de les forcer & cōtraindre de manger. Voila les coustumes & façons de vie des Franconiens, & les ceremonies & superstitions, ausquelles ils s'adonnent le long de l'année.

Du pays de Sueue, des mœurs tant anciennes que modernes des Sueues. Chap. 17.

*Description du
païs de Sueue cō-
me il se comporte
à present.
Sabellique Enn.
6.li.6.
Lucan. lib. 2. de
la guerre ciuile.*



SUEVE prouince de la Germanie, est limitée de nostre temps par ces bornes: les Bauieres luy sont à l'Orient, vers l'Occident elle est iointe au Rhin & païs d'Helsace: le Midy luy presente les Alpes, & au Nord luy gist la Franconie. Elle a esté ainsi nommée des Sueues peuple Scythique, & qui passa en Alemaigne de celle part de Sarmatie, où à present sont la Prusse, & Liuonie, ainsi que tient Sabellique, & semble que Lucan le vueille approuuer quand il dit:

De l'extreme Aquilon les Sueues blonds & cheuenx sont venuz & sortiz.

[Laquelle opinion est si certaine que les anciens ne l'ont pas doubteé, veu que Tacite descriuant les Germains les estend iusqu'aux isles septentrionales, & à la terre des Goths, & des Suedes, & Cesar en ses Commentaires, & Strabon les disent les plus grands peuples de la Germanie, tellement qu'ilz tenoyent les païs qui sont compris dès le Rhin iusqu'au fleuve Vistule, contenant Saxons, Boesmes, Moraues, & autres qui iadis furēt compris sous le mot de Slaue, quoy qu'ils fussent appelez en diuerles fortes, selon le païs que chacun habitoit. Mais du temps que regnoit en France & Alemaigne Clouis le grand, les Sueues laissans leur ancien domicile s'espandirent plus auant, & comme les autres Septentrionaux vindrent courir les terres de l'Empire, s'arrestās le long du Rhin, & aux sources d'iceluy & du Danube pres les Alpes se faïsans seigneurs d'une partie des Gaules & de la Germanie, & desquels sont sortis sans aucune difficulté les Suisses qui chasserent les Heluetiens iadis peuple si puissant, de leurs terres. Aussi lysez Strabon, & verrez qu'il diuise la Sueue en trois. La grande partie de laquelle il met en la grande Germanie du Rhin iusqu'au Danube, l'autre en la forest Hercinie tirant vers l'Italie, & la troisieme en la Gaule Celtique, où à present est le païs des Suisses. Or que les Sueues soyent sortis des parties Boreales Plin le tesmoigne disant : que les Iasiges, & Sarmates tenoyēt les chāps & planure, les Daces chassez par iceux auoyēt les mōtaignes & forests pour demeure, iusqu'au fleuve Pathisse, & q̄ la riuiere Amorois les separoit des Sueues, & Royaume Vannian : Or l'appelle il royaume Vānian, à cause qu'un certain Vannie estoit leur Roy, & prince souuerain : & voila quāt à leur premier siege, & remuemēt d'un lieu ē autre : quāt au nom c'est chose asseurée qu'ils le tiēnent du premier roy qui regna sur eux, qui fut des enfans de Tuiscō & se nomma Sueue, & fut son siege & Royaume es confins plus froids & septentrionaux de la Germanie, & du temps duquel on tient que la grande Isis vint en Alemaigne : soit que cela soit vray, ou non, si est-ce que Tacite tient que les Sueues adoroyent Isis en grand reuerence, ou pour la memoire de sa venue, ou enseignez ainsi d'ailleurs.] Sueue fut premierement nommée Alemaigne du lac Lemman, à present dit lac de Lofanne. [Je ne veux icy laisser le lecteur en suspens, & comme branslant, veu les absurditez qui l'ensuiuent de ces opinions si diuerles de dire que la Sueue est dite Alemaigne à cause du lac Lemman & ne dire l'occasion de ce Lac qui auoit ce nom, ains que iamais les Sueues y vinssent habiter : or auons nous assez parlé cy dessus du mot Alemāt & d'où il est venu : mais accorder cest article du lac ie ne puis, veu que les Sueues ont esté dits Alemans, ains que occuper celle partie de Gaule, ou est ce grand lac de Lozanne. Flaue Vopisque en la vie de Probe Emper. parle des Germains & Alemans, qui estoient les Sueues, & dit qu'on les rechassa bien loing du Rhin, voyez le mot Alemant plustost en campagne que la nation Germanique s'espandist en la Gaule : en laquelle ilz descendirent pour la premiere fois sous l'Empire de Valentinian, mais ilz en furent chassez ainsi que le chante Aufone poëte Gascon, & natif de Bordeaux, citoyen toutesfois & Patrice de Rome aux vers qu'il fait à la louange de Valentinian, & Gratian Augustes : & Ammian Marcellin ne le dissi-

Tacite liure des mœurs des Germains.

Cesar aux Commentaires. liur. 4. Strabon 7.

Asentin li. 6. de l'histoi. de Baviere.

En quel temps les Sueues coururent la Germanie : environ l'an de grace 500. Suisses d'où descendus.

Division du païs de Sueue en trois.

Plin li. 4. ch. 12.

Beat. Rhenan.

liur. 1.

Vannian royaume des Sueues de qui nommé.

Isis adorée en Sueue voy Tacite.

Voy Ammian liur. 16. qui parle de ce lac ains que les Sueues sortirent de leur païs septentrional.

Ammian li. 27.

LIVRE TROISIESME

Aufone de la source du Danube. mule point. Et le mesme Aufone parlant de celle victoire contre les Alemans, vsé de telles parolles.

*Le Danube ie suis qui caché sous le pois
D'un rocher lentement ie coule, & puis accrois
Tout par tout discourant, quelque lieu que m'avance
Ie suis à vous suiet & à vostre puissance
Soit qu'à demy gelé ie traaverse les lieux
Habitez par le Sueue hardy & furieux
Ou que ie voye encor gay les deux Pannonies
A vostre mandement, & Empire asseruies.*

Ammian Marcel. liv. 16.

*Paul diac. liv. 8.
en la vie de Mar-
rice.*

*Cours divers des
deux rivières le
Rhin, & le Da-
nube.*

*Condition du pais
de Sueue.*

*Les mariages du
pais de Sueue.*

C'est chose seure que ceste course recitée par le Poëte auoit esté faite par les Alemans, & neantmoins il les appelle Sueues, & ce pendant ilz ne festoyent encor arrestez pres le lac Lemman, qui estoit souz la puissance des Romains: car voila defia la seconde foys que les Sueues auoyent tache d'enuahir ceste prouince Romaine. Or que les Sueues fussent les seuls Alemans, & distinguez ainsi des Germains, Ammian parlant de Constantins filz du grand Constantin: lequel fut contraint de laisser Rome oyant les nouvelles comme les Alemans se ruoyent sur la Rhetie, voicy comme il en parle. L'empereur desirant de l'arrestez quelque temps en la cité la plus superbe & Auguste de tout l'univers, pour y estre mieux à son aise, & iouyr de tout plaisir à souhait, il estoit effroyé d'heure à autre des certains aduertissemens des courses des Sueues en la Rhetie. Et parlant de leur deffaite, il leur donne le tiltre d'Alemans comme estans eux ainsi proprement appelez. Et Paul diacre parlant de Dociruf fuitif des Lombards & qui festoit retiré à l'Empereur Maurice, dit: Cestuy estoit sorty du sang des Sueues, c'est à dire Alemans, & auoit esté nourry entre les Lombards, & créé leur Capitaine.]

Sueue donc est celle qui contient la plus part des hautes Alemaignes estant arrousee de ces deux rivières tant fameuses le Rhin & le Danube: le premier s'engoulphe d'un pas assez lent & court voyage, & flux en l'Océan du costé d'occident: là où le Danube au contraire prenant sa course vers l'orient, apres auoir arrousé plusieurs Prouinces, & l'estre esgayé d'un long trait par les pais d'infinis peuples se va rendre en la mer Pontique ou Maiour. Le terroir de Sueue est meslé de montaignes & vallons s'estendans en belle planure: la terre y est fertile comme celle qui n'est en friche, en lieu quelconque, si ce n'est où les lacs, les boys, ou les montaignes ont leur place & assiette. Il ya plusieurs boscs & forests, & c'est pourquoy les habitans du pais sont grands veneurs, & adonnez à la volerie du gibier, & autre sorte de tendre aux oiseaux: les bleds & fourment y croissent en abondance, & bien fournie de bestail de toutes sortes. Les vallons y sont arrousez sans cesse d'une infinité de flotellans ruisseaux, & gentilles rivières qui engressans le plat pais, s'en vont tous s'escouler & rendre dans le Rhin, ou Danube. En somme toute la prouince iouist d'un air serain & salubre, est embellie de belles & riches villes, & citez, de chasteaux, bourgs,

& villages: les forteresses y sont plantées en telle sorte que l'art & la nature travaillent à les rendre presque inexpugnables: & quant à ce qui touche la chrestienté: les grands & somptueux temples, les colleges, monasteres & conuens de diuerses religions, & professions n'y manquent, & les Eglises royales, & parochiales y sont en beau nombre. Les montaignes y sont fertiles en mines d'argent, de fer, & plusieurs autres metaux. Le peuple y est en grande & presque infinie multitude, fort, audacieux & hardy, belliqueux, de belle & grande stature ayans blonds les cheveux, beau visage, & bien pourfilé & ayant gentils traits, gens d'un singulier esprit & bon entendement, & lesquels Plutarque appelle les plus excellens de toute la Germanie.

*Voy Lucan. li. 1.
Silie Italique. li. 2.
Claudian lin. 1.*

La gloire de ceste nation s'est tellement iadis estendue que d'icelle sont sortis (ainsi qu'on trouue par les histoires) il y a long temps des Princes qui par leur vertu & prouesse sont paruenus à l'Empire, & lequel à demeuré plus d'un siecle en leur maison & famille. Mais ceste regio depuis ayant esté rendue vesue & orpheline de ses Princes, ne sçay par quel malheur, ou faisenantise, s'est arrestée & a recullé estant au plus grand cours de ses forces & vigueur, & est tellement aneantie, qu'il semble qu'elle n'aye plus aucun moyen, ie ne diray pas d'estendre & augmenter sa gloire & grandeur, mais encor de deffendre le peu qui luy reste de bonne fortune. De ce peuple parle ainsi Cesar en ses Commentaires: Le Sueue est un peuple fort grand, & adonné aux armes plus que tout le reste des Germains: On dit qu'ilz ont cent bourgades & cantons, chacun desquels fournit tous les ans mille soldats bien aguerris, lesquels sortent hors de leur pais pour guerroyer leurs voisins, ce pédant ceux qui demeurent à la maison travaillent tant pour se nourrir, que pour alimenter & fournir aux frais de ceux qui vont à la guerre, & lesquels au bout de l'an vont aussi à la guerre, les autres venans se rafraeschir. Et par ce moyen ilz ne laissent iamais de cultiuer leurs champs, & si ne discontinuent aucunement de suyure l'exercice des armes: aussi n'ont ilz champ, ny terroir qui soit à quelcun en son priué & particulier: & ne leur est permis d'arrester plus d'un an en un lieu pour y habiter.

Il entend icy parler de Federic 1. & 2. & de Henry & Conrad: qui furent Roys de Sueue.

Cesar Côm. li. 4

Champs commis iadis entre les Sueues.

Vie rude des anciens Sueues.

Or ne viuent ilz guere de pain, mais le plus de leur manger est du lait & de la chair, s'adonnans sur tout à la chasse: ce qui leur accroist & nourrist leurs forces, & cause que ilz sont de si belle stature, tant pour l'esgard de la viande qu'ils vsent, & des exercices esquelz s'occupent tous les iours, que pour estre en grande liberté, comme ceux qui sont tout ce qui leur vient en fantasie, n'estans accoustumez dès leur enfance à deuoir quelconque, ny assuiettis sous la rigueur de quelque discipline.

De cest habit voy Higinié li. 1. c. 7.

Et se sont tellement endurcis au travail, & habitez en ceste coustume, que iacoit que ilz habitent en vne region, tresfroide, si n'ont ilz autre habit que des peaux, lesquelles encor sont si petites, courtes, & estroites que la plus grande partie du corps en demeure à descouuert, & qui plus est, ilz se baignent souuent ez riuieres. Ilz permettent aux marchans l'entrée en leur pays, plus pour leur vendre le pillage que ilz font en guerre, que de desir qu'ilz ayent qu'on leur apporte rien de pays estrange.

LIVRE TROISIEME

Voire ne prennent plaisir à estre bien montez, comme font les Gauloys qui achètent à grand pris leurs montures, veu que ceux cy se contentent des haridelles qui naissent en leur pais & les acoustument si bien au travail que par vn long vsage il les rendent bonnes pour le seruice. En guerre souuent ils descendēt de cheual pour combattre à pied, aprenās à leurs cheuaux à ce pendant ne bouger de leur place, & soudain la necessité le requerant ne faillent de remonter. Et ny a rien qu'ils estiment plus vilain, ou qui mieux ressent la couardise, que d'vsfer de selles, tellement que quelque nombre de caualerie qu'ils voyent ayant les cheuaux sellez, ils ne craignent à peu de force d'y dōner dedans, & les assaillir. Ils ne souffrent qu'ō porte du vin en leur terre en sorte quelcōque, disans q̄ cela amollist & oste la force aux hōmes pour le travail, & ne sert qu'à les effeminer. Et estimēt que ce soit l'honneur de toute leur nation, s'il y a grand pais voisin d'eux qui soit en friche, d'autant que c'est signe qu'il y a grand nombre de citez, & de peuples qui n'ont peu soustenir leurs assaults & grande puissance. Tellement que d'un costé des Sueues il y a plus de 600000. pas de terroir & finages vague, & sans aucun labourage. Cornille Tacite encor parlant de l'assiete d'Alemaigne & mœurs des Germains, dit ainsi des Sueues. Quoy que les Germains soyent distinguez entr'eux, ayant chacune Province son propre nom: si est-ce que l'appellation de Sueue leur est commune & generale. La gentillesse de ce peuple est de s'accourcir les cheueux, en les entortillant & nouiant par dessus la teste, car c'est ainsi que les Sueues estoient recogneus des autres germains, & qu'entr'eux les libres & francs estoient discernez d'avec les serfs & esclaves. Aussi entre les Sueues, tous les francs laissoient croistre leurs cheueux herissonnez iusqu'à leur plus grande vicillesse qui leur pendoyent par derriere, & souuent les nouioyēt en vn toupet sur le sommet de la teste: toutesfois les Princes les auoyent & portoyent mieux peignez & ageancez que les autres. En certaine saison de l'année ils s'en alloient en vne forest sacrée, tant par l'ordonnance & superstition aprise de leurs maieurs, que d'une grande & effroyable reuerence qu'ils portoyent au lieu: y alloient, dis-je, certains deputez & comme legats de chacun cartier & peuple de la Germanie: & là massacrans vn homme, & le sacrifians en vn lieu touffu, & fort couuert d'arbres, ilz faisoient d'estranges, cruelles & abominables ceremonies. Et entroyent en ce saint pourpris boscageux avec ceste façon de faire: Il ne fut permis à aucun d'y mettre le pied, sans auoir les mains liées de quelque lien, afin de se recognoistre moindre que les Dieux, & de voir par là quelle est la puissance de la diuinité, que si fortuitement il tomboit par terre, ne luy estoit loisible de se leuer, ains se trainoit par terre: & tendoit à ceste folle superstition, qu'ilz recognoissoient celuy d'où leur sang auoit origine, & le lieu où Dieu regnoit, & regissoit tout le monde, & que le reste de la terre leur obeissoit, & estoit suiette. Vne partie encor des Sueues (comme dit est) ainsi que tesmoigne le mesme Tacite, sacrifioit à la Déesse Isis: & au reste tout ce qui estoit peculier aux Germains, & les façons de vie des autres voisins, estoient suiuiues & imitées par les Sueues. [Les armes desquels furent iadis telles que descript Agathie, lors qu'il dit parlant

*Iusqu'icy sont les
parolles de Cesar.
Tacite liure des
mœurs des Ger-
mains.*

*Cecy est referé par
Sidonie à tous les
Sicambriens.*

*Estranges & cruel-
les ceremonies des
Germains.*

*Goths secourus
par les Alemāns.
Agathie li. 2. de
la guerre Gothi.*

dit parlant de Leuthure & Bulthin Alemands c'est à dire Sueues, qui menerent le secours aux Goths contre les Romains. Les soldats (dit-il) remplis de bõne esperance l'asseuroyent, & chacun aprestoit & acoustroit ses armes à sa fantasie : les vns aiguisoient leurs haches, les autres leurs iavelots, & l'acoustroyent ce qui estoit rompu, ou descloué: Ainsi les armes de ceste nation sont de peu d'estoffe, & lesquelles n'ont guere grand besoing pour les embellir de la main de l'ouurier. Veu qu'ilz ne sçauent que c'est que de corselets, cuirace, cuissots, greues, ny soleretz, ny de moriõs, ou salades, entant que la plus part vont ayans la teste nuë au combat. Puis aiouste, l'espée leur pend sur la cuisse gauche, & l'escu sur le costé, l'arc, la fonde & autres instrumens de trait sont hors de leur vsage : seulemēt ont des doloueres, & haches, & petits dards à la mode & coustume de leur pays, avec lesquels ils font de grands chofes estans en bataille, & sur tout filz peuuent venir aux aproches, & attaquer leur ennemy : Voila ce qu'en dit Agathie. Au reste, ayant les Romains attirez les Sueues à leur obeissance & amitié, ilz leur feirent cest honneur, qui leur demeura pour priuilege iusqu'à nostre temps, d'estre tousiours les premiers en l'armée, & d'auoir la pointe aux combats plustost que autre nation quelle que ce fut.

En combien de lieux ce peuple s'est estendu, & en quel país il a planté ses enseignes auant que estre vaincu par les François, ie le diray le plus sommairement qu'il me sera possible, assure que le lecteur diligent ne se fâchera de ma curiosité, qui me traaille pour luy donner dequoy se paistre, & contenter. La premiere course faite iadis par les Sueues fut dès le tēps que Pyrrhe Roy Epirien, feit la guerre aux Romains, car les Sueues Senoniens, desquels parle Tacite, vindrent courir iusqu'aux terres d'Italie, & s'arrestèrent le long de la mer Ionique, qu'à present on appelle le goulphe de Venise : & dequoy fait assez de foy Iornandé en sa guerre Gotthique, tellement que par ce qu'il en dit, on peut recueillir que les Sueues tenoyēt encor la Dalmatie du temps de l'Empereur Iustinian.

Après, leur second voyage s'adressa es lieux, où à present est le país de Boëme, Lusarie, Misnie, Slesie, Morauie, & Autriche, pres & le long du fleue Albis: & cecy aduint du temps de l'Empereur Iustinian, ce que tesmoigne Procopie disant: Apres ceux-cy sont les Toringes gens barbares, lequelz par l'octroy & permission d'Auguste Cesar tindrent celle terre, pres lequelz furent les Bourguignons, & vers l'Aquilon sont les Sueues: & sont les Sueues vn peuple puissant & libre, & qui de long temps iouist de ces terres. Les autres courses & voyages se recueillent aisément, comme celle qu'ils feirent en Westphalie & Hesse, ainsi que le descrit Cesar en ses Commentaires de la guerre Gallique, où ie renuoye le lecteur: Or que les Sueues se foyent ruez sur les terres Saxonnnes, qui estoient les Westphaliens, & Hessiens: lisons Paul diacre en l'histoire des Lombards: où il parle de la paix faite entre les Saxons, & Murnole & de l'occasion d'icelle, & dit ainsi: Lesquels (c'est à dire les Saxons) de retour que furent en leurs terres, les trouuerent occupées par les Sueues & autres nations, contre lequelz comme ilz feissent guerre, ilz furent rompus, n'ayans voulu accepter les conditions assez raisonnables de paix par les Sueues proposées:

*Armes anciennes
des Sueues.*

*Priuilege donné
par les Romains
Emper. aux Sueues*

*Lambert Schafnaburg. en la vie
de Henry 4.*

*1. Course des Sueues. Voy Polibe
liur. 2.*

*Iornand. li. de la
guerre Gotthiq.
& des successions
des temps.*

*Seconde course des
Sueues.*

*Procop. liur. 2. de
la guer. Gotthiq.*

*Troiesime course
des Sueues.*

*Cesar 1. & 4. de
la guerre Galliq.
Et Tacit. liur. 2. de
l'histoire d'Auguste.*

*Paul diac. histo.
Lombard liur. 1.
chap. 6. & 7.*

LIVRE TROISIÈME

Quatriesme cour-
se des Sueues.

voy Luitprand
liur. 4. ch. 12. &
Otho Frisinghië
lin. 1. cha. 8. de la
vie de Federic
Emp. 1. de ce nom.
Cinquiesme cour-
se des Sueues.

Vopisque en la
vie d'Aurelian
& de Probe.

Ammian Mar-
cellin liur. 16. &
17.

ce qui aduint peu de temps apres la mort de Iustin Empereur.

Le quatriesme voyage des Sueues, fut où à present est celle grand esten-
due du pais Lorrain, selon l'ancien denombrement de ses Prouinces, &
d'Helface, en quoy est comprise la nation Bourguignonne: mais en cela il
fault tousiours venir là, que les Alemans d'outre le Rhin estoient cōpris
la plus part souz le nom de Sueue, suyuant ce qu'en auons allegué de Ta-
cite. Leur cinquiesme desbord fut en la Rhetie, qui à present est propre-
ment la Sueuie, à cause qu'ilz s'y arresterent, & comme plus tard ils y sont
venus, aussi en ont ilz laissé le nom à la contrée, ce qui aduint du regne de
l'Empereur Honorie, quoy que aucuns se couurās de l'histoire de Vellée,
veulent dire que cela fut du temps d'Octouian Auguste, mais ce n'ont e-
sté les seuls Sueues qui ont iadis cōuru ce pais, & qu'aussi il apert que ail-
leurs ilz adressoyent leurs voyages. Il est vray que souuent ilz tascherent
d'y mettre le pied, mais ilz en furent chasséz, cōme durant l'empire d'Au-
relian, & Probe, que les Alemans feirent de si grandes courtes par les Gau-
les & la Germanie: mais ils furent deffaits par les Romains, & y perdirent
tout ce qu'ilz auoyent butiné en leurs courtes & rauages. Et du temps du
grand Constantin ils auoyent si bien besoigné, qu'ilz estoient venus à
bout de leur affaire, festans faits presque paisibles possesseurs de Rhetie:
Mais Constans fils du grand Constantin, & Iulian l'Apostat leur rompi-
rent pour ce coup là leur entreprise. Et autāt leur en aduint lors que Gra-
tian tenoit l'Empire, car il y furent bien frotez, & forcez de se retirer a-
uec leur courte honte: ce que Aufone Poëte chante, disant:

Aufone.

Nonce ie veux voler dessus l'onde Pontique
Pour courir annoncer à Valens, cure unique
Du Ciel, ceste nouuelle, & rapport bien-heureux
Que par fer, fuite, & feu le Sueue furieux
Est accablé & mort, & plus le Rhin n'incite
Le Gaulois de l'auoir pour deffence & limite.

A la fin tant feirent ces barbares d'essays contre la region qui à present
porte leur nom, que elle leur ceda, & demeura pour gage & habitation
durable, & ce comme i'ay dit estant Empereur Honorie, car quelque ef-
fort qui y sceut faire Stilicon, si demoura le champ aux Sueues, fust que
Stilicon conuiast, & ne voulust y aller à toute force, ou que ses enne-
mys estoient plus gaillards que ses bandes & gendarmerie, ou comme il
est plus vray-semblable, que craignant que ceux-cy ne s'alliassent avec At-
tile, lequel avec grande puissance venoit sur les terres de l'Empire, & ne
caussent la ruine entiere du nom & pouuoir de la Monarchie des Ro-
mains. Or que il y eust paix entre les deux nations Romaine, à sçauoir, &
Sueue, Claudian, qui estoit de ce mesme temps le tesmoigne, disant:

Claudian à Ho-
norie Emp.

Borée va tremblant, qu'une seule secousse
L'ait ainsi desarmé, & presque s'en courrouce
Et les vents Aquilons de l'obeyr contrains.

*Voyent sur les deux bords des grands fleuves Germains
Les passans, de quel main le Sueue travaille
Et comme avec le soc la terre il desentraille,
Et deux terroirs voyant, s'enquierent qui des deux
Est au Romain puissant, ou au Sueue hideux.*

Et quoy qu'il en soit, & en quelque temps que les Sueues ayent osté la Rhetie aux Romains, si apert il, que du temps de l'Empereur Zenon, que Theodoric roy Goth fut receu & ioint à la société de l'Empire, le país de Sueue, ia suiet aux Romains, sous ce nom fut donné par le Goth à vn nommé Fribade en tiltre de Duché, & y fait presidant vn nommé Seuerian Comte, pour faire à chacun iustice. La derniere course des Sueues fut en Gallice en Espagne, iacoit qu'il y en ayt deux precedentes, l'une à Wittemberg, du temps de Valentinian, & au parauant, cōme on peut recueillir de Tacite sous l'Empire de Tibere: & l'autre en Italie du costé de Tirol & Istrie, & lesquels furent vaincus pres le lac de la Garde sous Galie Empereur: & depuis y rentrerent du téps d'Honorie par les ruses & meschanceté de Stilicon qui conspirant contre son seigneur les y fait passer, mais ce fut à son preiudice, car il fut occis avec son filz qui estoit encor payen, & lequel il vouloit faire Empereur pour la ruine des Chrestiens: La derniere donc fut celle qu'ilz feirent passans en Espagne, où desia ils auoyent esté sous l'Empire du susdit Galien, & prindrent la cité de Tarracon, ainsi que tesmoigne Eutrope: mais ce voyage que ie dis à present fut depuis, à sçauoir lors que les Wisigoths tenoyent les Espagnes & que Theodoric regnoit sur eux, lequel eut plusieurs guerres avec les Sueues, & ruina presque toute leur race, à cause qu'ils auoyent conspiré contre luy, toutesfois ayant fait mourir deux de leurs Roys regnans en Galice, à sçauoir Reciaire, & Achiulphe il pardonna à ce qui restoit, par le moyé des Euesques qui l'en prièrent. Tout ce discours en est fait par Iornandez Alan en sa guerre Gothique. Et de ces roys du sang de Sueue, les princes Portugais estoient descendus iusqu'à ce q'Alphonse prince Lorrain y chagea la famille: car Theodoric, cōme dit Iornandez, permit aux Sueues d'eslire sous son obeissance & hommage vn Roy de leur nation: & voila quant à ce qui restoit à recueillir de nostre auteur pour l'embellissement de son œuvre: parainssi poursuiuons ce que il en dit.] Mais les mœurs des Sueues ont esté changés depuis ce temps, que dis-je des Sueues, mais bien de toutes les nations, & ce qui est le plus à plaindre, c'est que tout est allé tousiours en empirant. Car à present les plus riches, & puissants d'entre les Sueues presque tous s'adonnent à l'estat de marchandise, s'assemblans en vne troupe & société, & font vne bourse commune, où chacun sçait quelle somme d'argent il y doit conferer, avec laquelle ilz achètent non seulement des soyes, espiceries, & drogues aromatiques que on tire & porte des pays estrangers, & outre-marins: ains encor s'amusent à des quinquelleries & petitz fatraz, comme cueilliers, esguilles, miroirs, poupées, & autres telles denrées, achètent aussi pour garder les vins, & les bleds. Ce que ie ne loue pas grandement, veu que ceux cy achetās à bō marché, ce que puis apres il reuēdent au double, ne portēt

*Zenon fait cōsort
de l'Emp. Theod.
roy des Goths.
Paul diacre li. 6.
en la vie Odoacre.*

*Voy Cassiodore
en l'Epist. de di-
uerfes cognitions.
Corn. Tacite li. 3.
des annal.*

*Voy Beat. Rhenan.
de la Germ.
li. 2.*

*Voy Eutrop. li. 9.
Aurele sext. en
la vie de Claudie
Empereur.*

*Trahison de Stilic.
con. voy Iornand.
li. des success. des
temps.*

*Ce fut Theodoric
2. qui regnoit l'ā
de grace. 476.*

*Voy Ritie, des
Roys d'Espagne
li. 1.*

*Rois Sueues occis
en Espagne par
les Goths.*

*Iornand. en la
guerre Gothiq.
Princes Lorrains
en Portugal.*

*Marchans dom-
mageables en
Sueue.*

LIVRE TROISIEME

*Grand subiection
des Sueues.*

pas seulement preiudice au pauvre laboureur, ou artisan, qui est contraint l'acheter deux fois plus que il ne l'a vendu, ains encor à toute la Prouince qui est contrainte acheter de ces grifons, & à leur mort le bled & vin, à cause que ces galans ont des lettres des Princes, deffendants de prendre ailleurs viures que ez lieux où sont leurs marchez, comme à Stugarol, & autres villes, où sont les Magasins de ces gabeleurs & brigans.

*Hommes fileurs
en Sueue.*

Bien est vray que ce ne sont point eux qui exercent le trafic, mais ont des facteurs, lesquels ayans recueilly l'argent de la marchandise ensemble avec le prouffit en rendent fidelemēt compte à certain temps à leurs maistres. Ceux de bas estat en Sueue l'art & mestier auquel ils s'employent le plus, c'est à faire des toiles, & y sont tellement adonnez & ententifs, que durant l'hiuer en plusieurs endroits on voit non seulement les femmes & filles, ains encor les hommes & garçons prendre la quenouille, & filer avec les femmes. Ils font certain drap de lin entretissu de coton, qu'ils nommēt Pargath, & du treillis qui est tout de toile, lequel ils appellēt Golsch en leur langue. On tient que les seulz tisserans d'Vlme, font tous les ans de ces deux sortes de toiles, le nombre de deux cens mille pieces: & par là chacū peut estimer combien est-ce, qu'on en fait ailleurs, & combien incroyable

*Grand quantité
des toiles d'Ale-
maigne.*

& non possible à comprendre, est la quantité du reste qui se fait par toute la Prouince. On en depart aux nations plus estranges, mais vne des plus belles despèches en est faite aux foires de Franc-fort deux fois l'année qui tournent à vn tresgrand prouffit à toute la nation & peuple de Sueue. Et d'autant que tousiours la vertu est suiuite du vice, & qu'il n'y a rien souz le Ciel qui soit parfait, les Sueues sont fort enclins à lubricité, & paillardise, & les femmes d'aussi bonne composition que les hommes les sçauroyent souhaiter: & l'vn & l'autre sexe commenceant presque auant l'aage à se mesler de ceste saleté, & bien tard s'en repentent, & retirent. Je pense que ce vice y pullule de ceste sorte, d'autāt que les prelatz n'y pouruoyēt point par corrections & censures ecclesiastiques, nomplus que on ne fait es autres païs & Prouinces de la Germanie, & ne punissent par excommunication ces paillards publics, les larrons, adulteres, voleurs & rauisseurs du bien d'autrui.

*Paillardise des
Sueues.*

*Tiltres des vices
de chacune des na-
tions Germaniq.*

Aussi court-il vn proverbe commun que le seul païs de Sueue, suffit à fournir toute l'Alemaigne de femmes qui s'abandonnent: tout ainsi que la Franconie fait largesse de brigans & de gueux & caymans, Boëisme de Heretiques, le païs de Bauiere foisonne en larrons, les Souisses en bouchers & maquereaux, les Saxons en beueurs, & yuroignes, cōme la Phrisie & Westphalie formillent en faux tesmoins & pariures, & la marche du Rhin en goulus & gourmands.

Des provinces de Bauiere, & Carinthie, de leurs loix anciennes & mœurs desquelles on y use à present. Chap. 18.



Bauiere Prouince de la Germanie fut nommée ainsi par les Auares peuple laissé là du reste qui demeura des Huns en Alemaine, & qui s'arrestèrent en ce pais, & premierement ditte Auarie, mais par l'addition de la lettre B, fut du depuis dicté Bauarie, & Bauiere. D'autres tiennent & c'est la plus veritable raison, qu'elle fut ditte Bauare des Boies peuples de Gaule (où à present est le Bourbonnois) qui s'arrestèrent, & habiterent en icelle Prouince: laquelle fut iadis appellée Norique: & a vers l'Orient le pais d'Hongrie, à l'Occident le duché de Sueue, au midy l'Italie, & au Nord la Franconie & les terres & pais du royaume de Boëfme. Et est arroulée de cest insigne fleuve le Danube, lequel y vient du pais de Sueue auant, & comprend ceste region sous soy les pais d'Austriche, Stirie, & Carinthie, entant que les hommes se ressembloit en mœurs, façons de faire, & langage, & qu'au reste ils estoient iadis contenus tous sous le nom de Noriques.

[Les Annalistes de Bauiere (ainsi que j'ay dit au pais & description de Boëfme) tiennent que les Boioariens sont descendus de l'Armenie, ce qui n'est pas trop impertinent à dire, ny malaisé à le croire, veu que les premiers remuemens des peuples, se feirent là apres que Noé fut sorti de l'arche le grand deluge estât cessé, mais de dire que ce fut vn Boioger roy qui ayt donné ce nom au pais, ce seroit s'abuser, veu qu'encor du temps de Cesar ce mot Boioarien, n'estoit cogneu en Alemaigne comme naturel du pais: ains estoient les Boies se tenans és Gaules, & ayans occupé vne grand partie de l'Italie outre les Alpes, ainsi que bien marque Polybe liu. 2. disant ainsi: Entre le Po, & l'Apennin habiterent iadis d'entre les Gaulois, premierement les Ananes, puis les Boies, & apres les Euganes, & à la fin les Senonois, lesquels les derniers des peuples de Gaule se tindrent le long de la coste de la mer Adriatique: & ceux cy sont les nation principales sorties de Gaule pour s'arrestier en Italie: lesquels habitent en des hameaux bastis sans aucune muraille ny closture, ne se soucians d'aucun aprest, ny magnificence, & ausquels la terre dure seruoit de giste sur vn peu de fougère ou autre telle liètiere. Ils viuoyent de chair, & s'adonnaient seulement à la guerre & au labourage, viuans fort escharfement, & ne tenans compte aucun des arts, ny des sciences: leur richesse consistoit en or, & bestail, à cause que facilement ils pouuoient transporter ces choses de lieu en autre, estans contrains de changer de demeure. Chascun d'entre eux taschoit à gaigner autant d'amys qu'il luy estoit possible, & ainsi tant plus vn homme auoit d'hommes à sa deuotion, de tant il estoit estimé plus puissant, & redoutable. Dés le commencement ils se contenoient en ce pais Italien, mais depuis ayant mis espouuentement au cœur de leurs voisins, à cause de leur force & vaillance, ils les attirerent à eux, & se les assuiettirent: iusqu'icy sont les parolles de Polybe. Marlian escriuant sur les Commentaires de Cesar lors qu'il parle des Boies, ne fait qu'aller à l'en-

Voy Auentin liu. 1. de l'hist. de Bauiere.

Marlian sur les Comē. de Cesar. Descriptiō de Bauiere. Ptholom. liu. 2. chap. 14. Tab. 5. d'Europe.

Polybe liu. 2. Gaulois habitans en Italie.

Mœurs de Boies anciens.

LIVRE TROISIEME

*Erreur de Mar-
lian en son indice
sur les Commér.
de Cesar.*

*Cesar lin. 1. de la
guerre galliq.*

*Heluetiës brustët
leur pais pour al-
ler cõtre Cesar.*

Strabon lin. 5.

Gaulois en Italie

*Boies passent en
Germanie.*

*Ceux de Bauiere
sont descendus des
Gaulois.*

*Par qui Bauiere
conuertie à la foy.
Ce Lucieregnoit en
Angleterre l'an
de nost. seig. 182.
voy Polido. Virg.
lin. 2. de l'hist.
Ang.*

*Cecy aduint en-
viron l'an de gra-
ce 900.*

*Ce nom estoit le
gentilice des Hõ-
gres.*

tour du pot sans asseurer chose quelconque, & voulant faire sortir noz Bourbonnois de Baioarie, il broüille si bien son dire qu'en lieu d'eclercir Cesar, il le charge de nuages & espaisnes tenebres, dilant que Cesar leur donna habitation es limites des Heduens, ou Bourguignons & qu'ils y bastirent vne petite citè nommée Gergobie: & puis s'oublant qu'il auoit tiré ces Boies de delà le Rhin les y rameine, & leur donne le pais Norique, où à present est Noremberg, que de leur nom il appelle Baioarie. Mais oyons parler Cesar mesme, lors qu'il fait mention des Heluetiens, & de l'appareil de guerre qu'ils dressoient cõtre les Romains. Ils persuadent (dit il) aux Rauragues, Tulingues, & Latobriques, (qui sont à present les Lau-fanois, Bernois, & ceux de Constance) qu'ils brustassent à leur imitation, leurs villes, & villages, & s'en veinssent avec eux à la guerre. Attirerent aussi à leur amitié & ligue les Boies, qui auoyent conquis la region Norique, & prise d'assault la citè Noreie (qui est ores Noremberg) à fin qu'ils s'en reuinssent à leur secours. Voyez Cesar qui fait les Boies non habitans du Norique, ny ledict pais nommé Baioarie, mais qui le conquièrent de son temps, prenans par force Noremberg Citè capitale du pais. Et à fin de mieux esplucher les matieres, oyons encor Strabon qui est auteur digne de foy, qui parle plus à descouuert lors qu'il dit, parlant de la riuiere du Po: Le temps passé comme j'ay dit, plusieurs nations Gauloises habitoyent le long de ce fleuue, les plus puissantes desquelles furent les Boies Insubres, & Senonois, lesquels auoyent d'autresfois prise d'assault la citè de Rome. Ceux cy es derniers temps & n'aguere furent du tout exterminés par les Romains qui n'en feirent pas ainsi aux Boies, contens de les chasser de leurs limites & finages. Ceux cy changeans de place s'en allerent habiter le long du Danube avec les Taurisques, ayas guerre continuelle contre les Daces, iusqu'à tant qu'ils les eurent du tout ruinez, & destruits. Que voulez vous de plus intelligible que cecy pour prouuer que les Baioariens sont venus des Gaulois, & nõ les Bourbonnois de Baioarie, ainsi que refue Marlian, & que les annalistes de Bauiere se font à croire? Mais laissons les modernes compter leur fables, & suyons le vray cours de l'histoire avec la preuue des bons, & anciens auteurs.] Les Baioariens ont esté premieremēt instruits en la foy Catholique par Lucie Roy de la grand Bretaigne, puis par saint Rupert, & en fin par Boniface Euesque de Magence: & est le pais party en quatre Eueschez, à sçauoir de Saltzburg, Passaux, Phrisinghen, & Ratisbone: & n'y à Prouince en toute la Germanie, où il ayt de plus belles villes, ny en plus grãd nõbre: Saltzburg qu'o dit auoir esté l'anciène Iuuanie, est la citè Metropolitaine, & munich le siege ducal, laquelle iadis se nómoit Schiren. Ceste prouince ains qu'estre affluettie, & redigée en prouince, estoit gouvernée par son propre Roy, & à duré ceste puissace royale iusqu'à l'empire d'Arnoul qui succeda aux enfãs de Charles le grãd à la dignité imperiale, du sig aussi duquel on tiët qu'il estoit. Et tout ainsi que tous les roys des Parthes s'appelloyent Arsaces, & les Egyptiës, Ptholomées, ceux cy semblablement portoyët le nom de Cacan: mais apres qu'Arnoul eust chassé ces Roys, les Ducs y furët ordõnez tels qu'ẽcore on y voit à present, lesquels sont sortis au cõmencement de

la race illustre des Agilolfinges, sans qu'on osast les eslire ny choisir d'autre sang ny famille, que de ceux qui portoyent tel tiltre.

[Wolphang Lazie Viennois dict que ceste race des Agilolphinges, c'est ainsi qu'il les appelle, estoient sortis de la race des Bourguignons, & auxquels selon la loy Salique des François, estoit deuë la succession de Bauiere. Mais l'annaliste de Bauiere les appelle Welfons, & les fait sortir d'un Altorff Welfon lequel descendoit d'une race ancienne des Sueues & des Princes d'iceux, & les seigneurs issus du sang de ces Welfos, ont tenu cét neuf ans ou d'auatage, le Duché de Bauiere. Et porterent ce nom soit du village Welfon près la riuere Gelon en la haute Vindelicie, ou du Loup porté en leurs armoiries : Et d'eux sortist la diuision qui depuis causa tant de troubles en Italie entre les Guelphes & Gibelins : car ces Welfes ou Guelphes estoient ennemis du village Bebelin ou Gibelin, des seigneurs duquel estoit issu l'Emp. Federic premier du nom, à cause que Welfon seigneur d'Altorff, & du nom duquel les Ducz de Bauiere ont jadis porté le nom, auoit querelle avec la race Bebeline : d'où aduint qu'en Italie on appelloit Guelphes ceux qui pour les Papes se partialisoïent contre les Empereurs, qui estoient soustenus par la faction Gibeline, à cause que ce fut souz les Federics premier & second, que ces vilaines diuisions & partialitez ruinerent l'estat d'Italie. Le Blond, comme n'ayant bien leu les histories Alemandes, ne sçait point rechercher de plus loing l'origine de ces motz que de dire que dans Pistoye, Federic Empereur donna le nom de Guelphes à ceux qui tenoient le party du Pape, mais il n'en donne raison quelconque. Sabellique allant aussi à l'entour du port, sans se donner garde de quel lieu estoit sorty l'Emper. ennemy du Pape, dit qu'à Pistoye y auoit deux Allemans l'un nommé Gibel, & l'autre Guelph, lesquels se baderent l'un contre l'autre, & que de leur querelle sortirent les factions & bandes diuerses & le nom des partialitez de l'Italie. Et voila quant aux Agilolphinges ou Welfons Ducz de Bauiere] Les mœurs de ce peuple & manieres & ordonnances pour leur vie, se peuuent cognoistre par les loix desquels ilz ont vŕe depuis qu'ils ont receu la foy Catholique : & lesquelles furent telles, Que l'homme estant libre de cōdition qui veut donner son domaine, terres, champs, esclauē, argent, ou autre chose à l'Eglise, aye à escrire dans vne cedulle escrete & signée de sa main, y mettant en outre le nom de six tesmoins, & presentera ladite donation à l'autel en presence du Curé, & mettra ses mains dessus comme la consacrant à l'Eglise. Ce que fait, il ne luy sera plus loisible, n'y à pas vn de ses successeurs, & ayans cause, de retirer ces choses données que par le mesme consentement de l'Eglise : Et ferōt les causes touchās au prouffit de l'Eglise deffendues & debatues deuāt l'Euesque. Celuy là tōbe en l'indignation de Dieu & soit excōmunié quicōque fera violēce à l'Eglise, ny aux choses qui luy appartiēnent, & soit cōtraint par le Roy ou Prince à reparer le tort & damage qu'il y aura fait, payāt trois ōces d'or d'amēde : Et sil nie le fait, qu'il viēne iurer sur l'autel deuāt le curé en presence de tout le peuple suyāt la valeur de la chose. Quiconque subornera le serf, ou esclauē de l'Eglise, & l'inciterà de s'enfuyr, soit contraint de le retirer à ses propres frais & des-

Welfph. Lazie li. 8. des migrations tiltre des Sueues. Auentin liur. 6. es annales de Bauiers.

Welfphons ont longuement iadis tenu le royaume de Bauiere.

Welfphon, ou Wvolph signifie Loup.

D'où viēt le nom des Guelphes, & Gibelins au pays d'Italie, Voy l'Abbē d'Yperghen en ses Paralipomenes.

Cecy aduint l'an de grace 1138. voy Ottō Frisinger liu. 2. chap. 2. & Nauclere.

Blond. Decad. 2. liu. 7.

Le nom Guelphe, & Gibelin premièrement à Pistoye. Erreur du Blond. & de Sabellique. Sabelliq. Ennea. 9. liu. 6.

Liu. des loix de Bauiere. Tilt. 1. des Donat. Eccle. Paragr. 1.

Immunité des Eglises Tilt. 2. & 3. Le mot de l'amēde est Niungelild, qui signifie neuf testēs, & s'interprete autant de Baufs, ou moutons.

LIVRE TROISIEME

pens, & que ce pendant il y en mette vn en sa place du fugitif, & paye d'amende quinze solz. Si quelque esclauue à mis le feu es lieux saints en cachette, que la main luy soit coupée, & les yeux arrachez à fin qu'à l'aduenir il ne puisse vsfer de pareille meschanceté, & son seigneur reparera le dommage fait à l'Eglise par ledit embrasement: Si vn homme libre à esté le boutefeu, qu'il satsiface au tout, & face refaire les choses endommagées, payant pour le rachapt de sa temerité. 60. solz: & le niant qu'il vienne iurer deuant 24. de ceux qui seruent à l'Eglise, & sur l'autel en presence du deffenseur du lieu saint, qui est l'Euesque, & fera son serment tenant les doigts sur le liure des saints Euangiles. Que le criminel s'enfuyant à l'Eglise soit en franchise & garant: voire le seigneur n'en pourra retirer son esclauue, ny luy faire aucun tort, ou violence: que s'il fait le contraire, soit cōtraint par le iuge de payer l'amende de 40. solz à l'Eglise. Qui aura batu, ny blecé vn qui est promeu au clergé en quelqu'un des ordres moindres, qu'il en paye double amende ainsi que sont condempnez ceux qui iniurient leurs parens: & que les ministres de l'autel en reçoient double satisfaction, & triple si le blecé ou homicidé estoit promeu aux plus grāds ordres. Que si quelqu'un tuoit vn prestre, paye 300. liures au pris de l'or, & 200. pour le Diacre, conuertie & appliquée l'amende au profit de celle Eglise, où seruiroient lesdits homicide. Et si le meurtrier n'a de quoy fournir à icelle somme, qu'il se vende, luy sa femme, & ses enfans, & esclauues, ou se mette en seruice, iusqu'à tant qu'il se soit racheté de l'argent, auquel il est obligé pour son crime & forfait. Mais qu'il ny ayt homme si hardy de mettre la main sur l'Euesque, encore qu'il en receut iniure: ains si l'Euesque est vicieux qu'on le face conuenir deuant le Roy, Prince, ou tout le peuple, & soit là accusé de meurtre, paillardise, ou trahison. Que s'il a voulu faire venir les ennemys, & leur donner entrée en la Prouince, & se soit efforcé de ruiner ceux qu'il deust garder & deffendre, qu'il soit depose de son office, ou banny hors de son pays. Celuy qui subornant celle qui est voilée & dediée au seruice de Dieu, la prend à femme contre la reigle, & ordonnances de l'Eglise, qu'il la rende à son monastere, & soit condamné à pareille satisfaction que celuy qui rauist l'epouse d'un autre: que l'Euesque secouru par l'autorité & secours du Prince, la renferme en despit qu'elle en ayt dans le conuent où elle fut desbauchée: & le rauisseur soit contraint se chastier, ou qu'on le bannisse de la Prouince: Qu'il ne soit permis aux Prestres, ny Diacres tenir femme quelconque estrangere en leur compaignie, à fin que telle hantise ne les rende polluz, & que presentans sacrifice indignement deuant Dieu, le peuple ne soit puny pour la faute de son pasteur ayans licence d'auoir en l'encloz de leur maison, leurs meres ou sœurs, à cause que la liaison du sang oste le soupçon de vice, en celles qui leur sont si proches de consanguinité. Que ce soit aux seuls Euesques de cognoistre & iuger selon les saints Canons, des fautes & crimes du Clergé. Les fermiers, rentiers, & seruiteurs des Eglises chacun selon sa puissance, payera rente, cens, & dismage à l'Eglise, de dix boisseaux l'un, de dix perches de terre l'une, de dix gerbes l'une, de dix ruches à miel l'une, donnant chacun quatre poulets, & 15. œufs de censue, & soyent

Tiltre 6.

*Lieux de franchise
Tilt. 7. Parag. 1.*

*Punition de ceux
qui offensoient les
gēs d'Egli. Tilt. 9.*

*En quels crimes
l'Euesque deuoit
subir iugemens.
Tilt. 10.
Des rauisseurs des
Nonnains.
Tilt. 11.*

*Fèmes deffendues
aux Prestres &
diac. Tilt. 12.*

*Ce 13. tiltre cōtiēt
encor les Cornées
que le fermier doit
à son seig. Cēsier.*

& soyent tenus de charier le boys, pierre, chaux, & autres chose necessaires pour la fabrique & bastiment des saints lieux, neantmoins qu'aucun ne soit forcé à plus faire que sa puissance ne porte. Quiconque dresse embusches contre le Duc, & seigneur du pais, où incite les ennemys contre son Prince, ou Citoyens, ou aura trahy quelque ville, & conuaincu du crime par trois tesmoins, que le Duc face de sa personne ce que bon luy en semblera, toutesfois que ses biens tous soyent confisquees. Mais à fin qu'aucun ne perisse par l'enuie calomnieuse d'un sien haineux, qu'il soit permis à l'accusé de se purger par le combat de sa personne, à l'un de ses accusateurs, & fil demeure vainqueur, qu'aussi il soit absous de l'amende. Et si quelqu'un est si meschant que de tuer son Prince, qu'il soit aussi luy-mesme mis à mort, & tout son bien confisqué au public à iamais, & sans esperance de rapel, ny redintegratio pour les successeurs. Le seditieux & faisant leuer tumulte contre le Duc, soit condamné à six cens liures d'or, applicables au Prince, & tous ses complices soyent mis à deux cens, pour purgation de leur faulte. L'armée estant conduite en campagne, & sur les terres de l'ennemy, qu'on ne face aucune querelle, ny tumulte, ny pour les garces, ny pour les logis, voire ny pour l'elgard du boys, ou viures, & fourrages, chascun en prenne ce qui luy fera besoing, sans qu'autre luy donne aucun empeschement: les contreuenans soyent punys selon la rigueur de la loy militaire, ou estans liurez à l'ennemy, ou receuans cinquante coups de fouët en presence du Chef, & de son Capitaine. Lequel ne doit souffrir qu'aucune de ses badesface courses, ny rauages en la terre de l'ennemy sans le congé, & commandement du Duc, & fil le fait, qu'il porte la penitence en satisfaisant à ce que ses gens auront porté de mal, & preiudice par sa paresse, & peu d'aduis, & diligence. Si un homme franc de condition fait dommage, qu'il l'amende de 40. solz, & restitue tout ce qu'il aura rui, & emblé: & si c'est un serf, ou esclau qu'il en perde la teste, & son maistre, ne l'ayant empesché de ce faire, soit tenu aux interests, & reparation du dommage fait par son seruiteur. Celuy qui robe quelque chose que ce soit au camp, si c'est un esclau, que les poings luy soyent coupez, & ce nonobstant son maistre payera le pris de la chose rauie, & desrobée: l'homme franc, rendant ce qu'il a pris, payera encore quarante liures d'amende. Celuy qui par le commandement du Roy, Duc, ou General de l'armée aura fait mourir un autre, que le Prince luy serue de garant, & serue de deffence à luy & ses hoirs: & le Prince decedant, que son successeur soit tenu à luy tenir main forte, & luy seruir de sauuegarde. Si le Duc est rebelle & refuse obeissance au roy, soit priué de sa principauté, & pense qu'il est banny de l'esperance du salut eternel. Si le fils du Duc est si arrogant, superbe, & priué de bon sens, que de vouloir chasser son pere de l'estat, y estant instigué par le conseil des meschans, estant encor son pere suffisant de presider au Iugement, assez fort pour monter à cheual, conduire une armée, puissant pour porter armes, & combattre, sans qu'il soit sourd ny auetugle, ou que iamais il ait forfait, ny commis felonnie contre son Roy: qu'un tel fils rebelle, & desobeissant, soit banny si bon semble au Conseil, ou desherité, & chassé de l'heritage de son pere, à cause que cōtre

*Cōtre les traistres
chap. 2. Tilt. 1. des
Ducs, & causes
qui leur touchent.*

Tiltre 3.

Loix militaires.

Tiltre 6.

*Contre les Ducs,
rebelles. Tilt. 10.*

*Des enfans rebel-
les. Tiltre 11.*

L I V R E T R O I S I E M E

la loy, il a peché contre son pere. Celuy qui par sa temerité, ou trop chargé de vin commettra quelque scandale en la court du Roy, ou du Duc, quelque mal qui s'en ensuiue, qu'il l'amende selon la loy, & soit condemné à 40. liures: mais si c'est vn esclau qu'il en perde la main. Celuy qui en la court du Duc, voyant quelque cas de mal enfermé le prend, & l'emporte, fil le tient caché vne nuit, sans le rendre, soit conuaincu de larcin, & paye au public, 15. liures d'amende, à cause que l'hostel, & maison du prince est comme vn lieu sacré, & publique. Qui conque refuse d'obeir au mandement du Duc, soit amendable de 15. l. & nonobstant contrainct encor de

*Bailliages distin-
guez par Cötez,
la loy fait l'ordō-
nance pour tous les
iours 1. du moys.
cha. 3. tilt. 1.
Parag. vt placita*

mettre en effait ce qui luy estoit enchargé. Cōmandé & ordonné que les plaids, & assises soyent tenues tous les quinze iours, par tous les Comtez de la Prouince: & là se trouueront ceux qui sont nobles, & francs de condition, & en defaut de ce seront taxez a 15. l. d'amende, le iuge, à fin de iuger equitablemēt, aye le liure des loix pres de luy, & selon icelles qu'il vui

*Salaire des Iuges.
tilt. 2. Parag. 1.*

de des differens. Qu'il ne iuge rien par faueur, ayant esgard aux personnes ne se laissant corrompre par dons: il est vray que iugeant iustement, il luy est permis de prendre pour son salaire, la neuuiesme partie de l'amende: Mais fil gette sa sentence contre le droit, qu'il paye le double de la somme à laquelle il aura condemné la partie descheat de sa cause: & en outre l'amendera de 40. l. La mort du Duc, outre la peine, sera amendée sur les biens du delinquant à 1460. liures d'argent, applicables aux parens, du defunct, ou au Roy, les parens du Duc occis le meurtrier estoit condéné à six ces liures d'amende, & la loy vouloit que la peine de celuy qui tuoit le Duc fut triple en accroist, sur celle qu'o leuoit du meurtre fait sur ses pa-

*Chap. 4. tilt. uni-
que. Par. 1. 1. et 3.*

rens. Mais si on s'attaquoit aux Agilolphinges, qui estoit le sang ducal, & ancienne famille des Princes, l'amende en estoit quadruple: Violant le sang des Huoses, Trozzes, Cagaues, Habilinges, & Ennonns, qui venoyent à la successiō ducal apres les Agilolphinges payoit seulement le double. Et au 5. chap. de la loy de Bauiere, sont contenues les peines pecuniaires de ceux qui mettoient la main violente sur les francs de condition, sur les affranchis, & sur les esclaves, ayant esgard à la qualité, estat, & grandeur de chascune personne: & de cecy, & diuersité des crimes, ou blessures il y en a 32. tiltres.

*Chap. 8. des Nop-
ces, n'a qu'un tilt.*

Nous defendons (dit le legislateur) les nopces incestueuses, & ne soit permis à hōme qui viue de prendre à femme sa belle mere, la femme de son fils, la fille de sa femme, la marastre, la fille, ny la sœur de son frere, ny la sœur de sa premiere femme. Que les enfans de deux freres, ou deux sœurs ne contractent point mariage ensemble: ceux qui feront au cōtraire que leurs biens soyent confisque, par l'ordonnance du Iuge. Qui conque profanera le saint iour du dimanche, en faisant quelque œuvre seruile de sa main, & qu'en estant admonesté vne, & deux fois, n'aura obey à l'admonition, soit estrené de cinquante coups de fouët sur les espauls, & si encor il continue, qu'il perde la troisieme partie de ses biens: & si pour cela encor il ne veut se chastier, & y reuient pour la troisieme fois, que perdant sa liberté soit fait esclau, puis que le iour de la feste il n'a voulu iouir du priuilege de ceux qui sont libres. Le serf qui peche en cest en-

*Degrez de con-
sanguinité.
Des festes Et ceux
qui les violent.
ch. 9.*

Des fräcz. ch. 10.

droit soit fouëtté pour la premiere fois, à la seconde, que la main luy soit coupée, l'estranger condamné à 12. f. d'amende. Quiconque force contre son gré vn homme franc, à estre en seruitude, ou enuahit, & vsurpe son bien & patrimoine, outre l'amende de 40. f. il restituera tout ce qu'il aura ray & occupé. Si quelcun abusoit de la femme libre & franche, & espouse d'autrui, soit amendable au mary de 140. f. & s'il estoit occis sur le fait, il demoura en son malheur, sans que poursuite ou vengeance quelconque en soit faite.

Des Adulteres chap. 11.

Si vn hōme acointe vne femme libre avec son consentement, s'il refuse de l'espouser, soit condamné à douze f. d'amende. Si vn serf à suborné la fille, ou femme de franche condition, son maistre sera tenu de le liurer aux parens de la fille pour le punir, lesquels le feront mourir s'ils veulent, & en sera à leur discretion. Si quelqu'un rauist vne fille vierge, sans qu'elle y consente, & que ses parens y accordent, payera 40 f. si vne affranchie 8. si vne esclau, quatre. Et si l'homme franc, quitte son espouse, de fraîche condition, aussi, sans iuste occasion, qu'il satisface aux parens la somme de quarante f. en recompence de l'iniure: Et à la femme delaissee, luy rendra son doüaire, & tout ce qu'elle luy aura porté venant avec luy, selon la dignité & grandeur de la maison d'où elle est sortie, & de la noble famille de ses maieurs. Si vn homme libre delaisant vne femme de pareille condition apres l'auoir fiancée en préd vne autre, qu'il compose avec les parens de la fille, & leur paye 40. f. d'amende & reparation, lesquels la donneront puis apres à qui bō leur semblera: & sera l'homme tenu d'amener 12. homimestesmoings de son sang, deuant lesquels il iurera que ce n'est pour crime ou faulte qu'il trouue en la fille, ny pour haine ou despit des parens qu'il la refuse, ains pour estre lié ailleurs d'un si estroit lien d'amour, qu'il luy est impossible de s'en despetrer. Celuy qui rauist la femme qui est mariée à vn autre, qu'il la rende, & satisface au mary cent cinquante solz, d'amende. La femme qui prepare breuuages à vne autre pour la faire vider, & auorter, si elle est chambriere qu'on luy donne deux cēs coups de fouët, mais si elle est franche qu'elle soit mise en seruitude.

*Des rauissemens. tilt. 6.**Des diuorces. Tilt. 14.**Tilt. 15.**Tilt. 16.**Des auortons & auortement. Tilt. 18. 19. & 20.*

Si la femme enceinte estoit frappée par quelqu'un, & que de là s'en ensuiuiſt sa mort, il estoit puny comme homicide, mais si c'estoit son fruit seulement, & auquel il empeschoit de prendre vie au corps de la mere, il payoit 20. f. mais si le fruit viuant, il l'estaignoit avec ce coup dans le vêtre de la mere, l'amende estoit alors de cinquante Weregeldz, & 3. f. & demy. L'hōme ayant cōmis larcin en la court du Duc, en l'Eglise, en vne forge, ou boutique d'artisan, ou au moulin, à cause q̄ ce sont maisons publiques, s'il est libre, payera neuf fois autant que vault la chose desrobée, & iurera sur la valeur du larcin, ou sinon deux entrerōt en cōbat pour l'auerement de son innocence. Si le larrō de nuit est occis en faisant son forfait, qu'on n'en face point de poursuite. Quiconque suborne le serf d'autrui à desrober, & endommager son maistre, soit par larcin, ou autrement, la meschanceté estant descouuerte, qu'il soit condamné comme larron, & restituera le dommage neuf fois plus que ne monte le principal: & ce pendant le serf rendra ce qu'il aura pris, & desrobé & pour sa punition

*V'weregeldz, c'est autant que solz: mais c'estoit monnoye d'argent. Du larcin. ch. 12. Tilt. 1. & 3.**Tilt. 5.*

LIVRE TROISIEME

*Icy on peut voir
que les amendes
n'estoyent point
la peine de la
mort.*

*Le nom de ceste a-
mende en la loy
est Frede tilitr. 12.
13. & 14.*

*Loix champestres
& sur les bornes
chap. 15.
Tilt. 4. & 5.*

*Des engagemens
pris du cha. 16.
Tiltre 1.*

Tilt. 6.

*Des bestes allés en
dommage cha. 17.
Tilt. 1. Par. anim.*

sera estrillé de 200. coups de fouët, en la place & deuant tout le peuple, sans que son maistre soit pour cela tenu de payer rié d'amède, pour la faute de son esclau. Quelque chose qu'un larron ayt emblée, estât présenté au Iuge, qu'il soit puny selo la rigueur de la loy du pais, mais auant que condamner le larron à la mort, si est-ce qu'il fault que ses biens seruent à recô- penser quelque cas des pertes, & dômage de celuy qui aura esté desrobé. Quicôque achetera quelque cas en ceste Prouince, sera tenu de s'enquerir si c'est larcin, ou nō: si ce viét de pillage, soit forcé à le rēdre, & payé au fife l'amende de douze f. & par mesme loy sont aussi cōdemnez ceux qui recelent les larrecins. Et ne soit permis à personne de composer, & accorder avec le larron sans l'auctorité & consentement du iuge, & quiconque celoît un larcin, estoit soumis à pareille peine que celuy qui commettoit le crime. Toutes les fois qu'il ya quelque debat sur les limites, & bornes des chāps, & q̄ les deputez recherchèt les bornes iadis posées, & n'y voyās aucune aparēce, que le vendeur ayde par son tesmoignage, à la prescriptiō de temps, & que ce pēdant la lōgue possession face à son profit, & mōstre où sont les termes de la terre alienée: mais si le debat est si grand qu'il ne puisse estre vuidé paisiblement, que deux en combatent au peril de leur vie: & neantmoins ne sera permis à hōme quelcôque de poser nouveau signe, terme, ny borne sans le consentement de l'une des parties, & y assistât l'arpēteur cōmis à la mesure de la possession & heritage. Si un hōme frāc remue les bornes, ou les plante de son autorité propre, soit amēdable de cinq solz: mais le serf sera estēdu en public, ou il recevra 200. coups de fouët pour chastimēt. Si un frāc rompt la paroy, ou haye de l'autre franc son voisin, qu'il repare la ruine, & paye trois f. d'amède. Qui osterā les colonnes, poultries, ou ais, soit condēné à les rendre & payer trois solz d'amende, il est vray q̄ pour chascune tuile, & ais rauy, fault qu'il en donne un sol de recompence. Qu'aucun ne puisse prendre gage de son autorité sur celuy qui luy doit, ains en demandera congé au Duc: & s'il fait le cōtraire, il rendra le gage tout sur l'heure, & l'amendera de 40. f. au Duc, & les interests de la partie offensée. Celuy qui moissonnera les bledz meurs d'un autre, qu'il soit mis à six solz d'amède: que s'il le nie, qu'on luy en presente le fermēt pour s'en purger. Quicôque par sort ou charme, gastera les bleds & moissons de son voisin, qu'il l'amède de 12. f. en estāt cōuaincu, & nourrisse la famille de celuy qu'il a offensé tout le lōg de l'année, & luy rēde l'estimation & valeur esgalle de ce qu'il aura perdu en ses fruits. S'il le nie, qu'il luy dōne à iurer, ou qu'il s'en purge par cōbat cōtre celuy qui l'accuse. q̄ nul ne face mal, ou nuisance, & ne tue la beste d'autrui, quoy qu'il la trouue en dômage, mais la retiēne chez soy, iusqu'à tāt qu'il ayt denôcé le tort receu, ou au maistre de la beste, ou aux voisins, lesquels visiteront le lieu endômagé, le cōferans avec ce qui n'est encor gasté, à fin q̄ durant les moissons on voye le dômage qui s'en est ensuiuy, & q̄ celuy à qui estoit la beste en face reparatiō telle q̄ de droit & iustice. Et quicôque cōtre ceste ordōnance occira quelq̄ beste q̄ ce soit, il gardera ce qu'il a de mort, mais sera obligé d'en rēdre une pareille au maistre de celle qu'il a tuée. S'il luy creue un œil, il en payera la troisi. partie de ce qu'elle vault: si la queue ou

l'oreille, vn sol en fera la recompence: si la corne, l'amède n'en estoit qu'à la moitié: mais si ces iniures sont faites à la beste en despit du maistre d'icelle, & en le mesprisant, la satisfaction en double en chacune des parties gastées & offencées. Quiconque aura pris en charge bœuf ou cheual, en receuant salaire pour la garde, s'il meurt par la faulte de celuy qui en est enchargé, il le payera tout entier, sans qu'il puisse redemander aucun pris ny recompence: mais s'il se purge par serment, il en sera quitte en rendant le cuyr. Si quelcun à receu de l'or, argent, vestemens ou autres meubles en garde en sa maison, & que fortuitement le feu s'y mettât, ces choses soyent brulées avec les biens, luy n'en ayant fait aucun proufit, se purgeant par serment, ne sera tenu d'en satisfaire chose quelcōque. Celuy qui sous pre-texte de secourir, & ayder à estaindre le feu, defrobe quelque cas d'emmy l'embrasement s'il est descouuert, il le rendra au quadruple, & payera encor l'amende au fisc selon l'ordonnance & rigueur de la loy. Les choses mises en sequestre ne pourront estre vendues, ny données en sorte quelconque, tandis que la possession en est debatue en iustice par les parties qui les querellent. La femme qui apres le trespas de son mary demeure vesue, aura esgalle portion pour vsufruit des biens du deffunt, que l'un de ses enfans legitimes: que si elle vole aux secondes nopces, que le mesme iour elle sorte de la maison de son premier espoux, avec son douaire & meubles, & ce pendât les enfans partiront entr'eux, la part qui leur estoit escheuë pour son veufuage. Quoy que les enfans soyent de diuers liets estans neantmoins legitimes, ilz heriteront esgalement des biens du pere deffunt, chacun iouissant seulement de la successiō particuliere de sa mere, sans qu'il y ayt en icelle aucune communauté: mais le bastard n'aura rien à prendre au sort du legitime. Quiconque vend, ou aliene quelque chose, ayant touché deniers, fault que ratifie le contract de sa vête, ou par escrit, ou par tesmoins: & ne sera vne vendition forcée, valable, ny legitime. Quiconque alienera le bien d'un autre, sans le consentement du vray possesseur, sera condamné la luy restituer, & encore pour satisfaction luy en donner vne esgalle portion: & si la chose vendue ne peut estre recouuerte, qu'il luy en paye deux fois autant la valeur. Quiconque aura donné le denier à Dieu pour arres de quelque chose, si le contract n'estoit chagé par le consentement des parties, tiendra ce qui est promis, & contracté, & perdra ses arres, & en outre satisfera à la somme selon la forme de la conuention. Si vn homme à vendu quelque chose gastée, & non marchande, que dans trois iours il la reprenne, ou iure deuant tesmoins qu'il en ignoroit le vice, & ainsi la vendition en sera loyale & ferme. L'esclaue qui se sera racheté du sien, & non des biës de son maistre qui l'achete, estoit rédu à son seigneur, si la fraude estoit descouuerte, d'autât qu'iceluy auoit receu non le pris de sa vente, mais à son desceu les biens de son esclaue mesme. Que les eschanges ayent mesme force, & vigueur, & soyent de pareille tenue, que les achapts & venditions. Quiconque se saisira d'un champ, pré, ou autre heritage le disant estre sien, qu'il paye six solz pour la punitiō de sa temerité, & soit chassé de l'heritage. Le tesmoing suborné si c'estoit pour meurtre, fault que preuue son innocēce par combat, ou s'il demeure

*Du feu espris en
vne maison: &
biens meubles mis
en deposts. ch. 18.
tiltre 3. & 4.*

*Loix des herita-
ges. chap. 19.*

*Bastards foreloz
desheritages. tilt.
3 par. 2.*

*Des venditions.
chap. 10. tilt. 1.*

Des arres tilt. 10.

*Des usurpations.
tilt. 22.*

*Des mortz &
leurs causes. ch. 25*

vainqueur qu'il soit absouz sans que plus on le recherche, ou luy soit faite poursuite. Celuy qui desenterre vn corps mort pour en auoir les despouilles, qu'il compose avec les parens du deffunct, s'il est de libre condition à 40. l. & restitue ce qui aura esté enleué du sepulchre. Si vn homme fait vn meurtre à cachette, & de guet à pens, gettât le corps ou en l'eau, ou en quelque autre lieu, que premierement il paye 40 l. d'amède, & puis compose avec son iuge, & si quelcun trouue le corps d'un homme libre noyé, & le regette du bord encor vn coup dans l'eau payera 20 l. d'amède: mais si vn esclau estoit meurtry & caché en ceste maniere, la satisfactiō en sera neuf fois autant, c'est à dire de cēt quatre vingts l. Celuy qui deualisera le corps de l'homme qu'il aura occis, le satisfera au double: & l'hōme mutilant le corps d'un trespasé payera 12 l. de chacun membre qu'il aura offensé. Celuy qui ayant trouué vn corps le mettra en terre, afin que les bestes ne le deuorent ou deschirent, qu'il en soit recompencé par les parents

*Du nauigage. ch.
26.*

ou par celuy à qui le deffunct touchoit en quelque chose. Quiconque remuera le bateau d'autrui d'un lieu en autre pour s'en seruir, sera tenu le rendre sain & entier, ou en payer vn semblable: mais s'il le retire de l'eau & le tient caché, & requis il nie l'auoir pris, qu'il en soit puny, & l'amède comme d'un larcin. Qui desrobera ou osterà vn chien de chasse sera tenu le rendre, ou vn semblable & payer 6. l. d'amende, & troys pour vn chien de village, & de garde pour les troupeaux. Quelque temps à esté que ceux de Bauiere obeissoient à telles loix, desquelles ilz obseruent encor à present quelques vnes. Or ceux qui d'entr'eux sont les plus deuotieux, on les voit souuent aller en pelerinage à grands troupes, & sur tout à Aix la chapelle. Et ont en leur país deux lieux fort renommez pour les grands miracles que nostre seign. y monstre ordinairement en ses saintz, & à cause du nombre infiny qui y aborde de toutes parts: à Otinghe, c'est à sçauoir au temple dedié en l'honneur de la glorieuse vierge mere de nostre seign. & à S. Wolphang. Il n'y a point de vignoble en Bauiere, si ce n'est en quelques endroits les plus exposez au soleil de midy: mais le país y est fort boicageux, & embelly de costaux & montaignes, qui est cause que la grand abondance du gland & pommes sauuages y nourrit vn si excessif nombre de porcz, que tout ainsi que l'Hongrie abonde en bœufs, aussi Bauiere fournit plusieurs Prouinces voisines des pourceaux nourris en ses boscaiges. Ce peuple est si sale, rude, brutal, & farouche que si on le vient paragonner au reste des Alemans, on luy pourra à bon droit donner le nom, & tiltre de Barbare. Mais les vices desquels il est le plus entaché, c'est la descourtoisie & inhospitalité, & le larcin. Ilz se vestent volontiers de couleur asurée & bleüe, & portent plus ordinairement botines, ou brodequins qu'autre chaussure. En l'auoisinement que fait Bauiere avec le país & Duché d'Austriche, elle regarde les prouinces de Stirie & Carinthie. La Carinthie est país montaigneux, & qui a au Leuant les Carnes, & est iointe vers le midy à la Stirie, confinant les Alpes Italiques, & le país du Friuli: en icelle a de beaux vallons, & gentiles colines qui foisonnent en bledz, arroufées de plusieurs lacz & riuieres, la principale desquelles est le DraW lequel courant la Stirie, & país d'Austriche, se va engoulpher dans le Da-

*Lieux de deuotiō
en Bauiere.*

*Vices de ceux de
Bauiere.*

*Drauu, & Sane
fleues d'Hongrie
& Austriche.*

nube, n'estant en rien moindre que le Saue. L'Austriche a ses Princes qui portent le tiltre d'Archiducz : & venant le nouveau Prince à prendre le gouuernement du païs, ilz y vsent de ceremonies estranges, & non d'ailleurs entendues : Car non guere loing de la ville nommée Saint Vite, en vne grande & spacieusemēt profonde vallée, on voit vnes masure & ruines de quelque cité demolie, le nom de laquelle a esté emporté par l'oubly, & iniure du temps : & non loing de ces ruines en vne belle estendue des prez est dressée vne grād pierre de marbre: Sur ceste cy fault que mōte vn païsant, auquel ce droit eschoit par l'heritage & succession de ses ancestres, ayant vne vache noire, & pleine pres de luy, & à la main dextre, à la fenestre vne iument maigre & defaite: & tout autour vne infinité de Païsans & autre peuple.

Ceremonies au sacre des Archiducs d'Austriche.

Après cela arriue le Duc qui doit estre accompagné d'une grand troupe de noblesse, & porte l'on deuant luy les habits & ornements ducaux, & tous ceux de sa suite sont brauement equipez, mais le Prince est vestu assez simplement, comme celuy qui porte l'habillement d'un païsant, le bonnet, souliers, & houlette comme un berger si bien qu'on le prendroit plutôt pour pasteur, que pour si grand Prince. Celuy qui est assis sur la pierre de marbre, voyant venir l'Archiduc, s'escrie en langue Esclauonne, (car les Carinthiens sont Esclauons) & dit, qui est cestui-cy qui marche si superbement? la multitude qui luy assiste respond, que c'est le seigneur de tout le païs, le païsant assis dit lors: Sera il iuste en ses iugemēs? demande il le biē, & salut du pays? est-il libre de cōditiō, de s'ag illustre & digne de telle dignité? gardera-il les loix, & cōmandemens de Dieu, comme vray Catholique & deffenseur de sa sainte Eglise? Tous crient alors & disent, qu'il est tel, & le sera encore mieux pour l'aduenir. Celuy qui est sur la pierre de rechef dit: Auec quel droit & raison me pourra-il oster de ceste place? Lors le maistre d'hostel du nouveau Prince respond: ce lieu sera de vous racheté par le pris de soixante pieces d'argent: ces bestes seront vostres, & les habits que le Duc a sur luy, avec ce vous & toute vostre maison serez franc de toute taille, imposts & subsides. Ce que ayant ouy, le païsant frappe doucement de sa main la ioüe du Duc, l'admonnestant d'estre iuge equitable, & ce fait descend de son siege, prend ses despouilles, & se retire, & le Duc monte sur la pierre, & desgainant son espée, se tourne de tous costez, parlant & haranguant le peuple, & luy promettant tout deuoir de bon Prince, & iuge equitable. Aucuns tiennent qu'on luy porte encor de l'eau dans un chapeau de vilageois, & qu'il en boit pour tesmoignage de sa future sobriété: & de là ilz s'en vont à l'Eglise de Solennes voisine dudit lieu, & dediée à la vierge Marie, où le saint seruice est célébré, auquel assiste le Duc, & toute sa troupe.

Prince d'Austriche vestu en vilageois.

Les Ceremonies finies le Prince despouillant son habit rustique, préd les ornemēs ducaux, & banquete avec la noblesse. Après dîner on reuiet au pré, où le duc oyt les cōplaintes de chacun, & leur fait droit, prenāt les foy & hommages de tous les vassaux & subiets. Or la coustume que ce soyēt les païsans qui reçoient le duc & l'inuestissent de sa dignité, vient de ce qu'ont esté iadis les ruraux les premiers qui ont receu l'Euāgile, & sainte re-

Comme le Prince Carinthie achete sa principauté. Cecy est au long dit & discours par Enée Syluie, qui estoit present quand Federic 3. Emp. prist possession de Carinthie.

Promesse de justice & equité.

D'où vient que le Duc Carinthie est inuesty par les rustiques.

*En quel temps les
Princes Carin-
thiens receurent
le Baptême.*

*Estrange ingemēt
et procedure con-
tre les larrons en
Carinthie.*

*Stiriens sont les
anciens Tauris-
ques.*

*Stirie abonde en
fer & argent.
Strabon 4.*

*Stirie ditte Va-
lerie, & pourquoy.
Voy Ammian
Marcell. l. 19.*

*Pline l. 3. chap.
19. & 20.
Strabon l. 4.*

*Iornand. l. de la
guerre Gothiq.*

*Wolphang lazie
l. 6. des migra-
tions.*

ligion du baptême, veu que leurs Princes, & noblesse demourerent gen-
tilz & idolatres iusqu'au temps de Charles le grād, lors qu'aussi ledit Em-
pereur les feit tous baptiser & instruire. Le Duc de Carinthie, estoit iadis
grand veneur de l'Empereur, & c'estoit deuant luy que se demesloyēt les
causes qui touchoyēt aux gruyeries, & droits de la chasse, & fautes en ce-
la commises : & ce grand veneur estant aiourné deuant l'Empereur, n'es-
toit tenu de respondre à ceux qui l'accusoyent qu'en langue Esclauonne,
qui luy estoit naturelle. Ils ont vne estrange façon de proceder en iuge-
ment contre les larrōs, & ce vers les cartiers de celle Prouince, où est assi-
se la ville de Klagen qui est telle. Si vn homme est soupçonné de larcin, il
est soudain pendu & estranglé & puis on luy fait son procez : si son inno-
cence est auérée il est despendu, & mis en terre, & les funerailles en sont
faites aux despens de la communauté de la ville : mais si luy est iugé & trou-
ué coupable, on le laisse au gibet iusqu'à ce qu'il tombe par pieces à terre.
L'habillement des Carinthiens est de laine sans aucune tainture, & portent
ordinairement des chapeaux, & parlent tous Esclauon. Mais les Stiriens
sont gens agrestes & grossiers, ayans tous de grosses loupes autour du go-
sier, & si excessiues qu'elles leur empeschent la parolle : & (si luy est vray ce
qu'on en dit) les femmes voulans donner la mamelle à leurs enfans, les re-
gettent sur leurs espaulles tout ainsi qu'on feroit d'une besace, afin que ce-
la ne serue d'obstacle à l'enfant en tetant. On attribue la raison de ces en-
fleures tant à l'indisposition de l'air que des eaux que boit ce peuple. Les
Stiriens imitent les Alemans & en moeurs, & en parolle & habillement,
reserue ceux qui se tiennēt le long de la riuere du DraW, qui vident du la-
gage Esclauon. En Stirie se fait & cuit du sel, qu'on aporte en diuerses cô-
trées & pais voisins. Le pais est abondant en mines de fer, & d'argent,
mais à cause du peu de soing des Princes, on ne tient grand compte de le
tirer & y besoigner. Ceste Prouince fut iadis nommée Valerie du nom
de la fille de l'Empereur Diocletian : & est fort mōtaigneuse, si ce n'est du
costé qu'elle regarde l'Orient, & où elle fauoisine de la Pannonie, & là
elle s'estend en vne grande & profonde planure, & longue campagne.
[Le pais Stirien est celuy que les anciens ont appelé Taurisque, ainsi que
le lecteur diligent peut recueillir par la descriptiō qu'en fait Pline en son
histoire naturelle : & Strabon qui dit que Tibere & Druse son frere, cha-
stierent les Taurisques & Carnes, qui faisoient des courses & grands pil-
lages sur les terres suiuettes à l'Empire Romain. Et ce mesme auteur fait
mention des mines qui sont tant en Stirie que Carinthie. Des Stiriens fait
aussy mention Iornandez, parlant de Theomir Roy des Goths, & Chuni-
munde prince des Sueues : où il dit que les Stiriens viuoyent paisiblement
auec les Goths le long du Danube. Des successiōs des Princes qui ont re-
gné en Stirie & Carinthie, & par quel moyē lesdits pais sont venus en la
maison d'Austriche, voy Wolphāg lazie, croniqueur de Ferdinād Emp. &
hōme qui a fait de belles & diligētes recherches en l'histoire des anciens.]

De l'Italie & mœurs des Italiens, de Romule encor, & de la police
par luy instituée en Rome. Chapitre 19.



ITALIE region d'Europe fut premierement ditte & nommée Hesperie de Hesper frere d'Atlas, lequel chassé du pais de Libye, donna le nom & à l'Espaigne & à l'Italie, ou, comme dit Macrobe, elle prist le nom de l'estoile Hesper ou Vesper, à cause q̄ ce pays est suiet & regardant vers le lieu, où ceste estoile a son couchant. Fut aussi apellée Oenotrie, soit à cause de la bonté des vins excellés qu'on cueilloit en ce pays, veu que les Grecs appellent Oenon le vin, en leur langue, ou de Oenotrie Roy des Sabins. [Encore fault-il que la diuersité des viandes contente & aiguise l'appetit de ceux qui sont assis au banquet: & d'autant que nostre auteur a recueilly que l'Italie fut nommée Oenotrie à cause de l'excellence des vins recueillis en icelle, iacoit qu'il y ayt quelque raison en son dire, si est-ce que parlant sans citer auteur il rend sa sentence douteuse, & pource, moy voulant l'armer, & fortifier aussi ce que ie dis, ie deduiray les auteurs, & les opinions diuerses qu'ils ont sur ce propos: Denys de Halycarnasse qui pour vn Grec a assez curieusement recherché ce qui est des antiquitez d'Italie, & nommément de la cité de Rome, mentionnant ce mot d'Oenotrie: en parle en ceste sorte. Les Arcades sont les premiers d'entre les Grecz, qui passas la mer Ionique (qui est à present la Valone, & tout le goulphe presque de Venise) s'arrestèrent pour habiter en Italie avec Oenotre filz de Lycaon, qui estoit le cinquiesme en ranc apres Egée, & Phoronée les premiers Roys, qui onc commanderent au Peloponesse, à present Morée. Or dixsept aages auant Troye assiegée, les Grecz estoient passez en Italie pour la peupler & cultiuier. Oenotre laissa le pays de Grece voyant son partage ne suffire pour nourrir son train, & entretenir son estat: entant que son pere Lycaon ayant 22. enfans, il faillloit que l'heritage fut diuisé en autant de parties. Ainsi partant de la Morée, il dressa vn beau equipage de guerre, & arma plusieurs nauires, faisant voile le long de la coste d'Italie en la mer Ionique: avec lequel vint aussi Peucetie vn de ses freres, & furent ces deux Princes suiuis par vne grand troupe de peuple de leur pais, qui prenoit plaisir à les accompagner en leur fortune. Peucetie au premier lieu où il prist terre en Italie par dessus les montaignes Iapigiennes, il y conduist son peuple & suietz & s'y arrestant, ceux qui se tindrent en ces lieux porterent depuis le nom de Peuceties. Mais Oenotre avec la plus grād force de l'armée, vint de l'autre costé de l'Italie vers l'Occident, en la terre nommée Ausonie du nom de ceux qui s'y tenoyent: mais apres que les Thirreniens se furent faits maistres de la marine, le pais prist le nom qu'encores il porte. Oenotre donc trouuant le paisage beau & plaisant, & le terroir bon & commode pour estre cultiué, & ensemencé, quoy que la plus part fut en friche, & ce qui mesme estoit labouré n'auoit que comme point d'hommes pour y habiter: ayāt eu affaire avec quelques barbares, lesquels il vainquit, il bastist des villes fort petites, & voisines les vnes des autres sur les mon-

Italie ditte Hesperie, & d'où pris le nom. Fabie p̄tor. liu. du siecle d'or. Ca- ton aux origines: Denys Halyc. li. 1. antiq. rom. Ma- crob. Satur. 1. c. 3.

Oenotre Arca- dien en Italie. De- nys Halic. liu. 1. des antiq. Rom. Phoronée regnoit l'an du monde. 2155.

La Peucetie c'est à present terre de Barri en la Pouille: & les Iapi- giens c'est terre d'Otrante. Ausonie est ores ditte Campaigne de Rome le lōg de la mer.

LIVRE TROISIEME

taignes, ainsi qu'estoit la façon de bastir aux anciens. Et fut toute celle plage & coste le long de la mer, & icelle de grand esté due, & tout autant que ce Prince Arcadien en subiuga, fut apellée Oenotrie, & le peuple y habitant, porta le nō d'Oenotrien, Voila les mots de Halycarnasse. Ce voyage est mentionné par Pausanie, tenant propos des enfans de Lycaon roy Arcadié: Or Oenotre (dit-il) le moindre & plus ieune de tous ses freres, ayāt receu, & argent, & vne bonne troupe d'hommes de Nictime son aîné, passa sur mer avec armée en Italie, & de luy porta le nom Oenotrie celle region en laquelle il s'arresta, & où il posa le siege de son Royaume.

Je sçay que deux excellens Italiens de nostre aage, & tous deux faisans profession, & de la Theologie & de l'histoire, ne veulent prendre pour argent content ce que dient ces deux tant remarquez auteurs que sont Denys Halycarnasse & Pausanie, mais s'armēt de ie ne sçay quels fragmēs

Caton es origines, & Fabie Pictor sont fragmens suspects plustost de nouuelleté que d'antiquité. voy Beat. Rhenā en sa Germanie.

Iean Annie Viterbien renouelleur de ces fragmēs sur le 5. Berosē.

Leandre Bolonois homme fort excellent, a descript toute l'Italie.

Iane dit Oenotre, & pourquoy.

Pline li. 14. ch. 15

Trois Oenotries.

Mirfille Lesbien. liu. de la guer. Pelagique.

faits à la poste de ceux qui n'auoyent leu les liures des anciens, de Caton en ses origines, & de Fabie Pictor en son siecle doré, se faisans acroire de belles fables, & inuentans des interpretations de mots à leur fantasie, & des noms des villes, & prouinces tout aussi tost, qu'ilz trouuoient quelcun, ou le faignoient qui aprochast de ce que ilz auoyent en pensée. Je n'ose reuoyer en doubte le Caldéen Berosē, à cause que de grans hommes ont fuiuy le fil de son histoire, mais de m'arrester à Iean Annie Viterbien en ses Commentaires, ie ne puis, si quelcun n'autorise avec autre raison son dire: car de parler par coniecture en l'histoire n'est le plant assez bon & solide pour l'a bien establir & fonder. Avec cestuy à couru en mesme carriere, il est vray que plus doctement & recherchant avec plus de sçauoir, curiosité, & certitude les matieres que son predecesseur, Leandre Bolonois, & religieux de l'ordre de saint Dominique: lequel dès le commencement de son Italie, parlant comme elle fut iadis nommée Oenotrie, met en auant ne sçay quelle resuerie des origines de Caton, disant qu'elle porta ce nom de Iane, qui aussi s'appelloit Oenotre, pour auoir esté le premier qui inuenta le vin: comme si déz Iauē, ou Noē ce mot & apellation eussent esté donnez en Grec, à l'Italie. Mais quelle absurdité s'enfuit de cela ie ne veux autre tesmoing que les auteurs approuuez qui font pour nous: veu que Pline dit qu'en celle partie d'Italie ou s'arresta Oenotre, le vin n'y croissoit point, & ce depuis Iane iusqu'à Mezence qui regnoit sur les Toscans, lequel vint secourir les Latins pour le seul desir d'auoir du vin pour salaire: or voyez si du nom Oenoz, ou vin, le païs fut dit Oenotre, ou si l'n'est plus raisonnable de croire que ce fust quelque Prince, & non l'abondance du vin qui fut cause de telle apellation. Pour lauer aussi ceste faulte si lourde, ces deux grans personnages, mais trop ennemys des Grecs, & lesquelz ilz chargent du vice auquel ilz tombent en recherchant les choses trop curieusement, disent qu'il y a iadis eu troys Oenotries, en quoy certainement ilz n'ont guere failly ayans les bōs auteurs pour patrons & deffenseurs de leur cause.

La premiere ilz peschent ne sçay si iustemēt, en Caton & la referent à Iane duquel furent nommez ceux de l'ancienne Italie. La seconde fut celle que Oenotre Arcadien sus-recité nomma, selon que i'ay de Halycarnasse

& de Mirfille Lesbien, laquelle cōtenoit le païs de la Pouille, où premierement s'arrestèrent les Aufoniens qui est, selon Strabon, depuis le goulphe sainte Eufemie (iadis nommé sein Hipponiate) iusqu'au Scillatique qu'à present on appelle Squilazze. La troisieme fut au païs des Sabins portant le nom d'un Roy dudit païs ainsi que Varron le recite. Et ainsi en quelque sorte que se targuent Annie, ny Leandre, si ne sçauoyent ilz biẽ couvrir ce coup, veu que l'un d'eux veut prouuer que auant que le Grec Oenotrie vint en ce pays desia il portoit le nom d'Italie: mais combiẽ la chose est veritable, les Chroniques nous en font foy, & conuainquẽt, ceux qui faillent, de mensonge. Que le diligent lecteur recherche en quel temps regnoit Itale fils de Iupiter & Electre, & puis voye quand fut-ce que Oenotrie nauigua vers l'Italie, qui estoit 15. aages auant que Troye fut bastie, c'est à dire 450. ans prenant 30. ans pour chacun aage & lors il sçaura comme les choses se raportent, entant que depuis cest Itale Electreen iusqu'au commencement du regne des Troyens, il ny a que cent soixante ans: & si en cela ie suis contẽt de fauoriser de tant Annie, que de luy accorder ce que Fabie Pictor & Sempronie, par luy inuentez, ou renouuellez en chantẽt. Et voila quant au mot Oenotrie, duquel en suyuant le fil de l'auteur, nous dirõs encor en passant vn petit mot.] En fin ceste region prist le nom d'Italie d'Itale fils du roy de Sicile, lequel enseigna aux habitans les moyens de labourer & cultiuer la terre, & y establit loix pour les tenir en vne ciuile societẽ: & arriua en ce mesme cartier, où depuis Turne roy des Rutules regna, luy imposant son nom, à sçauoir Italie. Cecy est tesmoigné par Virgile, disant.

Strabon. 6.
Varron de la lã-
gue Latine.

Fabie Pict. du
sicle d'or. Sẽpro-
nie liur. de la di-
uision d'Italie.

Virgil. 1. Eneid.

*Vn lieu y a que en grec Hesperie on appelle
Antique & fort pays, & Prouince fort belle
Les hommes qui iadis s'y tindrent les premiers
Furent Oenotriens, mais le nom des derniers
A ce que l'on nous dit porte ceste Prouince
Et Italie a nom d'un Itale son Prince.*

[Or que Annie s'opiniastre icy à son aise sur les Oenotriens Grecz, ou Ianigenes, qu'il aille rechercher la Cabale de la langue Aramée, avec laquelle il veut nous faire receuoir ces songes, si ne sçauoit-il se despestrer de ce passage de Virgile proposẽ si clerement, & ne peut se couvrir par la supputation des annẽes: ioint que depuis l'arriuee de cest Itale au pays Latien, vous ne lisez point aucun auteur qui baptise l'Italie du nom d'Oenotrie. Je ne me fusse arrestẽ si longuement icy, n'eut estẽ, que ie ne veux laisser en doubte le lecteur en chose que ie puisse eclercir avec l'autoritẽ des sçauans qui nous ont deuancez & en aage & par doctrine, entre lesquelz i admire Annie, mais fil a failly, il en faut donner la coulpe aux temps, qui tenoit les bons liures cachez: & au zele que ce bon personnage auoit à tirer les fondemens de l'Italie d'entre les mains des Grecs, comme l'estimant plus ancienne que la Grece.]

Mais Timẽe & Varron sont d'aduis que c'est des bœufs & Taureaux que l'Italie à pris son nom, à cause qu'il y en auoit en abondance & que

LIVRE TROISIEME

De la description
d'Italie, sans voir
Plin, Solin, Stra-
bon, Mele, Polibe
Ptolomée, & au-
tres infinis.

Estendue en long
d'Italie. Solin.
chap. 3.

Auguste est un
Valon es Alpes,
ou est assise la cité
Iurée iadis nommée
Eporedie: & est
en la Lombardie
deçà le Po.

Rubico à present
est dit Pissatello.

Ligurie, & ses li-
mites.

Genes Cité chef
de Ligurie.

Limites de Tosca-
ne.

Lyrus fleuve, à pre-
sent Gariglian.

Rome en Latie.

Antie ville fort
ancienne voy Tit.

Line. 8. de la vil-
le bastie. Tacit. 3.

& 14. des annal.
Appian. 1. &

Polibe 3.

Denys Halic. 8.

Silaris fleuve ores
est dit Selé.

Surrete iadis louée
de fort bons vins.

voy Plin. lin. 14.
chap. 6.

Strabon. 5.

Laie isle à present
Laino.

Peste, & Possido-
nie tout un. voy

Line lin. 8. Ouid.

1. de l'art. parlant
des roses de Peste.

Buxète. voy Stra-
bon 5. & Line 25.

& 39.

c'estoyent des plus beaux qu'on sceut voir en autre Prouince. Or la part de la campagne Romaine, où le Tibre s'engoulphe dans la mer Tyrrhe- ne s'appelloit Latie, tout ainsi que Ausonie celle qui est le long de la mer. Elle s'estend en forme d'une croix des la mer de Toscane, iusqu'au goulphe de Venise & sein Adriatic: & des Alpes iusqu'au mont Apennin, allât toutesfois aucunement en se haucant iusqu'à Reze de Calabre, & plage de l'Abruzze, en son extremité, & coings vers le cap d'Otrante, elle regar- de la mer Ionique, & de l'autre costé la mer de Sicile pres le Far de Messi- ne, & sa derniere ville est Reze. Sa longueur est (suyuant l'opinion de So- lin) déz Auguste Pretorienne, s'estendant par Rome, & le país de labour & finages de Capue iusqu'à la susdritte cité de Reze en Calabre, & contiét vn million, & vingt mille pas en son long & estendue. De largeur l'Italie contient quatre cens dix mille pas où elle est plus large, mais en sa plus grande estressure elle a 136. mille pas: & la cité de Reate fait le milieu, & comme le nombril & centre de tout le pays, ayant eu longuemt du co- sté de la mer le fleuve Rubicon (autremét Pissatello) pour bornes & limi- tes. Or est l'Italie diuisée en plusieurs regions, parties & prouinces, entant que la Ligurie (ou coste de Genes) est comprise en celle estendue de país, qui est depuis le fleuve Var (qui separe l'Italie du país de Prouence) iusqu'à la riuiera nommée Macre, & en celle Prouince est assise la superbe & illu- stre cité de Genes. La Macre passée, on entre en Toscane, ou Hetrurie, ius- qu'au Tibre, où est la cité de Pise. Du Tibre iusqu'au Lyrus (à present Ga- riglian) est compris le país iadis nommé Latie, où est assise la grande, & triomphante cité de Rome, & au dedans & sur l'extremité latiale estoit le temps passé la cité tant ancienne d'Antie. [Laquelle fut iadis vne des plus renommées d'Italie: & en laquelle fut basty vn superbe temple de fortune, duquel fait métion Horace en ses vers, icelle ayant esté ruinée, Claude Neró la fait reparer ainsi que raconte Suetone en la vie dudit Neron. Les Antiés ont iadis eu plusieurs guerres contre les Romains desquelles Haly carnasse discourt assez & meismemét lors qu'il parle de la reuolte de Co- riola & des ligue qu'il fait pour se preualoir des forces Romaines. Je n'ay peu trouuer par qui elle fut depuis du tout ruinée, veu qu'à peine trouue l'on vne petite mesure qui en donne quelque signe, si ce n'est dás les bois, & le chasteau Neptune qu'on dit auoir esté basty des ruines d'Antie.] Du Gariglian iusqu'au Sarne est enclose la Campanie, ou terre de labour, en laquelle est posée la cite de Naples: & delà iusqu'à la riuiera Silaris est la region des Picentins (qui est la principauté de Salerne) & là sont les villes Surrente & Salerne, iusqu'à la Basilicate, laquelle commence des le Selé, iusqu'au Laie: & là sont les villes Peste & Buxente toutes deux ruinées, mais Peste, ou Possidonie sans nulle ruine qui reste, & Buxente qui n'est à present qu'un chasteau, que les habitans du país appellent Pisciotte, à cause duquel pource qu'il est basty pres la mer, le promontoire voisin & qui ia- dis portoit le nom de Pessionte, s'appelle à present le cap de Pisciotte: & tout ce trait de país se nommoit iadis Lucanie. Du fleuve Laie, ou Laue iusqu'à Leucopetre est le país d'Abruzze, où est la ville de Rhese pres la mer de Sicile. De Leucopetre iusqu'au Promontoire Iapigien, dit le Cap

de sainte Marie, sont les Salentins en la grã Grece ancienne, où sont les villes de Crotone, & Tarente. Et dudit promotoire iusqu'à Brindes, iadis Brunduse, c'est le vray país des Calabrois, où est la cité d'Orrante, iadis Hadrans, & si long temps qui à seruy de retraite, & magasins aux infidelles, par le moyen des Emp. s'en aydans contre le Pape. De Brindes au mont Gargan (dit à present de saint Ange) est la Pouille, en laquelle sont les principautez de Barry, & Salapie, à present nommée Salpe: & du mont saint Ange, iusqu'à l'embouchement du fleuve Sare sont les Ferentans, en la regio desquels est la cité d'Isconie, & est le Marquisat dit de Guast. Du Sare iusqu'au fleuve Aperne est le país des Marrucis, & en iceluy la ville d'Ortone: d'Aperne iusqu'à l'Esie sont les Picentins, la region desquels estoit au premier & plus ancien temps le limite de l'Italie, où est assise la cité d'Ancone: du fleuve Esin, iusqu'au Rubicon, ou Pissatelle, est la plus fresche borne d'Italie: A cause que soudain on entre en la terre des Gaulois, & anciens Senonoys, les villes desquels sont Fano, Senogail, Pesero, & Rimini: & du Rubicon, iusqu'aux Bouches du Po, furēt les Boies, où est bastie la belle cité de Rauēne: du Po, iusqu'à Tailleuent est le terroir Venitien, où aussi gist la riche & puissante cité de Venise. De Taillauent iusqu'au fleuve Natiscon sont les Carnes, qui est le Duché de Forly, duquel est Metropolitaine la cité d'Aquilee: & se nomme ce país la marche Frenigriane. Du fleuve Natiscon iusqu'à la riuiera Arse sont les Iapiges, & Istriens, à present Esclauons, la cité desquels est Triest, & Formion, ou Cefane, est la riuiera qui y passe, qui qlquesfois fut la fin & limite de l'Italie. Le mont Apennim est celuy qui fait comme vne diuision de tout le terroir Italien en deux parties, l'une regardant l'Occident & le midy, & l'autre s'estendāt à l'Oriēt & Septétrion: s'estédant depuis les Alpes, premierement en Ligurie, puis en la Gaule Cisalpine, & Lombardie, & marche d'Ancone, lesquels ce mont separe d'auec le país de Toscane, & de la region ancienne des Sabins, qu'on dit à present Vrbīn & la Romaine, & passant plus outre reprend son destour vers la Pouille, & mont saint Ange, separant les Pelignes, Marrucins, & Picentins (qui est l'Abruzze, & Basilicate) d'auec la Romaine, & terre de Labour, & est le dernier but, & limite de l'Apennim, depuis mont saint Ange, iusqu'au Cap sainte Marie, ayant d'un costé la Pouille, & les deux Calabres, en l'une desquelles est l'ancienne region nommée la grand Grece, & de l'autre la Marche d'Ancone, la Basilicate, & l'Abruzze. Le país d'Italie est fertile & comme enceint, & faisant portée de plusieurs metaux, par tout ayant vn air serain, viuifiant, & salubre perpetuellement, à cause que le ciel y influe vne grãde & douce temperie, les champs y sont fertils, les collines exposées aux rays du Soleil, les taillis sans nuisance, les bois toufuz, & ombrageux, belle & grãde diuersité des forests profondes & agreables, iouissant d'une merueilleuse fertilité & abondance de grains, fruits, vignes, & oliuiers, là sont les laines tres-fines, les Boeufs gras, & forts au labourage, les lacs clers, & foisonnans en poisson, les riuieres & fontaines saines, & nourrissantes, grand multitude de bons ports de mer, & les fleuves coulans à grã dans la mer, pour le secours & profit des hommes, qui semble tendre le giron

Tarēte est principauté, & Crotone Comté: en la Calabre.

Cestuy confond l'ordre de la diuision de la Pouille. De Salapie. Voy Strabō s. Appia Alexand. lib. 1. des gu. civil.

Marrutins sont ceux de Pesquiere Picentins c'est la marche d'Ancone.

Ce país est nommé la Romaine.

Aquilee fut celle ou se tint iadis le Patriarche Venitien.

Les Carnes sont partie suiets aux Venitiens, & les autres aux seign. d'Austriche.

Estendue du mont Apennim.

L'Apennim diuise l'Italie.

C'est ainsi que s'appellent les Picentins, Lucains, & Bruties. voy Leandre en son Italie.

Loüanges d'Italie

LIVRE TROISIEME

à toutes nations pour le trafic, & marchandise : tellement qu'on iugeroit que ce soit à bon droit qu'aucuns l'ont apellée, & mere, & nourrice de toutes natiōs & Prouinces : C'est celle qui a esté esleuë par la diuine prouidence, pour vnir, & assembler les parties esparſes du corps de l'Empire terrestre, & pour amollir, apriuoiser, & policer les peuples plus cruels, & farouches, accordât sous la douce harmonie du langage Latin, les peuples qui auparauant ne pouuoient conuenir, parler ny frequenter ensemble.

Au reste pour ne mettre point les nations estranges en ieu (dequoy le recit en seroit trop long) lesquelles ont esté vaincues, & par la langue, & par l'effort, & armes des Romains Italiens: vne seule cité des Peres, & Quirires Romains, a autant effectué avec sa vertu, & loüables exēples, que toute la Grece avec ses preceptes, & escripts d'eloquence: & lesquels comme deuinans, que ceste terre Italique commanderoit vn iour à tout le monde, ils appellerent vne bonne partie d'icelle la grand Grece. Et pour conclurre sommairement, il fault penser que ce n'est aduenü sans la prouidence d'enhault, que lors que Dieu tout bon, & tout puissant, visita la terre en se faisant homme, c'estoit en Italie qu'estoit le siege de l'Empire, & la retraite de toutes les nations de l'vniuers, où bien tost apres deuoit estre posé le chef, & pasteur vniuersel de la bergerie Chrestienne. Les Italiés sont entr'eux diuers le plus souuent, & en couleur, & en stature : Car ceux qui se tiennent en la Gaule Cisalpine, & tout le long de la terre Venitienne sont ordinairement blancs, plus propres en habits & langage : là où les Toscans, Campaniens, ou Napolitains, ceux de la Basilicate, & d'Abruzze ont vne couleur plombée, les cheueux noirs, la stature petite, & sont maigres & dispots, simples & modestes à l'habit, & langage. En la marche d'Ancone & à tous les Italiens qui se tiennent le long de la coste de Leuant, iusques en la grand Grece (sauf les Calabrois, & ceux de la Pouille qui habitent au coing de l'Italie) & les mœurs, & le langage dure encor entremeslé du Grec & Italien. Tout le país d'Italie (ainsi que presque toute l'Europe) fest de tout temps contenté d'vnes nopces, c'est à dire les hommes n'y espousans qu'vne femme, & si le diuorſe y est entreuenü il à pris son origine de Rome : d'autant que Spurie Caruilie, fut le premier qui à Rome repudia sa femme, sous pretexte qu'elle estoit brehaigne, & sterile. Les citez de la region Italique eurent iadis des hommes de trois conditions qui les habiterent, les esclauues, les libertins ou affranchis, & les libres & francs: des francs encor y en auoit trois ordres, les Plebées, Cheualiers, & Patrices. La charge des temples & sacrifices estoit commise aux Pontifes & Flamines, à sçauoir Euesques, & Prestres diuisez par colleges & rences, & chascun ayant charge expresse de certains dieux & sacrifices. Quant à la dignité, & magistrats regissant la cité, c'estoit au dictateur que la souueraineté estoit donnée; & duquel on ne pouuoit aucunemēt appeler: & estoit cest office semestre, & à icelle on y paruenoit comme par degrez, veu qu'il falloit auoir esté Edile, Questeur, Preteur, Censeur, & Consul, auant qu'y donner attainte: non que tousiours ceste rigueur y fut obseruée, & qu'il falust passer par toutes ces dignitez, ains qu'obtenir la dictature, mais que tel estoit l'ordre commun & ordinaire: tout ainsi aussi

*La grand Grece
est vne partie de
Calabre vers Cro-
ton Et Tarēte. voy
Strabō. 6. Virgil.
Enēi. 3. Tit. Li. 8*

*Couleur diuerſe
entre les Italiens
selon le país qu'ils
habitent.*

*Premier diuorſe à
Rome quand, &
par qui. Denys
Halic. 2. Et ad-
uint du regne de
Romul. environ
l'ā du mōde. 3235.
en la 12. Olympi.
Estats à Rome Et
en Italie iadis.
Voy Fenestelle, Et
Lete, és liures des
Prestres Rom.
La dictature ne
deuroit que six
moys.*

qu'en la fuyte de la guerre, il y auoit des degrez d'honneur pour recompencer ceux qui se portoyent bien au seruice du public, car le simple soldat obeïssoit au Centenier, le Centenier au tribun, & Capitaine, cestuy faisoit le commandement du Lieutenant, & Legat du Consul, & ce Lieutenant se gouuernoit selon l'aduis ou du Consul, ou de celuy qui par l'election du peuple auoit esté commis general de l'armée, & le grand maistre de la Caualerie, falloit que pretaist le serment, & obeït au dictateur. Le téps qu'ordinairement on donoit au citoyen de suyure la guerre estoit dix ans, si ce n'est qu'on eust assuietty, & vaincu celle nation à laquelle on faisoit la guerre, ou qu'il y eut quelque congé lequel & en nom & en effait estoit contemplé diuersement: veu que l'un congé estoit nommé legitime lors que le Capitaine donoit licence de se retirer pour quelque téps: là où l'autre se faisoit pour cause de crime, & pource nommé ignominieux, lors que le chef cassoit le soldat, ou pour forfait, ou pour vilté & poltronerie: ainsi l'une occasion estant honeste, l'autre portoit effait & tiltre d'infamie. L'age auquel on choissoit le soldat & gendarme, selon l'ordonnance de Seruie Tullie Roy Romain, estoit dès l'an dixseptiesme, iusqu'au quarante-huitiesme. Leurs habits en temps de paix estoit la Togue, ou robe lōgue, & durant la guerre ils prenoient les Casques, & Hoquetons. La guerre estoit denoncée par le herault à iuste tiltre, & de laquelle ils ne se retiroient sans vser de grandes ceremonies, tout ainsi qu'il en vsoient aussi par leurs Feciaux & Heraux alors qu'ils la denonçoient. Les Citez d'Italie ou elles estoient alliées, & cōpaignes de Rome, ou Colonies, c'est à dire peuplées par les citoyens Romains, ou Municipales, c'est à dire subiettes & tributaires. D'entre les Municipales les vnes estoient receuës au droit de bourgeoisie par le suffrage & consentement du peuple, & les autres y venoient par autre priuilege. Les Colonies estoient cōme vn membre de la cité de Rome, viuans sous mesme loix: là où les villes tributaires suyuoient chascune les coustumes de leurs ancestres, esquelles les Decurions auoyent pareille autorité qu'à Rome les senateurs. À Rome la robe de Pourpre mettoit difference entre les Patrices, & les cheualiers, & les bagues, chesnes bracelets faisoient cognoistre le cheualier d'auec ceux d'entre le peuple. Et quant aux Iugemens, c'estoit au peuple de iuger des crimes qui touchoyent la maïesté, & les iuges cognoissoient du surplus des matieres, & causes criminelles, & lesquels on choissoit de celle troupe esluë pour l'année, presidant sur la criminalité: le Preteur assisté de cent homes pour tenir les plaids, auoit sa iurisdiction, cōme aussi chacū Magistrat auoit la siēne. Et telle fut iadis la maniere de viure des cités & peuples Italiens en general, ayāt pris ceste façon de faire de Romule. Lequel ayant mis à fin, & basti les murailles, fosses, rampars, bouleuers, & autres choses necessaires pour la deffence de la cité nouuellemēt dressée, prenāt soucy de l'ordre, & police des citoyens en ordōna en ceste maniere. Premierement ayant diuisé tout le peuple en troisparties: il donna à chacune vn chef home segnalé & de marqué: & apres ce de chacune de ses portions, il en feit encore dix parties esgales, ausquelles il dōna des Capitaines les plus forts & vaillans qu'il peut choisir, & donna nom aux trois

Ordre des dignitez, à la guerre entre les Rom.

Ce grand maistre estoit comme vn mareschal de Camp

Deux sortes de Cōgé l'un Casuair, & l'autre legitime.

Age pour le choix du soldat: des loix militaires de Seruie, voy Halicar. li. 4.

De ces ceremonies voy Fenestell. li. Magist. Romains Halicar. li. 10.

Tit. Li. 1. des la cité bastie. Difference des cités d'Italie.

Et de là viēt que les coustumes de chascū pais s'appellent loix Municipales.

L'habit discernoit les estats à Rome.

Les Iuges annuels à Rome.

L'ordre que Romule tint dressant la cité de Rome, voy Halicar. li. 2. des Antiq. ro. Tite Lius, li. 1. des Rome bastie, Plutarq. en la vie de Romule.

*On ne scauroit
mieux nōmer cela
que Cātōs Et Re-
gimēs, & les De-
curions Colōnelz.*

*Toute repub. à cō-
mencé par l'estat
de la religion.*

*Vrayes marques
de noblesse que la
vertu & le sang.*

*Patrices Romāis
qui: & de quelles
maisons.*

*En quoy estoient
employez les Pa-
trices.*

*Exercice de la po-
pulaire à Rome dès
le cōmencement.*

*Client signifie ce-
luy qui est sous la
protection d'un
autre.*

parties principales cartiers, ou tributs, & les moindres furent par luy ap-
pellées Cours, ou assemblées, & leurs chefs porterent le tiltre de Decu-
rions. Et ceste diuision ainsi faite, les chefs ordonnez & departy qu'il eut
les cartiers: il partagea aussi le terroir, & finage des champs suiets aux Ro-
mains en trente parties, assignant à chascune court sa part pour s'en nour-
rir: & ne retint pour soy que ce qui pouuoit suffire pour l'ornement des
temples & fournitures ou frais des sacrifices: & laissa encor vne partie de
terroir sans la partager, à fin qu'elle fut pour le seruice commun de tous
lescitoyens. Et par ce moyen ceste diuision & partage tant des hommes,
que du finage rendit vne esgalité non suiète à l'enuie entre les citoyens
de Rome, & si ne laissa en arriere avec celà le soing du bien publique, en-
tant qu'il donna & distribua à chacun les honneurs selon sa vertu, & me-
rite de ses biens-faits & œuvres loüables.

Car il mit difference entre ceux qui estoient nobles, & illustres tant
en sang, comme en quelque acte vertueux, & lesquels aussi estoient
riches: & ceux qui auoyent des enfans pour seruir au public: & voulut
que fussent discernés d'avec le peuple plus bas, & la troupe des roturiers,
lesquels il appella Plebéés, & ceux qui estoient en plus grande autorité,
& iouissoient d'une meilleure condition porterent le tiltre de Peres, qui
estoit cause que par succession de temps, ceux qui sortirent de ceste anciē-
ne & noble race des peres nommez par Romule, furent depuis à Rome
nommez Patrices. Ayant ainsi diuisé les estats, & séparé les grans d'avec
les Plebéés, il feit tout aussi tost des ordonnances concernans le deuoir
de chacun, & comme ils deuoyent se gouverner chacun selon son ranc &
condition. Entant que les Patrices estoient receus au Pontificat & Pre-
strise, pour faire les sacrifices publiques, estoient commis à la charge de la
police & faits magistrats, prononçoient les sentences, faisans droit à cha-
cun, appelez avec le Roy à manier les affaires, & sur tout failloit que ne-
gociassent en ce qui touchoit l'estat de la cité. Les Plebéés estans dispen-
cez de telles charges, & en estans mal idoines & necessiteux à cause de
leur pauureté failloit que s'adonnassent à cultiuer les terres, & paistre leurs
troupeaux, & à suyure quelque trafic, ou art, & mestier pour viure. Et à fin
qu'il n'y eut discorde entr'eux, & que les grands n'oprimassent les petits,
ou les Plebéés n'enuiassent la fortune des puissans, ordōna que les riches
prinsent le soing des Plebéens, & permist à chacun des moindres d'entre
le peuple, d'auoir vn des seig. pour son patrō & suport & apella ce choix,
droit de Patronage, par ce moyen ayant fait que les riches ne mesprisoyēt
point les pauvres, & que les petits portoyent reuerence à leurs conserua-
teurs, il causa vne grande amitié entre les estats: & n'estoit moindre l'affec-
tion des patrons & seig. enuers leurs cliens, & pauvres qu'ils prenoient
en leur protection que du pere enuers ses propres enfans: & le client re-
ueroit le patrō comme son pere. Et y auoit des cas particuliers, où l'un ne
pouuoit vser d'aucun indeuoir à l'endroit de l'autre, sans encourir vn blas-
pheme de detestatiō & impieté: si cōme il estoit deffendu de s'accuser l'un
l'autre ny porter tesmoignage, ny suyure le party & ligue des ennemys
de quelle que ce fut des parties: & en ceste sorte s'establissoit & prenoit
force

force l'accord, & vnion des citoyens de Rome. Or donna & esleut depuis Romule cent Conseilliers d'entre les Patrices : & en fut le choix en ceste sorte: premierement il choisist le plus homme de bien d'entre tous, lequel il feit son lieutenant es affaires de la police en la cité, tādīs qu'il seroit occupé à la guerre: puis commanda à chacun des cartiers & bandes de choisir & eslire trois hommes de chacune troupe gens remarquez en noblesse, chargez d'ans, & approuuez par leur grande sagesse. Commanda encor à toutes les courts de chercher neuf hommes, de chacune court, & cartier trois, lesquelles fussent d'entre les premiers & plus seigneurs des Patrices: à ces neuf, il adiousta les nonatē esleuz par les bandes & tribus pour estre chef des suffrages, & meit encor avec eux celuy que desia il auoit fait chef de la police en son absence, & par tel moyen, il parfeit le nombre de cent Conseilliers: & ceste assemblée fut nommée Senat par les Romains & les chefs d'icelle eurent nō de Peres, à cause de leur autorité & de Senateurs, à cause de l'age, pour ce que le mot senex en latin, emporte autāt que vieillard en nostre langue. Après cecy Romule choisist trois cens ieunes hommes des plus nobles & illustres, & qu'il cognoissoit pour les plus puissans & robustes, tirez des cartiers & bandes tout ainsi qu'il en auoit vſé en l'election du Senat, à ſçauoir dix de chacune troupe, & les tint comme gardes tousiours pres de sa personne. Ceux cy furent nommez Celeres, cest à dire hastifs, à cause de la grande diligence de laquelle ils vſoyent, executās la volonté & commandement royal. Or le deuoir & office du Roy, estoit premierement de presider aux temples & sacrifices & faire tout ce qui estoit ſeāt & propre pour l'hōneur & seruice des Dieux: c'estoit à luy aussi d'estre protecteur & conseruateur des loix, & coustumes du païs, & de tous les priuileges & immunitē du peuple: En sa puissāce estoit encor de conuoquer le Senat, d'assembler le peuple, & à la guerre d'estre le chef, & general de toute l'armée. Et donna telle & si grande puissāce à l'ordre Senatoire, que de toute chose qu'on faisoit raport le Senat en cogneut & y donnaist sa voix, & avec telle preēminence, que la plus grand partie des voix, l'emportast es aduis & consultations. Au peuple il octroya ces trois priuileges de créer les Magistrats, d'accepter ou regetter les loix qui seroient establies, & de donner consentement à la guerre lors que le Roy auroit volonté de guerroyer: non toutesfois que ceste puissāce populaire fust si absoluē, que pour auctoriser l'ordonnance tant du Roy que du peuple, il ne faillust que le Senat y meist la main, & l'emologast par son consentement. Le peuple ballotoit non par teste, mais par troupes & selon l'aduis de plusieurs bandes, il en estoit fait raport au Senat à fin d'en deliberer. Mais depuis cest ordre fut renuerſé, veu que le Senat ne cognoissoit aucunement des ordonnances faite par le peuple, lequel estoit seig. ſouuerain ratifiant, & approuuant selon sa fantaisie ce que le Senat venoit à establiſſir, & ordonner. En ceste diuision des affaires faite par Romule fust pour la paix, ou pour la guerre, les Celeres, ou soldats de sa garde estoient cōmis pour en executer les mādemens, de sorte q̄ ſil n'estoit plus queſtiō q̄ de cōduire l'armée, on n'estoit point en peine d'eslire tousiours des Capitaines, ou que les cours & bandes feissent choix de centeniers, ny

*Electiō du Senat
cōme faite à Ro-
me.*

*Choix des gardes
pour le corps du
Roy.*

*Pourquoy les gar-
des du Roy, Rom.
nōmez, Celeres.*

*Quelle estoit la
puissāce du Roy.*

*Puissāce du Se-
nat.
Priuileges du peu-
ple Romain.*

*Le peuple estoit
seig. de l'Empire.*

*Celeres, gardes du
Roy, pourquoy
nōmez ainsi.*

LIVRE TROISIÈME

*Le mot Latin
Miles d'où vient.*

*Majesté du Roy
Romain.*

*Romainsont pref-
que tout après des
Toscans.*

*L'Asile basti par
Romule, à quelle
fin.*

*Loy de guerre tou-
chât les villes pri-
ses.*

*Loy sur les maria-
ges.*

*Femme esgalee à
l'homme à Rome.*

*Peine des femmes
adulteres.*

*Vin deffendu aux
femmes Romai-
nes. Polyb. li. 6.*

de chefs pour la caualerie, veu que le Roy auoit tous ses gens prests, lesquels auoyent la charge de faire les leuées de sa gendarmerie, laquelle venoit toute ensemble bien en point, & chacun estant armé selon son ranc & qualité. Il esleut encor mille soldats tous d'eslite, lesquels à cause que parfaisoient le nombre millenaire il appella milites. Et à fin de se rendre admiré & honoré du peuple il se vestist pompeusement portant l'habit royal & autres marqs de souueraineté, & ayât douze archers avec leurs haches qui marchoyent tousiours deuant luy, avec des faisseaux de verges, lesquels representoyent l'augure des douze Vautours, qui luy presagerent qu'il seroit Roy de Rome, si ce n'est qu'aussi bien en cecy, qu'en d'autres ceremonies, les Romains se gouuernassent selon la façon de faire des Ethruriens, & Toscans: lesquels estans composez de douze peuples, comme tous obeissent à vn seul chef, si est-ce que chascun luy donnoit vn Liçteur, ou huissier de son cartier. Aussi le siege royal, char tryomphant & manteau imperial, desquels vsoit le Roy Romain, & autres tels & pareils ornemens auoyent esté pris sans doubte quelconque des Toscans.

Romule encor voulant augmenter les forces de sa nouuelle cité, prenant vn honnestre pretexte de faire seruice aux dieux, entant qu'il feist bastir vn oratoire dans vn boys, & lieu ombrageux, auquel estoit loisible à chacun de se garantir & sauuer, ayant commis quelque grand faulte, sans qu'il fut permis à personne de l'en tirer, à cause que Romule faignant le deuotieux, les pleigeoit, & receuoit à garant comme les amys & hostes de Iupiter, leur promettant toute immunité, & qu'ils ne seroyent là aucunement interessez de leurs ennemys: & s'ils vouloyent demeurer avec luy, il les faisoit citoyens de Rome, & leur donnoit part au champ & terroir qu'il auoit conquis par guerre. Or donna aussi que les villes prises en guerre ne fussent point ruinées, ny mises en seruitude plustost y enuoyant des habitans de Rome, selon la portée de la region les feissent colonies, & filles de leur cité iouissantes de mesmes priuileges que les Romains, & estans leurs concitoyenes. Or apres la mort de Tite Tacie avec lequel Romule auoit gouuerné les peuples Romain, & Sabin, par l'espace de cinq ans, tourna sa fantasie à la police & aux choses concernant le seruice des Dieux, faisant de belles ordonnances tant pour le bien public que respect de chacun en son particulier. Feit la loy des mariages par laquelle il vouloit que la femme eut communauté és biens meubles & autres de son mary, voire en ce mesme qui estoit sacre, neantmoins qu'elle s'accommoderoit aux façons de faire de son espoux, & seroit tout ainsi dame & maistresse en la maison, comme le mary en estoit réputé le seigneur, & le maistre. Luy mourant sans hoir, qu'elle luy succedast comme heritiere: & s'il auoit des enfans, que ce nonobstant elle eust esgale portion avec eux de l'heritage. Celle qui estoit conuaincue d'adultere, la loy permettoit au mary, & parent de la tuer à sa fantasie.

Celle qui beuoit du vin estoit punie de mesme que l'adultere, & semble que ceste ordonnance ayt causé la coustume ancienne à Ro-

me que toutes les fois que les Romains entroyent en leurs maisons, de quelque part qu'ils vinssent, ils baisoyent leur femmes & filles, à fin, cōme dit Caton Portie, de veoir & tenter si elles sentoient point l'odeur du vin. Car tout ainsi qu'ils estimerent que la corruption du corps, & des mœurs estoit vn commencement de folie, & peruertissement de sens, aussi l'yurongnerie estoit la cause de ceste deprauiation, & degast de la vie chaste, & pudique. Romule donna aussi aux peres toute puissance sur leurs enfans, soit qu'ils les voulussent chastier, ou battre, ou les lier, & faire travailler aux champs comme esclaves, voire leur ottroya-il, & de les vendre, & de les occir.

Si vn fils auoit esté vendu par son pere, & qu'il se rachetast, il ottroyoit au pere de le reuendre, & deux & trois fois, pour son affaire. Et trois cens ans apres, ceste loy fut enregistrée avec celles des douze tables : iagoit que Nume Pompilie adoucist aucunement la rigueur de l'ordonnance, lors qu'il establist que les peres n'auroient desormais telle puissance sur les enfans dès qu'ils auroient espousé femme. Furent faites depuis plusieurs autres constitutions pour la police, si comme la defence à tout homme de franche condition de s'adonner à aucun vil mestier, & art mecanique : L'art militaire, & l'agriculture estoient permis à tout citoyen : & de là vint que pour bien louer vn homme, le Prouerbe courut long temps à Rome, il est bon soldat & bon laboureur. Le Roy establisant ceste loy, estimoit chose imparfaicte de separer ces deux estats, entant qu'il voyoit estre necessaire que les champs fussent cultiuez, & qu'on s'adonnast à l'exercice de la guerre, suyuant la coustume, & statuts des Lacedemoniens. Et à ceste cause il voulut qu'en temps de paix ses citoyens s'adonnassent à cultiuer les champs, auxquels il permit encor le trafic, mais des choses necessaires, & qui defailloyent en leur cité.

Et n'oublia point la religion dressant & bastissant des temples, autels, & simulachres des Dieux adorez par les Romains : à quoy il aiousta les iours des festes, sacrifices, & assemblées publiques, & tout autre effect seruant au seruice des Dieux, deffendant route ceremonie estrangere, & sur tout les façons de faire des Grecs, sauf la maniere d'adorer Hercule introduite en Italie, ia dès le temps qu'Euandre Arcadien l'institua en la region latie. Denys de Halycarnasse suyuant l'opinion de Varron dit, que il y auoit soixante Prestres ordonnez pour sacrifier en chascun cartier, & court de la cité auxquels il adiousta les Aruspices pour tirer le sens & diuination des entrailles des bestes immolées. A chascune court estoit deputé vn propre Genie, ou patron, & des ministres qui luy faisoient sacrifice : mais le simulachre commun & honoré de toute la cité estoit Veste : & partist l'année en dix mois : par lesquelles considerations on peut veoir que Romule n'estoit du tout grossier, & ignorant les choses tant humaines que diuines : & que les Romains, ainsi que plusieurs ont estimé, n'estoyent point sans religion & police, auant que Pompilie eut le maniement du royaume : & celles furent les ordonnances faites par Romule. Son successeur Pompilie en fit plusieurs autres, & reduit l'an en douze mois selon le cours de la Lune : & chageant l'ordre d'iceux, fies.

Celie Rhodig. li. 28. cha. 6.

Puissance absolue des peres sur les enfans.

Loy de Nume Pomp. derogant celle de Romule.

Les arts mecaniques deffendus aux Romains : mais celle fut à l'imitation des Laconiens.

Plutarq. en la vie de Nume, dit que ce 2. Roy ne souffrit qu'on feist aucune statue.

Les Prestres Herculeens s'appelloient Potities, & Pinnaries. voy Macr. 1. des Satur. & Fenestelle. lin. des Prestres Rom. Tite Liue. li. 1.

Aruspice signifie regarde autel. Des Genies, voy Apulee au li. de la doctrine de Platon De Veste, voy S. August. cité de Dieu li. 4. Ha'icar. li. 2. Feste.

Aule gelle. li. 1. L'an reduit en 12. mois par Pompilie. voy Macr. 1. des Saturnal. Voy Ouid. és Fastes.

LIVRE TROISIEME

*Flamines Dial,
Martial & Qui-
rinal establis par
Pompilie.
Vestales introdui-
tes à Rome par
Pompilie: neant-
moins auant Ro-
mule il y en auoit.*

*C'estoit à elles à
garder le feu per-
petuel au temple.*

*Porte Colline à
esté aussi nommée
Salarie.
Punitoin des Ve-
stales commettans
inceste.*

*† Mars Gradiue.
Feste Pompée.
Saliens Prestres
dancours & leur
vestement.*

*D'où prindrēt nō
les Saliens. voy
Nonie Marcelli.*

*Liue liur. 1.
Plutarq. en la vie
de Nume.*

*Denys Halicar.
liu. 2.*

*Des Curetes. voy
Strabon liu. 10.*

*Diodore Sicil.
antiqu liu. 5.*

*Electiō du Pōtife
à Rome par Pō-
pilie.*

*Creation, & puis-
sance des anciens
Feciaux & He-
raux à Rome.*

comme ainsi soit que Mars fut le premier, il le rendit le troisieme luy preferant & Ianuier, & Feburier. Il ordonna les iours Fastes, & Nefastes, c'est à dire esquels on pouuoit auoir affaire & assembler le peuple, où durant lesquels les assemblées estoient deffendues. Ce fut de son ordonnance que le Flamine, ou Prestre Dial fut estably en l'honneur de Iupiter, & auquel il octroya d'estre vestu richement, & d'aller sur vn char triomphant lors qu'il marcheroit par ville. Il en dedia encore deux autres l'un à Mars, & l'autre à Quirin, ou Romule, & les appella Flamines, à cause de certain ornement de fil de laine qu'ils portoyent sur la teste.

Par son ordonnance encor les vierges vestales furent esluës & choisies: lesquelles les dix ans premiers aprenoyent la maniere, & façon des sacrifices, & tout autant d'années elles s'employoyent au seruice du tēple: en la troisieme dixaine de leur temps elles instruisoyent les nouices, & celles qu'on prenoit pour tel seruice: & apres ce temps si quelqu'une se vouloit marier il luy estoit loisible de choisir, où la virginité, où le mariage.

Pompilie leur establit reuenu public pour leur soustien, & nourriture, les rendant honorées & respectées de chascun, tant à cause de leur virginité perpetuelle, que pour plusieurs grandes ceremonies desquelles elles vloyent. Si quelqu'une d'elles estoit conuaincue de s'estre portée peu chastement, on la conduisoit avec grand, & triste silence deuant tout le peuple: & pres la porte colline, on la gettoit dans vne grotte, & fosse souterraine toute viue, & estoit occise le peuple l'accablant de terre, & l'y enterrant pour son vice. Ce fut Nume qui sacra à Mars Gradiue, ou guerrier douze Prestres qu'il appelle Saliens ou dāceurs, lesquels au moys qui porte le nom de cest Astre, en plusieurs lieux de la cité à diuers iours à ce ordonnez faisoient, & dressoient le bal, & dance solennelle, vestuz d'une robe de diuerses couleurs, mais toutesfois my partie d'escarlatte, ayant vn baudrier d'Erain, & l'espee ceinte au costé portans en main droite vne lance, & vne verge, & à la gauche vn bouclier fait à la thracienne en forme de croissant, portans de haults chapeaux, & pointuz sur leurs testes. Denys de Halycarnasse pense que ces Saliens estoient les mesmes que les Grecs apelloient Curetes, & appelez ainsi Saliens, à cause qu'ils ne cessoyent de sauteler, & dancer durant leurs ceremonies. Apres ce il ordonna vn souuerain Euesque qu'il nomma Pontife, sous la puissance duquel gisoyēt toutes les ceremonies, & l'ordre des sacrifices, & estoit à luy de prescrire & ordōner les iours, & la maniere d'offrir & quelles bestes deuoient estre immolées, & ce Roy luy mōstra le tout & luy donna par escrit, iusqu'à declairer en quels temples failloit que les ceremonies fussent celebrées. Entre tāt de sortes de sacrificeurs on mesla les Feciaux, qui estoient comme noz heraux, la charge desquelz gisoit à faire, de forte que iamais les Romains ne feissent iniustement la guerre à nation quelconque. Que si quelcun auoit rauy quelque cas appartenāt aux Romains, ces heraux alloient semondre les raiisseurs d'en faire raison, ce que leur estant refusé, ils leur denonçoient la guerre, prononçans certains vers faits & composez à cest effait. Avec pareille puissance ils faisoient droit aux estrangers si les Romains leur auoyent iniustement occupé quel-

que chose, iusqu'à leur liurer celuy qui auoit fait l'iniure si le cas le requeroit, afin d'en prendre vengeance. C'estoit à eux de punir les torts faits aux legats & ambassadeurs estrangers, de garder ce qui estoit de bon & legitime es accords & pactions, ilz auoyent puissance de traiter la paix, ou de la rompre si elle leur sembloit preiudiciable au peuple Romain; & si le general de l'armée, ou toute la troupe du cap, auoit fait & commis quelque crime contre le serment public, & foy promise, les heraux en ordonnoyent & punissoyent les delinquans pour purger la cité du forfait. Ordonna d'auantage de faire dueil des enfans qui decedoyent moindres de trois ans d'aage: & de ceux qui passoyent ce temps, il ne vouloit qu'on en portast le dueil sinon autant de moys que l'enfant auoit vescu d'années: le plus long terme du dueil festendoit à dix mois. Il departist le peuple en diuerses bendes & freries & approuua les communautez des artisans, comme des massons, charpentiers, teinturiers, cordonniers, conroyeurs, menuisiers, menestriers, potiers, & autres establisant des ceremonies & festes propres pour chacun mestier des dieux, & iours destineez pour solenniser leur patron & tutelaire. Seruie Tullie feit les departemens de toute la multitude des citoyens en bendes, & centaines, & fut tel l'ordre qu'il y garda: que ceux qui auoyent vaillant 100000. sesterces tinssent le premier lieu & sous ce cartier estoyent contenues quatre vings centaines, & esgalla le nombre tant des vieillards que des ieunes, afin que les foibles à cause de l'aage fussent foy tenans à Rome tousiours prests pour la deffence de la cité: & que la ieunesse suiuit les guerres qui se faisoient en la campagne.

Aux vns & autres fut enioint de porter pour armes, le corselet, bourguignotte, & bouclier, & autres choses deffensives, & allans au combat failloit porter l'espée & la halebarde. A ceste compaignie il aiousta deux centaines de manouuriers, & ingenieurs qui auoyent la charge de cōduire les machines, & pieces de baterie, & marchoyent sans aucun appareil d'armes & sans deffence. La seconde troupe fut de ceux qui auoyent le cens de soixante quinze mille sesterces iusqu'à 100000. & portoyēt l'escu, morion, & cuissots, mais ne portoyent point de corselet, auoyent pareilles armes offensives que les premieres, & discernez aussi selon la vieillesse, ou verdeur de l'aage. Le reuenu de 50000. feit la troisieme bande, qui fut comme la precedente de 20. centaines, portās pareilles armes, sauf les greues & soleretz à bandes de fer. La bande quatriesme estoit de ceux qui auoit moitié moins de reuenu que les precedens, & n'estoyent tenus de porter qu'une iauceline. La cinquiesme bande contenoit 30. centaines, & estoyent tous fonditeurs, ou getteurs de pierres, aussi leurs armes offensives estoyent des pierres & fondes, & les deffensives vn morion lassé, & au bras vne rondelle ayant trois pieds de Diametre en sa circonference: encore portoyent ilz vn dard, & vne dague lōgue d'une brassée sur le costé droit, & seruoient d'auan-coureurs pour descouurir pais, & surprendre l'ennemy ne se tenant bien sur ses gardes. Sous le cens, & departement de ceux-cy estoyēt compris les ioueurs de fleustes & cornets, lesquels estoyēt partis en trois centaines: & la valeur plus haulte du bien de ceux qui estoyent de ceste communauté montoit à 40000. sesterces. Tous ceux qui

Communauté des mestiers par qui establie à Rome.

Cestuy fut le 6. roy des Romains. Departement des Dizaines à Rome.

Armes anciennes des Romains.

Telz, que sont à present noz. Piedniers.

Les Greues Et soleretz des anciens Romains, estoyēt des Lames, Et bandes subtiles de fer leur entortillāt les iambes.

Getteurs de pierres, & autres Velites. voy Polybe.

*Courtoisie du Roy
Seruie envers le
peuple.*

*Serment des ci-
toyens.*

*Peine des pariu-
res.*

*Election & creüe
de la caualerie
Romaine.*

*Vesues taillées à
payer la gendar-
merie.*

*Ordre des suffra-
ges.*

n'auoyent vaillant ceste somme, estoient mis au plus bas ranc, & auxquels Seruie Tullie quitta le tribut, & les dispensa de la guerre à cause de leur extreme pauureté. Il contraignit les citoyens à faire serment de dire le pris chacun du bien qu'il possedoit, de quelz parens ilz estoient sortis, quelz & combien ilz auoyent d'enfans, & de quel aage ilz estoient, & les ans de leurs femmes & enfans, leur nom, le cartier de leur demeure, ou la ruë où estoit leur domicile. Et si quelcun failloit à dire la verité de cecy, il n'en auoit pas meilleur marché que de perdre ses biens, d'estre vendu, & mis en seruitude, apres auoir esté foueté pour son pariure.

La leuée de la fanterie estant faite & distribuée, il feit vne nouuelle creüe de caualerie, y mettant & enrollant les premiers, & principaux de la cité, tellement que ceux-cy iointz à ceux que Romule auoit iadis créez, & que depuis Tarquin l'Ancien y auoit aiousté, les bandes montoient à dixhuit centaines : à chacun desquelz nouueaux gendarmes on donna certaine quantité de deniers du thesor public pour acheter armes, & montures, & receuoient deux mille pieces d'or tous les ans pour payement & nourriture de leurs cheuaux : & y auoit des vesues, qui auoyent charge de fournir à la somme pour les finances & soulde de la caualerie pour chacune année.

En somme tant les Cheualiers que pietons, faisoient le denombrement de 193. centaines, auxquelles estoit gardé, & octroyé esgal droit, selon le merite aux suffrages : tellement que ceux qui auoyent le mieux de quoy portoyent aussi les plus grands charges, & pour recompence tenoyent aussi le premier lieu à dire leur aduis aux assemblées publiques. Car Seruie ayant l'alegement du peuple, auoit ordonné que le cens, tailles, & tribut ne seroit point leué par teste, ains selon l'estimation du reuenue, le fort suportant le foible, & le riche celuy qui estoit sans grand moyen, ny richesse. Au reste (selon que recite Denys de Halcarnasse,) la premiere bande eut quatre vingts centuries de fanterie avec lesquelles la caualerie donnoit ses suffrages, tellement que au premier balotage, il y auoit nonante huit centaines. Et d'autant que ce nombre surpassoit le reste de ceux qui auoyent droit de suffrages, il aduenoit que ce que ce nombre accordoit, on le tenoit pour seur, legitime, & ratifié, quelle que fust l'occasion, & tant grande fut elle pour laquelle on eut assemblé la multitude.

Que si, (ce que toutesfois n'aduenoit guere souuent,) ce premier ranc varioit en opinion, alors la seconde bande estoit mise en ieu, & ainsi successiuellement les autres chacune selon son ordre, tellement que guerre iamais n'aduint que la derniere deust vider le different de la diuersité des autres. La sagesse de ce Roy Tullie feit si bien que ceux qui contribuoyent le plus pour le soulagement de la Cité, eussent aussi plus d'autorité ez conclusions de l'estat ez assemblées publiques, desquelles, iagoit que personne ne fut regetté, si est-ce que la plus forte voix consistoit ez Cheualiers & centaines de la premiere bande, & regiment, comme ceux qui auoyent puissance d'eslire, & créer telz magistratz que bon leur sembloit, d'ordonner loix & de denoncer la guerre : desquel-

les trois choses Romule oſtroya dès le commencement l'autorité au peuple. Mais les Roys eſtant chasſez de Rome, l'eſtat & gouverne-
ment priſt auſſi nouvelle forme: car en lieu des Roys, on eſleut des
Conſulz annuelz, leſquelz portoyent meſme ornement, & pareille mar-
que d'autorité ſauf la couronne, & la robe Royale faite de drap d'or,
& a branchages de Palmes.

Auſſi quand Brute obtint celle dignité avec Collatin en l'aſſemblée de
toutes les Courts & centaines, il ſeit faire ſerment au peuple de ne plus
iamais ſouffrir que aucun fut Roy, ny ſeul ſouuerain en la cité de Ro-
me. Ce Brute accompliſt le nombre de 300. Senateurs, & ordonna
le Roy-preſtre, lequel auoit charge de parfaire les ſacres & ſacrifices
qui eſtoient iadis offertz par les ſeulz Roys.

Lucie Valere eſtant Conſul, ſeit la Loy qui permettoit d'appeler des Con-
ſulz au peuple, ordonnant peine de mort, à quiconque ſ'introduiroit
vn Magiſtrat ſans le conſentement du peuple: & voulut que le peu-
ple fut allegé des tributz, avec leſquelz on l'auoit oppreſſé, afin que il
fut plus prompt au ſeruice de la cité. Eſtabliſt en outre que quicon-
que taſcheroit de ſe faire ſeigneur & tyran, que il fut loiſible de l'oc-
cir ſans aucune forme de proces. Et fut de ſon inuention que le
peuple eſleut deux Queſteurs, c'eſt à dire theſories, qui euſſent la char-
ge du theſor public gardé dans le Temple de Saturne. Apres cecy on
commença à eſlire vn ſouuerain magiſtrat que ilz nommerent dicta-
teur, prenans (comme il ſemble) l'exemple des Grecz, leſquelz (ainſi
que dit Theophraste aux liures des Royaumes) eſleurent pour certain
temps des ſeigneurs qu'ilz apelloyent Eſymmetes. Auſſi la dignité dicta-
toire ne ſ'eſtendoit plus loing que de ſix mois entre les Romains, & n'eſ-
liſoit-on que lors que l'eſtat branſloit ſous quelque grande neceſſité. C'e-
ſtoit au dictateur d'eſlire les autres Magiſtratz, & meſmement le grand
maître de la caualerie, qui apres luy auoit le droit de toute puiſſance, &
meſmement ſur les hommes d'armes, & ceux qui eſtoient contenus aux
cens & tributs des bendes. Le dictateur auoit encor, tout ainſi que les
Roys, vn Mareſchal de camp, qu'ilz apelloyent tribun. Les troubles ſ'eſ-
mouuans en la cité entre les nobles & le peuple, furent eſleus les tribuns
du peuple, magiſtrat ſacré & inuiolable, & lequel tenoit teſte aux Cōſulz,
afin qu'ilz ne foulaffent la multitude: & n'eſtoit permis aux gentilhōm-
mes & patrices d'auoir entrée à ceſte dignité. La puiſſance de laquelle a
eſté quelquefois ſi exorbitante, que tout eſtoit confuz par leur moyen,
& faiſoyent, & abolifſoyent les loix à leur fantaſie, annulans les decretz
du Senat & ordonnances conſulaires, & eſtoient premierement deux,
puis trois, & à la fin cinq en nombre. Encore aduint à Rome que les Cō-
ſulz à my-chasſez, on eſleut dix hommes, qui auoyent toute puiſſance, &
ce pour l'eſtabliſſement de l'eſtat & promulgatiō des loix, & leſquelz pu-
blièrent au peuple les dix tables: mais ce magiſtrat ne dura guere à cauſe
de la tyrannie de ceux qui y furent appelez, qui penſans chasſer à iamais
le pouuoir des Tribuns de la cité, ſ'en veirent chasſez par ceſte digni-
té populaire: & deſlors fut ordonné que ce que la multitude ordonne-

*Puiſſance du peu-
ple à Rome ot-
troyée par Romu-
le.*

*Voyez de cecy
Plutarq en la vie
de Valere. Tite*

*Line.
Denys Halycar.
Flore.
Pline ſecond.*

*Ce Valere fut nô-
mé Publicole,
pour eſtre grand
amy du peuple.*

*Puiſſance du di-
ctateur.*

*Theophraste liur.
des Royaumes.*

*Magiſtrats eſleus
par le dictateur.
Voy Fenestelle li.
des Magiſt. Rom.*

*Tribuns du peuple
pourquoy eſleus.
Insolence des tri-
buns.*

*Les dix hommes
avec la puiſſance
conſulaire.*

*Censeurs, & leur
autorité.*

*Preteurs à quoy
crées & ordonnées.*

*Cesar viola l'or-
dre de la liberté
Romaine. Voy
Suetone en sa vie
& Dion. liv. 42.
& 43.*

*Pape funebre fai-
te aux anciens
Empereurs.*

*Cecy est pris pres-
que mot à mot de
Herodian liv. 4.
parlant du convoi
de l'Emp. Seneca.*

roit, seroit tenu inuiolablement par tous les citoyens de Rome. Furent encor creéz les Censeurs de peu d'autorité au commencement, comme ceux qui auoyent seulement esgard sur les greffiers, & notaires, & sur le denombrement des tailles: mais depuis ce magistrat vint en telle force, grandeur & autorité que c'estoit au Censeur à corriger les mœurs, & reformer la vie de quel que ce fut des citoyens de Rome: ayant iugement sur le Senat, & sur la cavalerie, sur les tributs, & reueuës du peuple, gettas du senat, ou iugeans infames ceux que bon leur sembloit, & selon que la raison leur en donnoit occasiō, & cause iuste & legitime. On establīst encor les preteurs pour faire droit, & ouyr les differens d'entre les citoyens, lesquels auoyent puissance de faire des loix nouvelles, & abolir les anciēnes: il y en auoit deux, l'un pour la cité, & l'autre qui faisoit iustice aux estrangers: & ceux-cy portoyent presque mesmes ornements, & auoyēt toute telle garde que les Consuls. Ceste police dura à Rome, iusqu'à ce que Iule Cesar y renouuella la Monarchie, laquelle à continué iusques à nostre temps sous le nom & tiltre de l'Empire. [Je laisseray tout ce que l'auteur va recueillir des lutteurs, escrimeurs, & ioueurs de Farces desquelz Rome a iadis esté farcie: & ne discourray de leurs dāces, Histrions, Momes, Satyres, Comedies, & Tragedies, content que vous lysez ce qui est de plus prouffitāble, & digne de l'oreille du Chrestien, qui doit estre esloigné de tout ce chatouillement plein de lubricité, superstition & infame idolatrie: De laquelle ceste grande cité a esté iadis la plus infectée qu'autre de l'univers.] Je n'oublieray de reciter avec quelle pompe, & folle superstition, le senat & peuple Romain mettoient leurs Princes, & Empereurs deffants au nombre des dieux, & leur donnoit place au ciel, les canonisants comme celestes. On posoit premierement (ainsi que recite Herodian) en la court du palais de l'Empereur l'effigie du prince trespasé faite d'ivoire, & le representant au vif, assise sur un lit couuert de drap d'or, & estoit ceste image gisante passee, & decoulourée, comme un homme malade: Autour de ce lit royal assistoit la plus part du iour presque tout le Senat du costé gauche vestu de robes noires, & à main droite estoient les dames les plus nobles de la cité toutes abillées de blanc: car ceste couleur fut iadis le signe de deuil aux femmes, sans qu'elles portassent aucun ioyaux, affiquet, ny dorure & se tenoyent en cest apareil par l'espace de sept iours autour du cercueil, & lit du deffunct. Ce pendant les medecins alloient, & venoyent visiter le patient, & denonçoient que la maladie alloit en empirant, & à la fin, comme si lors il fut freschement trespasé. La ieunesse tant d'être les cheualiers que Patrices & Senateurs, portoyent le corps par la rue nommée sacre iusqu'à la court & lieu des plaidoyers, posans le lit au lieu mesme où les orateurs declamoyēt deuant le peuple apellé Rostres, ou pointes de nauires: & là les enfans de tous sexes sortis des races plus illustres, chantoient des hymnes pitoyables en l'honneur du prince decedé. Ce lit d'ivoire estoit depuis porté de la court au champ de Mars, & là estoit dressé un eschaffault fait en forme quarrée, sur lequel on montoit par des degrez qui alloient en estressissant en figure d'obelisque: au dedās duquel tout reluisoit en tapisserie d'or, de soye, & de pourpre, en tableaux d'ivoire, &

re, & infinité de belles & magnifiques peintures, & de tât plus les degrez estoient hault esleuez, de tant les images plus petites qu'eux, auoyét aussi plus d'apparence : & au dedans y auoit vn tas & mōceau de bois sec, & autres choses combustibles. Assise que estoit l'effigie au secōd degré, & parfumée de toute espece d'odeurs & choses aromatiques & precieuses que chacun des citoyens y portoit comme à l'enuy, la ieunesse d'entre les plus nobles & illustres alloit à cheual autour de l'eschaffault, & sembloit que suiussent certaine dance & mesure solēnelle en se pourmenāt. Couroyēt aussi autour des chariots branlans, & ceux qui estoient assis dessus representoyent les personnes des princes plus grans & illustres. Ce que fait celui qui deuoit succeder à l'Empire, portant vne torche au poing mettoit le feu le premier, & puis toute la multitude l'allumoit aussi par le bas, & la flamme estant esprise, on faisoit sortir vne aigle du plus eminent lieu de l'eschaffault, laquelle on pēsoit que emportast l'ame du Prince au Ciel entre les bras de Iupiter. Et l'Empereur qui estoit deifié en ceste sorte, estoit aussi superstitieusement adoré comme Dieu entre les Romains. Et voila quant à l'anciē estat d'Italie : & sur tout de la cité de Rome. Or tout ainsi que iadis l'Italie a esté estrangēment adonnée à l'Idolatrie & superstitiō, à present elle embrasse tresreligieusement la foy & doctrine des Apostres & messagers de nostre seigneur Iesuschrist, toute la Chrestienté presque suiuant les ceremonies ainsi que les tient la sainte Apostolique, & Catholique Eglise de Rome, aumoins en l'Europe, si ce n'est en quelque coing d'Italie & en Esclauonie, & par la Grece, Moscouiē, & Lithuanie, que on suit l'erreur Grec. Les aisnez des maisons tant des Roys (quand il y en auoit) que des Princes obtiennent la succession de leurs peres, suyuant la façon de faire ancienne : mais entre ceux qui sont de plus basse estoife les partages sy sont esgaulx entre les masses, pourueu qu'ilz soyent legitimes. L'Italie suit trois sortes de droit, car elle obeit aux loix Imperiales, aux decretz des Papes, & a encore le droit qu'on nomme Municipal, & coustumier de chacun païs & villes, contenant des loix qui concernent le bien, proufit & immunité de chacune cité en particulier. Les iugemens y sont traitez diuersement, entant qu'en d'aucuns endroits les affaires, & police sont maniez par vne troupe choisie de iuges faisans droit au peuple, & ailleurs c'est vn seul Porestat, & Magistrat à qui toute la charge en est cōmise. La premiere & principale noblesse y prouient des armes, si quelcun y a esté heureux en les poursuyuant, & est plus honoré que les autres : a pres lesquelz sont respectez ceux qui sont illustrez par leur grand sçauoir & auancement aux bonnes lettres : & entre les sçauans les Theologiens tiennent le premier ranc, puis les Canonistes, & Docteurs faisans profession de la Loy : le medecin y est admiré : mais le gaing le fait plus respecté que l'honneur qu'on porte à la science. Les Mathematiciens, Logiciens, Astronomiēs & poētes sont reuerrez des hommes de sçauoir, mais le vulgaire n'en tient guere grand compte : les Grammairiens sont estimez les plus vilz, comme ceux qui s'enueillissent en leur pedanterie, & s'arrestent à instruire les enfans. Les prescheurs bien disans y sont renommez, & honorez grādement, & sont plus ouys & respectez, à cause de la sainteté, &

*De mesme sorte
fut presque deifié
Auguste Cesar.
Voy Dion. li. 56.*

*Qui en voudra
voir d'auantage
lyse Blond. en sa
Rome triomphante.*

*Heritage esgal
entre les masses en
Italie.
Quest-ce que droit
Municipal.*

*Degrez, de nobles
se en Italie.*

*Hommes de sçauoir
prifez, en Italie.*

*Les prescheurs ad-
mirez, par l'Ita-
lien.*

LIVRE TROISIEME

*Quelz artisans
prizez en Italie.
Quand il dit Ro-
mains, il entend
ceux de la Romai-
gne.*

*Ceste partie d'ite
Emilie est le pays
du patrimoine, &
Bolonos.*

*Romains mode-
stes e leurs habits.*

*Voy les Castra-
metatios du Bail-
ly des montaig.*

*Augemēt peu sub-
til sur les langues
d'Italie.*

*Ce sont ceux du
Friuli.*

pietē de la religion, que les orateurs qui babillent en vn Senat, lesquelz gagnent plus de pecune que de bonne reputation. La marchandise y est plus recōmandēe qu'en autre lieu, entant que le gain à present, aussi bien que iamais, est en pris & grād vogue. Les peintres, tailleurs, ou imagers, & les fondeurs, & burineurs y sont plus respectez que celui qui cultiue les chāps: iāçoit que le temps passē ce fut aux laboureurs qu'on dōnoit la premiere louange. Les Romains sont presque les seuls d'entre les Italiens qui fadonnent à la pasture & entretien du bestail, & toutesfois leurs bergers sont mercenaires, & conduits d'ailleur pour tel seruice. Leurs habits sont differents selon les païs, & prouinces, mais les Venitiens les portent longs & larges presque superfluemēt: & ceux de la ville y sont encor beaucoup plus somptueux que des champs & bourgades. Apres le Venitien le Florentin & tout autre Toscan se vest plus mignonnement que le reste de l'Italie: les Milanois ceux de la Rōmagne Emilie, & les Geneuois portēt l'habillement plus estroit, & toutesfois ils sont fort braues. L'acoustrement du courtisan à Rome surpasse tout autre en longueur, & diuersitē de couleurs, le Romain naturel est sobre & modeste en son vestement, lequel toutesfois a sa bien-seāce, & gētillesse, & mesmemēt en la parure des dames. Le Napolitain est plus gentiment que superbemēt vestu, & se plaist plus es façons des estrangers que de l'Italie: De laquelle le reste va simplement en ordre, non que les habits n'y soyēt diuers, veu que de nostre tēps on y a veu vne infinitē de changemens au vestir. Au Bolonois & presque par toute la Lōbardie les grādes dames se plaisent fort de shabiller à l'Espaignolle, & les gentilshommes ayment l'ornement du François. A Rome n'aguere que les femmes s'accoustroyent à la Toscane. N'a pas long temps que les dames de Venise portoyent la gorge, sein, & espauls à decouuert, mais à present elles le couurent, & ont des manches fort larges, si que leur habit imite aucunemēt l'Espaignolle. Par les statues, & medailles anciennes des Romains on peut recueillir, que les anciens n'autoyēt point l'vsage de se couvrir, & affubler la teste: voire ny de porter chausses sinon le soldat, & gendarme qui s'armoient les iambes: & l'un & l'autre est à present pratiqué par chacun, mais il est croyable que la coustume de couvrir son chef est venu d'ailleurs en Italie, ce que le mot estranger declare assez manifestemēt. Iadis aussi les chemises & pourpoints de toile, ou laine n'estoyent en vsage, comme on peut aussi voir par les antiquitez des statues: là où à present c'est l'habillemēt le plus commun de la ieunesse. Le langage Italien n'est point celui que iadis, & toutesfois nō du tout dissemblable, mais qui est corrompu & alterē à cause des mots Barbares qui y ont esté introduits en vn lieu plus qu'en autre selon que les estrangers ont tenu plus longuemēt subiettes les Prouinces. Par la coste d'Histrie presque tout le peuple parle Venitien, qui est vne langue polie, copieuse, & graue, & ornēe de la douceur de plusieurs autres langues, à cause que c'est le lieu où trafiquent tous les peuples d'Italie: iadis ce langage Venitien estoit plus rude, & fort mal-plaisant aux oreilles.

Le parler des Carniens auoisinās les Carinthiens est composé de diuers langages, & ayant ne sçay quoy de contraire à l'air des mots Italiens: tou-

resfois plus plaissant à l'ouyr. Vers le païs Treuigian, à Padoue, Verone, Vicenze, Mantoue & Ferrare: là où par tout, ceux des villes sont plus gracieux au parler que les païsans & villageois. Le Lombard & Milanois a ne sçay quelle rudesse grossiere differente, au reste de l'Italie au parler: toutesfois n'y a il païs qui surpasse cestui-cy en beauté de villes, gentillesse, & courtoisie des citoyens, ny en honnesteté & sobriété de vie. De ceux de la Romaine, Rauenne, Rimini, Pefaro, Faenze, Boloigne, & païs du patrimoine, le langage en est doux & poly: le Toscan est brief en parolle imitant l'ancienne façon des Lacedemoniens, & sied mieux ce langage à l'estranger que au naturel du païs. A Rome n'aguere que le parler y estoit rude, mais la frequentation des forains enrichist, & adoucist ceste grossiere rudesse. En la marche d'Ancone païs de Sauine, & en la principauté, le peuple y parle plus rudement, & grossiement que au Duché d'Urbain, que en la Pouille Basilicate & Abrazze, lesquelz comme tout le reste d'Italie ont le langage dur & contraint, & peu meslé de la douceur estrangere, sauf les Napolitans, qui s'estudient à parer leur naturel avec la grauité Espaignolle. En somme quiconque regardera les choses de plus pres, & iugera d'icelles en general, il ne trouuera peuple ny cité, qui ne soit en quelque cas differente à ceux qui l'auoisinent: ainsi que dit Sabellique en ses Encades.

Louange du Milanois & Lombard.

Sabelli. Ennead. 2. liu. 1.

Du païs de Ligurie, ou Geneuois, & anciennes façons de vie des Liguriens. Chapitre 20.



A region de Ligurie, ou terroir Geneuois est la plus part raboteux & plein de montaignes, limité par les deux riuieres du Var, & la Macre: & d'un costé ceint de l'Apennin, & de l'autre du Po, duquel il auoisine la Toscane. Fabie Pictor tiét qu'elle porta le nom de Ligurie de Ligyste fils de Phaëton changeant l'y Grec, en vn V latin. [Nostre auteur, ou le libraire se sont trompez, attribuant à Fabie, ce qui est pris des fragmens supposez de Caton, sur lesquelz s'es-

Description du pays Geneuois. voy Strab. 5. Ptolom. 1. 3. ch. 1. tab. 6. d'Europe. Caton en ses origines Beroſe. 5. des antiq. Annie sur Caton Thucidide.

De Ligurie voy Denys Halyc li. 1. Leandre Bolois en son Italie.

Tout cecy est pris de Diodore. Sicil. liu. 6. ch. 9.

gaye à son aise Iean Annie parlant de l'antiquité de Genes cité capitale de la Ligurie.] Neantmoins Thucidide n'allant courir si loing, dit q ce peuple descendit iadis des Siciliens, lesquelz possederent le tēps passé la plus part de l'Italie, mais chassiez par les Oenotriens du païs Italien se retirerēt en Sicile qu'ils habiterent & nommerent. Ce peuple dēz tout temps vit fort escharcement & s'adonne au trauail pour gagner sa miserable vie, estant son païs abundant en matiere pour bastir & dresser nauires, & où les arbres sont si gros & massifs, qu'il y en a qui ont huit pieds de grosseur en circonference: qui est cause que les aucuns dudit païs s'adonnent à couper le boys pour calfeustrer, & reparer les nauires, les autres vaquent à nettoyer les terres, afin que les pierres, & rochers n'empeschent

LIVRE TROISIÈME

*Maniere de viure
des anciens Gene-
noys. voyez Sira-
bon. 5.*

*Tite live. liv. 20.
39. & 41. & lin.
9. de la guerre
Macedonique.
Genevoys robu-
stes.*

*Vie vraiment
maïste des anciens
Genevoys.*

*Armes des Ge-
nevoys anciens.*

*Genevoys adonnés
au trafic, & à la
marine.*

*Genevoys grandz
sur mer. voy Sa-
belliq. Blod. Ma-
chiavel: & Corio
en l'histoire de
Milan.*

*Isles iadis subiet-
tes à l'estat de Ge-
nes.*

ny le labourage ny la fertilité des semences, estant le païsage si pierreux que presque il ne se trouue morceau de terre qui ne soit accompagné de quelque pierre: qui est cause qu'ilz sont accoustumez à viure pauvement & en grand trauail: & içoit qu'ilz se rompent le corps au labeur, si est le proufit qu'ilz en tirent de fort peu de consequence. Ce long trauail & continuel exercice les rend fort maigres, mais alegres, dispostz, robustes, & puissans: tellement que leurs femmes souffrent esgalle peine que les marys, avec lesquelles elles sont ententues à la besoigne. Leur plus grand exercice fut iadis la chasse, la sauuagine supleant au default qu'ilz auoyent de fruitz & semences: Acoustumez de courir par les neiges, & aspretez des montaignes, ne fault s'esbahir silz sont agiles & d'une force gaillarde & robuste. Aucuns d'entr'eux en default de bled, viuoient de chair tant domestique que sauuage, ayans la clere eau pour rassasier leur alteration: & vsoient d'herbages tels que leur portoit la regio, comme ceux qui ont eu faulte de bled & de vin, deux choses tresvtilles à la vie des homes. Leur giste estoit la terre dure, peu souuēt dans les Cabannes, & loges rustiques, & d'autres se retiroient pour estre au couuert dans des grottes, & cauernes, faites du seul art de nature. Et ainsi viuoient ils dès le commencement sans apareil, ny delicatesse aucune: d'où aduenoit que les femmes estoient là aussi robustes que les hommes, & les homes esgalloient les bestes plus farouches en force, & dextérité: tellement qu'on lit que souuent le temps passé on à veu qu'un Lygure maigre & defait, vainquoit un Gaulois brulé & gaillard, & en bon poinct. Ils armoyent plus legerement que les Romains, & couuroient leur corps d'un long pauois fait à la façon Gauloise, & vsoient de casques ceintes sur les hanches: armoyent encor de peaux de bestes sauuages, portans l'espée fort courte en guerre, les aucuns imitoient les Romains en armant. Ceste nation est encore farouche en guerre, d'un gentil, fort aigu & subtil esprit soit au maniment des affaires priuez, ou au gouuernement de l'estat militaire. Et leur plus grand soing gist en la marchandise, courans, & sillonnans la mer de Sardaigne, & de la Barbarie, s'exposans de leur gré aux perils dangereux de la mer, entant que bien souuēt leur armement & apareil n'est que d'esquifs & barquerotes suiettes aux incommoditez des orages, & tempestes marines. [Mais qui lra bien les auteurs qui ont tracé l'histoire tant Venitienne, Florentine, Milanoise, que Genevoise il verra quelle gaillardise, puissance, adresse, sage conduite & bon heur à suyuis un long temps les Genevoys, lesquels se sont veuz maistres, & possesseurs de toute la mer du Leuant: voire qui commandoyent sur le pont Euxin, ou mer maiour, & estoient redoubtez à la Tane, & le long de la Scythie. Je n'ay affaire de discourir les guerres, & victoires qu'ilz ont faites, & rapportées des Venitiens, combien de fois ilz ont mis l'estat de Florence en bransle, & ont assuietty la plus part de la mer que on apelle encor la riuere de Genes.

Je surferay le recit des isles cōquises en la mer Mediterranée, cōme Corse, Chipre, Candie, Chio, & autres: & comme c'est de leur façon que le renouvellemēt de la cité de Pere contigue de Constantinople, & la plus grand retraite qui soit de Chrestiens pres le grand seign. de Turquie: &

comme ce furent les Geneuoys qui conquirent la cité de Capha, qui est es embouchemens que fait le grand Tanai en la mer maiour. Bien diray que si l'auarice, ambitioⁿ, & partialité ne se fussent fourrées parmy ce peuple brusque & guerrier de son naturel, Genes ne seroit rié moindre, mais diray plus auancée en force, & grandeur de puissance que la superbe cité de sainct Marc. Mais Genes n'ayant peu gouter le repos en soy-mesme, mutine & remuante à tout vent de sedition, embrassant les secours estrangers pour son suport, à fallu qu'aussi elle ayt fait voile sous l'enseigne de plusieurs Princes, de sorte qu'elle ne peut à present se preualoir de sa grandeur sans estre d'ailleur apuyée, comme l'auons veüe de nostre temps partialisée, & seruant de proye aux deux plus grands Princes de l'Europe.] Ce peuple comme dit Sabellique, retient sa farouche façon de faire, & est rebelle de son instinct naturel, comme celly, contre lequel les Romains ont eu de grans affaires à l'assuiettir & tenir (apres l'auoir vaincu) en obeissance. Ils sont eschars & chiches en leur viure, mangeans en leur viure ordinaire quelque bestail, & du lait, & vsans en leur boire de certaine boisson brassée avec de l'orge.

Pere bastie par les Geneuoys.

Geneuois seig. de Capha.

Cause de l'anciennissement des Geneuoys.

Sabelliq. Ennead. 7. lin. 1.

Geneuois mutins de leur naturel.

Du país de Toscane: & anciennes mœurs, & façons des Toscans. Cha. 21.



LA Toscane, ou Tuscie region renommée & fameuse d'Italie, à esté ainsi ditte (ainsi que plusieurs estiment,) des sacrifices, à cause que les Grecz dient *Θύειν* pour sacrifier, ou du mot *Thus*, qui signifie encens, duquel on vsoit principalement aux sacrifices: ou comme les anciens l'ont tenu, elle porta ce nom de Tuscule fils du grand Hercule. Elle fut iadis apelée Tyrrhenie. Mais on est en doute si ce nom luy vient de Thirrene fils d'Athis, duquel aduis est Berosé, ou fils d'Hercule, & Omphale, ainsi que d'autres disent: ou forty de Telephe, fils d'Vlisse, lequel on tient auoir cōduit vne colonie en ceste terre. Denys de Halycarnasse dit qu'ils prindrēt ce nom, à cause qu'ils faisoient leurs bastimens, & logettes fort basses sur des pieux de boys qu'ils apelloient Thirses en leur langage. Les Romains donnoient à ce peuple ores le nom de Tusques & d'autresfois d'Hetrusques, mais les Grecz les nommoient tousiours Thirrenes. La puissance, & richesses des Toscans anciens peult estre de cela recueillie que la mer tout vn long espace & trait de país estoit ditte Tirrhene: ainsi que voyez en Virgile Iunon la nommer, se plaignant du voyage d'Enée, disant:

Le peuple que j'hais & lequel tant me peine

Fait voile à son plaisir dessus la mer Thirrene.

Manethon en son supplément Plin. lin. 3.

Tusque fils d'Hercule. voy Berosé: & Feste & Annie: & antiq. d'Etrur.

D'où Toscane & porté le nō de Thirrenie. Denys Halyc. 1.

Herod. lin. 1.

Strabon. 5. dit que ce Tyrrhene fut fils d'Hercule & Omphale. Iustine. 20.

Virg. Enneid. 1.

Anciens limites de Toscane.

Ioint que l'estendue du país Toscan courant presque tout autant de terre q̄ la mer encloist des terres Italiēnes iusqu'aux Alpes. Or apert-il par les histoires que tout le terroir qui est entre les Alpes & l'Apennim fut iadis habité par les Ombriens, lesquels en furent chassés par les Thirrenes, & ceux cy par les Gaulois, qui aussi en furent depossédés par les Romains, lesquels aussi en veirent desfaisir par les Lombardz, lesquels avec la saisie

LIVRE TROISIEME

*Comme s'estédoit.
le nō de Thyrrhe-
nes.*

*Puissance des an-
ciens Toscons.*

*Voy Denys & Ha-
lycar. parlant des
12. seigneuries de
Toscane liu. 6.*

*Inuentōs des Tos-
cons imitées par
les Romains.*

*Toscons iadis de-
mineurs. voy Ar-
nobe liu. 2.*

*Tagé s'apparut à
vn laboureur. voy
Ouid. liu. 15. de
Metamorph.
Cicer. liu. de diui.*

*Les Romains a-
prennent la super-
stition des Toscons.*

*Bacchanales abo-
lies à Rome. voy
Tit. Liu. liu. 39.
S. Augustin cit.
de Dieu. liu. 18.
chap. 13.*

laisserent aussi leur nom à ceste Prouince. Et pour parler en vn mot touchant l'appellation, il faut noter que les Latins, Ombriens, & Ausoniens, anciens peuples d'Italie, furent nommez par les Grecs sous le vocable commun de Thyrrhenes: de sorte que plusieurs ont comprise la cité de Rome sous l'empire Tyrrhenien, lequel fut iadis de grande estendue, comme aussi le peuple en estoit fort puissant, & lequel auoit basti plusieurs grandes & riches citez, ayant grand puissance sur mer & y commandant, & c'est pourquoy toute la coste des la mer ligustique, iusqu'à Naples, ou peu s'en fault est comprise sous le nom de la mer Tirrhene. Les Toscons furent aussi forts en fanterie: & les premiers qui en Italie trouuerent l'usage des trompettes, inuention pour vray necessaire & profitable pour la guerre. Le Toscan a aussi esté celuy qui a segnalé, & remarqué ses Chefs, Princes, & Capitaines, de plusieurs enseignes de grandeur, comme d'auoir des Chariots tryomphans, des estafiers, & archers pour la garde de leurs corps, la robe & manteau royal, les faisceaux de verges, le sceptre d'ivoire, & autres ornemens, lesquels les Roys, Dictateurs & Consuls de Rome ont depuis usurpé: tout ainsi que les portiques & galleries des maisons, pour la retraite des seruiteurs & à fin que les suruenans fussent à couuert ce que les Romains ageancerent en mieux apres la premiere inuention. Ce peuple aussi cherist & pris grandement les lettres, & sur tout la cognoissance & recherche des causes naturelles, & la science & folle superstition de leurs dieux. Et leur principal estude estoient les predictions par les foudres, & les Augures, & vol des oiseaux, tellement que chascun se retiroit à eux en telle science, voire qu'encore à present ils s'en aydent, & font compte de ceux qui sont adextrez à la deuination, de laquelle entre eux fut iadis inuenteur vn nommé Tagé fils de Genie, lequel, ainsi que dit Feste, estant encor fort petit enfant monstra les liures de la science augurale aux Ethruriens. Ils furent aussi si excellens en matiere de sacrifices que les Romains, desireux non seulement de garder la religion de leurs ancestres, ains encor de l'augmenter, enuoyerent par l'ordonnance du Senat dix des principaux enfans des meilleures maisons de Rome, à chascun des cartiers de Toscane pour y apredre les ceremonies avec lesquelles ils honoroient leurs dieux, & de la vint ce peruertissement de sens, & folle multitude de dieux sous le nom desquels le diable se faisoit adorer à cest' bragarde natiō abusée en l'erreur de l'idolatrie Toscane. C'est de la superstition des Toscons que les Romains receurent celle abominable façon de festes qu'on nommoit les Bacchanales, infames & pernicieuses, & lesquelles par le consentement des gens d'honneur, furent avec la ruine de leurs auteurs, ostées & abolies de Rome, & de toute l'Italie. Le terroir Toscan est bon, mais ils le rendent encor plus fertile par leur trauail & diligence. Ils mettent deux fois la nappe le iour, & se traitent somptueusement & de viandes exquisés en ces deux repas. Ils se plaisent à estre nettement, & d'auoir de beaux meubles, tapisserie, & garnitures de lits, vaisselle d'argent, & habits somptueux & riches, ensemble d'estre suyuis d'une grand troupe d'estafiers allans par ville, desquels ils ont grand nombre tant d'esclaves, que d'hommes de libre & franche co-

dition: en somme ceste nation est plus deuotieuse, voire superstitieuse en ce tēps mesme, que guerriere, ny gaillarde. [Ce bon seign. Alemant a laissé les loüanges de la plus braue, & gentille Prouince, & du peuple autant subtil, hault de cœur, & vaillant en guerre que l'Italie cognoisse: & fault que ie die, ou qu'il auoit quelque pique particuliere contre les Toscans, ou qu'il ignoroit du tout quels sont les hommes qui sortent du païs, qui de tout temps à seruy de lustre & ornement à toute l'Italie, soit qu'il faille rechercher les armes, & les grans guerres que ce païs a souffert, tant cōtre les Papes, Empereurs, Ducz de Milan, Venitiens, Geneuoys, que les diuisions qui ont esbranlé souuent leur estat, comme les ligues des Guelphes, & Gibelins, les discordes d'entre les villes de Pise, & de Florence: de Sienne, & Luque contre la mesme Florence, & encore de presque toute la Toscane contre l'estat Florentin: sur quoy ie renuoye le lecteur, à ceux qui se sont amusez à discourir sur les affaires d'icelle Prouince.]

*Voy Poge Ploré-
tin Macchiauel
& Guicciardin.*

De la Lombardie, mœurs, & façons des Lombards, & comme ils passerent en Italie. Chapitre. 22.



[OVT ainsi que Boëse en ses recueils, auoit oublié ceste puissante, & victorieuse nation des Goths, quoy qu'elle merite d'estre illustrée par les escrits des hommes de grād sçauoir pour les rares vertus, & prouesse qui furent en icelle: & laquelle si a mal senty de la foy, & fut enyurée de la peruersité ariene ne la fault tant vituperer, comme detester l'impicté de celui, qui en lieu de leur donner de bons, & fidelles prescheurs, (eux souhaitans de receuoir le saint baptisme) leur enuoya des ministres de Sathan, & des annonceurs de l'Arrianisme. Et loüe plus les Goths en defendant si obstinément qu'ils ont fait la foy premierement receüe, quoy que desuoyée, que ceux qui de nostre tēps, nez, baptisez, & nourris en la persuation apostolique, font banqueroute à l'eglise de Dieu, pour embrasser l'heresie d'un Luther impudique, ou d'un Calvin imposteur, & Beze simoniacle. Nostre auteur donc ayant passé sous silence les Gothz, n'a esté plus gracieux à l'endroit des Lombards, les faitz & conquestes desquels sont si notoires, qu'il y a peu d'historiens qui n'ayent donné quelque attainte à leur venuë, & passage en Italie, veu que ce ont esté eux qui l'ont tenuë assez long temps, & desquels vne bonne partie d'icelle porte encor à present le nom, quoy que la memoire de ceste nation soit presque annihilée, & ce dés le temps que Charles le grand, pour la deffence du pasteur Romain, deffait la race royale des roys Lombards, & remeit l'Italie en son ancienne liberté. Ainsi que ces nations septentrionales ont esté peu cogneuës par les anciens, la diuersité des opinions a aussi esté grande à esplucher & leur origine, & la premiere demeure de leurs ancestres, ainsi qu'assez amplement nous auons monstre en l'histoire, & des Goths, & de plusieurs autres nations, & fault que le poursuuyons en celle des Lōbards: lesquels ce grand Astronome, & Geographe Ptholomée fait Sueues, & Alemas naturels lors qu'il dit. Or vers la partie septēt.

*Ce fut Valens
Emp. arrien qui
donna des Eues-
ques arriens aux
Goths. voy Paul
Diac. en l'hist.
des Romains. &
Blond. de la des-
cheute de l'Empi.*

*Lombards vō con-
chez par Boëse.*

*Charles le grand
chassa les Lōbards
voy Paul. Emile.*

*Ptholo. liu. 2. ch.
11. Tabl. 4. d'Eu-
rope.*

LIVRE TROISIEME

*Tacit. hist. d'August. liu. 2.
Lombardz, estimentz auoir esté Alemans.*

Lombards vail-lans, & amys de liberté.

Paul, Diac. des gestes des Lōbards lin. 1. cha. 2.

Lombards appelez aussi Winniles

Isle Scandinauie en la mer Balibée

Cause de la sortie des Lombards de leur isle.

Ibor, & Agion chefs des Lōbards conquereurs.

Gumbare mere d'Ibor. & Agion femme illustre.

les Basactores surnommez petis, les Sicambriens, & au deffous d'eux les Sueues, & Lombardz habitent & possèdent la Germanie commençans dès le Rhin. Et de ceste mesme opinion est Cornille Tacite en l'histoire d'Auguste, lors qu'il parle en ceste maniere. A ceste cause non seulement Cherusce, & leurs compaignons, ancien soldat d'Arminie prindrent les armes, ains encor du Royaume de Marobodue, les Sueues, Sennons, & Lombards se meirent de son costé, & se preparerent pour la guerre. Et au liure des mœurs des Germains expressement il met ces peuples estre naturels Alemans, quand il dit: Le bon heur des Sennons accreust son credit & autorité, lesquels ont cent villages pour leur demeure: & estans de grad force, & bon nombre, festiment estre les premiers d'entre les Sueues. Là où les Lombards ont force en leur petit nombre, & ancienne noblesse, & quoy que ceints & enuironnez de plusieurs fortes, & puissantes natiōs, si viuent ils en liberté & assurance, non en obeissant à personne, trop bien en les accompagnant en guerre, & se hazardant à tout peril. Voyez que ceste nation est prouuée Alemande par deux si remarquez auteurs que Ptholomée, & Tacite: & routesfois Paul diacre d'Aquilée, qui viuoit du temps de Didier Roy Lombard, aymé & cheri de luy, homme scachant ses secrets, & des principaux de son Conseil, & qui n'ignoroit point l'histoire Lombarde, laquelle aussi il a descrite, est d'aduis & opinion toute contraire aux susdits auteurs. Car voicy comme il parle en son liure des Lombards: ayāt desia dit que les Goths, Vandales, Huns, Herules, & Turingiens estoient fortis de la Germanie, il aiouste: Pareillement aussi les Winniles cest à dire Longobards, qui depuis ont heureusement regné en Italie, ayant source, & origine des peuples de la Germanie, sortirent de l'isle de Scandinauie (assise sur la mer Baltée, ou Balthique) à fin de trouuer nouueaux sieges, & terres pour y faire demeure. Iacoit que l'on ameine d'autres raisons de leur issue, & pour lesquelles ils quitterent le país de leur ancienne demourance, & de laquelle isle aussi est faite mention par Pline es liures qu'il a fait de l'histoire naturelle. Ceste isle donc (ainsi que j'ay esté aduertie par ceux qui l'ont visitée de toutes parts) n'est pas seulement assise en la mer, que ceinte de flots marins, & arroulée des ondes de l'ocean. En icelle donc, comme ce peuple fut accreu en vn nombre, & multitude innombrable, & telle que desia il n'y auoit assez de place pour les loger tous ensemble, furent contrains de se diuiser (comme l'on dit) en trois bandes, & getterēt le sort, laquelle sortiroit du país, pour aller ailleurs poursuyure sa fortune, & y conquerir país pour son habitation: & que celle partie à qui escherroit de sortir pour aller cultiuer les champs estrangers auroyt Ibor, & Agion pour chefs & conducteurs, lesquels estoient freres Germains en la fleur de leur aage, & les plus segnalez, & nobles de toute la troupe, & ainsi iroyent empoigner terre, & faquerir possessions, ou la fortune les guideroit, & là l'arresteroient pour y passer leur vie. Ceux cy disans à dieu & à leurs amys, & parens, & à leur país, se mettent en chemin deliberez de ne viure vagabons guere longuement. Or la mere de ces deux estoit femme accorte, sage, & de grand conseil, nommée Gumbare, fort prisée entre les Barbares, & de la prudence, & hault

& hault cœur de laquelle les Lombards ne prenoient pas peu de fiance. Aussi les enfans sortys que furent de l'isle s'arrestèrent pres la terre, que les Wandalés occupèrent : lesquels voyans que les Lombards festoyent là acasanez, & que leur puissance alloit en croissant, leur manderent, ou qu'ils enuoyassent tribut aux Wandalés, ou se tinssent sur leurs gardes, assurez de la guerre. C'est icy que Gambare monstre son hault cœur, & esguillonne les enfans, & tout le reste des Lombards à plustost recevoir les conditions de la guerre, & se mettre à tout hazard, que souffrir telle seruitude que d'estre tributaires des Wandalés. En somme combatans, quoy que les Lombards fussent en plus petit nombre, si emporterent ils la bataille par le moyen d'un Esclau, qui combatit corps à corps contre le plus puissant de l'armée des Wandalés. Voila ce qu'en tient Paul diacre, l'ayât appris des Lombards mesme, qui n'estoyent pas si grüés, ny grossiers, qu'ils ne sceussent bien compter leur origine, & le país d'où ils estoyent venus. Saxon encor surnommé Grammairien consent à l'opinion du Diacre, disant que du regne de Sueuon Roy Danoy, il y eust vne grãde cherté de viures, & comme l'on deliberaست plusieurs grandes cruautés pour se depestrer du grand nombre du peuple insulaire, en fin ceux cy sortirent de l'Isle pour conquerir terre nouvelle. Et voila quand à l'origine, & issue des Lōbards de la terre insulaire de Scandinauie : à quoy s'accorde Iean Euesque d'Vp-salie en l'histoire Gothique. Mais d'autant que Paul Diacre les appelle Winniles, & qu'il dit que c'estoit leur nom ancien, il fault sçauoir d'où est venue l'appellation de Lombard, n'estant sans occasion qu'elle leur à esté donnée. Il est vray que tous les historiens presque qui ont escrit de ceste nation, disent qu'ils ont porté ce nom, à cause de leurs barbes qu'ils portoyent fort longues, quoy que d'autres tiennēt que cela procede des Bar-des qui estoyent leurs Prestres, ainsi que nous auons aussi dit des anciens François : ou comme dit Saxon, à cause qu'estans de grande stature, & de peu de sens, les latins les appellerent Longobards, c'est à dire grands hommes stupides, & lourdaus : mais cestuy en parle comme n'ayant guere bonne affection vers les Insulaires de Scandie. Lazie chroniqueur du Roy & Emp. Ferdinand ameine vne autre raison, qui me sembleroit assez vray-semblable, si ces Lombards qui habiterent iadis en Italie, & s'en feirent seigneurs, estoyent sortis d'Allemagne, ainsi qu'il pense, & non plustost de Scandie, ainsi qu'auons prouué par le tesmoignage, & des naturels & voisins du país & du Diacre qui sçauoit le secret des Lōbards : Or dit-il que ces Lombards renommez par Ptholomée & Tacite, sont les mesmes que Plin appelle Istéuons, & lesquels pour estre presque tous laboureurs, furent appelez en leur vulgaire DielandWarter, qui signifie cultiueur de terre, & que ce mot LandWarter, comme ce peuple fut passé en Italie, sentist son changement en ce que les Latins en lieu d'ainsi parler, dirent Lōgobard, en lieu de LandWart, mais ceste raison est aussi froide, cōme peu veritable : veu que Procope qui viuoit, ains que les Lombards passassent en Italie, les nomme ainsi, sans se soucier de leur ancien tiltre de Winniles, & Vellée Patercule ne passe sous silence le nom de ce peuple, lorsqu'il dit que les Lombards peuple farouche sur la mesme furie furent aussi dóptez

Paul Diac. liu. 1.
cha. 7. 9.

Saxon en l'histoi-
re de Dānemarch

Iean grand. hist.
Gotthi, preface
ch. 3. & liu. 8. ch.
17.

Opinions diuerses
sur le nom des Lō-
bards.

Laz. ieli. 12. des
Migrations des gēs,

Procop. liu. de la
guerre Gotthiq.
Vellée Pater. en
l'hist. de Tibere.

LIVRE TROISIEME

*Paul diacr. liur.
1. chap. 4.*

*Goddan Dieu des
Vandales estoit
le mesme que Mer
cure.*

*Conseil de Frée à
Gumbare.*

*Goddan donna la
viçtoire aux Lom
bards.*

*Lombards ditz de
leur lōgues barbes.*

*Premiere course
des Lombards.*

*Paul diac. liur. 7.
chap. 11. des gētes
Lombard. 8. ch.
9. parlant de la 2.
migrat.*

*Seconde course des
Lombards.*

*Esclaves affran
chis par les Lomb.
Mode de iurer des
anciens Lōbards.*

*Troiesime course
des Lombards.*

*Jean le grād hist.
Gothi. li. 8. ch. 19.*

par la vaillance des Romains. Et combien que Wolphang Lazie se mo-
que de Paul Diacre recitant la cause de tel nom, si est-ce que pour le plai-
sir du lecteur, ie mettray mot à mot, ce qu'en dit le Diacre en l'histoire
Lombarde, & sont telles ses parolles. Sur ce propos les anciēs racompēt
vne fable digne de risée : que les Wandales estans allez vers Goddan leur
Dieu, pour le prier de leur ottroyer la victoire cōtre les Winniles, le Dia-
ble caché en l'idole, leur respōdit, qu'il feroit victorieux ceux qui les pre-
miers il regarderoit au soleil leuant. (Or failloit il que ce Dieu conuertast
avec eux veu ce qui l'ensuit) Alors Gumbare s'adressa à Frée femme dudit
Goddan pour luy faire pareille requeste, que les Wandales auoyent fait à
son mary: & que Frée luy dōna pour conseil que l'endemain les femmes
Winniles se presentassent en la cāpaigne toutes escheuelées, & leurs che-
veux pendans par le deuant en façon de barbes, & veinssent avec leurs
maris vers le costé d'Orient, où Goddan seroit en fenestre pour regarder
ceux à qui il voudroit octroyer la victoire. Ce qu'estant fait, comme l'en-
demain matin elles fussent au lieu assigné, Goddan les voyant, & regardāt
ententiueuement sur le point du iour, & au leuer du Soleil, il dist, qui sont
ces lōgues barbes? Et lors Frée le pria de donner tout ainsi l'heur de la vi-
ctoire à ceux qu'il luy auoit pleu d'ainsi nommer: à quoy Goddan cōdes-
cendit & les Lōbards vainquirent les Wandales. Lazie n'a occasion de se
moquer du Diacre, qui racompēte cecy comme chose fabuleuse: mais l'en-
tens qu'il se fasche de ce qu'il ne le chatouille, en accordant qu'on les ap-
pelloit Land-Wardz du labourage : à fin qu'on les recognoisse pour Ale-
mans: Car voicy que Paul aiouste: C'est chose asseurée & depuis les Win-
niles furent appelez Longobards à cause qu'il laissoiēt croistre leur bar-
be, sans souffrir que le fer leur touchast au visage pour la couper, ou roi-
gner, car en leur langue, lang, signifie longs, & bards, barbe, & voyla les
mots du Diacre sur le nō de ce peuple. Mais auant q̄ toucher aux mœurs,
ny loix des Lombards, il me semble meillieur de chercher, & discourir en
peu de mots leurs issues, voyages, courses, guerres, & conquestes diuerſes
auant que s'arrester en Italie. Premièrement donc (comme dit est) ils pas-
serent de l'isle de Scandinauie (qui à present s'appelle Schonlandie, & est
du royaume de Suece) en Alemaigne, ou plustost és confins de Prussie, &
Liuonie, ainsi que discourt Paul Diacre : où ayans demeuré quelque tēps
prindrent la volte en Muringie, là où ayans faulte de soldats (à cause que
les Esclaves n'auoyēt licence de manier les armes) ils affranchirent plu-
sieurs de leurs Esclaves, ausquels à fin que la liberté demeurast stable, &
permanente, ils leur iurerent sur des saiettes marmotans ne sçay quelles
parolles sur icelles, qui estoient celles qui donnoyent efficace au serment:
& ce apres que l'Esclave, que j'ay dit cy deuant, eust gaigné le cōbat sin-
gulier contre le plus vaillant des Wandales. Apres cecy laissant la Muringie,
ils se ruerent sur la Rugilandie, où s'arresterēt pour quelque temps, &
feirēt ces courses sous les deux premiers chefs Ibor, Agion, que l'Euesque
d'Vpsalie appelle Hobbō, & Achon: lesquels estans decedez, les Lōbards
se faschās de viure sans Roy, esleurēt vn Roy, comme les autres nations &
fust leur premier Roy Agelmōd, fils d'Agion, sorty de la race des Gugin-
ges, la plus illustre, entre les Lombards. Ce qui aduint l'an de nostre salut

trois cens nonante trois du temps du grand Theodose empereur, seant sur le siege sainct Pierre, Siricie, & regnant Marcomir sur les François, cōme ainfi soit qu'Ibor, & Agion sortissent de Scandie avec leurs troupes l'an cent 33. & ainfi ils furent dix ans sous la charge de ces chefs, puis feirent Roy le fils d'un des susdits Capitaines. Laissans les Lōbards la Rugilande pais Russien, vindrent demeurer pres le pais des Bulgares: & ce apres auoir esté bien chastiez par lesdicts Bulgares, qui les deffeirent en bataille, & occirent leur Roy Agelmond emmenans sa fille prisonniere.

Mais Lamisson fils du deffunct, & frere de la Princeesse captiue, esleu roy, ieune & bouillant, anima tellement le cœur de ses gens, leur mettant deuant les yeux & leur honte, & le peril de leurs vies & libertez, que les Lōbards poursuyuans les vainqueurs en feirent tel carnage qu'ils se vengerent & de là mort de leur Roy, & de leurs iniures particulieres: qui fut cause que s'enrichissans des despouilles de leurs ennemys ils s'arrestèrent aussi en leur terre. En laquelle se faschans, prindrēt la route d'Alemaigne, s'arrestans le long du Rhin, où est à present la principauté du Palatin, où ils eurent guerre contre les Herules: & de là s'en allerent en Moraue: or auoyent desia les Lombards embrassē la foy de Iesus Christ sous le Roy Agelmond, & pressez par les Herules, ausquels il estoiet tributaires, furēt contrains de venir aux mains, & se deliurer de ceste seruitude: & secourus de Dieu, comme ses seruiteurs gaignerent la bataille sur les Herules infidelles, lesquels ils chasserent de Bauiere, Autriche, & Hongrie, qui fut leur septiesme demeure. Ce qui aduint du regne de Iustinian lequel, comme dit Procope, donna aux Herules le pais Istrien, & de l'Esclaunie, & aux Lombards l'Hongrie, mais avec tribut, & recognoissance comme subiets de l'Empire, & regnoit pour lors sur les Lombards Andoin pere de celuy Alboin qui à la sollicitation de Narsez passa en Italie. Durant qu'ils sont en Pannonie, ils eurent guerre cōtre les Gepides, pour lesquels subiuguer ils furent secouruz par les Romains ainfi que dit Procope, ce que le Diacre passe sous silence. A la fin cōme Narzes cest excellent Capitaine Grec, qui auoit tant fait de seruices à l'Empire, se veit & moqué, & desappointé sans cause par le moyen de l'Emperiere, qui l'auoit menacé de le faire filer entre ses femmes, à cause que ce seig. estoit taillé, & auoit default de genitalie, cōme Narzes donc eust appelez les Lōbards en Italie, Alboin qui estoit lors leur roy quitta la Pannonie à ses amys les Huns, & passant au pais Italiē prist forces, & secours des Saxōs ses anciēs amys: entrē qu'il est au pais latin, Lōgin qui estoit lieutenant pour l'Emp. se tenant à Rauenne n'osa se presenter aux Lōbards, lesquels en peu de tēps se feirent seigneurs de tout le pais qui est le lōg du Po, ayans sous leur puissance les villes, & pais à ellesuiet, de Milā, Paue, Turin. Ast, Creme, Cremone, Plaisāce, Parme, Bergame, Bresse, Mantoiie, Verōne, & d'icelles fut dressē le royaume de Lombardie, sous lequel estoit compris le Comté de Come, Trente aux Alpes, Forli: & Beneuent en la Pouille: & iouist ceste nation de ceste conqueste depuis l'an de nostre salut 572. sous plusieurs Roys & ayant tourmētē l'Empire de leuāt, basty ou renouellē plusieurs belles citez en Italie, & à la fin (à leur grand malheur) s'attaquans au Pape, & enuahissans

En quel temps les Lombards sortirent de Scādie, et creērent un Roy.

Quatriesme course des Lombards.

Lamisson 1. Roy Lombard.

Paul Diacre li. 1. chap. 11.

Cinquesme course des Lombards.

Sixiesme course des Lombards.

De la guerre des Herules, & Lōbards. voy Procope hist. des Goths & Paul Diacre li. 1. cha. 13.

Septiesme course des Lombards.

Paul. li. 1. ch. 15.

Andoin roy Lōbard regnoit l'an 525.

Huitiesme course de ce peuple en l'Italie voy Paul

diac. en leur hist. li. 2. ch. 5. 6. 7. 8.

9. 10. & 11. & des gests des Romains li. 8.

Pais conquestē en Italie par les Lōbards.

Les Lōbards ont regnē 200. ans en Italie.

LIVRE TROISIEME

Didier Roy Lombard, voy le Blod. en l'inclination de l'Empire. Charles le grand ruina le regne des Lombards. voy Platine en la vie des Papes Paul Emile histoire de France. Comme le royaume Lombard a esté divisé.

Theodelinde royne des Lombards vivoit du temps de Pape Gregoire surnomé le grâd. Paul Diac gestes des Lombards. li. 4. cha. 7.

Lombards réduz sauf par le deuant.

Vestement ancien des Lombards.

Chausseure des Lombards. Paul Diacr. li. 1. ch. 16. Turisinde Roy Gepide.

Lombards, & Goths adoroient mesmes dieux.

Isle Scandienne formillant en diuers peuples.

le patrimoine de l'Eglise, iusqu'à l'an 773. que Charles le grâd Roy de France sollicité par les prieres du Pape Estienne affligé par Didier Roy Lōbard passa en Italie, & lequel apres grâd effusion de sang ruina la race des roys Lombards, remist l'Italie en liberté, & osta les Lombards de leur puissance, permettant neantmoins, pour quelque soulas du peuple qui perdoit les roys de sa nation, que le païs du royaume suiuet à ceste gent Gothique (car les Lombards estoient veritablement Goths) fut à iamais appellé Lōbardie ainsi qu'encore à present vous l'oyez nommer. Et pour cest effect il departist la contrée par principautez & seigneuries, ainsi qu'on en vsoit en France, & que iusques à nostre tēps les choses se sont comportées ayants veu Milan en duché: Ferrare, en Marquisat, aussi bien que Mantouë, qui à present sont erigez en Duchez, les Marquisatz de Môtferrat, Saluces, de Verone, Ast, & Anglerie tous dependans iadis de la couronne de Lōbardie, & nation de laquelle il est desormais temps que nous descriuions vn peu les mœurs & conditions des Lombards, estans Goths & sortis du lieu mesme, d'où se desbordans les Goths auoyent couru toute la terre Européenne, il est aisé à presupposer qu'elles n'estoyent guere differētes de ceux desquels ils estoient & parés, & voisins. Bien est vray qu'ils auoyent quelque difference en l'habillemēt, ainsi que pourrez recueillir vous souuenant de ce qu'auons dit des Goths par cy deuant, & qu'à present ie mets en auant de Paul Diacre d'escriuant l'habit des Lombards anciens: Car parlāt de la Roynie Theodelinde, femme du Roy Agilulphe il vſe de ces parolles. Là aussi la Roynie susdicte feit bastir vn palais, où elle feit peindre quelque cas de l'histoire, & gestes des Lōbards. Or en ceste peinture est clerement monstré que iadis les Lōbards tondoyēt leur cheuelure, & quels estoient leur vestemens, & contenāce, & habitude: Car ils rasoyent tout leur chef, sauf leur deuant, ou ils laissoient croistre les cheueux, leur tombās iusque sur les yeux, & le long de la face, & lesquels ils destournoient des deux costez du visage en fenestre. Quand à l'habit ils le portoyēt fort large, & de lin, à l'imitation des Anglo-saxōs, estēdu en large, & diuersifié en couleur. Quāt à la chausseure, les soliers estoient ouuerts, & escoletez presque iusqu'au bout du gros orteil, couuerts, & ferrās le pied avec des courroies, puis cōmencerēt vſer de ceux qui sont cousuz tout du lōg: & allās à cheual, ſequiperent de housseaux, & bottes, mais ils aprindrēt cela en frequentant les Romains. Et en autre passage le mesme auteur monstre q ce peuple portoit des bādes de toile blāche à l'entour des iābes, en lieu de chausseure, ainsi que leur reprocha le fils de Turisinde Roy des Gepides en la presence d'Alboin ce grâd Prince des Lōbards. Quand à la religion c'est sans doubte que les mesmes dieux Goths estoient venerez par ceux cy, veu mesme que Mercure, ainsi qu'auons proposé leur seruoit de guide sous le tiltre de Goddan. Et à ceste cause si vous souhaitez de ſcauoir leurs anciennes Idolatrie & superstition, mœurs, & façons de faire, auant qu'ils embrassassent l'euangile, lisez ce qu'auons cy deuant recueilly des Goths, à fin que rafraischissant vostre memoire, vous ayez souuenance des diuers, & grans peuples, que ceste terre Scandienne a vomy pour peupler la plus grand part de l'Europe.



R d'autant que plusieurs historiens, au reste veritables, se sont estrangement escrimez contre ces nations Gothiques, & les ont baptisees & du nom, & de l'effait d'une grande barbarie, afin que les lecteurs voyent que quelque transport les a plus guidez, que la verite deüie à l'histoire, ie mettray quelques loix Lōbardes, par lesquelles on verra que ce peuple n'est point bar-

bare, qui suit la vraye religion, ayme les loix, fait iustice, & ne souffre qu'on face iniure à personne. Et afin qu'on ne die que i'ay songé ces loix: Paul diacre en l'histoire Lombarde en fait mention, disant: Ce Roy Rotharis redigea par escrit les loix des Lombards, lesquelles il gardoit par le seul usage, & en sa memoire, & commanda que le liure, où elles estoient cōte- nues, fut apellé Edit: ce qui aduint l'an 77. apres que les Lombards furent entrez en Italie, ainsi que le mesme Roy le tesmoigne en la preface de ses loix. Voila les parolles du Diacre. Et d'autāt que ce liure d'Edicts est parvenu entre noz mains, i'en deduiray quelques tiltres ainsi que i'ay fait és autres peuples tāt pour le plaisir du lecteur, que gloire de l'antiquité vraye guide de noz actions si nous voulions limiter. Le premier tiltre donc de ces ordonnāces, est des crimes publiques: & d'iceluy la premiere loy porte, que quiconque conspirera contre le Roy, ou dressera aucun monopole contre son salut, encoure peril de sa vie, & soyent confisquees ses biens. Et mesme condemnation est gettée contre le seditieux, & conspirateur, qui s'en fera fuy hors la Prouince. A moindre peine n'estoit obligé le mutin qui au camp s'esleuoit contre son chef, & general ordonné de par le Roy pour commander sur l'armée. Voire le soldat, ou bande, qui laissoit ses amys en necessité, & trompoit la troupe par sa dissimulation, failloit que purgeast ceste faulte par l'effusion de son sang, & perte iuste de sa teste.

Le second tiltre est des scandales: condemnant à grand amende celuy qui au conseil, ou publique assemblée esleuoit quelque tumulte. Puis est parlé des accusations publiques, où l'accusé peut se purger par serment: mais y estant l'accusateur, qui soustint le crime auoir esté par iceluy commis, il failloit s'en lauer par combat: où perdant, & estant vaincu il estoit iugé à mort, si ne plaisoit au Roy moderer la condemnation par le moyen de quelque amende. Mais l'accusateur estant abatu on le condemnoit à grād somme de deniers moitié au Roy, le reste à la partie offensée. Vous auez peu voir par cy deuāt que ces nations septentrionales faisoient si peu de compte des meurtres & assassins, que vous ne trouuez pas presque vne loy entre elles, qui condamne les meurtriers à mort, si ce n'est que on eust touché à la personne du Prince. Ce qui se voit au troiesime tiltre: où il est dit, que si quelcun coniure contre vn homme pour le faire mourir, & que l'effait ne s'en ensuiue point, celuy qui a fait la coniure est condemné à 20. sols d'amende: toutesfois fault tousiours entēdre que ces hommes-cy qui attentent ces crimes soyent de libre, & frāche condition, car on ne se portoit pas si doucement enuers les serfs, & esclaves. Aussi le tiltre suyuant

Paul diac. liu. 4.
chap. 15.
Rotharis fut Ar
rien & regnoit
l'an 639. seant à
Rome Boniface
4. & en France
regna Dagobert.

Tiltre premier des
loix Lombardes,
faites par Rotha-
ris roy. 17. de la
dite nation.

Second tiltre.

Loy des combatz
entre les Lōbardes.

Tiltre troiesime
des conspirations
de meurtres.

Tiltre quatriesime

LIVRE TROISIEME

porte condemnation de mort, à celuy qui occist son seigneur : voire ceux qui prenoient la deffence du meurtrier estoient condempnez à de grosses amendes, comme aussi ceux qui denioient ayde, & faueur pour la punitiō & vengeance d'un tel forfait. Le laisse deux ou trois tiltres de suite, faisans mention de ceux qui cachent les corps occis, qui rompent les tombeaux pour despouiller les morts, qui trouuans vn homme noyé, prenoient ce qu'il auoit sur luy, & ne l'alloyent declairer à la iustice: & de la liberté, & assurance que chacun deuoit auoir allant pour ses affaires en court, & se presentant à son Prince, lequel vouloit qu'il fut à tous loisible de luy dire leurs doléances. Mais le neufiesme & des soldats, où il est dit que le gendarme refusant de comparoir deuant son chef ayant quelque different avec vn autre, soit amendable & enuers le Roy, & son capitaine: aussi bien que celuy qui ne daignoit marcher avec l'armée, & qui ne vouloit secourir son chef ayant affaire, à poursuivre son droit. Au reste si vn Capitaine fouloit, & affligeoit vn sien soldat, il estoit suporté iusqu'à tant que il fut en la presence du Roy pour auoir raison là dessus.

Tiltre 5. 6. 7. Et/ 8. en quoy consistent.

Tiltre neufiesme des soldats.

Tiltres 10. 11. 12. 13. Et ce qu'ilz contiennent.

Tiltre 14. des scandales faits en l'Eglise.

Noiseurs en la maison du roy condempnez à mort.

Tiltre 15. des guet à pens.

Tiltre 16. des empoisonneurs.

Tilt. 53. des meurtres casuels en battissant.

Passons outre les violences faites aux filles, sans les forcer toutesfois que d'empeschement de passage : les arrestz des passans, des larrons occis de nuit, & autres choses menues contenues en trois ou quatre articles, & voyons le quatorziesme, où l'Eglise y est mieux respectée qu'on ne la reuer à present: Si quelcun (dit la loy) fait aucun scandale en l'Eglise, ou y esmeut trouble : que il accorde aux venerables ministres d'icelle, l'amendant à quarante sols: sauf s'il y auoit playes, ou blessures, & ledit argent sera mis sur le saint autel du lieu où l'iniure aura esté faite par le Baillif ou iuge ordonné audit lieu de par le Prince : dans le palais duquel si aucun estoit si hardy que de faire telz scandales, & esmouuoir noise, & querelle, il estoit iusticiable de mort, s'il ne rachetoit sa vie en obtenant remission du Roy que il auroit offensé. Voire en la cité mesme où le Roy estoit present si aucun y esmouuoit bruit, pourueu que il ne s'ensuyuist bateries, ny blessures, estoit amendable à grosse somme.

Le tiltre quinzieme contient les guet à pens, & la legere punition qu'on donnoit à ceux qui estoient les aggresseurs, & la fuyte des autres iusqu'au sr. ce ne sont que matieres de blessures, specifiant le Prince toutes les manieres avec lesquelles on peut dommager vn homme. Mais au cinquante & vniesme est faite mention des empoisonneurs, lesquels la loy met à pareille condition que ceux qui conspirēt la mort de quelque homme libre, ainsi que dit a esté cy dessus : là où le serf, & esclau, qui mesloyent ces breuages estoient condampnez à la mort, & si l'empoisonné mouroit, le seigneur de l'esclau qui auoit donné le boucon faillloit que payast l'amende, comme s'il fust cause de tel homicide : & sur ceste matiere encor se passe le cinquante & deuxiesme. Le suyuant est des maistres massons, & charpentiers, ou Architectes, que la Loy appelle maistres Commarins : où il est dit, que le maistre des œures ayant composé & arresté de pris avec le seigneur de la maison que on rebastist, si vne poultre, cheuron, ou pierre tombant, blessé, ou occist quelqu'un passant par la rue, le maistre de la maison ne sera tenu à reparation de l'amende, ains plustost celuy qui tire

le gain pour la reparation de telle ruine: & ainsi est pouruiuy sur les boute-feux, sur les larrons des moulins, & autres occurrences, iusqu'au cinquante & septiesme: Lequel comprend en soy les degrez de consanguinité, de telle sorte que la Loy les fait estendre iusqu'au septiesme, entant que il touche le droit de succession: & au tiltre cinquante huit, est faite mention du partage des enfans, où les bastards sont receuz à la succession non en esgal avec les legitimes, mais ayans vne troisieme partie: Bien est vray que celuy qui naissoit du Bastard, perdoit le droit de telle succession, & seulement luy faisoit on la grace de le laisser en liberté, si ce n'est que le pere en mourant luy eust fait quelque donation, de laquelle il pouuoit iouyr.

La loy portoit encor que là où les plus proches parens d'un homme, comme un sien oncle luy diroyent parolles iniurieuses, comme luy mettās sus qu'il estoit né en paillardise: celuy à qui l'iniure est faite, iurera sur les saintes Euangiles qu'il est legitime, & que iustement il succede aux biens desquelz il est possesseur. Et ainsi son bien luy doit demourer, n'estant point raisonnable que cause de si grande consequence soit mise au iugement, & vuidange de la fortune hazardeuse d'un combat. Et le mesme est dit de celuy qui querelle ce que vne femme aura eu pour son douaire, & legitime. Voire si le mary estoit soupçonné d'auoir fait mourir sa femme, il luy estoit octroyé se purger par serment, que il n'estoit cause ny par soy, ny par personne interposée de la mort de sa femme, & ainsi estoit absouz de l'accusation n'estant impossible que un combat puisse vider chose de si grande consequence.

Les tiltres suyuantz sont sur les aquests des freres qui viuent en communauté, & des causes legitimes, & permises au pere pour desheriter ses enfans, ce qui luy est deffendu sans bien iuste occasion, lesquelles il racompte telles, si le filz à conspiré contre le pere, si l'a voulu suborner sa belle mere, ou s'est accouplé incestueusement avec elle: & comme le pere ne pouuoit desheriter ses enfans sans iuste cause, aussi le filz n'eust osé donner, ny aliener rien des biens paternelz durant la vie du pere. Lequel estant sans hoir, & sans esperance d'en auoir, si par cas faisoit donation de ses biens à quelcun, & que puis apres se mariant il eust lignée, la donation ia faite perdoit sa vigueur, & les enfans iouissoient de l'heritage. Le soixante deuxiesme article emporte les donations: & par le 65. article, il est aisé à voir que le mary faisoit proufit à la femme de l'argent que elle portoit pour son mariage: car voicy les propres mots de la Loy: Quiconque aura fiancé vne fille, ou femme de franche condition, & que les fiançailles faites, & la foy promise, le fiancé differera l'espace de deux ans à l'espouser, delayant les nopces, le temps susdit expiré, il est en la puissance du pere, ou du frere de la femme, ou de celuy qui a en main son douaire, & ioyaux, de contraindre le fiancé à tenir promesse: & ce pendant le prouffit du retardement demourera entre les mains de l'espousée, pour la faulte que le mary à fait en l'abusant.

Puis s'en suit (ce qui encor s'observe & en Italie, & en Gascoigne) si le pere

Tiltre 57. des degrez, de consanguinité.

Tiltre 58. les bastards heritoient entre les Lëbards.

Tiltre 59. des causes où le combat n'est point octroyé.

Tilt. 60. & 61. des communautés des freres: & des exheredations.

Tiltre 62. des donations.

Tilt. 65. des espousailles.

LIVRE TROISIEME

*Tilt. 68. des nop-
ces incestueuses &
deffendues.*

*Tilt. 71. des pail-
lardises.*

*Punitiōs des cri-
mes entre les Lō-
bards se faisoient
par la bourse.
Tilt. 79. des Par-
ricides.*

*Tilt. 80. 81. &
82.
Tilt. 83. ne veut
qu'une femme soit
en sa seule puis-
sance.*

*Tilt. 85. des adul-
teres.*

*Ceste loy estoit cō-
mune à plusieurs
nations.
Tilt. 87. 88. 89.*

Des morts sans

ou les freres donnēt leur sœur legitime à vn mary, elle se cōtentera de ce qu'elle aura receu le iour qu'on la liurera à son espoux, sans qu'elle puisse demander rien d'auantage. Aioūste le Prince les moyens, & degrez es- quels les nopces sont deffendues: Ne soit (dit-il) permis à aucun d'espou- ser & prendre à femme, celle qui fut l'espouse de son pere, ny la fille de celle qui aura esté sa femme: ny la vefue de son frere deffunct: & si quelcū outrepasse l'edit, soit separé d'icelle, & condemné à l'amende, & les meu- bles confisquez moitié au roy, & l'autre à la femme. Les folies de paillar- dise sont contenues en l'article 71. où il est dit, Que si vne fille, ou femme de libre condition font faute de leur bon gré, & avec hōme de leur sorte, & calibre, que ce soit aux parens de chastier la femme à leur fantasie: & si les parties s'accordent de se marier ensemble, neantmoins l'homme qui a commis ce forfait l'amendera de 20. sols enuers le Prince. Que si les parēs dissimulent le fait, & ne punissent leur fille pour s'estre ainsi forsaite: il se- ra loisible au Baillif, ou Iuge de se saisir de la femme au nom du Roy, & en iuger selon qu'il plaira au souuerain. Les rapt & violences, & accou- plemens des basses personnes avec celles de plus hault lieu, sont compris en cinq ou six articles suiuians, que ie laisse pour euitier prolixité, & d'autāt que les punitions y sont toutes pecuniaires, par là où l'on cognoit, que ces roys aymoyent estrangemēt l'argent, & que l'œil des officiers veilloit sur les crimes, afin d'en tirer cuisse, ou esle. Cy deuant est parlé de celuy qui conspire contre son pere: mais le tiltre des parricides exprime clerement quelz il comprend sous ce mot, disant: Si aucun a coniuré la mort de son parent, c'est à dire, si le frere de tascché d'occir son frere, ou le neueu son on- cle, ou aura donné conseil de l'occir, si celuy à qui on dresse telles embus- ches n'a point d'efans, que l'autre qui vouloit le faire mourir ne soit point son heritier, ains luy succederont les autres qui luy seront plus proches de sang: que s'il n'en y a d'autres que lesdits conspirateurs, qui puissent succe- der legitiment, que ce soit le roy, qui luy succede, lequel vsera selon son bon plaisir de la vie de cest homicide, les biens duquel viendront à ses pa- rens plus proches, en default desquelz le Roy s'en declare l'heritier legi- time. Je laisseray à part les tiltres des meurtres cōmis sur les femmes faits par leurs maris sans occasion, & d'icelles sur leurs marys: & de la loy qui ne vouloit souffrir que femme quelconque tant fust elle de condition frā- che, & noble, vesquist sans estre suiette ou à mary, ou à parens, car defaillāt l'un ou l'autre le Roy s'en disoit estre le gardien, & seigneur: & que au re- ste elle ne pouuoit disposer d'aucuns biens meubles, ou immeubles, sans la volonté de celuy sous la charge duquel elle seroit mise. Quāt aux adul- teres l'ordonnance portoit que quiconque espousoit la femme d'autrui, & l'hōme, & la femme fussent mis à mort, s'il est ainsi que tous deux eus- sent donné consentement à la faulte. Et si quelcun trouuoit vn autre cou- ché avec sa femme c'estoit en luy de les occir tous deux, sans qu'il en peut estre recerché aucunement. Je ne veux esplucher les tiltres des mariages clandestins & sans le consentement des parens: ny des esclauēs avec les femmes libres, ou des chambrieres fauories de leurs seigneurs, les prenans en mariage: moins m'arrestera y sur ceux qui decedoyent sans tester, des- quels la

quelz la succession estoit immediatement adiugez à la couronne : ny en-
cor sur les affranchissemens des esclaves : ny des achapts, ventes, & prescri-
ptions de temps, à cause que la pluspart, a ne sçay quoy de commun, &
semblable avec nostre droit, & coustume obseruée en plusieurs endroitz
de nostre France : comme lors qu'il est parlé des faulxaires la loy porte ces
motz : Quiconque sans le commandemēt expres du Roy falsifiera la mō-
noye, ou battra, & figurera l'or, que les mains luy foyent coupées : & le
mesme soit fait à ceux qui font de fauces lettres. Ce seroit trop s'amuser
qui voudroit esplucher les articles des engagemens, debtes, larcins, dom-
mages faits à autrui, & des chasseurs ce qui s'en obseruoit le tēps passé. Vn
cas trouuay-je fort estrange que si vn pere decedoit, & iceluy fut endebté,
le filz estoit quitte des debtes en affermant que son feu pere ne deuoit
rien, ou prenant iour assigné pour combattre celuy qui luy demandoit.

Quant aux estrangers viuans en Lombardie la loy estoit semblable, à ce
qu'on vse en France en ce qui est du droit d'Aubene : car vn estranger vi-
uant entr'eux iouissoit de pareils priuileges que les Lombards, tellement
que mourant avec enfans legitimes, il les laissoit ses heritiers, mais n'ayans
hoir legitime, ne leur estoit permis, vendre, aliener ny donner leurs biens
sans licence expresse du Prince. Et afin que ie comprenne en vn mot les
loix principales du roy Rotharis, ie diray seulement qu'au tiltre cent dou-
ziesme, il est dit, que nul champion soit si hardy d'entrer en camp de ba-
taille contre son ennemy, portant aucune herbe charmée, ny breuet, ou
chose semblable, ains seulement les armes accordées entre les parties.

Et par là on peut voir combien les charmes ont d'effort, puis que
de tout temps on a pourueu à ces folies par les loix, & ordonnances des
Princes, & que de nostre temps nous voyons encor obseruer ces sermens
en pareilles choses. Tout à escient ie passe sous silēce plusieurs autres loix
tant du fustit Rotharis que de Grimoald, lequel ayant occis Gundipert,
& Partharite se fait roy des Lombards, en l'an de nostre salut six cens soi-
xante dix, tenant le siege saint Pierre le Pape Vitalian, & Constantin le
barbu l'empire, & regnant en France Childeric second du nom. Et diray
quelque cas des ordonnances de Luitprand fils d'Asprand, qui commēça
à regner sur les Lombards l'an de grace sept cens vingt & quatre : & fut
luy cōtre qui le Pape sollicita Charles Martel, mais le prince François em-
pesché ailleurs laissa ceste charge à Pepin son filz, qui chastia Astolphe : &
apres luy Charles le grand Didier, sous lequel, (comme i'ay dit) finist la
puissance des Lombards. Ce Luitprand meit ceste loy pour la premiere
des siennes, que si vn Lombard decedoit sans enfans masles legitimes, &
que il eut des filles, qu'elles luy succedassent generalement en tout l'heri-
tage, ainsi que feroient les masles. Au reste que les filles à marier allassent
les cheueux espars, & à descouuert, ainsi qu'elles font encor & en Limo-
sin, & en Languedoc, ceste loy le monstre, disant : Si aucun Lombard, vi-
uant, a marié quelques siēnes filles, & laissé d'autres en cheueux en sa mai-
son, que toutes luy succedent esgalement, tout ainsi que si c'estoyent des
enfans masles. Ce mesme roy, suyuant l'ancienne loy des Romains, vou-
lut que les peres, ou les freres, si les filles ou sœurs s'esgaroyent en leur hô-

tester le biē aingé
au Roy.

Tilt. 90. 91. & 92.

Tilt. 98. des faul-
xaires en general.

Punitiōs des fauce
monoyeurs en Lō-
bardie.

Cecy est cōpris ex
tiltres. 100. 101.
102. & 104.

Tilt. 110. des deb-
tes du pere mort.

Des Aubenes,
que la loy nomme
Vnaregard.

Tiltre 111.

Tilt. 112. des chā-
pions.

Grimoald Roy
des Lombards oc-
cist ses princes, &
se fait Roy. Paul
diac. li. 4. ch. 18.

Luitprand Roy
Lombard fait des
loix l'an 1. de son
regne. Paul diac.
fait grand estat
de ce roy. li. 6. ch.
14. 15. & 16.

Filles à marier ia-
dis en Lombardie
alloient en che-
ueux.

Tilt. 1. des loix de
Luitprand.

Puissance des pe-
res sur leurs filles.

LIVRE TROISIEME

Tiltre. 2.

*Ordonnances de
l'an 8. tiltre. 13.
des Parricides.*

*Tiltre 15. des ma-
ioritez.*

*Testamēt pour les
choſes ſalutaires
permis aux mi-
neurs.*

*Tiltre. 22. des Nō-
mains voilées. Or-
donnances de l'o-
zième du regne
de Luitprand.*

*Rois Lombardz
ont recogneu le
Pape chef de l'E-
gliſe.*

*Tiltre. 24. de ceux
qui ſont nez de
mariage inceſtu-
eux.*

neſteté y pourueſſent, & en iugeaſſent ainſi que bon leur ſembleroit. Et afin que on voye comme l'une loy eſt l'eclairciſſement de l'autre, nous auons veu que nulle des precedentes condamne guere homme à mort, & toutesfois ce Roy eſ ordonnances par luy faites l'huitieſme de ſon regne parlant de celui qui auroit occis ou ſon oncle, ou ſon frere, ayant parlé des biens, & ſubſtance du meurtrier, il aiouſte à la fin du tiltre, comme interpretant le precedent. Quant à la vie du meurtrier, le Roy en diſpoſera à ſa fantaſie, d'où l'on recueille, que tacitement la loy le condamne à la mort. Au tiltre quinzième aiouſté l'an neuſième de ſon regne, il limite l'aage de maiorité, lors que il dit: Nous auons aduiſé que auant l'an 19. vn homme ne ſoit point hors de tutelle, ny receu à adminiſtrer ſes biens, ou en faire aucune alienation, ſi ce n'eſt que ſon pere luy ayt laiſſé quelque debte: d'autant que lors, avec le congé de ſon prince commandant en ceſte terre, il pourra autant vendre de ſon bien, comme il ſuffira pour ſatisfaire à la debte du deffunct. Et pour monſtrer combien il eſtoit religieux, il aiouſte: Ordonnons que ſi quelcun moindre de dixneuf ans, tombe en maladie qui le conduiſe à l'extremité de la mort, qu'il aye congé d'ordonner de ſes biens en ce qui touchera l'eſtat de ſon ame, donnant ou aux ſaints lieux, ou à l'hospital ce qu'il luy plaira, & iugera ſalutaire à ſon ame: & que ſa volenté ſoit irreuocable. Voyez encor la ſeuérité de ce Prince, car parlant des religieuſes voilées quoy que nō ſacrées, il veut qu'elles demeurent en la religion ſans que iamais leur ſoit permis de ſe marier. Car (dit-il) tous les chreſtiens doiuent conſiderer, qu'entre nous qui ſommes du monde, ſi quelcun auoit fiancé vne femme, & ne luy euſt donné qu'un anneau pour arres du mariage, & là dit eſtre ſienne: ſi apres cela il en prend vne autre, il eſt condamné à l'amende ſelon la loy du païs: à plus forte raiſon celles qui ſont liées à Dieu, & à ſa glorieuſe vierge mere, fault que gardēt la foy perpetuelle, & inuiolable: & veut que le ſeul Prince cognoiſſe de ce crime, & en iuge ſelon que bon luy ſemblera. Et d'autāt que les annaliſtes chatouillans ceux qui n'ont guere leu d'histoires accuſent ce Roy, & ceux de ſa nation de rebellion à l'Egliſe, oyez ce qu'il dit au tiltre vingt & quatrieſme, parlant de ceux qui ſont nais des nopces, & mariages illegitimes, & inceſtueux: contre leſquels il faigrift, & cōfiſque leurs biēs: Nous auons aiouſté cecy, d'autant que le Pape de la cité de Rome, qui par tout le monde eſt le chef des Eglises de Dieu, & de tous les preſtres, nous à admonettez par ſes lettres que nous ne ſouffrions point que telz mariages ſoyent faits en noz terres, & ſeigneuries. Je pourroy alleguer d'autres loix, & façons de vie de ceſte nation, mais le prudent lecteur ſe contentera de ce peu, & penſera que ie n'eſcris pas l'hſtoire entiere, ains poursuis ſeulement ce que celui qui a fait le liure des mœurs des nations a mis en oubly, ne voulant que ſi braues nations que les Lombards, & autres demeuraffent arriere.

Des Venitiens, & leur origine, & Bastiment de leur
Cité. Chapitre 24.

NE seroit ce pas s'oublier lourdement, si ayant poursui-
uy d'un si droit fil la plus part des peuples & nations
de l'Asie, & Afrique : & espluché ce qui est de plus
singulier en Europe, nous laissons à part, & comme
chose de vil pris la plus superbe cité de l'univers, & la
republique la mieux ordonnée, & policée que l'on
sçache auoir iamais esté au monde, ne qui ayt plus
duré en un estat, & integrité telle qu'est celle de la seigneurie, & princi-
pauté florissante de Venise : Ia n'aduienne que poussé d'une haine en-
uieuse, ayant touché les Lombardz, l'oublie ce peuple ancien, & mari-
time, lequel a succédé en une belle partie des Prouinces siettes iadis à
l'Empire Lombard, mesme estant assuré que les Venitiens nous doi-
uent ce que ilz sont, comme estans de leur premiere source & origine
Gaulois, & sortis d'un coing non à mespriser de nostre Gaule. Et d'autant
que Sabellique, homme qui semble en ses escrits iurer la guerre au nom
Gaulois, veult priuer noz ancestres de la gloire que l'histoire leur accor-
de en cest endroit, auant que passer outre en la consideration des mœurs
Venitiens nous amenerons les diuerfes opinions des auteurs, & y aiou-
sterons nostre iugement, non sans raison, & autorité vallable des histo-
riens remarquez & de grandeur, integrité, & d'une fort grande antiqui-
té. Mais plustost vous veux-je alleguer ceux desquelz les enuieux du nom
Gaulois s'arment pour se targuer, & amener les peres & maieurs des Ve-
nitiens d'ailleurs que des Gaules.

*Venitiens à pre-
sent tiennent une
partie du pais Lo-
bard.*

*Sabellique liu. 1.
decad. 1. de l'hist.
Venitienne.*

*Italiens ennueux
du nom Gaulois.*

Ce grand racompteur de fables, & babillard Tite Liue, pour ramener
les Padouans (du nombre desquelz il estoit) des fuytes de Troye, & les
faire parens des Romains lesquelz il flatoit avec son histoire, nous batist
un Antenor (celuy que Homere en son Iliade prouue pour trahistre, &
vendeur de sa cité) lequel conduit de Paphlagonie les Henetes peuple
abondant en bons cheuaux, en ce coing du pais Adriatique, & desquelz
il dit que toute celle coste à depuis porté le nom. Or voicy les propres
mots de ce Padouan: En premier lieu, il est tout euident, que Troye estant
prise, les Grecz mirent au fil de l'espee tous les Troïens, exceptez Enée
& Antenor, tant pour estre de tous temps leurs amys, & ce que aussi ilz a-
uoient tousiours pratiqué la paix & conseillé que Helaine fut restituée à
son premier mary. Aduint depuis par cas, & fortunes diuerfes, que An-
tenor s'acostant des Henetes peuple de Paphlagonie, lesquelz au siege de
Troie auoient perdu Philemene leur Roy, & qui chassés de leur pays
cerchoient nouvelle demeure, vint au recoin de la mer Adriatique, &
chassant les Euganees (lesquels se tenoyent entre les Alpes, & ladicte
mer) y feit l'arrest pour les Henetes, & Troïens de sa fuyte, tellement que
le lieu où premier ilz s'arrestèrent portoit le nom de Troye, & tout le peu-
ple fut surnommé des Henetes. Aux songes de cestui-cy souferit le Poëte
Sillie Italique, disant ainsi.

*Tite Liue li. 1. des
la cité bastie.*

*Antenor trahist
Troye. Voy Ho-
mere en l'Iliade.*

*Henetes peuple
de Paphlagonie.
Si tout y mourut
d'où sont d'oc des-
cendus les Fran-
çois, qui se vantent
du fil de Hector.*

*Euganees peuple
Adriatique.*

LIVRE TROISIEME

Silie Italique li. 8.

*Du terroir Euganee alors l'effort Troien
Qui suyuant Antenor dechassé de son bien
S'arresta en ces lieux, & Aquileie insigne
Auec les Venitiens troupe forte, & diuine
Armée y arriva avec le secours sien*

Voyez vous qui estes diligens chercheurs de l'histoire, & aduisez les choses de pres comme Liue s'abuse, & ne pouuant cōduire les Troyens pour peupler le païs Euganéen, à cause que Enée auoit les troupes pour dresser l'Empire Romain, il est contraint d'emprunter la Paphlagonie, & laisser l'histoire vraye de ceux qui longs siecles au parauant, auoyent peuplé & la coste Adriatique, & les Carniens, Carinthiens, Istriens, & Pannoniens, ainsi que nous auons assez bien declairé ailleurs, & pource n'est besoing de le repeter si souuent : & si d'ailleur ie n'eusse trouué Liue menteur, & fabuleux, ie luy eusse laissé passer ce coup, & eusse volontiers couuert le

*Annie Iacopin
est celuy qui fait
les peuples à sa po-
ste sur l'allusio des
noms.*

*Fra-Leandre en sa
marche Treuisa-
ne suit le commun
erreur.*

ieu pour celer son peu de diligence. Je sçay bien que si ie vouloy aiouter foy à ce bastisseur de Genealogies Annie en ses Commentaires, il n'y a fable qui ne nous seruist pour vraye histoire, ny allusion de nom que on ne raportast soudain à la verité de la chose : & m'estonne que Fra-Leandre Bolognois estant si diligent chercheur qu'il est, se soit coiffé d'un pareil bonnet de nuit, que son confrere le Viterbien, si ce n'est que refusant il se fust ainsi esgaré comme les autres : d'autant que s'estant apuyé d'un foible baston pour supporter le faix de ceste preuue, qui sont les fragmens de l'histoire de Caton, laquelle nous est autant suspecte, que desplaisantes les refueries de l'inuenteur.

Iustin li. 20.

Ce bon religieux pour ne sembler contredire à son Anier (ie pensois dire Annie) ayant allegué vn autre Magasin de fables, à sçauoir Trogue, ou son abregeur Iustin, lesquels tout ainsi que Liue veut auâcer les Troyens, haudent la gloire des Gregeois, neantmoins font descendre les Venitiens de la Paphlagonie, sous la conduite du traistre Troien Antenor. Ce bon homme (dis-je,) ayant allegué Iustin, dit encor que cest illustre historien Grec Polybe est de mesme opinion : l'ay feillitez les liures de Polybe, & notamment le passage allegué au second liure par les Bolognois, ou tant s'en fault que l'auteur die rien à son auantage, que il y contredit euidement : & duquel telles sont les parolles : faisant mention des Gaulois & de leurs anciennes conquestes : Les lieux voisins de la mer Adriatique sont habitez par l'ancienne race des Paphlagoniens. Ceux-cy s'appellent Venitiens lesquels ne different ny en mœurs, ny en l'habillemēt aux Gaulois, seulement sont ilz diuers en langage.

Polybe, li. 2.

*Venitiens ressem-
blans en mœurs
aux Gaulois.*

Les Paphlagoniens sont mis en ieu, ie le confesse, & d'Antenor ny des Troyens, pas vn seul mot, mais oyez que les façons de faire, & l'habillemēt sont Gaulois : à quoy tend cela ? si ce n'est à l'origine du peuple ? ou s'il est Paphlagonien, ç'ont esté depuis les Gaulois, qui courans, & conquestans l'Italie peuplerent ce païs, aussi bien que la Romagne & vne belle partie de Toscane, & presque toute la Lombardie : ce que Tite Liue n'a osé nier, & Fra-Leandre le deduit doctemēt en son Italie, &

*Après Antenor
(si iamais il fust)
sont le pays Eu-
ganeen fut possé-
dé par les Gau-
lois.*

Polybe le mentionne au lieu susdit & parle ainsi des Venitiens, pour montrer que ce sont les Gaules à qui ce païs marin doit les premiers traits de sa gloire, & auancement. Mais que direz vous de Berose qui fait sortir ce peuple des enfans de Phaeton, & d'un Venete fils d'Eridan Prince en la Gaule Cisalpine, & là dessus Annie s'uyt nostre party: entât que voyla Antenor avec les Troyens & fugitifs de Paphlagonie desappointez, voire du tout incogneu cōme ceux lesquels (ainsi que croit Dion Prussien) ne furent iamais en estre seulement en ce remarquez, qu'Homere en a embelly sa poësie fabuleuse: & ainsi Sabellique le perdrait tout cōtent, qui ayme mieus que les Venitiens soyent sortis de l'Asie effeminée, q̄ de la nation d'Europe la plus braue, la moins douillette, & à laquelle encor. ressemblent les façons molles, & seueres des Venitiens. Or est-ce assez amené de passages pour le party contraire, lesquels ne nous endommagent pas grandement, veu le peu de s'uyte de leur histoire, & qu'elle est fondée sur les fables, & la seule verisimilitude, oyons ce qu'en dit Herodote, & lors faudra que Liue, & Iustin prennent combat contre le pere des historiens, & que chacun de son costé deffende son fait, & se reuence du tiltre de mēlanger. Cestuy parlât des Thraciens dits Siginnes les auoyfine des Venitiens se tenâ sur la mer Adriatique sans parler riē des Troyens, ny Paphlagoniens, ains les dit estre sortis des Medes: & si ceux-cy eussent esté Troyens ou descenduz de leur race, il n'eust ia oublié de le dire non plus qu'il faict des Peoniens, lesquels il dit estre venuz en ce païs Macedonien des Teucriens, cōme nouvelle colonie des Troyens en celle terre. Or suis-je esbahy des contrarietez de Liue, qui ayant faict ce peuple Troyen, craignant que les plus ignorâs ne se moquassent de son peu d'aduis & sçauoir en l'histoire, & ne voulât abiurer son dire, & faire un desdit, couure sa faulte ailleurs en disant que les Gaulois estoient les derniers & plus freschement venuz au pays Adriatique pour l'habiter, ce qui aduint lors que Bellone & Sigonese, ainsi que nous auons deduit ailleurs, conquerent l'Italie, & chasserent les Toscans de leurs douze principautez & seigneuries. Strabon a esté plus sage, lequel, sans y asseoir autre iugement, a dict parlant de la regio qui est outre le Po en Italie: Le reste (dit-il) est delà le Po, or ces lieux sont habitez partie par les Ligures, partie par les Gaulois, qui se tiennent & sur les monts, & en la campagne, les uns sont Gaulois, les autres Venitiens: Ces Gaulois sont parens des autres qui habitent delà les Alpes: quant aux Venitiens il y a deux opinions touchant leur origine: Aucuns les estiment estre descendus d'aucuns Gaulois qui se tiennent le long de l'Océa, & lesquels portēt mesme nom que ceux cy. D'autres sont d'opinion qu'ils sont descendus les Henetes, lesquels apres la guerre de Troye s'estans sauuez avec Antenor, prindrent de Paphlagonie auant leur course iusqu'en ces lieux d'Italie: & s'aydent de ceste preuue que ce peuple est fort adonné à la nourriture des cheuaux, de laquelle à present ils ne tiennent aucun compte: mais iadis ils y prenoient un singulier plaisir, tout ainsi que ceux qui s'estudient de tirer des mulets en faisant acoupler les asnes avec les iumens, ainsi que dit Homere.

Beros. l. des desflorat.

Venete fils de Eridan.

Annie s'uyt Berose.

Dion Prussienie que iamais Troye ayt esté.

Venitiens retiennent encor la gravité ancienne des Gaulois.

Herodote l. 5. nommant les Venitiens, ne mentionne les Paphlagoniens.

Tite Live, li. 9. de la Decad. 4. dit le pays Venitien habité par les Gaulois.

Strabon li. 5.

Ce sont ceux de Vannes en Bretagne, peuple iadis puissant, & riche.

Preuve assez majeure pour dire les Venitiens sortis de Paphlagon.

LIVRE TROISIEME

Homere.

*La race des mulets d'une grande vigueur
Des Henetes à source, & ils en ont l'honneur.*

*Chevaux loiez
des Henetes.*

*Strabon 4. soustient
les Venitiens estre
sortis des Gaulois.*

*De ceste bataille,
voy Cesar. Com-
ment. li. 3.*

*De cecy, voy Fra-
Leandre en son Ita-
lie.*

*Gaulois meilleurs
guerriers que ba-
billeurs.*

*Plusieurs pays no-
mez des Gaulois*

*Halycarnasse li.
1. des origines de
Rome.
Cornill. Tacite li.
des Annales 11.*

*Alise à present
petit village en
Bourgoigne où ia-
dis fut la grand
cite Alexie.*

Voire Denys le Tyran de Sicile, tiroit de là les chevaux qu'il adextroit pour les ieux olympiques : de sorte qu'entre les Grecs les chevaux Venitiens estoient recommandez sur tous les autres, & eust ceste race chevaline grand bruit par longs siecles en Grece. Mais la chose estant en suspens, & Strabon nous en laissant le iugement, ie suis d'avis que pour le plus asseuré (estant la foy suspecte de ces courses songées des Troyens) nous arrestions nostre opinion sur la chose plus que veritable, & laquelle tous les historiens soustiennent des Gaulois, se faisant seigneurs de toute ceste coste Adriatique, de la Dalmatie, & d'autre costé de tout le pais auoyssinant les montaignes iusques en Hongrie, ainsi que ie deduis assez amplement en Gaule. A quoy s'accorde Strabon, quand il dict: Il y a vne nation des Belges près de l'Ocean, entre lesquels sont les Venetes qui combattirent sur mer contre Cesar: puis adioust, i'estime que ce sont ceux cy desquels sont descendus les Venitiens, & qui conduirent vne Colonie sur la mer Adriatique, veu que le reste presque de l'Italie fut possédé des Gaulois, qui y passerent de la Gaule transalpine: tels que furent les Boies, Senonois, & autres: mais à cause de la similitude du nom, plusieurs les ont estimez sortir de Paphlagonie, ce que ie ne voudrois point maintenir. Voyez comme ce grand personnage s'en arreste à la verité, sans se soucier de l'opinion commune de ceux qui aymoient mieux fonder leur origine sur vn peuple effeminé, & chassé de son pais, vaincu par les Grecs, qui ont seruy de iouët à tout le monde, plustost que suyure ce qui est, & se confesser de la race la plus gaillarde de l'vniuers, & du peuple, qui bien faisant, & sans escrire s'est fait cognoistre la frayeur & des Grecs, & des Latins, & qui à conquis, & possédé leurs terres avec telle gloire, & felicité que leur nom y a demeuré par plusieurs siecles, ce qu'on ne peut dire (sinon en songeât) des Troyes: Veü qu'Halycarnasse escriuât l'histoire Romaine, donne l'honneur aux Grecs de la fondation premiere de Rome, quoy qu'il sceut q'les Romains se glorifiasent d'auoir eu vn Enée fugitif pour chef de leur race. Cornille Tacite encor ne dissimule point ceste nation estre descendue des Gaulois, lors qu'il parle de la consultation faicte à Rome du temps de Claude Neron sur la receptiō des estrangers en la bourgeoisie & senat de Rome: car voicy comme il en discourt: Vous semble il peu de chose que les Venitiens & Insulbres soyent entrez iadis par force en la court, si encor on n'introduit la captiuité en icelle par l'assemblée receüe des estrangers.

Quel plus grand honneur scauroit on faire au reste de nostre noblesse? Puis adioust: Ce seroit bien raison que ceux cy pour estre riches soyent auancez au senat, les Peres, & ayeulx desquels ont esté les conducteurs des armées ennemyes de nostre cité, & ont mis noz soldats au fil trenchant de leurs glaives, & assiégé Iule Cesar dans la cité d'Alise. Que voulez vous de plus cler & euident pour recueillir ces Venitiens e-

estre Gaulois, veu qu'il n'y a eu nation jamais auant la mort de nostre seigneur Iesus Christ, que les Gauloys, qui aye saccagé la cité de Rome: & vous voyez que Tacite racompte cecy des Insulbres & Venitiens, pour autant que ces peuples estoient descenduz de la race, & sang de ceux qui iadis vainquirent les Romains, prindrent & saccagerent leur ville. Voyla quant à l'origine du peuple Venitien, que ie dis nostre, eu esgard que tout leur voisinage a esté contraint de se confesser auoir pris accroist par le nom Gaulois: & ceux qui se sont amusez à esplucher l'histoire ne nient point que tout le trait depuis Pole, tournant vers le Forly, & marche Treuisane n'ayt esté l'habitation des anciens Gaulois, qui de là passèrent en Germanie.

*Pole cité d'Histrie.
Forly cité, & is-
du Comté.*

Reste à monstrier le commencement de celle tant superbe cité qui semble à present estre la forme & vraye figure de celle Rome ancienne, tant elle est florissante, & riche, & non moindre qu'Athenes, lors qu'elle tenoit l'Empire de la mer Mediterranée, faisant teste aux Perles, comme de la memoire de noz peres, les Venitiens ont fait cõtre le tyran effroyable de Turquie. Il n'y a donc presque pas vn qui ayt tant peu soit gousté l'histoire qui n'aye leu, ou entédu quel rauage Attila, (ayant esté vaincu pres Tolouze par Aetie general de l'armée imperiale secouru des Goths, & François) feit par tout où il passa, & quelles furent les villes, & excellentes citez qu'il brusta, desmantela, mit à bas & saccagea, courant tout le país d'Italie, & passant là dessus sa colere en souuenance du deshonneur receu en la bataille.

*Excellence de la
cité de Venise.*

Ce Roy furieux, pollu du meurtre commis en la personne de son frere, assuré pour la mort du grand Capitaine Aetie, & qu'aussi les Goths, auoyent des querelles ensemble, s'en vint en Italie, & assiegea la cité de Aquilée qui pour lors estoit le chef de tout le país Venitien, laquelle il print, saccagea, & mit en cendres: n'usant pas de moindre douceur à l'endroit de Padouë, Monfalice, Esté, Vicenze & Verone. Les habitants des citez destruites, qui desia les auoyent quittées oyant Attila auoit mis le siege à Aquilege s'en estoient fuys en l'isle de Grade, où à present est le Patriarchat de Venise, & ceux de Padouë auoyent enuoyé le Thefor de leurs eglises à Realte, avec leurs femmes, & enfans, ainsi que les autres peuples voisins qui se sauuerent du tyran, se retiras en ces Paluz ayans perdu leurs país, & citez de leur demeure.

*Attila vaincu
par les Romains.
Paul Diac. li. 5.
des gestes des Ro.
L'hist. Romaine
sous le nom d'Eu-
trop. li. 15.
Blod li. 3. de l'im-
de l'Empire.
Cecy aduint l'an
de grace 455.
Saccage ruine de
la ville d'Aqui-
lege. voy sabelliq.
Decad. 1. li. 1.
Voy I. Caddide li.
3. de l'hist. d'A-
quilege.
Volateran li. 1.
des commentaires.
Voy sabelliq. li.
1. de l'Enead. 8.*

Or y auoit il plusieurs islettes en ces paluz, où à present est bastie la cité de Venise, qui seruirét de retraite au peuple Venitien: qui y commença dresser quelques maisonnettes. Les Historiens varient icy (tant on a esté de tout temps peu soigneux de remarquer les choses au vray) sur le temps qu'aduint le premier bastiment de Venise: mais quoy qu'il en soit, si ce aduint au premier voyage d'Attila lors qu'il laissa la Pannonie pour passer les monts, ce fut l'an de grace, quatre cens trente & deux, quoy que en die Volateran: mais si ce fut apres la deffaitte des Huns en Languedoc, & au mesme temps qu'il pillá, & ruina Aquilege, sans doute le cas aduint l'an quatre cens cinquante & cinq, &

*Volater 4. de la
geograph.*

LIVRE TROISIEME

*Deux diuerses fa-
çons du bastiment
de Venise.*

*Quand fut l'edifi-
cation principale,
& lors qu'en s'ar-
resta pour y habi-
ter.*

*Contaren lin. 1.
des Magistr. &
repub. Venitien.*

*Theodat regnoit
en Italie, l'an de
grace 534. avec la
Roynie Amalaf-
uenthe. roy Pro-
copie.*

*Epistre de Theo-
dat Roy Goth
aux venitiens.
Cassiodore.*

*Jean Euesque
d'Ypsalie. li. 10.
de Goths cha. 10.
& 11.*

*La mer est le logis
Et pays des Veni-
tiens.*

*Merueilleuse as-
siette de la cité de
Venise.*

l'année apres on commença à bastir la cité, non si magnifique qu'elle est maintenant, mais de boys seulement. Mais sil est ainsi que les Venitiens se retirassent en ces paluz dès le temps que les Barbares commencerent à rauager l'Italie, ils n'y demurerent pourtant pour s'y habiter que lors qu'Attila fit cest eschec susdit par le país Adriatique vn an auât son trespas. En somme la premiere habitation, & bastiment de Venise és paluz, commença dès l'an 422. au seul bruit de la descente des Huns, & Lombards, mais celle fuyre qui causa que les peuples Venitiens bastirent la cité de saint Marc, aduint sans faillir l'an de nostre Seign. 456. qu'on nomme la grand' edification, à cause que lors tous les peuples voisins s'y retirèrent avec leurs biens, y escoulans les eaux marécageuses, & faisans come terre ferme celle qui est assise au milieu des eaux. Or auant que venir aux mœurs, police, & magistrats de ceste superbe ville, nous deduirons vn peu l'assiette d'icelle que nous auons recueillie, non de Sabellique quoy qu'il la paigne & effigie fort industrieusement, n'y de Contaren jaçoit qu'il la descriue gentiment, ains des lettres de Theodat roy Goth, amenées pour tesmoignage par Cassiodore qui en monstre le plan & assiette avec grand naïueté & gaillardise. Car ayant ledit roy enuoyé Larence en Istrie pour auoir viures, il en escriuit aux Tribuns de Venise en ceste maniere.

Il a long temps que l'ordonnance est faicte, par laquelle nous auons estably que l'Histrie prouince abondante en vin & huiles, & desquelles choses elle a recueilly ceste année en abondance, en fournist nostre palais royal seant heureusement à Rauenne. Quant à vous, qui auez grand nombre de vaisseaux & nauires en ces lieux, & le long de la coste d'Histrie, vserez de pareille honesteté d'vn bon cœur & affection, afin de nous porter en diligence ce que les Histriens sont prests de contribuer. Car ainsi vous aurez esgalle occasion de vous ressentir de nostre recognoissance, veu que l'effect de l'vn n'ayant le pouuoir de se parfaire, pour estre esloigné sera mis en execution par vous. Soyez donc diligens pour voz voisins, puis que souuent vous trauezsez des espaces infinis sur mer, courans comme sur la terre de voz hostes & amys, qui nauiguez incessamment par vostre pays mesmes. Au reste de voz commoditez ceste-cy est adioustée, qu'vn autre chemin vous est ouuert, qui vous rend asséurez d'vne tranquillité perpetuelle. Car si la mer est troublée & deffendue à l'aborder par la vehemence furieuse des vents: vous pouuez voguer, & vous esbattre par les plaisans & delectables cours & litz des belles riuieres: Et si voz nauires & voiles tendus, ont frayeur des vents courroucez & esmeus, il leur est aisé de se mettre à bord, & descendre hastiement à terre pour se garentir. De loing auant, on diroit que voz vaisseaux se pourmenent dans des préz: & aduient souuent qu'on ne voit point les nacelles, lesquelles plusieurs fois on tire avec des cordes, & les fait on cheminer avec le mesme cordage, qui n'aguere les tenoit liées au port: & ainsi leur condition changée les hommes allans de leur pied secourent la course & chemin de leurs vaisseaux & Gondoles, & tirent sans grand peine celles qui les portent ordinairement, & en lieu du lin estendu pour voile, on y vfe & se sert du pas gaillard des nautonniers. Il nous plaist de reciter en quelle sorte nous auons

nous auons veu le plant de vos maisons estre assis, & dressé. Venise renommée, & pleine iadis de grand noblesse touche de ses finages vers le midy, & Padouë, & le terroir de Rauennie: vers l'Orient elle iouïst du plaisir, & estendue de la mer Ionique, ou le fluz, & reflux d'icelle couure, & descouure à diuerses fois, & successiuent la face des champs qui l'auoïsinent. C'est là où vous hebergez & y auez vos domiciles tout ainsi que les oiseaux de riuere, veu qu'en vn moment on voit vostre Cité Insulaire, & soudain elle aparoit comme terre ferme, & continente: tellement que vous penseriez là estre les Isles Cyclades, ou sur l'instant vous voyez vn changement de face, & figure du paisage. D'autant qu'à leur ressemblance, on aperçoit les maisons esparfes par l'estendue spacieuse de la mer, dressées ainsi insulaires non par la nature, ains basties par la diligence soigneuse des hommes. Veue que la solidité de la terre y est assemblée, & vnue avec des verges, & liens d'osier, & ne craint on point d'opposer vne matiere si fressle, & legere aux flots de la mer, lors que la pesanteur, & effort d'une leuée de pierre ne peut résister aux vagues qui par diuers canaux s'escoulent en vostre cité: & y est remedié sans force, ou grand trauail, où les grans efforts n'y ont peu donner secours quelconque.

*Isles Cyclades sont
en la mer Egée, ou
Archipelague.*

Les habitans ont entre vous vne seule abondance c'est de se nourrir à gré de poisson: C'est là que le pauvre vit esgalement avec le riche, vne seule viande contentant & les vns, & les autres, & que tous sont logez de pareille sorte, sans qu'ils puissent auoir enuie sur la magnificence des bastimens chacun de son voisin: & viuans en telle maniere, & avec telle modestie, & attrempance, ils escheuent, & fuyent le vice, auquel on sçait que tous les hommes sont subiets. Tout vostre debat gist, & consiste es salines: en lieu de socz, coultres, & faux pour cultiuer, ou couper les fruits, vous maniez les Cyindres, c'est de là que tirez vostre reuenue, entant qu'en iceux vous possédez les choses mesmes que vous ne faites point: la monnoye, n'y est en vsage que pour le viure, & tout fruit se rapporte à vostre science.

*Ses richesses anciennes
des Venitiens.*

Il y peut auoir tel homme qui ne se souciera guere de faire amas d'or: mais il n'y a aucun qui ne desire d'auoir du sel en sa necessité, & ce à bon droit, entant qu'il n'y a viande qui ne luy doïue son bon goust, & saueur. A ceste cause, les nauires, lesquelles sont liées à vos murailles comme les bestes à l'estable, calfeustrez les soigneusement à fin que quand le tres-expert seigneur Laurent, que iay enuoyé pour la prouision des choses susdittes, vous en donnera l'aduertissement, vous y veniez avec toute diligence, à fin que ne retardiez ce qui nous est necessaire par voz difficultez, entant que c'est en vous de choisir la commodité du voyage selon la disposition de l'air, & du temps. Voyez la simplicité ancienne, & le commencement de celle grande cité qu'on estime l'ornement de toute l'Europe: & laquelle quand cecy fut escrit n'estoit encore que bastie de boys à la façon de Rome lors que Romule y dressa le premier fondemēt, ressentant plus ses cabannes, & loges rustiques, que la magnificence qu'on y a depuis dressé, apres que la cité eust esté bruslée: d'autant que

*Cylindre, est rouleau pour aplanir
le sel, & autre chose.*

LIVRE TROISIEME

*Sabellig. Decad.
1. liv. 1.*

lors chascun y faisoit son logis de terre & torchis, ainsi que la chose se presentoit, comme ayans en fantasie de se retirer en leur pais dès que les Barbares s'en seroyent allez de leur terre. Mais voyans que la chose alloit en empirant, & que les Huns ayans fait leur course, les Lombards iouïoyent desia leurs ieux, ils oublient le premier desir de plus retourner en terre ferme, & bastissent Realte, qui à present est le lieu principal de la cité, & ou est basti le Palais Ducal, & le temple magnifique de saint Marc, Patron de la cité maritime. Dressent aussi Grade pour le siege de leur Primat, ainsi qu'on le voit estre à present: & en somme mesnagent si bien toutes choses comme desirans fonder (ainsi qu'ils ont fait) vn siege durable à ces peuples fugitifs, & amys, & de leur liberté, & de la purité de la religion, & ayans donné quelque beauté à leur ville, soudain commencerent a tascher de l'enrichir de bonnes loix, sainte police, & de Magistratz qui tinssent la main au gouuernement, desquels il nous fault quelque peu discourir au chapitre qui l'ensuit.

Des Magistrats anciens & modernes de Venise, & de la police & estat public d'icelle. Chapitre 25.

*Si lon compte des
la fuyte premiere,
il a 1147. ans, si
de la seconde, il n'e
a que 1113.
Venise nō iamais
prise par estrange*

*Rome souillée par
le sang d'un de ses
fondateurs. Tite
Liv. liv. 1.*

*Differēce des co-
mencemens de Ro-
me, & Venise.*

*Venise nō iamais
infectée d'heresie*

*Monarchie Fra-
çoise pourquoy de
telle durée.*



E fault s'esbahir si on voit les affaires Venitiens festre bien portez iusqu'à l'heure presente. Et si en onze cens ans ou environ, qu'il a qu'elle est bastie, iamais estrange n'y donna atteinte par armes, iacoit que les richesses grandes qui sont encloses dans cest enceint marin, soyent assez suffisantes d'allicher vn cœur moyennement conuoiteux, & de les souhaitter, & de tascher d'en auoir la iouissance: mais quoy? elle n'a point eu son commencement par effusion iniuste de sang comme l'Empire Romain, & les murs de la cité chef d'iceluy qui furent souillez du sang du frere occis par son germain: aussi le premier peuple qui emplist les rües marefcageuses, & insulaires de Venise, n'estoit point le ramas de toute sorte, de voleurs, & ravisseurs du bien, & femme d'autrui, ains vne troupe de bons citoyens ciuillisez, & aymans Dieu, qui fuyoyent la superbe, & cruauté des tyrans, & Barbares, ioint que depuis que ceste cité est bastie, on ne sçache dire qu'elle ayt esté abreuee d'aucune infection d'erreur, iacoit qu'en ce temps là les heresies pullulassent comme à l'enuy par le monde.

Donc l'assemblée de bons citoyens, la cause qui les vnit ensemble, la forme, & estat de leur police & en somme leur integrité, a esté cause d'une telle felicité, & durée de leur ville, ainsi que les François, pour mesmes raisons ont veu la monarchie florissante de leurs Roys iusqu'à nostre siecle, & laquelle durera, si l'heresie & guerre ciuile n'y cau-

font quelque desordre. Or iagoit qu'il y ayt eu plusieurs republiques, l'empire, iurisdiction, puissance, force d'armes, & gloire des conquestes & victoires, desquels ayent esté plus grands, & renomniez que des citoyens, & seigneurs de Venise: si est-ce que iamais n'y eut cité mieux instituée ou qui eut des loix plus saintes, & conduisant l'homme à vne bonne, & heureuse vie, qui à esté l'occasion aussi que leur gloire ne s'est si soudain aneantie. Et quoy que l'ambition semble estre vn esguillon naturel en l'homme, & que tous soyent poussez, iusqu'aux plus saints, à conuoiter les hōneurs, & oublier le public, pour leur gloire particuliere, si est-ce que le Venitié à esté de tout tēps si bien bridé par les loix, & surveillancement du Senat de la ville que la lōgue coustume de la modestie ancienne s'est conuertie en habitude naturelle iusqu'à ce temps, que tous ne s'estudient à autre cas qu'à l'establissement, continuation, & surhaucement de la gloire de leur republique, sans que pas vn en vne si grande multitude se monstre auoir rien de plus cher que le bien commun, ny agreable que la gloire de la seigneurie: & sans encor que les chefs de guerre facent parade de leurs haults faits par erection de Colosses, statues & Pyramides, contens que leur vertu soit peinte en l'esprit, & memoire de leurs concitoyens. Et à fin que ie n'esloigne plus mon dire, qu'il n'est besoing, & desireux de passer outre sur les façons de faire Venitiennes, toucherons vn peu, comme en passant leurs Magistrats, & l'ordre qu'ils gardent à les eslire.

Or ce peuple, comme de tout temps il a porté le nom de sage, & preuoyant, aussi en dressant le gouuernement de sa cité, il y pourueut avec vne singuliere prudence, Entant qu'en premier lieu il ne voulut point qu'un seul exerçast puissance à discretion sur la multitude, & ne trouua encore bon, que le peuple (animal turbulent & factieux) eut le maniement des affaires (ainsi que iadis à Athenes, & Rome,) à cause des seditions, & partialitez des grands supportez de la populace, qui pourroyent causer la ruyne de leur liberté, ainsi que depuis en est aduenue à l'estat de Florence: moins sarresta sur le gouuernement d'une seule troupe choisie d'hommes sages, pour arrester la souueraineté en vn seul lieu, ains de toutes les trois parties fut basti vn iuste moyen de gouuerner la cité, & de policer les citoyens qui sont membres d'icelle.

Consideré le dommage qui aduient le peuple ayant puissance sur l'estat: aussi auoyent ils opinion que la dignité royale estoit dangereuse, pour la queue qui la suit, entant que nul païs gouuerné par les Roys à passé plusieurs siecles sans gouter le hanap amer, & de mauuais goust de quelque griefue tyrannie, là où au contraire les republiques, & potentats auoyent duré longuement, & flourey en temps de paix, & de guerre en tous leurs affaires. Les Venitiens donc dès toute saison ont plus aymé beaucoup la paix, que les troubles de la guerre, & sur tout se sont estudiez que aucune discorde ciuile ne troublast leur estat, & l'union des citoyens, non que pourtant ils mesprisassent du tout la guerre, & appareil d'icelle en ce qui touche la marine, veu

Ambition esguillon naturel en l'homme.

Modestie des Venitiens & amour enuers leur patrie.

Sagesse Venitienne en dressant l'estat de sa cité.

Estat populaire fort dangereux. Florence esclauée. & comment.

Pourquoy les Venitiens ont refusé d'auoir Roy sur eux.

Meslange de gouuernement à Venise. Venitiens amys plus de la paix, que de la guerre.

LIVRE TROISIEME

que l'affiette de leur ville n'est commode pour autre exercice d'armes, soit de pied, soit de cheual dequoy aussi ne sont guere aidez, iusqu'à tant que on les a veu agrandis en terre ferme du costé de l'Italie & Esclaunie. Et en departant leur police, ils vferent iadis de telle modestie, & honneste meslange que leur republique porte la marque & d'une principauté royale, & le gouvernement Aristocratique, & d'une troupe choisie de gens de bien, & où le peuple semble auoir quelque préeminence. Or le souverain qui ordonne les loix, & d'où depend l'autorité, & du Senat, & de tout le reste des Magistrats, est le Conseil: auquel assistent les magnifiques, & toute la noblesse de la cité ayant atteint l'an 25. de leur aage: voire en y a il qui y entrent à plus bas aage selon le droit & benefice du sort, & balotage. Quant au peuple & ceux qui sont de bas lieu: & non nobles, il fut ordonné dès le commencement de la cité, que nul de la lie, & multitude populaire, fut receu à ce Conseil, en la volonté, & arrestz duquel gisent les forces, & autorité souveraine de l'estat de la Cité.

Le grand Conseil de qui composé à Venise.

Le simple peuple ne doit assister au grand Conseil.

Autorité & pouvoir souverain du conseil.

Quels sont les nobles & d'où leur vient la noblesse.

Le conseil est la figure de l'estat populaire.

Le Duc Venitien porte la figure royale.

Prince Venitien est bridé par le Senat.

Capi de dieci est la forme de l'Aristocratie.

Consiglio d'y pregati.

En quel aage sont receuz les gentils-hommes au conseil maieur.

Aduocats de Venise qu'elle puissance ont.

Or s'appellent ceux là gentils-hommes entr'eux, ceux qui ou de sang, ou par vertu se sont rendus segneaux & illustres, ou lesquels ont fait quelque grand seruice à la republique, desquels le nombre en est presque infiny à Venise, & ou les estrangers ayant fait pareil deuoir ont esté aussi incorporez & receus. Toute ceste assemblée donc de citoyens qu'on nomme le grand Conseil, & duquel depend, & le Senat, & la puissance qu'ont tous les Magistrats, se raporte à l'estat populaire, & Democratie qui est vne des parties des gouvernemens des estats. Quant à la dignité royale, elle y est effigée, en l'election du Duc, auquel on ne limite point de temps pour tenir l'office, ains il y est à vie, & lequel est obey comme vn Roy, gardée la grauité, & maiesté deuë à telle puissance: si bien que les loix sont publiées sous son nom, & les patentes, & despesches, marchent sous l'aueu & autorité du Prince, quoy que bridé par l'autorité du Senat. L'Aristocratie, & gouvernement de peu d'hommes, & iceux sages, y est painte en l'assemblée du Senat & magistrat des dix hommes, (nommez entre eux Capi de Dieci) & du Conseil des priez (qui est dit à Venise Consiglio di pregati) lesquels sont comme les maistres de requestes en la maison de nostre Roy d'autant que c'est à eux de faire les rapports au Senat touchant les choses qui concernent l'estat, & profit de la republique, & seigneurie.

Voila quant au gouvernement, & comme il est meslangé des trois sortes de regner, à sçauoir Monarchie, Aristocratie, & Democratie. Reste à veoir quel ordre on tient en receuant les ieunes seigneurs qui briguent pour estre vnis, & enrollez au grand Conseil, & lesquels on y reçoit (comme dit est) moindres de vingt-cinq ans, pourueu que ce ne soit plus bas du vingt-iesme.

Ceux donc qui veulent paruenir à ce ranc, se vont presenter au Magistrat, lequel à pour sa charge principale, le soucy de faire obseruer les loix de la republique, & lequel on appelle le Conseil des Aduocats. Lefquels seuls peuuent accuser, n'estant permis à Venise à personne priué de faire l'estat d'accusateur deuant les Iuges: & est mesme l'autorité de ceux

cy, que iadis fut celle des Tribuns du peuple à Rome: mais diuerſe, car les Tribuns Romains, ne ſ'amuſoyent qu'à la deſſence des fantaſies, & volōté du peuple, là où ces aduocats Venitiens penſent aſſez faire pour le ſupport de la multitude en tenant la main aux loix, & les faiſant conſeruer inuiolables. Deuant ceux-cy donc que ſe preſente ceſte ieuneſſe des nobles accompagnez de leur pere, ou fil eſt decedé, la mere leur y faiſant compaignie, ou (elle eſtant treſpaſſée) les plus proches parens y aſſiſtans, avec deux teſmoins gens de bien, & remarquez en la cité: & là les ieunes hommes donnent atteſtation de leur ſang, preuuent de quel pere ilz ſont nez, & de quelle mere, à ſçauoir femme de bien, & ſortis de mariage legitime d'autant que les baſtards ne ſont receus à tel honneur. Les teſmoins fault qu'aſſerment par ſerment que leur dire eſt veritable, comme choſe cogneuē de chacun, & qu'ils le ſçauent par le recit de tout le voiſinage puis les patens iurent que le ieune ſeigneur à paſſé l'aage de vingt ans. Ce que eſtant tout mis par eſcrit par le greffier du magiſtrat, il fault attendre iuſqu'au quatrieſme iour de Decembre, auquel tous les noms de la ieuneſſe des nobles qui pourſuit, & qui encor n'eſt enregiſtrée au nombre des citoyens, ſont mis dans le vaſe du ſort, lequel eſt porté au Prince, & mis deuant luy, en la preſence des Conſeillers, qui en ont vn autre dans lequel y a autant de balotes, comme en celuy des Aduocats y a de noms eſcrits, chacun ayant vn rollet pour ſoy à part. Or la cinquieme partie des balotes eſt d'or, & le reſte d'argent. Le prince tire du vaſe premier vn billet des noms, & de l'autre ſoudain vne balote, laquelle fil eſchoit eſtre d'or, le ieune homme eſcrit en ce billet: eſt ſur l'inſtant enrollé au nombre des Patrices, & receu pour aſſiſter au grand conſeil. Mais ſi la balote eſt argentée, il eſt regetté, & fault que attēde le ſort, & balotage de l'année ſuyuante, ſi ce n'eſt que lors il euſt attainé le vingt-cinquieme an de ſon aage, d'autant qu'iceluy eſt le temps legitime à tout gentilhomme Venitien d'eſtre fait bourgeois de la cité, & de participer es honneurs & charges d'icelle. Et aduenant que le pere ou ayeul de quelque gentilhomme ſoit pour abſence ou quelque autre occaſion, n'ayt iamais eſté enregiſtré au liure public des bourgeois: afin que fraude ne ſ'en enſuiuiſt, & q̄ pluſieurs ne l'introduiſſent à faux tiltre parmy la nobleſſe, loy a eſté faite, que tel homme ſe preſentant, & ſoy diſant gentilhomme d'ancienne maiſon, les ſeuiz Aduocats n'en auroient la cognoiſſance, ains ſeroit la cauſe rapportée au conſeil des quarante. Et là celuy qui veut eſtre receu faut que prouue ſa nobleſſe, & par teſmoins, & par eſcrits publics, & par ce moyen on diſpute de ſon droit & iugent les quarante (leſquels on choiſit ordinairement du corps du Senat) ſi tel doit eſtre receu, ou non entre les Patrices, & ſeigneurs de la cité. Mais afin qu'aucun ne ſ'en allaſt ſans punition, ſi abuſant du ſenat il ſe diſoit noble à faux tiltre la loy portoit, que auāt qu'ētrer en iugement, il conſignerait 500. eſcus, leſquels ſeroient conſiſquez au theſor public en cas qu'il perdît ſa cauſe. Et puis que nous ſommes ſur le propos du conſeil maiour, il fault noter, que iceluy, dès toute antiquité ſ'aſſemble tous les huit iours, & quelquesfois plus ſouuent, ſelon que les affaires le requierent.

Difference de ces aduocats avec les anciens tribuns du peuple à Rome.

Ordre obſerué à recevoir les ieunes ſeign. au conſeil.

Vaſes du ſort iadis vnes par les Romains.

Ces balotes ſont de toile: mais puis dorées & argentées.

L'an 25. limité pour entrer au conſeil, ſans qu'o puis ſe ſepriner le pourſuiuant.

Loy, obuiant aux fraudes des nobles ſes ſuſpōſées.

Conſeil des quarante qui a les iugemens, & ciuils, & criminelz en main.

Loy de conſignation, & pourquoy eſtablie.

Quand ſ'aſſemble le conſeil maiour.

Grand puissance, Et autorité du conseil maiour. Or est la charge, & pouuoir de grande estendue d'autant que c'est luy qui crée, & establit toute sorte de magistrats, & officiers de la republique tant ceux qui iugent, & ont commandement en la cité, eslist le Senat, & le conseil des dix hommes, que aussi ceux qui sont ordonnez Poteslatz, ou gouuerneurs, & Theforiers, & Prouidadours & Sindicz par les villes, & citez qui sont de l'alliance & societé Venitienne.

Loix publiées par le conseil, durant que le Duc n'est encor esleu. Par l'election encor du conseil maiour, fault que passent ceux qui ont la garde des fortressez, les generaux des Galeres & armées de mer, les Lieutenans, & Capitaines particuliers de chacune galée: & affin que ie die tout en vn mot, il ne se fait Magistrat ny dedans ny dehors la cité, qui ne faille que soit autorisé par ceste grande assemblée: laquelle aussi donne force, vigueur, & valeur à toutes loix faites pour le bien & entretenement de la police: & sur tout lors que on est sur le point d'eslire le Prince, la place duquel tient le conseil, iusqu'à tant qu'on

Ordre gardé en l'assemblée generale du conseil maiour.

Quels magistrats assistent au conseil des citoyens.

Le greffier au milieu de l'assemblée en lieu hault.

Serment des Magistrats deuant le Duc, quel.

Vases diuers du fort, et pourquoy.

Nombre de Balottes pour l'election.

en aye esleu vn autre. Mais auant que venir à l'election du Duc nous dirons vn mot, en passant de l'ordre tenu au conseil lors qu'il s'assemble: Dès que la noblesse y arriue chacun s'asseoit au premier lieu qu'il se rencontre, d'autant qu'il n'y a point de place limitée pour aucun, que pour certains Magistratz qui y president: lesquels sont le Duc, & son conseil, & les troys Presidents du conseil des quarante, lesquels sont assis en vn lieu plus eminent, & qui ont seulz la puissance de proposer ce qui est à dire en l'assemblée.

Vn peu plus bas & contre la muraille, sont assis en certains bancz deputez pour cest effait les Aduocats & troys Presidentz des dix hommes. Et bien loing du siege Ducal, sont les sieges des Auditeurs tant de l'ancienne, que nouuelle election: & l'heure venue du conseil, les portes de l'audience sont closes, & les clefz portées au siege du Prince, & mises à ses piedz. Et lors se leue le Greffier, lequel (comme font les Huissiers en noz Parlements,) appelle à haulte voix les Magistratz qui doiuent presider au Conseil: lesquels viennent faire le serment entre les mains du Duc de faire si bien que les loix seront inuiolablement gardées, & d'accuser les citoyens qui contreuiendront à icelles, & les punir selon la rigueur des ordonnances. Le serment fait, chacun se remet en sa place sauf l'vn des Aduocats, & des Presidentz des dix hommes qui se vont mettre vis à vis du Prince, mais loing de son siege, & des deux costez, loing aussi du Duc sont les auditeurs. Et lors on porte les trois cruches & vases du fort (lesquelz es iugemens sont cogneus en ce que l'vn est blanc, qui emporte perte de cause, l'autre verd, qui est pour ceux qui gagnent. & le troisieme rouge, approprié pour l'amplication, n'estant encor la matiere bien espluchée) qui sont mis deuant le siege du Duc, dans lesquels on met les balottes tant d'or que d'argent qui sont pour l'election, car celles des iugemens sont (comme dit est) de toile: le vase du milieu n'a que soixante balotes 24. d'argent, & trente six d'or: les autres deux en ont infiny nombre qui sont d'argent, mais d'or il n'en y a que trente: lesquelles sont toutes marquées de certains caracteres, affin que on n'y puisse faire tromperie.

Aupres de chacun des vases est assis vn conseiller choisi d'entre les plus ieunes. Or ces vases & balottes sont là mis pour le choix de ceux qui seront du conseil plus estroit : (car les Venitiens ne font rien que par le iugement de ce sort) d'autant que leur escheant vne balotte d'or, & fallants presenter au vase du milieu, ilz en retirent vne autre pelote, laquelle si encor elle est d'or, ils sont receus au conseil du Prince, si d'argent ils s'en retournent en leur place, & de ces vases vse on ainsi iusque à ce que neuf sont esleuz par ce moyen, lesquels on appelle les Electeurs, d'autant que c'est à eux a eslire les Magistratz, ayans fait le serment de sy gouverner sincerement, & pour le bien, & prouffit de la cité : le reste qui y est obserué, ie suis d'aduis que le lecteur en consulte vn peu le liure de l'excellent seigneur Gaspard Contaren Patrice, & homme de grande & remarquable erudition, car ie me contente d'en donner le simple cration, pour n'oublier ce qui est de principal en nostre discours qui est des mœurs, & façons de vie de chacune nation. Ayant donc parlé de l'election des moindres Magistratz, & qui en est l'electeur, c'est raison que nous venions à parler de celuy qui est le souuerain, d'autant que delia nous auons dit, que la cité de Venise r'apporte en soy vne figure, & ombre de la Monarchie en la personne de leur Duc, de la premiere creation duquel ie ne veux encore discourir, me suffisant de dire, & quel est son pouuoir, & comme l'on en vse en l'eslisant, le premier estant decédé. Le duc Venitié donc n'a aucune charge qui luy soit cōme attribuée particulieremēt, veu q̄ tous les affaires publics sont de son deuoir, & fault qu'il y tienne l'œil dessus, estat en luy de se soucier de la vie & actions tāt des autres Magistratz, que de chacun des citoyens en particulier : afin que si quelcun verse mal en sa charge, il le face apeller au cōseil public, & là le reprend fort aigrement de sa faulte : ou si le cas le merite, le met entre les mains des dix pour s'enquerir du fait, & le punir suiuant la sentence du cōseil. Or ceste puissance ducale, est bridée de telle sorte, que le Duc seul ne peut rien, & ioint aux autres Magistratz, il n'a nom plus de voix que chacū d'eux en son esgard : voire les magistratz tant grāds soyēt ils ne peuēt ordonner rien de conséquence, qui ne passe sous l'autorité du conseil. Le duc encor si on fait l'electiō des offices de la cité, n'a pouuoir aucū de favoriser aucun des siēs, ains passe sous la loy esgale au moindre de la noblesse. Mais afin que ceste charge si fascheuse, ne demeurast sans recompence, le default du pouuoir, est satisfait par l'honneur qu'on luy fait & la grandeur Royale representée par son excellence : aussi est-il vestu ordinairement de drap d'or ou de pourpre, portant en teste comme vne tiare de lin en lieu de couronne royale, auec vn petit chaperon ayant vne bordure d'or, la partie duquel, qui couure le derriere de la teste, esleue en façon d'une corne : ayant au conseil, & assemblée vn throsne Royal pour s'asseoir par sus tous les autres. Et n'y a homme soit-il en office, ou sans dignité, qui osast parler à luy, que la teste descouuerte, & le Prince ne fait careffe, ny honneur en tel lieu à homme quelconque.

Toutes les despēches publiques se font au nom du Duc, & scellées de son seau, tous les Embassadeurs enuoyez çà & là, les gouuerneurs, &

*Conseillers gardés
les vases.*

*Electeurs des ma-
gistratz neuf en
nombre.*

*Gaspard Contaren
liu. 1. des Ma-
gist. de Venise.*

*Le Duc seul ne
peut riē à Venise.*

*En l'electiō des
Magistratz le duc
n'a nom plus de
voix que le moi-
dre.*

*Vestement du duc
Venitiē.*

*Honneurs, & di-
gnitez, du duc.*

LIVRE TROISIEME

*Six conseillers a-
ioints au duc.*

*Revenu du Duc
de Venise.*

*Magnificence du
Palais Ducal.*

*Quatre festins
que le Duc fait
aux magnifiques,
et en quels iours.
Buccentor à quoy
destiné.*

*Le duc de Venise
épouse la mer.*

*Ceste Eglise est
delà le grand ca-
nal.*

*Duc Venitien fait
present de canards
aux magnifiques.
Garde du Prince
sans armes.*

*Nombre des Se-
nateurs à Venise.*

potestatz des Prouinces & villes subiettes à l'estat, adressent leurs lettres, lors qu'ils escriuent au Senat, au Prince: comme aussi toutes loix, & ordonnances de quelque magistrat que ce soit, sont publiées souz l'autorité du Duc: & la monnoye tant d'or, que d'argent porte le nô, & figure du Prince: en somme par tout vous voyez la figure parfaite d'un roy, mais la puissance souveraine en est du tout esloignée. A ce seigneur sont ioints six conseillers, lesquels ne sont que huit mois en cartier, & ne bougent iamais de la compagnie du Prince, duquel ils oyent les parolles, & scauent les actiôs, & sont compagnons de sa puissance. Et afin que la grande richesse & abondance ne rendit ce Prince insolent, il manioit à discretion le thesor de la cité, il luy est seulement ordonné pour son estat, & maison 3500. escus de rente annuelle, qui suffisent à l'entretenir, si par cas il n'estoit guere bien aisé de son patrimoine, & est cest argent pris du thesor public. Et est si chargé de despences que ce revenu s'en va & plus, sans que le Prince aye moyen d'en enrichir les siens: il est tousiours vestu de soye, sa maison fort superbement tapissée, seruy en vaisselle d'argent, & ne luy manquant rien qui apartienne à la grandeur d'un Prince. Aussi faut que tous les ans quatre fois il dresse un festin, & banquet magnifique à soixante citoyens & plus choisis à sa volonté, sauf que les magistrats principaux y peuuent venir encor qu'ilz n'y soyent apellez. Les iours ordonnez à ces festins sont la Saint Estienne, aux festes de Noel, le mois d'Auril, & iour de S. Marc Patron de Venise: la feste de l'Ascensio nostre seigneur, qui est le iour que le Duc accompagné de la ieunesse Venitienne monte sur le Buccentor, qui est une Galere magnifiquement parée & bastie pour cest usage, & entrant, passé les canaux en pleine mer, il gette un aneau d'or en icelle, espou- sant l'epouse de Neptune. & ou assiste l'Euesque, qui benit la fiancée: & apres ceste gentile ceremonie, ils s'en vont en l'Eglise S. Nicolas bastie en celle terre qui separe la pleine mer d'avec les canaux sur lesquels est edifiée la ville, où la messe est deuotement chantée: & icelle finie, on rameine le duc en son Palais, & banquetent en sa compagnie. Le quatriesme festin se fait au mois de Iuing, & le iour de la feste des martyrs saint Vite, & Modeste, à l'Eglise desquelz le Duc est conduit en grand magnificence, ou le diuin seruice est finy, le Duc reçoit à sa table une bonne troupe de citoyens. Et d'autant que toute la noblesse ne peut assister à ces banquetz, il est estably déz toute antiquité, que ceux qui n'y ont point esté semons, & qui sont du corps du grand conseil, ayent en huer chacun de la part du Prince cinq canards de riuere pour present, & pour la part qui leur doit eschoir du festin: & c'est en quoy sont employez les deniers que la seigneurie donne au Prince: & en sa garde qu'il a ordinaire, mais icelle sans armes, afin que par ce moyen il n'establit un estat tyrannique en la cité. L'election du Duc nous la differons au chapitre suyuant, afin de cōprendre icy le Senat, qui est une partie des meilleures de l'estat de Venise. J'ay dit que le Senat se raporte à l'Aristocratie, & gouuernement d'une petite troupe d'hommes sages: aussi y a-il à Venise six vingts legitimes Senateurs, iacōit que de nostre temps on ayt grandement accru le nombre: les legitimes ny autres ne sont point perpetuels en l'estat, quoy qu'ils en portent le tiltre,

le tiltre, ains sont esleus, & choisis tous les ans par l'assemblée, & grand conseil duquel auons parlé cy deuant: toutesfois en ceste dignité ilz eslargissent leur conscience, & bien souuent ils en continuent plusieurs, ainsi qu'il semble bon à la seigneurie. La maniere de proceder en l'election est semblable à celle des Electeurs, de laquelle auons desia fait mention, & se fait es moys d'Aoust, & Septembre, estans premieremēt esleus 60. lesquels lendemain de leur election en escriuent encore d'autres, pour parfaire le nombre, & gettent les cartels dans le vase du sort, sans que aucun y mette pas vn de ses amys, veu que la loy deffend que plus hault de deux parens y soyent receus ensemble, affin que les brigues estans plus fortes d'un costé que d'autre ne fussent trop dommageables à l'estat public. Entre ces esleus, les soixante premiers portent le tiltre de Senateurs, & les autres s'appellent adionts: & outre les six vingts, entrent au Senat, sans le Duc, & ses conseillers, les dix hommes ou conseil de Dieci, le conseil des quarante, les iuges criminelz, les pouruoyeurs des viures, & sel, les Procureurs de S. Marc, la puissance, & honneur desquelz, apres l'autorité ducale est des plus grandes, & respectées de la cité, lesquelz tous ont degré, voix, & pouuoir au Senat, faisans tous ensemble le nombre de deux cens vingt Senateurs. C'est au Senat le gouuernemēt entier de la police, & affaires publiques, estant ferme & stable tout ce que le Senat ordonne, & establit, par l'ordonnance & iugement duquel & on fait la guerre, & les accords, les imposts, tailles, & decimes se leuēt pour subuenir au public, & si la necessité requiert qu'on eslise quelque nouveau Magistrat, c'est au Senat à le nommer, & eslire, comme aussi c'est à luy de choisir les hommes suffisans que la seigneurie enuoye en embassade vers les roys, & Princes estranges: voire est en luy d'eslire les sages qu'ilz nomment, la puissance desquelz est d'assembler le Senat, & de faire les rapports des causes deuāt les seigneurs. Or si aduient quelquefois qu'on vueille contraindre vn seigneur à prendre quelque charge qui ne luy est agreable, chacun des Senateurs met en la cruche du sort, le nom de celuy qui luy paroist le plus capable pour s'acquitter de telle chose, & puis on tire les billets, & celuy qui en a le plus, pourueu que d'une seule voix l'une partie surmonte l'autre, il fault qu'obeisse, veu q sans acception de personne le sort semble l'auoir choisi pour ce faire. Sur les cōsultations du Senat fault entendre qu'on eslit seize hommes, que les magnifiques appellent les sages, d'autant qu'ilz sont estimez surpasser tous les autres en sagesse, l'office desquelz est Semestre, & diuisez en trois rances: le premier ayant la charge de proposer au Senat, ce qui cōcerne les affaires de grand importance soit de la paix, ou de la guerre, & sont six en nombre: le second ranc est de cinq citoyēs, lesquelz iaçoit que ayant pareille autorité de r'aporter que les premiers, si ne sont ilz tāt estimez, ny honnorez, & est leur charge de se soigner des soldats nourris, & souldoyez par le general de l'armée Venitienne: Le troisieme ranc ne se mesle de rien proposer au Senat, que des affaires concernans la marine, lequel estat fut iadis en grand honneur lors que les Venitiens se faisoient redoubter sur mer, mais à present ceste gloire est presque toute aneantie. Or le conseil de ces seize officiers est appellé College: & s'assemblent tous

Senateurs continuez, souuent à Venise.

Election des Senateurs.

Deux sortes de Senateurs legitimes, & adionts. Qui, outre les Senateurs, entrent au Senat.

Procureurs de S. Marc. voy Contaren liu. 4. Puissance du Senat Venitien.

Voy Contaren liu. 3. des Magistr.

Conseil des sages à Venise.

Moyē tenu q enuoyer vn gentilhomme à une charge, luy ennu la receuant.

College des seize sages lesquelz sont semestres.

Estat & charge des 16 sages.

LIVRE TROISIEME

les iours de grand matin avec le Duc, & ses conseillers, pour ouyr les requestes de chacun ayant quelque affaire ou avec la seigneurie, ou à quelcun des Magistrats, & de cecy ils en iugent ensemble, ou, s'il est besoing, ilz en font le raport au Senat. Puis se retirent sur les dix heures au conseil

*Vn Presidēt chā-
gé tous les sept
iours au college des
sages.*

pour consulter des grans & publiques affaires: où estans assis, le chef du conseil (car tous les sept iours vn d'entr'eux y preside, & est changé) propose ce dequoy il fault deliberer, & chacun disant son aduis en son ranc, soit qu'ilz soyent d'accord, ou que les sentences soyent diuerfes, ils vont vers le Prince, & Conseillers pour declairer ce qui s'est passé, auant qu'assembler le corps du Senat, & y font recitées les opinions de chacun en particulier par le Greffier, qui est secretaire du Senat. Lequel assemblé, apres qu'on a leu les lettres qui sont des affaires de consequence, & que le Prince, & Sages du college ont receuës depuis la dernière assemblée du Senat: puis on propose les opinions de messieurs du College: lesquels discourent leurs aduis l'un apres l'autre, sans qu'il soit permis, ny loisible à Senateur aucun de parler, tant qu'ayent finy de dire messieurs du college. Et s'il y a quelque Embassadeur nouueau venu qui vueille declairer sa charge au Senat, il est receu par le Duc, Conseillers, & tout le college, deuant lesquels il propose son dire, & d'iceux est courtoisemēt ouy: lequelz luy demandent temps pour consulter: ce qu'ilz font en la façon ia declairée, puis le raportent au Senat, où le Prince discourt les requestes de l'embassadeur, & ouys ceux qui ont charge d'y parler, à la fin on arreste suyuant l'aduis du Senat, ce qui doit estre respondu audit Embassadeur: auquel on lyt l'ordonnance du Senat, & ainsi on luy donne licence. Voila quant au Senat. Le conseil des dix hommes les presidents desquels s'appellent en lague vulgaire Capi de Dieci (chefs des dix) est pour la cognoissance des crimes, & y est la rigueur grandement & seuerement gardée, d'autant que c'est des grands crimes que la cognoissance leur est commise, mais à present, estant leur autorité de plus grand estendue que iadis, aussi ne sont ilz plus seulz es vuidanges des procez, ains y sont appelez les Aduocats, & iuges criminels, & le college des sages, les Procureurs de saint Marc, & outre ceux-cy encore quinze Conseillers nommez adioints, que non le Senat, ains les dix homes choisissoyent iadis du Senat, là où maintenant tel choix est fait du corps, & assemblée du conseil public, & maiour, estât ceste dignité si necessaire à Venise qu'elle seule se peut presque vanter de tenir, par son integrité, la republique Venitienne en vigueur. Et est l'estat si iustement dressé en celle seigneurie q'les pauvres qui n'ont moyen de salarier les aduocatz pour leur deffence, sont soulagez en cela, qu'il y a des officiers commis à plaider pour eux aux despens du public: & d'auantage homme ny est puny sans estre aiourné, & sans que sa cause ne soit deuément debatue: cōme ainsi soit (ainsi que i'ay proposé) que aucun ne peut accuser vn autre que ceux qui sont du conseil, & college des aduocatz.

*Nul parle au Se-
nat auant les 16.
du college.*

Je n'auroy de long temps fait, si ie vouldoy m'amuser apres tous les offices, estatz, & magistratz de la police Venitienne, & s'il failloit s'arrestier à la charge des deputez de l'Arsenal, des gouverneurs des Prouinces, & Porestats des citez d'Italie, des Thesoriers, & Prouidadours, & autres di-

gnitez ordinaires en l'estat de Venise: & pource laissant ce discours, ie reuiendray à l'election du Duc, & au temps que la cité de Venise commença à estre gouvernée souz le nom d'un tel Prince.

En quel temps furent esleus les premiers Ducz à Venise: & le moyen de proceder à l'election. Chapitre 26.



L n'y eust iamais nation qui se soit arrestée en l'estat premier de sa fondatiō, & qui n'aye changé de gouvernement selon que les choses & occurrences d'icelles se sont présentées: veu mesmement que la liberté, qui est vn des plus precieux dons que le ciel departe à vn peuple, & pour laquelle ceux mesme, qui embrassent (comme de leur bō grē) la seruitude combattent obstinément, a esté mesprisée pour establir quelque ordre, qui semblaist estre l'appuy d'icelle. Ce qui se voit en l'erection des puissances dès le commencement, veu que la sainte escriture mentionne les Geants, & puissants en la terre, & ceux qui les premiers planterent les racines des royaumes, & empires. Or cōme les peuples les plus friants de liberté, ayēt tousiours eu pour suspect le nom royal, si est-ce q̄ ne pouuās se maintenir sans chef ont esté cōtraints de choisir quelques vns pour les guider, & regir l'estat de leur police: dequoy vous peut faire foy celle ancienne republique des Iuifs administrée par les iuges depuis la mort du grand legislateur Moise, & de cest excellēt capitaine Ioué, sous lequel ont tréblé tous les roys & de la Palestine, & Mesopotamie. Les Gaules aussi (comme nous esperōs dire) furēt iadis gouvernées par les estats, & les douze Princes qui depuis ont porté le tiltre de pairs de France, auant que les Roys eussent la souueraineté sur le peuple: voire les François, ains que cōquerir les Gaules ont souuent changé de façons de police, ores le peuple ayāt l'Empire, tantost le conseil de certain nombre des plus sages, & depuis les Ducs, & generaux des armées, & à la fin y fut establie la puissance Royale. Je laissē les Perles, Egyptiens, Grecs, & Romains qui ont gousté toute espece diuersifiée de police, & gouvernement pour reuenir à l'institutiō du Magistrat souuerain de la grād cité de Venise, de l'origine de laquelle ayāt parlé, & de la source de la plus part, & du reste des officiers manians l'estat, & ayans souuent parlé du duc, de ses dignitez, & preeminēce, cest raison (ce me semble) de toucher à son election, & au temps auquel premierement ceste dignité fut erigée. Mais auant faut voir comme ceste cité estoit maninée, veu que l'autorité ducale n'a pas esté introduite tout aussi tost que les citoyens fuyans la main armée des Barbares se retirerent par les isles esparles qui ont causé l'amas des Venitiens edifices.

Fault donc noter, que ces bonnes gens qui auoyent laissē le continēt & terre ferme basty qu'ils eurent quelques maisons & forme de cité parmi les paluz de la mer, voyans que il faudroit faire desormais là leur residēce, & que plusieurs de leurs voisins se faschant qu'ilz s'y arrestassent talchoyēt de les empescher en leurs aises cognoissans qu'il faudroit pratiquer

Liberté don du ciel mesprisée des hommes.

Geants, & premiers oppresseurs de la liberté.

Iuifs gouvernez par des capitaines voy le liu des Iu- ges.

Gaulois regis par le peuple pris par les ducs, & à la fin par les Roys.

Pourquoy les Tribuns, & Ducs, créés à Venise.

LIVRE TROISIEME

aussi bien les armes que le maniement civil des affaires, proposerent de créer certains offices & magistrats qui serussent & dedans, & dehors, & en temps de paix, & de guerre, & lesquels fussent entr'eux perpetuels, & comme representans la grandeur & maiesté d'un Empire. Mais avant que mettre la main à ces dignitez à vie, aucuns Chroniqueurs Venitiens proposerent qu'on esleut des Consuls à l'imitation ancienne des Romains, & ce dès le temps qu'encor ce peuple n'habitoit que es lieux qu'on nomme à present Realte, & que les premiers qui manierent les affaires de l'estat Venitien sous la puissance consulaire, furent Galien Fontane, Symo Glauconie, & Antoine le Chauue, & duroit ceste dignité l'espace de deux ans: mais ceux qui recueillent ceste forme de gouuernement, la prennent dès le temps premier des courses des Barbares en Italie, & long temps avant que Attilie y passast, & y foudroyast tout le pays voisin à la mer Adriatique, & lesquels officiers estoient enuoyez es isles de Padoue auant, & ce ains que la resolution de s'arrester es marests, fut prise par les nations Italiennes tourmentées des Barbares. Car, suyuant ce qu'en afferment & Sabellique, & Contaren, dès que les isles furent habitées, & qu'on se fust du tout resolu de s'arrester parmy les flots de l'eau, & loing des incommoditez des courses des infidelles estrangers, on esleut des Tribuns, à l'imitation ancienne de chacune cité, esquelles y auoit vn certain Baillif, ou gouuerneur portant le nom & tiltre de Tribun: & failloit que ces officiers s'assemblassent à iours certains pour traiter des affaires communs, & pour mettre ordre à ce qui seroit necessaire pour le bien public: chacune isle auoit son Tribun qui estoit vn an en sa charge, lequel punist les fautes de ses citoyens à la rigueur de la loy, toutesfois les choses de conséquence, & qui touchoyent le commun, estoient rapportées deuant toute l'assemblée & conseil des Insulaires: mais c'estoit encor en l'enfance de ceste cité qu'on si gouuernoit de telle sorte: veu que Flore partist les accroissemens de Venise en enfance, adolescence, & ieunesse: mettant sous le mot d'enfance tout ce temps que les Venitiens se cõtindrent cachez en leurs marests dès les Hús iusqu'au temps que les Lombards vindrent en Italie. Ceste forme d'estat ayant eu vigueur pour quelque temps, à la fin l'experience feit cognoistre à ces hommes sages & de leur naturel, & pour les grands assauts qu'ilz auoyent endurez de fortune, que ces Tribuns ne se soucians guere du bien public, comme voyans leur charge exposée, & au plaisir du peuple, & sans autorité qui fut de consequence: & que pour ceste considération le profit commun en estoit grandement interessé. A ceste cause ilz trouverent que la voye meilleure plus proufitable, & necessaire pour l'establissement & continuation de leur grandeur consistoit à eslire vn seul à qui fut commise la charge de la republique, & lequel fut recogneu de tous, comme leur souuerain & prince legitime. Ainsi fut arrestée l'election du Duc, & Prince par le consentement de tous les citoyens, & son siege, & palais fut estably en la cité nommée Heraclee, laquelle fut iadis bastie à vn des coings des marestz où la mer batoit en ses fluz & reflux, en vne isle pres où le fleuue Plan s'engoulphe en la mer Adriatique, & ce au temps de l'Empereur Heraclie, duquel aussi elle porte le nom, & à present celle isle est faite

*Sabell. dec. 1. li. 1.
de l'histoi. de Venise.*

Consulz, premierement esleus à Venise.

*Contaren liur. 2.
des Magistr. & repub. de Venise.*

Tribus esleus annuelz à Venise dès le commencement.

Flore, cōme partist l'accroissement de Venise.

Pourquoy on crea vn Duc à Venise.

Heraclee cité bastie au nom de l'epereur Heracle qui regnoit l'an de grace 614.

Plan fleuue. Voy Leandre en son traité de Venise.

terre ferme pour auoir le fleuve tant amainé de sables, & limons que le tout endurcy il n'y a plus d'eau qui sépare l'une terre de l'autre. Par succession de temps ceste ville ne semblant lieu assez assuré pour la retraite du Prince à cause qu'estant trop loing du reste des islettes, & suiet aux courtes de corsaires, & escumeurs, le prince seroit en danger d'estre trouffé, & emmené auant qu'on en peut rien entendre: on remua le palais & siege Ducal, à Malamocco qui estoit vne place au milieu des canaux, & marestz des courantes des eaux, & par ce moyen & le Duc pouuoit estre secouru des siens, & les citoyens fauorisez par les conseils & sagesse de leur Prince, sil aduenoit que les Pirates attentassent quelque nouueauté.

Malamocco siege Ducal sur l'embouchure du fleuve Brente en la mer.

Siege du Duc à Malamocco, & depuis à Realte.

Mais la place ne fut guere long temps honoré de la presence du prince, soit d'autant que le Roy Pepin filz de Charles le grand qui estoit Roy d'Italie, taschoit de lassubietir l'estat Venitien, pour voir ce peuple plus affectionné aux Empereurs de Constantinople, qu'au Monarque d'Occidet, & que Pepin les menaçoit de les ruiner, & que pourcé ilz se retirerent à Realte, y posans aussi le lieu & demeure perpetuelle de leur Duc, faisans & donnans à la cité de Venise, celle grandeur en laquelle on la voit estre à present: ou soit (qui est le plus vray semblable) que le soupçon du peuple contre le Duc l'y acheminast, & luy feit poser le siege Ducal en lieu où le prince ne peut conuertir sa dignité en tyrannie. Car estant esleu duc vn nommé Theodat filz d'Vrse que le peuple auoit occis, & se tenant à Malamocco, il feit bastir vn fort chasteau sur l'embouchure que fait la riuiere de Brente dans la mer, sur quoy les Venitiens prenans opinion qu'il ne voulust se fortifier en celle place, & se faire seigneur par force, se mutinerent contre luy, le prindrent, luy creuent les yeux, & le deposent de sa dignité. En somme & l'une & l'autre raison y ont quelque euidence, mais le point principal est que Realte fut choisi comme le plus propre tant à cause de sa force estant le mieux enuironné des courantes, que pas vn des autres lieux insulaires, que pour s'y estre retirez les plus grands & ceux qui estoient les principaux du Conseil. Ainsi dès le commencement l'estat Venitien a esté soumis sous l'autorité d'un qui presida à tout le corps de la republique, mais diuersément, entant que les premiers auoyent beaucoup plus d'autorité que ceux qui sont venuz apres, & s'attribuoyent plus de licence de tout faire, d'où aussi sensuiuoit bien souuent la mutinerie, & reuolte du peuple, & quelquefois la mort, & ruine du Prince: iusqu'à tant que l'usage leur aprenant comme il falloit viure, en fin la vie du Prince estant assuiettie à la loy, & liée sous l'autorité des coustumes du pais, la puissance a esté limitée ainsi qu'à present on la voit estre au grâd profit, & ornement de l'estat publique. Or quant l'election de ce souverain magistrat les temps par leur changement l'ont diuersifiée: entant que dès le commencement, comme les anciens fussent cōduits d'une simplicité naturelle, & du tout presque esloignez d'ambition, ou pour mieux parler, chascun, craignant d'auoir sur ses espauls le fardeau d'une charge plus fascheuse & profitable, & ayant plus de parade que d'effait, fuyoit aussi d'estre honoré de telle dignité tant semblaist elle estre excellente. Et ainsi le choix, & iugement en estant donné à la multitude, celuy estoit nommé

D'Urse, & de sa mort, voy sabbellus. Decad. i. li. i. Et de Theodat decad. i. li. 2.

Les premiers Ducs esleuz par la multitude.

LIVRE TROISIEME

*L'election ostée à
la multitude.*

*Moyens observez
ainsi proceder à
l'election du Duc
à Venise.*

*Heritiers du Duc
punis pour les fau-
tes du Duc.*

*Maniere de créer
les electeurs du
Prince Venitien.*

& declairé Prince, lequel estoit en opinion d'estre le plus vertueux, sage, & prudent d'entre toute la troupe des citoyens. Cest ordre sembla bon & necessaire pour lors, n'estant la multitude trop grande des citoyens: mais estant aggrandie la cité, & le peuple augmenté les plus sages cognoissans combien estoit dommageable, & de peu de profit pour le salut, & conseruation de l'estat qu'une chose de si grand consequence que la creation du Prince fut commise & octroyée à la folle, & temeraire fantasie d'un peuple, les apprehensions duquel le plus souuent flechissent vers la partie plus corrompue & mal-saine, retranchans ceste licence trop perilleuse, ordonnerent que delà en auant on esliroit onze hommes des mieux renommez, & plus gens de bien qui fussent en la cité, & ausquels fut donnée la charge de l'election de leur prince. Mais à la fin l'ambition prenait pied avec l'accroissement de la puissance, & seigneurie, il fallust aussi inuenir nouueaux moyens de suffrages, & balotemens pour l'esgard de ceste election Ducale, & de laquelle il nous fault vn peu discourir, puis que c'est pour elle que nous auons dressé ce chapitre. Nous auons proposé par cy deuant comme durant l'interregne, il y auoit certains des Conseillers Venitiens du grand Conseil, qui prenoient le soucy de l'estat, attendant la nouuelle creation d'un Prince. Apres donc que le Duc est mort, & les obseques, & funerailles d'iceluy bien & saintement celebrées, les Conseillers s'assemblans au Conseil eslisent cinq hommes, selon l'ancienne coustume, lesquels regardent si le Duc trespassé à rien fait contre l'integrité des loix, & ordonnances anciennes, à fin de casser, & annuller ses decrets: & si le deffunt s'est monstré eschars, & n'ayant fait la despence ordonnée par la coustume, selon que ces cinq hommes en feront le rapport au conseil, les heritiers du Duc sont condempnez à l'amende, telle que l'ordonne la loy, & laquelle est pecuniaire, & la somme en est prise sur le Patrimoine du Duc mort, & mise au thesor public. Pour les mesmes Comices, & suffrages sont encor destinez cinq autres citoyens, qui sur l'heure que sont esleuz faut qu'entrent dans le conclaue conioint au lieu où se donnent les voix, sans qu'il leur soit loisible d'en sortir plustost que d'auoir cōsulté sur ce qu'il fault changer, oster, ou aiouster à la puissance & autorité du Prince qu'on doit eslire. Deliberé qu'ils ont de cecy, derechef le grad Conseil est assemblé, & luy mis en ranc, les dix sortent du conclaue, pour rapporter chascun en son endroit son opinion au Conseil touchant les prerogatiues de leur prince, & là tous les citoyens ayant voix, & aduis, on balote sur ce qui est le plus profitable pour le bien du public, & ce qui est pour lors ordonné faut que soit enregistré parmy les loix, qu'il fault que le Prince suyue tout le log de sa vie. Limitée qu'à l'autorité du Duc, l'edemain on commence de proceder à celle douteuse, & difficile façon d'eslire, par laquelle on crée le souverain magistrat de Venise. Or s'assemblēt tous les citoyens qui ont passé l'aage de 30. ans, d'autant que l'ancienne coustume forcloist de ceste assemblée, ceux qui n'ont encore atteint cest aage, & entrez qu'ils sont, on les compte, pour mettre autant de balotes dans les vases de l'election, comme il y a de citoyens: trente de ces balotes sont d'or, & d'argent toutes les autres. Ce vase, ou cruche est mis deuant le siege

des Conseilliers, & pres lequel est assis vn petit enfant, qui tirant hors les bales, appelle lescitoyens selon les rancs qu'ils sont assis, lesquels vont vers la cruche au mesme ordre qu'ils ont en leur siege. Neantmoins comme es autres suffrages & balotemens il soit permis aux citoyens de mettre la main dans l'vrne, & vase, en ceste election nul oseroit y toucher, ains c'est l'enfant là assis qui donne à chascun sa bale : ceux qui reçoient celles d'argent sortent tout aussi tost du cōseil : mais à qui la balote d'or eschoit, il est nommé à haute voix par le greffier, & il se retire dans vn conclaue à ce ordonné, & tous ses parens & aliez se leuent aussi, & se mettent à vn coing du lieu & pourpris, lesquels estans nombrez, on leur donne autant de balotes d'argent qu'ils sont en nombre, lesquelles receuës ils sortent aussi du conseil : & en ceste maniere il en y a trente, ausquels eschoit d'auoir des marques d'or, qui sont choisis d'entre toute la multitude des citoyens, ce qu'estant fait, le conseil se depart, & chacun se retire en sa maison.

Retirez que sont les citoyens, les trente enfermez au conclaue, sortent & deuant les Conseilliers derechef on balote, tellement que selon le sort il y en y a encor neuf choisis d'entr'eux, ausquels est donnée la charge de nommer le Prince futur, & les autres se retirans, ceux cy entrent seuls derechef au conclaue à ce fait destiné, où ils sont encloz, tout ainsi qu'on en vse à Rome à l'endroit des Cardinaux à l'election du Pape, sans qu'on leur laisse non pas vn seul seruiteur pour les seruir, ne qu'il soit loisible à homme viuant de leur parler en sorte quelconque : & ne peuuent sortir de là que premierement ils n'ayent esleu quarante hommes dignes de la charge d'eslire le Prince : & aucun ne se peut dire esleu par eux s'il n'en raporte six voix, tellement que si de neuf qu'ils sont, les quatre font empeschement à vn suffrage le tout est compté pour rien.

Les quarante esleuz que sont, ils en donnent aduis par le portier & nonce public aux Conseilliers, leur faisant entédre, comme ils parfont le deuoir de leur charge. Tout sur l'heure, si ce n'estoit que la nuit fut desia bien prochaine, les Conseilliers font assembler le grand Conseil, & les citoyens venuz que sont, on met en auant le registre escrit au conclaue, & dans lequel sont nommez les quarantes electeurs du Prince : lesquels sont prononcez tout hault par le greffier du Conseil en pleine assemblée. Si quelqu'un des nommez assiste au Conseil, il s'en va vers le siege des Conseilliers, & de là s'en entre au conclaue & chambre du Conseil priué : & absent qu'il est, soudain il est cherché par toute la ville par vn Conseiller, ou par vn des quarante esleuz en pareille commission : & trouué qu'on là il est amené en sale & en l'audience, deuant les Conseilliers, & de là au conclaue sans qu'il luy soit permis de parler, ny araisonner homme qui viue, à fin qu'il n'apparoisse aucune occasion, ny soupçon d'ambition es suffrages qu'ils talschent de mettre afin avec toute integrité, & iustice.

Ces quarante ne sont pas si tost enfermez que l'assemblée est licenciée, & que le Conseil se depart : Ce que fait ces quarante se presentent deuant les grands Magistrats, à sçauoir les Conseilliers, & par la mesme façō

LIVRE TROISIEME

de baloter que dessus, de 40. on en choisist 12. les 28. qui restent se retirans, & les autres estans encloz comme dessus à esté dit. Ces 12. en eslisent 25. chascun desquels fault qu'emporte 8. voix ne pouuant aucun estre choisi à moindres suffrages, & de cecy ils aduertissent le Conseil, qui sur le mesme point de temps assemble le corps de la cité, pour en vser ainsi qu'il a esté dit: & de ces 25. en sont encore esleuz neuf, lesquels en nomment 46. lesquels par le sort sont redigez à onze, & ceux cy en escriuent 41. d'entre les principaux des senateurs & plus anciens de la cité, lesquels dès aussi tost que sont nommez s'en vont en la chambre ordonnée pour cecy, & c'est à eux à eslire, & nommer le Prince. Bien est vray que de ce nombre ainsi pris par sort il n'en y peut avoir deux qui soyent de mesme sang & maison, ou qui ayent quelque grâde amitié, & familiarité, ensemble, d'autant que les loix anciennes ne le peuuent souffrir, & que de tout temps les Venitiens en ont ainsi vsé en leurs suffrages, & lors qu'ils se sont assemblez pour la creation de leur magistrat souverain. Or peut on voir la grande sagesse des magnifiques anciens en ceste diuerse façon de proceder en eslisant leur Prince, entant que par ceste collusion de sentences ils ont amadoüé la multitude si bien qu'il semble que ce soit elle qui crée le Duc, puis qu'elle choisist les electeurs & lesquels neantmoins ne sont pris que du ranc senatoires, comme de celuy qui de tout temps s'est gardé la preface, & autorité au gouuernemēt de l'estat, à fin que l'insolence du peuple n'accablât la felicité de leur ville. Ces quarante & vn nommez qu'estoyent pour l'election du Duc, tous en vn instant, sans mendier les suffrages du peuple, voire ny se soucians seulement de le caresser d'un seul salut, s'assemblent en la court où se font coustumierement ces grandes assemblées. Là auāt toute chose on chante, & celebre les saints, admirables, & diuins mysteres de la Messe, & icelle dite, tous les assistans mettant la main sur l'autel iurent deuant Dieu, & la republique, qu'ils esliront celuy là pour Duc, lequel ils estimeront le meriter tant pour sa sainteté de vie, que pour estre soigneux du bien public, diligent, sage, & pouruoyant au tout sur tous les autres. Ce serment finy, les gés d'eglise se retirans les seuls electeurs demeurent en la court sans seruiteur quelconque, ny autre qui puisse leur fournir rien. Et lors trois des plus anciens president assis pres vne table dressée pour cest esgard, & sur laquelle y a vn vase de balotage, & chascun des electeurs escriuant en vne bale de toile le nom de celuy qu'il estime digne d'estre Duc, la gette dans le vase, Toutes ces lettres & marques mises en la cruche d'election, on en tire vne, la premiere qui viēt en main à celuy qui est deputé pour ce faire. Les commis pour presider ayans leu ce qui est sur la balote, si tost que prononcent le nom y escrit dessus, celuy qui est nommé, s'il se trouue là (comme souuent il aduient) ne fault de sortir dehors, & s'en aller pour donner lieu à chascun de disputer de sa suffisance. Cestuy sorty qu'est, s'il y a quelqu'un qui aye quelque cas à môstrer comme cestuy est inhabile pour porter vn si grand faix que la chargē d'une telle republique que la Venitienne, il se leue, & ayant vsé de quelque excuse modeste, bastie sur ce que tout bon citoyen doit à sa republique, il dit franchement ce qu'il a sur le cœur, & qui sert à esclaireir l'incapaci-

*Ruse du Senat
Venitien pour se
maintenir.*

*Ceremonies obser-
uées auant l'ele-
ction du Duc.*

*Licence fort mo-
deste d'accuser l'es-
leu.*

l'incapacité de cestuy qui est nommé pour estre Prince. Finy que cestuy cy a son dire, les presidents au Conseil font venir celuy qui est accusé, & sans luy dire le nom de l'accusateur, luy specifient tous les crimes qui luy ferment le pas pour venir à la dignité Ducale. Aussi iurent ils tous, entrans au Conseil de tenir secret tout ce qui se passera, à fin que ces animositez, ne causassent des ligues, & partialitez prejudiciables à l'estat de leur republique. L'esleu oyant ce qu'on luy reproche, respond, & se purge des crimes imposez, puis sort de la court: & lors ou le premier qui l'a accusé, ou vn autre se leue, & propose d'autres raisons plus fortes, & valables, auxquelles l'autre ayant respondu avec suffisante preuue de son innocence, si les accusateurs n'ont rien plus que luy mettre deuant les yeux, on vient à baloter, & de telle façon que si quelqu'un paruenoit à auoir 25. voix iadis il estoit sans nul esgard declaré chef de leur republique. Mais à present on y obserue vn autre ordre, veu que, iacoit qu'un aye si bien fait que ce nombre luy donne la dignité, d'autant que le sort y est souuent getté, si à la secōde, ou troisieme fois, vn autre l'emporte, & a le plus de marques, le premier perdant sa cause, le dernier emporte la principauté.

Difference des suffrages anciens aux modernes.

Respectz, gardez, apres l'election du Duc.

Magnificence, & richesses de l'eglise saint Marc de Venise.

Mais quoy qu'il en soit, iamais aucun n'est declaré duc, qu'il n'aye vingt & cinq voix franches, & si tost qu'il est esleu, on s'en vient en la court, où les Conseillers sont appelez: car ce sont eux les premiers qui saluent le nouveau Prince: & puis le bruit en est espandu par toute la cité, & ne voit on que troupes de citoyens par rues s'esioiussans, & prians Dieu qu'il luy plaist leur faire la grace d'auoir vn bon duc, & lequel soit heureux & salutaire à toute la republique. Ce pendant les parens & amys du Duc s'en vont au palais, où estans receus ils le saluent, & luy souhaitent, en se resioiussans avec luy, la principauté bien-heureuse: Et sur le mesme point de temps, on bat de la monnoye avec le nom & effigie du nouveau Prince, & dresse l'on tout ce qui est necessaire pour les pompes & ceremonies accoustumées à la reception solennelle: & ce pendant & le Duc & les electeurs attendent dans la court, tant que tout soit mis en ordre. Apareillé & dresse que tout est, on descend de la court, & s'en vont tous à l'Eglise saint Marc voisine dudit lieu, qui pour vray est vn temple fort magnifique & superbe, & plein de tresgrandes & infinies richesses: & où l'artifice merueilleux qui embellist le grand autel, semble surmonter tout ce qu'on scauroit voir d'admirable en ce monde, soit qu'on regarde les colonnes de toute sorte diuerse de marbres, ou les figures & images tirées si proprement, qu'il n'y semble rester que la parolle, y estant tiré tout le vieux & nouveau testament à personages: Et le plus beau sont quatre colonnes de fin albastre soustenans le lieu où ordinairement repose le saint Ciboire, dans lequel est gardé le corps precieux de nostre seigneur I E S V S C H R I S T. On y voit celle table tresriche d'or & d'argent, & enrichie de pierrerie, qui est au grand Autel, vne des plus belles pieces de la terre. Il laisse à part les douze couronnes d'or, le grans nombre de pierres precieuses, comme Rubis, Esmerauldes, Topazes, Balais, Diamans, & des Perles de grosseur presque incroyable: ie ne ramentoy les deux Licornes embellies de grosses Escarboucles, ny les Vases d'or, d'Agathe, & Porce-

LIVRE TROISIEME

laine ny les Encensoirs, Croix, Calices, & chandeliers, veu que ce seroit
 famuser en chose superflue à cause de la difficulté que ie voy à descrire
 choses si rares, & precieuses, & par ainsi faut que reuenions aux ceremo-
 nies faites à l'endroit du Prince & Duc de Venise. Dedas le temple qu'ils
 sont, ils se mettent en oraison, puis montent sur vne galerie qui est le long
 du Chœur toute faite de beau marbre porphiré : & là le plus ancien des
 electeurs harangue deuant le peuple, luy specifant la creatiō du nouveau
 Duc, lequel il loüe assez modestement, & sans vser d'aucū trait qui puisse
 estre taxé de flaterie. Apres luy parle le Duc, recitant avec grand respect
 & honte quelque cas de ses anciens deuoirs pour le public, & promettant
 de si bien se gouuerner en sa charge qu'on ne verra de luy qu'offices d'un
 bon Prince, & de celuy, qui sans auoir esgard au particulier de personne,
 ne se soignera que du seul bien, & profit de la republique: proteste de fai-
 re droit, & iustice, à chacun sans acception de personnes & de n'espargner
 ny vie, ny biens, pourueu qu'il puisse les employer pour l'auancement, &
 deffence de la republique. Son oraison prend fin par vne priere à Dieu, &
 à l'Euangeliste S. Marc, patron & tutelaire de la Cité de Venise, à fin que
 ils luy soyent en ayde, & le fauorisent & guident ses actions en la pour-
 suite d'une telle, & si grande charge. Le peuple ayant receu avec grand ioye,
 & applausion les parolles du Prince, les seign. descendent en la nef de l'e-
 glise, & conduisent le Duc au grand autel, où il iure sur le liure des saints
 Euangiles attestant, & obligeant sa foy, & à Dieu, & à la republique de
 ne rien laisser, ny oublier de ce que les loix veulent que face, & effectue le
 seign. de l'estat de Venise. Ce serment fait, c'est lors que tous les electeurs
 qui iusqu'à lors ont tenu compaignie au Duc, le laissent, & se retirent, &
 luy monté fut un eschaffaut de boys, appelle avec luy un de ses parens le-
 quel il aura le plus cher & agreable. Les nautonniers qui sont les plus esti-
 mez viennent alors, & emportent le Prince en ce sien siege le pourmenas
 avec vne grande allegresse du peuple, par toute la place de saint Marc, &
 tandis le Duc gette (faisant largesse) de la monnoye d'argent nouuelemēt
 batue en son nom & coignée de sa marque. Pourmené que l'ont les Mari-
 niers, ils le portent pres les degrez & escalier du Palais Ducal, où ils po-
 sent ius le siege, & le seigneur va de son pied dās sa court, & logis: & por-
 te la coustume que les habits precieux que le Duc a sur soy ce iour, & le
 vase, ou coupe en laquelle est l'argent espandu pour la largesse, soyent dō-
 nez aux nautonniers qui ont ainsi porté le seign. sur leurs espauls. Au hault
 des degrez le Duc est receu par les conseilliers l'attendans là, & est lors
 couronné du bonnet, & chapperon Ducal : & ainsi se finist la pompe &
 solennité de l'election, & approbation du Prince de Venise: lequel le iour
 ensuyuant ceste solennité il va au Senat où tous les magnifiques senateurs
 sont assemblez, & là il harangue derechef, loüant Dieu, & rendant graces
 à messieurs du Senat, de l'auoir haucé en tel honneur, promettant encore
 un coup tout deuoir, & honneste deportement pour le salut du public:
 & vse de pareille façon de faire deuant tous les citoyens à la premiere as-
 semblée generale qui se fait apres son electiō: Or d'autant q'cy deuant nō
 auons parlé de la puissance sur mer qu'ont les Venitiens, & comme tous
 les ans le Duc va solennellemēt fiancer la mer sur le Buccentor. Etpource

*Harangue du
 Duc de Venise au
 peuple.*

*Duc de Venise
 porté en son pa-
 lais par les mari-
 niers.*

*Despouilles du
 Duc sōt aux Ma-
 riniers.*

qu'il semble qu'il y ayt quelque influence celeste qui fauorise ce peuple es affaires de la marine, il fault scauoir, depuis quel temps ils se sont agrandis sur l'eau, & d'où prist commencement ceste si grãde puissance en icelle, laquelle a iadis tenu teste aux plus grands & puissans Monarques de la terre. Du temps donc que Venise ne faisoit que sortir en essence, & qu'encore les citoyens d'icelle se contentoient de viure petitement, & sans attéter rié sur autrui parmy les paluz où à present leur cité est bastie, aduint que les Istriens & Esclauons, ou Dalmates, soit qu'ils fussent enuieux du succez heureux de ceste nouvelle Colonie, ou que ce fust leur propre que de viure de rapz, & voleries, se ruerent sur l'estat de la cité nouvellement bastie, & sur tous s'esmeurent ceux de Trieste, qui enuioient la fortune de Venise: & sarmans avec leurs voisins, vindrent courir le país voisin de ces paluz, voire se hazardoyent de s'attaquer aux Venitiens, & venir aux mains, ou les Triestans, & leurs alliez furét si bien chastiez, qu'ils n'osoyét plus venir voltiger le long de la mer Adriatique. Ces gens, & Dalmates vaincuz, creuét de despit que ces hommes ramasséz, & sans aucune experience encor de la marine les eussent si bien estrillez, & ne souhaitoyent que de trouuer les moyens de s'en venger, iacq̃oit qu'ils veissent que malaysement ils y pourroyent attraindre. Mais ce que le cœur leur dissuadoit, quelque desir qu'ils eussent de s'en ressentir, & n'y auoit homme si hardy, qui osast tenter le gué, la fortune leur ouurist le passage pour esclorre celle si longuement couuée, vengeance sur les Venitiens: & ce au temps que le moins ils pensoient à ceste trouffe, veu qu'ils ne se fussent iamais doutez que les Triestans feissent, ce que depuis ils mirent en executiõ. Car cõme l'anciẽne coustume des Venitiens fut iadis que les filles fussent siacées au temple, à fin qu'on y fait parade de tout ce qu'elles auoyét de meubles pour leur mariage, aduint vn iour cõme l'õ celebroit certaines nopces en l'Eglise S. Pierre qui est en ce cartier de la ville qu'õ nôme à present le chasteau que les Triestans, qui festoyét declarez ennemys du nom Venitié pour l'amour des Istriens & Dalmates desquels ils sõt voisins, cõme estãs au Frioli, se mirét en deux Fregates de nuit, & vindrét se ruer sur les plus haults lieux de la ville, où se tindrét en aguet iusqu'au matin qu'õ comēça les ceremonies du nopçage en l'Eglise susdite: & sortãs de leur embusche se gettét de furie es saints lieux rauissans & homes, & fẽmes, & reliques, & thesors, & amenãs l'Euesque prisonnier avec eux en leurs galeres. Le Duc qui estoit pour lors Pierre Gaudiam voyât, l'estõnemēt q̃ ceste surprise auoit doné à la cité, ne seffroya aucunemēt, ains assēblāt ce qu'il peut d'hõmes il mōte sur mer, & poursuit les voleurs, q̃ il rataignit, lors q̃ es isles dittes Caprules, qui sont en la marche Treuigiane, ils estoeyét entétifs à partir leur butin, & les esueilla si bien que les ayant faits retirer en leurs vaisseaux il recouura & proye, butin, & prisonniers s'en retournant victorieux à Venise le second iour qu'il partit d'icelle. Et d'autant qu'en ce temps (qui est en Feburier) eschoit la feste de la Purification de la vierge Marie, on a depuis de coustume à Venise, de faire grd solennité & celebrer des ieux publics pour vne memoire perpetuelle du premier voyage iamais fait sur mer avec forces par les Venitiens, & lequel leur ayant succedé avec l'heur

Venitiens seigneurs iadis de la mer.

Istriens, & Dalmates enuieux de l'heur de Venise.

Dalmates vaincuz par les Venitiens.

Sabellig. Decad. 1. liu. 1. de l'hist. de Venise.

Trieste cité du Frioli.

Triestans butinēt le chasteau à Venise.

Pierre Gaudiam Duc de Venise vainc les Triestans.

Feste & ieux pour memoire de la defaite des Triestans.

LIVRE TROISIEME

*Venise de peu de
chose venue à grã
de perfection.*

*Grade, & Aquilege ont iadis eu
discord pour la dignité du Patriarchat.*

*Venitiens cruels
contre leurs Princes.*

Terres que tiennent les Venitiens.

*Isles suiues aux
Venitiens sur la
mer Mediterranée.*

*Venitiens agrandis en Grece par
le moyẽ des voyages Chrestiens en
Leuant.*

qu'ils desiroient leur presage le grand pouuoir qu'ils ont eu depuis sur la marine. Aussi ce fut lors qu'ils commencerent d'en prendre possession, se rendans illustres, renommez, & craints par tout le païs voisin, pour ne laisser plus vn Corsaire voltigeant sur mer, ny qui donast aucun empeschement aux marchans ny voyageans. Ainsi de peu de chose s'augmenta iadis le nom Romain, lors que Romule avec vne poignée de pasteurs bastist l'enceint de la cité qui à depuis commandé presque sur tout le mode. Et Venise qui n'estoit que la retraitte des pauures citoyens fugitifs de leurs maisons, ayant pris pied d'un fondemens si peu solide fest rendue vne des plus belles citez de l'vniuers, mais la police la mieux dressée qui iamais fut & sous la iustice de laquelle, la grãeur du nom Venitien, les richesses, l'estat, & puissance ont pris telle durée, que sans qu'on y aye veu que bien peu de changement on peut dire qu'il n'y eut iamais republique mieux maniée, ny de si grãde durée: veu que des plusieurs siecles en ça les Venitiens se maintenans ils sont les amys des Monarques, & les iuges, & arbitres de presque tous les differens des Princes de l'Europe. Je ne veux m'amuser aux disputes sur les affaires de la dignité du Patriarche, & combien de temps les prelatz de Grade & d'Aquilege ont disputé ensemble sur ceste dignité, veu que cela ne fait guere, ou du tout point à nostre propos: & ne m'arrestera sur leurs Ducz d'auantage, n'y au denombrement d'eux, & moins à discourir combien ce peuple a esté d'autresfois chatouilleux & mal traictable, comme celuy qui fest souuent furieusement acharné sur ses Princes, & en a massacré plusieurs, & d'autres chassés du pays, & à d'autres creué les yeux, & faits mourir en prison. Ne suis deliberé encor de rediger par escrit leurs gestes & conquestes, n'y les moyens par lesquels ils se sont faits seigneurs de celle estendue de pays qu'ils ont en Italie, soit en la Lombardie, au Frioly, Istrie, Marche Treuissiane, ou en la Romaigne: ne rechercheray qui les a aggrandis en Dalmatie & Esclauonie, & par quels moïens ils ont vn long temps gouverné toutes les villes presque qui sont sur le bord de la mer des le Goulphe qu'on dict de Venise, iusques à l'Hellespont. Ne vous descriray qui leur a donné le passage en Negropont perdu pour eux, ny en Chipre & Candie qu'ils tiennent encor: Et si vous voulez scauoir en quels temps ils se saisirent des isles de Corfu, Lezante, Cephalenie, & autres ie vous renuoyera, & à Sabellique qui en a tracé l'histoire, & au Blond, & és choses de nostre temps, à ce docte Cardinal Bembe, qui estant vn ornement de nostre siecle, a aussi illustré sa ville, bastissant l'histoire des choses aduenues de son aage: comme aussi ce grand homme Gaspard Contaren espluchant, & nous paignant au vif, & l'estat, & la police, & les façons de faire sur la creation des estats de sa ville: aussi c'est d'eux que ie l'ay tiré, & à eux ie vous renuoye, me contentant de vous dire que les guetres que les Chrestiens ont eu au Leuant, & les conquestes des François & autres peuples des Gaules, soit en Grece, Asie, ou Palestine, soit en terre ferme, ou és païs Insulaires ont plus profité aux Venitiens qu'à ceux qui y ont employé leur temps, despandu leur deniers, & espandu leur sang, & vie: aussi n'y auoit-il nations des nostres qui peut retenir ces pieces que ceux qui nez en la mer,

nourris par les Galeres Adriatiques, accoustumez au trauail marin, & qui ont fait le deuoir en toute occurrence, maintiennent encor en paix vne bonne partie, voire la plus forte, & la meilleure des isles conquises en la mer Mediterranée. Et voila quant à ce que i'auoys à vous discourir sur la cité & estat de Venise.

De l'ancienne Galathie, & mœurs des anciens Galates. Chap. 27.



A Galathie fut iadis vne grande region de l'Europe oultre les Celtes, vers le mydy, & l'océan & le long des riuies d'iceluy (ainsi qu'escriit Diodore Sicilié) & dés les bornes du Danube, elle s'estendoit iusque en Scythie. Et prist ce nom de Galathe fils de Hercule, & d'une dame des Celtes. Or ceste region estoit habitée de plusieurs & diuers peuples, & estoit assise plus vers le Nord & parties froides qu'autrement, voire si froide que l'hiver en lieu d'eau, le país y estoit couuert de neiges: & la glace y estant si grande & forte, que facilement on voyageoit sur les fleuues caillez par la rigueur, & vehemence du froid, & non auec vne petite troupe d'hommes, ains les grossés armées, & les chariages passoyent assurement sur la glace.

*Diodore liur. 6.
antiq. chá 9.
Ceste description
est imitée par
Appian en son
Libyque.*

Or y a-il de grands fleuues qui courent, ayans neantmoins diuers cours l'un de l'autre, par ces país des Galathes, les vns desquels sortent des lacx, & estangs fort profonds, les autres prennent leur sources des montaignes, fallans rendre les vns en l'Océan, ainsi que fait le Rhin, les autres en la mer Maiour, comme le Danube: les autres en la mer Adriatique, telle qu'est la course de l'Eridan, que maintenant nous apellons le Po, le plus renommé fleuue de l'Italie. Lesquelles riuieres encore en hyuer donnent passage assuré aux voyageurs sur la glace, pourueu qu'on y espanse de la paille de peur de glisser, & aller souuent mesurer le liét de la riuiere. [Par les descriptiōs de Ptolomée, vous ne pouuez cognoistre ces Galates estre autres que les anciēns Gaulois, lesquels il appelle Celtogalates, descriuant les país de Guyenne, Prouence, Lyonnois, & les terres Belgiques: ainsi ie m'estonne qui a esmeu nostre auteur de cōfondre le nom de Galate, & le separer du Gaulois, si ce n'est qu'il ignorast les courses de ce peuple, & grandes conquestes tāt en Asie qu'en Europe, desquelles les histoires nous en font foy, comme aussi nous le verrons en discourant, d'où ces Galates ont pris le nom, les opinions en sont diuerses, car le Sicilié les fait sortir de Galathe filz de Hercule, & Appian Alexádrin tiēt que Polypheme le borgne Geant, eut de sa dame la Nymphé Galatée trois enfans, à sçauoir Celte, Illyrie, & Galle, lesquels laissans le país Sicilien d'où ilz estoient natifs vindrent habiter en Dalmatie, & au país des Gaules donnās nom aux Illyriens, Celtes, & Galates. Mais d'autant que Berosé Caldéen accorde à l'opinion de Diodore Sicilien, & qu'il fait que les Gomerites, Saronides, & Samosathéens portent le nom de Galathée, à cause de Galaté filz d'Hercule, nous sommes contens de luy donner le pris plustost que à Appian, d'autant que la foy des Grecs m'est pour suspecte: & l'antiquité estant à reuerer, & voyant l'histoire de Berosé aprocher du discours veri-

*Ptol. liu. 2. ch. 7.
et 8. tab. 3. d'Eu-
rope.*

*Appian en son
Illyrique.*

Berosé liu. 5.

LIVRE TROISIÈME

*Pausanie. liu. 1.
Les Gaulois plu-
sost nōmez, Cel-
tes, de Ceste leur
Roy. voy Berosé
5.
Ocean difficile à
nauiguer.*

*Il dît cecy à cause
des conquestes fai-
tes par les Gau-
lois en Italie.*

*Ce voyage fut ce-
luy que firent les
Gaulois en Gre-
ce.*

Pausanie liu. 10.

table de la Bible, il fault condescendre à l'aprouuer sur tout autre. Or que les Gaulois, ou Galates s'appellassent plustost Celtes que Gaulois Pausanie me le tesmoigne disant: ces Gaulois, desquels est faite mention, se tiennent éz extremitez de l'Europe le long de l'estendue profonde de l'Ocean, les limites duquel il est impossible (comme ilz disent) que homme puisse cognoistre parfaitement par son nauigage: entant que celle mer est la plus fascheuse & perilleuse de toutes, soit pour les fluz & courantes d'icelle, ou à cause des orages, & tempestes, ou pour les bancs, escueilz & sables qui s'offrent aux nauigans, ou d'autant qu'il y a vne infinité d'orques, & belues marines qui dressent embusches cōtinuelles à ceux qui voguēt. Les bornes des terres de ce peuple, sont arroufées par le fleuve Eridā (c'est le Po) pres les riuies duquel les filles du soleil (ainsi qu'on dit) pleurent encore la cheute, & ruine de Phaëton leur frere. Or ce peuple a fort tard receu le nom de Gaulois: car au parauant & luy-mesme s'appelloit Celte, & souffroit aussi que tel les autres le nommassent. Voila que dit Pausanie: lequel pour monstrier tant l'antiquité du nom Gaulois, q̄ pour faire cognoistre quelles gens ce sont ceux que nostre auteur appelle Galates: poursuit en ceste sorte: Ceux-cy ayans fait amas d'une bonne, forte, & grosse armée, se ruèrent sur la mer Ionique, assuiettissans tous les peuples Illyriens, & tout le païs qui s'estend iusqu'en Macedone, voire vainquirent ils & deffeirent les Macedoniens. C'est ainsi qu'en parle c'est auteur graue, & grand rechercheur d'antiquitez Pausanie. Ces mesmes ont esté recogneuz par ce mesme auteur estre les Galates, ce qui se recueille en autre lieu, luy parlāt du bouclier ou escu d'un certain Athenien nommé Cidie, lequel estant occis en la bataille contre les Gaulois, les amys du deffunct offrirent ledit escu à Iupiter libérateur avec ceste inscription.

*Ce bouclier, ô passant, fut du noble Cidie
Lequel nous consacrons au puissant Iupiter
De cestuy il s'aida d'un cœur bruslant & fier
Combatant pour l'honneur, & bien de sa patrie
Lors qu'un Mars foudroyant des Galates deffeit
L'effort, & la fureur, le renom & le bruit.*

*De ce desbord-voy
Iustin. liu. 23.*

I'ay amené tout cecy affin que le lecteur, passant l'œil sur ce chapitre voye quelle confusion y gisoit des noms, & combien il y a de faulte d'esgaller & faire mesmes les Cymbres, & les Galates, si ce n'est entant que les Galates se desbordans de leur païs, coururent (comme dit est) presque toute l'Europe & l'Asie, comme encore, nous esperons le deduire & esplucher plus naïfvement au chapitre qui s'ensuyt. Et pour couper broche à quicōque voudroit s'acheurter par trop à Diodore, il ne fault tant ouyr ce bon homme, que les autres bons auteurs ne soyent escoutez, & ensemble voir comme les descriptions des païs peuuent comporter le fil de ceste histoire. Ceste region à cause de sa grand froidure ne porte point de vin, ny huile, qui est cause que les habitans sont contrainsts de brasser vne espece de breuuage d'orge avec de l'eau qu'ilz appellent Zithe, c'est Biere: & vsent

encor pour leur boisson de l'eau en laquelle ils lauent le marc du miel. Or ayment ils le vin sur toute chose, de sorte que les marchans leur en apportant ilz le boient tout pur, & à peu de fois qu'ils l'vsent, ils s'en yurent de telle sorte, ou qu'ils s'endorment, ou en perdent tout sentiment & cognoissance. D'où aduient que les marchans Italiens conuoiteux de gaing portés du vin, soit par charroy, ou sur les riuieres à ce peuple, & pour vn muid ou moindre vaisseau de vin ils ayent quelque bel enfant pour les seruir, & qu'ils emmeinent pour esclau. En pas vn endroit de Galatie on ne trouue aucune mine d'argent: & abonde toutesfois en or, la mesme nature en donne assez asseurée preuue, & signifiante. Car comme ainsi soit que le cours des riuieres soit tortu & difficile, si que l'eau venant à grands torrens par le precipice des montaignes, & se desbordant du liét accoustumé des fleuues, elle gette & espart çà & là par les champs, des grains & arenes dorées: lesquelles recueillies, & espurées, & hommes, & femmes s'en seruent à en parer, & enrichir leurs vestemens, & leur corps, en faïsans des aneaux & bracelets, & à l'entour du col ils portent des chaines d'or pur & massif, fort grosses & pesantes: voire dorent ils & leurs habits, & chemises avec des ourages, & pourfilures. Les grands seigneurs de ce pais auoyent vne particuliere & esmerueillable façon de faire, à l'endroit des temples de leurs dieux, espendans, & semans de l'or par le paue des lieux sacrés à leurs dieux, lequel n'y auoit homme si hardy, quoy que ce peuple fut cōuoiteux de ce metal, qui osast y mettre la main, telle estoit la religieuse reuerence q̃ ce peuple portoit à ses dieux. Les Galates sont de couleur blanche, ayans long corsage, & estans delicats, & de grand mollesse: & quoy que naturellement ils ayent la cheuelure blonde, & le poil roux, encor talschēt ils par art d'augmenter celle couleur en leur perruque. [C'est à tort (ce me semble) que & les Grecs, & les Romains ont mis sur ce peuple l'effemination, veu que si souuent ils ont senty leur naturel masse & robuste: les vns ayās esté ruinez, & leur cité prise, & les autres cōtraints de porter le nom Gaulois pour honorer la vilté naturelle de la Grece. Oyons Tite Liue grand ennemy du nom Gaulois, ne pensant louer ceste nation avec quels motz il la recommande: il fait ainsi parler Cnée Manlie Consul durant la guerre Macedonique, voyant le soldat Romain estonné du seul nom Gaulois, estans les Galates d'Asie conioints avec le Roy Macedonien, & ce Cōsul faïssant la guerre aux Gallogrecz en Asie. Je n'ignore point, vaillants soldats, qu'entre toutes les nations qui sont & habitent en l'Asie, que les Gaulois sont les plus fameux & vaillans en guerre, peuple farouche & guerrier, meslé parmy vne nation paisible, & lequel les armes au poing, a presque couru, & saccagé tout le monde s'arrestāt icy en l'Asie: ie sçay qu'ils sont de grande stature, portans les cheveux longs qui leur reluisent, ayans d'estranges & pesans pauois en guerre, & les glaiues fort lōgs: Je sçay que ils ont des chants effroyables, des vrlemens & dances venans à commencer le combat, & comme pour estonner l'ennemy ilz entreheurtent leurs pauois & escus ensemble: mais ces choses sont pour l'espouuement de ceux qui ne sçauent encor ces façons de faire Gauloises, des Grecz c'est à sçauoir, des Cares & Phrigiens: là où ce n'est aux Romains de s'en effraier,

*Il n'y a autheur a-
prouuē qui face
les anciens Gala-
tes si gloutz, que
pour du vin ilz
quittassent la li-
berté.*

*Galates sans ar-
gent, & abodans
en or.*

*Ornement des Ga-
lates.*

*Or semé es tēples
des Galates.*

*Galates blancz,
& delicatz.*

*Tite Liue. liur. 8.
Decad. 4.*

*Manlie Consul au
soldat Romain.*

*Façon des Gau-
lois entrans au
combat.*

LIVRE TROISIEME

accoustumez à combatre le Gaulois, & qui cognoissent, & sçayent leur faineantise, & venteuse brauade. Puis aiouste: Si vous souffrez ce premier assault, avec lequel ils vont, transportez d'un esprit ardent & colere aveuglée & bouillante, vous verrez que sans coup ferir, vous en aurez le dessus, entant que leurs membres s'escouleront de sueur & lassitude, les armes leur tomberont des mains & leur force samollira eux ayans le corps mol, & effeminé, le cœur failly dès que la colere se passe, & qui sont facilémēt accablez par le chault, la soif, & la poussiere. Voila comme ce babillard Padouan gazouille sur ceux, le seul renom desquels faisoit trembler l'orgueil le plus arrogant de Rome, & les grandes victoires desquels il est contraint de prescher, quoy qu'avec un grand prejudice de la verité de l'histoire: mais passions outre en nostre discours.] Ilz vsoyent de fers & certains instrumens pour parer, & atiffer leurs cheveux les entortillant, & regettant par derriere sur les espaules affin de paroistre semblables, & aux enfans, & aux Satyres. Ils faisoient aussi espessir leur poil avec artifice tellement qu'ilz ne differoyent en rien à la criniere la plus touffue des chevaux: les vns rasoient leur barbe, & d'autres la portoyent longue: les nobles se faisoient raire un peu le poil des iouës, mais du reste laissant croistre si estrangemēt leur barbe que elle leur couvroit presque tout le deuant: D'où aduenoit que en mangeant, plusieurs morceaux demeuroyent cachez en celle forest barbuë, & le boire s'y escouloit comme par un canal. Prenant leur repas ilz estoient assis tous, non sur des sieges haults, mais à terre sur des peaux de loups, ou de chiens: se faisant seruir à de beaux ieunes hommes, & enfans tendrelets, & aupres d'eux le feu, où estoient les grans pots pleins de viande, & les broches chargées de chair à rostir. Les plus gens de bien d'entr'eux auoyent les meilleurs morceaux en recompence de leur vertu & excellence, ainsi que Homere dit que les Princes Gregeois en feirent Ajax l'honorans, apres qu'en combat singulier il eut occis Hector le vray rampart de Troye. Si quelcun suruenoit durant leur repas, ils s'enqueroyent de luy, de son estat, & de l'occasion de sa venue. Leur coustume estoit aussi que ayans banqueté, ou durant le repas ils entroyent en parolles, & d'icelles quelque noise sortant, se desians en table, soudain qu'ilz estoient saoulz alloyent en campagne pour vider leur different au iugement des armes, sans qu'ils se souciaient aucunement d'y perdre la vie: aussi auoyent ils l'opinion de Pythagore touchant l'immortalité de l'ame, & que les corps estans morts derechef elles entroyent en d'autres corps, & reuenoyent au monde. Qui estoit cause que lors qu'ilz brusloyent les corps des deffunts, plusieurs d'entr'eux y gettoient des lettres, croyans que les morts les leussent en l'autre monde. [Pausanie ne donne pas encor si grand soing des morts aux Gaulois de la seconde volée: car voicy comme il en parle en ses Phociques. Le iour d'apres, les Grecs enterrent leurs morts, & despouillerent les ennemys pour dresser leurs trophées, mais les Barbares (il parle des Galates) n'enuoyerent aucun herault, ou trompette pour demander leurs occis pour la sepulture, monstrans qu'il ne leur chaloit point s'ilz estoient mis sous terre, ou si le ventre des bestes leur seruoit de tombeau.] Et voyageans, & allans au combat ilz vsoyent de chariots où estans assis ilz auoyent

Tite Live licentieux en l'histoire.

Cheneleur des Galates.

En cecy Diodore confond le Cymbre & le Gaulois ensemble.

Maniere de manger des Galates.

Comme les plus illustres estoient honorez entre les Galates.

Galates querelloient en banquetant.

Galates mesprisoient la mort.

Opinion des Galates sur le changement que les ames font d'un corps en autre.

Gaulois anciens ne se soucioient de la sepulture Pausanie. liur. 10.

ils auoyent chacun vn charton pour les conduire, ainsi que plusieurs nations en faisoient de mesme, ainsi qu'on recueille des liures anciens tant des Poëtes, que historiens. Combatans ilz ruoyent premierement du charriot auant vn dard, ou iaelot contre leur ennemy, puis mettās pied à terre saquoient la main à l'espée pour parfaire leur bataille: & les aucuns d'iceux renoient si peu de compte de leur vie, qu'ilz se fourroyēt tous nuds par les rancs des combatans. Les gardes des corps des grans seigneurs estoient choisis d'entre les pauvres, mais qui fussent de libre condition, qui leur seruoient en guerre d'escuyers, chartons & porte escuz: lesquelz estoient à la premiere pointe des batailles, ayans de coustume d'appeller à combat singulier les plus forts & vaillans des ennemys, faisans cliqueter & bruire leurs armes & harnois pour donner terreur à leurs aduersaires. Quelcun ayant executé quelque hault fait d'armes, alors chacun chantoit parmy les louanges de ses ancestres, aussi celles de ce vaillant homme, ne tenans compte & deprimans les gestes valeureux de l'ennemy cōme plustost dignes de vitupere que de recommandation, & en somme ilz haugoient iusqu'au ciel tous ceux qui se monstroyent hardis, & courageux à la guerre. Durant laquelle tout autant qu'ils tuoyēt d'ennemys ils en coupoient les testes les pēdāns au col de leurs cheuaux: & les despouilles encor sanglantes estoient mises es mains de leurs seruiteurs pour puis apes les affiger avec hymnes & chansons deuāt leurs portes, ainsi qu'on en fait de la fauuagine qu'on prend à la chasse. Les testes des ennemys plus grāds & illustres ilz les oignoyent & emplissoient de matieres aromatiques les tenans en certains estuys gardées avec grand diligence, pour en faire parade à ceux qui les venoyent voir, sans qu'ilz les voulussent vendre ny à leurs parēs ny à leurs propres enfans pour qlque pris qu'on leur en offrist. Leurs acoustremēs furent de draps de diuerſes couleurs non parez ny tōdus, en vſans ainsi pour en effrayer leurs aduersaires: portoyēt aussi des houquetons & casques doubles en huiuer faits à bastons rompus, & fort minces durant les chaleurs. Vſoyēt de potz de terre fort massifs pour leur seruiſe, sur lesquelz y auoit des fleurs figurées. Leurs armes c'estoyent vn pāuois long selon la hauteur & stature de celuy qui le portoit, & paré, & enrichy à la fantasie de chacun: Entant que les aucuns y mettoient des figures d'animaux faites d'eraī vn peu esleuées & pour embellir l'escu & pour le rendre plus fort pour la deffence de leur vie. Ilz armoyēt leur teste d'vn morion ou bourguignotte d'eraī vn peu faite en pointe sur lesquelles ils mettoient ou des cornes, ou la figure de quelque beste rauissante ou bien d'vn oyseau de proye. Leurs trōpettes sentoyent aussi la barbarie du peuple: comme rendans vn ſon aspre, mal-plaisant & plein de trouble: les vns portent des corselets de fer, les autres n'ayans autres armes que telles que leur donnoit la nature, portans pour glaiues des espées fort longues leur pendās au costé droit à vne chesnette d'eraī. Aucuns d'eux se ceignoyēt de ceintures d'or, & d'argent, bataillans avec des dards, que ilz apellent lāces ayans le fer pour le moins long d'vn bon pied & les aucuns d'vne coudée, leurs espées n'estoyent moindres entr'eux que les vouges & espieux des autres nations, en ayans de droits & de tortus, bons non seulement à

Galates combatoyēt sur des charriots.

Quelz les gardes des corps des seign. Galates.

Hommes vaillāts comme honorez entre les Galates.

Furieuse façon de faire des Galates.

Habits des anciens Galates.

Grandeur des pāuois & escus des Galates.

Cecy à esté observé par presque toutes les nations septentrionales.

Lances & glaiues des Galates.

LIVRE TROISIEME

Naturel des Galates.

Galates ayment les lettres.

Mal aduise d'appeller le Gaulois Barde en mauvaise significatiō.

Berosē antiq. 5.

Barde regnoit en l'an du mōde environ 2175. de la peregrination de Abraham. 152. avant Troye bastie 310.

Saronides furent nommez de Saron roy des Celtes qui regna l'an du mōde 2010: au mesme tēps que Noé trespassa.

Cruelle, & estrange maniere de diuination des Saronides.

Nul sacrifice sans philosophe.

faire carnage & massacre du taillant, ains encor dangereux de l'estoc, gent farouche au regard & d'une voix espouventable & terrible, parlant fort brièvement & obscurément, & tout à propos vñs de parolles à double entente, & fort douteuses, se vantans outre mesure, se louans extrauagamment, & mesprisans les autres, grands menaceurs, mesdisans & ayans opinion de leur personne, de bñ & subtil esprit, & non du tout esloignez du sçauoir & doctrine. Ilz auoyent entr'eux des Poètes chantās les louanges des vaillans & les orgues, & harpes louans les vertueux, & vituperans les mal viuans, & ceux l'appelloient Bardes. [Je ne veux passer sous silence cōbien vn sçauant homme de nostre temps, & assez versé en l'histoire s'est oublié de dire que les Gaulois furent iadis nommez Bardes, à cause de la grosse & rude nature de leur esprit, suiuant que le mot latin Bardus, porte le tiltre de sor & grossier, sans aduiser comme auant le regne latin Barde regna sur les Celtes, illustré pour auoir luy le premier inuenté les vers, & hymnes entre les Gaulois, ainsī que tesmoigne Berosē: si ce n'est que cest homme Gaulois hayssant sa nation, ou vueille dōner ce blasme mal à propos aux siens, ou estime Berosē auteur suposé, duquel toutesfois Iosephe auteur aprouué tient grand compte: ou (qui est le plus vray-semblable) peut estre n'auoir-il penetré si auant les Chronologies que d'auoir reconnu vn roy Barde, regnant sur les Gaules du temps d'Abraam & des Patriarches, n'estant encore mention, ny des Latins, ny de Troye, & moins memoire quelconque de Rome. Mais c'est raison que nous vengeons les nostres des nostres mesmes, & montrons que le nom Barde iadis estoit honorable, emportant le tiltre de poète, musicien & vaticinateur, comme les Druides estoient renommez en la philosophie, comme puis apres nous deduirons.] Ilz auoyent aussi des Philosophes, & Theologiens nommez Saronides desquelz ilz tenoyent grand compte, & leur faisoient grand honneur & reuerence. [Ces Saronides porterent le nom de Saron Roy Celte homme de grand esprit & auancé en doctrine, lequel pour adoucir la farouche maniere de viure de ses suietz nouvellement venuz en Gaule fut le premier qui ouurist les escholes, ains que iamais encor les Grecs eussent gousté que c'est q̄ de philosophie, & qu'ilz eussent aucune cognoissance des lettres, tant soit elle petite Cadme n'estāt encor mis en lumiere pour leur aprendre.] D'auantage ilz vsoient fort de diuinations, ayās les deuins & augures qui en leurs sacrifices predisoient ce qui leur deuoit aduenir, & estoient ceux-cy en telle & si grande reputatiō que tout le peuple leur obeissoit. Or quand ilz vouloyent consulter de quelque cas de grand consequence, ilz vsoient d'une merueilleuse & estrange façon de faire & ceremonie: entant que d'un glauiue ilz coupoient la gorge à vn homme, lequel tombant apres le coup, tant par la cheute d'iceluy, que par le deschirement de ses membres en l'incisant & effusion de sang ilz predisoient les choses futures.

Entre eux encor on n'eust osé faire aucun sacrifice sans que quelque philosophe n'y assistast, ayans opinion que c'estoit à ceux là a traiter les choses saintes, qui sçauoyent les secrets de la diuinité, comme les plus proches des dieux; estimans que par l'intercession de ces hommes

ilz deuoyent demander leurs necessitez, desquelz ilz prenoyent conseil, & par iceluy venoyent à bout de leurs affaires, & en temps de paix, & de guerre. Les poëtes estoient aussi tellement par eux respectez, que estans en bataille ayans desia lancé leurs traits & venus au combat de la main, si vn poëte s'auançoit pour entrer sur les rancs, les amys non seulement, ains encor les ennemys se retiroient, & cessoient de combattre : ainsi entre les plus rudes & farouches, la colere donnoit place au sçauoir, & Mars reueroit les Muses.

*Grand honneur
que les Galates
faisoyent aux poë-
tes.*

*Femmes grandes
Et courageses en-
tre les Galates.*

Les femmes des Galates esgalloient leurs marys non seulement en grandeur, & haulte stature, ains encor en force & magnanimité: les enfans estoient chenus en leur enfance, mais paruenus à l'aage parfait ilz ressembloient leurs peres en couleur. On dit que les Galates qui habitent au Pole Artique, & sont voisins des Scythes, comme ilz estoient les plus rudes & barbares de tous les autres aussi viuoyent ilz de chair humaines, tout ainsi que ceux qui habitoyent en la region nommée Iris en la Bretaigne tuoyent les hommes pour s'en repaistre.

*En cecy voit-on
comme Diodore
s'est tropé en par-
lant des Galates.*

Il y a peu de nations qui ignorent la force & cruauté de ce peuple, & tient on que ceux qui iadis coururent toute l'Asie s'appelloient Cymériés & depuis corrompans le premier nom, furent ditz Cymbres, lesquelz encor n'ayans rien oublié de leurs façons anciennes, viuoyent de larcin, rauissans le bien d'autrui, & tenants peu de compte de leur propre.

*Fautelourde, que
les Cimbres fus-
sent ceux qui pil-
lerent Rome.*

Ce furent eux, qui ayans pris la cité de Rome, & pillé le temple d'Apollon en Delphe, conquirent la plus part de l'Europe, & se firent seigneurs de grandes terres en Asie faisans tributaires les citez, & possédans les terres de ceux que ilz auoyent assuiettis. [Je ne puis & ne dois souffrir que le lecteur soit abreué d'un si impudent mensonge, tracé par un pauvre homme Grec plus fabuleux que véritable, & suiuy d'un moderne sans esplucher mieux les matieres : veu qu'il n'y a auteur soit ancien ou d'assez fresche memoire, qui tienne que les Cymbres ayent esté ceux qui rauageans l'Italie ayent pillé la cité de Rome, ains les Gaulois Senonais sous Brenne leur conducteur firent ce voyage, & se ruerent de là sur la Grece, ainsi que mentionne Pausanie, & que Dieu aydant nous dirons cy apres espluchans les yssues diuerses que firent les anciens Gaulois varians selon le temps & occasion leurs volées.]

*Voy Orofeliur. 3.
chap. 22. Polybe
Plutarque en son
Camille. Iustin.
liv. 20.
Pausanie. liv. 1.
Et 10.*

Or ceux qui d'entre les Galates passerent en Grece, vne partie nomma le pais où s'arresta, Gallogrece, & Galatie region de la petite Asie, laquelle vers l'Orient regarde le pais de Capadoce, & le fleuve Halis, & ce pais est suiuet ores au Turc la cité principale duquel s'appelle Ginpoly : à l'Occident luy gift la Bithinie, & petite Asie, à present Natolie, & Turquie, vers midy elle voit la Pamphilie & au Septentrion la mer Maiour. Au reste les Cimbres desquelz nous parlons, fut iadis un peuple fort cruel, & farouche outre mesure, vsant d'une grande impieté & irreuerence non iamais ouye enuers les Dieux.

*Descriptiō de Ga-
latie voy Ptol. li.
5. cha. 3. Tabl. 1.
d'Asie.*

*Quels furent les
Cymbres.*

Entant qu'eux marchans avec leur armée, ils auoyent à la fuyte du camp des femmes prestresses & grandes deuineresses, ayas la teste grise de vieillesse, le vestement blanc, & par dessous vne chemise iaune de lin delié, ar-

*Deuineresses des
Cymbres.*

LIVRE TROISIEME

*Cruel sacrifice
pour deuiner.*

*Criminels gardez
cinq ans auant les
faire mourir.*

*Vices des Cym-
bres.*

*Celtiberes sont à
present les Ara-
gonnois en Espa-
gne.*

tachée avec des bouclettes de cuiure allans pied nuës, & ceintes de belles ceintures: y ayant quelques prisonniers au camp, elles leur venoyēt au deuant l'espée desgainée au poing & les trainans par terre les conduisoient iusqu'au pres d'une grand chaudiere laquelle seruoit de vase de diuinatiō, & pres d'icelle vn eschaffault, sur lequel montans legeremēt & y conduisant le captif, l'esleuans en hault luy coupoient la gorge faisans couler le sang dans la susdite chaudiere d'erain & selon que le sang distilloit dans le vase elles predisoient ce qui deuoit aduenir: d'autres fendans le ventre du prisonnier, & prenans garde à l'assiette, santé, ou corruptiō des entrailles denonçoient le succez des choses desquelles on les enquerroit, & sur tout de la victoire cōtre leurs ennemys. Les criminels aussi entre les Cymbres estoient gardez l'espace de cinq ans, au bout desquels on les sacrifioit les pendāt, & empalāt cruellement. Et s'aignissoient non seulement cōtre les hommes, ains mesmes les bestes de leurs ennemys estoient occises avec les hommes, ou tourmentées par diuers suplices, ou bruslées toutes viues sur vn grand buschier. Et iagoit que ces Barbares eussent de tresbelles femmes, si est-ce qu'ils estoient enclins estrangement à l'infection qui est contre nature. Ilz couchoient à terre sur des peaux des animaux ayant des gardes de tous costez pour veiller autour d'eux prenās leur repos. Entrās au combat ilz tenoyent en leurs chariots des peaux estendues sur lesquelles ils faisoient vn estrange tintamarre iusqu'à donner frayeur aux ennemis qui les attaquoient. Et leur plus grand vilennie encore estoit qu'ils ne faisoient conscience de prodiger leur beauté en public, ains s'en glorifioient. Valere le grand tient que les Cymbres & Celtiberes auoyēt coutume de chanter & se resiouyr allans au combat, comme doiuaient glorieusement & heureusement finir leurs iours: & au contraire se contristoyent si quelcun mouroit au liēt & de maladie, comme estimans ceste fin vilaine & malheureuse.

De la Gaule & mœurs anciens des Gauloys. Chap. 28.

*Description de la
Gaule. Cesar lin.
1. Commentair.
Ptol. li. 2. ch. 7. 8.
Et 9. tabl. 3. d'Eu-
rope. Strab. li. 4.*



*D'où Gaule à
pris son nom.*

Strabon lin. 5.

Le pays de Gaule est vne region d'Europe fort spacieux assis entre la mer Gallique, & l'Océan Anglois, & Britannique encloz du Rhin, des Alpes, & monts Pirenées, qui luy sont à l'Occident, là où la mer tant Gallique que Bretonne, luy est au Nord, & Septentrion, le Rhin au soleil leuant, luy gisant par pareil espace des Alpes iusques en l'Océan, que les copeaux Pyrenéens s'estendent de l'une mer à l'autre, à sçauoir de la Mediterranée, à l'Océan Cantabrique. Du costé de midy elle regarde la mer Narbōnoise, & celle qu'on appelle de Leuant. Et prist iadis ce païs le nom de Gaule à cause de la blancheur du peuple qui y habite, entant que γάλα signifie lait, qui est des choses les plus blanches qu'on sçache. Or estoit la Gaule diuisée en trois parties, l'une s'appellant tondue, & Toguée, qui aussi estoit la Cisalpine, & icelle cōprise sous le nom d'Italie, & les limites de laquelle

font donnez par Strabon. Toute la Gaule Transalpine portoit le nom de Cheuelue: & icelle estoit partie en trois Prouinces par les historiens, à cause de trois sortes de peuple habités en icelles à sçauoir Belgique, Celtique, & Aquitanique: ayans ainsi posé les bornes de chacune de ces Prouinces, que celle qui est contenue entre l'Escau & la Seine porte le nom de Belgique: & de la Seine iusqu'à Garonne soit la Celtique, qui aussi portoit le nom de Lyonnoise: puis iusqu'aux montz Pirenées s'estendoit l'Aquitaine par les anciens nommée Armorique. L'Empereur Octouian Auguste la partist en quatre, y ioustant le Lyonnois pour vne quatriesme partie. Ammian Marcellin fait plusieurs Gaules, & Prouinces en icelles mettant en ieu la premiere, & seconde Gaule Lyonnoise, premiere, & seconde Aquitanique. Celle qui a esté ditte Braccée est la Narbonnoise, nommée ainsi pour certains habits que ce peuple portoit qu'il nommoit Braces. La Gaule Belgique, qui est voisine du Rhin parle pour la plus part Alemant, & a ces Prouinces en son enclos les Souiffles, le país d'Helface, la Lorraine, Luxembourg, Bourgoigne, Brabant, Gueldres, Holande, & Zelande: lesquelles (n'estoit la separation que le Rhin en fait, comme borne ancienne de Gaule & Germanie) deuoyent toutes plustost estre comprises sous le nom German que Gaulois. Aussi encor pour le iourd'huy les montaignes, ny les fleuues ne seruent point de limite aux regions, ains les langaiges & les seigneuries sont celles qui leur seruent de borne: & se dit vne Prouince auoir tout autant d'estendue comme le langage de ce peuple est parlé en tout le país. Les Gaulois furent de tout temps appelez d'un commun nom par les Grecz, Celtes, à cause de Celte roy qui regna sur les Gaules, & Galates pour l'esgard de Galate qu'ilz disent auoir esté mere dudit Celte. [Aussi ce Roy porta tous les deux noms estant fort de Galate amye de Hercule, & donna nom aux Celtes en Gaule & Celtiberes en Espagne, ainsi que discourt Berosse. Mais Ammiā Marcellin l'affirme encor disant: Aucuns tiennent que des Aborigenes déz le commencement furēt veuz en celle region lesquelles s'apelloient Celtes du nom de leur Roy, qu'ilz auoyent fort cher, & de sa mere Galatée, ilz portèrent le nom de Galates, car c'est ainsi que les Grecs apellerent les Gaulois.

Je ne veux m'amuser sur la Cabale des motz, ainsi qu'a fait Annie & plusieurs autres, qui voulans recercher trop curieusement les choses, & les pescher és abismes mesmes de l'antiquité la plus esloignée, ont renduz leurs discours contemptibles, & presque esloignez de verisimilitude. Comme vn d'entre les nostres qui voulāt faire Noé Gaulois nous forge des motz Aramées Gallim, signifiant surmonte eaux, ou eschappez du deluge, & que de là vient le nom anciē des Gaulois, & encor le mot de Galere: mais si cela auoit lieu, il n'y a nation souz le Ciel qui ne deust estre baptisée du tiltre de Gaule. Et parainfi fault que nous arrestions là, ou que les Gaulois ont pris ce nom de la blancheur qui les accompagne, quoy que la cause en soit fort foible, ou que ç'a esté ce fils de Hercule (comme tous les historiens tiennent) Galate qui surnomma ainsi les Prouinces des anciens Gomerites. Or auant que passer outre, & venir aux mœurs des Gaulois, il faut veoir les courses de ce peuple, à cause que par icelles nous ferons

*Division ancienne
des Gaules.*

*Ammian Mar-
cellin li. 15.*

*Quels les limites
à present des Pro-
uinces.*

Berosse. 5.

Ammian. 150

*Cabale de motz
non receuable en
l'histoire.*

*Lourd recherche
du nom Gaulois.*

LIVRE TROISIEME

veoir la faulte de ceux qui osent sans grande autorité, proposer que les anciens Gauloys ayent pris source de la Germanie, & pour preuue dequoy ils se targuent des esclitz de Cesar en ses Commentaires, qui dit que plusieurs estiment que les Gauloys ayent source des Germains lesquels ayât iadis passé le Rhin, allichez de la fertillité du païs des Gaules, sy arresterét chassans les premiers qui en estoient les naturels & possesseurs, & que Cesar fut instruit de telles bayes & aduertissemens par ceux de la cité de Rheims. Je ne veux de tant m'attribuer que de desmentir vn si excellent

Cesar noté en passant de peu de diligence et en l'histoire.

S. Hierosme à Geronce.

Ceux cy estoient les Cymbres sortis des Gauloys.

Celtes en Espagne. voy Lucan. li. 4. de la guerre civile, & Lucie Marin en l'histoire d'Aragon.

Sigouese, & Bellouese freres, neveux d'Ambigal roy de Bourges.

Tite Liue Dec. 5. li. 1.

Tacite liure des mœurs des Germains. Justin. 24. & Pausanie. 10.

homme que Cesar, ny aussi m'oublier d'accorder ce que luy mesme ne met en auant que comme chose douteuse, & de laquelle il n'auoit qu'un simple recit sans autre fondement. Encor accorderay-je ce que ce grand docteur Esclauon S. Hierosme dit que les Theutons souuent sont venuz des parties les plus esloignées de Germanie, rauageans toutes les Gaules, & ayans deffait plusieurs armées des Romains, ils furent depuis accablez par Marie Consul pres la cité d'Aix en Prouence. Mais quoy? il est faite mention des courtes, & non de l'arrest, puis qu'il est ainsi qu'ils en furent chassez par le general Romain: Et pour dire la verité, & de ce nous feront foy les histoires si elles sont bien espluchées, la vraye histoire nous monstre que plustost l'Alemant est fort du Gaulois, que cestui-cy de la race Germanique. Et qu'il soit ainsi il faut voir (comme i'ay dit) les migrations & voyages de ce peuple, laissant à part les premiers Gomerites & Samotées, qui ne s'occupèrent guere qu'à multiplier leur engeance es Gaules, de laquelle depuis formillerent tant de nations par l'Europe, & mesmement es Espaignes ia dès le commencement, où ils donnerent le nom de Celtiberie à toute celle contrée qui à present porte le tiltre d'Aragon: & en Italie, où encor la Lombardie, Marche Treuigiane, le patrimoine & païs Bolonois & la Romagnolle portent le nom de Gaule es liures des hommes de sçauoir, si que les Romains quelque inimitié qu'ils portassent au nom Gauloys ne peurent faire que les Colonies Gauloises, tant en Toscanne qu'ailleurs, n'ayent retenu leur nom durant le plus grand orgueil, & tyrannie de leur Empire.

Et quoy que Tite Liue, ou son singe Flore, taschent d'aneantir l'excellence Gauloise, si sont ils contrains de confesser ce qui est cogneu à tout le monde, que c'est de Gaule, que les plus fameuses nations d'Europe ont pris origine, & sur tous les Italiens, & Alemans. Voyons ce grad desbord des Celtes sous Sigouese & Bellouese deux cens ans auant que Brenne passast en Italie, & saccageast Rome: l'un de ceux cy à sçauoir Bellouese se faisant voye le fer aux mains par les Alpes, abatist l'Empire, & puissance des Toscans: & Sigouese prist la volte, de Germanie courant, & rauageant tout, & en fin se faisant seigneur du Norique, & païs voisin du Danubé, & d'une partie des siens nommant le païs de Baioarie, qu'à present on appelle Bauiere. Les Prouinces plus septentrionales d'Allemagne sentirent encor ceste main forte Gauloise après que Brenne eut saccagé Rome, il prist le chemin de Grece, & Belgie le deuança ayant deffait le Roy Macedonié qui ne tenoit compte du camp Gaulois, s'en retourna en Europe, ayant fait trenché la teste audit Roy Gregeoys, Amynte: & Bren-

ne despouillant le temple de Delphe fut foudroyé & plus rompu par l'effort celeste, que de la main des hommes. Qu'aduint-il apres cecy? Oyons ce que Iustin en chante. Les Gauloys (dit-il) ayans mal fait leurs affaires à Delphe, où ilz sentirent plus de violence de l'ire des dieux, que de la vaillance de leurs ennemys, ayans perdu leur Roy Brenne, s'en fuyrent vne partie en Asie, & les autres en Thrace. Et ainsi par le mesme chemin que ilz estoient venuz, ilz s'en retournerent en leur terre; vne partie desquels s'arrestèrent pres les bords du Danube, & Saue, qui se feirent nommer Scordisques (ceux cy sont les habitans de Tirol, Autriche & Hongrie.) Les Tectosages de retour que furent à Tolouze leur país, assaillis de peste, n'en peurent guerir plustost qu'ayàs getté en vn paluz l'or & argét rayés téples ils purgerét leurs maisons de telle malediction causée par le sacrilege. Vne partie de ces Tectosages, ayàs pris plaisir au país Illyrien, y retournerét, & pillàs les voisins du Danube, se feirent seigneurs de la Pannonie, voyez là les propres mots de Iustin abregeâr l'histoire de Trogue. Or ce país Scordisque s'estendoit iusqu'à la cité de Belgrade en Hôgrie qui de nostre téps, à esté prise par Solymán Roy de Turquie. Et à fin qu'on ne pèse q̄ le mot de Scordisque, ne s'estende plus que la basse Pannonie, ou Hôgrie, & qu'écote les Teutôs, ou Tudesquesy sont cōpris, voiez q̄ leur estenduë est faicte, & alignée par Iustin & Eutrope dès le país de Thrace, iusqu'à Dalmatie. Pour ne detenir trop lecteur, il fault veoir le chap. precedent à fin de cōsiderer quelles: & cōbien grâdes furēt les natiōs cōprises sous le nom de Galates, & q̄ les mesmes Cymbres se peuuent comprendre sous le nom Gaulois, estât assésuré q̄ nos ancestres y ont donné attainte, si les histoires disent vray q̄ le lōg de la mer, & dès les Alpes iusqu'au Danube les Galates ayēt esté du leur seigneurie. Mais d'autât q̄ l'espere ailleurs traiter de cecy avec plus de diligece, & recherche, vous suffira de ceste simple lineature, qui vous pourra seruir cōtre ceux qui font du sçauât es choses douteuses sans que toutesfois ils vous en sceussent dōner resolution. Vous recueillez donc par les propres motz des Latins, & Grecs, & Alemans, que les Gaulois ont peuplé vne partie des Espagnes, Italie, Grece, Asie, Macedone, Hongrie, & Alemaigne, que les Celtes Gascons sont les premiers parens de la Celtiberie & Aragon, que les Gaulois sont peres de ceux du pays de Gallice: Et noz voisins les Tholosains accompagnez de nostre troupe, comme estans les chefs de tout le pays, ont semé le terroir Esclauon des semences Aquitaniques: Les Borbonnois se peuuent dire source du pays de Bauiere, & bastisseurs de la cité fameuse de Boloigne en Italie. Les bons liures sont pleins de cecy, là où n'y a pas vn qui donne assurance, que le Germain aye rien laissé de memoire de sa demeure en Gaule, quoy que souuent il ayt tasché de s'en faire le maistre: mais de cecy nons en parlerons ailleurs, & par ainsi fault continuer l'auteur qui nous est en main à illustrer] Les Gaulois à present sont nomez Frâçois, & la Gaule est dite Frâce, des Frâçois peuple de la Germanie, par lesquels elle a esté assuiettie, ainsi q̄ Baptiste Matouan dist en son S. Denys, & Sabell. en ses Ennead. & recueils. Cesar qui le premier d'entre les Rom. subiugua en dix ans les Gaules, dit que les anciēs Gaulois estoiet differēs ensemble

Iustin. 32.

Scordisques Gaulois. Lazie. li. 5. des migrations.

Voy Tite Live Deea d. 4.

Appian li. Illyrique. Plineliu. 3. cha. 26.

Celtes Gascons nōment Celtiberie. voy Marin en l'histoire d'Aragon. Gallice des Gaulois. voy Ritrie en l'hist. d'Espagne.

Dalmates sortis des Tholosains. Iustin. 32.

Baniere ditte des Boies Borbonnois Tacite.

Boloigne des Boies Gaulois. voy Gaudēce Merule.

Baptiste Matouan Sabelliq. Ennea. 10. lin 3. Procope

li. 1. de la guerre Gotthique.

LIVRE TROISIEME

en mœurs & façons, langage, loix & coustumes de viure: & qu'aussi ils auoient plusieurs choses qui estoient communes à toute la nation, cōme d'exercer bandes, ligues & partialitez, ce qui estoit tellement graué en leur esprit, que non seulement les citez & bourgs querelloient l'un contre l'autre, qu'encor ceste peste auoit lieu presque en chacune famille.

Ce mespris est encor assez imité à present.

Grand seruitude des simples iadis en Gaule.

Cesar l'iu. 4. de la guerre Gallique.

Hommes remarquables entre les Gaulois. Druides & Cheualiers.

Offices, Et puissance des Druides.

Druides solitaires

Chef des Druides promu par election.

[Et ceste diuision seule fut celle qui l'achemina à la victoire, & luy ourist le pas pour vaincre les Gaules inuincibles, autrement que par la discorde intestine des habitans] D'autant que ceux qui estoient les plus riches, puissans & genereux combatoient ensemble sur la prestance & principauté, chacun desirant de plustost commander, qu'estre soumis sous la main & puissance d'un autre. Et tout ainsi que cecy leur fut peculier & de toute ancienneté, aussi l'institution en estoit merueilleusement bonne, entant que le peuple par ce moien n'estoit aucunement foulé des grands, iagoit que c'estoit le pays du monde, où l'on tenoit le moins de compte de la multitude, veu qu'on s'en seruoit comme d'esclaves, sans que iamais vn populaire fut admis au conseil public: & la plus part desquels estoient si chargez ou de tributs, ou de debtes, qu'ils estoient contrains se jeter entre les mains des plus nobles & puissans, leur obligeas & biens & personnes, affin d'estre deffendus du tort, & violence des autres. [Et de là ie pense que sont venues ces seruitudes, qui encor se partiquent en quelques endroits du pays Lymosin. Or quelques ligues & diuisions qui fussent entre les Gaulois, si est-ce que Cesar ne nie point que souuent ils ne s'assemblassent en conseil public, qui se faisoit & tenoit, comme estats generaux des Gaules au pays Chartrain, où estoit l'ancienne loge & habitation des Druides.] Car les Gaulois auoient en singuliere recommandation deux sortes d'hommes, les Cheualiers à sçauoir, & les Druides: Aucuns y adioustant les Bardes & Vaccées, les vns desquels s'adonnaient à la cognoissance des causes naturelles, & les autres à louer les hommes illustres, & à faire des vers & hymnes à la louange des Dieux. Mais Cesar les comprend tous (& à bon droit) sous le nom de Druides. C'estoit à ceux cy a prendre garde aux sacrifices tant publics que priuez, a interpreter les secretz de la religion, & enseigner les lettres aux enfans, d'assister aux assemblées des iugemens fust pour les meurtres, ou querelle sur les bornes & limites des terres, voire cognoissoient de toute cause & donnoient sentence, ou condamnoient les mal-viuans. Que s'il y auoit homme de quelque estat ou condition qu'il fut qui refusast d'obeïr à leur ordonnance, il estoit excommunié, sans qu'il luy fut permis d'assister aux sacrifices qui estoit la peine la plus ignominieuse que recogneut toute celle nation. Ces philosophes pour ne se soüiller fuioyent la hantise des autres & ne parloyent à personne: ceux cy refusans audience, aucun ne pouuoit se pourueoir ailleurs, & personne n'eust osé s'attribuer aucun honneur priué ny general sans qu'ilz ne l'autorisassent. Ils auoyent vn chef lequel auoit iurisdiction & puissance sur tout l'ordre & assemblée philosophique, lequel mourant, on venoit à l'election de son successeur, ainsi qu'à present on fait, ou deuroit faire au decez d'un Euesque. Certaine saison de l'année le Cōseil & estatz generaux (comme dit est) des Gaulois s'assembloyent au pais Chartrain qui

qui est au milieu des Gaules, où toutes les querelles estoient vuidées par l'arrest & ordonnance des Druides. [Aucuns estiment & non à tort que ce lieu public de l'assemblée c'estoit la ville de Dreux, iagoit que Paradintienne que c'estoit Autun, cité lors capitale des Heduens, & des principales des Gaules : mais ie m'en rapporte à la verité, & ne veux plaider en chose qui ne m'est d'importance, quoy que suiuant Cesar ie pense la premiere opinion estre la plus veritable] Ces conseils ont esté depuis receus par les François, & appelez Parlement, mais transporté à l'imitation de l'Angleterre. [C'est bien rentré, seigneur Boesme: i'ay honte qu'un homme faisant profession de l'histoire, s'oublie si lourdement que d'estre louché es choses les plus aisées à voir: Quelle absurdité est-ce de dire que nous tenons les parlemens des Anglois, cōme ainsi soit que Guillaume le Conquerant fut celui qui de France en porta & le nom, & l'usage en l'isle nouvellement par luy conquise des Anglois? Je sçay bon gré à S. Estienne Pasquier d'auoir montré icy (comme ailleurs) la gentillesse de son esprit, en ramassant de nostre histoire & le premier usage de parlement, & le temps qu'on le tenoit, & les causes pour lesquelles il fut institué premierement, & pourtant ie renuoye le lecteur au liure tresdocte de ses recherches de la France, affin qu'avec les raisons de ce gentil patron, il n'azarde ce gros esprit qui ne dit ny ne fait sinon ainsi qu'un autre le pousse, & qui s'est trompé en ce qu'il a veu en Cesar, que les Gaulois (ainsi qu'on disoit, car le Romain ne l'ose asseurer) apprenirent iadis les sciences des Insulaires de la grand Bretagne : & a conclud que es derniers temps la façon de Parlement ou assis ou ambulatorioire, nous auoit esté eslargy de l'invention Angloise, comme ainsi soit que nos premiers & plus anciens peres nous en ayent montré la forme, & que depuis les François, auant que l'isle Angloise eut ce nom, ny fut en liberté, vloyent de ces assemblées pour traiter des affaires du Royaume. Et posé le cas que la discipline des Druides fut sortie des Bretons, encor l'assemblée pour les iugemens n'a point issue d'eux au moins que nous puissions recueillir par aucune histoire Angloise quoy qu'il y en ayt de bien fabuleuses. Et si les Gaulois passoyent en celle isle pour y apprendre quelque cas, asseurez vous que c'estoit pour y puiser les sciences obscures, veu que là, comme au reste des pays Septentrionaux l'art de Zoroast & forcelerie y estoit pratiqué merueilleusement. Car quant aux lettres, si nous croyons Berosé, les Saronides les auoyent introduites en Gaule, & les Druides vîées & enseignées ains qu'il soit memoire que l'isle Albion fut seulement recognëue & ainsi Cesar pour ceste fois ne sera creu en chose de laquelle aussi il parle si froidement qu'il s'en rapporte à l'opinion, & ouyr dire, joint que le mesme parlant de l'origine de ces Insulaires, ne fait conscience de dire que ceux qui habitoient près la marine, auoient leur origine des Gaulois Beligiques au Beauuoisi, qui passans en l'isle pour butiner, s'y estoient arrestez & y auoient cultiue les terres. Et Bede homme Anglois ne peut taire que la Gaule ne soit celle qui a peuplé la grand Bretagne, parlant ainsi: Ceste isle eust dès le commencement les seuls Bretons pour habitans, desquels aussi elle prist le nom: lesquels (ainsi qu'on tient) passans de la terre

Robert Cenalis
Euesque d'Au-
ranch. liu. 1. de la
Gaule.

Paradin liure de
l'estat ancien de
Bourgoigne.

Erreur de Boesme
Auban.

Estienne Pasquier
liu. 2. cha. 1. & 2.
des recherches.

Cesar pensoit que
les Gaulois insu-
sent les lettres des
Bretons.

Insulaires de la
grand Bretagne
sorcières.

Voyez Berosé en
quel temps il met
Saron & Druides
Rois de Gaule.
Cesar 5. de la guer-
re Gallique.
Bede histor. eccles.
liur. 1. chap. 1.

Albion isle nom-
mé Bretagne des
Bretons de la
Gaule.

LIVRE TROISIEME

continente nommée Armorique en la grand Bretagne, se feirent seigneurs des parties plus tirans sur le midy d'icelle. Ainsi les Gaulois plus anciens n'est vraisemblable, qu'allans peupler vne Prouince d'hommes, ne la foisonnassent aussi des choses qui sont dignes de l'homme, & necessaires, & à la vie, & à la police: soit dit cecy en passant.] Les Druides ne se mesloyét point de la guerre, ny n'estoyent cōtraint à cōferer ou payer tribut comme les autres. Quiconque vouloit estre receu en leur cōpaignie, & atteindre la perfection de leur science, falloit qu'aprinst plusieurs milliers de vers par cœurs, tellement qu'il y en auoit plusieurs qui demouroyét vingt ans auât que sçauoir ce qui estoit necessaire d'entēdre, d'autāt qu'il n'estoit point permis d'escrire rien appartenant à ceste cognoissance, qui peut appartenir & toucher à l'exercice de la memoire, & autorité de ceste discipline. Le reste des Gaulois en ce temps là auoyent les lettres Grecques en vsage. Ces Druides auoyent opinion que les ames estoyent immortelles, mais qu'elles passoyent d'un corps en autre: & par ce moyē ostans toute crainte de mort du cœur des Gaulois, ils les rendoyent plus hardys à s'exposer à tout peril & hazard. Ilz disputoyent plusieurs choses sur le cours des Astres, de la grandeur du monde, & estendue de la terre, de la nature, & estre de chascune chose, & de la puissance des Dieux: estimans le monde eternal, & que l'eau, & le feu, se surmontoient reciproquement, & à diuerfes fois l'un l'autre. [Je ne veux omettre ce que Pline dit de ces Druides en son histoire naturelle: Les Druides (dit-il) n'ont riē en si grand estime, ne qu'ils pensent plus sacre que le Guy qui n'aist es arbres, & que l'arbre mesme où il s'engendre pourueu que ce fut vn chefnr: & pour ceste cause eslisoyent ils les forestz de chefnes, ne faisans aucun sacrifice sans auoir des rameaux & fueillages de cest arbre. De sorte que pour ceste seule raison suyuant l'interpretation Grecque, on les appelloit Druides, du mot *δρυς*, qui signifie chefnr: iacoit que les Grecz anciens baptisoyent de ce nom toute espee d'arbre: Quoy qu'il en soit, ces gens estimoyent que tout ce qui naissoit en ces arbres, estoit enuoyé du Ciel, & que Dieu auoit choisy cest arbre & avec grand ceremonie, & superstitiō y trouuans le Guy, ils le recueilloient: & sur tout obseruoyent ils la Lune sixiesme, qui estoit commencement & de moys, & d'année entre eux, & du siecle au bout de trente ans, ayant assez de force, & n'estant plus en sa moitié. Et appelloient encor la sixiesme Lune tout guerissant & voulans sacrifier, ayans premierement dressé vn beau, & grand appareil de viandes sous des arbres, ils empoignoyent deux Thoreaux blancz, ne faisans que aboutir les cornes.

Le Prestre affublē d'un abillement blanc, ains que sacrifier montoit sur l'arbre porte-Guy, & coupoit ce rameau tant cherché avec vne faucille d'or, lequel on receuoit en vn Hoquetō de blanche couleur: Ce fait la victime estoit occise, & immolée, priās Dieu de prosperer ce present à ceux à qui il auoit d'en faire largesse. Veu qu'ils pensoient que par ceste façon leurs troupeaux fussent renduz fertiles, & que le Guy estoit le souuerain remede contre toute sorte de venim, & poisons, si grande souuentefois est la superstition des hommes en choses friuoles, & de nulle conséquen-

Druides imitateurs de Pythagore, ou luy d'eux.

Disputes esquelles les Druides s'exercoient.

Pline dernier ch. du 16. lin.

Guy est vne sorte d'excrement des vieux arbres ayant la fueille comme un olivier.

Superstition des Druides à cueillir le Guy.

ce. Je laisse à part les œufs des serpens enforcéllez par ces Druides, valans contre le fer à la guerre, & aydans à auoir victoire de son ennemy : vœu que le mesme Pline dit qu'un Cheualier Romain fut tué par Claude Neron à Rome, d'autât qu'on luy trouua vn de ces œufs charmez on son sein. Ces Druides à cause qu'on tenoit qu'ilz immoloyēt des hommes à leurs Dieux furent ruinez (comme dit Pline) par Tibere Cesar successeur d'Auguste, fuyuant l'ordonnance du Senat : mais Suetone refere ceste ruine souz Claude Neron, & dit que pour ce fait les Gaulois se mutinerent contre l'Empire.] L'autre sorte d'hommes (selon Cesar) honorez en Gaule estoient les Cheualiers, qui furent les plus deuotieux de tous les autres, mais quand ils tomboyent en quelque perilleuse maladie, ou se voyent exposez en quelque danger, secouruz de ministere des Druides, ils immoloyent vn homme pour leur salut, & conualescence. D'autres auoyent des simulachres d'une monstrueuse grandeur qui estoient faitz, & entretissuz d'osier en forme de treillis & claiés, dans lesquels ils mettoient plusieurs corps vifs ensemble, qu'ils faisoient brusler cruellement faisans mourir les larrons, & autres conuaincuz de quelque grand meschanceté, ilz estimoient ce supplice aux Dieux tres-agreable. Or Mercure estoit celuy que ilz auoyent le plus en reuerence, l'estimans, & preschās, l'inuēteur de toutes les sciences le guide des voyes & chemins, & celuy qui aidoit fort les hommes à gagner, & profiter en quelque affaire que ce fust. Allās en guerre ilz voioient à Mars tout ce qu'ils prendroyent en la bataille, & voioient on en plusieurs villes de grans tas & monceaux des despouilles des ennemis qu'ils auoiēt vaincuz en guerre. Si quelqu'un faudoit, ou cachoit rāt peu soit de la proye, il en estoit puny tres-rigoureusement. Ce peuple eut opinio d'estre descēdu de Dis Saturne, qui estoit cause q'ilz cōmençoient les festes dès la nuit precedēte le iour de la solēnité, estimās q'à Dis fut la nuit cōsacrée. Les Gaulois ne souffroient point qu'on amenast leurs enfans en leur presence, qu'ils ne fussent grāds & prests à porter les armes, estimans chose mal seante que le fils encor enfant, assistat en la presence de son pere. Autant d'argent que le mary receuoit du dot de sa femme, il esgalloit la somme en nom de douaire par l'estimation d'autant de son bien qu'il conféroit & mettoit en commun, & ce qui sortoit de prouffit de ceste communauté, estoit gardé diligēment pour celuy qui suruiuroit à la partie luy seruant d'heritage : neantmoins le mary auoit puissance de vie & de mort sur sa femme, tout ainsi que sur ses enfans. Si vne femme estoit attainte d'auoir empoisonné son espoux, les parens du mary la tourmentans cruellement, la faisoient brusler toute viue. Aux obseques des hommes illustres, on auoit coustume de brusler tous les plus precieux meubles du defunt avec son corps, voir les bestes mesmes. Et auant que Cesar eust assuietty le pays, encor brusloit on & les tenans terre & les esclaués des seigneurs qu'on mettoit en sepulture. Ez citez bien policées, il y auoit plusieurs des principaux qui auoiēt charge de la police & gouuernemēt, eslisans dès le cōmencement vn chef annuel, tout ainsi que pour la guerre les generaux estoient esleus par la multitude. [Quād il dit qu'ils eslisoiēt vn chef, cela n'oste pas la iurisdicō des roiteletz tels qu'estoiēt ceux des

Oeufs charmez pour auoir victoire.

Druides exterminés, & par qui. Pline. li. 30. ch. 1. Suetone en la vie de Claude Neron.

Noblesse Gauloise fort deuotieuse de tout temps.

Celie Rhodig. li. 18. ch. 21.

Polybe. Cruel sacrifice des anciens Gaulois.

Dieux adorez des Gaulois. Hese, & Theucate, à sauoir Mars & Mercure.

Despouilles données à Mars, par les Gaulois.

De ce Dis voy Be rose qu'il appelle Samothée. Droit de communauté en mariage entre les anciens Gaulois.

Puissance des maris sur leurs femmes & enfans.

Ceste loy estoit aussi pratiquée à Rome des Romains.

Obseques cruels des Gaulois semblables à ceux des Scythes. Princes iadis annuels en Gaule.

LIVRE TROISIEME

Senonois, Heduens, Auvergnaz, & Berruyers, mais parle de celuy qui auoit souueraineté és choses du public estat des Gaules par l'autorité du peuple, sous le nom duquel se faisoient, & les leuées & les assemblées.]

Police Gauloise.

Si quelqu'un auoit quelque aduertissement des voisins sur le fait touchant le public, il le deuoit faire entendre au Magistrat, lequel selon que bon luy sembloit, & que le cas le requeroit en celoie vne partie, & du reste il en falloit faire le raport en la publique assemblée des estats: d'autant qu'il n'estoit permis à aucun de parler des affaires communs, sinon deuant tout le monde. Et celuy qui venoit le dernier au Conseil estoit

Ce qui s'en suit est de Strabon. 4.

occis sans aucune misericorde. Ceux qui faisoient bruit, ou suscitoient trouble en l'assemblée, vn officier & sergent venoit à eux l'espee nuë au poing, & leur commandoit les menaçant de faire silence, que s'ils ne cessoient, il vsoit de pareil commandement iusqu'à la troisieme fois: puis con-

Strabon attribue ceste magnificence aux Druides.

tinuant l'autre en son opiniastrise, l'officier luy coupoit vne si belle piece de son habit que le reste luy demouroit inutile. Les Magistratz estoient parez d'ornemens d'or, ayant des chesnes d'or au col, & des bracelets aux bras & és doigts de beaux anneaux & fort riches. Le peuple portoit des sayons, & calaques, & par dessus quelques manteaux si courts, qu'à grand peine leur pouuoient ils couvrir la moitié des fesses. [Et c'est pourquoy Strabon dit qu'ils auoient de fort longs haults de chausses, & tient que ces manteaux si courts estoient faits à manches, & fenduz par le deuant

Habits des Gaulois. voy Tacite liu. 18.

comme la robe, ou toge Romaine.] La laine de laquelle il faisoient leur drap estoit aspre & le poil long, de laquelle ils faisoient leurs habits veluz, & d'aucuns en auoient de mesme parure, mais faits & tissuz à l'eguille. [Et quoy que (comme dit Ammian) leurs habits fussent de peu d'estoffe, si estoient ils nets & propres en iceux, & sur tout les dames, & donne cest auantage sur tous les Gaulois, à ceux de l'Aquitaine.]

De l'armement des Gaulois. voy Polybe. 2.

Ils nourrissoient soigneusement leur chevelure, grands, & bien proportionnez de corps, blancs de couleur, & les armes proportionnées selon la stature, vne grand espee pendant au costé droit, vn long bouclier & escu, la pique suyuant la grandeur de l'homme qui la manioit. Quelquefois ils faidoient des arcs, mais ils ataignoyent plus asseurement au but avec les dardz desquels ils faidoient allanz à la chasse: & peu d'entre eux se soucioient de fonder ou massues de boys allans en bataille.

Quel estoit l'habit nommé Braces.

[Et leur principal habit estoit celuy qu'ils nommoient Braces, qui n'estoyent pas simplement ce qu'on appelle à present braies, qui ne couurent que les parties honteuses: ains vn habillement fait comme la chemise leur allant des espaules, & estomach, iusqu'aux genoux, qui leur couuroit les parties, & membres que nature commande de tenir secretz & cachez. Oyons sur ce propos Pöponie Mele. Les Sarmates (dit-il) portēt les Braces par tout le corps, lequel il en couurent tout sauf la face & la

Suetone en la vie Cesar.

veuë: & Tranquille parlant de la coniuration faite contre Cesar, dit: Cesar mena des Gaulois en triomphe, lesquels arriuez à la court laisserent leurs braces, & prindrēt la robe fragée de laquelle vsent les Romains: & Tacite dit que les Colonies, & citez Municipales des Romains s'offen-

& s'estoit vestu des Braces vestement propre des barbares. Et afin que ie ne sois trop long, qui voudra voir mieux à son aise, & armes, & dextérité, & façon de batailler des anciens Gauloys, qu'il lise Tite Liue, quoy que mal affectionné à la nation, & Cesar en ses Commentaires, & Tacite en l'histoire d'Auguste : mais sur tous Polybe s'y est arresté le plus curieusement, iacoit qu'il parle tousiours au grand auantage des Romains: Les passages desquelz ie laisse de vous amener mot à mot, me suffisant de vous en donner le goust, & rechercher l'antiquité des nostres non encore espluchée par nous, qui en laissons la gloire aux estrangers, & l'honneur à ceux qui s'enrichissent de noz despoilles.] Les Gauloys couchoyent sur belle terre pour toutes delices & banquetans passeoyent sur du fouairre : Ilz acoustroyent avec les laitages grand diuersité de viandes & mets, vsans de plusieurs sortes de chair, mesmement de porceau & frais & salé. Ilz nourrissoient aux champs grand quantité de pourceaux, excédans tous autres en grandeur, force, & legereté de course, de sorte que ceux qui se rencôtroient en ces troupeaux sans y penser, n'estoyent en moindre danger que s'ilz fussent tombez en quelque escadron de loups affamez : & estoit telle l'abondance du bestail à corne en Gaule, & de la porcherie que & Rome, & la plus part de l'Italie s'en fournissoient de lards & nourriture. Ils bastissoient leurs maisons de charpenterie & bardeaux en forme de voultres, & icelles fort grandes, avec des ouuertures & croisées. Tous en general estoient farouches, mais d'une naïfue simplicité, ayans plus de force & adresse que d'aduis, conseil, ou prudence en guerre, & estans plus soigneux des combats que de la culture & labeur des champs. Les femmes si fertiles q'le seul pais Belgique seul pouuoit iadis enuoyer à la guerre 300000. combatans & d'auantage : victoire certes à qui la gaignoit fort plaisante & ioyeuse, mais effroyable aux vaincus. S'en retournans du combat ilz mettoient au col de leurs cheuaux les testes de leurs ennemys par eux occis en bataille, & les portans en leurs maisons les pendoyent, ou affichoyent en des pieux & poteaux pour seruir de parade & môstre aux passans. Mais ayans massacré quelque illustre homme ennemy, ilz mettoient les testes en des vases & estuys precieux de Cedre, pour les monstrier à ceux qui les visitoient, & n'eussent quitté ce thesor pour rançon ny somme d'or quelconque. La coustume ancienne & naturelle de ce peuple, estoit de porter l'or au col, aux bras, & aux mains, & en recamer & broder leurs abillemés. Voulans auoir presage, ou diuination sur quelque euenement, ils tourmentoient l'homme destiné pour estre sacrifié à grands coups qu'ilz luy donnoient sur le doz, & selon les mines, & contenance qu'il tenoit fust estat impatient à souffrir, ou se tourmentant pour l'indignité du supplice, ilz prenoient l'occasion de leur prediçtion & augure. Ilz auoyent encor d'autres façons d'imoler & offrir les homes en les massacrant: car ilz en tuoyent les vns à coups de fiesches, & puis les pendoyent en leurs temples : d'autres fois ilz faisoient vne statue & effigie de foing lié, & plein de boys combustible, dans laquelle ils mettoient grand nombre de bestes & d'hommes, & en faisoient vne cruelle & estrange rotisserie de tout ensemble. Les Gauloys iadis, à cause de leur assidu trauail & peine continuelle, estoient

*Tite Liue 7. d'edz.
la cité bastie, &
liu. 8. de la 4. dec.
Cesar 2. et 5. de la
guerre civile.*

*Tacito 3.
Vegece li. 3. c. 24.
Polybe 2. et 3.
Appian Alex. 2.
liu. 5. des guerres
civiles.*

*Gauloys riches en
bestail.*

*Cecy est mesme
que ce qu'il a dis
cy denat de la sta-
tue d'Osier.*

LIVRE TROISIEME

*Gaulois iadis tous
maigres.*

*Vertus des Gau-
lois mentionnées
par Strabon li. 4.*

*Gaulois receurent
la foy, avant que
les François en-
traissent en Gau-
le.*

peu chargez de chair & fort maigres, & ausquels à grand peine voyoit on
jamais le ventre enflé, car ils eutoient la gresse de telle sorte, que les ado-
lescens qui auoyent plus de largeur que ne portoit leur ceinture, estoient
punis publiquement, comme festants trop donné d'aïse & de bon temps.
Au reste, la frequentation qu'ilz eurent avec les Romains feit vn grand
eschange de leurs façons de faire, & le temps correcteur de toute chose a
changé le tout en mieux, & adoucist ce qui estoit de rude & cruel en ce
peuple tant illustre. [Lequel comme dit Strabon estoit simple, & sans au-
cune malignité de mœurs qui luy fut naturelle : estants irritez il s'assem-
bloient facilement, hommes ouuers & sans dissimulation, n'ayans rien
pour secours en guerre que la force & hardiesse. Ilz se laissoient aisément
persuader, & escoutoyent volontiers ce qui leur pouuoit tourner à pou-
fit ayans l'esprit enclin aux bōnes lettres & disciplines, charitables au pos-
sible, comme ceux qui se douloyent voyant quelque leur prochain of-
fencé, & se monstroyent enclins à luy donner secours. lyfant cecy, ceux
des anciens qui ont donné le nom de Barbare à noz peres Gaulois, qu'ilz
regardent si la naïueté des nostres n'est pas plus louable que les ruses, fi-
nesses & tyrannies de ceux, qui s'estimoyent courtois & civils en pillant,
rauageant, & ruinant tout le monde. Tant y a que ce furent les Gaulois
qui receurent la foy souz les disciples des Apostres, & qui l'ont annoncée
aux François vsurpateurs des Gaules sur les Romains, desquelz il est desor-
mais temps que nous tenions propos.]

*Des François, de leurs mœurs, & origine, & comme ils se firent sei-
gneurs des Gaules. Chapitre 29.*



A V T A N T que l'auteur que nous suiuiens est assez
maigre parlant des François qui se sont rendus Gau-
lois, en habitant en Gaule, comme iadis les Galates
furent nommez Gallogrecz, ie suiuray son stile le
traduisant pour puis apres m'esgayer à l'ayse sur vn
suiet tant agreable. Or voicy comme nostre recueil-
leur en discourt. Les Gaulois (dit-il) sont à present
tresaffectionnez à la religion & pieté Catholique, ayans vn Roy souue-
rain duquel sont grandes les terres & seigneuries : & sollennisent le ma-
riage suyuant la forme, coustumes, & ceremonies d'Italie.

*François ayment
le sçauoir.
Vniuersité de Pa-
ris la premiere de
l'uniers.*

*Cesont armes de
la vieille guerre.*

Plusieurs d'entre eux s'adonnent à l'estude des sciences & artz liberaux, &
sur tout y fleurist la sainte Theologie : ce qui se voit facilement en celle
celebre & fameuse vniuersité de Paris, laquelle surmonte facilement tou-
tes les autres de l'uniers. Les François sont en outre tresdesireux des let-
tres Romaines, & taschent d'imiter l'eloquence & douceur des Latins, &
ne mesprisent la cognoissance & de la langue & du sçauoir des Grecs.
La iustice & iugemens s'exercent par les Magistratz, mais c'est au Roy à
les eslire & choisir. Ilz ont de bons hommes d'armes en guerre & de la
fanterie legerement armée, ont aussi des archers qui portent les arcz plus
longs que les autres, & desquels ne sont point de corne comme en Scy-

thie, & presque par tout l'Orient, mais sont faitz d'If, ou de quelque autre plus dure matiere. Leur armée est suyvie de grand nombre d'artillerie attellée, & mise sur des chariotz : & combatent plus par ordre qu'à escadrons, ayans plus de cœur, & hardiesse que d'art en combatant, iagoit que ilz ne refusent le conseil, ny ne mesprisent les aduis concernans le fait de la guerre. Les heraultz d'armes sont entre eux honorez, comme ceux qui & durant la guerre, & durant la paix sont pres la personne du roy prestz à executer son mandement, & qui l'honorent, & reuerent affectueusement & luy obeissent d'un grand courage.

Heraultz d'armes.

La religion & sainte deuotion par la France est fort grande es Eglises & merueilleuse la maiesté des Prelatz en icelle, l'autorité du clergé, & l'honneur que chacun luy porte : & la grande, & frequente melodie en psalmodiant, tellement que les accords de Musique, semblent estre propres & naturelz à ceste nation, ez habitz & chausseure on y voit vn grand changement de nostre temps, & memoire : Car (comme dit Sabellique) moy estant petit enfant, il me souuient auoir veu tous les courtisans, filz n'estoyent Ecclesiastiques, portans des casaquins à manches tous faitz à pliz & ondes depuis le hault iusqu'au bas, qui n'alloyent pas iusqu'au demy fessier, & enrichis de nerueures vers le coler, & autour des espaulles : les souliers par le deuant estans pointus, & ayans vne corne de demy pied de long telz que on les voit es tapisseries, leur bonnet long & fait aussi en pointe. Tout est maintenant à rebours, car la pointe du soulier est large comme le pied d'un ours, & au talon si bas qu'à grand peine le pied y peut auoir tenuë. L'habillement plus long & large qu'au parauant, descendant iusqu'à demy cuisse, les manches longues & fendues d'un costé, avec quelque deschiqueture, & des bandes de soye de diuerse couleur & cousues à trauers par ces taillades : le chapeau large & le plus souuent de couleur d'es carlate : mais le bonnet plus large & mal seant à la teste, comme ainsi soit que au reste il n'y ayt rien plus propre ny gentil en son vestemēt que le François. Ceux de nostre pais (poursuit Sabellique) ces ans passez furēt desireux grandement d'imiter ceste façon François, & s'y façonnerent si bien que par toute l'Italie chacun se vestoit à la mode du François, qui estoit vn asseuré presage du mal'heur qui nous aduint bien tost apres. Les femmes n'y ont guere changé la maniere de s'abiller du passé. Or Baptiste Mantouan descrit le pais Gaulois par ses vers en ceste sorte.

François fort religieux.

François variables en l'habillement.

Il entend du passage de Charles 8. en Italie. Baptiste. Mantouan. liur. 2. de son Denys.

*Gaule n'est point de terre une petite part
Ains de grand estendue : à l'Espagne a regard
Vers le soleil couchant, mais ell' voit l'Italie
Ou le soleil se lene, à la mer se marie
Vers l'Austre chaleureux, & vers septentrion
Au profond Ocean, où son impression
Borée va traçant, & l'hiver sa froidure
La Gaule aussi du Rhin la voisine demeure.
Terroir bien soisonné en hommes genereux,*

Louange du pays Gaulois.

LIVRE TROISIEME

En semences & fruits, en bestail plantureux
Lequel va repaissant par les prées herbues,
Et parmy les hauteurs des roches non tondues,
Ce pays on ne voit à la peste suier,
N'y a l'air corrompu, & mortel, & infect
Ainsi qu'il en aduient aux peuples de l'Afrique
Le froid n'y est tousiours, ainsi qu'au pole Arctique
N'y l'ardeur du soleil les offence à meschef
Ainsi que l'Indien baïané sent son chef
Aggravé de l'ardeur du chault, qui ses semences
Et ses champs va gastant: les nuictales plaisantes
N'y sont durant six mois au secret de l'obscur
Ainsi que dessous l'ourse, en sent bien la rigueur
Et la terre, & la mer deuers l'incogneue isle,
Ditte des anciens la treslointaine Thile:
Elle ne ressemble encor l'Egipte ou le grand Nil
Le tour change en marests: ains tout y est fertile,
Le ciel doux & serain & la terre plaisante
En herbes & en fruits en tout temps abondante.

Puis apres aiouste.

*Leuanges des ho-
mes de Gaule.*

Les Gaulois sont pourueus d'un vif entendement
Le corps blanc en couleur, parquoy semblablement
De ceste grand blancheur encor le nom il porte,
Le taint des femmes est empourpré de tell sorte
Qu'un vermillon Tyrien, & Paphienne blancheur
Semblent de leur beauté parfaire la couleur
Ce peuple est tousiours gay, allegre & se delecte
En dances & chansons, à rire, & faire feste:
Enclin est à l'amour, & aux banquets enclin:
Mais ains que faire cela, au seruice diuin
Il se presente & va: ce peuple n'est propice
A souffrir le dur ioug d'un esclau seruice
Amy de liberté, l'hypocrisie il fuyt
Et de haine de mort les saintes il poursuit
En parolle il est franc, ainsi qu'en est l'usage
A tout homme bien rond & libre personnage
Et ne peut compatir avecques les fascheux
La chasse est son plaisir, le vol, & les beaux lieux
Des campagnes, des monts, des lacs & des riuieres
Ou chassant se deduit en cent & cent manieres:
A la guerre ils sont nés, & c'est tout leur souhait,
Et de piquer cheuaux vn chacun d'eux se plaist:
Le plaisir des François sont corselets & lances
Arbalestes, espieux: & pour leurs grands plaisances,
Ils dorment à l'abry du nocturne croissant
Et n'ont aucun soucy qu'un soleil reschauffant

Leur

Leur balane le taint, ny que de la poussiere

Ilz soyent tous en salu, ceste belle maniere

Est leur soulas aymé, & ayment de suer

Sous le faix d'un harnois & long temps ahaner

Deffendant leur pays leurs parens, leur Prouince:

Et doux est le mourir, s'ils finent pour leur Prince

Le Capricorne est cil des astres des haults Cieux

Qui influe ce peuple & fort & gracieux

Qui le fait inconstant & hastif de courage

Et de nouvelette l'amy depuis tout aage,

Si aouster on doit quelque foy au pouuoir

Duquel on a voulu les estoiles pouruoir.

*François suiets au
signe de Capri-
corne.*

*L'origine du par-
lement incertaine
aux estrangers.*

*Parlement iadis
ambulatoire.*

*Parlement arre-
sté à Paris.*

*Chambre des en-
questes.*

*Amendes du Pa-
lais.*

*Requestes du Pa-
lais pour qui in-
stituees.*

Il ne sera point inconuenient de mettre icy le principal ornement de la France à sçauoir la court souveraine de parlement, de l'origine duquel, & qui en fut l'auteur, il n'y a hōme guere qui en rende raison autre que celle que l'ay ditte, receuë des Druides, & maintenue par longs siecles iusqu'à nostre temps. Car tout ainsi que le conseil Druidien s'assembloit tous les ans à iour certain en lieu nommé au païs Chartrain: aussi iadis entre les François ces assemblées & pourparler se faisoient au temps & lieu que le Roy ordonnoit en ceste sorte. De toutes les Prouinces suiuettes venoyent là des hommes sçauants en droit, & pratiquez és loix municipales, & coustumes de chacun pays, esleus au parauant pour ce faire, lesquels faisoient droit à chacun, & vuidoyent les apeaux des sentences intergettées par les ordinaires & iuges des moindres sieges. Mais d'autant que ceste façon de faire estoit incertaine le siege de ce parlement ambulatoire fut assis & arresté à Paris, & là ordonnez des iuges perpetuelz qui ordonnassent diffinitiuement sur les differens des parties. Ceux-cy sont quatre vingtz en nombre, ayants tous gages ordonnez du thesor royal: & sont diuisez en quatre chambres, diuisées & separées l'une de l'autre, & chacune desquelles a son president. La grande est celle où il y a quatre chefs & presidentz & trente conseillers, qui oyent les causes & iugent des differents & matieres verbales les delays & ce qui consiste sur le poinct du droit, les appellations & matieres sommaires sur les champs. En la seconde, & troisieme y a pareil nombre de Conseillers, à sçauoir dixhuit en chacune: & s'appellent des Enquestes, à cause qu'ils vuidēt les procez apointez en droit & instruits deuant les iuges subalternes. Les Cōseillers de toutes ces chambres sont partie lays & seculiers, & en partie Ecclesiastiques, ayant chacune chambre quatre presidents, lesquels à certains iours prononcent leurs sentences chacun tenāt le siege, & s'appellent arrestz, c'est à dire chose ferme, stable & assēurée, & de laquelle il n'est point permis d'appeller en sorte quelconque. Ceux qui sont condempnez en celle Court, payent l'amende de 60. liures tournois & quelquefois d'auantage, mesme où il suppose erreur, car alors auant que estre receu à rien dire contre les arrests, il fault consigner doublement la somme susditte.

La quatrieme chambre est de ceux qu'on appelle les requestes du Palais,

LIVRE TROISIÈME

lesquels ont cognoissance sur ceux qui sont priuilegez & qui sont à la suite & seruice du Roy, faisans venir leurs parties à Paris afin que loing du Prince on ne les moleste: en ceste troupe n'y a que six Cōseillers desquels on peut apeller au Parlemēt. En la decision des choses plus importantes, & où gist quelque grand difficulté. Les Chambres toutes assemblées en font le vuidange comme aussi on les vnist & conuoque lors qu'il fault traiter des affaires du Roy, & de tout le Royaume: entant que guere rien ne se fait que par l'ordonnance & arrest de ce Senat.

Quand les chambres s'assemblent.

Qui sōt ceux ausquelz est loisible s'asseoir avec messieurs de la court.

Douze pairs de France.

Robert gaguin es annales de France.

Le nom François incogneu aux anciens.

Fable que les Troyens soyēt source des François.

La Court souueraine, a pour asseurs & cōpaignons les 12. pairs de Frâce & les maistres de requestes de la maison du Roy, lesquels tiennent au siege le premier lieu apres le President de la premiere & souueraine Court du Royaume: d'autant que ceux-cy ont esgalle puissance que les Pairs ez droits de regalle, & causes desdits pairs, lesquels furent iadis choisis de la noblesse pour assister au Roy douze en nombre: à sçauoir trois Ducs Ecclesiastiques de Reims, Laon, & Langres: trois Comtes Euesques, qui sont Beauuois, Noyon, & Chaalons: six seculiers & lays, les Ducs de Bourgoigne, Normandie & Aquitaine, les Comtes de Flandres, de Thoulouze & de Champagne.

Ces douze (ainsi que dit Robert Gaguin) Charles le grand fut le premier qui les institua, & les menant avec luy en guerre les nomma Pairs, à cause qu'ils auoyent avec luy esgalle puissance: & voulut qu'ils ne fussent iugez par autre que par la court de Parlement, & qu'ils assistassent au sacré & couronnement du Roy: & telles furent & sont encor les mœurs & façons de vie des Gaulo-François, telles leurs fameuses coustumes.

[Voyez avec quelle naïueté nostre auteur a espluché la France, & combien legerement il s'est passé, & de leurs mœurs, & de leur origine, laquelle il nous fault chercher diligemment, & veritablement, laissant les fables, & songes de Troye, & les mots cabalisez, mais apuyans simplement nostre dire sur l'autorité des anciens, & mesme de ceux qui ont esté du tēps mesme que les François se vindrent mesler parmy les Gaulois, & s'en feirent les maistres, & occuperent leurs terres, non qu'ils abolissent les maisons & races illustres, qui dés ce temps là encor germans, ont estendu leurs racines heureuses jusqu'à nostre temps: Ce que (s'il plaist à dieu,) nous discourrons quelquesfois, deschiffans en nostre langue la vraye, & parfaite histoire de toute la France. Le nom François donc, tout ainsi que il est incogneu par ceux qui entre les anciens ont escrit l'histoire, ne fault festōner s'il y a de la difficulté à trouuer l'origine premiere de ceste natiō, le nom de laquelle n'est mis, ny marqué par les auteurs que depuis que le sauueur vint au monde, pour avec l'effusion de son sang purger & racheter l'humain lignage. Et ayant fait diligente recherche de cecy, ie ne puis me garder de getter en arriere ces fabuleux qui forgent des Troyens, des Francions, & ne sçay quelles Chimeres en l'air, puisées des resueries de quelque cerueau vuide. Car s'il est ainsi que ce Francion eut esté, que il se fut ainsi pourmené que noz compteurs le paignent: est-il possible que tant de bons auteurs qui ont parlé de moindres choses, eussent oublié ce peuple fugitif de Troye, & ceste race de Hector sans en faire quelque me-

moire : Mais il est aisé de tromper ceux qui prennent plaisir que on leur donne la baye : & pour ne sembler sortis, nés, & accreus tout à vn coup, & (comme vn Potiron) en vne nuit ; on nous est allé fa indre des antiquitez ; & bastir vn Franc eschapé aux Grecz ; pour sur la fin des siecles venir donner loy à la Monarchie Gauloise.

Je suis marry que Gregoire de Tours se soit laissé aller en ceste opinion, & que presque tous noz Annalistes suyent Jean le Maire, illustrant avec des menlonges la verité assez clere de soy mesme de l'histoire des Gaules. Pour parler en somme, ie ne peux recevoir, que le François soit sorty de Troye : soit qu'il me fasche qu'un si vaillant guerrier refere son origine à vn peuple des plus effeminez de l'Asie, ou que ie sois marry que d'une poignée d'hommes on nous peuple toute l'Europe : mais la plus grand raison qui me meut est ceste-cy, qu'il n'y a auteur approuvé qui en face foy, ou qui me marque le temps de telle migration, ny en quelle saison, ou comment les François prindrent ce nom de l'heritier de Troye. Et lisant les recherches du seigneur Pasquier, me suis grandement esiouy que vn naturel François fut de mon aduis, qui, quoy que suiet du Roy de France, si ne suis-je pourtant sorty de ce costé, ains pense avec ceux de mon pais avoir source des Goths vsurpateurs iadis & de Languedoc, & de Gascoigne : toutesfois suis-je soigneux du loz François, & ayme mieux le reconnoistre pour Scythe, ou Germain, que pour Troien, comme aussi la plus part des Alemans ne font conscience de confesser d'avoir pris origine de Gaules, ainsi que auons disputé au chapitre precedent. L'origine donc François, afin que ie parle avec les anciens, sans courir aux reins de Priam, ny aux ruines de Troye, est de la Germanie ainsi recogneüe par les bons auteurs : & soit qu'ils soyent les Sicambriens qui sont aussi Germains, & se tenans le long du Danube, ou Cymbriens, depuis Teutons, si apert il que tousiours la Germanie les a produits. De cecy oyôs parler Agathie auteur Grec, & qui viuoit du temps premier des François, car voicy ce qu'il en dit en la guerre Gothique, & faisant mention de l'alliance que les Goths tafchoyent de faire avec les nostres. Or est ceste nation François, voisine d'Italie & ayant les bornes iointes aux limites d'icelle : les anciens toutesfois les dient estre Germains, ce qui est manifeste en cecy qu'encor habitent ilz autour du Rhin & tiennent les terres proches de ceste riuiere possédans la pluspart des Gaules, non comme propre heritage, mais l'ayant occupée par force, & pour la tenir, & seigneurier à l'aduenir. Oyez que cestuy fait les François sortis de Germanie sans alleguer rien des sortises, & fables de la venue de ce peuple des terres Phrygiennes. Procopie Grec aussi & grand amy de Bellisaire, qui viuoit du temps de l'Empereur Iustinian n'en dit pas moins, & en parle en ceste sorte, tenant propos de Vittige : il ne peut (dit-il) retirer vers soy ceux qui gardoyent les frontieres contre l'effort & courtes des François. Or ces François iadis s'appelloyent Germains, lesquels comme ils prindrent ce nom, & se feirent seigneurs des Gaules, ie le deschiffreray bien tost apres.

Puis aiouste, le Rhin s'escoule & engoulphe dans la mer, où à present y a de grands paluz & marests, esquels se tenoyent les Germains premierement

*Gregoire de
Tours suyt le co-
mun erreur.
Jean le Maire en
ses illustr. de Gau-
le.*

*Agathie lin. 1.
de la guerre Go-
thique.*

*Procopie lin. 1. de
la guer. Gothiq.*

*Ces lieux estoient
la demeure des
Cymbres.*

LIVRE TROISIEME

*Procopie liv. 3. de
la guerre Vanda-
lique.*

*Ptol. liv. 2. ch. 16.
Tabl. 5. d'Europe.*

Strabon. 4. et 7.

*Tritemie abbé en
sa Chronique.
Francus songé des
annalistes Ale-
mans.*

*D'où le mot Frä-
goys est venu.*

qui fut vn peuple de peu d'estime, & lesquelz maintenant on appelle François. Et pour mieux spécifier que les François se tenoyét le long du Rhin il dit en vn autre passage: Ce pendant les Vandales qui se tenoyent le long des palus Méotides pressés de famine chagerent de place, & se ruerét sur les Germains, que maintenât on appelle François, & tous ensemble passerent le Rhin, appellans à leur société les Alans & les Goths, & sous la conduite de Godigisque ils prindrent la route d'Espagne. Que voulez vous d'avantage? cestuy nomme Germains ceux qui depuis portent le tiltre de François, sans qu'il die, ny la cause de ce nom, ny le téps qu'il l'vsurperét. Regardez aussi cōbien ce feroit s'abuser en l'histoire de dire qu'ils fussent ainsi nommez d'un Fracion, veu que (cōme j'ay dit) ce nom a esté ignoré iusqu'à ce que l'Empire Romain est venu à son declin, & cheute & q pas vn de ceux qui ont escrit la vie des douze Césars n'en fait mentiō quelcōque, nō plus que des Goths, Alās, Bourguignōs, Lōbards & Normāds, qui furét presque de mesme temps & volée. Toutesfois fault-il chercher quelque occasion de ce nom, veu qu'il n'est point imposé sans cause, & puis nous toucherons le reste de la matiere propre à ce nostre suiet. Estant cler q ce peuple est sorty des Cymbriens, ou Cymeriens, lesquels on peut plus vray-semblablement dire Gauloys q Troyens, à cause des courtes Gauloises cy dessus alleguées, encor voyons nous que le nom François, quoy q corrompu, se trouue parmy les habitās de la Pannonie, car Ptolomée en sa Geographie les pose au païs septentrional d'icelle entre le Saue, & le Danube, les appellant *Ἐσπερίους*, delaissez là par les Cymbres lors qu'ils feirent leur course avec les Gaulois en Grece, & despouillerent le tēple d'Apollō en Delphe. Desquels Brences, ou Frenes, pour prononcer ainsi qu'il se tourne en nostre langue, Strabon dit q les Vindeliciēs, & Noriques ioints aux Brences qui se tenoyent aux mōtaignes, de tout temps faisoient des courses en Italie, sur le païs Heluetiē, sur les Boies, peuples d'etour de Seine, & sur les Germains. Ces Brēces sortis des Cimbres, & Sicābriēs Germaniques (car de la Sicābrie Pōthique, nul auteur aprouué n'en fait mentiō) ont depuis esté ceux qui ont enuahy la Frāce oriētale qu'à present on nōme Frāconie. Qu'on voye si ce nom a quelq verisimilitude, ou sil se fault arrester à l'opinion de Tritemie qui dit qu'environ le temps que le grand Herode regnoir en Iudée, il y eut vn Roy des Sycambriens nōmé Frācus, de qui les François prindrēt le nom: & leql au mesme téps q nostre seign. vint au mōde courut & rauagea miserablemēt les Gaules: Ou sil fault s'arrester à ceux qui dient que le nom François fut imposé à ce peuple à cause de leur liberté & franchise lōg temps apres cecy: car depuis le téps de ce Francus de Tritemie iusqu'à ce que les François furent cogneuz sous ce tiltre n fescoula presque deux cens ans, & au reste les historiens parlans des courses Alemandes en Gaule ne font mention aucune de ce Francus roy, ny moins des Frāçois, lesquels il apert auoir esté recogneus sous ceste appellatiō lors q l'Empire cōmença sentir son affoiblissement & descheute. Qui me feroit plustost croire que ce nom de Franc leur fut imposé, ou à cause de leur hardiesse & courage audacieux, ou pour le desir singulier qu'ilz auoyent de viure hors la suietion des princes estrangers plustost q

de croire que Roy aucun Sycambrien eut causé le nom de toute vne nation si magnifique, & guerriere: mais sur cecy i'en laisse libre le iugement à chascun, puis que les auteurs, ne nous en donnent autre plus grande assurance, mais ce pendant voyons quand fut ce que les Romains ouyrent parler des François & experimenterent la force de leurs courages. Sous les Empereurs Aurelian, Probe, Florian, & Procule, les François se desbordèrent, & furent cogneuz portans ce nom depuis tant effroyable à l'Empire: Qu'il soit ainsi Aurelian fut le premier qui eut affaire à eux, lors que ils taschoyent de passer le Rhin pour se ruer sur les Gaules, ce que Vopisque n'oublie point quand il dit: Luy estant Marechal du camp de la sixieme legion Gallicane à Maience, deffait les François, vagans, & rauageans toute la Gaule, qu'en ayant tué sept cens, & vendu trois cens au plus offrant & dernier encherisseur, on chantoit de luy ceste grande victoire à Rome. Mais la deffaitte des François ne fut si grande qu'ilz ne se reuol-
 tassent de ses successeurs, Florian, Probe, & Procule, ce que le mesme Vopisque tesmoigne, & sur tout parlant de Procule, il dit ainsi: Car non sans grand loüange & honneur il abatist l'osqueil des Alemans, lequelz en-
 cor en ce temps s'appelloyēt Germain, & chassa leur Roy, qui combattoit en fuyant, & pillant voleusemēt les Prouinces. Probe le chassa bien loing, & pensant le Roy Alemant se ioinde aux François pour auoir secours, desquels il se disoit parent, & auoir pris d'eux origine, fut neantmoins trahy d'iceux, & vaincu, & occis par le Prince Romain, Diocletian qui regna
 quelque temps apres les susdits ne fut sans auoir meslée aux François des-
 ia cogneuz & de nom, & d'armes. Veu qu'iceux alliez des Saxons, ayans dressé vne armée nauale vindrent courir iusqu'à Boloigne sur mer sacca-
 geans & rauageans toute la coste de Bretagne, Neustrie & Picardie, les-
 quels furent defaits par Constance Cesar qui fut pere du grand Constant-
 tin. Soubz lequel les François furent vn temps receuant soulde de l'Em-
 pereur, & suiuanz sa court comme alliez & amys, & desquels il faidoit en
 guerre: car voicy comme Ammian en parle. Les François, dit il, auoient
 vaillamment combatu pour la querelle de Constantin contre les compli-
 ces & fauteurs de Licinie. Et en autre lieu il môstre quelle crainte le nom
 François donnoit à l'Emp. disant: Cesar arriué à Coloigne, ne bougea de
 là, iusques à tant qu'il entendit que la colere des Roys François se mode-
 rant, ilz auoient eu frayeur de son armée, affin que se posant obstacle con-
 tre eux, il feist ferme & stable la paix & repos de la republique. En autre
 lieu il monstre qu'apres la mort de Iulian, les Alemans s'espandirent par
 les Gaules, & soubz Gratian les Romains auoient alliance avec les Fran-
 çois, & ausquels dés lors on donna quelques terres en Gaule le long du
 Rhin, les Empereurs ne pouuans plus se preualoir de tant d'estrangers qui
 raschoient d'eschantiller les seigneuries & terres de l'Empire. Et toutes-
 fois n'entrèrent ils si tost en ce cartier de Gaule qu'à present on nomme
 France, ains sous Arcadie & Honorie, ils vindrēt saisir les villes de Trier,
 Metz, Toul, & Verdun, attendans le moyen que l'occasion leur offrit vne
 plus gaillarde entrée, veu que de-ja les Bourguignōs les ayans chassés d'a-
 lentour du Rhin, s'estoient faicts seigneurs de Besançon, Austun, Langres,

Vopisque en la
vie d'Aurelian.

François deffaiçts
par Aurelian qui
regnoit l'an de
grace 276.

Vopisque en l'hi-
stoire de Procule.

Diocletian regnoit
l'ã de grace. 290.

Eutrope 9. & 10.

Ammian 15. par-
lant de Malarique
François alliez
de Constantin le
grand.

Ammian 16. par-
lant de Iulian.

Ammian 30.
& 31.

Blond. decad. 1.
livre 1.

François chassés
par les Bourgui-
gnons des Gaules.

LIVRE TROISIEME

Chaalons, & Mascon avec leurs finages. Que seruiroit d'esplucher icy la contrainte des Empereurs de permettre la Prouince Gauloise à ceux à qui ilz ne pouuoient la nier, & moins s'opposer à la faisie, leur suffisant d'auoir des amys pour s'en ayder contre les autres qui vouloient s'enrichir des despouilles que les Romains auoient prises sur tout le monde: Voyez là le nom François en force, les armes des Merouingiens redoutées, & la Gaule ostée aux Romains, qui en auoyent depossédé les Gaulois pour le rassasiement de leur extreme conuioitise. Peusse (peut estre) mis fin à ce discours, si ie ne me faschoy que l'Italien d'un sourcil orgueilleux, & parole peu courtoise appelle à tour de bras le François Barbare, comme ainsi soit qu'il n'est rien moins que celà, ce qu'aussi ie veux prouuer par l'opinion des Grecz qui donnent mesme, ou vn pareil tiltre de Barbarie. Oyons Agathie avec quel respect parle du François, duquel voicy les paroles: Ils sont tous Chrestiens, & entre toutes les nations les mieux sentans de la religion: Ils ont des Euesques, & Prestres en leurs citez, & solennisent comme nous les festes.

Agathie li. i. de la guer. Gothiq.

Vertus des François racomptées par Agathie.

Et quoy que nommez Barbares, si me semblent ilz bien complexionnez, & de bonnes mœurs, & gens d'un naturel fort courtois, & debonnaire, & n'ayans rien qui les face differer de nous, que l'estrange façon de leurs habitz, & la rudesse, & aspre son de leur langage, & lesquels certainement j'admire, loüe, & estime sur tous autres, tant à cause de leur naïfue vertu, & bonté equitable, de laquelle ilz vsent enuers chascun, que pour la grande concorde qui les tient vnis, & alliez ensemble. Car iacoit que par cy deuant, bien souuent, & encore à present ilz ayent eu diuers Roys regnans en mesme temps, & que leur royaume ayt esté partagé, si est-ce qu'on ne sçait point qu'ils se foyent guetroyez l'un l'autre, ou ayent souillé leur terre par le sang espandu de leurs prochains. Ce bon Agathie, voyez quelles loüanges escrit des François, & telles que le Romain en sa plus grande purité ne les merita de sa vie, veu que iamais son Senat ne sceut souffrir deux contendans, non seulement deux petits tribuns du peuple, sans querelle & effusion de sang: Cest Agathie viuoit du temps que noz roys ne faisoient presque que naistre en Gaule, à sçauoir souz l'Empereur Iustinian, qui ayant esté chastié par les François fut contraint de faire paix & alliance avec eux, pour deffendre la dignité de son Empire.

Agathie viuoit sous Iustinian, environ l'an de grace. 540.

François ne pouuoient seruir aux estrangers.

Merouée est le premier qui habita au pays à present nommé France.

Est-ce Barbarie qu'estre iuste, courtois, bon Chrestien, vny en amitié, & ne faisant tort à personne? Est-ce estre Barbare que d'aymer sa liberté, & ne vouloir seruir à Prince que de sa nation, ainsi que le François à fait, n'y espargnant ny biens, ny vie, iusqu'à tant qu'il s'emancipa de la seruitude Romaine au fil trenchant de son espée? Est-ce auoir le naturel farouche, que de si bien ordonner vn estat, & police, & luy donner fondement si solide que depuis l'an quatre cens quarante sept, que Merouée entra en ceste Gaule, on n'a veu l'Empire François si estrangement alteré que tousiours la ligne royale n'ayt esté en force, & que les estatz ne se foyent formalisez pour la conseruation de la liberté publique? Et à fin qu'on ne pense point que l'estat François soit quelque chose mal dres-

se, qu'on voye la maïesté des Roys estre grande, honorée, aymée, seruite & souveraine: Toutesfois la Monarchie n'y estend pas si desreiglément ses appetitz qu'il n'y ayt des mordz pour la brider, & restraindre.

Regardez celle Aristocratie du grand Conseil & severité du parlement s'opposer à la volonté du Prince, limiter ses fantasies, & modifier les loix d'iceluy, qui sans telle censure, n'ont point de vigueur.

Regardez la submission du Roy, de souffrir que le moindre d'entre le peuple agisse contre luy par injustice, & suyvre tout ainsi son droit devant le magistrat, comme le plus simple Gentilhomme du Royaume. Qu'on aduise si iadis les impositions, ny levées se faisoient sans la volonté d'autres que du souverain, & on cognoistra que c'estoit à luy d'imposer, mais les restrictions se raportoyent aux estatz, si la nécessité n'estoit si urgente qu'on ne peut faire autrement que s'ayder de toute chose présentée. Et à dire la verité les Roys de France ont eu la courtoisie si familiere, que là où les autres se pensent rendre admirables en ne se communiquant point, ceux cy sont l'estonnement de chacun conuersans tousiours avec le peuple, & se monstrans familiers à tout le monde.

Je feroiy icy vn long discours sur l'institution & des parlemens, & du Conseil, si d'autres n'y auoient mis la main plus heureusement & doctement que ie ne scaurois faire: Et entre autres Pasquier, qui y traualle avec vne fort louable & diligente subtilité: toutesfois suis-je d'aduis que on ne rapporte point la court souveraine au Conseil des Druides, ou assemblees des anciens Gaulois, lesquels (qui bien considerera Cesar en ses Commentaires) on verra estre esgalles & de mesme effaiect, & que les Dietes Imperiales en Allemagne, & les estats generaux en France. Je discourroy aussi le droit des Ducz & Comtes iadis portans tiltre de chefs de limites & frontieres, si le lecteur ne pouuoit contenter son esprit es liures des hommes versez en l'antiquité: Et par ainsi ie reprendray le cours & de l'habillement & armeure ancienne du Sicambrien François, ses mœurs, loix, & coustumes, desquelles les aucunes nous sont demourées en vlsage.

Les Roys anciens de ceste nation portoient tout ainsi presque la chevelure, que les femmes font à present: ce que ie peux amener d'Agathie autheur Grec, qui en parle ainsi: Car il n'estoit pas loisible aux Roys & Princes des François de se faire tondre, ains dès leur enfance ils nourrissoient leur perruque, & de telle sorte qu'elle leur pendoit par derriere: car par le deuant ils la separoient çà & là, affin qu'elle ne leur couurist la veue. Et veritablement ils ne portoient point les cheveux sans peigner, mal ageancez & confuz salement, comme les Turcs & Barbares, ny tenus sans aucun cōpte, & entrelassez, ains les acoustroyent, polissoient, & perfumoyent de diuers genres desenteurs. Entant que cest ornement est le propre des Roys, & à eux seulz permis, estant le reste de ceste nation tondue, & non octroyé à personne de porter longue la chevelure.

Mais laissons le Grec Agathie pour ouyr ce que le bon Euesque de Tours Gregoire en dit parlant de Dagobert filz de Clothaire.

L'estat François composé de Monarchie, Aristocratie & Democratie, Courtoisie des rois de France.

Le Conseil des Druides n'estoit comme la Court, ains les estats du pais.

Ducs iadis chefs des limites, à present sont les gouuerneurs.

Agathie de la guer. Gothiq.

Roys de France iadis seuls portoient longue perruque.

Gregoire de Tours en l'hist. de France.

LIVRE TROISIEME

*François mis en
d'estresse par les
Saxons.*

*Eghinard en l'hi-
stoire de France.*

*Roys successeurs de
Clouis, inutiles.*

*Vestemens du cō-
mun François iadis*

Agathie lin. 2.

*Sidonie à Maio-
ran Auguste.*

Dagobert ayant fait amas d'un grand ost, & puissante armée, passa le Rhin, & marcha contre les Saxons, & eut journée avec eux, lesquelz combatans brusquement, Dagobert receut un coup sur sa salade, qui glissant luy coupa une partie de ses cheveux, que son page recueillit. Le Prince voyant affoiblir ses gens, & mal-mener par l'ennemy, dit à son escuyer: Prends mes cheveux coupez, & cours diligemment vers Monsieur mon pere, à fin qu'il vienne à nostre secours, avant que l'armée soit toute en route: l'Escuyer passa les Ardennes, & vint iusqu'à la riuere, où le Roy Clothaire estoit ia arriué à grand fuyte de gendarmerie: le messager luy portant la nouuelle des angoisses de son camp, & luy monstrant les cheveux de Dagobert, le pere fut esmeu de colere les voyant, si que soudain quoy qu'il fut nuit, il feit sonner le boute-selle, & passa hastiuement le Rhin avec son armée. Voyez quel soing auoyent ilz des cheveux qu'une poignée de poil enflammaist plus Clothaire, que le peril de son peuple. Oyons Eghinard secretaire de Charles le grand sur ce propos encore. La race Merovingée, de laquelle les François auoyent de coustume de choisir leurs Roys, iusqu'à ce que Childeric fut deposé, & rendu moyne par le commandement du Pape Estienne, on estime qu'elle dure encor à present. Or iacoit que les Roys y regnassent, si est-ce qu'ils n'estoyent cogneuz que du seul tiltre royal, le reste du pouuoir, autorité, richesses, & maiesté estant és mains des maires du Palais, qui auoyent la sur-intendence de tous les affaires. Et n'auoit le Roy autre préeminence que de se dire tel, & porter les cheveux longs & espars, & la barbe longue, & faiseant au throsne représenter seulement la personne de celuy qui cōmande, & ce qui s'ensuit, puis aiouste. S'il falloit marcher il montoit en charrette menée & conduite par des Bœufs, & un bouuier luy seruât de char-ton à la façon du village. Le vulgaire encor, outre qu'il n'eust osé porter lōg cheveux, ne se vestoit point de longues robes, & icelles fourrées comme les Princes, ains se contentoit d'un manteau de cuir luy couurant les espauls & ayant le poil tondus, & la barbe coupée, sauf de grandes moustaches qui leur pendoyent de tous les deux costez des leures, ainsi que encore à present les Turcz l'ont en vſage. Mais voyons Agathie ce qu'il en dit. Peu d'entre eux (c'est des François qu'il parle) portoyent des morions ou autre habillement de teste allans au combat, ains tous à descouuert, & deuant, & derriere, sauf qu'ils auoyent un vestement partie fait de lin, partie de cuyr qu'ils ceignoyent par dessus, & puis encor ils se couuroyent les iambes. Mais plus gaillardement les décrit Sidonie Apollinaire disant.

*D'un estroit vestement, se couurent ces grans corps,
La chausse ne leur va estroitte & affamée
Que iusques au genoil, d'une ceinture armée,
Et fort simple baudrier, est ceint par le dehors
Leur costé, & leur chair au reste est desnudée.*

Leurs armes sont depaintes par Agathie lieu sus allegué disant: L'espée
leur

leur pend sur la cuisse gauche, & au costé vn escu, ou bouclier, n'ayās vfa-
ge d'arc, ny de fonde, ny d'aucun engin à ruer, mais portent des haches, &
dolouères à double taillant, & selon la coustume du païs, de petits dardz
crochuz, desquels ilz faident fort dextrement aux combatz. Ce qu'encor
est confirmé par le tesmoignage de Procopie en l'histoire des Gothz.
Mais du temps de Pepin, & Charles le grand son filz les François com-
mencerent à s'armer de cuiraces, animes, & Corselets, de bracalz, greues
& soleretz, ainsi qu'on en voit à present l'vsage: ce que Werimbert Abbé
de saint Gal tesmoigne en la vie de Charlemagne, & effigiât ledit Prin-
ce ainsi armé qu'il estoit lors, car il le suyuoit en toutes ses entreprin-
ses. Mais dequoy sert ne^o amuser en choses si menues, si ce n'est pour le plaisir
du lecteur qui encor s'esioiust voyant les traces de l'antiquité resueillées
par la diligence de ceux qui fueilleterent les bons liures.

*Armes des an-
ciens François.*

Procopie lin. 2.

*Werimbert lin.
des gestes de Char-
lemagne.*

Des loix anciennes des François.

Chap. 30.



NOUS auons dit, en suyuant, & Agathie auteur an-
cien, & la verité de la chose que le peuple François a
esté fort equitable en loix, & iuste en iugement, pour
dequoy faire foy, ie ne feray difficulté d'alleguer quel-
ques chapitres de celle loy salique, tant celebrée par
noz annalistes. Et peu desquelz en ont rien allegué
pour monstrier qu'ilz scauoient en quoy elle estoit
fodée, cōme aussi le nom, & cause d'iceluy semble estre mis entre les cho-
ses doubteuses. D'autant qu'aucuns estimēt qu'il soit pris des Salyens ha-
bitās le lōg du fleuue Sale en Franconie, païs Alemant, & qui le premier
porta le tiltre des François, à quoy presque tous les historiens Germani-
ques accordent, & ie ne feroy guere grand scrupule d'estre de leur aduis:
n'estoit qu'en la preface des loix Saliques j'ay leu ce qui l'enfuit: La nation
Françoisie illustre, & excellente, créée de Dieu, puissante aux armes, stable
es liens de paix, sage en conseil, gaillarde, & noble en ce qui est du sang,
& du corps, belle de face, blanche de couleur, & bien proportionnée, de
stature audacieuse, hardie, & farouche, & n'aguere couuertie à la foy Chre-
stienne, & esloignée de toute heresie. Ceste nation (dis-ie) estant encore
barbare, & sans cognoissance de la verité, neantmoins inspirée de Dieu
cherchant la clef de science, suyuant la coustume de ses ancestres, & vou-
lant dresser en bonne forme & police ceux qui sont de leur estat a si bien
fait que les principaux seigneurs ont faicte & composée la loy Salique,
lesquelz pour lors auoyēt la principauté sur le peuple. Or furēt ces quatre
les esleuz & deputez pour ce fait, à scauoir Wisogast, Arogast, Salogast, &
Vindogast, lesquelz executerēt leur charge es lieux nōmez Salaghene Be-
doghene, & Vndoghene: Cecy me fait penser que non les Saliens, ny le
fleuue Sala ont donné nom à la loy, mais plustost qu'elle l'a pris ou du
nom d'un des quatre legislateurs, ou d'un des lieux où se faisoit l'assem-
blée. Mais Munster dit que la loy a pris le nom du mot Sale Gaulois, &
q la loy Salique vaut autant à dire que loy du Palais, & consistoire, d'autāt

*D'où vient le mot
de Salique.*

*Lin. de la loy Sa-
lique.*

*Quels estoient ceux
qui dresserent la
loy Salique.*

*Munster parlant
des François en sa
Cosmogr. lin. 3.*

LIVRE TROISIEME

que par ce moyen les nouveaux vainqueurs, taschoyēt de gagner le cœur des vaincuz, en faisant eschange de langue avec le Gaulois, à cause que la leur estoit trop rude, & ressentant ne sçay quoy de mal-plaisant, & farouche. Il en dira neantmoins ce qu'il luy plaira, d'autant que les motz de la preface du Liure:portent cecy auoir esté fait, les François estans encor en Alemaigne, & auant qu'ils receussent le Christianisme: car Clouis feit depuis corriger ce qui sentoit la vieille peau de l'idolatrie, & apres luy Dagobert, les reforma & meit en ordre par la diligence de Chadoïn, Claude, Domang, & Agilapphe hommes illustres de son aage. Et quoy que ie sois amoureux du nom ancien Gaulois, comme estant le naturel de toute nostre nation, si fault-il plus aymer la verité que ses propres affectations. Je voy comme ce bon prelat l'Euesque d'Auranches Cenalis, s'esforce de monstrier que ce furent les Gaulois qui establirent sous les Roys Merouingiens la loy Salique, mais d'autant qu'il parle sans auteur, ie suis content pour ceste foys de ne point suyure son aduis, entant que ie le voy contraire à la preface du liure de la loy, qui fait les premiers Legislateurs François, car quant à ceux qui estoient souz Clouis, Clothaire, & Dagobert, ie ne me feray guere prier à croire que les Gaulois ne corrigéssent les loix, tout ainsi que c'estoyent eux à qui les grans affaires estoient mis en main, & qui manioient & la iustice, & l'Eglise. Reste à respondre aux ignorans l'histoire, & mesmes qui estans estrangers osent dire la loy Salique estre vne inuention de noz Princes, pour frauder les filles de l'heritage, & q̄ le premier qui pratiqua cecy fut Philippe de Valois contre l'Anglois, & le Duc de Bourgoigne: Mais il est aisé à desuider ce fuseau, veu q̄ on n'auoit affaire de faider d'une loy, ou les cas pour la mettre en effait ne s'estoyent encor offers, que iusqu'à ce qu'un ventre fut proposé pour Roy aux François, & que comme durant un interregne Philippe de Valois fut chargé du gouuernement du royaume attendant que la Royne vesue de Charles le beau deliurast sa portée, laquelle fut vne fille. Le Bourguignon ne contesta point ayant cédé son droit du temps de Philippe le long, mais l'Anglois s'y aheurtant, perdit sa cause par l'arrest de tous les estatx & sages hommes de ce Royaume, qui ne voulurent souffrir l'abolissement de chose tāt autentique que celle loy, laquelle ne peut onc estre arrachée du cœur des François quelque changement que les lignes des Roys ayent fait, & encor que de sang des Roys chassez, il y eut des dames qui eussent peu quereller la couronne si elle pouuoit tomber en quenouille. Or vous voyez ie amener les motz de la loy qui sont telz: Que nulle portio de la terre Salique vienne aux femelles, ains soit aquisie pour les hoirs males, c'est à sçauoir que les fils succedent au pere: Mais si entre les neueux, & arriere neueux long temps apres suruenoit discorde touchant les Aleudz que la chose soit partie non par la suite du sang, ains aux chefs des familles. Vous qui pratiquez les stiles des loix imperiales voyez si le legislateur s'esloigne de vos termes, ce qu'encore vous iugerez mieux en lysant le Latin dudit liure, iacoit que plusieurs motz y soyent mis, qui ne sentent rien moins que la maniere de parler Latine: & de quoy ie ne veux faillir, pour le contentement du Lecteur, en mettre en auant

Munster confesse les loix faites sous Pharamon lequel ne fut iamais en ceste France. li. 2. parlant de la Gaule. Cenalis li. 1. des choses de Gaule tient que la loy Salique fut faite par les Gaulois.

En quel temps fut disputé sur la loy Salique. Polydore virg. li. 9. de l'histoire. Angloise se monstre fort peu sçachant en cest endroit.

De cecy voyz Panle Emile li. 8.

Ceste loy est au 62. tilt. paragr. 6. de la loy Salique.

quelques chefs & articles, qui seruent de memoire de l'atiquité, tout ainsi que feroient les loix de Charlemaigne, si on faisoit ce bien aux studieux de leur cōmuniquer pour en dōner quelque sentiment à la posterité, veu qu'un thesor caché ne profite ny à celuy qui le desire, ny à celuy qui en est possesseur; & pource venons vn peu à esplucher par ordre les tiltres de nostre loy Salique. Le beau premier tiltre dōne de quoy penser au lecteur parlant de Mannir & Malles: mais le sens en est tel. Quiconque sera adiourné suyuant l'ordonnance de la loy des seigneurs, & refusera de venir si grand destoubier ne l'empesche, soit condemné à quinze solz d'amende. Or voyons si nostre maniere de faire presente s'esloigne de l'ancienne, car il est dit, que celuy qui aiourne l'autre faut que se transporte à son domicile avec tesmoins, & en leur presence luy donne iour, ou luy absente, on aduertisse sa femme, ou quelqu'un de sa famille: vous praticiens lysez voz stiles, & cognoistrez que voz recordz & sergeans, sont de ceste institution ancienne des François. Je laisseray les 2. 3. 4. 5. 6. 7. 8. & 9. tiltres, qui consistent sur les amendes des larrons de toute espee de bestes, & oiseaux domestiques, sur les mouches à miel & arbres fruitiers, à fin qu'on voye si les anciens estoient point soigneux du mesnage. Ne m'amuseray aussi aux seruitudes à cause que la France est dispensée de cecy, mais depuis quand, il fault que ie confesse ne le sçauoir dire. Car de mettre en ieu que de tout temps tous ceux qui sont en France pour y habiter sont de franche condition ie tiendray du contraire, sçachant qu'en la premiere volée des Roys de la race Germanique les seruitudes estoient receuës, ainsi qu'on peut recueillir de Gregoire de Tours en son histoire, & de la loy Salique, en plusieurs & diuers tiltres d'icelle. Et me souuient auoir leu à Orleans en vne pierre enchassée au portail de l'Eglise sainte Croix, du costé qui va aux Cordeliers, l'affranchissement d'un certain esclau que laditte Eglise, & Chapitre, & Euesque auoyent mis en liberté. Ainsi quiconque soit l'auteur de ceste frâchise, elle à neantmoins la force telle que non seulement n'est il permis au François de tenir esclaves en ce Royaume, que mesme les serfs estrangers, prenans port en France & crians, France & liberté sont hors de la puissance de celuy qui les possedoit, lequel y perd, & argêt de l'achapt, & le seruice de l'esclau, s'il refuse de le plus seruir: & de cecy on à veu de nostre temps l'experience à Roüen, à l'endroit d'un Portugais voulât recouurer son esclau: mais la coustume enuieillie de long tēps, & qui ne reçoit de dispense fait dechoir le maistre de sa demande. Je voudroy que quelqu'un m'eut fauorisé en cest endroit, me priuât de l'ignorance mienne sur la cause de cecy, & depuis quel tēps la pratique en est en France & introduite, & receuë. Passons outre: la loy des raiuismes y est proposée avec ses amēdes, sans q pas vn encoure peine de mort (aussi guere de faitz n'estoyent capitaux) sinō les domestiques de la maison du Roy, lesquels falloir que cōposassent de leur vie ayās rauy quelque femme noble & de frâche cōditiō: & qui prenoit vne esclau à femme il entroit pareil malheur qu'elle & avec les nopces il perdoit sa liberté. Et si vn hōme s'alloit avec ses plus proches parentes q la loy appelle nopces detestables, il estoit separé & les enfans si aucuns en y auoit estoient chassés de

*Mannir signifie
peller en jugement.
Malles sont les li-
ures de la loy, re-
digez, en troys vo-
lumes.*

*Adournemens
anciens.*

*Jadis en France y
auoit des esclaves.*

*Loy receuë en Fran-
ce par coustume de
ny auoir aucun es-
clau.*

*Esclaves affran-
chis mettant pied
en la terre Fran-
çoise.*

*Loy des raptz.
Tilt. 14.*

*Nul franc condem-
né à mort au pre-
mier tēps, imitatiō
ancienne des Ro-
mains.*

LIVRE TROISIEME

Tilt. 19.

*Gaulois adis em-
poisonneurs. Solin
chap. 24.*

*Tilt. 20. & 28.
31. & 32.*

Tilt. 38.

*François appellēt
les autres Barba-
res en leurs loix.*

Tilt. 45. & 46.

Tilt. 50.

*Car Touraine o-
bstoit obeysant aux
Romains.*

Tilt. 53.

Tilt. 66.

l'heritage, & marquez d'infamie perpetuelle. Loy qui ressenoit veritable-
ment la sincerite, & honnestete de ce peuple, lequel encor n'ayant gousté
la lumiere de l'Evangile, trouuoit execrable que le frere espoulast la sœur,
ny cousine germaine, ny sa tante, mere, ou la femme de son frere. Aux
boutefeux, outre l'amende pecuniaire, il y est parlé de la composition de
sa vie, qui importe autant que les graces & remission que le Roy donne à
present, à ceux qui ont commis quelque crime digne de mort: & m'esto-
ne que les empoisonneurs ne fussent poursuyuis de mort, veu que le pais
ou ils vindrent habiter en Gaule estoit soupçonné de telle droguerie, si ce
n'est que nous disons que la loy alloit plus doucement en besoigne, que
les executeurs ne l'effectuoyent en leurs sentences, entant que nous ly-
fons de seueres sentences, & horribles suplices de mort, pratiquez pour
peu de chose par les premiers François qui vindrent en ce Royaume, sur
des hommes illustres, & de grand marque. Ilz pourueurent aux meurtres
& blessures, assassinatz, & mutilations de membres, ou quelquefois on
vient à 600. solz d'amende, & la main du chirurgien es estropiatz, mais si
on faisoit guetter quelqu'un pour l'occir, & le suborneur & le guetteur es-
toient condânez à pareille amende. Mais la plus seueres loy que l'y trouue,
est celle des meurtres des esclaves, ou il est dit, que si vn serf occist l'es-
clave d'un autre que de son seigneur, il falloit que les deux maistres se par-
tissent le meurtrier, soit qu'ilz le feissent mourir, ou q le vendas le pris leur
en fut commun. Et fault noter que tout le long du cours des loix du liure
Salique, il appelle tousiours les Gaulois, ou Barbares, ou Romains, à cause
qu'ilz auoyent esté tributaires de l'Empire, & tousiours vn de ceux cy of-
fencé estoit par moitié recompencé, à l'esgard de celuy qui estoit Salique,
à la differēce duquel les autres s'appelloient Lides, qui signifie non fracs,
& tributaires. Je laisse les homicides faitz en allant, ou banquetant ensem-
ble, qui monstrent assez que ce peuple tenoit du Gaulois, lequel (comme
i'ay dit cy deuant) auoit coustume de quereller en mangeant, & le repas
finy sortir aux champs pour vider leurs differents au hazard de leur vie.
Le tiltre cinquantesme fait preuue de son aage, & que durant le regne
des Merouinges en France, il à esté fait, veu que l'estendue, & limite pour
les bestes perdues, est des la riuere de Loire, iusqu'à la Charbonniere, qui
à present se nomme la Comté de Flandres, bornes pour lors de l'Empire
des François. Et ce qui plus m'estonne en cecy, c'est qu'en nul erime des
hommes libres qui n'estoyent ny officiers, ny de la maison du Roy, il n'est
faite mention quelconque de composer pour le rachapt de sa vie: là où
les magistratz semons à faire iustice, & y defaillans tomboyent au hazard
de leur teste, filz n'estoyent malades, ou employez en quelque affaire par
l'expres commandement du Prince. Les meurtres commis au camp por-
toient triple amede plus que ceux qui se faisoient hors iceluy, & en saison,
ou l'on n'allast point à la guerre. Et en somme qui lyra le contenu de la
loy Salique, il verra bien les crimes marquez, & les amendes pecuniaires
establies, mais il en y a peu de personelles & de supplice de mort, nō plus
qu'és autres ordōnances de ces peuples Septentrionnaux, lesquelz, com-
me ie pense, pour se dispenser du mot de Barbare, vsoient de ceste fainte

douceur en la loy és crimes mesmes, qui deuoyent estre corrigez avec vne aspre & seure punition. Mais quoy? Romule establit vn lieu de Franchise pour peupler la cité, & ceux-cy feirent les loix douces pour maintenir leur estat. Que me seruiroit-il icy d'esplucher, pour mieux éclaircir les mœurs des François, les loix, & coustumes de chacun pays, auxquelles ny les arrestz souuerains, ny les edicts Royaux ne deroguent rien de leur autorité & priuilege? veu que ce seroit bastir vn grand œuvre en lieu de se contenir es limites de brieueté, & ensemble sembleroit que ie voulusse empoigner comme en l'estroite estendue de ma main tout ce qui est contenu en vn gros volume, tel que le grand coustumier de France, auquel ie renuoye le lecteur, tout ainsi que ie fais aux recherches de Pasquier, ceux qui voudront sçauoir l'institution premiere des douze Pairs de France, que aucuns ont voulu attribuer à Charles le grand, mais d'autât que ceux qui ont escritte son histoire particuliere, s'en passent sans dire mot, & que mesme Turpin quoy que en son histoire se die compaignon, & assesseur de ce grand Prince, si ne fait-il comme point de mention de ces douze Pairs, desquels les Romains ont chanté tant de fables: ioint que Robert Cenalis Euefque d'Auranches homme tresdocte & grand recherché d'antiquitez, allegue vn Pierre Gilles, qu'il nomme vray historien, & interpreteur entier & sans fard des choses anciennes, lequel dit que les anciens Gaulois auoyent choisi douze hommes, les principaux des douze premieres citez, auxquels ils donnerent puissance de faire loix suiuant le droit & raison, qui serussent à toutes les Gaules, & auxquels estoit loisible d'interpreter les loix municipales, & coustumes de chacune ville & Prouince: & que de ceux-cy on auoit depuis pris l'exemple, mais long temps après, d'eslire ces douze pairs de la noblesse la plus illustre: & ce long temps est limité par Pasquier au regne de Capet, que l'estat François laissant l'effusion de sang, s'amusa à la police, & à la religion. Lequel aduis certainement me plaist, comme ayant vne fort grande aparence, & ce nouueau sang venant à la couronne, taschant par ce mesnagemēt à donner maiesté au nom Royal, & le rendre Auguste par les ceremonies non au parauant vſées en leur sacre. Veue que du temps de Charlemaigne, tous ces Princes nommez pour pairs n'estoyent en dignité, & tout estoit entassé sous la main ialouse d'un prince qui ne vouloit point de compaignon, & que depuis luy il y a eu des Rois en Bourgoigne, & auant luy, & de son aage Flādres n'estoit point erigé en Comté, ny Champagne aussi pour seruir de limite, & où il fallust vn Prince pour garder le pays des courtes estrangeres: car pour ce seul effect Charles le grand faisoit le departement de ses Prouinces.

Ie laisseray aussi l'institution de l'ordre saint Michel ornement de la noblesse qui a bien meritē du public & laquelle le roy recompence en l'honorant de sa compaignie & tiltre de parenté, pour l'association genereuse des armes pour la deffence de la religion de noz ancestres, & de l'estat de la couronne & de tout le Royaume, dequoy fut instituteur Louys onzieme de ce nom: les articles en estans recueilliz par Gilles Corrozet homme digne de memoire, en son liure portant tiltre des antiquitez de France. La vertu Françoisise est encor à voir en la police des villes souz la main

Voy Plutarq. en son Romule.

Pasquier 2. li. ch. 1. des recherches.

Turpin en l'hist. de Charlemaig.

Cenalis l'us. r.

Pierre Gilles en l'hist. de France.

En quel temps les Pairs furent instituez.

N'est vray-semblable les Pairs auoir esté sous Charles le grand.

Ordre S. Michel par qui institué.

Gilles Corrozet l'us. des antiq. Police des villes de France.

LIVRE TROISIÈME

*Gadarmie tous-
iours prest au ser-
uice.*

*Gaillarde Fan-
terie de France.*

*L'eglise honorée
entre les François.*

*Complexions du
François.*

*François n'aymēt
d'estre seigneu-
riez, que de ceux
de leur pays.*

*Légueurs de pro-
cez, en France.*

*Banquetz sobres
en Guyenne.*

*Maiesté del'uni-
uersité de Paris.*

& iurisdiction des escheuinages & consulats, tellement que qui verra vn hostel de ville de Paris, la maison cōmune de Tholouse, ou de Bourdeaux & autres citez, n'aura affaire de desirer l'estat ancien de Rome, en ce qui appartient à tenir le peuple en paix à se soigner des viures, des edifices, & du repos des citoyens. Quand aux armes ceste nation en a porté vn long temps le pris sur tous ses voisins, tellement que la Cavalerie a esté si effroyable, que par tout où elle marchoit il sembloit qu'elle trainast la queue la victoire: Aussi que scauroit-on souhaiter de mieux estably que les gens d'ordonnance instituez par ce Royaume? lesquels en vn rien de temps sont prests, armez & montez pour le service du Roy, & de l'estat public suyuant l'ancienne discipline militaire des Romains. La fanterie y est bragarde & telle que le Gascon, Prouençal, Auvergnaz & Perigourdin mis en vn escadron ne deurent rien au Macedonien, ny au Legionnaire espouventable de Rome, & si surpasse en adresse le farouche Ianissaire de Turquie. La religiō y est purement gardée, les saintz lieux fort reuerrez les ministres respectez & chers, l'Eglise tresriche, par la deuotion de noz ancestres, les prescheurs ouys & honorez, le saint siege recogneu par le Roy & noblesse & peuple: quoy que l'heresie soit semée estrangement de tous costez, & le peuple le plus obeissant à son Roy, & qui l'ayme & honore plus que autre qui soit sur la terre.

Le François n'est ny fainct ny dissimulé de son naturel, simple en parolle, gay, ioyeux & courtoys, vn peu trop licentieux, estant en pays estrange avec puissance, ce qui luy a osté l'Empire de l'Italie d'entre les mains, il ayme l'estranger, & chersit les hommes de lettre, quoy que iadis la noblesse fait vertu de rien scauoir, mais à present elle voit que les liures, & les armes, sont plus que compatibles ensemble. Le peuple de ce pais n'est suiet à sedition, ou reuolte, & ne prend plaisir à changement de seigneur, ay ne pourroit ouyr en patience le nom d'vn estrange pour le receuoir pour souuerain, ainsi que souuent les Anglois en ont senty l'experience. Le pis que ie voy en France ce sont les Procez & longueur d'iceux, & le grand nombre de ceux qui mangent le peuple, vau qu'il y a plus d'aduocat, & procureurs en vn seul Parlement de France, que on n'en scauroit trouuer presque par routes les audiences d'Espagne.

Le François est assez magnifique en banquetz, mais plus gentil que excessif en viandes, propre en son mefnage, & abillement, braue en son parler, & se vantant assez volontiers: là où du costé de la Guyenne il parlent moins, sont plus sobres & eschars, & plus adonnez à l'exercice farouche des armes. Si ie vouloy m'amuser à esplucher par le menu tout ce qui est à singulariser en France, ie pense que le temps me faudroit en le discourant & mesme si ie m'arrestoy sur des fatras & choses menues telles que nostre auteur en recite en la Franconie: mais la grauité de l'histoire ne requerant cecy, ie passeray aussi plusieurs choses souz silence que peut estre vn autre eut deschiffre tout au long, me contentant de dire que la maiesté de l'vniuersité de Paris seulement contemplée, vn recteur assisté de ses bedeaux, l'Escole de Theologie contemplée avec vn nombre infiny de docteurs rares en doctrine & de grand sainteté de vie: la troupe

des Medecins discourant les causes de la nature, les legistes disputans du droit, & en somme tout ce corps vny des hommes de sçauoir, cecy (dis-
ie) contemplé, ne peut estre que ne donne estonnement au cœur des hô-
mes & ne face iuger que Rome iamais avec ses triomphes, ne fut si ma-
gnifique que Paris avec l'ornement surpassant & Rhodes, & Athenes,
quelque Academie que Platon y eut dressée, afin que tous voyent & re-
cognoissent nostre Gaule estre celle, qui tient, nourrist & sustente & les
loix & les armes, & departist ceste diuine liqueur de son sçauoir aux ter-
res les plus loingtaines & estranges. Entant que Paris, Tholouze, Poitiers,
Orleans, Bourges, Bourdeaux, Cahors, Grenoble, & Valence, Rheims, &
Montpellier peuuent faire largesse de toutes les sciences, qui sont proufi-
tables pour le bien, santé & salut des hommes: Je ne rechercheray plus les
particularitez des païs, assuré qu'il y a bien peu des nostres qui ne sçache
que vault le Haro crié en Normandie lequel donne empeschement à tou-
te saisie & nouuelleté, & de passer outre apres le Haro dit, c'est peine ca-
pitale: si que Guillaume le bastart Duc de Normandie estant mort, côme
on le voulut mettre en terre, celui à qui appartenoit la place ne le vouloit
souffrir que on ne luy eut payé ses droits & criant le Haro, empescha les
obseques du Prince, jusqu'à tant qu'on eust satisfait à la coustume. Et viét
ce mot de Haro, du duc Raoul le premier qui des Normans receut le Ba-
ptême, ayant conquis le païs Neustrien, & espousé vne fille de France:
Mais en Gascoigne il y a encor vn mot, duquel on fayde es necessitez qui
viennent de nuit, & notamment pres des montaignes à cause des Bando-
liers & voleurs, qui est que dès que on entend le bruit de ces acharnez ra-
uageurs celui qui l'oyt le premier se met à crier (Via fora) aduertissant
chacun de sortir en armes, pour resister à la furie meurtriere de ces larrôs:
plusieurs autres choses pourroit-on amener sur pareille occurrence, mais
il suffira pour le present de cecy, car ie pense auoir assez deduit pour vn
coup ce qui est de plus rare, & remarquable en la Gaule, & en la nation
des Gauloys, & des François.

*Vniuersitez, de
France.*

*Cry de Haro en
Normandie.*

*Voy Cenalis. l. 2.
Raoul Normand
vint en Neustrie
sous Charles le
simple.
Paule Emil. li. 3.*

*Le Via Fora de
Gascoigne à quoy
inuenté.*

*De la grande, riche, & populeuse cité de Paris, commencement d'icelle, mœurs,
& coustumes des Parisiens. Chapitre 31.*



E m'accuseroy grandement de paresse, & peu de cu-
riosité, voire serois digne qu'on me donnast le tiltre
d'ingrat, & mescognoissant, si ayant recherché ce qui
est de plus estrange, ie mettois en oubly celle fameuse
cité, à laquelle ie doy tout ce que j'ay (quoy q de peu
de lustre) de sçauoir, & cognoissance de lettres, veu
qu'elle n'est pas d'un iour, ny de si petite considera-
tion que dès son commencement on n'aye cogneu presque tousiours qu'en
elle reluisoit l'Idée du siege futur & de l'Empire des Gaules, & la maison,
& retraite des bonnes sciences estant bannies de la Grece, tant Asiatique
que Européenne.

*D'où est venu le
nom de Lutèce.*

LIVRE TROISIEME

C'est de Paris q'ie parle laq'le à esté iadis nommée Lutece soit du mot latin *Lutum*, qui signifie fange & boiie, ou du nom de lumiere, ou autre occasion, mais le peuple voisin de tout temps a porté le nom de Parisien, & d'autres luy donnent ceste apellation de Lutece, comme s'ils vouloyent dire Leucotece, à sçavoir blanchissante, ainsi que Iane Lascaris le semble maintenir en ce sien distique latin.

*Iane Lascaris
Grec professeur.*

Natus Leucotetiam candore coruscum

Dixere ex Etymo, Gallica terra, tuo.

*De ce Roy Luce.
voy Berosé. l. 5.
des Rois d'Assy-
rie. & regnoit l'an
du monde. 2205.
vivant encor Ia-
cob.
Ptolom. l. 2. ch.
8. tabl. 3. d'Egypte.*

*Ce Paris regnoit
en l'an du monde.
2550.*

*Paris basti avant
que les Troyens
fussent ruinez.*

*Songes de Paris
Dioambrien.*

Strabon 4.

*Parrasiens peuple
Arcadien. Stra-
bon l. 8.*

Où il signifie q' les anciens ont appellé la terre Gauloise Leucotetie à cause de sa naïue blancheur, & que ceste cité principalement en a retenu le til- tre. Mais si le liure attribué à Berosé est veritable, Lutece, ou Lucetie aura plustost son nom de Luce Roy des Celtes, & duquel les Gaulois furent appelez Lucéens, ce qui me semble le plus vray-semblable, puis que Ptolomée parlant de la Gaule Celtique dit ainsi, Au leuant & pres la riuere de Seine sont les Parisiens, & leur cité est Paris Lucotece. Quant au nom de Paris aucuns ont estimé qu'il vienne d'un Roy ainsi nommé qui regnoit sur les Celtes, & fident de l'autorité de Manetho au suplement des roys d'Egypte, à quoy ie ne veux contredire, & ne suis guere assésuré encor de croire ainsi à credit les choses si legerement fondées: aussi Manethon cō- tent de dire que Paris regnoit sur les Celtes, n'aiouste rien du bastiment de la cité, mais les autres qui en ont escrit prennent verisimilitude pour n'auoir sur quoy en fonder l'occasion, laquelle neantmoins est receuable, veu qu'il fault necessairement qu'elle ayt pris source & nom de quelcun, & puis que ce Roy, sorty des anciens Gaulois, & de ce grand Samothé a tenu la Gaule, il n'est pas inconuenient que Paris aye pris, & nom & origine de sa diligence, plustost que de songer ne sçay quelles folies du Paris Troïen, n'y d'aucun de la race Phrygienne, de laquelle, assez inconsiderément, chacun tasche de tirer le modelle de sa race, & les premiers bastif- seurs de leurs villes: car ce Paris Celte regnoit du temps du second Roy de Troye, & plus de deux cens auant que les Troyens passassent sous la fu- reur des armes des Grecs. Ie dis cecy à cause que quelques vns, amoureux plus que de raison des fables, nous vont mentionner ne sçay quel Paris Si- cambrien sorty de l'estoc, & race d'Hector, lequel passant en Alemaigne, & delà en Gaule bastist ceste excellente cité, & luy imposa le nom de Pa- ris, comme ainsi soit qu'auant que les François meissent le pied en Gaule plus de huit siecles, la cité de Paris estoit bastie, entant qu'ilz y vindrent long temps apres la mort de Iesuchrist, & les Romains tenans l'Empire, il appert que Lutece estoit en regne. Des Parisiens, & de leur ville fait mé- tion Strabon disant: Prez & le long de la riuere de Seine sont les Parisiens, lesquelz ont en ce fleuve vne isle & la cité de Lucotece; voyez qu'il appelle le peuple Parisien, mais la ville est par luy nommée non Lutece, mais Lu- cotece, comme aussi tous les anciens l'appellent Leucotece, ou Lutece des Parisiens. Lesquelz aucuns ont voulu auoir esté nommez des peuples Grecs dits Parrasiens là conduits par Hercule passant en Italie, mais la chose en estant si douteuse, il vaut mieux en dire moins que laisser en suspens l'es- prit de celuy qui s'amuse à lire noz œuures: aussi Strabon, auteur aprouué & diligent

& diligent recercheur de la verité vſe de ces mots parlât de ces Parrasiés. Les Arcadiens ſont ceux d'être les Grecs qui ſurpaſſent les autres en antiquité, à ſçauoir les Azanes & Parrasiens, & autres de meſme genre. Mais à cauſe de la ruine de leur pays, nous n'en tiendrons guere de propos d'auantage: d'autant que pour la trop lōgue cōtinue des guerres les villes qui auoyent eſté fameuſes, & illuſtres és ſiecles paſſez, ſont à preſent du tout demolies, & depuis la ruine deſquelles, les habitans auſſi y ont commēcé à faillir, & faillants ont laiſſé les champs en friche. Si les Parrasiens euſſent pris la volte de Gaule pour venir habiter Paris, ce diligent hōme, & excellent Geographe ne ſe fut oublié à le dire, nomplus qu'il à laiſſé en arriere la memoire de la deſſaite de leurs villes & la diminutiō, ou pluſtoſt fin de tout ce peuple. Ainſi nous demourons là que Paris, & les Pariſiés ont pris le nom de ce Roy Celtique par nous allegué & pris de Manethon, ſans nous amuſer ny aux Troïens, ny aux courſes de Hannibal, lequel, ſans mētir, ne vint iamais ſi auant en Gaule que de viſiter l'iſle de Paris: ny ainſi q̄ recite Corrozet au recueil de ſes antiquitez, Hercule ne ſ'y arreſta pour ſ'y deduire, auſſi Corrozet ne parle du ſien, allegant ſeulement l'opinion de Mantuan au liure qu'il a fait de la vie, & geſtes de S. Denys. Quant à Hannibal, Polybe monſtre que tout auſſi toſt qu'il eut paſſé les mōts Pyrenées prenant ſon chemin en Italie, la plus grand haſte qu'il eut, fuſt d'aller gagner le Rhosne, & le paſſage des Alpes afin q̄ les Romains ne le deuaſaſſent. Reſte à vider vne autre faulte de ceux qui dient que Iule Ceſar fut celui qui le premier baſtiſt la citē de Paris: & amēnēt ainſi que ie l'ay leu en Munſter, vn Iean Baptiſte Pie lequel en parle en ceſte maniere: I'ay a-
pris de Boēce Seuerin que celle tresfameuſe citē qu'on apelle Paris fut iadis baſtie par Iule Ceſar, & lequel de ſon nom l'apella Iulie. Ie ne ſçay ſi iamais Boēce eſcriuit vne telle fauſſetē, ou ſi ce Baptiſte ſe veut targuer d'vn tel bouclier pour deſmentir la meſme verité: Biē vous diray que quiconque ſayde de ce propos, il mōſtre n'auoir guere iamais manié les Cōmentaires de Ceſar, lequel declaire aſſez à deſcouuert Paris eſtre & baſty, & peuplé auant que les Romains y meiſſent le pied, ny commandaſſent en Gaule. Et afin qu'on ne die que ie parle auſſi biē par cōeur que ceux qui nous en comptent de ſi belles, oyons le meſme Ceſar parlant en ceſte maniere. Ayant cōmandé l'aſſemblée des eſtatz de Gaule ſur l'étrée du Printemps, cōme tous les Gaulois ſ'y fuſſent trouuez, ſauf les Senonois, Chartrains & ceux de Treues, ayāt en opiniō q̄ ce delay fuſt vn cōmencement de reuolte & de guerre, il transporta & chāgea le lieu du Conſeil à Lutece ville des Pariſiens leſquels eſtoyēt voiſins des Senonois, & dés la memoire de leurs maieurs ils auoyēt eu alliāce enſemble, neātmoins eſtimoit-on q̄ pour lors ils n'eſtoyēt point de la ligue, & confederation des rebelles, & coniurateurs. Auiſez, vous qui auez le iugemēt bon, cōme il ſeroit poſſible q̄ Ceſar fut le fondateur de Paris, veu q̄ luy-meſme cōfeſſe q̄ dés toute memoire de tēps les Pariſiés eſtoyēt allies de ceux de Sens, anciens & immortels ennemys de la citē de Rome, & qu'il cōmanda qu'on chāgeaſt le lieu du Conſeil, & ce a Lutece baſtie, c'eſt à ſçauoir auant qu'il vint en Gaule, ainſi que encor il dit ailleurs plus notamment en ceſte ſorte. Com-

*Manethō au ſu-
plement des Roys
d'Egypte.*

*Mantuan liu. des
geſtes S. Denys.
Polybe liu. 3.*

*Munſter liu. 2.
Boece alleguē par
ſuppoſée ſancetē.*

*Ceſar comment.
liur. 6.*

LIVRE TROISIEME

*Cesar guerre gal-
liq. liur. 7.*

*Prouins est nom-
mé Agendicum
en Cesar.*

*Qui contempera
les mots de Cesar
verra que Camu-
logene estoit cam-
pé ou à present s'ot
les Palus vers le
temple, & la rue
S. Anthoine.*

*Arcueil dit des
Arcs pour l'ar-
queduc.*

*Julian l'Apostat
fait bastir le cha-
stelet et l'hostel de
Clugny.*

*Epistre de Julian
aux Antiocheës.*

*Description de
Paris.*

*Julian met 900.
stades, qui renien-
nent à 45. lieues,
prenans chacune
lieue à deux mille
Et demy d'Italie.*

*Tad's on vsoit de
poisses & non de
cheminées à Pa-
ris.*

me ces choses se desmelassent deuant Cesar, Labien laissant à Prouins cel-
le creuë de gendarmerie, que nouuellement on auoit amené d'Italie, affin
qu'elle y seruit de garnison pour la garde du bagage du camp, il s'en alla à
Lutece suiuy & accompagné de quatre Legions. Lutece est vne ville des
Parisiens, assise en vne isle de Seine: puis aiouste, parlant de Camulogene
general de l'armée des Gauloys, & monstrant quelle estoit l'assiette de ce-
ste ville. Cestui-cy (dit-il) voyant que tout estoit aux entours marescageux
& que ces paluz perpetuels se vuidoient dans la Seine, & donnoient em-
peeschement à quicōque voudroit assaillir le lieu, il s'y arresta avec delibe-
ration d'empeschier le passage aux nostres. Puis qu'il dit que Lutece estoit
vne ville du terroir Parisien, & qu'elle auoit son assiette dans vne isle, ainsi
q̄ puis apres il en dit de Melun, ce n'est pas à dire qu'il en fut le bastisseur,
comme ainsi soit qu'il n'y a trait en tous ses Commentaires qui facent mé-
tion qu'il y bastist chose quelconque. Et si on me veut mettre en ieu les
Arcades d'Arcueil (qui en porte le nom) ny le bastimēt de l'hostel de Clu-
gny, qui à parler proprement avec le grand chastelet, sont des plus grādes
antiquitez de ceste ville, i'ayme mieux en donner l'honneur à Julian l'A-
postat qu'au premier Cesar, veu que cestui-cy ne s'y arresta que pour guer-
royer: là où l'autre s'y tenoit pour son aise, & comme en ville qui luy estoit
plus qu'agreable, ainsi que luy-mesme le cōfesse, escriuāt aux Antiochiens
en l'Epistre portant le tiltre de Misopogon, qui signifie autant que Hay-
barbe, & laquelle il leur escrit à cause qu'on luy reprochoit ne sçay quelle
incontinence, & où il décrit assez bien le plant de Paris, & mōstre où est-
ce que pour lors elle estoit & peuplée, & bastie: Et pource oyez comme
il en parle. L'estoy iadis passant l'hyuer en ma biē-aymée Lutece (c'est ainsi
que les Parisiens Gaulois apellent leur cité,) laquelle est en vne petite isle
voisine du fleuve qui l'environne de toutes parts: il y a des ponts de boys
qui facilitent le passage vers la ville de chacun costé: & la riuiera ne crois-
sant ou decroissant guere souuent, ains est toute telle en hyuer qu'elle a de
coustume de se monstrier en esté, l'eau en est tresplaisante, & tresclere à la
regarder, & boient les citoyens d'icelle: d'autant que se tenans dans vne
isle, il fault qu'ils se pouruoient d'eau en icelle.

L'hyuer n'est point trop rigoureux en ces cartiers là à cause, comme l'on
dit, des chaleurs de l'Ocean, qui n'en est esloigné que d'environ quarante
cinq lieuës, & peut estre que quelque legere haleine du vent marin y viēt,
& s'espend iusqu'en celieu, & que aussi l'eau de la mer semble estre plus
chaude que celles des riuieres d'eau douce: soit que ceste raison soit veri-
table, ou que ce soit pour autre occasion que ie ignore, si est-ce qu'il en
est ainsi que ie le recite, & que l'hyuer est plus gracieux aux Parisiens que
aux autres leurs voisins. Aussi naissent en leur terroir de bonnes vignes,
voire plusieurs ont fait si bien que desia les figues y sont cultiuées. Puis
monstre comme pour lors les Gaulois insulaires en l'isle Lutetienne, n'y
soient point de cheminées, ains seulement de poisses à la façon que suy-
uent encor les Alemans, & comme il se trouua mal pour auoir vsé de feu
de charbon, à cause qu'il esmeut l'humour du plastre des murailles.
Et ainsi on voit qu'il se tenoit en l'isle de Paris, & que pour lors ceste cité

n'estoit guere grand chose : & c'est aussi pourquoy Ammian Marcellin l'appelle petite ville, & chasteau pourfuyant la vie de Iulian l'Empereur logé en ceste ville, & par lequel fut basti le logis de Clugny, qui luy seruoit de maison de plaisance, & non par Iule Cesar, comme aucuns pésent, trompez en ce que trouuans les memoires es pierres qui mentionnēt Cesar, & n'aduifans point que tous Empereurs ont porté tel nom, & que Iulian ains qu'estre fait ny proclamé Empereur, auoit le tiltre Cesarée, ainsi qu'à present on appelle Roy des Romains celuy qui doit succeder à l'Empire: mais quand tels aduiserōt q̄ Iule Cesar ne s'arresta guere iamais à Paris, & que Iulian y faisoit sa demeure, me confesseront par mesme moyen que ce fut l'Apostat qui feit & fortifier les isles Parisiennes, & dresser les fustits bastimens, comme ainsi soit que Corrozet, diligent recercheur des antiquitez de Paris, escriue que en la fondation du college de Sorbonne, il soit dit que le lieu dudit college est dit estre assis *propè locum thermarum*, pres le lieu & place des Thermes, ou bains de Cesar, entant que Iulian venoit prendre la recreation audit palais, qu'à present on nomme l'hostel de Clugny, & amene ledit Corrozet vne preuue euidente des canaux, & arcades trouuées l'an 1544. depuis la porte saint Iaques iusques à Arcueil, qui estoit vn Aqueduc pour conduire l'eau au Palais de Cesar. C'est la raison qui induit Beat Rhenan à croire que le costé de l'Vniuersité a esté plustost habité & peuplé que la ville, ce que Corrozet soustient aussi, entant que iadis tout ce qui à present est plein de bastimens, fut iadis en boschage, & solitude, & hors la ville: entant que le Louure mesme estoit separé d'icelle, ainsi que on peut recueillir d'vnes patentes du Roy Charles cinquieme, surnommé le Saige, données en faueur de l'Vniuersité, & pour confirmation des priuileges d'icelle, sur la fin desquelles lettres sont ces mots en latin: en tesmoignage dequoy nous auōs fait apposer nostre seau aux presentes, donné au Louure pres de Paris l'an 1366. & de nostre regne le troisieme: & ledit Corrozet preuue encore cecy, parce que on trouue en la vie sainte Oportune (l'Eglise de laquelle est au cœur de la ville, & où iadis elle habitoit) que elle se tenoit dans les boys.

Ainsi ces deux grandes villes qui ceignent & environnent l'ancien enceint de l'isle Parisienne, n'estoyēt le temps passé que les Fauxbourgs d'icelle, ainsi que lysez es anciennes escritures que l'Eglise S. Pierre, & S. Paul bastie par Clouis le grand (à present est dediee à sainte Geneuiefue,) estoit iadis es faulxbourgs de Paris, ainsi qu'à present, est l'abbaye S. Germain, renommée en la premiere fondation du nom de Saint Vincent.

Or que Paris ayt esté long temps le siege des Roys, & le lieu destiné pour les anciennes assemblées de Gaule, vous le pouuez recueillir par ce qu'auons ia dit que Cesar y assembla les estatz pour traiter des affaires de toutes les Prouinces Gauloises, & que du temps de Clouis elle commença à se rendre plus glorieuse, le Roy sy tenāt la plus part du temps, & en laquelle il trespassa, & fut enterré, ainsi que depuis & sa femme Clotilde, & plusieurs de ses successeurs: ioint que Paris sembla de si grande consequence aux Princes sortis de son estoc, que guetroyans souuent ensemble sur les limites de leurs seigneuries, & iurisdiccions, comme ils feissent

Ammian Marcellin liu. 15.

Et les Emper. & leurs parens proches portoyent le nom de Cesar.

Iulian se tenoit à Paris. Ammian Marcel. liu. 17. Gilles Corrozet li. des Antiquitez de Paris.

Rhenan liu. 3. des choses de Germanie.

Lisez Gregoire de Tours, & mon moyne.

Cesar coment. 6.

Paris siege ancien des Princes des Gaules.

LIVRE TROISIEME

*Gregoire de
Tours liur. 7. de
l'histoire.*

*Grand Cōseil as-
semblé tous les
ans à Paris auant
l'institution du
Parlement.*

*Paris par qui ia-
dis assié.*

*Architrene à la
louange de Paris.*

paix & la iurassent, c'est article fut mis comme le principal en leur capitulation : que nul d'entr'eux entreroit en la ville de Paris sans la volonté de ses freres; & sur ce oyons les parolles du saint Euesque Gregoire de Tours faisant mention des Embassadeurs de Childeberrt au Roy Gontran lequel leur parle en ceste sorte : Voicy les accords passez entre nous, que celuy qui d'entre nous entrera en la cité de Paris sans la licence, & consentement de son frere perde son lot & part du Royaume, & de ce auons faits tesmoins le saint Martyr Polioct, avec les venerables Euesques & cōfesseurs Hilaire, & Martin comme iuges & vengeurs de celuy qui violera son serment. Plus grand preuue n'en pouuez vous demander qu'en lysant ce que on a laissé par memoire de ce grand Conseil ancien des douze Pairs, & Parlement ambulatorie, lequel pour monstrier Paris estre la Metropolitaine de tout le Royaume François, ne faillloit tous les ans deux fois d'y venir tenir les grans iours, iusqu'à tāt que la Court souueraine y fut establie perpetuelle. Je laisseray icy tout à propos les fondations des Monasteres, abbayes, Conuents, Eglises canoniales, & parrochiales d'icelle ville, & les bastimens des chasteaux, palais, & maisons royales, d'autant que d'autres se sont employez à pareil deuoir, ne mettray en auant quelz assauts, & trauerfes ceste grande cité a souffert iadis sous les Romains, comme elle fut conquise par les François, depuis rauagée par les Normands, puis assaillie des Nauarrois, tourmentée par la sedition populaire, affligée du Bourguignon, prise par surprise des Anglois & d'iceux possédée par l'espace de vingt ans ou d'auantage. Et comme de nostre temps elle a esté vexée par les menées de ceux, qui secouās le ioug de l'obeissance deuē à l'Eglise, se sont aussi reuoltez de la suiuetion deuē au grand, & legitime monarque des François, ie laisse dis-ie ce discours, afin de n'estre trop long, & qu'aussi les histoires, & Annales de ce Royaume en font assez de recit, ioint que l'œil est assez asseuré iuge de ce qui s'est passé de nostre temps: & par ainsi nous passerons aux mœurs & façons de vie du peuple de Paris, ainsi qu'en auōs vŕé à l'endroit des autres nations, sans toutesfois oublier les vers alleguez par Munster, Corrozet, & Cenalis, d'un certain Anglois nommé Architrene que i'ay tourné du latin, en ceste sorte.

*Abondance &
richesses de Paris.*

*En fin vn autre lieu le siege d' Apollon
Paris est mis auant des Cieux vn puissant don,
Pleine d'hommes sçauants, en met aux abondante
Ou la Grece fleurist, & l'Inde diligente,
Et ou les vers Romains, & l'Attique sçauoir
Des sages de iadis chacun y peut auoir.
Paris qui du monde est la precieuse Rose
Et ou de l'uniuers l'abondance est enclose
De baume, & rarité: qui surmonte en son bien
L'ornement tant prisé du mol sydonien:
Paris seule en banquets, & festins plantureuse,
Seule en variété & superbe, & pompeuse.
Qui iouist d'un terroir fertile, & s'esioiye*

*Du vin que son vignoble abondamment produit:
 Paris douce au Rustique, aux fermiers pitoyable,
 Abondante en moissons, sans ronce dommageable,
 Boscageant le pays de raisins tresuineux,
 Et de proye voyant pleins les lieux boscageux.
 Paris le vray rampart des Roys en leur affaire,
 Aux Roys obeissante, & humble, & debonnaire:
 Iouissant d'un air doux, d'un plant delicieux,
 D'une bonté nayfue: il n'y a rien de mieux:
 A Paris tout est beau, & bon, sauf que fortune
 Pour les bons n'y est point benigne, & oportune.*

Ces motz monstrent assez que si iamais les Gaulois Lutetiens ont rien eu de bon, saint, courtois, & debonnaire, qu'à present les Parisiens composez de tout ce qui est en l'Empire François, comme ils sont vniz & dressez de ce diuers ramas de peuple, aussi ont ils vne grande variété, non seulement en ce qui touche la corruption, ains en la mesme perfection de la vie soit qu'on y contemple la religion purement suiuite & obseruée avec telle sincerité, que depuis que l'Apôstre des Gaules le glorieux saint Arcopagite y eut semé la doctrine Euangelique, on ne sçache que iamais la cité de Paris se soit esloignée tant soit peu de l'obeissance de l'Eglise. Que si on regarde avec quel cœur les Parisiens ont obeï à leurs Roys, ie laisseray l'ancienne gloire de ceux qui sous les Merouinges, Pepins, ou race des Capetz se sont monstrez les vrais seruiteurs de la couronne, pour prier le lecteur de penser sans aucun transport, ny flaterie, si la cité de Paris a rien fait voir de sa religion, vertu, amour & seruice vers son Roy, debonnaireté & courtoisie à l'endroit de l'estranger, charité vers ses citoyens, & compassion en l'esgard de ses voisins, durant les troubles de ceste perilleuse guerre qu'à present nous sentons. Mais pour mon esgard ie peux dire, sans flaterie quelconque, que i'y ay veu & experimenté ce que iamais ie n'eusse pensé, à sçauoir vn peuple le plus aisé à conduire, & gouverner qui soit sous le Ciel, & lequel est si bon, humble, & craignant Dieu, qu'il ignore ce qu'il sçait & ne veut cognoistre ce qu'il cognoit, à sçauoir quelle est sa puissance, flechissant sous quiconque le manie, pourueu que ce soit par l'autorité de son Roy, duquel ce peuple est si amoureux que son bien, sa vie, le salut ses enfans & parens plus proches ne luy sont rien au pris de celle loyale affection qui le conduit à plus se soigner de son Roy, que de chose de ce monde. Ie ne sçay ce que d'autres trouuent de Barbare en ce peuple, mais qu'à moy ie le peux confesser le plus courtois, affable, bening, & prest à faire plaisir que ie veisôques: si l'on veut voir la magnificence, la gétillesse, & liberalité n'en desplaise ny aux Grecz, ou Romains, veu qu'un seul hostel de ville de Paris à dressé des banquets & festins aux Roys, fait des presens si rares, & precieux aux grands Monarques que ie ne sçache republique qui ne se trouuast empeschée à vser de pareille largesse. Cecy n'est rien à quiconque regardera la pitoyable charité de chacun en particulier: & ne s'esbahira lon pas de voir les damoïselles delicates, les bour-

*Quels sont les
mœurs des Parisiens.*

*Grand obeissance
des Parisiens.*

*Liberalité, courtoisie, & charité
des Parisiens.*

LIVRE TROISIEME

*Dames de Paris
quelles enuers les
pauvres.*

*Grande concorde
entre les citoyens
Paris.*

*Le Parisiens ay-
me d'ouyr choses
nouuelles.*

*Grande deuotion
des Parisiens.*

*Quelz Idoles ia-
dis adorez à Pa-
ris.*

*Sainctz, à present
Patrons de Paris.*

geoises nourries soëuemēt aller aux hospitaux visiter les malades, n'auoir aucune horreur, ny desgoust de voir, & manier les sieureux, les blecez, & chargez d'vlcères, y appliquer remedes, & les secourir, & nourrir aussi soigneusement que si c'estoyent leurs propres parés: C'est en Paris que iamais le pauvre ne meurt de faim, si l'on s'apperçoit de son indigence, où la disette n'empesche ceux mesme qui ne sont les plus riches de supporter la necessité de leur frere Chrestien: C'est à Paris qu'on voit vne concorde fort grande en la communauté des citoyens qui est chose pour vray miraculeuse, eu esgard à la confusion d'une si grande multitude cōposée de tant & si diuerses humeurs d'hōmes: mais quoy? la police, & surueillēmēt des Magistratz aide encor beaucoup à l'inclination naturelle du Peuple. C'est en Paris où le sang est le moins espandu qu'en cité du mōde, & par là on voit combien les Parisiens sont mutins, & eceruelez, suportans avec vne tant Chrestienne patience les imperfections les vns des autres. Le Parisien est sobre, modeste, & ioyeux, se plaissant en compaignie, ayant les dances, & prenant vn singulier plaisir és jeux, & spectacles, mais guidé de vice commun de tous les Gaulois, & qui luy vient de l'apprentissage des Grecz, c'est qu'il est trop friant, & desireux d'ouyr choses nouuelles. Et nonobstant (la Dieu mercy) le vent de nouuelleré n'y à peu tellement espandre l'air, & souffler de sa vapeur contagieuse, que le Caluiniste y soit receu, si ne fait ses jeux en cachettes. A Paris tout est plein de deuotion, & les maisons des citoyens ressemblent estre autant de temples, & d'oratoires, & les Eglises non suffisantes à enclorre vn si grand peuple conuoiteux, & affamé de la parolle de Dieu, quoy qu'abondamment elle luy soit communiquée par vn infiny nōbres de saincts Docteurs, religieux, & autres ministres de l'eglise qui sont largement nourris en ceste cité. Iadis en ceste ville estoit adoré Isis, & la mōstrueuse idole de Serapis honorée par les Egyptiens, y estoit seruy le diable souz le nom de Iupiter, Mercure, Hercule, & Diane: à presēt Dieu est adoré, seruy, & honoré en ses saints les glorieux Martyrs qui ont porté le saint Euāgile à Paris en estās les tutelaires, & la tres-chaste, & bien-heureuse pucelle sainte Geneuiefue, leur seruant de Patrone: & en somme, si on regarde Paris de toutes parts, on ne voit rien sous le Ciel de plus corrompu, ne si saint, & religieux en toute la terre. Je laisse à part avec quelles ceremonies ce peuple poursuit la solennité des saintz, quelz sont les estatx dressez par chacun mestier, les priuileges & statuz de chascū des ordres, le droit des maistrises, la police des visiteurs, la seuerité gardée en chascun estat, soit qu'on y contemple ceux qui suyuent les lettres, ou qui gagnent leur vie au trafic, ou en quelque art mecanique. Je laisse à part tout cecy, esperant en toucher quelque autrefois plus à mon loisir, & qu'aussi maintenant nous sommes appelez à plus grans chose.



NOUS auons ailleur dit (ce me semble) que iagoit que le royaume de Frâce soit erigé en Monarchie, si est-ce que les autres sortes de iurisdiction, & gouuernemēt n'en sont point forcloses entant que les communautéz des villes, & l'assuiettissement des estatz sont comme la figure de l'estat populaire, & l'assemblée de Pairs y a tousiours seruy de la puissance que les Grecs ont nommée Aristocratie, & que nous pouuōs dire gouuernement des plus sages. Et iagoit que Paris, qui est la plus belle, riche, puissante, grande, & fameuse qu'on sçache guere en toute l'Europe si à elle vn Roy qui luy commande, & auquel elle obeit comme dit est cy deuant: mais avec ce elle iouist d'une telle liberté que ie pense si elle estoit seule en sa puissance, elle ne pourroit mieux commander sur ses suiets: aussi le tout bien regardé le Roy estant l'ame du public, & cōtenu en ce corps vniuersel il compatist avec ce qui luy est donné à regir, & communique partie de sa puissance aux membres inférieurs de ce corps qui luy est assuietty pour en prendre la tuition & defence. Or du temps que le premier Roy Israélite fut esleu, quelque puissance souueraine que ce nom royal luy aportast, si est-ce qu'encore voit on qu'il se soumet à la volonté generale, lors qu'ayant fait l'ordonnance du ieusne son filz l'ayant transgressée, & luy voulant executer seueremēt la rigueur de la loy sur son enfant propre, le peuple s'opposa à sa sentence aussi les Roys qui sont naturelz (tel que nous l'auons) n'ayent rien tant que la liberté du peuple qui leur obeit, & prēnent bien plaisir que la vertu de leurs subietz se monstre en l'administration mesme de la iustice, au maniement de laquelle il semble se les associer, ainsi que iadis à Rome, les Roys de leur bon gré souffroyēt que le peuple eut voix, & les Empereurs depuis flechissoyent sous la volonté du Senat, du corps duquel aussi ilz estoient choiziz, comme de tous temps ils ont esté esleuz en France du corps de la noblesse. Et pour ce que nous auōs parlé de Rome, & du tēps qu'elle fut sous les Roys, & lors que les Consulz, Tribuns, Dictateurs, & autres communs Magistrats y commandoyent, & quand les Empereurs sy rendirent, & souuerains, & redoubtez: il nous fault voir si nostre grande cité de Paris a rien de semblable à celle dame de toutes nations, qui iadis subiuga la plus-part du monde lors habitable. En premier lieu donc Paris a se souuerain & seul Magistrat, auquel & elle & tout le reste de la France obeist en toute humilité, comme à celuy qui n'a point le glaue en main sans iuste raison: aussi à vray parler, quelque mefnagement qu'il y ayt eu en Gaule, & auant les Romains, & depuis leurs conquestes, les François la tenans, ou estans encor esloignez d'elle, si y auoit il tousiours des Princes pour la gouuerner, ce que ie vous ay noté és douze seigneurs generaux du Conseil, ausquelz ont succédé les douze Pairs de France. Apres la maiesté du Roy, on voit celle saincte, admirable, & seuerie assemblée de

Comme les affaires du gouuernement partiz en France.

Les roys pourquoy communiquent aux autres leur puissance.

1. Des Roys. 14.

Le Roy souuerain Magistrat en France.

Gaule tousiours gouuernée par les Princes.

LIVRE TROISIEME

*Puissance de la
Court de Parle-
ment.*

*Loys Hutin esta-
blit le Parlement
perpetuel à Paris,
l'an 1315.*

*Chastelet de Pa-
ris.*

*Consulat dressé à
Paris et pourquoy*

*Comme les matie-
res sont debatues
deuant les Cōsulz.*

*Jusqu'ou s'estend
la puissance des
Consulz.*

tant de Senateurs, qui souz le nom de Parlement sont les asseurs du Roy, iugent difinitiuement de tous affaires, ont iurisdiction sur les Prin-ces & seigneurs, voire souz la sentence desquelz mesme la maiesté royale se soumet, & humilie, & luy eslargist telle autorité, que la court est celle qui donne ame aux loix, & ordonnances des Roys, & limite par sa modification les bornes de telz editz. Ce n'est point icy que les Roys abusent de leur grandeur & souueraineté, ains est leur douceur & iustice telle que quoy q la court s'oppose à la volôte du roi, si ne trouue il rien de mauuais pour telle opposition & se plaist en celle integrité de soy mesme, qui apparoit en l'ame de ceux qui le representent. Je ne veux m'amuser à vous esplucher au long la pompe, magnificence, grandeur, & pouuoir de ce Senat, me suffisant de dire aux estrangers qui ont leu l'histoire & Grecque & Romaine, que l'Areopage d'Athenes, & Senat Romain n'ont rien eu de plus, soit en doctrine, integrité, iustice, equité, & courtoisie sur le sainct Conseil du premier, & plus ancien Parlement de France: & duquel nous auons parlé cy dessus, faisans mention du temps que d'ambulatorie qu'il fut, les Roys l'establirét perpetuel en la grâde, & royale cité de Paris. Je ne feray long discours de celle politique administration des Iuges subalternes du Chastelet de Paris, où sont à contempler les vrayz Censeurs iadis instituez à Rome, & celle ancienne rigueur du Senat Thebain, & faut confesser que n'estoit la surveillance des Magistratz de cest ordre, Paris seroit plustost vne boucherie des bons, que le domicile de vertu, veu (comme i'ay dit) la confuse multitude du peuple, & la malice du tēps auquel nous sommes. A Paris vous voyez encor celle façon de iuger de iadis sans tāt enlacer les matieres, ny rēdre les procès immortelz & de laquelle on vse au Consulat, qui est vne troupe de bourgeois de bonne & sainte vie, lesquelz vident en dernier ressort tous differens qui sont pour debte, ou marchandise de marchand à autre, entant qu'il n'y a aucun qui entende mieux le fondz d'une matiere, que celui qui y a esté nourry toute sa vie. Ces Consulz ont esté créez de nostre temps pour l'esgard de la conseruation de l'estat des marchans, qui se ruinoyent en procez n'ayans loisir de tāt prolōger leurs matieres, q de faire enqueste sur enqueste ainsi qu'o l'acoustume ensuiuāt les solēnitez de iustice, pour bien esplucher les matieres. L'ordre avec lequel procedent est tel, que le premier qui fait ad-iourner vn autre deuant les Consulz y vient armé de l'obligation, & là chascun propose son droit de sa propre bouche, le serment donné qu'ont les parties de dire verité, le Consul s'enquiert du debteur si celle escripture est sienne, & si elle est veritable: sil la confesse sienne, & ne peut mōstrer quittance, ny escrit tesmoignant aucun payement, il est condemné sur le champ de fournir la somme à laquelle il est obligé, & sans que les parties soyent destruites ny avec despens, ny espices pour le iugement. Et d'autāt que les matieres criminelles ne se debatent point deuant ces iuges, aussi n'ont ils autre iurisdiction que du seul emprisonnemēt de celui qui dobit iusqu'à fin de paye, & lequel aussi tost q condēné ils enuoyent coffrer, sil ne satisfait sur l'heure: car il ne sy fault presenter pour y chiquaner & chercher des eschapatoires, il est besoing d'y parler ouuertement, & d'ad-iouster

iouster l'effait à la parole, entât que la promesse de satisfaire n'empesche que le debteur n'aille en prison, si de grace le iuge ne luy donne delay avec le consentement de la partie. Et est ce droit seulement entre bourgeois, & vn singulier priuilege donné par le Roy Charles neufiesme regnât à present, aux bônes villes de ce royaume pour leur recognoistre les agreables seruices faits par icelles à sa maiesté, & abreger le pas à vn tas de faiseurs de banqueroutes qui souz tiltre marchant gastoient, & abolissoient le vray train de marchandise. A la perfection de la police Parisienne, est aiousté l'estat & gouuernement de l'hostel de ville souz le nom des Magistratz en iceluy cōpris, telz que sont le Preuost des Marchâs, & quatre Escheuins, les 24. Cōseillers, le Greffier, Procureur, Receueur, & Clerc, Quarteniers, Dixeniers, & Cinquanteniers, de chascun desquelz il fault dire quelque cas en passant, attendant vn plus grand loisir que j'espere en Dieu m'y monstrier & plus diligēt, & curieux à en faire les recherches autrement q̄ ne peux faire pour le present. Ceux qui ont baptisé noz Escheuins du nom d'Ediles, mot emprunté des anciens Romains, n'ont ny du tout failly, ny aussi pris soigneuse garde à la chose telle qu'elle se cōporte: d'autant que le droit d'Escheuinage a cecy de cōmun avec l'edilité Romaine, que tout ainsi que les Ediles auoyēt la charge des edifices de la cité, & de voir que par la faulte d'vn logis le voysinage ne sentist rien de preiudice, & estoient sur intendans aux bastimens des theatres, à la representation des ieux publics, & à donner lieu à chascun ordre selon son estat, les Escheuins de Paris aussi sont chargez de ce soucy des Edifices, mais quelz? des fortifications de la ville, des lieux publicz, car pour le reste ilz ont leurs iurez, qui seruent à visiter, & maisons, & Cloaques, & Aqueduttes, & canaux, portz, passages, rues, & chemins pour y remedier si aucun vice y est suruenue. Mais en ce les Escheuins ioins au Preuost des marchans surpassent la dignité des Ediles, qu'ilz ont la mesme puissance qu'auoit iadis à Rome le Prefect, ou Commis des viures (qui s'appelle en latin *Praefectus Annona*) veu que c'est à eux à pouruoir si bien & à la police de la vente, & à l'abondance pour la cité qu'il ne manque rien pour la nourriture, bien est vray, qu'icy & le Chastelet, & l'hostel de ville sont cōcurrens en deuoir, & fault qu'y surueillent avec pareille diligence. A Rome ce n'estoyent les Ediles ausquelz la charge de la garde de la cité estoit donnée, là où à Paris ce sont les Escheuins, ou ceux de leur corps qui de nuit, & en temps suspect portent les clefz des portes de la ville, font, & drescent le guet, tiennent garnison, & corps de garde aux portes, & qui plus est donnent passeport à ceux qui sortent de leur ville. En cecy ie cōtempne l'hostel de ville porter vne marque consulaire, & telle qu'auoit le Consul Romain es saisons les plus troublées, lors qu'on leur enchargeoit de se prendre garde que la republique ne fut en rien interessée. Et pour en parler briuement l'estat du corps de ville de Paris, ne peut estre mieux comparé qu'à la dignité des anciens Tribuns du peuple, lesquelz ne craignoient de s'opposer au Senat pour le support des petitiz, ainsi que pouuez lyre es liures de tous ceux qui se sont employez à escrire les gestes Romains: veu qu'à Paris les citoyēs biē qu'ayent le Preuost de Paris cōme

Estatz, & offices de L'hostel de ville de Paris.

Ce qui est de commun, ou diuers entre les Escheuins, & les Ediles anciens de Rome.

Commis des viures à Rome Praefectus Annona.

Escheuins sont les Tribuns Consulaires, & encores Tribuns du peuple.

Preuost de Paris chef general de la police.

LIVRE TROISIEME

Hardiesse de l'hostel de ville de Paris durât les troubles.

Paris distribué en 16. Cartiers.

Macchiauel en l'histoire de Florence.

gouverneur de la police generale tât en la ville, que finages & iurisdiction d'icelle, si est-ce qu'écors l'hostel de ville est celuy qui doit particulièrement ce deuoir aux siés, q̄ de se soigner de leur salut, & s'opposer à ceux qui tâchent de ruiner sa force & prosperité. Si ie dis vray, ou non, ie m'en raporte aux histoires anciennes dès le tēps q̄ Paris fut honoré du droit d'Escheuina ge, & du Parloüier aux Bourgeois, qu'à presēt on nōme le Bureau, & qu'il le iouist de sa iurisdiction cohercion, cognoissance de causes, rētes, reuenuz, droitz, hōneurs, noblesses, prerogatiues, frāchises, & anciens priuileges: mais plus me raporte-ie à ce qu'ē ont veu noz yeux, qui sont tēmoins de la diligence, & deuoir des officiers de ville faisans teste aux seditieux, lors que sous pretexte de ne sçay quelle pretendue reformatiō, la puissance mēme de la court estoit comme bridée par la tyrannie des rebelles, & que Messieurs de Parlement ne pouuoient continuer à punir les delinquans, ce fut lors dis-ie, que ces Tribuns, & patrōs de la citē prindrēt la deffence & du Roy, du Senat, de leur ville, & par cōsequent de toute la France. Il me semble desia q̄ i'ois ces gaste-papiers, qui ne sçachās rien faire qui soit bō, osent toutesfois, ie ne dis reprēdre, mais bien calōnier, ceux qui en escriuāt ne courrēt apres quelque proye sortie des mēmes buissons d'un fol desir & glout appetit de s'enrichir, ains le font (quelque pauvreté qui les assaille) de gayeté de cœur, & pour seruir au public, departās largemēt du leur à ceux mēme qui sont eschars, & trop chiches à les recognoistre: Il me semble (dis-ie) que i'oy ses brouillōs poëtiseurs, & chantes des coings des ruēs, dire que ie fais icy la court sans force, & que i'accuse mēssieurs de Parlemēt de faulte de cœur durāt les troubles: Aduise calōniateur quicōque sois, aduise de pres ce que ie dis, & te souuiēne quel tēps ie te propose, & voyāt q̄ les loix n'ōt force entre les armes, & q̄ le seditieux ne respecte aucunemēt le Magistrat, tu me confesseras aussi q̄ la Court de Parlement (quelque sainte, iuste, constante, & courageuse, quelle soit) fut vn tēps qu'elle n'osoit mōstrer les effaitz de sa puissance: & n'en veux autres tēmoins q̄ Messieurs mēmes, lesquels ie pose parmy le corps de ville par mās pour le salut cōmun du païs, & adressāns le reste des citoyens avec la sagesse de leurs conseilz. Soit dit cecy en passant, à cause que ie sçay qu'il y a des chatouilleux, qui ne cherchēt q̄ les moyēs de trouuer que mordre enuieusement sur mes escrits, mais ie loüe Dieu q̄ ie sois tel, sur qui ilz peuuent plustost vser d'enuie, q̄ de pitié ou cōmiseration. Je ne veux pour le presēt esplucher tout ce qui est à cōsiderer en l'estat de ville, ny amener en quel temps, & souz quel Roy. le Preuost des Marchans, & Escheuins furēt instituez à Paris, & quels changemens il y a eu en ceste Police, seulement regarderōs que Rome est celle qui à apris à noz bons, & sages citoyens les moyens de partir les cartiers de la ville. Vous auez peu lyre en Halycarnasse, & Tite Liue alleguez par moy au chapitre de Rome, cōme Romule distribua sa citē en cartiers en chascū creant des dixeniers, Cinqanteniers, & Centeniers, & de laquelle façon de faire ont vſé les Florētins vn long temps, & auant qu'ils ayent esté soumis à vn Duc, & souuerain Prince. Mais à Florence pour y estre la chose confuse, & les ligues eschauffées, i'amaïs ces cartiers & enseignes des mestiers (car ainſi les appelle Macchiauel) ne peurēt se cōpatir ensemble: là où à Paris tout y va de meil

leur ordre. Entant que ce n'est pas la multitude qu'on assemble, ains les Quarteniers desquels il en a seize en Paris, sont ceux qui donnent le mot, & rapportent les choses telles qu'elles sont au Conseil, sans que la multitude puisse rien sentir des desseins des chefs de la ville. Or ces Quarteniers sont cōme Colomnelz, ayants chascun leurs cantons & regimens à gouverner en ce mode Parisiē, & ce qu'ilz font avec telle industrie que nous auons veu, durant les troubles, qu'il n'y auoit homme soupçonné d'heresie & partialité, tant se pensast il estre secret, qui ne fut esclairé, cogneu & enregistré par la diligence de ces hommes, sous lesquelz sont encore les dixainiers, & Cinquanteniers selon la distribution que ie vous ay faict cy deuant de la ville de Rome. Et ce qui m'a fait mieux cognoistre ce menage & sage Police, ç'a esté ceste façon & choix d'hommes à eslire les Capitaines en chascū cartier lesquelz obeissent au Cōseil de ville cōposé des estatx susditz: Ceux cy sont cōme Dixeniers, & Cinquanteniers menans & cōduisans les Bourgeois en armes soir à faire le guet de nuit, ou à garder de iour la porte: & neantmoins ont ilz vn Colōnel duquel fault que prennent le mot, & iceluy portant la figure du Quartenier. Mais à fin que rien n'y soit vsurpé, c'est à l'hostel de ville que le mot est pris, ce sont les chefz qui le donnent, & le Colōnel aux Capitaines, & eux à ceux qui font la ronde, & se tiennent aux corps de garde, ainsi que nous l'auōs veu pratiquer durāt la misere de ces guerres ciuilles. Et qui voudra voir encor la sagesse de ceste assemblée, qu'il regarde (sil est François) & aprenne (sil est estrangier) avec quelle diligence & muette recherche, ayant ne sçay quelle forme du balotement Venitien, on s'est fait certain en Paris des conspirateurs, & de ceux qui trahissans leurs païs, ne se mōstrent que mal affectionnez à leur Prince. Il m'est impossible pour cest heure de parler des institutiōs des iurez, des Archers, Haquebusiers, & Arbalestiers de la ville, iacoit que cela monstre vne bien grande autorité, & que ceste maison commune à eu sa fondation sur quelque plan plus grand que la marchandise: i'obmetz les assemblées de la S. Mathias, en souuenance de la liberté du peuple, ainsi que les Romains ont iadis celebré annuellement le iour que les Tarquins furent chassés de Rome, & viēdray à parler du droit cōmun qui fait viure, & le Parisiens, & celuy qui luy est voisin en paix, alliāce, & cōcorde. Tout ainsi qu'en Frāce y a deux sortes de droit de seigneurie, ou directemēt seigneuriaux, à sçauoir feodal, & censuel, aussi cōsidere-lon doublement les droitz qui apartiēnent aux seigneurs en fief ou Cēsue, & sur lesquelz les coustumes des païs sont fondées: entāt qu'à Paris & la Preuosté au tiltre premier des loix Municipales, est proposé le mot de fief au premier article, disant que le seig. feodal par faulte d'hōme, droitz, & deuoirs non faitz & payez peut mettre en sa main le fief mouuāt de luy, & faire les fiefz siens durāt la main mise. C'est ce droit de Vasselage q̄ les Latins appellent, ius clientelæ, & duquel nous auons parlé au chapitre des Romains à fin qu'o voye cōme les François & aut res natiōs se sont arrestez sur la sagesse ancienne establisants leurs republicues, suyuant la forme qu'ils en auoyent veu vsr, & aux Romains, & aux Gaulois desquelz ilz empieterent les terres. Mais voyons comme les bastisseurs

Institutiō des Colōnelz, & Capitaines à Paris.

Ordre tenu sur le fait des Capitaines.

Coustumes Paris. Tilt. 55.

Tilt. 1. 55. 2.

LIVRE TROISIEME

de l'edifice de ces loix estoient preuoyās tout euenemēt. Si aucū fief (dit le second article) eschet par succession de pere, ou mere, ayeul, ou ayeule, il n'est deu au seigneur feodal, dudit fief par les descendans en ligne directe que la bouche, & les mains avec le serment de feauté: la loy se contente que les premiers possesseurs ayent fait le deuoir, sans astringre les heritiers en ligne directe à plus grande recognoissance. Par cecy & ce qui s'ensuit en matiere de fiefz, se voyent les libertez & grans priuilegez octroyez à ceux qui de tout temps se sont bien portez au gouuernement de la republique, veu que les fiefz mesmes, & vasselages monstrent la vile conditiō des vns se soumettās sous la seigneurie libre des autres, ausquelz selon la loy Françoisē ils doiuent main forte, compaignie, secours, & recognoissance, voire est attain le vassal de felonnie, s'il entreprend contre son seig. de fief, ou s'il vse de parolles moins honnestes en luy parlāt. Aussi n'est-ce pas vne grand seruitude au noble tenant son fief d'un autre, que d'estre contraint de luy donner vn denombrement de son bien dāns 40. iours apres auoir presentē son hommage au seign. feodal? Contemplons aussi combien de tout temps le droit d'aisneesse, à esté respectē de toutes nations, veu que la saincte escriture le monstre au Genese en l'estrif entre Iacob, & Esau, & de Ioseph voulāt faire auantager l'un de ses enfans plus que l'autre par Israël leur grand pere: & la loy Parisienne porte ces morz. Le filz aisné porte pour son droit d'aisneesse le principal manoir, avec le iardin selon la closture tenue en fief: & s'il n'y a point de iardin, vn arpent de terre, ou le vol d'un chapon tenu en fief au ioignant de laditte maison: & puis y est adioustē, que les pere, & mere decedans, s'ils laissent deux enfans seulement, l'aisné aura par precipu vn hostel tenu en fief tel qu'il voudra choisir, avec le tiers des fiefz, & heritages tenuz noblement, là où le second n'aura que l'autre tiers pour son apanage. Si plusieurs enfās, l'aisné a tousiours hostel precipu, tant du costē maternel, que paternel, & iouist de la belle moitié de tous les heritages, le reste estant pour le lot & part des autres enfans ensemble. Les Parisiens n'ont du tout pratiqué la loy Salique, entant qu'ilz n'ont point forcloz les filles de l'heritage, neātmoins la coustume ordōne que ny ayāt que filles qui succedēt, droit d'aisneesse ny à lieu quelconque, ains partissent esgalemēt leur heritage. Aussi n'est permis aux femelles d'heriter en successiō ou hoirie en ligne collaterale, avec les masles en pareil degré: aussi en la ligne collaterale n'est respectē aucunemēt le droit d'aisneesse. Au reste qu'on voye la sagesse des anciens en ce qu'ils dōnoyent auancemēt d'age à ceux qu'ilz estimoient auoir esté souuēment nourris, & bien instruits, lors qu'ilz voulurent que celui qui tiēt fief fut en aage, s'il estoit homme, à 20. ans, & si fille à quinze, quant à la foy, & hommage, & administration de fief. Je laisse plusieurs autres loix sur les mesmes fiefz, & francalez, me contentant que on voye superficielement combien noz ancestres se sont soignez d'oster tout moyen de procez, & querelles entre leurs successeurs. Et ne m'amuseray sur les Censiuēs, & droitz seigneuriaux sur les subietz pour censue, ou seigneurie fonciere, tairay encor les loix des mariages, les seruitudes, & autres points à cōsiderer, les vz, & coustumes sur les bestes vendues, les ro-

55. 5. & 6.

55. 8. & 9. du droit
d'aisneesse.

Paragr. 16.

55. 20. & 21.

uenuz de la ville, & hostel d'icelle sur le vin, peages, gabelles, piedfourché bleds, bois & autres choses cōtenues és ordōnances de la ville, pour encor redire en vn mot que qui ne sçait que vault policer vne ville, ny les moyēs de bien mesnager vne maison, qu'il ne luy fault autre liure Politique, ny Economique que la forme du gouvernement de ceste ville: pour l'ornement de laquelle on voit encor la sainteté des Ecclesiastiques, la richesse, sacre, & reuerée du saint, & admirable temple dedié en l'honneur de la glorieuse vierge mere de nostre seigneur, & tāt d'autres lieux autāt pleins de deuotion, que seruis d'une infinité d'hommes religieux, sçauans & debonnairez & dequoy ie me tairay, à cause que Corrozet vous en à fait vne assez ample description, & que j'espere (comme j'ay dit) encore quelque autre fois de mieux à loisir deschiffrer ceste matiere.

Paris est l'escole de police, & economie.

De l'Vniuersité de Paris, loix, institution, fondation, & priuileges d'icelle. Chapitre 33.



Voyez que & la France, & les Roys d'icelle, Paris, & ses citoyens, ayent de tout temps fait paroistre le lustre de leur vertu, siest-ce que biē peu la memoire de la posterité a esté esclairée de telle lumiere, iusqu'à ce que au maniement des armes ilz ont conioint & marié les lettres, & que avec le gouvernement politique, la doctrine, & grand sçauoir ont pris alliance. Aussi Charles le grand & Roy de France, & Empereur d'Occident fut celuy qui le premier dressa en Frâce, &

Les lettres & autāt illustré la Frâce, que les armes.

à Paris celle fameuse Vniuersité, qui estāt l'œuvre d'un grand Monarque, a depuis esté si grande & respectée, que presque toute la Chrestienté dependoit de son opinion, & à laquelle tous les hommes de sçauoir estoient redevables, pour y auoir puisé dequoy enrichir leurs esprits. Et iacoit que Charles le grand se soit monstre comme le pere, & introduiseur de l'Vniuersité en Paris, & que l'escole luy doie beaucoup, si est-ce qu'il ne fait q̄ la seulement esbaucher tout ainsi q̄ le charpentier fait d'une piece de boys qu'il veut mettre en besoigne pour en tirer quelque beau ouurage, laissant à ses successeurs l'honneur d'y donner fin, & accomplissement tel qu'il y eust mis, si les guerres ne luy eussent empesché le cours de ses desseins. Ses enfans encor se soucians plus de l'ambition que du sçauoir, n'en feirent guere grand compte, laissant cest auantage à la race Gauloise, & florissante des Capetz vrayz Gauloys, sortis de Paris, seigneurs sur les Parisiens, & chefs de la famille tref-chrestienne, qui à present gouuerne le sceptre & couronne des Gauloys, qui ont & les armes, au poing, & les lettres au cerueau pour se preualoir de leurs ennemys, & faire parade aux estrangers de ce, dequoy iadis Athenes se tenoit si glorieuse. Au reste ne fault penser que la Gaule auant ceste fondatiō fut sans exercice des lettres, veu que nous auons monstre cy deuant, comme Saron Roy des Celtes fut le premier qui ouurist escole entre les Gauloys: & comme les Druïdes, ainsi que escrit Cesar, enseignoyent la Philosophie à ceux de leur nation, & que les

L'vniuersité de Paris honorée de tous.

Rois descendus de Capet ont illustré les lettres.

De Saron. voyez cy dessus ch. 28.

LIVRE TROISIEME

*De l'Escole de
Marseille, roy
Strabon 4.*

*Philippe Augu-
ste a esté celuy qui
a donné de beaux
priuileges à l'V-
niuersité de Paris*

*Robert roy hom-
me de grâdes let-
tres.*

*Symon Cardinal
dresse les statutz
de l'vniuersité, l'an
de grace 1279.*

*Statut du Legat
Symon sur l'ele-
ction du recteur.*

*Quelz sont les e-
lecteurs du recteur.*

histoires nous font foy que Marseille à esté escole si fameuse que les Ro-
mains y enuoyent leurs enfans, aussi bié qu'à Athenes ou Rhodes pour
y apprendre les lettres. Mais tât plus les esprits se sont ouverts, & q la pieté
& religio y ont pris de fondement, aussi les lettres y ont esté les mieux re-
ceûs: & en quel temps ç'a esté q le plus ceste vniuersité fut autorisée, il est
façon de le considerer. Nous n'ayans peu auoir ny recouurer l'originair
de la premiere institutio faite de ceste magnifique dignité du Recteur, &
quatre procureurs des natiôs, si est-ce que assez aisément nous remarquôs
que c'est de l'og teps que l'vniuersité est establie, veu q le roy Philippe Au-
guste surnomé dieu donné par lettres données l'an 1200. fait assez voir, au-
torisant les immunitéz des escoliers de quel temps ilz tenoyent leurs pri-
uileges, veu mesmement q ledit Roy ameine les patentés de son feu pere
Louys, qui auoit (en faueur des escoliers) fait quelques ordonances: & ice-
luy Loys establisant loy, fait cognoistre q dès que la France fut en repos
apres les guerres, entre les maisons d'Alemaigne, & de Gaule, & que les
Normands furent suiez à la couronne, les Capets tenans le Royaume, &
notamment le roy Robert homme docte & debonnaire, que ce fut aussi
lors que Paris sentist sa Monarchie en ce qui est des lettres, veu q de Char-
les le grand, on n'a autre cas sinon l'institution premiere, non que ie pense
qu'il n'y aye aussi bien des lettres de priuilege de luy que des autres roys,
mais que l'iniure du temps, & le peu de soing des hômes en ont fait per-
dre les originaires. Parainfi laissans ces fondations avec les donations, li-
cences, libertez, priuileges & immunitéz données tât des Papes q des roys
à l'excelléte escole generale de Paris, mere de toutes les autres, nous nous
contenterons pour ceste foys de toucher vn peu sur la creatio du recteur,
suiuant qu'elle fut ordonnée par le Cardinal du tiltre de sainte Cecille le-
gat en France souz Pape Nicolas troisieme du nom en l'an de nostre sei-
gneur mille deux cens septante neuf, & regnant sur les François Philippe
filz du bon roy saint Louys: d'autât que ce fut lors que fut faite la premie-
re reformation de l'vniuersité de Paris par l'autorité du saint siege de Ro-
me. Or voicy comme ce Cardinal en ordône: Le recteur sera par cy apres
esleu en ceste maniere, Les quatre procureurs des natiôs (à sçauoir de Frâ-
ce, Picardie, Normandie, & Alemaigne) iureront solennellement deuant
les nations d'eslire vn autre Recteur que celuy qui l'est, & tel qu'en con-
science ilz estimeront ydoine, suffisant, & prouffitabte tât à la charge, que
pour tout le corps de l'Vniuersité, sans que amitié, ny haine, faueur ny au-
tre passion les esmeue à choisir vn plustost qu'un autre. Celuy qui sera
esleu par ces quatre, ou les troys y consentans, emportera la dignité: mais
ne s'accordants ces quatre ou troys en l'election, le Recteur precedent se-
ra apellé pour recueillir les voix, lesquelles ne pouuants s'accorder, seront
encor nommez quatre electeurs de chacune nation selon le choix des-
quelz, & la plus grand voix l'emportant le Recteur sera nommé, & iouira
de son ranc durant le trimestre prefix à ceste dignité: l'election de laquel-
le se fait tous les trois moys, c'est à sçauoir à Noel, à nostre Dame de Mars
aux festes de saint Iehan Baptiste, & de saint Denys.
Or enclost-on les electeurs dans vn certain lieu, d'où ils ne peuuent for-

tir sans nommer le chef des escoliers, & fault que l'election se vuidée dans le temps que demeure à bruller vne chandelle de cire de poids certain, n'estant permis à Bedeau, ny autre d'aller vers les electeurs pour leur recommander homme quelconque aspirant à l'office, voire y est estroitement deffendu q̄ les electeurs mangent ny boient au lieu où se fait l'election: & ne pouuans s'accorder, c'est aux maistres és artz d'en y enuoyer d'autres, sans que plus ces premiers puissent rien pretendre en l'election. Or est-il que à Paris y a quatre facultez à sçauoir de Theologie, decretz, Medecine, & des Artz, & neantmoins la seule faculté des artz est celle qui eslit le Recteur de son corps, lequel toutesfois à puissance, & sur les Theologiens, Decretistes, & Medecins, aussi bien que sur les maistres és artz: & sont trestoutz tenus de luy faire honneur & reuerence. Et affin que on voye avec quelle maisté ceste republique est maniée, il y a de tout temps quatre Chanceliers, deux pour les Bacheliers, le Chancelier nostre Dame de Paris, & celuy de sainte Geneuiefue, lesquels fault que soyent créez deuant l'Euesque au Chapitre Episcopal, & où il doiuent iurer de ne licencier aucun soit Theologien, Canoniste, Medecin ou Artien fil n'est digne de tel honneur, & capable pour auoir fait son deuoir en l'estude: sur quoy il doiuent s'enquerir des maistres, & Docteurs des facultez, lesquels leur en diront la verité en leur conscience. Cecy est pris d'yne bulle du Pape Gregoire onzième du nom, comme souscrivant & approuuât ce que auoyent fait ses predecesseurs, Urbain cinquième & Innocent sixième, touchant les priuileges donnez à l'escole generale de Paris, & duquel sur ce propos telles sont les parolles parlant des iniures faites aux escoliers: S'il aduient qu'on iniurie, ou emprisonne à tort quelcun des vostres si on ne cesse apres l'admonition, de vous tourmèter, il vous soit loisible, si bõ vous semble, de cesser voz leçons. Et s'il y escheoit crime digne de punition, que ce soit à l'Euesque que la cognoissance en soit gardée: defendant que desormais vn escolier ne puisse estre emprisonné pour debte estant cela prohibé par les constitutions des saints Canõs, & decrets legitimes. Le Pape deffend encor aux escoliers de n'aller avec armes par ville, & ne veut q̄ l'vniuersité prene la cause & defence en main de ceux qui troublent le repos du public avec leurs ports d'armes, & ribleries: De quel mesnage on vse aux leçons est veu en ce qu'il est soigneusement estably que nul liure sera leu, sans premierement auoir esté visité par les Docteurs, & receu par les Conciles, & apres qu'on en aura retranché les faultes si quelcune y en estoit sursemée. Est de l'ancienne ordonnance de l'Vniuersité de Paris q̄ les maistres, & escoliers estudians en la sainte Theologie ne s'affectionnent trop à aparostre grans philosophes, que ilz ne parlent point la langue vulgaire du peuple, seulement disputent en l'escole ce qui est de leur vacation, sans prophaner avec leurs questions, les choses saintes deuant le peuple. Iadis on obseruoit que si vn escolier mouroit à Paris sans tester, l'Euesque & quelcun des maistres se faisoient des biens du deffunt, les mettans en sequestre, iusqu'à tant qu'ils en eussent fait aduertir les parens du trespas, afin que rien ne fut defraudé à ceux à qui legitiment estoit deuë la succession.

*Gregoire II. seoit
en Auignon, l'ã
1372. Et retourna
à Rome l'ã 1376*

LIVRE TROISIEME

*Ceste ordonnance
fut faite par le
Cardinal Legat
l'an de grace. 1214.
du regne de Phi-
lippe Aug. et du
Pape Innocent. 3.*

*Ces statuts furent
faits l'an de gra-
ce 1337.*

*Serment en l'e-
lection du Recteur.*

*Promesse des pro-
cureurs des nations.*

*L'université ape-
lée fille par les
Roys de France.*

N'estoit permis à aucun de lyre dans Paris s'il n'auoit atteint l'an 21. de son aage, & n'auoit ouy les arts l'espace de six ans, & failloit que promist de lyre deux ans pour le moins, que celui qui voudra lyre soit bien renommé, non noté d'aucune infamie. Les liures d'Aristote, de Physique, & Metaphysique estoient prohibez à lyre publiquement par le commandement du legat Estienne Cardinal au mont Celic. N'estoit loisible de banqueter aux assemblées, ny responces, & actes des maistres si ce n'estoit en particulier que l'un amy pouuoit appeler, & conuier l'autre: ces reformatiōs sont bien abolies à present, où les banquets coustent plus aux pauvres & regēs & escoliers, que la pension de tout le temps qu'ils demeurent aux estudes. T'obmets pour cause de briefueté la donation du pré aux clerics, la confirmation d'icelle par les Papes, & Roys regnants durant les empeschemens, & vne infinité de statuts, tant sur les facultez, que les simples escoliers, & lesquels seruent au grand prouffit de l'Vniuersité & repos de la ville: seulement proposeray le serment, & forme de ce que iurent, & promettent ceux qui veulent auoir entrée en la congregation generale: Et premiere- ment ilz protestent de garder les priuileges, statuts, immunitiez, libertez & droits de l'vniuersité, en quelque estat ou grandeur qu'ilz paruiennent, & que au reste ilz ne reueleront point les secrets de l'Vniuersité. Faut que iurent d'vser de bonne & loyale foy en l'election du recteur: & à ceux qui veulent entrer au cours, & examen, on fait faire serment qu'ilz n'ont rien donné, promis, ny fait promettre ny au chancelier, ny à son commis pour l'audience, licence, examen, ou quelque autre deuoir que ce soit: & que à quelque degré d'honneur qu'ilz paruiennēt il ne fera iamais qu'ils ne portent honneur, & reuerence au Recteur, & à tout le corps de l'Vniuersité. Les Procureurs astraignent leur foy à bien & deuement exercer l'office à eux donné pour la nation de laquelle ils sont, poursuiuans ceux qui seront nuisibles par tous moyens possibles: Je laisse les sermēts des receueurs des nations, des Conseruateurs, de ceux qui examinent es determinances, & reciproquement de ceux qui sont examinez: ne veux discourir des licentiez aux arts, ny des Bedeaux chacun en sa nation, & moins m'amuseray au serment des libraires iurez soyent les quatre principaux, ou les vingt moindres, ny aux messagers, relieurs, enlumineurs, & parcheminiers deputez pour le seruice de l'escole. Passeray sous silence les articles que les maistres es artz, ains qu'auoir leurs lettres de maistrise, sont tenus de iurer deuant le recteur, ny ceux q' promettent les messagers voulans enuoyer en court de Rome: & ne me soucie d'escrire ce que le Recteur afferme, & promet en presence de la faculté alors qu'on l'institue, & eslit pour chef de toute l'escole, & n'employeray le temps à specifier la diuersité des habits en chacune faculté, & comme, & avec droit le chaperon est contemplé parmy ceste troupe de sçauants hommes, ie differe à vne autre fois avec quel apareil, pompe & ceremonies le Recteur se trouue aux obseques des Roys, & comme il tient vn costé de la rue, & l'Euesque de Paris l'autre, & le corps estat entré les deux: & ne fault s'esbahir si on fait vn si grand honneur aux chefs de l'escole, veu que les Roys festiment eux-mesmes honorez d'auoir donné le tiltre de leur fille bien-aymée à l'Vniuersité de Paris, pour

ris, pour la conseruation de laquelle sont commis les principaux prelatz de la France, & nommément vn des Pairs, à sçauoir le Comte, & Euesque de Beauuais : & qu'aussi c'est d'elle que sortent ceux qui font viure l'estat public en force, lequel sans les lettres s'en iroit à neant, & periroit comme l'herbe qui en l'ardeur de l'esté est sans humeur quelcôque. Il me sembleroit chose superflue de racompter le droit du recteur en celle foire du Ledit tant renommée, lequel fault qu'en face l'ouuerture, & sans l'autorité duquel accompagné de ses suppostz il n'est loisible aux marchas de mettre rien de leur denrée en vente: quoy que ceste puissance monstre, & l'antiquité, & l'excelléce des droits, & deuoirs de l'escole de Paris. Laquelle de nostre temps au grand honneur de noz roys treschrestiens, bié, & proufit de la cité de Paris, auancement de tous pauures estudiants, feu de bonne & perpetuelle memoire François I. du nom roy inuincible & restaurateur des bones lettres, a augmētée de douze lecteurs publics, & lisans gratuitement salariez du thesor royal, & monstras tout sçauoir, & toutes langues, a toutes les nations, qui se retirent à Paris pour y aprendre les bonnes sciences, & disciplines. A la charité de François a aydé la liberalité de Henry second grand amy des sçauans, & renouuelleur de l'ancienne discipline militaire, & la debonnaireté de Charles neufiesme continuant, voire surpassant ses predecesseurs, en ce que d'une main liberale & affection vrayemēt royale, & paternelle, il cherist les sçauans les nourrit & entretient, & préd plaisir, au milieu de tant de troubles, que & ses subiets, & les estrangers puissent auoir de quoy rassasier, & contenter leurs esprits en ce Royaume. Ainsi, par le moyen de noz bons roys, le Grec, l'Hebrieu, les Mathematiques, l'art d'oratoire, & philosophie nous estans familiers, & chacun en pouuant puiser gratuitement, & ce en la grand cité de Paris, ne faut s'estonner si ie l'appelle le miracle de l'vniuers, & la nourrice & mere de tout ce qui est de parfait entre les homes de sçauoir. Et ie prie ceux qui ont l'heur que de voir paris plus pour y faire aprentissage de vertu, que pour y passer leur vie en delices, qu'ils me dient quel plus grand, & gracieux contentement peuent ilz auoir, que lors qu'ils voyent celle assemblée venerable où le Recteur est comme vn Prince assis parmy la troupe infinie de tant de Docteurs, Licentiez, Bacheliers, & hommes doctes de tous ordres, estats, vacations, sciences, & doctrines, assisté de sa garde, non armée, mais ressentant la grauité d'un Senat Venitien, & où le seul clin d'œil a autant de puissance que ez maisons royales le grand escadron des hommes chargez de toute sorte d'armes. Quel plus grād salaire peut auoir l'homme de son labeur, & longue fatigue que l'honneur? puis que c'est luy qui nourrist les arts, & pour l'acquest & gaing duquel l'homme ne craint de mettre sa vie en hazard: aussi ceux qui ayant estudié deuëment, & donné preuue de leur diligence, reçoient pour salaire que chacun les voit mis au ranc des hommes honorables, parmy les premiers de tout le monde, & en la face d'un infiny nombre de peuple, & en la ville où toutes nations abordent, & la plus grande & fameuse que cognoisse guere nostre Europe. Je pourray encor deduire les statuts de la nouuelle reformatiō de nostre Vniuersité faite par le Cardinal d'Estouteuille en l'an de grace 1482. & reciter les

*Le Recteur ouure
le Ledit.*

*Institution des le-
cteurs royaux par
François premier
du nom.*

*Ce fut du regne de
Charles 7. Et seāt
à Rome Nicolas
cinqiesme.*

LIVRE TROISIEME

articles d'icelle, mais le temps me pressant, ie garderay ce discours pour vne seconde edition, où i'espère recueillir plus au long, & l'estat de la ville, & les droits tant des citoyens que de l'escole, & remarquer les hommes doctes ausquelz nous sommes redevables, & pour la memoire de leur vertu, & grande erudition les marques de laquelle paroissent encor es livres que nous auons d'eux, & qui nous aprennent à cognoistre que Paris ne peut estre surmontée de rien qui soit sous le Ciel, ny imitée que de soy mesme. Et voila quant à Paris seruât de craion pour dresser quelque iour le tableau micux adapté de couleurs, & si bien ombragé que les plus louches, ou iniques iuges de la peinture, filz ne sont du tout perueris y trouueront dequoy contenter leur calomnieuse enuie, avec laquelle les mescordans poursuivent mes escrits, sans que ie pense les offencer, si ce n'est en leur donnant dequoy se contenter, & me soumettant au iugement des sages & modestes, lesquels me feront vn grand bien, plaisir, & faueur, fil leur plaist de me monstrier mes fautes, sans descrier en secret mes escrits, & les accuser peut estre trop immoderément de vanité, & ignorance: mais fils sont ignorants ie les excuse, apellant neantmoins de leur sentence, n'eux veux croire que les sçauants, & telz qui soyent cogneus autant par leur erudition que ces enuieux par leur mescordie.

*Des Bourguignons, mœurs, & façons anciennes d'iceux, leur origine, con-
questes, & courses, & en quel temps est-ce qu'ils conquirent
les Gaules. Chapitre 34.*

*Peu de diligence
des historiens Frā-
çois sur l'origine
des peuples.*



Oz annalistes s'estans contentez iadis de seulement racompter la narration toute nuë d'une histoire, & le discours des choses comme elles se sont passées, ont aussi laissé comme caché sous le tombeau obscur de l'oubliance, l'origine des plus braues, genereuses & illustres nations de la terre. Et qu'il soit ainsi, ie vous prie de voir lequel qu'il vous plaira de noz historiens François, & d'y remarquer leur diligence, & lors vous cognoistrez qu'ilz vous ont assez gazouillé de la venue d'une, ou autre nation en la terre Gauloise, & n'y ont point oublié le temps, mais de passer outre, & esplucher de quel pais ces estrangers sont sortis, quelle a esté leur source qui les a incitez à diuaguer ainsi, les plus experts n'y ont presque donné aucune attainte. Veu que Aymon moine de saint Germain des prez, diligent au reste en l'histoire parlant du pais Bourguignon, en dit ces mots pour toute resolution, vne partie de la Gaule Lyonnoise, pour auoir esté occupée par les Bourguignons, retint aussi le nom de Bourgoigne: & parlant des Normands, voicy tout ce qu'il en propose: L'an 846. la nation Normande seruât sur la Gaule, vint iusqu'à Paris, gastant tout & saccagea le monastere de saint Germain lez Paris: il parle bien de ceste course Normande: mais il taist qui estoit ce peuple, d'où il venoit, & de quelle terre il auoit son origine: & d'autres voulans faire des suffisans se sont tellement embrouillez que lors qu'ilz se pensent auoir fait quelque grand chose, ils sont plus

*Aymon. liur. I.
chap. 5.*

*Aymon liur. 5.
chap. 20.*

esloignez de la verité que iamais, & si en lieu de contenter le lecteur, ilz luy donnent plus de travail, & fascherie. C'est pourquoy ie travaille tant à l'éclercissement des matieres, & me peine à feilleter les bons liures, pour ne laisser rien en doute, ou qui ne soit à tout le moins discourté avec telle diligence que chacun pourra parler par raison, & de son pays, & de ses ancestres, sinon de tous, au moins d'une bonne partie, à cause que les anciens (comme souuent i'ay proposé) se sont plus arrestez au bien faire, que à escrire leurs vertuz, prouesses, noblesse, & antiquité.

Comme ainsi soit, donc, que en mesme saison presque les Gaules se soyent iadis veuës assaillies de plusieurs, & diuerses nations qui enuioient la gloire de l'Empire de Rome, & taschoient de l'abatre pour establir leur puissance, & que on sçache que les plus braues qui les ont vsurpées, & les premiers sur la declination de la force Romaine, ç'ont esté les Bourguignons & François : ayant parlé de l'origine, courses, conquestes, & heur des vns, n'est inconuenient d'vsér de pareil deuoir aux autres, entant que depuis ilz se sont acharnez les vns sur les autres, & en fin s'accordants ont vescu souz loy, & langage semblable, recognoissantz mesmes Princes, & v'sans presque de pareilles mœurs & façons de faire. Pour à quoy satisfaire il nous fault reprendre l'histoire vn peu de plus hault que ceux qui iusques icy se sont arrestez sur le milieu, & ont commencé leur narré par le point qui leur deuoit seruir de fin, & est besoing d'aller visiter les païs loingtains pour y trouuer les semences du Bourguignon.

Les Wandalés estans aussi bien sortis de Scandinauie, & pays plus Septentrionaux que les Goths, furent iadis diuisez en diuerses bandes, & appelez de diuerses appellations, lesquelz neantmoins Pline dit estre Germains lors qu'il en parle en ceste sorte : Car la Germanie plusieurs années apres ayant esté descouuerte, quoy que non du tout, nous donne licence de coniecturer, que l'opinion des Grecz est fort esloignée, & differente de la longueur & estendue qu'Agrippe donne à ceste Prouince.

Or y a-il cinq sortes de Germains: les Wandiles partie desquelz sont contenus souz le nom de Bourguignons, les Warins, & Guttones, & ce qui sensuit au texte dudit Pline. Entre ces Wandiles, que communément on appelle Wandalés, les vns furent nommez telz, à cause qu'on les chassa de leur pays, entant que les Goths, & plus forts, & plus nobles, illustres & puissants que les precedents les contraignirent de vuidier, & habiter nouvelles terres : les autres se faschant d'ainsi courir, & changer de giste de iour à autre bastirent des villes, & bourgades, & pour laquelle occasion ilz furent appelez Bourguignons, comme ceux qui se faschoient d'ainsi courir, & remuer si souuent mesnage.

De ceste origine Scandinauienne fait mention Iornandez en son liure Gotthique : mais Procopie parlant des Wandalés est d'opinion contraire, disant ainsi : Les Wandiles se tenantz le long des paluz Meotides, se sentans pressés de faim, se ruerent sur les Germains, & ceux que à present on appelle François (car ceste nation festoit pour lors arrestée en la Franconie) & passans le Rhin, appellerent à leur alliance & société les Gothz & les Alans.

Quelles nations ont enuahi la Gaule apres les Romains.

Plin. li. 4. ch. 14.

Ptholomée appelle les Bourguignons Bourgeois: li. 3. cha. 5. Tab. d'Europe. 7.

Procop. li. 3. de la guer. Vandalique.

LIVRE TROISIEME

Or ce peuple ayant laissé son pays s'arresta le long de la mer Baltée entre les fleuves Wistule, & Albe, où sont à ceste heure les Prouinces de Pomeranie, Meclaburg, & Prussie, mais les Bourguignons, gens plus paisibles, & ayants le repos, comme ceux qui auoyent acoustumé de viure socialemēt & par les villages & bourgades, s'estendirent entre les deux fleuves de Wistule, & Boristhene, où est maintenant compris le Royaume de Poloigne. Ces pauvres Bourguignons furent presque tous desconfits, & ruinez par les Gepides leurs parens conduits par Fastide leur roy, qui s'attaqua aussi aux Goths les facha grandement, mais en fin les Lombards ruinerent la race des Gepides. Si les sūldits Bourguignons se sont iamais pourmenez par la Sarmatie, ie m'en raporte à ces vers de Sidonie à Maiorian lors que il dit:

Sidonie Apollinaire 1. Panegyrique a Maioria.

*Au pol Sithonien, ou l'ourse va naissant
Sous tes aigles s'esmeut le Basterne nuisant,
Le Sueue, & Pannonien, le Neure, Chune & Gethe,
Le Dace, & fier Alan, le Rugien siere beste
Le Vuese, & Bourguignon, l'Alite, & l'Ostrogoth,
Le Bassalte, & Procuste, le Procuste, le Goth,
Le Sarmate frilleux, le puissant Moscouire
A ton Aigle est suet, sous laquelle de spine,
Combat tout le Caucaise, & les flots Scythiens
Du Tanays glacé sont les esclaves tiens.*

Bourguignons au pres du Rhin. Ammiā Marcellin liur. 18.

Ammiā Marcellin liur. 28. Valentinian arme les Bourguignons contre les Alemans cecy aduint l'an. 377.

Le Bourguignon donc fortly que fut de Scythie, il passa, comme dit est, en la Sarmatie d'Europe, puis entra en la Germanie vers l'Ocean, & de là s'en vint pres le Rhin, où à present est le Marquisat de Bade, & la basse marche du Palatin du Rhin que Ammiā Marcellin apelle la region Capellatie, lors qu'il en parle en ceste sorte: Apres qu'on eust brulé la closture des maisons sans force, deffait & massacré vne grand multitude d'hommes, & qu'on en eut veu vne partie mis & taillez en pieces, les autres qui tédoyent les mains & suplioyēt qu'on les prist à mercy, on vint à la région nommée Capellatie, où Palas, où les bornes diuisoyent les finages d'entre les Alemans & Bourguignons, & ce fut là que le camp de Cesar fut assis. Ce Cesar estoit l'Apostat, lequel (comme auons dit ailleurs) fut proclamé Emp. en Gaule, & salué pour tel à Paris, & lequel courut sus aux Alemans voulans enuahir les Prouinces Romaines, entre lesquelz estoient les Bourguignons, qui apellez à la societē, & amitiē des Empereurs estans trompez par iceux s'emanciperent aussi bien que le reste des estrangers, ainsi que on peut recueillir du mesme auteur sus allegué, lors qu'il dit: Valentinian discourant plusieurs choses en son esprit, se voyoit angoissé diuerfement, considerant, & regardant les diuers succez aduenuz, & pensant par quelz moyens, & ruses, il romproit, & abatroit l'orgueil, & des Alemans, & du Roy Macrian, lesquelz ne cessoyent en sorte quelconque de troubler l'estat, & repos de l'Empire. Car ceste furieuse nation estoit estimée auoir esté libre, & sans sentir déz le commencement aucun effort d'autrui, bien que naissant elle eust esté affligée de diuers assaulz de fortune. En fin l'Empereur s'arre-

resta en cest aduis, & deliberation, qu'il seroit bon d'irriter les Bourguignons, contre lesditz Alemans, sçachant que c'estoit vn peuple vaillant & guerrier, & le nombre duquel estoit infiny en multitude, & par mesme moyen qui estoient craints, & redoutez de tous leurs voisins. Ainsi il escriuoit souuent secretement à leurs Roys, fuydant de la diligence des hommes plus fides de sa suite, & qui tinssent son affaire secret, à fin qu'à temps certain ils se ruassent sur l'Alemant, avec promesse de leur tenir la main, & passant le Rhin de se venir mettre à la face, & au deuant d'iceux avec l'armée Romaine lors qu'ils seroyent estonnez de l'appareil, & forces de la gaillardise Bourguignonne. Il y eust deux raisons qui inciterent les Bourguignons de condescendre de bon cœur à cecy, & de recevoir les lettres du Prince Romain: la premiere entant que les Bourguignons se vantoient que dès long temps ils estoient sortis de mesme race & sang que les Romains: d'avantage qu'ilz auoyent debat, & querelle avec l'Alemant à cause des salines, & des limites, & finages de leur Prouince: qui fut cause qu'ilz enuoyerent vne belle armée d'hommes vaillans, & choisis à l'eslite, & laquelle donna vn grand estonnement aux nostres estant venue iusqu'au Rhin, l'Emp. estant assez empesché à dresser l'equipage, & munitions de son camp, & n'ayant encor assemblé toutes ses bandes. Peu de temps apres, voyant que Valentinian ne leur tenoit point promesse, & n'estoit point venu au iour promis, cognoissans encor qu'on ne faisoit aucun estat de leur fournir ce qui estoit contenu en leur capitulation: ilz enuoyèrent des messagers aux peuples voisins qu'on leur fournist viures pour s'en retourner à leur païs, & à l'Empereur secours à fin que l'ennemy ne leur donast sur la queue lors qu'ils se retireroient en leur terre. Mais voyas que cauteusement on leur denioit ce deuoir, & que delayant on bastissoit quelque tromperie, ilz partirent de là irritez au possible contre les Romains. Les Roys Bourguignons, comme se sentas piquez de telle moquerie & mespris, fuygrissans de la forbe, firent occir cruellement les captifz qu'ils auoyent, & se retirerent en leurs terres. Or le nom general de leurs Roys estoient Hendins, & selon l'ancienne ordonnance du païs de leurs maieurs ce peuple depose ses Roys, & les priue de leur autorité s'ilz ont receu quelque perte en bataille, ou si la terre n'a point porté assez de semences & fruits pour leur nourriture, tout ainsi que les Egyptiens ont de coustume d'attribuer ces defaulx à ceux qui sont commis pour gouverneurs de leur Prouince. Or le plus grand d'entre les Prestres & sacrificeurs Bourguignons s'appelloit Siniste, lequel estoit perpetuel, & non subiet à incommodité, ou peril quelcōque d'estre chassé ainsi qu'il en aduenoit aux Princes, voila ce que Ammian dit des querelles des Bourguignons avec l'Alemant, & comme ils s'arrestèrent pres la riuere du Rhin. De cecy fait foy ce que Mamertin recite, lors qu'il racompte qu'estans les Bourguignons presque ruinez & du tout deffaits par les Goths, se voyans chassés de leur terre se ruèrent sur les Alemans, & en despit qu'ilz en eussent, mais non sans grād effusion de sang, ilz prindrent païs, & occuperent terre pour s'y arrester. Oyons encor ce que Paul diacre en recite en l'histoire Romaine: Valentinian donc (dit-il) deffait & accabla sur les

De ceste alliance Ammian n'en esplucherien. Pourquoy le Bourguignō en vouloit à l'Alemant.

Ruse de Valentinian pour affoiblir les Barbares.

Roys Bourguignōs iadis ayans fort peu de puissance.

Sinistes iadis nommez les souverains sacrificeurs des Bourguignons.

Mamertin Pa-negiriste des Bourguignons. Europe hist. Ro. liv. 12. en la vie de Valentinian premier.

LIVRE TROISIEME

Bourguignōs nouveaux ennemis pour l'Empire.

limites François (car les François se tenoyēt lors en Alemaigne) les Saxōs peuple soy tenant le long de l'Ocean, & parmy les paluz desuoyables de la mer terrible à cause de sa force, agilité, & adresse, fort dangereux voisin pour les limites de l'Empire Romain, & qui s'aprestoit de faire vn grand rauage sur les terres imperiales avec vne grande & furieuse armée. Et lors fortist en lumiere vn nouveau nom d'ennemys des Bourguignons c'est à sçauoir, lesquelz vindrent s'arrester le long du Rhin avec vne armée de plus de quatre vingts mille combatans. Ceux cy iadis, lors que Druse, & Tybere enfans adoptifz d'Auguste Cesar, mirent la Germanie souz l'obeissance de l'Empire, s'estans assemblez par escadrons & cartiers, accreurent en vn grand peuple: & prindrent nom de leur façon, & maniere de bastir, entant qu'ilz appelloyent leurs villages bastis fort frequens en diuers lieux, Bourgades, & estoit leur force, & puissante, & dangereuse, ce que les Gaules peuuent tesmoigner pour le iourd'huy, où ils se tiennent comme possesseurs pretenduz de la Prouince: & lesquelz peu de temps apres receurent la foy Chrestienne. De là on peut recueillir que du temps de Valentinian. i. de ce nom les Bourguignōs se tindrēt le long du Rhin, voisins des Alemans, d'où auant, & mettās des vaisseaux sur ladicte riuiere ilz passerent en Gaule, & gasterent, & depopulerent tout le pais Belgique, à quoy accordant le bon Euesque d'Auuergne Apollinaire dit ainsi:

Sidonie à Auite

Le Belge il deliura, & l'osta de la main

Et liens du Bourguignon farouche, & inhumain.

Luitprand liu. 3. chap. 12.

Cest Hugues estoit Comte d'Arles, & fait Roy d'Italie l'an de grace 926. Blond. 2. de l'inclination de l'Empi.

Vous voyez comme les anciens ont interpreté le nom Bourguignon, & d'où ilz disent qu'il a pris sō origine, mais Luitprād Tihcinois est d'un autre & fort diuers aduis, donnant vne autre cause, & raison de ce nom, lors qu'il indrouit Alberic haranguāt cōtre Hugues Tyran d'Italie: Sera il dit, que les Esclaues des Romains, à sçauoir les Bourguignons, soyent si auancez, que d'auoir commandement sur les Romains, fil est ainsi qu'il a donné sur la iouē à son beau filz, tel que ie suis, estā encore nouveau hôte en ce pais, que pēsez vous qu'il fera en vostre endroit, si vne fois il a prins pied, & fest enuieilly en force parmy vous? Ignorez vous quelle est la cōuoitise, orgueil, & arrogāce du Bourguignō? Si vous ne le sçaez, regardez ie vous prie l'ethimologie du vocable, & source de leur nom. Ilz furēt appelez Bourguignōs pour l'occasiō qui s'ensuit: car cōme les Romains les eussent vaincuz, & assuiertis, & en eussent menez plusieurs en seruage ilz leur ordōnerēt de se tenir, & bastir leurs maisons hors les villes, desquelles ils furēt puis apres chassē par les Romains à cause de leur superbe, & rebellion: & d'autāt qu'ils nōment en leur lāgue Bourg, vn lieu, & circuit de maisons nō enuironē, n'y ceint de muraille, pource qu'ilz furēt expulsez de leurs Bourgz, on leur dōna le nom de Bourguignōs. Mais quāt à moy ie les appelle Bourguignōs, ou plustost Gurguliōs, soit q'ie cōsidere qu'eux enflēz d'orgueil, s'ēplissent le gousier, & parlās gros tenās propos à quelcū ou plustost, cōme la chose est aussi plus veritable, d'autāt qu'ils sōt gouluz & gourmāds & s'adonnēt par trop au plaisir, & chatoüillement du gosier. Il suffit, ce me sēble, de ce qu'auōs dit & des courtes premieres, & de l'origine de ce peuple, & de la cause de sō nom, toutesfois auāt que de l'intro-

Assez mal propre interpretation de vocable.

duire en Gaule, il est raison de môstrer quelles estoÿent ces mœurs, & façons de vie, & quels aussi furēt iadis ceux desquelz ilz enuahirēt les terres en Gaule: Nous auôs souuēt parlé des Scythes, & de la grâde varieté de leurs loix & coustu. au viure, mais selō la sentēce des pl^o anciēs, si ce n'est q̄ parlāt des Tartares, ou Hōgres, no^o en auôs spécifié les manieres: mais touchās les Goths, Alās, & Wādales espluchās les premiers, les autres, parmy lesq̄lz (cōme dit est suÿuāt l'opiniō de Pline) sont les Bourguignōs restēt à estre mētiōnez, & desquelz i'auoy differē le recit iusqu'à leur lieu, & place propre. Les Alās dōc, desquelz le nom s'estēdoit iadis sur plusieurs, & diuerſes sortes de peuple, quoy q̄ fussēt ſeparez les vns des autres, & partis par hameaux, & Bourgades assez esloignēes, & ſeparēes d'eſemble, & ayās grâde diuerſité de noms, si est-ce q̄ la ſimilitude des mœurs les faiſoit tous entre-cognoistre: Entāt q̄ tous, à la façō des autres Scythes viuoyent plus de lait, & chair de leur beſtail q̄ de choſe quelcōque, ayās la ieuneſſe acouſtumée d'aller à cheual, & tous bōs guerriers & ſages en ce qui est de l'exercice militaire. Ils estoÿēt de belle ſtature, ayās les cheueux assez blōdz, les yeux qui tiroÿēt vn peu ſur le ſarouche, & legers à la courſe, à cauſe qu'ilz ne ſe chargeoyēt point par trop d'armes, ſēblables preſque aux Huns, ſauf qu'ils estoÿēt plus acoutables, & gracieux, & ſe maintenoyēt plus propremēt. Et tout ainſi que les hōmes qui ſont paſſibles aymēt vn repos delectable, ceux cy ne prenoÿēt plaſir qu'à la guerre, & ne ſe delectoyēt que lōrs qu'ils voyoyent de grandz perils les acouſtumer au trauail: auſſi celuy estoit entr'eux eſtimé biēheureux lequel ſinoit ſes iours en bataille, & par cōſe quēt ilz iugeoyēt l'hōme poltrō, & de vil eſprit, qui vieilliffant mourroit de ſa belle mort en ſa maiſon & le chargeoyēt d'iniures, & reproches. Ils ignoroÿēt q̄ c'estoit que de ſeruitude, cōme eſtās ſortis tous d'vne gene-reuſe, & illuſtre ſemēce: & les iuges qu'ils choiſiſſoyent pour faire droit à chacū estoÿēt pris d'ētre ceux qui par lōg vſage auoÿēt aquis l'experience de pluſieurs grâdes choſes au fait militaire. Or ſont toutes ſes conditions generales, & cōmunes à tous les peuples Scythiēs, mais celles des Bourguignōs ſont dreſſēes mieux par Sidonie Apollinaire quand il dit. Tu es vn nouueau Solon entre les Bourguignōs en diſputāt de la loy, vn Amphion renouuellē à ſonner de la harpe, & en accordāt les inſtrumēs tu es aymē, frequētē, deſirē, tu plaſ à chacū, tu es apellē de tous, & choiſy de tes voiſins, & es eſcoutē, & tu iuges des affaires de chacun. Et cōbien q̄ les Bourguignons ſoyent groſſiers & de corps & d'eſprit, & que leur ame ſoit mal dolēe & polie, si est-ce qu'on apprend de toy le langage, & cœur purement Latin. Voyez icy comme Apollinaire, paint ce peuple l'appellant groſſier, ſimple, ſans ruſe ny malice quelconque: & ailleurs il les nomme Barbares, gourmandz, & les dit eſtre d'vne ſtature deſineſurēe, & qu'ils ſoignoyent les cheueux avec du Beurre, & chantoÿent lōrs qu'ilz auoyent bien banquetē, les viandes desquelz il deſcrit auoir eſtē des Aux, & oignons, & ne ſe ſouciens de l'ornement, & parure gentille de leurs perſonnes, cōme auſſi ſoit que les Gauloys de tout temps ayent eſtē propres, & ſoigneux de ſe tenir honneſtement en ordre. Au reſte les anciens bourguignons, arreſtez que furent en quelque ſiege que ce

*Cecy eſt d'Am-
mian Maccellin,
lin. 31.*

*Alans, V Van-
dales, & Bour-
guignons libres.*

*Quels iuges iadis
eſtēz, entre les
ſeptentrionaux.*

*Sidonie Apolli-
naire à Siagrie,
lin. 5. Epist. 5.*

*A Cathulin pa-
negyriq. des Nop-
ces.*

*Bourguignons de
route anciennētē
vignerons & la-
boureurs.*

LIVRE TROISIEME

fust auoyent pour leur soing principal, & cure particuliere l'art de Ma-
reschal, & Charpentier cōme les plus honorables, & necessaires s'adōnans
au labourage, & cultiuans les terres, plantans la vigne, & portans le tiltre
des meilleurs vigneronz & plus expertz & diligēs laboureurs qu'on sceut
pour lors ny es Gaules, ny en toute la Germanie. Et respectoyent tellemēt

*Voy Vegece de
l'art militaire.*

cest ordre, & condition d'hommes, qu'il n'estoit permis à autre qu'aux la-
boueurs de faire & créer leurs Princes & Magistratz : & iagoit que l'A-
griculture les detint ainsi employez, si est-ce qu'ils ne mesprisoyent les ar-
mes, ains choisissoyent les plus fortz, robustes, & gaillards d'entre la ieu-
nesse chāpestre pour aller à la guerre: à laquelle ilz portoient pour se cou-
urir, suyuant l'ancienne façon des Barbares de Scythie, des cuirs non pa-
rez, ny conroyez des bestes qu'ilz occioyent : l'arc estoit leur exercice, &
des saiettes qu'ilz oignoyent de certaine herbe venimeuse, ainsi qu'à pre-
sent en vsent les Caribes es Indes occidentales. En leurs enseignes ilz por-
toyent vn serpent se trainant & entortillé en plusieurs entortillemens, &
qui tenoyt la gueule entre-ouuerte comme prest à deuorer quelque cas,
& le paignoyent sur leurs targues, rondaches, & Pauois. Auoyent encor
de coustume de porter en guerre, & pour signe en leur enseignes vn Escu-
rieul, tout ainsi que les Cimbres vn Toreau, Les François vn Lyon, ains
que venir en Gaule, & les Gepides vn nauire. Quant à leur religion, c'est
sans faillir qu'ilz ont esté Idolatres tout ainsi que le reste des septentrio-
naux, & que suyuant la superstitiō des Scythes, Alans, Wandales, Goths, &
Gepides, ilz ont eu vn glaiue pour Dieu, leur representant Mars le grand,
& premier conducteur des armées, auquel ilz sacrifioyent iadis les hom-
mes sans luy bastir ny temple, chapelle, ny oratoire quelconque. Mais com-
me ilz vindrent à la cognoissance de l'Euangile, il le fault sçauoir. Eux se
tenans encor en Alemaigne apres que les Gothz les eurent chassés d'au-
pres du fleuve Wistule, il n'estoit année du monde qu'ils ne se veissent af-
failliz, & traitez fort mal par les Huns, qui en vouloyent à tout le monde
sans qu'ils portassent respect à nation quelconque, & qui les conduirent
à telles angoisses que desia ilz le craignoyent de voir la ruine derniere de
leur nom, & l'abolition de leur memoire. Et comme tous moyens leur
faillissent, & entendissent parler souuent les Chrestiens, qui leur propo-
soient la puissance de Dieu, & les miracles qu'il faisoit, & auoit fait iadis
pour la deffence de son peuple, poussiez & de crainte, & de quelque zele,
s'adresserent à quelques Euesques Chrestiens, & les appellerēt pour sçauoir
d'eux quel moyē il y auoit pour se deliurer d'une telle seruitude : Ceux cy
voyans l'occasion se presenter pour faire vn grand seruice à Dieu, sortent
de leurs cachettes & lieux escartez, car ilz n'osoient se monstres, craignās
la mort, à cause des Idolatres mal affectionnez au Christianisme, & sans
rien craindre commencent à prescher Iesus Christ, & dōner cœur au peu-
ple, que s'il vouloit laisser ce faux, & abominable seruice des Idoles pour
embrasser la foy de l'Euangile, que sans nul doubte Dieu leur assisteroit,
& les allegeroit de tant de maux que iusqu'à lors ils auoyent souffert par
les courtes, inuasions, & assaults des Huns. Le simple, & aisē à gagner
Bourguignon touché du doigt de Dieu, oyt de bon cœur les prescheurs,
adiouste

*Armes & ar-
moiries anciennes
des Bourguignons
Sidonie.*

*Methodie mar-
tyr.*

*Goths & autres
Septent. adoroient
glaiue.*

*Bourguignons chas-
sez par les Goths.*

*Bourguignons af-
fugez, estragemēt
par les Huns.*

*Comme les Bour-
guignons deuinrent
Chrestiens.*

adiouste foy à leur dire, se laisse instruire, & catechiser, prend la doctrine Euangelique pour loy, apprend les saints misteres de nostre religiō, & ainsi préparé soumet son col superbe sous la main du saint Ministère de Dieu, pour receuoir le salutaire lauement de sainteté & regeneration. Que fault icy discourir si longuement, avec le changement de l'opinion des Dieux fains, à l'adoration d'un seul, & tout puissant createur du Ciel, & de la terre, fut conioint celuy de leur infortune à un grand heur & felicité, d'autant que comme Subtare Roy Hun, & oncle d'Attila vint leur faire guerre, ils le deffeirent brauement, & fut telle & si remarquable la victoire qu'il n'y demeura presque Hun qui ne passast souz le tréchant de l'espée Bourguignonne, l'en fuyans ceux qui peurent se sauuer, d'une telle & si perilleuse tempeste. Et aduins ceste grande victoire, & le temps de la conuersion des Bourguignons à nostre foy, non du temps de pas un des Theodoses, ainsi que compte Paradin (duquel en autre chose de ceste histoire ie louie le sçauoir, & diligence) ains tenant l'empire d'Orient Arcadie, & en Occident Honorie estant monarque, & seant sur la chaire saint Pierre Anastase, & non Boniface, comme aussi met le susdit Paradin, sans dire le quantiesme il est au nombre des souuerains Euesques de l'Eglise vniuerselle, cōme ainsi soit que ledit Boniface. i. seoit à Rome l'an 422. les Bourguignons estans desia arrestez en Gaule, comme ceux qui y arriuerent souz Innocent. i. & Theodose le ieune tenant l'Empire d'Orient en l'an de grace. 417. Or auant que passer outre en leur histoire faut veoir au chapitre suyuant quels estoient ceux qui habitoient le païs, où à present est la Bourgogne auant que ceux cy arriuaissent en Gaule, & comme ilz les en depossederent.

*Huns vaincus
par les Bourgui-
gnons.*

*Subtare Roy Hū
oncle d'Attila.*

*Faulte de Para-
din en son histoire
de Bourgogne.*

*En quel temps les
Bourguign. vin-
rent en Gaule.*

*Quelz estoient les Gaulois tenans le pays à present Bourguignon: la conqueste d'ice-
luy, les loix, & quelz Princes y ont commandé auant que le Roy
de France en fut le souuerain. Chapitre 35.*



LES Alemans (ainsi que racompte le Panegiriste Mamertin) faschez q̄ les Bourguignōs les tinssent si longuement priuez, & bannis de leurs maisons conspirans ensemble & leur liberté, & le recouurement de leurs terres, ne faillirēt d'effectuer la chose tout ainsi qu'ilz l'auoyent complotée, qui fut cause que les occupants voyans avec quelle furie les dechassiez leur donnoient dessus ne feirent trop le retif à quitter la place, & passans le Rhin vindrent en Gaule, auant que les François y donnassent atteinte aucune, & iceux se tenans encor en Franconie ayant pour Duc, & chef Pharamond, lequel ne portoit encor le tiltre de Roy, ains luy fut donné Zozime seant à Rome l'an de grace quatre cens vingt, où les Bourguignons estoient en Gaule dès le temps deduit cy dessus. Cecy est assez gement deduit par un docte, & excellent hōme de nostre siecle, Beat Rhenan bien merité des lettres, & ornement de la Germanie, qui en parle en ceste sorte: Tenant l'Empire le filz d'Arcadie nommé Theodose le ieune

*Mamertin Pa-
negiriste.*

*Voy Paule Emi-
le lin. i. de l'hist.
Françoise.*

*Rhenan. lin. i. des
choses de la Ger-
manie.*

LIVRE TROISIEME

ce furent les Bourguignōs premieremēt qui passans de la Germanie vindrent enuahir les terres des peuples voisins de Seine, & des Eduens, & se retirerent là, pressez des Alemans qui les chassoyent de la Prouince que quelques annes au parauant ils auoyent violemment sur eux occupée, & de laquelle ils leur auoyent souuent redemandé la iouissance. Parlant ainsi les auteurs de ceste trāsmigration en Gaule faut voir en quel cartier d'icelle ce fut, veu que nous sçauons en combié de parties les Gaules sont diuifées, & n'ignorons point que tout ainsi que les Gaulois furent ceux qui avec leur force, & vaillance, causerent l'establissement de la Monarchie des Cefars à Rome, que par eux aussi fanonchalissans, le renom Romain fanéantist, & avec le saccagement des Gaules on voit l'Empire s'en aller à veuë d'œil à neant: aussi toutes les nations estranges prenoient leur chemin vers le païs Gaulois pour y dresser leurs conquestes, chascune en arrachant quelque eschantillon, tant le païs leur plaisoit, & auoyent à gré, en occupant ceste belle Prouince, de faire quelque grand desplaisir au Monarque de l'Empire.

Gaulois cause de la grādeur de Inle Cefar.

Tout le mōde conroit sus aux Gaulois à cause des Romains, y arrestez.

Voy Sexte Pompee à Valentiniā Emp.

Nombre des Prouinces Gauloises suiettes iadis à l'Empire Romain.

Ducz des Limites changez en Princes hereditaires depuis.

Maisons de Tournon ancienne, & illustre.

Or auant que nous enquerir plus auant de l'estat ancien des Gaulois, faut sçauoir quelles estoient les Prouinces sur lesquelles les Romains auoyent commandement, quelz pays leur estoient alliez, & ceux qui les aymoyent & caressoyent d'auantage. Les Prouinces iadis subiettes à l'Empire Romain sont ainsi comptées par ceux qui iadis en faisoit les denombrements: la premiere, & seconde & troisieme Lyonnoise, la Lyonnoise de Sens, la premiere Belgique & seconde Belgique, les Alpes maritimes, les Alpes Penines & Grecques. La premiere, & seconde Aquitaine, la Neupopulane, la premiere & seconde Narbonnoise, & la grand region des Sequanois: lesquelles toutes estoient gouvernées par trente gouverneurs & presidents, car autant en auoyent les Empereurs Orientaulx es parties de deçà qu'ilz appelloient Occidentales. Or les lieutenants generaux auoyent sept Presidenz sous leur iurisdiction & puissance & en chascune prouince y auoit vn Colonel commandant sur les Legions Romaines, lequel estoit tousiours en garnison sur les frontieres, & portoit le nom de Duc du limite cōme celuy qui estoit Duc sur les Sequanois estoit nommé Duc du limite Sequanien, & celuy du Rhosne, chef du premier, ou second limite du Rhosne. Les liures des historiens parlans de cecy, donnent encore le loz aux anciens, qui ont esté si curieux, & diligens obseruateurs de l'antiquité que d'en auoir laissé grauée la memoire es marbres, & Bronzes, & autres choses durables: comme l'on en peut lyre vne au Chasteau de Tournon, portāt marque de telle antiquité que le lieu, & la famille le monstrent assez, pour estre des plus illustres de ce Royaume, & des premiers, soit en sang, vertu, ou ancienneté que pas vne des Gaules: & où les maieurs ayant laissé la memoire de leurs gestes, ont laissé des enfans qui n'ont en rien forligné de la generosité qu'ilz leur ont marqué au front, imprimé en l'ame, & graué en toutes les actions de leur vie. A Tournon donc le long du Rhosne se voit vn Marbre avec ceste inscription.

*Imperator Caesar diui**Traiani Parthici**Filio diui Nerva.**Nepoti Traiano**Hadriano Aug.**Pontif. Max. Trib.**Potest. III. Conf. III.**II. Rhodanici**Indulgentiss. principi.**Marbre ancien
pour Traian estab
Duc du 2. Limite
du Rhosne.*

Ces Prouinces cōsiderées, & sçachās que l'histoire porte que les Bourguignons se saisirent du païs Sequanois, il fault voir quelles gens c'estoyēt desquels Cesar escrit que leur Empire estoit fort grand en Gaule veu qu'il s'estendoit iusqu'aux finages de Basle, qui à present est de la contribution des cantons des Suisses: là où à parler proprement les Sequanois estoient ceux qui se tenoyent au païs qu'à present on nomme la Franche Comté, entant que ce qui est maintenant du Duché de Bourgoigne, estoit compris souz les Heduens, & Lingoniens, à sçauoir ceux du finage, contribution, alliance, & obeissance des villes capitales d'Autun, & de Langres, lesquelles ont depuis esté aussi comprises souz le pouuoir royal des Bourguignons du temps que ceste Prouince estoit erigée en Royaume.

*Qui estoient les
Sequanois.*

Ie m'amuseroy longuement à vous deduire les mœurs anciennes de ce peuple, sa vaillance, integrité, foy, loyauté, constance, & grand cœur defendant sa liberté contre la tyrannie des voleurs de l'vniuers, mais Cesar qui les conquist avec leurs forces mesmes, vous en peut faire le recit, & auquel ie vous renuoye, seulement vous dis que si les Heduens, & Sequanois se fussent bien entre entenduz & que les Heluetiens eussent eu amitié avec tous les deux, & que les Gaules n'eussent esté partialisées, Cesar ne fut venu si à son aise à bout de son entreprise, d'affluettir les Gaules sous l'obeyssance & enseignes de l'aigle Romaine.

*Voyez Cesar en
ses Comment. liu.
1. & 2.*

Reuenons aux Bourguignons puis que ce sont eux qui se saisirent & du Sequanois & des terres des Heduens, & Autunois, & qui estendirent leur Empire iusqu'aux Senonois d'une part, & la Prouence d'une autre, comme lors, ainsi que j'ay dit, la Gaule fut le iouiet de toutes les nations, ainsi que le chante Pacat escriuant à l'Empereur Theodose: C'est (dit-il) ce que iadis Arcadie souhaittoit, lequel a perdu les Gaules mal fortunées: ie plore les Pannonies, & n'attendz que l'extreme ruine des Gaulois, puis adiouste. Ou commenceray-je donc, si ce n'est à toy Gaule qui entre toutes les terres, ou s'estoit arrestée ceste peste te peux à bon droit attribuer le priuilege de souffrir ces miseres?

*Pacat à l'Emp.
Theodose le ieune.*

Procopie n'en dit pas moins parlant en ceste sorte des Bourguignons: au mesme tēps (dit-il) s'estans ruez sur l'Empire Romain, ilz tindrēt souz leur main & puissance les Pannonies, & vne partie des Gaules de là le Rhosne suiette & tributaire, Sidonie monstre en quelles angoisses ils auoient conduit les Empereurs, lors qu'il escrit ainsi à Vincēt, luy declarāt les menées d'un certain Aruande qui trahissant & son païs & son Prince,

*Procopie en la
guerre Gothique.**Sidonie Apolli-
naire li. i. epist. 7.
à Vincēt.*

LIVRE TROISIÈME

incitoit les Barbares contre les vns, & les autres, & voicy cōme il en parle:
 Les ambassadeurs de la Prouince Gauloise Tonance, Ferreol, Thaumaste,
 & Petronie hommes & doctes, & bien disans, & lesquels nous deuons
 mettre entre les plus excellens & illustres de nostre païs, suyurent Ar-
 uande au nom de tout le peuple pour l'accuser deuant le Senat à Rome
 portans les charges & informations contre luy dressées. Ceux cy entre
 autres choses que les estats du païs leur auoyent enchargé de faire, por-
 roient des lettres surprises entre les mains du secretaire dudit Aruande, &
 lesquelles s'adressoyēt aux roys des Gothz, que le susdit secretaire, pris que
 fut confessé estre enuoyées de la part de son maistre. Or destournoit Ar-
 uande le Roy Goth de la paix avec l'Emp. Grec, luy monstrant qu'il fal-
 loit plustost se getter sur les Bretons arrestez le lōg de la riuere du Loire,
 & estoit besoing de partir les Gaules avec les Bourguignons selon le droit
 des gentz. Voyez les Bourguignons en Gaule, & ceux qu'ilz auoyēt gai-
 gnez pour soustenir leur party, à fin qu'on cognoisse que iamais païs ne
 fut enuahy par aucun estranger quelque force qu'il eust, sans la trahison,
 & meschanceté de quelqu'un des naturelz de la Prouince. De l'espouuē-
 tement que ces nations donnoient pour lors aux Gaulois, le mēme Si-
 donie en parle encor à Felix en ceste maniere: Gorolas Iuif de nation, &
 Client de vostre excellence, lequel n'estoit sa secte que ie mesprise, seroit
 fort chery de moy, vous porte des lettres de ma part, lesquelles j'ay escrit
 esmeu de grand tristesse: Entant que nostre cité estant comme vn limite
 & borne du païs voisin, est grandemēt effrayée pour voir les nations bar-
 bares, & estranges l'auoisiner, & comme encindre avec leurs armées de
 toutes parts. Ainsi estans posez au milieu de ces peuples qui nous hayent
 ou portent enuie, comme prestz de leur seruir de proye miserable, som-
 mes soupçonnez par les Bourguignons, & auons les Gothz à la queue,
 & ne pouuons euitier le courroux des assaillans, ny l'enuie de ceux qui
 nous deffendent. Et en vn autre passage descriuant à Lampridie, en vers
 quelqu'une des nations qui pour lors couroyent toute l'Europe vſe de
 ces parolles.

Aruande traistre.

*Ce Roy Goth es-
toit Theodoric.*

*Ces Bretōs estoient
ceux de la grand
Bretaigne.*

*Sidonie li. 3. epist.
4. à Felix.*

*Ceste cité estoit
Clermōt en Au-
vergne.*

*Sidonie li. 8. epist.
7. à Lampridie.*

*Icy court vagabond le Herule aux pers yeux
 Qui se tient aux recoings de l'Ocean ondeux
 Ayant mesme couleur presqu'en son fier visage
 Que celle de la mer troublée en son orage:
 Icy le Bourguignon de sept pied & de hauteur
 Flechissant le genoil demande de bon cœur
 La paix & le repos: sous la main, & puissance
 De ceux cy l'Ostrogoth prend effort & deffence.*

Ainsi ces nations vnies ensemble assailloyent le pays Romain: & rai-
 foyēt la gloire des anciens Gaulois, iadis l'estonnement de tout le mode.
 Aux Bourguignons encor se ioignirēt les Nuithōs desquels parle Tacite,
 & de qui à pris son nom le païs de Nuithlād, & se feirēt seigneurs du païs
 Sequanois, lors q̄ les amys d'Erie & Arbogaste dresserēt des embusches

contre l'Emp. Valentinian, & qu'iceluy fut occis par vn soldat qui auoit d'autrefois fuiuy Etie, que l'Empereur auoit fait mourir ignominieusement & iniustement apres en auoir receu les plus grands seruices que seigneur, ou grand guerrier scauroit faire à son prince. Ce fut cest Etie, qui voyant les Bourguignons se fagarer en leurs façons de faire, & s'enorgueillir se voyant maistres d'un pais si fertile, & riche q̄ celuy qu'ilz possedoyent, & qu'au grand mespris de l'Empire Romain, ils faisoient des courtes sur le pays voisin, & pilloyent les finages des citez limitrophes, & alliées de l'Empire leur fait la guerre, les vainquist, & prist prisonnier leur Roy Gunditare, c'est ainsi que l'appelle l'histoire de Constantinople, comme ainsi soit que les histoires Bourguignonnes le nomment Gundioque, lequel puis apres Etie deliurant, fait paix avec luy, & l'associa à l'alliâce & amitié du peuple Romain, en laquelle persisterent les Bourguignons: veu qu'en la bataille contre les Huns, & Attila ilz s'y trouuerent pour l'Empire avec les Goths & les François. Le predecesseur de Gundioque auoit esté Gandegefel, qui signifie cōpaignon doré, & fut le premier Chrestien, & appellé à la cognoissance de Iesuchrist par la predication de Domitian Euesque de Geneue, de Rustique Patrice de Tarentaise, & de Theodole Euesque de Syon cité bastie aux Alpes. Ce fut sous ce Roy premier baptisé que ce peuple passa le Rhin, & vint habiter au pais Hedué, & Sequanois chassant les naturelz de leur terre, ou pour mieux parler, se meslans ensemble, & de deux peuples n'en faisans qu'un, comme aussi feirent les François depuis: car de dire qu'ils eussent destraciné la memoire iusqu'au fonds de la race Gauloise il est aussi peu vray-semblable, comme l'on voit si les Grecz sont du tout ostez de la face de la terre, quoy que le Turc aye enuahy leur Prouince.

Quant aux terres tenuës sous leur iurisdiction apres qu'ils se furent saisis de la Gaule, & Etie & Valentinian estans decedez, le Royaume d'Arles nous en fait foy, qui estoit du fief, & conquestes Bourguignonnes, & la succession de Gontrâd Roy d'Orleans & sorty d'un des enfans de Clotilde heritiere de la maison de Bourgoigne: & le pouuons encore recueillir par les patentes du Roy Gundebauld oncle de la susditte Clotilde, apouuées au liure des loix par luy establies sur son peuple, faites à Lyon, où il auoit assemblé les estats, & conseil des Princes de toutes ses terres: tellement que les deux Bourgoignes que nous apellons & Duché, & Franche Comté, le Dauphiné, Lyonnais, Forests, Viuares, & Prouence, vne partie du Bourbonnois, & le Niuernois estoient des apennages des conquestes Bourguignonnes. Parainsi ayans tenu propos des loix de ce peuple, ie suis d'aduis, qu'auant que deduire les Roys, ny leur durée, & continuation, ny le changement des estats Bourguignons, nous monstrions sous quelle ordonnance, & police a iadis vescu ceste nation Wandale & Scythique: & puis que c'est Gundebauld qui fut le legislateur, & qui regnoit sur eux du tēps mesme que Clouis le grand tenoit l'Empire des François, ie suis d'aduis que nous recueillons quelques propos des patētes mesmes, qui seruēt de preface au liure des loix establies sur la Bourgoigne: desquelles telles sont les parolles. Au nom de Dieu, pour cognoistre la foy de nostre tresglorieux seigneur le Roy Gundebauld, voicy le liure des constitutions, contenant

Ce soldat qui tua Valentinian s'appelloit Thrasille. D'Etievoy Paul diacre liure 5. des gestes Romains.

Damasce au supplement d'Eutrop. liu. 14.

Bourguignons contre les Huns pour les Romains.

Par qui surēt convertis les Bourg. à la foy.

Royaume d'Arles suiet iadis aux Bourg.

Gundebauld legislateur des Bourguignons.

Terres iadis suietes au Roy de Bourgoigne.

Preface des loix de Bourgoigne par le Roy Gundebauld.

LIVRE TROISIEME

*Du nom de Ro-
main ils apelloyēt
les naturelz du
pays. voyez en la
loy Salique tiltre.
17. parag. 2. Et 3.
Et tilt. 35. du lien
des Frâcs. parag.
3. Et 4. ou le mot
Romain est pris
pour les Gaulois.*

*Voyez les barba-
res qui apellent le
Romain Barba-
re.*

les loix & passées & presentes, qu'o doit obseruer es terres de ses seigneu-
ries fait le troisieme auant les Calendes d'Apuril, à Lyon : & ce y estant
induit par l'amour, & zele de iustice, par laquelle Dieu est apaisé, & la
puissance de ce monde aquisée, & entretenue. Ayans premierement eu
l'aduis & conseil de noz Comtes, & seigneurs à nous subietz, desireux de
faire si bien que l'equité, & integrité des iugemens aneâtissent & chassent
loing tous salaires, & corruptions qu'on peut faire en exerçant la iustice,
voulons que les iuges, & magistrats auxquels est donnée la charge du peu-
ple, iugent, & composent d'icy en auant de tout different meu entre le
Bourguignon & le Romain, selon & suiuant noz loix, & tellement qu'il
n'y ayt aucun si hardy qui ose prendre aucun salaire, present, ny reuenu, ny
esperer recompence pour le iugement des causes decidées, ny n'en espere
rien des parties, ains soit content de la seule integrité requise à celuy qui
est apellé à tel office. Et auons ceste opinion que c'est de nous que doit
proceder l'erection & establissement des loix, & coustumes, ne voulâs en-
cor que nostre fîse recoiue plus que ce qui est ordonné par les anciennes
loix & ordonnances. Sçachent donc tous les Seigneurs, Comtes, Con-
seillers, domestiques, & officiers de nostre maison, tous Chanceliers, &
citoyens tant Bourguignons que Normands, les baillifs des villes, villages,
ou bourgades, les iuges aussi depütez en chacun lieu, & encor tous les gé-
darmes, qu'ils ne receurent rien des causes deduites ou iugées, & ne pour-
chasseront aucune recôpence des parties : & les iuges ne contraindront les
plaideurs à cōposer ensemble pour en tirer quelque prouffit pour l'adue-
nir. Que si quelcū des sus-nomez iuge iniustement, & se laisse corrompre cō-
tre l'ordonance de noz loix, & qu'il soit cōuaincu d'auoir pris argēt, prix,
ny don pour iugement par luy donné, le crime estant prouué, que pour
seruir à tous d'exemple il en perde la teste, ses biens ce pendant demou-
rans à ses enfans, & legitimes heritiers, puis que la faulte est toute propre
au delinquant : & le iuge estant Romain que ses biens nous soyent cōfîs-
quez : Mais si le iuge accusé ne peut estre cōuaincu du crime, & qu'il n'y
aye preuue suffisante, nous voulons que l'accusateur souffre peine pareille
à celle que le iuge eust senty estant prouué pour corrompu, & iniuste en
la sentence. Que si le iuge Barbare, ou Romain, n'entendant bien nostre
dire, ou à faulte de diligence, & sans corruption, s'est esloigné de nostre
Loy en iugeant, que il soit quitte pour l'amende : & la cause par luy iu-
gée sera reuocquée, & derechef decidée pour y faire droit, & iustice.
Qu'il n'y ayt homme, soit ou Baillif Romain, ou Bourguignon, qui s'en-
hardisse de decider, & ordonner de quelque cause en l'absence du iuge,
& ce pendant qu'ilz estudient ce present liure, affin qu'ils ne pretendent
aucune ignorance sur ce qui appartient à l'ordre de noz loix, & ordonnan-
ces. Or est tel l'ordre de la police dressée par le Roy Gondebauld, con-
sistant la premiere loy sur les donations. D'autant (dit le Legislateur)
que par les loix de noz predecesseurs on n'auoit pourueu en rien sur la
puissance, ou liberté octroyée aux peres en ce qui touche les donations
nous y auons aduisé avec nostre conseil, & le commun consentement, &
volonté de chacun, & voulons qu'il soit permis au pere, auant que fai-

re les lots, & partages de son bien à ses enfans de donner, & auantager lequel il luy plaira de ses heritiers sur la communauté de son bien, & de ses acquestz, & conquestz, la terre exceptée, qui a esté acquise souz le tiltre de fort, & ancien patrimoine, en laquelle voulons que soit gardée l'ordonnance de noz predecesseurs. Si quelcun occist vn homme franc de condition de noz suiets de quelque nation qu'il soit, ou vn seruiteur royal encore qu'il soit Barbare, ou qui aura tasché temerairement de le faire mourir, que il en compose tout ainsi que si desia il auoit espandu le sang. Voulons neantmoins que si quelcun se voyoit assailluy ou batu, & pourfuiuy, & que pressé de iuste douleur il occie celuy qui l'assailloit, ayant fait preuue de son innocence, qu'il soit quitte en l'amendant aux parentz du deffunct selon la qualité de la personne. Si vn esclau occist vn homme franc sans le sceu ou consentement de son seigneur, que le serf soit liuré à mort, & que son maistre n'en souffre chose quelconque: mais le maistre y consentant, que tous deux soyent condempnez à la mort. Neantmoins ordonne la loy que les parents du deffunct n'aient licence de pourfuyure autre que celuy qui a commis le crime, car tout ainsi que elle veut que le meschant soit puny, aussi ne pretend elle souffrir que l'innocent soit oppressé ny tourmenté. Les esclaves qui ont esté affranchis par la volonté de leurs predecesseurs, il ordōna que demourassent iouissans du droit de leur liberté. Quiconque, soit Bourguignon, ou Romain subornera l'esclau d'autrui, ou aura desrobé le cheual, bœuf, ou vache de son prochain, qu'il meure, & soit prise sur ses biens la valeur de la beste emblée pour amende. Si quelcun accuse le serf, ou fermier d'un autre, que ledit fermier, ou esclau soit mis entre les mains du iuge affin que fil confesse le crime, qu'il en soit puny selon la griefueté d'iceluy, mais fil est trouué innocent, que l'accusateur paye au Seigneur de l'accusé le pris de son innocence. Si vn homme franc est soupçonné d'aucun forfait, soit-il Bourguignon, Romain, ou Barbare, que pour se purger il iure avec sa femme & enfans, & iusqu'au nombre de douze de sa maison & famille.

L'homme qui tuera vn Esclau soit-il Romain, ou Bourguignon, qu'il en compose au pris de soixante soulz, & douze pour l'amende.

Si vn homme rauist vne fille, & que elle eschappe de ses mains, auant qu'il l'ayt violée, que le ravisser paye six fois le pris de la fille, & fil n'a dequoy y satisfaire, que on le mette entre les mains des parents de la rauie, affin que ilz disposent de luy comme bon leur semblera. Mais si la fille de son bon gré s'en va vers luy & qu'il la cognoisse, qu'elle paye triple salaire pour son mariage.

Si vne fille d'un Romain se marie à vn Bourguignon, sans la volonté & consentement de ses parentz, que elle perde aussi tout droit de succession qui luy peut eschoir de ses parentz. Quant aux successions, voicy comme le Roy Bourguignon en parle: Sur les successions entre les Bourguignons, il nous plaist que on s'y gouuerne en ceste sorte. L'homme decedant sans hoir male de son corps, que au lieu du filz, la fille succede en l'heritage du pere & de la mere, & ceux-cy y manquans, que le bien tombe aux freres & sœurs des deffuntz.

*De la puissance
de donner tiltre. 1.
parag. 1.*

*Des homicides.
Tiltre 2.*

*Des affranchisse-
ments. Tilt. 3.*

*Des subornations
de serfs & des lar-
cins. Tilt. 4.*

*Des accusations.
Tilt. 7.*

*Des raptz, & ma-
riages clandestins.
Tiltre 12.*

*Des successions.
Tilt. 14.*

LIVRE TROISIÈME

Nous à pleu encor d'ordonner, que si la femme meurt sans enfans, le mary n'e pourra rien demander des biens qui appartenoyent à icelle, nomplus que la femme, ny aucun de ses parens ne peuvent rien quereller sur la possession du mary, mourant sans auoir eu enfant d'elle. Si vne fille a voué sa virginité à Dieu & perseuere en sa chasteté, si elle à deux freres, elle aura la troisieme des biens, & succession de son pere: voire quād il y auroit plusieurs enfans, elle en tirera tousiours sa iuste portio: & si elle n'a qu'un seul frere, si ne iouira elle pourtant que de sa 3. partie, & encore sous telle condition qu'elle decedant ce que elle auoit du patrimoine, & vlsfruit d'iceluy reuiendra à ceux qui luy sont les plus proches de sang: sans qu'elle puisse rien aliener, vendre, ny donner si ce n'est ce qu'elle a de la succession de sa mere, ou en meubles & ioyaux, ou ce que elle aura aquis par son labeur & diligence: en quoy nous les dispensons d'vser de leur liberalité & courtoisie. Si vn Bourguignon franc de condition esmeut noise en la maison d'autrui qu'il l'amende & à celuy à qui est le logis, & au Prince. Mais si c'est vn esclau qui a fait la faulte, qu'il en soit recompencé par le moyen de cent coups de fouët, sans que pour cela son maistre en encoure domage quelconque. Si quelcun suyuant vne beste par trace vient iusqu'au logis de celuy à qui est la beste, l'etrée duquel le maistre luy denie, qu'un tel soit reputé pour larron, fil veut entrer par force: neantmoins voulons que la recherche en soit permise voire iusqu'aux femmes. Toutes les causes qui ont esté debatues entre les Bourguignons, & ne sont encor finies, & sur lesquelz sentence n'y est interuenue iusqu'à present nous voulons qu'elles soyent abolies, & mises à neant: Si quelcun recognoit ou vn sien serf, ou seruante, qu'il les recouure sans autre forme de procez: il est accusé de meurtre, qu'il paye l'amende, & que ce pendant toute poursuite cesse, & qu'on ne puisse luy demander rien d'auantage. S'il aduiet que par cas vne beste occie vn homme ou de la dent, ou en autre sorte, pour oster toute calomnie, nous voulons que la chose demeure indecise, entant que ce qui est fait fortuitement ne doit tourner au preiudice de personne. Neantmoins si le cheual d'un de noz suiets occist le cheual de l'autre, ou le chie, ou le bœuf occist, ou debilité celuy d'un autre que l'etier, & sain soit liuré pour celuy qui a fait le dommage. Que si quelcun gettant ou vn dard, lance, ou autre sorte d'armes offensives sans y penser frappe, ou occist homme, ou beste quelcōque que celuy qui tient les armes soit tenu pour Innocet, si ce n'est qu'o preuue, qu'il auoit pris ces armes en main pour endommager quelcun & luy porter preiudice en sa vie. Quiconque auant parties ouyes, & que le iuge ayt prononcé sentence prendra les gages d'un autre sans luy estre adiugez, qu'il perde sa cause & soit encor cōdemné à l'amende de douze solz. Si vn homme ayāt perdu vn cheual, & se faist d'un autre le recognoissant comme si c'estoit le sien, & ne le peut prouuer, qu'il paye celuy mesme qu'il aura voulu vsurper au seigneur qu'il en pretédoit priuer. Si vn homme se pensant auoir proces avec vn autre, fait prédre gages sur luy, qu'il l'amende pour chacune chose prise & iniustement arrestée. C'est ce qu'on à peu recueillir des loix anciennes de Bourgoigne, & m'estonne encor comme il est possible qu'on aye tant peu recouurer, veu le long

Des querelles & débats. Tilt. 15.

Des delays des proces. Tilt. 17.

Meurtres faits & aduenus par accident. Tilt. 18.

Des engagements. Tilt. 19.

long temps qu'il y a que ceste race royale des premiers seigneurs & Princes qui ont faites ces loix est abolie, & desquelz il est desormais téps que, selon nostre promesse, nous en disions encore quelque chose. Tandis que ce peuple alloit ainsi errant qu'auons dit dès le commencement aussi estoit il sans roy, ny Prince que par election, quoy qu'ils respectoyét les vns plus que les autres, mais à la fin, & lors mesme qu'ils se tenoyét le long du fleuve Wistule ils s'accorderét à l'electiō d'un Roy, les premiers estants Goths de nation appelez Ancille, & Hermerique enfans d'Athaulphe Roy des Goths, le premier qui passa sur les terres de l'Empire de Constantinople, apres lesquels regnerent Hunimunde, Turismonde Gepides, Wldrich, & Sigismond, Bermond, Walamir, Winderich, Athanarich, & Gaufer, toutes-fois ceux-cy encor ne iouissoient du droit souuerain, & leurs enfans, ou ayans cause ne venoyent aussi à la succession du Royaume: mais enuiron l'an de nostre seigneur 414. & auant que passer en Gaule ils saluerent pour roy Gundioque, lequel estoit filz d'Athanaric & Blesinde niepce de Marcomir prince François, & du temps que encor lesdits François tenoyent encor les païs de Gueldres, & Phrysie comme pour leur demeure, de laquelle Blesinde sortist aussi Gondegisil, lequel fut Roy Bourguignon, & le premier qui passa le Rhin, & s'arresta avec sa suyte és terres des Sequanois, & Heduens delaissées par les troupes Romaines, & aussi le premier, qui embrassa la religion Chrestienne cōme dit est. A cestuy succeda Gundioque son frere lequel quoy que confessast Iesuchrist, si est-ce que aucuns le tiennent auoir suiuy la superstition venimeuse de l'Arrianisme, ce qui n'est guere vray-semblable estant les Bourguignons bons Catholiques, & qui n'eussent octroyé la principauté à vn homme qui leur eust esté contraire en persuation, & receuant autre doctrine en la foy. Aussi les Alemas que ie suis, & desquelz j'ay puisé cecy ne font aucun compte de l'heresie, cōme ainsi soit que les Euesques qui les auoyent instruits nouuellement en la foy, estoient de bōne & sainte vie, & la doctrine desquelz suiuit la foy de l'Eglise. Ce Roy feit de son temps de belles, & grandes conquestes, cōme celuy qui soumist sous sa puissance, & Lyon, & tout le païs és enuirs qui l'auoisinent, conquist le Daulphiné, & la Prouence iusqu'à Marseille, & prist d'assault la ville de Nice propre pour l'aport & des viures & de la marchandise par le moyen de la marine. Ce fut contre cestui-cy que s'arma Etie general de l'armée Imperiale, & le vainquist, & à la fin luy donna la paix, & le feit amy des Romains, en l'amitié desquelz il perseuera iusqu'à la mort, & deceda ayant regné 30. ans, laissant quatre enfans à sçauoir Gundebauld, Gundegisil, Chilperic & Gothomar, lesquels apres le decez du pere se partirent la seigneurie, commandans toutesfois tous ensemble: mais comme il soit presque impossible qu'une esgalle puissance se cōporte sans enuie, & sans que les embusches, & machinations ne sortent en campagne, Gundebauld, & Gundegisil conspiras ensemble se iurerent la foy, & comploterent la ruine de leurs deux freres à sçauoir de Chilperic qui estoit l'aîné, & de Gundomar, ou Gothomar, & ayans guerroyé quelque temps les vns contre les autres en fin les deux aînez Chilperic, & Gundomar y perdirent la vie, & la femme du plus vieux fut gettée dans le Rhof-

Ecc

*Premiers Roys
Bourg. sortis des
Gothi quelz.*

*Premier Roy de-
puis q les Bourg.
furent en Gaule.*

*Gundioque esti-
mé auoir esté
Arrie. Gregoire
de Tours li. 2. ch.
4. §. 28.*

*Conquestes du roy
Gundioque.*

*Etie vainquist
les Bourg.
Paul diacr. li. 4.
des choses Rom.
Supplément d'Eu-
trope li. 14.
Enfans de Gun-
dioque se ruinent
l'un l'autre.*

LIVRE TROISIEME

Cruauté de Gundobault, de tout cecy voy Aymon moyne. li. 1. ch. 19.

Clotilde donnée pour femme à Clouis le grand.

Ruine de Godegisil par Gundebauld.

Enfans de Gundebauld poursuivis par les François.

Sigismond roy fort Catholique.

Cruauté de Clodomir sur Sigismond.

Roy Aymon moyne li. 2. ch. 4. Agathias liu. de la guerre Goth.

ne, & ses enfans occis fort cruellemēt, restāt de Chilperic deux filles Cro- ne c'est à sçavoir qui fut religieuse, & Clotilde, laquelle espousa depuis Clouis le grand, & le premier Roy Chrestien d'entre les François. D'autres tiennent que Gundobauld purgea le monde de tout le sang Royal masle de Bourgoigne, & garda seulement les filles, l'une desquelles fut cause de sa mort, & de la ruine entiere de la famille ancienne des Rois de Bourgoigne: mais les autres sont d'aduis, que Gundegisil estant son confort espousa la fille de Theodoric Roy des Goths, & soumist sous sa puiffance, ayant passé les Alpes, la ville, & finages de Thurin, Verceil, Come, Nouare, & tout le païs Astefan, & trouua moyen encor que Sigismond son filz eut à femme la niepce du Roy Theodoric pour se fortifier à l'aduenir d'avantage: mais cest heur ne luy fut de guere longue durée: Car cōme Clouis le grand eust assailly Gundebauld, tant pour demander partage, & le droit de Clotilde qu'il auoit espousée, que pour venger Chilperic pere de laditte dame que Gundebauld auoit fait mourir: Gundegisil cognoissant que malaisēment tiēdroit on teste à l'effort du François, & craignant que son frere ne luy iouast vn aussi bon tour qu'il auoit ioué à ses autres freres, & parens, fallia secretement de Clouis, & feit si bien que cōbatans ensemble les deux roys, il ne feit aucun semblant de se mesler de la querelle. Ce qui irrita tellement Gundebauld que l'allant assieger dans Vienne au Daulfiné où il s'estoit retiré, il le prist en peu de temps, & l'ocist cruellement de sa main propre: & ainsi Gundebauld souillé du sang de ses freres demeura seul Roy de toute la iurisdiction Bourguigonne. Il auoit aussi espousé vne fille du Roy Goth Theodoric nommée Amalsuinthe, & de laquelle il eust deux enfans, Sigismōd c'est à sçavoir, & Gūdomar, lesquels demourerent pupilles sous la charge d'un autre Gunde- mar prince & Comte d'Autun: & ces enfans venus en aage, comme Clotilde ne cessast de poursuivre le sang de son oncle, la guerre fut publiée contre ces deux enfans, en laquelle moururent tous les deux: Le royaume escheant à Sigismond, qui fut prince treschrestien, & qui par le moyen de saint Maximin Euesque de Geneue, & Theodole euesque de Syon feit assembler les prelatz de ses terres contre les Arriens & pour l'extirpation de leur heresie, & establissement de la sainte foy de l'Eglise vniuerselle par toutes les terres de ses seigneuries. Ce bon Roy eut deux femmes de la premiere desquelles il eut Sigeric, que depuis sa marastre feit mourir cauteusement: la seconde luy porta & engendra Sigland & Gundebauld, lesquels luy tindrent compaignie lors qu'il fut occis par Clodomir Roy d'Orleans, & fils de Clouis, & de Clotilde. Laquelle ne pouuant viure en repos qu'elle ne veit la ruine entiere des enfans de celuy qui auoit causé la mort de son pere, incita Clodomir contre le saint roy Bourguignon, & alla la chose si auant que estans venus aux mains Sigismond fut pris, & conduit à Orleans, où le furieux Clodomir le feit mourir, le gettant la teste la premiere dās vn puids avec sa femme, & enfans, quoy que S. Auite le priaist de se deporter de telle cruauté & le menaçast profetiquemēt, du iugemēt, & vengeance diuine, cōme aussi il en sentist l'effait, estāt occis pres de Vienne en Daulfiné en poursuuāt trop obstinēment les Bourguignons.

qui ne rascloyët que de se sauuer à Autun pour renouueller la guerre, cō-
duits par Gundomar frere du deffunt Sigismōd, mais les Princes Frāçois
& freres du susdit Clodomir, poursuiuants le reste de la vëgeance de leur
mere Clotilde ne cesserent onc tant qu'ils eurent du tout effacée, & mise à
neât la race Royale de Bourgoigne: & soumis le païs souz les loix, & puis-
sance de l'Empire François: & ainsi dès que les Bourguignōs vindrent en
Gaule, iusqu'à la ruine de leurs Princes venans de hoir masse s'escoulerent
cent onze ans, d'autāt que (comme nous auons dit) ilz passerent le Rhin
pour occuper la prouince Sequanoise l'an de nostre salut. 417. & l'an 528.
Clothaire ayant chassé Gundomar (qui s'enfuit en Espagne) donna aussi
fin au royaume de la race Gothique, & souche de Gundioque qui auoit si
bien planté le fondement qu'on eut cuidé que ceste monarchie deut estre
de longue durée. Ainsi le nom royal de Bourgoigne fut transferé aux Frā-
çois qui y regnerent sous la race Merouingienne, iusqu'au temps des Pe-
pins, qui obtenans la France eurent par mesme moyen l'Empire Bourgui-
gnon sous le nom de Roy, comme Charlot fils de Charles le grand, &
apres luy Iean duquel ie n'ay peu trouuer l'origine, & neantmoins ce fut
luy qui feit bastir l'Eglise de S. Iean de Lyon, & y fonda douze chanoines
portāt tiltre de Comtes telz qu'encore vous les oyez apeller: à cestuy suc-
ceda Hugues Comte d'Arles, & du Mans, & qui auoit espousé Elise fille
de l'Empereur Charles le Chauue, duquel Hugues nous auons tenu pro-
pos cy dessus, & sous lequel le nom du Royaume Bourguignon fut chan-
gé en la puissance royale du siège d'Arles: A Hugues s'opposa Gerard sur-
nommé de Roussillon, que l'on disoit estre descendu de la race, & maison
ancienne de Bourgoigne, & voulut tenir teste à l'Emp. le Chauue, mais sa
force estant trop foible il succomba sous le faix, & fallust que se cōtentast
de moindre chose, aussi de luy ont couru ces vers François anciens.

*Race Bourguig.
des Rois estainte.*

*Combien les Rois
du sang ancien de
Bourg. ont regné.*

*Changemens di-
uers des Princes
de Bourgoigne.*

Gerard de Roussillon.

*Autour de Dal, & Daliron
De Vander-court, & Maobaston,
Perist Gerard de Roussillon.*

C'est de cestuy que les Romains fabuleux chantent tant de folies le fai-
sans armer contre le grand Roy Charles, lequel il ne veit de sa vie, & luy
donnēt tant de conquestes en songeant, que iamais le Macedonien n'en
feit tāt, ny la main puissante des Romains. Mais quoy qu'il en soit le Chau-
ue contraignist Foulques successeur de Gerard, de quitter le royaume, &
se contenter du seul tiltre de Comte: Et dōna le païs à Raoul, sous le nom
de Duc, lequel depuis prist encor le nom royal, luy succedants quatre au-
tres portans mesme nom que luy, & poussez de pareille fortune, à sçauoir
vne fois appelez Roys, & soudain dispensez de telle puissance. Car Boson
roy d'Italie les tenoit en bride suporté des François cōme celuy qui estoit
beau frere de l'ep. Char. le Chauue. Apres les 5. Raouls y eut trois Cōradz
rois de Bourg. le scōd desq̄ls fonda l'Egl. S. Pierre de Geneue, & cōmēça
celle de Lofanne, que Cōrad troiesme meit à fin. Raoul sixiesme pour se
ptēualoir des Frāçois feit donatiō du royaume Bourg. à l'Emp. Héry troi-
sieme, & pour ceste cause les Alemās qui depuis ont tenu l'Empire se sont
portez pour rois d'Arles, & en vsurpoyēt le tilt. en leurs lettres, & patētes.

*Foulques Roy
d'Arles.*

*Boson roy d'Ital.
Conrads Rois de
Bourgoigne.*

*De quel droit les
Emp. se disoyent
Rois d'Arles.*

LIVRE TROISIEME

*Henry frere de
Capet 1. Duc de
Bourg.*

*Robert Roy de
France, vainquit
Landry Comte de
Neuers.*

*Comme la Bour-
goigne fut renuie
à la couronne, &
puis donnée à Phi-
lippe Hardy.*

Aucuns mettent Iean le dernier roy Bourguig. & celuy qui (côme dit est) fonda l'Eglise collegiale de Lyon, mais leur raison n'est vray-semblable, à cause qu'ils font que ce roy viuoit l'an 1136. & il appert par la verité de l'histoire que les roys de France tenâs la Bourgoigne par effect, & les Princes susdits n'en estâs que roys imaginaires avec les finages d'Arles & quelque eschâtillô de Prouence & Dauphiné, Henry, fils de Hugues le grâd Comte de Paris, estant le premier duc de Bourgoigne, & se voyant sans hoir masle, ny autre legitime, feit donation & trāsport de son Duché à Robert filz aîné de Hue Capet l'an de nostre salut 1000. Et quoy q̄ le Comte de Niernois Landry voulut se saisir du Duché, côme se disant y auoir droit, pour estre descendu des roys Bourguignons, si fut-il vaincu & pris par le roy Robert, qui l'alla assieger à Auxerre, & où les Auxerrois craignâs leur ruine se rendirēt au roy, & luy liurerent le Comte. De ceste race ont esté les ducs de Bourgoigne sortis de l'estoc, & famille de France, iusqu'au tēps de Charles le quint roy de France, & surnommé le Sage, lequel succedant à Iean son pere, qui auoit esté inuesty de ce Duché par Philippe Petit filz d'Eude, donna la Bourgoigne à son frere de Touraine Philippe, surnômé le hardy, qui espousant la fille de Flandres cōioignit tant de terres ensemble, desquelles iouissēt (sauf le duché de Bourg. suiēt à nostre Roy) à present les Princes d'Austriche, pour estre sortis de la fille de ce Charles Charolois qui fut occis à Nancy en Lorraine. Je laisse (comme n'estant point de mō suiēt) quelles maisons sont sorties de ce sang ancien de Bourgoigne, & ne m'arrestera y sur leur langue & façon de parler, & fils ont pris leur langage des Alemans, ou Gauloys, me suffisant qu'à present la plus part suiēt la diction, & parolle du François, comme ainsi soit aussi que le plus du pays est subiet à la maison, & couronne de France: laissant donc cecy il est tēps deormais de visiter les voisins de Bourgoigne, & toucher quelque cas des Suisses, veu q̄ la nation estant si excellente qu'elle est, merite bien qu'o en discoure vn peu plus largemēt q̄ de la laisser sans en dire chose quelcōque.

*Des Suisses, origine, & mœurs d'iceux & fils sont les anciens habitans du
pays iadis nommé des Heluetiens. Chapitre 36.*



Nous auons (ce me semble) assez amplement deduit au chapitre des Gaules les mœurs des anciens Gaulois, & l'estendue des Gaules esquelles côme ainsi soit que les Heluetiens fussent compris, il fault aussi presupposer que leurs mœurs n'estoyent point aussi en guerre grand cas differentes des façons de faire du reste des Gauloys. Parainsi ne nous arrestans gueres sur ce qui fut iadis du peuple Heluetien, & souhaitrans de n'oublier le Suisse estant la nation si bragarde que peu aujourd'huy l'esgallent en force, & nul la scauroit surmonter en la discipline militaire, ny police & manimēt des affaires publiques, nous en dirons ce qu'en auons tiré des bons auteurs, apres toutesfois auoir vn peu limité les bornes & finages des terres des ligues, & confederez des Cantons des Suisses, entant que ce que iadis les Romains apelloyent Heluetie, est à present, sinon tout aumoins, vne bon-

*Suisse fut iadis le
pays des Helue-
tiens.*

ne partie compris sous le nom des confederez. Les limites de la seigneurie desquelz s'estend depuis le sommet des Alpes, & prenant son cours au Leuât a le Rhin pour limite iusqu'à Waldhut & Laufenberg, & de là double vers l'Occident suyuant le trait du mont Iure, ou de S. Claude, iusqu'au Lac de Geneue iusqu'à ce que derechef elle vient à embrasser les Alpes, & auoisine les Sequanois, & le trait du païs Allobrogien qui à present est compris souz l'appellatiō de Sauoye. Ceux qui lysent les hystoires scauent combien, & quelz affaires les Heluetiens ont donné à Cesar, lesquelz il appelle, & dit estre les plus fortz des Gaules, & du mouuement desquelz se craignant lors qu'ilz demandoyent passage pour tra-uerfer la Prouince Romaine, & s'en aller en Saintonge pour y habiter, il fait dresser vn mur pour leur donner l'empeschement, se souuenant comme ce vaillant peuple auoit vaincu le Consul L. Cassie, & deffait brauement l'armée Romaine, & lequel auoit desir de quitter son païs peu fertile pour s'en aller trouuer autre part en Gaule, pour viure mieux à son aise. N'ignorent aussi que dès le temps dudit Cesar, les Heluetiens estoient partis, & diuisez par Cantons aussi bien qu'à present, mais n'en ayans que quatre le principal desquelz estoit celuy de Zurich, & le peuple duquel estât celuy, qui d'autresfois auoit deffait les Romains, fut aussi le premier qui en porta la penitence. Ainsi Cesar les ayant deffaits, les contraignit de retourner en leur païs, & rebastir leurs maisons qu'ilz auoient bruslées, & labourer leurs terres qu'ilz laissoient en friche, non d'amitié qu'il leur portast, mais à fin (comme il confesse luy mesme) que les Germains, qui possedoyent pour lors vne terre mal-plaisante & infertile, ne se ruassent sur le païs delaisé par les Heluetiens, entant que desia ilz tendoyent à passer le Rhin & occuper les terres Gauloises. Au camp des Heluetiens, eux estans contraints de se soumettre à la grace de Cesar, furent trouuées des lettres & tablettes escrites en Grec, esquelles estoit contenu le denombrement de ceux qui estoient sortis de leurs maisons, & de ceux qui estoient pour porter les armes, & n'y auoit rien d'obmis du nombre des femmes & petits enfans, qui montoit en somme à trois cens soixante huit mille personnes. Vous voyez que les Heluetiens caressoyent dès ce temps le scauoir, & imitoient le reste des Gaulois en la cognoissance des lettres, à fin qu'on n'aille point blasonner ce peuple ancien de Barbarie, parmi lequel les sciences estoient si bien plantées, que la delicateffe des Grecz en la langue ne maquoit point en la langue, la vulgaire desquelz estoit pour lors seblable à celle des Gaulois, laquelle l'estime plustost auoir esté propre q̃ Germanique ainsi que plusieurs estiment, & laquelle a esté corrompue depuis que les estrangers vindrent de diuers lieux vsurper & posseder les Gaules, Or que les Gaulois fussent Barbares Iulian l'Apostat, homme (ostée l'impieté) de grand iugement & scauoir, ne le peut ouyr, accorder, ny receuoir, ains se moque de ceux qui donnoient vn tiltre si mal propre aux Gaulois, desquelz, & de leurs façons de faire il fait grand compte en vne epistre qu'il escriuist de Paris auant aux habitans d'Antioche. La diminution de la gloire Heluetienne bien qu'elle commençast souz Iule Cesar, si receut elle vn estrange eschech apres la mort de Neron lors que

Estendue du pays Heluetien.

Cesar Comment. lin. 1. Dion Cassie lin. 38.

Romains deffaits par les Heluetiens.

Heluetiens soumis à Cesar.

Heluetiens vsuyés des lettres Grecques.

Iulian l'Apostat aux Antiochiens loué les mœurs des Gaulois.

Heluetiens affoiblis par Cecinse.

LIVRE TROISIEME

*Voy Tacite li. 17.
des annales.
Cecy aduint en-
viron l'an de nost.
Seig. 70.*

Vitelle & Othon se querelloyent, & combatoyēt à outrāce pour le gaing de la couronne Imperiale, car ce fut lors qu'un Cecinne Romain debilita fort estrangement les forces Heluetiennes. Or ne vous dis-je point cecy sans bien grande occasion, veu que j'ay proposé (suyuant le dire de Cesar) que les Germains marchandoyent il y auoit fort long temps de gaigner pais sur les terres Gautoises, & qu'à ceste fin il auoit accordé aux Heluetiens leur laissant leur pais libre souz l'alliance, & confederation des Romains, ainsi que les Allobroges estoient aussi receuz en la ligue, auquelz il enchargea de fournir de bledz les Heluetiens iusqu'à tant qu'ilz eussent cultiué leurs terres. Les Heluetiens ainsi matez que furent par Cecinne, comme le décrit Tacite, il fut de là en auant aisé & facile aux Alemans de courir, & rauager, & de se saisir du pais à demy desert, & priué de peuple: car tous les bons auteurs tiennent que ceux qui furent Heluetiens ne sont plus, & que les Suisses sont autres que ceux qui tindrent la region ou ceux cy habitent, & à fin que le lecteur ne se plaigne de ma diligence, ie ne faudray non plus à esplucher cecy que j'ay fait le reste des nations qui ont couru de pais en autre pour s'y arrester, comme en sa propre & naturelle terre, sachant que les historiens en parlent fort diuersement, & desquelz j'ameneray les opinions à fin que vous qui lyrez mes recherches en donniez vostre sentence, & iugiez lequel aura le mieux dit, car quant à moy ie ne faudray de vous en dire ce que ie sens, & pense estre le plus veritable.

*Jean le grand hist.
des Gothz. liu. 5.
chap. 2.*

L'Euesque d'Vpsale nommé Jean le grand, & lequel a escrit l'histoire des Gothz, n'ignorant point que les Suisses ne soyent un autre peuple que les Heluetiens, il parle de leur origine en ceste maniere: Getheric, ayant fait monter en mer toute celle grande multitude, la conduit sans peril aucun, & sans souffrir orage, ny tempeste quelconque iusqu'en Pomeranie, & en la terre des Rugiens, où ayant assailly, & combatu les habitans du pais, il les vainquit: mais les Gothz voyans la sterilité, & peu de plaisir du terroir Pomeran, ils ne voulurēt quitter leurs finages, quoy que non guere plaisans, pour s'arrester en vne terre pire, & moins fertile que n'estoit celle d'où ilz estoient sortis: ains se diuisans en trois puissantes armées, vne partie d'entr'eux, ayans long temps erré & souffert mille trauaux, & incommoditez, paruint en fin en ces aspretez, & pierreuses solitudes des Alpes, où à present les Suisses, qui sont leur engeance, & posterité, se tiennent: les autres passans en Escosse (ainsi qu'en fait foy l'histoire Angloise) donnerent commencement à la nation des Pictes, & ce en l'an de nostre salut septante deux, & le reste, qui estoit vne infinité innombrable de peuple, suyuant Getheric, ayant surmontez les Vlmeruges, Curetes, Samogethes, & Estons, apres auoir guerroyé par plusieurs années, laissant là garnisons, s'en retournerent avec Witimer filz de Getheric, ayant plus d'honneur en leurs cōquestes, & victoires que s'ilz se fussent attaquez par armes aux Suëons leurs alliez, & voisins.

*Des Pictes. Voy
Bede: hist. Eccles.
d'Aug. li. 1. ch. 1.*

Aduisez comme l'aneantissement des Heluetiens par nous allegué de Tacite, s'accorde avec ceste course des Sueciens Septentrionaux venans habiter le long des Alpes, veu que la defaite, & degast des Heluetiens

fait par Cecinne aduint l'an de grace 70. & ceste arriuée Gothique fut deux ans apres, & lors que Vespasian tenoit l'Empire : Puis adiouste l'Euesque Goth: le cōfesse toutesfois auoir leu és histoires des Heluetiēs, ou Suiffes, que tous ceux qui à present portent le nom de Suisse ne s'arrestent pas en ce païs Alpin en vne & mesme saison, ains qu'aucuns Gothz (estant mort leur Roy Teie) s'y retirerent d'Italie auant, & d'autres du païs de Suece : & taschant de monstrier non seulement par leur histoire, ains avec tout deuoir d'humanitē duquel ilz vsent enuers les Sueciēs, que de leur premiere origine ils ont pris cours & source de la terre des Goths. Et en somme vous voyez comme ce bon Euesque s'efforce de prouuer que les Suiffes sont sortis des peuples de Suece, quoy que les Latins parlans des courtes des Septentrionaulx, les comprennent souz le nom de Germains, & Alemans. Oyons encor parler vn des plus doctes hommes de nostre siecle, & autant bien versē en l'histoire qu'autre qui de nostre aage en aye fait profession, à sçauoir Beat Rhenan, lequel en son liure des Germains parle des Suiffes en ceste sorte: Je sçay que plusieurs s'enquierēt d'oū est fort, & a source le nom de Suisse, d'autant que ceux qui ont le plus de nez, ne se contentent point des raisons qu'aucuns mettent en auant sur ce propos: mais (si ie ne me deçoy) ie pense, & espere de dissoudre ce doubte. Parmy ceste peuleuse nation des Saxons furent iadis les Vites, vne partie desquelz (la cause ie ne sçauois vous la dire) changeant de place, vint s'arrestier au païs Heluetien pres les finages de Zurich, & où encor à present y a vn village nommé Vri le mot en estant corrompu entant que du fleue Ture il s'appelle proprement Turege: & le plus grand nōbre desquelz Vites estoit passé en la grand Bretagne pour la cōquerir. Et n'a pas esté sans cause que les autres voisins ayēt pris ce nom, soit ceux de Lucerne, ou de la basse Syluanie, quoy que peculièrement vn de leurs Bourgs appellé Kilhegap en portast ce tiltre: ilz les appelle Suiters y adioustant la lettre S, comme ordinairement la nation se plaist au siblement & prononciation d'icelle. Et est nostre opinion secouruē de ce que les Suiffes se disent tenir de leurs ancestres qu'ilz ont origine des Suittes lesquels habitent le long de la mer, & Ocean Germanique, lesquels pressēz d'une grand famine, furēt contraintz de quitter leur domicile, & sortir de leurs terres. Les hōmes plus sçauās dient que ceux cy estoient les Suedes, desquels encore à present le renom est tāt espars par tout. Mais Bede Angloys, dir, & enseigne q̄ iadis entre les Saxons estoit la Prouince des Vites deuenue deserte, & en solitude, à cause de ceste course, & remuement de mesnage q̄ ie viēs de dire, & qu'une troupe d'iceux estoit desia passée en la grād Bretagne, & afferme ledit Bede que les Saxons Angloys, & Vites, estoient trois puissantes natiōs de la Germanie. Vadian hōme aussi de grand eruditio, & Suisse naturel ne veut recognoistre les Septentrionaulx, ny Gothz pour maieurs, biē est vray qu'il accorde avec Rhenan, q̄ les Suiffes sont Alemans, lors qu'il en parle en ceste sorte: Les Heluetiens aussi sortans de Gaule passerent en Germanie pour s'arrestier, & faire demeure entre le Rhin & le Mene, tout ainsi q̄ feirent les Tectosages, desquelz parle Cesar en ses Cōm. de la guerre de Gaule, mais maintenāt tout au cōtraire

Ce Roy Teie fut occis par Narsez l'an de grace 552. voy Procopielis. de la guerre Gothique.

Beat Rhenan. li. 1. des choses Germaniques.

Ceste course aduint l'an de grace 409.

Bede hist. Angloise. li. 1. ch. 15.

Ioachin Vadian sur le 3. de Pomponie Mele.

Tectosages sont ceux du Languedoc Cesar Cōm. li. 6.

LIVRE TROISIEME

les Germains laissant leur terre habitent les sieges anciens où iadis se tenoyent les Heluëtiens. Et ne fault point que ie doute de cecy, veu que le langage du Suisse correspond à ceux de la plus profonde partie des Alemaignes, voire qu'encores à present ilz suyuent les mœurs, façons, vertu, & magnanimité desquelles Cesar louë les Sueues, & dit en auoir vſé. Voyez comme cestuicy ſouſtient non que le Suisse ſoit Suece, ny Suite, ou Vite, mais bien Sueue, que Cesar & Tacite deſcriuent pour la natiō la plus forte, & vaillante qui fuſt en la Germanie. Beat Rhenan auſſi ſans ſpecifier leſquelz Alemans furent ceux qui iadis courans les Gaules, ſentirent la main peſante des François nouueaux venuz en la terre Gauloiſe, diſt que les Germains paſſans le Rhin, enuahirent la plus grand part des Sequanois, iuſqu'aux limites des Bourguignons, y embrailans le païs de Valois, & le val de Lucerne: Et à fin que ie ne m'arreſte point ſeulement à ceux de noſtre temps, quoy que telz, que i'eſtime ne dire choſe de laquelle ilz ne peuſſent rendre raiſon fort aſſeuré, oyons ce qu'en dit Luitprand de Paue, lequel non ſeulement monſtre que les Sueues Alemans, deſquelz nous auons parlé cy deuant, tenoyent le païs d'Elſace, & lieux voiſins, ains encor qu'ilz ſ'eſtoiēt faitz ſeigneurs des Heluëtiēs, & Nuchlandiens: or en parle il en ceſte maniere: De quelle affection, & avec quel viſage le Roy Henry receut ce don & preſent ineſtimable, on le cogneut en pluſieurs ſortes, & ſur tout, qu'il donna non ſeulement de grandes richelſſes d'or, & d'argent à celuy qui luy porta les ioyaux precieus, ains encor l'ineſtit-il, d'vne partie de la Prouince des Sueues. Or eſtoit-ce le Roy de Bourgoigne Raoul qui donnant à l'Emp. Henry. i. du nom la Lance qui perça le coſté de noſtre ſeigneur, ne ſouhaitoit pour recōpence, ſinon quelque eſchantillon des terres des Sueues (c'eſt à dire des Suiffes) qui marchioyent à ſa ſeigneurie: ce n'eſtoit pas le païs de Sueue Alemand qui eſtoit le limite du terroir Bourguignon, ains l'anciēne terre des Heluëtiens, & ainſi les Sueues ſont pris par Luitprand pour les Suiffes comme eſtans ceux qui ſ'eſtoyent ſaiſis de l'heritage des premiers Heluëtiens. A cecy nous aydera encor ce qu'eſcrit Othō de Freſinghen, lors que parlant de la paix faite entre l'Emp. Henry quatrieſme, & Bertold Comte Zaringhen, auq̃l eſtoit deu le Duché de Sueue, & lequel l'Emp. auoit mis entre les mains d'un autre, il vſe de ces morz ſur le propos de la ville nommée de Tuerge: La capitulatiō, & articles (dit-il) de la paix furēt telz, que Bertold ne iouïroit du Duché, ains ſ'en demettrait du tout, ſauf qu'il tiēdroit à hōmage de la main de l'Emp. la cité tres-fameuſe de Turege qui eſt au païs des Sueues: & laquelle eſt baſtie és deſtroitz des Alpes tirant vers l'Italie, & aſſiſe ſur le fleuue Lemā d'oū ſort le Lac de Laufane. voyez par ceſte deſcription de quelz Sueues eſt-ce qu'Othon parle, & ſi Turege n'eſt celle fameuſe cité que Cesar appelle Tigure, & laquelle à present porte le nom de Zurich, l'vne des plus illuſtres, nobles, & riches d'entre les Suiffes, & qui a eſté conſiderée comme la Metropolitaine. Et à fin que plus à plein on cognoiſſe que le païs Suisse eſt celuy que le fuſdit auteur entend ſouz le nom de Sueue, il met que Bertold quatrieſme du nom fut celuy qui feit baſtir la Cité de Berne, laquelle eſt à present la plus belle, & principale

*Sueues natiō forte
voyez cy deſſus le
ch. 17. des Sueues.*

*Luitprand liure
4. ch. 12.*

*Henry 1. regnoit
l'an de grace. 920*

*Henry 4. ſurnō-
mé le noir regnoit
l'an 1058.*

*Othō de Freſinghē.
li. 1. ch. 8. de l'hiſt.
de Federic.*

*Ce Bertold eſtoit
2. ſurnōmé le bar-
bu. voy V Vol-
phāg. Laſſe. li. 8.
des Migrations.
Zurich nommée ia-
du & Tigure, &
Turege.*

*Par qui Berne
fut baſtie,*

principalle entre les villes fameuses des Suiffes, & le filz duquel fut enter-
ré à Friburg comme Duc, & chef d'une partie du païs Heluetien. Et d'au-
tant que iadis, avant que les Suiffes femancipassent de la subiection de
leurs Princes & dressassent leurs communautéz, & ligues, & qu'encor le
mot de Sueue auoit place en leurs escriptures, ilz departirent leurs terres
& iurisdiccions en Balliages qu'ilz nommerent Landuogties, tellement
que tout ce qui estoit contenu souz la seigneurie generale des Sueues, e-
stoit recogneu par tel denombrement, & de là est venu le nom des Can-
tons, desquelz encore à present vsé ceste belliqueuse nation. De laquelle
parle aussi l'Annaliste de Bauiere disant ainsi lors qu'il parle des Heluetiés
A present les Suiffes Brissaciens, Elisaces, & autres tiennent & possèdent
leurs terres, & places qui sont entre le Rhin, & le Mene (ie suis Tacite &
Ptolomée) entre lesquelz sont les habitans de la forest noire, laquelle &
Cesar, & Ptolomée attribuent aux Heluetiens, non sans que ceux là ne
faillent lourdement qui ont pensé que ce fust le boys Bacène: par lesquels
propos il veut monstrer que le païs Heluetien a esté conquis par les Sue-
ues, & que c'est d'eux qu'il a le nom de Suisse, & non des Vites, ou Suites
Saxons, ou des Sueces, & habitans de la terre Gothique. Le mesme Anna-
liste parlant des peuples de Germanie qui vont à la souldie des princes es-
tranges, s'exposer à la mort pour la querelle qui ne leur touche en rien,
seulement guidez d'un aveuglement d'avarice ayant mis les Boësmes, &
Lansquenetz en campagne il dit: Le troisieme genre s'appellent Suiffes
d'un Bourg de ce nom, entr'eux ilz se nomment Eidnosfen, qui signifie
confederez: ce peuple est libre, & non subiet à l'Empire, ou seigneurie de
Prince qui viue: & de mon temps Basle semancipant de la subiection de
l'Emp. Maximilian, s'est mise de leur ligue: par dessus laquelle cité tout le
païs que tenoyent iadis les Heluetiens, est non seulement par eux occu-
pé, ains encor bien peuplé. Puis adioust: Ils vsent en guerre de la halebar-
de, pique, & arquebuse: & ne sont coustumiers guere que tous les Cantons
aillent ensemble à la guerre, ilz suyuent diuers Colomnelz, comme aussi ils
s'arment pour la querelle de diuerses parties les vns des autres. Les Suiffes
sont fort contraires & ennemys de l'orgueil de la noblesse: Estimez sur
tout autre peuple à cause de leur modestie, pour la concorde, & amitié
qui les tient vnys ensemble, pour estre contens de peu, & garder un bon
ordre en leur estat, & une grand seuerité en la discipline militaire. Tou-
tesfois les a on en fort mauuaise opinion, pour faire plus de compte de
l'or que de chose quelconque, & qui ont toutes choses à vendre, comme
ceux qui ne prisent rien au pris de l'argent, & pecune. Et de cecy se
plaint aussi Vadian quoy qu'il fut Suisse, condamnant l'aperit insatiable
de toute la Germanie, & des siens, entant que pour un peu de paye, & pé-
sion ilz ne font conscience de s'entre-couper la gorge les vns aux autres
pour le passeremps de ceux qui les souldoyent. Mais oyons comme Nau-
clere discours des Suiffes, & en quelle sorte il en bastist, & l'histoire, &
l'origine: Enuiron (dit-il) l'an de nostre salut mil trois cens, les Suiffes
commencerent à estre renommez, quoy que leur origine soit de plus
long trait, & plus grande antiquité: & desquelz en escrit en ceste sorte

*Jurisdiccions des
Sueues comme di-
uisées.*

*Auentin liu. 1.
des annales de
Bauiere.*

*Auentin liu. 4.
des Annales de
Bauiere.*

*Basle occupée par
les Suiffes sur la
maison d'Autriche.*

*Vadian sur Mele
liu. 3.*

*Nauclere Chrono.
volume 3. genera-
tion 44.*

LIVRE TROISIEME

l'histoire, & dit qu'il a trouué ne sçay quelles Chroniques en la cité de Rome lesquelles font mention que du temps de Sigibert Roy des Suedes & Christophle comte des Anstre-phrisons, que certain des parties de Sueue, & Phrise furent contraints de quitter leur païs, & chercher nouvelles terres, pressés de grand famine, & que des Suedes sortirent six mille hommes, & des Phrisons douze cens, avec leurs femmes, & enfans, & parvindrent aux limites du Rhin, où quelques Ducz, & chefs des François leur empeschèrent le passage, mais ils se feirent faire voye les armes au poing, & en ayant occis vn grand nombre, ils passerent outre. Et ayans party le butin, & despoilles entr'eux, montans le long du Rhin, tournerent vn peu à costé vers les Alpes, ou parmy les costaux pierreux, & selon les Lacz vers les lieux subietz au Duché d'Austriche, ilz obtindrent du Comte de Haspurg licence de peupler ceste terre deserte, laquelle ilz defricherent, en ostans les ronces, espines, & chardons, en arrachans les pierres, & rendans la terre apte pour le labourage.

Or auoyent ils trois Capitaines, & conducteurs nommez Suicer, Rheme, & Wadislas: Entre lesquelz Rheme, & Suicer prindrent pour leur partage la terre qui regarde les Alpes du costé de la Lombardie, & Wadislas s'arresta aux Vallons qui sont pres la source de la Sone.

Aduint que Arcadie, & Honorie tenans l'Empire, & Nicolas, & apres luy Zozime seans à Rome, les Romains sollicitiez par vn seditieux nommé Eugene, se reuolterent.

Alaric Roy des Gothz, ioint & allié du Pape, & des Empereurs voulant chasser l'insolence des seditieux, & s'opposer à la violence Romaine appella à secours, & promit grand soulde aux Capitaines sus nommez à sçauoir Suicer, Rheme, & Wadislas: lesquelz y venans à main forte & armez du signe de la croix, furent assieger Rome avec le Goth Alarique. Assiegée que fut la ville, Suicer & les siens prindrent d'assault la Cité Leonine, y faisans vn piteux massacre de payens, & en fin Eugene y fut opprimé, & occis avec vn nombre infiny de Citoyens de Rome. La victoire gagnée que fut, comme le Pape & Empereurs voulussent faire de grandz presens à Suicer pour recompence du secours, il les refusa, disant qu'il estoit venu au seruice de Dieu, & de l'Eglise, & ne requeroit autre cas sinon la terre où ilz s'estoyent arrestez, & que ilz auoyent rendue habitable, laquelle ilz ne vouloyent tenir que du seul Empereur, & sans en payer ny cens, ny tribut à homme du monde: & qu'au reste il leur fut permis de porter l'enseigne rouge avec la croix: ce que leur estant octroyé, & ayans receu la benediction du Pape, & vne grande quantité d'or & d'argent, se retirerent en leurs terres. Telles, & semblables refueries dit vn certain Eulogie auoir leu en celle tant segnalée Chronique, où il allegue & Plin, & Petrarque ce que ie laisse comme choses indignes d'estre recitées, & lesquelles n'ont apparence aucune de verité.

Aussi qui est l'homme qui voulut m'adiouster foy, si ie disoy que du temps d'Arcadie, & Honorie, le païs d'Austriche fut desia erigé en Duché? & si ie proposoy que Alaric Roy Goth en mesme temps assaillist

Ces Ducs sont nommez par celui qui fait le copie Priä, & Pierre des Paluz, sort mal à propos, & sans marquer le temps.

Ie ne sçay ou cestuy cy est allé pescher ce Pape Nicolas, du temps d'Arcadie.

Tout cecy ne ressort rien de l'histoire.

Austrichen estoitmy Duché, ny ne portoit encore tel nom.

Rome contres les rebelles pour le service des mesmes Empereurs & Pape, & que sur l'heure il se declairast leur mortel ennemy : comme ainsi soit que ce Roy Barbare en despir & du Pape, & des Empereurs prist & pillla la Cité de Rome. Aussi ne se trouue il qu'auant Zozime il y ayt eu aucun Pape nommé Nicolas, qui montre que ce beau Chroniqueur n'entendoit pas les histoires, ains se trompoit guidé de sa propre ignorance. Par ainsi ceux là me semblent toucher mieux au point, qui disent qu'en l'an de grace 806. le Roy Charles le grand apres auoir vaincuz les Saxons, prist dix mille des plus farouches, & chatoüilleux de leur troupe, lesquelz il confina avec leurs femmes, & enfans en diuerfes Provinces de la Gaule, & Germanie : & ce à cause que ce peuple ayant souuent quitté la foy, & religion Chrestienne, & s'estant acharnée sur ses voisins, il ne pouuoit mieux le chastier qu'en la departant ainsi, vne partie duquel fut enuoyé en Hongrie, vers la Transsylvanie le long du Danube, les autres au Comté de Valoys és Alpes au Diocese de Syon, d'autres pres de Turin, les autres au païs, & finage de Constance, & lesquelz Charles le grand obligea à luy faire passage toutes les fois qu'il voudroit passer en Italie.

Rome pillée par Alaric l. 2. 414.

Charles le grand departit les Saxons en Colon. Voy noz Charles l. 1. & Paul Emile.

Ce pays Hongre des Saxons s'appelle en Latin septem Castra.

Ceux cy s'estans arrestez le long des Alpes, ilz dirent en leur langue Saxonique, Hic Wollent Wir SchWitten, qui est à dire nous voulons icy fuier ou bien garder ces limites en suant, & de ce mot Alemant SWitten, ou du Saxonique SchWitten, ilz ont esté appelez Suisses. Et d'autant que pour la garde de ces limites & passages ilz protesterent de fuier sang, & de l'espendre, ilz prindrent les armoiries taintes en couleur de sang, & de couleur rouge, ou vermeille sans en y mesler d'autre. Cecy sembleroit assez vray-semblable fil y auoit quelques vns aprochans du temps de Charlemagne, qui nous en eussent laissé la memoire, tellement qu'il faudra tousiours reuenir à la premiere opinion des Sueues, ou plustost courir aux Sueces, ou Suites Saxons amenez par l'opinion alleguée de Rhénan. Et à fin que pas vn de ceux qui escriuent de ceste braue nation ne soit mis en oubly, encore mettrons nous en ieu ce q Munster en dit lors qu'avec grād diligence il poursuyt la description de sa Germanie. Or sont telles ses parolles. Il appert par les histoires que souuent les Alemans se sont efforcez & mis en deuoir de chasser les Romains des Gaules, & païs Heluetien, à quoy toutesfois ne peurent onc atteindre iusqu'en l'an quatre cens quarante. Aucuns historiens tiennent qu'il s'assembla vne grande, & infinie multitude de peuple vers les parties septentrionales de Germanie, ausquelz se ioignirent les Suèves qui habitent le long du fleuve Albis & tous ensemble s'en vindrent le long du Rhin, & lequel ayans passé ilz entrerent en Gaule rauageans tout, & d'icelle penetrans iusqu'en Italie, & ce en l'an de nostre seigneur, deux cens soixante, ainsi que le recite Eusebe. Depuis en l'an trois cens, il y eut d'autres Alemans qui passerent le Rhin, & en grand troupe, desquelz on dit que Constantin en deffait trente mille pres de Langres: derechef enuiron l'an 360. ilz passerent encor le Rhin, & furent deffaitz par Iulian l'Apostat pres de Strasbourg: encore en l'an 380. on dit qu'ilz furent deffaitz par

D'où viēt le nom de Suisse.

Sebast. Munster. l. 3.

Eusebe. liure des temps. Orose li 7. cha 22. Ce furent les François & Alemans ioints ensemble. Voy le Supplement d'Eutrop. l. 11. Ammian Marcell. l. 16.

LIVRE TROISIÈME

les soldatz de l'Empereur Gratian pres d'Argentuaire qu'on pense que ce soit Colmarie cité du païs d'Elſace. Puis adioute : Ce qu'entendant les Alemans (car il parle des François qui ſeſtoient ſaiſis de quelque partie des Gaules) qui quelques années au parauant auoyent eſté grieuement tourmentez par les Empereurs Romains, qui en auoyent fait mourir pluſieurs milliers, voulans encor vn coup tenter la fortune & ſe venger des torts receuz, paſſent le Danube, & ſe gettent ſur les prouinces Romaines, & ſur tout occuperent la Rhetie (qui eſt le païs de Sueue) & la ſource du Rhin, & tout tant qu'il y a de terre iuſqu'au fleuee Artheſe qui eſt en la Gaule delà les montz. Paſſerent encor le Rhin, occupans vne bonne partie d'Heluetie ſubiette aux Romains depuis la riuere Ourſe, & les Alpes ſelon le Rhin, & par le terroir de Baſſe, à ſçauoir la Suggonie, & païs d'Elſace d'où au parauant on les auoit dechaffeſ. Vous voyez avec quelz argumens Munſter, homme fort diligent és recherches de l'hiſtoire d'Alemaigne, prouue que les Suiſſes ſont ſortis des Alemans, à ſçauoir des Sueues, car ſil me ſouuient il me ſemble auoir monſtré que ce furent eux iadis à qui principalement on donnoit ce nom, & tiltre entre tous les peuples de la Germanie. Mais ſur le commencement du chapitre parlant d'Heluetie, il ſemble auoir vne opinion contraire lors qu'il dit : Nous auons faiſt mention en la deſcription d'Italie, comme les Cimbres, iadis voiſins des Saxons, aſſaillis des inondations de l'Ocean, laiſſerent leurs terres, & avec vne grand multitude vindrent iuſqu'au Rhin, & le paſſerent, occupans vne bonne partie des Gaules à ſçauoir le païs maritime où à preſent ſont les regions, & Villes de Flandres & Brabant. Et comme encor ceſte terre ne leur fuſt aſſez agreable, ny propre pour leur demeure ilz la laiſſent, & courans toute la Gaule vindrent iuſqu'au Rhofne, requerans aux Romains qu'ils leur donnaſſent terre pour habiter, mais refuſez qu'ilz furent du Senat ilz ſe mirent en deuoir d'occuper par armes, ce que de bon gré ilz ne pouoyent obtenir.

*De ce voyage des
Cimbres Plutarg.
en la vie de C.
Marie.*

Oroſe. l. 5. ch. 16.

Florus lin. 3. ch. 3.

Ce qui aduint.

100. ans auant la

natinité de noſt. ſ.

Ces Aduatiques

ſont eſtimez eſtre

ceux de Boſleduc.

Paſſans donc en Italie ilz laiſſerent tout leur bagage aux Alpes, ne pouans ſi ſoudain le trainer avec eux, & mirent ſix mille hommes pour la garde de leurs richèſſes : or ceux qui auoyent paſſé les montz eſtant deſfaits Ceſar penſe que des autres qui reſterent, ſortirent les Aduatiques, la demeure deſquelz eſtoit entre les Tigurins, leſquelz ſont à preſent les Vraniens, & les Suiſſes. Soit que ce ſoit & comme que l'on prenne l'origine de ce peuple ſi eſt-il pour tout reſolu que les Suiſſes ne ſont point les Heluetiens deſcritz par Ceſar, encor qu'il habitent leur terre, ains ſont Alemans, & du païs Sueuien, ce que nous pourrons recueillir par leurs ſeigneurs, & Princes deſquelz nous parlerōs cy apres, avec la diſtribution des Cātōns, & ligues & auquel tēps ilz dreſſerēt l'eſtat de leur republique : Laquelle reſſent ſon eſtat populaire & toute contraire à la ſeigneurie de Veniſe : Car tout ainſi que les Venitiens ont vn chef ſouuerain qui à plus le nom, & parade de grādeur royale q̄ les effectz, au cōtraire les Suiſſes ne ſouffrent qu'il y ayt Duc, ny ſeigneur entr'eux l'vn plus grand que l'autre, leur ſuffiſant qu'vne alliāce commune cōioigne, & tienne en

amitié les ligues des confederez, seruât ceste vnion de Roy, Duc, & Prince à tout ce peuple. Et quoy qu'ilz aillēt au seruice des Princes estrangers, si est-ce que cela ne se fait que par l'accord commun de tous, affin qu'aucun n'entreprenne de s'vsurper seigneurie sur son voisin. Et tout ainsi que ilz n'ont n'y Duc, ny Prince qui leur commande, aussi n'y a-il Canton qui se puisse dire auoir la surintendence sur les ligues, si l'on ne vouloit dire q la seigneurie de Berne, pour auoir l'enseigne generale du païs eust ceste preeminence, mais elle ne sert à ceux de Berne que d'honneur sans autorité, comme nous en pouuons dire de l'Empereur, qui es ceremonies precede tous les Roys, sans que pas vn confesse luy deuoir obeissance. Les Suisses ont esté tousiours bons Chrestiens, & defenseurs de l'Eglise Catholique, biēs, & priuileges d'icelle, comme encore on les voit estre, sauf quelques cantons qui de nostre temps se sont emancipez du ioug de la bergerie de nostre Seigneur, pour suiure les resueries, & erreurs de l'imposteur Zuingle: du reste de leurs affaires, lisez le chapitre qui s'ensuit.

*La seig. de Berne
comme respectée
entre les Suisses.*

*Suisses Catholiques,
& defenseurs
du S. Siege.*

*Quel a esté le succez des seigneuries d'entre les Suisses, & comme ilz
se sont soustraits de l'obeissance des Empereurs & de leurs
Princes.* Chapitre 37.



Avant parauant q ceste braue, & belliqueuse nation dref-
fast celle association qui les tient liez ensemble, les
Suisses obeissoient à l'Empereur, mais le discord, & guerre qui fut entre deux contendans à l'Empire, à sçauoir Louys de Luxembourg, & Federic d'Au-
striche, comme les Suisses suiuiissent le party de Federic, aussi par son moyen petit à petit, ils se retirerēt
& de son obeissance, & de celle qu'ilz auoyent portée aux Empereurs. Ceux qui le fauorisoyēt furent le Comte de Haspurg, les habitans de Zurich, Vranie, & de Schvvitz, qui proprement sont les Suisses: mais comme
durant ceste discorde, chacun empietast sur l'Empire, & que les seigneurs Alemans, & voisins de Suisse peſchassent en eau trouble, & estendissent
leurs limites aux despens des plus foibles, durant ceste grande confusion les Suisses de trois Cantons feirent ligue ensemble pour trois ans, & ce
fut dès ce temps que le commun commença se fâcher de la noblesse, & conspirer contre l'estat des grands à cause de l'insolence d'aucuns gentils-
hommes, & que ceux de Berne, & de Friburg se ruerent sur les terres du Duc de Sauoye, & se saisirent de quelques places. Ceux qui traitēt l'histoi-
re Suisse, ne veulent accorder que les vallées de Suisse, & Vranie ayēt esté
iamais suiuettes à seigneur aucun, ains purement ressortants de l'Empire: ils
vous confessent bien que lors que l'Empire tomba entre les mains des Alemans la race des Pepins en estant descheuë, les gouuerneurs des terres
qui portoyent tiltre de Ducs, & Comtes se feirent seigneurs des païs que
ils auoyent en gouuernement: mais les anciennes citez & valées receurēt
des priuileges des Empereurs, ausquelles fut permis de viure chacune en

*En quel temps es-
mencerent les li-
gues entre les suis-
ses.*

*Ceste confedera-
tion fut faite l'an
1251.*

*Suisses nō subietz
d'autre que de
l'Empire.*

LIVRE TROISIEME

*Federic 2. donne
des immunitéz
aux Suisses.*

*Naclere es Chro-
niq. generation.
44.*

*Premiere revolte
des Suisses d'oü
causée.*

*Quels Cätons li-
guez la premiere
fois.*

*Munster liu 3. de
sa Cosmograph.*

*Cause principale
des ligues des Su-
isses.*

la liberté, loix, & coustumes, dependans de la seule autorité imperiale, ce qu'ilz preuent par la confirmation des priuileges donnez aux Suisses & Vraniés sous Federic secöd, qui regnoit l'an de grace 1275. Or ne dis-je pas sans cause que les gouuerneurs selon la confusion des temps festoyét faits propriétaires des terres commises sous leur gouuernement: car c'est de là que sortist, & proceda celle grand discorde qui a duré si long temps entre les Suisses, & la maison d'Austriche. Car les confederez tiennét que iamais les seig. d'Austriche ne leur furent seign. sinon ainsi qu'ilz venoyét en leur pays comme gouuerneurs au nom des Emp. Rudolphe, & Albert, ausquelz & non aux Austriens ils se disent auoir fait hommage, tout ainsi qu'aux autres Emp. & roys des Romains leurs predecesseurs: & c'est ainsi qu'en parle Munster qui ne veut signer cest article de recognoissance que les Suisses ayent esté suiets naturelz & legitiment de la maison d'Austriche, mais Naclere en parle vn peu diuerfement, lors qu'il dit ainsi. On trouue que les Suisses eurent premierement debat avec les Contes de Ribourg, puis aux Comtes de Haspurg, & en fin cötre les Ducz d'Austriche. Car on dit qu'vn certain Comte de Haspurg ayant vn sien chastellain capitaine du chasteau de Valestroit, homme assez enclin aux femmes, lequel l'estant ioué peu honnestement avec vne des suiетtes du Comte, deux des freres de ceste femme soupçonnans le fait, occirent le chastellain. Le Cöte voulant punir les meurtriers, les parents s'y opposent & se reuolent contre leur seigneur & orés vn, tantost vn autre se mettant de la partie, en fin toute la vallée Parma, & se ruant sur le chasteau d'oü le mal auoit pris source, le prennent & ruinent. Et peu de temps apres se ioignirent les habitans de la vallée d'Vri, puis les Vnderualdz, mettäs en auant, comme insupportablement ils estoient chargez de tailles, subside, & imposts, & que sans aucuns respect höneste, les gouuerneurs les traitoyent plus que tyränniquement. En l'an donc de nostre salut 1306. les Suisses feirent leur premiere ligue & cöfederatiö, ceux c'est à sçauoir de Schuith, Vrë, & Vnderuald, avec protestatiö toutesfois de ne preiudicier en rien les Ducz d'Austriche en ce qui leur estoit deu de cens, & rëte, ainsi qu'à present en vñent ceux de Geneue à l'endroit du Duc de Sauoye. Par ces mots vous voyez que Naclere fait les Suisses (par leur confession propre) tributaires de la maison d'Austriche: Mais oyons Munster: Il fut iadis de coustume (dit-il) que le Roy des Romains enuoyoit des Iuges, & gouuerneurs aux citez & vallées des Suisses qui leur estoient immediatement suiетtes: & ces commis estoient esleuz & choisis d'entre les plus remarquez nobles de tout le pays, & qui, par ce moyen, donnoient la charge du gouuernemët à d'autres qui estoient leurs lieutenans, lesquels n'auoyent aucune puissance autre sur les habitants, que de tenir le siege, & ouyr les causes pour là dessus faire iustice: & ceux-cy, abusans de l'office à eux commis, se veirent aussi dechassez de leur charge.

Mais reuenans à nostre propos, la cause principale de l'alliance des Suisses vint par la faulte des gouuerneurs, & le peuple ne pouuant souffrir leur insolence, à quoy les ayda fort celle contention ia ditte, qui aduint pour l'Empire, entre Louys de Bauiere, & Federic d'Austriche entät

que le Bauare pour se preualoir & se garder de son ennemy escriuist aux Suisses, & vsant de la puissance Imperiale les affranchist de toute suietion & obeissance promise à son competeur. Là où le seigneur d'Autriche voyant que ceux qu'il tenoit pour subiets s'emancipoyent de son obeissance tascha de les chastier, & contenir en deuoir, tellement que Lupold d'Autriche allié à la plus part des Seigneurs qui tenoyent quelque seigneurie au païs Heluetien, feit la guerre aux Cantons, liguez & confederez, qui pour lors ne furent que trois, iagoit que les Bernois, les Soleurois, & ceux de Basle fussent de la partie, & que ceux de Zurich les suiussent en affection, si est-ce qu'ils demourerent au commencement neutres, & les Lucernois embrassans le party du Duc d'Autriche.

Comme les Cantons estoient affectionnez.

Quoy que Lupold eust les forces assez belles, & que le Comte de Stralsberg se tenant en Nuchlant vint avec armée sur les Syluaniens, si est-ce que la bataille estant donnée pres le mont Sattel, & le long du lac Egré le prince Austrien y fut vaincu, son armée deffaitte & luy mis en fuyte sans grand massacre de sa gendarmerie, moins n'en receuans ceux qui auoyent entrepris de leur donner sur la queue. Ilz s'escoulerent quelques années en ceste guerre des Austriens contre les Suisses, laquelle causa que en fin les vns pour s'opiniastrer à vouloir surmonter, & assuiettir les autres, se veirent priez de tout droit de puissance, & iurisdiction, combien que iusque alors les Suisses eussent souffert, & conuiué le gouuernement (qui tant leur desplaisoit) des Princes: quoy que ny les Confederez, ny le Prince ne fussent le motif de la derniere esmotion, & entendez cōment.

Ceste bataille aduint l'an 1315. au mois de Nouëbre.

Comme enuiron l'an de nostre seigneur 1385. le Duc Austrien eust fait paix avec les liguez, aduint que certains marchans d'Autriche se retirās à Lucerne, & y estans receus citoyens, & enrollez comme bourgeois de la ville, feirēt quelque despit au gouuerneur, lequel vsant plus, peut estre, d'animosité que de iustice, feit pendre lesdits Austriens en despit & comme pour se venger des confederez, ausquelz il vouloit le mal de mort. Les Suisses qui ne cerchoyent pas meilleure occasion pour se deliurer du ioug de ceste seruitude, prennent les armes & vont assieger Rotemberg, que ilz prindrent, saccagerent, & demolirent de fonds en comble: & plusieurs villes, & cartiers fallierent deslors aux confederez, meuz du seul desir de liberté, & se faschans de souffrir si longuement que on les maniait avec vne si grande rigueur qu'ilz se plaignoyent souffrir par les gouuerneurs. C'est alors que tous animez, & ne souhaitans chacun que la ruine de son aduersaire, & tous ne cerchans que les moyens de se venger des torts receux reciproquement, feirent grand amas d'armes: l'Archiduc assemblant de grandes troupes d'Allemagne, & les Suisses ne faillans d'appeler à secours les liguez, non pour sortir de leur païs, ains seulement pour se deffendre & chastier cōme de coustume l'Austrie si venoit pour leur rompre le repos, & empescher leur aise. La bataille fut donnée pres Sempach tenuë par la garnison des confederez, & en laquelle mourut presque toute la noblesse qui tenoit le party Austrien en Suisse, & où fut occis Lupold Archiduc d'Autriche, le Marquis de Hochberg, le Comte de Fustemberg, deux Comtes de Sierstein, & vn des Comtes de Zollern: &

Cause de la derniere renolte des Suisses.

Lupold Archiduc occis en bataille par les Suisses l'an 1386.

LIVRE TROISIÈME

encore en fuyant il y eust vn grand nombre de noblesse prise par les Suisses, lesquels en feirent vn piteux carnage. Ce fut pour ceste cruauté, & à cause de l'obeissance deniée, que le Duc Austrien se plaignist des Suisses deuant l'Empereur Charles quatriesme du nom : mais tout cela ne peut seruir de rien, veu qu'en fin tous les Cantons s'associans, s'emanciperent & de la suiecttion du Duc d'Austriche, & de l'obeissance de l'Empire, ne recognoissans autre seigneur, que leurs republicques: & se cõtentans de l'alliâce des roys, & amitié des Princes ne payent tribut à aucun, plustost reçoüent pension de plusieurs, & sont venus quelquefois iusqu'à telle gloire, & insolence que de se nommer les fleaux, & chastiment des Princes. Ces guerres durans l'espace de plus de cent ans, & s'allumât le desir de vaincre d'un costé pour regner, & de l'autre aussi pour ne souffrir d'estre maistrisé, le peuple induit par ses gouverneurs, ostant toute sorte de iurisdiction, dressa en fin l'estat populaire, ou (pour mieux dire) le Syndicat des Cantons, rapportans aux anciens estatz des Gaullois, & entrèrent en ceste ligue avec les Suisses, ceux de Berne, Zurich, Vre, Fribourg, Lucerne, Soleurre, Schaffusen, Basle, les Grisons, & Sedunois qui sont en la vallée Valoise, & tout compris sous les Suisses. Je seroy trop long, si i'alloys compter par les menus les guerres suscitées entre les Suisses, & les autres valées, à cause del'abbaye de S. Gal, & si ie reduisoy en memoire l'appareil de guerre fait par le Daupin de France, qui depuis fait Roy porta le nom de Louys onzième, & des rencontres euz pres de Basle: & ne suis delibéré de reciter les causes qui esmeurent Charles dit de Charolois dernier Duc de Bourgoigne, de faire la guerre aux Suisses, & comme deux fois ilz le vainquirent en bataille à Grançon, c'est à sçauoir, & à Morat, où ce grand Prince perdit, & bon-heur & reputation de bon conducteur en guerre. Ne me sert à propos de racompter combien de fois ceste nation impatiente de supporter qu'aucun la manie autrement qu'à sa fantasie, a eu affaire contre les Roys de France: à fin de ne point esueiller les anciens regrets, & renoueller vne playe ia presque oubliée: plustost (si le lieu le requeroit, & q̄ le loisir nous le permist) voudroy-ie m'employer à deduire deüment, & bien au long, avec quelle loyauté, bonne affection, hastiueté, amour, hardiesse, & constâce inuincible, ilz ont secouru nostre bon & treschrestien Roy, durant la calamité des troubles de ces guerres ciuiles, qui ont enuelopé l'heur de la France parmy la commune misere de presque toutes les natiõs de l'Europe. Bien diray-ie en passant, que le soldat Suisse ne perdra jamais ce renom en France, que s'il y a quelque vertu, continence, & modestie és discordes intestines, & si les guerres ciuiles n'aportent à leur queuë toute insolence, & impunité de maux, le Suisse s'est monstré tel, que là où il a demeuré en garnison, encore l'hoste le caresse, & ne peut luy vouloir mal, soit que la vaillance de l'homme luy plaïse, ou que la courtoisie & bonté naturelle de ce bon estranger luy soit sur tout autre agreable. En somme ceux qui sont si chatouilleux, & lesquelz ne trouuent rien de parfait que leur fantasie, ne sçauent dire autre cas de ceste nation sinon qu'elle est rude, grossiere, & Barbare: Je ne sçay qu'est-ce qu'ilz appellent rude, veu que ie voy les Suisses fort acostables, & humbles prests à obeyr, & les moins insupportables

Ce fut sous Federic d'Austriche environ l'an de grace 1446.

Louys onz. contre les Suisses. voy Paul Emile. ce fut l'an 1444. Charles de Bourgoigne vaincu deux fois par les Suisses, l'an 1476. Nauclere. Philippe de Comines.

insupportables en commandement que l'on sçache : Il est vray qu'ils ne sont ny musquez , diaprez , ny parfumez , qu'ilz ne sont point superstitieux en la netteté extérieure du corps , que la gresse , & la sueur , la poussiere , & le hasle sont les ambres & ciuettes , avec lesquels ilz se presentent deuant les Roys : que les aux, oignons, & viandes de semblable delicateffe sont l'ornement de leurs tables, & leur giste est la terre, leur couverture le Ciel, & leurs bains, les pluyes, neges, verglas, rauines, & tempestes. Aussi sont ils bons soldats, & telz qu'eux plusieurs des nostres, qui representans l'homme, & celuy qui est vrayement martial, n'appellent point rudesse , ny grosserie que ne point sçauoir la mignardise , abhorrer les molleses , & mespriser tout ce qui peut effeminer l'homme , suyuant la vertu soit en temps de paix, ou durât le trauail de la guerre. Mais quoy? si le Suisse n'est mignon , ny courtoys au iugement , & selon la mesure des damedrez, il est à tout le moins net en son ame , loyal en sa parolle , constant en promesse, ferme en sa foy, vaillant en guerre, paisible durant le repos, craignant Dieu, seruant l'eglise, obeissant à ses superieurs , sans noises, debartz, ny querelles: si cela est l'office d'un barbare , ie souhaiterois que tout tant qu'il y a d'hommes au monde fussent compris sous vne telle Barbarie. Vn seul vice gaste ce peuple , c'est qu'il boit sans raison , & ayme le vin outre mesure, & que (comme i'ay desia dit) à peu de pris il se louë à espâdre son sang pour espoir de remplir sa bourse, car autre chose ne voy-ie guere que reprendre en luy, qu'on ne puisse aussi bië marquer aux autres. Je suis marry qu'avec le sçauoir, & bonnes lettres ceste nation ayt humé aussi bien que les Alemans, Anglois, Flamans & François le venin d'heresie, & pour l'extirpation de laquelle, ilz se sont entre-chatouillez de nostre réps par guerre, aussi bien qu'à present nous faisons le mesme pour semblable effect. Et tout par le moyen des Zuingliens , qui sortis de la Cabale de Luther, pour se monstrier plus subtils que leur precepteur, inuenterent l'erreur sacramentaire, ou plustost renouellerent les folies ia chantées, & niées par Beranger, celuy qui le premier doubta de la verité & realité du saint sacrement.

Mœurs des Suisses telz qu'ils sont à present.

Partie des Suisses deuenus Zuingliens sont vaincus par les Catholiques l'an 1530. Voy Surie au supplement de Nauclere. Zuingliens gastent les Suisses.

D'où sont nommez les Valesiens, & Sedunois.

Matzen en espee de Bannissement.

Entre les Suisses ceux de Syon sont suiets à leur Euesque , là où presque tout le reste est gouuerné par les seigneurs qui tiennent la police des villes & sont magistrats esleus pour le maniment des affaires. Or les Sedunois, qui aussi s'appellent Valesiens, à cause des valées qu'ilz habitent, ou comme d'autres dient, ilz portent le nom de Valerie cité , qui est le lieu de Syon, iadis Sedunum, où à present se tiennēt les chanoines : & est diuisé ce pays en hault, & bas Valois, les vns parlans Sauoyen, & viuās sous communauté, les autres Alemant, & suiets à l'Euesque. Et iacoit que ce peuple soit assez gracieux aux estrangers si vse il d'une grande rigueur , & seuerité enuers les siens mesme: entant qu'ilz ont vne coustume fort ancienne, & receuë dès long temps le peuple l'approuuant, & qu'il appelle Matzen en son langage. Or est ce Matzen vne Masque, & figure d'homme faite avec le plus de difformité qu'il est possible de voir, & laquelle est entortillée , ou avec des sarments de vignes , ou des racines enlacées d'arbres : si quelque riche homme est desplaisant au peuple, le moyen de le chastier est de luy aller pendre deuant la porte ce Matzen, lequel n'y est pas si tost posé, que

LIVRE TROISIEME

tout le monde court sur luy, le chassent de ses biens, & bannissent, pillans, rauageans & mangeans toute sa substance. Ne pensez pas toutesfois, qu'ilz en vlent ainsi sans aucune raison, veu que iamais guere cest espouventail n'est mis deuant vne maison que le maistre d'icelle ne soit remarqué de quelque crime, n'y ayant iurisdiction, ny ville, où l'on n'vse de ceste sorte d'ostracisme & proscription & où les Magistratz ne peuuent empêcher que le peuple ne iouisse de cest ancien priuilege. Les Valesiens sont de la ligue des Suisses dès l'an 1536. & se ioignirent lors mesmemēt que ceux de Berne feirent la guerre au Duc de Sauoye: & y estant seig. (cōme dit est) l'Euesq̃ esleu par les chanoines, encor luy est-il aiousté vn iuge, qui est cōme le chef, ou capitaine de la Prouince, lequel iuge éz matieres, & causes prophanes, non qu'il soit perpetuel en l'estat, ains choisi tous les deux ans par l'Euesque, & commun conseil, & assemblée des estats du païs, & luy nourrist & salarie le prince Ecclesiastique sept ou huit hommes à cheual pour son train, & suite ordinaire, & a sous sa charge ce Capitaine six forteresses, ayant sous sa puissance l'amas du peuple pour la guerre, & la souueraineté de la iustice. Ce païs Sedunois estant montaigneux abonde fort en sauuagine bons vins, cire, miel, fourrages & poisson: le vulgaire viuāt plus de chair salée q̃ d'autre viande: abōdent encor en bleds, fruitz & safrē & ne sont sans auoir grād quantité de gibier tant à cause des mōtaignes, que des lacs qui sont frequents par tout le païs voisin du Rhosne: Ce fut par ce païs que passa Cesar venant en Gaule, y enuoyant Galbe pour empêcher le passage, affin que les Gauloys ne l'occupassent, aussi fait il mention des villes de Syon, Martinach, & Saint Maurice, lesquelles en Latin sont nommées Sedunum, Octodunum, & Agaunum: Ce païs est loué nō tant pour sa fertilité, que pour les choses rares qu'il encloist pour la santé de l'homme, comme sont les bains d'eaux chaudes & sulphurées de telles que nous en auōs aussi en noz mōts Pirenées: mais le pis que ie voy en ce païs Sedunois, est que ceux qui habitent le long des mōtaignes ont le col gros & enflé & des loupes qui leur pēdent iusque sur l'estomach, soit que cela procede de la trop grande froidure de l'eau, & laquelle n'estant encor purifiée leur cause ceste excroissance au gosier, ou que ce soit vn vice naturel, porté du ventre de leur mere. Quant aux villes des Suisses comme ainsi soit q̃ iadis les Heluetiens (ausquels ceux-cy ont succédé) habitassent dans des Bourgades, aussi ne bastirent ils guere grand nombre de villes, si que outre Zurich, vous n'en trouuez gueres nommées par les histoires anciennes: & ie vous prie regardez moy quelle antiquité vous pouuez tirer de Lucerne bastie pres d'un lac portāt mesme nom: tant y a que premiere-mēt elle n'estoit qu'une abbaye fondée l'an 816. par le frere de Rupert duc de Sueue, & puis par succession de temps la cité y a esté dressée à cause de l'abord que les habitans faisoient là, par le moyen de la sainteté des religieux se tenans en ce monastere. Lucerne ne iouist de guere grande fertilité de terroir, seulemēt a le pasturage à plaisir à cause des praeries qui sont le long du Lac, lequel leur dōne plus de supōrt que le reuenu de leurs terres. Au contraire Zurich (iadis Tigre) a le païsage comme à souhait, abōdant en bleds, & vins, mais le vin n'y est guere plaissant, & n'y peut guere

Chefs quelz en Sedunon.

Abondance du païs Valesien.

Cesar 3. cōment.

Suisses iadis se tenāts es bourgades.

Lucerne quād, & par qui bastie.

meurir, à cause de la froidure des Alpes, & ont encor les Zurichiens le contentement du Lac sur lequel leur cité est bastie. En laquelle iadis y auoit comme la figure d'un Senat à l'imitation des Romains anciens, mais d'autant que le corps de ceste assemblée estoit composé la plus part de la noblesse & des plus puissans du pais, & que ces seign. faisoient & manioient tout à leur fantasie, & sans esgard du simple peuple, ilz furent chassés, & l'estat changé en vne autre sorte, & maniere de gouvernement, & ce environ l'an 1336. Ceste cité a souffert beaucoup tant par les Empereurs que les autres Suisses, à cause qu'elle estoit alliée de la maison d'Autriche: mais en fin se reconcilians ensemble, feirēt la ligue, laquelle dure encore à present, quoy qu'elle fut rompue du temps que les Zuingliens infecterent, & Zurich, & Berne de leur venin, & qu'il fallust disputer de la religion par les armes, auquel conflict mourust le semeur de celle discorde, à sçauoir Zuingle, & plusieurs de ses compaignons au ministère de l'heresie ia semée. Dequoy me seruiroit de vous aller icy réciter le bastiment de Soleurre qui ne fut iadis qu'un chasteau, iacoit qu'on la vueille dire des plus anciennes qui soyēt en toutes les Gaules? Il nous suffit de dire que le pays y estant fertile, sauf que la vigne y croist fort enuis, & sans y guere prouffiter, les hommes y sont gens de bien, simples, bons Catholiques, & tels qui n'ont voulu rien gouter des refueries Zuingliennes. Fribourg qui est assise au pais nommé Nuchland, est aussi moderne qu'autre ville Suisse en tant qu'elle fut bastie environ l'an de nostre seigneur 1152. par Berthold Comte de Zeringhen: lequel donna aussi commencement à celle magnifique cité, qui semble auourd'huy porter le tiltre de chef des Suisses à sçauoir Berne, grande de tour, superbe en bastimens, bien policée, & ayant en soy toute chose digne d'un tel lieu, si l'heresie ne tenoit aueuglez les yeux des seigneurs qui gouvernent vne republique si florissante. Elle a pris son nom, ainsi qu'on dit des Ours qu'elle porte encor, & en ses armoiries, & en la monnoye coignée au nom de la seigneurie, & ce par accident plus qu'autrement, car comme le bon seigneur Berthold fut fort adonné à la chasse, & eust deliberé de faire edifier vne ville en celle presque isle sur le fleuve Aar, où à present est assise Berne, il dit un iour allant courir le Cerf, la premiere beste que nous rencontrerons, & qui s'offrira pour nous donner le passetemps de la course, donnera aussi le nom à la ville que ie pretens de fonder en ce lieu.

Ce fut un Ours le premier qui fut & pouruiuy & pris, lequel s'appelle Beren en langue Alemande, & aussi de luy la ville estant haucée porta le tiltre de Berne, laquelle a esté quelque temps sous la main de l'Empire par la donation de Berthold cinquieme, lequel despitē pour la mort de ses enfans empoisonnez par la noblesse du pays, en inuestit l'Empereur Frederic second qui la tint, comme aussi ses successeurs souz la foy, & homa-
ge des citoyens. Vous auez encor S. Gal au pais Heluetien non loing du lac de Constance: ceste cité a commencé par l'hermitage continué depuis en Abbaye, les premiers fondemens de laquelle furent posez par Saint Gal, venu d'Ecosse, & qui instruisit ce peuple farouche en la loy de nostre seigneur, ce qui aduint l'an de grace six cens trente.

*Zurich fort ancienne. roy Cesar
ez. Comment.*

*Zurich affligée
par les Bernois.*

Soleurre ancienne.

*Fribourg, en Nuchland, par qui
bastie.*

*Berne par qui fondée
Et la cause
de son nom.*

*Berne donnée à
l'Empire l'an
1218.*

*S. Gal Cité ditte
d'un S. qui couvrit
les habitans
du pays.*

LIVRE TROISIEME

*Quād S. Gal fut
mis sous la seigneurie
des Abbez.*

*Comme est consi-
deré le pays suiet
à S. Gal.*

*Schaffuse où ba-
stie.*

*D'où viēt le nom
de Schaffuse.*

*Bade des Suisses
a difference du
Marquisat de
Bade.*

*Bains salutaires
de Bade.*

La ville bastie que fut, les religieux y flourishantz en sainteté de vie, & erudition, les seigneurs aussi ne cessoyent d'enrichir le lieu, tellement que par succession de temps, les Abbez se sont portez, & dits seigneurs, tant temporelz que spirituelz, & ce déz l'an 1227. que Conrad Baron de Bûnâg vsurpa le tiltre que ses successeurs ont maintenu iusques auioird'huy. Ces peuples de S. Gal viuēt plus de laiçt, fourmage, & chair de mouton, q̄ d'autre chose, & s'occupent à filer, vendans leurs toiles à leurs voisins: ils sont rudes, grossiers, & les moins acostables des Suisses, toutefois fort simples, & d'une bonne conscience, & sont liguez avec les autres Câtons, iacoit que long temps ilz ayent esté subietz aux Abbez, & par-ainssi hōmageables à l'Empire, mais par le moyen de l'insolence d'aucuns seigneurs, & aydez par les Suisses, & ceux du Canton de Glaron ilz se sont deliurez & emancipez de ceste suiecttion: & quelque accord qu'ilz ayent fait avec l'Abbé, si sont les citoyens francs de subsides, non subiectz à iurisdiction autre que de leur Senat, & lequel contient souz son autorité tout le finage encloz en la ligue generale des confederez. Le pays est bien peuplé, les hommes vaillans, & robustes, & est toute leur terre partie, & diuisee en douze communautez qu'ilz nomment Roden, les six desquelles payent encor tribut à l'Abbaye, & les autres se tiennent en leur entier, & sans recognoistre seigneur aucun que leur republique.

Quant à Schaffuse quoy que elle ne fut iadis de la contribution des Heluetiens & que elle se vantast du nom Alemant, si est elle à present de la ligue des Suisses. Or est elle bastie le long des horribles precipices du Rhin ne faisant que sortir des Alpes, pour gagner la campagne, & seruir de borne & separation, à la Gaule, & Germanie. Et dit-on que ceste cité prist son nom du mot Schauf, qui signifie Brebis, & pour ceste occasion les Schaffusiens portent vn mouton de sable, en champ d'or pour leurs armoiries: mais d'autres luy donnent sa denomination du vocable Schefhansen, des naus que les Alemans nomment Schiff, ou Scheff, à cause, que auant que le pont fut basti sur le Rhin, on y souloit passer sur des bateaux: Les Schaffusiens sont de l'alliance Catholique, bons soldatz, & gens adonnez au labourage, comme ceux qui forçans les difficultez du terroir ont rendue fertile la terre voisine de leur cité.

Bade est aussi des limites Heluetiens, ie n'entens point parler de celle que encore à present on recognoist souz le nom de Marquisat de Bade, ains de celle qui est assise en Engoye, & laquelle estant au milieu presque de tout le pays Suisse, est aussi le lieu où les confederez s'assemblent ordinairement pour y tenir leurs conseilz, estat, & dietes. Munster, duquel i'ay emprunté la plus part de cecy, décrit les bains de Bade les plus sains, & plaisans que on sçache voir, & où il monstre le naturel peu farouche de ceux du pays, comme de ceux qui ne se faschent, ny esmeuent quelque familiarité qu'ils voyent qu'on prenne avec leurs filles, ou espoules: Quant à la merueilleuse force de l'eau il en dit de grandes choses, comme de mettre en auant que elle a vne force admirable pour ayder à la conception aux femmes qui sont tardiues à concevoir, ou qui semblent estre du tout steriles: la fait fort propre pour la guerison des

douleurs de la teste, qui procedent de froidure, à la Lethargie, affoiblissement de nerfs, apoplexie, surdité d'oreilles & esblouissement de la veüe. Neantmoins fait il ceste eau nuisible à ceux qui sont secz, & chauldz de complexion, & qui sont attenuëz d'Ethisie: mais quoy qu'il en soit, ces bains ont quelque amitié secrete aux femmes, entât qu'elles en sont plus soulagées s'y baignant beaucoup plustost que les hommes. Je laisse tout à propos plusieurs choses sur le propos des Suisses & villes à eux voisines, & ne me tourmente beaucoup à descrire les Grisons d'un costé, ny les Savoisiens d'un autre, & moins m'arreste à l'ancienne Cité de Constance, d'autant qu'en espluchant les mœurs des Gaulois, & des Germains, il me semble assez auoir fait, sans m'arrester à la particularité de toutes choses. Neantmoins sçachant que Basle est aujourd'huy tant renommée qu'il n'y a presque homme ayât quelque cognoissance des bonnes lettres, qui n'en aye ouy dire quelque cas, ou n'ayt veu ce nombre infiny de liures qui en sortent au grand soulagement de tous ceux qui ayment les sciences liberales, & les meilleures lettres. Je n'ignore point que Munster, & Rhenan sont en controuersé sur le nom, & temps de la cité de Basle, l'un luy donnant plus long trait que l'autre, mais vous ayant amené leurs opinions, ie croy que facilement vous accorderez à celui qui vous amenera le plus d'antiquité & fondera son dire avec l'autorité des meilleurs auteurs. C'est par parlant des Heluetiës les auoisine aux Rauraciens qui ne sont de trop esloignez du lieu, où à present Basle est bastie non qu'Auguste des Rauraces soit la mesme que Basle, veu que encore à present on voit les ruines de la premiere, que ceux du pais appellent Augst, & laquelle n'est qu'une pauvre masure: Or n'estât Basle ceste Auguste, & bastie toutesfois es limites Rauraciens, faut voir d'où elle à pris origine, veu que ce furent les Alemans, qui du temps de Valentinian Empereur passans le Rhin pour habiter en Gaule, ruinerent Auguste: mais voicy, comme Rhenan en parle. Il n'y a point default d'aucuns qui dient qu'Auguste des Rauraces fut ruinée par les Hongres, & que Basle fut fondée par Henry Roy d'Alemaigne, & filz d'Otton premier: mais le premier point, côme ainsi soit que ie nie point, sçachant que les Hongres acheuerent de demolir ce qui restoit de bastimens à Auguste, ainsi que le notent & Reginon, & Luitprand: si est-ce que le second article ne peut par moy estre accordé que Henry ayt basti Basle, quoy qu'il l'ayt embellie & aggrandie. Et ne peux receuoir qu'elle ayt esté nommée Basle, ou Basilée du mot βασιλεια qui signifie Roy, ains du vocable Bassel, ou Passel, qui signifie passage, à cause qu'au lieu, où à present est Basle on auoit coustume de passer la riuere à bateaux, le pont n'y estant dressé encore. Et puis s'aydant ledit Rhenan des marbres, amene ne sçay quelle memoire d'atiquité, où il dit que Basle fut bastie par les Alemans, faschez des incommoditez souffertes en l'ancienne Auguste: encore dir que les Romains n'auoyent point coustume de nommer leurs villes, & Colonies d'aucune Greque apellation, de quoy fil se trompe ie m'en raporte au iugement des plus doctes, & qui ont longuement versé en l'histoire. Mais oyôs Munster en ses raisons & ensemble iugeons fil a quelque certitude plus valable en ce qu'il ame-

Bains de Bade plus sains pour les femmes que pour les hommes.

Auguste Rauracienne n'est point Basle.

Beat Rhenan li. 3. de la Germanie

C'est Henry regnoit l'an de grace. 920.

D'où viët le nom de Basle selon Rhenan.

LIVRE TROISIEME

*Alemans bastif-
seurs, & non de-
molisseurs de
Basle.*

Ammian li. 30.

Felix Malleol.

*Arnoul regnoit
l'an de grace 891.
Ceste course des
Hongres aduint
l'an 915. & 921.*

*Ceux de Basle s'ot
de la ligue des
Suiſſes.*

*Basle flourishit en
vniuersité, & im-
primerie.*

ne, car ie ne voy point que Rhenan nous donne guere grand contente-
ment que de sa seule opinion sans preueue d'ailleur, & sans noter le temps
du bastiment de ceste cité Basilienne. Il est vray que regardant la saison
alleguée par Munster, à sçauoir souz le regne de Gratian & Valentinian,
l'an de grace, 382. on cognoistra que ce furent les Alemans qui l'edifierent
(ainsi que Rhenan escrit) mais le different est sur le nom, l'un l'attribuant
à royauté, & l'autre au passage de la riuere. Munster se fortifié de l'autorité
d'Ammian Marcellin, duquel telles sont les parolles: L'année ensuyuant
Gratian l'associant à la dignité imperiale Equitie Consul, & Valentinian,
apres auoir saccagé, & ruiné quelques bourgades des Alemans, bastissant
vn fort aupres de Basle, que ceux du pais appellent force & puissance, on
receut les nouuelles du gouuerneur Probe, faisant mention de la defaite
receuë en Illyrie. Par ce texte d'Ammian on voit & que Basle estoit ia
bastie auant que les François ny Alemans tinssent l'Empire, & que les ha-
bitans l'appelloient Basilee de sa force: en quoy encor ie ne sçay si ie dois
plustost croire Rhenan, veu que Ammian ne donne aucune raison de la
cause de ce nom: car quant aux temps de l'edification il nous appert assez
par ce que Munster allegue d'un Felix Malleole en son vergier des Emp.
Romains, lequel parle ainsi de Basle: du temps (dit-il) de l'Empereur
Arnoul, les Hongres se ruans sur la Germanie ruinerēt Basle, laquelle s'ap-
pelloit la grand Auguste: Mais le Roy Héry pere d'Otthon 2. la rebastist,
& transporta où à present est la cité de Basle. Icy on voit encor de la diffi-
culté, entant que cestuy cy fait mesme cas de Basle, & d'Auguste, mais
se trôpant en ce que des ruines de l'une, l'autre fut réparée, il appelle Basle
Auguste, comme ainsi soit qu'Ammian n'en fait aucune mention, seule-
ment allegue le fort basti pres de Basle pour tenir les Alemans en ceruel-
le. Concluons, quelquefois Rhenan fait mention de deux forz bastis à
chascun bord du Rhin au lieu mesme, où à present est assise ceste belle ci-
té, & ainsi il pourroit ayder à l'opinion de Malleol, si le lieu d'Augst n'e-
stait encor en pied, que personne n'a iamais baptisé du nom de Basle. Ceste
cité est du toute Alemande, & parainſi il sembleroit que ie m'esgarasse
la mettant parmy les Suiſſes, mais puis que les Basiliens sont de la ligue, &
confederation Heluëtiëne, & que l'alliance de ces peuples libres leur sert
de liberté, ie n'ay fait aussi conscience de les enuclouer en leur histoire
ioint que iadis la grãd Basle estoit Gauloise, & la petire Alemande. Ceste
cité ayant iadis son Euesque, est à present separée pour la plus part de la
communione de l'Eglise vniuerselle, comme celle qui pensant viure libre-
ment en secoüant le ioug de toute obeïſſance, a receu toute sorte d'hom-
mes, & n'a fait difference aucune des espritz pour voir de quel zeile ilz es-
toient conduitz. C'est grand dōmage qu'une si belle vniuersité & le plus
beau lieu pour l'imprimerie, & où se font des meilleurs liures qu'en autre
villes de l'Europe, soit soumise à une si estrange diuersité d'opinions sur le
fait de la foy que celle qu'on voit à Basle, depuis que les Lutheriëns, Zuin-
gliëns, Caluinistes, OEcolumpadistes, & autres y ont osé parler sans crain-
dre la reprehension de Iustice: & tel est l'estat à present des Suiſſes, qu'il se-
stend soit par alliance ou subiection beaucoup plus que iamais ne feirent

les terres, & juridiction des Heluetsiens, desquelz les Rauratiens estoient voisins, & lesquelz lesdits Heluetsiens sollicitèrent à s'armer contre Cesar, ainsi que luy mesme tesmoigne en ses commentaires.

Cesar 1. des Côm.

Des Flamans, leur origine, mœurs, & façons de faire. Chap. 38.



VI est l'homme n'estant que mediocrement versé en l'histoire, qui n'aye souuent leu, & ouy renommer ces Cymbres, iadis l'estonnemēt du peuple Romain, comme ceux qui ont vaincu plusieurs armées sorties de Rome, & occis vn bon nombre d'excellens chefs, & cōducteurs de la noblesse sortie de l'estoc de Rome? Et qui ne sçait qu'un seul Caie Marie glorieux pour le nombre de ses consulatz fut estimé digne & suffisant pour abbatre l'orgueil d'une natiō tāt fiere, & farouche? Mais qui sont ces Cimbres, ou en quel païs ilz ont habité il le fault voir, à fin que parlās de la suite de l'histoire qui nous est en main, nous ne nous esgariōs plus loing q̄ du chemin limité pour nostre voyage. Cornille Tacite descriuāt la Germanie les trouue pres de l'Ocean quād il dit, le mesme sein de Germanie les Cymbres voisins de la mer tiēnent, & possèdent, l'assemblée desquelz est à present petite, & le nōbre fort diminué, mais ou reluit vne gloire immortelle & paroissent les honorables memoires de leur excellēce & renom anciē: si que par l'espace de leurs limites on cognoit la force, & multitude du peuple, & aiouste lō foy à l'issue de leurs gestes memorables. Mais à quel propos, direz vous, est-ce que j'allegue à present les courses des Cimbres? A fin q̄ vous voyez cōme apres ce rauge, & répeste horrible de ce peuple se desbordant des lieux maritimes voisins du païs Saxon, ces Cimbres furent les premiers qui vindrent peupler les terres de Flandres, & Brabāt selon la marine suyuant ce que saint Hierosme en escrit, disant: La nation des Teutons sortant des derniers limites des gaules & Germanie pres les bordz de l'Ocean se desborda comme vne grand inondation par toute la Gaule, & ayant souuent vaincuz les Romains en fin fut vaincue, battue & du tout affoiblie par Caie Marie pres d'Aix en Prouence. Apres la deffaitte desquelz les vns festans retirez en leur païs marescageux, les autres s'en allerent, ainsi que dit Cesar, aux terres des Aduates, qui est le terroir de Tournay, ou comme d'autres estiment le païs de Brabant, autres ont estimé que ce fussent ceux de Bosleduc: Mais quoy qu'il en soit, & en quelque part que soyēt retirez es païs bas ces Cymbres, si est-il sans faulte que le païs que à present nous appellons Flandres a esté iadis leur demeure, à sçauoir en ce cartier où maintenant sont les Contez de Holande & Duché de Brabant, & qu'il soit vray, oyons comme Cesar en parle, disant: Comme il senquist d'eux qu'elles estoient leurs Citez, & quel nombre ilz auoyent de gendarmerie, & quel estoit leur effort, & puissance en guerre, on luy respond: que plusieurs d'entre les Belges estoient descenduz des Germains, qui ayans iadis passé le Rhin, alliechez de la fertillité du pays, sy arresterent en chassant les

Voy Tite Lius 67

Flore. lin. 3. ch. 3.

Orose. li. 5. ch. 16.

Entrop. lin. 4.

Caie Marie des-

fait les Cimbres.

voy aussi uellée

patercule.

Tacite liure des

mœurs des Ger-

main.

S. Hierosme epist.

à Geronce.

De ceste deffaitte

lys Plutarg. de la

vie de C. Marie.

Aduates quels

est de qui descen-

duz, voy Cesar

lin. 2. des Comm.

LIVRE TROISIEME

*Cimbres en Gau-
le au pays de Ho-
lâde & Brabant.*

*Suetone en la vie
de Tibere.*

Gaulois qui auparavant en estoient les possesseurs : & lesquelz estoient les seulz qui de la memoire de leurs peres, festoyent mis en deuoir d'empescher que les Cimbres, & Teutons ne feissent leur demeure en ceste terre. Et au mesme liure, le mesme Cesar dit que les Germains s'accoustumoyent de passer le Rhin, ainsi qu'auparauant auoyent fait & les Cimbres, & les Teutons, voulans de là auant se getter sur les Prouinces Romaines, & notamment es terres voisines du Rhosne. Encore le specifie mieulx ledit Cesar, disant: Côme les Aduatiques (desquelz auôs cy deuant parlé) vinssent avec toutes leurs forces au secours des Neruiens (qui sont ceux de Tournay) ouy qu'ilz eurent la nouuelle de ceste bataille se retirerent, laissant les villes, & forteresses qu'ilz auoyent prises, & portans tous leurs biens en vn lieu fort de nature : puis adioust, ceux cy estoient descenduz des Cymbres, & Teutons, lesquelz passans en Italie, laisserent six mille hommes pour la garde de leurs hardes, qu'ilz ne peurent passer les montz : & lesquelz par succession de temps ayant beaucoup enduré d'affaults de leurs voisins, & fait guerre à ceux qui estoient pres d'eux s'accordans à la fin, choisirent ce pais pour leur demeure, & domicile. Tibere Cesar aussi feit passer les Alemans en ce pais Gaulois, que nous appellons Flandres, & qu'il soit vray, oyons ce qu'en dit Suetone parlât dudit Emp. Apres ce il mit à fin la guerre Rhetique, & Vindelique, puis la Pannonique, & en fin la Germanique, vainquant les Alpains, & Dalmates, & Brances (qu'aucuns estiment estre les François) & durant la guerre Germanique de 40000. Alemans qui se rendirent à sa mercy, il les enuoya habiter en Gaule, leur departant lieu le long de la riuere du Rhin : C'est pourquoy Horace loüant Tibere chante ainsi en ses vers:

Horace Ode 14.

*Le Danube, & le Nil croissant
Le Tigre ondeux, & bouillonnant
Les Sicambres qui s'estoient
Au sang, & hommes qui perissent,
Mettans bas les armes ioyeux
Honorent ton nom glorieux.*

*Appian Alex-
and. liv. 1. des
guerres civiles.*

*Hector en l'hi-
stoire d'Ecosse.*

Que voulez vous de plus clair, & euident que cecy, pour monstrier que le pais Flamant à premierement esté habité par les Cimbres ne pouuans mettre a fin leur entreprise de se saisir des Prouinces Romaines, & lesquelz deffrichant les grands boys desquelz le pays estoit plein, y bastirent des bourgades à la façon ancienne des Germains: Appian Alexadrin parlant de ceste nation lors qu'elle courut cōtre les Romains, ne la fait point sortir d'Alemaigne, quand il dit: Apulée feit publier vne loy, laquelle ordonnoit que toute la terre subiette au peuple Romain, qui estoit en la Prouince Gauloise, fut diuisée, & partie entre les citoyens: car les Cimbres peuple Celtique s'en estoient saisis, & l'auoient occupée. Et fil faut adiouter foy à ce qu'en escrit l'Annaliste Escossois, parlant de ie ne sçay quel Guiderie Roy de la grand Bretagne, on verra que les Cimbres, se tenans en celle partie de Gaule par nous ia mentionnée, conspirerent cōtre Ce-
sar

far pour le Roy susdit, & furent de l'alliance des Morins qui sont ceux qui habitent le terroir de Teroüenne: tout cecy est vraysemblable, veu que l'Océan qui arrouse la coste de Holande & Brabant donne assez facile accez aux Gaulois de ce costé de passer en l'Isle Albionne, que maintenât des Anglofaxons, nous appellons Angleterre: neantmoins Bede ne fait mention quelconque ny de ce Roy, ny du secours des Gaulois, ou Cymbres s'armans contre Cesar pour la deffence de la grand Bretagne. Mais nous n'auons affaire des songes de Meier, ny d'autre, ny de nous appuyer en l'aduis d'aucun si l'autorité de quelque auteur graue ne luy donne force à fin que voulans esclaircir les matieres, on ne nous mette sus le mesme vice que nous fuyons, à sçauoir de ne rien mettre en ieu sans auoir témoignage d'homme de grande antiquité, ne voulans dire chose aucune de nostre fantasie. Au reste nous sçauons que Charles le grand menant guerre contre les Saxons, comme par plusieurs fois il les eust vaincuz, & domptez, & que pour cela ilz ne voulussent se desister de leur rebellion, & desloyauté, il les transporta en Gaule, & en ces païs qu'à present on appelle Flandres pour leur oster les moyés de plus se preualoir de leurs forces, & de s'assembler pour troubler le repos de leurs voisins: & de ceste derniere volée d'Alemans sont descèduz les Flamans, qui maintenant habitent la terre iadis nommée Charbonniere, & non les autres païs bas, qui estoient peuplez abondamment ia dès le temps que les Romains tenoyent les Gaules. Or d'autant que nous sçauons que ce n'est pas dès le commencement que ce païs Gaulois contenu en la Gaule Belgique, porte le nom Flamant, & que mesme du temps du grand Charles le filz de Pepin il n'est guere métiõné souz le tiltre de Flandres. Il faut voir d'où il a pris origine, & par qui il fut ainsi nommé, & quelle en a esté l'occasion. On sçait par les annales, tant de France que de Flandres que les Teutons surnommez, furent ceux qui se tenoyent en la forest Charbonniere, que aucuns appellent Cambroniere, du nom d'un certain seigneur du païs appelé Cambron, & pour laquelle raison ceux que les Roys de France y enuoyoyent pour Ducz, & gouverneurs des limites portoyent le tiltre de Forestiers, comme si tout le païs eust esté en boscage, ce qu'il n'estoit, ains y auoit plusieurs villes & chasteaux, mais du plus commun estat du païs, qui estoit d'estre boscageux, il fut dit Forestier.

Saxons transportez en Flandres. Voy Paule Emile. Aymon moyne liu. 4. chap. 92. Noz, Charles l. 2.

Voy les Antiquitez de Belge. liu. 2.

Cambron donna le nom à la forest Charbonniere. Voy Cenalus li. 2. de la Gaule.

Iaques Meier li. 1. de l'hi. de Fläd.

Orodos auteur allegué par Meier.

Rhuten saint par Scoonhomie.

Ce trait de terre fut dit Ruthenie, ou soit des Russiens, & Moscouites ainsi que dit Meier, qui de la Scithie, s'en vindrent en la Gaule avec les Cymbres, ce que ie ne nie, ny n'asseure aussi par trop, comme n'ayant auteur ancien qui me face foy de ceste course: ou, comme vn Orodos, cité par Meier, dit des Rutheniens peuple de la grãd Bretagne, lesquelz fuyas de leur païs Insulaire avec Ruthen leur chef, vindrent habiter en Gaule avec les Morins & Menapiens, qui sont ceux du Diocèse de Teroüenne, & du Duché de Iuliers: mais cestuicy ne me montrant ny le temps, ny souz quel Prince aduint ceste course Britannique, ie me dispence aussi de le croire: comme aussi ie ne me soucie pas beaucoup de la correction du mot de Reuda que l'on tasche de faire voir au liure du venera. Bede, quãd l'on dit que y fault lyre Reute, ou Rheuten, à fin que par l'autorité de ce

LIVRE TROISIEME

Voy Bede en l'histoire d'Angles. liur. 1. chap. 1.

De ces Rhutheniens Aquit. voy Cesar liur. 7. Ptolomée liur. 2. chap. 7. Table 3. d'Europe. Strabon liur. 4.

grâd personnage ilz puissent masquer d'un trait de verité vne fable trop euidente. Car il est vray que Bede parlant des Pictes, & Escossois, fait aussi mention de Reuda Capitaine d'une troupe de Pictes partis d'Irlande pour prendre nouvelle terre en l'Isle Bretonne: mais il ne dit mot ny des Rutheniens, ny du passage d'iceux en Gaule quelque chose qu'en die Scoonhouie, que Meier louie de grand antiquité. Que s'il est loisible de asseurer ses propres songes, & donner comme chose veritable ce qu'on imagine par coniecture, qui nous empeschera de dire que noz Rutheniens Aquitaniques (qui sont les habitans de Rouergue d'où mes ayeux ont pris origine) peuple ancien, & recogneu de Cesar, & limité par les Cosmographes les plus segnaleez, ne soyent ceux qui ont donné l'origine aux Gaulois de Belge, qui depuis ont porté ce tiltre? Seroit il plus inconuenient que ceux de Rouergue eussent peuplé le pais Flamand que d'oïir comme les Tectosages leurs voisins, à sçauoir ceux de Languedoc, ayent couru l'Alemagne, & se soyent iadis habituez en Pannonie, comme nous auons desia fait par cy deuant cognoistre?

Le diligent lecteur s'arrestera sur l'opinion qu'il luy viendra mieux à gré, quant à moy, puis que la chose est si douteuse, j'aimeroiy beaucoup mieux penser que Flandres aye iadis porté le nom de Ruthenie des Scythes & Russiens ou Rhutheniens (si l'on ne peut receuoir que noz Rouergaz aient fait ce voyage) venuz là avec les Cymbres, qu'aller imaginer les courses Bretonnes sans adueu, & sans trouuer peuple de ces Insulaires appelez Rhutheniens, n'y en approchant en sorte quelconque: ioint que deia nous auons assez prouué que ce pays a esté prins, habité & peuplé par les Teutons & Cymbres, soit qu'ils fussent Germains, ainsi que la plus grand part des auteurs le tiennent, ou Celtes, ainsi qu'auons dict, suyuant l'opinion d'Appian en ses guerres ciuiles de Rome. Mais qui est celuy, qui puisse donner pour article non reprochable, la migration des peuples d'un lieu en autre, puis que l'histoire ne fait mention de tout, & que le monde fut si troublé durant le desbord des estrangers sur les terres de l'Empire, qu'encor est-ce bien trauaillé que d'en tirer dequoy se contenter l'esprit.

Or tout ainsi que j'ay espluché la diuersité, & contrariété des opinions sur les premiers habitans de ceste terre Flamande, ie ne failleray aussi d'vser de pareill debuoir sur le mot, Flandres, pour sçauoir d'où il a esté pris, iacoit que la difficulté soit grande à le dire, & aussi ie ne suis si arrogant que d'en vouloir decider, n'estant encor aucun, soit ancien ou moderne, qui nous aye peu oster de peine, & nous leuer le voile de deuant les yeux en cecy, si le nom de Flandres est Teutonique ancien, ou s'il a sa source de la langue Françoisé.

Yacq. Meier liur. 1. des Annal de Flandres. Clodion le Cheueu chassa les Romains du pays de Belge.

Meier commençant son histoire de Flandres nous l'assure en parlant en ceste maniere: le ne trouue rien digne de foy, touchant les Flamans, iusques au temps de Clodion Roy de France, à sçauoir l'an 445. lors que passant la Meuse & le Rhin, il vainquit les Tongres (c'est à dire les Liegeois) & vint iusques à la riuere de l'Escaut, où massacrant & chassant les Romains dudit pais, il prist les villes de Tournay & de Cambray.

Puis conduisant son armée vers les Morins ou Terouannois, vint contre luy au secours des Morins, Golduere Duc des Rutheniens & Cimbres, lequel il prist avec sa fille en bataille, & sommist la cité de Terouenne. La fille de Golduere sa prisonniere, fut donnée en mariage à Flandbert nepueu dudit Clodion, à sçauoir fils de sa sœur nommée Blesinde, lequel il inuestist du pays Belgique, apres en auoir chassé la garnison des Romains, voulant qu'il commandast aux Rutheniens & Cimbres, & à tout le pays voisin de la mer, affin que les François eussent le passage libre tant par mer que par terre, pour venir en Gaule. On estime que ce Flandbert fut celuy qui donna le nom à toute la prouince, donnant par mesme moyen l'appellation Flamande aux Teutons, Rutheniens, Cimbres & Gaulois, apres auoir ietté & banny de la Gaule Belgique, Holdin frere de sa femme Blesinde. Cecy (comme dit le mesme Meier) iacoir que semble auoir quelque verisimilitude, si est-ce que les auteurs estans sans nom, à peine le pouuons nous receuoir pour histoire: comme ainsi soit que Gregoire de Tours, qui est vn des plus anciens escriuains de l'histoire François parlant du voyage de Clodion en la Gaule Belgique, ne dit mot de ce Roy Golduere, & moins parle il de Fladberty ny de son mariage, non plus qu'Aymon moyne quoy qu'assez diligent rechercheur des occurrences, & choses aduenues du temps qu'il escrivit son histoire. Voire l'Abbé d'Vspersgh, en ses Chroniques racomptât les grandes conquestes de Clodion le cheucluy, & monstrant comme les Gaules estoient partagées, à la fin il décrit la chasse donnée aux Romains au pais Belgique & en la Forest Charbonniere, sans qu'il luy eschappe vn seul mot ny de Flandbert, ny de Blesinde. Me semble encor chose fauleuse ce qu'on dit que Lideric ayt esté le premier Conte de Flandres souz Charles le grand qui l'inuestist du pais, & l'erigea en Conté, lequel aussi print lors son nom de Flandrine épouse dudit Lideric: mais voyons icy vne autre faulx, car bien que Paule Emile suyuant l'histoire François face mention de ce Lideric, & cōme il estoit gouuerneur du pais Belgiq si ne fait il recit aucun de ceste Flandrine, seulement dit q Charles le grand ayant transportez les Saxons en ce pais Flamand, commanda à Lideric admiral sur ce costé de l'Ocean, de prédre esgard sur ce peuple, & de gouuerner ce pais voisin de la mer. Et tiennent aucuns que ce Lideric estoit Portugais de nation, mais venu là avec Charles Martel lors que les Sarrazins se ruerent sur les Espaignes, & que sa femme se nommoit, non Flandrine, ainsi que l'on fainct, mais bien Hermégarde, & qui fut fille de Gerard de Roussillon, lequel estoit seigneur de Tournay & du Cambresis iusqu'à la mer qui regarde l'Angleterre. Ainsi, puis que le pais estoit compris souz le tiltre de Forest, & que le gouuerneur se nommoit simplement Forestier, ioint que iamais Lideric ne le tint comme Conte, & moins n'espousa onc Dame qui l'appellast Flandrine, ains Hermengarde de laquelle il eut vn filz nommé Englerā, il fault chercher ailleurs la cause de ce vocable. Ceux qui festans diligēment amusez à lyre l'histoire, n'ont peu riē trouuer qui contēstast leur esprit sur le nom de Flandres prins sur quelque Prince, ou Princesse y ayant vescu: & voyans la naturelle affiet-

Golduere Duc des Cimbres.

Flandbert donne nom au pays de Flandres.

Gregoire de Tours lin. 2.

Aymon moyne lin. 2.

Abbé d'Vspersgh en son Chronique. Naclere 2. volume, generation. 13. & 14.

Le miroir des hist. lin. 21. chap. 2.

Paule Emile.

L'histoire Berthiniene fait Lideric Portugais.

Hermengarde fille de Gerard de Roussillon Espouse de Lideric.

LIVRE TROISIEME

te, disposition, & inclemence de l'air de ce païs, ont estimé qu'il à esté nommé de ces motz Latins *Flatus*, ou *Fluctus*, qui signifient flortz, ou soufflemens venteux, à cause des inondations de la mer, auxquelles ceste terre est subiette & des grands orages des vents, qui y causent ces grands débordz, ainsi que de la memoire de noz Peres on les y a veu telz, que plusieurs villes furent englouties dans les abysses creux de l'Ocean, qui fut cause que la terre fut nommée *Flandria æstuosa*, qui vault autant que pleine de Fluz & estangs marins enfléz de ventz. Voire est noté, que n'a pas long temps, si lon vendoit quelques terres en ce pays Flamand, on escriuoit tousiours ceste clause au contract: A condition que si la mer se débordre dans dix ans, & qu'elle inonde, & noye lesdittes terres, le contract sera de nulle valeur.

Voy Loüys Guicciardin liure des païs bas.

Cecy est accordé par Megerli. 1. et 11. en la vie de Robert de Bethune.

Voyez, Meierli. 2. des Annal. de Fland. Cecy aduint l'an 863. souz le Pape Nicolas. 1.

Bruges par qui basty.

Forestiers de Flandres Contes de Harlebec.

Ainsi ceste region ayant esté ainsi exposée aux tourmêtes, & débordz comme dit est, & à quoy on a pourueu en arrachant les boys, & haucant les bordz & haures, à cause que la terre estoit trop basse, il y a quelque verisimilitude que de telle occurrence la region a esté nommée Flandres, puis qu'il n'y a Prince, duquel l'histoire soit certaine, qui l'aye baptisée en ceste sorte: & de quoy l'en laisse (comme j'ay dit) le iugement libre au lecteur discret, & debonnaire. Quant au nom de Conté & erection d'iceluy tous les auteurs approuuez s'accordent en ce, que ce fut du temps de Charles surnommé le Chauue, filz de Loüys le Debonnaire que cela aduint, entant que Bauldouin Forestier de Flandres, filz d'Adaquier, ou Odoacre, qui estoit filz d'Englerran sorty de Lideric & Hermengarde, ayant rauie Iudith fille dudit Roy Chauue, & pourfuiuy par censures Ecclesiastiques, à cause que le Roy estoit empesché par les Normans qui lors rauageoyent la France, fut en fin absous du Pape, par le moyen duquel le Chauue estant appaisé Baudouin de garde de la Forest Charbonniere fut fait & créé Conte du royaume, à sçauoir homme lige du Roy de France au Conté de la Charbonniere, & nommé Marquis des Limites de Flandres, & receut les païs entre l'Eescault la Sone, & l'Ocean pour doüaire, avec condition de deffendre ledit païs des courfes & pilleries des Danoys, & Normandz, qui rauageoyent toutes les Gaules és lieux voisins de la mer. Ce fut ce Baudouin surnommé bras de fer, qui, imitant son pere Adaquier, embellist le païs Flamand de plusieurs beaux edifices, & fait bastir le Chasteau de Bruges pour brider les voleurs, & escumeurs Danoys, & dresser plusieurs autres lieux, & fortresses, aussi que pouuez lyre és Annales de Flandres, & de luy sortirent les Contes qui ont vn long temps gouverné ce païs souz la foy, hommage, & obeïssance des Roys de France qui en sont les seigneurs liges & legitimes.

Neantmoins avant que passer outre, ie veux aduertir, comme en passant, le lecteur qu'oyant apeller ces princes anciens de Flandres, Forestiers, qu'il ne les estime pas pourtant telz qu'on feroit les gardes des Forestz de maintenant, ains pense que c'estoyent de grands seigneurs, & que le pays n'estoit pas si despeuplé, que ilz n'eussent moyen de tenir teste à de grands Princes en guerre: aussi avant que Flandres leur escheut

en patrimoine, ils iouïssoyent desia (souz tiltre de Comté) de la seigneurie de Harlebec, qui à present n'est seulement que Visconté: Aussi comment eut osé vn petit compaignon se hazarder d'offencer vn si grand Monarque que l'Empereur Charles le Chauue, s'il se fut senty si bas de poil, que de ne pouuoir s'armer que de l'amour seule qu'il portoit à la douairiere d'Angleterre, & fille de France? Or ce qui proprement s'appelle Flandre s'estend pour la plus part, vers le Septentrion & regarde l'estenduë de l'Ocean, & est separé de Zelande par l'Escault, vers midy le pays de Henault l'auoïssine, avec le Vermandois, & Picardie: au Leuant l'Escault luy sert de limite, & au Ponant il a la mer regardant l'isle Angloise, avec vne partie de la riuere de Ha, & ce quartier d'Artois, qui voit & aproche du finage de Calais, & Boloigne. L'air de ceste regio est assez bon par tout, mais plus sain, & salutaire du costé qui est exposé au midy: le pais y est plat, peu montaigneux, & bon assez pour le labourage, & sur tout es lieux les plus proches & voisins de France, mais le vin ny croist en sorte quelconque. La richesse du pais est le bestail, & sur tout des cheuaux, quoy que gros, & pesans, comme aussi sont ceux de la Franche-Comté de Bourgoigne, quoy qu'à les voir on les iugeroit, veu la taille, de se ressentir aucunement de l'agilité des cheuaux d'Espagne. Les laitages y sont en abondance, aussi la vie principale des naturels du pais c'est le beurre, estas les pasturages beaux & de grand estendue, le long des riuieres de l'Escault, Lise, Denre, & autres fleuves fertils & courans, en outre les homes y estans industrieux à faire couler l'eau avec force canaux pour engresser leurs terres, & arrouser les prez & lieux de pastis pour la nourriture de leurs bestes. Iadis en Flandres n'y auoit autre Baron que le Comte mesme, & ainsi les seigneuries qui y sont à present, ne sont de guere grande ancienneté, j'entends en ce qui proprement s'appelle Flandres, car il y a diuerses considerations de ceste Prouince aux autres qui sont contenues sous le nom des pais bas, suiets à la maison d'Austriche. Les pays Flamand est diuisé en 31. Court, qui sont les lieux de iustice & preeminence, & que nous pouuons nommer Chastellenies, lesquelles ont chacune en son endroit, & cartier, autorité, & iurisdiction sur toute la Prouince. Apres y sont les Quatrenieres des Ours, qui sont les enseignes des quatre familles principales des anciens Comtes, à sçauoir Pamele, Cisoïn, Hème, Bouelare: douze pairs à l'imitation de France, pour assister au Prince es causes, & iugemens de consequence, ainsi que iadis en vsoyent tous les peuples de la Gaule: & comme aussi Baudouin premier Comte Flamand, erigea la republique de son Comté, ainsi qu'il l'auoit veu garder en France, où il auoit esté nourry, & selon les loix Romaines desquelles se ressentoit encor le peuple de la Gaule. Est à noter d'auantage q le pais Flamand est diuisé en Flandre Flamegante qui est le principal, Flādre Gallicane, ou François, à cause qu'on y parle François, & Flandre Imperiale: La premiere region contenuë dez la mer Septentrionale iusqu'au fleuve Lise, & tirant vers la fosse neuue d'Artois, est pour la plus part ayat le terroir maigre, steril, & sablonneux, & parainssi nō propre pour le froment, mais apte pour les seigles, & sur tout y croissent les lins, & chāures, & grand abondance de fruitz: & en ceste-cy est comprise la grand ville

*Description du
pays de Flandres.*

*Comte de Flan-
dre seul Baron en
son pays.*

*Chastellenies de
Flandres.*

*Familles princi-
pales de Flādres.*

*Comme le pays de
Flādre est diuisé.*

LIVRE TROISIÈME

Gād par qui bastie. voy Meier, qui nie que Cesar l'ayt bastie le premier: lin. 2.

Quelz sont les Gantois.

Gand par qui iadis gouvernée.

Richesses de Flandres en quoy consiste.

Cōseil Prouincial à Gand.

Conseil Royal à Brusselles qui est en Brabant.

Chambre legale à Gand. Bruges 2. mēbre de Flandres.

Hipre 3. membre Et le Franc est le 4.

Limites de la 2. partie de Flandres.

Chambre des Comptes de Flandres, à l'Isle.

de Gand, renommée tant pour son antiquité, aucuns estimans qu'elle aye esté bastie par Iule Cesar, & d'autres par les Wandalles, comme aussi pour estre celle qui de tout temps a tenu teste aux Comtes, & s'est opposée trop opiniaistrement à leurs insolences: de ce nous facent foy les Artevelles, & ligues blanches & noires: & de nostre temps le chastiment donné aux Gantois par Charles Empereur, & Roy Catholique des Espaignes: nonobstant cela les citoyens de ceste ville sont gens ciuils, politiques seueres en iugement, rondz en parolle, de grand cœur, hardis en entreprise, bons executeurs, vaillans en guerre, mais mal'heureux aux succez, & occurrences d'icelle. Ceste cité fut iadis gouvernée par quatre familles anciennes, mais les troubles depuis suruenus ont causé l'aneantissement de ceste autorité, quoy qu'encore le conseil de la ville y est en vigueur, mais sur tout la marchandise y a le dessus, & le principal pouuoir des marchans, & artisans est celuy des tisserans, qui y sont infinis en nombre, entant qu'au pays de Flandre le trafic plus grand qu'on y face se rapporte aux toiles: & parlant des tisserans en general, c'est la richesse Flamannde, contemplée es draps de laine, & de soye, es toiles, tapisseries, bourses, fustaines, & autres telles denrées. C'est à Gand que se tient le conseil Prouincial selon l'ordonnance de Jean Duc de Bourgoigne, & fortly de la maison de France: mais de ce conseil il y a appel à Malines, iacoit qu'à present la souueraineté du Parlement est à Bruxelles, depuis qu'on a fait quelque mouuement es païs bas à cause de la religion, sans que on aye guere plus d'esgard à ces departemens anciens des quartiers, ny au siege de la Chancellerie ny du grand conseil, sinon ainsi que les affaires se presentent. En Gand residoit aussi la chambre legale, c'est à dire legitime de Flandres sur les fiefs, & laquelle s'ayde des iuges de la chambre du cōseil Prouincial. Bruges est le second membre de Flandres, ayant apres Gand la surintendence sur le païs, & où iadis estoit le trafic, bourse & magnificence des marchans, qu'on voit estre à present en Anuers, mais tout y est aneanty sauf les estapes des laines: & en celle cité se tient ordinairement le grand bailly de Flandres en memoire de l'autorité que ceste ville a eu iadis estant le plaisir, & siege des Comtes.

Le troisieme membre de Flandres est Hipre & le Franc est le quatrieme: Je laisse plusieurs villes & forteresses, pour eiter prolixité & d'autant aussi que cela ne fait beaucoup à nostre matiere, me suffisant de marquer les païs selon la diuision faite dès le commencement.

La seconde partie d'iceluy donc s'appelle Flandre Gallicane, ou Françoisse limitée par le Cambresis, l'Escault, Lise, & pays d'Artoys, & la Flandre Flamegante: ce pays est fertile en froment, abondant en bestail, & où les hommes sont assez ciuils, quoy que haultz à la main, & qui imitent le naturel du Picard. C'est en ceste contrée que gist l'Isle, où iadis se tenoyent les gouuerneurs, & forestiers qui tenoyent ce pays souz l'obeissance du Roy des François: à cause qu'elle estoit bastie dans les marestz, & d'où elle a pris le nom d'Isle: en laquelle se tient la chambre des comptes du pays, & à laquelle ressortent les pays de Flandres, Hainault, Artoys, Namur, & la seigneurie de Malines, & iadis y respondoit aussi la

Franche-Comté. En ce cartier, & Flandre Françoisse est la ville ancienne de Tournay de laquelle souz le nom des Neruiens, Cesar fait si grand compte, & contre lesquels il eut si cruelle guerre.

*Cesar és Cômment.
lin. 2. & 5.
Limites de la Flâ
dre imperiale.*

L'autre, & troisieme partie de Flandres, porte le nom d'Imperiale, à cause que iadis elle estoit souz l'obeissance des Empereurs, & en est le limite de peu d'estenduë vers le país de Brabant, pris entre les riuieres de l'Escault & la Denre : aussi Flandre iadis estoit partagé à trois seigneurs, la souueraineté en estant deuë au Roy de France, le domaine à l'Empereur, & la propriété se raportoit au Comte, lequel faisoit hommage, & à l'Empereur, & au Roy en pareille forme & ceremonie, qui estoit telle : que le Comte se presentoit deuant la maiesté de chacun de ces Monarques à teste nuë & sans porter espée, & ayant mis vn genoil à terre vn cōseiller luy disoit, qu'il venoit là pour cause de sa principaulté, & seigneurie de Flandres, & de tout ce qu'il tenoit, ou du Roy, ou de l'Empereur, & que il promettoit d'estre loyal iusqu'à la mort, de ce qu'il tenoit de quel que ce fut de ces deux. Quoy que en die Louys Guicciardin, si ne luy peux-je accorder que le Comté de Flandres de soy fut hommageable à l'Empire, veu que la donation ressortissement, & iurisdiction estoit purement se rapportant à la chambre Royale de France : & si quelque Comte à fait serment de fidelité aux Empereurs, ç'a esté pour autre occasion que pour le país de Flandres : sur quoy ie ne demande autre argument sinon que les Empereurs n'y ont iamais rié querellé de souuerain, quelque chagement qu'il y ayt eu de seigneurs, ains en ont laissé disposer au roy, comme à celui qui en estoit le dispensateur legitime, lisez ce qui aduint, tenât le Comté de Flandres Guy de Dampierre & là cognoistrez, pour quelles raisons l'Empereur Raoul declaira Guy atteint de leze maiesté, & se saisist des terres, non vniuerselles de Flandres, trop bien de celles qui estoient du ressort de l'Empire : là où le Roy Philippe le Bel contraignist & le Comte Guy, & toute la noblesse de prester le serment de fidelité ainsi qu'il en est escrit aux registres & thesor de la Court de Parlement, & sous le mesme, lisez comme le Comte Flamand est puny pour auoir voulu marier sa fille à l'Anglois, qui estoit mortel ennemy de la maison de France. Voila quant à l'estat particulier du país de Flandres selon ce que i'en ay peu sommairement recueillir de diuers auteurs, sans toutesfois m'estre amusé à compter le fondement des villes, lesquelles pour la plus part sont modernes, sauf celles qui sont basties en la Flandre Gauloise & pays de Henault, Tournesis & Artois, la memoire desquelles est dès le réps des Romains, veu que Cesar fait mention de Tournay, & n'oublie point Arras, ny ses finages, nomplus que les país qui sont selon la mer dès l'Escluse iusqu'à Calais & Boloigne. Reste à voir le surplus des pays bas, qui pour estre subiects à vn mesme Prince, & viuans sous pareille loy, sont aussi contenus en general sous le nom de Flandres.

Flâdre auoit iadis trois seign. & comment.

Forme d'hommage du Comte Flamand au Roy, & à l'Empereur.

Louys Guicciardin en la descript. de Fland.

Guy de Dâpierre Comte de Flâdr. 1279. voy Meier liur. 10. Philippe le bel emprisonne le cōte Guy.

Peu de villes en Flandres qui ne soyent modernes.

LIVRE TROISIÈME

Des pays bas, costumes, & façons des hommes qui habitent en iceux: qui est en la region Belgique. Chapitre 39.



Autant que celle estendue de païs qui est en la Gaule Belgique contenu sous le nom de païs bas est à present enclos souz le tiltre de Flandres, iagoit que improprement, entant qu'à bien parler la region Flamande est celle seulement qui auoisinant la mer est aussi suiette aux desbords d'icelle, comme dit a esté cy dessus: si est-ce qu'à cause q'c'est vn mesme Prince qui en est le seigneur & que presque les loix, & coustumes sy raportent, nous auons fait vn amas du tout ensemble, ayans premierement specifié ce qui est de Flandres selon les anciennes distributions. Et d'autant qu'au chapitre de Gaule, j'ay departy ce qui est d'icelle en Celtique, Aquitaniq, & Belgique, & derechef particularisé chacune selon que & les anciens, & les modernes les ont diuisées, & marquées diuersemēt selon la variété, & occurrence du temps, il nous suffira pour ceste fois de dire que iagoit que plusieurs seigneurs possèdent le païs Belgique, si est-ce que le Roy Catholique est celuy qui en tient la plus belle & grande estendue, neantmoins, & l'Empereur & le Roy de France, & les Suisses, & plusieurs Princes Alemans, & Euesques y ont de belles terres, le tout compris le long du Rhin, Meuse, & Seine, & s'estendant vers la mer & au septentrion, & au Ponât, soit qu'il regarde le païs Holandois, ou s'auoisine d'Angleterre. Ayant dōc cy deuant parlé en general des mœurs des Gaulois, ne faillirōs (laissant ce qu'ilz estoient iadis) de racompter particulierement, comme maintenant se comportent les façons de vie des habitans des bas païs, ainsi nommez à cause qu'ils vont en baissant tirant vers l'Ocean, ce qui a causé (comme j'ay dit) que la terre en est ainsi suiette aux inondatiōs de la mer. L'air du pays y est humide, & grossier, & neātmoins salubre, aydant à la digestiō, & propre à la generation, & diray que si les habitans de celle region n'estoyēt excessifs au boire & manger, & que encore les malades fussent seruis comme il fault, ils viuroyēt plus longuement qu'ils ne font, veu la disposition de leurs personnes, & la temperature du Ciel, qui semble sy estre moderée depuis quelque temps. Aussi l'esté y est beau & delectable, sans estre excessif en chaleurs, ainsi qu'on le sent en la Gaule Narbonnoise. Les tonnerres n'y sont trop frequens, les terre-trembles non guere iamais sentis, y obstant & l'humidité de l'air, & la basseur de la terre, fil y en aduient il le fault acompter à quelque grand miracle. L'huyet y est long, fascheux, tresfroid, venteux, & rigoureux, & sur la fin de l'Automne le tout se conuertissant ordinairement en pluyes. Le pays y est plat sans guere de collines & montaignes si ce n'est au terroir de Luxembourg & Namur, & au pays de Henault & du Liege. Je laisse à part la fertilité diuerse selon les pays les vns portans vne sorte de fruit les autres vne autre, & ne mettray en ieu les boys & forests de nom qui y sont, & desquelles les habitans se seruēt, soit pour bastir, se chauffer, ou s'armer de vaisseaux pour le nauigage: ne m'amuseray au bestail qui y est beau, grand, & en grand nombre, & ne suis

De la Gaule Belgique. voy Cesar. 1. Comment. Ptol. li. 2. ch. 9. tabl. 3. d'Europe.

Pourquoy les païs bas ainsi nōmez.

Qualité de l'air des païs bas.

Condition Et asfiete des païs bas.

ne suis en voye de vous specifier les riuieres pour ceste fois qui arrousent ceste partie Belgique, iacoit que des plus belles de l'Europe y facēt cours, telles que sont le Rhin, la Meuse, l'Escault, Moselle, Seine, Ems, & Haine, laquelle a donné nom, ainsi qu'on tient à tout le pays de Henault: Biē diray que l'industrie des habitans a esté telle, & si grande que d'auoir si bien dressé les canaux de ces riuieres, qu'il n'y a ville qui n'aye quelque bras, ou cours de fleuue pour de l'une à l'autre pouuoir aisément conduire leur marchandise: & est la regiō renduē plus forte par les estangs, paluz & marais qui y abordent, iacoit que les fontaines d'eau viue n'y soyent guere frequentes, si ce n'est es lieux haultz, & assis sur quelque roche viue. Les hommes de ces bas pays sont ordinairement beaux, bien faitz & proportionnez de membres, & sur tout sont bien en iambe, & semblent excéder en grandeur le reste des Gaulois sauf les Suisses, & principalement ceux qui se tiennent en Frise, & Holande: sont bons mariniers, ayans des Hurques les plus fortes que autres vaisseaux qui courent fortune sur mer, & c'est pourquoy ilz ne s'arrestent guere par les portz iusqu'à tant qu'ils ont parfait leurs voyages, & ne craignent guere les tempestes, comme filz auoyent quelque accord avec les ondes. Et de cecy ne fault s'estonner, veu qu'estans descendus la plus part des Saxons ilz en tiennent encore les façons de faire, & l'assurāce qu'auoyent les predecesseurs sur mer, quelque fureur de temps qui apparut, ou quelque effroyable tēpeste qui semblaist les menacer d'un euidēt naufrage. Ce peuple est de gentil esprit, subtil ingenieur, apte aux lettres & ayant nombre infiny d'hommes de sçauoir, & sur tout qui s'adonnent à la cognoissance de diuerſes langues: adonné au possible à la marchandise, comme leur pays n'ayant richesse que par le trafic, & les plus experts artisans qu'on sçache guere en l'Europe, mesmēt à la peinture, & burin qui sont deux parties de la perspective & d'art ioint au iugemēt des plus parfaites qu'homme puisse guere imaginer: quāt à la Musique, on ne peut nier que ceux du bas païs sont nez aux accordz & que le terroir Belgique formille autāt de chantres que l'Alemaigne de forgerons. Ces gens sont assez attrempez, soit en parole, ou façons de faire, non trop bouillans de colere, ny ordinairement ambitieux, mais qui toutesfois sont obstinez & soupçonneux, conuoiteux de richesses, legers à croire, aisēz à deceuoir, oublians soudain les plaisirs receus, peu constans en amitié, iacoit qu'aussi n'impriment ilz trop viuement le courroux & haine en leur ame: adonnez plus que de raison au boire qui leur cause la perte de celle naïue beauté que nature leur donne, & altere la santé qui sans cela leur seroit de longue durée. Les femmes y sont belles, gracieuses, de belle stature, conuersans librement en la compagnie de chacun suiuant la coustume du pays, qui est causē qu'elles sont promptes aux affaires, subriles & adextres, mais ceste liberté honneste leur cause aussi vne vie modeste & sans aucun blasme, estans sobres, chastes, honorables, actiues, cōme celles qui non seulement s'adonnent au mesnagement de leur maison en quoy seules elles sont occupēes, ains encor de la marchādise acheptans, & vendans aussi bien que leurs marys, & prennent souuent telle & si grāde autorité qu'elles sont les dames & maistresses. Leur viure est sobre, & se

Riuieres principales de la Gaule Belgique.

Quelz hommes des bas pays.

Saxons habitants des pays bas voy cy dessus chapitre 38.

Des Saxons bons mariniers. voy Si donie. Apollinaire li. 3. epist. 6.

Habitans des pays bas sont gens de bon esprit.

Vices de ceux des pays bas.

Mœurs des femmes des pays bas.

LIVRE TROISIEME

nourrissent par tous les pays bas assez escharcement, & ne se foucians de guere grand aparcil, comme gens adōnez à leur prouffit fil en y a au monde, & sur tout es villes ou s'exerce le trafic: neantmoins sont ilz propres en leurs maisons, ayans de beaux & riches meubles, & se tenans gentilmente en ordre, peu se soignans de leur prochain, & si amys d'eux-mesmes que rien ne leur est plus cher que de penser aux moyens de s'enrichir: religieux au reste, & gens aymans Dieu, zelateurs de la foy de leurs ancestres, si ce n'est que de nostre temps la peste commune faillissant l'Europe, a couru aussi par aucunes terres desdits pays, nō sans y faire vn estrange degast, & y causer des ruynes qui se feront sentir à plusieurs generations aduenir. Voila quant aux mœurs du peuple, ores il fault vn peu toucher la police, & gouuernement selon que la prouince est regie, & ce presque à l'imitation Françoisse, d'autant que les seigneurs qui ont commandé en ce pays, sont aussi sortis de la maison de France, & mesme le pays a esté longuement sous les loix & constitutions des Parlemens suietz au Roy treschrestien. Depuis que par le mariage de madame Marie fille de Charles Duc de Bourgoigne & heritiere vniue de tout ses estats, avec Maximiliā d'Austrie, ces pays de Flandres & autres voisins furent ioints à la maison d'Austrie, & depuis escheurent à la couronne d'Espaigne, comme les roys y commandans n'eussent le moyen, pour les grandes & diuerses terres qu'ils possèdent de se tenir aux pays bas pour les gouuerner, ainsi que iadis faisoit le Prince Bourguignon, ilz ont esté contrains d'y enuoyer des gouuerneurs representant leurs personnes, ausquels ils ont donné des Conseillers pour leur assister au maniment des affaires. Or iacoit que le gouuerneur, ou pour mieux dire Regent, aye presque esgale puissance en ces pays que le Prince mesme, si est-ce q'c'est au seul prince à créer les estatz, & officiers, & luy seul donne les offices souuerains en dignité tout ainsi qu'il nomme le gouuerneur, eslisant, & Presidents, & Conseillers en quelque estat & iurisdiction qu'on les cōtemple, car il y a diuers conseils ainsi que verrons en poursuyuant nostre discours. Il n'a pas long temps qu'en Flandres (i'abuse du nom d'un priué pour tout le pays) les conseilz qui à present sont separez sous le tiltre d'estat, & de priué, n'estoyent que vne mesme chose & embrassoit l'un, ce q' tous les deux à peine peuuent maintenant despescher: mais les affaires allans en accroissant, il a fallu aussi diuifer le conseil avec l'autorité requise & selon que la necessité, & vrgence des affaires le requeroit. Le conseil d'estat donc comme estant le premier sera par nous touché premierement, & est celuy qui reside pres la personne du gouuerneur, ayant des Conseillers sans nombre certain, ainsi qu'il plaist au Prince en ordonner, & parmy lesquels sont meslez quelques seigneurs & gouuerneurs d'autres regions, aucuns doctes & sçauans hommes, des vaillans & bons guerriers telz que bon semble au Prince de les choisir, & à tout cecy est aioint vn president homme de grand sçauoir, & renommé d'une grād integrité de vie. Avec ceste troupe consulte le gouuerneur sur les affaires d'estat soit que la chose touche au Prince, ou soit pour le prouffit du public, & traittāt de la paix, ou de la guerre, préd esgard aussi à ce qui appartient au gouuernement general de toute la Prouince.

*Marie de Flādr.
esponse de Maxi-
miliā d'Austrie-
che l'an 1478.*

*Diuers conseils en
Flandres pres du
gouuerneur.*

*Conseil d'estat, et
sa puissance.*

Aussi c'est en ce conseil que se donnent les aduertissemens de toutes partz, que se trafiquent les intelligences, que on casse, ou apointe les Colonnels, & chefs de guerre, que les ambassadeurs sont enuoyez ou receus, & où en somme se vident les choses qu'on ne peut desmesler es autres courts, & conseilz. Ceste grande autorité fut iadis es mains du conseil priué & secret du Roy lequel aussi se tient pres la personne du gouverneur, & où le nombre des conseillers est limité à dix ou douze hommes segnez en sçavoir, & bien renommez, ayans aussi vn president esleus par le Prince, ou gouverneur du pays. Ce conseil depuis que celuy d'estat fust estably, n'a que la iustice, & police, sans manier les affaires de dehors, ny de la guerre, ayant puissance de donner priuileges, graces, pardons, remissions, octroys, & consentemens: pouuant faire loix, statuts, ordonnances & editz, ayans en main la cognoissance & iugement des proces, & querelles, sur les finages & limites des terres, & parties importantes du domaine, iugeantz de l'autorité du Prince & seigneurs, selon les registres ordinaires: sauf que aux affaires de plus grande importance, il fault que ces Conseillers en communiquent au gouverneur, & conseil d'estat, tout ainsi qu'en ce qui touche la police, l'autre conseil est tenu en donner aduis & instruction au conseil priué les Conseillers duquel on appelle à la façon de France, maistre des Requestes: & à chacun de ces conseils y a quatre secretares qui sont comme audienciers, & tousiours parmy quelques seigneurs & cheualiers de la Toison, ainsi qu'on en vse en France au Conseil priué seant pres la maiesté du Roy, ou pres la personne de Messieurs les freres, & comme encore ez Courts de Parlemēt sont receuz les Pairs de France & les gouverneurs des Prouinces, comme estans de soy du corps du Conseil & ayas priuilege d'aduis, encore qu'ilz ne soyent point establis iuges que par le droit du ranc qu'ilz tiennent. Le troisieme conseil est celuy des finances gouverné comme iadis on en vsoit & vse on encore en France: en ceste police on voit trois sages seigneurs du pays appelez chefs, ou surintendans des finances, vn receueur, & vn thesorier general, & trois commis hommes qualifiez & experts, deux Greffiers, & autres officiers ainsi qu'il en plaist disposer au Prince, ou à son lieutenant. C'est à ce conseil d'auoir l'œil, & sur-intendance des biens, reuenuz, & patrimoine du Prince, à prendre esgard aux aydes tāt ordinaires que extraordinaires, aux chambres des Comptes, & en somme à voir comme se deportent tous ceux qui ont charge des deniers de leur Prince. C'est en celle chambre que on dresse les tailles, faitz & taxe les impostz, & que lon traite des payemens & souldez, soit en temps de paix ou de guerre, que l'on ordonne pour les frais des fortifications, munitions & toutes autres despences necessaires pour le public: & c'est par ce conseil que les biens du Prince sont donnez à ferme, selon les moderations, & restrictions acoustumées. Les chambres des Comptes y sont tout ainsi reiglées qu'en France, y ayant en chacune vn President, & sept maistres des Comptes desquelz les quatre sont seulement ordinaires, & se tient ceste compagnie à Bruxelles.

Le Prince des bas pays a aussi des cōseilz Prouinciaux & nommez Parlemens à l'imitation de France, en chacun y ayant 12. 16. ou 18. conseillers, vn

Conseil priué, & son autorité.

L'un conseil communie certains affaires à l'autre.

Quatre secretares à chacun conseil.

Le conseil des finances & son office.

Chambre des comptes à Bruxelles.

Parlemens de Flandres fort differens à ceux de France.

L I V R E T R O I S I E M E

Chancelier, ou President, l'Aduocat & Procureur du Roy, les greffiers, secretaires, & autres officiers esleus trestous par le gouverneur de la Prouince. Mais la puissance de ces Courts n'a la maiesté telle, ne si admirable & seuer que celle de noz Parlements de France, lesquelz ne recognoissent que le Roy & ne sont erigez que de luy, & les offices vaquans ny sont dispenséz que par son autorité Royale, & personne ne cognoissant de leur sentence, & n'y ayant gouverneur qui puisse leur prescrire loy, ny ordonnance nouvelle, autre que celle qui est de la volonté du Roy, & autorisée par les courts souveraines. Là où es pays bas le gouverneur enuoye tous les ans cōmissaires par toutes les bonnes villes, avec nouvelles prouisions, loix, & ordonnances, ausquelles fault que les Parlemēts obeissent. Quant à la gendarmerie, on ne tient point en Flandres durant la paix aucunes garnisons de gens d'ordonnance, ainsi qu'on fait ordinairement en France, à cause qu'estans voisins d'Alemagne, comme ils sont, ils se font fortz de s'en preualoir avec leur argent tout à loisir, & assez soudain: biē est vray que de fanterie il en y a quelques compagnies qui sont tousiours departies par les places des frontieres, & qu'aussi de nostre temps les Roys Catholiques, voyans l'ordre gardé en France pour l'esgard de la caualerie y ont prouueu de mesme façon que noz Roys, faisans 600. lances en tous les pays bas, diuisées en 14. compagnies des gens d'armes de cinq hōmes à cheual pour lance, iacoit que tout va aussi bien en diminuāt comme on le voit peruerty en ce nostre pays de France. Quant à la mer, le Roy Catholique ne tient guere iamais armée sur icelle es costes de Flandres, Brabant, Holande, Frise, & Zelande, iacoit qu'il y ayt vn Admiral, qui est chef de la marine, ainsi que nous le pratiquons aussi en France, & est ceste dignité & honorable, & de grand reuenue, entant que cest officier, & seign. de la marine a part en toutes confiscations de denrées & vaisseaux, à part aussi aux butins faits en guerre, & aux courtes de quiconque fait proye sur mer: sçait q̄ doit prédre sur chacun tonneau de marchandise quelque faufconduit qu'ayent les marchans qui sont de pays estrange, & auquel faufconduit si l'attache de l'Admiral n'estoit apposée la marchandise est soudain confiscuée. La sagesse des gouverneurs de ces pays est grande en ce que voyans comme ce peuple est enceint de plusieurs siens voisins qui à tous propos se vont vendre à deniers comptans à faire seruice aux Princes en leurs guerres, & entreprises: ilz ont ordonné que nul suiet au Roy Catholique s'enrolle souz quelque Prince, ny Potētat estrange, sans l'expressse permission, & congé sien, ou du gouverneur du pays au nom de la maiesté. Il laisse les deffences de tirer desdites terres, cheuaux, viures, or, n'y argent, ou autre chose venant au pays, ny la permission du cours & trafic de marchandise, estant ceste loy comme commune à tous les Princes presque de la terre. Les estats sy assemblans, sont plus faits par l'ordonnance du Prince, ou gouverneurs, qu'à la requeste du peuple, & communautē, à cause qu'on ne les appelle guere que pour y parler des subuentions, & c'est aussi pourquoy le plus souuent ilz y viennent plus par force, & de peur de l'amende à laquelle on condamne les delayeurs que de soucy que ilz ayent de l'assemblée. Au reste n'est de mesme l'assistance des ordres de

De la gendarmerie des pays bas.

Admiral es pays bas, et sa puissance.

Loix sur les viures du pays.

Comme les estatz sont assemblez aux pays bas.

chascun païs, d'autant que des terres de Brabât, Hennault, Artois, Namur, & Zelande chascun des trois estatz y enuoye des Commissaires, & deputez, là où les Flamans y enuoyent en general pour leurs quatre membres, iajoit que les autres estatz à sçauoir l'Eglise, & noblesse y mandent aussi quelqu'un pour voir si les quatre membres diront rien à leur desaduantage, & preiudice pour s'en ressentir. D'auantage quand bien vn pays auroit accordé ce que le Prince demâde le corps d'une seule ville est pour s'opposer, & rompre tout ce qui auroit esté octroyé, & nonobstant le Prince ne faygrist, ains pillant patience, attend à vne autre fois que les commis sont mieux affectionnez à condescendre à sa demande. Et voyla quant à l'estat general : reste à particulariser quelques villes des païs bas pour le contentement plus grand de ceux qui samuseront à lyre ceste histoire.

Or ayans parlé de Gand au discours de Flandres, nous verrons quelque cas des belles citez qui sont au Duché de Brabant, de l'antiquité duquel ie renuoye le lecteur à Iean le Maire de Belges, & à l'histoire de Belges, me contentant de vous dire que ce Duché est limité de la Meuse vers le Septentrion, qui le separe du païs de Gueldres, & de Holande : au midy luy gisent Hennault, Namur, & pays du Liege, à l'orient luy est encor la Meuse, & à l'Occident est l'Escault qui separe les Brabançons de Flandres, confinant avec la principauté d'Alost : & les villes principales de Brabant sont Louvain, Anuers, Bruxelles & Bosseduc, & plusieurs autres murées, & non ceintes de murs que ie laisse pour euitier prolixité, contents de proposer les deux chefs du païs Louvain & Anuers, quoy qu'à Bruxelles soit assis le Conseil, & les finances ainsi que desia nous auons dit. On tient que Louvain fut bastie par Cesar, d'autres tiennent que ce fut vn Escossois nommé Lupe, auant Cesar long temps, mais n'ayant rien d'escriit de l'antiquité, ie suis aussi contrainct de n'en dire autre cas sinon qu'à present elle est remarquée plus pour son vniuersité fameuse, que pour autre chose qui la puisse singulariser, & laquelle Escole y fut dressée enuiron l'an de nostre seigneur, mil quatre cens vingt six, par Iean Duc de Brabant quatriesme du nom, & enrichie de beaux priuileges par le Pape Martin cinquiesme, & de nostre temps augmentée & douée de grandes immunités, & confirmation des anciennes libertés par Philippe second Roy des Espagnes. Louvain de tout temps a esté, & est encor la Metropolitaine de Brabant, & chef du premier cartier de la Province, precedant toutes les autres villes dudit estat en toute préeminence, soit à prester le serment au Roy, ou à le receuoir de luy-mesme, ou a porter la parolle és choses concernant les affaires, sauf és demandes des aydes & empruntz pour le Prince, ou Anuers, comme y ayant le plus d'interezt, est celle qui parle la premiere : & sur la police de laquelle, en la descriuant nous prendrons le patron du reste des villes Brabançonnnes : d'autant que quiconque sçaura comme Anuers se gouuerne, il n'ignorera presque rien, ie ne dis pas, des façons de faire, & coustumes des villes subiettes au Roy Catholique, ains encor des lieux principaux d'Alemagne, & de la plus part des païs Septentrionaux. Aussi supposé qu'avec plus de

*Description de
Brabant.*

*Iaques de Guise
en son hist.*

*En quel tēps dressée
l'Vniuersité de
Louvain.*

*Louvain metropolitaine
de Brabant.*

*Anuers patron
de toutes les villes
Alemand.*

LIVRE TROISIEME

*Ce Geant coupoit
les mains aux
marchans. Voy
Guicciardin en la
descript. d'Anuers.*

*Le nom de Bourse
vient de Bruges,
ou les marchans se
vouoyent.*

*Comme Anuers
est venue à telle
grandeur.*

*Foires d'Anuers
quand instituées.*

liberté les autres maintiennent leur estat que ne fait Anuers sa police, si est-ce que le pareil ordre des Bourg-mestres avec leurs Senateurs, & des chefs des quartiers ou Wicz-mestres & Doyens des mestiers y est observé, ayants vne autorité, peu s'en fault, semblable. Pour venir donc à la description de ceste ville, ie laisse l'histoire (si tel nom elle merite) du Geant Druon, & de ses tyrannies & cruautéz exercées sur le passage de l'Escault, quoy qu'il semble qu'encor on renouvelle la memoire de ceste opinion en certaines ceremonies que l'on porte la statue ou effigie de ce Geant, qu'on estime bastisseur du chasteau qui estoit iadis sur la riuere, en laissant le different à vuidier aux Annalistes de Flandres, qui (à mon aduis) auront assez de peine a desmeller ceste fusée. Je laisse encor la description & effigie de la ville, quoy que pour la singularité elle merite bien d'estre naïuement tirée, à cause de sa grandeur, splendeur, magnificence & rarité d'edifices : ne vous diray la cause du nom de la Bourse de Anuers tant vsité en France & autres lieux de la Chrestienté, & qui a esté imitée pour le trafic par la communauté des marchands, comme chose tresseure pour la conseruation des pauures voyageurs trouuans par tous les pays où ils vont, qui les suporte, & deffend avec ces lettres de banque, ainsi qu'à Lyon on les nomme. Laisant (dis-je) toutes ces singularitez, nous dirons deux morz de la ville d'Anuers, comme là voyans vn miracle de nostre temps, & celle qui s'est fortifiée, & agrandie par la diminution de la superbe & riche cité de Bruges, & ce de nostre temps : car les premiers accroists viennent de plus loing, ainsi que ie voys vous le deduire. Enuiron l'an de grace. 1300. comme les habitans d'Anuers iouissent du droit des foires par la concession, & priuileges tant des Papes qu'Emp. si est-ce que Iean second Duc de Brabant leur osta pour en estreiner ceux de Malines, mais Henry de Luxembourg Emp. leur rendit, & obtindrent deux foires, desquelles ilz iouissent encor, à sçauoir à la Pentecouste, & à la saint Remy. Le second accroist de ceste ville est aduenu lors que les Portugais ont cloz le passage de l'Espicerie aux Venitiens par la voye de Calicut, & que l'Ocean est celuy qui dispence les Occidentaulx à courir toute la Mediterranée, & puis se getter en l'Ocean par le moyen de la mer rouge la moins nauigable de toutes les eaux qui sont comprises souz le nom de marine. Car alors les Portugais qui peuuent venir en Flandres par mer en moins de douze iours commencerent à visiter les places plus marchâdes des païs bas, & s'arrestans à Anuers, y cōmencer, ce qui à present sy pratique pour le bien & contentement de tout le Septentrion, & Occident, si l'auarice des voyageurs ne rançonnoit les marchans.

Mais le plus grand accroist luy a esté donné par les seigneurs d'Autriche, & ceux de la maison de Bourgoigne, à cause des seditions de ceux de Bruges, qui estans trop riches ne voyoyent plus leur seigneur, & taschoyent de s'emanciper de son obeyssance, beau exemple pour ceux d'Anuers, filz prennēt bien garde aux affaires telz qu'il les voyent ache-miner. Cecy mis à part voyons quel est ores le gouuernement de ceste cité tant riche, & excellente, & que plusieurs osent esgaller à la magnificence de Venise, & abondance de Paris, quoy que ce soyent deux des

*Comme est gouver-
née la Police de
Anuers.*

*Membres de la
Police quatre en
nombre.*

*Quand est crée le
souverain Magi-
strat.*

*Nomination des
Officiers de ville
deuë au Prince en
Anuers.*

*Deux Bourgue-
mestres & quel le
principal.*

*Officiers choisis
par le Bourgue-
mestre.*

premieres clartez de l'Europe. En Anuers donc le gouuernement est de-
party en quatre membres, le premier desquelz est nommé la nouuelle
seigneurie, qui comprend en soy le Magistrat souuerain : le second porte
le nō de vieille seigneurie embrassat so^o son nom ceux qui ont esté Esche-
uins y ayant telle liaison entre ces deux membres qu'on n'en fait qu'une
mesme chose. Le troisieme porte tiltre de Bourgeoisie, contenant vingt
six Capitaines des Bourgeois, suyuant le departement des treize cartiers
de la ville, & le quatrieme est celuy des Doyens qui sont en tout iusques
au nombre de 24. constituez sur les 27. mestiers d'Anuers, & de ces qua-
tre membres est composé tout le corps de la ville. Le Magistrat souuerain
est esleu, & créé tous les ans au moys de May (comme en Aoust, on fait
tous les deux ans le Preuost des Marchans) & est nommé en ceste sorte:
La loy, ou seigneurie presente, & nomme neuf gentilshommes telz que
elle estime dignes d'un si hault degré d'honneur : & les 13. chefz, ou Wic-
mestres en nomment aussi neuf de leur costé, & la seigneurie nouuelle
en presente autant seule que les deux autres membres, & les nōs de tous
sont enuoyez en court: entant que la presentation estant des citoyens,
c'est au Prince, ou gouuerneur de nommer celuy que bon luy semble: &
ayant fait choix, sans mettre deux freres, ou Cousins en l'administration,
enuoye deux Commissaires en Anuers, lesquels appellans & assemblans
le Conseil, y nomment sans grande ceremonie ceux qui sont nommez
pour seign. & Escheuins pour l'année: & ceux qui sont esleus ont puissance
de créer les deux Bourgue-mestres, à sçauoir celuy de dedans, & celuy
qui a iurisdiction hors la ville. Il est vray que le Prince ayant puissance
d'en nommer deux pour cest office, sil en presente qui soyent dignes de
l'estat on s'en gouuerne suyuant son bon plaisir : neantmoins faut que le
Bourgue-mestre de dedans soit de la nouuelle seigneurie, tout ainsi que
celuy de dehors fault que soit dès la vieille, y ayant avec les Bourgue-me-
stres dixhuit Escheuins. Le Bourgue-mestre de dehors est celuy qui a le
plus d'autorité, comme estant en luy d'aller en Court traiter des affaires
de la ville, & avec les estatz demesler ce qui est le plus importât, & neces-
saire pour le biē & profit de la republique: là où le Bourgue-mestre de de-
dans ne bouge point de la ville, ains traite en icelle ce qui est & touche
la police tant du Ciuil, que Criminel, ayant en charge de donner au-
dience autant à l'Estranger, qu'à celuy qui est naturel du pais, & natif de
la ville : toutesfois y a deux Lieutenans qui y sont pour le Prince, tout
ainsi qu'on voit les Iuges des Apeaux & seneſchaucées de Guienne sub-
iectes à autres seigneurs que le Roy qui en est neantmoins le souuerain.
Le magistrat souuerain a deux Thesoriers, & un receueur, deux pensionnai-
res, qui sont des homes de sçauoir ayās pēſion, à fin d'assister au Magistrat,
& le Cōseillier és choses où il escherra qlque difficulté: & à parler propre-
ment ces Pensionnaires sont les vrayz Sindicz de la ville : l'un desquels
va tousiours avec le Bourgue-mestre allant en Court pour les affaires de
la seigneurie: y a aussi quatre greffiers, & autant de secretares, douze con-
seilliers pris des Doyens des mestiers lesquels tous les Lundis assistent au

LIVRE TROISIEME

*Conseillers choisis
des bas mestiers,
et sur tout des ma-
riniers, iardiniers
& merciers.
Magistrat de la
Hale.
Iuges des orfelins.
Les pacifiques qui
apellent.*

*Ordre gardé au
conseil sur les deli-
berations.*

*Puissance
Marcgrau.*

*Franchise pour les
criminels aux
Eglises.*

Loy des bastards.

*Privilèges des fe-
mes en Anvers.*

conseil avec les escheuins pour ouyr les requestes de chacun, & ayans li-
berté de dire franchement ce qu'ilz ont ouy murmurer contre la seigneu-
rie. Le cōseil, ou Senat, est celuy qui fait le Magistrat de la Hale, ayās deux
Doyens pour chef, deux gardiens, & huit Escheuins, tous choisis de la no-
blesse de la ville, & de ceste police on appelle au souverain Magistrat. Est
encor au Senat à eslire, & nommer deux Procureurs, qui ont charge de
prendre esgard sur les viures, & y mettant pris raisonnable. Les iuges des
orphelins sont créés par le Bourgue-mestre principal, comme aussi sont
ceux qu'on depute pour apaiser les querelles, lesquels à cause de cela sont
apellez pacifiques: & fait encor pour deux ans à chacun cartier deux Ca-
pitaines, qui sont en tout 26. en nombre, qui ont quatre chefs ou prote-
cteurs, & encore chacun quartier à deux autres gentils-hommes pour su-
perieurs, & tous ceux-cy ensemble, font le troisieme membre de la poli-
ce: ayāt en somme le susdit souverain magistrat puissance de nommer les
Doyens des mestiers, qui sont seulement annuelez, affin que le long temps
de dignité ne leur fait attenter quelque nouuelleté en l'estat publicque.
Mais quelque grāde que soit l'autorité ou du Bourgue-mestre, ou du Se-
nat, si ne peut-il rien sur les deliberations prises sur les affaires de consé-
quence, soit pour le service du Prince, ou prouffit de la republique, si tous
les membres n'accordent à la conclusion de la chose proposée: ou le grād
Magistrat assemble le conseil, les pensionnaires proposent, les trois mem-
bres principaux consultent, mais les Doyens des mestiers amplient la cō-
sultation en faisāns raport à la communauté selon les confreries, & suiuant
qu'ils en tirent responce ils le recitent au conseil, qui apres cela y gette sa
sentence si tous les membres s'accordent en vne opinion. Quant à la ius-
tice, toutes causes tant ciuiles que criminelles vont en premiere instance
deuant le souverain magistrat, si ce n'est ce qui est de la iurisdicō du Ma-
gistrat de la Hale: & en ce qui est purement criminel il en iuge diffinitive-
ment: des matieres ciuiles il y a appel ressortant à la Chācelerie de Bra-
bant. Le Marcgrau ou lieutenant particulier pour le Roy ne peut faire
emprisonner vn citoyen sans le congé du Bourgue-mestre de dedans, &
neantmoins fault que dans trois iours il le represente au Magistrat sou-
uerain: lequel l'ayant cogneu pour conuaincu le rend au Marcgrau qui
luy faisant son proces, apres l'auoir degradé du degré de bourgeoisie, ne
peut toutesfois le mettre à la torture qu'en la presence de deux ou trois
Escheuins. La franchise & retraite aux Eglises y est gardée ainsi que nous
l'auons veu obseruer en France: & ne peut-on en matiere ciuile faire ar-
rester aucun par prison soit bourgeois ou estranger pourueu qu'il tienne
maison, ny sequester ses biens sans le faire appeller en iugement. Le pere
n'y est obligé pour le filz, ny le filz reciproquement pour le pere, encore
qu'il fut emancipé, & le pere ne peut legitimer vn bastard sans l'autorité
du Prince, & l'ayant légitimé, ledit naturel peut iouyr, & des biens du pe-
re, & du priuilege de tester qui en default de ce luy seroit interdit. En An-
uers les femmes ne sont obligées aux debtes de leurs marys, si ce n'est que
elle exerce marchandise, ainsi que coustumierent on en vse en celle ville,
mais le mary respond pour ce en quoy son espouse est redeuable. Laquel-
le ne

le ne peut s'obliger, sauf si elle accepte & vend en la boutique, & neantmoins en s'obligeant faut que prenne vn tuteur en la iustice qui avec le mary, & deuant le iuge face valable l'obligation. Ceux qui viuent 40. ans en mariage au bout de ce terme font vne grand feste, & banquet comme le iour de leurs nopces, & appellent ce iour de lyesse Iubilé, ainsi qu'en vissent aussi les gens d'Eglise ayans vescu cinquante ans apres leur premiere Messe chantée. Ilz ont plusieurs autres loix, coustumes & façons de faire que ie tais pour euitier prolixité, & asseuré que peu de François, Alemans, Italiens, Espaignolz, ny Anglois, ignorent les mœurs des citoyens de ceste ville.

*Iubilé des mariez
en Anuers.*

*Des Normandz & Marcomans & leur Origine, & courses en
plusieurs lieux. Chapitre. 40.*



QUELLE a esté la region ny Prouince du l'Europe qui n'aye iadis expérimenté la fureur des mains terribles de celle nation cruelle & farouche que pour estre sortie des parties Septentrionales, nos ancestres ont baptisée du nom de Normand: Et toutesfois en vne telle, & si grãde diuersité de peuples qui ont senty ceste tempeste, & ouy parler de ce peuple le plus nouveau qu'on sçache de ceux qui ont couru par l'Europe les Turcz exceptez, on ne peut encor asseoir iugement sur la premiere source Normãde, & ne sçait on presque dire autre cas des Normandz sinon que pour estre septentrionnaultx, les Gauloys leur donnerent le nom du Nord, argument assez froid pour faire vn si grand bastiment que celuy d'vne hystoire veritable. Je sçay que noz Annalistes, pour n'auoir esté trop curieux chercheurs, ou pour mieux parler, pour auoir esté en vn temps, auquel les bons liures leur manquoient, & les sciences sembloient estre à demy enseuelies, n'ont guere dit de ce peuple, qui tant a donné d'affaires à la Gaule abatue par la discorde meüe entre les successeurs de Loüys le debonnaire, bien que les aucuns ayent touché au blanc, & les autres se soyent trompez sur les noms prenans les vns pour les autres. Nous donc prenãs esgard à ceste variété, & voulans (à nostre possible) donner quelque contentement à noz François, ferons vn discours des opinions des auteurs selon qu'ilz ont traité diuersement ceste matiere, non (comme tousiours i'ay protesté) que ie vueille qu'on m'aïouste foy si ie ne fais marcher les auteurs avec moy, lesquels me seruiront de Parapect & me targueray souz l'ombre de leurs boucliers, aussi qu'un Patrocle auoit son garat souz l'asle de son fidelle Achille. Wolphang Lazie, auquel i'ose donner l'honneur d'estre vn des plus diligens chercheurs de l'antiquité de l'hystoire de tous ceux de nostre temps, parlant, & des Normandz, & des maisons illustres, qui sont sorties de leur race se peine de prouuer que ce peuple est iadis descendu des Marcomans: desquels les hystoires anciennes sont assez pleines, & desquelz pour cest esgard nous parlerons plus longuement, ayants premierement mis en ieu ce qu'il ameine pour verifier son

*Normandz, les
plus nouveaux des
peuples coureurs.*

*Nord signifie le
Septentrion.*

*Ce surēt Lothaire
Loüys & Char
les, filz, du debonnaire.*

*Wolphang Lazie
li. 9. des Mi-
grations.*

LIVRE TROISIEME

*Anciennes An-
nales nō par nous
veues.*

dire: Et à fin (dit-il) qu'aucun ne doubte que les Normandz sont sortis de la race, & souche des anciens Marcomans, nous auons recueilly ces mortz qui s'ensuyuent des Annales tres-anciennes, contenant l'histoire des François, & le sang, race, & genealogie de Charles le grād, & escrites en vn parchemin fort vieil, & dans lesquelles, il y a telles parolles: Les lettres desquelles ont iadis vsé les Marcomans, que nous appellons Normands, ie les ay cy deffous exprimées, desquelles prennent leur aprentissage ceux qui parlent la langue Theodesque, & avec lesquelles ils taschèt de comprendre, & signifier leurs charmes, enchantemens, & forceleries estans encor embabouinez de l'erreur du Paganisme: Puis paignant lesditz caracteres, il donne à chascun son nom, ce que i'obmetz, renuoyant le lecteur à celuy que i'allegue pour la confirmation de mon dire, & lesquelles encor il trouuera en la Poligraphie de l'Abbé Tritemie.

*Arriā Nicomed.
en la vie d'Alexandre le grand.*

Or pour voir fil y a quelque verisimilitude au dire de Lazie, il nous fault aussi regarder quelz furent les Marcomans, & où estoit leur demeure, & desquelz Arrian Nicomedien qui a escrit la vie du grand Alexandre, parle en ceste sorte: Apres ceste bataille (dit-il) Alexandre troys iours durant alla le long du Danube, qui est vn des plus grandz fleuves de toute l'Europe, & qui a vn fort long trait courant par plusieurs Prouinces arroufant les terres d'vn nombre infiny de belliqueuses nations, & la plus part d'icelles Germaines, aussi c'est de la Germanie, que ce grand fleuve prend sa source. Les derniers de ces peuples sont les Quades, & Marcomans, puis les Iaziges tous peuples de Sarmatie. Regardez fil n'y a desia vn grand trait pour monstrier les Normandz & Marcomans estre vne mesme chose, puis que les vns & les autres sont Septentrionnaulx, & iceux encor Sarmates: oyons Tacite, grand amy des Germains, qui guere ne s'esloigne de l'opinion d'Arrian: Pres des Hermondures (dit-il) sont les Narisques, puis y habitent les Quades, & Marcomans: puis adiousté, iusqu'à nostre aage nous auons veu que les Quades, & Marcomans ont eu des Roys de leur nation, sortis de la race illustre de Marobodue & Tudre: mais à present ils souffrent que les estrangers leur commandent.

*Tacite liure des
mœurs des Ger-
maines.*

Strabon li. 7.

Le doz des Quades, & Marcomans est cloz & enceint, par les Marfins, Gothins, Diens, & Bures: lesquelz il fait voisins des Sarmates. Strabon aussi, qui semble n'auoir rien oublié, parlant des anciens Boësmes (desquelz nous auons parlé en leur lieu) dit ainsi des Marcomans: D'entre lesquelz les vns habitent dans la forest, les autres dehors, ainsi que font plusieurs des Colduores, au païs desquelz est la ville Royale de Marobodue à sçauoir Buiheme: auquel lieu, comme il attirast plusieurs pour y habiter, il contraignit encor les Marcomans, qui estoient de son pays, d'y venir faire leur demeure, or estoit tiré ce Marobodue des Sarmates, & de l'ancienne race des Sueues, qui eut guerre contre l'Empereur Tibere. Vellée Patercule ne dit pas que les Marcomans fussent Alemans, ainsi que plusieurs veulēt inferer, pour faire la Germanie celle qui a produit & Gothz, & Huns, Wandalés, Normandz, & Lombards: ains voicy comme il parle. Il n'y auoit rien qui peut estre surmonté en Germanie, sauf les Marcomans, lesquels leur Roy Marobodue auoit tirez de leur païs, &

Eutrope. liu. 7.

*Vellée patercule
au second volume.*

festant caché dans la campagne enclose de la Forestz Hercinie, il y habitoient celle Prouince. Voyez comme ce peuple venoit d'ailleur que du païs de Boëisme sur lequel il festoit getté, & puis que nous auons ia veu que Quades, & Marcomans estoient vnys ensemble, & faisoient vn meisme peuple, voyons ce que Ammian Marcellin en chante, parlant de Costans filz du grand Constantin : l'Empereur pensant se donner du bon temps, en la plus excellente ville du monde (c'est de Rome qu'il tient propos) il estoit aduert de iour à autre par messagers dignes de foy, que les Sueues couroyent le païs Rhetien, les Quades & Sarmates faisoient des courses, & pilloyent suyuant leur coustume les Prouinces de Pannonie & Esclauonie.

Ammian Marcellin liv. 16.

Par tous ces passages le diligēt lecteur verra quelz furēt les Marcomans, & d'où ils sortirent, & se souuiendra de ce discours, à fin qu'en la suite de l'histoire il puisse iuger si Lazie a raison, ou si les autres que cy apres nous alleguerons ont la cause meilleure : neantmoins encor voy-ie que Tacite fait que ces Marcomans estoient si voisins des Gothins, que Maroboduë auoit enuahy leur terre, & contraint Catualde vn de leur Princes de s'en fuyr, & lequel pourfuiuoit la vengeance du tort fait par le Prince Marcoman, aupres de l'Empereur Tibere, voila quant à l'origine: reste à voir les courses, à fin que par icelles nous voyons s'il y a rien qui s'accorde avec ce que nostre histoire porte touchant les Normandz.

Tacit. liv. 2. des Annales.

Or furent ces hommes appelez Marcomans, comme qui diroit marchifans & Limitrophes, plustost que estimer que on les nommast ainsi pour estre plus adonnez à aller à cheual qu'à pied ainsi qu'en vsoient le reste des Sarmates, & le font encore la plus part des meismes, soit en Pologne, Russie, & Moscouie, desquelles regions les Marcomans furent iadis voisins comme ceux qui se tenoyent pres la Morauie. Sortans donc ce peuple de la Sarmatie Européenne la premiere course qu'il feit, fust en Autriche, ainsi qu'auons prouué cy dessus par le telmoignage de Vellée, lequel fait vn long discours des terres occupées par les Marcomans lors que Cesar Tibere leur feit la guerre.

Et selon qu'en auons aussi allegué, d'Arrian en la vie du grand Alexandre. Voire Pline en son Panegyrique, louë & recommande la fortune de Traian à cause qu'estendant son empire par delà le Danube, il y auoit compris les Marcomans. Iulie Capitolin, specifie encor assez au long les courses de ce peuple, & migration d'iceluy, disant : Touts les peuples dès le limite d'Illyrie iusques en Gaule festoyent reuoltez, à sçauoir les Marcomans, Narisques, Hermandures, Quades, Sueues, Sarmates, & autres avec les Cistobaces, Victobales, Sicobotes, Roxolanes, Bastarnes, Alans, & Pencins.

Pline 2. au Panegyrique à Traian.

Iulie Capitolin en la vie de Marc Antonin.

Outre ce estoit sur les bras de l'Empereur la guerre contre les Parthes, & contre la grand Bretagne. Avec grand peine donc, inuité à ce faire par ses soldatz, il vainquit ces nations guerrieres, & farouches luy y estant en personne, & d'autres l'armée estant conduite par ses Capitaines, & Lieutenans : & contraignit les Marcomans à se rendre à sa discretion, en enuoyant plusieurs habiter en Italie, & ailleur il dit :

LIVRE TROISIEME

*Cesar Comment.
lin. 1.*

*Suetone en son
Tibere.*

*Tacite 2. des An
nales Rom.*

*Am. Marcellin
lin. 17.*

*Vlaser, Et Ara
barie Roys des
Marcomans &
Sarmates.*

*Côme les Marco
mans se presen
toyer iadis shumi
lians à quelcun.*

*Sexte Aurele en
la vie de Galien.*

*Julie. Cap. en la
vie de Marc
Antonin.*

Marc Antonin auoit deliberé de faire que la Prouince des Marcomans fust reduite souz la contribution Romaine, & l'eust fait, aussi bien qu'il en desseignoit de la Sarmatie, sans l'empeschement que luy donna Cassie se portant pour empereur es parties Leuantines.

La secôde course de ce peuple fut en Gaule, & du temps de Iule Cesar ainsi que luy mesme tesmoigne, & lors que Tibere commandoit à Rome. Mais la troisieme expedition Marcomanique festendit vers l'Hongrie, & Transsylvanie, ce que j'ay desia noté parlant de Catualde qui succeda à Marobodue Roy des Marcomans qui causa la ruine de son predecesseur, suyuant l'autorité de Tacite es Annales de Rome : là où il fait tousiours ce peuple de Sarmatie, & ce qu'écôre on peut recueillir d'Amian Marcellin parlant des Quades voisins des Marcomans, lequel en parle en ceste sorte : Alsistoyent encor les Quades participans des perilz des Sarmates, & lesquelz indiscrettement festoyent renduz les compaignons de leurs fautes. Puis aiouste l'exêple de ceste clemence, & debonnaireté Royale en induit plusieurs des Royaues, telz que furent Arabarie, & Vlaser des principaux Capitaines des troupes, l'un desquelz commandoit sur les Quades, & l'autre estoit chef des Sarmates, mais grandz amys ensemble, tant pour estre farouches tous les deux que pour l'auoisiement des lieux sur lesquelz ilz commandoyent. Les troupes de ceux cy l'Emp. brida tellement qu'elles ne peurent sallier ensemble tandis que on dresserait les articles de la paix preste à estre iurée : entant qu'il les separa, faisant retirer les Sarmates iusqu'à tant qu'on eust despeché l'affaire d'Arabarie, & des Quades.

Lesquelz comme, selon leur façon de faire, se fussent presentez tenans le col fleschy, & la teste baissée, ne pouuans se purger des crimes qu'on leur mettoit sus, craignans vn pire traictement, & de subir vn extreme suplice, donnerent des ostages à l'empereur, quoy que iamais on ne les eust peu contraindre à telle recognoissance. Par ce passage on voit les Marcomans en Dacie, qui est Transsylvanie, & telz qui n'auoyent iamais senty le ioug de la seruitude Romaine. Quatriesimement s'espan dist ceste fiere nation en Autriche & Stirie, y estans transportez par l'Empereur Claude Neron, & depuis souz Marc Antonin surnommé le Philosophe ainsi qu'auôs touché suyuant l'opinion de Iule Capitolin : & depuis Galien Emp. dona l'Autriche, & Esclauonie au Roy des Marcomans duquel il auoit espousé la fille : voire lysons nous que Valentinian eust souuent affaire contre les Marcomans se tenans en ces deux Prouinces sus-nômées. Mais oyons vn peu côme Capitolin en parle : Les deux Emp. (dit-il) sortirét en appareil de guerre, à cause q les Parthes, & les Marcomans troubloiet les affaires de l'Empire : côme aussi faisoient plusieurs autres natiôs chassées de leurs pais par les sudits Barbares, & lesquelles menaçoiet de faire la guerre aux Romains, si on ne leur donnoit lieu pour se retirer. Puis aiouste : Aprescecy Marc Antonin se gouerna avec vne grád modestie, & douceur, & eut heureux succez cõtre les Alemãs : & singulierement eut il affaire cõtre les Marcomãs, laquelle guerre il meit a fin avec felicité fort grande, & y gaignant autant d'honneur que iamais Prince

en aucune sienne entreprise, & ce en vn temps auquel la peste auoit ruiné plusieurs milliers & du peuple, & de la gendarmerie: & ainsi il deliura les Pannonies d'une grand' seruitude, opprimées par les Marcomans, Sarmates, Wandales, & Quades, & triompha à Rome accompagné de son fils Commode. Par là vous voyez que ce peuple estoit en Pannonie, & vaincu par ce grand & sage Empereur, il fust contraint de chercher nouvelle demeure. Voyez encor ce que Lucian en chante, disant: Comme deia il eut entrée en la maison Royale & au Palais, y estant introduit par Rutilian qui luy tenoit la main, & l'en faisoit approcher, & estant fort allumée la guerre en Germanie: L'empereur Marc Antonin combattoit lors avec les Quades, & Marcomans. Ce fut en ceste guerre contre les Marcomans, qu'aduint le miracle racompté par Orose, duquel ie ne veux frauder le lecteur, parlant Orose en ceste sorte: Car comme plusieurs nations se fussent esmeuës contre l'Emp. estrangement barbares, & en tres-grand & presque infiny nombre, à sçauoir les Marcomans, Quades, Wandales, Sarmates, Sueues, & presque toute la Germanie: & comme l'armée Imperiale fut paruenüe iusques sur les limites des Quades, & se veit surprise par l'ennemy à cause de la faulte d'eau qui l'a tenoit en angoisse, & sentant vn peril plus grand de la soif, que de la force aduersaire: il y eut quelques troupes de soldats, qui avec vne grand' assurance & viue foy, se tournerent vers Iesus Christ, l'inuoquans & prians pour leur troupe: Et voicy que soudain il tomba si grand abondance d'eau & pluye sur les Romains, que leur camp en fut rassasié largement, & sans sentir aucune iniure: là où les Barbares sentirent vn estrange estonnement assaillis des foudres, esclairs, & orages, qui en occiant plusieurs contraignirent les autres de prendre la fuite. Les Romains les poursuyuans en firent vne estrange boucherie passans presque tout au fil de l'espée, raportas vne des plus glorieuses victoires que iamais on eut ouy reciter, avec vne petite troupe, & icelle mal aguerrie, troupe de soldats, mais qui estoient suportez, & guidez de la main trespuissante, & inuincible de nostre seigneur Iesuchrist. Je sçay bien que Dion racompte autrement ceste histoire & que Lucian, comme ennemy du nom Chrestien, ou, pour mieux parler, aduersaire de toute opinion de diuinité, attribue ce miracle à Apollon, duquel il fait l'oracle rendu à l'Empereur estant en ce peril: mais nous aymons mieux croire l'effait qui s'en ensuiuit, que les resueries de cest Atheiste, entant q l'Empereur feit dès l'heure sursoir les persecutions des Chrestiens, & confessa par vne sienne Epistre, comme son armée auoit esté deliurée par la priere des Chrestiens. Je pourroy vous amener infinis passages des bös auteurs sur les courses des Marcomans en diuers lieux, si c'estoit d'eux que seulement i'ay basti ce discours, mais ayant à voir si ce sont eux que nous estimons auoir esté les Normands, il fault passer outre, & conferer, & les temps, & les noms & les voyages, & les lieux où ces peuples se sont arrestez, entant que la premiere course cogneuë des Normads par les nostres, & descrite par les annalistes François, est celle quand ilz vindrent en la Gaule Belgique. Or est-il que les Mercies sous leur Roy Pende sortis des Marcomans, sont ceux qui chassés de la Gaule passerent en Angleterre, &

Ceste guerre aduint l'an de grace 174. *Enseb. hist. eccl. li. 5. ch. 5. Tertul. en l'Apologes. chap. 5. Suidas en l'hist.*

Lucian au dialogue nommé Alexandre.

Orose li. 7. ch. 15. Eutrop. li. 10.

Ceste bande Chrestienne fut nommée par l'Emper. fondroyante.

Impieté de Lucian & de Dion.

Nicephore hist. ecclesiast. li. 4. chap. 13.

Vlpian en la loy Generaliter. paragr. final. ff. des decurions.

Pende Roy des Mercies en Angleterre.

LIVRE TROISIEME

fen retournans en Noruege, apres la mort dudit Pende occis par les enfans d'Ofuuald roy de la grand Bretaigne, ce qui aduint l'an de grace 646. regnant en France Clouis second, & tenant l'Empire Cōstantin petit filz de l'Empereur Heraclie, seant à Rome Theodore. Apres ceste route les Marcomans ayant rauagé le pays de Dannemarch, se mirent à l'art Piratique l'espace de plus de cent ans, ores courant la coste Germanique, & tãtost se fourrans iusqu'au plus profond des Gaules, ainsi que verrons passant plus outre en nostre narratiō, mais que ayons vn peu recité les autres opinions sur l'origine du nom Normand, entant qu'encor iusqu'icy n'en auons veu chose qui puisse guere contenter l'esprit du lecteur. Lazie, qui, comme j'ay dit, tasche de prouuer que les Marcomans sont ceux qui ont iadis conquis la Neustrie sur les Roys de France, dit que les nostres voyãs les septentrionaux courir leurs terres, & ne sçachans le nom propre du peuple qui l'assailloit, le baptiserent du tiltre de Normands, c'est à dire hommes de septentrion : & à ceste opinion souzignent plusieurs trompez en l'erreur commun, & se laissans conduire par la seule fantasie des autres. Je ne sçay point mauuais gré à Lazie Germain de natiō, & Viennois du país d'Austriche, ayant prouué les Marcomans sortis de Sarmatie, & nourris plusieurs siecles en Pannonie, si eux chassez de ce pays, il les renuoye en Gaule, & s'aydant de nostre erreur, il dit que ce sont les Normandz qui en sont descendus, à cause que c'est ainsi qu'on appelle les hommes nés ez parties Septentrionales. Mais si cela auoit lieu, ie m'estonne que lors que les Gothz, & Lombardz coururent tant de terres tant es Gaules, Espaignes, que Italie qu'on ne les honnora aussi de ce tiltre, veu que sans doubte aucun, & les vns & les autres estoient du Nord, & sortis des terres Boreales & froidureuses, veu que desia les François se tenoyent en Gaule, & y commandoyent, vñs de la mesme langue qu'ilz vsoient lors que les Normands y passerent. Et toutesfois vous ne trouuez auteur quelconque qui les nomme ainsi, & moins qui aille resuer sur le mot Nordman, iusqu'à ce que le peuple qui vrayement s'appelloit ainsi commença à courir les plages, & costes Gauloises : lesquelz noz Annalistes ont recogneuz souz le nom de Danoys, à cause que la region qui les auoit vomis, & gettez en noz terres, estoit suiette à la couronne Danoise, ainsi que j'espere vous monstrez.

Erreur de Volphang Lazie.

Au compte de Lazie tous les Septentrionaux se-royent appelez Normandz.

Beat Rhenan. li. 1. de la Germanie.

Geoffroy Roy Normad : l'an de grace 809.

Je ne me soucie point si Beat Rhenan, quelque grand homme qu'il puisse estre, iacoit qu'il les confesse Danoys, parle d'eux en ceste sorte : Les Normandz furent vne partie des Danoys, ainsi nommez, à cause qu'ilz sont hommes septentrionaux, d'autant que Nord en langue Aleman signifie Septentrion, & Man, vault autant que homme : Le nom de ces Pirates commença estre cogneu sur les derniers ans de l'Empire de Charles le grand, lors que ayantz pillé & saccagé le pays Phryson, & isles voisines souz la conduite de leur conducteur Geoffroy, ilz menaçoient de faire le semblable au superbe palais d'Aix, qui estoit le lieu où l'Empereur seiournoit lors qu'il estoit sans nulle guerre. Et encor ne m'esmeuent trop les parolles de Sabellique, quoy qu'il se soit peiné à recueillir assez diligemment l'histoire, lors que parlant de Neustrie occupée par

Raoul, ou Rollon chef des Normandz, il dit : Il donna celle partie d'Aquitaine, voisine de Bretagne, apellée Neustrie à Rollon, lequel l'apella Normandie, du nom de son peuple, entant qu'en langage Danoys Nord signifie Septentrion, & Man est interpreté homme. Aussi Sabellique se peut esgalement tromper au mot de Normand, comme assez mal à propos, il comprend la Neustrie sous l'Aquitaine, contre l'opinion de tous Geographes tant anciens que modernes, lesquels la font Celtique, & la comprennent en la seconde Lyonnoise. Qui estoyét donc ces Normâds? me direz vous, & non sans raison: On ne peut mieux vous le specifier que par les parolles mesmes de ceux qui ont décrit l'histoire du pays duquel ceste natiō a pris origine, desquels toutesfois auant qu'amener le tesmoignage, nous proposerons les autres qui en ont parlé assez pertinemment. Blond Forliuie en son histoire nous fait ce peuple Alemât (si a bon droit ie m'en raporte à la verité) lors qu'il dit ainsi: Car les Normâds qu'on apelloit Emerges, estās entrez en Gaule, & ayāt pris terre par les embouchures q̄ le Loire fait dās la mer, cōduits de Romain leur capitaine, saccagerēt, & pillerent toute l'Aquitaine, sans qu'ils trouuassent hōme qui leur feit tant peu soit de resistance. Tellement que s'espandans par les Gaules de toutes parts, ils gasterent, & rauagerent les villes de Bordeaux, Xaintes, Angoulême, Limoges, Poictiers, Tours, Paris, Orleans, Beauuais, Noyon, & plusieurs autres, tant citez, que chasteaux & places fortes. Mais Sabellique en parle vn peu plus intelligiblement, quād il dit. Les Normâds furēt de natiō Daces d'entre ceux qui se tiennēt le long de l'Ocean Germanique, qu'aucuns apellent aussi Danois. Lesquels suiuians la route de l'Ocean vindrent par mer iusques en Aquitaine portez sur leurs vaisseaux par l'emboucheure de la riuiera de Seine, rauageans le pays qu'ils trouuerent vuide de tout secours. Cestuy les fait Danoys, & le long de l'Ocean, mais encore ne touche il au but, comme ainsi soit qu'il fault passer outre pour les trouuer, quoy que non loing de l'Ocean: & fait encor vne faulte fort remarquable apellant Daces les mesmes que les Danoys, comme ainsi soit qu'il y a grand difference des vns aux autres entant que les Daces sont les Walaches, & Transyluaniens, & les Danoys ceux qui habitent le long du Cherfonesse Cymbrique, & du nom desquelz le pays porte le tiltre de Dannemarch. François Irenique en sa Germanie parlant de ceux qui ont pris origine de Dānemarch, en dit ces parolles: Il en y a qui sont d'opiniō q̄ les Danoys ont esté ainsi ditz des Daies peuples de Hircanie, entre lesquels est Strabon: neantmoins Saxon, surnommé Grāmairien tesmoigne qu'ilz furent ainsi nommez de Dan, qui fut iadis leur Roy, avec lequel ils passerent de l'isle de Scandie auant en terre ferme, ainsi que Iornandez Goth en rend assurance: & de ces Danoys eurent les Normandz origine, & des Danoys encor sont sortis les Bulgares & d'iceux les Hongres. Puis que le lecteur aura esgard à tout cecy, il verra de grādes diuersitez, ie le cōfesse, mais sil s'arreste à ceux (comme il fault faire) qui pour estre du païs, & sçauēt les choses mieux q̄ par ouyr dire, aussi verrōt ilz q̄ le dernier par nous allegué, faisoit sortir les Normâds des Danoys, il ne dissimule pas aussi que le Danoys n'aye pris origine de l'isle qui luy est voisine, à sçauoir

Sabelli. Ennead.
9. liu. 1.

Blond. decad. 2.
liu. 2.

Sabelli. Ennead.
9. liu. 1.

Faulte de Sabellique.

Irenique liure de
Germanie. 1. ch.

34.

Strabon liur. 7.

Saxon en l'hist.

Danoise liu. 1.

Albert Krantz

hist. Danoise. li.

1. ch. 2.

LIVRE TROISIEME

Scandie, de laquelle nous auons assez parlé, & au chapitre des Goths, & vous paignât l'histoire Lobarde: & ainsi nous aduiferôs le succez de ceste source. Celle grand' estêdue de terre vers le Pole Artique, quoy que cogneue par les anciens, non toutesfois descouuerte, pour en cognoistre la force & valeur des peuples qui y habitoient, dieu y tenant enclos les rauageurs & voleurs vniuersels, qui depuis ruinerent l'Empire de Rome, & dōnerent tant d'affaires à presque tous les princes de la terre: ie dis que Scandie soit elle isle ou cōrinent, aucun n'en sçachant encor la resolution, est celle qui a nourrys & produits les Normands sur & le long de la coste de Noruege, qui est vn des trois premiers, plus grands & principaux royaumes de Scandie, & en vn cōing duquel est assise la prouince proprement appellée Normandie, ou du Roy Nore, comme aussi Noruege en a pris son nom, ou pour estre la plus exposée au vent Septentrional, affin que l'accorde en quelque cas à ceux qui d'un mot commun, ont voulu particulariser vn peuple: ceste Normandie est posée en l'auoisinement de Fimmarchie, regardât la mer glaciale d'un costé, & l'isle Thilé de l'autre, ayant les monts de Bothnie au Leuant, & la Noruege qui luy est meridionale estât à quelques soixante dix degrez de latitude septétrionale, & qui est séparée d'Escoffe par l'infiny cours de l'Ocean, & toutesfois en pareille eleuation au promontoire le plus septentrional qui soit en toute la terre conquise iadis par les Piétes. Mais affin que ie ne semble rien apporter du mien, c'est raison que ie vous die les propres paroles de Krantz descriuât les royaumes Aquilonaires. Noruage (dit il) que plus communement, ores nous appellons Noruege, estant le troisiéme royaume d'Aquillon, est aussi prouince des plus renommées de tout le Septentrion, & c'est pourquoy ie l'ay mise la dernière pour en faire la description. Elle s'estend en sa longueur, iusqu'à la dernière extremité de la plage Septentrionale, d'où aussi elle a pris le nom suyuant la maniere de parler des Germains. Or commence elle dez les rochs & escuils de la mer Balthée, puis doublât le doz vers le pays Boreal, ayant encoint par son circuit les bouillonnemens de l'Ocean, en fin elle est limitée par les monts Riphées. Bien est vray qu'elle encloist en soy plusieurs seins, goulphes & canaux, qui par plusieurs milles sont nauigables, & accessibles aux bateaux & nauires, autour desquels ceux qui habitent, s'adonnent ordinairement à la pescherie, exposant au soleil toute espee de poissons & grâds & petits, pour les y faire secher à l'air, & lesquels estans desseichez ilz enuoyent en Germanie. Or ceste region, à cause de la froidure excessiue qui y regne, est beaucoup plus sterile que Dannemarch, ny le pays de Suece, neantmoins fort apte pour la nourriture du bestail. Ce pays porte, & nourrist les hommes vaillâs, & robustes, lesquels n'estans point amollis, ny effeminez par l'abondance excessiue des viures, sont plus souuent assaillants autrui, que personne se hazarde de leur courir sus, & leur faire guerre. Dés longs siecles ce peuple, soit que pressé de necessité & famine, ou se fiant en ses forces (lesquelles font enorgueillir souuent le cueur des humains) tint la coste de la grand Bretagne en sa suiëtion, n'y cessant d'y faire des courses & pillages: quelque fois estant seul, & d'autres se ioignât avec les Danoy, & ainsi il alloit pillant

Nore roy d'un coing de Scandie. Voy Iean euesque d'Upsale. lin. 2. ch. 3. de l'hist. Gothiq.

Description de l'ancienne Normandie. Voy Nicolas Germain sur Ptolom.

Krantz sur l'hist. de Noruege en la preface.

Description de Noruege.

Noruegiens pecheurs.

Pourquoy les Noruegiens vaillent.

pillant, & saccageant les Gaules & la grand Bretagne, & ne cessa iamais, tant qu'à la fin de son nom il apella Normandie vne partie de Gaule voisine de l'Ocean. Iagoit que les historiens Gauloys, troublans, & confondans les choses, ayēt de coustume d'appeller Normands tous ceux qui viennent des parties Boreales, sans discerner, ny mettre differēce entre les Danoys, & ceux qui sont vrayement, & proprement appelez Normāds. Puis aiouste, ayant parlé des Lapons peuple farouche, & duquel nous auons fait mention au chapitre des Goths: Or la cité Metropolitaine de Normandie est Trondenne, qu'à present on nomme Nidrosie, laquelle est renommée tant pour estre bien peuplée, que pour la magnificence des temples, & Eglises qui sont basties en icelle par les roys anciens de Noruege. C'est en celle ville qu'on monstre le tombeau du saint Roy Olaue, qui fut martyrisé, & au sepulchre duquel iusques au iour present se font de grans miracles, Dieu y monstrant ses merueilles. Apres la Normandie, qui est la dernière Prouince de Septentrion, on ne voit aucune habitation humaine, ains seulement vn effroyable vilage de l'Ocean, & cest infiny cours de la mer, qui enceint, & embrasse toute la terre. Voyez quelle raison cest auteur vous amene touchant le mot Normād, non qu'il nie qu'ilz ne l'ayēt pris du Nord, c'est à dire du septentrion qu'ils habitent, mais monstre que auant que passer deçà, ny courir les terres, qu'ils ont rauagées le temps passé, ne qu'ils s'arrestassent en Gaule, desia ils s'appelloyent ainsi, & leur terre Boreale Normandie, aussi bien que leur voisine portoit le tiltre de Noruege. Et ainsi ie m'estonne que le bon homme Cénalis, ayant tant feilleté de bons liures, & estant si bien versé en la Corographie, cōme il estoit, se soit ainsi laissé couler en l'erreur commune du vulgaire, sans regarder de plus pres les matieres, veu qu'il parle ainsi de sa Normandie: La regiō plus voisine des Chartrains Celte-Gaulois vers l'Occident est la Normandie, ainsi nommée plus pour le peuple venu y habiter, que de son naif & premier nom, à sçauoir de ceux qui l'enuahirent, & s'en firent les seigneurs: car Normand est autant à dire qu'homme Septentrional: Aussi Northland, d'où vient Northlandie, signifie terre de Septentrion, & telle est la region de Dannemarch, Noruege & Suede troys Royaumes iadis flourishing, mais à present Noruege est obeissante aux loix du Roy des Danoys. Puis aiouste: Or entant q'ie peux coniecturer, il n'y a pas eu vne seule Normādie dès le temps ancien: entant que la source, & racine primeraine de la nation & gent Normande c'est le pays Danoys, ou Noruegien plus heureuse en pescherie, que fertilité de païsage & terroir, comme celuy qui ne fustit pour nourrir les habitants, & ne peut fournir de pain, & boisson à ceux qu'il produit, ayant engendré double Normandie plus par accident que naturellement, vne Gallique, de laquelle nous faisons maintenāt mention, sur laquelle Raoul à cōmandé: & l'autre Frisonne, où fut fait seigneur Godefroy Prince des Danoys, l'ayant en don par Charles 3. du nom, lors qu'il receut la foy de l'Euangile. Quoy que tous ces hommes illustres en sçauoir ayent refusé sur ce mot Normand, & qu'ils en baptisent les Septentrionaux (auec quelque raison comme j'ay ia confessé) si est-ce que auant que les Normandz fussent seigneurs de la mer, les Danoys auoyēt ia cou-

*Annalistes en
quoy saillent par-
lāt des Normāds.*

*Trondenne, ores
Nidrosie Metra-
politaine de l'an-
ciēne Normandie.*

*Cénalis li. 2. de la
Gaule.*

LIVRE TROISIEME

*Beat Rhenan. li.
1. de Germanie.
Cecy aduint enui-
ron l'an de grace
539.*

ru le pays Gauloys, sans que le nom Normand fut mis en campagne: & de cecy m'a fait certain Beat Rhenan, lors qu'il dit: Theodebert filz de Theodoric & neveu de Louys, que les Gauloys appellent Clouis, vainquit les Danoys, courans & rauageans les finages du pays Messin: & lors (dit-il) n'estoit, peut estre, encor né ny cogneu le nom de Normand. C'est bien parlé que le nom Normand fut incogneu, d'autant que iagoit que les Danoys feissent des courses, & qu'ilz soyent du Nord & Septentrionaux, si est-ce qu'on ne leur donna iamais ce nom, iusqu'à ce qu'ilz se ioignirent à ceux qui sortans de la Normandie Noruegienne, vindrent se ruer sur la Gaule & sur l'Angleterre. Et ainsi ayas prouué suffisamment la cause du nom, & le lieu d'où il est pris, laissant encor les mœurs du peuple, à cause que descriuant les Goths, nous y auons enuélé toutes les façons de vie des Scandinaviens, d'où sont sortis les Normands, il est temps désormais de voir leurs courses, lesquelles sont autres, & differétes de celles des Marcomans, & n'ayants rien de commun avec les Mercies, & Northombellants, quoy que Lazie, ainsi que dit est, nous vueille faire croire la Marcomanie qui est toute Alemade, estre mesme cas que la Normandie qui est Scandinaviennne & Scythique ce que le diligent lecteur iugera en espluchant diligemment ce que nous auons discouru cy dessus.

*Des courses des Normands, & comme ilz s'arrestèrent en Gaule, & des
terres par eux conquises. Chapitre 41.*



Les choses aduenues le temps passé, & qui surpassent nostre memoire pour n'en estre tesmoins que par la lecture des liures, de qui pouuons nous auoir les instructions pour nous en asseurer, que des anciens historiens, ou de ceux d'entre les modernes, qui se sont curieusement employez à sçauoir la verité des gestes des nations, qui sans leur diligence fussent demourées enseuelies dās les obscurs cachots d'une profonde & ingrate oubliance de leur gloire: C'est pourquoy ie feil-

lete tant de liures, & ayme mieux me peiner pour le soulagement de ceux qui m'ayment, & ausquelz ie suis obligé, que passer legerement la main par dessus cest œuvre, sans rien dire sinon ce que chātent les plus vulgaires de ceux qui se sont meslez de l'histoire. Sur le discours dōc des courses Normandes, voicy ce que Sigibert en chante descriuant l'histoire des Gaules.

*Sigibert moyne
en ses Chroniq.*

*Lieux ruinez par
les Normands.*

Lors que Louys filz de Charles le grand gouuernoit l'Empire, les Normands affligeoyent fort les costes de la mer es entours du pays Saxon, & des Gaules, destruisans Dorstad sur le fleue Albis, Anuers bastie sur l'Escault, & Withcland lieu de trafic posé sur l'embouchure de la Meuse. Ilz cōtraignerēt les Frisons à leur payer tribut, ce qui aduint l'an de nostre Seigneur 830. Or comme les Danoys Normands fessayassent de faire le semblable au pays de Flandres, à sçauoir de piller & butiner tout, comme

les admiraux, & gouverneurs du pays leur resistassent, ilz se retirerent : ce que aussi ilz feirent, estans venuz sur l'embouchure que fait la Seine dans l'Ocean, où ilz receurent quelque legere defaite : mais passans en Guyenne la fortune leur fut plus heureuse, entant que chargez de butin & riches despouilles, ilz se retirerēt en leurs terres : puis sur l'an huit cens quarante quatre, ilz passerent en la grand Bretagne, où desia les Anglo-Saxons auoyent mis le pied, & contre lesquelz ayans combatu cruellement par l'espace de trois iours entiers, ilz obtindrent en fin la victoire vsans de la proye, & des hommes à leur discretion, & iouissans de la seigneurie de la terre.

L'année apres le Roy Roric arma 600. Naus pour aller contre Louys Empereur : mais les Saxons luy venans au contre eurent bataille contre luy, & le vainquirent, aydez & assistez de la main, & faueur celeste de Dieu tout puissant. Voila ce que en tient Sigibert : & les Normands en parlent ainsi en leurs annales, disans : Ayans les Normandz tout couru & ruiné par leurs courses & pilleries, ilz passuettirent les Frisons, & se les feirent tributaires, & au mesme temps, portez sur le Rhin, assiegerent Coloigne, & monter sur le fleuve Albis, bruslerent la cité de Hamburg. Derechef Sigibert parle en ceste sorte : La mesme année, ilz viennent par la Seine, & gastent tous les pais voisins de la mer, pillent, rauagent, ruinent, & bruslent : mais ayantz butiné le monastere Sethin, comme ilz s'en retournaissent à leurs nauires, chargez de butin & proye, ilz y furent si aueuglez, & desuoyez, que ne scachans où aller, ilz perirent sumergez dans les marefcages, tellement qu'il y en eut fort peu, qui peussent en rapporter les nouvelles en leur contrée. Or les Normands accoustumez à la victoire n'osoyent neantmoins s'arrester en Gaule du temps de Louys, mais luy desfunct, la discorde suscitée entre ses enfans les encourageant, leur ouurist aussi le pas de leurs grandes & glorieuses conquestes. Ce fut lors que les prelatz de Gaule, espouuentez des furieux assauls de ces Barbares s'enfuiroyent avec le plus precieux de leurs Eglises dedans les forteresses : ce fut en ce temps que les Normands prindrent Bordeaux, par la trahison des Iuifs qui là estoient, & l'ayans pris le pillerent, & bruslerent, toutesfois furent chassez par les Escossois qui venoyent en Gaule pour aller visiter le saint, & vniuersel pasteur de l'Eglise seant à Rome : ce fut aussi en celle mesme saison qu'ilz saccagerent & ruinerent la ville de Perigueux, se retirans à leur aise sans que personne leur donnast aucun destourbier, ny empeschement.

Et ainsi successiuiement d'an en autre ilz passoyent en France tellement que Nantes, saint Florent, & Tours passerent sous la fureur du fer, & du feu espandus par ceste race furieuse, iacoit que le corps saint Martin fut deliuré des flammes par la preuoyance des Ecclesiastiques qui le porterent à Orleans, & ce fut lors qu'ils bruslerent Angers, tandis que les Princes de France s'efforçoyent de se ruiner, & en la colere desquels toute la noblesse de France fut presque sacrifiée à leur maudite discorde. Aussi cinq ans apres ils assaillirent la noble cité de Paris, qu'ils bruslerēt en quelques endroitz, & pour la deliurance du reste ilz receurent grād somme de

Roric vaincu par les Saxons.

Annales de Normandie.

Sigibert.
Normands persisent miraculeusement.

Krantz, liu. 1. de l'hist. Norm. ch. 41.

De ceey voy Aymon moyne liur. 5.

LIVRE TROISIEME

deniers des citoyens d'icelle : & voila tout ce que Sigibert dit de ceste inondation , & debord abominable de la plus farouche nation que iamais le Septentrion a poussé es parties Occidentales.

Sabelli hist. Ve-
nitie Decad. 1. li.
4.

On trouue que ce peuple espendit encore sa fureur en Dalmatie, ce que Sabellique monstre assez euidentement lors qu'il dit, parlant de Dominique Syluie Duc de Venise: On dit que sous la conduite de ce seigneur Syluie, les Normands furent chassés de Dalmatie & de ses limites, desquelz, à cause que souuent ilz ont combattu avec ceux de nostre nation, il fault dire quelque chose. Ces Normands furent les habitateurs de l'Océan Aquitanique, lesquelz ayants par vn long espace de temps tenu la mer suiette à leur pilleries, par succession de temps entrans en Gaule par le Loire conduits par Raoul leur Prince, mirent à feu, & sang le pais Lorrain, avec vne grand partie de la Germanie. Tout cecy est pris çà & là de diuers auteurs, pour par ce moyen diuersifier le goust du lecteur, mais d'icy en auant ie ne veux que desmesler ce qui est en l'histoire Noruegienne touchant les Princes Normands qui ont couru les Gaules, à cause que les auteurs d'icelle s'accordent assez bien avec les annales de France: Or en parlent elles en ceste maniere. Regner Roy de Dānemarch, estant aussi possesseur de Noruege, & par conséquent seigneur de Normandie, comme il fut decédé, ses enfans vnissans les deux nations ensemble, furent cause aussi que les François comprindrent encor les Danoys sous le nom de Normādz. Ceste nation Septentrionale en general acomptoit à grande gloire le larcin & volerie marine, & ce auant qu'elle eust receu la foy Euangelique, nourrissant des plus cruels, & farouches hommes de la terre, ausquels l'art Piratique en mer, & les larcins en terre estoient honestes, & honorables: tout ainsi que iadis les Lacedemoniens mettoient cecy au ranc de leurs principales louanges. C'est pourquoy en ces Prouinces le plus souuent les roys mourants, les successeurs partageoyent en telle sorte leurs heritages, que les vns auoyent la terre pour leur sort, & les autres, voire les plus vail-lants, choisissoient la mer pour leur apennage: entāt que la guerre demenee sur mer en deualisant les voyageurs, estoit par eux reputée le iuste, & legitime art militaire, tellemēt que ceux qui s'enrichissoient par ce moyē, estoient les mieux venus, & les plus honorez entre les hommes illustres. Aussi n'ayans sur qui s'exercer de ceux qui voltigeoyent de pays estranger sur mer pour les despouiller, ilz aprindrent de se ruiner les vns les autres, & courir les terres voisines. Les Wandalles estoient assaillis, & reciproquement ilz rendoyent aux Danoys la pareille, les Normandz & Noruegiens couroyent iusqu'en Russie, & souuent, tournans vers l'Occident, l'Angleterre leur seruoit de passetemps, y assaillans les Anglo-Saxons, qui en auoyent chassés les anciens habitans & fait perdre le nom à l'isle: & d'eux porte encor le nom le Comté de Northombelland. Et iāçoit que il semblast que ce peuple eust vne guerre comme naturelle contre les Saxons, si est-ce que ayant vlsurpé le pays Saxon & la terre Frisonne, ilz les laisserent dès que ilz eurent goûté la douceur & delicatesse Gauloyse, de laquelle ilz prindrent le goust lors que Haddingue (duquel ailleurs j'ay poursuivy l'histoire bien

Normands acom-
ptoyent à gloire
l'art Piratique.

Comme les Prin-
ces Septentrionaux
partageoyēt leurs
heritages. voy Sa-
xon Grammair.
U Krantz. lin.
2. chā. 1. de l'hist.
Normand.

Ce fut l'an 878.
voy le miroir hi-
storial chap. 40.
U 44.

au long) passa en France, & se baptisa possédant le païs Chartrain par l'octroy du Roy Charles le Chauue, & ce ayant receu le saint baptême, l'an dernier du regne dudit Roy, & 15. ans auant que Raoul passast en Gaule. Et c'est la premiere pause que iamais les Normandz feirent en France, & pour laquelle encore iusqu'auioird'huy on estime le païs Chartrain des dependances de Normandie, & les Chartrains, auoir des vertus Normandes pour leur lustre & excellence, aussi bien que les Manceaux à cause que au Mans aussi reposterent les premieres racines de ceste nation Septentrionale. Je laisse les diuers voyages de ce peuple en France souz Louys le Begue, & Charles le gros, lesquelles encore que fussent fascheuses, si ne peurent ilz rien entreprendre sur les terres Royales, à cause que Haddingue Chrestienne, auoit (auec le baptême) vestu le naturel Gaulois, & ne fauorisoit en rien ceux de sa nation, content d'estre en repos, puis que son païs ne pouuant le nourrir, & l'Angleterre l'ayant dechassé, il auoit trouué si bonne composition en France. Mais voyons souz le regne des deux Bastardz de Louys le Begue, à sçauoir Louys & Carloman quel il y faisoit, & cōme les affaires se demesloyent, tout estant en trouble par ce pauvre & miserable païs de France. Noz Annalistes nous descriuent les choses si confuses en ce temps qu'il semble que les hommes tinssent les bras croisez, & eussent perdu l'appetit de bien faire tant ilz estoient aneantis: & fault bien dire que le tout alloit fort desordonné, puis qu'y ayant vn bon nombre de Princes du sang de France, si est-ce, que la noblesse y estoit si au bas que contre tout ordre, loy, & coustume, deux bastardz s'affirent sur le saint throsne François, & se partagerent la France, la vie desquelz fut si desbordée qu'Aymon moyne parlant de l'vn ne fait conscience de l'appeller homme plein de toute saleté, & vilennie, & qui ne songeoit à autre cas qu'aux vanitez de ce monde. Du temps de ces deux bastardz fut fait le second rauage Normand sur la France par Godefroy, & Sigefroy freres, qui ayans receu le païs de Phrise pour retraite conspirerent contre les Roys, & coururent la plus grand part de la France, & Lorraine, prenās les villes d'Amiens, Arras, Cambrai, & Teroüene, voire courans tout ce qui est arrousé de l'Escault, bruslās le Liege, Vtrech, Coloigne, Treues, & Aix, & la grand cité de Gand, Tournay & tout le païs presque de Hennault, ne laissant coing en la Picardie, qui ne se ressentist de leur colere, & cruauté barbaresque. Ce pendant les Bastardz menerent l'vn à la chasse, & l'autre ne sçay de quelle maladie. Et ce fut lors que ceste tempeste cessa quelque peu, à cause que Charles le Gros les appaisa donnant à Godefroy pour espouse Gilde, ou Gillette sa cousine fille de l'Empereur Lothaire: mais ceste paix ne dura guere, fauécée par le Normand qui en fut occis pour recompence. L'autre rauage des Normands fut au temps du même Prince à sçauoir Charles surnommé le Gros, entant que Godefroy leur Roy ayant esté occis, comme dit est, les Barbares vindrent à Paris, l'affaillirent, prindrent & saccagerent, & prenans depuis Louuain, contraignirent le Roy à condescendre à accord, qui fut qu'il leur donna vne partie du païs Neustrien pour y habiter, non toute la contrée, car ce fut l'autre courle Normande, qui eut cest aduantage: Laquelle ad-

Pourquoy les Chartrains estiment Normands. Krantz, liu. 2. c. 4. hist. Normad.

Cecy fut l'an 884. s. 6. 7. & 8.

Aymon moyne li. 5. cha. 60.

On dit que Louys fut occis en poursuivant vne fille pour la violer. Voy nostre hist. des Charles li. 4.

Ce rauage fut fait l'an de grace. 995.

LIVRE TROISIEME

*Voy Krants liu.
1. ch. 16.*

*Voy Bede en l'hi.
Ecclesiast. d' Angl.*

*Comme l'Angle
terre estoit diuisée.*

*Alfrede Roy An
glois s'allie des
Normands.*

*Phrise, Et Zelade
tributaires aux
Normands.*

uint du temps d'Arnould Empereur, & tenât le royaume François Eude Conte de Paris, & d'Aniou, duquel est sortie la famille des Capetz : & en fut chef, & auteur Raoul Prince Normand, lequel y estoit esguilloné pour diuerses occasions, & desireux de s'enrichir, & faire vn grand butin, & proye, & voulât acquerir vne gloire perpetuelle pour son nom, & plus estant esmeu de la memoire illustre de ceux de sa nation, qui desia auoyent eu vne portion de Neustrie, comme pour perpetuel heritage. Mais ce qui plus causa son voyage, fut qu'ayant conspiré avec son frere, contre le Roy de Dannemarch qui pour lors commadoit sur la Noruege, ainsi qu'encores ledit pais est subiet aux Dannoys, & ayant perdu & la bataille, & en icelle son frere, craignant la fureur du Roy, qui se nommoit Harald, il fut contrainct de quitter son pays, & aller ailleurs pour trouuer son aduenture. Son premier voyage s'adressa en la grand Bretagne, qui desia portoit le nom Anglois, à cause des Anglo-Saxons qui l'auoyent conquise, & sur laquelle plusieurs Roys de Dannemarch auoyent couru les vns mal y faisant leurs besoignes, & les autres y plantans leurs sieges, si non par toute l'isle, à tout le moins commandans sur vne partie d'icelle, dequoy lisez l'histoire d'Angleterre, & les Annales de Dannemarch. Aussi celle grand Isle estoit gouuernée par diuers Roys, entât que les Anglo-Saxons auoyent leur partage, qui toutesfois donnerent le nom à tout le pais : y estoient les Pictes & Elscossois, qui deffendoient opiniastrément leur Prouince, & les Mercies ne se tenoyent sans rien faire, voire le Roy de Northombelland ne souffroit qu'on luy querellast la terre de laquelle il estoit en possession. Ce fut contre ce coing septentrional que Rollon, ou Raoul dressa son nauigage, descend en terre, pille, & rauage tout selon la coustume de sa nation, combat les habitans & en fait vn grand massacre : mais chargé qu'il se voit de richesses comme il n'eut point vouloir de s'arrester audit pais, & n'osast se retirer au sien à cause de la colere de son Roy, qui ne demandoit que sa ruine, en fin il se dispose de passer en Gaule, & là chercher sa retraitte : mais le peril des siens, & le grand nombre qui desia y auoit esté taillé en pieces l'intimidoit fort estrangement, ioint qu'il voyoit que desia ceste nation estoit acoustumée à sçauoir que valoyent les forces Normandes, & à y resister, & les vaincre, & ainsi le desir de ceste entreprise samortissant il estoit presque sur le poinct de la quitter du tout : Et ainsi voyant comme les choses luy succedoyent en Angleterre, il delibera d'y arrester, mais admonesté par songe qui ceta sa deliberatiō, & faisant alliance perpetuelle avec Alfrede, que Krantz appelle Alstene, Roy Anglois, il remonta sur mer pour aller là part, où le guideroit sa fortune. Ce fut lors qu'il courut les pais de Frise, Zelande, Holande, & Brabant, & print le Duc nommé Regner commandant sur les Zelandois, & qui s'estoit ioint avec Rabod Roy Phrisson pour luy empescher la descēte. Non content d'auoir assuiettis ces pais, & contrainct le peuple à luy estre annuellement tributaire, il remonte sur ses vaisseaux, & rasant la coste de Flandres, & de Picardie, en fin il vint descendre au pais & sinages de Neustrie.

C'estoit la terre qu'il auoit songée, c'estoit le pais qu'il deuoit nom-

mer de l'appellation de la Normandie Noruegienne : aussi y estant descendu il prist Rouën, Bayeux, & plusieurs autres villes, non sans faire vne horrible deffaitte de François & Gaulois, assiegea Paris, prist & sacca-
gea Eureux, secourut l'Anglois, courut la Bourgoigne, ruina les terres Poi-
teuines, à cause que ceux cy auoyent donné secours aux François : & en
somme il affligea la France l'espace de treize ans si obstinémēt, qu'à la fin
on fut contraint de luy accorder ce qu'il demandoit, entant qu'ayant esté
contrainct de leuer le siege qu'il auoit mis deuant Chartres, il se despita
tellement que le païs par où il passa se sentit bien de sa colere. Mais à la
fin on le semond à se Chrestienner luy promettans de la part du Roy de
Frâce, qui estoit pour lors Charles le simple, le pays Neustrie, & quelques
autres terres pour son heritage, & la fille dudit Roy pour Espouse.

*Du voyage de
Raul en Bourgoi-
gne. Voy. Symo-
noyne li. 1. c. 41.*

*Raoul baptisé l'ā
de grace 912.*

Ce fut lors que Raoul receut le saint Baptême, & avec la fille de Fran-
ce, il obtint la possession de Neustrie, le nom de laquelle il changea luy
donnant celuy de Normandie ainsi qu'à present on les nomme, comme
aussi ce Prince changea de nom laissant Raoul, pour, en receuant le Bap-
tême recevoir aussi vn autre vocable qui le surnomma de son Parrin, &
fut appelé Robert. Ce fut ce Raoul duquel, comme i'ay dit le Haro Nor-
mand a pris origine, & ce à cause de sa grande iustice & seuerité, comme
celuy qui ne souffrist depuis qu'il fut Chrestienné qu'homme feist iniure
à autre, comme celuy qui ordōna q̄ le laboureur ayant labouré le long du
iour eut à laisser ses outils au champ, où toutesfois n'y eust eu si hardy qui
osast y mettre la main tant seuer il estoit en ses iugemens.

*Raoul fort grand
grand iusticier.
Krantz. li. 1. ch.
27. & 28. del'ho-
Norm.*

Voyla la principale expedition des Normandz en France : & voyez
là si Lazie à tort, ou si i'ay droit qui ne peux recevoir que les Marcomans
soient les mesmes que les Normandz, entant que ny la succession des
Roys & Princes ny les courses des peuples s'accordent pour dresser ceste
liaison de deux nations tant esloignées, & de sang, & de païs, les vns e-
stans voisins de Poloigne, & les autres sortis du plus profond de septen-
trion & de la derniere partie de Nouerge. De ces peuples a parlé Anse-
gise Abbé en la preface des loix anciennes de France par luy transcri-
tes disant : D'autant que les commandemens de Dieu n'ont esté escou-
tez, & qu'on n'y a point donné obeysance : nostre Seigneur a enuoyé du
pays Aquilonaire (duquel selō la Prophetie doit sortir nostre malheur)
des Messagers dignes ministres pour le chastiment de noz faultes, à sça-
voir cruelz & execrables persecuteurs du nom Chrestien, & ce seront les
Normandz, qui venans iusqu'à Paris, ont monstré l'effect de ce que Dieu
leur a cōmandé d'executer sur nous. Encore n'est ce tout, & ne s'arresta
ceste bragarde nation en sa terre nouuellement conquise, encore ne se
contenta elle des terres qu'elle tenoit de noz Roys à hommage, & ser-
ment de fidelité, si encor elle n'en auoit qu'elle peut tenir en toute sou-
ueraineté : Cela ne luy pouuoit aduenir en Gaule, laquelle obeyssoit
à son Roy, & moins le souhaittoit le Normand qui n'eust voulu violer
sa foy promise à son Prince : de s'en retourner en Nouerge, ne luy
estoit en fantaisie, à cause que la douceur du pays Occidental luy
venoit plus à gré que les rigueurs Septentrionnelles : ainsi ce fut

*Ansegise Abbé
li. des loix Fran-
coises.*

LIVRE TROISIEME

l'Angleterre, qui ouurist le pas à l'accroist de la gloire Normande & feit voye à celle peste, & flambeau de discorde qui à tenu par tant de siecles les François & Anglois si animez les vns contre les autres, que ie pense que iamais l'inimitié en sera de durée. Ce fut Guillaume Duc Normand (filz Bastard de Robert qui fut filz du premier Guillaume sorty de Raoul chef de la famille Normande,) qui s'empara de l'Angleterre, s'en feit Roy & feit les loix desquelles vsent les Anglois à present: & duquel iusques auïourd'huy sont descenduz les Roys qui ont commandé sur l'isle la plus belle, & riche de l'Europe. Ce ne fut assez à ceste braue & belliqueuse nation que d'auoir creé des Roys en Angleterre, des Ducz vaillans & sages en Gaule, si encor l'Italie, & Sicile n'eust receu commandement des Normadz, & si l'Asie n'eust veu ce sang Danoyz faire paroistre sa vertu, prouesse, & valeur au païs Iduméen en ce voyage tant chanté que firent les Chrestiens pour le recouurement de la terre sainte: Car du temps que le Prince Lorrain passa en Leuant avec l'armée Chrestienne, Robert filz de Tancrede Duc Normand feit aussi le voyage, mais estant en Italie sollicité par le Pape, & tous les Princes Italiés de secourir & l'Eglise, & le païs Romain contre l'insolence Grecque, & pour chasser les Sarrafins, ou Mores, qui venans de la Barbarie festoyent gettez en la Pouille, & païs Sicilien en chassans les Chrestiens, & faisans mille maux à tout le païs Limitrophe. Ce fut ce Prince qui les en chassa, & meit son siege en Sicile, se faisant Roy d'icelle, avec la permission du Pape & seigneurs d'Italie, laissant apres luy Richard, Robert & Roger, desquelz la race continua iusqu'au temps que les Federicz tindrent l'Empire, & que Constance estant desuoilée fut mariée à l'Emp. de laquelle sortist le malheur de l'Eglise, ainsi que ie pense auoir discouru en quelqu'une de mes histoires tragiques, & la fin aussi de la race illustre des Normandz, comme aussi les guerres entre les maisons de France, & d'Angleterre, ont mis fin à l'estoc des Princes de ceste nation, n'en y ayât plus que ceux qui sont de la famille royale des Angloys. Quant à la terre Normande elle estant de belle estendue, comme celle qui enclost & enuironne six Eueschez, sans celle de Roüen, qui est Metropolitaine, à sçauoir Eureux, Bayeux, Lisieux, Seéz, Aurâches, & Constances, & vne infinité d'autres villes, villages, Chasteaux, & Bourgades. Le peuple y est en grand multitude, adonné au traual, non guere iamais oisif, soigneux, adonné à son prouffit, cault, preuoyant, eschars & grand mesnager, vn vice luy estant peculier, qui est la ruse, & le desir de viure en querellant par procez, ioint qu'on le soupçonne de peu de foy, & loyauté, si à bon droit, ie n'en sçay rien, n'en ayant fait l'experience, mais c'est vn commun dire, que ie pense estre venu plustost des mœurs des anciens que de ce qui à present est cogneu en ceste nation, iagoit que (comme l'on dit) de toutes tailles bons leuriers: & à fin qu'on ne die que i'en parle de moy mesme, ie ne diray que ce que le bon Euesque d'Auranches Robert Cenalis en escrit en ceste sorte: La terre Normande est fertile & abondante en bestail, & poisson, portant du froument comme à souhait: si couuerte de tous arbres fruitiers, & mesmement de Pomiers & Poiriers que d'iceux tout le peuple en fait assez dequoy rassasier sa soif

tout

*Ceste equeste fut
faicte l'an 1066.*

*Voy Polydore
Virgile en son hi.
Cenalis lin. 1. de
la Gaule.*

*Ce fut l'an de gra
ce 1095.*

*Voy de cecy Rit-
tie lin. des Roys de
Naples.
Blond. Dec. 2. lin.
3. Sabelliq. Em.
9 lin. 2.*

*Robert Cenalis. l.
2. de Gaule.*

tout le long de l'année, & en eslargist les fruitz aux nations qu'il auoifient. Le commun peuple est adonné à faire, & tistre des draps, ne beuuant guere que du pommé, ou Peré, qu'ilz appellent vulgairement Citre. Tous sont en general, fins & rusez, non subietz aux loix, & coustumes de aucun estranger, viuât sous leur façõ de police ancienne, qu'ilz deffendēt fort opiniaistrement: sçauans au possible en matiere de plaidz, dolz & circonuention en procez, tellement que les estrangers n'osent qu'à grand difficulté se ioindre, & associer avec ce peuple: au reste les hommes y sont de fort bon esprit, adonnez sincerement à la sainteté de la religion Chrestienne, vaillans en guerre, & sur tout se monstrans telz sur mer, comme tenans cela de l'heritage de leurs ancestres Noruegiens, & ainsi qu'ilz en ont fait, & donné bonnes enseignes, & aux Anglois & autres, contre lesquels le Roy à eu affaire depuis qu'ilz sont incorporez, & vnis à la couronne de la Frâce. Aussi ne pèse-ie qu'il y aye auiourd'huy natiõ souz le Ciel qui mieux entende le nauigage, ne qui dresse plus gentiment les courfes des Astres par le iugement de l'Eguille, & Bouffole, tellement qu'on verra quelquefois tel enfant en Normandie, ayant couru les pais estranges à la mercy des vagues, lequel dressera mieux vne Carte Cosmographique & disputera plus pertinemment de l'assiette du globe terrestre, que tel y a qui à estudié long temps, & Strabon, & Ptolomée, & qui à feilleté les liures des Mathematiciens les plus segnalez, & illustres. Aussi voyez vous que le trafic y est si gråd, que Rouën auiourd'huy est mise au ranc d'vne des plus frequentées & marchandes citez de l'Europe, les marchans y estans grands, riches, fidelles, diligens, subtilz, affables, & qui courent & cognoissent presque tout le monde. A Roüen encor, au lieu de l'Eschiquier, imité par les Anglois, noz Roys y ont estably vne court souveraine de Parlement, ou la iustice, & le sçauoir reluisent de telle sorte que le Roy à bon droit se fie en ce nombre esleu d'hommes qui faisans droit à chacun tiennent vn peuple assez remuant & chatoüilleux en bride, & luy aprennent l'obeïssance. C'est en aucuns endroitz du pais Normand que la condition des enfans puisnez des maisons est aussi malheureuse qu'au pais Biernois subiet à la maison d'Albret, entant que l'aisné emportant tout l'heritage paternel, en fait telle part que bon luy semble aux puisnez, qui semblēt forcloz de l'heritage de leurs peres. Cenalís amene vne chose presque admirable, disant, que comme ainsi soit, que presque tous les Normandz ayent les mains chatouilleuses, & soyent adonnez à la guerre, si est-ce que les seulz habitans aux finages de Seez ne furēt iamais cogneus autres que tref-paisibles, & gēs qui n'aymerēt onc les troubles de la guerre, tellement que du temps mesme qu'il y auoit des Ducz en Normandie on ne trouue point es registres des enrollemens, que iamais les Séensayēt fuiuy leur prince en aucun voyage ny entreprise. C'est en Normandie qu'est celle grande & merueilleuse assemblée de marchands qui se fait tous les ans à la Guibray, où le trafic y est autant admirable, comme la iustice gardée sur ceux qui offencent ou trompent les marchands ny autres se trouuans en la foire la plus renommée de toutes les Gaules. Et affin qu'on n'estimast le Normand si rude & barbare, qu'aymant la guerre, em-

Mmm

Mœurs des Normandz, selon le temps present.

Normandz, bons soldatz, & parfaits mariniers.

Marchandise fort exercée à Rouën.

Parlemēt de Rouē dressé du temps de François I. du nô.

Puisnez mal partis en Normandie.

Ceux de Sééz fort paisibles.

Foires de la Guibray.

LIVRE TROISIEME

*Vniuersité de
Caen en Norma-
die.*

*Ammian Marc
liv. 15.*

brassant le trafic, venerant la iustice & s'humiliant souz le ioug de la pu-
rité de la religion il eust mesprisé les lettrés: qu'on voye l'vniuersité de l'og
temps instituée à Caen, où le grand nombre de sçauans ieunes hommes
qui y ont appris les commencemés de leur perfectiō, nous fait cognoistre
que la Normandie n'a rien oublié pour se rendre fertile en tout ce qui
peut tourner à la gloire & auancement d'un grand peuple, & à l'honneur
durable d'un païs, puis que la religion, le sçauoir, la iustice, les armes, & le
trafic sont le plât asséuré de son edifice. L'eusse peu vous alleguer plusieurs
autres choses, & sur l'antiquité du païs Neustrien auant que les François
l'assuiettissent, & comme le terroir Constantin est cogneu par Ammian,
qui l'appelle *Castra Constantia*, de Iule Cesar, & non du grand Constā-
tin ainsi, que plusieurs ont estimé, à ce conduitz pour le nom, & d'autant
aussi que Constantin s'est tenu long temps en Gaule auant qu'estre apel-
lé à l'Empire, car ce fut là q̄ Iule Cesar s'arresta voulant passer la mer pour
guerroyer la grand Bretagne: & depuis que les Normandz y feirent leur
demeure. Mais puis que d'autres sy sont occupez, & que les mœurs des
anciens sont comprises en ce que nous en auons dit parlant des Gaules:
& les façons de faire Normandes des premiers qui habiterent en Neu-
strie se raportans à celles des peuples desquelz ilz auoyent pris origine, ne
sera inconuenient q̄ celuy qui en voudra sçauoir le discours, s'en aille feil-
leter le chapitre des Gothz, où j'ay cōpris toutes ces natiōs septentrionales.

Du Royaume d'Espagne & mœurs des Espagnolz. Chap 42.

*Ceey est pris mot
à mot de Solin
chap. 26.
Lōanges d'Espa.*



*Richesses d'Espa.
De la pierrerie il
faut.*

*Ce sel n'est guere
sain à cause de sa
vehemence corro-
sive.
Il entend la Pro-
uence affligée de
l'Autan.*

ESPAGNE est vne des plus grādes, & spacieu-
ses Prouinces & regions d'Europe, gisant entre les
Gaules, & l'Afrique, & ayant pour closture les flortz
de l'Ocean, & les haultz sommetz des montz Pyre-
nées. On la peut à bon droit comparer aux plus ri-
ches & meilleures terres de l'vniuers, & ne doit estre
mise en arriere, ny moins estimée que quelle que ce
soit des regions de ça bas, soit qu'on regarde la fertillité des champs, le re-
uenue des vignes, ou les fruitz qui annuellement y croissent. Elle abōde en
route matiere tant soit elle chere ou rare pour le pris, ou necessaire pour
l'vsage de l'homme: de sorte que non seulement fournist elle aux habitās
du païs, ains suffit encor pour en foisonner en abondance & l'Italie, & la
citē de Rome. Si tu veux & desires de l'or, argent, & pierrerie, ce païs Es-
pagnol en produit assez, les mines de fer n'y manquent point, & les vins
ne doiuent rien aux autres Prouinces, lesquelles l'Espagne surmonte en
Oliues, d'autant qu'il n'y a pas vn pas de terre qui soit en friche, ny oisif, &
si steril, qui ne puisse produire quelque chose: il n'y fault cuire le sel, ains le
fouiller en terre. l'Espagne n'est brulée par les ardeurs des rayons du so-
leil, ainsi que le païs d'Afrique, ny continuellement tourmentée des vėtz,
comme la Gaule: ains y est l'air sain & serain esgalement par tout le païs,
sans que les vapeurs grossiers des mareitz luy nuisent & l'infectent, ayant
toufiours vn doux ventz marin qui la rafraeschit, & sustente. Il y a grand
abondance de lins, & autres matieres propres à faire toilles, & cordages

au reste n'y a terre plus abondante en vermillon & autres choses bonnes pour la peinture. Le cours des riuieres n'y est violent & impetueux come torrens, ains coulent sans nuire, & vont flotellans doucement, arrousans les champs, & les vignes pour les engreffer, & lesquelz recoiuent abondamment du poisson de la mer au flux d'icelle: mais ce qui plus l'a iadis recommandée ont esté les cheuaux les plus legers, & mieux courans du monde, & lesquelz, aucuns ont laissé par memoire, estre conceuz du vent. Ce païs commence dès les montz Pyrenées, & enuironnant la mer iusqu'aux Colles d'Hercule, s'estend iusqu'à l'Ocean vers le Septentrion, tellement qu'en tout ce tour toutes choses sont subiettes & contenuës en l'Espaigne: & à icelle, ainsi que dit Appian, dix mille stades de large, la longueur ayant vne proportion esgale d'un seul costé, à sçauoir où elle auoisine les montz Pyrenées, elle regarde, & est iointe à la Gaule, & de tous les autres elle est ceinte, & enuironnée de la mer. [Après que cestuicy a proposé l'Espaigne comme le paragon de tout ce qui est fertile en Espaigne, il fault q nous outre la veüe oculaire qui nous assure du contraire, alleguons des auteurs anciens, & lesqz ne s'ot réduz suspectz pour auoir voulu parler plus curieusement q les autres, ny de choses hors de verisimilitude. Pomponie Mele Espagnol de nation, quoy qu'il face tout ce qu'il peut pour lauer, loier & enrichir son païs si est-ce qu'il n'extrauague pas tant que le susdit voicy comme il parle. Elle est fort abondante en hommes, cheuaux, fer, plomb, erain, or & argent, & si fertile, que si en quelques lieux elle manque, & est à soy mesme dissemblable, si est-ce qu'elle nourrist ou du lin, ou du ionc à faire cordages. Voyez si tacitement il ne confesse la sterilité de son païs en aucuns endroitz: mais oyons Strabon qui dechiffre l'Espaigne d'une autre sorte, disant. La premiere partie d'icelle (c'est de l'Europe qu'il parle) est l'Espaigne, le terroir de laquelle pour la plus part est aspre, raboteux, & infertile: Car les rochers les boys, & lieux boscageux tiennent vn grand trait du païs, & ce qui est de campagne à la terre de peu d'aport, & fertillité, à cause que le païs n'est guere arroulé: ce qui regarde le froid est du tout aspre, & excessif en rudesse tousiours exposé à l'inclemence de l'Ocean, n'ayant rien de commun avec la douceur des autres parties: Et ainsi ce cartier pour sa malignité n'est guere habité, ny fréquenté: mais du costé de midy, l'abondance & fertillité, y est heureuse, & admirable.] Elle est partie & diuisée en trois noms, selon le denombrement des Prouinces, à sçauoir en Tarraconoise Betique & Lusitanie. La Tarraconoise contient en soy les citez iadis tant illustres & renommées de Palence, & Numance, la derniere desquelles quoy que ruinée, porte à present le nom de Sorie: & se ioint ceste Prouince d'un costé aux Gaules, de l'autre elle auoisine la Betique, & Lusitanie exposant ses costez à la mer: vers midy, à la Mediterranée, & au Nord elle est lauée de l'Ocean. Les autres deux sont séparées par le fleuve Anas, qui maintenant se nomme par ceux du pays, Guadiane, mais tellement q la Betique (qui est le royaume de Grenade) en laquelle sont des villes florissantes d'Hispalis (à present Seuille, (& Cordoue regarde l'une mer, & l'autre ayant vers l'Occident la mer Atlantique, & au midy la Mediterranée.

*Ce sont des men-
sanges de Solin.*

*Strabon l'a fait
de 5000 stades
de large & 6000
de long.*

*Esp. presque isle
Pöpo. Mel. li. 2.*

*Pomponie Mele
Espagnol.*

Pöpo. M. li. 2. c. 6.

Strabon. 3.

*C'est la prouince
d'Aragon &
Nanarre.*

*C'est Catheloigne.
C'est la Galice, &
Astures.*

*Cecy est ores pris
de Pomponie.
Mole lin. 2. ch. 6.*

*De la description
d'Espaigne. Voy
encor Ptholo. li.*

*2. cha. 4. 5. & 6.
Table. 2. d'Enro.
& Polybe lin. 3.*

LIVRE TROISIEME

Là où la Lusitanie est exposée tant seulement à l'Ocean, ayant les costez au Nord, & la face tournée à soleil couchant, & en ce pais fut iadis Emérite cité fort renommée: [Mais ores c'est vne petite ville, que neantmoins les Espaignolz appellent Meride la grande, à cause des antiquitez de grād marque qui y paroissent & où l'on voit engrauées les anciennes memoires des Romains seigneurs iadis de ceste Prouince, en des Pyramides, Colosses, & Obelisques à demy ruinez par l'iniure du tēps & malignité des Barbares, qui tant de fois, ont couru & rauagé les Espaignes autāt ou plus que region qui onc ayt esté souz la puissāce de l'Empire.] Ceste region fut premierement nommée Iberie du fleuve, Ibere, à present Ebro, qui court par icelle, depuis prist le nom de Hesperie de Hesper frere d'Atlas & à la fin nommée Espaigne de la cité de Hispaly, laquelle on appelle maintenant Seuille: [Mais Berosé Caldéen est d'autre aduis, & est la raison plus vraysemblable, que l'Ibere aye pris nom du roy Ibere que nompas que & le pais & le Prince ayent tiltre d'une chose qui estoit sans nom si les premiers habitans du pais ne luy eussent donné: Aussi cest Ibere regna sur les Celtiberes, du temps que Nine tenoit la monarchie d'Assyrie. Et quant à Hispale encor fault il regarder ce qu'en dict Berosé: Hercule fils d'Osiris (dit il) surnommé Lybien, occist en Egipte avec Isis le geant Tiphon, en Phenisse le tyran Busire, en Phrygie vn autre Tiphon, Misin en Crete, & les Lomimes en Celtiberie, & de là il sen alla cōtre les tyrās d'Italie, ayant laissé Hispale pour Roy des Celtiberiens, lesquels il monstre estre nommez Hispaliens du depuis, quand il dit, Ainsi laissant les Hispaliens, il passa en Italie destruisant les Lestrignons & ruinant la race cruelle des tyrans, qui affligeoyent la terre: & s'en retourna fort chargé d'ans en Celtiberie, ou l'on luy dressa des temples, & fut honoré comme Dieu en terre, au lieu appellé les Gades, qui à present est Calis, & est vne isle. A ceste denomination d'Espaigne dudit Roy Hispale s'accordent les annalistes Espaignolz Rodrigue Euesque de Toledé, Antoine Nebrisse, & François Taraphe chanoine de Barcelone: iāçoit que i'ayme mieux dire que du filz de Hispal, nommé Hispan, l'Espaigne fut ainsi apellée. Hesperie fut elle ditte de Hesper frere d'Atlas que Berosé dit auoir esté Italien, & non Maure ny natif de Libye, mais d'autres tiennent que Hesperie fille dudit Hesper luy causa ce tiltre & non l'estoile du soir: qui aparoit dès que la nuit se presente. Et par ces raisons mesmes nous dirons que le Roy Betis qui regna l'an du monde, selon la supputation d'Eusebe 1836. donna nom à la Prouince Betique, & au fleuve Betis, lequel maintenant est appellé par le vulgaire Guadalquenir. Or Alphonse Euesque de Burgos dit que du tēps de ceste dame Hesperie, il aduint si grād secheresse en Espaigne, que nul fleuve presque demoura qui ne tarist, & ce fut cause que les Iberiens mōterent sur mer, & se meirēt à courir fortune, si bien qu'à la fin aians couru la petite Asie ilz s'arrestērēt vers les mōtaignes d'Armenie, & d'eux fortirent les Iberes, qu'à present nous appellons Georgiens, & desquelz nous auons parlé en l'Asie. Mais Varron dit au cōtraire, maintient que ce furēt les Iberiens Asiaticques qui dōnerent nom à l'Espaigne, mais i'ayme mieux, comme i'ay souuēt dit, m'arrestē à Berosé qu'à tout autre.]

*Meride la grand.
Voy Pierre Olin.
sur Mele.*

*Voy Berosé li. 5.
Espaigne ditte
Iberie du Roy Hi-
bere & non du
fleuve*

*Hispale Roy dō-
ne nom au pais
Espaignol.*

*Hercules Libyen
dompteur de mō-
stres.*

*Lomimes estoit les
gerions. Voy Lu-
stin. Liv. 44.*

*Et Diodor Sicil.
5. chap. 2 parle de
ceste Hesperie.*

*Rodrigue Eues-
que Tolet. li. 1. c. 5.*

*Antoine Nebris-
se 1. en la preface.*

*Alphonse de
Cartagene Eues-
que de Burgos. ch.
3. & 4. des choses
d'Espaigne.*

*Taraph. lin. des
Rois d'Espaigne.
Betis en quel tēps
regnoit.*

*Prouince Betique
à present Andalu-
zie des Vandal-
les, comme qui di-
roit Vandaluzie.
Secheresse chaste
les Iberiens d'Es-
paigne.*

Quand au peuple espagnol, dès tout temps il a esté patiét au trauail, souffrant faim, & soif le besoing le requerant, & ne s'effrayant aucunement de la mort, fort chiche & eschars en son viure, ayment mieux la guerre que l'oisuete ny repos, & n'ayant aucun ennemy estranger, ils combatoyent plustost ensemble que se reposer. Si secrets en leurs affaires, que le silence leur estoit plus en recommandation que la vie, si que plusieurs souuent sont mortz à la geine & torture, ains que descourir les choses qu'on leur auoit fiées en garde, ou dire le secret: qu'on ne vouloit que fut entendu.

Constâce des Espagnolz. Lusit. liur. 44.

Ce peuple est d'une merueilleuse viffesse, & allegresse au courir, & l'esprit duquel n'est iamais sans machiner quelque cas de nouueau, leurs cheuaux bons à la guerre, & lesquels avec leurs armes ils auoyent aussi chers que leur sang & propre vie. Au reste ne banquetans, ou se donnans du bô réps que le iour des festes. Or commencerent ils apres la seconde guerre Punique à se lauer d'eau chaude, & vsfer de bains delicats ayants fait cest apprentissage des Romains. Et neantmoins quelque braue que ce peuple ayt esté si est-ce que durant tant de siecles il ne s'est trouué qu'un Viriat natif de Lusitanie, qui se soit fait renommer pour grand & excellent chef de guerre, lequel toutesfois à esté iadis si vaillant & heureux, que par l'espace de dix ans il a donné de grans affaires au peuple Romain, & l'a affligé & rompu par le gain de plusieurs & grâdes victoires. [Lequel n'estant qu'un simple pasteur & bandolier de son premier mestier, premierement guettant les chemins, puis saccageant les Prouinces en fin rompant, deffaisant, assuiettissant, & mettant en fuite les armées des Preteurs, & Cōsuls Romains il se rendit effroyable, & seruiſt d'espouuement & crainte au peuple qui se faisoit voye à l'Empire de tout le mōde: & fut tel, que iamais n'ayât peu estre vaincu en guerre ouuerte, il fut circonueni par la trahison des siens & occis, auxquels les Romains (quoy que ioyeux de la mort d'un si grand ennemy) ne voulurent donner aucune recompence, detestans leur desloyauté d'auoir trahy celuy qui les auoit traittez si honnestemēt, & qui pour leur liberté, auoit hazardé la vie. Homme veritablemēt qui meritoit la conduite d'une grand armée pour la sagesse & conseil, & pour la subtilité de ses faits, & experience en l'art militaire, & qui sans la trahison, eut empesché le Romain de faire trop long seiour en Espagne.] Les femmes Espagnolles iadis se mesloyent du menagement de leurs maisons, & labourage des chāps, & tandis les hommes alloÿēt à la guerre, & talschoÿēt de s'enrichir de vols, larcins, & pillages. Leur vestement estoit court & de couleur noire, ayant la laine longue tout ainsi que le poil de Cheures. En guerre ils auoyent des rondelles, ou pauois assez petits, & faits de nerfs, desquels ils couuroient leur corps en combatant de telle viffesse & agilité, que ny le trait, ny les coups des ennemys ne pouuoient les offencer: & vsloyent de dards bien ferrez, & faits à crochers, & ainsi qu'une halebarde, portāts des morions creſtez faits d'erain, & ornez de tresbeaux pēnaches. Leurs glaiues estoient de fer pur, longs d'une paulme, dequoy ils se seruoient estans à la foule d'une bataille, & preparoyent le fer en ceste sorte suiuant leur ancienne couſtume, affin den faire leurs armes: Ilz mettoÿēt sous terres des lames de fer, & les y laissoÿent si longuement que la partie

De Viriat. voy. Tite Linc. liu. 52. & 54 Flor. li. 2. ch. 17. Velleie. 2. Eutrop. 4. Ap- pian en la guerr. d'Espagne. Orose. li. 5. ch. 4.

Comme encore est ce drap dequoy on fait les Capps de Bearn.

Vestement & armes des anciens Espagnolz.

Moyen des Espagnolz pour rādre leur fer acéré. Et fort.

LIVRE TROISIEME

Maniere de combattre des anciens Espaignolz.

Cesar Comment. liur. I.

L'Espaignol à present bon guerrier.

Mœurs presentes des Espaignolz.

Espaignolz insupportables à leurs suiets.

Hospitalité ancienne des Espaignolz.

Hidalgo est mot important liur de race.

plus foible estant corrompue par la rouilleure, ce qui estoit bõ & parfait, restoit en son entier : & de ce fer ainsi purifié ils faisoient de tresbonnes espèces, & si fortes acérées, & trenchantes, qu'il n'y auoit bouclier, ny morion, ou bourguignotte qui peut resister à leur effort. Ainsi armez, & embastonnez s'ils se voyoyent auoir le dessus à cheual, ayans, & portâs deux glaiues, ils mettoient pied à terre & donnoient secours à la fanterie : ils lançoient, & dardoient bien loing & fort droit, & adextrement leurs iauelots & avec vn grand artifice : & demouroient longuement en haleine au combat : estans allegres, legers & disposés & parainfi fuyans aysément, & selon la necessité, ou bonne fortune, prests à pourfuiure & atteindre leurs ennemys estans à vau de route. Ils entroyent en bataille suiuis quelques nombres & mesures, & attaquoient leurs ennemys en chantant : en temps de paix leurs dances se faisoient en sautelant, & avec vn remuemēt agile des fesses, ainsi que encore ils le pratiquent. [Cesar décrit encor vne autre façon de combattre des Espaignolz, disant : La maniere de batailler de ces gens, & soldats Espaignols estoit telle qu'au commencement ils se ruoyent sur nos gens d'une terrible fureur & impetuosité, & se mettoient gaillardement en campagne, prenans hardiment place pour venir aux mains : ne se soucians guere de tenir ranc ny ordre en bataillant, ains à petit nombre & espars ils nous donnoient dessus, & ne tenoyent à honte, ny couardise vilaine, s'ils estoient pressez de faire retraite : ce qui trouble grandement noz soldats non accoustumez à ceste façon de combattre. A present on ne peut raur ceste gloire à l'Espaignol, qu'il ne soit des plus adextres & vaillans que l'on sache, mesme la fanterie ayât l'adresse en l'arquebuserie presque sur toutes les nations de la terre. Il est vray que le soldat est insolent, arrogant & insupportable, cruel sous le voile d'une faine douceur, & courtoisie. Ayât mis le pied en vn lieu il y est tyrannique, cōme celuy qui vse tout ainsi de ceux qu'il assuiettit, cōme si c'estoyēt bestes brutes caressent, & traitent leurs esclaves, ainsi qu'en peuuent faire foy les terres, ne les espargnât sinõ ainsi q̃ les Mores estrāges où ils ont cōmademēt, & esq̃lles presque tout le peuple anciē & premier habitateur est mort, ne pouuāt fournir aux charges & labeur à quoy on l'employoit nuit & iour, fut à abatre les boys, ou aux sucres, ou à arracher l'or de la terre, ou à le pescher par les grauiers des creuses & froides riuieres. Je ne dis riē dequoy leurs historiēs mesmes ne se plaignēt, accusans leur natiō de peu de courtoisie.] Ils se mōstroyēt farouches & cruelz aux hōmes meschās, & à leurs ennemys, mais caressoyēt doucemēt, & receuoyēt en leurs maisons les estrāgers, tellemēt q̃ souuēt ilz se debatroyēt à qui auroit cesthonneur, q̃ de festoyer & heberger l'hoste arriué en leur ville. Ceux qui auoyent plus de suite, & grād troupe leur faisant la court, estoient louez, & reuez cōme Dieux, & pour estre ainsi fuyuis ilz les estimoyēt amys des celestes. [Encore maintenāt, ny à si petit cheualier ou Hidalgo qui n'aye vn escadrō de Moços & laquais, abillez de liurée à sa suite, ny dame de bourgeois, laq̃lle ne soit cōduite à l'Eglise par vn ou d'eux moços d'espuelas, c'est à dire seruiteurs à bras pour la soustenir, à cause des haults Ciapins qu'elles portent pour paroistre grādes, veu q̃ ordinairement les dames d'Espaig, sont toutes

de fort basse stature.] Iadis elles portoyēt des Carquās de fer au col & sur la teste des agraphes assez lōgues pour attacher leurs cornettes, & lesq̄lles avec ce moyē elles pouuoient estēdre, & eslargir pour se dōner ombre, & rafreschissement au visage, estimās cela cōme vn ornement fort propre, exquis, & magnifiq̄. Les aucunes portoyēt des couurechefs q̄ elles entortilloient si gentiment autour de leur teste qu'il venoit à l'espandre & eslargir par enhault. D'autres se faisoient oster & pinseter les cheueux de la nuque, & laquelle partie elles descouuroient plus que le front ny la face mesme : D'autres auoyent vn fer & ariffet fait en pointe, autour duquel elles lioient leurs cheueux, & par dessus portoyent quelque bonnet, ou chapeau de couleur noire. [De nostre temps elles se coiffent en rond, & se font des oreilles avec leur couurechef, ne differāt de guere à celles d'un lyon : & les grandes Dames ageacent leurs cheueux en vn toupet deuant le front, en lieu que en France on les espand par les costez des temples, & les anellent & frisent, & puis portent la gorre ou bonnet dessus, sans porter ny masque, ny touret de nez, ains tousiours ayans la face descouuerte.]

Strabon 3.

Coiffures des Espagnoles anciennes.

Coiffure des Dames Espagnoles à present.

Ils mangeoyent de diuerses sortes de chair & en grand abondance : & faisoient breuuage de miel, en estant le pays foisonné à cause de la grand

Abondance de miel en Espagne.

quantité des mouches qui formilloyēt par toute la Prouince. Et s'ils beuoyent du vin c'estoit qu'ils l'acheptoyent, ou le faisoient venir par la diligence des marchans. [Il semble que cestuy parle, ou de Portugal, ou des Cantabres, veu que le pays Espagnol porte d'aussi bon vin qu'on boiue

Bons vins en Espagne.

guere en toute l'Europe : si ce n'est que le temps passé dès le commencement la vigne leur fut incogneue, ou qu'on leur en deffendist le plant, ainsi qu'on lyt que Domitian feit aux Gauloys, & que luy-mesme le permit aux Pannoniens : cōme encor de nostre tēps en vīent les Turcs à l'endroit des Chrestiens qui viuēt sous leur obeissance.] Or qu'ils fussent fort nets, & propres en leur boire & manger, si est-ce qu'ils auoyēt vne estrange

Saleté ancienne des Espagnolz. Strabon 3.

coustume de faire, & laquelle estoit pleine de toute vilennie, & saleté, c'est qu'ils se lauoyent tout le corps d'vrine, & s'en frotoyent les dentz, ayans opinion que cela seruoit, & prouffitoit grandement pour la santé & disposition des membres. [Ils couchoyent à terre, à l'imitatiō des Gaulois : mais aussi c'estoyent les Celtiberiēs, lesquels auoyent pris source (cōme dit est) des Celtes. Aucuns dient (selon que tesmoigne Strabon,) que les Galliciens n'auoyent aucune cognoissance de Dieu : & est assez vray-

L'euesque de Gironde liur. 2. de l'hist. Espaign. ch. des Galates.

semblable veu que l'Euesque de Gironde en l'histoire d'Espagne dit, que les Biscains se tenans le long des montaignes de Gallice quoy que soyent estimez chrestiens, si n'ot ils aucun dieu certain, & n'adorēt diuinité q̄lconque, seulemēt cōfessent de bouche qu'ils sont chrestiens. Et ne souffrēt que prestre aucū demeure entr'eux sans auoir vne garce, & cōcubine, d'autāt q̄ ils disent qu'il est impossible, qu'un hōme fabstiēne de femme, & q̄ la chose estāt telle si le prestre n'é auoit, il l'attaqueroit à l'espouse de son voisin. Aiouste qu'il n'est permis à Euesque quel que ce soit d'étrē en leur terre, & dit que l'an de grace 1477. le Roy de Castille y estant passé, & menant en sa compaignie l'Euesque de Pampelune, il fut cōtraint le réuoyer, d'autant que ce peuple disoit que cela estoit contre leurs anciens priuileges : &

Biscains Espaign. sans cognoissance de Dieu.

Notez vne hist. estrange.

LIVRE TROISIEME

*Folle superstition
des Celtiberiens.*

*Espaign. aymans
meux mourir que
seruir.*

*Poison porté par
les Espaign. &
pourquoy.*

*Costume des Bis-
cains.*

*Diuisiõ d'Espai-
gne ancienne &
moderne.*

*Royaumes d'Es-
paigne erigez, de-
puis que les Mo-
res enuahirent le
pays.*

*Voy Riltie: &
Taraphe es Roys
d'Espaign. Marin
e l'hist. d'Arag.
Rodrig. Euesque
Toletan.*

*Alphonse Eues-
que de Burgos.*

*L'euesque de Ge-
ronde liu. 2.*

*Peuples qui ont
commandé iadis
en Espaigne.*

*Calis & Mala-
ga fondées par les
Phenisiens.*

Claudian.

Turienne.

*Carthaginois en
Espaigne.*

*Polybe li. 2. Iust.
liur. 44.*

l'Euesque party ils amasserent la terre, & poussiere sur laquelle il auoit marché en leur pais, & la bruslerent, & puis getterent les cédres en la mer, comme chose mauditte & abominable. Les Celtiberiens adoroient iadis vn Dieu, duquel Strabon se dit ignorer le nom, & lequel ils festoioyēt la Lune estant en sa plenitude & rondeur, & ce de nuit chantans & dançans deuāt les portes de leurs maisons, & y passans la nuit en cest éceruellemēt & folie. Et fut iadis ce peuple si ialoux de sa liberté, qu'à l'imitation des Gaulois & Thraciens, les meres tuoient plustost leurs enfans, & les freres leurs petits freres que souffrir qu'ils tombassent entre les mains des ennemys pour estre menez en seruitude. Cest pourquoy ilz portoyent tousiours du poison prest sur eux, affin que s'ils se voioient pressez ilz ne faillissent d'en prendre pour se faire mourir: voire se consacroyent ilz à la mort pour leurs amys, & souffroyent d'estre immolez en sacrifice: entre les Biscains on auoit de coustume que ce n'estoit pas la femme qui portoit dot au mary, ains le mary donnoit le pris pour en auoir la iouissance, & les filles estoient celles qui venoient aux successions & heritages. Et affin de ne rien laisser, toute la terre Espaignolle fut iadis diuisée en la consideration de deça ou delà le fleuve Ibere: cela qui est deçà s'estend iusque aux monts Pirenées, & l'autre prend vn long trait: embrassant les Royaumes de Grenade, & Lusitanie. Mais de nostre temps, on a veu cinq ou six royaumes esquels les Espaignes parties & separées, chacun obeissant à son Prince. Telz qu'estoyent les deux Castilles premieremēt erigées en Comté, aussi bien que le pays d'Aragon qui depuis eut Roy pour gouuerneur, Grenade, & Nauarre, desquels Nauarre à esté celuy qui a repeuplé tous les autres. [D'autāt que les Mores festās faits seigneurs du pays par le moyē du Comte Iulian se vengeant du Roy Rodrigue, qui luy auoit violé sa fille, tellement que toute la noblesse Espaignolle s'estant retirée aux montz Pyrenées, le sang Royal fut remis par les Nauarrois & Biscains, ainsi que font foy les Annalistes d'Espaigne. Laquelle si iamais pays est tombé en main estrangere, à seruy de iouiet presque à toutes les nations de l'vniuers, car les Lydiens tenans l'Empire de la mer assuiettirent l'Espaigne, du réps que le filz d'Enée Ascaigne se tenoit en Italie: & les Thraciens encor y commanderent & bastirent plusieurs citez, & moins n'en feirēt les Rhodiotz, lors qu'ils estoient si puissans sur la marine. Mais les plus remarquez de l'antiquité furent les Phenisiens, qui sy tindrent long temps & y fonderent la cité de Calis aux Gades, & Malaga au Royaume de Grenade, & celle de Turie qui depuis à esté nommée Guadalajar par les Mores, ou passe le fleuve Turie, duquel Claudian dit ainsi.

Turie, au bord herbu, & fleurissant

Et des rosiers la beauté nourrissant.

Ie laisse les Cares, Phocences, lesquelles aussi furēt fondateurs de Marseille en Prouence, pour venir à ceux desquelz les histoires en sont plus certaines. Les Carthaginois c'est à sçauoir, lesquelz pour se preualoir ores de Hieron seigneur de Sicile, ores faire teste aux Romains, mirent sous leur main l'estenduē des Espaignes, là où Hamilcar bastist la nouuelle Carthage, à present Carthagene & où il fut occis par vn esclauue vengeāt la mort de son

de son seigneur que Hamilcar auoit fait mourir. Les Romains apres s'en feirent seigneurs, tesmoins les guerres cõtre Viriat & Sertoire: & depuis de Cesar, & d'Auguste contre les enfans de Pompée. Les Romains sur la descheute de l'Empire en furent chassez par les Goths, Wandalles, & Sues, qui aussi s'entreferent la guerre pour s'en deposseder: & puis les Sarasins, Arabes, & Mores d'Afrique la rauagerent plus que tous les precedens, lesquelz y furent batus & chastiez par Charles le grand, qui enuoya secours à Alphons roy de Gallice, & des Astures. Tout ce discours monstre, que iamais le temps passé les Espaignols n'ont eu grand moyen de courir ailleurs pour cõquerir nouuelles terres: mais à present (la Dieu grace) ils en ont aquis & descouuert, avec telle felicité que la gloire de leur nom en sera immortelle, non tant pour l'estenduë infinie de leurs cõquestes, que pour estre bons & fidelles enfans de l'Eglise Catholique, & comme tels ayant planté l'image de la Croix, & la cognoissance de l'Euangile parmy les peuples qui viuoient sans cognoistre autre cas, sinon les apetits sensuels & grossiers d'une nature, & brutale vie.

Voy Plutar. en la vie de Sertoire, & de Cesar, & Põpée. Appian des guer. ciuiles. liu. 1. & 2. Dion. li. 41. Victor en la vie de Cesar.

Mores en Espaigne.

Espaignolz bons & loyaux Chrestiens.

De Lusitanie, & anciennes mœurs des Lusitaniens.

Chapit. 43.



LUSITANIE est vne partie d'Espaigne la plus esloignée & à l'escart de toute la région, laquelle à present on nomme Portugal: Ceste cy regarde le pays Betique, à sçauoir le Royaume de Grenade au midy, au couchant, & septentrion, elle est arroufée des flots de l'Ocean, & au Leuant luy gist la prouince Tarraconnoise, qui cõtient Aragon, Valence, Nauarre, & vne partie de Castille: & fut ainsi appellée (selon l'opinion de Pline) de Luse fils de Liber pere, & de Lyse celebrant les folles festes Bacchanales en sa compagnie. Or sont les Lusitaniens les plus forts & robustes d'entre tous les Espaignols, cauteleux en recherches & descouertes de pays estranges, dissimulateurs & dresseurs d'ebusches, allegres, & dispos, legers à la course, & qui changent souuēt d'entreprises. Iadis ils vsoient de boucliers de deux pieds de large, les bordz desquels se courboient par le dedans, & parainfi ilz n'auoyent affaire, ny de couroyes, ny de poignées en iceux pour les tenir: & s'en aidoyent en guerre de telle adresse & dextérité, qu'ilz se couuroyēt d'eux, & parāt aux coups, & se gardant d'estre ferus de saiettes: & leur glaiue, ou poignard leur pèdoit au costé. Plusieurs d'entr'eux vsoient de certains garde corps, & comme amies faites de lin, car peu en y auoit, qui eussent des corselets de fer, ou erain ou qui portassent des Morions crestez: bien est vray que quelques vns auoyent des abillemens de teste faits en forme de bourguignotte neruez par le dedans, pour parer & suporter les coups. Ils lançoýēt loing & industrieusement leurs dards & iauelots, soustenans longuemēt le choc & traual d'une bataille, ayans les corps adextres & legers, & ainsi prompts à fuyr la fureur de l'ennemy, & à le poursuiure lors qu'ils auoyēt

Description de Portugal. Ptol. lin. 2. cha. 5. Tabl. 2. d'Europe.

Plin. lin. 3. Nat. hist. l'Esque de Gironde lin. 1.

Armes, & vailance des Lusitaniens iadis. Strabon. 3. duquel tout ce chapit. est pres- que pris.

LIVRE TROISIEME

*Cesar Comment.
lin. 1.*

du meilleur: aussi Cesar dit des Lusitaniens, qu'ils ne trouuoyent point que la fuite en la guerre fut a acompter à hôte & poltronerie: les gens de pied portoyent des brodequins chacun ayant plusieurs dards à la main, pour lancer & darder contre son ennemy: les autres faidoient de piques & Iauelines, ayants le bout & pointe d'erain en lieu de fer.

On tient que ceux qui se tenoyent le long du fleuve Durie (à présent Duero) viuoient à la mode & façon des Spartains, & se portoyent selon les loix & reiglements de la cité de Lacedemone.

*Lusitaniens sans
aucune delicatise.*

Ils vsoient de quelques drogues & oignemens aromatiques & pour se chauffer ilz auoyent des pierres ardantes, & se baignoyent en la belle eau clere & froide, sans se soucier aucunement de bains chauds, ou d'estuues. Ils n'estoyent point superflus en viandes, contents d'une sorte seule de mets à leur repas lequel estoit simple, net, & sobre. Ils estoient fort adonnez à religion & faisoient de grands sacrifices prenans garde aux entrailles des choses immolées pour deuiner là dessus, sans inciser guere les corps, & sur tout prenoient ils garde aux arteres, & aux mouuements des parties pectorales, lesquelles maniant ils predisoient les choses à venir. Encore imitoient ils la cruauté des Gauloys Druydes en immolant les hommes pour en tirer diuination du regard de leurs entrailles en vlsans en ceste sorte.

*Diuerses sortes de
deuiner en leurs
folz sacrifices.*

Ils couuroient de leurs vestemens le pauvre captif qui deuoit estre massacré, puis luy donoyent le coup de la mort vers le cœur & parties nobles & selon la cheute de ce miserable le Deuin & forcier faisant ce sacrifice, predisoit ce qu'ils desiroient sçauoir sur le succez de leurs affaires, & les mains dextres coupées aux captifs occis, estoient la digne offrande avec laquelle ils apaisoyent leurs Dieux. Tous ceux qui se tenoyent aux montaignes viuoient fort simplement & pauurement, ayans l'eau pour breuuage, & la terre dure pour giste & couchette: & nourrissoient leur cheuelure, la laissant pendre par derriere à l'imitation des femmes: & allans en guerre portoyent en teste des Mitres, & haults chapeaux à la Persienne. La chair qui plus leur estoit en vlsage furent les Boucz, lesquels ils immoloyent au Dieu Mars, tout ainsi qu'ils luy faisoient aussi sacrifice d'hommes & de cheuaux: & lequel Mars (ainsi que tient Macrobe) ils paignoient ayant la teste enuironnée de rays, & l'apelloient Necy, luy portans grand honneur & reuerence: Ilz celebroyent aussi des Hecatombes, c'est à dire sacrifices, ou de chacune espee des choses immolées, il y en auoit cent pieces & estoit cecy à l'imitation, & maniere de faire des Grecz, & (comme dit Pindare) ils immoloyent toutes choses à centaines. Ils auoyent aussi dressé entr'eux à la Grecque, des luttres & ieuX militaires, où les combattans estoient tous nuds, qui monstre bien que les Grecs auoyent semé leur vanité & superstition en Espagne. Leurs ieuX donc se faisoient en armes, fust à la course du cheual, à getter la barre, à la course, au combat en foule ou autrement, & où ilz dressoyent tout ainsi les rancs que fil eust fallu combattre à bon escient en bataille rangée.

*Montaignars de
Lusitanie viuans
simplement.*

*Ornemēt des
Lusitaniens des
montaignes.*

*Dieux adorez en
Lusitanie, &
leurs sacrifices.*

*Mars rayonne en
Espaign. Macrob.
Saturnal. liur. 1.
ch. 19.*

De ces Hecatombes & à quelz.

*Dieux estoient
celebrées, voy Hestichie. & Girald*

*Lilie liur. des ans
& des moys.*

*De là sont venus
les tournois de
nostre temps.*

*Gland seruoit de
pain aux Lusitaniens.*

Les habitans des montaignes de Lusitanie viuoient la moitié de l'an de gland comme bestes, lequel ayans fait seicher, ilz rompoient, mouloyent,

& en faisoient du pain, lequel ilz laissoient reposer quelque temps avant que le manger : leur breuvage estoit fait d'orge : car les vignes y estoient fort rares, & aualloient ceste boisson tout aussi tost presque qu'elle estoit faite, banquetans ensemble les parents, en lieu d'huile le beurre leur seruoit, & fassoient en mangeant, ayans des chaïses tenans à la paroy du logis faites en demy cercle : & quoy q̄ leurs tables fussent rondes si prenoient ilz soigneusement garde que celuy là eust le lieu le plus honorable qui deuançoit les autres en vieillesse & autorité : en banquetant ilz dançoient souuent au son d'une fleuste, ou trompette, faisans mille gestes gaillards avec les doigts, ainsi que encores ilz obseruent.

Gland seruoit de pain aux Lusitanien.

Vieillesse reuerée entre les Lusitanien. Dances de Lusitanie.

En la Prouince des Basterans qui n'est point de la Lusitanie, les femmes en dançant s'enlacent les mains les vnes des autres ensemble. En somme tous ces peuples sont vestus de noir, & de capes, dans lesquelles ilz s'envelopent se couchans, ayans seulement des paillasses pour reposer : & vsent de vaisselle de terre tout ainsi que les Gaulois : les femmes prennent plaisir à la tapisserie faite à rames & fleurs, & aiment fort les roses.

Riche meuble des Lusitaniens.

Ilz n'auoyent iadis aucun vsage de monnoye, ains en lieu d'icelle, ilz vsoyent d'eschange d'aucunes marchandises pour les lingots d'or & d'argent, qu'ilz donnoient pour le pris de la chose qui leur estoit necessaire.

Les criminelz condennéz à mort estoient lapidez en Lusitanie : & ceux qui festoyent oubliez iusqu'à violer le droit de nature en tuant leurs peres ou meres, on les chassoit outre les limites des montaignes, ou delà les fleuues, & là ilz estoient assommez à grands coups de pierres.

Punition des criminels. Supplice des Parricides.

Leurs mariages se faisoient selon la façon & coustume des Grecz. Des Egyptiens ilz auoyent appris de porter leurs malades en la place publique afin que ceux qui auoyent d'autresfois senty pareil mal, les admonnestassent de ce qu'ilz auroient à faire pour recouurer santé. Ce sont les manieres des viures de ceux qui vivent ez montaignes d'Espagne du costé qui regarde le Nord, & Septentrion.

[Si iadis les Lusitaniens ont esté superstitieux au gentilisme, ilz se monstrent à present de tant plus ardentz, & bien affectionnez à commencer par tout le monde la sainte Foy Catholique, souz l'obeissance de celle Eglise fondée sur la pierre viue de laquelle Iesuchrist est le chef, & ses substitutz, ceux qui apres saint Pierre ont tenu le saint & inuiolable siege de Rome. Et à dire la verité, comme le Portugais ne guerroye aucun Chrestien, aussi Dieu luy donne l'heur à souhait, & presque comme il le desire, & selon sa bonne affection à l'auancement du Royaume de Dieu entre les estrangers, il n'y a si puissant Monarque qui luy puisse resister. Ses mœurs & façons de faire sont seueres & n'ayants rien qui soit effeminé, sa vie pleine de trauaux, sobre au possible, modeste en habitz, chiche de parole, & riche en effaits, secret en son conseil & soudain à l'execution, ce qui l'a rendu maistre, & seigneur presque de toute la grand mer Oceane.

Zeile des Portugais à la religion.

Mœurs presentes des Portugais.

Et si l'on veut aduiser les vices, & qu'on l'accuse d'auarice, & conuoitise : encore n'y a rien si extraordinaire en ceste nation qui ne puisse auoir couuerture puis que à si grands frais, elle à couru presque toute la ron-

Vices du Portugais.

LIVRE TROISIEME

deur de la terre, & a descouvert ce que iamais les anciens n'auoyent at-
taint par leur cognoissance.

*L'art du nauiga-
ge illustré par les
Portugais.*

Aussi si les Mathematiques furent onc illustrées en ce qui touche les di-
mensions celestes, ce n'est rien au pris de ce que les Pilotes de Portugal
nous en ont fait voir par experience, mariants la veuë à ce que les anciens
en auoyent imaginé tant seulement. C'est d'eux que les Pilotes sçauent
la perfection du nauigage, l'usage de la Bouffole, la pratique du Nord,
& du Crusier, & la diuision des Rums des vents, choses non cogneuës
au parauant par les plus experts des siecles passez.

*Commoditez, a-
menées par les
Portugais.*

Je laisse les pays conquis, les façons de vie d'une infinité de peuples non
iamais escrites, ny cogneuës, le grand aport des marchandises estranges,
d'espicerie, drogues, or, argent & pierreterie: car tout cela ne seroit rien, si &
eux, & les Espagnolz n'auoyent attiré à la foy Chrestienne des regions
qui ont presque, voire plus d'estéduë que ne porte toute l'Europe. Je laisse
dis-ie, tout ces discours, à cause que j'espere qu'au quatriesme liure de ceste
histoire, nous en deduirons l'effect, parlans des mœurs des peuples qui ha-
bitent en ce nouveau monde descouvert de nostre memoire. Reste à sça-
uoir ce en quoy nous auons trauaillé à l'éclercissement des autres Prouin-
ces, qui est l'origine & occasion du nom de chacune d'icelles: & d'autant
que nous auons dit (apres Plin) que Lusitanie, a esté nommée de Lyse,
vne des suiuanes de Liber pere, voyons aussi d'où est-ce que le nom de
Portugal a pris sa source: veu que déz son premier regard il a ie ne sçay
quoy qui ressent son air & apellation de Gaule. Il ya des Chroniqueurs
Espagnolz qui (peut estre) se hōtoyant que les meilleures parties presque
d'Espagne portassent le nom Gaulois, ont voulu couvrir le dé, afin que
d'autres en eussent la gloire, mais ne pouuans gagner le ieu en la Celtibe-
rie, ny païs de loz Gallegos, que nous disons Gallice, ont tasché d'empor-
ter le pris sur le nom de Portugal, disans qu'il prist ce nom de Galle Hosti-
lian Empereur de Rome, à cause qu'il a quelque allusion avec le tiltre de
port de Gal: Mais ceux qui parlent ainsi deuroyent auoir regardé premie-
rement en quel temps ce Prince fut en Espagne, qui fut iamais, n'ayât re-
gné que deux ans, & quelques quatre mois auant que estre massacré.

*Celtiberie des Cel-
tes.
Gallegos, des Gau-
lois.
Galle avec son
fils Volusian re-
gnoit l'ã de grace
254.*

Depuis voir, depuis quand en ça est-ce que ce pays Lusitanien laissant
son nom ancien prist celuy du port des Gaulois: & lors on pourra asseu-
rer la chose, & la donner pour toute certaine au lecteur.

*Depuis quel tēps
Lusitanie a perdu
ce nom.*

Or n'y a-il histoire auant l'an de nostre Seigneur mille soixante six, ou
d'auantage, qui eut iamais cogneuë ceste Prouince sous le nom autre que
de Lusitanie, & n'en veux autres tesmoins que lesmesmes annalistes d'Es-
paigne, par moy assez de fois alleguez cy dessus, & mesme celuy qui a-
meine le songe de Galle Hostilian, qui est François Taraphe Chanoine
de Barcelone, homme au reste fort diligent & curieux en ce qui est de
bon en l'histoire. Lequel en la vie d'Alphonse sixiesme du nom, & Roy
de Leon chante tout au contraire, disant ainsi: Alphonse eut d'une sienne
concubine Taresie bastarde, laquelle fut donnée en mariage à Henry
Comte Lorrain, avec le dot d'une partie de Galatie qu'à present ont apel-
lé Portugal, & d'où les Roys de Portugal ont pris origine.

*François Taraphe
noté d'oubly en
l'histoire.
Taraphe è la vie
d'Alphonse 6.
D'où est venu le
nom de Portugal.*

Or fut ceste Prouince nommée ainsi, comme port des Gaulois, veu que les Gaulois nauigans en Espagne, donnerent le nom à la cité de Portugal bastie sur les bordz de l'Océan, & à tout le Royaume, & mort que fut Henry, Alphôce son filz luy succeda, qui fut le premier qui porta tiltre de Roy de Portugal, & lequel osta Lisbonne d'entre les mains & puissance des Mores infidelles, & qui ayant vaincu cinq Roys en bataille, en memoire d'une tant insigne victoire il laissa à ses successeurs les armoiries qu'encore ilz portent de cinq escussions ainsi que nous les voyons en leur monnoye. De mesme aduis est Alphôce de Carthagene Euesque de Burgos, & dit ce Lorrain auoir esté parent de l'Empereur, qui pour lors estoit Henry quatriesme du nom : adioustant que le beau pere dudit Henry osta la cité de Toledé aux Mores y remettant l'Archeuesque, & le siege ancien de Metropolitain d'Espagne, & fait que Burgos fut erigée en siege Episcopal. Icy varient les historiens Espaignolz, non au fait, tous consentans que Henry Gaulois de nation, & accompagné d'une bonne troupe de Gaulois vint en Espagne au secours contre les Mores, & que de leur abord Lusitanie, & le pais des Gallegos prindrent le nom de Portugal, & Gallegos, tant à cause de leur arriuée de ce costé de la mer, que pour auoir eu ceste terre pour le mariage de Taresie fille naturelle du Roy Alphôce. Mais la variété gist en ce que & Taraphe, & l'Euesque de Burgos font ce Henry Conte de Lorraine, comme ainsi soit que iamais Lorraine ne fut erigé en Conté, mais ceste faulte ne seroit pas insupportable, à cause qu'ilz auroient pris esgard au tiltre qu'il porta du pais Portugais, qui de son téps ne fut qu'un simple Conté, & souz son filz Duché, & à la fin Royaume. Mais de le dire Lorrain, cela ne peut estre receu veu que les Annalistes de Lorraine, ne cognoissent de ce temps aucun Prince de l'estoc Lorrain que Geoffroy le Barbu, & son successeur de mesme nom, & surnommé le Bossu, lequel mourant sans hoir, fait son heritier son neveu Godeffroy de Bouillon, filz du Conte de Boloigne. Aduisez donc si manquant la ligne masculin de Lorraine, ce Henry peut auoir esté seigneur dudit pais, & du sang mesme. Ioinct qu'un des Croniqueurs Espaignolz dit que ce Conte Henry estoit Bourguignon, & du costé de Bezançon, & parent de Raymond Conte de Tholouze, & toutesfois allié de l'Empereur, ainsi que les autres le font, & dient en leur recit & histoire. Mais tout cecy est aysé à vuidier & accorderons facilement les auteurs ensemble : veu qu'à la verité Henry estoit seigneur de Besançon & proche parent, & de l'Empereur & des Ducz de Lorraine, & Conté de Tholouze : & quant au nom de Lorrain, n'y pouuons aller que par coniecture qu'il l'eut vsuré comme pensant venir à la succession de Geoffroy le Bossu par la donation de l'Empereur qui refusoit d'approuuer l'ordonnance testametaire du Bossu faisant son heritier son neveu de Buillon : mais depuis s'en voyant frustré de l'esperance, & ledit Buillon inuesty du Duché Lorrain par l'Empereur, s'en alla en Espagne contre les Mores, où il donna commencement à cest illustre & Royal sang Portugais, qui est maintenant le lustre des Chrestiens, & celuy qui merite le tiltre, & de riche, & de grand conquerueur, & ensemble causa que la Lusitanie perdant son ancien nom, prit celuy des

Henry Lorrain
selon aucuns.

Alphonse de
Carth. l. Anace-
phaloose. ch. 75.

Variété des histo-
riens Espaignolz.

N'est possible que
Henry fut Conte
Lorrain & pour-
quoy.

Rodrigue Eues-
que de Toledé. lin.
6. ch. 21.
Henry Conte de
Besançon.

LIVRE TROISIEME

Gaulois, & s'appella Portugal souz laquelle appellation on la cognoit, & reuere à present par tous les coings de la terre.]

Des pays Insulaires d'Angleterre, Escosse, & Irlande, & plusieurs autres Isles, ensemble des mœurs & façons de vie des habitans d'icelles. Chap. 44.

*Angleterre iadis
grand Bretagne.
Virgille l'appelle
diuisée du monde.
Buccol. Eglogue. 1*



Angleterre, que les hommes doctes appellent Bretagne, est vne insigne & renommée Isle de l'Ocean faite en forme triangulaire, & presque en figure semblable à la Sicile. Elle est de tous costez ceinte de la mer l'arroufant, & embrassant, sans estre aucunement iointe à terre ferme, ains du tout diuisée de nous: le tēps passé elle eust à nom Albion à cause de certains rochers blanchissans qui paroissoient de prime face à ceux qui la costoyoyent en radant sa coste. Les Troyens habiterent quelquefois en icelle, lesquelz apres la ruine de leur cité admonestez par l'oracle de Pallas mōterēt sur mer, & prindrēt la route de ceste Isle en laquelle ilz eurent guerre contre les Geans qui s'y tenoyent, & les vainquans les en chasserent, apres eu plusieurs combatz contr'eux, & obtenu de fort belles victoires.

*Ceste fable Troyē
ne auez les profet-
ties de Merlin
sont les songes de
vn Geoffroy dit
Arthur qui à
fait l'histoire des
roys de la grand
Bretaigne.*

Bede li. 1. cha. 1.

*Cesar s. de la guer-
re Galliq.*

*Gildas lin. de la
ruine de Bretaig.*

[Le m'estonne que les hommes qui se meslent d'escire se laissent ainsi aller, que de croire sans autre preuue le premier qui se messe de parler de l'antiquité à la volée, & qu'ilz ne feillentent les anciens & bons auteurs pour bien esplucher les matieres, ains que les aualler sans mascher, & puis sentir vn grand degoust ne pouuans les digerer sainement, ny les vomir pour leur relasche. Je parle ainsi à cause qu'il n'y a nation laquelle on ne tache de tirer des flammes & cendres, lōg temps à peries de Troye, ainsi qu'ont fait ceste grand Bretagne, & ancieē Albion, cōme ainsi soit qu'il n'y ayt auteur approuuē qui en face mention quelconque. Je vous ay alleguē en la Gaule l'autorité de Bede hōme Anglois, fidelle en ses narratiōs, & reputē comme chascun sçait entre les plus excellēs de son aage: lequel toutesfois ne recognoit rien, ny de Brute, ny des Troyens passez en l'Isle Albiō, ains tesmoigne ladicte Isle auoir pris le nom de Bretagne des Bretons Armoriques de nostre Gaule. Je me suis encor aydē de Cesar en ses Commentaires, qui dit auoir entendu ces Insulaires auoir pris origine des peuples de Belge allans en course, & festās pleuz en la salubrité de l'air de l'Isle s'y arrestarent pour y cultiuer les terres. Ces deux grans & excellens hommes me suffiroient, n'estoit le reproche qu'on pourroit donner à Cesar de vouloir oster ceste gloire aux Bretons Insulaires d'estre parens des Romains, comme estans sortis tous de mesme souche, à sçauoir de la race des Dardanides: & que Bede estant Anglois, & ennemy du nom des Brutiēs auoir celé la verité de leur histoire, ce que ia à Dieu ne plaise que homme de bon sens, estime de ce saint, & entier personnage. Laisant dōc & Bede & Cesar, il fault que ie m'aide de l'autorité de Gildas tref-ancien auteur, & de ces anciens Bretons Albionistes, homme saint, rōd en parolle, & amy tout outre de la verité: Cestui-cy en vn liuret qu'il a fait de la ruine Britannique faite par les Pictes, Escossois, & Anglo-Saxōs, parle en ceste sorte de son Isle. Ceste cy d'un frōt esleuē, & esprit superbe s'est reuoltēe dēs le cōmencemēt qu'elle fut habitée, & cōtre Dieu, & contre les seig. ses cōcitoyēs, & cōtre les Roys d'outre-mer (par lesquelz il entrē les

Romains (puis l'appelle Bretagne fertile en Tyrās. Voyez qu'il la dit auoir esté habitée dès le commencement, sās q'il aye en memoire ce sās Troyē qu'il n'eust point mis en oubly si la chose eust esté receuē, & veritable. Et m'estōne de l'impudēce de ceux, qui veulēt asseurer ce qui est sās asseurāce veu q'les liures anciens de la Bretaig. ne vindrēt iamais entre leurs mains, si nous croyōs ce veritable, & seure Breto disāt ainsi. Je diray ce q' mō pais a souffert selō q' festēdra ma puissāce nō aidē des histoires du pais, & memoires laissēes par les hōmes doctes, lesq's fil y en eut onc, où ils ont esté bruslez par la rage des ennemis, ou trāsportez en terres estrāges par ceux qui parmer s'en sont fuyz pour se sauuer de tel orage : mais m'aideray du rapport que m'en ont fait ceux d'outre-mer, iāçoit que le recit ayant des interruptions frequentes ne peut estre sans obscurcissement, & faulte de lumiere. Voyez qu'il doubte si iamais il y eust histoire de leur pays escrite, & confesse franchement de l'ignorer: là où ces chāte-fables en bastissent à foison & inuentent des noms suiuant les licentieuses fctiōs des poētes. Et pour mieux monstrier l'impudente vanité de ces faux historiens, ils font les Bretons insulaires inuincibles, les Romains tournans le dos à tous propos & fuyans à vau de route: cōme ainsi soit que Gildas parlant rondement chāte bien tout au contraire, & voicy cōme il en parle: Estant rāporté au Senat Romain cōme les insulaires Bretons s'estoyēt reuoltez, mit vn apareil de guerre sur mer, affin de se venger en toute diligence de ces Renards fins & cauteleux: mais à leur arriuēe, ils ne veirēt ny armēe nauale pour les cōbattre, ny aucun escadron sur les haures pour leur empeschier la descēte, ains en lieu de boucliers ils aperçoient le doz des fuyards, & le col des vaincus prest à recevoir avec trēblement le coup mortel, & lesquelz tendoyēt les mains affin qu'ō les liaist pour les cōduire en seruitude: De sorte que ceste leur viltē & fai-neārise seruiſt de Prouerbe aux natiōs & lointaines, & voisines, qui estoit tel, les Bretons ne sont ny vaillans en guerre, ny loyaux en tēps de Paix. Ce sont iusqu'icy les mots de Gildas q' i'ay recueilly de son propre œuvre de deux qu'il en a fait, l'un desq's est celuy de la ruine Bretonne, & l'autre portāt ce tiltre: Aigre reproche & reprehensio de Gildas le saige, contre les ecclesiastiques de son tēps, lequel viuoit l'an de grace 580. Duq'l Guillaume du Neuf-bourg gētilhōme anglois, qui estoit enuiron l'a de nostre salut 1195. porte ce tesmoignage dès le cōmēcemēt & preface de son histoire: Ceste preuue de son integritē n'est pas de peu de cōsequēce, q' pour ne faillir à dire la verité, il ne pardōne point aux vices de ceux de sa natiō: & parlāt legerement des vertus des siēs, il se plaint à bō esciēt de leurs faultes & forfaits, n'ayāt point hōte de dire q' ses cōcitoyēs ne valoyent riē à la guerre, & si ne pouuoient viure en paix. Puis se moque de ces bastisseurs de cheualerie inuincible en la grand Bretaig. des Arthus tout conquerās, & des propheties du forcier Merlin, & autres telles refueries, qu'il faut mettre au ranc de Perseforest, Lancelot, Amadis, & autres telles narrations indignes d'estre mises au tittre de l'histoire. Et fil estoit ainsi que iamais les Troyens eussent donnē attainte en ceste isle, sommes nous si despourueus de sens que les anciens, qui, plaignans leur defastre, les auoyent en telle recommandation, que de leur donner la gloire d'auoir basti la citē de Rome, & d'estre les cheſz du nom Padouan, &

*Liures bruslez
par les Barbares
en la grand Bre-
tagne.*

*Histoires faidans
des fables des Ro-
mans.*

*Bretons insulaires
cauteleux & con-
arāz.*

*Prouerbe en Mo-
querie des anciens
Bretons.*

*Liures de Gildas.
quelz.
Guillaume du
Neufbourg. hist.
Anglois.*

*Nul auteur fait
mention que les
Troyens ayent esté
en l'isle Albion*

LIVRE TROISIEME.

des terres de Venise, eussent oublié ce trait de loüange pour ceste nation, que de dire qu'en païs si loingtain, & en vne isle si belle, ilz auoyent dref-
 sé leur Empire? & toutesfois n'y à aucū qui ne die avec Cesar, que les voi-
 fins de l'Isle soit les Gaulois, ou Iberes, sont ceux là qui en sont les habita-
 teurs.] Mais long temps apres les Saxons peuple illustre de la Germanie
 chasserent & Troyens, & Bretons de ceste Isle souz la cōduite de la Roy-
 ne Angle, & se partissans les champs, & terres du païs conquis, à fin que à
 iamais la memoire durast de ceste leur conqueste & victoire, ilz nomme-
 rent l'Isle Angleterre, du nom de la Dame qui estoit leur Dame & mai-
 tresse, iacoit que plusieurs estiment qu'elle ayt esté ainsi dite comme le
 coing, & Angle de nostre rond, & Hemisphere.

[Encore fault-il que ie m'arreste sur ce passage, & laissant la loy de tra-
 ducteur, m'amuser à noter les fautes qui suruiennent. Nostre auteur, à ce
 que ie voy, ou refuse, ou fuyt les refuseurs, d'autant qu'il ne se lyst point que
 femme aucune ayt esté chef de l'entreprise de la conqueste faite par les
 Anglois de l'Isle Bretonne: laquelle ne prist iamais le nom, ny pour estre
 l'Anglet du mode, ny de ceste Roynne Angle supposée, ains du peuple Ger-
 main nommé Anglo-Saxon, qui souz la conduite de Hengiste, & Horfe
 freres, vint à la sollicitation du Roy Vortigere en la grand Bretagne pour
 en chasser les Pictes, & Escossoys qui rauageoyēt toute l'Isle. Ces Anglois
 ayans vaincu les Pictes, en lieu de se retirer, allichez de la fertillité du païs,
 sy arresterent, & faisans venir plus grandes forces, commencerent à ma-
 stiner & assuiettir ceux mesme qui les auoyent appelez a secours. Icy se
 feirēt de grandes batailles, vne fois les naturelz du pays vainquās & d'au-
 tre estans vaincuz, comme bien descriuent les deux saintz hommes, par
 moy alleguez, Gildas, & Bede, lequel racōpte la victoire miraculeuse des
 Bretons, ayans en leur compaignée saint Germain Euesque d'Auxerre,
 & saint Loup digne Prelat de Troye en Champaigne. Voyez si Angle
 conduisit les Saxons en Bretagne, & si l'Isle prend le nom de ceste fem-
 me: oyons encor parler vn auteur Germain, sur ce mesme propos, c'est Al-
 bert Krantz en l'histoire de Dannemarch, fattaquant à Saxon Grammai-
 rien, & vse de ce langage. Dan, (comme dit Saxon) & Angul, desquelz le
 Royaume de Dannemarch à pris origine, eurent Humble pour pere, & fu-
 rent non seulement les chefs & source de nostre nation, ains encor les
 Roys, & Princes du peuple, sans que toutesfois ilz prissent le tiltre
 ny de Roys, ny de Gouverneurs, d'entre eux Angul qui est le pre-
 mier qui donna le nom à la nation Angloise, fut si soigneux de sa gloi-
 re, qu'il voulut que sa Prouince & heritage fut nommé Anglie de son nom.
 Krantz en ce lieu pense que Saxon die qu'Angul aye nommé l'Angleter-
 re, & pource il l'arraisonne, & monstre la faulte que ce seroit en la suppu-
 tation du temps: bien luy confesse que le costé de Dannemarch dit Iutie,
 fut nommé Angle, comme encor il en porte le nom, & que les Angloys
 sortis de celle Prouince se ioignans aux Saxons, coururent l'Isle Breton-
 ne, & l'ayans conquise à longues années la nommerent Angleterre: &
 voila quant à la verité du nom d'icelle.] Ceste Isle est opposée vers le Se-
 ptentrion, & à la France, & à l'Espagne, & contient de circuit enuiron

950000.

*Tacite en la vie
d'Agricole.*

*Angle Roynne.
Angleterre dite
cōme Anglet du
monde.*

*Ces freres vindrēt
en la grand Bre-
taine, l'an de gra
ce. 449.*

*SS. Germain &
Loup, en la grand
Bretaigne, cōtre les
Pelasgiens. Bede
li. 1. ch. 20.*

*Albert Krantz
hist. danoyse. liu.
1. ch. 2.
Saxon Gramm.
li. 1. hist. danoyse.*

*D'oū sont sortis
les Angloys.*

*Circuit d'Angle
terre.*

950000. pas, ayant son plus long iour de dixsept heures, & durant l'Esté iouissant d'une nuit fort clere & lumineuse. Les Angloys sont beaux de visage, ayans les yeux azurez, & la proportion du corps & lineamens gentils, & de fort belle taille, & haute stature, & tels que saint Gregoire furnommé le grand, voyant à Rome quelques enfans Anglois, & s'enquerant de quel pays ils estoient, dict: & veritablement à bon droit sont ils nommez Anglois, car ils ont la face Angelique, & par ainsi il leur fault departir & administrer la viande qui les conduise au chemin de la vie eternelle, & deslors il y enuoya Augustin moyne de saint Benoit, avec plusieurs autres, afin de prescher la parolle de Dieu, & conuertir ce peuple idolatre à la foy de nostre seigneur, & à la cognoissance de son saint Eua-gile. Les Angloys ne s'effroyent iamais de pœur en guerre, & sont tresbons archers: leurs femmes sont tresblanches, & d'une grande & insigne beauté. Le peuple y est fort inciuil & malplaisant, & qui n'ayme point les estrangers, là où la noblesse est courtoise & affable, & qui inuite debonnairement les suruenans, les menât à la tauerne pour banqueter, d'autant que ce n'est point vilain en ce pays là, voire ny deffendu d'y conduire les femmes, pourueu que ce soit sans aucune vilennie ny desbauche. Ce peuple est impatient en guerre ne pouuant attēdre, ains combat dès que voit l'ennemy deuât soy, & ne gaste guere iamais les terres, n'y donne le degast aux champs, ains s'attend à la seule ruine des homes, s'attendant à la iouissance des terres apres la deffaite de son aduersaire. Et d'autant que leur pays est fertile, & sur tout en pasturage, il ya plus de pasteurs que de laboureurs, de sorte que la plus grand & meilleure partie de tout le pais est employé pour les troupeaux, & pour la sauuagine, tellement qu'on ne voit q parcs tous clos de muraille, pour le passetemps de la noblesse adonnée sur tout autre à l'auenerie, & laquelle ne se tient point es villes, ains suyuant la cōustume ancienne, leurs maisons & chasteaux sont aux chāps près des riuieres & forests, tant pour le plaisir de la chasse, que pour euitier la fureur des vents ausquels ceste isle est fort suiette. Ceste prouince est la premiere (si l'on croist la legende chantée en Angleterre de Ioseph d'Arimathie, & la cōqueste du sang graal des cheualiers de la table ronde) d'entre toutes les régions Occidentales qui a receu la pieté & persuation du Christianisme: abondante en laines, bons draps & fins, & bestail de toutes sortes. En toute ceste isle ne se trouue pas vn loup, & qui est le plus à grand merueille, y en menant vn, il n'y scauroit viure, qui est cause que les troupeaux y paissent & sans crainte, & sans auoir besoing ny de chien ny de gouverneur, si ce n'est pour le d'anger des larrons. L'Angleterre est encor' riche, & abondante en metaux, ayant de l'or, argent, plomb, & estain, cuyure & des perles: & la pierre Gagate, laquelle brusle en l'eau, & ne s'estaint que avec l'huile. La terre Angloise ne produit point de vin, quoy qu'elle nourrisse quelques vignes, qui bourgeonnēt, flourissent, & monstret leur fruit lequel ne peut paruenir à sa maturité: mais pour ce default ils fident de la ceruoise, & les vins estrangers qui seruent à leur eschauffer les testes, & sur tout les vins Gascons que tous les ans ils vont charger à Bordeaux & lieux circonuoisins, ainsi que souuent i'ay veu, & en chargent grand nom-

Anglois beaux de visage, & bien faictz de corps.

Saint Gregoire appelle les Anglois angeliques.

Bede liu. 2. chp. 1.

Augustin moyne enuoyé en Angl. Bede liu. 1. ch. 13.

Polydore Virg. liu. 4. hist. Angl.

Mœurs des Anglois à present.

Polyd. Virg. li. 1.

Angl. pasteurs.

Abondance de sauuagine en Angleterre.

Gildas la confesse des premieres sans parler de Ioseph d'Arimathie.

Nul loup en Angleterre.

Metaux qui se trouuent en Angleterre.

Boisson des Angl.

LIVRE TROISIEME

Londres velle capitale d'Angleterre.

Cesar Com. li. 5.

Guede usé en Bretagne. Plin. li. 22. chap. 1.

Sauuages mariages des anciens habitans de la grãd Bretagne. Strabon. 4. Loges des anciens Bretons.

Ainsi en usôient iadis Et les Belges Et encore à present les Moscouit.

Ciel nuageux en Angleterre.

Diodore Sicilien liu. 6. ch. 8.

De ce Chariot parle aussi Cesar en ses Coment. 5.

Sobrieté des anciens Bretons Insulaires.

Gregoire Girald histoire des Dieux Sintagne.

bre de nauires. Il y a force villes & villages, mais peu de forteresses en Angleterre, entre lesquelles Londres est la principale, chef du pays, siege des Rois & vn des plus beaux apors & magasins des marchans qui soient en Europe: & telles sont les mœurs des Anglois de nostre tēps, là où de l'aage de Cesar les anciens Bretons y viuoient d'vne autre sorte. D'autāt que lors c'estoit chose deffendue & detestable, de māger ny goustet d'vn lieure, poule, ou oye, bien est vray qu'ils en nourrisoient pour leur plaisir & passer temps. Ceux qui se tenoient bien auant en terre ferme, viuoient de lait & chair, sans aucun vsage de pain, & les peaux des bestes leur seruoient de couuerture. Ils seaignoient & coulouroient la face de Guede, qui faisoit vne couleur azurée tirāt sur le noir, affin de paroistre plus furieux & espoventables en guerre, & portoient lōgue la cheuelure. Et leurs femmes en certaines festes aussi s'en paignoient cōme chose de grand parure. Les hommes se rasans tout le poil du corps excepté de la teste & au dessus des leures. Leurs mariages estoient fort estranges, d'autāt qu'vne seule femme suffisoit à dix hommes, ou d'auātage, & les freres les auoient ensemble cōmunes, & les peres avec leurs enfans: & ceux qui naissoient de ce mēlage estoient reputez les enfans de ceux là seulement, qui auoient eu la premiere pointe en depucelāt leurs espouses estans encor vierges. Strabon tient q̄ les insulaires Bretons estoient de plus grand stature que les Gaulois, mais qui portoient les cheveux plus courts, en quoy il est d'opiniō diuerse à Cesar, qui auoit passé plusieurs fois en l'isle, pour en pouuoir rendre asseuré tesmoignage. Dit aussi le mēme Strabon que leurs villes & retraites furent les bois, dans lesquels ils dressoient des logettes & cabānes rustiques, entourées de l'espeſseur inaccessible des boscages, esquelles maisons, & maistres & bestail se retiroient sous vn mēme toit, & couchoient les vns aupres des autres. Et est l'air en ce pays là plus ſuiet à la pluye, qu'aux neges: si que y obscurcisāt le Ciel, on y est quelquefois plus de quatre heures sur le midy mēme sans y voir vn seul rayon de la clarté du soleil. [Noubliros en outre ce que Diodore Siciliē dit de ceste isle en ses antiquitez: On tient (dit il) que les Aborigines, c'est à dire hommes nēz & naturels d'icelle dēz le cōmencemēt habitent en l'isle de la grãd Bretagne, lesquels en guerre vsent de chariotz brāslans, ainsi qu'on dit qu'en vsoyēt iadis les anciens Grecz à la Guerre contre les Troyens. Leurs maisons estoient de boys, & couuertes pour le plus de roseaux, & cannes marines, mettās le froument en gerbe dans leurs loges lesquelz ilz batoyēt, selon qu'ils en auoient à faire pour la iournée. Ce peuple estoit simple, & rude, & entier en ses mœurs & fort esloigné des ruses subtilitez & finesſes des Grecz, viuans simplement & cōtens d'vne viande sans appareil aucū qui ressentist les delices des riches. L'isle estāt fort peuplée & où il y auoit plusieurs roiteletz qui se maintenoient en paix & sans discorde quelcōque ensemble. Jusqu'icy Diodore. On tiēt qu'ilz auoient mēmes dieux, & pareille façō de sacrifier, & semblable discipline des Druides q̄ les Gauloys: neantmoins ay-ie leu qu'eux voulans apaiser leurs Dieux cōduisoient les femmes de leurs enfans toutes nuës, & peintes du iust du Guede aux temples des Idolles, lesquelles sacrifioient vn homme estranger, pour avec son sang se rendre propice le Dieu qu'ilz estimoyent leur estre moins fauorables.]

Description d'Escoffe & mœurs du peuple Escossois. Chap. 45.



Le pays d'Escoffe est la plus haulte partie du païs de ceste grand Isle, séparé vers le Nord, & Septentrion d'un fleuve, du reste de la region Britannique, & nō guere esloigné d'Hibernie que le vulgaire appelle Irlande. Ces Insulaires n'ont aucune peculiere façō d'habitz, non plus que de reiglemēt en leur vie semblables neantmoins en port, & contenance, & vñs de pareil langage: soudains en leurs actions, farouches & vindicatifs puissans robustes & courageux en guerre, suportans les trauaux en icelle, & de la faim, & du froid & autres incommoditez, beaux de visage & bienfaitz de corps, mais mal propres, & peu soigneux de se vestir & parer honnestement. Il y en a qui disent que les Escossois ont esté nommez Painctz à cause qu'ils souloyent iadis se paindre le corps. Et faire des marques, & sur les bras, & sur les mains avec du feu, ainsi que encores en vñent asses ordinairement quelques vñs d'entre les Sauuages d'Escoffe. Les anciens historiens tiennent que les Bretons insulaires pour donner fraieur a leurs ennemys se paignoient les faces entrans en bataille. [Le voy que ce bon homme n'a guere feilleté les bons liures, puis que si maigrement il se porte en cest endroit, ne sçachant point la difference que les historiens mettent entre les anciens habitans du païs Calidonien à present Escoffe, & les Piētes & Escossois qui furent deux peuples diuisez & qui long temps s'entreferirent la guerre: puis s'allierent pour gaigner païs, & tenir teste & aux naturelz du païs, & aux Anglois, & Saxons qui leur estoient venuz à secours, ainsi que j'ay dit, parlant des conquestes d'Angleterre. De cecy me soit tesmoing Bede en son histoire Ecclesiastique parlāt du regne, & Empire d'Honorie & comme la grand Bretagne affligée par les tyrans, & laissée des Romains qui vouloyent se preualoir contre les Gothz Vsurpateurs des terres Romaines: car voicy comme il dit. La grand Bretagne desnuee qu'elle fut de gendarmerie & deffournie des garnisons seruans pour la deffence despoüillée de toute la fleur de sa plus gaillarde & robuste ieunesse, laquelle suyuant les tyrans, ne fait iamais plus retour en l'isle, elle fut exposée en proye à chascun n'y ayant homme, en icelle, qui fut aguerry, ny apte aux armes. Qui fut cause q̄ tout soudain s'esmeurēt deux natiōs d'outre-mer tref-cruelles & farouches, à sçauoir les Escossois venās du Ponant, & les Piētes du midy qui feirēt gémir & sestonner toute l'Isle par plusieurs années. Regardez les Piētes estre vn peuple, & les Escossois vn autre, & tous les deux se ruer sur la partie Septentrionale de la grād Isle Bretōne: & pour lesquelz dechasser les insulaires enuoyerēt des ambassadeurs à Rome vers l'Emp. Honorie: Bede puis apres ne taist point q̄ ces voleurs ne fussent là passez de l'isle d'Hirlāde, où lōg tēps auparauāt ilz estoiet venuz, se desbordās des païs plus lointains de la Scythie, mōstrāt q̄ en Irlāde, ou Hibernie ilz auoiet esté instruits en la foy de nost. seigneur, & lauez du saint lauement de grace celeste. Estant ce peuple Scythique aucūs ont pēsē qu'ilz soit les Agathirles desq̄ls est fait mētiō en Herodote à cause qu'on dit q̄ ceux là se paignoiet ainsi qu'on dit q̄ faisoient

Mœurs des Escossois.

D'où vient le nō des Escossois ditz, Piētes.

Anciens Calydonne en la grand Bretagne est à present Escoffe. Piētes & Escossois sont courtes en l'Isle.

D'où vint que les Piētes & Escossois se ruerent sur la grand Bretagne. Bede li. i. ch. 12. Cecy aduint au temps de Honorie l'ā de grace. 424.

Paul diacre li. 4. en la vie d'Honorie.

Bede li. i. ch. 15.

Herodote. 4. Plin li. 4. ch. 12.

LIVRE TROISIÈME

les Pictes ayant les cheveux artificiellement azurez, ce que ie ne veux ny asseurer ny regetter puis que la chose à si grand verisimilitude, & qu'il appert que c'est de Scythie que ces peuples partirent pour enuahir les Isles septentrionales. De ces peuples Claudiâ parle en ceste maniere en la personne de la grand Bretagne:

Clandian Panegyrique à Stilicé

*Tu fais que plus ne crains, de frayeur fremissant,
Les harnois furieux de l'Escoffois puissant:
Que le Picté guerrier ne fait pallir ma face
Et mes membres trembler, que mon sang plus ne glace
Et que plus ie ne suis pres les bords de la mer
Pour veoir si le Saxon ie verray arriver.*

Discalidonique incogneue aux Romains.

Polydore virg. lin. 2. hist. Angloise.

Alliance des Pictes Escoffois, & sous, qu'elle condition.

Temperature des Escoffois.

Sterilité d'Escoffe

Vice des Escoffois.

Escoffois se disent tous gētilshōmes.

Pape Pie en sa Geographie. Aumosnes quel-les en Escoffe.

Les Pictes furent les premiers qui arresterent leurs pas en la Calidonie non iamais cogneue, ny surmontee par les Romains, les Escoffois ce pendant se tenans en l'isle d'Irlande: mais comme les Pictes fussent sans femmes & cogneussent que si long temps ilz demouroient destituez de telle cōpaignee ilz estoient taillez de veoir la fin de leur nom & race, tascherent de s'allier avec les Bretōs lesquelz refuserēt ceste alliance mais à la fin le refus leur fut cheremēt vendu, ceux cy se vègeans de telle iniure. Ilz s'adressent aux Escoffois, qui leur accorderent sous telle condition, que si leur Roy venoit à mourir sans hoir la fille plus proche du sang emporterait l'heritage & la courōne. Les Escoffois sōt de grāde stature, sains presque tousiours, & ausquels l'esprit ne default point, qui est cause qu'ilz viuent fort lōguement, iāçoit que la plus part du temps ilz ne mangent que du poisson, d'autāt que le pais est si exposē à froidure, & leur terre si morfondue, qu'à grand peine les grains y peuuent croistre, & qu'on y voye presque vn seul arbre, & par ainsi sont cōtraints faire feu de certaine pierre en laquelle le pays abonde, nature ayant pourueu à ce default par l'abondance d'une autre chose qui le recompence.

Tous les Escoffois se tenās aux Isles voisines parlēt l'anciē langage Hibernien, ce qui mōstre assez que leur origine est de l'isle d'Irlande apres qu'ilz furent partis de leurs ancien pais de Scythie, & voila quāt à leur origine. Ce peuple est enuieux de son naturel, hautain & superbe, & mesprisant tout le reste des hōmes: ils font parade de leur noblesse, & en sont si friants du nom, que les pauvres & de bas lieux sont si outrecuidez que de se vanter d'estre sortis du sang des grands, & de la race royale. Ils sont par ce moyen adonnez à mensonge, & ne suyuent point la paix cōme le reste des Anglois & insulaires de celle grand' & superbe isle. Pie 2. souuerain euesque escrit que les iours d'hiver en quelque saison que ce soit, ou qlque temps qu'il face, ne durēt guere plus hault que de trois heures. Encor dict il y auoir obseruē comme chose qui luy dōnoit estōnemēt, c'est que ceux qui donnoient l'aumosne aux caymās & gueux se tenans aux portes des Eglises pour demander pour Dieu, c'estoit des pierres qu'il leur faisoient largesse avec lesquelles ilz peuissent feschaufer, veu que comme i'ay dit, ce pais est desnue d'arbres, mais en lieu il à de ces pierres, lesquelles ou sont sulphurées, ou d'une matiere grasse & huileuse. Dict encor

ledit Pape Pie, qu'il auoit cherché par toute celle isle cest arbre qu'on luy auoit fait entendre si merueilleux que les feuilles d'iceluy cheans dans le fleuve qui luy est voisin, aussi tost qu'estoyent en l'eau estoyent cōuerties en oiseaux: mais ayant declairé à quelcun son desir on luy fait entendre que cela aduenoit en l'une des Orcades. [Les Escossoys sont diuisez en ciuils, & sauages les vns estans plus gracieux que les autres, qui presque sont bestiaux quoy que Chrestiens, & fort vaillās en guerre, comme ceux qui n'ont crainte ny apprehension quelcōque de la mort. Desquelz oyōs ce que S. Hierosme en dit: Que diray-ie des autres nations? veu que moy estāt en assez ieune aage, & nō presque encor forty d'efance, ie vey des Escossoys en Gaule, qui est vne nation demourāt en la grand Bretaigne, qui mangeoyent la chair des hommes: & iāoit qu'ilz trouuent par les boys des troupeaux & haras pour s'en repaistre, si est-ce qu'ilz sont coustumiers de se prendre aux fesses des bergers & mamelles des femmes, lesquelles ils arrachent & coupent, & leur seruent de la viande la plus delicieuse que ils ayent à leur goust & appetit. A quoy accorde S. Iean Chrysostome, disant qu'au parauant en la grand Bretaigne on souloit se repaistre & rassasier de la chair humaine: mais à present (dit-il) ilz se contentēt & emplissent leur ame d'abstinence] Ayant presque descrit les mœurs Escossoises, & voulant imposer silence à mon discours, il m'est tombé en main vn autre digne certē de luy, & la naïueté de son dire, à sçauoir Hector Boëce excellent historien & diligēt rechercheur des choses aduenües en sa natiō, lequel parlant des mœurs des Escossoys anciens ayans receu la foy Chrestienne, en parle en ceste maniere. Noz ancestres iadis embrassans toute espee de vertu encore caressoyent ilz sur tout la mere des autres qui est attrempance se montrans sobres au dormir, manger, & boire, & viuās sobrement des choses qui leur estoyent offertes par la nature. Aussi lors tout grain leur seruoit à faire du pain, sans qu'il fallust tant sasser la farine qui est cause de la perte & aneantissement de la plus grand force du grain, & nourriture: & viuoyent de chair prenans vn singulier plaisir à la chasse, & leur principal manger estoit, & la sauuagine, & la chair de bœuf, mais cōtre la façon de faire des autres nations: entāt qu'ilz se nourrissent de veaux ou les chastrent pour s'en seruir au labourage: Mais les vaches ils les mangeoyent lors qu'elles estoyēt pleines, à cause que pour lors elles sont plus grasses, & quelquesfois le poisson leur seruoit de pasture. Vn tēps fut que prenans vn simple desieuner, & ce fort legerement ils se passoyent iusque au souper de remplir leur ventre: mais le soir ils faisoient bonne chere, sans qu'on seruit plus que d'un mets au repas: & voulans se resiouyr ilz beuuoyent celle boisson qu'ils nomment eau viue composée, nō de drogues portées de pays estrange, mais d'herbes prises en leur iardin, du Thin c'est à sçauoir mente, aniz & semblables plantes souēf flairantes, bonnes au goust, & qui plaisoyent à les odorier, qu'ils distilloyēt ainsi qu'ecore on oblerue: vñs aussi du breuuage cōmū de la ceruoise, mais estans en guerre la belle eau pure leur seruoit de boisson, portans tout autant de farine chacun qu'il voyoit luy suffire pour passer la iournée. Ils mangeoyent la

Arbre merueilleux mais ie pense fabuleux.

Sauages, in Escosse que i'ont. S. Hierosme l'ua. 2. contre Iouiniā.

Escossois Antropophages.

Chrysostome au sermon de la Pentecoste.

Hector Boece histoire Escossoise en la preface.

Viue ancien des Escossois.

Boisson des Escossois.

LIVRE TROISIEME

*Escoffois tondus,
& allans piedz
nuds, & teste des-
couuerte.*

*Abillement des
anciens Escoffois.*

*Nulle nourrice
que les propres
meres.*

*Escoffois vindica-
tifs.*

*Loyauté des Es-
coffois vers leurs
Seigneurs.*

*Loix militaires
des Escoffois.*

*Femmes allans en
guerre en Escoffe.*

*Ceremonie Escof-
foise allans en
guerre.*

*Epileptiques, &
maniacles cha-
strez en Escoffe.*

*Cruel supplice.
Loy gentille cōtre
les yruaignes.*

chair à demy cuitte, comme l'estimans plus sauoureuse, & mieux retenant sa substance, & du poisson seché au soleil, s'ils ne trouuoyēt autre cas pour se sustenter & repaistre. Durant la paix ils ne viuoyent point en delices & oisueré, ains s'exerçoyēt à la chasse, à la lutte, & exercices militaires, allans tousiours nuë teste, & le poil coupé sauf que sur le front ils laissoyent (à la façon ancienne des Espaignols) vn toupet de poil: & ainsi se faifans souuēt tondre, on ne voioyt iamais aucun chauue en Escoffe: d'aller pied nuds ou avec des souliers esquelz l'eau entroit, ce fut leur coustume, voire fut ce au milieu de l'hyuer, affin que & pieds & teste endurcis au froid & au chault, fussent plus prompts à souffrir les incommoditez de toutes les saisons de l'année. Leurs bas de chausse ne passoyent point les genoux, & le hault estoit de lin, ou chanure, leurs manteaux en esté d'un drap subtil, & l'hyuer de laine grossiere double & faite selon la forme du corps.

Leur giste estoit à terre, ou sur vn banc avec vne paillasse. Les enfans n'estoyent nourris d'autre lait que de leurs meres: & si quelcune donnoit le sien à nourrice, ce n'estoit sans encourir soupçon d'adultere, comme ayāt faulte de lait pour occasion de sa lubricité. Se voyans surmōtez en bataille la course leur seruoit de garant, se sauans aux montaignes, & gardans ce pendant vn desir continuel de se venger de la honte & iniure receüe: & ne cessoyent de se tourmenter iusqu'à tant qu'ils auoyent laüé ceste tache de fuite par l'effusion du sang de leurs ennemys. Les gentils hommes perillans en quelque bataille, leurs fuiets & seruiteurs se hazardoyent ou de le sauuer du milieu des escadrons ennemys, ou de finir avec luy leur vie. Sur le tombeau de la noblesse on plantoit tout autant d'obelisques, comme sous leur charge on auoit occis d'ennemys au combat.

Celuy qui voyageant pour le fait de la guerre, ou estant au camp estoit trouué sans fusil, ou n'ayant l'espée au costé, où à la main, estoit fouetté par grand ignominie: & en ce temps là ilz estoient armez à la legere, ayans quelques corselets de fer, mais la plus part de cuir bouilly pour leur deffence, l'arc, la lance & l'espée. Laquelle si quelque soldat engageoit il estoit cassé, & chassé de la compagnie comme poltron: & la mesme peine estoit ordonnée pour les pariures: Mais celuy qui sans congé s'en alloit du camp, & laissoit sa bende esmeu de crainte, il estoit permis au premier qui le rencontroit de le faire mourir, & ses biens estoient confisquez. Voire pour lors les femmes estoient enrollées pour aller en guerre pourueu que elles ne fussent enceintes, ny trop chargées d'age. Sortans pour aller combattre ilz tuoyent la premiere beste rencontrée, & arrousans la pointe de leur espée au sang, en goustoyent esperans que ceste ceremonie leur seruoit de presage pour la victoire.

Ils aymoyēt tous la simplicité, & estoient ronds & sans fiction quelconque en leurs actions. S'il y auoit aucun touché du hault mal, ou insensé, ou atteint de pareilles maladies, ils le faisoient chastrer, affin que ceste infection ne demourast en leur race: les femmes qui souffroyent tel mal, ou estoient ladresses, on les chassoit loing de toute cōpaignie d'hommes, & si quelcune venoit à conceuoir, on l'enterroit toute viue avec son fruit au ventre. On sumergeoit en l'eau ceux qui estoÿēt par trop adonnez à boire

& manger, afin que par telz monstres le pais ne fut deshonoré & que ces goulus ne seruissent de mauuais exemple. Ilz vsoient des disciplines Egyptiennes, & des lettres sacres, & figures d'Animaux, cōme encore en sont les epitaphes anciens. Et encore les rustiques pratiquent les caracteres de leurs ancestres & mesme en ce qui concerne la guerison & santé de leur corps, qui est cause que aucuns ont pensé qu'ils ont pris origine d'Egypte. A present encor ilz vsent de vaisseaux faits d'osier, & reuestus de cuir que ils portent & raportent sur leurs espauls allans à la pescherie. Ce grand personnage ayant loué la simplicité de ses maieurs, se plaint de la corruption de nostre siecle, & degast de la sobriété passée, ayant souffert changement de la feuerité aussi bien l'Escoffe, que le reste des nations de l'Europe. Et feray fin avec ce mot, q̄ tout ainsi que l'Angleterre n'a autre loy que les coustumes & statuts municipaux, l'Escoffe au contraire iuge selon l'equité du droit escrit: & estât plus droituriere en ses iugemēs que sa voisine, aussi la surmonte elle en gaillardise, & adresse de ses habitans, qui par tant de siecles ont tenu teste aux conuoitises des Roys de la grand Bretagne.] Hibernie, à present Irlande, est vne isle posée entre le Septentrion, & le ponant moindre de moitié que la grand Bretagne, de laquelle elle est assez voisine, & ainsi nommée à cause de l'hyuer qui y regne plus que pas vne autre saison de l'année, & la cité principale de laquelle est nommée Denillin. Elle est si abondante en pasturage & herbages pour la nourriture des bestes, que si durât l'esté on ne chassoit les troupeaux hors de leurs pastis, ilz seroyent en danger d'y creuer pour sy estre trop remplis & engressez. Le pays d'Irlande ne nourrit aucune beste nuisible, non pas vne araigne ou grenoille, si mesme on y en portois d'ailleur, veu que toute chose venimeuse ayant touché la seule poussiere, & terre Irlandoise, ne fault tout soudain de mourir. Il n'y a aucune mouche à miel, ains qui pis est (comme dit Solin) si on porte de la terre d'Irlande en vn autre pays, ou des petites pierres, & que on les gette parmy les essoins & troupes des auettes, elles ne faudront de s'en aller & quitter leurs ruches.

Le ciel y est attrempé & salubre, & le terroir fort fertile, mais le peuple si cruel que merueille, inciuil, & sans aucune gracieuseté à l'endroit des estrangers. Iadis ayant occis quelcun de leurs aduersaires ilz en humoyent le sang, & puis s'en souilloient & paignoient la face: & auoyent en mesme esgard l'iniuste que ce qui est equitable, ne se soucians s'ils faisoient iniure ou plaisir à ceux qui les accostoyent: qui est cause que Strabon les nomme, & grandz mangeurs, & Antropophages, & qu'ilz estimoyent grand vertu, & ciuilité de manger leurs propres parens estans decedez: acointans leurs femmes en public sans honte aucune, & ne respectans ny mere, ny sœur, ains s'accoupyoient à la premiere rencontrée.

Quand quelcune enfantoit si c'estoit vn masle, la premiere mangeaille que elle luy vouloit donner, elle la mettoit sur le glaive de son mary, & avec la pointe elle la faisoit tout bellement couler en la bouche de l'enfant, le vouant, & priant pour luy les Dieux presideats aux armées, tout ainsi comme si desia l'enfant estoit prest à mourir le glaive au poing, & parmy les fureurs de quelque bataille.

Escoffoys vsants de lettres Hieroglyphiques.

Barques d'osier en Escoffe.

Ptol. lin. 2. ch. 2. tabl. 1. d'Europe. Irlande moindre que l'Angl. Ce-sar 5. des comēts. Nulle beste nuisible en Irlande. Solin ch. 25.

Mouches à miel ne viuent en Irlande.

Irlandoys Barbares.

Irlandoys goulus & Antropophages. Strabon 4.

Tout cecy est de Solin.

LIVRE TROISIÈME

*Irlandois se plai-
sans aux armes.*

*Vivre des Irlan-
doys.*

*Mer d'Irlande
perilleuse.*

*Largeur du Ca-
nal d'entre Irlan-
de & Angleter-
re.*

*S. Patrice conuer-
tist les Irlandois.*

*Trou fabuleux
de S. Patrice.*

Iuuenal. Satyr. 2.

*Claudian sur le
4. Cōsulat d'Ho-
norie.*

*Bede li. 1. ch. 1. de
l'hist. Angloise.*

Ceux qui vouloyent se môstrer les plus gentils, ornoyēt, & embellissoyēt les pomeaux, & poignées de leurs espées, de dents des beluës & bestes de mer, à cause que leur blancheur surmonte celle de l'ynoire: aussi tout l'honneur, & gloire des hommes de ce pays ne cōsistoit que aux armes, ny leur plaisir que à les tenir nettement, & sans rouillure, ou saleté quelconque, Ceux qui se tiennent aux montaignes viuēt de chair, lait & fruitages, plus adōnez à la chasse & à passer leur temps, qu'à soucy aucun du labourage. La mer qui separe ceste isle d'auec l'Angleterre est tousiours tourmentée de vagues, & sans repos tout le long de l'année, si ce n'est quelques iours durant l'esté qui rendent le canal quelque peu aisé à y nauiguer. Les Irlandoys allans sur mer vsoyent iadis de petits esquifs & barquerolles faites d'osier, mais couuerts de toutes parts de cuirs de Buffles: & tant qu'ilz estoient sur les ondes & en course, ils n'auoyent garde de manger chose quelconque. Et disent ceux qui ont la vraye cognoissance du pays que la mer y est large de l'un port à l'autre, à sçauoir Anglois & Irlandois, d'enuiro six mille pas. [Ceste isle n'est plus si barbare que iadis, & des premieres Chrestiennes de l'Ocean, où S. Patrice flourissoit en sainteté de vie, adoucissant les mœurs de ce peuple farouche & lequel les conuertist à la foy de Iesuchrist. On monstre encor ce trou fabuleux, nommé de S. Patrice par lequel ils croyoient qu'on descēdoit aux enfers, & que ceux qui en reuenoyent, estonnez de ce qu'ils auoyent veu ne rioyent onques plus de leur vie: mais laissons ces resueries aux vieilles & petits enfans. Les anciens ont cogneu ceste isle, sous le nom d'Inuerne: comme dans Iuuenal en ses Satyres.

*Or nous auons radé les haures areneux
D'Inuerne, aussi les bords des Orcades, nagueres
Prises de nos Soldats, & escadres guerrieres:
Les Bretons qui de nuit n'ont rien de tenebreux.*

Et Claudian luy donne vn nom semblable parlāt du Consulat de l'Empereur Honorie, disant ainsi:

*Du sang Saxon on voit les Orcades baignées
Et des Pictes occis les arenes mouillées
De Thule la lointaine: & les corps à monceaux
Des Escossois occis, & nageans sur les eaux
L'Inuerne va plourant l'Inuerne glaciale
Et tousiours ressentant la gelée hyernale.*

Auant que laisser ce pays Irlandoys, encor diray-ie ce mot que Bede qui estoit (comme dit est) Anglois, & sçauoit que vault l'Angleterre & l'Irlande semble contrarier à Solin, quand il dit. Irlande est riche en lait, & miel, & n'est point sans vignes, abondante en oiseaux & pescherie, & insigne pour le plaisir de la chasse, à cause des cerfs esquelz elle formille & abonde. Si elle est riche en miel, s'ensuit qu'il y a des abeilles en grand quantité, & parainfi la terre Irlandoise n'est point dangereuse à ces mielleuses bestelletes, quant aux animaux nuisibles il tient le mēme que Solin, disant au mēme passage & chapitre: Les serpents dès que sentent l'air d'Irlande, ne faillent de mourir: voire auons nous veu d'aucuns estans mords d'un serpent,

serpent, que on prenoit soudain des rasures de liure portées d'Irlande & icelle terre, & gresse du liure mise dans vn verre d'eau, déz que le patient l'eut auallée, tout aussi tost l'enflure qui l'auoit saisi pour le venin diminuâ & passa, & peu de temps apres il se veit allegé de sa maladie. Aussi, dit-il, q l'air y est beaucoup plus sain, temperé & serain qu'en Angleterre. Les habitans s'y vestent de peaux, & portent des chemises iaunissantes, & saffranées, comme aussi font les sauages d'Escoffe, lesquels (ainsi que dit est) sont venus d'Irlande : & sont les Irlandoyz suiuetz au Roy d'Angleterre, quoy qu'ils ayent des Ducs, qui es recoings de l'isle tiennent fort, & à peine veulent ilz prester ceste obeissance.]

Vestement des Irlandoyz.

De diuerses isles de la mer, & mœurs des peuples y habitans. Chapitre 46.



Es habitas de l'isle Syllure, que Solin fait voisine de la grand Bretagne, gardoyent encor de son aage, leur ancienne façon de faire: d'autant qu'ils ne veulent frequenter les foires, ny vser de monoye quelconque, ains vsent d'eschange & permutation d'une chose à aultre selon qu'ils en auoyent necessité, car d'icelle ilz mesuroyent les denrées & non par le

*Solin chap. 25.
Isle Syllure.*

pris d'autrui. Ils estoient deuotieux & portans honneur & reuerence à leurs dieux, estans adonnez hommes & femmes à la science de deuinatiō & forcelerie. Les Insulaires se tenans aux isles nommées Ebudes, qui sont cinq en nombre n'auoyent aucune cognoissance de fruitz & semences, viuans seulement de lait & pescherie dequoy ils auoyēt à foison. Sur toutes ces cinq isles vn roy commandoit, entant qu'il n'y a que bien peu d'espace de l'une à l'autre: & ce roy n'auoit rien qui luy fut propre, tout estat de la communauté qui fournissoit pour l'entretenement de son train & famille, & faillloit que le Roy fut aussi suiuet aux loix que le plus simple d'entre le peuple. Et affin que l'auarice ne luy peruertist le sens, il aprenoit la iustice avec sa pauureté, n'ayant rien à luy, & nourry aux despens du public. Il ne luy estoit permis se marier & d'auoir femme qui luy fut propre, ains ayāt desir d'en acointer quelque vne, il auoit ceste liberté d'e-

*Siluriens deuins
& sorciers.*

*Subiection du
roy des Ebudes.*

*Miserable condi-
tion du Roy des
Ebudes.*

*Thilé isle sous le
Pole artique.*

*Strabon. 4.
Pomponie Mele
liur. 3.*

*De ceste isle. voy
Plineliu. 4. cha.
16. & Ptol. li. 2.
ch. 3. tabl. 1. d'Eu-
rope.*

changer toutes les fois & s'attaquer à celle que bon luy sembloit de ses suiuetz: & par ce moyen il estoit hors d'esperāce de lignée pour luy succeder. Thylé est la dernière des isles gisantes autour de la grand Bretagne, que ceux de nostre temps apellent Island & en laquelle durant le solstice d'esté, & le soleil passant par le signe du Cancer, il n'y a aucune aparence de nuit, nomplus que le iour n'y paroist point durant le solstice hyuernal, & le soleil courant par le Capricorne: [de laquelle Strabon se confesse n'auoir aucune cognoissance: & Mele en parle en ceste sorte. Thilé est opposée aux Belges, fort chantée par les vers tant des Grecz que des nostres, en icelle d'autant que le soleil est lointain, prest à sabsconfer se leue, les nuits y sont fort courtes, mais obscures l'hiuer, & l'esté treslumineuses. Elle est (comme i'ay dit) ores nommée Island & sur la mer glaciale, ex-

LIVRE TROISIEME

Nuitz, semestres en l'isle de Thilé. posée & du tout mise sous l'Artique, ayant plusieurs moys de l'an sans y voir vne goutte qu'à la chandelle, ainsi que en aduient en aucuns endroits de Liunie, & en l'isle de Scandinauie vers les Biarmiens, & Lappons, ainsi que l'auons deschiffre en leur histoire.

Vivre des habitans de Thilé. Ceste isle abonde en fruitages, & les habitans du pays vivent, sur le commencement du printemps parmy les prez & pastis avec leurs troupeaux d'herbages, & puis prennent du lait pour leur boisson: en hyuer les fruitz gardez leur seruent de nourriture.

Thiléens suietz aux roys de Noruege, & Dannemarch. Ilz vloyent des femmes en commun, sans contracter aucune certaine forme de mariage, & viuants fort bestialement: mais à present ilz sont vn peu ciuilez, & la plus part acostables, & receuans les marchans courtoisement: & ont receu les aucuns la foy Chrestienne, recognoissans pour seigneur le Roy de Noruege, mais celuy de Dannemarch y prend aussi son droit, & est comme le butin de l'vn & l'autre de ces deux Princes.] Il y a d'autres isles qui sont vers la mer Mediterranée,

Cecy est de Diod. Sicil. liur. 6. ch. 5. tirant à l'Occident, que les Grecz ont appellé Gymnesies, à cause de la nudité des habitans, lesquelz en temps d'esté vont tous nudz & sans vestement quelconque: mais les naturelz s'appellent eux-mêmes, comme aussi font les Romains, Baleares, à cause que tirans de la fonde ilz visent plus droitement leurs pierres que tout le reste des hommes. Celle qui est au milieu des autres est plus grande que pas vne des Meridionales,

Des Baleares voy Mele. liu. 2. Solin chap. 26. Flore. liu. 3. ch. 8. Sillie Italiq. li. 5. Polybe 3. sept exceptées, qui sont Sicile, Sardaigne, Candie, Negropont, Chypre, Corseque, & Metelin, & est ceste cy esloignée d'Espagne environ vne iournée, portant à present le nom de Maiorque.

La moindre que on dit Menorque regarde le soleil leuant, & nourrist de beaux & diuers haraz de toutes sortes, mais sur tout les Muletz y abondent, qui sont grandz, & qui ont vn braire fort retentissant. Et Maiorque, & Menorque sont fertiles, & abondantes en fruitz, fort peuplées, comme celles qui fournissent 30000. hommes au combat. Lesquelz estoient iadis adonnez au vin, comme ceux qui n'en auoyent point en leurs isles, & estoient du tout sans huyle d'oliues, qui est cause que ilz foignoient le corps d'huyle de Lentisque & Procidipe meslez ensemble. Et furent si adonnez aux femmes, que rachetans quelque Dame captiue des Pirates, ilz donnoient en eschange, & troys & quatre hommes.

Logis cauernex des Baleares. Leurs logis estoient dans la concauité des rochers, & grottes des precipices des montaignes, & leur seruoient ces spelonques pour couuerture & retraite, & pour l'assurance de leur vie. Et n'auoyent aucun vsage de monnoye d'or, ou d'argent, voire deffendoient que on en portast en leurs isles, amenans par leurs raisons que Gerion filz de Chrysaore

Ce Gerion estoit seign. des Gades. voy Iustin. li. 44. estant pecunieux & riche en or, & argent, auoit pour ceste occasion esté accablé & occis par Hercule desireux d'vne si riche proye. Et ainsi ilz estoient d'opinion, qu'ayans faulte de telles, & si exquisés richesses, ilz e-

Baleares ne vouloyent user d'or ny d'argent. uiteroyent facilement toutes embusches & conspirations dommageables à leur vie. Ce fut pourquoy iadis, eux allans au seruice des Carthaginois à la guerre, ne voulurent point emporter l'argent de leur souldre, mais l'employèrent en vin, & en femmes.

C'est vn cas merueilleux que de leur façon de nopçage, veu que estans au banquet le iour des espousailles, que on dresse aux parens & amys des mariez, il failloit que chacun selon son ranc & degré d'age, l'vn apres l'autre eussent affaire à l'espousée, & l'espousé pour son salaire auoit le dernier lieu du plaisir. Ilz auoyent aussi des particulieres façons, & du tout esloignées des ceremonies des autres nations en la sepulture de leurs trespassez : D'autant que ilz deschiroyent les corps, & les mettoient en pieces dans vn vase, lequel ilz enfouissoient, & couuroient d'un mōceau de pierres.

Estrange façō de mariage ez Ba- leares.

Leurs armes furent trois fondes, de l'vne ilz s'en ceignoyent la teste, de l'autre les flancz, & portoyent en main la troisiésme : ruantz de grosses pierres, plus que toute autre nation, en guerre, de telle & si effroyable force, qu'il sembloit que le coup partist de quelque puissante machine. Et se aidoyent encor si dextrement, qu'à l'assault des villes, ils empeschoyēt par leur trait, ceux qui venoyent aux ramparts pour deffendre la muraille : rōpās & brisans à coups de pierres aux batailles, escus, glaiues, & toute espee de harnoy, qu'ils rencontroyent à tout leurs fondes, dressans si bien leur coup & l'asleant de si droite visée, que tard failloyent ilz de toucher au lieu desseigné pour leur butte, estans adextrez dēz leur enfance par leurs meres à tel exercice : entant que elles mettoient le pain de leur desieuner au bout d'un baston, seruant de signe & blanc, & ne leur estoit permis de manger que premierement ilz ne l'eussent atteint, & abatu de leur fonde, & lors la mere leur octroyoit le desieuner.

Armes des Ba- leares.

Moyē d'adextrez les Baleares à la fonde.

Pline dit que du temps d'Auguste les habitans de Maiorque, & Menorque furent contraintz de demander secours à l'Empereur pour despeupler l'isle de Connilz, qui gastoyent & ruinoient tous leurs edifices.

Pline li. 8. ch. 55. Multitude estrā- ge de connilz ez Baleares.

Mis fin à ces isles, il faut ores deduire vn peu ce que on racompte de certaine isle de l'Ocean vers les parties Australes, & des choses incroyables que on compte d'icelle, & par quel moyen elle fut trouuée & recognuē. Iambol filz d'un marchand, suiuant aussi la trace de son Pere dēz son enfance, & apres le decez de son pere encor continua-il le trafic de marchandise. Pour à quoy donner accroist, il s'en alla en Arabie aux espices, mais aduint que il fut pris par des voleurs avec sa troupe & compagnie, & premierement avec vn sien compaignon fut député à garder, & mener paistre les troupeaux : mais viuant en ceste misere, & luy & son compaignon se veirent derechef surpris par quelques Ethiopiens Corsaires, qui les conduirent bien auant au païs de l'Ethiopie maritime.

Fortune de Iam- bol, & ses descom- uertes.

Estans estrangers & forains, on les deputa pour seruir d'expiation, & acquit d'un vœu, & ordinaire ceremonie à laquelle le pays, où ilz estoient, se disoit estre asstraint. D'autant que les Ethiopiens de celle region auoyēt vne coustume de toute ancienneté, & par oracle & ordonnance de leurs Dieux, gardée depuis six cens ans, laquelle vouloit que deux hommes feissent ceste purgation, & rachapt de leur Prouince, lequel se faisoit en ceste sorte.

Ils auoyēt vn petit esquif propre à soustenir l'effort des vagües, & resister à l'impetuosité des flots maris, & si aisé à manier, q̄ facilement deux homes

Ceremonieexpia- toire de certains Ethiopiens.

LIVRE TROISIEME

le guidoyent & conduisoient, où portoit leur fantasie. En ce vaisseau on mettoit viures pour six mois, pour l'usage de ces deux homes dediez, lesquels ilz enuoyent à faire leur vœu, & leur enchargeoyent que selon le commandement de l'oracle, ils dressassent le cours de leur barque vers le midy, que ce faisant ilz trouueroyent vne isle fortunée, & où les hommes estoient courtoys, & qui passoyent leur vie en grand felicité.

Au reste leur dirent, que si sains & saufs ils pouuoient venir iusqu'à ceste isle, q̄ leur pays feroit sans sentir aucune calamité, ny miserable ruyne par l'espace de six cens ans, iouissant de tout aise, paix & tranquillité. Mais si estonnez & effrayez du long chemin, & des assauls orageux de la mer, ils reprenoyent leurs erres pour s'en retourner, ilz seroyent cause comme meschans & detestables de la misere, ruine & extreme calamité de leur pays, parens, amys, & familles. Or dient ilz que les Ethiopiens ce pendant font des festes solennelles pres les bords de la mer, sacrifiant à leurs dieux & les priant de prosperer le voyage des deux exposez, affin q̄ la purgation par eux accoustumée ressortisse son effait & accomplissement: Iambole, & son compaignon, au bout de quatre mois ayans senty souuent le courroux & fureurs de la mer, se veirēt à la rade d'une isle, la figure de laquelle estoit toute ronde, ayant enuiron 5000. stades de circuit en sa conference.

Description de l'isle.

Monstrueuse grandeur & estrange façon d'hommes.

Dés qu'ilz aprocherent pour aborder l'isle, aucuns des habitans leur vindrent au deuant sur des esquifs & barquerottes, & prirent leur bateau le conduisant à terre, d'autres y accourans festonnoyent de l'arriuée de ces estrangers, neantmoins les ayant bien-viennez, les receurent courtoisement, & leur feirent part de leurs biens & de leurs logis. Or les hommes de ce pays là sont dissemblables aux nostres, & de corps & de façons de faire, quoy que la figure soit pareille, mais qui excède la nostre en proportion, & grandeur d'environ quatre coudées: les os desquels se tournēt, virent & flechissent tout ainsi que feroit vn nerf, ou chose semblable, ayās le corps plus agile, leger & robuste que n'ont les hommes par deça. D'autāt que empoignans quelque chose de leurs mains, il est impossible leur arracher d'entre les doigts: ayant leur charnure si polie, qu'un seul poil n'apparoit en tout leur corps, qui est bien composé & proportionné, & leur visage beau, & ayans en eux ne sçay quelle bienseance. L'ouuerture de leurs oreilles plus large & patente que des nostres, tout ainsi qu'ilz nous different de langue. Car la leur a ne sçay quoy de propre qui luy est eslargy, & de l'art & de la nature: veu qu'elle est fourchuë & diuisée tellement qu'en la partie plus basse on diroit qu'elle est toute double. Et à ceste cause ilz parlent diuerfement en mesme saison, ores parlant comme font les hommes & puis exprimans & le chant & gazouillis de toute sorte d'oiseaux.

Description merueilleuse d'hommes.

Grādes resueries.

C'est vn paradis terrestre saint par quiconque soit ce Iambole.

Et ce qui est le plus à admirer est que parlant à deux hommes ils respondent à l'un & interroguent l'autre tout à vn coup, l'une langue arraisonnant & l'autre respondāt au second. Or appert il que l'air y est serain tout le long de l'an & sans aucune corruption ainsi que le Poëte chante, d'autāt que la poire y croist sur celle qui est ia meure, comme la pomme meurissant suit celle qui est ia parfaite & le raisin vieillist sur la vigne. On tient en outre que les nuits sont esgales aux iours, & qu'au midy il n'y a corps

qui face vmbre aucune pource que le Soleil sort sur son Zenith, & regarde directement sur le Climat de ceste Isle. Ces Insulaires viuent chacun en la troupe de ses parens & alliez, & toutesfois leurs compaignies ne passent iamais plus hault de quatre cens en nombre, & sont leurs logis aux prez, la terre leur produisât sans main y mettre les fruitz necessaires pour leur vie. D'autât que l'air temperé de l'Isle fait que la terre est ainsi fertile & qu'elle foisonne presque plus qu'il n'est necessaire. Il y a entre eux grâd quantité de Canes & roseaux qui foisonnent en vne espee d'Ers blâcz, lequel fruit estant recueilly & mis en eau tiede, iusqu'à tant que se caillant vienne à la grosseur d'un œuf, ilz le pillent, & en font du pain qui est d'une merueilleuse douceur & plaisante saueur. Ilz ont encor des fontaines tres-grandes, les eaux desquelles sont en partie chaudes pour seruir des bains, & propres à guerir toute sorte de maladies: les autres sont tres-froides & douces à boire: mais qui encor sont fort saines, & salutaires. Ce peuple est soigneux d'apprendre toutes les sciences, & sur tout se plaist en l'Astrologie, & ont 28. lettres pour la signifiâce, & sept caracteres d'icelles, & chascune d'icelles est interpretée en quatre manieres. Ilz viuent fort longuement, comme ceux qui viennent à cent cinquante ans, & pour le plus cômun sans sentir aucune maladie. Si quelqu'un y est sieureux, ou se trouuant mal de sa personne ilz le forcent par la loy du païs de se faire mourir. Escrivant ilz ne commencent d'un costé à autre, comme nous ains du hault en bas faisant couler leurs lignes. Ilz ont coustume de viure iusqu'à certain temps limité, lequel expire, ilz inuentent de leur bon gré diuerses façons pour se faire mourir: & pour mourir plus à leur ayse, ilz ont deux sortes d'herbes, sur quelle que ce soit des deux si quelqu'un se couche il meurt en sommeillant, & prenant vn repos tres-agreable. Les femmes n'y espousent aucun mary, ains sont communes, & par mesme moyen les enfans sont nourris en commun, & aymez esgallemēt de tous ensemble: & souuent ilz les desrobēt à celles qui les nourrissent, à fin que les meres ne les recognoissent & s'affottent à les caresser, & cela est cause que n'y ayant en eux aucune ambition ny affection particuliere, ils viuent en paix sans trouble ny sedition quelconque. Disoyent encor qu'en icelle isle y a des animaux petitiz vrayement de corps, mais ayans vn naturel & vertu admirable en leur sang, estans rondz en leur figure & semblables aux Tortues, ayans deux lignes & rayes trauesantes toute la proportion de leur corps à chascune extremité desquelles y a vn œil & vne oreille, tellement que ceste beste y voit de quatre yeux & oyt de quatre oreilles: n'ayant qu'un ventre & intestins, où elle reçoit sa viande: autour de ceste rondeur elle a force piedz, les vns allans en auant, & les autres en arriere. Or le sang de ceste beste est de diuers effect, veu que tout corps despiecé, pourueu qu'il y ayt encor quelque respiration oinct de ce sang, est soudain remis en son entier, & premiere force: chascune assemblée de ces Insulaires nourrit des oiseaux fort grands, & diuers en façon des nostres, avec lesquels ilz experimentent la valeur future de leurs enfans en ceste maniere: ilz mōtent les enfans sur ces oyseaux, à cheuauchon, filz n'ont point de crainte lors que l'oiseau prend son vol, ilz les nourrissent: mais

*Fruit à faire pain**Fontaines pour la santé.**Ce seul trait de sçauoir me fait le reste fabuleux.**Maladif cōtrains à se faire mourir.**Herbe causant la mort en dormant.**Grand concorde de ces Insulaires sans nom. Animaux admirables.**Sang merueilleux de force miraculeuse.**Grand cruauté vers les enfans.*

LIVRE TROISIEME

filz s'effrayent, & le cœur leur default, on ne fault de les regetter, comme n'estans pour longuement viure, & inutiles à quelque exercice que ce soit loüable de l'esprit. Le plus ancié en chascune assemblée y commande cōme Roy, auquel tous les autres obeïssent, & cestuy ayāt vescu 150. ans fault que selon la loy, il se tue de sa main propre, le plus vieil apres luy succedant à sa seigneurie.

Mer d'eau douce.

*Il fault donc que
ilz. soyent outre
l'equateur.*

La mer environnant ceste isle est tempestueuse & ondoyante, toutes-fois l'eau en est douce & plaisante à boire. L'estoile du Nord & Artique, ny plusieurs autres estoiles que nous voyons, ne leur apparoiſſent onques. Et autour d'eux il y a encor sept autres isles d'esgalle grandeur, & distans l'une de l'autre d'un mesme, & pareil interualle ayans vn peuple viuāt souz loix sēblables & estās de mesme cōdition. Et quoy q̄ la terre y produise tout de son bon gré & en grād abondance, si est-ce que tous les habitans en vsent avec grand modestie, & sans aucunemēt en abuser: veu que leurs viādes sont simplemēt acouſtrées, ne prenans non plus de nourriture que celle qu'ils voyent leur suffire pour se sustenter. Leur viāde c'est de la chair & rostie & bouillie, mais ilz n'ont affaire de cuisinier, ny de faulces, car ilz regettent tout cela comme chose inutile & dommageable.

*Relligion de ce
peuple Iambolien
sans nom.*

Ilz adorent & reuerent les dieux à sçauoir le Soleil, comme contenant & illustrant toutes choses, & les autres corps & lumieres celestes. Ilz prennent du poisson en grand nombre, & des oyseaux de diuerses sortes tant que bon leur semble: & la terre gette, & produit sans art, ny industrie du laboureur les arbres fruitiers, les vignes, & Oliues, qui leur fournissent l'huyle, & le vin en abōdāce. Celle terre nourrist encor de grās serps, mais qui ne sont venimeux ny nuisibles, & la chair desquelz estant sauoureuse, & apētissante leur sert de delices & nourriture. Leurs habitz sont de Coton subtil, fin & blanc à merueille qu'ilz tirent de leurs arbres à coton, & lequels ilz taignent du suc de leurs huiſtres marines qui coulourēt le Coton d'une parfaite couleur de pourpre. Les bestes y sont si diuerses que

*C'est un droict
royaume de faerie*

*Serpens sans ve-
nin & bons à man-
ger.*

*Pourpre perdue
recouuée en celle
isle sans nom.*

*Vivre sobre de ce
peuple.*

les descriuant la narration en seroit incroyable. Ilz gardent vn certain ordre en leur viure, chascun estant content d'un seul metz le iour, sans diuersifier leur viande, car vne fois ilz mangent du poisson, l'autre des oyseaux & quelquefois les bestes tant domestiques que sauages leur sont presentées, & d'autres ilz n'ont que de l'huyle avec quelque viande legere & commune. Ilz s'adonnent à diuers exercices, se seruans les vns les autres, ou allans à la pescherie, ou s'adonnans à quelque art & s'occupans à ce qui leur est le plus necessaire. Aucū d'entr'eux, les vieillardz exceptez, s'employent au seruice du public en ce qu'ilz voyent que leur diligence peut estre proffitabile. Les iours des festes & sollennelz on les oyt chanter des hymnes & Cantiques à l'honneur des Dieux, & sur tout du soleil qu'ilz reuerent, & loüent, & comme celuy à qui ilz dedient & cōſacrent, & eux, & leurs isles. Quant à leurs mortz ilz les enterrent au sablon & bord de la mer, avec lequel ils les couurēt, à fin que la mer faisant son fluz amoncelle d'auantage le sable, & couure mieux que iamais le trespassé, les roseaux desquelz on dit, qu'ilz tirent leur mangeaille & pain si doux, croissent, ou décroissent tout ainſi que se gouuerne le cours de la Lune. Ces

*Dieux honorez,
& loüez.*

fontaines que nous auons dit estre saines, & seruans de remede aux maladies, gardent tousiours leur vigueur, & chaleur salubre, pourueu qu'on n'y mesle du vin, ou de l'eau froide. Iambol, & celuy qui l'accompagna, ayant demouré sept ans en celle isle, quoy que volontiers il y eust passé le reste de ses iours, si en fut il chassé par les habitans, qui l'estimoyent homme mauuais & son compaignon mal nourry, & complexionné en sa vie. Par ainsi calfeustrans leur esquip, & y mettans de rechef des viures pour leur voyage on les força de s'en aller, & faisans voile souz le plaisir des vents, il arriuerét au bout de quatre moys vers le Roy des Indes, qui leur ayant donné sauf-conduit, prindrent la route de Perse pour s'en retourner en leur país de Grece.

Fin du troisieme liure.

l'Évangélisme est une doctrine qui a pour but de faire connaître à tous les hommes la bonté de Dieu, et de leur faire connaître la voie de la vie. C'est une doctrine qui est simple, et qui est facile à comprendre. Elle est une doctrine qui est universelle, et qui est pour tous les hommes. Elle est une doctrine qui est éternelle, et qui est pour tous les siècles. Elle est une doctrine qui est pure, et qui est sans mélange. Elle est une doctrine qui est vraie, et qui est sans erreur. Elle est une doctrine qui est bonne, et qui est sans malice. Elle est une doctrine qui est sainte, et qui est sans tache. Elle est une doctrine qui est glorieuse, et qui est sans honte. Elle est une doctrine qui est puissante, et qui est sans faiblesse. Elle est une doctrine qui est victorieuse, et qui est sans défaite. Elle est une doctrine qui est éternelle, et qui est sans fin. Elle est une doctrine qui est universelle, et qui est pour tous les hommes. Elle est une doctrine qui est simple, et qui est facile à comprendre. Elle est une doctrine qui est pure, et qui est sans mélange. Elle est une doctrine qui est vraie, et qui est sans erreur. Elle est une doctrine qui est bonne, et qui est sans malice. Elle est une doctrine qui est sainte, et qui est sans tache. Elle est une doctrine qui est glorieuse, et qui est sans honte. Elle est une doctrine qui est puissante, et qui est sans faiblesse. Elle est une doctrine qui est victorieuse, et qui est sans défaite.



DESCRIPTION DE LA QUATRIESME PARTIE DV MONDE, CONTENANT LES pays, & Prouinces descouuertes en Occident, & Se- ptentrion de nostre temps, avec les mœurs, & façons de vie des peuples, selō la diuersité de leurs supersti- tions & coustumes.

LIVRE QUATRIESME.

P R E F A C E.



*T*OUS les hommes de grand sca-
uoir sont tombez en cest accord,
que la terre est ronde spherique-
ment en sa figure, & qu'elle tient
& occupe le cētre du mōde, & que
par ainsi estat de toutes parts ha-
bitée, les vns hommes separez par
le milieu du cercle de ceste rōdeur,
sont considerez Antipodes des au-
tres. Or dis-ie la terre estre spher-

*La terre ronde &
non de forme
plate.*

rique en sa consideration, à scauoir ronde du tout en sa circon-
ferēce, affin qu'on ne pense pas que ie cōtemple ceste spherē pla-
te & non globeuse, ainsi que l'ont voulue mesurer quelques
bons & doctes hommes, mais qui se sont trompez ou pour le
peu d'experience de la chose, ou pour ne sembler estre d'accord
avec la philosophie des Ethniques, ou ne pouuans comprendre
par leur imagination, ce que la perspectiue mesme peult faire
iuger à ceux qui font voyage par mer. Or ceste masse soustenue
& embrassée, & des eaux & de l'air, & entourée du Ciel qui
influe sa courtoisie sur icelle, est aussi considerée par les 360.
degrez qui parfont la mesure vniuerselle du globe sous la di-
uision des zones, tropiques, & climats desquels & par lesquels

*Nombre des de-
grez, de latitude
& longitude.*

P R E F A C E.

sont recueillies les longueurs, ou accourcissement des iours ou des nuits, selon la disposition de chacune terre sous l'approche ou esloignement du soleil. Les anciens prenans esgard à ceste masse habitable, & considerans sa grandeur, la diuiserent & partiront en trois, mais sans esgaller les parties, ny bien proportionner la figure partie du globe, pour n'auoir point cognoissance de la plus grand part de ce monde habitable: Et fut le tout compris sous les noms d'Asie, Afrique, & Europe, de la raison desquels nous auons parlé en chacun son endroit, suyuant l'opinion receue de toute antiquité, puis qu'il fault que ce soyent les anciens de qui nous empruntons ceste cognoissance. Mais, cōme i'ay dit, les Geographes du passé, sestans tous abeurtez en ceste opinion, qu'outre l'Ocean Atlantique il n'y auoit plus aucune terre ferme, ils partoient le Globe en trois, faisans & laissant presque la moitié de la terre sans habitatiō quelcōque: & fantastiquās vne si grande estendue de l'eau, qu'ils luy faisoient occuper cent fois pl^{us} qu'elle ne fait, iacoit qu'elle embrasse tout ce corps massif, & qu'elle le sustente, humecte & nourrisse avec la force vitale de son humeur. Tellement que Ptholomée, homme de grandes lettres, & d'un iugement tresasseuré, quoy qu'il ayt surmōté ses predecesseurs en la consideration & descouuerte de plusieurs terres tant Orientales, qu'Australes, & en l'Inde & en l'Ethiopie, si n'a il peu penetrer iamais guere plus auant que du royaume de Melinde: comme ainsi soit que d'iceluy auant, iusques au Cap de bonne esperance, qui est le dernier bout de l'Afrique, & assés voisin du pol Austral, il y a encor infinies regiōs & peuples, ainsi que les voyageurs de nostre temps l'ont pratiqué par leur diligence. Tout cecy consideré, & nous cognoissans par l'experience, que ny par l'escrit de noz maieurs, ny memoire d'aucuns siecles passez nous ne trouuons rien de ces païs, que à present on a descouuert, il ne fault sestonner, si reuenans à nostre premiere propositiō, de l'esgalité du corps globeux de la ter-

Diuisiō du mode
en trois parties,
imparfaicte.

Ptolomée premier
entre les Cosmo-
graphes.

re le partissant selon les iustes & reiglées proportions des cercles, nous disons que ce qui est à present descouvert, est pour servir d'une quatriesme partie du monde habitable. Veu que ces insignes, & fameux Cosmographes, Ptolomée, & Strabō, ausquelz on doit la recherche de ce que les anciens ont cogneu du monde, ne penetrerēt iamais (comme ia i'ay dit) plus auant que les haures Occidentaux de la coste d'Aphrique, & mer Atlantique, n'ayans peu marquer que les Gades, & isle de Caliz, & plus auant les Canaries, iadis renommées souz le nom d'Isles fortunées. Aussi du siecle de nos peres, n'y eut onc hōme si hardy qui osast se hazarder à cest infiny (sil y a rien en ce bas Hemisphere qui merite ce nom) de mer, qui tend de l'Occidēt en Oriēt par la mer de midy, que maintenant on appelle mer de Sur, ou Pacifique: comme ceux qui pensoyent que ceste partie fut tout ainsi glacée, & caillée de froidure qu'on la voit estre sous la rigueur de l'artique. C'est pourquoy ilz partirent ce rond en cinq Zones, ou cercles, deux desquelles sont contemplées autour, & pres les Poles, & lesquelles on a estimé si froides, pour estre fort esloignées du Soleil qu'il est impossible que les hommes y habitent: ou sil en y a quelques vns, ils sont sauvages, & mesmes au pol Artique: voire en y a il de ceux de nostre aage, qui ayans pris garde à l'ignorance precedente, & cogneu que les pays les plus Septentrionaux sont bien peuplez & habitez, ont neantmoins osé dire que sous le pol Antartique il n'y a aucune terre qui soit solide ou continente: comme ainsi soit que la nauigation de Magellan nous informe assés du contraire. Les deux autres zones sont dittes par eux temperées, comme n'estans ny trop assaillies de la froidure, ny desséchées par les ardeurs du soleil, estans limitées par les tropiques, qui seruent pour les courses ou du montant, ou de la retrogradation du soleil. Or y est encor la cinquiesme zone, & celle qu'on a nommé la Zone Torride à cause des ardeurs extrauagantes imaginées sous icelle, & ligne

Iusqu'ou ont penetré les descriptions de Strabon, et Ptolomée.

Division des Zones par les anciens.

Zones habitables.

Opinion sur l'equateur mal prise des anciens.

PREFACE.

Equinoctiale pour partir esgallement les courses du rayon solaire, & estre l'occasion de l'egalité des iours & des nuits: mais de iuger ceste cy tant extrauagante & inhabitable, que iadis on a creu, ie n'y voy raison aucune valable. Et n'iray m'assoir sur la seule experience, quoy qu'elle suffise pour rompre toute opinion tant fust elle opiniastrément enracinée, puis qu'il appert que sous ceste zone il y a des hommes en abondance qui y viuent, & produisent, & que ceux mesmes de nostre pays & contrée, y supportent ce qu'on dict y estre trop insupportable. Trop bien diray-ie ce mot en passant, que puis que la Zone Torride est un cercle imaginé par les Astronomiens, aussi bien que les poles, & les tropiques, & que les Orients, Midys, Occidents, Australs, & Zeniths en la consideration astronomique dependent plus de l'opinion, que de la certitude: Et puis que nostre hemisphere a ses iugements de l'approche, ou de l'esloignement du soleil ex Equinoxes & Solstices tant d'esté que d'hiver: ayant esgard au plus ou moins soit du chaud ou du froid, nous pouuons appeller nostre terre, sans guere faillir, & solstice & zone, ou ligne equinoctiale. Or ne dispute-ie pas ainsi pour en donner sentence toute semblable aux arrests d'une court souveraine, ains seulement affin que le lecteur iuge de l'esprit subtil & excellent de ceux qui ont si gentilmente arpenté par raison naturelle le ciel que la sainte escriture mesme semble s'assuietir à la gaillarde gentillesse de leur iugement: ven que Iob recognoit & Orion, & les Pleiades, & par consequent les zones, & sur tout le zodiaque, & n'oublie point les Ourfes: & à fin aussi que ceux qui scauent que c'est que de la composition du monde, ne s'opiniastrét point plus à la sentence cōceüe d'autrui qu'à la verité, qui nous a esté decouuerte de nostre aage. De ces Zones, dōc, puis q̄ les anciens n'en ont marqué d'habitables que deux, & qu'icelles n'embrassent point la seule moitié encor de ce dequoy les vieux de iadis ont eu cognoissance, si auons nous monstré en noz trois parties descriptes qu'il y a la plus part de ces cercles imaginez si extraordi-

Les cercles celestes
dependēt de l'ima-
gination.

Iob. 38.

Tout le rond de la
terre habitable,
quoy qu'en dient
les anciens.

nairement chauds, ou froids, bien & populeusement habitez, & où les hommes ne sont si sauvages que quelques uns, & du temps iadis, & des modernes ont estimé. Reste à voir le surplus du globe terrestre, & la quatriesme partie d'iceluy, cōprise sous le nom de nouveau monde, & laquelle, en la consideration ia proposée, & ainsi que l'on imagine les courses du soleil au levant, & couchant, est toute, ou peu s'en fault, Occidentale. Qui a esté cause q̄ les Espaignols, ausquels en est escheu le partage, luy ont donné le nom d'Indes occidentales pour une raison, qui ne semble point impertinente, & laquelle depend du seul iugement du globe, à quicōque y voudra regarder de près, & sans se transporter en sa seule fantasie. L'homme donc sagement curieux, qui regardera la disposition du globe, ainsi que ceux qui ont contēplé les Moluques, & les ont diuïsées en *Leuätines*, & *Occidētales* y ont pris soigneuse garde, ne faudra aussi tost de voir celle doubleure, & recours des eaux de la mer, qui se font en celle partie de l'Océā, qui porte tiltre de *Pacifique*, entāt qu'il semble se lier, & marier avec ce flux de la mer de *Mangi*, & ioindre, avec un eschantillon de terre, party d'un canal de mer, l'Orient d'avec le Ponant, si vous y aduisez suiuant le vray iugement des longitudes. D'autant que le pays du Mexique ou il est iugé, lié avec la terre voisine du *Quinsay*, ou la mer qui les separe n'est de trop lointaine estendue, & laquelle toutesfois peut faire mesme separatiō de l'Asie avec ceste quatriesme partie du mōde sous le nom des Indes, que font les bouches du *Rha*, & *Tanais* de l'Asie, & Europe, iacoit que le tout soit compris sous l'apellatiō des deux *Scythies*, & *Sarmaties*, à scauoir Européenne, & Asiaticque. Et par mesme consideration pourra-il voir tout l'Occident, & une partie du Septentrion se portant selon la corbeure du globe vers le Ponant, nō encor descouuert que de nostre temps, & par les nostres, quelque gloire que vneil lent s'en attribuer les Espaignols, ausquels i accorde la descou-

*Nouveau monde
descouuert pour-
quoy nommé In-
de Occidentale.*

*Le globe fait l'œil
iuge de tout cecy.*

*Deux Scythies,
d'Asie & Eu-
rope par qui sepa-
rées.*

*Terres septentrion-
ales descouvertes
par les François.*

P R E F A C E.

Estendue de ce
qu'on appelle nou-
veau monde d'ez
le Nord iusqu'au
Midy.

Canadiens, & sans
de mesmes mœurs
que les Scandi-
nauens.

uerte de l'Occident dès le Mexique iusqu'au Peru, & de là au Cusco, & la course iusques au pais Austral, & riuere de Platte : mais d'auoir visité les premiers ny la Floride, ny Canada, Baccaleos, ou terre de Labradour, il est impossible qu'il obtiennent cela de moy, qui scay que Iaques Cartier, & que vn seign. de la Milleraye y ont plustost donné attainte, que les Caraeles Espaignolles se pourmenassent vers les courantes dangereuses qui descendent de l'ocean septentrional, pour aller embrasser la grand mer Atlantique. Qui est cause que ayant deliberé de donner le plaisir au lecteur françois de la description des mœurs de ces peuples, descouverts en tout le long trait qui s'estend dès le Nord, & du costé de l'isle de Thilé iusqu'à la mer de Sur, & pacifique, & suyuant les pays cogneus à present iusqu'au destroit de Magellan, ie commenceray aussi mon discours par les lieux septentrionaux, tant pour estre comme la suite des Provinces ou nous auons finy le cours de l'Europe en nostre troisieme liure, que pour estre ceste terre le voyage, & trauail des nostres qui en ont monstré le chemin à ceux qui semble, vueillent se saisir de l'Empire de tout sous vn tiltre seul de bien-seance. Mais auant qu'entrer à la narration des coustumes, ny voir combien ces nations sont differetes à noz facōs de vie, & quelle relligion les tiēt vnis & liez ensemble, pour se maintenir en la cognoissance à laquelle la raison naturelle nous achemine, il fault contempler vn peu commēt on diuise ce pays, & sil est point cōtinent à la terre Scādinauienne vers l'extremité du pais de Labradour, veu que ceux qui ont visité ces terres, & gousté les mœurs de ces peuples barbares, ne nous racomptent guere autre cas de leurs facons que ce que nous auons leu, & des Lappons, Finniens, & peuples les plus esloignez du Nord, & qui gisent sous le Pol Artique. Ilz nous les descriuent de belle taille, gens assez subtils, & non si meschans, fins, ny vindicatifs que les Canibales, & Caribes, ny ceux qui le plus s'aprochent

des regions plus chaudes, & par leur viure ils les nous font tels qu'il semble qu'en oyant parler ie voy ceux de la coste Noruegienne se tenans ou és grottesques, ou en leurs maisonnettes de feillards, & mottes de terre, viuans plus de poisson, & sauuagine que d'autre nourriture: & l'adoratiõ du soleil & du feu, me les fait encor plus estimer telz, à cause que les Scandinauies ont esté iadis, & encor vne bonne partie est souillée de ceste superstition, adonnez à tel seruice, honorans les choses cõme dieux qui leur seruoient pour leur soustien, & leur estoient necessaires pour se maintenir, & conseruer en vie. Vous direz à quoy est-ce que ie tends, & aspire en disant cecy? nõ à vous dire simplement, que ce pays est septentrional, veu que la chose se monstre d'elle mesme, sans qu'il la faille tãt esplucher, mais que plustost i'estime que cela soit vne cõtinuatiõ de nostre Europe, contemplée en la concauité de la figure du globe, prenant aduis du Nord à l'Occident, iusqu'à tant qu'il apparroit que la diuersité de l'air, & l'influence descouurèt aussi vn changement de costumes: sans que ie le pretende asseurer, me suffisant d'en donner le sentiment aux gentilz esprits, qui se plaisent en la lecture, & caressent la curiosité, laquelle ne porte aucun preiudice à noz ames. Mais si l'on se vouloit de tant piquer, que d'accuser indifcrettement ceste mienne ouuerture, & trouuer mõ dire sans fondement, ie ne feroiy aussi conscience de leur demãder, quelle raison ont ils de mettre le Cathay, Quinsay, & pays de Mangi en l'Asie, puis que les anciens n'en ont point eu la cognoissance? Mais si là dessus ils me respondent que la continue de la terre ferme leur fait ainsi estimer, ie leur demande encor, quelle assurance ont ils que la terre de Labradour ne soit aussi bien iointe au pays continent de Scandinauie, que le dernier bout du leuãt, est vny par les deserts espouuentables de Camul, & autres non trauezsez que de peu de personnes? Quoy qu'il en soit, il est asseuré que si ces terres ne sont iointes ensemble, elles ne sont separées

Desert de Camul
sous la grãd ourse

Destroit des trois
freres contemplé
sous l'artique aïse
que celuy de Ma-
gellan en l'An-
tarique.

P R E F A C E.

que d'un petit destroit de mer nommé des trois freres, & lequel gist sous le pole Artique, à tout le moins comme les Astronomes en font l'imagination: & que ce canal tempestueux est celuy qui attire une partie des eaux à la mer Pacifique, & lequel les Portugais ont voulu d'autresfois traverser pour se faciliter l'accourcissement du chemin pour passer aux Moluques, apres que Magellã eust decouvert l'autre destroit, qui separe la terre Australe d'avec le pays qu'on a compris sous le nom d'Amerique. Or ay-ie proposé tout cecy au diligent lecteur afin qu'il iuge sincerement de nostre bonne volonté, & considere que si il est ainsi que la terre soit rōde, & qu'on la partisse comme une pomme, que la raison aussi veut qu'elle soit diuisée en quatre parties, les trois de laquelle ayant discourues, il est temps desormais, que nous entrons à la peinture de la quatriesme, cōme estat un des plus plaisans discours, & necessaire histoire qu'on scache, tant pour la diuersité des matieres, nouveauté des choses, que pour y cōtempler les œures merueilleuses de Dieu, qui sur l'enuieillement du monde, & les hōmes allans en empirant, il a decouvert ce qui estoit caché dēz le commencement, & apellé à la cognoissance de son saint Euāgile ceux, qui iusque à present auoyēt vescu sans auoir ouy parler d'autre dieu, que celuy qui a ruiné tout le mōde par sa peruersité. Mais encor auāt que passer plus outre en matiere, ny être en pays, ou toucher les peuples diuers cōpris en tāt de regions, & belles prouinces, puis que si souuent nous auōs fait mentiō de la mer, des flux, & reflux d'icelle, des courātes, & autres consideratiōs de ce corps liquide entourāt la masse solide de la terre: il me semble aussi raisonnable de discourir (comme en passant) quelque cas de son flux & reflux, & les differences d'iceux selon la consideration des Prouinces, pour voir les causes de telles diuersitez si merueilleuses en la nature.

Du flux

Du flux & reflux de la mer soit Oceane, ou Mediterranée, & d'où il procede tous les iours, & des courantes impetueuses des eaux pres les Hautes, mesme-ment & l'Indes Occidentales. Chapitre premier.



Es anciens philosophes, qui ayās sauouré la doctrine de Moysé, ont de tant respecté l'eau, que de luy donner la force de la generation, & la gloire d'estre le principe de toutes choses, n'ont aussi oublié de croire que c'est elle qui, entourât la terre, la suporte, soustiét, & nourrist, s'insinuât par les concautez d'icelle du milieu auant, qui est la source s'espendant par tout, & dōnant vigueur, & engeance à tous les corps terrestres. Aussi le tout bien considéré, lors que le grand philosophe, & admirable Theologien des Iuifs Moysé, dit au Genesé, que au milieu du Iardin d'Eden y auoit vn fleue, duquel s'ourdoyent quatre sources qui s'espendoyent arrousans toute la terre, que signifie-il autre cas que la force vitale de l'eau, qui est comme la nourrice de ce qui respire çà bas, entant que l'humeur est la partie presque principale de l'estre de toute chose corporelle? Or est cela le miracle general, & le mieux cogneu que par l'eau face la nature, mais les plus secretz, & merueilleux sont contemplez és courtes de la mer, flux, reflux, bonaces, acoisemens, courantes, & tourbillons d'icelle: les raisons desquelles choses sont marquées diuersement, & selon la varieté des opiniōs des hommes, qui ont mesuré les ceures de Dieu par le commun cours de la nature, sans que iamais ils y ayēt sceu donner resolution certaine, voire en y a eu qui ont porté la penitence de leur temerité, voulans plus attéter qu'il n'est permis à l'humaine capacité, & se sont efforcez de vaincre la nature par leur trop grande curiosité, ainsi qu'on dit d'Aristote (ne sçay si vrayement) perissant au goulphe de Negropont, & de Pline s'opiniastrant plus que de raison à voir les secretes sources des feux naturelz du mont nommé iadis Vesue. Neantmoins n'est il deffendu d'en discourir, pourueu que l'orgueil ne nous aueugle, & que ne presumions d'en decider comme iuges, ains soyons contēts de nous en enquerir sans autre desir que de vouloir gouter la verité, & louer dieu en ses merueilles. Donc ceux qui parlent de la mer, luy ont dōné cecy qu'elle est vn amas d'eaux, où se retirent tous les fleues & tout ce qui naist d'eau en l'vniuers, mais c'est peu dit pour vne si grande chose: & ainsi ie trouue meilleure la sentēce de ceux qui tiennēt q la mer est la source & principe de tous humides, & de toute eau, & de laquelle elle sort & y rētre de rechef: iacoit que Platon aye tenu q les fontaines d'où la mer sourt sont les racines de la terre, à cause qu'il estimoit l'abisme estre sous terre, & iceluy principe, & commencement & de la mer, & des riuieres: leq̃l cōbien s'esloigne du vulgaire, on le peut recueillir par l'aprophe que fait son dire des parolles de la philosophie de Moysé, lors qu'il parla de l'estendue des eaux & d'icelles qui estoient & dessus, & dessous, lesquelles Dieu separa d'esemble, qui en est le faēteur, cōme de toute autre chose: & ainsi est an-

Philosophes ont iadis estimé l'eau principe de tout. voy Plutarq. De placitis philoso. Laerce en la vie de Thalé.

Genesé 2.

Que signifie le fleue au milieu d'Eden.

Ne faut s'enquerir si auāt des secrets de Dieu.

Le Vesue se nomme mont de Senné: & la perit iadis Pline.

Platon au Phaedon semble suivre Moysé.

Genesé 1. Folle opinion d'Empedocle.

LIVRE QUATRIESME

nullée l'opinion de ce fol Empedocle, (qui pour se deifier se precipita dás le Mongibel) lequel tient que la mer est engendrée de la terre, comme estant sa sueur, & le pense auoir assez prouué, amenât le goust salé d'icelle, & qui se raporte à l'aigreur & amertume de la qualité de cest excrement, ainsi qu'est la sueur au corps de l'hóme. Mais toutes ces diuersitez laissées il fault venir, & au plus receu & à ce que l'experience nous en fait iuger, & à la verité mesme prise de la sainte escriture, & là arrestez pourfuiurós les fluz & reflux de la mer, esquels il faut considerer à bien manier les choses comme bon naturaliste, & la chose, & la cause, & forme ou effect d'icelle: quât à la chose, il n'y a si simple, qui ne sçache bié que le fluz de la mer est vne redódance, & surcroist d'eau, qui ores va en accroissant, & soudain se retire, de sorte q le haure ou port, qui estoit naguere tout chargé d'ondes, demeure tout à sec, tout ainsi, q si l'eau n'y auoit fait aucun aproche: cecy aduenât qlquefois sans vêt, afin qu'o n'e voulut point rapporter la cause au vêt, côme effect de telle abódance. Veu q la cause materielle est la vapeur, qui espaisist ou subtilie, & rēd rares les eaux, & seló ceste espaisseur, ou rarité, la mer sent le plus ou moins de mouuémēt, entât que tāt plus l'eau est espaisie & grossiere d'humeurs, de tāt aussi elle est mois apte aux esmotiós du fluz, ausqelles se monstre subiette celle qui est subtile, rare, & qui de son naturel se laisse manier facilement, entant que les vents qui s'engēdrent en elle causent ceste alteratió si vehemente. Et n'en veux argumēt plus naïf, ou meilleur que le iugemēt des hommes de bon sens, qui en ce royaume, ont voyagé sur les riuieres de Gaule, telles q sont la Seine, le Rhosne, Garóne & le Loire: ausquels ie demáderoy volótiērs en qlle de ces riuieres ilz ont le plus experimēté de hazards & perils pour les Bourrasques, & impetuositēz fascheuses des vêts: & m'assure, q la respóce que i'e tireray ne sera autre sinó q les fleuues les plus subtils, tels que sont le Rhosne, Garonne, Durance, & le Loire sont aussi le plus exposez au vent, & les plus fascheux à nauiguer, que la Seine, le Rhin, ou le Danube, qui sont solides, espais, boueux, & engrossis d'humeurs. Et sous ce iugement il faudra lier la mer en ses fluz & reflux, sur le plus, ou sur le moins avec la condition de la terre à laquelle elle auoisine: & ce aussi bien en l'accroist & decroist, que les choses sont considerées en la couleur, entant que le rebat du soleil cause par accident que l'eau apparoit tainte de quelque couleur à laquelle elle n'a aucune conuenance: ainsi qu'on voit de la mer noire en celle estéduē d'eaux qui porte le nom de mer Maiour éz Scythes, de la mer rouge tant chantée par tous historiens & sacrez, & profanes, & la mer de lait, & verte qui ont esté notées par les sages & accorts pilotes de nostre temps: esquelles les bords & rebats de la veuē, & des rays solaires obiettez ensemble causent tout cecy: en la mer noire l'obscurté pour estre la coste haute, & boscageuse, & paraini fort sombre, ainsi que vous experimētez éz petits fleuues, auoisinez des boys, qui monstrent aux nauigans leur eau toute noire, & tenebreuse: & en la mer rouge les sablons & arcines ayans pareille impressiō, comme en la Praffoide le verd y sert d'obiet, ainsi qu'en la blanche, les sablons blancs d'Ethiopie luy donnent ce tiltre: & ainsi & l'accroist, & decroist, & la couleur, se raportēt à l'assiette:

Ce qui est à considerer au fluz, & reflux de la mer.

Qui est la cause materielle du fluz.

La difference des eaux cause les mouuémēs ou tardineté du cours.

Fleumes soudains, au pesans.

Causes des couleurs de la mer.

Mais le flux fault que aye quelq autre cause plus subtile, & qui se raporte aux corps celestes, veu q sans cela il seroit impossible q avec si grãde certitude de tẽps elle fluast, ou refluxast ordinairement, ainsi qu'on la voit faire. Aristote, qui a estẽ vn des plus grãs, & diligẽs chercheurs des causes naturelles q pas vn des philosophes tãt anciẽs, q modernes, à dit q la cause qui fait ces flux de la mer est la matiere des vents cõtenuz, & enclos sous terre, laq̃lle force les ondes marines pour tascher de sortir hors de son emprisonnemẽt, & sortie q elle est, derechef l'eau sẽ reua, & retourne en sa place. Iacõit q ceste raison semble auoir q̃lque verisimilitude, si est-ce que le tẽps prefix, & limitẽ q on voit en cecy y fait cognoistre quelque autre cas, veu q c'est tous les iours que cela aduient à heures certaines, & de moys en moys, on en cognoit l'accroist plus grand vne fois q l'autre. Et ainsi à bien parler, & suyuant ce q seldẽ le cours naturel on en peut iuger, la cause pl^{us} forte & principale de ce cours, & recours est le mouuemẽt de la Lune: D'autant que, tout ainsi que le soleil, qui est le cœur du monde, fait euidente preuue de ses forces en ce qui est chaut, la Lune de mẽme en vñẽz corps qui sont humides: veu que elle montant sur l'Hemisphẽre de quelque region maritime, elle va rebatant, & lançant ses rayons en la mer, & avec celle clartẽ que elle tient, & emprunte du soleil eschaufant ce que elle illumine, espend, & eslargist les exhalations meslẽes ensemble par le corps, & ondes de la mer, qui causent son accroissance, & la forcent de s'engrossir & enfler lors que ces vapeurs veulent sortir attirẽes par la Lune. Ainsi lors que la Lune est tendre, & nouuelle, la mer s'enfle petit à petit iusque au premier cartier d'icelle, & lors elle va en accroissant d'auantage, & plus quand ce vient que elle est du tout au plein: mais la chaleur Lunaire allant en diminution, & n'ayant plus force d'esueiller les vapeurs encloses dans l'encloz des eaux, la mer se desenfle, & reuiẽt à son cours ordinaire. Et ceste force de cest Astre est non seulement contemplẽe enuers la mer, ains à ses effectz encor à l'ẽdroit de tous les corps, & animaux, & vegetables en ce qui est de l'humeur, entant que elle croissant ils croissent, & decroissent par la diminution. Bien est vray que toutes mers, en tous lieux ne s'enflent point, ou decroissent esgalement, ny de pareille vehẽmence, soit que cela vienne des autres corps celestes, ou de la nature de l'eau à cause de la terre qui l'auoisine: veu que il n'y a des mers qui sont plus pures les vnes que les autres: de sorte que en plusieurs endroits elle croist, & decroist deux fois le iour, ainsi que en aduient ordinairement à Bordeaux l'une fois plustost, l'autre plus tard, mais toutesfois ne failant iamais la marẽe de monter & descendre toutes les vingt & quatre heures deux fois, à quoy fault confesser que outre la force des corps du Ciel, aydent beaucoup les vapeurs, & exhalations qui sont sous l'eau la plus crasseuse, & grossiere, & les ventz enclos, & sur tout durant les ardeurs de la Canicule, ainsi que on en voit l'experience en ces courantes enflẽes, & venteuses, qui regnent tous les ans le long du canal de mer qui est entre Bordeaux, & Libourne, que les habitans du pays apellent Mascaret, qui sont des plus espouuentables Bourrasques que homme puisse guere imaginer.

Les vñẽs cause du flux de la mer selon Aristote.

La Lune cause du flux, & la raison pourquoy.

Difference des eaux en la vehẽmence du flux.

Mascaret, & courantes de Libourne en quel temps est en fureur.

LIVRE QUATRIESME

*L'océan & mer
de Levant diffé-
rents en cours.*

Tout cecy considéré, & veu ce que i'ay desia proposé suiuant l'aduis des Philosophes en ce qui est du fluz & reflux regy par la Lune, encore n'est-ce pas tout considéré, qui ne passe plus auant, veu qu'il y a bien grâde difference de ce qui se passe en la mer Oceane, & des cours reciproquans en la Mediterranée: veu que si vous cõtenez ce qui se passe en la course de l'vne & de l'autre, vous verrez que dèz le destroit de Gibraltar, qui avec l'estressiffure de sa bouche, separe l'Ocean de la Mediterranée, toute celle campagne salée qui tend vers le Leuât, & regarde l'Asie, Europe, & Afrique: on ne voit guere grand fluz ny reflux, & si la mer s'enfle quelque peu plus que de coustume, cela aduient par l'occasiõ de quelque grand orage, & fortune, laquelle cessant, les ondes ne faillent de retourner aussi tost en leur premier estat. Mais depuis le destroit susdit tirant le long de l'Ocean soit sur les costes d'Afrique, ou le long des haures d'Europe, on voit de grands fluz & reflux, ainsi qu'en peuuent iuger ceux qui ont couru fortune le long des costes de l'Andalusie, Portugal, Gallice, les Astures, Biscaie, Bretagne, Normandie, Angleterre, Flandres, & Germanie. Or d'autant que nous auons parlé de la diuersité en general du fluz, & reflux soit en l'Océa, ou en la Mediterranée, il fault specifier cecy par les menus, & voir q̃ la reigle n'y est point generale, & que l'Océa mesme est alteré en cecy, qu'en plusieurs endroits il est aussi calme presque que la mer de Levant: & d'autant que nous disputons plus avec l'experience, que par la force des raisons cy dessus mises en auant, aussi fault-il suiure ceux qui ont veu cest effait de la nature, laquelle est merueilleuse en ses œuures, & qui nous ont laissé par escrit ce que l'espere vous trousser en peu de parolle, sur la diuersité de ces choses en la mesme estenduë du grand Ocean.

*Gonçal Oniede.
lin. 2. ch. 10.*

Cest expert Seigneur Gonçal d'Oniede qui a fait l'histoire des Indes, & qui l'a dediée au grand Empereur Charles cinquiesme, parlant en bon clerc, & par le iugement de la veuë, comme celuy qui a arpenté presque tout l'Ocean, dit que èz terres voisines de l'Ocean, & lesquelles nous auons ia nommées, le fluz y est ainsi vehement que i'ay décrit estre à Bordeaux, & autres lieux tant de France que des Espagnes qui regardent le Nord, ou Tramontane: mais affin qu'on ne voulut tourner en consequence, & necessité que tout l'Ocean fut suiet à ce fluement, & refluxement, & que l'estoile du Nord y eust quelque forcè plus grande, il dit que vers les isles Canaries, & en toutes celles qui sont èz Indes Occidentales desquelles nous parlerons (Dieu aydant) cy apres, & lesquelles regardent le plus le Septentrion, le fluz y est aussi peu apparent que on le voit estre en Italie, & presque rien, qui prendra esgard, à ce qui aduient à l'Ocean, qui flue le long des costes de Bretagne, Normandie, Flandres, & Angleterre. Là où en l'Ocean mesme le fluz, & reflux est fort vehement le long des costes de terre ferme des Indes Occidentales qui tirèt & regardent vers le Midy, ou vers l'Occident: & racompte vne chose qui n'est à mespriser: En la Castille ditte de l'or y a vne estressiffure de terre seruant de barriere à la mer de Midy, & celle de Septentrion, l'vne tirant vers le pays Bresilien, & l'autre prenant visée vers la Floride: & ce peu d'espace de continent ne scauroit auoir douze lieues de

*L'Ocean mesme
sans fluz, contre
l'opinion cõmune.*

*Destroit de terre
de la Castille èz
Indes d'Occidēt.*

large, neantmoins en ce peu de distance, & tout cecy n'estant qu'un, & meisme Ocean on voit ceste grande difference que ie vous ay dit, touchât le plus ou moins de l'engroffissement des ondes, en quoy le diligent lecteur prendra esgard, & admirera le facteur de la nature qui se monstre si admirable en tout ce qu'il luy plaist de faire, qu'il est impossible à entendement humain de comprendre ses secretz.

Pline liure. 1.

Ie sçay que Pline, qui s'est efforcé de rendre raison de toutes choses se tourmente fort sur ceste question de l'accroist, & décroist de la mer, en attribuant la cause au soleil, & à la Lune discourant longuement, & en sçauant homme sur le cours de ces Planettes: & n'ignore pas qu'il ne donne un plus grand mouuement à l'Ocean qu'à la mer mediterrannée, amenant pour sa raison qu'il à plus d'effort cõtèplé en son tout, qu'en vne partie, & qu'estant de plus grand'estendue, les astres aussi y peuuent mieux lancer leurs rays, & departir leurs influences: mais ces raisons sont fort froides en ce que vous voyez desia, comme en l'Ocean un lieu manque de fluz que fort rare, & en l'autre il y est espouuentablement fascheux, & se desbordant outre mesure. Mais pour se couurir de ce coup, il s'arme sur le naistre des planettes en diuers temps les vns des autres, causant la difference de ces accroists en diuers lieux: puis abaissant ses ergotz donne des particuliers naturelz & mouuemens à l'eau selon les lieux, & cõtées, ainsi qu'en aduient à l'isle de Negropont en cest Euripe, & furieux muglemēt des ondes ou la mer flue, & flue sept fois pour chascun iour, la raison de quoy Aristote quelque grand que fut, ne peut iamais comprendre, entant qu'elle surpassoit le commun cours de la nature. Et iacoit que tout ce que Pline dit, soit fort notable, si ne peux-je comprendre qu'en si peu d'espace de país qu'il à des les citez de Nom de Dieu, & Panama en la nouuelle Castille de l'Occident l'une regardant le Nord, & l'autre le midy, le Soleil ny la Lune puissent causer en l'un costé vne grand furie de l'Ocean en s'enflant, & diminuant, & en l'autre n'y ayant aucune vehemēce, celui qui est austral ayant les flortz estrangement esmeuz, & le septentrional estant presque sans aucune force, à tout le moins qui paroisse pour en faire grand compte, & pour l'assuiettir à la generalité proposée par Pline.

Estrange fluz du Canal de Negropont.

Mais de dire que quelque partie du monde aye ceste particuliere affection & mouuement naturel, & à elle propre ie n'y voy guere grand fondemēt, plustost accorderay-je que le plant, & assiette des lieux cause cecy, ainsi qu'il en aduient es courātes, veu qu'estant les lieux estroitz, & la mer ayant de grandes vapeurs & exhalations, & icelles poussées du vent, ne fault festonner si l'on en sent la vehemence: & de cecy ie ne veux autre philosophie que la preuue qui s'en fait par la veuē, entāt que ceux qui ont passé le Bosphore de Thrace sçauent bien que l'estressure du Canal, la hauteur des bordz, & l'aport des vagues de la mer maiour entrant en l'Hellespont, sont cause de ce grand rauage, & mouuement perilleux des ondes, la hastiuerē desquelles estant grande, & furieuse, & les lieux estroits causent que ne pouuās s'exhaler, & vomir leurs vapeurs, ces fluz & refluz se font plus vehemens, ce qu'encor nous trouuons par escrit de ce grand destroit de Magellan, ou la mer de Ponāt s'escoule au Leuant, & les cou-

LIVRE QUATRIESME

La forme & affiette des lieux cause la vehemence des fluz.

rantés qui sont au Goulphe, s'estendant dès le pais Mexique, iusques à la Prouince Françoisé de la Floride. Et ainsi il fault venir là, que cecy procede plus de la forme & assiette des lieux pour estre haultz, & estroitz, & tenans les vents pressezz, & comme emprisonnez, & les vapeurs encloses, tellement qu'elles voulant sortir, & trouuant resistance, fault que engendrent ceste esmotion en la mer, non que pour cela ie vueille nier que le cours Lunaire n'y puisse beaucoup, veu qu'en la generalité nous en voyons les effaitz, toutesfois n'accorde-ie point qu'és vehemens particulieres, l'effort vient aussi d'ailleur que des influéces des astres, ioint que (comme i'ay dit) la subtilité ou espaisseur des eaux peut beaucoup en ceste matiere. Et si ces raisons ne sont suffisantes avec vn petit mot, nous pourrons souldre toute la question qui est, que c'est Dieu, qui en dispose ainsi que bon luy semble, & en fait selon son plaisir, & pour monstrier sa puissance laquelle est incomprehensible. Et ainsi ayans dit ce que nous pouuons, il fault qu'on nous excuse, & à nous c'est de louer dieu, qui luy a pleu nous ayder de sa grace, & nous communiquer raison, sinon parfaicte à tout le moins qui aproche de la preuue, & verité de la chose proposée: nous arrestans sur le conseil du sage & grand Apostre, qui nous admoneste de ne sçauoir plus que de raison, & de n'estendre plus hault nostre volée, que la modestie Chrestienne ne le souffre ou permet. Voila quant au fluz & reflux: reste à parler vn petit mot des courantes, à fin que le lecteur en oyant quelque mot en lisant nostre œuue il se souuienne l'auoir leu, & sçache quelle chose est celle de laquelle il entend faire mention.

Des courantes en mer.

Les courantes donc sont toutes contraires au fluz soit en vehemence, cours, & origine entant qu'elles empeschent estrangement le nauigage, & à peine se laissent vaincre à force quelconque de rames, leur cours n'ayant point de retour, ains allant tousiours de hault en bas, & poursuuiuant leur pointe, ny ayant naissance ou du lieu, ou des vapeurs, ny des influences des planettes. Les opinions estans differentes sur la cause de ces eaux, & leur origine difficilement aussi en peut on donner certaine resolution, neantmoins chascun abondant en son sens, & ayant quelque raison pour l'establissement de son dire peut aussi en parler, non comme en decidant en fol iuge sans aduis, mais comme declairant sa sentence pour se soumettre au iugement des plus sages, expertz, & qui ont sauouré l'effect de la nature. Or fault il voir quel il fait en tous les haures de Leuant, ou Ponant és Indes Occidentales, où ces courantes ont le plus de force, & sçauoir les lieux plus bas, & plus haults, d'autant que par ceste consideration nous verrons que la partie de la mer allant le plus en baissant, est celle qui souffre aussi le plus de ces courantes: & qu'il soit vray, qu'on lyse ce que les expertz Pilotes ont escrit du destroit Magellanique, & verrons que l'eau y allant d'vne course tref-roide est ainsi poussée pour aller en panchant & le lieu plus bas & profond, attirant à soy d'vn grand effort les ondes: & c'est pourquoy de plusieurs vaisseaux que Magellan y conduit, à grand peine s'en peut il sauuer vn ou deux, pour porter les nouuelles de sa ruine.

D'où sont causées les courantes.

Et pour vn exemple plus familier, qu'on voye avec quelle furie les ondes de la mer Maiour descendent en la Mediterranée, & considerans que la partie Boreale est la plus haulte du Globe, & le pont Euxin estant tout Septentrional, cause ces courantes, pource qu'il va fort en descendant lors qu'il entre la mediterrannée : ce qu'écote on peut iuger par l'embouchement que font les riuieres en mer, lesquelles y entrans comme poulées de quelque hault precipice font reculer l'eau marine & causent vne estrange agitation d'ondes es lieux où ainsi elles s'engoulphent. Noz François qui ont fait le voyage de la Floride, sçauent bien combien sont perilleuses les courantes qui sont entre la Floride, & les Isles des terres neuues à qui veut prendre la route du Mexique, où la mer tirant du Nord au midy va en baissant, & les eaux y roulans d'une furie plus grande & impetueuse à cause de leur descente. Et à fin que ie ne vous tienne trop longuement, & qu'il ne semble que ie m'aheurte du tout en ceste opinion, ie vous en deduiray encore d'autres que chascun choisira à son plaisir & fantaisie. Aucuns ne voulans confesser que ce qui vient du Nord aye la hauteur telle que ie dis, & comme si la mer estoit vne longue & perpetuelle planure, pensent quen ces lieux de la terre, où ilz ont voyagé en cest Occident, qui vont en estreffissant entre la mer de Septentrion, & Pacifique y a des cauernes, & grottes fort profondes, qui vomissant l'abondance des eaux souterraines, les gettent ainsi furieusement de l'une mer en l'autre, & lesquelles prenans le tour vers le Leuant causent ces courantes, & que ce roüement & tour vienne de la force du mouuement du Soleil : d'autres aprochans de nostre dire en raportent l'occasion à l'auoisinement de vne infinité d'Isles qui causent que l'angoisse qu'ont les eaux en descendant, font & créent la furie de ces dangereuses courantes : mais d'autres sont plus exorbitans, qui sans grande raison imaginent que ces eaux qui sont le long de la Floride en lieu de prendre leur voyage vers le pais Austral, ainsi que l'art le monstre, aillent en montant se rendre vers le coing Septentrional, non encore veu ny descouuert, & lequel (comme j'ay dit) se ioint avec l'Europe.

Courantes perilleuses entre la Floride & le pais du Mexique.

Diuerses causes des courantes.

De toutes ces raisons le diligent, & ingenieux lecteur choisira laquelle lui luy plaira le mieux : me suffisant de luy auoir ainsi espluché les matieres, & les doubtes des choses qui nous pourront estre présentées en discourant de nostre monde nouveau, & quatriesme partie de la terre, de laquelle desormais il sera temps de parler, & en deschiffrer, les peuples, & leurs coustumes.

LIVRE QUATRIESME.

*Des terres de labour, ou Labrador, Bacaleos & Isles voisines, avec les mœurs,
& façons de vie des peuples qui y habitent, & par qui elles furent pre-
mierement descouuertes. Chapitre. 2.*

*Le profit conduit
l'homme à navi-
guer.*



Il'on eust senty aussi grand profit à la descouuerte des parties Boreales qu'on a trouué de commoditez & au Leuant, & au Midy, & sur l'Occident c'est sans aucun doubte que les hommes y eussent penetré au grand hazard, & peril de leurs personnes, eu esgard à celle execrable faim, & insatiable apetit des homes qui les conduit à engloutir les richesses, comme si c'estoit le poinct où gist leur souveraine felicité : de

forte qu'entre tant d'hommes qui de nostre temps ont trauerse l'Ocean, de l'un bout presque à l'autre, sans se soucier ny de frais, ny du trauail, à grand peine en trouueriez vous quatre ou cinq qui ayent tasché de descourir les terres qui tirét au Nord, & qui auoisiñet l'Artique en la circonférence qui descend du Septentrion à l'Occidēt, & encore ceux qui y ont passé, se sont monstrez si peu diligens, que de n'escire que comme en songeant les mœurs des peuples qui y habitent. Or sçay-ie que les Portugais, & Espaignolz sy sont penez autant ou plus que nation qui viue, les vns pour penser trouuer destroit qui doublast vers le Ponant, pour de là auoir le chemin plus aisé, & court, pour faire le voyage des Moluques : leur estant vn grand, & infiny trauail de courir toute la coste d'Afrique, d'environner toutes les indes, & trauerfer presque toute la longitude de l'univers, pour passer en ce nombre infiny d'Isles tant recommandées des Moluques : les autres y ont aussi trauaillé, enuias la fortune des autres qui sont venuz sy arrester, telz que sont les François, qui sans se soucier que hōnestement de l'or, ont eu pitié du peuple de ces contrées, non si cruel qu'on le paint, iagoit qu'il se raporte (comme i'ay dit) à noz Européens de Laponie, & Scricfinie sur les parties plus septentrionales, & qui auant les Espaignolz sy sont arrestez, & y ont basti des hameaux, & des fortrefes. Et à fin que ie ne semble par trop flater les nostres, ny tordre le nez à l'histoire, qui veut estre traitée veritablement, il fault voir briefuement à qui la gloire de la descouuerte de ce país Boreal est deuë, qui ne doit estre rapportée ny à l'Espaignol, Portugais, ou François : veu que Iean Scoluue Polonois, y passa dez l'an de nostre salut, 1476. long temps au parauāt que iamais les Roys Catholiques, ny Portugais eussent enuoyé Colób, ou vespuce à visiter les terres estranges : lequel seigneur Polonois trauerfant la mer de Noruege, & les Isles d'Engrouland, Thilé, & autres incogneüs, vint au destroit qu'on dit Artique, & opposé droittement à celuy qui est es parties Australes de Magellan. Long temps apres cestui cy personne ne passa si auant, d'autant qu'encore on ne fesoit adextré à la cognoissance de l'art marin, & que le desir de gloire n'esguillonnoit de tant noz peres pour aller planter leur memoire parmy les nations estranges. Or apres que & Colomb, & Vespuce eurent descouuert les país desquelz nous parlerons cy apres, & que desia les Indes Orientales estoient comme le

lieu

*Pourquoy les Por-
tugais & Espai-
gnolz ont cherché
les terres septen-
trionales.*

*Iean Scoluue Po-
lonois premier, qui
descourrit les ter-
res neuues.*

*Colomb, & Ve-
spuce grands ma-
riniers.*

lieu du magasin de noz Occidentaux, qui y alloÿt non par la mer rouge cōme iadis les Venitiens, ou par le païs Persan, mais ayās descouuert tout ce qui restoit à estre veu & cogneu d'Afrique, & des parties Oriētales des Indes, il y eust vn Portugais nommé Gaspard de Cortereal, lequel en l'an 1500. avec deux Carauelles penetra iusqu'à celle partie du monde vers le Nord, qui se rencōtre à ce qui est habitē de nostre Europe pēsant trouuer chemin pour aller à l'espicerie, & pour fuyr aux incōmoditez de la longueur, & aux perils qu'il falloit passer, & sous l'equateur, & vers le pol Antartique, lors qu'il falloit doubler au cap de bonne Esperance, ayāt ce gail-lard Pilote, & bō Capitaine, ce iugement que les Moluques estāt plus du Ponant que Leuantes, on pourroit plus facilement y passer du costē du Septentrion, que par la course qu'il leur cōuenoit faire. Cestuy donc ayāt couru le lōg de l'Océā, iusqu'à penetrer plus outre q̄ ne portēt les climatz imaginez par les anciēs vint à 60. degrez de latitude en vn païs incogneu & qu'il trouua estrāgemēt froidureux, caillé de glace, & chargé de neiges, & où les riuieres n'estoiēt point nauigables à cause qu'elles estoiēt endurcies de la glace. Nō pourāt laissa il de mettre pied à terre, dōnant le nom à ce fleuve premier descouuert de Rio Neuado, qui signifie fleuve de Nege, & veit le païs bien peuplé & habitē de toutes partz, nō sans s'en esmerueiller à bō esciēt, veu la cōmune opiniō des sages, qui estimoiēt que souz le pole aucū ne peut habiter, à cause de la vehemēce des froidures. Or ce païs est celuy qu'ō a depuis appellē la regiō du Laboureur (en Espai nol Terra d'y Labrador) de Baccalos, & la nouuelle France, où les hommes sont grādz, biē proportiōnez, mais aucunemēt bruns & noirastrs, & qui se paignēt la face, & tout le corps de diuerses couleurs pour galātise, estimās estre plus beaux en ceste sorte. Or pēse-ie que s'ilz sont noirastrs, ce n'est pas l'ardeur du soleil qui en est cause, veu les rigueurs du froid qui les assaillent, estans droittement souz les rayons de l'Ourse froidureuse, mais que ce sont ces couleurs, qui abreuūās leur cuir les noircist ainsi, cōme l'experience s'en peut voir en ceux q̄ nous voyōs par deça courir p̄ tout souz le nom & tiltre d'Egyptiēs. Ces gēs encor se parēt de certains braceletz d'argēt, & de cuiure, car l'or ne leur est guere cogneu, nō plus qu'ō n'e trouue guere es mines du Septētrion, & sont vestuz de peaux de Martres, & autres animaux qu'ilz cousent ensemble pour sē couurir, ayās ceste discretiō qu'e hyuer ils portēt le poil au dedās, & cōtre leur chair, & l'estē tout au cōtraire, mettās le poil dehors, & la chair qui rafreschist aussi leur charnure. Regardez biē ce qui est escrit des peuples Boreaux de nostre Europe, & vous cognoistrez cōbien ceux cy raportent à leurs façōs de faire, soit au viure, soit au mager, & vestir tellemēt qu'ou ilz sont de mesme païs ou les vns sont descēduz des autres. Ce qui est assez vray-sēblable à prouuer, veu q̄ lors que les Espaignolz furēt au Mexique, & tirāt vers la Floride il y eut vn Roy nōmé Montezuma, qui leur dit, lors qu'ō luy preschoit la foy Chrestienne, qu'ilz auoiēt l'adoratiō de leurs dieux de leurs ancestres & qu'ils n'estoiēt habitans de ce païs, ains y estoient venuz d'ailleurs: qui me fait pēser q̄ se raportās aux susditz de l'Europe, ils estoiēt ou de la Borthnie, Scricfinie, ou Biarmie, ou q̄ les anciēs Insulaires de la grād Bretagne

Gaspard de Cortereal, Portugais descouure le pays de Labrador.

Rio Neuado en Labrador.

Quelz sont les homes de Labrador.

Vestemēs des homes septētrionaux

Monte-Zuma se dit estre descendu d'ailleurs quo du pays ou il estoit Roy.

LIVRE QUATRIÈME

fy sauuerēt, chassez par les Danoys de leur terre: Car il n'est pas vrai-semblable, q̄ les histoires des Septentrionaux estās pleines de leurs courses, & cōme ils fussēt tousiours sur mer vagās pour descharger leur terre de peuple, qu'ils ne peuplassēt ce païs, & isles voisines, veu q̄ il ne se trouue point qu'ilz se soiēt arrestez en aucune cōtrée d'Europe, iusqu'à tāt q̄ les Danois passerēt en Angleterre, & que les Normādz vindrēt rauager la Neustrie. Les viures plus frequēs de ce peuple sont les poissōns, desquelz il se farcif-
sent le vêtre plus que d'autre chose, & sur tout les Saumons leur viennent à grē, tant pour en estre bō le goust, que d'autant que facilement ilz en recourent, à cause de la grād abondāce qu'en nourrist la mer en toutes ces contrées: & encor qu'ils ayēt quantité d'oiseaux, & de fruitz de diuerses sortes, si ne se paissent ils d'autre viande que du poisson, si ce ne sont ceux qui sont Antropophages, lesquelz prēnent curée des estrāgers qu'ilz peu-
uent empoigner. Leurs maisons ne sont ny grādes, ny magnifiques, cōme ceux qui ne les dresent que de quelques perches de boys, & les appuyent de force cheurōs & tables, cōme ceux qui ont des forestz, & boys de haute fustaye & grandz & spacieux, aussi bien que ceux qui se tiennent souz l'Antartique, & couurent leurs loges, non de tuiles n'en ayans ny l'usage, ny l'industrie, & inuētion, ny de fouërre, ou chaulme, n'vās d'aucūs bledz pour leur vie, ains de peaux de poissōns qu'ilz escorchent, telz que sont les veaux, Loups, & chiens marins, & infinis autres animaux monstrueux que la mer leur fournit pour leurs necessitez. Ceux qui y descendirent les premiers, n'ayant penetré guere auant en plat païs, ny gousté les mœurs du peuple, ne sceurent autre cas escrire de leurs façons de faire sinon dire qu'ilz estoient estrangeiment cruelz, hommes vaillans, hardis, & puissans, & mesmement en Canada, & Labrador, veu qu'un certain Florentin nō-
mé Iean de Verazzan y estant passé, & ayant pris terre enuiron l'an 1524 avec quelques vns de sa troupe, fut aussi tost taillé en pieces, luy & ses gēs par les Barbares, qui à la veuē de ceux qui estoient aux vaisseaux, les rosti-
rent, & en prindrent curée. Ceste troupe se faisoit forte de s'arrestier là, & y bastir quelque fort pour voir le pays beau, & fertile, l'air serain & salutaire, les riuieres fort belles, & qui entrās en mer, seruiroiet d'abry aux Chre-
stiens y abordans, & la terre propre à estre cultiuee. Ce Florentin descri-
uant ce peuple, en parle ainsi: Ces hommes vont tous nuds, sauf qu'ils por-
tent leurs parties honteuses couuertes de peaux semblables aux Martes, & ceints d'une ceinture d'herbes bien tissue, & fort estroite, enlacée avec le poil de queuēs de plusieurs animaux tout autour de leur corps, & qui leur vont pēdant iusqu'aux genoulx: & aucūs d'eux portent des chapeaux & guirlandes de plumes d'oiseaux faites avec vne grande gentillesse, & subtil artifice. Leurs cheueux sont noirs, fort espais, & toutesfois courtz, & lesquelz ilz lient tous ensemble sur la teste, & faitz tout ainsi que les valets d'estable accoustrent les queuēs de noz cheuaux, leur semblant que ceste parure leur donne bonne grace, & les rēde plus beaux & gentils. Ils sont de stature moyēne, mais un peu plus grād que nous ne sommes par deçā, bien formez & proportionnez, ayans l'estomach large, les bras fortz & nerueux, les iambes bien faites, & qui n'ont aucun default en la liaison,

*Abondance de
Saumons en terre
de Labrador.*

*Bastimens de ce
pays septentrional.*

*Cruauté des Bar-
bares en Labra-
dor, & Canada.*

*Iean Verazzan
descriit les Barba-
res Canadiens.*

& composition de leurs corps, sauf qu'ils ont le visage vn peu trop large, quoy que non tous: entant que plusieurs ont vn pourfil bien ageancé en la face, les yeux noirs, & grandz, le regard asseuré, & soudain: & sont debiles & foibles de force, d'esprit gentil, & fort subtil, dispositz de leur personne, & des meilleurs, & plus legers à la course: l'on sçache: Or cest auteur dit que ces gens se raportent fort aux Orientaux, & sur tout à ceux qui sont les plus loing d'entre les nations leuantines, telz que sont ceux de la regiõ de la Chine & Royaume de Mâgi, duquel autõs parlé cy dessus. Les bordz de la mer en ces cartiers est chargé d'areine, & sablon fort menu, & va tousiours en môtant, & cõme s'estendant en vne petite colline: & nauigât on trouue assez de riuieres d'eau douce, & des bras, & canaux de mer qui arrousent le païs, & qui seruent de haures pour y aborder: & si lon passe outre on voit la terre spacieuse & large, ayant de belles, & fertiles cãpaignes, & grandes pleines reuestues de forestz amples, longues & touffues, & où la diuersité des arbres donne vn contentement à la veuë si grand, qu'il est hors de la puissance d'aucun homme d'en exprimer le plaisir, & grandes delices. Je feroý cõscience d'ajouter foy à ceste narration, veu que le Septentrion, & mesme vers les parties plus proches & exposées à l'Oursé, n'est point pour porter vne face si plaisante, & delicieuse, n'estoit que celui qui fait ce discours, dit que par la circõference du Globe il connoissoit que ceste terre participoit de l'Orient, & que la couleur mesme en donnoit assez d'apparence, & aussi la serenité de l'air, iãçoit qu'il soit entremeslé de quelque froidure: neantmoins les vents n'y sont violents ny impetueux, & silz soufflent avec force, cela aduient sur le commencement de l'Esté. Au reste en celle saison estiuale il n'y pleut guere souuent, & si le ciel y vient nuageux, cela ne dure guere longuement: & pour preuue de la serenité, & du peu de vehemence des vents, & que la terre ny est trop haulte, la mer y court assez paisible, & sans estre trop furieuse, ny ondoyante, & pleine de flotz dãgereux, voire les haures tendãs en bas, & le païs estant peu portueux, si est-ce qu'ilz ne sont fascheux pour les nauigans qui y abordent, entant que les rochers, bancz, & escueilz ne leur donnent aucune incommodité, toutesfois pour y auoir si peu de portz, si ceste infortune acompaignoit la coste, elle seroit du tout hors de l'heur que iamais homme y peut prendre terre. Les habitans de Labrador, cõme dit est sont cruelz, & là, & par toute celle coste, iusqu'au Mexique, les Espaignolz n'y sont guere aymez, comme ceux qu'on à souuent estrillez, & le cemitiere desquelz est reputé d'estre à la Floride. Et d'autant que les contrées sont diuerses, les mœurs aussi des hõmes ne fault s'esbahir si ont quelque variété ensemble, veu que le susdit Verazzan escriuant au grand Roy François premier de ce nom, luy dit, que s'esloignant du pol Artique, & aprochant nostre Tropique, comme il fut sur presque mesme hauteur, & eleuation que peut estre la France, sur le recourbement de mer, qui va vers la Floride, il veit le peuple plus blanc que les precedants, & non si farouche, se vestant de feillardz entretissuz, & enuelopant ses cheueux ainfi que le reste des Canadiës: & vsant de bateaux faitz d'vne seule piece qui sont leurs Canoës, ainfi que sont encor tous les sauuages tant du Mexique, des Cari-

*Ce pays est plus
doux que le reste
du Septentrion.*

LIVRE QUATRIESME.

bes que de l'Amerique. En ces catiers là, bien qu'ilz bastissent de la façon que les autres plus Septentrionaux, à sçauoir de boys, & feillardz pour se garder du froid, si en y a il neâtmoins, qui dormét, & logét à l'ôbre & enseigne du beau croissant de la Lune, à laquelle on a cogneu depuis qu'ilz font grâd hôneur & reueréce tout ainsi encor qu'ilz en vsent à l'édroit du Soleil ausquelz ils sacrifiét, en quelle sorte i'espere vous le deduire: mais q nous soyons sur le propos de l'histoire des mœurs de ceux de la Floride.

Isle nommée Loïse.

Verazzan cōtinuât son chemin par l'Ocean, ne pouuât mettre pied à terre, ou n'osant de crainte de ces Barbares, nō encor apriuoise, ainsi q depuis les François les ont réduz acostables, descourist vne isle, où il vint surgir, & laquelle il dit estre de la grâdeur de Rhodes, mais plus belle, & fertile, & laquelle il nomma du nom de Madame Loïse de Sauoye mere du Roy François de laq̃lle n'ayâs rié leu en autre liures, qu'ez memoires de ce Floré tin, ie pēseroy fascher le lecteur si ie m'arrestoy à la descrire, ainsi q cestuy l'effigie, mais ie paindray le cōtinēt qui est à 15. lieues de laditte isle, lequel

*Terre de Bacaleoz
a les hommes
fortz grandz.*

par ce qu'o peut cōiecturer est le mēme païs de Canada, mis entre Labrador, & la Floride, & qui cōprend sous soy le Baccaleoz: où les hōmes sont grands à merueilles, assez blancz, & qui ont & portent les cheveux fort longs, & lesquelz ils atissent, & ageacent avec vn fort grand artifice, & si bien formez, qu'il semble que la nature se soit estudiée à les faire bien mesurez en leurs proportions, & lineamens. Les femmes y sont belles, grandes, gracieuses, & fort chastes, ayants le regard doux, & attrayant, & lesquelles vont toutes nues, sauf qu'elles couurent leur partie que la nature commâde de celer, avec des peaux de cerf, ainsi que les hommes aussi en vsent: & les aucunes portent les bras couuerts, & vestuz de peaux de Lou-ceruiers fort riches, tressans leurs cheveux, qui leur vôt pēdans d'vn costé, & d'autre le long de leurs espauls, & celles qui son mariées portēt de diuers ioyaux à leurs oreilles comme aussi font leurs marys, & sont ces bagues de cuyure duquel ilz font plus de compte que de l'or, ou de l'argent, desquelz ilz ne se souciēt guere, & en mesprisent la couleur, mais ilz ayment & cherissent fort le rouge, & l'azuré: & ainsi les Chrestiens y abordans qui leur donnent des pieces de verre, ou patenostres, & coliers de telle couleur, sont les mieux que bien venuz, à cause qu'ilz s'en parent le col, & les oreilles, & en font aussi grand feste que la ieunesse par deça de se voir garnie de beaux carquans, chaines, & coliers d'or, & riche pierrierie. Les draps de foye ne leur plaisent point, le fer, & l'acier n'estoit par eux requis, & ne festonnent quoy qu'on leur monstre des armes & leur declaire l'effait, & effort d'icelle: voyans les miroirs ilz s'en rient sy regardans dedans, non que pour cela ils facent estat de les retenir ny prennent plaisir à s'amuser à ceste folie.

*Morues nommées
Bacaleoz par les
sauuages.*

Ce peuplé est assez courtoys & liberal, faisans volontiers largesse de ses biens, & prenant facilement familiere habitude des nostres avec lesquelz sy sont habituez, & arrestez dés le temps qu'on y va à la pescherie des Morues, lesquelles y sont en infinie abondance dés le Cap de Labrador, iusqu'au Cap de saint Iean, tenant ce pays de pescherie pour le moins vingt degrez en son eleuatiō, à sçauoir dés le soixantiefme degré iusques

au quarantième, qui font pres de quatre cens de noz lieuës : & d'autant que ce poisson est nommé par les habitans du pays Baccalcoz la terre aussi a esté dicté par les Chrestiens, & baptisée du nom de Baccalcos : Sur les quarante degrez de laquelle, & vers le fleuve, auquel on a donné le nom de Iourdain, cesthomme par nous ia souuent allegué, ayât pris terre veit le paisage beau, & aisé à cultiuer, les forests grandes, & touffues, & apres à y mettre de grandes troupes en embusche, s'il failloit guerroyer, & où la plus part des arbres sont differens de ceux de nostre Europe, & dans lesquelles a grand quantité de sauuagine, contre laquelle ce peuple fait la guerre à tous leurs arcs, & saiettes, qui sont fort subtilement faites & elaborées, & au bout desquelles en lieu de fer, ils mettent des pierres fort aigues, & qui taillent assez bien, desquelles aussi ils saydent à fendre le boys, comme aussi s'en seruent tout le long de ce monde nouveau decouvert de nostre aage. Ceux cy bastissent mieux leurs logettes, que ne font ceux de Labradour, entant que leurs habitations sont faites en forme circulaire, & comme vn rond, séparées les vnes des autres de quelques 10. ou 12. pas, sans aucun ordre, n'y consideration d'architecture, de laquelle s'ils auoyent cognoissance, ils feroient les plus beaux bastimens du mode, veu les moïens qu'ils ont de la pierre de toutes sortes, & la meilleure qui se puisse voir : & les couurent de nattes, de roseaux, & iôcs marins pour se deffendre de la pluye, estans si aisées ces maisons, que lors qu'ilz se faschent en vn lieu, ils les transportent facilement là part qu'ils veulent se remuer, se tenans ensemble en grand nombre, comme gens qui se suportent les vns les autres, & qui ont vne grãd societé ensemble. Ceux cy vivent de Legumes, qu'ils semēt avec plus de cōsideratiō que les autres qui ne se souciēt que du poisson, là où ces Canadiēs vont à la chasse pour accompagner leurs semences avec la chair de la venaison qu'ilz prennēt : & semans leur grain ne sont si bestiaux, qu'ils n'obseruent le cours de la Lune, & le naistre ou absconsēment de quelques autres estoiles, qui me fait penser, que ce peuple à d'autresfois eu sentiment de plus grãdes choses, que celle rudesse & grosserie qui ores le tient aueuglé. Ils vivent fort longuement, & ne sont guere souuent mal disposez, ny malades, que s'ils sont assaillis de quelque indisposition, c'est le feu qui les guerist, lequel ilz sapliquent sans ordōnance d'aucun medecin, desquels ils n'ont cognoissance quelconque : & meurent la plus part assaillis d'une grande, & extreme vieillesse. Ce peuple comme il est hardy & farouche à l'estranger qui le fasche, ou à l'ennemy qui le vient assaillir, aussi est-il accostable, doux, charitable, & debonnaire enuers les siens, se lamentant les voyans faschez & angoisiez : & parmy leurs miseres, ils se reconfortent sur le recit de leur felicité precedente : Et lors que quelcun meurt entr'eux, leurs pleurs & gemissemens sont entremeslez de chants, & lesquels ils continuent vn fort long temps : ce qui me fait penser, que les Thraciens, & Goths en ayans iadis fait de mesme sorte, ceux cy en soyent sortis, veu qu'ils se raportēt fort, & de visage, & de stature, & ayans quelque cas de leur maniere ancienne de viure. Aussi sont ils habitans tout le long de celle coste qui double du Septentrion Scythique vers le midy, iusqu'à ce que on aproche de celle

*Canadiens comme
viuent & bastis-
sent.*

LIVRE QVATRIESME

*Histoire genera-
le des Indes liu. 2.
Fleuve Iourdain
au nouveau môda
nommé par les no-
stres.*

*Lucas Vasquez
descouurit ce pays
l'an 1524.*

*Sous les deux Po-
les les homes sont
de grand stature.*

*Nunne Gusman
alla conquerir le
pais Canadien l'ã
1530.*

*Religion, &
mœurs de ceux du
pays de Cichoré,
& Gualdapé.*

terre qui sous le nom de Floride, va se repleyant vers l'Occident, ou sont les peuples nommez Cichorés en la region de Canada, & le long du fleuve Iourdain, desquels est ainsi parlé en l'histoire des Indes Occidentales. Les peuples de Cichoré sont voisins du promontoire dit de sainte Helaine, où le pays est nommé aussi Gualdapé en l'elevation d'environ 36. degrez: ils sont grands, & d'une corpulence fort massive, sans barbe, & portans longs cheveux, lesquels sont noirs, & qu'ils entortillent & enlacent comme des tresses, & en d'aucuns endroits, cômme en la Prouince de Duaré ils les portent longs iusqu'à l'estomach, & les femmes iusqu'à ce qu'ilz leur trainent à terre. Lors que les Espaignols furent poussez de la tempeste en celle plage sous la conduite de Luc Vasquez d'Aillon, & que le roy Dathà les eust courtoisement receus en son pays, le voyans grand comme vn geant, & cinq de ces enfans à luy pareils en ceste monstrueuse stature, ils s'enquirent d'où venoit qu'ils croissoient si excessiueusement, & plus que le commun des habitans de la mesme Prouince: à quoy fut respondu par vn Chrestien natif du pays, & qui auoit receu le Baptisme par l'enhortation des François qui frequentoient le long de ceste coste, que cela procedoit de quelques herbes charmées, desquelles ils vsoient ordinairement, & acoustroyent ces herbes comme la viande, de laquelle nous farcissons par deça vn oison: mais c'estoit vn leger payement, veu que tant plus on monte le long, & selon le fleuve Iourdain vers le hault pays de la grand Espagne conquise l'an 1530. par Nunne Gusman Espaignol, les hommes y sont monstrueusement grans, & estans tous tels en proportion que ceux qui en l'Antartique sont nommez Patagones, & se tiennent en la riuiera de Plate. Or d'autant que Verazzan dit que le long de ceste mer il n'a veu forme aucune de religion, il fault voir comme le bon homme se trompe, & s'est contenté de peu de veüe sans guere passer auant: aussi dès sa premiere descente en plat pays, il fut massacré, ainsi que cy dessus nous auons ia deduit. Ce peuple d'oc qui est le long de ce Iourdain nommé ainsi par les premiers Chrestiens qui y aborderent est idolatre, & croit que les ames sont immortelles, & que les vnes vont en Paradis, lequel ils fignent estre en Orient, ou sur les parties meridionales en vn lieu fort temperé, & où elles iouissent de tout l'aïse qu'elles scauroient souhaiter: les autres tirent en enfer, qu'ils pensent estre en Septentrion, en vne region exposée à la froidure la plus estrange du monde, & là sont tourmentées à iamais pour n'auoir honoré les dieux, ny fait les sacrifices selon qu'ils le veulent, & commandent. Et ont des prestres choisis d'entr'eux, & ausquels ils portent, apres le roy, fort grand reuerence, lesquels vont vestus cômme les autres, sauf que des cheveux qu'ils se coupent, en laissant seulement croistre par les deux costez des temples & coings du frôt, & vont lier ces toupets sur leur méton tout ainsi qu'on fait d'un licol, & pendans d'une testiere de cheual. Et d'autant que l'estude & vacation de tous ces Barbares est la guerre, leurs deuins, & prestres ont charge de benir les soldats allans à la bataille, lesquelz ils arrousent du ius de certaines herbes qu'ils charment, estimans que cela leur soit fort salutaire: & est encor leur office de penser, & medicamenter les blecez, & d'enterrer ceux qui meurent en combatant. Or ce peuple est

a-my Antropophage, & imite les Canibales, ou Bresiliens, qui se faou-
lent comme lyons de la chair des hommes, voire sorty que l'on est de La-
brador, & Bacaleos, il ne se trouue guere nation iusqu'aux Caribes, & à la
riuiere de Maragnô, qui n'vse d'une cruauté si brutale, & abominable. Les
medecins ne leur sont point necessaires, chacun sçachant bien se garantir
de maladie, comme ceux qui cognoissent les herbes propres à leur santé,
soit qu'il en faille vser par la bouche, ou les appliquer en emplastre, ou avec
le iust pour la cure & allegement des blessures: & ont vne herbe qu'ils a-
pellent Guay, laq̃lle vsée leur fait vomir toutes leurs phlegmes coleriques,
& ce qu'ils ont de superflu, ou qui nuise à la digestion en leur estomach:
de ceste plante ils saydent, & la mangeans & en leur boisson estant co-
gneue de chacun, & si saine, & salutaire, que sa vertu est telle, que ceux qui
en vsent vivent longuement, & sans souffrir grandes incōmoditez de ma-
ladie, voire les tiēt les forts, sains, dispos, & adextres iusques en leur plus
grande vieillesse. Ces prestres susdits sont grands forciers, & enchanteurs,
& qui sont de choses si merueilleuses avec leurs enchantemēts, qu'il n'y a
homme qui ne sestōnast de leurs façons de faire, & des effaits de leur art
detestable, entant qu'ils font aparostre les esprits à leur souhait, & effrayēt
les simples gēs avec des visions espouuētables: mais du diable, & du pou-
voir que iadis il se monstroir auoir sur ce pauvre peuple, nous en parlerōs
en la description de l'isle de Haiti, qu'à present on appelle Espaignolle. Ilz
dressent des chapelles faites tout ainsi que leurs maisonnettes, où ils tien-
nent deux petites Idoles, que personne ne voit que deux fois l'an, mais la
plus grand feste est lors qu'ils sement leurs legumes, & semence, entant q̃
il fault que le Roy mesme face la sentinelle tout le long de la nuit, veille
de la feste aupres de ces belles folies, sans bouger de dedans l'oratoire ius-
qu'au matin que le peuple estant assemblé, on monstre d'un lieu fort haulte-
ment ces deux Idoles masle & femelle, lesquelles tout le peuple adore
se gettant, & prosternant par terre, & criant desesperément misericorde,
ayans plus de soing de la semence, & fruits, qui sont aux champs que de
chose qu'ils se souuiennent de l'ame. Monstre que on a ceste abhominati-
on, le Roy descend avec les prestres, & donne de belles robes de coton
enrichies de quelques ioyaux à deux des plus nobles, & grans de sa suite,
lesquels portent ceste mommerie de poupées en vne pompe & pourme-
nade qu'ils font vers certain champ, où fault que tous assistent, comme al-
lans en processio, & prians le diable leur patron de leur donner abondā-
ce de leurs viures. Chacun y assistant porte la plus belle robe qu'il aye, les
vns se couurent de feillars, d'autres se paignent tout le corps de diuerses
couleurs, les vns se font des masques de peaux, & s'en couurent la face, &
arriuez que sont en la campagne destinée pour la feste, c'est à qui mieux
chantera, & dancera: veu que toutes les ceremonies de ce pays là sont me-
surées par la dance, bien est vray que les hommes ont leur ranc de iour, &
les femmes carolent tout le long de la nuit, ne laissant minute de temps
sans dancer, chanter, prier, ou parfumer, & offrir quelque present deuant
leurs idoles. Lesquelles lendemain de la feste on raporte en leur chapelle
avec la pareille ceremonie, & magnificence qu'on les auoit conduites en

*Guay herbe de
grande vertu.*

*Prestres des ido-
latres fort grands
enchanteurs.*

*Reuerēce, et veil-
le faite en l'hon-
neur des Idoles.*

*Dances sont fai-
tes en toutes les ce-
remones de ces
peuples.*

LIVRE QUATRIÈME

Estranges ceremonies de ces Idolâtres.

campagne. Ils ont vne autre feste en laquelle ils portent en pareil ordre vne autre statue & idole de boys, laquelle ils plâtent, & fichent sur vn posteau de boys, mis tout debout en la place qu'ils enuironnēt d'une palissade, & de grande quantité de sieges, & coffres faits assez grossement. Or tous ceux qui sont mariez sans que aucun y osast faillir, sont tenus d'offrir à cest idole quelque present qu'ils mettēt dans ces coffres, ou sur ces bâcs, ou les pendent aux poteaux: & ce pendant les prestres sont la qui regardent qui est celuy qui offre le plus beau & riche dô, afin de le manifester & declairer à toute l'assemblée: car quiconque en raporte ceste louange il est de tous honoré tout le lôg de celle année, & ainsi ils vont à l'enuy l'un de l'autre à qui fera le mieux son deuoir à l'endroit de l'Idole: Deuant laquelle bâquetent les principaux, des fruits, & pain de racines qu'on y a offert, & autres viandes: & ce qui reste est distribué entre les seigneurs, & les prestres. La nuit estant venuë, ils descendent ce beau dieu de boys de son siege de posteau, & la vont plonger dans vn fleuve, ou bien dans la mer, s'ils sont voisins de la marine, afin qu'il s'en aille faire grand chere aual l'eau avec les autres Dieux qui regissent les vagues escumeuses de l'Océa.

L'Idole noyée par ceux mesme qui l'adorent.

Rois & prestres comme canonisez par ces sauuages.

A voir toutes ces folles superstitions, il semble que ce peuple ayt esté iadis instruit en l'eschole des Grecz, ou Egyptiens, qui ont esté les plus grâs & plus abusez en l'abominatiō de l'Idolatrie, q̄ tout le reste des hommes, & desquels les Romains ont appris telz erreurs, & impostures: mais encor le diriez vous mieux oyans que lendemain de leur plongement du simulachre, ilz s'assemblēt encor fort deuotieusement, & desenterrēt vn de leurs Roys, ou prestres qui aura esté le plus honoré pour ses vertus: & mettans ces ossemens sur vn eschaffault à ce destiné, & dressé en la cāpaigne, les femmes seules font l'office de plourer, & regretter la presence du saint homme, tournans à l'entour des os, & dançans en rond, sans oublier d'offrir ce que elles peuuent de rare à la memoire de leur Prince ou pasteur: puis remet-on ces os en terre, & lors vn prestre harangue deuant le peuple, louant & magnifiant la vie passée de celuy de qui les ossemens ont esté honorez, disputant de l'immortalité de l'ame, de l'enfer que les dieux ont estably pour la punition des meschans, en vn pays froid pour purger les pechez: & leur proposant le paradis qu'ils bastissent en vne terre temperée, & où regne Quezugà grand seigneur, & iceluy boiteux, neâtmoins homme doux & debonnaire, comme celuy qui donne toute sorte de pasetemps aux ames qui passent en son Royaume, les bâquetant, dressant le bal, la Musique, & autres plaisirs, & leur donnant la iouissance de leurs amoureuses: voila le Paradis de Sathan, qui souz la douceur d'un tel chatouillement, emmieille & endort ce pauvre peuple, tout ainsi q̄ les Turcs, & Mahometans se laissent deceuoir sous l'apast des aises promis par l'Alcoran de leur faux Prophete. Par le moyen de telle façon de faire, ce defunct est canonisé & mis au nombre des Dieux, & le prestre donne cōgé au peuple, prenant à la fin des herbes soëfues & odoriferantes, desquelles il hume par le nez la fumée soufflant sur l'assistance, & faisant d'estranges grimaces parfaissant son office enchanteur, & plein d'Idolatrie. Voyez quelle sorte de deifier les hommes est la plus gentille & louable, ou celle de laquelle

Quezugà Roy du paradis creu de ces barbares.

de laquelle vſoyent iadis les Romains, & de laquelle nous auons parlé en noſtre Europe, ou ceſte cy de ces ſauuages & Barbares, & cognoiſtrez que Sathan ſeſt ioué, & ſe ioué fort eſtrangement des hommes, puis que ne pouuant effacer en leur ame celle opiniõ de la diuinité, que la meſme nature nous propoſe pour la croire neceſſairement, il leur monſtre l'adoration d'icelle, non ainſi qu'il le fault faire, mais rauiffant au createur ſa gloire, pour fauement l'attribuer à la creature. Par la predicatiõ de ces beaux preſcheurs, ce peuple ſeduit, ſe perſuade qu'il y a grãd nombre d'hommes au Ciel, comme auſſi ſous terre, & que les Dieux de la mer ſont partys en pluſieurs bendes, & de toutes ces folies ils en dreſſent, & font des chãſons qu'ils chantent, & les enſeignēt à leur auditoire. Quelle barbarie trouuez vous en ce peuple, veu qu'il imite ce, pourquoy l'on a iadis tant eſtimé vn Orphée, qui a mis au Ciel des plus infames hommes de la terre, & que les Grecs ſe ſont dits les premiers & plus ciuiliſez de la terre, pour auoir introduit ces opinions en la fantaſie des hommes? Vn Roy de ces peuples mourant (qu'ils nomment Caciques) les preſtres ſubtils en leurs rufes, & ſimagrées font artiſciellement des feux qu'on eſtimeroit eſtre des rayons du ſoleil, & ce feu ſeuaporant, ils font à croire aux ſimples que ce ſont les ames des deffuncts qui ſ'en vont au Ciel iouyr d'un aiſe à iamais durable: & ce pendant on enterre le corps avec grands pleurs, & gemiſſementz. C'eſt vn plaſir quand ils font la reuerence à leur Roy de voir les geſtes, & folies qu'ils font, & telles, que elles ne different en rien à la dance des Mataſſins que nous offrent par deçà les bouffons d'Italie: car ils luy frottent le nez avec leurs mains, & luy paſſent la main depuis le front, iuſque au derriere du col: ce que fait, ſi le Roy prend plaſir en ceſt office, & honneſte ſeruice, il ne fait que tourner ſa teſte vers l'eſpaule ſeñeſtre, d'autant que c'eſt vne grand faueur, & celui qui l'a reçoit en recompence de ſon ſalut, ſe penſe auoir receu vn grand honneur de ſon Prince.

Chãſons faites en memoire des gens de bien.

Comme les Roys ſont honorez, en leur treſpas.

Eſtrange façon de faire la reuerence à leur Prince.

Mariage des Cichorans.

Veſues ne ſe remariãs point en Cichoré.

Cap des rats.

Cap des Bretons en terres neuues.

Ces Canadiens de Cichoré, & Gualdapé ne ſont ſi abrutis que eſtoient ceux de Haity, ny Cubà ou Iamaicà, deſquels j'eſpere parler cy apres, ny tant adonnez au plaſir de la chair, d'autant que chacun n'eſpouſe que vne femme, & les dames y ſont aſtraintes par la loy du pays, non eſcrite en liure, ny en cuiure, ou crain, ains grauée en leurs cœurs, & obſeruée par la couſtume de tout temps, de ne ſe point remariar leurs marys eſtãs treſpaſſez de leur belle mort naturelle: mais ſi pour leurs forfaits le Roy les fait mourir, il eſt permis aux femmes de voler impunément aux ſecondes nopces. Au reſte ils ſont ſi curieux de la modeſtie, que ſcachans combien de priuautez, & ieux ſe font entre le mary & la femme, ils ne ſouffrent point que les filles demeurent avec celles qui ſont mariées, affin que elles n'oyent, ny voyent rien qui puiſſe les chatouiller, ny induire à l'eſgarer en leurs honneſtetez: imitans en cela les façons anciennes des Romains qui ne careſſoyent iamais leurs femmes en la preſence de leurs enfans.

Voila quant aux Canadiens qui ſont bien auant en terre ferme, car ceux qui ſe tiennent dès l'entrée des terres neuues (que on apelle) & leſquelles ſont poſées en l'Occident de noſtre ligne Diametrale, ou Meridionale, ou la premiere terre eſt le promontoire dit Cap des Rats, qui eſt poſé a

LIVRE QUATRIESME

quarante sept degrez de latitude septentrionale, & quarante de longitude de Occidentale : ceux, dis-je, qui se tiennent en ceste entrée, & entre les deux promontoires des Ratz, & des Bretons, sont gens cruelz, farouches & non acostables, & qui ne souffrent que personne les acoste, ou descende en leur terre, grands de stature, comme tous ceux de Septentrion, vestus de peaux de Loups, & autres animaux sauvages, & ayans des marques au visage que ils sy font avec le feu à grands rayes noires, portans les cheveux longs comme tout le reste des habitans de ces regions, leurs armes sont des arcs desquels ils s'aydent fort adextremet ferrées non de fer, mais bien de pierres, & de quelques os de poisson : & habitent en des petites loges de feillarts, & escorces d'arbres faites exprès pour la pescherie qui est de Loups marins, Marsouins, & quelques oyseaux de mer que on appelle Margaux, que ilz prennent éz isles voisines telles que sont l'isle Bretonne, des Demons, Brise, les Arcines, & autres en grand nombre, & la plus part desertes : & y est le departement de la descouverte tel, que les Bretons, & Normands tiennent la partie qui tend du Levant au Ponant, & qui est le Canada, & qu'ilz ont nommé la nouvelle France, & si quelques vns ont donné le nom de France Antartique à ceste poignée de terre costoyée, & habitée quelque temps par le sieur de Villegaignon, plus raisonnablement peut on appeler ceste autre France Artique, ayant si long temps que les nostres y hantent, à sçavoir dès l'an mil cinq cens huit, qu'ils la descouvrirent, & y vont tous les ans à la pescherie, & plusieurs sy estans habituez, iagoit que d'un costé l'Espagnol, de l'autre le Portugais leur enuient ceste fortune & gaillardise.

*Terre Françoisse,
ditte Nurrumbeg
par les sauvages.*

Or courans du Levant au Ponant vers la Floride, est la terre ditte Françoisse, que les Espagnols mesmes encore nomment ainssi, & laquelle gist à trente degrez de Latitude, & septante huit de longitude, où veritablement le peuple ressent quelque cas de la courtoisie de la nation de laquelle il porte le nom, comme celuy qui est affable, gracieux, courtoys, & debonnaire : comme aussi le terroir est plaisant & fertile, & où l'on trouue des Orenghiers, & Amandiers, & des vignes sauvages avec leur fruit, & plusieurs autres sortes d'arbres d'une beauté agreable, & fort souefs, & aromatiques à odorier, & flairer, & ce pays est nommé par les habitans Nurrumbeg, entre lequel, & l'isle Espagnolle gist ce grand goulphe, duquel j'ay parlé cy deuant, & où sont les courantes des eaux si dangereuses tirant de la Floride au Mexique, contenant d'interualle, & espace de mer, de là iusqu'au Bresil plus de mille bonnes lieues : mais le chapitre suyuant nous aydera encor à mieux esplucher les matieres.

De la nouvelle France, contenant Hochelagá, Canadá, Saguenai, & la Floride, & des peuples qui y habitent.

Chapitre troisieme.



OR T peu d'hommes y a il eu de nostre temps qui n'ayent ouy parler de ce grand Pilote & expert Capitaine de mer (Iaques Cartier, qui du temps du grãd Roy François, & suyuant la trace de Iean Denys Normand, qui comme i'ay dit l'an 1508. auoit voltigé le long de Canadá) commença aussi à raser les fillôs de la mer pour faire voir à chacun, & la gaillardise des François, & leur industrie aussi bien sur l'Ocean, qu'à manier les combats, & les affaires en terre ferme.

*Iaques Cartier
excellent pilote de
nostre temps.*

Cestui-cy s'estant fié à l'inconstance des ondes esmeu de sa propre curiosité, & des sollicitations de Charles de Mouy seigneur de la Milleraye, & lieutenant de l'Admiral en l'an de nostre salut 1534. prist la route du Po-
nant, iusqu'à tant qu'il vint à Cap de Raz, prenant port à Carpont, & Degrad, sur l'Occident, pource que la coste qui regarde le Leuant est basse, dâgereuse, & pleine de bancs, & où tout le pays est plein d'Isles telles que sont celle de sainte Catherine, de Brests, des oyseaux, & celle de Blanc Sablon, où les sauages se tiennent pour y pescher le long de l'esté, mais l'hyuer personne ne s'y arreste à cause des froidures, ains se retirent tous en terre ferme, cerchâs les pays plus chauls, & les moins exposez aux assaults & rigueurs de la Bise, & ce sont ceux de Blanc Sablon qui en vsent ainsi, & ceux de l'isle saint Iaques, ainsi nommée par le pilote Iaques Cartier, qui pensant pour le bon port que ce fut quelque bonne terre, n'y trouua rien que des pierres, & rochers, nomplus que à celle de blanc Sablon, où il ne veit que des haliens espineux, & les roches toutes reuestues de mouffe palissante. Or est-il chose merueilleuse ce que ledit Cartier racompte de certaines isles esquelz il ne se trouua rien que des oyseaux, & du nom desquelz ilz les baptiserent, le nom desquelz estoient Godetz ainsi ditz de ceux du pays, & lesquelz sont de la grandeur d'un Geay noirs, & blancs de couleur, & ayans le bec comme vn Corbeau, & fort aisez à prendre, gras à merueilles, & bons à manger, les autres sont appelez Margaux, qui sont plus blancs, & plus grands que les premiers, mais difficiles à prendre à cause qu'ils se deffendent estrangement du bec, & mordent presque comme vn chien lors que on les aproche, & sont de la grandeur d'une oye, & en dit le nombre estre si grand que toute la terre en estoit couuerte, & que les Ours passoyent des autres isles auant pour se venir paistre sur ceste volaille. Mais laissons ces isles desertes pour voir les hommes pour lesquels nostre histoire est dressée plus que pour la singularité ny des animaux, ny des païssages, iacoit que ie ne vueille du tout taire cecy, comme le voyât assez necessaire à nostre discours, & au lecteur plaissant, & prouffitâble. En terre ferme que Cartier est descendu il voit du peuple qui les acoste, & cognoit ce que nous auons dit cy dessus, à sçauoir que tout ce

*Charles de Mouy
seign. de la Mil-
leraye.*

*Isles de la terre
Françoise.*

*Isle S. Iaques nom-
mée par Cartier.*

*Iaques Cartier,
en sa premiere ro-
lation.*

LIVRE QUATRIÈME

*Goulphe de la
Chaleur.*

*mitra d'habit
castaleq jacob
adon mison*

*Habitans du Cap
de Pré.*

*Barques seruaus
de maison à cer-
tains Canadiens.*

*Canadiens grans
larrons.*

*Saguenaires pen-
ples vagabons.*

que ces sauuages font, est mesuré par la cadence de leurs bals & gambades, entant que tousiours ilz vont en dancant, & faisant autres contenance d'allegresse, comme se gettans de l'eau de la mer sur la teste en signe de monstrier leur innocence, & qu'ilz estoient nudz de toute trahison & tromperie: aussi sur le Goulphe nommé de la chaleur, les habitans y sont gracieux, & telz qu'ilz porterent aux nostres du poisson rosty iusque sur le haure, leur faisans signe qu'ilz leur donnoient de bon cœur: ne cessans de chanter, & dancer, & se frottans les bras avec les mains, & les haucant au Ciel comme pour asseurance de nostre amitié, & remerciement à Dieu qui est le soleil, d'un si bon rencontre.

Et y est le pays chault à l'esgal de la terre d'Espagne, produisant du seigle de son bon gré, de plusieurs sortes de fruits, telz que les nostres, des roses de toutes couleurs fort soëfues, & doux-flairantes. Or de pays en autre on trouue les peuples differens en mœurs & façons de faire, comme ceux que la police ne conduit point, que la loy ne lie sous son ordonnance, & desquelz la religion est incertaine, comme au Promontoire dit Cap du Pré, où l'on peut nommer à bon droit les habitans sauuages pour estre les plus simples, & pauvres de la terre, leur pays gisant plus vers Septentrion que à l'Occident, & qui imitent le reste des Canadiens quant au dancer, & chanter en tout ce qu'ilz font, allans tous nuds, sauf qu'ilz portent quelques peaux deuant leurs parties honteuses, & vne qu'ilz se gettent sur les espauls, & laquelle ilz portent en escharpe.

Leur langage est different des autres, & leur façon de vie toute diuerse, ilz portent la teste rasée, sauf vn toupet de poil sur le milieu & sommet d'icelle, qu'ils laissent croistre comme vne queue de cheual, & le lient avec vne couroye de cuir le laissans pendre par derriere.

Ilz n'ont autre maison que leurs barquettes, lesquelles ilz renuersent, & se couchent dessous pour reposer, ou pour fuyr l'incommodité du temps, soit du chault ou de la pluye, & mangent & chair, & poisson à demy crudz, seulement leur font ilz vn peu sentir le feu sur les braises viues, ayans du millet gros comme poix que ilz nomment Kapaige, & duquel ilz font du pain, & viuent de prunes que ilz seichent pour l'hiver, vsent de febues & autres fruitz, mais detestans le sel, & les choses salées sur toute vilennie. Et lors que on leur donnoit quelque petite denrée, comme sonnettes, peignes, & miroirs, ilz caressoyent noz gens les touchans, & frottans des mains, comme nous faisons à noz chiens lors que leur voulons faire chere, dancans, & chantans à l'enuy, & sur tout leurs femmes, que ils ne monstrent filz ne sont asseurez que on ne leur rauira point, tant ilz les ayment, & estiment: au reste c'est le peuple le plus grand larron, & le plus subtil à piller que on aye veu en tous ces pays estranges, quoy que les Bresiliens s'en facent recognoistre pour maistres tresbons & tresexperts.

Ceux de Sanguenai sont assis pres le païs de Canadà sur le Septentrion, & est la terre assez habitable, & où l'on trouue grande quantité de cuire, toutesfois n'y a guere d'hommes d'Europe qui y soyent allez, ains la cognoissance qu'ils en ont vient du seul raport des Canadiens, qui se va-

rent y auoir esté, & en donnerent aduis aux nostres. Le Roy desquels lors que vint parler à Cartier (lequel en son nō s'appelloit Dōnacōnā, & pour seigneur Agouhannā) il feit vn sermon & harangue aux Chrestiens, ainsi qu'ilz ont de coustume acostans quelqu'un, & remuant son corps, & faisant d'estranges gestes des mains, & de la teste en signe de ioye, & de bon recueil fait à noz gens, les assurant d'estre venuz en pais de repos & assurance: & ne le peuent mieux exprimer qu'en ballant & chātant, ainsi que souuentefois nous auons desia proposé. Les habitans de Hochelagā *Hochelagā royau me nommē d'une riuiere ainsi ditte.* viuent presque tous en commun estans leurs loges faites en rond, & environnez comme dans vne palissade & muraille de boys, & au dedans des maisons de boys spacieuses de quelques cinquante pas, & bien couuertes de tables, & en ces logis y a grand nombre de chambres, & cabinets, & au milieu vne place où ils font le feu à descouuert, affin qu'il n'interesse leurs loges, & ayans bâqueré ensemble, les maris & leurs femmes se retirent chascun en sa chambre, avec leurs enfans & famille, entant que (comme j'ay dit) chascun est content d'une espouse, & se tient fort honnestement en sa famille, instruisant les siens à viure vertueusement. *Bastimens de Hochelagā.*

Ilz ont des greniers au dessus, & hault de leurs chambres, comme nous auons par deçā où ilz mettent le grain de quoy ilz font leur pain, qu'ils nomment Carracōnni, & lequel ils font en ceste maniere: ils ont de certains mortiers de pierre, & avec des pilons de boys ilz vous pilent leur grain iusqu'à tant qu'ilz le puluerisent à bon escient, puis en font paste, & d'icelle de grandes foïasses, ou tourtes à la mode de Limosin qu'ils mettent sur vne pierre fort large, & biē chaude, qu'ilz couurent avec des couuercles chaults aussi, & en ceste sorte ilz cuisent leur pain comme dedans vn four. Ce bled leur sert encor en potage, comme les pois, & febues desquelz ils ont abondamment aussi bien que de concombres, & melons, & plusieurs fruitz desquelz ils sustentent leur vie. Ont encor en leurs maisons des Vases faitz tout ainsi que des caques, barilz, & demy muidz, où ilz mettent leur poisson en conserue, & lequel ilz font secher en esté au soleil, à fin que l'hiver il leur serue de nourriture, de quoy ilz se pouruoyēt plus que d'autre munition pour viure, sans que pas vne de leurs viandes aye goust quelconque de sel, d'autant qu'il ne prennēt point aucun goust, ny plaisir en ceste saulce. Voulans reposer ils se couchent sur des escorces d'arbres estendues sur la terre, avec des meschantes peaux de bestes, & animaux sauuages, desquelles aussi ils se vestent, & s'en couurent la nuit durant leur repos, & sommeil. Ce qu'ilz ont de plus precieux en ce monde sont quelques choses qu'ilz nomment Esurgui, qui sont aussi blanches que nege, & les recueillent en vn fleue portant ce nom mesme en ceste sorte. Si quelqu'un d'entr'eux à meritē la mort, ou bien s'il ont pris quelque ennemy en guerre, ilz le tuent, puis le deschiquent à grandz coups de couteaux le long des fesses, & des cuisses & espaules, ce que fait, ils descendent le corps avec vne corde au fondz du fleue, où est ledit Esurgui, l'y laissant dix ou douze heures, & postans ils trouuent en ces taillades ceste matiere s'estant attachée au corps, de laquelle ils font des bulottes comme des patenostres, & en vsent comme nous de l'or, ou de l'argent, *Poisson gardé sec entre les Canadiens.* *Esurgui sont cōme des matieres desquelles se crée le Corail en nostre mer.*

LIVRE QUATRIESME

*Hochelagiens sont
tous laboureurs, ou
pescheurs.*

*Mont-real lieu
principal de Ho-
chelaga.*

*Ceremonies des
Hochelagiens à re-
cueillir les Estran-
gers.*

*Hochelagiens
courtoys et mode-
stes.*

& s'en seruent à estancher le sang, ce que les nostres ont trouué estre ve-
ritable par l'experience, & ainsi ne s'estonnoient si ces barbares en tien-
nent si grand compte veu qu'ilz sont suietz à saigner souuent du nez. Au
reste les Hochelagiens n'ont soucy aucun des richesses autres que ce qui
sert pour le viure, & ne se meslét que de l'agriculture, & sçauoir des chāps,
& de la pescherie, & ne sçauét que valent les thesors n'en ayās aucune co-
gnoissance, d'autant que iamais ils ne partent de leur païs, & ne sont vaga-
bons comme les Canadiens, iāçoit que ceux de Canadā soyent leurs sub-
iets, & tributaires: & ont les François donné le nom de Montreal à la ter-
re & finages de Hochelaga, à cause de la beauté, & fertillité de tout le
païsage. Les ceremonies desquelles ce peuple vſa en receuant les Chrestiens
lors que Cartier y estoit, furent telles, que ie pense ilz obseruent en tou-
tes receptions d'estrangers: ils s'assemblent en vne place grāde & spacieu-
se qui est entre l'interualle de leurs bastimens, & la riuiera, & là font arre-
ster les estrangers en vn lieu fait en forme carrée, & soudain femmes, &
petits enfans leurs viennent autour pour les caresser, recueillir, & bien-vien-
ner, leur frotans des mains le visage, & touchant leurs bras, plourans de
grand ioye d'auoir cest heur que de veoir hommes de lointain païs ve-
nans là pour prendre avec eux alliance. Ce recueil finy, les hommes font
retirer leurs femmes, & enfans, & s'ascent à terre pres les estrangers en
mesme ordre qu'on fait par deçà lors qu'on ioie quelque Comedie, mais
ilz n'ont guere demeuré là, que les femmes reuiennent portans vne natte
faite comme vn tapis, & l'estendent au milieu de la place, & sur laquelle
ils font asseoir leurs nouueaux hostes. Et tandis on voit venir dix homes
portans leur Roy, & seigneur assis sur vne grand peau de Cerf, lequel ils
mettent sur celle natte au milieu de l'assemblée, là où estant il monstre bō
visage, & caresse les suruenuz ausquels il monstre ses bras, & ses iambes, &
leur faisant signe de les toucher, qui n'est pas peu de faueur entre ces bō-
nes gens que d'ainsi se laisser manier, ains signifiante d'vne fort singuliere
amitié. Et pour monstre en quelle opinion ce peuple a les Chrestiens, &
sur tout les François qu'il estime filz du Soleil, il fait, apres ce salut cōduire
deuant iceux, les malades, impotés, aueugles, & ceux qui estoient accablez
d'age, affin qu'il leur pleut les toucher, ayās ceste fiance que noz gens fus-
sent descenduz du Ciel pour le salut, support & guerison de leurs vicil-
lards, & malades: & est ce peuple fort modeste, patient, & assez sobre, &
dommage fort grād qu'il ne soit instruit en la sainte foy Catholique: mais
ceux qui y abordent aiment mieus y rauager, & piller les Esclaues pour
tourmenter leurs corps & s'en seruir en leurs affaires, que laissant le pays
peuplé sauuer tant d'ames, qui ayant la seule conduite de nature, sont bō-
nes & bien affectionnées à la vertu: mais priuées de la clarté veritable de
l'Euangile: & lesquels prennent si grand plaisir voyans les ceremonies des
nostres à prier Dieu, en s'estonnant imitoient leurs gestes, & se plaisoient
& à ouyr parler de Iesus, sans entendre toutesfois les mysteres de ce saint
nom, tant la religion a de force en l'ame de l'homme quoy qu'assoupie
dans le mesme borbier de l'ignorance.

Ce peuple est fort, & puissant à merueille, ce qui se peut recueillir en

ce q̄ accōpaignans les nostres iusqu'à leurs nauires, fils en voyoient quel-
qu'un de las, ils le prenoient sur leurs colz, & espauls, & le portoyent a-
uec pareille facilité qu'on voit qu'un cheual porte aisémēt par deçà quel-
que charge. Aux Hochelagiens sont voisins du costé du Nord des homes
vaillans, cruelz, & farouches, lesquelz ilz nomment Agoniondà, qui signi-
fie mauuais, & meschans, lesquelz farment tout le corps, & iusqu'aux
boutz des doigtz, non de fer, ou erain, mais d'un tissu fait de cordes, &
escorces d'arbres, avec quelques petites pieces de boys enlacées, avec ceux
cy ont les susdits grand guerre, & s'entreteuent fort cruellement, d'autant
que leurs haines sont sans aucune composition, & leur inimitié fondée
de si long temps, qu'ilz n'en sçauoyent l'occasion tant soit elle petite.

*Agoniondà pen-
ple cruel pres de
Canada.*

Quant au peuple de Saguenai, limitrophe de Canada, & Hochelagà tel-
les sont ses mœurs, & coustumes: il ne croit point en Dieu, mais estime
son conseruateur un qu'il nomme Cudruagui, qui est le malin esprit, le-
quel ilz disent que parle avec eux, & les aduertist de l'heur, ou mal'heur
qui doit leur succeder, & du bon temps, ou infertillité des années, ayans
opinion, & le confessans à chascun que lors qu'il est courroucé à l'encō-
tre d'eux, il leur gette de la poussiere aux yeux, & les empesche de veoir à
leur aise. Ilz croient en outre que lors qu'ils meurent ils s'en vont avec les
estoiiles, & puis s'escoulent, & descendent le long du Ciel avec les Astres,
& apres passent en des champs plaissans & delicieux, où ilz iouissent de
tout aise, & mangent des meilleurs, & plus beaux fruits du monde. Ilz vi-
uent tout ainsi en commun que ceux de Hochelagai, ayans des mesmes
grains, & racines à faire leur pain que ceux du Bresil, desquelz nous parle-
rons cy apres, & se vestans des peaux de diuers animaux sauuages, l'hiver
se faisans des chaufes, & fouliers assez grossierement desdites peaux, &
l'esté allans tous piedz nudz, endurcis au trauail, & gens accoustumez à
viure fort pauurement, & en grande misere. Ilz prisent le mariage, & ne le
violent guere iamais, bien est vray que chascun homme espouse deux ou
troys femmes, auxquelles n'est permis de se remarier leur mary, estant de-
cedé, ains fault que portent le dueil toute leur vie, lequel est cogneu, aussi
bien que le signe de leur viduité en ce qu'elles se sallissent le visage avec
du charbon pillé, & broyé avec de la gresse autant que pourroit la largeur
du doz d'un couteau. Mais leur saleté est le plus descouuerte en cecy que
ils prostituēt vilainemēt leurs filles auāt q̄ les marier, les mettās en lieu pu-
blic ou tous peuuēt aborder pour s'y messer avec elles à leur fantasie, sans
q̄ cela leur tourne à vitupere ny deshōneur quelcōque, iusqu'à ce qu'elles
aurōt trouuē party qui leur soit sortable, ce qui n'est pas hors de foy, puis
q̄ iadis lesdames Cipriottes, & Babiloniēnes (ainsi qu'auōs dit en son lieu)
ne faisoient cōscience de s'acointer de chacū à certain temps en hōneur de
la déesse Venus, à qui on raporte l'inuention de la ruffianerie. Ce peuple
ne se peine beaucoup au trauail, & laboure sa terre avec un instrument de
boys fait cōme vne demy espée, & ont leur bled semblable aux pois rōds
& massifs, & qu'ilz appellent (Ofizi) duquel aussi les Bresiliens ont grand
abōdance en leur terre: Ilz ont en outre quātité de groz melōs, Cocour-
des, des Concōbres, pois, & febues, mais du tout differēs à celles de p de-
ça, en figure desq̄lles neātmoins elles imitēt aucunemēt le goust & saueur.

*Mœurs des Sa-
guenaiens.*

*Cudruagni, adoré
par les Saguenaiē*

*Mariage des Sa-
guenaiens diffé-
rens du reste des
Canadiens.*

*Filles prostituées
par les Sague-
naiens.*

*Ofizi, bled des Sa-
guenaiens.
Poudre de grand
vertu usée aussi
des Ameriques.*

L I V R E Q V A T R I E S M E

Croist encor entre eux vne herbe, de laquelle ilz font grand prouision l'Esté por le temps d'hyuer, la prisans, & estimans beaucoup, & de laquelle vsent seulement les hommes en la forme, & maniere qui s'ensuit.

L'ayant faite secher ilz la mettent dans vn reply de leur abillement de peau fait comme vne pochette, dans laquelle ilz portent aussi vn cornet ou de pierre, ou de bois, & à toutes les heures qu'il leur plaist, ils puluerisent ladicte herbe, mettans la pouldre dás le cornet susdit par vn des bouts & par dessouz ilz mettent vn peu de braise, & de l'autre bout, ilz humét tellement la fumée de ceste pouldre, qu'elle leur fort, & par le nez, & par la bouche, tout ainsi qu'on voit que la fumée feuapore par vne cheminée: ayans certaine opinion que ceste vapeur leur sert de beaucoup, & à grand effait à les tenir chaultz, & sains, de sorte que iamais ilz ne marchent sans auoir sur eux de ceste herbe ou seche, ou puluerisée, & de mesme dit on que les gens qui habitent au pais Bresilien, & en l'Amerique en vsent, voire les Chrestiens confessent qu'eux estans parmy ces nations estranges, ils se sont bien trouuez des suffumigations de ceste herbe: le goust & vehemence de laquelle leur faisoit voir quelle en estoit la chaleur, puis qu'à la fauourer, on eut dit que c'estoit autant de poiure, ou Gingembre puluerisé, qu'ilz festoyent mis en la bouche: & comptent tous leurs faits par Lunes, ainsi qu'en vsent encor par tout le continent de l'Amerique. Les femmes de ce pais là sont industrieuses, & trauaillent beaucoup plus que les hommes soit à la pescherie, qui est vne de leurs principales occupations, ou au labourage, & remuement de la terre, entant que (comme i'ay dit) ils n'ont autre vacation, ny trafic, ne scachant que vault la marchandise.

Femmes plus laborieuses en Sanguenai que les hommes.

Canadiens en general souffrent estrangelement le froid.

Abondance de poisson & gibier en Canada, & terres voisines.

Maladie qui regne souuent es pays de Canada & Sanguenai.

Or entre eux prenez lequel que voudrez, & des sexes, & des aages, si n'y à il pas vn qui ne souffre plus les rigueurs du froid que ne font mesme les bestes brutes, entant que durant les plus grandes froidures, lesquelles sont en ce pais là, & aspres, & effroyables, si venoyent ils tous les iours aux vaisseaux de noz gés tous nudz & par dessus la glace: i'appelle celà estre tous nudz n'ayans rien de couuert que les parties honteuses, & peut estre la moitié des espauls. Durant que la terre est couuerte de nege, & que les fleuues sont glacez, ces sauuages (si ainsi les faut nommer) prennent grād quantité de sauuagine: comme sont Dains, Cerfs, Ours, Lieures, Martres Renardz, & autres bestes desquelles ilz mangent la chair crue, l'ayant premierement faite secher au Soleil, ou à la fumée, ainsi qu'encor ilz en font de leur poisson: duquel ils ont si grād abondance qu'il n'y a saison de l'an, ou & la mer, & les riuieres d'eau douce ne vous donnent dequoy contenter delicatement vostre apertit: & ou le gibier est si familier, & aisé à prendre que les Grues, Cignes, Outardes, Oyes, & Canardz sauuages, Merles, Tourterelles, Bifetz, Ramiers, Estourneaux, Passes solitaires, & Francolins sy trouuent aussi bien ou mieux selon le temps, qu'en cartier aucun de la France. Et iacoit que la disposition & habitude de ce peuple soit telle que i'ay dit, si n'est-il point sans sentir des incommoditez ausquelles la peruersité de nostre nature nous a assuiettis, & sur tout à vne maladie qui ressemble presque à la peste de par deça, & ceux qui en sont attains perdans toute force de se soustenir sentoient vne enfleure estrange en leurs iambes, vn fascheux

fascheux enroidissement de leurs nerfs, qui leur paroissoient aussi noirs que charbon, & à d'autres la chair deuenoit toute plombée, & comme de vn sang corrompu, & maculé, tout ainsi que le pourpre de ceux qui ont la peste, puis s'estendoit ceste maladie aux cuisses, hanches, bras, espauls, & iusqu'au col, ayans tous l'haleine si forte, & puante qu'aucun ne pouuoit leur demourer aupres, & les genciues gastées de telle sorte que la chair en estoit toute mangée, & les dens en tomboyent à plusieurs: & de ce mal se sentirent assaillis les François alors qu'ilz y furent pour s'estre poutmenez par le païs, & ayans permis aux sauuages d'aller, & venir en leur fort durant ceste persecution ne l'estimans point estre contagieuse. Mais & Dieu, & la nature sont si soigneux de ce qu'ilz produisent, qu'il n'y a malheur si grand auquel ilz ne donnent, & montrent le remede, ainsi qu'on le voit & experimente en toute espece de maladies, lesquelles quelque nouueauté qu'ayent, si est-ce que la puissance diuine inspire les hommes pour rechercher ce qui fert à la guerison de ceste alteration de leur santé, ainsi qu'on a veu en ce maudit, & pernicieux mal de Naples porté par deça par les Espaignolz, qui les premiers voyagerent avec Christophle Colomb, comme nous auons dit en nostre histoire des Charles, auquel on a pourueu par le moyen du boys saint, & Gaiac pris au mesme pays d'où la contagion estoit venue.

*Mal de Naples
par qui porté en
Europe. voy l'hi-
stoire des Charles.
liu. 15.*

Aussi en ce païs Canadien apres que les François y eurent enduré l'affault de ceste pestilence, ilz trouuerent aussi les moyens d'y remedier voyans que les sauuages faydoient de la decoction d'vn arbre que ilz appellent en leur langue Amedà, avec laquelle ilz sentirent plus d'effect pour leur santé, que si tous les medecins de Mont-pelier y eussent dressé le bastiment de leurs receptes. Ce peuple assez espluché par nous, faut passer outre, & voir ce qui luyt, tirant, ou à l'Occident, ou au Midy en ces Indes, & laissant à part vne infiny nombre d'Isles tant peuplées, q' nō habitées les peuples desquelles imitēt les mœurs de ceux de terre ferme, verrons quelz sont ceux de la Floride, & quelle est la temperature de leur region, veu que souuent nous auons ouy parler de ceste terre, & pour laquelle les François & Espaignolz se sont assez opiniaistrement entretastez, laissant leurs corps pour engresser les terres de ceux qui quelque amitié que montrent à quelle que ce soit des parties, sont ioyeux toutesfois de se veoir depestrez de ceux qui les visitent, non pour bien que ilz leur vueillent, ains affin de se preualoir & de leur terre, & de leurs richesses.

*Amedà arbre
guerissant la peste
des Canadiens.*

Or est la Floride posée à quelques trente deux degrez de latitude septentrionale au troisieme Climat, mise presque souz le tropique d'Esté en la mesme consideration qu'on peut imaginer le païs d'Egypte, & par ainsi quand les François estoient en Canada, & qu'ilz s'enqueroient des païs esloignez de celle terre, ilz eurent pour responce qu'il y auoit plus outre, loing du chemin d'vne Lune (car c'est ainsi qu'ilz comptent leurs espaces, & iournées) vn païs plus chault que le leur, & où les glaces, ny les neges ne regnoient point si longuement, lequel païs abondoit en fruitz, herbages, fleurs, & delices plus que celuy où ilz habitoient.

*Description &
assiette de la Flo-
ride.*

LIVRE QUATRIESME

Et est la terre Floride faite cōme vne presque isle, ainsi qu'ō descrit le païs de Dannemarch entrant en pointe bien auant en la mer, qui la baigne de tous costez fors celuy qui a regard vers le Septentrion, & voit à l'Orient la grand estendue de l'Océan qui separe l'Europe de ces terres nouvellement descouuertes, à l'Occident luy gist la nouuelle Espagne descouuerte par Gufman Espagnol: au midy elle regarde l'Isle de Cuba, à present Fernandine, qui est vne des premieres habitées par les Espagnolz, & descouuerte par Christophle Colomb: & a pris le nom de Floride de la beauté de son païsage, entant que ceux qui y aborderent les premiers la voyās si verdoyāte, pleine de boys touffuz, & forests spacieuses, & grādes, & comme les prez y estoient tapisséz par la diuersité des fleurs, qui embellissoyent tout le païsage, luy donnerent ce nom de Floride, qui ressent plus son Espagnol que le trait de la langue Françoisē: aussi ç'a esté Iean Ponce Espagnol, qui l'an de nostre salut, mil cinq cens douze, estant desapointé par l'Admiral Colōb de ses charges en l'Isle de Boriquen, arma quelques nauires, & courāt fortune prist terre à la pointe de la Peninsule qu'encore à present on nomme le Cap, ou Promontoire de Iean Ponce: lequel & pour veoir le païsage beau (comme i'ay dit) & pour auoir pris terre le iour de pasques Flouries, appella toute la prouince du nom de Floride.

Pourquoy ceste Prouince est dite Floride, & par qui ainsi appelée.

Floride est le Cimetiere des Espagnolz.

Leshabitans de laquelle sont vaillans, hardis, forts, adextres, & legers, & assez subtilz, & fins, acostables, gracieux à qui ne les fasche point, & qui ont donné de grand affaires aux Capitaines Espagnolz, qui se sont mis en deuoir de les assuiettir, & lesquelz n'y ont rien gagné autre cas, sinon qu'ilz ont laissé ce tiltre à la Floride que elle est le Cimetiere des Espagnolz: veu que de belles troupes y ont finy leurs iours miserablement en cherchans les mines d'or & d'argent, dequoy ilz sont plus curieux que de gagner les hommes, & sur lesquelz ils veulent commander de brauade, ainsi que leurs historiens mesmes recitent, & se plaignent, & d'une si gloute conuoitise d'auoir, & d'une cruauté si extrauagante qui a rendu odieux le nom Espagnol dés le Septentrion iusques aux parties australes, & filz ont des subietz, c'est que les pauures gens ne peuuent s'emanciper de telle seruitude: & quoy que les Roys d'Espagne ayent desapointé plusieurs cheffz, à cause de ces façons si cruelles, si n'ont ilz peu desraciner ce malheur, qui despeuple les païs qu'on alloit visiter pour conuertir les idolatres.

Riuere de May à la Floride nommée par les nostres.

Le ne veux m'amuser longuement sur ce qui s'est passé entre les nostres & les Espagnolz pour raison de ce pays, & comme le Capitaine Iean Ribaud y estant abordé, & ayant graué les armoiries de France en vne certaine roche pres la Riuere de May, qu'il nomma ainsi pour l'auoir descouuerte le premier iour du mois de May, fut occis, & massacré malheureusement, & cruellement escorché par ceux qui deuoyent auoir plus de respect & aux Chrestiens, & à ceux contre lesquelz ilz n'auoyent point de guerre, si ce n'est qu'ilz estiment que l'Espagnol ne soit plus Espagnol dés qu'il est hors des terres de l'Europe.

Laudoniere.

Et ne discourray encor le voyage du Capitaine Laudonniere à la Flo-

ride auquel j'ay parlé, & qui me communiqua partie de ce qui luy estoit succédé en ceste entreprise, & moins m'arrestera sur la vengeance prise par le Capitaine Gourgues sur les Espagnolz, qui festoyent faitz maistres du fort de la Carline sur la Riviere de May au pais susdit, lequel il a ruiné apres auoir occis tout tant qu'il y trouua de gens y enuoyez par les Espagnolz du Mexique, & raporté en France l'artillerie que on auoit pris audit fort sur Iean Ribauld, me contentant de veoir quels sont les hommes de ce pais Floridien, & quelles leurs coustumes, religion, & façons de vie.

Carline fort de la Floride.

Leur viure est tout ainsi par communautéz que celuy des Canadiens, mais les hommes y sont plus brusques, & fiers & qui difficilement se laissent acoster, car c'est ainsi que les Espagnolz en parlent, & les dient estre Antropophages, à cause qu'ilz en mangerent quelques vns d'entre eux, plus de haine qu'ilz portent à toute la nation que ce soit leur naturel, veu que les François qui y ont fréquenté long temps en racomptent des choses fort diuerses, les estimans acostables, gracieux, & assez charitables, quoy que subtilz, & defians, & qui soupçonnent pour peu d'occasion qu'on leur en donne, veu que le Capitaine Gourgues se louë fort de la debonnaireté d'un des roiteletz de ce pays nommé Satoroua, lequel luy feit tout le recueil, & honnestetez desquelles homme se scauroit aduiser,

Mœurs, & conditions des Floridiens.

Au reste d'estre mange-hommes il n'en dit mot, toutesfois ie pense que le temps passé ilz s'en sont aussi bien escrimés, & que les Canibales, les Ameriques, & que les anciens Scythes ausquelz ilz semblent rapporter aucunement : & sont leurs armes, comme aussi de tous leurs voisins des arcz, & saiettes, & des massues de boys, n'ayans aucun vsage de fer que celuy que leur fournissent les Européens. Ilz ont des temples, où ilz adorent le soleil à cause qu'il donne vie & accroissement aux plantes, & semences, & auquel ilz sacrifient & les estrangers pris en guerre, & leurs propres enfans ainsi que le sort leur eschoit sans que personne ose y resister, ny dire chose qui puisse seruir au contraire.

Religion, & sacrifices des Floridiens.

Or se fait le sacrifice en ceste sorte : le iour ordonné pour iceluy estant escheu tous s'assemblent en vne plaine campagne, où le siege du Roy est dressé non si superbe, & magnifique que celuy du grand Cham des Tartares, ains s'asseoit le Prince Floridian sur vn lit de natte, & de quelque coton, acoudé sur iceluy, & appuyant sa face sur la paume de sa main, ce pendant voit-on autour de luy des principaux qui saultent, & dancent en tout ce qu'ilz font, ainsi qu'auons dit estre fait par ceux de Labradour, Canadà, & Hochelagà, sans que pour cela ce beau Roy face aucun semblant de toutes leurs caresses, ains diroit on qu'il refuse, & se contriste pour le massacre qui se doit faire bien tost apres en sa presence.

Cecy fait quelque espace de temps, voicy venir les parens pere, & mere, ou autres plus proches de celuy qu'on doit sacrifier, conduisant la miserable victime, & qui auât q' l'offrir au Prince se prosternent par terre, cōme fils le requeroiēt de misericorde : toutesfois voias qu'il ne se esmeut aucunemēt

ilz se leuent, & prenans l'enfant se mettēt à dancier, & faire plusieurs tours chantans & dançans enuiron le siege du Roy, & tenans tousiours ceste pauvre offrande en l'air, chascune fois qu'ilz tournent, la posans sur l'estomach du prince.

*Sepulture en grād
pris entre les Flo-
ridiens.*

Leurs tours finis ilz le presentent au Roy, qui luy met premierement la main sur la teste, puis le prenant luy donne le premier coup pour l'assommer, & laissant le reste du massacre pour l'exercice des parens qui le paracheuent, & puis leur est permis de l'enterrer à leur fantasie: entant que ilz respectent tellement la sepulture que le plus grand heur qu'ilz souhaitent apres leur mort, c'est d'estre enterrez avec le plus precieux de leurs meubles: ce qui se recueille assez par les propos que Olotoracà neveu du Roy Satironà tint au Capitaine Gourgues, allant à l'assault du fort detenu par les Espaignolz: car il le pria, comme assure de mourir à l'assault qu'il luy pleust, que luy mort, il donnaist ce qu'il luy promettoit, à sa femme, affin qu'elle l'enterrast avec luy, esperant que par ce moyen il en seroit le mieux venu, & recueilly au Royaume, & village des espritz, d'autant que tous en general croyent l'immortalité des ames, & la felicité des gens de bien en l'autre monde, festimans les grands filz du soleil, & disans la Lune estre leur tante, ausquelz ils font reuerence, & les saluent en dançant ainsi que dit est cy dessus, veu qu'ilz ne sçauoyent monstrier signe de leur ioye qu'en gambadant.

*Les saliens à Ro-
me institutuez par
Pompilie n'en fai-
soient pas moins
que ces sauuages.*

*Timangouà peu-
ple ennemy des
Floridiens.*

Vous qui lisez ordinairement l'histoire Greque, & les anciennes façons q̄ les Grecz auoyēt à sacrifier, sçauiez biē si les deuins, & prestres Apollins alloient cōsulter leur Dieu, luy sacrifier, ou pronōcer ses Oracles sans ces mouuemens & gestes, & si presque tous les peuples n'ont suiuy ceste folle façon de faire, ainsi qu'on peut tirer & recueillir des banquetz, & dances des Israëlites Idolatrans au desert, & dançans aupres du veau d'or fondu des ioyaux de leurs espouses.

Les Floridiens ont des voisins pres de l'Espaignol, qui sont leurs ennemis mortels, & avec lesquels ilz ont guerre continuellement, & ceux cy s'appellent Timangouà, de sorte que dès qu'il voyent quelqu'un des nostres, ilz l'appellent Exiasta ysmay, qui signifie enfant du soleil, & pensent que cest Astre leur enuoye pour les venger des courses, & tyrannies des Timangouà leurs anciēs aduersaires: & voila quāt à la Floride, & mœurs des habitans en icelle.

*Des peuples Septentrionaux de la Floride iusqu'à Themistitan, le long
de la riuere des Palmes: & de l'isle nommée Malhado.*

Chapitre quatriesme.



ALVARO Núñez en sa relation du pays descouvert entre la Floride, & le pays du Mexique, nomme plusieurs sortes de peuple, mais tous fort cruelz, sans amitié, ny foy aucune, comme ceux qui ayant receu les Chrestiens, & banqueté en leur compaignie ne faisoient conscience puis apres de les aller assaillir sans respect de leurs mesmes Caciques qui se tenoyent avec les Chrestiens: & quelques ostages qu'ils eussent donné, ou receu, si ne se soucioient ilz pourtant de tenir parolle, ains s'armoyent cruellemēt contre les nostres, qui a esté cause que les Espaignols bien que y ayent donné atteinte, si n'ont ils peu en venir au dessus: toutesfois verrons nous les mœurs de ces peuples selon que nous l'auons recueilly des liures, & memoires de ceux qui ont voyagé déz la Floride iusqu'au Panuco, qui est le chemin de presque quatre vingts lieuës tirant au Nord, & sur le point du Tropique d'esté, à quelques 28. degrez de latitude. Or les peuples plus par Núñez remarquez sont ceux de l'isle de Malhado, qui signifie mauuais de fin, à cause que là les Espaignols perdirent la plus part de leurs gens qui estoient eschapez de la terre ferme, loing de laquelle peut estre ceste isle de sept à huit lieuës, entant que les sauages s'estoyent resoluës, voyas les Chrestiens rompus de trauail, presséz de la faim, & affoibliz de maladie, de les occir trestous cruellement. Les Insulaires donc (selon qu'ils disent) sont grands de stature, bien proportionnez de membres, disposés, & allegres de leur personne, comme aussi sont ceux de terre ferme, la legereté desquelz est telle qu'à la course ils prendront gaillardement vn cheureul, ayas des arcs, & flesches pour toutes armes, mais desquelles ils s'aydēt fort adextremement. Les hommes se percent vne de leurs mamelles, & les aucuns toutes les deux, & au trou ils mettent vne flesche longue, & faite de canne de pied & demy, & assez grosse, & se fendent les leures par dessus, y metrans aussi vne petite piece de Canne, en vsent de mesme aux fesses, où ils se trauerfent semblablement vne Cane assez longue. Ceux de terre ferme en la region ditte Aplacen sont forts, legers, & disposés portans des arcs lōgs de six pieds, mais gros cōme le bras, & en tireront de deux cens pas loing, ne faillans de passer la flesche par vn ais quelq' espaisseur raisonnable qu'il aye, & sont les flesches de roseau, ayans au bout en lieu de fer, des pierres, & subtiles, pointes, & marquetées bien gentiment, & ayans vne telle soefueté d'odeur, qu'on diroit que c'est de l'ambre, ou de la ciuette: portēt encor des manteaux de gros fil, & des chapeaux haults, & pointuz, & larges par le bord, & s'entresaluans se font present chacun d'une flesche, laquelle ils baissent en signe d'amitié.

En l'isle de Malhado les habitans y vont presque tous nuds, sauf que les femmes mariées se couurent les parties honteuses avec vn voile fait d'es-

LIVRE QUATRIESME

*Mariage des
Malhadiens.*

corce d'arbre, laquelle est si deliée & subtile, que on iugeroit que ce soit de la laine la plus fine que on sçache trouver, & les filles ont des peaux de Cheures, & autres animaux pour se vestir. Les hommes y sont bons guerriers, & les femmes fort adonnées au travail: & n'espousent ordinairement que chacun vne femme, sauf que les medecins en peuuent auoir deux si bon leur semble, ayans grande amitié, & familiarité ensemble. Celuy qui fiance vne fille est tenu d'aporter au pere de son accordée, tout ce qu'il prend, soit à la chasse, ou à la pescherie déz le iour qu'il l'accorde iusque à la fin de sa vie, sans qu'il osast en toucher, ny manger tant peu soit de la proye: Et son beau pere est tenu luy enuoyer à manger sans qu'il entre en sa maison, nomplus que le fiancé va visiter le logis de son beau pere: voire fils se rencontrent, ils s'esloignent d'un trait d'arc presque l'un de l'autre, & se reculans ainsi ilz tiennent la veüe basse comme ceux qui estiment que s'entre-regarder, & parler leur tourne à malheur & preiudice: & de ceste façon vsent encor ceux de terre ferme à plus de cinquante lieues à la ronde. Ont encor vne autre estrange coustume, que si vn

*Estrange dueil de
ces Insulaires.*

leur frere, ou enfant vient à deceder ils s'en colerent, & contristent estrangelement, sans que pas vn de la maison où cest homme sera mort, se soucie de se pourchasser d'aucun viure par l'espace de troys moys, ains se laisseroyent plustost mourir de faim que ce faire, si quelque leur parent, ou voisin n'en prend le soing, & les soulage avec espoir de receuoir d'eux la pareille. Ilz seroyent bien trompez si quelque grand peste les assailloit, & que ilz veissent que presque que chacune maison eust vn mort, d'autant que ce ieusne suffiroit pour en despeupler en peu de temps la cōtrée. Ils ne pleurent point & ne se contristent pour la mort de quelque vieillard, disans qu'ils ne seruoyent de rien plus au monde, que d'empescher la terre sans aucun prouffit: mais pour les petits enfans ils en font le dueil tout le long d'un an, tous les iours trois fois commençans le pere, & la mere les premiers, & puis tout le peuple imitant leur tristesse, à sçauoir au point du iour, au leuer du soleil, & sur le midy: & au bout de l'an ils font les obseques, lesquelles finies ilz se nettoient, & lauent, n'estant permis de ce faire durant le temps de leur dueil. Or enterrēt ils leurs morts, sauf que les medecins, les corps desquels ils bruslēt dancans & sautans autour du feu tandis que il ard, & s'esjouissans avec grand allegresse, & font de la pouldre des ossemens laquelle ils gardent iusqu'à ce que l'an du dueil expiré, ilz font les hōneurs & obseques du mort, & alors la femme, & parens du medecin deffunt se prosternēt par terre avec tout le peuple, puis les parens hument avec de l'eau les cendres des os comme pour memoire & se decoupent & taillent les bras en signe de grande tristesse.

*Quelle medecine
vsée par les Mal-
hadiens.*

Le moyen que leurs medecins tiennent pour les guerir est le feu, & en soufflant la playe, qu'ils auront faite au patient entant que ilz font des incisions, & succent le lieu incisé, tellement que souuent ils les guerissent: & comme les Chrestiens se moquassent de ceste façon de medecine, ces barbares les accuserent d'ignorance, disans: que s'il est ainsi que les herbes, & mineraux ayent quelque force de guerir, qu'à plus forte raison ce don est ottoyé à l'homme, par le soleil (car ils l'adorent aussi bien que ceux de la

Floride) qui est le plus parfait, & à plus de vigueur que tout ce qui a vie en ce monde. Ce peuple insulaire est Antropophage, & mangeât les hommes, larron, grand menteur, & s'adonnât à deuination & sorcelerie, cōme ceux qui pour auoir songé quelque chose malheureuse en dormant, ne font cōscience d'occir les hommes, voire leurs propres enfans, & pour deuiner ce qui en doit succeder, & pour avec ce sacrifice destourner ce defastre de dessus leur teste: voire en aucūs endroits de laditte isle ils sont si desnaturalisez, q̄ de tuer leurs filles, & les getter aux champs affin qu'elles seruent de proie aux bestes, & si on leur en demande raison, vous en tirez ceste response qu'ils en vsent ainsi, afin q̄ elles ne soyēt les espouses de leurs ennemis, veu q̄ tous les autres insulaires les ont en detestation, & s'appellent Iaguasles: & disent qu'elles seroyēt cause de la multiplicatiō de leurs aduersaires. Neātmoins eux-mesme se voulans marier fault q̄ achetēt leurs femmes de leurs voisins, & en est le pris vn bel arc & deux fleches, & en default de cela ils donnent vn filay ayāt demy aune de large, & autāt en longueur. Ces Iaguasles se percent & leurs, & mamelles, & fesses aussi bien q̄ le reste des Insulaires, & sont estrangement adonnez au peché contre nature, ils changent souuent de maison ainsi q̄ font les Arabes de Barbarie, ayās des nattes faites de ionc, & roseaux avec lesquelles ilz reuestent leurs maisonnettes: & les femmes, & vieilles gens se vestēt en hiuer, & couurēt leurs cuisses, & iābes de peaux de certaines vaches q̄ ils ayēt des pays plus septentrionaux, & qui viēnent en leur pais de terre ferme, car ils sont vagabōds, lesq̄lles bestes ont le col tortu, & le poil lōg cōme les cheures, & de quelles la chair est bōne & sauoureuse. C'est vn cas estrāge de la nourriture de laq̄lle on dit q̄ vse ce peuple pour le soustiē de sa vie, cōme celuy qui māge des araignes, fourmis, vers, lezards, serpēs, des copeaux de boys, de la terre, & autres viādes d'aussi peu de goust, & plaisir au māger: nō q̄ ils acōptent cela à quelque delicatēse, mais pour auoir faute du Mahis qui est la propre pasture de tous ces pays là, & de la racine duquel tous s'aidēt pour en faire farine, & en pestrir leur pain, & laquelle racine il fault qu'ils aillēt chercher bien loing, au grād peril de leur vie, veu qu'ils en ont de tel qui les fait enfler cōme crapaults, & sont de fort dure & difficile digestion, neātmoins la necessitē les contraint à sy ruer dessus, & ne trouuent riē d'amer ny dur, ou de mauuais goust, tant extreme est la faim qui les assaut, & oppresse cōtinuellemēt: & telle q̄ les viperes qui sont poison soudain faisant mourir l'hōme, & la fiente des bestes seruent de viāde delicieuse à ce peuple miserable. Aussi pense-ie que la mesme nature est ennemye d'iceluy, à cause q̄ luy aussi n'ayme riē q̄ soy mesme, & n'a soin q̄lcōque ny de ses enfans, ny des vieillards, desq̄ls il ne se soucie nō moins q̄ s'ils n'estoyēt point en estre: & toutefois q̄lque indigēce q̄ les Iaguasles souffrēt, si ne cessent ils de se resiouir, de chāter, & dācer à toutes heures ainsi q̄ est la coustume de toutes ces natiōs plus tramōtanes, & Boreales, q̄ resserāt leur pais de l'Occidēt. Outre la famine ordinaire qui fait cōpaignie sās cesse à ces Barbares encore cōbat cōtr'eux la nature, leur mettāt en cāpaigne des Mouschillōs qui les piquēt de telle sorte, q̄ ils ont le cuir tout eleuē, & la chair boursouflée cōme ladres, & cōtre lesq̄ls ils ont guerre nuit & iour, dresās des feux

Malhadies Antropophages.

Iaguazes occient leurs filles et pour quoy.

Maisons des Iaguazes, & autres Insulaires.

Viāde de ces Insulaires.

Iaguasles n'aymēt rien qu'eux mesmes.

Iaguasles assaillies de faim, & des mouschillons.

LIVRE QUATRIESME

*Malicôs, Cuiaios
Catalcuches, A-
nauares peuples
Occidentaux.*

*Aluaro Nûnez
auteur de ceste hi-
stoire du pays des
Palmes.*

*Malin esprit tour-
mente ces Indîcs.*

*Regions voisines
du Mexique vers
la mer de Sur.*

pour avec l'espeſſeur de la fumée, & avec vne perſecution ſe deſcharger d'une autre incommodité: & d'autres prenants des tiſons ardâs, vont courans, comme fols par la campagne bruſſans, & pourſuyuans ceſte vermine a belles flammes. D'auantage ne ſarreſte guere ce peuple en vn lieu ſ'il n'y a abondance, & d'eau, & de boys, l'vn pour boire, & faire leur pain, & l'autre pour cuire leur viande, ſils prennent quelque ſauuagine, & pour ſe ayder à fumer & bruſſer ces mouſchillons, qui les aſſailent ſi opiniaſtremment, & ne leur ſouffrent prendre repos quelconque. Le long de celle coſte habitent les Malicons, Cuiaios, Catalcuches, & Auauares, leſquels tous comptent les temps, non par ans, ou moys, ny prenants eſgard au ſoleil, ou à la Lune, contens de ſçauoir ſeulement la difference du temps ſelô qu'ilz voyent que leurs fruits viennent à maturité, & lors que les poiſſons remuent & ſautent ſur l'eau: mais en vne choſe ſont ils fort experts, à ſçauoir à la cognoiſſance du leuer des eſtoilles, ſelon le cours deſquelles ils ont de couſtume de ſe gouverner: & ceux-cy ſont auſſi ſuiets à la faim q̃ les precedents, n'ayans guere grans moyens de ſuſtenter leur vie que fort miſérablement: au reſte ſuiets aux perſecutions ſi euidêtes du malin eſprit que ils ſont batus, deſchirez, & tourmentez par ce commun ennemy de l'hôme, & ce viſiblement. Auſſi diſoient ils aux Chreſtiés (comme raconte Aluaro Nunez en ſes rapports) que ceſte mauuaïſe choſe, car tel nom luy donnent ils, eſt vn homme de petite ſtature, & portant barbe, iacoit que guere iamais ils ne pouuoient luy regarder le viſaige: & que dès qu'il venoit en quelque maiſon, tous ceux qui eſtoient dedans ne ceſſoient de trembler, & leur dreſſoient les cheueux en la teſte, & ſoudain que ceſt eſtonnement les ſaiſiſſoit, on voyoit ſur leurs portes vn grand tiſon de feu tout ardent, apres lequel entroit ceſte malheureuſe creature iouât ſes ieux, & tourmentant ceux qui eſtoient en la logette. Quelquefois tandis qu'ils chantoient, & dâçoient, ſelon leur couſtume, ce malin eſprit entroit veſtu en habit de femme, ou de quelque homme, & ſouuent prenoit toute la loge la hauçant en l'air, puis la laiſſant tomber avec vn grand eſbahifſement de ceux de dedans, & menant vn eſtrange bruit, & tintamarre.

Le ne diſcourray plus longuement ce qui eſt des terres de Saltenangô, Mexuacâ, Atlan, Guaxacâ, Guatatlan, Cimagtlan, Heſpâ, Tetitlan, Xaliſco, Tepeque, d'autant que les mœurs, & façons de vie des habitans auſditz lieux, ſont ſemblables à celles des Mexiquiens: comme ayans les Idoles en honneur, viuans aſſez ciuilement, & les edifices deſquels eſtoyênt auſſi magnifiques q̃ nous verrons auoir eſté les baſtimens de la grand cité de Themistitâ: mais paſſans plus oultre vers la mer de Sur, que autrement on nôme pacifique, pour ne laiſſer ce qui conioint l'egalité du globe, verrons le pays de Ceuolâ deſcouuert l'an 1540. par ceux q̃ le gouverneur de la nouuelle Gallice y enuoya au nom du Roy d'Eſpaigne, lequel pays eſt entre le Tropique d'eſté, & le Pole Artique tirant au Nord, & doublant vers l'Occident en l'elevation de quelques 60. degrez de latitude. En ce pays eſt le peuple plus ciuiliſé que es regions ſuſdites, bien eſt vray qu'il ne ſouffre guere que les eſtrangers y donnent atainte, ne ſçay ſi c'eſt à cauſe des Eſpaignols que ils craignent, & ſe doubrent d'eſtre eſclauéz de la meſme façon que

çon que ceux de Themistitan, veu que quand les gens y enuoyez par le Viceroy, y arriuerent, tout le traitement que on leur feit, ce fut la deffence d'entrer en leur ville, & de sortir des finages sur peine de la mort.

Le pays y est beau, les bastiments faits fort magnifiquement, les hommes blancs pour estre le Ciel attrempe, & plus tirant sur le Septentrion, & de belle stature, allans vestus de coton, & de cuir de vache bien elabouré, & qui leur va iusqu'aux talons, se vestans de mesme façon les hommes que les femmes, si riches que merueilles en pierrerie, & sur tout les esmerauldes y abondent, mais les Ceuoliens tiennent seulement compte des Turquôises, & s'en seruent comme pour monnoye, en portent des ceintures, coliers, & bracelets, & aux oreilles, voire se persans les leures, ainsi que les Ameriques en enrichissent ces deschiquetures faites pour cest effait en leur face. Les habitans de Ceuola qui est vne grand ville, & esgalle presque à Themistitan, font souuent des banquets ensemble, & ont des maisons grandes, spacieuses, & publiques, où ilz s'assemblent plusieurs fois l'an, pour y banqueter, & traiter de leurs affaires: ayans vn roy qui leur commande, & qui les conduit en guerre, comme aussi ont toutes ces nations septentrionales, affin que on cognoisse que c'est la nature qui nous monstre qu'un estat ne peut longuement durer, sans qu'il y ait quelcun qui en ait la surintendace. C'est ainsi que en auoit escrit vn beau pere, qui se disoit auoir fait le voyage, mais François Vasquez capitaine, & vaillant homme, ayant fait le mesme chemin en chante tout au contraire, disant que ces grandes citez que le frater auoit fait entendre au roy, n'estoyent que de petits villages, où neantmoins les logis y estoyent gentiment elaborez, ayans & deux, & trois estages, ausquels on montoit avec des eschelles à main, & ce pays fut par luy nommé Grenade, en souuenance du Royaume Espagnol qui porte ce tiltre. Or quant au pays & peuple d'iceluy, voicy ce que Vasquez en recite. Le peuple de ce pays me semble assez accort, & subtil, d'assez belle stature, allans la plus part tous nuds, iagoit qu'ils couurent leurs vergoignes, & ont certains manteaux paintz & qui sont faits de cuir, sans coton quelconque à cause que le pays y est inhabile à le porter, pour estre estrangement exposé à la froidure. Bien est vray que quelquefois il y fait chault, mais soudain l'air changeant de visage on voit les nuages, & l'abondance fort grande de pluye: Les froids, & les neges y sont & longs & excessifs, ce qui a aprins aux habitâs & à bastir assez chaudement, & à faire des habits de peaux de bestes, pour se preualoir de telle froidure: laquelle empesche qu'il n'y a aucun fruit, ny arbre fruitier quelconque.

Cecy est selon le rapport d'un beau pere qui se disoit y auoir esté.

Vraye relatiõ de Vasquez touchât Ceuola, à present la ville s'appelle Grenade.

Quel le pays de Ceuola, temperature, & condition d'iceluy.

Le pays y est plat, & sans montaignes, assez fertile, en leur Mahis qui est vne espece de bled comme noz millets, & en quelques legumes, les cerfs, dains, & autres bestes semblables y sont en abondance, & des cuirs desquelles ils s'arment contre le froid. Ce pauvre peuple adoroit l'eau, & ne scauoit donner autre raison de ceste idolatrie, sinon que c'est elle qui fait croistre, & engendre leur bled, ou Mahis, & que c'est par elle que ils se sentent sustenter leur vie, & que aussi leurs ancestres en auoyent ainsi vû, la trace desquels ilz imitoient encore. Ces Ceuoliens & leurs voisins ont

Ceuoliens adorent l'eau, Et pourquoy

LIVRE QUATRIESME

pour armes, allans en guerre, vne massë, la rondelle, l'arc avec les fleches, lesquelles en lieu de fer, ôt de certains os aigus au bout, qui sont poignäs, & acerez au possible: les femmes vôt vestuës de certaines chemises ouuertes par le deuant, & lesquelles elles ceignent, & qui leur vont iusque aux pieds, lesquelles elles attachent avec certains cordons de coton, ainsi que nous en vsons pardeça avec des boutös: & en sont si ialoux, que ceux qui ont demeuré parmy ce peuple, disent n'auoir guere peu voir vne seule femme tandis qu'ils ont esté en celle prouince. I'ay dit qu'ils ont l'eau en grande reuerëce, mais non pourtant n'est elle point la principale diuinité à qui ils font honneur, ains c'est le soleil, tout ainsi que ceux de Canada, & de la Floride, bien est vray que les Floridiens, cöme dit est, offrent de sanglās sacrifices à leur Dieu, & luy immolent les hommes, là où ceux-cy ne sont si cruels, contens de luy offrir vn peu de chacune chose qu'ils mangent, & la gettēt en l'air pour recognoissance q'il est le souuerain, & auql ils rendent graces de tout ce qu'ils ont de vie, cöme en estāt le distributeur. Faisans encor ceste dispersion en l'air, pour la perfection du sacrifice, ils ont de coustume de s'ëplir la bouche de Mahis, & autres semences, & en arrouser les assistäs avec grande ceremonie. Et est tout le pays adöné à ce seruice, aussi bien qu'à ceste abomination d'idolatrie est conioint le detestable peché de Sodomic, y ayāt des hōmes, lesqls dës le berceau auāt sont dediës à cest vsage infame de souffrir, & lesquels ne se mariēt iamais, ny osent s'accoupler à femme, ains seruent de boucherie à quiconque veut se souiller en ceste vilennie. Ont aussi des femmes cömunes, lesqles demeurent separées de celles qui sont mariées, & ne frequentēt aucunemēt avec elles, à cause (cömedit est) q'ce peuple est esträgement ialoux, & ne souffre q'personne approche leurs fëmes, desqles en aucuns lieux, les vns en ont grad nōbre, & en d'autres ils se cötentēt d'ë espouser vne seule: & voila quāt aux mœurs de ces pays plus Septëtrionaux, qui cöfinent aux terres du Mexique, & la verité desquels, i'ay tiré de ce qu'en ont laissë par escrit Vasquez de Coronado, & Ferdinand Alarcon qui ont fait le susdit voyage.

Du Royaume de Mexique, mœurs, & façons de vie des habitans en iceluy, & comme les Espaignols l'ont conquis. Chapitr. 5.



Acoit qu'il y ait de nos Fräçois qui ont fait quelq description de la gräde & fameuse citë de Themistitan, si ne lairray-ie pourtant de l'effigier & descrire, suiuant les memoires qu'ë a laissë celuy mesme qui en feit la conqueste: à sçauoir Fernand Cortez excellent Capitaine, & qui baptisa le pays Mexicain, du nom de Nouvelle Espaigne: sans toutesfois que i'aille deuiner à la volée la cause des noms des pays, esquels le peuple, ne sçachant mesme ny son origine, n'y l'occasion de son nom, commēt seroit-il possible que les nostres en sceussent rendre raison, ioint q' i'ay protesté, & proteste de ne rië dire qu'avec le tesmoignage de ceux qui en sçauët la verité, & qui en ayans escrit, pour y auoir esté, nous sont de tant plus proposez à ensuiure, que nous detestös l'impudëce de ceux, qui veulent nous paistre de baïes, & nous faire croire leurs cöptes. A propos d'öc, cöme Fernäd Cortës en sō pmier aduis ëuoyé à la maiestë de l'ëp. Char. 5. eust descrete la, puince de Panuco, & en la secöde effigëe la prouince nömëe Sienchimalë, la va-

Cenoliens fort ialoux.

Cenoliens & peuples voisins adorēt le soleil.

Sacrifices quelz faitz au Soleil par les Cenoliens.

Vilennie des Cenoliens.

Vasquez Coronado, & Ferdinand Alarcö ont descouuert Cenola 1540.

La descouuerte en aduint l'an 1519. Et 20. Fernand Cortez, cöquist le Mexique.

Cortez, à escrit trois relations.

lée de Cartenai, la regiõ de Telscaltecal, & que il eust repurgé de larrõs le païs de Guaficango, declairé q̃ il a les conquestes des terres d'Acanfigo, & Izuchan, apres auoir descrit les villes de Amaquerucà, Tzapalapà & Camalcà avec leurs richesses, & n'oubliât de mettre en auât les petits royaumes cõtenus sous ces nõs de Curulà, Tamazalapa, Malinaltebeq̃, & Tenis, qui sõt prouinces fort riches en or, fruits & autres singularitez, à la fin d'autât que toutes celles cy sõt cõprises sous le nom & puissãce du Roy Mexicã, & q̃ elles sont de sa cõtribution & obeissance, il descrit aussi la regiõ du Mexique en ceste sorte: Auât, dit-il, que riẽ dire de la fameuse citẽ de Themistitan, il fault pour mieux l'entendre, sçauoir l'assiete du pays de Mexique, auquel est posée, & bastie celle grãd citẽ, qui est le siege & court royale du roy, & souuerain de toutes les regiõs furnõmées. Mexique donc est vn païs tout ceint, & enuironé de treshaults, & trespres mõts, & inaccessible, au pied desq̃ls enãtmoins gist vne belle, & gẽtille planure, & lõgue cãpaigne ayât soixante dix lieuës, & en iceluy païs y a deux lacs, lesq̃lz occupẽt presque toute la prouince, entãt q̃ tous les deux tiennẽt 50. lieuës, ou peu s'en fault d'espace, l'un desq̃ls est d'eau douce, & le goust de l'autre est aussi salée & mal-plaisante au goust q̃ l'eau de la mer, & cestuy est plus grãd q̃ le lac d'eau douce, & tous les deux sèparez par q̃lques collines, qui sont au milieu de la cãpaigne. Depuis l'isle de Malhado iusq̃ au Mexiq̃, & la grãd citẽ de Themistitã, tous les peuples y habitãs ont de coustume de ne coucher avec leurs fẽmes dès le iour q̃ elles se sentẽt enceintes, iusques deux ans apres la naissance du fruit q̃ elles portẽt, & nourrissent leurs enfans iusq̃ à tãt qu'ils attaignẽt l'ã 12. de leur aage, & sõt suffisans de se pourchasser d'eux-mesmes dequoy viure. Ils y sont si peu charitables q̃ si q̃lcun tõbe malade parmy eux ẽ pleine cãpaigne, fil n'est ou leur fils, ou leur frere, ils n'ẽ tiennẽt cõpte, ains le laissent là pour y mourir, ou qu'il se soulage fil est en sa puissãce: mais s'il est ou leur enfant, ou frere, ils le chargent sur leurs espauls, & l'ẽportẽt, pour le pẽser, & guerir suiuant la suscrite façõ de faire. Ce peuple ẽcor a pour vsage, luy seruãt de loy, de se sèparer de celles q̃ il a en mariage pour l'ocasiõ la moindre du mõde, & se remariẽt à qui bon leur semble, sauf s'il y auoit des enfans, car alors, il n'est loisible à aucun de quitter sa femme. S'ils ont quelq̃ debat entr'eux, ce ne sont les arcs, & fleches, avec lesq̃lles ils demeslẽt leur differẽt, ains à grands coups de poing, & à belles bastõnades, & n'y a q̃ les fẽmes qui en facẽt la separatiõ: & departy q̃ elles ont la q̃relle, chacũ se retire loing de son voisin iusq̃s à tãt q̃ sa colere luy passe: & soudain q̃ le desdain s'amortist en leur amẽ, ils se reuissent ensemble comme si iamais ils n'auoyent eu aucune meslẽe. Bien est vray que ceux qui ne sont pas mariez n'en sont pas ainsi, car s'ils q̃rellẽt & se batẽt ils se retirẽt vers leurs voisins, qui les reçoieuẽt courtoisemẽt, les aydãs de ce q̃ ils ont iusqu'à tant que le tout appaisẽ, chacũ se retire en sa maisonnette: & sõt en general fort bõs guerriers, & si caults, pouruoyans, sages, & rusez en ce qui est de l'art militaire, qu'on les estimeroit auoir ẽstẽ cõduits par les plus braues chefs q̃ nous ayõs ẽ nostre Europe. Et d'autât q̃ (cõme i'ay dit) ce peuple ne s'arreste guere iamais en vn lieu, & q̃ il porte ses maisons quelque part qu'il marche: s'il aduient qu'il luy faille

Prouinces cõprises au royaume de Mexique.

Assiete du pays Mexican.

Continẽce des occidentaux Et le tẽps que les femmes allaitent leurs enfans.

Diurce entre les Indiens d'Occident cõme receu.

Les peuples dès la riuere des Palmes iusqu'au Mexique bons guerriers.

LIVRE QUATRIESME

Comme ilz dressent leur camp.

Maniere que ce peuple tiens en combatant.

Comme leur combat prend fin.

Comes, & Camoles peuples.

s'arrester en quelque lieu, où les ennemys le puissent offencer, c'est lors qu'on voit dresser son equipage, & ses loges au pied de quelque môt pier-
 reux, & difficile, & où il y ayt du boys le plus espais qu'ils peuuent choi-
 sir, puis se retranchent de tous costez, & y reposent à l'aise. Ceux qui doi-
 uent combattre se courent tous de boys menu comme qui feroit des Pa-
 uelades, & ainsi cachez ils descouchent leurs flesches, si bien couuertz, que
 iacoit que l'ennemy leur soit proche & voisin, si ne peut il les descouvrir
 aucunement. Or font ilz vn chemin fort estroit iusque au demy montai-
 gne, où ils dressent vn lieu pour la retraite de leurs femmes & enfans, que
 ils meinēt tousiours, à cause que tout ainsi q'elles sont le plus souuēt l'oc-
 casio de leurs querelles, elles les departēt aussi lors qu'ils combatēt le plus
 furieusement. Ce sont les plus fins, & rusez à se surprendre les vns les autres,
 q'homme scauroit imaginer: au reste quād ils ont querelles particulieres d'v-
 ne maison à autre, on ne voit q'embusches & aguets, & des meurtres infi-
 nis faits en trahison & par surprise: en somme c'est la nation la plus dili-
 gente en fait de guerre qui soit en tout l'Occidēt, entant que s'ilz se doub-
 tēt de leur aduersaire, ils n'ot garde de dormir, ains serōt tout le long de la
 nuit en sentinelle, tenās l'arc prest avec vne douzaine de flesches, souuent
 ils sortēt de leur loge allās ronder autour le vêtre contre terre, pour n'estre
 point aperceus, afin de voir & scauoir ce qui se fait au cāp de l'ennemy, a-
 fin que s'ils sentent aucun remuement ils soyent prests pour se mettre en
 deffence. Quād ils cōbatent ils se tiennent bas, & s'abaissent pour n'estre
 atteints des flesches aduersaires, & descouchāt ils parlēt tousiours, & saultēt
 d'vn lieu en autre: ainsi l'harquebuserie ne leur porte guere grād nuissance
 quād les nostres les attaquēt, si ce n'est q'ce soit en quelque lieu estroit, ou
 l'eau les empesche de se destourner, & gauchir aux coups, & n'y a moyē de
 les auoir q'par l'effort, & gaillardise de la caualerie: laq̃lle ces gēs craignēt
 sur toutes les choses de ce mōde. Or quicōque a affaire avec eux qu'il n'ou-
 blie riē de son cœur, & assurance, & soit si discret que ces barbares ne co-
 gnoissent rien en luy d'estonnement, ou faulte de hardiesse, d'autāt qu'ilz
 s'aydēt le mieux de telles occasions que gēs de la terre rāt is sont accorts,
 & subtils, & qui s'ehardissent en l'auilissement de leurs ennemys, & coura-
 geusement se vengent lors qu'ils voyent estonnez leurs aduersaires: voire
 ne fault leur vser de guere grād gracieusetē durāt le cōbat, ny craindre de
 les offencer, car ils se moquent de tels respects, & estiment que c'est vn si-
 gne euidēt de couardise. Lors qu'ils sont cōbatās entr'eux de voisin à voi-
 sin, & qu'ils ont employē toute leur munition de flesches, chacun s'en re-
 tourne son chemin, sans que son ennemy se soucie de le poursuiure, enco-
 re q'les fuyās soyēt en beaucoup plus petit nōbre q'ceux à qui le chāp est
 demeurē libre, car telle est la coustume vlēe entr'eux: comme aussi ils sont
 acoustumez à souffrir la faim, & soif, & froid plus que tous les autres, &
 par-ainsi ne fault s'estonner s'ils sont si bons guerriers, & si sages que ie
 vous ay descrit. La diuersité des langues y est vne grand fascherie à ceux
 qui nauignent le long de celle coste, iacoit qu'il y ayt vn langaige com-
 mun, qui est entēdu en l'estēduē de plus de 400. lieues de terre. Passez les
 peuples susnommez, on trouue les Comes, & Camoles, peuple fort sot

& adonné à ses plaisirs, où chascun s'enyure avec certaine fumée d'herbe, ou pouldre faite d'icelle plante. Ont aussi vne sorte de boisson faite des fueilles d'un arbre qui est semblable à celles d'un chesne qu'ils cuisent dans de grands chaudieres pleines d'eau, lesquelles ayans donné deux bouillons ilz tirent de dessus le feu, & quand elle est à demy tiede, & que encor l'escume y est par dessus ilz en boient, & la hument la plus chaude qu'ilz la peuuent souffrir, mais tandis qu'ils la tirent du vase, & avant que en vser, ils crient & semonnent ceux qui aurôt desir de boire. Les femmes oyant ce cry quelque part qu'elles soyent fault que s'arrestent sans bouger d'un lieu, ny remuer en sorte quelconque, car s'il aduenoit qu'une remuast elle seroit battue à outrance, & ce pendant leur boisson gettée & respendue, à cause qu'ils ont opinion que si tandis qu'ilz appellent ceux qui voudront boire quelque femme se remuoit tant soit peu, que quelque cas de malheureux entre en leur boire, & d'iceluy en leur corps, qui les fait mourir en peu de temps. Ceste boisson a la couleur iaune, & en vsent trois iours de suite sans manger viande quelconque, ne passant iour que chascun n'en aualle plus d'un seau & demy. Il y a encor diuers autres peuples le long de celle coste, que ie laisse pour vser de mesmes façons de faire que ceux que iusqu'icy auôs descrit, iacoit que les vns sont plus courtois que les autres, selon aussi (comme ie pense) qu'ils sont frequentez des Chrestiens, ou eu esgard au traitement que leur font les nostres: d'autant que les Espaignolz mesmes confessent, que ces pauures Barbares fuioyent les Chrestiens à cause que ceux de leur troupe n'oublioient rien à prendre deualsant ceux qui les caressoyent, & esclauans les naturelz du pays qui leur offroyent assez & plus que volontiers leur seruice. Or avant que retourner sur la coste tirant vers la nouuelle Espagne, & que venir aux isles qui sont dés la Floride iusques à Iucatan, & au Panuco, nous verrons le plat pays tirant vers la mer de Sur, laissant neantmoins les terres qui regardent le plus le Septentrion, à cause qu'il n'y a encore aucun qui en aye plus descouuert que du long de la mer, & de quelques fleues es païs de Canadà, Bacaleoz, Hochelagà, & Labradour, deschifrez par nous es chapitres precedens. Non loing des Prouinces des Comes, & Camoles, est la region de Cuinao, & vne autre qui l'auoisine laquelle est nommée Cuinaquiro, aboutissant au païs Mexique vers le Midy & Orient, ayant la mer de Sur par Occident, & les susditz peuples pour obiet Septentrional: les Cuinaens, & Cuinaquiriens sont gens fort estranges, & mal acostables & là où les hommes portent des barbes de certaine espece de paille, allàs à demy nudz, toutesfois se couvrans des cuirs des bestes, & sacrifiant les hommes avec vne brutale cruauté, pensans faire vn grand hōneur à ceux qui les viennent visiter, si avec ceste careffe si mal-plaisante ilz les enuoiēt en l'autre mode. Ce peuple fut iadis subiet aux Roys de Mexique, mais le Royaume estant tōbé entre les mains des Espaignolz, il a tasché par tout moyen de se dispenser de leur obeyssance, se sentant vaillant & fort robuste, & au reste ayant des lieux boscageux, & des aspres montaignes pour s'y retirer, & si courageux, & hardy que Nuno de Gusman escriuat à l'Empereur Charles cinquieme, & recommandant la vaillance de ces Barba-

Estrange superstition des Barbares Camoles.

Cuinao, & Cuinaquiro regions Occidentales.

Nuno de Gusman en ses relations.

LIVRE QUATRIESME

Vaillace des Cuineens.

*Cuinaquiriens
grands idolatres*

Cuineens Sodomités.

*Cuineens & Cuinaquireens
An-tropophages.*

*Assiette de la
grande cité de Themistitan.*

*Themistitan bastie
tout ainsi que Venise.*

res, il dit qu'un Indien voyant un Espagnol monté à l'avantage, & armé avoir passé une rivière ne craignist de l'attaquer à tout son espée de boys, de laquelle il luy donna deux ou trois vertes ataintes, & se porta si bien que sans le cheval, le Chrestien eut eu assez d'affaire, neantmoins occist il à la fin ce valeureux Barbare que volontiers il eut sauué, veu la gail-lardise, si luy eust esté possible de le prédre en vie. Les Cuineens bié que adorent le Soleil, suyuant la façon de faire des autres peuples des le Septentrion tirant à la mer de Sur, iusqu'au país Mexique: si est-ce encor que ils ont des idoles auxquelles ilz font grand honneur, & reuerce: & quoy qu'ils prennent plaisir lors que les Chrestiens leur parlent de Dieu createur du Ciel, & de la terre, si sont ils si bestiaux, & grossiers d'esprit, q meprisans cecy, ils ne peuuent desacoustumer le seruice du Diable, lequel ilz sentent pour estrange, & mal-gracieux maistre, aussi bien que ceux de Malhado, & que les Iaguzes cy deuant mentionnez. Et n'est grand cas que ce malin esprit les tienne ainsi aueuglez, veu que là où leurs voisins ont quelque modestie, & continence, ceux cy sont si brutalement conduitz du desfreiglement de leur appetit, qu'ilz commettent le peché cõtre nature, & vsent des mariages desquelz est taxé Nerõ auoir voulu vser par les histoires Romaines. Ce peuple est en outre imitateur de la brutalité des Caribes & Canibales, entant qu'il mange les hommes tout ainsi que nous faisons la sauuagine, cõme ainsi soit que leur instructeur Sathan leur apprend ceste effusion de sang, & monstre que c'est le plus grand, & plus agreable seruice qu'on luy puisse faire, car il parle à eux, ainsi qu'il fait en Calicuth, cõme nous auons monstré, & ainsi qu'il faisoit au Mexique, & Cuscõ, cõme i'espere vous deduire es chapitres suyuant. Or les Lacz s'aditz se viennent ioindre en une estreissure de terre, qui est entre les deux costaux, & les hautes montaignes, où le destroit peut auoir d'estêdue autant que la portée d'un arc, & par iceluy l'un lac entre dans l'autre, & les passans entrent es citez assises sur les Lacz, sans toucher à terre. Et le Lac salé (qui est le plus grand) a son fluz & reflux tout ainsi que la mer, & lors qu'il croist, son eau entre dedans celuy d'eau douce avec aussi grande vehemence q si c'estoit quelque fleuve se desbordant impetueusement, & de mesme en fait celuy d'eau douce en son acroist, & desbordement, s'engoulphant en l'eau salée: Et sur le plus grand est assise la grande, riche, & renomée cité de Themistitan, estat esloigné de terre ferme quelques deux bones lieues, & d'icelle auant y a quatre chaussées fort estroites ayans de largeur enuiron la longueur d'une pique, qui conduisent à la cité, qui n'est pas si grãde q Paris, ou Venise, ainsi qu'aucuns l'ont chanté en leurs comptes, veu que Cortez l'a fait semblable à Seuille, ou Cordonne en Espagne, qui ne sont pas plus grandes qu'Orleans, ou Tholouze. Mais ce qui la fait paroistre ainsi spacieuse, c'est qu'elle est assise la moitié en l'eau, ayant chacune maison son issue, affin que l'eau puisse couler en montant, ou décroissant, & y va lon sur des Canoës, (ce sont leur vaisseaux faitz tous d'une piece) ainsi qu'on passe les canaux sur des gòdoles à Venise. Neatmoins les rues y sont grandes, & spacieuses, rehaucées fort gentiment avec des leuées faites de boys, affin q l'eau ne s'estende plus que de raison, y a encor

des pōtz pour passer en terre ferme, & les places de belle estēdue où se vendent toutes choses qui seruēt pour la nourriture de l'homme. N'y a guere chose qui serue pour le plaisir, & cōmoditē qu'o n'y trouue en assez grand abondance, & avec tel ordre qu'à chacū mestier, & espèce de marchandise, est ordōnée sa rue sās qu'o y mesle d'autre chose parmy. Au milieu de chascune des places y a vne grāde maison où se tiēnent ordinairement 10. ou 12. personnes pour iuger, & decider de toutes cōtrouerses qui s'esmeuent sur quelque achapt, ou vête entre les marchās: & par là on peut cognoistre & la police, & l'hōnestetē de ce peuple estimē tāt sauage, & Barbare, par ceux qui ne trouuēt rien de ciuile, q ce qui se fait es terres de leur naissāce. Voila quāt au bastimēt, estāt ce païs en eleuatiō de quelques 25. degrez aprochās l'equateur posēe au 3. Climat par delà le Tropique d'estē, le peuple y estāt d'assez belle stature, nō trop blāc, ny noir aussi, à cause qu'il approche le Septētrion, & nous est aussi fort Occidētal, magnifique en son mesnage, superflu en bāquets, arrogāt au possible, & estrangemēt idolatre auant que les Espaignolz s'en feissent les maistres. Et cōme ainsi soit que la ville soit diuisēe par cartiers, & cōtrées, & qu'ē icelles les edifices y soiēt fort bien & superbement dressez par tout, si est-ce que les lieux les plus beaux, & honorables sont deputez pour aucūs religieux qu'ilz ont, & lesquels seruēt aux tēples de leurs idoles, desquelles ilz sont les gardiēs, habitans pres leurs tēples, & Mosquées, ou ilz les tiennent. Ces religieux vont tous vestuz de noir ne se faifās couper ny barbe, ny cheueux, ne se peignās dēs le iour qu'ilz entrēt en religion, iusqu'au iour qu'ils en sortent: & sont tous choisis des enfans des meilleures maisons, & des plus grās seigneurs de la cité, qui portent cest habit dēs l'age de six à sept ans, iusqu'à tāt que les peres les en tirent pour les marier: & plus souuent y met on les filz aînez, & ceux qui doiuent succeder à l'heritage, que non pas les autres, affin qu'ilz y aprennent la vertu, & le moyen de bien regir leur famille. Tandis qu'ilz sont là, ne leur est permis d'aller voir les femmes, ny aux dames est loisible d'entrer en l'habitation de ces hommes, lesquels s'abstiennent de certaines viandes en aucunes saisons, & seruent ordinairement aux sacrifices, & temples de leurs idoles: Ces maisons de leurs oraisons sont fort richement basties, grandes, bien dressees, de grands edifices à l'entour pour y loger ces venerables, & ayans vn grand nombre de tours, & quantité de chappelles, où sont posez reueremment leurs faux dieux sur des sieges, ayans des Dais, & Pauillons par dessus, & diuerses peintures tout autout, & sont ces statues proportionnées d'vne desmesurēe grandeur, & laquelle excēde la haulteur de quelque que ce soit, & faites d'vne estrange composition, à sçauoir de toutes sortes de grains desquelz ilz vsent pour leur viure, pillez & incorporez ensemble avec le sang de ceux qu'ilz tuent pour en faire sacrifice. Car voulans offrir chose agreable à leurs dieux, ilz prennent vn homme tout en vie, & luy tirent le cœur du ventre & du sang ils en font ceste belle paste pour dresser l'abomination de leurs idoles, lesquelles estans parfaites en la grandeurs que vous ay dit, & mises en leurs chappelles, on leur offre grand nōbre de cœurs des pauvres hommes qu'on leur sacrifie, & du sang de ces sacrifiez en oignent la

*Grande police des
seig. de Themistā-
tan.*

*Quelz sont les re-
ligieux des idola-
tres du Mexique.*

*Dequoy les Me-
xicains font leurs
idoles.*

*Abominables
sacrifices des Me-
xicains.*

LIVRE QUATRIESME

*Sepulchres des
seig. de Mexiques
ou sont dressez.*

*Puissance des seig.
de la ville de The-
mistitan.*

*Cōditions du pen-
ple Mexican.*

*Armes de ceux
du Mexique def-
fensives.*

face de leurs simulachres detestables: & n'ayans des Estrangers pour cest effect, les petits enfans de leur propre pays sont reseruez pour le sacrifice. Ilz auoyent plusieurs chappelles, & icelles obscures & sans que pourtant on y tint aucune lumiere, où estoient leurs idoles, chascun en ayant vne particuliere à sa deuotion, & pour toute maladie, ou action, ayās vn Dieu sanglant adoré en leurs affaires, ainsi que iadis en vsoyent, & les Grecz, & les Romains viuans en Idolatrie. Les tours que vous ay dit estre aux coins des logis qui sont voisins des temples, ou Mosquées ne seruent que pour tombeau & sepulture des seigneurs, où encor il y a des chappelles avec ces Idoles qui sont les dieux particuliers de chascune maison. Je ne veux m'amuser à vous deschiffrer la beauté de leurs maisons, & iardinages, ny m'arrester, sur la grand industrie qu'ilz ont eu à conduire l'eau douce par des canaux souterrains, & Aqueduitz dans leur ville, & ne me chault de sçauoir si les deniers qu'ordinairement on leue sur toutes les denrées portées vendre au marché sont pour le Roy, ou si elles viennent à l'hostel de ville, entant que la communauté, & les seigneurs de la cité ont grand puissance sur la police: entant que se sont eux qui donnent pris à toute chose, & établissent les gardes que vous ay dit se tenir es places pour vuidier les querelles des marchands, & punir les larrons, ou autres faisans tort à ceux qui trafiquent. On voit encor en leurs places publiques tous les iours des hommes de tous mestiers, qui attendent là à voir s'il y a quelqu'un qui vueille les employer au mestier duquel ilz se messēt, en somme quoy que ce peuple soit Barbare, si est-il bien policé, & le mieux dressé de tout tāt que l'on en a descouuert de la memoire de noz peres: au reste vaillant, & subtil, hardy, courageux, ayant son prince, & pour la deffence duquel cōtre les Espaignolz il en est mort plusieurs milliers, ainsi qu'encore nous dirons, ayans espluché d'autres choses qui restent à demesler. Ce peuple est de grande stature sans excez neantmoins, dispoz, gaillard, & qui supporte aysément les incommoditez de la faim, & de toute sorte de travail il ne craint point la mort, & se hazarde courageusement à la guerre, laquelle ils aymēt sur tout, & caressent ceux qui sy font cognoistre pour les plus vaillant, le faisans Capitaine, & seigneur, & luy donnent des terres, vassaux & esclaves: & pour le recognoistre en quelque compaignie, qu'ilz soyent luy font quelque marque en ses cheveux, laquelle veuë, chacun luy fait autant d'honneur presque que si c'estoit leur propre Roy.

Leurs armes defensives sont certains pourpointz cotonnez, & espais d'un bon doigt, lesquelz sont fortz, & resistans aux coups, & par dessus ceux là portent encor d'autres pourpointz & chausses qui s'entretiennent ensemble, & qu'ilz lacent, & esguillettent par derriere & tout cecy est fait d'une grosse toille, & couuert de diuers plumages d'oiseaux de plusieurs couleurs. Les grands seigneurs ont des mailles non de fer, mais d'or, & d'argent, & ce qu'ilz portent qui est couuert de plume est fort à l'esgal de leurs armes: leur habillement de teste est de boys fait en forme de quelque beste rauissante tenant la gueule bée, comme si elle vouloit engloutir un homme, & par dessus un grand pennache enrichy d'or, & de pierrerie. Leurs targues, rondelles, & Paois, sont de Canes bien massifz, & doublez

blez de Coton, & par dessus embellis de plumes, & lames d'or, & si fortz qu'à grand peine le trait y peut donner attainte, & les pénétrer. Les armes offensives desquelles se seruent le plus sont l'arc, & les fleches, & vn dard qu'ilz lancent en guerre, le fer des bouts, est vne pierre viue, ou quelque oz de poisson tres-aigu & nuisant: les aucuns font des boutz à trois pointes, qui aussi blecent en trois lieux: leurs espées sont de boys, mais au taillant d'icelles, qui est large de demy pied, ilz mettent de ces pierres aiguilées qui taillent aussi bien ou mieus que rasoir qu'on puisse faire. Vient encore de fondes & s'en aydent fort dextrement, hardis, & obstinez, & qui à grand peine peuuent estre ostez de leur ranc, d'autant qu'ilz tiennent vn merueilleux ordre estans en bataille: durant laquelle ilz chantent, & ballent & quelquefois font de si grandz cris, & huées qu'ilz estonnent ceux qui les oyent, & sur tout filz se voyent auoir du meilleur: cruelz au possible, comme ceux qui ne pardonnent à homme tant leur soit-il proche, & ne respectent aucun aage ny sexe tuans tout, & les mangeans, filz ne peuuent les emmener avec eux en captiuité. Leurs habillemens sont certains manteaux faitz de Coton comme des linceux, ouurez fort diuersement, & desquelz chascun en a deux ou trois, & les lient par deuant sur l'estomach: en hiuer ilz se vestét de certains habits faits de plume fort menue, qui semble estre de soye cramoisie, & veluz ainsi qu'on porte par deça les chapeaux de soye, & en ont de rouges, noirs, blancz, gris, & jaunes. Couurent aussi leurs parties honteuses, tant deuant que derriere avec des froutoirs fort gentils, & galamment elabourez, avec de grans boutons & houpes diuersement coulourées, qui leur pendent mignonement de tous costez, & ont des souliers qui n'ont que la simple semelle, sauf que par dessus y a vne couroye qui vient dès la pointe se joindre au talon où est attachée avec quelques boutons: ne portent rien sur la teste, si ce n'est à la guerre, & en leurs festes, & dances qu'ilz ont de longs chapeaux, & iceux faits de diuerses couleurs & manieres.

*Armes offensives
du Mexican.*

*Usage du Mexican
en bataille et
sa cruauté.*

*Habits de Mexican
hors de
guerre.*

*Côme s'accoustrent
les dames Mexicanes.*

Les femmes ont des chemises de Coton sans manches, qui ressemblent des surpeliz, longues, larges, & subtilement elabourées par tout, gentiment contrepointées par les bords, & frangées non sans grand industrie, & de telles chemises en portent deux, ou trois faites diuersement, mais vne qui est plus longue que toutes les autres. De la ceinture en bas elles portent encor vn habillement de Coton fin qui leur va iusqu'à la pointe du pied, & ne portent rien sur la teste, laissant leurs cheveux espars, qui leur couurent les espauls, & sont beaux encore qu'ils soyent vn peu noirastrés, & de couleur de chastaigne: il est vray qu'ès pais chaults, & voisins de la mer elles ont des couurechefz tanez, & faits en resu, comme voiles desquelz elles se garétissent cōtre la chaleur. Leur viure est assez somptueux ayas de poules, Cailles, Paons, Oyes, & Canartz: & tuant pour leur ordinaire des Cerfs, Cheureux, Lieures, & Counilz, ont abondance d'herbes, & fruirs, & se plaisent fort de la verdure, & des potages, & neantmoins sont gens sobres, & qui se contentent de peu autant que nation qui soit sur la terre. Leur pain est fait d'un certain grain qu'ilz nomment Tagul, ayant figure d'un poiz les vns estans rouges, autres blancz, & autres noirs, qui estant

*Viure, & sobriété
des Mexequas.*

LIVRE QUATRIESME

*Quel est le bled
des Mexicains, et
comme ilz font
leur pain.*

*Boisson Cacha-
natle des Mexi-
cains.*

*Grande obeïssan-
ce des Mexicains
vers leur Roy.*

*Loix severes en
Mexique.*

*Punition des lar-
cins.*

*Loy severe contre
les crimes de leze
majesté.*

*Dieux Mexicains
armez.*

semez la tige vient de la hauteur d'une demy lance, gettant deux ou trois branches où est le grain tout ainsi que par deça nous voyons le groz millet, & Panicle, & lequel grain ils mettoient apres en auoir osté l'escorce avec de la chaux, & le meulent avec quelques pierres faites expres, & si tost brisé aussi soudain on met ceste farine en l'eau pour en faire paste, laquelle sans leuain aucun, ilz forment en pain, & là font cuire sur de certains tuileaux grans come cribles, le mangeans tout chauld, à cause qu'il est meilleur que s'ils le laissét refroidir. Leur Cachanatle, à sçauoir boisson principale & meilleure de laquelle ilz vsent est faite & composée d'aucun fruit d'un arbre qui porte le fruit tout ainsi que sont noz Concombres: & cest arbre est si delicat, qu'il luy fault d'autres arbres touffuz autour qui le deffendent du vent, & du hasle, & neantmoins il demande la terre qui soit & grasse, & non aucunement morfondue: le fruit s'appelle Cacao, que ils font bouillir & y meslent quelques pouldres parmy pour luy donner meilleur goust & consiste ce breuuage presque tout en escume: & ainsi ceux qui en boiuent ouurent fort la bouche affin qu'elle s'escoule, & plus aisément descende en bas le gosier. La police de ce peuple estoit conduite souz l'autorité d'un grand Monarque qui estoit (auant que l'Espaignol leur ostast leur iurisdiction) comme un Empereur, ayant plusieurs Roys, ducz, Comtes, & Barons souz son obeïssance, aussi bien que les Cheualiers & soldatz, estoient prest à marcher dès que le commandement leur estoit fait de la part du souverain. Or y estoient les seigneurs tellement honorez, obeïs, & respectez qu'il ne leur manquoit rien plus, sinon qu'on les adorast comme dieux: La iustice si feuerre, & que tout ainsi qu'jadis les loix de Dracon Athenien estoient sanglantes, ceux cy ne voyoyent par leurs ordonnances crime aucun, qui fut puny plus doucement que de supplice, & peine capitale, ou de perpetuelle seruitude. Les larcins, volz, & assassinements y estoient chastiez fort rigoureusement, mesmement si un homme entroit au iardin ou champ d'autrui, & qu'il n'y prist qu'une poignée de grain, ou quelque fruit s'il estoit pris, le meilleur marché qu'on luy faisoit, estoit d'estre donné pour esclau à celui qu'il auoit desrobé. Celui qui trahissoit le Roy, ou comettoit quelque crime contre sa personne, estoit occis cruellement, & sans nulle misericorde avec tous ses enfans, & famille, & parens iusqu'à la quatriesme generation: & ceste rigueur si estrange estoit cause qu'on respectoit ainsi les Roys que chascun les honoroit, que on les craignoit, que leurs commandemens estoient gardez, & que les plus grands flechissoient sous leur puissance. Je vous ay parlé cy deuant des idoles, & de leur figure, où j'auoy oublié qu'ilz les asseoyent en un throsne, avec l'espee au poing, & une rodelle au bras comme prestz à entrer en bataille, mais ayant parlé des sacrifices cruelz d'iceux, il n'en fault point passer la maniere sans la descrire, affin qu'on ne festonne pas si esanciés on lyt les abominables massacres faits en l'honneur des dieux adorez par l'antiquité, puis qu'à nostre temps on à veu celle mesme abomination parmy ce peuple miserable, qui abusé par le malin esprit, pésoit faire un grand seruice à ses dieux en espandant le sang des hommes leurs semblables. Nous auons dit qu'ils auoyent des dieux particuliers à chascune

chose à eux nécessaire, mais le Dieu commun du païs, & adoré généralement de tous estoit nommé par eux Horchilouos, l'idole duquel estoit en vne grande Tour assise au milieu de la plus grande place de la cité, & en la chapelle duquel aucun n'entroit que celui qui est leur souverain sacrificateur: or toutes les fois qu'ilz ont affaire, & nécessité de quelque chose, ils sacrifient plusieurs enfans, femmes, & filles, & des hommes, & s'en fait la cérémonie en ceste manière. Estant donc prins celui, qui doit estre sacrifié, on le conduit par les rues, & places publiques de la cité paré, enrichy de beaux habitz, & auquel chascun fait grandes caresses, & luy recite ses nécessitez, afin qu'il en face le message, & le rapporte à leur Dieu, puis que il est prest de faire le voyage, puis luy donne quelque chose soit pour manger ou autrement, de sorte que ce misérable qu'on mène à ce supplice, ains qu'arriuer au temple est tout chargé de presens que luy font les citoyens, qui luy donnent des commissions à despescher en l'autre monde, & tous ces dons reuiennent au profit du sacrificateur pour le salaire de son execution. Pourmené qu'on a ainsi cest homme, il est porté au temple où se dresse le bal, & la feste (ainsi que tout se passe sous la mesure de la dance par tous ces païs) & en laquelle le consacré au Diable gambade, faulte, & basle, & s'esjouist avec les autres. Le bal finy, le sacrificateur qui le doit massacrer, le despouille & le conduit à vn coing de la tour en laquelle gist l'Idole de leur principal Dieu, auquel coing, y a vn simulachre de pierre, où il apuye le patient, luy liant vne main à l'espaule de l'idole, & l'autre à l'autre, & le mesme en vñant à l'edroit des iambes: ce que fait, tous se mettent de rechef à chanter & dancier autour de ceste victime, luy comprans leurs affaires, & repliquans leurs nécessitez: & chascun luy ayant recommandé ce qu'il veut, voicy arriuer le massacreur (qui est vne grande dignité entr'eux) tenant vn grand Rasoir de pierre, mais qui taille à l'esgal du fer le mieux acéré, & tranchant qu'on puisse trouuer, & avec iceluy, en vn clin d'œil, il vous ouure la poitrine de cest homme au droit du cœur lequel il luy tire tout chault, & bouillant du vêtre, lequel est mis entre les mains du grand sacrificateur, qui du sang, qui en sort oinct la bouche de leur Horchilouos, & soudain de ce mesme sang en gette en hault vers le Soleil si c'est de iour, & si durant la nuit on sacrifie, c'est aux estoiles à qui on fait cest offre sanglant: & apres on oinct les leures, & la face à tout tant qu'il y a d'idoles au temple ou Mosquée sathanique, comme aussi le dessus, & cornice de la porte de l'oratoire, où est l'idole principale. Ce que fait on brusse le cœur du deffunct & les cendres en sont reseruées comme chose precieuse dans quelque vase, le mesme en fait on aussi du corps, mettant toutesfois separément les cendres en vn autre vase que celui où sont celles du cœur: & d'autresfois ilz rostissent le cœur & les os des iambes & des bras, & les enveloppent en des drapeaux, & les gardent avec grand reuerence. Et iacoit que les Dieux soyent diuersément contemplez selon la diuersité des Prouinces, entant que les vn adorent le Soleil, d'autres la Lune, & estoiles, les vns se souillant en l'adoration des bestes à quatre piedz, les autres honorans les oiseaux, ceux cy les serpens, & les autres les poissons, si est-ce que de toute chose par eux

Horchilouos le grand idole de l'hemispheric.

Mode, & cérémonie des sacrifices Mexicains.

Horrible sacrifice

Cendres du sacrifié conseruées.

Infame idolatrie des Mexicains.

LIVRE QUATRIÈME

Deuotion superstitieuse des Mexicains.

Femmes peu respectées au pays de Mexique.

Mariages des Mexicains.

Sepulture des Mexicains quelle.

venerée ils ont des figures, & representations, & leur offrent ces mauditz & sanglans sacrifices. Et ce qui les affectionnoit à ceste coustume si cruelle, estoit que le Diable parlant dedans ces simulachres leur commandoit d'en vser ainsi, & leur faisoit à croire qu'il se païssoit de ceste viande par eux offerte, & ne mangeoit rien si volonciers, que les cœurs des hommes. Ce peuple est le plus deuotieux en ce qu'il croit, qu'autre qu'on sçache en tout le monde, & si affectionné à ses Dieux que volôtairement plusieurs s'offrent pour estre sacrifiez, estimans de sauuer leurs ames, qu'ils croyent estre immortelles, ainsi que font tous les septentrionnaux vers les Prouinces susnommées: & voit on ordinairement plusieurs qui s'incisent les langues, bras, & cuisses, pour en offrir le sâg à leurs idoles: & ont sur les châps des chapelles, & hermitages, où les passans vont deuotieusement offrir leur sang deuant leurs dieux, les prians de bienheurer leurs affaires, & les conduire en leurs voyages. Voila quant à la religion, & police de la cité de Themistitan, & des principales du Mexique, ou les hommes estans de bon & gentil esprit, ont à present pour la plus part embrassé l'Euangile ayans de bons prescheurs ordinaires qui les destournent de ceste abomination detestable d'Idolatrie, & d'une cruauté si barbare, & inhumaine. Ce peuple ne se soucie que bien peu des femmes, & en fait le moins de compte que nation qui soit souz le Ciel, veu que pour chose aucune qui peut tourner à quelque profit que ce fut, vn Mexican ne diroit rien de son affaire à sa femme tant la tint il chere, ou l'aymast il à l'esgal de sa personne: Et auant qu'ilz se chrestienassent quoy qu'ils espousassent chacun diuerfes femmes, comme encore font les Mahometistes, si en auoyent ilz tousiours vne qui estoit la principale, & les enfans sortans de laquelle succedoyêt aux biens & heritages du pere: aussi en espousant ceste principale, ilz faisoient plus de dances & esbatz, qu'en conduisant les autres à leur maison, qui ne seruent q̃ pour le plaisir, là ou l'autre est maistresse, & chef de la famille. Et affin qu'on ne pense point que ceste nation estant estrangelement superstitieuse en la persuasion detestable de ses dieux, fut aussi sans quelque recognoissance de l'honneur, que presque tous les hommes de la terre ont porté à la sepulture, faut noter que les Mexicains tous, voire tous les Occidéaux dés la region de Panuco, iusqu'à Labradour, & Baccalcoz se soignent grandement de faire que leurs mortz soyent mis en terre, & quelque bestise qu'on leur attribue si ne sont ilz point si bestiaux que furent les Hircaniens iadis, qui permettoient que les bestes fussent celles, qui seruoient de sepulture à leurs parens: veu que ceux cy quand quelqu'un d'entr'eux est mort, dressent vn tombeau fait de pierre, & côme vne fosse voultee, dans laquelle ilz mettent le corps du deffunct sur vn siege: & aupres de luy posoyent son espée, rondelle, & le plus precieux de ses ioyaux fust d'or, argent, ou pierrerie, & des viandes pour quelque iournée, ayans opinion q̃ les mortz faisoient quelque grand voyage, pour lequel paracheuer les viures leur estoient necessaires, & les armes viles à fin de s'en preualoir pour quelques iournées. Et si c'estoit vne femme, encore n'estimoyent ilz point qu'elle fut oisue, puis qu'en sa fosse on mettoit sa quenaille, fuseaux, mestier, & autres choses du mesnage

des femmes : d'autres brusloyent les corps, à l'imitation, & Grecque, & Romaine, & puis enterroyent les cendres, qu'ils honoroyent avec grand reuerence. En somme quelque douceur que ce peuple se monstroit en sa société, si estoit-il Antropophage, & si friât de la chair humaine, que toute venaison luy venoit à contrecœur au pris de ceste viande, & alloÿt souuent à la guerre se hazarder à la mort, pour prendre des captifs, & dessus lesquels il peut rassasier la gloutonie de son appetit, & au reste tous Sodomites & yuroignes, comme ceux qui boient leur breuuage sans mesure quelconque. Et c'est telle la façon de viure qu'ils ont entr'eux, mais reste à voir comme ils se gouvernent enuers leur Roy, lequel nous auôs dit qu'ils respectent sur toute chose de ce monde, & les richesses duquel ie ne veux descrire, veu que Cortez qui en a veu la plus part, confesse n'estre en sa puissance de declairer entierement l'or, argent, images de ces metaux les mieux faites, & elaborées que orfeure du monde scauroit mettre en œuvre, & dit que les seuls ouurages de plume sont dignes d'estre esgallez aux choses les plus rares qu'on face pardeça, sans qu'il mette en compte la pierrerie qui est sans nombre, & ne puisse rendre compte du reuenue de ce grand Roy, qui de son temps (à scauoir l'an 1540.) sapelloit Montez vma, homme accort, vaillant, subtil, & d'un grand cœur, les terres duquel, il fait de plus grand estenduë que ne sont toutes les Espagnes. Ne pouuôs donc specifier ce que dessus, à tout le moins deduirons nous la magnificence de sa court, à cause que ordinairement presque il se tient à Themistitan, comme aussi font tous les seigneurs circonuoisins, lesquels tiennent leurs enfans à la suite du grand roy pour y estre nourris, ainsi que le voyons aussi estre par toute l'Europe : ayant chacun de ces seigneurs des thesoriers, & receueurs, pour recueillir les daces & tributs de chacune Prouince, & de ce il fault que rendent compte au souuerain, ayans certains caracteres que ils entendent, & desquels ilz vsent à faire les despêches, tât pour leuer les tributs, que pour payer la gendarmerie, ou fournir à la despence du seign. lequel se plaist en toute sorte de bestes, & d'oiseaux d'estrange façon, & à tenir des hommes, & femmes monstrueux en leur figure, & par chacune de ces choses y auoit des Palais pour les nourrir, & des hommes qui ne se soignoient que de prendre garde que rien ne manquast pour leur nourriture. Mais du seruice du seigneur tel en estoit l'ordre, ainsi que bien le décrit le susdit Capitaine Espagnol, qui le tint longuement prisonnier, pour auoir voulu trahir les Chrestiens estans en sa Prouince. Le matin dès le point du iour venoyent en court de cinq à six cens seigneurs & des principaux du pays, partie desquels s'asseoyent, les autres se pourmenoyêt par les sales, sans entrer là part où estoit le roy, & ce pendant les seruiteurs de ceste seigneurie, se tenoyêt en bas es basse courts du Palais, où ils demouroient iusqu'à la nuit close que le Prince sortoit pour prendre son repas. Assis qu'il estoit seul à sa table, les seigneurs s'asseoyent aussi en leurs lieux, & estoient seruis de mesme que luy, voire tous ceux qui estoient dans le palais iouÿssoyent de pareil seruice, & à disner, & à souper, si le seigneur disnoit en sale. Or voicy comme on le seruoit: Il y auoit 300. ieunes hommes qui portoyêt de toute sorte de viandes fust chair ou poisson: & d'au-

Mexicans Antropophages.

Grandes richesses du roy de Mexique.

Qui sont ceux qui ont la charge des finances au Mexique.

Superfluité du roy Mexican.

Cortez, fait prisonnier le Roy de Mexique.

*Comme le Roy
Mexican estoit
seruy à table.*

*Estrange ceremo-
nie à se trouver
deuant le roy Me-
xican.*

*Fernand Cortez
prinſt Themisti-
tan l'an 1521. le
13. d' Aoust.*

tant que le pays y est ſuiet au froid , à chacun plat , y auoit vn reſchauf-
pour tenir la viande chaude, portans le tout en la ſale, où le Roy auoit de
couſtume de manger, laquelle eſtoit nattée & parée fort richement. Tan-
dis que ce Roy mangeoit, aſſis ſur vn carreau de cuir richement elabouré,
il y auoit cinq, ou ſix vieillards, qui prenoient leur repas avec luy, mais eſ-
loignez de luy, auxquels toutesfois il donnoit, & coupoit la viande de ſa
main propre. Celuy qui ſeruoit deuant le Roy, demandoit les viandes
qui plus venoient à gouſt au Prince, que ſoudain ceux de la grand ſale ne
failloyent de porter: il ſe lauait les mains au commencement du repas, &
à la fin, mais la ſeruiette qui luy ſeruoit vne fois à l'eſſuyer, ne luy eſtoit
plus représentée, ny la viande eſtoit remiſe éz meſmes plats, eſquelz on
en auoit porté dès le commencement: & ſe veſtoit quatre fois le iour, ſans
porter iamais deux fois vn abillement. Ceux qui entroyent au Palais, fail-
loit que allaſſent pieds nuds, & eſtans appelez pour venir parler au Roy, y
alloyent la teſte baiſſée, & les yeux regardans à terre, & le corps courbé
ſans l'oſer regarder en ſorte quelconque: & ce en ſigne de reſpect & reue-
rence, ayans opinion que celuy qui hardiment regarde ſon ſeigneur à la
face, eſt preſomptueux & ne le craint, priſe, & eſtime ſelon que luy com-
mande le deuoir. Le Roy ſortant du Palais, (ce qu'il ne faiſoit guere) il n'y
auoit aucun fut de ſa ſuyte, ou de ceux qui le rencontroyent, qui de peur
de le voir, ne tournaiſt la teſte de l'autre coſté, & tous attendoyent qu'il
fut paſſé, ſans que perſonne remuaſt aucunement de ſa place: auſſi quand
il deuoit ſortir, il y auoit vn de ſes gens qui marchoit deuant ayant trois
baguettes en main, afin que chacun fut aduertie de l'arriuée du Roy, &
que perſonne ne luy vint à l'encontre. Ce fut ſur ce Roy, ſuſ-nommé Mô-
tezumà que Fernand Cortez prinſt la grand cité de Themistitan, & pays
voysin, où il abatit les Idoles, non ſans vn grand deſplaiſir des habitans,
qui diſoyent tenir ceſte façon de vie de leurs anceſtres, que ilz ne nioient
point que ne fuſſent venus d'ailleur, & n'eſtre point de tout temps natu-
rels de celle Prouince, mais de ſçauoir dire de quelle contrée ils eſtoient
fortis, aucun n'en à ſceu rendre certaines nouuelles. Je ne veux m'arreſter
aux aſſaults donnez par les Eſpagnols, à la braue deſſence des Mexicans,
& ne deduiray avec quelle conſtance & le Roy, les ſeigneurs & le peuple
aimoyent mieux mourir en combatant vaillamment, voire bruſſer leurs
propres maiſons, pluſtoſt que viure ſous la ſeruitude Eſpagnolle: omet-
tray avec quelle cruauté Montezumà feit ſacrifier les Eſpagnols, qui e-
ſtoient allez vers luy, pour le ſemondre de ſe rendre, luy eſtant aſſié-
gé en ſon palays, ny comme en fin il mourut, d'autant que le diſcours en ſeroit
trop long, pour en eſtre l'hiſtoire notable & de conſequence, ioint q̃ Cor-
tez l'ayant deſcrite, & moy n'entreprenant ces deſcriptions, me contente
ſeulement de reciter les loix, mœurs, couſtumes, & religion de chacū peup-
le, ſelon qu'à la verité j'en peux faire le recueil avec l'autorité des auteurs
dignes de foy, & qui ne comptent vne choſe pour autre, paignans en Se-
ptentrion ce qui eſt vſé en Orient, & attribuant aux Occidentaux les cho-
ſes qui ſont propres à ceux qui habitent les terres Australes.

De l'isle de Giapan Septentrionale, & mœurs des peuples qui y habitent. Chapitre 6.



D'autant que le pays Mexicā ressent les froidures Septentrionales, & que guere on n'a cognoissance de la mer de Sur en l'elevation de ce Royaume, auant que passer outre, encor que ce nostre œuure ne soit point dressé comme Geographie, si tasche-ie de mettre les Prouinces chacune en son ranc selon qu'il m'est possible, & suiuant l'opiniō de ceux qui iadis ont escrit, & qui de nostre temps ont fait la descouuerte des terres nouuellemēt cogneuës. Or entre plusieurs isles, & grandes & fertilles visitées de ce temps en la mer qui va vers la Chine & Cathay, qui sont presque en mesme elevation que nostre Europe, assise entre le Tropique d'esté, & le cercle articque, on nous en a marquée depuis l'an 1550. vne des plus belles & mieux policées de l'vniuers, nommée Giapan, & laquelle à cause de la rarité des façons de vie du peuple qui y habite, ie ne feray le retif de vous descrire tout ainsi que presque mot à mot ie l'ay tirée de l'Italien, & recueillie de ce que en auoit donné d'aduertissement vn Giapanois mesme, lequel estoit fait Chrestien frequentant les nostres qui sont aux Indes Orientales: & selon le peu que j'en ay recueilly ie vous en fais aussi assez escharse largesse, nō q̄ ce soit par faute de bō vouloir, mais me manquāt le moyen de mieux faire. Celuy donc qui a descrit ceste isle Septentrionale en parle en ceste sorte: Que Giapan est suierte à vn roy, ayāt sous luy des Ducs & des Comtes, iusqu'au nōbre de quatorze, l'vn desq̄ls mourāt c'est au fils aîné à qui est deu son heritage & succession: là où s'il y a d'autres enfans, l'aîné leur donne quelque apennage sous condition toutesfois qu'ils luy feront hōmage, & luy obeiront cōme ses suiets, & tributaires. Il dit qu'ils ont vn Roy, mais fault entēdre Roy principal, entāt q̄ la seigneurie est departie à deux, ainsi que iadis en vsoyēt les Spartains: & ce premier s'appelle en leur lāgue Voð, ayant la iurisdiction, & puissance souueraine tāt sur le tēporel q̄ spirituel, estans gens adōnez au seruice des Dieux, ainsi q̄ dirōs cy apres: & toutesfois ce Voð ne va iamais en guerre, & ne se mesle en sorte aucune de faire mourir, ou espādre le sang d'homme du monde: & c'est pourquoy est creé l'autre Roy, que ils nomment Goxò entre les mains duquel est la iustice, & la charge des guerres, & lequel neantmoins obeit au Voð, qui est tousiours choisi du plus illustre sang, & noble race qui soit en toute l'Isle. Aussi quand le Goxò le va voir, c'est avec reuerence qu'il se presente au Voð, mettant les genoux à terre, & humiliant le chef iusque aux genoux du souuerain, qui aussi est comme le grand Euesque de leur superstition & idolatrie: & quoy que ce grand chef de l'isle & general de la iustice, & de l'armée soit puissant à merueilles, & aye grand suite d'hommes, soyent ils seigneurs, capitaines, ou soldats, si est-ce que s'il fait quelque folie, & s'oublie en son deuoir, il n'y a tiltre Royal que le Voð ne luy oste ny teste si haulte qu'il ne luy face aualler.

Aussi l'ordre y est si bien gardé que les moindres respectent avec telle reuerence les grands, que les roys mesmes, craignans le nom & maiesté de

Isle de Giapā ou assise.

Deux Roys en Giapan, & leur puissance. Voð roy souuerain, Goxò Roy ayant la charge de la police.

Goxò subiet au Voð.

LIVRE QUATRIESME

Giapanois estiment les pechez estre esgaulx.

Noblesse respectée entre les Giapanois.

Giapanois sobres au manger, & excessifs en buuant.

Boisson des Giapanois quelle.

Giapanois ne iouent iamais.

Larcin hay, & puny être les Giapanois.

Xavier Iesuite a escrit ceste histoire en Goā.

Giapanois iurent par le Soleil. Bonzi, & Pagedy sont les prestres des Giapanois.

Quelle vie meime le Voò des Giapanois.

leur autorité ne font rié qui soit vituperable, & les petits, esguillonnez de ceste modestie, & craignans la grande seuerité de iustice gardée par ces souuerains, n'osent rien faire que selon la loy, & ordonnances de ceux qui ont en main la puissance, lesquelles ne peuuent estre que rigoureuses, veu l'erreur qu'ils ont en leur opinion, (imitans les fantasies des anciens philosophes de l'escole Stoique,) que tous les pechez sont esgaulx, & que autant commet de faulte celuy qui desrobe dix solz, que qui auroit pris en larronnant mille escus à son prochain. Aussi sont ces Insulaires fort equitables, & qui respectent chacun selon son degré & vertu, sans se soucier nomplus des richesses, que de la fortune la plus contraire qui puisse aduenir à l'homme. Ils honorent grandemēt la noblesse quelque pauureté qui la suiue, tout ainsi que les gentilz hommes se reputent pour dignes de louange ayans fait seruice à leurs Princes, & le tout plus esguillonnez de l'honneur & desir de louange, que de crainte qu'ils ayent d'en estre punis. C'est le peuple autant sobre & modeste qui se trouue sur terre, iacoit qu'il soit adonné vn peu au boire largement, faisans leur boisson de Riz : & ainsi vous voyez que le pays n'y est pas trop froid, y croissant ceste semence, & eux n'ayans d'autre industrie pour se faire des liqueurs à boire que le Riz, ainsi que ailleurs on vse des obelons & de l'orge pour faire la biere, boisson propre aux septentrionaux. Ils ne se plaisent en icu quelconque, & accomplent à grand deshonneur si vn homme est adonné au ieu, d'autant que on ne scauroit iouer (à leur aduis) sans souhaiter le bien d'autrui, & par mesme moyen on tombe au vice qu'ils hayent, & detestent le plus en ce monde qui est le larcin, car il n'y a nation sous le Ciel qui moins se soucie du bié d'autrui que les Giapanois, & qui recoiue de meilleur cœur les admonitions que on leur fait, fils ont commis quelque faulte. Et (fil fault croire ce que Xavier relligieux de l'ordre des Iesuites en a escrit) on diroit en lisant la vie de ce peuple, que ç'ayt esté vn Socrate, qui l'a enseigné, entant que fil est modeste en son action, il ne s'esgare point aussi en parolle, entant que les Giapanois ne iurent aucunement en leur deuis commun, & si le serment eschoit en leur parolle, c'est le Soleil qu'ils appellent en tesmoignage, & auquel ils attribuent quelque grande diuinité, aussi bien que ceux des peuples Occidentaux, & Septentrionaux par nous amenez en ce quatriesme liure. Aussi l'adorent ilz, & la Lune avec luy & se raportent de leur foy, & relligion à certains moynes, qu'ils appellēt Bonzi, & Pagedy, qui sont comme leurs philosophes : mais plus vicieux cent fois que n'est le cōmun peuple, & qui se veautrent en l'abomination condamnée de tous honēstes, & laquelle ne semble peché en ce pays, à cause que ce sont eux qui seruent à tous d'exemple. Mais auant que specifier cecy plus au long, nous deduirons vn peu le mesnage de la maison royale, & de celuy Voò qui est le chef, & souuerain en la puissance Giapanoise, & lequel vit selon la façon, & maniere qui s'ensuit. Il se marie, quoy que grādemēt adonné à la superstitiō de leur folle creance, prenant vne femme de grand maison & qui soit de sa race, & sortie de la famille de ses predecesseurs. Ioint que ce Roy est avec sa femme il n'oseroit en acoster d'autre, comme aussi ains que espouser, il ne se hazarde d'en choisir quelcune qui luy

qui luy serue de passetemps. Encore y a vne autre obseruation, qui est que sil ne se marie auât que atteindre l'an 30. de son aage, il n'y a plus remede de se marier, comme aussi sil perd sa femme auant que venir à cest aage susdit, c'est pour luy autant de vœu de chasteté pour toute sa vie: mais elle mourant, ains que le Voò ayt atteint cest aage, c'est en luy d'en prendre vne autre pour son aise, & passetemps, lequel encor luy est limité en ceste sorte. Lors que la lune va en diminuant, vous n'avez garde que ce roy deuotieux couche avec sa femme, ains s'esloignant d'elle par l'espace de 15. iours, vâque, à ieufne, estude, & oraison, ne mangeant qu'une fois le iour, allant vestu de blâc, & couronné d'ordinaire iusqu'à tant que la Lune reprend sa course: & ainsi lors que elle viêt à reprédre son croissant, ce galât Roy recommence à se resiouyr, & faire bone chere avec son espouse par l'espace des autres 15. iours, la menant à la chasse, & se dōnant du meilleur temps qu'il luy est possible de penser, pour se recompencer du ieufne precedent. Et pense que quelque farouche philosophe, qui mesuroit la gaildardise des hommes, & la nourriture des moëlls suyuant l'accroist, ou décroist de la Lune, comme estant celuy des astres, qui le plus a de proximité avec le corps humain, fut celuy qui enseigna ceste pratique aux roys de Giapan, pour se tenir plus lōguement en haleine, aussi bien que celuy qui disoit à sa femme, qu'il ne faillloit point coucher ensemble, sihon lors que il plouuoit à cause des humeurs qui abōdoient pour lors le plus au corps de l'homme. Ceste nation ne se mesle point avec plusieurs femmes chacū espousant la sienne, laquelle se gouvènant autrement que de son deuoir, si le mary la trouue en faulte, il doit tuer, & elle, & son paillard ensemble: car sil ne fattaquoit qu'à l'un seulmēt, la iustice le poursuit, & luy fait on son procez, & est puny rigoureusement comme homicide: mais sil n'en occist ny l'un, n'y l'autre, il est infame pour toute sa vie. Si vne femme est mal nommée, & que nonobstant on ne la peuue trouuer sur le fait, elle est réuoyée chez ses parêts, & par ce moyen le mary eschape du tiltre d'infamie sil souffroit les cornes sans sen ressentir en sorte quelcōque: ioint q'il peut se remarier à quelle qu'il luy plaist: là où la repudiée est deshōorée à iamais, & ne peut trouuer aucun qui aye affaire de sa compagnie. Infames sont encore les hommes, qui viuans leurs femmes s'accostent d'autres de quelque estat, ou condition qu'elles puissent estre: & à dire verité, pour hommes Ethniques, ce sont bien des plus belles, & louables constitutions que homme puisse desirer, n'y ayant rien qui ne soit fondé sur la mesme equité naïue de Nature. Les mariez de ceste isle, & qui y sont des plus respectez, s'ils ont des enfans les enuoyēt dès l'aage de sept à huit ans, à l'escole aux monasteres, desquels nous parlerōs cy apres, iusqu'à ce qu'ils ont dix & neuf, ou vingt ans, sans qu'il leur soit loisible d'en sortir, ains apprenent à lire, & escrire, & ce qui est de Dieu, & des affaires du public, puis le terme expiré s'en vont chez leurs parens qui leur donnent femme, & les employent au gouuernement de l'estat public. Les femmes ayans enfanté sont par l'espace de 15. iours que elles n'oseroient toucher personne, & q'aucun ne les attouche, & quarante iours sans entrer en leurs Eglises: & les esclaves se deliurās de leur portée sont separées du logis de toutes les au-

HHh

Le Voò couche avec sa femme suyuant le cours de la Lune.

Digamie non reçue à Giapan.

Punition des adulteres quelle.

Enfans nourris aux lettres à Giapan.

Ceremonie des accouchées.

LIVRE QUATRIESME

tres, comme aussi font toutes dames, ayans, & souffrans leurs purgations menstruales, & lors aucun ne les aborde, qui ne soit déclaré souillé, & qui ne faille que se laue avant que frequenter les autres.

Cruauté non punie de celles qui ont trop d'enfans.

Les femmes qui sont pauvres, & qui ont grand nombre d'enfans, si d'autres leur en naissent elles les occient, afin de ne les voir estans grandelets, perir de faim, ou auoir quelque grande disette: & nonobstant que leur iustice soit rigoureuse à punir les fautes, si est-ce que elle souffre, ceste cruauté tant barbaresque & inhumaine. Quant à la succession du Vodi, le filz aîné, aussi bien que en nostre Europe, en porte l'heritage: & fil meurt sans hoir mâle, le plus proche du sang en ligne masculine, est celuy qui iouyst de la couronne, car les femmes n'y sont receuës aucunement: & de mesme coustume vsent tous les autres seigneurs de l'isle Giapanoise.

Goxò punit les rebelles.

Les Princes y sont fort courtoys à leurs suietz, & obeissans à leur souverain: & si par cas il escheoit quelque querelle entre eux, & que ils se guerroyent ensemble, le Goxò est celuy qui leur impose silence, auquel filz desobeissent, il leur fait guerre, les desherite & fait mourir, toutesfois leurs biens sont laissez à leurs enfans, ou ayans cause: aussi bien que si leditz seigneurs estoient decedez de leur mort naturelle.

Quels sont les Giapanois.

Et comme ces Insulaires foyent presque en mesme Climat que nous, aussi sont ils blancs, & peu s'en fault de pareille stature que les Européens, gens discretz, gentils, nobles, aymans la vertu & les lettres, & qui cherissent fort ceux qui sont ornez de quelque grand doctrine: vsans presque de mesme façons de vie, sauf que leurs loix ne sont redigées par escrit, & que les matieres, & procez se vuydent de bouche, & non par escrit, & par ainsi les despêches en sont beaucoup plus soudaines: mais la rigueur telle, que si vn seruiteur ou suiet, s'oublioyt iusqu'à la, que de dire quelque parolle, qui desplaist à son maistre, ou seigneur, si le seigneur le tue, il n'en sera faite poursuite quelconque.

Loy contre les seruiteurs superbes.

Or ne sont ilz si parfaits qu'il n'y aye entre eux vn grand nombre d'enchanteurs, & sorciers, iagoit que ceux qui sont les plus gens de bien n'en tiennent pas grand compte, neantmoins sont ilz fort estimez par le vulgaire. Ont encore des Astrologiens, qui sont fort expertz éz predictions par le cours & reuolution des Astres, & se messent de dire la fortune, & ce qui doit succeder à ceux qui vont vers eux à conseil: & tous sont soigneux de sçauoir l'histoire de leurs predecesseurs, que ilz escriuent en leur langue, laquelle est bien fort difficile à aprendre: estans ces gens d'un esprit vif, & subtil, comprenans bien tost ce que on leur monstre, & qui se plaisent grandement à ouyr parler des choses celestes.

Giapanois attendent une loy meilleure que la leur.

Aussi ont ilz opinion, & s'y attendent avec vn merueilleux espoir, que ilz seront instruits en vne loy meilleure, que celle que ilz suyuent: & i'espere en Dieu que ce seront les Chrestiens qui les instruiront en la foy de l'Eglise, veu que c'est la persuasion la plus parfaite, sainte, & profitable qui fut, est, ny sera iamais au monde, comme estant l'accomplissement de toutes les promesses que Dieu a faites aux hommes.

Iagoit que ceste isle soit belle, grande, saine, fertile, & bien airée, si est elle subiette aux tremblemens de terre, qui y sont quelquefois si vehé-

mens à cause que elle est fort exposée à la violence des vents, que il n'y a homme qui se puisse tenir debout, durant vn tel esbranlement: & neantmoins on n'y voit point aduenir, que peu souuent aucune ruïne de leurs edifices. Giapan n'est point sujette aux serpents & sen y treuve fort peu, à tout le moins qui soyent venimeux: y a grand abondance de sauuagine, aussi les Seigneurs sy adonnent fort à la chasse, & est presque tout l'exercice auquel l'adonne la noblesse. Iacoit qu'ilz ayent encore des opinions diuerses sur l'adoration, & que les vns se souillent honorants (comme iadis les plus sages) l'armée celeste des estoiles, & d'autres suyuent l'abomination commune des nations en faisant honneur à l'œuvre de leurs mains, si est-ce qu'ils croyent vn Dieu, createur du Ciel & de la terre, que ilz nomment Deniche, ou Cogi en leur langue, & disent que il n'a pas plus de cent ans que ils ont receu ceste cognoissance, & ce par le moyen d'un saint homme que ils apellent Xaquà, l'histoire duquel ilz comptent en ceste maniere.

Qu'il y eust vn Roy le quel veit vne vision, qui l'aduertist que de luy sortiroit vn enfant de grand excellence, & le quel seroit reputé comme Dieu en tout le pays circonuoisin: ce que ayant compté à sa femme elle estant enceinte, enfantà au bout de neuf moys vn fils que ils nommerent Xaquà, à la naissance duquel apparurent deux serpens sur le toit du Palays Royal, lesquels descendans en bas, & aprochans l'enfant, ne luy porterent nuissance quelconque. Ce Xaquà estant creu iusque à l'aage de dixneuf ans, & le pere le voulant marier selon la coustume du pays, il n'y voulut point entendre, mais voyant que fil s'arrestoit pres de son Seigneur, il luy seroit impossible de resister à sa volonté, sen fuyt de nuit en vne haute montaigne & icelle deserte, & non frequentée de personne, où il se tint six ou sept ans en contemplation & y faisant vne austere, & dure penitence. Lequel temps expiré, il descend en campagne, & se met à prescher avec grand zele, & ardeur contre les Idoles que ilz adoroyent, estans monstrueusement Idolatres, & se souillans en plusieurs & diuerses sortes de sacrifices, & inhumains, & detestables, & leur annonça vn seul Dieu, createur de toutes choses, renouellant toutes leurs loix, & coustumes, & les reduisant à vne voye meilleure que la premiere, abatant les Idoles, comme encore se trouuent des ruynes d'icelles, ainsi que on en voit encore à Rome parmy les antiquitez & ruynes de la Cité.

Cestuy ayant aquis vn grand bruit de sainteté, & reueré de tous les Insulaires, leur donna cinq commandemens. Le premier desquelz fut que ilz ne tuassent personne: Le second leur deffendoit le larcin, Le troisieme leur proposoit la paillardise comme chose vile & detestable: & par le quatrieme estoient admonnestez de ne iamais se tourmenter pour occurrence à laquelle on ne peut point remedier: Et le cinquieme ressenoit la perfection Chrestienne, entant que il les acheminoit à oublier toutes iniures receuës, & pardonner à ceux qui les offençoient, & n'en pourfuiure point la vengeance.

HHh ij

*Giapan sujette
aux terre trem-
bles.*

*Giapanois quoy
que Idolatres,
croyent vn seul
Dieu.*

*Xaquà prophete
des Giapanois &
son histoire.*

*Doctrine du Xa-
quà plus sainte
que celle de Ma-
hometh.*

*Cinq commande-
mens du Xaquà.*

Leur monstra plusieurs choses concernant tant le seruice de Dieu, que ce que vn chacun doit faire selon son estat, & qualité, commadant plusieurs ieunes, & abstinences: disant que le chastiment donné au corps est profitable à l'ame, & q'c'est le moyen pour estre plaisant, & agreable au grâd Deniche. Et de ce Xaquà prendrent origine les moynes, & Bonzi que ilz ont en leur isle, & desquelz il en ya de trois sortes tant dedans que dehors les villes, ayans des lieux pour se retirer, ainsi que par deça sont les monasteres. Ceux qui se tiennēt aux villes ne se marient iamais, viuent d'aumosne, & ne portent point barbe, ny les cheveux longs, portans leur vestemēt long & à grandes manches, ayans tousiours la teste descouuerte, sauf que en hyuer ils se l'affublent, mangeans ensemble, & faisans de grâds ieunes, & abstinences. Ces Bonzi ne mangent chose aucune ayant sang & vie, & cecy pour se tenir maigres, & amortir les esguillons de la chair: ilz prient Dieu souuent, & enseignent le peuple de leuer les mains en hault, mais de dire quelles oraisons est-ce qu'ils dient, l'auteur confesse n'en sçauoir rien, d'autant que encor n'entendoit il leur barragouin. Ces religieux sont vestus de noir, estimez de sainte vie & de grand sçauoir, ayans vn supérieur auquel ils obeissent, ne receuās aucun en leur compaignie si n'est sçauāt, & de bonne, & louable vie: mais quelque chasteté qu'ils preschent, si sont ilz taxez d'un vice abhominable, & auquel ces pays là, & ces peuples sans la vraye cognoissance de l'Euangile, sont adonnez, & lequel est detestable pour estre contre l'institutio, & vsage de la mesme nature, & de quoy personne ne les vitupere, si ce ne sont quelques vns qui ayment de leur bōne inclination, ce qui est à abhorrer, & detester. Et nonobstant ceste leur villennie, si preschent ils, & sont fort escoutez du peuple, lequel ils enseignēt de croire qu'il y a vn Dieu plus grand que le Soleil, ne que la Lune, & la vertu duquel, quand ils preschent, ce n'est sans gémir & plorer, induisant le peuple à faire le semblable, luy metrans en auant la ioye des bien viuās, & le supplice des miserables, car ils croient les ames immortelles, & qu'il y a des Diables, & vn enfer pour la punition des meschans. Il y a encor vne autre sorte de Bonzi qui sont vestus d'une couleur cendrée, lesquelz ne se marient point aussi, & viuent de mesme façon que les autres, là où les troisiēsmes qui aussi sont vestus de noir viuent austierement, ieusnent presque tous les iours, & prient trois fois le iour, ayans des Idoles de boys & icelles dorées, & des effigies peintes contre les murs, & ainsi ilz ne suivent point l'institutio premiere de leur Xaquà, qui auoit aboly leurs Idoles: & y a encor des femmes qui suyuent la mesme façon de viure de ces Bonzi, & Pagodi, viuans & prians ensemble, & lesquelles sont estimées aussi saintes, & continentes que ces ministres des Idoles. C'est dommage que ces pauvres gens n'ayent gousté la doctrine salutaire de l'Euangile, veu le bon commencement de vertu qu'ils ont, entant que si quelcun d'être eux tombe malade, ces Bonzi le vont visiter, le consolans, & exhortans à faire testament, & s'ils le voyent estre en peril de mort, c'est lors que ilz luy proposent l'heur de l'autre vie, & le prient de ne se point fâcher de quitter ce monde, & les choses presentes qui ne sont que vanité, & de peu de durée: & le malade estant decedé, ils le portēt honorablement en terre

Bonzi, & religieux qui sont entre les Giapanois.

Vices des Bonzi quelz.

Giapanois croyēt l'Enfer & Paradis.

Bonzi idolatres.

Visitatio des malades.

Sepulture des morts entre les Giapanois.

dans l'encloz de leurs monasteres prians pour son ame, ayans opinion que ceste priere leur soit profitable en l'autre monde: & enterrēt & paures, & riches sans aucune difference, & ne reçoivent rien pour salaire, si ce n'est l'aumosne des bonnes gens pour se nourrir & sustenter. On tient qu'en ceste isle ilz ont vne estrange façon de faire penitence, & laquelle se fait en ceste sorte, ilz ieusnent & se contiennent de leurs femmes l'espace de cent iours, & cecy fait s'en vont dedans vn boys profond, & obscur voisin de la cité principale, & au pied d'une montaigne dedans lequel y a diuers, hermitages, & des Pagodis qui s'y retirent pour mieux vaquer à contemplation, & y viure en grande austerité. En ce boys demeurent ces penitens l'espace de deux mois, non sans estre vexez des illusions diaboliques, le malin esprit se iouant de ceux qu'il abuse souz la rigueur de ces fardées saintetez, en leur faisant voir des feux estranges, & ouyr des cris & voix espouuentables, ou au moins, ces gens se font à croire d'en apprehender le sentiment, comme ceux qui ayans le cerueau vuide ne fault s'estonner s'ilz se faignent des visions, entant que pour substenter leur vie, ilz ne mangent pour chascun iour sinon autant de riz qu'il leur en peut entre leurs mains: & boient troys fois de l'eau toute pure. Le temps finy de ceste penitence ilz sortent en vn desert voisins, & qui encoint ledit Boys, & là se mettent à genoux deuant le Pagodi, luy confessans à haute voix chascun ses fautes, & tous iurent reciproquement deuant le saint de ne dire rien de ce qu'ilz auront ouy de leur prochain dedans le desert. Auquel tant qu'ilz demeurent ilz n'ont garde de se despouiller ny de reposer, se vestās d'une grosse toile sur la chair nue qu'ilz ceignent fort estroitement, & allans piedz nudz, & teste nue, & cheminans nuit, & iour sans cesse comme qui iroit en procession: puis se reposent vn long temps autour d'un grand feu, prians, & marmotans leurs oraisons, que ie pense adressent au feu qu'ilz estiment comme de leurs dieux: & disent qu'il y a vn maistre qui les cōduit durant ce plerinage, & en faisant leurs oraisons: & penitence, lequel, quoy qu'ilz ne voyent point, si quelqu'un s'endort l'esueille à bō esciēt à grāds coups de bastō: ie vous laisse à penser si ce guide est quelque chose de meilleur, que celuy qui ne cherche que la ruine des hommes. Et est leur charité si froide durant ces belles deuotions, que si quelqu'un de leur compagnie tombe malade, & ne peult les suyure faisant leur course, ilz le laissent là sās se soucier de sa mort, ny de sa vie: mais s'il meurt en leur presence tandis qu'ilz marchent ilz le chargent de pierres pour tombeau, & luy mettent sus vne tablette où est escrit son nom, & du país de sa naissance, car chascun en porte vne au col, ou tels noms y sont escrits pour s'entrecognoistre: Les Giapanois (comme aussi en vsent les Indiens Oriētaux) portent des Patenostres de diuerses sortes ainsi que nous sur & avec lesquels ilz content le nombre de leurs oraisons, plus longues beaucoup que la nostre que nostre seigneur nous a cōmandé de dire, & les disent cent & huit fois, à cause que leur docteurs, & Bonzi tiennent qu'il y a autant de sortes de pechez, esquelz l'homme se peut souiller, & que contre chascun de ces vices, il fault s'armer d'une de ces prieres. Tous les matins en se leuant ilz disent neuf parolles, haucant les

Estrange façon de penitence en Giapan.

Confession publique des Giapanois.

Le malin esprit afflige ceux qui font la penitence.

Cruauté des penitens Giapanois.

Giapanois vsent de chapellets à dire leurs oraisons.

LIVRE QUATRIESME

*Oeuvres estimées
meriter entre les
Giapanois.*

*Quel sacrifice use
en l'Isle de Giapan.*

*Franchise des lieux
de L'oraison.*

*Pourquoy Giapan
s'est deſcouuert.*

*Escoles publiques
en quelles villes de
Giapan.*

doigtz de la main droite, estimans que cela profite pour empescher que le diable ne leur port nuissance aucune. Il sembleroit que ces gens eussent eu quelquesfois cognoissance de l'Euangile, & que quelque seducteur les en ayants destournez, ilz retiennent encor quelque ombragement de la pieté, & quelque signe de nostre façon de faire. Ne sont si mal appris qu'ilz ne croyent bié q' leurs aumosnes, voyages, penitèces, ieusnes & oraisons ne soiét fruits dignes pour la remissiõ de leurs pechez, & que le tout ne soit profitable & aux morts, & aux viuâs: aussi leurs prestres leur preschét l'enfer, où ilz disent que les ames sont tourmentées diuersement par les diables en la gehenne du feu eternal: ont persuasion qu'il y a vn Purgatoire pour ceux qui n'ont point deuëment repurgé leur cõscience avec les ieusnes & penitèces: & qu'au Ciel y a des espritz bienheureux, qui seruent deuant le grand Deniche, que les anges sont deffenseurs des hommes, & les estiment d'vne autre matiere, que d'estre composez d'vn corps elemetaire: & en leurs temples ils allument des Cierges lors qu'ils prient, & allans enterrer, ou brusler les mortz, car toutes les deux sortes sont entre eux en vsage. A certains iours, ilz sacrifient, non des bestes, ny les hommes, ainsi qu'ilz faisoient iadis, ains des odeurs aromatiques q' le chef des Bonzis presente deuât tout le peuple sur vne table dressée cõme vn autel, & les brusle chantant quelques oraisons à Dieu en autre langue que la vulgaire: & c'est ainsi que les enseigna que failloit sacrifier le Xaquà, qui à mon aduis, l'auoit appris des Bramins que nous auons descrit en l'Inde Orientale.

Ce peuple a en si grande reuerence de lieu, où il s'assemble pour y faire oraison que si vn criminel sy sauue, & sy retire à garant, il n'y a officier de la iustice qui oſast l'en tirer, sauf si tel homme estoit atteint de larcin, car ce crime ne peut trouuer ny garant, ny deffence, tant sont abominez les larrons parmy les Giapanois. Ilz ont des saintz en honneur, & leur dressent des statues, les reuerans & prians, telz que sont Xaquà, & autres de sa secte, sans qu'ilz facent aucune feste pour eux, ny pour autre chose, ayant chascun le repos disposé à sa fantasie, comme aussi le trafic n'y est trop grand, & cecy a esté cause que l'Isle n'a pas esté si tost descouuerte que celles d'où l'on tire l'or, & la pierrerie, d'autant que les hommes sont plus soigneux de l'enrichissement de leur bourse que de la gloire de Dieu, ne du salut, & profit de leur prochain. Aussi en Giapan l'or n'y abõde point, la pierrerie y est incogneuë, l'espicerie n'y croist point, & les viures n'y sont plus abondans que de ce qui est necessaire pour les habitans, qui y mangent pour viure, sans que leur vie semble estre seulement pour mager: ils cultiuent leur terre, ont quelques fruits, & des vignes sauuages desquelles ilz mangent le raisin sans en faire vin ny despence, aussi sont ils sains à merueille pour viure sans excez, & vivent longuement, à cause que de peu ils se cõtentent en leur repas. L'oublioy le meilleur qui soit parmy ceste gent, Insulaire qui est qu'ilz ont des estudes generaux en quatre villes de l'isle, à Meacò c'est à sçauoir, qui est la cité principale, & en laquelle se tient le Roy ordinairement, l'autre est à Bande qui est plus fameuse vniuersité que l'autre, puis y sont Negron, & Frasõ moindres que les precedentes, mais toutes singulieres, & admirables en ce qu'un peuple si esloi-

gné de toute compaignie ciuile, au milieu de la mer, non guere frequenté de personne se soit contenu en telle purité, & aye humé l'air de vertu parmy l'infection du vice de tout le Leuant, & parties septentrionales qui l'auoisinent. Iacoit qu'il y ayt peu de Cartes qui marquent ceste isle, si n'ay-ie voulu faillir, l'ayant trouuée descrite d'en donner le goult au lecteur, affin qu'il voye (estant Chrestien) combien il est redeuable à ce pere puissant, & Dieu de toute misericorde, qui cachant sa lumiere à plusieurs iusqu'à present, nous aye de tant fauorisez, que de nous eslargir sa grace, nous esclairent des rayons de ce soleil de iustice, lequel, i'espere, espandra aussi sa clarté & sur ces Giapanois, & sur toutes les nations de la terre, affin qu'il soit le seul pasteur, de la Bergerie vniuerselle.

Des Isles de Cuba, & Espaignolle, descouuerte d'icelles, & mœurs des habitās. Ch. 7.



AVANT qu'entrer en terre ferme de la Castille nouvelle, ayant descript la plus part de ce qui est au Mexique, qu'à present on nomme Nouvelle Espagne, il faut voir les Isles qui sont en cest espace de mer, qui est des la Floride, iusqu'au Promontoire des Canibales, à cause que ce sont esté elles, où premierement les Chrestiens arriuerent lors que Christophle Colomb Geneuois ouurit le pas de l'Ocean pour les Roys d'Espagne vers les terres Occidentales. La premiere de ces Isles est celle que maintenant on appelle Espaignolle & de saint Dominique, Espaignolle par Christophle Colomb qui la conquist, & S. Dominique par ceux qui sont venuz apres luy, luy dōnans ce nom à cause de la cité principale d'icelle qui a esté ainsi appellée. Ceste isle est posée selon le iugement des Pilotes, entendās l'assiette des cercles, entre la ligne partissant où l'equateur, & le tropique d'Esté, à huit degrez de la susdite ligne, & en son eleuatiō Septétrionale ayant vingt degrez, & demy, s'estendāt du Leuant au Ponāt quelques 150. lieues de lōg, & 55. de large. Or cōme ceste terre si spacieuse a esté habitée, & qui en furent les premiers citoyés, Pierre Martyr en fait la description en telle substāce: que non guere loing de ceste isle y en à vne autre à present peu habitée, & que les naturelz appellēt Malitinā, en laquelle s'estāt esleuée quelq̄ discorde entre les Insulaires, les factiōs, & partialitez sy renforcerent de telle sorte, qu'en fin la partie plus foible fut contrainte de quitter place, & s'en fuyr avec leurs femmes, & enfans, & montans sur mer dedans leurs Canes, & petits vaisseaux s'en allerent au plaisir du vêt & de la fortune, qui les poussa en ceste isle pres vn fleuue nommé Bahaboni, où il y a vne petite isle, en laquelle ils descendirent la premiere fois, & y bastirent leurs premieres loges, & laquelle ils nommerent Camoteia, comme encore elle se nōme, & à laquelle ilz vont tous les ans avec grāde deuotiō, en souuenāce de leur fuite, & que ce petit coing d'Isle leur seruiſt lors de garāt, & retraite: mais depuis entrās en l'Isle, & la voyans si grande, estimans que ce fut tout le monde luy mirent à nom Quizqueia qui signifie en leur langue, vniuersel, ou tout terre, & passans outre, virent l'aspreté des montaignes, qui les incita de luy donner le nom de

*Christophle Colomb
premier descou-
ureur de l'Occident
iadis iecogneu.*

*Où est assise l'isle
Espaignolle.
Fernand d'Onide
li. 2. des nauiga-
tiōs aux Indes.*

*Pierre martyr de
Anglerie liu. des
Indes Occident.*

*Bahaboni fleuue
en l'Isle Espaigno-
le.*

*Comme ceste Isle
fut nommée pre-
mierement.*

LIVRE QUATRIESME

*Egalité de iours
en l'Espaignole.*

*Grâde fertilité de
l'Isle Haïti.*

*Haïty Isle est ca-
uerneuse.*

*Hagueigabô lac
en Haïty, des
nostres nomé mer
Caspie.*

*Hagueigabô Lac
fort d'agereux.*

*Cibauï montaïnes
ayans des mines
d'or.*

*Caiabô prouince.
Cotobi vallon.*

Haïti qui signifie aspre, & difficile, & c'est le nom qui luy est demouré en-
tre & parmy les peuples tant insulaires que de terre ferme du païs Indié,
neantmoins, les Chrestiens la recognoissent, comme dit est, souz le tiltre
d'Espaignolle, ainsi que Colomb la baptisa l'ayant conquise pour le Roy
d'Espaigne. Ceste Isle à les iours presque tous esgaux tout le long de l'an
& lors que le Soleil est au tropique d'Esté, il n'altère point la longueur du
iour d'une heure ou guerre d'avantage: & affin de faire voir à ceux qui ont
opinion que la Zone, ou ceinture qu'on appelle Torride, & brulante, est
habitable, & esloignée des incommoditez qu'on luy donne à cause de ses
ardeurs supposées assez froidement, fault sçavoir que Haïti estant assez
proche de la ligne equinoctiale, tant s'en fault qu'elle soit inhabitable,
brulante & impossible à l'abord pour les hommes, qu'au contraire elle
est temperée, ayant l'air serain, sans chaleur, ny froidure qui soyent excès-
sifz: quoy que là où les montaïnes sont fort hautes, le froid y regne au-
cunement, à cause de l'auoïsinement desdittes montaïnes. Aussi en toute
saison de l'année, y voit on les arbres verdoyans, chargez de fruitz, & de
fleurs, & ne tombe iamais vne fucille fenée qu'une fresche ne soit en sa
place: la terre y estant si grasse, que les Chrestiens qui s'y sont habituez,
y semans les bleds sont cōtrains cultiuier les monts, & collines qui le sont
moins que les valons, affin que la gaillardise de l'herbe ne suffoque leur se-
mence, & que l'espy ne se perde, & conuertisse en feillage, là où sur les
hauts lieux ilz ne sont subietz à si grande accroissance: & le mesme leur
est aduenue des arbres qu'ilz y ont portez de l'Europe: neantmoins est il à
noter, que ceux qui ont esté en ce pays, dient que les nostres y digerent
plus facilement le pain fait du Mahiz, ou Lucà, qui sont les grains de ces
païs Occidentaux, que de celui des bledz qu'on y porte des Espaignes, ou
autres Prouinces, quoy que les nostres ayent le goust plus sauoureux &
delectable. Haïti est arroulée d'une infinité de Lacz la plus part salez, aus-
si est l'Isle Cauerneuse, & ceste amertume d'eau procedant des canaux
souterrains de la mer, comme ainsi soit qu'en aucuns la superficie, & des-
sus de l'eau soit douce, mais si l'on espuise guere profond on en sent le
goust salé, & mal plaisant à boire: & sur tous les Lacz est estimé celui que
les Indiens appellent Hagueigabon, mais les nostres le nomment Mer
Caspie, à la similitude de celui amas d'eau qui est pres le mont Caucafé
en l'Asie: & d'autant que s'escoulant vne infinie multitude de riuieres de-
dans cestuicy, si est-ce que pas vn fleuve ny ruisseau n'en procede en sor-
te quelconque, ains engloutist tout lors qu'il y a tourmente & ne sert rien
de sçavoir nager, entant qu'il rauist & hommes, & vaisseaux, sans que ia-
mais il reuomissent sur les bordz chose qu'il aye abyfmée: neantmoins a-
bonde il en poisson, & du meilleur & plus gras de toute la contrée.

Les montaïnes plus haultes de ceste isle sont celles de Cibauï, où sont
les grandes mines d'or, car ceste Isle abonde en ce metal, comme aussi elle
fait en Azur, & autres choses exquisés, & precieuses, & sont ces monts
au beau milieu de l'Isle, & si haults qu'il semblent surpasser les nuées, des-
quelz sortent infinité de fontaines & torrens, qui abbreuent les valons
voisins, qui tousiours sont cultiuiez, & ou l'on cognoist & experiméte les differen-

différences des saisons de l'année, à sçavoir Printemps, Esté, Automne, & Hyuer, tellement que l'Esté les fueilles sechent sur les arbres, & l'Hyuer elles chéent en la seule vallée ditte Cotobi, & de la Prouince nommée Caiabo ce qui n'aduient en partie quelcōque autre de l'isle. Je ne m'amuseray plus longuement à vous deduire par le menu les montaignes valōs, fleuves, torrēs, & fontaines, mines, & simples de ceste Isle, entant que nostre principal suiet gist sur la description des mœurs, & façons de vie, plus qu'en l'histoire appartenāt au plan, & assiette des Prouinces, laquelle neātmoins, ne voulōs de tant mettre en arriere qu'en passans nous n'en disōs tousiours quelque chose. Et sur tout ne veux-je point oublier vn arbre qu'ils ont, & appellent Copei, le fruit duquel raporte aux Prunes de noz cartiers, mais la fueille estant large de demy pied, & d'auantage, à seruy vn long temps aux Chrestiens de papier, & parchemin, d'autant qu'escriuant dessus avec vn couteau, ou poinçon, la lettre y paroissoit presque aussi bien que si c'eust esté de l'ancre sur du papier: de sorte que les Insulaires voyans qu'avec ces feilles les Espaignolz se communiquoyent leurs affaires, eurent dès le commencement si grand frayeur de cest arbre, que voulans dire quelque cas de secret, ilz n'auoyēt garde d'en parler pres vn lieu, où le Copei fut planté, de peur que les fueilles ne parlassent. De leur pain ceux qui en parlent, dient qu'ilz le font, & du Mahiz susnommé és chapitres precedens, & d'une autre plante nommée Luccà, de la racine de laquelle ilz font farine, & icelle mise en paste leur sert de pain qu'ils appellent Cazabi, & qui est fort sain, & de bōne digestion. Les habitans du païs tiennent qu'auant que ceste racine fut en vsage, les insulaires viuoyent de certaines racines d'herbes, qui ressemblent noz Ciboules, & eschalottes, & d'autres qui sont comme Carottes, les autres qui rapportent aux truffles: mais qu'un vieillard se tenant pres la riuē d'un fleuve ayant trouué le Luccà en planta, & aprist aux autres la maniere & de le cultiuer, & d'en vser pour en faire le pain. Au reste pour venir aux façons de vie des Haïtiens, faut entendre que ce peuple est simple, doux, & sans grande subtilité ny malice aucune, viuant la plus part du temps oisif à l'ombre, content de peu de choses & ne se souciāt de quoy entretenir son corps pourueu qu'il viue. Hommes, & femmes y vont tous nudz, bien qu'avec certains linges faitz de Coton, duquel ilz ont en abondance, ilz se couurent les parties honteuses, mais non si bien que pour peu qu'ils se remuent, ilz ne fassent montre de tout ce qu'ilz portent. L'appelle ce peuple oisif, à cause q' méprisant les richesses, il luy suffit que les fruitz des arbres, & les herbes luy seruent de nourriture, & souuent prenant son passetemps à la pescherie tant sur la mer, que par les fleuves, d'où il en tire plus qu'il n'en sçauoit vser. Le desir, & regret de ceste oisiveté perdue depuis que les Espaignolz y sont arriuez, a esté cause que l'isle est presque sans aucun des anciens habitans, qui se sont laissez perir de leur bon gré, fachez que nuit & iour on les employast sans aucun relasche à chercher de l'or au grauier des riuieres, & aporter du boys és lieux où l'on fondoit, ou par les boutiques des Sucres: D'autant que n'estans point acoustumez à ce trauail les vn sont mortz sous les faix, les autres se sont occis par desespoir de leur main pro-

*Copei arbre, de la
feuille duquel on se
sert en lieu de
Papier.*

*Simplicité des
Haïtiens.*

*Luccà racine à fa-
re du pain.
Cazabi est le
pain.*

*Haïtiens iadis oi-
sifz.*

*Desespoir des
Haïtiens causé de
la rigueur des
Chrestiens.*

LIVRE QUATRIESME

*Fèmes Haïtiennes
se font auorter.*

*Labeur ancien de
ceux de Haïti.*

*Le soleil, & la
Lune adorez par
tous les Indiens
Occidentaux.
Vn seul Dieu re-
cogneu par les
Haïtiens.*

*Cemis estimez
messagers du grand
Dieu.*

*Figures effroya-
bles des Cemís, ou
Tuirà.*

pre, de despit de se voir reduit à vne si grande misere & seruitude, en lieu de celle grãde liberré en laquelle ils viuoïent au parauant. Il y en a eu d'autres, qui ne se sont voulus marier ny acoster aucune fême, de peur d'engêdrer des enfans qui seruissêt de bestes, & esclaué à la tyrãnie & cōuoitise aueuglée des Espaignolz: voire les femmes se sentans grosses, prenoyent des herbes (car elles sont bonnes maistressès en la cognoissance de la vertu d'icelles) propres à se faire vuidier le fruit, de sorte que qui regarderoit à present le nôbre des Insulaires naturelz, au pris de ce qu'ilz estoyêt lors que Colomb y arriua, il y verroit vne estrange metamorphosé: & iaoit que le Roy Catholique aye fait plusieurs ordonnances pour la liberré, & soulagemēt de ce pauvre peuple, si est-ce q̃ l'auarice de ses officiers, à cause l'aneantissement des Insulaires. Le trauail desquels iadis n'estoit autre que de semer son Iuccà, & le Mahis, & de cōduire des eaux des fontaines, & ruisseaux auec des canaux par les chāps semez, à cause que tard, & peu souuent il pleut en celle terre en aucuns endroits: & en d'autres plus qu'il n'est de besoing, ainsi qu'en aduiēt au terroir de la cité S. Dominique. Or auant que passer outre sur leurs façons de faire, il fault sçauoir leur foy, & religion, & quelle opiniō ils ont de la diuinité, quel Dieu ils adorent, & le moyē, & ceremonies qu'ils vsent en l'honorāt, veu q̃ c'est le premier point q̃ les diligēs lecteurs requierēt en l'histoire, qui cōsiste en la coustume des peuples estrāges. Iaoit q̃ (cōme i'ay desia souuēt dit) tous ces peuples adoret le soleil & la Lune, si est-ce q̃ particulieremēt en chacune terre, y a qlque cas de peculier, qui n'est pas obseruē es autres, cōme ainsi soit que les Haïtiens, outre l'hōneur qu'ils font à ces deux grãdes lumieres du mōde, si ont ils opiniō qu'il y a vn premier moteur de tout cest vniuers, lequel est tout pouuāt, erernel & inuisible, & lequel ils nōment Iocauuà & Guamaonocon: croyās, q̃ ce Dieu aye vne mere, qu'ils appellent de diuers nōs mais disēt q̃ ce Dieu eternal, sans fin, & inuisible a des messagers departis chascū en son office, & ayāt son cartier, & lesquels ils nommēt Cemís, ou Tuirà, qu'il n'y a Roy, ou Cacique (tel est le nom de leurs Roys, & seig.) qui n'aye vn Cemi pour sa guide, & auquel il fait hōneur, & reuerēce: de sorte q̃ ces Tuiraz sont telz en leur endroit q̃ les Genies iadis parmy l'abominatiō Grecq̃. Ils affermēt q̃ ces Cemís leur aparoissent de nuit, & leur signifiēt & declairēt plusi. choses, se mōstrās en la forme mesmes q̃ ils les paignēt, à sçauoir noirs, & tous tels que noz paintres les effigiēt, gettās du feu par la bouche, & ayās la queue cōme vn serpēt, & les piedz, & mains cōme grises, & mains de quelque oiseau rauissant: aussi les font ils de ceste figure auec du Cotō, les vns estās assis, & les autres debout, & diuerfes proportions: les vns plus grāds, & les autres moindres. Or selō le lieu, où ce malin esprit leur apparoit, ilz en font aussi la figure, d'autāt que si c'est dās les bois, ils ne faillirōt aussi d'ē faire la representatiō de bois, & la porter liée sur le frōt allans à la guerre, esperās par ce moyē obtenir la victoire: fil se faiēt voir dedās quelque cauerne, ou grottesque, c'est de pierre q̃ l'idole est dressē, & fil leur apparoit en vn chāp où soit semé leur Mahiz, où Iuccà: la racine de ces plātes seruira de matiere pour en effigier leur Cemi qu'ils estimēt s'estre mōstrē esdits chāps cōme cōseruateur de la semēce, & celuy qui préd la charge de la faire croistre, & y dōner rousée saisonnée: & por-

rent grād hōneur aux lieux mēmes où telles visiōs aduiennēt, car d'auoir tēples ny oratoires, cōme les mexicans il n'en est point de nouuelle. D'autres les font & paignent ayās plusieurs testes, & queuēs, & avec vn fier, & espouuētable regard, les dents cōme d'un chiē, aigues, & representans ne sçay quel grincemēt, les oreilles grandes outre mesure, & les yeux estincelās: & quelque frayeur q̄ ceste figure abominable dōne au cœur de l'hōme si est elle si familiere à ce peuple qu'il n'y a coing en leurs maisons, porte, ny bâc, où ne soit grauée la figure du Diable, signifiās q̄ quelque part q̄ ils soiēt, ils ont tousiours le Cemi pour cōpagnie. C'est luy qui est leur dieu, puis q̄ celuy qu'ilz estimēt eternal, & tout puissant, & oisif en leur endroit & q̄ c'est au Tuirā à qui ils s'adressent pour auoir les choses qui leur sont necessaires soit qu'ils ayēt faulte de pluye, ou de beau tēps, ou qu'ils demādent victoire de leurs ennemys, fertillité, ou bien repos de leurs trauaux, & maladies. C'est au Cemi qu'ils s'adressent voulans sçauoir quelque cas de ce qui leur doit aduenir soit pour le fait de la guerre ou pour l'abondance du Mahiz, ou Iuccā pour leur viure, & vsent de telle ceremonie voulans en tirer la verité, & sur tout si vn des Caciques est malade, & de la maladie duquel on vueille sçauoir le succez, & occurrence: vn des principaux Roiteletz, ou Caciques, entre en vne chābre du logis dediée aux Cemys, accompagné de quelques vns des premiers de sa suite, n'estāt permis à autre d'assister à ceste ceremonie qu'aux grands, & deffendu au peuple d'y aborder: Entré qu'il est, on luy donne à boire du iust d'une herbe qu'ils nomment Chohobbā, qu'il hume par le nez & laquelle il n'a pas si tost prise qu'il perd le sens, cōme vn homme trop chargé de vin, luy estant aduis que la maison tourne c'en dessus dessous, & que les hōmes cheminent les piedz en hault, & la teste contre terre si grande est la violence de la fumée de ceste herbe, ne sçachant celui qui l'a goustée, ne où il est ne qu'est-ce qu'il fait, tant s'en fault qu'il sceut dire rien de ce qu'il voit, estant priué, & de sens, & de tout iugemēt, & c'est en quoy le malin esprit se moque de ce peuple que de luy faire croire d'estre prophete lors que le plus il est hors de son entēdement: mais ne fault s'en esbahir, puis que iadis, & les Pithies interpretans les oracles d'Apollon & les Sibylles predictant ce qui deuoit aduenir sentoyēt de mēmes transports, & que les Prestres deuinans, poussez de l'esprit, deuenoyent furieux, sans qu'ilz ayent eu iadis honte, d'attribuer ne sçay quoy de diuin à cest insensément, & furie. Ayant ce Roitelet digéré aucunement ceste fumée, & la vehemence de sa fureur se passant, il s'asseoit à terre, tenant la teste inclinée, & les mains à ses genoux cōme on voit qu'en vsent les femmes ayans quelque grād tristesse, ou ayant demouré vn espace de temps resuant, & tout longeux, se leue tout ainsi que s'il s'esueilloit de quelque long, & profond sommeil, lors hauce les yeux au Ciel, marmotte, & murmure ne sçay quoy entre les dēs, & les parolles duquel personne ne peut entēdre q̄ ceux qui sont adextrez à tel exercice. Désq̄ ceux qui luy assistēt le voiet reueni en son bō sēs, ils se mettēt à rēdre graces à leur Cemi, de ce q̄ il à laissē ptir le Cacique de sa presēce, luy permettāt le retour vers eux: & puis s'adressāt à cest esueillé luy demandent des nouuelles du Cemi & des choses par luy entendues.

De cecy voy Fernand d'Ouid. liu. 5 des Indes.

Ceremonie des Haïtiens voulās deuiner quelque cas.

Chohobbā herbe le iust de laquelle priue l'homme de son sens.

Anciens deuins deuenoyēt furieux en deuinant. Virgil. 6. Eneid. Aristote aux Problemes. Platō au Phedre.

LIVRE QUATRIESME

Autre sorte de Cemis.

*Boitij qu'elles ges
ce sont entre les
Haïtiens.*

*Areiti sont chan-
sons sur les faits
des anciens.*

*Prediction des
Haïtiens sur la
venue des Chre-
stiens en leur isle.
Maguacochios.*

Ce maistre roitelet eceruelé se vâte d'auoir parlé au Diable, & qu'il luy à promis victoire contre ses ennemys, ou au cōtraire qu'il sera par eux sur-
monté, à cause de quelque faute par luy cōmise en ne luy faisant les sacri-
fices par luy commandez qui ne sont pas plus gracieux que ceux que font
les Mexicans à leur grād Idole leur cōpte la premiere chose qui luy vient
en fantasie soit de la fertillité, ou default de viures, de la mort, ou de la vie
du Cacique pour lequel ceste ceremonie aura esté dressée. Les aucuns
encor de ces Insulaires font leur Cemis de Marbre, en forme d'une fem-
me aupres de laquelle à deux enfans cōme si c'estoyent deux pages: l'un
desquelz ilz disent estre le trōpette, ou Herault qui marche par le cōman-
demēt de ceste femme pour assembler les autres Cemis, & les faire venir
avec vêts, pluyes, & grāds nuages: l'autre enfant a charge d'amasser en un
toutes les eaux qui coulēt des mōtaignes, & les fait enfler de telle sorte q̄
elles noyēt tous les chāps, où sont leurs Mahiz, & Iuccā, & font cecy ces
ministres toutes les fois q̄ les Haïtiens faillēt de faire l'hōneur deu à ce beau
Cemis de Marbre. Or d'autant que ce sont les Caciques, ou roiteletz qui
vſent de la diuinatiō susdite fault sçauoir qu'ils n'apprenent pas cela d'eux
mesmes, ains y a entr'eux les sages qui sont cōme Philosophes, & que les
Insulaires apellent Boitij, ou Tequirā, lesquelz leur enseignēt principale-
mēt deux choses, à sçauoir le principe, & origine de tout ce qui a esté en
ce monde, & les faits, & gestes de leurs ancestres, & maieurs tant durant
la paix, q̄ parmy les troubles de la guerre, & cecy est cōpris par quelques
vers en leur lāgue, q̄ ils nōment Areiti, & les chātent & sonnēt sur de cer-
tains tabours faits de bois creux & tout d'une piece, lequel resonne gran-
demēt estant batu d'un autre bastō, nōmans cest instrumēt Maguy, & les
chātans serōt une grād troupe dāçans, & gābadās avec une mesure mieux
gardée q̄ celle de noz balladins, & la dāce estāt faite en rōd, & cōduite o-
res par un hōme, tātost par une femme qui cōmence l'Areiti auquel respō-
dent tous ceux qui sont au brāsle, tout ainsī qu'en vſent par deçā & par les
villes, & villages les Artisans, & laboureurs les iours des festes pour se res-
iouir. Outre les chāsons, & Romans sur les gestes de leurs peres, encor en
ont ils qui concernēt le fait de l'amour, où ilz expriment leurs affections,
& le mal qu'ils souffrēt en aymāt, loüent leurs dames, & amoureuses, leur
mettent en auāt cōme est-ce qu'ils sont tourmētez en leur absence, & tel-
les autres folies que les amās ont accoustumē de gazouiller deuant celles
qu'ils aymēt, & honorēt. De ces chançons ilz chātent les vnes avec un son
fort piteux, & lamentable, & plein de grauité, & c'est lors qu'ils veulent a-
nimer les ieunes hōmes au cōbat, affin que hardimēt ils assaillēt l'ennemy
& q̄ l'effroy de la mort ne les destourne de se lācer au peril, entāt que ces
Areiti leur promettēt que filz meurēt en ceste querelle, ils s'en irōt en re-
pos l'asseoir aupres du Soleil. Mais sur tout est une chose merueilleuse de
ce q̄ cōpte P. Martyr qu'ils auoyēt un de leurs chās, & le plus anciē q̄ tous
aprenoyēt de main en main, le tenās de leurs maieurs, lequel faisoit men-
tiō de la venue des Chrestiens en leur terre, & apelloiēt ces hōmes estran-
gers Maguacochios, à sçauoir qui seroiēt vestus & auroiēt des espées qui
fendroiēt les hōmes de la teste iusqu'à la ceinture, & qu'ilz abatroiēt leurs

Cemis, & ruineroyent leurs ceremonies tenas en perpetuelle seruitude leurs enfans, & successeurs: & ne chantoient iamais cest Arciti, que ce ne fut avec grands pleurs & gemissemes. Ces Boitij, ou Tequina estoyent de mauuais garçons, grans trompeurs, & forciers, qui leur predisoient les choses à venir, & auxquelles les pauvres gens aioustoyent foy entiere: & quand bien ce qu'ilz disoyent ne reussissoit point selon leur dire ils n'en perdoient pourtant leur credit, d'autant qu'ils se couuroient du changement de la volonté du Cemis qui s'estoit offensé, ou qui differoit sa promesse pour leur grand bien & avantage. Ces Boitij cognoissoient presque tous, & les herbes, & leurs forces, & natures, & parainfi guerissoient plusieurs de quelque maladie qu'ils fussent attains, qui estoit cause que le peuple les estimoit, & reueroit sur toute chose, & les pensoit saints & diuins, & pour ce les honoroit du mesme tiltre de Cemis, lequel ces galans, & imposteurs portoyent paint sur leurs corps: & c'estoit aussi de ces Boitiis que les enfans des Caciques estoyent instruits (comme dit est) à la diuination par la suffumigation susdite, le diable se fourrant parmy leurs ceremonies. L'autre point que ils leur aprenoyent, auons dit estre le principe des choses, sur quoy ilz croioient ce qui s'ensuit: En leur isle y a vne Prouince qui se nomme Caunanà, en laquelle on voit vne montaigne treshaute au pied, & racine de laquelle y a deux spelonques & grottesques fort spacieuses, la plus grande ayant nom Caxibaxaguà, & la plus petite Amaiaunà, en ces deux cauernes disent-ilz que se tenoyent tous les hommes, par le commandement du soleil, qui ne vouloit point qu'ils le veissent, & parainfi auoit-il mis vn d'entr'eux à la porte des grottesques qui seruoit de garde, & empeschoit l'issuë aux autres. Cestui-cy, qu'ils nomment Machochaël, voulant sçauoir ce qui se faisoit par l'isle, laissa sa sentinelle pour descourir pays, mais le soleil le rencontrant le punist, & le transforma en vne pierre, comme aussi il conuertist en diuers arbres la plus part des autres qui sortirent de nuit des cauernes se voyans estre sans garde quelconque. Les Boitiis continuant leur fable, & ne sçachans d'où prendre la continuation de la creation qu'ilz estiment tenir du Soleil & de la Lune, & iceux estre aussi fortis, & auoir esté produits d'une montaigne de leur pays nommée Io-uabana Beina, disent encore d'avantage, que parmy les homes qui estoyent dans ces creux montaigneux en y eut vn nommé Vaguenionà, lequel ayant plusieurs enfans en enuoyant dehors la Spelôque, mais il ne fut pas si tost dehors que le soleil le transforma en vn Rossignol: ainsi oyans chanter cest oiseau ils disent qu'il pleure son defastre. Le pere cherchant son fils, tira hors toutes les femmes & enfans encor tetans, & s'arrestans pres vn fleuve, les enfans qui estoyent affamez se mirent à crier Toà, Toà, & le Soleil les conuertist avec leurs meres en grenouilles. La race des femmes estant faillie, le susdit Vaguenionà trouua en fin le moyé d'en recouurer: car se-stans allez leuer de nuit que le soleil ne marchoit point par terre ilz veirét sur des arbres certains animaux formillans par les boys, qui ressembloyent des femmes: mais comme ils les prenoient elles leur glissoient hors des mains comme anguilles. Qui fut cause qu'ils choisirent des hommes ayans les mains aspres & rudes, lesquels à la parfin en arresterent quelques

Boitiis diuins, & forciers.

Fernand Ouede li. 5. des Indes.

Cecy est escrit en Pierre Martyr.

L'origine de l'homme selon les Haïtiens.

Le soleil, & la Lune estiment estre fils d'une montaigne.

Estranges transformations creues par les Insulaires.

Renouuellement de l'humain lignage.

LIVRE QUATRIESME

vnes, desquelles sortirent les hommes qui depuis ont peuplé la terre, sans que plus le soleil en ayé changé aucun en nouvelle forme. Voyez la sorte philosophie des Boitij & qui toutesfois se raporte à quelque mystere, veu que elle comprend la transgression de l'homme, & comme le soleil le punit en la changeant en autre substance : & ne pense point que iadis il n'y ayt eu quelcun plus habile, qui a instruit les anciens Tuinas, ou bien fault dire que la force de nostre ame est telle que le sçauoir luy estant naturel, elle ne peult estre sans se rechercher iagoit que rudement elle en dresse la maniere.

*Origine de la mer
quelle selon les
Haitiens.*

Quand à la mer ilz en comptoyent vne fable trop lourde, la faisans auoir source du corps d'un homme mort, & d'un vase où il estoit enterré, lequel estant cassé l'eau s'espendist sur la terre, & l'emplist ainsi, & telle que on la voit estre en sa grande longueur & estenduë. Ce peuple est estrange-ment superstitieux, & croit que les morts demeurent cachez de iour, & que la nuit ilz sortent, & vont coucher avec les femmes, lesquelles les cognoissent à ce que ayans tous les membres propres à l'homme, le seul nombril leur manque. Or ay-ie dit que le Boitij predisant quelque chose, encore que elle ne succede point selon sa prediçtion, il n'en est point traité pirement : mais ainsi ne luy aduiuent fil se porte mal à la guerison de son Cacique : car si vn roitelet tombe malade, & que le Boitij prenne la charge de le guerir, & ne l'execute, il est en grand danger de sa personne, & que les parents du deffunt ne le facent mourir. Pour la guerison duquel il s'oblige de ieusner, & prendre de l'herbe qui fait deuenir furieux, & de laquelle auons parlé cy dessus : ce que ayant fait, il fait coucher le malade au milieu d'une chambre, où n'assiste aucun que deux ou trois des plus proches parents du patient, deuant lesquelz faisans les plus estranges grimaces du monde, il souffle ores sur l'une partie, tantost sur l'autre du corps de l'homme couché, & tirant à foy le vent, & luy sucçant la chair, dit qu'il luy defracine la maladie des veines: puis luy frottant les espaules, bras, cuisses, & iambes, ferrant les deux mains ensemble sort dehors la maison & secouant les mains, pensa getter aussi la maladie.

*Maniere comme
les Boitij gueris-
sent les Rois ma-
lades.*

Ces ceremonies paracheuées il donne quelque boisson au patient, faite de quelque ius d'herbes, & luy ordonne de ne rien manger iusqu'à lendemain: & voyant qu'il est pour eschaper, vse encore vn coup des grimaces, & gestes susdits: mais cognoissant qu'il n'y a plus d'ordre de le guerir, il s'en descharge sur le Cemis, disant qu'il le fait mourir pour ne l'auoir pas logé assez honorablement, ou d'autant qu'il ne luy a porté telle reuerence que de raison. Mort que est le Cacique, & ayant ordonné ses heritiers, ceux qui luy estoient les plus chers sont menez avec luy en terre, & là ioyeusement ilz se consacrent aux ombres du deffunt, cōme aussi il est vse en diuers autres endroits, ainsi que nous l'auons noté & sur tout en plusieurs lieux de l'Asie. Et si quelcun de la suite du Cacique refuse de s'occir, & se sacrifier à son ombre, ilz disent & croient que celuy la mourant puis apres de sa mort naturelle, ou autrement il perira aussi bien en l'ame que au corps, c'est à dire que le tout s'aneantira ensemble, & se conuertira en rien & en fumée. En aucuns endroits tant de l'isle, que de terre ferme, le

*Ceremonie sur la
sepulture des Ca-
ciques.*

Roy estant mort, ils ne l'enterrent point, ains posent son corps tout droit ou contre vne pierre, ou quelque piece de boys, & autour duquel ilz allument vn grand feu, prenans garde toutesfois que le feu ne puisse toucher le corps, & laissent brusler ce feu iusqu'à tant que la gresse & liqueur humide en soit toute hors par les ongles des pieds, & des mains, & que tout la chair en sue & se desseiche, tellement qu'il ny ayt rien plus que la peau & les os: ce que fait ils prennent ceste despouille, & la mettent en vn lieu separé de la maison, où gisent aussi les corps de ses parens, & par ce moye ils sçauent quel est le nombre des seigneurs qui ont regné en vne terre. Ces Insulaires se paignent tout le corps sauf la face, car cela est signe de seruitude parmy eux.

Autre façon de sepulture.

Armes des Haïtiens allés en guerre.

Allans en guerre ils ont l'arc & les fleches, & des espées de boys assez lourdes, pesantes, & massiues, sarmans de quelques abillemens de plumes faits fort gentiment, voire des lames d'or leur seruent de parure, & des bracelets, entant qu'ils n'estiment rien tant que de se monstrier bragards en guerre, & d'y aller les mieux en ordre qu'il leur est possible, soit en ioyaux, ou plumaches desquels ils en ont abondamment, & de toutes couleurs. Le seigneur, & Cacique principal a tousiours douze Insulaires des plus forts de la troupe, qui ont charge de le porter dans vn lit sur leurs espaulles, & les deux qui le portent, estans las, il s'en y met deux autres en leur place, si dextremēt que sans s'arrester de leur chemin ny courir le Roy presque n'en sent point le chāgemēt. Mais reuenās encore à l'enterrement du Cacique le plus cōmun est q̄ dēz qu'il estoit mort on l'euelopoit avec des ceintures ou langes faites de coton dēs la teste iusq̄ aux pieds. Et faisant vne fosse, le mettoyēt dedās avec ses ioyaux & meubles plus precieux: neantmoins tout autour de la fosse faisoyēt ils cōme vn enceint de boys, afin q̄ la terre ne touchast point au corps lequel estoit assis sur vn bāc bien fait & elabouré, puis le couuroyent de terre, faisant durer les obseques l'espace de quinze, ou vingt iours, durant lesquels & ses suiuetz, & ses voisins ne cessoyent de chāter autour du tombeau, racōptans la vie, & faits louables du deffunt, & ces chançons enseignées à leurs enfans leur seruēt d'histoire, à cause qu'ilz ignorent l'escriture, & n'auoyent aucune cognoissance des lettres. Leur mariage estoit tel q̄ chacū a sa femme si plus il n'e peut nourrir, mais il y a tel qui ē a & deux & trois, mais les Caciques en prenēt tāt qu'il leur vient en fantasie: bien est vray qu'il en y a vne qui est la plus respectée des autres, & la plus chérie du mary: & est cas fort merueilleux, que iacoit que elles demeurassent toutes en mesme maison, & vesquissent māgeās ē mesme table, si est-ce q̄ on n'y voioit iamais debat, ny courroux ny aucun trait de ialousie vices assez, & plus q̄ cōmuns aux femmes, voire à celles qu'on estime les plus accortes, & de gētil esprit. Le fils aîné du Cacique de q̄lle des femmes q̄ fut sorty, estoit celuy qui succedoit à la seign. & cestuy mourāt, l'heritage ne venoit point au fils de sō frere, ains à celuy de sa sœur, cōme le plus asseuré d'estre parēt du seig. deffunt: & cecy à cause que leurs femmes y sont estrāgemēt, suiuettes au chāge, comme aussi les hōmes, bien que tous se mariēt, sont vilains en toute espece de paillardise iusques à s'accoupler moins q̄ honestemēt avec les femmes de toute sorte

Honneur fait au Cacique & Roy principal.

Autres obseques faits aux Roys.

Mariage des Haïtiens.

A qui estoit dene la succession.

Paillardise des Haïtiens & peuples voisins.

LIVRE QUATRIESME

*Arrogance des
Caciques Hai-
tiens.*

*Larcin severemēt
pūny par les Hai-
tiens.*

*En quoy est-ce
que s'exercent les
Haitiens.*

*Difference à co-
gnoistre les filles
d'être les femmes.*

*Ferdinand d'O-
niedelin. 6. ch. 2.
des Indes Occid.
Haitiens iouent
à la basle.*

fauf leurs meres, filles, ou sœurs ne respectans autre consanguinité : & se fouillans encor en l'abominable peché, qui est contre nature. Quelqu'une des espouses du Cacique estant en couche, ny auoit guere suiet voisin du lieu qui ne la fut visiter, caressant l'enfant, & chacun luy donnant quelque beau nom, comme seroit, Resplendissant, Beau comme le soleil, Puissant en guerre, & autres choses semblables, & tous ces noms luy demouroyēt toute sa vie, tellement que estant deuenu seigneur, il ne failloit que les suiets qui venoyent vers luy ignorassent ces noms & tiltres, ains les luy cōuenoit donner trestous sur peine d'en receuoir punition, & de ne plus fofer représenter deuant luy, pour penser en obtenir quelque grace, ou faueur. Le vice qui est le plus detesté parmy ce peuple est le larcin, & lequel il a en telle abomination, que vn homme ne scauroit desrober quelque cas tant soit il de peu d'importance, que s'il est conuaincu du crime il ne soit empalé tout vif fort cruellement, & sans aucune misericorde, estant ce peché le seul qui est puny de mort entre eux, si ce n'est que quelcun s'attaquast à faire violence au Cacique. L'exercice de ce peuple principalement est la guerre, mais durant la paix c'est le labourage qui luy seruoit de pasetemps, & la pescherie d'esbat, mais le trafic y estant exercé n'estoit pour le gain, duquel ce peuple estoit ignorant, ains ayant besoing de quelque cas les vns des autres, c'estoit par eschange qu'ils s'entresecouroyent de voisin à voisin, fauf que iamais ilz ne s'accostoyent avec les Canibales, ou Charibes lesquels auoyent la guerre à tous, & tout le monde les fuyât, & les guerroyant à cause de leur furieux naturel, & inhumainement brutale façon de vie. La difference que on met à cognoistre les filles vierges d'avec celles qui sont mariées & qui ont affaire & compagnie à homme est telle que celles qui sont corrompues portent vne piece de coton leur trauersant, & couurant le corps de la ceinture auant iusqu'à demy cuisse, là où les filles ne portent rien de tout cecy, ains vont à descouuert, tout ainsi que les hommes: mais les Dames qui sont espouses des Caciques, & seigneurs portent ceste piece de coton fort subtile, & blanche dès la ceinture iusqu'aux pieds, si ce n'est lors que elles iouent à la basle, à quoy & hommes, & femmes sont merueilleusement adextres, ainsi que pourrez lire dās Ferdinand d'Ouiede, lequel décrit & le batouer, ou palette faite d'une certaine racine d'arbre, & la basle ou pelote qui est composée de quelque gomme noire comme poix, & assez glutineuse, mais qui ne tient point à la main, & ne la salist, & qui saulte & bondist aussi bien que celles que on fait par deça, & les emplist de vent: & n'oublie encor le nombre des ioueurs, ny l'ordre qu'ilz gardent en iouât, & paint les sieges de ceux qui ont le plaisir de regarder les ioueurs qui sont hommes cōtre hommes, & femmes contre femmes, & filles, & quelquefois les vns meslez parmy les autres. Et affin q'encore on cognoisse que les anciens tant Egyptiens, Grecs, que Romains, n'estoyent dès le commencement guere plus, ou (peut estre) non tant ciuilez que les Haitiens, laissant à part l'aveuglement de l'Idolatrie auquel tout le monde a esté iadis detenu, & l'ignorance des lettres, la cognoissance desquelles leur a longuement esté interdite, & laquelle les premiers des susdits à fallu que ayent espuisée de la race esleue d'Abraham:

ham : voyons si és bastimens ils ont esté plus industrieux que ces gés que nous ofons nommer par deça sauuages, & lesquelz nous esgalôs presque à la vie irraisonnable des bestes. On sçait ainsi qu'auons veu au premier liure, que les boys, & cachotz des montaines ont seruy à plusieurs iadis de retraite, & que ceux qui dresserent premierement des loges, ne les feirét pas si magnifiques que sont les Palais de noz Roys, & Princes, ou que les hostelz, & maisons des grands seigneurs, & riches citoyens des villes: ains, fut Rome bastie de basses Cabannes, & loges rustiques faites de bois & sans y auoir les trois, ny quatre estages pour le seruice de toute vne famille: & si les roys Egyptiens feirent de grands, & superbes edifices, le peuple neantmoins ne bastissoit qu'avec du torchis, & n'ayant que la terre pour matiere. Voyons ces Insulaires dresser leurs Cancis ou maisonsnettes sur quatre piliers en forme quadrangulaire, & iceux de boys, & gros & massifs, liez, & cimentez ensemble avec des cloux de boys, & autres matieres à ioindre, & grand quantité de pieces de boys, & des clayes, ou ioncz à clorre les espaces d'ébas, tout ainsi que le hault, est fait en rond, & finissant au sommet en forme de Pyramide, & au lieu de tuile, ou Ardoise, il y a des perches liées ensemble avec des cordes, faites d'escorces d'arbres, & par dessus de la paille si subtilement disposée, que ceux qui couurét les maisons par deça avec du Chaulme n'ont garde d'en faire aproche en sorte quelconque. Cecy n'est rien au pris de la sagesse de ces pauvres, qui craignans que les cheurons d'enhault estans esbranlez du vent ne causent la ruine de tout l'edifice, plantent vn groz arbre au milieu non moindre que le Mast d'un Nauires, afin qu'avec sa force, & solidité, il puisse soustenir le faix du logis, & garder que le reste qui se lie à luy, comme à la clef d'une voulte, ne soit gasté par les orages.

Et puis que nous sommes sur les orages, est à noter, que ceste Isle y est fort suiette, & lesquelz y sont si impetueux sy leuans les tourbillons de vents si impetueux, & les pluyes avec tel effort, & rauine que souvent cela emporte & maisons, & champs tout ensemble, comme aussi quelquefois on voit aduenir le semblable par deça, mesmement se leuant quelque tempeste, & appellent les insulaires ces grands rauages d'eaux Huracans en leur langue, estimans que ce soyent les Cemis, qui estans irritez causent cecy pour leur ruine. Ce peuple, comme estant voisin de la mer, nage autant bien qu'il est possible de penser, comme aussi font tous ceux du Bresil, & Amerique, & sont leurs vaisseaux, & Barquerottes qu'ils nomment Canoës, toutes d'une piece, plates par dessous, & faites comme vne Mer à pestrir non guere hautes, & par ainsi dangereuses à voguer dedans, & lesquelles ils creusent partie avec le feu, partie avec vne hache, ou coignée de ces pierres viues desquelles ils font aussi les bouts de leurs sagettes: vsans en vogant de voiles de Coton en aucuns endroitz, & de rames, ou auirons, Nahez en leur langue, qui sont faits comme vne pelle de boys, & le bout qu'ilz tiennent a la figure d'une potence sur laquelle sapuyent les boiteux.

Et afin que vous cognoissiez comme la nature pouruoyt à tout ce qui est necessaire à l'homme, ce peuple Occidental dès le Mexique, iusqu'à la

KKk

Maisons des Haïtiens qu'elles sont nommées Cancis.

Huracans, & orages qui aduenent en l'isle Haïti.

Canoës sont les bateaux des Indiens & comme fait.

Nahez, sont les auirons, & leur figure.

LIVRE QUATRIESME

*Comme les Indiens
Occidentaux tirent
le feu du boys.*

riuiere de Plate qui est par delà l'Equateur vers le Pole Antartique vse d'une estrange façon de tirer le feu qui est telle ils prennent deux bastons les plus secs, & legers qu'ils peuuent choisir, les lians tresbien serrement ensemble, lesquelz gettans par terre prennent vne verge, ou baguette longue, lissée, & polie comme vne fêscche, & de la grosseur du doigt, faicte d'une sorte de boys fort dure, la pointe de ceste verge estant mise dans l'entre-ouuerture des bastons liez ensemble ils la tournent, & demenent longuement de la main, si que de ceste friction & mouuement ils ne sont guere long temps sans tirer du feu du boys, comme nous le tirons de la pierre avec noz fusilz.

*Sannazar en
Arcadie.*

Semblablement aussi en ont iadis vse les hommes auant qu'on s'aduiast que le feu fut caché en la durté du caillou, & que les Philosophes nous en eussent aduertis, comme ainsi soit que toutes choses (ainsi que dit le grand poëte de Mantoüe) ont vne force de feu, qui est de celeste origine: & me semble auoir leu dans Sannazar poëte Napolitan, parlât de quelques pasteurs voulans celebrer la feste de la grande mere des dieux, qu'ilz tiroient le feu du boys en la mesme façon que voyez en vsent ces Insulaires, & neantmoins Sannazar viuoit du temps de Charles huitiesme qui conquist Naples, & n'ayant encor guere fauouré des mœurs ny industrie de ce peuple: duquel il me semble que nous auons assez parlé, & pource sans arrester nostre propos, sur leurs salines & artifice qu'ilz vsent à tirer le sel, à choisir, & purifier l'or qui est abondant en leur Isle, à pescher les Perles qui n'y manquent point aussi, & comme le Gaïac y est cogneu, & que de ceste Isle sortist la premiere infection que iamais on sentist en l'Europe de celle maudite, & detestable maladie, que les vns appellent mal de Naples, les autres mal François, & les autres d'Espagne, & en general tous recognoissent qu'elle vient, & procede des embrassemens peu honnestes de l'homme avec la femme.

*L'Isle Haïti abonde
en Gaïac.
Maladie Venerique
sortie des peuples
Occidentaux.*

Ne vous diray comme ces peuples s'en guerissent, veu que par deça on voit assez l'experience de l'arbre duquel ilz s'aydent pour s'en purger, & moins m'amuseray, à vous discourir sur les arbres, plantes, fruitz, bitumes, & autres raritez que ce païs nourrit & produit, & qui sont differentes aux choses qui croissent en nostre Europe, aussi bien, & que les poissons, les bestes, & oyseaux, y ont & diuersé couleur, & autre nourriture, & y sont dissemblables à ceux que nous voyons icy nous estre ordinaires: affin de poursuyure nostre chemin, & parler vn mot en passant, de l'Isle de Cubà qu'à present on nomme Fernandine, & qui est aussi vne des premieres descouuertes par les Chrestiens. Ceste Isle est loing de l'Espaignolle quelques vingt lieuës, & est plus longue, & plus grande que la precedente, mais elle est plus longue beaucoup que large, estant en son eleuation a vingt-deux degrez, & demy, auoisinée de plusieurs autres Isles, lesquelles n'estant de grande consequence, & que les façons de viure des peuples y sont presque semblable, ie passeray aussi sans m'y arrester d'auantage. Cubà fut descouuerte du mesme temps que Haïti, & nommée Fernandine en souuenance & perpetuelle memoire du Roy

*Isle de Cubà, autrement
Fernandine.*

*Colomb nomma
Cubà Fernandine
Et pourquoy.
Isle Isabelle.*

Ferdinand, sous lequel & au nom duquel Colomb en fit la conquête, tout ainsi que Haïti fut encor appelée Isabelle en honneur de la puissante Roïne Isabelle, épouse de ce Roy Catholique.

Les habitans de ceste Isle ne sont en guere differens de façons de faire à ceux de Haïti, bien qu'en la langue ilz soyent diuers en plusieurs choses, allans tous nudz comme les autres, de mesme stature, couleur, & contenance, vsans de semblables ceremonies, & idolatrie, bastissans de mesme, sarmans, chantans & ioüans tout ainsi qu'auons dit en vser, ceux de l'Isle Espagnolle. En vne seule chose sont ilz differens, qui est sur la condition des mariages veu qu'entre les Cubéens si quelqu'un prend femme, si c'est vn Cacique, ou Roytelet, tous les autres qui sont de sa sorte coucheront avec l'espouse, & en iouïront d'icelle, se trouuans à la feste aussi bien que celuy qui la prend à femme: & ainsi s'il est seigneur, ou l'un des principaux, ou si de la troupe du peuple, ceux qui sont de sa condition, assistans aux nopces, font l'essay premier de la vaillance de l'espousée, ains que le mary couche avec elle: & apres que la dame a souffert l'assault de plusieurs, elle sort avec les poings serrez, & crie à haute voix, en brâslant, & demenant les bras, Manicato, Manicato, qui signifie, ie suis forcée, se glorifiât de sa force, & gaillardise d'auoir souffert vn choc si redoutable.

Il n'y a guere grande difference touchant le gouvernement des Isles de Cubà, & de Haïti, ny des façons de faire soit des Caciques, ou du peuple, estans tous en general conformes, & esgaux en vices, paillardz au possible, Sodomites detestablement, ingratz, & menfongers sur tous les hommes, & lesquels d'Ouiedo (contredisant à Pierre Martyr) dit estre fort peu affectiônez à la religion Chrestienne, & que si quelqu'un se faisoit baptiser, c'estoit plus pour la nouveauté de la chose que de zele qui le conduit, entant que soudain ilz oubloient, ce qu'on leur aprenoit des mysteres de la foy, & falloient mesler parmy l'abomination des Idolatres, ne pouuans laisser leurs Cemis, ny se retirer des enchanteurs, & deuins se tenans parmy eux.

Les Haïtiens, bien que vilains en leurs amours, si ne se separoyent ilz point de leurs femmes, là où ceux de Cubà pour la moindre fantasie qui leur passast deuant les yeux ilz laissoient leur femmes, & le plus souvent c'estoyent elles, qui les delaissoient les voyans si adonnez au peché contre nature. Le pais y est beau, iouyssant d'un air fort doux & temperé, mais plus froid beaucoup que n'est Haïti, à cause que ceste Isle est exposée au Septentrion, comme celle qui est à vingt & deux degrez & demy de la ligne Equinoctiale, ainsi que j'ay desia proposé. Cubà abonde en Grues, Perdrix, & Tourterelles, Les Grues y faisans leurs nidz: & les enfans du pays en prennent souuent les œufz pour leur passetemps, les Perdrix y ressemblent noz Tourtres, & qui s'apriuoyent aussi bien, ou mieux que noz poules. On voit en ceste Isle tous les ans de grandes compaignie d'oyseaux de proye, & passagers, venans par dessus ceste Isle en si grand nombre que ilz font presque obscurcir l'air de l'ombre grande que ilz rendent, couurans

Ouiedo lib. 17.

cho. 4. des Indes

Occid.

Mariage des Cubéens.

*Femmes exposées
à tous les iours des
nopces en Cubà.*

Mœurs des Cubéens.

*Quel le pays de
l'Isle Fernandine.*

*Oyseaux passagers
en Cubà.*

l'air, & allans presque à rez de terre. Et est ce passage au moys de Mars durant presque vingt iours qu'on ne voit autre chose, que ces oyseaux passagers tenans la route du Nord au Su, qui est du Septentrion, au Midy, puis qui doublent prenans la volte d'Orient: qui à esté cause que plusieurs ont pensé que ce soit de ces cartiers là qu'ilz prennent le chemin pour venir peupler l'Europe, & l'Asie: mais la chose estant incertaine, aussi ie ne m'arresteray guere sur le discours d'icelle.

*Cubéens mangent
les serpens & Le-
sardz.*

En vne chose differe Cubà de Haïti, qui est que comme Haïti n'abonde guere en vermine, Cubà au contraire en nourrist vne infinie quantité, & de diuerses sortes, & fort differentes, y croissans des Lezardz, Scorpions, Scolopendres, Aspicz, & autres Serpens d'une grosseur presque incroyable, en y ayans qui pour l'ordinaire sont gros comme la cuisse d'un homme, & longz de vingt & cinq, ou trente piedz: neantmoins sont ilz sans malfaire, & telz que iamais on n'ouït parler que personne en ayt senty la dent ny morsure. Les habitans de l'Isle s'en nourrissent, & les trouuent fort bons, comme aussi ilz mangent les Lezardz, ainsi qu'en vscnt presque tous les peuples des les Canibales, iusques au bout de l'Amerique: & ne s'en fault esbahir, veu qu'ilz mangent la vermine mesme qui leur croist sur le corps, & croquent à belles dens les poux qui leur viennent à la teste.

*Ioseph. histoir. Ju-
dayque.*

Plin. liu. 2. ch.

103.

*Quint. Curse liu.
3. de la vie d'A-
lexandre.*

*Quel le pays de
Cubà.*

Ceste Isle sert de grand commodité aux mariniers, à cause qu'elle à vne fontaine, où l'on tire la poix à pieces, ainsi qu'on arrache la pierre de quelque carriere, & est ceste liqueur fort bonne, & propre à calfeutrer & empoisser les Naux, & Carauelles pourueu qu'on la destrempe, & mesle du suif, gresse ou huyle: & ne fault s'en estonner, veu que Iosephe recite les merueilles du Lac Asphaltite vomissant le bitume, auquel accorde Plin en son histoire naturelle, comme aussi il en a vn semblable en la regio de Bagadet, pres la grãde cité de Babilône d'Assyrie. En Cubà les fleuues n'y sont pas grands, bien sont ilz fertilz en poisson & l'eau desquelz est bonne & plaisante pour boire, & dans lesquelz l'arene, & sable est enrichy d'or assez abondamment: le pais y est aspre, difficile, & raboteux & non si fertile que l'Isle Espaignolle, l'or qui y croist, n'est si bon, ny si fin que celui de Haïty, mais il y a de bon Bronze, & duquel les Espaignolz sont grand estime, & en somme il n'y a presque aucune difference de ces Isles, & voisines, & en presque pareille eleuation, telles que sont les Lucaïes, qui sont au dessous de Cubà, qui sont plus de quatre cens en nombre, & toutes portans le nom de la plus grande, nommée Lucaïa, posées à dix & sept, & dix & huit degrez en leur eleuation de Pôle: en celles cy les hommes sont plus blancz, & les femmes plus belles qu'en Cubà & Haïti, & ceste beauté caufoit que les hommes de terre ferme s'en alloient en ces Isles, aussi y sont ilz plus civilz & courtois qu'en pas vne des autres, & où le langage, à cause de cest abord y estoit fort diuersifié.

*Isles Lucaïes, &
leur asieté.*

*Aoustrenēt des
fēmes Lucaïēnes*

On y va tout nud ainsi qu'és autres pais voisins, sauf que les femmes mariées se couurent de la ceinture en bas, ainsi q̃ celles de l'Isle Espaignolle & les filles voilēt avec vn simple retz & iceluy fort delié, leurs parties hôteu-

ses, & encore n'v'sent elles de ce voile, sinõ lors que elles souffrēt leur fluz & moys: Aussi quand ce mal leur vient elles inuitēt leurs parens & amys, & les banquetent, dançans & chantans tout ainsi qu'à vne grand feste de nopces. Les Lucaïens ont vn seigneur qui n'a guere grand Empire, cōme celuy qui pour toute preeminence Royale n'a soing que de la chasse, & de la pescherie, & qui prend esgard sur les semences donnant à chacun charge de ce qu'il doit faire. Leur pain sont les mēmes racines d'Iuccà, & de Mahis que aux autres isles & pays voisins de terre ferme, qu'ils met-
tent sous terre pour les garder apres les auoir cueillies, & ainsi leur viure estant en commun, le Roy en fait la distribution à chacun, autāt qu'il luy en fait besoing, & que il voit suffire pour & selon le nombre de ceux qui sont en sa maison, & famille. Le viure de ce peuple avec ce pain de Mahis est le poisson, car de chair il ne mange que peu, ou du tout point: aussi à l'õ veu que les Lucaïens que on amenoit pour seruir en Haiti, ou Cubà, ne failloyent de tomber malades & la plus part mourir, tout aussi tost qu'ilz mangeoyent de la chair: qui fut cause que les Espagnolz, ne voulans perdre leurs gens, leur feirent oster ceste nourriture. Ce pauvre peuple croit l'immortalité de l'ame, ainsi que font tous ses voisins, & a opinion que mourant il fault qu'il passe par le pays de Septentrion pour y estre purgé, & que de là il s'en va en Paradis, ou au Ciel avec le soleil qu'ilz honorent, ainsi que tous les autres: & ce fut le moyē avec lequel les Espagnols trō-
perent ces Lucaïens, les tirans de leur pays souz vn faux donner entēdre, & leur faisant croire qu'ilz les menoyent en Paradis, de sorte que presque ils en ont despeuplé toutes les Isles Lucaïes, rauissans le peuple pour s'en seruir d'esclauēs à tirer l'or des mines & des riuieres. Entre les Lucaïens y a des vieilles si expertes en medecine, à sçauoir à la cognoissance des arbres & plantes, qu'il n'y a playe que elles ne consolident, & ce avec le ius d'un arbre que ilz nōment Iarumà, qui est semblable au Noyer, & le fruit duquel est de bon goust, & au manger fort agreable. Vous ayant dit que les Lucaïennes sont belles sur toutes les Occidētales cogneuēs de nostre temps, aussi sont elles des plus mignonnes, & qui se tiennent le mieux en ordre pour aller presque toutes nuēs, comme celles qui portent des bracelets entortillez tout le long des bras, & par les iambes des perles, & coquilles rouges, & aussi transparentes que rubis, avec des marques, & grains d'or enfilées avec du coton: & de cecy elles font des Carcans, & couronnes si gentilles qu'on diroit qu'on leur a appris ces mignotises à Paris chez les poupetieres, & femmes qui se meslent d'acoustrer, & parer les espou-
sées. Outre les isles Lucaïes est encor Iamaïque, que maintenant on appelle isle S. Iaques, qui est posée entre Cuba, & Haïti, ayant ceste-cy au Leuant, & l'autre luy gisant au Nord & Tramontane, & laquelle gist en son eleuation a 17. & 18. degrez de la ligne. Elle fut cōquise par dom Diego Colomb filz de l'Admiral Colomb, qui le premier descouurist celle coste: de ceste cy, ny autres qui l'auoïssinent ne diray autre cas, pour ce que les mœurs des habitans se raportent à celles que nous auons ia descrites, & effigiées: & que desormais il est temps d'aller visiter la terre ferme, selon que nous l'auons laissée sortans du païs Mexican pour entrer en la nou-

*Lucaïens ne mē-
gēt point de chair.*

*Lucaïens croyent
l'immortalité de
l'ame.*

*Espagnolz, ont
ruiné les Lucaïes,
& comment.*

*Iarumà fruit q̃l,
& sa bonté.*

*Iamaïque isle par
qui conquisse.*

*Diego Colomb,
filz de Christophle
Colomb.*

LIVRE QUATRIESME

uelle Castille, & voir les grands Royaumes du Peru & Cusco, & puis reprendre le cours vers les Canibales, pour courir le long de la coste de l'Océan selon que porte le partage des terres, fait par les Roys d'Espagne, & de Portugal, en l'estendue, de l'Amerique.

Des pays de Panuco, & Iucatan, conqueste d'iceux, mœurs, & costumes des peuples qui y habitent: & de l'isle des sacrifices. Chap. 8.



ien que la nouvelle Espagne, ou Mexique, contiène plusieurs Royaumes & que le souverain soit celuy à qui les autres Roys, & Princes subalternes facent obeissance, si est-ce que encore y a-il quelques diuersitez es mœurs, & manieres de viure de chacū des peuples, cōme aussi le temps passé en vne, & mesme Grece, on voyoit diuerses costumes, loix, & ceremonies.

Panuco Prouince porte le nom d'un fleuve.

Asiétto de la región de Panuco.

Panucéens adorent le membre de l'homme.

Pausanie liu. 9.

Entre les Prouinces suiettes au Roy Mexican est Panuco laquelle porte le nom d'une grand riuere qui l'arrouse, & qui s'engoulphe en mer du costé du Nord, diuisant ce que à present on nomme la nouvelle Espagne de la grand Prouince d'Iucatan, que les premiers qui la descouurirēt, pensans que ce fut vne isle nōmerent Sainte Marie des remedes, & bornāt la region Mexicane qui s'estend au Ponant, là où Iucatan est Leuantine: & gist Panuco en son eleuation de quelques 18. ou 19. degrez de la ligne ayāt des Seigneurs & Caciques grands guerriers, & où l'idolatrie & cruelle maniere des sacrifices y est esgalle à celle, de laquelle on vse au Mexique, & combien que parlans de Themistitan nous ayons fait quelque denombrement des dieux qu'ils adorent, & que à Panuco, on imite ceste adoration, si est-ce encor que les Panucéens surpassent tous les autres Mexicans en abomination: & semble que la folie Grecque, & éceruellement des anciens Romains ayant passé en ce pays, pour y laisser la trace de leur peu de sens, & cognoissance de ce, à qui l'homme doit porter honneur, & luy faire la reuerence. Ceux qui lisent l'histoire de nostre temps se moqueroyēt, ou auroyent occasion de ce faire, oyans parler de la folle, & insensée adoration des peuples tant occidētaux que austraux, & sentans cōbien monstrueuse est leur idolatrie, veu q̄ ceux de Panuco sont si hors de leur sens, q̄ d'auoir le membre viril d'un homme dans leurs temples que ilz honorent comme vn Dieu, & luy offrent sacrifices aussi bien qu'à Themistitan on en presente à leur principal idole. On s'en moqueroit (dis-je) si des anciē auteurs, & iceux fort aprouuez ne nous comptoyent que vn pareil auenglement a iadis offusqué les yeux de la Grece: & de cecy oyons parler Pausanie homme diligent, & qui n'a guere rien oublié des folies de sa nation: entre les choses (dit-il) plus remarquables qui soyent en ce lieu (il parle de Lampsaque) on voit la statuē & representation de Priape: à ce Dieu on porte honneur aussi en autres lieux, auquel ilz commettent & donnent la charge des troupeaux des cheures & brebis, & la charge des estoins, & ruches des abeilles. Mais sur tous les hommes ce sont les Lampsacenois, qui s'affectionnent à son seruice.

A sçauoir si les Romains furent quittes de ce desuoyement de cerueau:

tant s'en fault qu'ilz gettassent ceste superstition de leurs temples, que ce sale Dieu (par eux tel estimé) estoit honoré par les mains les plus pudiques de leur cité, & iugé digne d'estre mis dans le plus secret, & honorable lieu du manoir de leurs vestales. Et quelle raison scauroit on donner pour ces pauvres gens de nostre siecle, portans ceste sale figure pendue à leur col, sinon la mesme que rendoyent iadis les interpreteurs des choses sacres des idolatres, que Priape est le conseruateur des choses domestiques & celuy qui est comme auteur de la generation, veu que iadis en la celebratiō des festes de Bacchus, c'estoyent les images de Priape, les plus membrues que on sceut choisir, que les plus modestes portoyent pendues au col, pour en faire parade. Et voila comme le diable se ioue des hommes, & ayant perdu credit d'un costé, s'est getté vers l'autre, ne se contentant de se faire craindre avec la deformité, d'une figure effroyable, en laquelle on le paint par les isles de l'Ocean & pays Mexican, si encore il ne forçoit l'homme à adorer la mesme saleté, & servir ce que il deteste, si quelcun en vse par effait à l'endroit de celles qui luy atouchent. A ceste execrable Idole les Panucéens immolent leurs ennemys, deuant icelle ont ilz espendu depuis soixante ans ença le sang de plus de trois cēs Chrestiens, le cuer desquelz à seruy de victime deuant ce vilain simulachre, & la chair de pasture à ce peuple sanguinolent, & lequel est aussi, & Sodomite, & Antropophage. Ce peuple bastist des mosquées aussi superbes que ceux de Themistitā, comme aussi font tous ceux qui se tiennēt en toute la terre qui s'estend des la riuiera que on nomme de sainte Marthe iusqu'à la mer de Sur, & vers le pays Austral iusqu'à la riuiera de Plate, car les Caribes, & Bresiliens, qui regardent l'Ocean Africain sont sans ceremonie, temple, ny religion quelconque. Les Panucéens comme ilz sont furieux, & cruelz, aussi sont ilz des plus vaillans de tous les Occidentaux, comme ils ont bien fait sentir aux Espagnolz, ausquelz ilz deffirent plusieurs capitaines, & soldats qui taschoyent de prendre terre en leur Province, iusqu'à tant que Fernand Cortez, & sous luy Nugno de Gusman les dompra, & les contraignist, & de cesser leurs sanglans sacrifices, & de luy prester obeissance. I'ay honte de dire que Sathan se face servir si detestablement en ce cartier là, que tout ainſi que iadis sous le nom de Venus la chasteté des filles Cypriottes luy estoit publiquement dediée, aussi en Panuco les hommes y font le mesme office, se prostituans autant execrablement de nuit, comme la memoire seulement de cest accouplement est abominable en l'esprit, ie ne diray pas du Chrestien, ains de quel que ce soit des hommes qui ont quelque honnesteré painte en l'ame. Car iamais ce vice pernicieux ne fut receu parmy quelque nation, que soudain elle n'eust en soy comme lié le mespris de Dieu, & peruertissement de toute relligion qui sentist quelque integrité.

Aussi tous les Panucéens sont paillards, & agens, & patients, & quoy que ilz ne se marient, que ilz n'ayent pour le moins attainit l'aage de 40. ans, si est-ce que tel delay, n'ayde en rien à la chasteté, d'autant qu'à grand peine y trouue l'on vne fille ayant douze ans, qui se puisse vanter d'auoir son pucelage : & attendent à se marier ainſi, plus pour viure en la liberté de

Priape honoré à Rome par les Vestalis. Lactance de la faulce relligion lin. l. ch. 21.

Lisex Phornute: Et Herodote li. 2. Virgile: aux vers de Priape. Saint Augustin 6. de la cité de Dieu.

Caribes Et Bresiliens n'ont aucun temple.

Vilemie des hommes en Panuco.

Panucéens ne se marient que à l'aage de 40. ans

LIVRE QUATRIESME

leur vilennie, & se veautrer en leur impudicité, que de soucy qu'ilz ayent de se contenir, & sous ceste continence se garder pour (se marians) estre plus habiles à la generation. Ils s'arrachent le poil de la barbe, ie pèse pour paroistre plus effeminez, iacoit que ceux qui font l'office contre-naturel, vont aussi acoustrez cōme femmes, & vsent de pareils que les femmes, ne se meslans en rien de la guerre, ny des actions qui tesmoignent la force de l'homme, haïs à mort des femmes, comme ceux qui leur rauissent ce que nature leur accorde, mais fault que elles le souffrēt, & sans que elles osent faire semblant de desplaire à pas vn de ces effeminez. Tous & hommes, & femmes en ce pays se percent les oreilles, & narines pour y pēdre quelque ioyau, ainsi que en vsent presque tous ces Occidentaux, & se vestent de coton delié lors que il leur prend fantasie de se couvrir tout ainsi qu'e vsent les roys suietz au grād seigneur du Mexique: se limans aussi les dēts tant pour paroistre plus beaux, que pour dire que ceste limeure leur est fort bonne & salutaire. C'est en ceste Prouince que croist du meilleur Bitume à empoisser les nauires que l'on sçache guere, & aussi bon, voire plus apte, & fort que celuy qui croist en l'isle Espaignolle, & duquel nous auōs dit que les Insulaires font leurs basles pour iouer au batouer enquoy s'exercent hommes & femmes: comme aussi font ceux de l'isle Cuba, ou Fernandine. Et pour vous monstrier la courtoisie de ce peuple, il est si impatient de lamitié d'autre que de soy mesme, que il ne peut souffrir de viure sous la suietion de seigneur aucun, ce que Cortez, escriuant à l'Empereur Charles quint, & luy donnant aduis comme il auoit chastiée la rebellion de Panuco, il en parle ainsi: Vostre maiesté me croira de cecy, que ceste nation est la plus seditieuse, & aisée à s'esmouuoir, qui soit sur la terre, d'autāt qu'il n'y a nouveauté, ny bruit tant soit il de peu d'importance, qui ne luy face dresser les cornes, & prendre les armes en main: aussi ne fault s'esbahir, filz se sont leuez contre voz officiers, veu que de tout temps ilz ont de coustume de se reuolter de leurs seigneurs, & de prendre contr'eux les armes, sans iamais laisser couler aucune occasion de se soustraire de leur obeissance. Et en vn autre passage, il décrit les armes de ce peuple, disant, que habitant en vn pays alpre, difficile, & raboteux, les hōmes aussi y sont robustes, forts, & gaillars, portans des lances, ou plustost piques longues de quinze pieds, & en lieu de fer estans armées de ces pierres viues desquelles auons desia parlé assez souuent, s'aydans encor de l'arc, & de l'espée de bois, & souffrans la faim & la soif, adextres, bons coureurs, & farouches estrangement durant la bataille. Ce qui rend ces gens si hardis est leur pauureté, car bien que il y ayt de l'or en leur terre, si est-ce que ne s'en souciās pas beaucoup, & estimans les autres estre de mesme complexion dès que ilz veirent les Chrestiens entrer en leur pays, soigneux plus de leur ancienne liberté, que de l'or semé en leurs riuieres, ny caché en leur terroir tascherent de les en chasser, quoy que desia ilz eussent pris avec eux acointance. Apres Panuco, tirant vers les Caribes gist la grand Prouince de Iucatā, que plusieurs ont vn fort long temps estimée estre isle, mais à la longue ils ont veu de combien ils se trompoient, entant que ce pays est vne presque isle, c'est à dire vne pointe de terre entrant en mer, & lauée de tous costez de la

Bitume de Panuco à calfeutrer les nauis.

Fernand Cortez en sa 4. relation à l'Empereur.

Panucēens suietz à rebellion.

Armes de ceux de Panuco.

Panucēens panures.

de la marine, sauf que de l'un elle est jointe à la terre ferme, ainsi que on diroit le pays de Dannemarch en nostre Europe: & toutesfois Iucatā n'est pas si peu large que au lieu le plus estroit de son estenduë elle n'aye plus de cinquante lieues de largeur, comptant dez Kicalanco, iusques à Cate-mal, que les Chrestiens nommerent port de l'Ascension, à cause que à tel iour ilz y prindrent terre, & gist à quelques 21. degré de son eleuatiō, bornant, comme dit est, le royaume Mexican, & la Castille dorée. Le premier qui descourrist ce pays fut vn nommé François Hernandez, qui partant de l'isle de Cuba avec quelques nauires, y aborda avec intention de descouvrir nouuelles terres, & les peupler de ceux de sa troupe, mais ceux du pays ne vouloyent souffrir la descente, comme ceux qui se ressentent des humeurs de leurs voisins, & qui ne prennent aucun plaisir que les estrangers abordent leur terre: aussi quand les Espaignolz descēdirent pour faire aiguade ils se mirent en tout deuoir possible de les faire retirer, ne voulans communiquer, ny changer rien avec eux, voire ne se soucians ny de la grandeur, ny de l'amitié du Roy de Castille, quoy que Hernandez leur en feit grand recit, & tascha de les attirer à sa deuotion. Et affin de ne vous tenir sur le discours des conquestes, qui seroit trop long, suffira d'en gouter les mœurs, puis que c'est le principal proiet de ce nostre œuvre, commençans par la religion, laquelle y est aussi superstitieuse que es lieux ia par nous descrits, veu que tous ces quartiers là semblent estre consacrez à Sathan pour l'effusion du sang des hommes. Comme donc noz gens y fussent descendus tant pour se fournir d'eau douce, que pour voir quelle terre c'estoit, les habitans du pays leur feirent commandemens de vider, fils ne vouloyent que on les en chassast par force, & en fin deliberez de choquer, ilz monstrenterent aussi quelle estoit leur superstition: car vn d'être eux sauauçant vint poser vn flambeau de certain arbre sec & liquide, allumé sur vne pierre comme vn autel, & là faisant quelques grimaces & signes estranges, & marmotant ne sçay quelles parolles en sa langue leuant les yeux au Ciel & regardāt vers les nostres, se retira apres cest office à ses gens, laissant ce pendant le flambeau allumé sur la pierre, lequel flambeau ilz apelloient Guaimaro, & se disoyent l'offrir à leurs idoles, & Cemis afin qu'ilz leur donnassent la victoire contre leurs ennemys, pource que tel en estoit leur vsage, ayans de coustume de faire ceste ceremonie toutes les fois qu'ilz vouloyent entrer en bataille: & faisoit cestui-cy vn mesme office presque, que celuy des Romains que on apelloit Fecial & qui se mesloit des sacrifices, & ceremonies de la guerre. Dēz l'entrée du port on voit des temples, & chapelles assises sur certains degrez de pierre fort blanche, mais couuertes de chaume & paille deliée au possible, & entretissue avec grand subtilité, & quelques vnes auoyent la couuerture de boys assez biē dreslée, mais les idoles qui estoient leans dedās rengées, raportoyent toutes aux figures des femmes. Ce peuple va assez honnestement vestu de coton, ayant des chemises & manteaux de pareille estoffe, mais blancs, deliez, & subtils au possible, & presque ressemblans aux voiles que on fait pardeça, portans des ioyaux, chaines, & carquans d'or au col, & de chemisolles de coton faites de diuerses couleurs. Les femmes aussi bien que

*De Iucatā. voy
Ouide histoi. des
Indes. liu. 17.*

*François Hernā-
dez, descourrit
Iucatā l'an
1517.*

*Ceremonie des In-
catāns allans en
guerre.*

*Temples des Ido-
latres en Iucatā.*

*Habits des Inca-
taniens.*

LIVRE QUATRIESME

portassent de mesmes parures, si ont elles la gorge & estomach couuert, & s'affublent la teste, ayans encor des voiles subtils qui leur seruent de robes. Il y en a eu qui disoyent que on y auoit veu des croix, mais c'estoit fable, veu que ce peuple ne sçauoit que c'estoit ny la croix, ny rien de son mistere, ny de Iesuchrist, ny de l'Euangile, & si par cas on y voyoit ceste figure & signe, ils l'auoyent donc fait sans y penser.

*Descourtoisie des
habitans de In-
catan.*

Ils sont pescheurs en toute ceste coste, laquelle abonde en perles, iagoit que elles ne soyent des plus fines que l'on sçache, se paignans le visage, & le front de diuerses couleurs lors que ilz vont en guerre, affin de paroistre plus effroyables à leurs ennemis: aussi ne sont ilz de ces gracieux qui voyans les estrangers les vont caresser, & leur donnent des presents, & des viures, ains à l'imitation des Canibales, les saluent à grands coups de leurs espées, & du trait de leurs saiettes si gentiment que plusieurs Espaignolz y demeurèrent pour gages, & ceux que on empoigna vifs seruirent de victime & sacrifice à leurs Dieux, & mesmement à vn, qui estoit leur principal, & que l'on auoit posé en vne tour carrée, grande à merueille, & ayant à chacun costé vne beste cruelle tellement taillée, que on eust dit, que elle le vouloit deuorer, & vn serpent gros comme vn bœuf deuorant vn lyon, & le tout fait de belle pierre.

*Estrange façon
d'Idole à Incatā.*

*Quels sont les In-
cataniens.*

Les Iucatanien sont fins, & subtils, dissimulez, & traistres, ce qu'ils feirent experimenter aux Espaignols, lors que souz pretexte de leur laisser prendre de l'eau pour en fournir leurs nauires, affin de les esloigner de la mer, ilz les apriuoirerent pour leur courir sus, ainsi que puis apres ils feirēt, les conduisans par des sentiers estroits, & desuoyables: & si hardis, & asseurez, que iagoit que iamais ilz n'eussent ouy le bruit effroyable des canons, & artillerie, ny veu les esclairs & fumée caufée par celle pouldre endiablée qui poulée du feu, fait sortir la basse avec vn tonnerre si furieux, si est-ce que s'en estonnans quelque peu ne resterent pour cela d'attaquer les Chrestiens avec grand gaillardise, & de les si bien froter, que le plus qu'ils peurent faire ce fut de se retirer en leurs nauires, y ayants perdu plus de trente soldats occis par ce peuple farouche. Et d'autant que i'oubluy presque d'où est venu que on appelle ceste Prouince Iucatan, qui est des dependances du Mexique aussi bien que Panuco, il est à noter q̄ les Chrestiens y mettans pied à terre, & voyans vne ville, recontrans quelqu'un du pays s'enquirent du nom: le Barbare sans guere s'amuser à eux, leur respondit en se retirant, Tectetan, qui signifie, ie ne vous entēs point: les nostres estimans que ainsi il nommast la terre, corrompans le mot respondu luy donerent le nom d'Iucatā, en lieu de Tectetā: tout ainsi q̄ vn Cap & promotoire ils le nōmerēt Cotohé, à cause que s'enquerās d'un lieu prochain pēsāns q̄ ce fut vne ville, vn du país leur respondit Cotohé, qui est autant à dire q̄ maison: voulāt signifier que ce n'estoit pas vne ville: & ainsi la faute d'entēdre la lāgue à cause q̄ plusieurs lieux ont esté nōmez improprement. I'ay dit ce peuple estre hardy & courageux, comme celuy qui ne s'estōne point pour voir son sang couler par terre, ny encore que ses parens gifent morts estēdus, il cōbat avec les pierres, & fonde, cōme iadis faisoiet ceux des isles Baleares, l'arc & les fleches sont ses armes plus cōmunes, l'espée,

*Cause du nom de
la Prouince d'In-
catan.*

*Quelles les armes
de ceux d'Iucatā.*

la rpdelle & pauois, & pour se couvrir ils ont des bourguignottes de bois telles q' i'ay dit qu'o porte au Mexique: & se fôt des cuirasses de corô, mais nô (côme dit Ouiede) pour s'en armer expres en tēps de guerre, ains plus tost pour s'en estimer estre plus beaux, & bragards, car allans en guerre, ilz se tiēnent plus mignôs que jamais, & c'est pourquoy ils se paignēt ainsi le corps & la face cōme i'ay dit cy dessus. Aussi en tēps de paix ils ne portent armes q' lconques, ny vestemēts, sauf ces voiles subtils cy dessus mētiōnez, & se parent merueilleusemēt bien de beaux pennaches, lēsqels estā grās & dextremēt elabourez leur dōnent vne grād grace, avec ce qu'ils sont agiles, dispos, & bien proportionnez de tous leurs mēbres. Ils se coupent tous les cheveux par deuant tellement qu'on les estimeroit estre chauues, & pensent que cela soit vne grād beauté que de n'auoir point de poil en tout le deuant de la face : mais par le derriere ilz font des tresses de leurs cheveux que ils portent longs, & les laissent pendre sur le doz, & espaulles, & d'autres les lient derriere la nuque du col, ou les entortillent en forme de couronne autour de leur teste. Je ne sçay qui leur à apris la façon de se couper la peau qui couure la glande du membre viril, ce que tous ne font point, ains plusieurs s'en abstiennent, afin que on ne pense point que ce soit quelque relligion qui les esmeue à cela : ainsi que les Iuifs, & Mahometans s'y confessent astraîns par la rigueur de l'ordonnance de leur loy. Ce peuple hait autant le larcin, comme aussi il s'abstient de raur le bien d'autrui, ainsi que en ysent aussi les Haïtiens, comme desia nous auons dit en l'Isle Espaignolle: & n'est point encor Antropophage, c'est à dire ne rassasie point sa cruauté en se repaissant de la chair des hommes, ainsi que font tous les voisins, voire toutes les nations qui sont déz l'un Pole à l'autre le long de l'Ocean Occidental, & au Mexique, & au Cusco Peru, & par toute la region Bresilienne, & Amérique : bien est vray que les Lucataniens sacrifient les hommes à leurs Idoles, espandant leur sang en la presence de leurs faux Dieux, les visages desquelz ilz en oignent, & leurs sieges, & autelz, & le dessus des portes de leurs temples, aussi bien que ceux de Themistiran, bruslans entierement le corps sacrifié à leur Idole. Leur estude & vacation principale durant le repos de la paix, est la chasse & pescherie viuans d'icelle, & sy exerçant pour s'adextre, à cause que la mer y abonde en poisson, & la terre en sauuagine : les mousches à miel y fourmillent, & ainsi le miel, & la cire, n'y manquent aucunement : bien est vray que ilz ne sçauoyent l'vsage que du seul miel, si ce n'est depuis que les Chrestiens y ont frequenté, qui leur ont appris l'art, & industrie de faire des cierges, chandelles, & bougie pour s'en seruir à s'esclairer, & à s'en ayder en leurs sacrifices, & ceremonies, j'entends ceux-là qui n'ont encor receu la foy Chrestienne.

Encore ne sont les Lucataniens si detestables que leurs voisins de Panuco, ne se souillās point en l'abominable peché de Sodome, jaçoit que (côme i'ay dit) ils les imitēt en idolatrie, & en sacrificāt au diable, lequel leur aparoit souuent, & les effraye avec mesme effroy que en sentent, & les Mexicans, & les Insulaires, & tous les pays Occidentaux, voire les Orientaux qui sont touchez de pareille villennie de superstition.

*Quel habit des
Lucataniens en
temps de paix.*

*Circocision entre
les Lucataniens.*

*Lucataniens non
Antropophages.*

*Abondance de
cire & de miel en
Lucatan.*

Iucatanien viuet
longuement.

Cozumel isle non
guere riche.

Jean Grijalua
Espagnol.

Description d'un
ancien temple des
idolâtres.

Ils auoyent auant que se Chrestienner, deux telz lieux pour leurs oracles que iadis les Grecz ont veneré Delphe, ou Dele pour leur Apollon, à sçauoir en Acuzamil, & Xicalanco, où ilz alloient ouyr & receuoir responce de toutes choses: & sur tout à Xicalanco, où tous les ans ilz celebroyēt vne grand feste, y abordans des hommes de toutes parts, tāt pour y trafiquer à leur maniere, qui est en eschange d'une chose pour autre, que pour adorer l'idole tant recommandée: & pour le seruice de laquelle y auoit vn grand & souuerain prestre, qui sacrifiant leur predisoit les choses à venir, comme ainsi soit que ces deuineurs leur ayent long temps au partiant denoncé la ruine des idoles, que les Espagnolz meissent pied en leur terre. Les Iucatanien pour estre sobres, & non si lascifs, & debordez que ceux de Panuco viuent aussi fort longuement, car on y a veu tel homme qui passoit l'aage de plus de six vingts ans: & telles sont les coustumes & mœurs des habitans de Iucatan, & quand au reste ils sont semblables en façons de faire à ceux du Mexique, comme aussi iadis ils en estoient de la contribution: mais depuis qu'ils sont Chrestiens, on les a tenus souz la main d'un gouuerneur particulier, lequel toutesfois respond deuant l'audience royale qui est en la Castille qui a present porte le nom de l'or.

Non loing de Iucatan est l'isle de Cozumel, laquelle est fort pauvre, & vifant de pareilles mœurs que le reste du pays, ayās des Tours belles, & fortes, basties de pierre sans aucune taille, à cause qu'ils n'auoyent aucun vsage de fer, & c'estoit en celles tours que ce peuple mettoit ses idoles: passé Cozumel on voit vne autre isle que les Espagnolz nommerent l'isle des sacrifices, & la raison en est telle. Vn certain Capitaine Espagnol, nommé Jean Grijalua, ayant couru les isles Lucaies, Fernandine, & Espagnolle. & visité la terre de Iucatan, desirieux de faire seruice à son Prince, & decourrant pays, s'auancer aussi en richesses, descendit en Cozumel, où il ne trouua guere que mordre, y voyant le peuple simple, & sans grand moyē, paraini passant outre, s'en vint en vne isle non guere loingtaine du plat pays de terre ferme, & de laquelle ne sçachant le nom, ny trouuant personne qui luy en dit aucune nouuelle, il y prist terre, comme en lieu qui estoit sur vn des bouts de la terre de Iucatan, & qui ne contenoit guere grand espace de terre. Mais si la terre estoit de petite estenduē, ne restoit pourtant d'auoir en soy dequoy fesmuerueiller: car les Chrestiens n'eurent pas fait grand chemin par la petite isle deserte, alans par vn sentier tout couuert, & ombragé de diuers arbres fruitiers telz que le pays les porte, que ilz veirent de grans bastimens de pierre, & iceux presque ruinez, & la muraille desquelz estoit à demy demolie & abatuē. Desirieux de sçauoir que ce estoit, y montent par vn escalier de pierre (qui les y conduit) au sommet duquel ilz trouuerent vn Marbre dressé en Perron, sur lequel estoit effigié vn Animal fait ainsi que vn Lyon tenant la langue hors la gueule, & lequel auoit vn pertuis au front: pres de ce Perron à terre on voyoit comme vn benoistier de pierre, & iceluy tout sanglant & deuant luy vne piece de boys plantée, qui se recouroit sur le benoistier, & vn peu plus loing vne Idole de pierre sur terre, ayant vne plume sur la teste, & la face tournée vers le vase sanglant susdit:

Plus auant encor estoient posées par ranc plusieurs autres potences, comme celle qui estoit deuant le vase, pres lesquels on voyoit vn infiny nombre de testes d'hommes, & les ossemens de tous les corps, qu'on estima estre des hommes de qui furent iadis ces testes: y auoit encor grand quantité de corps entiers, & à demy pourris, & gastez, qui portoyent la figure de plusieurs petits enfans: ce qui donna vn estrange estonnement à tous les Chrestiens qui eurent la veüe d'un si horrible spectacle. On s'enquist par le Truchement des habitans des pais voisins, desquelz ils en auoyent quelques vns en leur compaignie, eurent pour responce, qu'en ce lieu ilz auoient de coustume de s'assembler, ayans conquis quelque grand victoire, pour offrir les cœurs des ennemys à leurs dieux, lesquelz cœurs ilz brusloyent avec boys de Pin, puis se repaissoient de la chair qui est au gras des bras, & des iambes, ainsi qu'auons descrit les sacrifices du Mexique: qui fut cause que le susdit Grijalua mit à nom à ce lieu, l'Isle des sacrifices, en memoire de la cruelle façon de faire de ce peuple, & de quoy il en donna les aduertissemens, ainsi qu'il est noté p Ouiede en son Inde Occidentale.

Estrange monument en vne Isle pres Iucatan.

Ouiede l. 17. c. 15.

Des Prouinces d'Vrabà, Beraguà & Darien, comprises à present sous le nom de Castille d'or, & des mœurs des peuples compris en icelles. Chapitre. 9. de Parie, Cumane, & Cubague.



LES Poëtes, (comme ceux qui n'ont rien ignoré de ce qui se passe par les mains des hommes) voulans monstrer avec quelle peine est-ce que les richesses sont acquises par les hommes, faignent ne sçay quel iardin des Hesperides, où les pomes estant d'or, estoient aussi gardées par vn Dragon, qui nuit & iour y estoit en sentinelle: mais s'ilz eussent esté de nostre temps, & que les mœurs des habitans d'Vrabà, Veraguà, & Darien fussent venues à leur cognoissance, ilz eussent aussi chanté la furie de ce peuple, duquel la Prouince est presque toute dorée, & pour les richesses grâdes de laquelle, les Espaignolz luy ont donné le nom de Castille d'or. Or estans ces pais voisins, & de grand estendue, les vns sont droitement sous l'equateur, les autres, à six, ou à sept degrez de la mesme ligne, parainsi iouissans nō d'une excessiue chaleur, cōme aucuns ont estimé, ains plustost le temps y estât temperé, cōme à ceux qui ont presque tousiours les iours esgaux avec les nuitz, & la chaleur desquelz procede plus des attractions d'humeurs faites par le Soleil, que des elancemens bruslans de ses rayons, qu'aucuns ont fains y estre insupportables: ce qui se cognoit es Isles de sainct Thomas, & autres voisines qui gisent sous l'equateur, ou le sucre ne peut profiter, nō pour y estre haslé du Soleil, ains à cause de la trop grâde abondance d'humeur qui le fait tout ainsi relent que nous voyons le sel par deça, lors que le Ciel est en hiuer humide, & chargé de nuage. Ne veux pourtant nier que l'air y soit si attrempé qu'il ne soit fort mal propre aux Européens qui y abordēt, & ne fut qu'à cause de ceste grosse espaisseur de nuages qui est continuelle presque sous la ligne en vn lieu plus en l'autre moins, &

Quelz pais portent le tiltre de Castille d'or.

D'où procede la chaleur qui est sous l'equateur.

LIVRE QUATRIÈME

*Le temps est indis-
posé durant les
deux equinoxes.*

*Fertilité des terres
qui sont sous l'e-
quateur vers le
Ponant.*

*Mer de Sur: où
sont les Isles Mo-
luques.*

*Cubaguà Isle, nô-
mée des Perles.*

*Quels les habitans
de Cubaguà.*

plus à deux ou trois degrez, que sous la mesme ligne, mais confesser quel-
que impossibilité ou d'y viure, ou de s'y arrester, ie ne sçauois le faire, veu
que & Espagnolz, & Portugais y vivent, & s'y tiennent comme en leur
païs propre. Et ne fault s'estonner si sous la ligne imaginée qui partist la
longueur du Ciel, entant que l'homme la peut contempler, en cest equili-
brement, ou mesme balance fait par le Soleil, l'arrestant on sent quelque
indisposition, & mesme lors que le Soleil est en son ascendant, ou retro-
gradation au lieu mesme limité pour son arrest, puis que par deçà, durant
les deux Equinoxes, nous sentons ne sçay quelle pesanteur & indispositiô
de noz personnes, sur quoy ie m'en raporte aux medecins pour en dedui-
re les causes, affin que ie pouruiue ma carriere encômentée. Les Prouin-
ces donc susnommées, sont par moy comprises en mesme consideration,
non qu'elles ne soyent d'assiette differente, mais pource que les mœurs
des hommes y sont presque semblables, & la religion qui n'y est guere di-
uerse de l'un peuple à l'autre: la bonté du païs si grande, & la terre si fertil-
le qu'en quatre moys on sème & recueille ce qui est mis en terre, mais le
peuple si accostable, vaillant, hardy, & furieux, qu'il estoit malaisé aux
Chrestiens de l'accoster, & moins encor de le vaincre: ce qui se voit par
leurs histoires qui font foy du grand nombre de soldatz qui y sont mortz
& ont seruy de maint repas à ceste gent barbare, & cruelle. Donc pour
ne tenir le Lecteur longuement en suspens i'embrasseray toute l'estendue
de la terre dès le Cap saint Augustin qui regarde l'Ocean Atlantique, &
qu'à present on nomme Occidental, iusqu'à la mer de Sur, suyuant la li-
gne equinoctiale, à cause que partie de ces païs sont deçà l'equateur, d'au-
tres sous iceluy, & vne bonne & meilleure piece est par delà la ligne &
regardant le Pole Antartique telles que sont les Prouinces de Parie, Cu-
mane, & autres qui regardent la mer pacifique: vers laquelle nous com-
mencerons, pour en reprenant nostre course des Parie, nous venions finir
aux Canibales peuples tant cogneuz à cause de leur insigne cruauté, &
naturel farouche, & pour estre si mal aysez à appriuoiser, qu'encores il n'a
esté possible à homme de les dompter ny vaincre, pour de là entrer au Pe-
ru, & Cusco, & puis à la riuiera de Plate, & remonter par l'Amerique, se-
lon la distribution, & partage fait de ces terres loingtaines entre les roys
de Portugal, & de Castille.

Auant donc qu'entrer au Goulphe d'Vrabà, ny passer en Parie, à quel-
ques douze degrez deçà l'equateur gist l'Isle de Cubaguà que les Chre-
stiens ont surnommée des Perles à cause de la grãd quantité qu'on en y pes-
che, laquelle regarde plus vers le Nord, qu'au Ponant & n'est de guere grãd
estendue, ayant le terroir maigre & infertile, à cause du sel qui y croist, ne
ayant aucune eau douce, ny arbre qui l'ébellisse, & les habitans de laquel-
le sont rudes, cruelz, & sanguinaires comme ceux qui ont fait mourir vne
infinité d'Espagnolz qui s'y arrestoient plus pour les Perles que de soing
qu'ilz eussent de leur conuersion à l'Euangile. Ce peuple allant nud, se
paint le corps de toutes parts, & vit assez miserablemēt, ne m'ageāt guere
que la chair des huïstres, desquelles ils tirent les perles, & boient la belle
eau clere qu'il leur conuient aller querir en Cumane qui est à quelques

cing lieues d'icelle, & en terre ferme, de laquelle nous parlerons, à cause q̃ les mœurs de ces deux peuples, & autres voisins sont semblables. On voit en certaine saison cōme la mer deuient rouge le long de ceste Isle p̃sant quelq̃s vns que cela procede des huïstres porte perles, lesquelles ilz croiēt souffrir fluz de sang, tout ainsi que les femmes ayās leurs moys: mais si cela peut aduenir, ie m'en raporte aux naturalistes: & ne sçay, si plustost il y auroit de ce riche genre d'huïstres desquelles iadis on fait celle riche tain-
 ture de pourpre qui seruoit d'ornement aux grands Monarques. Cumane donc estāt païs voisin de Cubaguā, & cōme chef des Prouinces voisines fera celuy qui nous fera cognoistre en general les mœurs de tous les peuples qui y habitēt, entant q̃ presque tous se raportent à leurs façons de faire. Or les Cumanois sont brū de couleur, allans tous nudz, sauf qu'ilz cachent leurs parties hōteuses avec de grās Coquilles qu'on estime estre de Limaçons: mais la plus part se les couurēt ou avec des Cānes, & rouseaux ou faïans des bādelettes, & cōme petites brayes de Cotō pour les voiler, & les plus magnifiques leur font des estuis d'or, & les moins cōscientieux se les lient contre les cuisses. Leur vestemēt quelquefois, à sçauoir allans à la guerre, ou à leurs festes, sont manteaux, & de beaux & grās Pennaches, mais quelz mātreaux: non de laine, ny toile, ains de Cotō, & le plus souuēt de belle plume de diuerses couleurs: comme aussi ilz se plaisent aucunes-
 fois de s'oiindre de quelque gomme gluante, & puis se couurir de plumes, de sorte qu'ilz paroissent fort gentils en cest equipage. Ce peuple est sans barbe, & s'il leur croist quelque poil au menton, ilz ne cesserōt tant qu'ils l'ayent arraché avec des pincettes, comme ceux qui (à l'imitation de pres-
 que tous les Indiens Occidentaux) ne veulent voir rien de velu sur tout leurs corps, sauf vn peu à la teste, où encor ils se coupent les cheveux ius-
 qu'au dessus de l'oreille: estimans celuy là comme vne beste qui permet que le poil luy croisse, & sur tout au visage. Tous se font venir les dens noires avec ne sçay quel iust d'arbre qu'ilz nomment Hai, & estiment vne grand beauté que cest ennoircissement, & si quelqu'un les porte blanches, ilz l'ont en opinion de mol, & effeminé. Ilz prennent donc ceste fucille de Hai en leur bouche lors qu'ilz sont sur l'aage de quinze ans, que le sang leur commence à ressentir la chaleur naturelle, l'y tenant iusqu'à ce qu'il leur a coulouré les dents de noir, laquelle couleur ne s'efface iamais, quoy qu'on la frotte ny laue: mais le meilleur qui y est en cecy, c'est que ce iust empesche que iamais les dents ne leur pourrissent, & qu'ilz n'y sentent aucune douleur: si les dames de par deçā auoyent de ceste arbre pour empescher la fluxion qui tombe sur les dents, ie pense qu'elles aymeroyent mieux souffrir double douleur, que de se voir les dents noires, veu qu'il n'y a drogue qui ne soit employée pour les blanchir, de sorte que de nostre temps on a faict du sel de Suye pour seruir à ce sōt vsage. La beauté des filles Cumanoises est d'auoir les Iambes, & les Cuisses fort grosses, car elles vont (comme dit est) toutes nues, & pour cest effect, elles ont des iartiers, avec lesquelz elles se serrent si lourdement les iambes pres du genoil, qu'elles obtiennent par ceste violence ce que le plus elles souhaitent: & ne sont en sorte aucune curieuses

*Mer pres de Cu-
baguā deuient
rouge.*

*Prouince de Cu-
mane pres le goul-
phe d'Yrabā.*

*Vestemens des Cu-
manois.*

*Haii arbre,
faisant venir les
dens noires.*

*Quelles les filles
Cumanoises.*

LIVRE QUATRIESME

Punition de l'adultere en Cumana.

Digamie des seig. de Cumana.

Mariages des Cumanois.

Banquets des nopces.

Pagez, des Cumanois couchent avec les mariées.

Pagez, medecins des Cumanois.

de leur virginité faisans assez prodigue largesse de leurs corps tandis que elles sont à marier. Là où celles qui sont pourueuës couurent avec des Calzons leurs hontes, & viuent fort honnestement sans s'esgarer, ny faire tort à leurs espoux, lesquelz tout ainsi qu'ils ne se soucient des fautes de leurs filles, ilz saigrissent fort contre celuy qui leur fait porter les cornes, le tuans fils le peuuent prendre sur le fait, & chassant la femme de leur compagnie. Les seigneurs du pais, & ceux qui sont les plus riches en espousent autant qu'il leur plaist, & en sont si liberaux, que quelqu'un les allant visiter, ilz luy presenteront la plus belle pour son passetemps: mais le commun peuple n'en espouse qu'une chascun: les filles des seigneurs demeurent enfermées sans sortir de la maison de leur parens deux ans, ains qu'estre mariées, & durât lequel temps ne leur est permis de couper leurs cheveux, comme ainsi soit que les autres ne nourrissent point leur chevelure. Lors qu'on les marie les parens, voisins, & amys y sont inuitez au festin, ainsi que nous en vsons aussi: & c'est aux femmes à faire le banquet, c'est à dire à porter de quoy manger, soit volaille, poisson, pain de Mahis, & vin de Palmes à l'espousée, là où les hommes portent du boys, & de la paille pour dresser soudain le logis auquel l'espoux face sa demeure: & c'est le douüaire & richesses de ce peuple qui à presque tout en commun, & viuant charitablement avec ceux de son pais. Ilz y boyuent & mangēt iusqu'à s'en yurer, d'acens avec vn tel ordre, & modestie que c'est aux seules femmes à mener l'espouse à dancer, cōme aussi à l'endroit de l'espoux, les hommes font vn pareil office: Ce sont aussi les femmes qui coupent les cheveux à l'espousée par le deuant seulement, laissant pendre ceux de derriere, & lesquelz elles lient, & tressent fort gētiment, & les hommes acoustrans le mary de mesme sorte: & sur le soir, & non plustost on liure par la main la femme à son espoux affin qu'ilz aillent coucher ensemble. Les dames que ces Barbares espousent avec tel respect, & ceremonie, sont les vraies, & legitimes espouses, & ausquelles les autres que le mary entretient fault que portent honneur & reuerence, la respectans comme leur dame, & maistresse. Or comme ainsi soit que leurs Pagez, ou deuins ayent acoustumé de coucher avec les femmes de ce peuple, auant que le mary y donne atteinte, tout ainsi que nous auons dit en l'Asie qu'en font les Bramins de Calicuth, si est-ce que iamais en ce cartier ne couchent avec celles que les Cumanois espousent avec telle reuerence: ains seulement avec les autres qui leur sont comme concubines: & l'honneur desquelles, gist en la main de ces gentils faiseurs d'essay: lesquelz nonobstant leur sainteté fardée, ne font conscience de faire ce plaisir aux marys que de leur oster le soupçon qu'ilz auroyēt de leurs femmes, fils les acostoïēt auant le Pagez, & les trouuoient autres que pucelles, veu que (comme i'ay dit) elles ne se soucient guere de laisser aller le chat au fourmage: & ce sont ces abuseurs qui se meslēt de predire ce qui est à venir, & ensemble de guerir ceux qui sont malades, estans des plus grands Necromanciens que la terre porte, les drogues desquelles ilz vsent pour l'allegeance de leurs paciens sont herbes & racines diuerses, & cuites, & crües pillées avec gresse d'oiseaux, ou de poisson, meslées parmy du boys, & autres choses

choses que le peuple ne cognoit point, mais en tout il n'y a rien de cueilly, broyé ny pilé, sans y dire ne sçay quelles parolles que le mesme Pagez n'entend point : outre ces medecins fault que succent, & leschent le lieu de la douleur du malade, comme aussi en vsoient les enchâteurs de l'Isle Haïti, & ce disans qu'ilz en tiroient les mauuaises humeurs qui causent la maladie, lesquelles ilz vont puis apres getter hors le logis du patient. Mais pour vuidier ce qu'ilz ont humé, & succer, ilz s'aydent du boys d'un arbre certain qu'aucun ne sçait qu'entr'eux, & s'en frottent la bouche, le mettans si auant dans leur gosier, que bien souuēt en vomissant ilz en tirent le sang pur, & en fin gettent de grosses phlegmes noires, & espais, & parmy icelles quelque chose ronde comme vne pelote, & dure à merueilles, suans, & ahanans, & disans mille parolles non par aucun entēdues ainsi qu'on voit que font ces bateleurs, & ioueurs de passe à passe en France, & en Italie. Ceste Pelote n'est si tost vomie par ces enchanteurs, que ceux de la maison ne la prennent, & la gettent dehors, pensans que ce soit vn diable, qui causast l'indisposition du malade, & lequel ces imposteurs luy ayent tiré du corps : s'il guerist, il n'y a chose qui soit en leur puissance de laquelle ilz ne fassent present à leur medecin : mais s'il meurt, le medecin ne tombe au danger que font les Boitij en l'Isle Espaignolle, ains disent les parens que le Pagez a fait son deuoir, mais que l'heure de la mort du paciēt estoit venue. C'est grand cas ce que l'histoire Indienne raconte de ces deuins qu'ilz donnent des responcez les plus asseurées du monde sur l'occurrence des choses les plus importantes comme de l'issue des guerres, de la fertillité des années & abondance de la pescherie soit de Perles ou du poisson, predisant & les Eclipses du Soleil, que ce peuple craint fort, pour l'opinion qu'il a que ce sont des signes de malheureuse signification, comme aussi les Cometes leur donnent pour mesme occasion, vn grand espouuement, & crainte : & ainsi vous voyez combien la force de la nature est grande, que ces hommes, poussez d'icelle, sans aucune cognoissance de lettres, sçachent iuger du cours des Astres, & de l'alteration des choses par l'euēnement de ce qui est assez rare, & lequel les plus doctes d'entre nous à grand peine peuuent cognoistre. Mais que dis-je de la nature ? Comme ainsi soit que c'est le Diable qui les apprend & adresse en ceste science, leur seruant de precepteur, comme aussi ç'a esté luy, qui dès le commencement de la malice des hommes aprinst la magie superstitieuse aux hommes, & les aueugla iusqu'à ce point de desuoyement, qu'ilz se sont adressez à luy pour auoir la cognoissance des choses plus secretes tant de la nature, que de celles qui semblent la surpasser, encore que soyent de son engeance. Or voicy les ceremonies desquelles ilz vsoient voulans inuoker le malin esprit : Le deuin, ou Pagé durant vne nuit fort obscure descend dedans quelque caverne secrette & obscure, ou au défaut d'icelle s'en va en vne chambre escartée sans que personne le suyue que quelques ieunes hommes hardis, & qui ne s'effrayent point, ny craignent de parler à l'esprit lors qu'il en sera besoing : dedans qu'ilz sont, le Magicien s'asseoid là où fault que les autres se tiennēt debout deuant luy comme ses disciples : & dès que tout est comme rassis il crie, & chante ses

Pagez, pre disent les choses à venir, et sont sçauans au cours des Astres.

Le diable instruit ces deuins.

Ceremonies des sorciers Cumanois & autres des Indes Occidentales.

LIVRE QUATRIESME

Virgil. 6. de l'Enéide.

Extase, & saisissement du Pagez, & charmant.

Prophetes deuinans apres bien boire.

Comme les ieunes hommes sont appris à deuiner.

Silence pythagorique imité des Cumanois.

Dancer, & boire propres à ceste nation Occident.

charmes, fait son inuocation dit ne sçay quelles richmes, & chansons à tel propos, & sur le mesme son de ses vers, il pleure comme vn veau, & sonne des sonnettes qui sont faites de quelques coquilles de Limacon, inuitant ses compaignons à prier l'esprit de venir tost, ainsi que l'enfurée Sibylle dedans Virgile incitoit Enée de ne point cesser de prier, & faire vœux tandis qu'elle entendoit à ses charmes, & sort necromantique. Mais si le Diable retieue & ne veut comparoir pour ceste premiere sommation, il recommence son chant avec plus de furie, le menaçant & rançant: & lors qu'il crie à haulte voix, qu'il redouble son chant, qu'il se tempeste, soupire, sangloute, & en fin s'en va par terre, on cognois que son saint esprit l'a faisy, & qu'il est plein des inspirations telles que les Pithies d'Apollō souffroyent iadis voulans reciter ses oracles. C'est lors que l'un de ses compaignons s'approche de luy, & s'enquiert de tout ce qu'on veut s'enquerir, à quoy ce deuin respond soudain, & finy qu'il a sa responce il demeure vn long temps en extase, si que souuent il se plaint que le diable l'aye si longuement detenu, car ceste prison & saisie leur est, comme ilz disent, fort fascheuse. Avec ceste sainteté ces ministres de Satan trôpent le peuple, le tiennent en ceruelle apres sa superstition, & luy guerissent les malades, & deuinent les choses à venir: aussi sont ilz les plus riches de tous, carestiez de chascun, banquetez par les grans, mais tousiours leur table à part, comme estimans les autres indignes d'approcher leur sainteté, & s'enyurent étrangement de leur vin de Datiers, & autres fruitz, qui est l'eau de leur sacre fureur: & n'est aucun qui les ose reprendre, d'autant qu'ils tiennent que tant plus ilz ont la teste fumeuse, ilz deuinent mieux, & communiquent plus aisément avec le Diable. Or ie vous prie fil y a rien presque de different de ceux cy, avec les Ethniques anciens, entant que ceux cy voulās apprendre leur magie, & abomination aux enfans, les tenoyent l'espace de deux ans pour apprendre leur science endiablée: & sçaez vous où s'en faisoit, & fait encor cest apprentissage? Dans les profondeurs plus escartées, & obscures des boys, & forestz (ainsi que iadis en Gaule en voyoyent les Druydes) où ilz les enferment, & d'où ilz ne sortēt, & ne voyēt parent quelconque, iusqu'apres le terme exprimé qui est prefix à leur fol apprentissage, ne voyans aussi femme quelle que ce soit, & sans manger chose qui aye sang, ou vie, à l'imitation des anciens Pithagoriques, & des Brachmanes des Indes Orientales. Et tandis qu'ilz viuent ainsi seulz, & en ce long silence, ne communiquans avec personne, occupez à la seule contemplation des mysteres de leur endiablée Cabale, les maistres les vont visiter de nuit, & leur recordent leur leçon qui est par cœur, d'autant qu'ils n'ont aucun vsage d'escriture: puis finy qu'est le temps de leur cours, ils sont dispensez de sortir, & prenans attestation, & le mot du guet de leurs docteurs, ilz sortent en campagne, allans pratiquer sur les autres ce qu'ilz ont appris en ceste escole secrette, & boscageuse.

Continuons les points gardez par ce peuple, lequel a deux choses pour les plus recommandées, & esquelles il prend plus de plaisir, le dancier, c'est à sçauoir, & le boire: d'autant que (laissant leur ordinaire esbat de dancierie) toutes les foys, ou qu'un Roy vient nouuellement à la dignité, ou qu'ilz font quelque festin de nopces, ilz demeurent huit iours entiers ne

cessans de bâqueter, & baller, & chanter leurs Areiti desquels auons parlé cy dessus: & font les dances tous couronnez ou de fueillars, ou de plumages de diuerses sortes, les vns ayans des carquans d'or, & pierrerie, d'autres des braceletz tout le long des bras, & d'autres de grandes pieces d'or faites en platine sur l'estomach: & les femmes des cercles d'or aussi, leur supportant les mamelles, affin qu'elles ne leur branlent en dansant, courant, ou allant à la guerre, & tirant de l'arc à la chasse, dequoy elles sont bonnes maistresses: & tous vñs de sonnettes aux iambes faites de coquilles de Limaçons, qu'ilz font retentir en dansant, ainsi qu'en auons vñe aux festes le temps passé & en France, & en la Gascoigne. Durant ces belles dances, celuy là est estimé le plus beau, & gentil compaignon, lequel se paint le corps de plus de diuersité de couleurs, & avec plus de bisarrerie: & dancent ou séparément, ou se tenans par les mains, ores en rond, tantost en demy cercle, allans vñe fois en auant, vñe autre en arriere, voltigeans, & sautans à leur façon, mais avec grand gaillardise.

*Forme de la danse
des Cumanois.*

C'est merueille que iagoit que les vns estans à la danse, & les autres se tenans à vn coing chantans, & crians leurs Areites, neantmoins ils s'accordent si bien qu'on diroit que les tons ne sont qu'une voix mesme, s'accordans & la voix, & le pas ou desmarche, & de ceux qui chantent, & des daceurs tout ensemble. Est encor à noter qu'estant l'entrée de leur chant composée d'un chant piteux, & plein de tristesse, si est-ce que la fin n'est que risée & les parolles pleines de toute folastrie & ioyuseté: & dancent par l'espace de six grosses heures, & tellemēt que plusieurs defaillent d'ahan, & celuy emporte l'honneur, qui se tient le plus longuement en haleine. Vous scauez comme iadis les dances furent inuentées comme exercices de guerre tesmoins les Prestres Saliés à Rome qui honoroyēt Mars, & Quirin en dansant armez, & portans des boucliers, & targues suyuant l'institution du Roy superstitieux Pompilie, & comme entre les Grecz, & Macedoniens ces dances guerrieres ont eu aussi iadis place: & lisez encor les daces furieuses des porte-lâces de Bacchus, & les ministres cruelz de la déesse Cybelle: mais parmy ce peuple Occidental, aussi abusé q̄ les anciens, vñe à la creation de son nouueau seigneur d'une sorte de dances, ayant quelque rapport à vn escadron, & ordre de bataille, pour donner plaisir à leur Cacique: entant que tous les cōpaignons les plus ieunes & gaillardz s'assemblans dressent la dace en laquelle a certaines poses & cadences, ils descouchent leurs arcs, & saiettes avec vn merueilleux ordre, & ce auant qu'entrer au palais du Prince, puis haucent leur voix tout autant que ilz peuuent crier, y en ayant vn qui châte seul, & les autres respondans à sa parolle, qui cōsiste toute à la loüange de leur Prince, & au recit de ses gestes pl^r loüables, & illustres, & le tout avec tāt de singeries, & gaillardises q̄ les plus tristes ne scauroiēt se garder de rire, entāt qu'o diroit qu'ils cheminēt des espaules, allās presq̄ de pareille mesure q̄ font les pitiaux en Poitou, lors q̄ ils dâcēt leurs brâsles: Et lors q̄ ilz entrēt au logis & Palais royal l'un contrefait l'aueugle, l'autre le boiteux, cestuy cy fait le pescheur cest autre vn autre de leurs mestiers, l'un riant, l'autre incitant chascun à sa tristesse, & tous ensemble hauçans leur seign. iusqu'au Ciel, & n'o. bliers

*Saliens à Rome,
voy Plutarque en
la vie de Nume.*

*Porte lances de
Bacchus. Denys
Sicil. antiq. lin. 4.
cha. 5.
Prestres de Cybel-
le: voy Apulée
en l'asne doré.*

LIVRE QUATRIESME

*Yurongnerie des
Indiens Occiden-
taux.*

*Femmes pourquoy
assistent aux ban-
quets, des hommes.*

*Cymbres se que-
relloyent en ban-
quetant.*

*Quelle vin des
peuples Occiden-
taux.*

*Soleil, & Lune
dieux des Cuna-
nois.*

les vertus de leurs ancestres. Ceste ceremonie finie tous s'assent à terre comme les Turcz, ou comme noz cousturiers estans à leur besoigne, & là tenans vn grand silence banquetent à l'aise, & boient à toute outrance & iusqu'à s'en yurer estant reputé pour plus vaillant celuy qui le plus en aualle sans se troubler, & en est loüé par le Cacique, au despens duquel ce festin est dressé: & diray que si les Alemans estoient voisins de ce peuple on penseroit que ceste façon, de dringuer eust esté donnée de l'un peuple à l'autre: mais quoy? & les Grecz ont iadis beu outrément, & d'autres nations ont suiuy pareille dance, sans que cest aprentissage ait esté d'ailleur porté que de l'inclination naturelle. Banquetans ainsi, ilz boient les vns aux autres, & haucent à l'enuy le gobelet, mais avec plus de discretio que en Picardie, ny bas país, où l'on vous querelle si refusez de vider le verre, ny qu'entre les Alemans, & sur tout en Saxe: où s'excufer de boire, c'est se mettre en danger de sentir la cruauté de ce peuple beueur: & sont encor plus modestes que les Grecz anciens, au banquet desquelz estoit la loy d'yurongnerie avec cest establissement contre les sobres, ou qu'il boiue, ou qu'il s'en aille. Aux autres festins que ce peuple fait, & sur tout aux festes, quand ilz font leurs massacres & sacrifices chascun a de coustume de mener sa femme, & filles s'il en a, non affin qu'elles boyuent desordonnément comme eux, ains plustost, affin qu'eux estans saoulz, & ayas le cerueau troublé, elles les reconduisent en leurs maisons, & qu'aussi en banquetant ce ne sont point hommes qui seruent, ains c'est aux femmes de leur verser à boire. En somme il n'y a si gentil compaignon au festin qui ne s'en yure, & estans ainsi chargez, c'est vn plaisir de les ouïr rompre leur silence, & comme ilz gazouillent des affaires, chascun se messant de deuiner, & imiter les propheties de leurs deuins, & enchâteurs: & souuent, imitans les Cymbres anciens, apres bon vin, force querelles, s'entretastans, à grands coups de poing, & se disans vne infinité de parolles iniurieuses, tant qu'il fault que les femmes apointent leurs debatz, & querelles. Aucuns ayans l'estomach plein sont si brutaux, & gloutons, que de vomir ce qu'ilz ont beu pour faire nouuelle recharge: tout ainsi qu'aucuns en nostre Europe, & de nostre temps ont esté si vilainement adonnez au chatoüillement de la delicateffe des viandes, que d'auoir pris des Clisteres pour vider la viande, affin de faire place à l'autre, & chercher des nouueaux apetitz sans se contenter du desir naturel que chacun a de manger, & boire à son heure.

Je vous ay dit que tout ce peuple n'ayant aucun vsage du vin de la vigne, en fait de Dates & autres fruits, y meslant de leurs grains, & herbes douces, & odoriferantes, le faisans sauoureux, enyurât, & plein de fumée. Ce peuple (comme j'ay dit) est estrangement idolatre, mais & ceux cy, & tous les autres voisins, voire des le Peru iusqu'à terre de Labrador adorent sur tout le Soleil, & la Lune, estimans l'un estre le mary, & l'autre la femme, & les tenans comme souuerains, & cause de la creation de toutes choses: & lors qu'il tonne, & esclaire, ils s'estonnent, & effrayét merueilleusemēt, à cause qu'ils craignent que le soleil soit courroucé contre eux, & qu'il vucille les ruiner, car ilz croyēt q tout perira vn

iour par feu, comme ils tiennent que iadis le monde perist par le desbord des ondes de la mer. Et lors que quelque Eclipsé aduient au soleil, ilz celebrent le ieusne, & mōstrent de grans signes de tristesse, & sur tout les femmes, qui se coupant les cheueux, se deschirent la face à belles ongles, & les filles se font des incisiōs aux bras, avec des arestes poignantes de poisson, pensans apaiser l'astre irrité avec ceste sottise & cruelle ceremonie. Leur sottise est si grande, & l'ignorance qui les tient aueuglez si excessiue, que lors que la Lune est au plein, ilz croient que le soleil l'ait batuë, & que du courroux d'iceluy & batterie, elle en ayt ainsi les iouës enflées, & craignent quelque defastre pour la querelle suruenue entre leurs deux si puillans Dieux. Craignent aussi (comme i'ay dit) fort estrangement les Cometes, & autres signes d'enault, ayans opinion iceux n'aparoistre iamais sans quelque grande signification de malheur, & ruine: & en cela ilz ne sont pas seuls: veu que l'effait nous a fait souuent cognoistre que telles figures, & impressiōs en l'air sont prodigieuses, & ne sont enuoyées guere iamais, que elles n'ayent suyte de quelque mesaduëture pour les hommes: & c'est pourquoy le Poëte Lucan chante du Comete en ceste sorte:

*Des astres incogneus la nuit obscure à ven,
Et le Ciel enflambé, & tout espris en feu,
Par le vague de l'air des torches tout bruslantes
On voyoit discourir & çà & là volantes:
On voyoit les cheueux de l'astre redoublé
D'un Comete coureur, & ores aresté,
Qui eschange l'estat des terres & provinces,
Et menace des Rois la grandeur & des Princes.*

Esmeus donc de telle frayeur, ces Indiens ne voyent pas si tost vn Comete au Ciel que soudain ils ne s'escrient, & le detestent tout ainsi que les Scythes, & les Goths faisoient iadis oyans tonner, & font vn grand tintamarre avec leurs tabours & trompettes, pensans par ce moyen le chasser, ou bien le faire esuanouir, leur en desplaisant estrangement la veuë. Or sont leurs tabourins de guerre non telz que les nostres, ains tous de boys creusé, telz que les auons dits cy deuant, & faits de grandes coucourdes, ayans encore l'industrie de faire des cors & trompes de grosses Coquilles de mer, qui sont faites en plusieurs redoublements, telles que on voit les trompes des chasseurs, & font des fleustes des ossements des bestes qu'ilz tuent à la chasse, & des bras, & iambes des hōmes qu'ilz occient en guerre en laquelle ils sont aussi cruelz que leurs voisins, entant qu'ilz mangent leurs ennemys, & les esclaués mesmes qu'ils prennent en guerre, & lesquels (s'ils sont maigres) on engresse comme vn chapō en mue, pour puis apres en prendre vn bon repas ensemble. Ont encore des cornets, & hauboyz faits de cannes & roseaux qu'ilz ageancēt gentimēt, & s'en aydent à sonner l'assault aux combats, & les bransles alors qu'ils dancent en leurs festes, & chantans leurs Areites. Leurs armes principales consistent en flestches enuenimées & desquelles tirent & hommes, & femmes avec telle

*Eclipsé du soleil
Et croissant de lune
crains des Cumanois.*

*Cometes effroyables
aux Cumanois.*

*Des Cometes, & cause
d'iceux. voy Aristote aux
Meteores.*

*Lucā 1. des guerres
civiles.*

*Goths s'armans
contre les tonnerres.
Jean Euesque d'Ypsal. lin. 1. ch. 13.
de l'histoi. des Goths.*

*Quelx instrumēt
sont ceux de ces
peuples Occident.*

*Flestches enuenimées
des Indiens d'Occident.*

LIVRE QUATRIESME

dexterité, & assurance, que guere iamais ils ne faillent d'attaindre la part qu'ilz visent: aussi dès leurs tendres ans ils s'y acoustument, ayans des arcs à argille, & en iceux mettans des balles de terre argille, de boys ou de cire, affin que s'accoustumans aux flesches, ilz ayent & la visée plus iuste, & la main plus seure. Et d'autant que la plus part de ce pays déz le goulphe d'Vrabà iusque aux Bresiliens le peuple y est cruel, guerrier, & fort sanguinaire, & que presque tous s'aydent d'empoisonner leur saiettes, contre le venin desquelles les Espaignols au commencement ne pouuoÿt trou-

Fèmes ont charge du labourage.

uer aucun remede, il nous fault voir la composition de ceste drogue. Nous auons dit en plusieurs endroits que en tous ces pays c'est aux femmes que est enchargé le labourage, elles se messans de semer le Mahis, planter le Luccà, cultiuer les semences & legumes, arrouser ordinairement les arbres, mais sur tous le Haï, qui est celuy avec les feuilles duquel ils se font deuenir les dents si noires, ce que ilz ont le plus agreable sur toute autre parure. C'est à elles à nettoyer les Tunes qui est vn autre arbre, lequel elles piquet & en fôt sortir certaine gôme, qui premieremēt ressemble du lait, puis s'espaissit & s'en aydēt à se parfumer, & en encenser leurs idolles, ainsi qu'en vient aussi les Oriétaux, voire tout tant qu'il y a de peuples en Asie,

Simplez desquelz s'aydent les Caribes à faire le poison pour leurs flesches.

& Afrique. Entre tous les simples qu'ils ont tant salutaire que venimeux il y a d'une herbe qui à la figure d'une sie, & d'une gomme d'arbre aux nostres incogneue, & des pommes mortelles q̄ les Chrestiens ont appellé de sainte Marthe, à cause q̄ elles croissent au goulphe portāt le nom de ceste sainte, desq̄ls simples ces cruels peuples font le poison: duquel ils oignent & infectent leurs saiettes. Mais pour la perfection du venin, ilz y aioustēt du sang de certains serpens qui sont comme des Aspics des pōmes, gomme, & herbe sus-nommée, avec lesquelles drogues ilz messent des testes de certaines formis qu'ils ont, & lesquelles sont fort dangereuses, & remplies de venin. Or voulans composer ceste maudite drogue, ilz enfermēt en vne chambre quelque femme vieille, à laquelle ilz donnent les matieres, & du boys, & feu pour les faire cuire: & demurēt ces gentils simples deux iours pour le moins à bouillir, auant qu'ils soyēt incorporez, & vnīs ensemble en telle perfection qu'il est requis: & cognoissent la bonté, &

Essay pour esprouuer la drogue.

force de ceste compositiō, si de la puanteur & fumée la femme en meurt, mais elle en eschapan, ils la punissent fort rigoureusement, tant pour les auoir trompez de leur attente, & leur auoir vainemēt employé chose que ilz estiment si rare & si precieuse, comme estant vn des principaux bastōs qu'ils ayent pour se preualoir de leurs aduersaires. C'estoit ce maudit poison duquel l'aidoyent, & s'aydent encore les Caribes, & autres leurs voisins contre les Chrestiens, & duquel si quelcun estoit attraint c'estoit vn grād miracle s'il en pouuoit eschaper, & s'il en guerissoit, encore luy estoit le reste de sa vie penible, & non iamais sans douleur, à cause q̄ la playe se r'ouuroit à tous propos, & le travail luy estoit deffendu & n'eust osé se desalterer à son aise ayant soif, ny (estant marié) s'acointer, sans danger de sa vie, de son espouse: & c'a esté vne des principales occasions pour laq̄lle les Espaignolz n'ont guere osé attaquer par guerre les Canibales, à cause que ce sont eux qui sur tous autres, s'aydent d'enuenimer ainsi les saiettes.

Lesquelles par tout ce pays là sont de ioues fort durs, & que pour plus endurcir, ils passent par le feu & desquelles nous auons veu & en France, & en Espagne entre les mains de ceux qui ont fait des voyages en ces terres loingtains : & pour fer, ils y mettent (comme dit est) des cailloux pointuz, & acerez, ou des os de poisson fort durs & dâgereux, & lesquelz ilz ferment comme vne fourchette, ou à la semblâce d'une langue de serpent. Ce peuple n'est si bon que celuy de Haiti, ains est fainct, arrogant, plein de gloire, & vantise, traistre, & vindicatif, sadonnant lors que il est sans guerre, à la chasse, & à pescher, d'autant que comme i'ay dit, les femmes seules ont le soing de la maison, mesnagement, & labourage. Ilz sont vilains en leurs viandes, mangeans ce qui donne horreur à tout le reste des hommes à sçauoir des Belettes, Museraignes, Chauuesouris, Araignées, Lefards, Sauterelles, Vers, Mouches, & des poulx, voire ne pardonnent à chose ayant ame, qu'ilz ne la facent passer sous la loy de leur appetit, aussi bien que leur pain de Mahis, & que la chair de la sauuagine, ou du poisson que ordinairement ilz prennent en mer, ou en leurs riuieres: dedans lesquelles n'est permis à chacun de pescher, ny en tout lieu, ains y a des places, que si quelcun y petche sans le congé du seigneur, sa penitence n'est point moindre que d'estre mangé de ses voisins, & compaignons. Ilz se gertent dedans l'eau tous nuds pour y pescher, & enfermer le poisson en leurs filets en batant l'eau, estans des plus gentils nageurs de l'univers, mais leur chasse y est fort dangereuse, pour la grand abondance des Crocodiles qui les y assaillent & mangent aussi bien que ceux du Nil en Egypte, ou en la riuere de Senegâ : i'aoit qu'il y ayt eu des hommes, d'âtes au reste, qui ont tenu que le seul Nil portoit des Crocodiles : mais ilz se sont aussi bien deceuz, que ceux qui pensoient que la seule Inde fut celle qui produit l'Ebene. Et peschent avec les retz, & hameçons, à tout leurs arcs contre les grans poissons, & la nuit à tout le feu, avec lequel ilz estonnent ce peuple escaillé qui accourt à la lumiere, & lequel ilz prennent à tous leurs arcs. En ce pays de Cumanâ les habitans y sont tous presque suiets à auoir les yeux gastez & d'y auoir des mailles, aucuns estiment que cela procede des vapeurs de leur grande riuere, & de laquelle le pays porte le nom, mais d'autres, & l'opinion desquelz me semble assez vray-semblable, raportent ceste indisposition à leur meschante nourriture, & à la vilennie, & saleré des viandes desquelles ilz se repaissent. Ilz ont tous le visage large, non pas naturellement ains par l'artifice des femmes dès que les enfans sont nais sur terre, car elles mettent la teste de la petite creature nouuellement née entre deux coussinets de cotô, & le ferrât tout doucemêt, & assez long temps, luy eslargissent petit à petit la face estimâs cela estre la plus grâde qui soit requise en l'homme: & les fêmes é ce païs ne se tourmentent beaucoup en acouchât, & ne sont si assaillies d'âgoisse q' les autres, & quâd aux causes i'ê laisse le discours pour le present aux philosophes. La farce de la vie humaine prenant fin par la mort, & sepulture, ces Indiens ayans accomply le cours de leurs ans, soit que ils meurent de leur belle mort naturelle, ou que ils soyent occis en guerre, filz en peuuent recouurer les corps, ilz les enterrent en ceste maniere. Premièrement le

Quelles des saietes des Cumanois.

Cumanois viciex.

Viandes sales des Cumanois.

Crocodiles en la riuere de Cumanâ.

Maniere de pescher des Cumanois.

Cumanois ont les yeux gastez, & pourquoy.

Cumanois ont le visage large, & par quel moyen. Sepulture des Cumanois.

LIVRE QUATRIÈME

Bout de l'an célébré par les Cumanois.

Opinion des Cumanois touchant l'immortalité de l'ame.

Echo estimée estre nostre ame par les Cumanois.

corps estant estendu deuant les parents, & amys chacun à part soy, & souuent tous ensemble chantent vn lay piteux contenant le recit & discours des faits illustres, & actes genereux du deffunct le louans de sa force & vaillance en guerre, & du grand nombre d'ennemys que il aura occis, & desquels il aura mangé sa part estant en vie: apres cecy les vns les enterrent en leurs maisons, les autres les font dessécher au feu (comme ceux de Cuba & de Haïti) & les pendent & conseruent fort soigneusement: & pleurent en se tourmentant estrangement sur celuy qui sera mort n'aura gueres. Si c'est vn bout d'an qu'ils celebrent (car ils font ces memoires des morts anniuersaires) & que le deffunt soit quelque seigneur, tous ceux qui viennent au festin, qui sont en grand nombre, portent ce qu'ils veulent manger, & la nuit n'est si tost arriuée, qu'ils deterrēt le mort non sans pleurer, lamenter, & demener vn grand dueil, puis le prenans luy mettēt les pieds & les mains presque en vn rond, & la teste entre les iambes, & eux s'assēt aussi en rond, & tout à l'entour de ces ossements: & soudain se leuans & se desassemblans frappent du pied contre terre, leuent les yeux au Ciel, & fescrient en pleurant aussi hault qu'il leur est possible. Ayans vsé par quelque temps de ceste lamentable ceremonie, ilz bruslent les os, reseruant la teste laquelle ils donnent à la plus noble, & legitime des espouses du seigneur deffunt, afin que elle la garde comme precieuse memoire de son mary. Aussi pensent ilz que les ames sont immortelles, & que elles se retirent en quelque lieu, & campagne secrete, & escartée, où elles font grand chere: & que ce sont elles qui nous oyent & respondēt lors que celle voix immortelle d'vn Echo rend les parolles que on dit dedans l'espaisseur de quelque boys, ou en la profondeur d'vne grottesque. Et voila quant aux pays d'Vraba, goulphé de Cumanà, & isle de Cubaguà, pour voir vn peu encor quelles gens ce sont que les Canibales, desquelz si souuent est faite mention en l'histoire des Indes Occidentales.

Des Caribes, & Canibales, leur cruauté, guerres, & façons de vie. Chapitre dixiesme.

Scythes & Hircans iadis peuples cruels.



Cap S. August. droit sous la ligne ou peu s'en fault.

L'histoire des anciens ayāt tracé avec son craïon ce qui a esté iadis de plus remarquable parmy les nations plus estranges, n'a point oublié les Scythes Antropophages, ny les Hircans les plus farouches presque d'entre les peuples de la terre: mais ie m'assure que s'ils eussent tāt soit peu gousté ou par effait, ou par recit, des façons de faire des Caribes, ou Canibales de nostre tēps, & saouuré le naturel cruel, & farouche des Insulaires voisins de l'isle de Haïti, & autres qui se tiennent le long du Cap S. Augustin, qui est celuy, qui partist les terres des Roys d'Espagne, & de Portugal, & qui sont vn degré, ou deux par delà la ligne de l'equateur, ilz n'eussent aussi fait faulte d'en illustrer leurs escrits, & deschiffrer la plus bestiale & cruelle nation qui viue aujourd'huy sur la terres.

terre. Car ce sont les Canibales qui ne cognoissent homme qui viue, ne sont aymez d'aucun, & qui aussi ne sçauent ou veulent caresser personne, leuans la main contre tous, & tous leur faisans guerre, orgueilleux, non acostables, & si amys de leur cruauté que iamais n'a esté possible de les attirer, ou gaigner, voire ny les induire à seulement parler aux Chrestiens pour le seul trafic en eschange, ainsi que on l'a en v'sage en tout ce pays septentrional. L'origine premiere de ce peuple fut iadis de terre ferme d'Vraba, & d'un lieu nommé Caribanà, lequel se diuisant par bandes se saisist premierement des isles, & puis osa se ruer sur le continent avec vne telle fierté & hardiesse que les autres Indiens estans cent de compagnie, n'oseroient attendre dix Canibales, soit que leur vaillance face perdre cœur aux autres, ou que la seule opinion de leur cruauté les estonne de telle sorte, qu'au seul recit de leur arriuée, il n'y a si hardy qui ne quitte sa maison pour fuyr deuant la rage de ceste nation sanguinaire, & semble que ceste race, quelque part que elle soit esparse, n'aye autre passetemps qu'en l'effusio du sang humain, veu que les habitans de Cariamairi, qui sont des reliques Canibalistes, ou Caribistes, surēt ceux qui ne pouuans supporter que les Chrestiens habitassent leurs terres, & ne voulans souffrir que leurs voisins les acointassent en fin les massacrèrent, de sorte que depuis l'inimitié, en dure & vit ce peuple parmy eux, comme iadis l'Amorréen avec le peuple de Dieu pour leur seruir de fleau & chastiment, s'oublans en leurs honnestes façons de faire. Bien que la raison de Pierre Martyr sur la cause du nom me semble bien prise du lieu de Caribanà sus mentionné, si est-ce que encore ne regretteray-je point l'opinion de Fernad d'Ouiede, qui dit que les voisins de ces tirans les ont nommez Caribes à cause de leur brauade, pource que Caribi signifie en leur langue autāt que vaillant, hardy, & brave, comme ainsi soit que ce sont des plus courageux & hazardeux homes qui soyēt au mōde. Or pour esplucher plus asseurement ceste nation j'ayme mieux, parler par la bouche d'autrui, que de ma fantasie, & de ceux qui ont visité le pays, que par la seule opinion de ceux qui n'en discourent nomplus que moy, que par ouyr dire: Voicy donc comme Pierre Martyr Milanois, & qui a esté en ce pays Indien, en parle: tenāt propos de la premiere terre descouuerte par Christophle Colomb, dēz que fut sorty des isles Canaries pour prendre la volte de l'Occident, & du peuple habitant en icelle: Ils entendirent (dit-il) que non guere loing de là y auoit certaines isles, où les homes estoient trescruelz, & qui se nourrissoient de chair humaine: & que pour ceste occasion, eux (qui parloyent) voyans de prime face les nostres se mirēt en fuite, pensans que ilz fussent ceux qu'ils nomment Canibales: & que les nostres auoyent laissée ces isles de Cyclopes à demy chemin vers la partie meridionale, à sçauoir tirāt vers la ligne Equinoctiale. Ces pauvres gens se lamentoyent, & plaingnoient fort estrange-ment qu'ils estoient non moins assaillis, tourmentez, butinez, & ravis par ces cruelz Canibales, que les veneurs ont de coustume de se getter sur la proye, & que ilz s'acharnent sur la sauuagine: & que ces tyrans chastrent tout ainsi les petits enfans, comme nous en v'sons à l'endroit des chapons, pourceaux, & moutons pour les faire deuenir plus gras, & affin qu'ilz en

Quelles gens les Canibales.

D'où venus les Canibales, & d'où pris le nom de Caribe.

Pierre Martyr è l'hist. des Indes. Effroy que donne le nom de Canibale aux autres.

Cariamairi pen- nibalistes, ou Caribistes, furēt ceux qui ne pouuans supporter que les Chrestiens habitassent leurs terres, & ne voulans souffrir que leurs voisins les acointassent en fin les massacrèrent, de sorte que depuis l'inimitié, en dure & vit ce peuple parmy eux, comme iadis l'Amorréen avec le peuple de Dieu pour leur seruir de fleau & chastiment, s'oublans en leurs honnestes façons de faire.

Ouiede liur. 2. de l'hist. des Indes.

Pierre Martyr è l'histoire des Indes.

Cruauté des Canibales.

LIVRE QUATRIESME

*Canibales salent
les hommes pour
les manger.*

*Canibales adorent
le soleil & la Lu-
ne.*

*Abus de dire q
il y ayt des A-
mazones.*

*Femmes des In-
diens suivent avec
l'arc, leurs marys
à la guerre.*

*Gusman en la re-
lation de l'ã 1530*

foient plus tendres, & delicats au mâger: mais q quand aux hōmes ia par-
faits, aussi tost pris, soudain ilz les occient & massacrent, & mangent sur
les champs les intestins, & menuises, à scauoir la teste, pieds, & mains, salās
le reste, & le gardans pour leur saison, tout ainsi que nous en vsons du lard
& bœuf salé. Quand aux femmes ilz ne leur font mal quelconque: & en
cela ils sont plus courtoys que les Bresiliēs qui sont sous le Tropicque d'hi-
uer, & où le seigneur de Villegaignon adressa son voyage, ains les gardent
& nourrissent pour faire des enfans, ainsi que nous tenons les poules
pour nous faire des œufs, & des poussins, & les brebis, & cheures pour les
aigneaux, cheureaux, lait, & fourmage. C'est pourquoy en toutes les
isles voisines des Canibales tout aussi tost que les habitans sentent le bruit
de ceste canaille, & oyent le simple nom des Caribes ilz s'enfuient, &
hommes, & femmes, ne scachans autre moy de se sauuer que la fuite, en-
core qu'ils soyent assez bons archers, mais ils confessent que ces hommes
sont si vaillans que dix d'entr'eux en batront cent des autres. Puis aiouste
parlant de leur religion, que les nostres ne peurent iamais bien entendre
quelles estoient les ceremonies des Caribes, sauf que ilz adoroient le So-
leil & la lune: l'ay dit cecy à cause d'aucuns des François qui iamais ne
mirent le pied en terre du costé des Canibales, & ne visiterent onc les ter-
res soyent insulaires, ou continentes du goulphe de Vrabà, ny la riuere
Orellane, dient que les Canibales sont sans religion, ny opinion aucune
de diuinité, mais cela est tout esloigné de verité, comme ainsi soit que il
n'y a si farouche qui n'aye quelque apprehension, ou fauce, ou veritable de
Dieu, les vns en vne sorte, les autres en autre: ioint que les massacres faitz
par ce peuple, monstrent assez que il y a quelque Dieu auquel ilz presen-
tent ceste offrande, ainsi que nous en auons parlé, & des Panucois, & des
habitans du riche Royaume du Mexique. Plus grand folie est encore de
penser ny faindre des Amazones en pas vne de ces deux grandes riuieres
d'Orellane, & de Maragnon, encore que on y aye veu des femmes nuës
avec les arcs, & les flesches, d'autant que & les Canibales, & Cumanois, &
autres leurs voisins meinent leurs femmes avec eux à la chasse, à la guer-
re, & à la pescherie, tant pour porter leurs fardeaux, que pour faire leur
cuisine: & elles s'adextrent comme eux, & à tirer de l'arc, à passer les riuie-
res, & à tout autre exercice de force: sans que pour cela il leur faille nom-
plus donner le nom d'Amazones, que aux dames Cimbriennes, ny Da-
noises le temps passé suyuant leurs marys à la guerre, & elles mesmes sy
portans vaillamment. Voire ne fault s'en faire à croire ny imposer à au-
truy que il y ayt des femmes seulement en vne region au pays susdit, &
le long des fleuues surnommez, lesquelles sans recevoir aucun homme en
l'administration public, gouvernent d'elles mesmes l'estat de leurs Pro-
uinces: car ce sont bayes, & si quelcun passant, en fuyant par celle region,
a veu quelque Canoe, ou barquerote, chargée de femmes archeres, si suis-
ie asseuré que pas vn des Espaignolz (veu que ce sont les seulz qui ont
passé par là quelquefois) ne s'est guere auancé pour en scauoir la verité de
l'histoire: & si Numo de Gusmā en a dit quelque mot en ses relations, sca-
chez qu'il n'en parle point avec autre asseurance sinō qu'il se cōfesse l'auoir

ouy dire, preuue qui n'est suffisante pour autoriser vne telle opinion.

Et n'ignore point que Fernand d'Ouiede, escriuant à cest illustre, & excellent Cardinal Bembe honneur des hommes lettrez de nostre aage, luy dit que en certain rencontre fait sur la grand riuere de Maragnô on voit quelques dames archieres qui seruoient de chef aux troupes qui combatoyent contre les Espaignolz, & que pour ceste occasion les nostres les appellerét Amazones: mais il nie q'elles fussent telles, encore qu'il y eut vne royne cōmandât sur les compagnies, & encore n'en sçait il autre cas, sinô vn simple & maigre raport de ceux qui en ignoroyét la verité. I'ay dit cecy en passant, affin que si quelcun veut escrire l'histoire, ie suis d'aduis de ne rien asseurer sur la simple opiniô, ains appuyer son dire plus solidemēt, & sans s'esgarer par trop, pour seulement estre veu dire quelq' cas de nouveau: mais venons sur le propos de noz Canibales. Nous auons dit q' ces gens ainsî furieux estans sortis du pais Vrabien s'espandirent iusqu'au Cap S. Augustin habitans & en la terre ferme, & par les isles non sans donner frayeur à tous les voisins, à cause de leur extreme cruauté, & tyrânie, pour estre les plus vindicatifs hommes du monde, deuant lesquelz qui voudroit plaider sa cause pour en tirer raison, ce seroit (cōme l'o dit) dōner du chef cōtre la muraille, d'autant q' ils n'ont respect qu'à leur fantasie, ny equité q' ce qui leur vient à gré. Ez lieux où ils se tiennēt ils sont assez sociaux ensemble, faisans des bourgades, ou plustost hameaux de 30. ou 40. maisons, mais icelles bien peuplées d'hômes, & qui sont basties en cerne toutes en rond à l'entour d'une place, posées en telle circonference qu'elles se peuent voir l'une l'autre, & dressées en ceste maniere. Premieremēt ils vous plantent tout autant de grans arbres qu'il est besoing pour porter le bastiment selon la grandeur qu'ilz luy veulēt donner, puis par les soubassēmēs ils mettent des tréfs qui ne sont guere longs, & qui seruent d'apuy entre les espaces des autres qui sont fichez en terre, & pource les aiguissent ilz pour empescher la cheute des autres qui sont dresséz: & la couuerture va se haucant en forme Piramidale, & tout ainsî que le feste d'un pauillon, & ainsî tous leurs logis sont faits en pointe, apres ilz couurent toutes ces poultries de feillars soit de Datiers, ou autres arbres, q' ils sçauēt estre bonnes à resister contre la pluye. Au dedans de la maison de foliue à foliue, y a des cordes de corô tenduēs, ou bien faites de certaines racines, & icelles bien fortes, & sur icelles ilz estendent des toiles tissues de coton.

Ouiede escrit au Cardinal Bembe.

En quelle sorte bastissent les Canibales.

Ilz ont pour leur giste des liets pendus en l'air, & entre les foliues, sur lesquelz ilz mettent, ou du coton, ou du foing pour lictiere: & au deuant de leurs loges ilz font des portiques, & galeries pour se iouer, & pour y prendre le frais, & l'ombre durant le Soleil. Encore ne peux-je taire ce que Martyr dit touchant la religion de ce peuple, quand il aiouste ces mots: En vn certain lieu de l'une des isles Canibales, comme les nostres eussent veu deux statues de bois, representans deux serpents, ils pēserent que ce fussent leurs idoles, mais depuis ils entēdirent qu'ils adoroyēt seulement le Ciel; & astres luisans en iceluy, encore que ils tirent & taillent quelques simulachres de coton non pour les honorer, ains se souuenans des figures des malins esprits qui leur aparoiſſent de nuit.

Lits des Canibales.

Canibales ont des idoles du diable.

LIVRE QUATRIESME

Viandes abominables des Canibales.

Canibales ont le regard furieux.

Pierre Martir en l'hist. des Indes.

Canibales tirent de l'arc en nageant

Armes des Canibales.

Aussi n'y a il eu iamais peuple vaillant en guerre, qui par mesme moyen n'ayt respecté les Dieux en quelque sorte que ce fust, & qui sur tout n'ayt honoré le soleil, cōme celuy qui esclaire à tous, & nourrist toute la terre. Ceux qui prindrēt terre ēz isles des Canibales, qui sont plusieurs en nombre, disent qu'ils y trouuerent des pots de terre, & vaisselle de cuisine de mesme parure, ainsi que nous en vsons, & que les Canibales s'en estās fuis, ils veirent de la chair d'homme rostie, & bouilie avec chair de Papegaux, Faifans, Oyes, & Canards: & par les maisons trouuoient des oz des bras, & iambes des hommes, que ilz gardoyent pour faire des bouts à leurs fleches à faulte de fer: & cest l'isle qu'à present ils nomment Guadalupe, pource que la terre raporte à la montaigne de nostre dame de Guadalupe en Espagne. Et iacoit qu'au commencement ces Insulaires veinssent pour s'apriuoiser des Chrestiens, si est-ce que ou soit que la conscience de leurs cruantez les remordist, ou que leur naturelle, & farouche inclination les incitast de ce faire, dès que ils les voyoient, se regardans l'un l'autre d'un regard furieux, car les Canibales ont l'œil le plus hideux, & espouuentable de tout tant qu'on à descouuert de peuples de nostre aage, se mirēt à fuir de telle vistesse, & impetuositē qu'un carreau d'arbaleste ne fend pas l'air plus viste que ceux-cy s'absentans de la presence des Chrestiens, comme se defians d'eux, & ayans en deliberation de les faire sortir plus soudain q̄ le pas de la terre, où ils n'auoyent rien que quereller, & se tenoyent dedās les boys & profondes valées, attendans qu'ilz se fussent assemblez, pour puis apres aller donner vn estrange refucil à la troupe Chrestienne.

C'estoit en ces lieux des Canibales que ceux qui ont parlé des Amazones, les ont posées, mais ilz n'ont pas bien leu l'histoire de ceux qui en escriuent: car bien qu'il les disent estre seules en vne isle Matityne nommée par ceux du pays, si est-ce qu'on les nomme les femmes des Canibales, qui les tiennent là pour auoir lignée, & affin qu'elles y soyent à garant: car de dire que elles ne nourrissent point les masles, ains les renuoyent à leurs peres, ou biē les font mourir: c'est se moquer de la verité, veu que Martyr parlant de la Cacique de Matityne, dit, que elle combatant contre les Espagnolz auoit son filz avec elle, & lequel estant à la fin pris, & conduit deuant Colomb, il auoit le regard si hideux, qu'il n'y auoit homme qui o-fast le regarder sans fremir: & les autres se sauuerent quoy que on leur eut enfondré leur Canoé, d'autāt que ce sont des meilleurs nageurs qui soyēt sous le Ciel: & si adextres que estans en l'eau, encore ne faudront ilz de vous tirer de l'arc si bien & seurement, que vous serez bien subtil fils ne vous prennent à descouuert, & ne vont iamais sans estre garnis de leurs fleches enuenimées desquelles auons fait mention cy dessus. Ce peuple outre l'arc, allant en guerre, portent aussi l'espée de boys, & de longs bastons aigus & roydes, desquels il s'ayde fort gaillardemēt: & pour animer le soldat à la guerre il aye des tabours tels q̄ auons dit cy dessus estre ceux des Cumanois, & ont des cornets avec lesquels ils sonnēt vn furieux mot, & assaunt entrans en bataille, porrās certaine armeure d'or sur l'estomach, & des bracelets fort riches, mais le tout plus pour aparostre braues, & mignons, que de soucy de s'en couvrir, comme aussi ils ont les pennaches

beaux & bragardz, fuyuant la coustume de tous leurs voisins, qui se plaignent sur tout d'aller bien en ordre à la guerre. Portent encore de petis cercles d'or penduz aux oreilles, & au nez comme on les met aux Ours, & Buffles, telz qu'ilz leur pendent sur les leures. Les Caciques des Canibales ainfi que le peuple est fier aussi sont ils hautz à la main, & se faifans craindre tellement que soit ou le Roy, ou la dame commandant sur le païs par la mort de son mary, qui aillent à la guerre, si fault il qu'on les porte sur les espaules, & y sont obligez en despit qu'ils en ayent, & fils ne veulent sentir la rigueur de leur prince. Tous les Canibales en general sont de couleur brune entre blanc & noir, non de guere grande stature, mais qui sont bien faits de corps, & proportionnez de tous leurs membres, sauf qu'ilz ont le visage large, & lequel on leur fait ainfi dès leur enfance (ainfi qu'auons dit en vser les Cumanois) le nez fort entre-ouuert, & large, comme ont ordinairement les Mores, l'œil farouche, & le blanc d'iceluy chargé de couleur, & ayant ne sçay quoy de troublé, & obscur, qui luy donne vne furie plus grande. Ilz vont tous nudz, sans poil, & sans barbe: les femmes aussi sont nuës, sauf de la ceinture en bas iusqu'à demy iambe, qu'elles ont quelques lages de Coton pour s'en couvrir, & qu'elles portēt les cheueux qui leur pendants par derriere, leur couurent aussi les espaules, estans aussi douces, & plaisantes que leurs maris, & qui vont ordinairement à la chafse des hommes comme eux, accoustumées au trauail soit de la guerre, de la pesche, course, & nage aussi bien que les masles, & quelquefois se monstrans plus cruelles que leurs espoux. En somme Fernand Ouiede ayant parlé des Caribes, & sur tout de ceux qu'il nōme Chorotegas, & de leur naturel cruel, & sauage, il aiouste: & sans doute ie pense que pour le nombre infiny de leurs fautes, Dieu permet qu'ilz soiēt ruinez, & souffrira encor leur plus grande deffaite, & entier abolissement, d'autant que cest vne race maudite sans correction aucune, sans loyauté, vertu, ny honnesteté quelconque, si aheurtée, & entiere en l'opinion de sa meschanceté, qu'il n'y a admonition, priere, flaterie, ny menace, voire ny les tourmens qui la puisse ployer à faire quelque cas de loiable: ceste gent est naturellement sans nulle pitié ny compassiō autre que celle d'un Lyon, ou d'un Tigre, & celle qui n'a honte de vice, ny vilennie qu'elle commette, adōnée sur toute chose à la paillardise, & n'ayant autre chose deuant les yeux que le plaisir du corps, & ainfi ne fault s'esbahir si facilement ilz oublient les admonitions, & s'ilz mesprisent qu'on les aduertisse: leurs femmes sont insatiables de tel plaisir, & ayans deux extremités qui sont la cruauté, & la paillardise: & tous en general ont de peruers desirs, mais les effaitz desquelz sont pires, & qui ne peuuent receuoir inclination, ou impression aucune de vertu. Voila quant aux Canibales: ie laisse tout à propos, pour vne autres fois, les païs de Darien, Riuieres D'orellane, Maraignon, & de la Platte, les païs des perles, Emeraudes, les Isles de Boriquen, & autres pour vouloir mieux les esplucher à la seconde edition, si Dieu nous fait la grace de tant viure.

Comme les sei. Canibales se font obeyr.

Ouiede li. 3. de l'hist. des Indes.

Ouiede li. 7. ch. 9. hist. des Indes.

Canibales meschans, & sans rē de vertueux.

Estendue de pays
sous le nō du Peru

De grandes Pro-
vinces portēt le nō
des fleuves qui y
passent.

L'ēg cours du Da-
nube.

Nil combien lon-
guement s'estend.
Senegā estimē a-
voir pareille sour-
ce que le Nil.

Grandeur des ri-
uières de Mara-
gnon, & Orellane.

Peru grand fleu-
ue donne nom à
tout le Royaume.

Plusieurs rois, sous
vn Monarque, au
Peru.



ES la Castille d'or, où est ce destroit de terre qui se-
pare la mer de Septentrion d'auec la Meridionale,
iufqu'à la riuiere de Plate, qui diuise en la region des-
couuerte par Americ Vespucce, les terres des Roys
Chrestiens qui ont conquesté les Royaumes, & estē-
due de pais à present contenu souz le nom de nou-
ueau monde, est limité par les modernes ce grand
Empire du Peru, embrassant infinies Prouinces, lesquelles comme sont
diuerfes en nom, sont aussi ayans grand variere de mœurs, & coustumes,
comme aussi elles sont mesurées des sept, à huit degrez par deça la ligne
iufqu'à quelques quarante par delà l'equateur, & passant le tropique hi-
uerual vers le Pole Antartique. Or auons nous veu cy deuant que peu de
pais y a il en ce nouueau monde qui ne portent le nom des riuieres qui y
passent, où de celuy des Roys qui y ont regné, où ausquelz les Espagnolz
n'ayent donné le tiltre ainsi que fortuitement ils oyōient parler les na-
turellez des terres qu'ilz abordoyent: & ainsi le royaume du Peru porte au-
iourd'huy ce nom du fleue ainsi appellé, lequel en arrouse vne bonne
partie: d'autant qu'en ces contrées les riuieres y ont le cours fort estran-
gement long, & beaucoup plus qu'en nostre Europe, iacōit que le Danu-
be face vn long trait courant des Alpes iufques dedans la mer ma-
iour, & que le Pojarrōusant presque toute l'Italie, faille à la fin getter en-
tre les bras de Thetis en la mer Adriatique: mais tout cela n'est rien au
pris des courses de fleuves des autres parties du monde, comme du Nil,
qui des sa source australe va ondoyant toure l'Ethiopie, & Egypte, &
puis va faire hommage à Neptun en la Mediterranée: Et Senegā qui ayāt
(comme l'on pense) mesme course que le Nil, vient baigner vn infiny
cours de terres tant solitaires que peuplées, pour à la fin visiter les flotz
falez vers le pais Guinée en la grand mer, & Ocean Atlantique.

Et en ce continent que iadis aucuns, sur le commencement qu'il fut
descouuert, appelloyent Isle Amerique, du nom du premier qui nous en
donna cognoissance, on voit des fleuves admirables & en largeur, & en
estendue comme celuy d'Orellane, & de Maragnon que plusieurs esti-
moyent que ce fust la mer pour auoir les dix. 15. & vingt lieues de large,
& de telle longueur qu'on ne lit point encor qu'aucun en ayt monstre le
lieu, où ilz vont s'emboucher en la mer, pour n'auoir eu le moyen de pas-
ser si auant, y obstant & les deserts, & le naturel farouche des peuples qui
habitent le long des riuaiges. Pour pareille raison le grand fleue du Peru
s'estendant si long trait que peu scauent la fin de la course, à cause aussi
bien le nom à la Prouince par là où il passe, comme les poissons à la re-
gion de Bacaleoz, ou comme Senegā au Royaume Africain portant ce
tiltre. En ceste grande seigneurie comme il y a diuerfes Prouinces, aussi
les seigneurs y estoient en grand nombre, mais qui obeyssoyent pour la
plus part à vn souuerain, se tenant en la grand cité de Cusco, tout ainsi

qu'en Mexique les roitelers faisoient hommage au grand Montezuma, avant que Cortez se feist seigneur (pour le Roy d'Espagne) & de Themistitan, & du pais & finage qui l'auoient. Bien vous diray, avant que entrer au discours de la decouuerte du Peru, qu'il semble que ceste Prouince ayt esté fécée pour la ruine des seigneurs qui y ont commandé, entant qu'il y a eu de nostre temps peu de Princes, ou gouuerneurs y residans, qui n'y ayent malheureusement finys leurs iours: soit que leur auarice, & tyrannie en ayent esté cause, ou la meschanceté de ceux à qui ilz auoyent affaire, ou que l'air du pais aye quelque sinistre influence pour les seigneurs y suruenans: mais à bien parler la cause de la mort des chefs Chrestiens a pris source de leur ambition, & conuoitise, qui pour s'enrichir n'ont fait conscience d'occir les Roys naturelz du pais, & puis se pourfayre l'un l'autre avec telle opiniastreté, que le sang en semble encore ruisseller.

Peru fécé pour la ruine des gouuerneurs.

Et afin que vous en voyez quelque trait ie vous en feray yn bref recit, qui n'est point hors de propos, entant que ie pretens vous esplucher yn peu l'histoire du Peru, avec les mœurs du peuple qui y habitent, tout ainsi que ie l'ay recueilly des memoires, & liures des Espaignolz qui y ayans vescu long temps, nous en ont fait largesse par la diligence de leurs escrits, esquels la verité m'y semble de tant mieux painte, comme ie les voy entiers, & sans transport à reciter l'histoire de la conuoitise, tyrannie & rebellion de ceux de leur nation qui ont commandé en ces terres, de quelz vices proceda aussi (comme dit est) leur mort, & deffaite.

Discorde des gouuerneurs du Peru.

Car comme ainsi soit que les Pizarres, & sur tout François se fussent badez contre Almagro & ses confortz, à cause des departemens des pais, & finages d'iceux, & à cecy aydans fort les officiers du Roy, qui eschantilloient les Prouinces pour rendre plus grand le reuenu du fisc avec leurs impositions, sans se soucier, ny du salut du peuple, ny de la paix d'entre les gouuerneurs, & sans penser qu'un si grand nombre de gouuerneurs sont dangereux à vn estat, soit à cause de la discorde qui s'engendre entre eux, ou pour ce que le peuple ne peut estre que n'y soit foulé en suportant leurs despences excessiues. Bendez que sont les surnommez l'un contre l'autre, Les Pizarres ne cesserent onc iusqu'à tant que Almagro fut par eux mis à mort par sentence de l'audience royale, si à bõ droit ie m'en raporte à la verité: tant y a que Almagro estoit vn vaillant homme, sage vieillard, qui auoit fait de grans seruices à son Roy, & infinis plaisirs à celuy mesme qui le feist mourir. François Pizarre ne porta loing le peché de la mort d'Almagro, d'autant qu'un bastard du susdit deffunct, esmouuant vne sedition, alla si accortement en besoigne que l'an 1544, il occist en la Cité des Roys celuy, pour le seruice duquel Fernand Pizarre auoit fait trancher la teste à son pere. Ce bastard se faisant, de son autorité priuée, gouuerneur dudit pais fut decapité par l'ordonnance du gouuerneur y enuoyé par le Roy d'Espagne, voyons la suite de l'heur de ceste Prouince pour les viceroy: celuy qui feist iusticier le Bastard d'Almagro, fut enuoyé prisonnier en Espagne par Vasco Nunnez, à cause de ses cõuulsions & tyrannies: & Nunnez fut occis en bataille par Gonzal Pizarre lequel se feist

Almagro meurt par la menée des Pizarres.

Franc. Pizarre occis par le bastard d'Almagre.

Estrange succez des Viceroy du Peru.

LIVRE QUATRIÈME

apeller Roy de Cusco, mais la royauté luy fut & malheureuse, & peu durable, entant qu'un gouverneur nommé Gascha luy feit trencher la teste: & en somme on trouue, que si on vouloit esplucher de pres ceux qui sont morts de mort violente en ce pais depuis que les Espagnolz le tiennent, le nombre des chefs monte à plus de cent cinquante, tous hommes de marque, & ayans charge ou du gouvernement, ou de la iustice, ou des armées. Et affin encor qu'on voye qu'il y a des lieux qui ont cōme vne fortune malheureuse liée sur le doz, & qui sūy ceux qui s'y arrestent, ie lairay l'or Tholoufain, lequel tous ceux qui touchoyent, sentoient si domageable que iamais vn n'en eschapa sans sa ruine, & le Royaume Thebain où guere onc Roy ne peut auoir vn iour d'heureux succez, ny vne bataille sans grand perte: pour racompter comme cas merueilleux, ce que l'histoire Espaignolle escrit de ce pais du Peru, & desastre qui suit ceux qui y commandent: d'autant qu'elle tiēt que ceux du pais, qui auoyent le plus de memoire des choses passées, à cause de leur grande vieillesse, disoyent voyans les occurrences malheureuses, succedans à tous les Capitaines enuoyez là pour gouverner, que cela procedoit des influences du Ciel, & constellations de celle Prouince, & que de leur tēps & souuenance, (eux estans plus que centenaires) ilz n'auoyent iamais veu le Peru sans guerres ciuiles. Et sur ce propos, ilz racomproyent comme Guinacha, & son pere Opanguy, voulans estre seulz seigneurs, inquieterent le repos, & ayle de toute la Prouince: apres ceux là Guaxacar, & Atabalipà freres prindrent les armes l'un contre l'autre, de sorte que Guaxacar fut massacré cruellement par son propre frere, & depuis Pizarro feit mourir le Roy Atabalipà en la place publique de Cusco, non sans vn grand vitupere du nom Royal, & avec vne infamie des Chrestiens, taxez en celà d'une estrange & vilaine auarice. Aussi de tous ceux qui se trouuerent au iugement de ce miserable Prince: & le plus riche de l'occident, & qui consentirent à la mort ignominieuse, à laquelle il fut condamné, n'en eschappa pas vn, qui ne finist aussi malheureusement: affin qu'on voye que les Roys sont sacrés, & que les vsurpateurs du bien d'autrui n'ont iamais la fin glorieuse, encore qu'il semble que la fortune leur rie, & qu'elle les conduise comme par la main à la poursuite de leurs conquestes. I'ay fait tout ce discours tāt afin que vous cognoissiez qui furent ceux qui descouurirent le Peru, que pour n'estre en peine cy apres de repeter par le menu, ce qui a esté dit à present, d'autant qu'il fault que ie m'esgare vn peu plus icy, que n'ay fait es regions precedentes. Toute la Prouince du Peru est diuisée en troys parties, à sçauoir en montaignes, Plaines, & Vallons: la Campaigne est sablonneuse, & fort chaude comme celle qui s'estend le long de la marine, & qui commence dès le pais de Tumbes iusqu'à la mer Pacifique, ayant pres de cinq cens lieues de long sur la coste de la mer, & quelques dix ou douze de large iusqu'à la montaigne: & en ceste planure il n'y pleut point que bien peu, & n'oyt on l'effroyable bruit des tonnerres, & les foudres ny lancent iamais les effroyables feux causez par les collisions des nuës. Et ainsi fault que les habitans soyent soigneux à faire des canaux affin de faire couvrir l'eau des ruisseaux, fleuues, & fontaines qui s'escoulent

Lieux naturellement malheureux

Peru royaume infortuné aux Princes.

Guaxacar occis par son propre frere.

Atabalipà Roy, fait decoler par Pizarre.

Comme le pais du Peru est diuisé.

fescoulent des montz pour en arrouser, & engresser les champs, & pour rassasier leur soif, & alteration. La nature deniant la pluye à la campagne en fait grand largesse aux montaignes qui ont d'esté due en longueur plus de 100. Lieues, sur lesquelles il fait froid, & y pleut, & nege en telle abondance que le plat país se sent de ceste humeur montaigneuse. Les habitas qui se tiennent entre celle indispositiō du chault, & du froid sont la plus part, ou louches, & borgnes, ou du tout aveugles, tellement qu'en vne si grande infinité d'hommes qui se tiennent le long de la montaigne, à peine en trouueriez vous dix qui n'ayent la veuë interessée. Ces montaignes sont des plus aspres fascheuses, & difficiles qui soient sous le Ciel, & y mit on en ieu celles qui sont en Ethiopie, lesquelles commencent dès la nouvelle Espagne, & entrans auant separent Castille d'or, du finage de la ville de nom de Dieu, & de là s'estendant iusqu'au destroit de Magellan, lequel espace contient pour le moins plus de soixante dix degrez de longitude. C'est icy encor qu'il fault que ie note le peu de diligence de ceux qui ont escrit que la riuiera d'Aurellane est celle qui separe Les Canibales, d'avec le Peru, comme ainsi soit, que ce sont ces montaignes si longues qui en font la separation, & desquelles ont source ces riuieres si grandes, qui fescoulent en la mer, & du costé du Nord, & vers le Sur, & mer Pacifique: & que Maragnon est desia plus Oriental que le Peru, & ayant vn grand & long interualle de l'vn à l'autre: ioint que plusieurs ont estimé que l'Orellane, & riuiera de Plate estre mesme chose, que sil est ainsi, il y a bien à dire que Aurellane separe le Peru des Cannibales, que le Peru en est esloigné de plus de cent lieues: si on ne veut appeller Peru, & le país Bresilien, & l'estenduë de l'Amerique. Soit dit cecy en passant. La troisieme partie du Peru sont les vallons, lesquelz sont fort peuplez, riches en or, & argent, & fertilz en grains, fruitz, & animaux de toutes sortes, mais pour estre le país fort couuert, les fleuves larges, & impetueux, le peuple y estant guerrier & farouche, les Espaignolz ne l'ont pas descouuert si à fait, ny tant à leur ayse, comme ilz ont celuy des montaignes, & de la campagne voisine des sablons de la mer. Je ne veux aller rechercher icy les Isles descriptes au goulphe saint Michel, ny celles qui sont marquées en la mer de Sur, sous la puissance de l'Espagnol tirant vers les Moluques, nous suffisant de descrire ce qui s'est passé au Peru, & conquestes d'iceluy dès l'an 1531. que les Pizarres en commencerent la cōqueste, laquelle nous deduirōs briueuement affin qu'en l'embrassant, nous y troussiōs les mœurs des peuples selon qu'ilz se comportent François Pizarre dōc, filz du Capitaine Pizarre, qui fut à la conqueste du país Nauarrois, sous le Roy Ferdinand d'Aragon, ayant fait dresser quelques Nauires au port de Panamá en Castille d'or prist la volte vers la mer de Sur, ditte des nostres Pacifique, & ayant costoyé la rade vn assez long temps descourist l'Isle de la Pugna, qu'il appella de saint Iaques, où le peuple (imitant ceux de la Floride & Mexique) luy vint au deuant, en dācant, sonnāt quelques tabours, & chantant en signe de ioye, & luy offrant des viures comme à homme qu'ilz souhaitoyent d'auoir pour amy. De Pugna auant ilz prindrent terre au continent vers la cité de Tumbez chef de Prouince comme en-

*Naturel des país
montaigneux au
Peru.*

*Habitās au pied
des mōts au Peru,
borgnes, ou auen-
gles.*

*Les vallons est le
plus riche pays
du Peru.*

*Goulphe saint
Michel est riche
en or, & pierrerie.
François Pizar-
re commēça à des-
couvrir le Peru
l'an 1531. au mois
de Feburier.*

*Pugna Isle, à pre-
sent. S. Iaques.*

LIVRE QUATRIESME

*Tumbez, prouin-
ce du Peru.*

*Atabalipà fait
prisonnier son frere.*

*Quels les habitàs
en la Prouincedes
Tumbez.*

*Cruels sacrifices
des Tumberiens.*

*Temple du soleil,
adoré, en Caxa-
malcà.*

cor elle est à present, & vn des eueschez du Peru, où, les Espaignolz se-
iournans, sceurent la guerre qui estoit entre les deux freres chefs de toute
la Prouince Cusco, c'est à scauoir & Atabalipà querellans ensemble la
monarchie, par la mort de Cusco leur seigneur, & pere: mais Atabalipà e-
stant le plus fort, vainquist son frere, & le mit en prison, au mesme temps
que Pizarre prist terre en ses seigneuries. Dequoy aduertý Atabalipà se
resolut le chasser, & à force d'armes luy faire perdre le desir de s'arrester
és terres de sa iurisdiction, & pource enuoya il vn de ses Lieutenans avec
forces pour courir sus à Pizarre, mais le Capitaine Indien n'eut iamais le
cœur d'attaquer ceux qui portoyent la barbe longue.

L'Espaignol acoustumé desia aux guerres contre l'estranger, & scachât
quel estoit l'effort de ce peuple, ne voulut attendre qu'on vint l'assaillir,
ains prenant le chemin droit au país où estoit Atabalipà, où le terroir fut
aperceu estre abundant en grain tel que le portent toutes les contrées de
ce cartier, à scauoir du Mahis, duquel aussi ilz faisoient du vin assez pas-
sable, & qui sustente, & nourrit mieux que l'eau pure. Le país où ilz vin-
drent estoit encor de la contribution de Tumbez, où le peuple va vestu
assez honnestement, & les femmes faisans des draps si fins, que les nostres
pensoient que ce fut Soye, & iceux entreteissus d'or figuré, ou batu, & le
tout pour le seruice, & vsage de leur Prince. Les femmes portent les ha-
bitz si longs, qu'ilz leur traînent par terre, là où, au contraire, les hommes
n'ont que des chemises sans manches, & icelles si courtes qu'à grand pei-
ne leur couurent elles la moitié des cuisses: estans fort vilains, & sales en
leur manger, à cause qu'ilz prennent leurs viandes presque toutes crues
sauf le pain de Mahiz. Ils y estoient tellemēt Idolatres que tous les moys
ils adoroient & sacrifioient à leur idole ce qu'ils auoyent de plus cher,
iusqu'à ny point espargner leurs enfans propres: & baignoyent, & arrou-
soient la face de l'idole du sang de la chose immolée, comme aussi ils en
vsoient aux seilz & dessus des huis, & portes de leurs oratoires, comme
nous auons dit que s'en aydoient aussi ceux du Mexique. Sortis qu'ils fu-
rent de Tumbez ilz vindrent au plus riche país de la premiere des gran-
des regions du grand Monarque du Peru, qui estoit souz la contribution
d'une cité nommée Caxamalca, assise au pied d'une montaigne, & où e-
stait le palais du Roy Atabalipà.

Ceste ville est si petite, que celuy qui en à fait la rela tion en Espaignol,
luy donne presque vne lieuë de circuit, estant ceinte de deux beaux, &
grands fleuues qui arrousent les terres voisines, & sur chascun vn pont
pour entrer en la ville, laquelle n'a aussi que les deux portes ausquelles les
ponts respondent. Bien est vray que de l'un costé auant qu'entrer dedans
la ville, on trouue vn grand Palais, tout enuironné de haute muraille, &
fait à la maniere d'un temple, en la court duquel (estant fort spacieuse) y à
vne grande quantité d'arbres de diuerles especes qui seruent à faire om-
bre: & estoit ce Palais appellé la maison du Soleil, affin que vous scachiez
que c'est cest astre que ceux du Peru adoroient comme leur Dieu: & de-
dans ce lieu n'estoit permis hōme d'entrer sans premierement laisser sa
chaussure tāt ils ont en reuerence les lieux qui sont dediez à la diuinité, &

de temples semblables à celui là se trouuent en diuers endroits, & sur tout par toutes les bonnes, & grandes villes de celle Prouince. Pres ce lieu d'oraison y auoit quelques 2000. maisons basties comme d'un droit alignement, ayans quelques deux cens pas de long, & faites d'une forte muraille, icelles bien disposées, & comparties au dedans, ayans des fontaines en grand nombre pour le seruice de chascune, & au milieu vne grand place, qui sert de basse court à vne forteresse la voisine, & par laquelle on entre audit fort, par un grand escalier de pierre. D'un costé de ceste grand place est le Palais du Roy plus beau, & plus grand que pas un des autres logis, orné, & embelly de chambres, Antichambres, garderobes, cabinetz, sales, & galeries, & tout paint de diuerses couleurs, & enrichy d'or & argent par tout le lambris de l'edifice: & les iardins y donnans tout tel contentement que l'homme scauroit desirer. Mais ce qui rend le lieu encore plus plaisant, & admirable, est qu'en vne des maisons iointes au corps d'hostel du Prince y a deux fontaines garnies, & enrichies de grandes lames d'or, de l'une desquelles sort l'eau si chaulde qu'il est impossible qu'homme y tienne la main, & l'autre l'ayant aussi froide que glace; & sort ceste eau de la prochaine montaigne, ainsi que de pareils effectz de nature voyons nous aduenir en diuers lieux & des monts Pyrenées, & des montaignes d'Auuergne: & vont ces eaux meslées ensemble, par des Canaux souterrains par tout le palais pour le seruice tant de la cuisine que d'autres choses necessaires: ie dis cecy, affin qu'on ne pense point que par tout l'Occident les hommes y soyent si lourds & grossiers que sont les Canibales, les Bresiliens, & Ameriques, esquelz reluit ne scay quelle rudesse qui ressent le naturel pesant des hommes qui les premiers habiterent la terre, si est-ce que plusieurs donnent du rude aux siecles de l'aage premier du monde. Les habitans de Caxamalca sont gens assez ciuils, & nets en leur boire manger & habillement, iacoit que les homes n'y portent autre habit que des chemises sans manches, & des chausses, mais les femmes sont plus soigneuses de se couvrir, & portent leur robe de toile de coton painte leur allant iusqu'à terre, & par dessus vne ceinture elabourée fort mignonnement, avec laquelle elles se ceignent & entortillent presque tout le corps: par dessus ces robes elles ont encor vne couuerture faite comme un manteau sans manches, qui leur va iusqu'à demy iambe. Tout le trauail, & exercice des homes estoit à tindre laines, & Cotons, affin d'en faire leurs toiles: & les femmes s'amusaient à faire leur Chichà, c'est à dire leur vin, & boisson de Mahis, dattes & autres fruitz. Ceste ville fut quittée par Atabalipà lors que les Chrestiens y arriuerent, soit qu'il n'osast les attendre, ou qu'il voulut les attirer en pleine campagne pour les deffaire mieux à son aise: & neantmoins leur enuoyoit il des viures fort souuent, mais c'estoit pour veoir leur contenance, & cognoistre s'il feroit bon se ruer sur eux: & de ces viures les Chrestiens ne mangeoyent point, ains les departoyent aux Indiens qui estoient à leur suyte. Mais pour cognoistre mieux les humeurs de ce Roy Barbare, ne passerons sous silence come Fernand Pizarre estant allé vers luy, le trouua en cest equipage: tout le camp estoit enuironné de soldats & le Prince estoit au milieu des escadrons d'archiers piquiers, & autres

*Palais du Roy
Atabalipà.*

*Fontaines diuerses
l'une pres de
l'autre.*

*Que's sont les ha-
bitans de Caxa-
malca.*

*Habits des Ca-
xamalquiens.*

*Camp du Roy
Atabalipà
son ordre.*

LIVRE QUATRIESME

ayans des armes qui raportent à noz halebardes: y auoit vn autre escadrō d'Indiens auec leurs fondes & d'autres qui portoyent des massues ayant vne coudée & demy de long, & de la grosseur d'une iaueline, & au bout vne balle grosse cōme le poing en laquelle ilz mettoyēt cinq, ou six pointes aigues, & acérées de celle pierre de laquelle ilz font le bout de leurs saiettes, car (comme dit est) le fer n'est point parmy eux en vſage: & s'aidēt de ces instrumens en guerre à belles deux mains faisans grand carnage se rencontrans auec ceux qui ne sont point couuertz. Les principaux, & grās seigneurs ont des massues & des hachettes d'or, & d'argent, & la plus-part des lances fort longues, & faites comme noz pertuisanes, & ceux cy sont pres la personne du Roy en la bataille: mais à l'arriere garde tous portent des piques longues de quinze piedz, & en vn bras ils ont vne mèche pleide Coton, les aucuns ont des bourguignottes, qui leur tombent iulques sur les yeux faites de Canes, & rouseaux meslez & tissus auec du Coton & si bien liez, & battuz qu'il y a des morins de fer, qui ne souffriroyent mieux vn coup que ceste armure Cotonnée. Les Chrestiens aprochans de ce Roy, le trouuerent assis sur la porte de sa tente prenant le frais de l'air, & derriere luy vne grand troupe de femmes sans qu'il y eūt homme des siens si hardy qui oſast aprocher, ny estre en son entour, & ne tint grand compte ny des Chrestiens, ny de leur parolle, voire ne daigna iamais haucrer la teste pour leur tenir propos: & pour faire sentir à chascun l'amitié qu'il leur portoit, & la crainte qu'il auoit de leur brauade, comme quelques siens soldatz se fussent retirez en arriere, à cause qu'un gentilhomme Espagnol feit auancer son cheual de front vers leur escadron dès que les Chrestiens se furent retirez, ce Roy cruel & Barbare feit trencher les testes à ceux qui auoyent fait place aux Chrestiens, & moindre marché n'en eurent leurs femmes & enfans, leur disant qu'ilz deuoient aller en auant, & non point reculer en arriere, & iura que tous ceux qui se monstroyent telz que ceux cy, qu'aussi il les feroit mourir sans aucun esgard, ny misericorde. Or marchant ce grand Roy, il tenoit ceste ordonnance: tous les soldatz portoyent des chapeaux comme diademes d'or & d'argent sur leurs testes, & leurs vestemens selon que les auons cy dessus descriptz: Mais l'ordre estoit tel, marchoyent en premier lieu quatre cens hommes tous vestus d'une mesme parure, & couleur, & qui ne seruoient d'autre cas que de nettoyer le chemin par lequel le Roy deuoit passer, en ostant les pierres, pailles & festuz qu'il y trouuoient, & estoit le seig. porté dans vne Litier. Ces gastadours, ou nettoyeurs de chemin portyent secrettement souz leur habit de liurée de petites masses, & des pourpointz fort bien tissus, & cotōnez, & des fondes, & pierres faites, & prises à propos pour s'en ayder en combatant, affin qu'ils seruissent d'un costé leur Prince, & de l'autre ils se soignassent de la cōseruation de leur vie. Apres ceux cy marchoiēt trois escadrōs d'autres vestus d'une autre liurée diuerse à celle des premiers: ceux cy ne seruiōt q̄ de chāter, & dācer deuāt le Roy, tout le lōg du chemin, estāt tous ces peuples les pl^s grās dāceurs du mode, & ne faisans, ou disans presque riē sans quelque geste, & dāce ressentāt sa mommerie: & ces chātres estoient suyuis des troupes armées, & de ceux

*Armes des gens
du Roy du Peru.*

*Comme le Roy du
Peru estoit respec-
té des siens.*

*Cruauté d'Ata-
balipa.*

*Ordre tenu par les
Indiens marchāts
en campagne.*

*Gastadours Indiens
& leurs offices
& armes.*

*Chantres marchēt
deuant le Roy du
Peru.*

qui portoyēt les diademes d'or sur la teste: & parmy ceux-cy estoit le Roy Atabalipā en sa litiere, vestu d'une robe de laine tresfine, & toute entretissuē d'or batu & figurē, autant subtilement comme la chose estoit riche. *Richesse de la litiere du Roy Atabalipā.*

La litiere estoit faite fort estrangemēt, à sçauoir haute, & grande, & toute enrichie, & fourrē de plumes de Papegaux, & Perroquets de diuerses couleurs, & de grand nombre d'exquise pierrerie toute liée, & enchesnée avec de l'or & de l'argent: & estoit la litiere portée, non par des cheuaux ou autres bestes, ains les hommes seruoient en cela de mulets, lesquelz estoient vestuz aussi de belles robes faites de diuers plumages: & apres le seigneur, venoyent encor deux autres riches litières, sur lesquelles estoient portez quelques vn des principaux de la court, & puis marchoit tout le reste de l'armée en assez bel ordre, pour la grand multitude qui estoit à la suite de ce grand Prince: lequel tenant la campagne, & en fin se hazardāt d'aller courir sus aux nostres qui estoient dedās le fort de Caxamalca fut vaincu, mis en route, & pris par Fraçoys Pizarre, mais ne veux oublier la constance & hault cœur de ceux qui portoyent sa litiere, d'autant que estans taillez en pieces & les gastadours à tout leurs masses, & fondes, & occis les soldats de la garde qui portoyent les couronnes d'or sur la teste, ceux qui seruoient à porter le Prince ne vouloyent le quitter, bien qu'ilz se veissent couper les bras & les mains, ains à tout les espaules ilz taschoient à le sauuer, & tirer de la foule au pris & hazard de leur vie: mais les cheuaux y suruenants ceste troupe d'hommes à litiere furent rompus, & Atabalipā fait prisonnier de Pizarre. Ceux qui ont veu ce grand seign. nous le paignent dispoits de sa personne, vn peu grasset, ayant les leures grosses, & les yeux estincellans & sanguins, & par-ainsi hōme fort colere, & la parole duquel ressenoit sa grauité & autorité royale. Ses predecesseurs n'estoyent point sortis du Peru, ains d'une autre region loingtaine, & assise vers le pole Antartique, & presque souz le Capricorne, nommée Quito, mais le pere duquel nommé Cusco, vint en ce pays Peruen, & y fonda la grand cité de Cusco luy donnant son nom, & l'arresta illec pour y auoir trouué le terroir bon, & agreable, riche, fertile, & abondant en tout ce qui est necessaire pour la vie de l'homme. Du nom de la ville prist aussi tiltre toute la Prouince, & ce grand Roy se gouerna si bien, que luy estāt decedē, les siens l'adoroyēt comme vn Dieu, & en plusieurs endroits, luy dressoyent des statuēs en son honneur, & luy faisoient des sacrifices: non que pour cela leur Dieu principal, qui est (ainsi que auōs dit) le soleil, perdit rien de la reuerēce que luy portoit ce peuple. Ains que passer plus outre ie veux ramenteuoir au lecteur, comme en passant, ce qui est mis es histoires tant anciennes que modernes, que sur tous les peuples, qui ont adoré le soleil, les Orientaux y ont esté les plus affectionnez, iacoit que les Grecz s'y foyent monstrez fort enclins, ainsi qu'en peuuent faire foy plusieurs simulachres d'Apollon faits & dressez en diuerses figures: mais les Indiens sont ceux qui ont le plus eu en reuerence cest astre comme nous pouuons recueillir de l'histoire Apostolique, faite par Abdie digne Euesq de Babylonne lors qu'il en parle en ceste sorte: faisant mention de l'Idole sacrée au soleil: Le Roy y ayant consenty, & Charisie l'auouāt, ou l'intro-

Richesse de la litiere du Roy Atabalipā.

Indiens en lieu de mulets portent la litiere du Roy.

Constance des Peruens portans leur Roy.

Quel estoit le roy Atabalipā.

Cusco Roy donna son nom, & à la ville, & au royaume.

Soleil adoré par les anciens en diuers lieux.

Abdias li. 6. & 9. de l'hist. Apostolique, en la vie de S. Thomas.

LIVRE QUATRIÈME

Indiens occidentaux plus cruels que les Orientaux.

Chasteté commandée aux ministres de l'Idole de Pachalchami.

Apollonie Tianeée chaste pour faire ses charmes.

Abominatiō de l'Idole de Pachalchami.

De cecy voy Macrobie Saturn. lib. 1. ch. 17. Et 23.

Abus des ministres des Idoles.

dedans le temple, dançans, & sonnans des instruments selon qu'ils auoyent de coustume. Aussi y auoit-il des filles chantresses avec des harpes, les autres qui iouoyent des fleustes, & autres des tabours & naccaires, & presque toutes ayans des encensoirs. Ces motz de ce saint Euesque, me reduirent en memoire, ce que par cy deuant nous auons veu des sacrifices de tout le pays Occidental, se raportans à l'ancienne façon de faire des Indiens Orientaux soit en l'adoratiō du soleil, que tous reçoient, ou es dāces, communes aussi à tous les Idolatres, & ez encensemens, en vne chose font ilz differents c'est que ceux-cy sacrifient les hommes, là où les anciens n'offroyent rien au soleil, ou il fallust faire effusiō de sang, ny meurtre de la vie de chose aucune. C'est vn grād cas que es lieux, où le ministre de toute souillure est adoré la vilennie y soit deffenduē, d'autant que au temple de ceste idole, de laquelle on ne nous a descrit la figure, il y a ceste ordonnance, que quiconque des ministres se veut presenter pour y seruir & sacrifier, il fault que soit pur & chaste, que il ieusne, & s'abstienne pour quelque temps de sa propre femme. Mais ne fault s'esbahir de cela, veu q̄ Sathan estant le singe de ce qui est saint, pour auancer sa puissance parmy les hommes, lesquelz ayment naturellement la chasteté & continence, en ce mesme, qui est des enforcelemens & charmes, il choisist les vierges, & commande le ieusne à ceux qui veulent sçauoir ses mysteres, afin q̄ on l'estime estre vrayement vn ange de lumiere: ainsi que l'enchanteur Apollonie Tianeée a voulu faire à croire avec les caphardises de sa vie purement impure & detestable. J'ay dit cy deuant, q̄ ie pense que cest idole n'est point plus honeste que le simulachre auquel ceux de Panuco immolent cruellement les hommes, & la raison qui me fait ainsi parler est, q̄ le chrestien qui en descrit l'histoire, n'ose riē dire, sinon q̄ & la chābre, & l'idole sont choses vilaines, & detestables: là où ez autres lieux parlāt de l'adoratiō du soleil, & de la seule figure d'hōme sous le voile de laquelle on luy fait honneur, il exprime sans scrupule ceste effigie, mais icy il dit, & que l'oratoire, & que le simulachre sont sales, & abominables. Que concludrons nous de là, sinon que le Dieu des iardins, honoré iadis par les Romains, est celuy q̄ les Indiens adorent, & qui est le cōmun patron de tout le pays, iacōit que le soleil semble en porter cest auantage. Aussi vous, qui sçauēz, que c'est que des lettres, & auez gousté les liures des anciens, n'ignorez pas que tous les dieux que la fabuleuse antiquité a craints, & redoubtez, se raportent à cest astre lumineux, qui semble estre quelque cas de sur-naturel parmy le reste de ce qui a esté fait par l'auteur de la nature. A cest idole de Pachalchami se retirent tous les deuins du pays, qui fault que aillent dire ses responces par toutes les contrée, car c'est aux seuls officiers, & sacrificeurs de parler à ce beau Dieu, vers lequel viennent en ce lieu les Indiens de toutes parts, voire de trois cens, ou quatre cens lieues loing, portans or, argent, & pierrerie de present, qu'ilz offrent dès qu'ilz arriuent sans que il leur soit octroyé de plaider leur cause: ains sont là les ministres qui reçoient le don, & vont parler, & consulter l'idole, & raporte dehors la respōce à celuy qui vient s'enquerir sur quelque fait de l'oracle. Iacōit que presque tout le Peru soit affectiōné à ceste Idole, & que les habitans, y

portent des presentz , si est-ce que particulièrement il y a vne Prouince nommée Catamez qui est affectée à ceste Mosquée , & luy porte tribut tous les ans en signe de recognoissance:& le malin esprit, pour ne perdre vne si belle proye , leur donne des responcez , leur fait entendre qu'il est leur Dieu,& que le mode,& ce qui est en iceluy , fault que luy face obeissance,tellement que il n'aduient rien aux hommes sinon ainsi qu'il luy en plaist ordonner & disposer: & iamais ce peuple ne fut si estonné que lors que les Espaignols entrerent au cabinet de ce Dieu, craignans d'estre ruinez,à cause que d'autres, que les sacrificateurs auoyent veu les secrets misteres de cest idole , quoy que Pizarre ne le demolist point, content plus d'en emporter l'or du lieu que d'en oster l'abomination de l'Idolatrie là exercée.

Oracles de Pachachamani.

Pour voir la reuerence des suiets , & vassaux à l'endroit du Roy , ne fault que noter les ceremonies d'un capitaine, & iceluy le plus fauorit du Prince , & lequel auoit à nom Chilicuchimà. Lequel estant venu par force visiter Atabalipà , comme il se deut presenter deuant luy , il prist un fardeau sur ses espaules,comme aussi feirent tous ceux qui le suiuyent,& entré au lieu où estoit leur Roy , tout aussi tost qu'il l'eut veu il haüça les mains au ciel regardant le soleil , & le merciant de luy auoir fait la grace de voir son seigneur:puis soudain se print à gemir,& lamenter,se prosternant par terre,& petit à petit se trainant vers le roy , comme il fut pres de luy, se mit à luy baiser avec vne fort grande humilité , & les pieds , & les mains,le mesme faïsans les autres plus principaux de sa suite.Mais Atabalipà tenoit vne si grande grauité & monstroït tellement la maïesté seante à un si grand Prince que il estoit , que quoy qu'il sceut que cestuy qui luy faïsoit la reuerence,estoit l'homme du mode qui l'aymoit le mieux: si est-ce qu'il ne daigna nomplus le regarder en face q̃ les autres, & en feit aussi peu de compte , comme si le plus vil , & faquin du Peru se fut offert à sa presence. Telle estoit donc la coustume entr'eux de se presenter deuant le grand Roy & Monarque sans que aucun fut dispensé de ceste seruitude,puis Chilicuchimà faillloit que passast sous la rigueur de l'ordonnance: aussi ce Roy Atabalipà estoit homme seuer en ses façons,cruel en ses vengeances , & entier en iugement ne laissant pour chose du monde de faire iustice , & punir les delinquans suyuant les loix & coustumes du païs:Ce que les Chrestiens veirent en vne ville de Cusco nommée Caxas en laquelle y auoit un palais Royal, dedans lequel auoit un grand nombre de femmes qui filoyent , & faïsoyent les roiles pour les habillements du seigneur, là aperceurent ilz quelques Indiens pendus par les pieds , & s'enquerans de l'occasion , entendirent que cestoit selon la coustume de la Prouince que Atabalipà les auoit fait mourir , à cause que on les auoit trouuez abusans des femmes de ce ferrail , & commettans avec elles adultere , vice fort detesté parmy ceste nation : voire estoient passez sous la rigueur de pareille sentence tous les portiers du palais pour auoir permis l'entrée à ces suborneurs des dames de la maison du Prince.

Ceremonie des seigneurs du Peru se presentans deuant leur roy.

Estrange grauité du Roy Atabalipà.

Quel homme estoit Atabalipà.

Punition d'adultere en Cusco.

Vne autre loy rigoureuse ont ilz , & de laquelle sayde fort dextrement le Turc en Asie & Europe , qui est , que non seulement les Roys pren-

Estranges impostes en Cusco.

LIVRE QUATRIÈME

nent tribut sur les biens, & reuenus de leurs subiets, ains encor sur les enfans mesmes & sur les filles qu'ils choisissent à leur fantasie. L'ordre y est tellement gardé, que les viuandiers qui vont & viennent, n'oseroient enleuer rien du pays, sans y porter autre chose de laquelle les habitans ayent disette: ioint que sur peine de la vie estoit ordonné que aucun ne portast marchandise aucune hors du pays, que passant premierement par les lieux où seroyent les gardes des ports & passages, affin de payer au roy son droit, & gabelle. Vous auez veu cy dessus quels sont les sacrifices de ceux de Tumbez, & comme ce miserable peuple ne se contente point d'offrir au diable ce qu'il a de plus rare & précieux parmy ces meubles, si encor ses enfans ne seruoient de victime deuant d'Idole consacré à l'ennemy des hommes. De pareille abomination vsent presque par tout le Peru, & Cusco, ou leurs fils & filles tous les moys sont occis, & offerts à Sathā, & du sang on en laue la face des idoles, & les portes des oratoires, & encore l'espend on sur les tombeaux de ceux qui sont morts, comme si ceste effusion de sang leur aporloit quelque grand prouffit & allegeance. Mais ce qui me semble le plus à detester, & que ceste abusée multitude est si follement assortée en son idolatrie q̄ ceux qui doiuent estre sacrifiez s'esioiussent tout ainsi comme s'ils alloient à quelque festin de nopces, & ne cessent de rire, chanter, & dancer, & requierent lors que on les sacrifie, que ils se sentent bien saouls, & ayans leurs testes pleines de leur Cichā & boisson ordinaire: au reste, affin que on ne pense que les seulz hommes y sont sacrifiez il fault noter que l'offrande des enfans ne se fait pas tousiours, ains à temps certain, ains est le sacrifice ordinaire des brebis & bœufs, desquels ils en ont assez grand abondance, & le sang desquelles bestes (à l'imitation ancienne (ce peuple espend deuant ses dieux, & en brusle la chair, vne fois & d'autres vne certaine partie, le reste demeurant pour la nourriture des sacrificateurs. Reuenans au Roy Cuscuen Atabalipā & à sa maiesté, il n'estoit permis à homme auant qu'il fut prisonnier, de le voir tandis qu'il estoit à table, sinon à ceux qui le seruoient, qui encor ne l'osoyent regarder en face, & à quelques principaux telz qu'il luy plaisoit choisir pour luy faire compagnie, & le respectoyent tant ses suiets, que pour mourir ilz neussent fait chose tant fut de peu d'effect, s'ils cognoissoient que elle outrepassast vn seul poinct de sa volonté: & affin que vous cognoissiez quelle estime ilz font de leurs Roys: faut sçauoir que encor que le grand Cusco fut mort, si est-ce que on suiuoit tout ainsi ses commandemens qu'il auoit faits viuant, cōme s'il eust esté present en vie: & le seruoient tous les iours tout ainsi à table, & luy donnoient à boire, comme lors qu'il viuoit espandans le vin sur terre, pensans que le mort en rassasiast son alteration. Aussi le Capitaine Chilicuchimā arresté par les Espaignolz se desians du Roy captif, ne voulut onc dire en la presence d'Atabalipā chose de ce que les nostres luy demandoient, encor qu'ils le menaçassent de le brusler, & que desia ilz luy eussent fait sentir la force des flammes, à cause que son Roy luy faisoit signe de tenir bon, & luy estant si fidelle, que le feu ne pouuoit vaincre sa constance, si l'infidelité de son Roy, ne luy eut abatu le courage: d'autant que voyant comme Atabalipā trompoit les Chrestiens, ran-

*Sacrifices cruelz
faits en Cusco.*

Sacrifices

*Hommes doiūts
estre sacrifiez, se
rejoissent.*

*Nul voyoit le roy
tandis qu'il man-
geoit.*

*Honneur fait aux
roys deffunts en
Cusco.*

*Constance de Chi-
licuchimā.*

connoit

connoit les siens, & pilloir tout le monde sans se soucier de la mort de tant de ses subiects qui estoient occis de iour à autre, en fin fâché de tout cecy, il descouvrit le secret, & declaira les conspirations du Cacique contre les Chrestiens. Reuenant à propos du Roy Cusco, il laissa cent enfans tant masses que femelles, vn desquels estoit Atabalipà & le pire de tous comme celuy, qui ne prenoit plaisir qu'à la ruine des hommes, & qui tout prisonnier qu'il estoit, oyant que son frere Cusco (lequel portoit le nom du pere) taschoit de se faire amys les Chrestiens, & luy le tenant prisonnier, commanda à vn sien Capitaine de le faire mourir, ce qui fut fait, craignant qu'il ne pratiquast les moyens de se rendre monarque du Peru, & ne se soucia du commandement à luy fait par Pizarre, qui luy enioignist de le faire conduire là part où il estoit. Afin que encor vous voyez les effectz de la cruauté, & ambition, & combien vn homme qui desire de regner, à quelque pris que ce soit, à l'ame bonne & entiere, Atabalipà, ayant vn autre frere que celuy que auons dit auoir esté tué, cestuy-cy estât prisonnier, quelque temps auant que auoir affaire aux nostres & que tomber en leurs mains, il auoit vaincu vne armée des siens en vne Prouince nommée Gomachuco, & en celle bataille il occist encor vn sien frere, lequel irrité contre son aîné, auoit iuré de boire dans le test, & crane de la teste d'Atabalipà: & le vainqueur l'ayant pris & fait mourir, feit par mesme moyen nettoyer la teste, y laissant & dents, & peau, & cheveux, & icelle seruant de pied à vne sienne tasse en laquelle il beuuoit, toutes les fois qu'il luy souuenoit de la guerre que son frere luy auoit faite, comme pour memoire perpetuelle de sa vengeance. Ne fault donc pas s'estonner, si Alboin Roy Lombard beuuoit en la teste seiche du Roy des Gepides qui luy auoit fait la guerre, & ne luy attouchoit en rien de sang ou parenté, puis que de nostre tēps vn Roy fait mourir son frere, & vſe de pareille cruauté que feit iadis le Lombard payen, & infidelle.

Grand nombre d'enfans du Roy Cusco.

Atabalipà fait mourir Cusco son frere.

Gomachuco Prouince du Peru.

Atabalipà beuuoit au test de son frere occis.

Alboin roy Lombard boit au test de son beau pere. Paul diacre hist. des Lombards li. 1. cha. 18. & lin. 2. chap. 14.

Des grandes richesses du pays du Peru, la trahison d'Atabalipà, & comme il fut mis à mort par la sentence de Pizarre. Chap. 12.



Il me fault necessairement poursuiure quelque peu l'histoire Peruenne si ie veux toucher les mœurs du peuple, à cause que les matieres ayans ne sçay quelle liaison ensemble ne peuuent estre traitées qu'en mariant l'vn avec l'autre, & conioignant ce qui est du changemēt de l'estat avec les mœurs du peuple descheu de sa liberte premiere. Atabalipà se voyant prisonnier, quelque honneste traitement qu'il se veit faire par l'Espagnol, si ne pouuoit il le receuoir pour argent content, comme celuy qui cognoissoit bien que toute la pretente de celuy qui le tenoit emprisonné, estoit de se saisir de ses richesses & d'abolir l'épire de ses predecesseurs, par ainsi tout prisonnier qu'il estoit, si ne cessoit-il pourtant de conspirer contre les Chrestiens, & de faire venir des troupes fort grādes d'Indiens pour les surprendre. Durant ces entrefaites cōme Pizarre attēdist de iour à autre l'or q

Conspiration d'Atabalipà contre les Chrestiens.

LIVRE QUATRIESME

*Vase d'un esme-
raulde pour le ser-
vice des idoles.*

*Quizquiz, lieu-
tenant d'Ataba-
lipà au Cuscò.*

*Mosquée riche où
fut enterré le
grād roy Cuscò.*

*Ceremonies pres
le corps du Roy
Cuscò.*

*Indiens ne veulēt
qu'on vole les tē-
teaux.*

le roy captif luy auoit promis pour sa rançon, il fut aduertý d'un tēple d'i-
doles dās leq̃l y auoit des richesses infinies & beaucoup plus d'or, que A-
tabalipà ne luy en pouuoit fournir, à cause que c'estoit le lieu, où tous les
Caciques, & grans seigneurs du pays alloient adorer, & où ils mettoient
leurs thesors comme en vne seure retraite: en ce lieu aussi venoyent ils cō-
sulter le maling esprit sur le succez des choses qui leur deuoyent aduenir:
& estoient si embabouinez apres ceste idole que pour plus l'honorer, &
estimans qu'elle mangeast, & beut, cōme vn homme, ils luy donnoient à
boire de leur Chicà dedans vn hanap fait d'une tresriche esmeraude ca-
uée & mise en œuvre pour cest effait. Et affin que encor vous voyez l'a-
ueuglement de ce miserable peuple, comme Pizarre eut enuoyez q̃lques
Espaignols en Guamachucò, & vers la grand cité de Cuscò (de laquelle
nous parlerons cy apres) pour en retirer l'or promis par Atabalipà, cōme
ils y fussēt arriuez, & que Quizquiz vn des principaux capitaines, & lieu-
tenās du roy captif les enuoyast au temple du soleil pour en tirer l'or, qui
y estoit, & mesme la couuerture qui estoit de fin or, ainsi q̃ nous en vsons
par deça avec du plomb, iamaís les Indiens ne voulurent mettre la main
sur ce temple pour le despoiller, disāns qu'ils mourroyent, s'ils touchoyēt
les choses aux dieux consacrées. Ce n'estoit rien de cecy au respect des
grandes richesses trouuées par toutes les autres Mosquées de ce pays, &
sur tout en vne, où estoit enterré le pere du Roy captif, & où l'on faisoit
les sacrifices, dedans laquelle ils trouuerent vn siege tout d'or, & dans le-
quel se pouoyent assoir deux hommes, non sans l'esbahissement des no-
stres voyāns choses que iamaís ilz n'eussent creu, si la veuē ne leur en eust
fait la preuue. Ou estoit le tombeau de Cuscò (duquel le pays portoit le
nom) on voyoit le paü enrichy d'or, & les murailles reuestuēs de lames,
& platines du mesme metal, & dans le thesor vne infinité de grans vases
d'or & d'argent de grand valeur & qui pesoyent fort, mais les Chrestiens
n'oserent y toucher, craignāns la fureur des Indiens, qui s'estoyent assez
mutinez ayās veu descouvrir les temples du soleil pour la rançon de leur
Prince. L'ordre tenu en cest oratoire estoit tel, on voyoit plusieurs fem-
mes ayāns la garde d'iceluy, & vne qui estoit la principale, & cōme la
maistresse des autres: là voyoit on deux corps morts embaumez, & pres
d'iceux vne dame ayant vne masque d'or luy couurant la face, laquelle a-
uec vn esuentouer faisoit vent à ces corps, tant pour garder que les mous-
ches ne les gastassent, que pour empescher que la poussiere ne prist place
sur iceux. Auant que elle voulut cōsentir aux Chrestiens d'entrer au pour-
pris, & chapelle de ceste tūbe, elle les contraignist se deschauffer, & vei-
rent cōme ces morts tenoyent chacun vne verge d'or en la main, & à
leur entour l'or y reluisoit de toutes parts, duquel les Espaignolz se char-
gerent sans du tout en despoiller le lieu à cause que Atabalipà les auoit
priez de ne le faire, pource que c'estoit là que reposoit le corps de son pe-
re, & q̃ c'estoit luy l'un de ceux qui tenoyent les verges d'or susdittes: ioint
que se voyās si esloignez de leurs compaignons cōme ils estoient, estāns
loing de Caxamalca de plus de 200. lieüs, ils n'oserent se charger plus que
de raison, neantmoins en prindrēt ils grād quātité, q̃ ils enserrent, & mi-

rent sous feure garde d'aucuns du pays leurs alliez, qui furēt commis gouverneurs au nom du roy d'Espaigne, les agēs duquel prenoyēt possession de ceste Prouince, cōme de chose à luy acquise, ce q̄ ayans fait s'en retournerēt vers Pizarre, avec la charge de plus de 300000. ducats d'or, fut en vases, lames, ou autres especes de ioyaux & gentilleſſes. Ces pays aprochās les monts (comme i'ay dit) ſont auſſi arroulez de diuers fleuves, ruiſſeaux, & fontaines, & ſur les riuieres on y baſtiſt des ponts en ceste ſorte: Ils fondent & drefſent vn pilier au milieu du fleuve aſſez hault hors l'eau, pour ſouſtenir les materiaux du pont, à cauſe que de l'vn, & l'autre coſtè d'ice-luy on voyoit des cordes fichées auſſi groſſes que la iambe d'vn homme leſquelles on lie aux riues de la riuere à de gros rochers, & cailloux, poſez loing les vns des autres de la largeur d'vne charrette, & en l'entredoux de ces cordes miſes en lōg, il y en auoit d'autres à trauers, ſouſtenuēs de groſſes pierres, & le pas ordinaire fait d'vn tiſſu de cordes de coton fort ſubtil & royde pour ſupporter ceux qui veulent paſſer. Et ſur ces ponts paſſa Pizarre, (quoy que non ſans ſ'effrayer, à cauſe des cheuaux) lors qu'il alloit vers la citè de Cuſco pour ſ'en inueſtir au nom de la maieſté Catholique. Le ſuſdit capitaine faiſant ce voyage, paſſa en vne citè, qu'ils diſent n'eſtre point moindre en circuit que la grand citè de Rome: ſil eſt vray ſemblable ie le croy, mais d'autant qu'ilz nous ont fait d'autres villes, ſi monſtrueuſes en grandeur, que merueilles, & leſquelles nous auons veu par leurs liures n'aprocher ny de Rome, ny de Paris, ou Veniſe, il nous ſuffira de croire, que Pachalchami (qui eſt celle qu'il nous font eſgale à la citè cheſ de l'Empire) eſt quelq̄ cas de plus grand que ce q̄ ces Indiens ont d'ordinaire, & la plus grāde ville deſquels ne ſcauroit mōter à 12000. maiſons, là où il en y a en Europe qui doublēt facilemēt ce nōbre, & Paris, qui ne ſ'eſtend point à moins q̄ de ſoixante mille. A Pachalchami donc, noz gens veirent vne place d'oraïſon, & Moſquée des idolatres ſale & vilaine ſur tout autre en lieu obſcur & vilain, cōme auſſi l'Idole eſtoit ſale, & vilain, & fait de boys, & la figure duquel n'eſt miſe en auant par l'historien Eſpagnol, qui me fait penſer que ce fut qlque abomination telle que celle que nous auons deſcrite eſtre en Panucò, & que les anciēs ont beaucoup eſtimé & entre les Grecs, & parmy les ſacrifices abuſifs des Romains. Ce Dieu de boys des Pachalchamiens, aſſis en vne chambre ſecrete, eſt par eux eſtimé eſtre le pere de la vie & generation de toutes choſes qui viuent, & aux pieds duquel, ils tiennēt des preſents liez avec des filets d'or & ſur tout des eſmerauldes: & l'ont en ſi grande reuerence, que il n'y a ſi hardy qui oſe toucher l'Idole, non les murs de ſa chapelle, que ceux qui ſont ſacrez pour ſon ſeruice. Atabalipa monſtra encor vn trait de ſa cruauté lors que vn certain preſtre de ſes Idoles l'eſtant allé voir pour le conſoler en ſa priſon, ſoudain qu'il le veit ne faillit de le ſaiſir, & luy mettre vne chaiſne au col, commandant que on en feiſt ſeure garde, pource que il en vouloit faire iuſtice, & le punir de ſes impoſtures: On ſ'enquiert de la cauſe de ce mauuais traitement fait au deuin Royal, mais le Roy dit, que ce n'eſtoit que vn abuſeur, comme celuy qui luy promettant la victoire aſſeurée ſur les Chreſtiens, luy auoit fait hazarder ſa vie & celle des ſiēs,

PPp ij

*Comme on baſtiſt
les pôts au Peru.*

*Pachalchami ci-
té du Peru.*

*Idole de Pachal-
chami.*

*Atabalipa cruel
contre vn deuin,
& pourquoy.*

LIVRE QUATRIESME

*Ceux du Peru
croient fort aux
signes des estoiles.*

*Comete presageant
la mort d'Ata-
balipà l'an 1533.*

*Menées du Roy
de Cusco.*

*Luminabé capi-
taine pour le Roy
de Cusco.*

& cause que luy refusant l'amitié des Chrestiens, estoit tombé en ceste misere que d'estre prisonnier en sa propre terre entre les mains des estrangers: & ne seruiſt de rié au deuin de ſ'en deſcharger ſur l'oracle des dieux, d'autant que le Roy ne ſe ſoucioit, ny du Dieu ny de ſon oracle, ou reſpōce, ains regrettoit ſeulement ſa liberté perduë. Et ce qui plus luy donnoit de tourment estoit que il craignoit de mourir, voyant les choses mal diſposées pour luy, & ſes freres à la ſuite de Pizarre, careſſez de luy, & ſupportez en tous leurs affaires, voire ſuiuys de la plus grand partie des ſeigneurs de toutes les Prouinces. Ce peuple aiouſte grand foy aux preſages, & ſe gouuerne par les ſignes du Ciel ſuyuāt l'erreur de tous les Gentilz & Idolatres, de ſorte que Atabalipà par ce moyen predict ſa mort vn ſoir en n'y penſant: Car comme il fut vn iour ayant fait grād chere, & ſe reſiouiffant avec aucuns Eſpaignolz ſans que on ſceut rien du grand apareil de guerre que faiſoyent les Indiens pour le recouurement de leur Roy par le moyē de Quizquiz capitaine de Cusco, aduint que diſcourans enſemble ils virent vne Comete tendant vers la grand cité de Cusco, laquelle dura enflābee la plus grand partie de la nuit: Atabalipà ne l'eut pas ſi toſt veuë que ſoudain il ne diſt: que auant long temps, il mourroit vn grand roy en celle Prouince: & fut ſa prognostication veritable, car ce fut luy ce grād Prince, qui effectua la ſignifiāce de celle Comete menaçant la maiſon de Cusco, & entendez pourquoy Pizarre le feit mourir. Tandis que Pizarre tenoit ce Roy Barbarē prisonnier, comme il ſe tint ſur ſes gardes, pour le cognoiſtre vn des plus fins, cauteleux, & diſſimulez hōmes qu'il euſt veu de ſa vie, auſſi deſcouurist il les menées, & cōspirations dreſſées par ce galant, qui dez auſſi toſt que fut pris, ne faillit d'enuoyer, & en Cusco, & à Quito, qui estoit ſon pays naturel, & bien fourny de vaillans hommes, aduertiffant ſes capitaines, que il estoit autant que mort, d'autant que il faiſeuroit que les Chrestiens ne le laiſſeroyēt long temps en vie: mais voyāt le bon traitemēt que luy faiſoit Pizarre, il renuoya d'autres meſſagers, nō pour remander ſes forces, ains pluſtoſt pour les haſter, afin que luy viuāt, on euſt meilleur moyen de ſe venger de l'iniure, & inuaſion faite par les eſtrangers. Cecy fut deſcouuert par vn Cacique ſeigneur de Caxamalca, qui aduertist les Chrestiens du grand amas fait en Quito par vn Capitaine apellē Luminabē, qui faiſoit eſtat de mener 200000. hōmes de guerre & 30000. archiers du pays des Caribes, qu'il diſoit eſtre de ces cruelz qui viuēt de chair humaine. Ceſt aduertiffemēt fut autoriſē par vn oncle d'Atabalipà qui le confeſſa y eſtār cōtraint par les noſtres: & neantmoins ne fut iamais poſſible d'en tirer rié du roy ſubtil, qui ſe monſtroit des plus aſſeurez, accorts, & ſubtils qu'o ſcauroit trouuer ez regiōs où les hōmes ſōt louez de cautelle, & ſubtilité. Ce qui fut occaſion que Pizarre feit lier, & enchaſner Atabalipà luy dōnant des gardes plus ſoigneuſemēt q̄ iamais, ſans attēter toutesſois rien q̄ il ne veit au vray la trahiſon de ce roy cauteleux deſcouuerte. Mais à la fin oyāt q̄ l'armée, la plus effroyable qui ſe fut eſcor leuée en tous ces pays Occidētaux luy couroit ſus, & q̄ ce roy viuāt, les chreſtiēs ne ſeroyēt iamais en aſſeurance, ioīt q̄ d'heure à autre, il estoit aduerty de ſes menées, pour ſoſter ce tourment de deuant les yeux, il le

condemna d'estre bruslé tout vif, sauf fil vouloit estre baptisé, qu'il luy promettoit de luy adoucir la peine, nō de l'absoudre, ny reuoker la sentence de mort sur luy gettée. Ainsi mourut publiquemēt iusticié, par l'ordonnance d'un petit compaignon, le plus puissant, & plus riche Roy de tout l'occident, & celuy qui pour le seul plaisir, & passetēps de ses yeux auoit fait saccager, & ruiner vne infinité de villes, & occir plusieurs milliers d'hommes sans occasion qui eust le moindre trait de iustice qu'homme sçauroit imaginer: & le plus grand bien qu'il feist de sa vie fut lors qu'à l'article de la mort, il voulut estre fait Chrestien, & receuoir le sainct Baptēme: soit qu'il le feist poussé de quelque remord de conscience, où craignant le feu qu'il voyoit préparé pour y estre getté dedans, neantmoins ne s'estonna onc de la mort, mais pria seulement Pizarre d'auoir l'honneur de ses enfans en recommandation. Quoy que ce grand Roy eut esté le plus grand tyran & cruel de tous les Princes de ce païs, & que personne presque n'eut occasion de le plaindre, ny plourer à cause de sa grand tyrannie: si est-ce que lors qu'on le porta en terre, on ne veit onc si grandes huées, & crieries que faisoient ses subiets hommes, & femmes, tant ilz ont en reuerence le nom Royal, & tant ilz plaignoient le defastre de cestui-cy, qui ayant assuietty de si grands Royaumes, il perissoit neantmoins, comme le plus vil & miserable homme de la terre. Pizarre pour ne mutiner point le peuple, fil eust occupé le païs, sans y mettre Roy de leur nation, ayant gaigné pour les Chrestiens vn frere du deffunct, & qui portoit le mesme nom, le presenta au peuple pour Roy de Cusco, & autres seigneuries, & accepté qu'il est, comme il luy voulut prescrire les loix, & hommage qu'il prenoit, & rédoit au Roy de Castille, le seign. Cuscuën le requist qu'il luy permist de faire suyuant que la coustume de son païs portoit apres qu'un Prince estoit mort, auant que son successeur se meit en estat de regner. Ilz ont donc accoustumé que le Roy estant decedé, celuy qui luy doit succeder en l'estat, demeure quatre iours enfermé en sa maison sans veoir aucun, ny parler à personne qui viue, car fil en vloit autrement, & mesprisoit la ceremonie ordonnée, il n'estoit ny craint ny obeï ny du peuple, ny des Caciques, seigneurs, ny Capitaines. Mais les quatre iours expirez tous les seigneurs se viennent presenter deuant luy, luy font la reuerēce, l'acceptent pour Roy, & luy baissent les mains, & la ioïe puis regardans vers le soleil, haucent les mains en hault, & le mercient de l'heur qu'il leur departist leur donnant seigneur naturel du païs, & sorty de la race & famille royale. Apres cela, luy mettent vne bande, & lange fort riche faite comme vn voile sur la teste, & autour du chef tellement dressée, qu'elle luy tombe presque sur les yeux, & celle est la couronne qu'on met aux Roys de Cusco à leur couronnement & le iour premier qu'ilz viennent à la dignité, & puissance de celle Monarchie. Or fault il noter que tous les Caciques & seigneurs subiets, & hommageables à ce grād Roy luy offrirent chascū pour soy vn beau pennache blanc pour hommage: & qu'auant la solennité, & le ieusne des quatre iours susdit, il n'est permis au Prince nouveau de se vestir richement, ny de monstrier autre visage que plein de tristesse, mais aussi tost que la susditte ceremonie est

Mort ignominieuse du Roy Atabalipà.

Atabalipà baptisé à la fin de sa vie.

*Atabalipà 2.
succede à son frere.*

Dueil pour le roy deffunct quel en Cuscu.

Ceremonie & couronnement du Roy en Cusco.

LIVRE QUATRIESME

*Seign. de Cusco
mangent à terre.*

mise à fin, on n'orroit pas Dieu t'oner, du grand bruit des tabours, trôpettes, & cris que tous font de grand allegresse, les vns chantans, les autres dançans ainsi qu'ilz ont de coustume en toutes leurs solennitez, & festes publiques. Là voit on ce grand Roy assis, ayant les seigneurs autour de luy sur des sieges couverts de draps de diuerses couleurs, & figurez d'or fort richement, & sous les piedz des carreaux de mesme parure, & banquetent ensemble sur la belle terre, car ils n'ont aucun v'lage de table, ny treteaux, s'ilz ne l'ont appris dès le temps que les espaignolz y commandēt & que la pluspart d'entr'eux ont receu la foy du sainct Euangile. Ainsi Pizarre (reuenant à nostre histoire) pacifia aucunement l'estat du Peru, & fait iurer serment de fidelité à ce Roy Atabalipà second qui promist de bon cœur seruice, & obeissance au Roy d'Espagne, ainsi qu'en fait foy la relation du secretaire du susdit Pizarre, & qui estoit nommé François Scerez natif de Seuille, qui en fait le discours deuant l'Emp. Charles quint l'an de grace. 1534.

*De la grand Cité de Cusco au Peru, & guerres auant que les Chrestiens la
gaignassent, & mœurs des peuples qui y habitent. Chap. 13.*

*Quizquiz, &
Chilicuchimà re-
nouueller la guerre*



*Ruses de guerre de
ceux de Quito, &
Cusco.*

*Chilicuchimamis
à mort par les no-
stres.*

Reffé q fut l'estat du ieune Atabalipà, ce ne fut pas encor la fin des guerres, ny le repos des Chrestiens au Peru, d'autant que Quizquiz estât en vie, & grād ennemy des nostres ne cessoit de troubler tout : & Chilicuchimà tout prisonnier qu'il estoit, pouffoit encor la rouie, de sorte que Pizarre se veit en plus grand peine par le moyen de ceux cy, que presque il n'auoit esté, par les menées du tyran qu'il auoit fait mourir, d'autant que par tout où il marchoit, il voyoit la trace de ses ennemys qui brusloyent tout par où ilz passoyent : allans si sagement en besoigne que par le moyē des espions qu'ilz mettoient de toutes parts, l'Espaignol ne pouuoit les attaquer, ains aduertis de sa venuë, ils estoient plustost deslogez d'un lieu l'ayans saccagé, & bruslé, que l'autre n'y eust donné attainte : qui causoit que souuent il souffroit de grandes necessitez de viures, pour ce que l'ennemy donnoit le degast aux semences, & ne pouuoit auoir de l'eau, à cause que les indiens rompoient les canaux qui s'escouloyent des fleues par la campagne, & ne laissoient ville, ny bourgade qu'ils ne meissent par terre, ayant fait cest aprêtissage sous Atabalipà, qui sembloit prendre plaisir en la ruyne des hommes, degast des viures, & demolition des edifices. Je laisseray à part la bataille que gagnerent les Chrestiens contre vn chef des Idolatres nommé Narabaliba pres vn lieu dit Biscas, qui est vne ville grande, riche, & populeuse, assise sur vn costau, & chef d'une Prouince, assise entre Xaurà, & Cusco, d'autant que celle deffaite d'ennemys fut plus pour leur route à recommander, que pour grand perte d'hommes qu'ilz y feissent : mais le malheur suiuant les nostres pres vn pont que l'ennemy brusla, cuida causer la derniere, & parfaite ruyne des Chrestiens en celle Prouince, & tout par le moyē de Chilicuchimà, qui aduertissoit les Qui-

tiens de tout ce qui se passoit au camp des nostres : & n'eut esté que les Chrestiens separez çà & là trouuerent moyen de se reünir, & rassembler, c'estoit fait de leur esperance de se faire seigneurs du Peru. Cecy fut cause que Pizarre aduertty au vray des trahisons de Chilicuchimà le feit brusler tout vif, à cause que iamais ne voulut entendre à se faire Chrestien : ains estant sur le point de finir sa vie inuouquoit ne sçay quel Paccamacà que ce peuple croist & estime estre son Dieu, & c'est luy, à qui ilz font de si grâs presens d'or, argent, & ioyaux & qui pour asseurer parle à eux, le diable entrant en l'Idole, & leur donnant responce des choses qu'ilz s'enquierent de luy en leurs affaires. La mort de ce grand Capitaine estonna fort l'ennemy, voyant que les Chrestiens s'apperceuoient de toutes leurs fineses, & qu'il seroit désormais impossible de les surprendre n'ayans homme pour eux pres Pizarre pour les aduertir, à cause q' presque tout le pais hayoit à mort les officiers du deffunct Atabalipà. Ce qui encor donna grand moyē de se soustenir aux nostres fut vn neveu du Roy deffunct, qui estoit Cacicque de Xaurà, qui vint visiter Pizarre, & luy offrir secours, & faueur contre ceux de Quitò qui gastoyent tout le paisage, & qui avec Quizquiz auoyent deliberé de brusler Cuscò ville capitale de tout le Royaume : & pour ceste occasion ce seigneur fut fait Roy de Cuscò, affin que les naturels du pais ne se ioignissent à l'ennemy, ains suyussent leur seign. naturel à la guerre : & vfa l'on à sa creation de pareilles ceremonies que celles que on auoit obserué à l'autre son oncle, & au ieufne, dueil, & magnificence comme nous auons veu au chapitre precedent. Je ne descriray les ruses, subtilitez, embusches, & autres attentatz de guerre fais par les Indies, qui monstroyent par cela que la gentillesse de l'esprit reluit en chascun des hommes, & que la barbarie n'empesche point qu'à la force ne soit aussi iointe la sagesse pour la conduire : tant y à que si les Chrestiens ne se fussent hastez de passer la riuere qui est pres de Cuscò, c'estoit fait de la ville que les Quities eussent redigé en cendres. En ce mesme temps qui fut l'an 1534. on prist la cité de Xaurà où l'on trouua grand abondance d'or & d'argent, & sur tout quatre moutons tous d'or fin, dix femmes de mesme estoife si bien faites qu'il n'y restoit rien plus que la parole : & à celles cy ce peuple portoit si grand hōneur, & reuerence comme si elles eussent esté dames de tout le monde, les adoroit, & honoroit comme déesses, & les vestoit d'acoustremens riches, & precieux : les Pagez leur parloyent, & leur presentoyēt à boire & à manger tout ainsi que si elles eussent eu vie. En Cuscò fut faite la distribution des thesors tant pour le roy, que pour les Capitaines, & soldatz, à chascun selon son merite, y posa l'on les limites, & finages du terroir, & iurisdiction suyuant la coustume de l'Europe, y receuant pour citoyens ceux qui vouloyēt y habiter, ausquelz on impōsa loix, donna priuileges, tant pour estre nouueaux, q' pour les obliger, & à rebastir les lieux ruinez, & à deffendre la place cōtre l'ēnemy : laquelle estant & grande, & chef d'un Royaume puissant, ie tascheray de vous descrire, ainsi que ie l'ay recueilly de ceux qui l'ont effigée comme l'ayans venē, & en ayans mesuré le plan, & circonference d'iceluy tout à leur aise. Cuscò pour estre la place principale des Roys du Peru, & où les

*Paccamacà Dieu
des Indies à Peru.*

*Idoles d'or pur &
dorées en Cuscò :
sous l'habit de fem-
mes.*

*Cuscò mis sous l'o-
beyssance du Roy
d'Espagne.*

LIVRE QUATRIÈME

seigneurs faisoient ordinairement leur residence, est aussi belle, grande, & bien bastie y ayât de beaux Palais, & somptueuses maisons faites de pierre, & tresbien cimentées, d'autât qu'il y auoit peu d'hômes pauvres qui se tinssent en icelle, ains chascun seigneur, & Cacique y ayât son logis, ainsi qu'à Paris les Princes, & seigneurs taschent de s'y loger pour estre pres la personne du Roy souuerain. La plus grand partie des maisons de Cusco sont faites de pierre, les autres ont seulement les portaux, & face du logis de pierre, le reste estant de terre, mais si gentiment acoustree qu'on n'y scauroit rié trouuer q̄ redire: les rues droites, & faites en croix, bié pauees & par le millieu de chascune d'icelles passant vn Aquedutte tout cloz de muraille, mais sont fort estroittes, si qu'à peine vn homme à cheual passeroit par entre le mur du Canal, & celuy des maisons.

*Description de la
ville de Cuscò.*

Ceste cité est assise sur le hault, & crope d'une montaigne: plusieurs des edifices de laquelle sont sur la pointe du mont, & d'autres au pied d'iceluy, & en la planure la place est faite en quarré, assise au bas, & pauee de pierre fort menue, autour de laquelle sont posées les maisons, & Palais des seigneurs principaux de la cité, peintes, & ageancées fort proprement entre lesquelz logis le plus beau, est celuy d'un ancien Cacique nommé Guainacabà, où l'ouurage du portail est singulier, & tout de marbre blâc, & rouge, & d'autres couleurs doré, & acoustre tellement qu'on penseroit voir la façon de quelqu'un des plus experts architectes de l'Europe. Des deux costez de la cité passēt deux riuieres, qui ont leur source deux lieues par dessus Cuscò, & tous les deux sont pauez au fondz affin que l'eau soit tousiours clere, & sans souillure: & iacoit que l'eau croisse, si est-ce que iamais elle ne s'y desborde, & de tous les costez y sont les pontz par lesquels on entre en la ville. Du costé le plus fascheux du costau où est situé le corps principal de la cité ya vne forteresse faite d'une terrasse, & la plus part de pierre, les fenestres, & ouuertes de laquelle sont fort belles, & ayans veuë sur la ville pleine de chambres, sales, & bon logis, & au milieu vne grand tour ayant quatre coings esgaux, & la pierre dequoy cela est fait, si bien iointe, liée & maçonnée qu'on ne cognoit, ny apperçoit aucunement le mortier ny ciment qui en fait la conionction: les ouurages lisse, & polis, la manufacture si merueilleuse, les logis & estage tant diuers que ceux qui l'ont veuë n'osent affermer qu'en Italie ayt vne piece plus rare, ny mieux dressée. Et ce qui est d'esmerueillable en cest edifice, c'est de voir les pieces de pierre si grâdes qu'on diroit q̄ celles qui seruent d'en coigneures, sont de gros rochers, & escueilz, & iugeroit on chose impossible que main d'homme eut peu cōduire ces masses pierreuses sur vn haut edifice, si les pieces admirables de marbre, & autres pierres qu'on voit à Rome au Colisée, & l'Esquille saint Pierre, & si le Theatre de Verone, & Amphiteatre, ou Arenes de Nimes ne nous ostoient le doubte de ce miracle. La muraille estât double en ceste forteresse de Cuscò, entre les deux murs la terre y est à fleur des creneaux: si au large que trois charettes y chemineroient de front: en somme il n'y a Citadelle en la Chrestienté plus forte, ny mieux bastie, ny capable de plus grandes forces, à cause qu'on la dit suffire à loger cinq mille soldatz. Ce lieu seruoit aux Indiens de

*Bastimens de la
ville de Cuscò.*

*Description de la
Citadelle de Cuscò.*

*Armes gardées
au fort quelles.*

Magasin

Magasin pour leurs armes, à sçauoir massuës, lances, arcz, fleches, haches de Bronze, car de fer ilz n'en vsoient point, rondelles & Pauois, & pour pointz de Coton aussi forts presque qu'une anime, ou qu'une escaille : & des habits pour les soldats de toutes sortes, & couleurs, là mis par les seigneurs de Cuscò : y voioit on encor des couleurs d'azur, jaune & gris pour taindre leurs draps selon les fantasies des Capitaines assemblans leurs compaignies, du plomb, de l'Estain, abondance d'argent, peu d'or, diuerses couuertes, & le tout pour le seruice des gës de guerre : qui me fait iuger que ce peuple n'est pas si sot que les Bresiliës, ne si mal policé que ceux qui se tiennent parmy les Canibales. La cause de la fondation de ce fort, est recitée en ceste sorte, qu'il y eut vn seigneur du sang des Oreiôs, qui est vne ligne de ce pais, ainsi que les Ingaz en font vne autre, lequel venant de la region ditte Condisuie, laquelle est du costé de la mer Pacifique, & conquerat ce pais, comme grand guerrier qu'il estoit, iusqu'à Bilcas, & la Province de Collad, voyant le terroir beau, & agreable y bastist la cité, & y feit sa residence : mais pour mieux asseurer son estat, il commença le fort susdit, & le posa en lieu pour commander sur le reste de la ville. Cestuy y ayant donné tel commencement, vint depuis le vieux Cuscò pere d'Atabalipà, qui estant Roy de Quitò, v'surpa la seigneurie de ceste cité, & luy imposa son nom de Cuscò, comme à present elle en aporte le tiltre : & n'y a eu seigneur qui ne se soit efforcé d'embellir, & fortifier ceste Citadelle, & qui ne l'aye augmentée, d'où s'en est ensuyuie la perfection telle qu'à present on y peut contempler. Ceste Citadelle descourant tout le pays à l'entour, fait aussi voir à vn quart de lieuë de la ville, le long de la vallée selon les riuieres voisines, vne infinité de Palais, qui portent la face d'un grãd Theatre, à cause que le tout est enuironé de costaux, & fertilles collines, & qui seruent de passetemps & lieux de plaisir pour les seigneurs, & Caciques soy tenans en la ville. Ces maisons susdittes seruent de Magasins, & sont comme les greniers du pays à cause q'c'est là qu'on retire les viures, fruits, Mahiz, cotons, laines, armes, metaux, & autres choses necessaires pour la vie humaine, seruent aussi aucuns de ces Palais pour y garder les tributs deuz au seigneur, les vns desquelz ne sont que des plumages, aussi en tel lieu y a qu'on garde plus de 100000. pennache, & desquels on fait des robes autant gentilles qu'homme pourroit imaginer en somme n'y a chose aucune qui puisse seruir de laquelle le Cacique, & seigneur n'en tire gabelle, & tribut, & le tout est gardé en ces magasins pour le seruice, & frais de la guerre s'il escheoit qu'il faille auoir affaire à quelqu'un. Au reste il y a vne loy parmy eux, qui est qu'aucun seigneur n'a cõgé de demourer au Palais de son predecesseur comme en son heritage en ce vallõ, ains fault que face bastir lieu propre pour luy, l'autre seruant aux cõmuns vsages du Royaume : qui est cause que ce lieu de plaisir est presque aussi grand & bien basti que la ville mesme de Cuscò. Chascun seigneur ayãt son buffet d'or & d'argẽt, ses meubles, vtẽsiles, vestemens, & ioyaux quoy, qu'il meure, si est-ce que son successeur n'y prend rien, à cause que le seigneur mort à pareil seruice ainsi desfunct qu'il est, cõme si encor il estoit en vie : & sont ses seruiteurs, femmes, & enfans aupres de luy le seruans

Cause de la fondation de ce fort.

Cuscò pere d'Atabalipà embellist & nomma ceste ville.

Palais des Princes à quoy sont destinẽz, à Cuscò.

Les mortz iouissent de leurs maisons, & ioyaux en Cuscò.

*Service fait aux
seign. deffuncts en
Cuscò.*

*Guainacabà roy
adoré en Cuscò, &
comment.*

*Moyen qui a fait
les Espagn. seign. du
Peru.*

& iouïssans du sien aussi bien que iamais, sement le Mahiz, font le breu-
uage de dattes pour luy qu'on leur met souuent en quelque quantité dās
leurs sepulchres, entant que (comme i'ay dit) ils croient que les mortz
boient, & mangent en l'autre monde: les femmes filent la laine, & le co-
ton, la tissent, & en font des robes, qu'elles presentēt au seigneur deffunct,
& le reste sert pour l'usage de ceux qui le seruent: & tous ensemble, ho-
norans le mort, adorent le Soleil, ainsi que font les autres qui habitent en
tout ce païs descript cy dessus. Mais sur tous les Caciques mortz qu'on y
adore n'ē y a pas vn tāt respectē que Guainacabà, qui fut vn Roy fort re-
doutē, & qui regna sur presque tout le Peru, & iusqu'à la mer, & goulphe
qu'à present on dit de S. Mathieu, à cause que cest homme fut aymē gran-
dement des siens, pour les auoir deffenduz des Caribes de Colad, & des
courses de ceux de Quito. Ilz le craignent encore tout mort qu'il est, &
ont son corps tout entier en la ville de Cuscò, enuelopē dans de riches, &
precieux habits, ne luy manquant que le bout du nez seulement: & pour
cognoistre en quel pris ils ont eu cest homme, ils ont deux autres images
luy ressemblans, qui sont faites de croye, dedans lesquelles on a mis pour
reliques le poil & les ongles qu'on coupoit, & rognoit de son corps tan-
dis qu'il viuoit, & les abillemens qu'il portoit que ce peuple honore avec
telle reuerence, comme si ces choses sans ame auoyēt en elles quelque di-
uinitē. Aussi tirent ilz souuent ce corps de son lieu, & le portent en place
publique chantans, & dançans à l'entour, & les aucuns ne cessans iour, &
nuit de chasser les mouches avec vn esuentouir. Et si quelques seigneurs
du païs vont visiter le Roy, il fault qu'auant que le voir ils aillent remer-
cier ces images de croye, & puis le corps de Guainacabà, deuant lequelz
ils font des grimaces, & sortes ceremonies qu'on se fescheroit d'en lire la
moitié: & à ces festes s'assemble plus de 50000. personnes de toutes parts,
desirans de iouir de la veuē de chose si sainte par eux estimée. Au reste ne
fault penser que l'Espagnol soit paisible possesseur de tout ce païs d'autāt
qu'il n'est point vray-semblable qu'une poignée d'hommes qui y sont pas-
sez, fut suffisante de vaincre les milliers des Indiens assez bien armez, vail-
lans, & hardis en guerre, enuironnez de montaignes, & riuieres, & le païs
y estant si facheux que les cheuaux à peine y peuuent aller sans se deffer-
rer à tous les coups, & d'auantage eux n'y ayant peu conduire l'artillerie,
pour estre Cuscò esloigné de la mer, & le païs mal aysē à rompre pour
faire passage. Mais ce qui leur a dōné ceste entrée n'a esté par autre moyē
que de la dissensiō qui estoit entre ceux de Cuscò, & de Quito, car supor-
tans les vns, & affoiblissans les autres, ils ont mis le pied en leur terre, se
sont enrichis de leurs thesors, & ont gaignē les emboucheures des rui-
eres, & fait bastir aux bords d'icelles, & pres la mer, & sur les passages des
montaignes, affin de tenir à leur deuotion les lieux où ils scauēt que sont
les mines d'or.

De la Prouince de Colaò, mœurs des habitans d'icelle: & en general des
façons de tous ceux qui se tiennent au Peru. Chap. 14.



A plus esloignée region du Peru est celle qu'on nō-
me Colaò, qui est desia exposée aux rigueurs de la
froidure vers l'Antartique, & de la tropique de Ca-
pricorne à quelques trente degrez de l'equateur: &
est ce país si esloigné de la mer, que les habitans en
iceluy n'ont aucune cognoissance d'icelle, la terre y
est haulte, & mediocrement en planure, sans presque
pas vn boys, ny forest pour leur chauffage, tellement que pour brusler
ils n'ont autre cas, sinon ce que ceux qui sont voisins de la mer leur apor-
tent, & lesquelz s'appellent Ingres, & encor ceux qui se tiennent le long
des riuieres aux lieux vn peu plus chaults, avec lesquelz ilz eschāgent des
brebis, & autres bestes, des legumes, & Mahiz pour du boys. Or viuent
ceux de Colaò fort mecaniquement de racines d'herbes, de Mahiz, & de
plusieurs choses de peu d'effect, nō que le país soit infertile du tout, & que
les bestes n'y soyent en grand abondance, ains seulement y obstant la ty-
rannique exaction du seigneur à qui ilz font, & doiuent obeyssance, au-
quel ilz sont si subietz qu'il n'y a homme si hardy, soit il gouuerneur, ou
seigneur, qui osast sans licence du Roy occir ny manger de beste quelle q̃
ce soit, & fault que les Caciques ployent sous la rigueur de ceste ordon-
nance. Ce país, pour estre ainsi esloigné, n'a point esté ruiné des guerres
entre les Ingaz & Oreions, ny par les cōquestes des Quitiens, ainsi que le
reste des terres du Peru, & par ainsi ne sont aussi gastées, ny les villes, &
villages mises à bas: & y batissent assez sobrement, n'ayans point de grā-
des villes, ny des bastimēs que fort bas, bien que les murailles y soyent de
pierre, de laquelle ilz ont plus d'abondance que de boys, & de terre, &
couurent leurs maisons des pailles de leurs Mahiz. Au reste ne fault esgal-
ler ceste terre à celles de Cuscò, Tumbez, ny Quitò en chose quelle que
ce soit, entant que la magnificēce des autres obscurcist la pauureté de ce-
ste cy, qui n'a rien que donner aux estrangers q̃ du bestail, & encore fault
mendier le congé de vendre le sien propre, tant ilz sont esclauēs, là où es
autres les habitās peuēt eslargir, & or, & argēt, & laines, & coton, & pier-
rierie sans q̃ les Ingaz, ou Caciques leur dōnent empeschement, ne se sou-
cians de rien pourueu qu'on leur paye tribut selon l'ancienne coustume.
En Colaò, n'y a de si belles riuieres qu'au reste du Peru, ainsy sont les fleu-
ues, & rares en nombre, & non de guere grand largeur, & gueables il est
bien vray qu'au milieu de la Prouince y a vn Lac de merueilleuse grādeur
& estendue, tellement qu'on le fait ayant de longueur, & circuit plus de
cēt lieuēs, & c'est où le pays est le mieux peuplé, & ou croist le plus d'her-
be, & par consequence y a plus de bestail, & abondance de toutes choses.
En ce Lac y a deux Isles, en l'vne desquelles se voit vne Mosquée, ou tem-
ple, & maison du Soleil tenue en grād pris, soit de temps ancien, ou de la
memoire de ce siecle, par tous les peuples voisins, & y vont fort reuerem-
ment en pelerinage, y portēt leurs offrandes d'or & d'argent, & autres ri-

Colaò Prouince
vers le pol An-
tartique.

Pauureté de ceux
de Colaò.

Lac de Colaò de
grand estendue.

Temple du Soleil
riche en Colaò.

LIVRE QVATRIESME

chesses faisans leurs offrandes, & sacrifices deuant l'idole sur vne pierre fort grande qu'ilz nomment Tichicafà: & là le malin esprit abuse ce miserable peuple avec ses responsees, ainsi qu'en plusieurs autres endroits leur predisant les choses aduenir selon qu'il luy en font leurs demandes. C'est merueille du grand nōbre d'hōmes qui sont employez au seruice de ceste idole, & des femmes qui ne font riē autre cas que brasser le breuuage du païs nōmé Chicà, qu'ilz espendent sur la pierre Tichicafà pour sacrifice, ainsi qu'auons dit qu'on fait en Cuscō sur le tombeau du Cacique Guainacabà, & qui est encōre vne obseruation des anciens, qui espendoyent du vin sur l'autel en faisant leurs sacrifices. Si la Prouince de Colad est pauvre en vne chose, elle est aussi abondante en vne autre, ayant delà ce Lac, les riches mines qu'on nomme de Chuchiabō pres vne riuere, & sur la source d'icelle faites comme vne Grottesque par la bouche de laquelle ilz entrent pour y cauer, & creuser, saydās non de fer, ou autre metal, à fouiller les metaux, ains en font l'office avec vne Corne de Cerf, & portent ceste terre hors la grotte avec des cuirs, & peaux de certaines bestes qu'ilz cousent ensemble, tout ainsi q nous faisons les sacz par deçà, ou cōme les boucz esquelz on porte l'huile. Le moyē qu'ils ont à lauer la mine est qu'ils tirent du mesme fleuue vn vase d'eau qu'ils gettent sur quelques grandes pierres lissées & vnies, qu'ils ont le long du bord de la riuere, & là dessus gettent la terre de la mine, puis tirent petit à petit l'eau par vn canal du vase, laquelle emporte la terre à bas, & l'or demeure net sur ceste pierre. Les mines sont profondes en terre, & si estroite l'etrée qu'il n'y peut qu'un seul homme de front, & sont d'ordinaire quelques 50. tant hōmes que femmes employez à fossoyer l'or, & le tout pour le Cacique principal: auquel ils portēt vn si grand respect q merueille, & qui a à chacune mine des gardes lesquels sont si diligēte sentinelle sur les fossoyeurs & affineurs des metaux, qu'il est impossible d'y esgarer aucune chose, & sur le soir fault que chascun porte l'or qu'il a ramassé au commis du Prince, qui se tient là prés en vne maison ne seruant q pour le thesor recueilly es mines. Il y en a d'autres en diuers lieux, d'autant que tout le païs est rempli de semence d'or, & lequel on ne fouille point que certaines saisons de l'an, à sçauoir lors que le Soleil reschauffe vn peu la terre, à cause que les manouuriers ne sçauroyent durer au traual, pour le froid excessif qui y regne. Le peuple de ce pays est fort priué, domestique, & sans rien de malicieux, non à tout le moins, qui aproche de la finesse & meschanceté des autres habitans du Peru: adonné au possible à faire seruice à chascun en tout ce qu'ilz peuuent, à quoy ilz sont si acoustumez que quelque chose que leur Cacique ay à faire, il ne fault qu'il commande entant que ses subiets s'offrent assez d'eux mesmes à executer ce qu'il a en fantasie: & s'il fault aller en guerre, il a tout soudain des hommes prests à porter tout le bagage, & de sa suite, & de son armée: ilz sont grands, puissans, robusts, ayans fort grandes mains, le visage assez beau, les yeux vn peu hideux, & terribles, mais & hommes, & femmes sont sales, & vilains en leur manger, & boire, & sans ciuilité quelconque en toutes leurs actions: Quād au pays voisins de la mer il y a plus d'hōnesteté vn peu qu'ē Colad.

*Boisson espendue
deuant l'idole de
Colad.*

*Comme on lue la
mine en Colad.*

*Tout l'or tiré des
mines est au Roy
en Colad.*

*Quel le peuple de
Colad.*

tous estans vestus de coton, là où les Colaens portent des peaux pour leur vestement : les autres vivent de Mahis cuit, & dur, ne prenans plaisir à le manger cuit freschement, comme aussi ils mangent la chair à my crüe, & sur tous vivent ainsi ceux que nous auons appellez Ingres, le pays desquelz dure pres de cent lieues de long, & 50. de large, estant hault & fort de montaignes, & riuieres, nō guere chargée de boys, que le long des fleuues, & où tousiours presque on voit la nege y blanchir abondamment. Neâtmoins le peuple y est plus acostable, & vsant plus de raison que ailleurs & mieux q̄ aucun de ses voisins, net, & propre, bon guerrier, disposé, & gaillard en ce qu'il entreprend, riches en or, à cause du nombre grand des mines q̄ ilz ont en leurs montaignes. Car de ceux qui se tiennent le long de la mer, les seig. n'en ont iamais tenu aucun compte cōme les estimās fort pauures, & de nul effect, à cause q̄ s'ils s'en vouloyēt seruir en guerre, & les menoyent vers les pays montaigneux, où il fait froid, soudain ces maritimes acoustumez à la chaleur, y deuenās malades, seruent de plus d'empeschement que ils ne peuuent donner d'ayde à celuy qui les conduit: tout ainsi que en aduiuent aux Montaignars, s'ils vont se tenir le long de la marine. Mais ceux qui habitent au dedās des mōts, sont tous sauages, n'ayās ny maisons, ny semences que bien peu, se nourrissans de fruits, & logeās aux creux des rochers & grottesques, & si pauures que tout le tribut qu'ils donnent aux Roys de Cuscō à qui ils sont subiets, consiste en plumages de Papegaux, & autres oiseaux. Tout le pays suiet au royaume du Peru est fait en croix, iāçoit que de grand estenduē, & va le pays en s'eslargissant dēz Xaurā tirant à Cuscō, & s'esloignant de la mer pacifique (car la mer Oceane regarde les Bresiliens) & les seigneurs qui ont commandé au Cuscō, & qui se tenoyent en ce Royaume Cuscūen, apelloyēt le terroir regardant la Prouince Quitō, Caucasuetie, & Colao, Collasuie & celuy qui auoisine la mer porte le nom de Condisuie, & l'autre qui est esloigné est appellé Candasuie, & ainsi ils enclouoyent toute leur iurisdiction & seigneurie.

La Condisuie vers la mer, est terre petite, & non de grand estendue, plaisante toutesfois, & gentille quoy que pierreuse, & chargée de montaignes, mais les riuieres qui y sont & qui s'escoulent en la mer de Sur, ou du Ponent, font que le pays y est fertile & boscageux, iāçoit q̄ en diuers endroitz il soit sans habitation à cause des montaignes: lesquelles durent de Tūbez iusqu'à Xaurā, & de là iusqu'à la grand cité de Cuscō, tellement que si le chemin n'y auoit esté fait artificiellemēt il seroit impossible d'y passer ny à pied, ny à cheual, tāt tout est aspre, raboteux, & inaccessible: mais les seigneurs ont esté si diligēs que de ne laisser iamais ces chemins sans les faire pauer de pierres viues, & tiennent des maisons sur les voyes pour les pauer, & pour y mettre la pierre propre à ce seruice. Aussi y voit on cōme tous les monts qui sont aspres, & difficiles à y monter sont taillez par degrez, & en d'aucuns endroits on a esté contraint de faire des esperons de pierre pour soustenir ces montaignes, affin que elles n'accablāssent point les passants. Ceux qui se tiennent en ces monts, ont de belles maisons de pierre, & deux lieues en deux on y voit de beaux edifices pour y loger les seign. visitans les Prouinces, & à chacun bout de vingt lieues vne grand

Façon de vie des Ingres.

Ingres peuples quel, & quelles ses mœurs.

Montaignars au Peru hōmes fiers, & sauages.

Division du pays du Peru.

Condisuie quel pays.

Chemins faitz, à la main aux montaignes du Peru.

Ordre des villes au Peru.

LIVRE QUATRIESME

*Lits des Indiens
Occidentaux.*

*Cocà herbe pri-
sée par les Occi-
dentaux.*

*Deux sortes de
laine au Peru.*

*Femmes du Peru
se fardent.*

*Geans au Peru le
temps passé.*

ville chef de la Prouince, & à laquelle toutes les petites villes, villages, & hameaux, faut que rendent obeissance, ainsi que par deça en aduient aux citez sieges de Seneschaux, Baillifs, ou bien à celles qui sont erigées en courts souveraines. En somme en Colao, & pays des Ingres, & autres voisins des montaignes, le peuple y vit de Mahiz & bestail, ayās des pasteurs qui se tiennent loing des lieux où sont les semées, & qui ont certain cartier de la Prouince pour y passer l'hyuer avec leurs troupeaux, estās les habitans (comme dit est) par tout (sauf en Colao) gentils en leur habit, bien vestus, & chaussez, adonnez à haucer le gobelet de leur Chiccà duquel ilz s'enyurent, peuple obeissant, adonné à la guerre, & vsans des armes telles que nous auons descrit au chapitre precedant. Tous ces peuples en general couchent en des lits de coton, bien que aucuns en font de ioncs, de roseaux & herbes molles qu'ils ont tout le long de l'année, d'autres se contentent d'auoir les arbres pour pauillō, & courtines, & la belle terre pour leur giste. Le coton y estant semé y vient (cas merueilleux!) ainsi qu'il sort de terre coulouré diuersément de blanc, iaine, azuré, verd, & rouge, & biē qu'il n'y pleuue guere souuent, si est-ce qu'ils ont de la rousée saisonnant à plaisir leurs terres. Sur tout tant qu'ils ont de choses rares, ce que plus ilz priſent est vne herbe qu'ils nommēt Coccà qu'ils cherissent plus que l'or, & demande les lieux chaults, & exposez au soleil: ils la tiennent tousiours en la bouche, disans q̄ elle les desaltere en leur soif, & allège leur apēt, se ils sont assaillis de famine: c'est pourquoy ils en sement par tout, & la recueillent aussi toutes les saisons de l'année. Ils vivent autant, ou plus de poisson que de chair, & mangent le tout plus crud que cuit, se nourrissant de Loups marins, du poil desq̄ls ils se curent les dents, à cause qu'ils croyēt que cela empesche q̄ ils ne souffrent aucune douleur es genciues: ie laisse tout à escient les bestes diuerses, poissons mōstrueux, & oiseaux diuers en forme, beauté, & plumages, qui sont en ces pays: & ne mettray en ieu les moutons à laine fine, & autres qui l'ont comme celle de noz cheures: de la fine on fait les habits, materaz, chausſes, & couuertures pour les grandz seign. & le petit floquet que les Roys, & Ingaz portent sur le deuant de la teste & au front affin d'estre remarquez parmy les autres. Le vulgaire se fait des habits de l'autre sorte de laine, qui sont faitz comme chemises & serrent leur teste par dessus leurs cheueux avec vne bande faite tout ainsi que la fangle d'un cheual: les femmes s'y fardent toutes, & ont leurs chemises longues iusqu'aux pieds, mais sans manches, biē est vray que par dessus elles portent de petits manteaux qu'elles agraffent avec des espingles & attaches faites d'or, & d'argent: & quoy q̄ elles soyent ainsi mignōnes, que elles fatissent & parent mignardement, si sont elles de grand labeur, & secourent leurs maris en toutes leurs besoignes. Ces gens disent que le temps passé ils ont eu des Geans en leur pays, & en monstroient les statues, & simulachres hors de toute proportion aux Chrestiens, voire trouua l'on des ossements, des dents, & autres parties du corps humain, qui estoient d'une grandeurs hors la commune stature des hommes: mais celā n'est du tout hors de foy, veu que encore à present ceux qui sont le long de la riuere de Plate sont grans à merueilles, & tels qu'on en voit qui ont

& dix, & douze pieds de hauteur, & si forts & puissans que Hercule n'est à dire fabuleux ny monstrueux, à qui regardera la puissance effroyable de ces hommes, que aucuns ont nommez Patagones. Le pays y est si sain que iamais homme n'y ouyt parler aucunement de peste: & iadis ces gës quel-
 que grand abondance d'or, & d'argent qu'ils ayent, n'vsoyent de monnoye quelconque, & moins sçauoyent ils que valent les lettres, pour declairer le concept de leur esprit aux absents, mais depuis que les Chrestiens sont par-
 my eux, ils ont laissé ceste brutalité, & ciuilsent leurs mœurs avec la gentillesse de ceste cognoissance, qui seule monstre l'image de l'ame, & le secret de la pensée à ceux qui sont esloignez de nous. Quant à l'architecture ils y sont fort experts, comme pouuez cognoistre par ce que auons dit du bastiment de la citadelle de Cuscò, qui est vne des plus belles pieces de l'vniuers: & pource que nous auons parlé des grosses pierres q'ils mettent en besoigne, il faut sçauoir avec quel moyen ils les portent iusque au plus hault des edifices où ils les veulēt asseoir avec de la chaux & mortier, ainsi que nous en vsons icy en cimentant les edifices. Voulans donc mōter ces grans pierres, ils mettent de la terre cōtre le mur suiuant la hauteur du bastiment, & à mesure qu'on accroist la muraille, d'autant qu'ils n'ont point des engins pour tirer en hault la pierre: & parainisi leur fault grand nombre d'hommes, & pour porter la terre, la dresser & fouler, & pour rouler les pierres iusqu'au lieu de l'edifice où elles sont requises. Quoy que il en soit les pauez des chemins publiques, & les murs qui les enferment sont plus dignes d'admiration que tous les Colosses, ny Pyramides d'Egypte, entant que souuent on trouue de ces murailles cōtenans plus de 50. lieues qui monstre biē la richesse de ce peuple, & la curiosité, & bon mefnagement des Roys à qui il fait obeissance, entant qu'ilz ont employé leur richesse non en choses superflues ainsi que les Rois Egyptiens, ains en ce qui est pour le prouffit de tous, & soulagement de toute la Prouince, voire pour l'aide de ceux qui y voyagent. Or vsant comme d'vne repetition de tout ce que dessus, & embrassant tout le pays du Peru souz la generalité de ces coustumes, suiuant ce que i'en ay recueilly des Espaignols qui estās avec Pizarre, nous en ont laissé par escrit les memoires, ie dis que ceux du Peru vsent pour le plus communément pour armes de fondes, gettans, & Armes en general des habitans du Peru.
 ruans la pierre, & droit, & si roidement que d'un coup on a veu quelque-fois qu'un Indien à abatu un homme d'armes Espagnol par terre: ilz ont des arcs, & flesches acérées, le bout desquelles est d'or, d'argent, & de brōze, tout ainsi qu'ils en font à leurs piques qui sont de Palmier, à leurs haches, dards, & halebardes: & fident de quelques morions de metal, & de bois, & des animes, & corselets tous rembourrez gentiment de coton, & ne sont si bestiaux qu'on dir q'ils sont les Ameriques, qui ne sçauēt cōpter plus hault que de cinq: là ou ceux-cy comptēt vn, dix, cent, mille, dix mille dix cens mille, & tousiours allans en accroissant le nōbre: ayants des gets faits de pierres menues & gentilles, ou de nœuds de cordes de couleur: & comptans si rondement, avec telle facilité, & certitude que les Espaignols festonnoyent de l'esprit, & subtilité de ce peuple qu'ils estimoyēt brutal, Dēz, quelz, au
 & barbare: lequel encore iouē aux dēz, n'en ayans toutesfois qu'un, lequel Peru.

Patagones Gēts à la riuiero de Plate.

Pays du Peru sās peste.

Monnoye, Et les tres iadis incongnues au Peru.

Avec quel engin ils portēt les grāds pierres.

Chemins pauez au Peru.

Armes en general des habitans du Peru.

Comme ceux du Peru comptent & gettent.

Dēz, quelz, au Peru.

LIVRE QUATRIÈME.

est fait à cinq carrez & faces, tout ainsi que celuy qu'on fait par deça pour iouer au sort, & sur le liure de la fortune: cecy fait cognoistre qu'il est impossible que iadis ce peuple ayt esté sans auoir quelque cognoissance plus grande que celle qu'il a à présent, & que le temps passé ils ont sceu quelque cas des Mathematiques, ainsi que pouuons recueillir par le iugemēt qu'ilz font sur l'apparition des Cometes, & autres signes nō vulgaires des astres. Quant à leur viure, nous auons dit que ce sont les fruits, le Mahis, & legumes, & leur boisson vin de Palmes, & de Mahis, duquel ils s'enyurēt si biē, qu'ils en perdent tout iugement, discretion, & cognoissance. Ils ont grād, & presq̃ infiny nōbre de cheureuls, soit nourris en leurs maisons, ou courans par le pais peuplé, ou parmy la solitude des deserts, toutesfois si saintement tenus, & respectez pour estre sacrez au soleil, que les Roys Ingaz deffendirent sur peine de mort, que personne ne les chassast, prist, ny tuaist de ceux qui estoient vagans par le pais, & que ceux qui en auoyēt de propres, fils en prenoyent que le disme en fut porté au temple de Soleil, à Paciacama, & autres Guaches, ou Dieux, & idoles de leur pais, auxquels ilz les sacrifient, ainsi que dit est des brebis, & en aucuns endroits des hōmes mesmes. Or ces Ingaz ne feirent pas ceste loy, & ordonnance, tant pour le respect du seruice de leurs idoles, que prenās esgard à la police, & craignās d'auoir faulte de chair, fil suruenoit quelque grād guerre, fil estoit permis indifferement à chacun de chasser ces bestes: ainsi courant du mâteau de sainteté & religion cest edit, ils obtindrent du peuple & Caciques, ce que autrement ils n'eussent gaigné sans se mettre en hazard de les faire mutiner. Les mariages au Peru ne sont guere respectez, & les hommes ne se soucient guere d'aucun degre de consanguinité, iacoit que les Ingaz punissent ceux qui osent abuser des femmes, ou qui sont leurs espoules, ou qui seruent en leurs palais, mais hors de là, on n'a guere grand esgard à loy aucune: voire les femmes ne font point d'estat de celle loyauté qui est requise en mariage. Aussi espouse chacun tout autant de femmes que il luy vient à la fantasie, & telles qu'il luy plaist, y ayant des Oreions qui ne font point conscience d'espouser leurs propres sœurs. Iacoit qu'ils soyent bien esloignez de Calcuti, si gardent & suiuent ils la loy des Calcutiés, entant que ce ne sont point les enfans qui succedent à vn pere, ains les fils de la sœur, & ses neueux, si ce ne sont les Rois Ingaz, & seig. qui se dispensent de telle seruitude. Mais dequoy est-ce qu'ils heritent, puis que nous auons dit que l'heritage demeure aux deffunts, & qu'ils iouissent aussi bien de leurs meubles, & ioyaux, comme si encor ils estoient en vie? Au reste le simple peuple y est si riche, & bien aisé que il n'a aucun patrimoine, & n'en veut, & qui pis est, quand bien il le voudroit, si est-ce que les Princes ne luy souffriroyent en forte aucune, & ainsi la loy des successions y est du tout sans effort quelconque. Or si ce peuple est idolatre extremement, aussi a-il des vices tout propres à celuy qui ne craint le vray Dieu, & n'a aucune religion pure pour le retirer de sa meschanceté: d'autāt que le larcin y est acompté à vertu, ils se glorifient en leurs mensonges, la cruauté leur plaist, l'ingratitude est des apennages de leur gētillese, vilains en pailardise, detestables en Sodomie, ne se soucians de l'honneur, estimans la honte

Cheureuls au Peru sacrez au Soleil.

Loy sur la chasse des cheureuls au Peru.

Mariages au Peru quelz.

Femmes du Peru impudiques.

Successions quelles au Peru.

Vices generaux des habitans du Peru.

honte indigne de l'homme & la charité leur seruant de vice, & en somme traistres, cauteleux, & qui se moquent de la loyauté, tout ainsi qu'ils se rient de la trôperie ils peuuent en vsar en deceuant quelcun. Ils sont fort durs à receuoir la foy Chrestienne, tât pour ce que la doctrine leur en semble nouuelle, que pour estre contraire du tout à leur façõ brutale de vie, & se moquent, se disans contës d'adorer leur Paciacamà qui est createur de toutes choses, & q̃ ils ont en opiniõ q̃ soit celuy qui dõne clarté à tout le monde: & ne vouloyët plusieurs, quoy q̃ ia Chrestiennez, souffrir q̃ leurs morts fussent enterrez des eglises des Chrestiens, ains les portoyent aux Guaches, & réples en idoles, y vñs de leurs ceremonies & abomination, disans q̃ Iesuchrist & sa doctrine estoit pour les Espaignols, & q̃ leur païs n'estoit pour s'assuiettir à leurs fantasies. Aussi, à dire vray, les diuisions des chefs Chrestiés, qui ont eu charge du païs du Peru, ont retardé beaucoup l'auancement de la foy parmy ceste nation idolatre, à cause que les Ecclesiastiques ne pouuoient vaquer à la predication parmy vn si grand trouble de guerres ciuiles, chacun estant entétif à suiure le party de son amy, & le fauoriser de sa puissance, ainsi que pourrez lire au liure fait sur cecy des guerres d'être Pizarre, & les Almagristes: car les Euesques se meslãs des armes, & s'esloignãs de leurs troupeaux, ces gens qui n'estoyent encor bien fondez en la religion, & qui se plaisoyent en la vilennie passëe, facilement s'escouloyent, & alloient apres leurs desirs, & concupiscences: n'y ayât presque personne qui leur remonstrest leur faüte: il est vray qu'à present ils sont remis en deuoir, & recommencët à goustier ce q̃ ils auoyët discontinuë de cherir par le bon ordre q̃ le Roy Espagnol y a donnë, y enuoyant de bons gouuerneurs, & suffisans pasteurs en ce qui est de l'Eglise. Ceux du Peru en general mettët les morts en terre: & en embaument les aucuns comme les roys, & seig. desquels ils ont bõne opinion, leur mettât certaine liqueur par le gosier, laquelle ils tirët de quelques arbres souefs, flairäts, & qui sont aromatiques, ou les oignãs de certaines gõmes aussi precieuses q̃ pourroyët estre l'Aloëz, ou la Myrrhe du leuät. Encor ont ils coustume de garder les corps au dedans des creux des hautes môtaignes, à cause du froid, qui est cause que les drogueurs trouuët abondäce de bonne Mõmie par tout le païs, & Prouince de Cuscò, & sur tout en Tumbez & Colao, & le long des montaignes, qui le plus regardët le Nord, & sont exposées à la tramõtane: où les hõmes viuent fort longuemët, & y sont d'vne merueilleuse temperature, & sains au possible. La terre y est merueilleusemët fertile de sorte q̃ on a veu que d'vn seul grain d'orge, en sont sortis deux & trois cens, & d'vne escuellée de bled en prouffiter iusqu'à neuf cens, & les herbes qui portent racine, comme raues, refforts, & autres semblables, y deuient desmesurément grosses tant le terroir est gras: & y prouffitët merueilleusement tous les fruits qui ont iust soit aigre, ou doux, cõme Citrons, Orëges, & Grenadiers, & y viennent les cannes à sucre en bien fort grand abondance. On ne prend point disme sur leurs biës, quoy q̃ ce soit, ce que tous doiuent à celuy qui depart la doctrine spirituelle, ains sont content les gens d'Eglise de ce q̃ ce peuple leur donne volontairemët, affin q̃ il ne se faschast de telle leuée, & q̃ laissant la loy qu'ëcore il n'a fauourée q̃

Peruës se moquent de la religiõ Chrestienne.

Pourquoy au Peru la foy n'est reueue.

Sepulture quelle au Peru.

Mommies se trouuent au Peru.

Grand fertilité du Peru.

LIVRE QUATRIESME

*Force des peuples
du Peru, & de
leur pays.*

à demy, il ne se reuoltast, ayât apris la façon de guerroyer des nostres, qu'il pourroit facilement chasser de ses terres. Et si vous lisez les liures faits sur les cōquestes de ce país, vous verrez facilement, q̄ si l'Espagnol n'eut gagné le cœur d'aucuns Caciques, il estoit hors de sa puissance d'y mettre iamaïs le pied, veu le nōbre du peuple qui va en guerre, qui mōte qlquefois à 200000. & d'auâtage, hardis, vaillās, forts & robustes, hōmes qui souffrēt toutes les incōmoditez du chault & du froid, se contētās de peu, obeissāns à leurs Ingaz & Caciques, assez biē armez, fins, & rusez, & qui n'ignorent les surprises de guerre, & pour conclusion le país desq̄ls n'est guere acces- sible à cause des eaux impetueuses, & larges, & pour estre tout borné de montaignes dés Castille d'or, iusqu'au destroit Magellanique.

*De Panamá, & en general de tout le pays Indien obeissant aux Espagnols,
& consideration des peuples qui y habitent. Chapitre 15.*



*Gonzal Vadaioz,
Diego d'Ariaz
ont descouvert la
mer de Sur.*

*Coiuā riche pays
en or, & les esclaves.*

*Panamā premie-
re ville Chrestie-
ne des Indes Oc-
cidentales en ter-
re ferme.*

ource que pour aller au Peru suiuant la coste de la mer de Sur, & regardant le Ponant, le pays voisin de la cité de Panamá est comme vne clef, & passage, & qu'il fault courir le país de Nicaragua, ains que voir ceste estēduē par nous descrite cy dessus: ayās discou- ru que c'est du Peru, & terres en luy comprises, ver- rons aussi ces autres, affin de mettre fin à ce pays In- dien nouuellemēt conquis, & où tant de Chrestiens y ont finy leurs iours avec grand ahan, & tristesse. Gonzal de Vadaioz, & Diego d'Ariaz capi- taines renommez és conquestes des Indes, ont esté ceux qui courans dez Castille d'or, iusqu'à la mer de Sur, descouurirent aussi les terres de Pariza, Natan, & Coiuā, ayans ouy que les roys d'icelles estoient des plus riches de l'vniuers: & commença leur course dès l'an de grace 1515. A Coiuā ilz veirent les esclaves naturels du pays qui sont nais aux seigneurs, seruans leurs maistres à porter leurs hardes, mettre leurs semences en terre, tirer l'or des mines, & faire tout autre seruice à eux necessaire. Or pour ne les perdre point ils les marquent, ainsi qu'on vse pardeça à l'endroit des che- uaux & autres bestes, & sōt les caracteres, & noirs, & rouges, fait d'un oz ou espine de poisson, & pour ce faire, ils leur incisent & font des taillades sur les ioiēs, y mettans dedans d'une pouldre noire ou rouge si forte que les pauvres serfs seront cinq, ou six iours sans pouuoir rien manger, mais cela estant sec, il est impossible de iamaïs en effacer, ny oster l'impression, ny la couleur. Laissans Coiuā, & ses richesses qui sont grandes, voyons Pa- namā, qui iāçoit que ce ne soit presque rien, pour n'estre que vne petite ville, mal fondée, & mal saine, si est-ce que elle est des plus remarquées de tous les pays Occidentaux, à cause que elle est le grand passage du Pe- ru, & l'acheminement vers la mer pacifique: & à esté vn long temps le siege de l'audience Royale d'Espagne aux Indes, & le premier lieu où les Chrestiens ayent eu Euesque en terre ferme, ce que ie ramentoy vo- lontiers, affin que ceux qui dresseront des Chroniques, ayent ce respect que de laisser à la posterité la memoire du premier siege en ce monde

nouveau, & quelle fut la ville qui fut honorée de l'heur de voir vn successeur des Apostres en la predication du saint Euangile, puis que il plaist à Dieu, sur la declination, & vieillesse du monde, d'appeler toutes les nations à la cognoissance de la verité de sa parolle.

En ce cartier l'air y est bon si le vent souffle du costé de la marine, mais sil vient deuers terre, il y fait dangereux & mauuais: & nonobstant le pays y est fort fertile, abondant en ce qui est necessaire pour la vie, mais sur tout l'or y croist presque par tout: le gibier y est à commandement, la sauuagine n'y manque d'aucun costé, le poisson sy trouue à gré, & n'y a faute de perles quoy que non trop fines, & y voit on grand nombre de Crocodiles, qui toutesfois ne passent point la coste qui court la Prouince de Tumbez au Peru: on mange ces bestes en Panamá, y en ayant de si excessiuement grandz, que on en a tué ayans cent piedz de long. Les habitans de ce pays dancent, adorent, & viuent presque tout ainsi que ceux des isles de Cuba, & Haïti, differents en vestement, & parolle à ceux de Darien, & de Coiua que maintenant on nomme Castille d'or. Aussi paignent, & effigient ilz soit en or, ou boys leur Tui-ra, c'est à dire le Diable, en la propre figure que il leur aparoit, ainsi que auons veu cy dessus en l'isle Espaignolle: estant ce peuple fort suiet, & adonné au plaisir de la chair & paillardise, au ieu, dances, larcin & toute oisueré, donc ne fault s'esbahir, si Sathan l'a tenu longuement suiet & captiué sous le ioug de l'idolatrie. C'est pitié que plusieurs assurent que en ce pays y a des malins esprits, lesquels vont de nuit succher les mamelles des femmes, & lesquelles disent encor qu'ils les cognoissent, & marquent les nuits que telles folies leur aduiennent, estimans vn grand heur si elles conceuoient enfans d'un tel meſlange. Or ne fault s'estonner si ce peuple a esté embabouiné de ceste opinion, veu que les Romains ont bien creu q vn diable, ou à tout le moins Mars, aye iadis engrossé Syluie, de laquelle acointance soyent sortis les premiers fondateurs de leur ville: & puis que les prestres d'Anubis faisoient à croire aux Dames plus chastes de Rome que leur Dieu Egyptien conuoitoit leur beauté, & desiroit leur alliance: aussi les illusions de Sathan sont grandes, & ses ruses fort dangereuses, mesmement à l'endroit de ceux, qui sont priuez de la vraye lumiere de la cognoissance diuine. A Panamá y auoit deux sortes d'opinions touchant l'ame, aussi bien que iadis entre les Grecs, & en la fameuse escole des Atheniens: car les vns estiment que l'homme default aussi bien quād il meurt, comme de rien il vient en ce monde: & ceux qui estiment que les ames ſancantissent ainsi avec le corps, ne se foucient aussi en rien de leur sepulture, ny de fournir leurs tombeaux de Mahis, de vin de Palmes, ny d'esclaves pour les seruir en l'autre monde. Mais ceux qui pésent l'ame estre durable & immortelle, ſils sont seigneurs, ils se font enterrer avec leur or, arcs, & fleſches, pennaches, & abillemens: & à tous en general on donne du pain, & de leur boisson, & couuertures pour ſen ſeruir aux enfers. Mais aux Caciques la façon y est plus ſolennelle vſans de pareille ceremonie, que celle que auons deſcrite en l'isle Espaignolle, les faiſans ſecher au feu, & pendans les corps dedans des chābres voutées, & mettans avec eux

*Crocodiles d'ex-
ceſſiue grandeur
en Panamá.*

*Mars eſtimé pere
de Reme, & Ro-
mulo.*

*Panamaniés dif-
ferents en l'opiniō
de l'ame.*

*Sepulture des ſei-
gneurs & autres
à Panamá.*

LIVRE QUATRIESME

des seruiteurs pour les seruir en l'autre monde, & la femme que le mort aura la mieux aymée durant sa vie: & tandis que le corps est mis en terre, ceux, & celles qui doiuent l'accôpaigner au giste mortel, dancent, & chântent, & font cuire le poison qu'ils doiuent humer, puis s'estans resiouïs, l'aualent ioyeusement, & meurent en presence de tout le peuple: tellement que bien souuent on en voit & cinquante, & soixante qui se sacrifient ainsi aux ombres de leurs Caciques. D'autres sont si fots, & hors de leur sens, q se sentans fort assaillis de mal, & cognoissans que les forces leur manquent, s'en iroient au milieu d'une campagne pour là estre mâgez apres leur mort, des oiseaux, & seruir de pasture aux bestes farouches, le ventre desquelles leur sert de tombeau, & sepulture. Lors que les Roitelets, & Caciques sont au liêt de la mort, il fait venir ses enfans, & baise les pieds à ceux que il cherist le plus, & ce signe de baisement est l'ordonnance de sa dernière volonté, d'autant que ceux à qui il montre ceste faueur, sont par cela instituez ses heritiers, & ne peut on oster la couronne à celuy auquel il aura premierement fait cest hommage.

Comme les Roys en Panamà déclairent leur successeur.

Non loing de Panamà sont les isles des Perles, desquelles auons parlé cy dessus, & ne veux longuement m'amuser à deduire, comme est ce que ce peuple pefche ceste marchandise, d'autant qu'il y en a, qui en ont traité bié au long, ioint que si ie vouloy m'y arrester, il faudroit m'esloigner de la

Perles acquises en l'isle des perles en la mer de Sur.

matiere que j'ay plus à cœur que le recit des perles, qui y sôt belles, & des plus fines de tout l'Occident, & telles que on en a trouué qui valoyent, & furent acheptées 1200. ducats sur le lieu mesme: ie ne scay si le gouphc, & sein Persique en porte de plus cheres, & si les isles d'Ormuz & Baharâ en nourrissent de plus rares, & precieuses. Je feroiy tort au lecteur, si ayant décrit plusieurs Prouinces Occidentales j'en laissoy vne, qui est & des plus belles & riches, & qui ayant esté aueuglée plus que aueuglement en la saleté obscure d'idolatrie à receu de nostre temps le saint Euangile: c'est Nicaragua ainsi nommée du Roy qui commandoit en icelle, & le premier qui a receu la foy Chrestienne déz l'an 1522. par les moyens d'un Espagnol nommé Gilgonzal d'Auile, qui le feit prescher par un religieux de l'ordre de la Mercy. Comme ce peuple fut adonné du tout au sacrifice

Nicaragua descouvert par Gilgonzal.

Nicaraguës de quoy se plaignent les Chrestiens.

& effusion du sang humain, il ne se fascha de rien tant en se soumettant à la foy des Chrestiens que lors que il ouyt, que il ne failloit point se guerroyer l'un l'autre, ny dancer le iour de leurs festes: & disoyent que ils ne faisoient iniure à homme du monde en dancant, & prenans leur plaisir puis qu'aucun ne se plaignoit de leurs façons de faire: au reste qu'ils ne faisoient point difficulté d'estre baptizez & quitter les idolles, mais de getter leurs armes en un coing souz la garde des femmes, & s'amuser au labourage, ce n'estoit la vie d'un homme de bon cœur, ains plustost le fait d'un effeminé & sans aucune puissance. De ce Nicaragua est dit que estant homme sage, accort, & sachant beaucoup des antiquitez de sa nation, il s'enqueroit des Chrestiens, fils auoyet point cognoissance du deluge: car (comme ie vous ay desia dit ailleurs) ces peuples croyent ceste inondation ancienne les uns d'une sorte, les autres d'une autre, & fil en viendroit point un autre pour noyer & abymer, & hommes & bestes.

Demandes du roy Nicaragua aux Chrestiens.

S'enqueroit si la terre seroit vn iour renuersee c'en dessus deffouz, & si le Ciel tomberoit, & le Soleil, Lune, & estoiles ne perdroyent point vn iour leur clairté, & cours ordinaire: car ils tiennent que cela doit aduenir, comme aussi ilz croyent que le monde doit prendre fin. Demanda en outre la cause de l'obscurcissement de la nuit, & la raison du froid, qui afflige les homes: accusant par mesme moyen la nature en deux choses, que puis qu'il est ainsi que la clairté, & chaleur naturelle sont meilleures, & plus agreables que la froidure, ny l'obscurité, neâtmoins, elle n'auoit fait la chaleur durable ny la splendeur perpetuelle. Et comme ainsi soit que ce peuple adorast le soleil: ce grand, & sage Roy, quelque rude & Barbare qu'il fut, & quoy qu'allast tout nud, & fust sans lettres, ny doctrine quelcôque, s'enquist quelles graces il faillloit rendre, & comme deuoit estre adoré ce grand Dieu, qui a fait le Soleil, & tout l'ornement du mode: & où est-ce que les ames se retiroient sortans des corps des hommes, & qu'est-ce que elles faisoient apres estre sorties de leur prison. A la fin demanda en secret au Trucheman si les Chrestiens estoient venuz du Ciel, & enfans du Soleil, puis qu'ilz estoient si subtilz, & puissans, & que si sagement ilz se cōduisoient en leurs affaires: & à la fin de toutes ces demandes, & ayant obtenu responce, & satisfaction sur icelles, ne feir aucune difficulté de se baptiser. Les villes de Nicaraguà ne sont pas grandes, mais le nombre d'icelles supplée à la grandeur, les bastimens differens les vns des autres, selon la richesse des possesseurs, là où aux villages tout y est de pareille grādeur & mesme estoffe. Les temples & Palais sont ceins de grādes places, & en icelles sont assises les maisons des plus riches, & nobles du pays, ayans au milieu vn logis pour les orfeures, car ils besoignent tresbien en or & argent, & font de tres subtilz ourages. Mais par tout leurs maisons ne sont magnifiques, à cause qu'és Isles il y en a qui habitent (comme singes) dedans les creux des arbres, & y reposent de nuit, voire y dressent leur cuisine. Tous sont d'assez belle stature, tirans plus sur le blanc, que sur le bazariné, ny oliuastre: & dès leur enfance on leur fait vire fossette au milieu du fronc, estimans que celà soit le plus grande beauté qui soit en l'homme: & se rasent la moitié des cheveux par le deuant, mais les plus vaillans, & hardis, rasent tout, sauf vn toupet de poil qu'ilz se laissent au sommet de la teste: & se percent tous & le nez, & les leures, & oreilles, ainsi que ceux de Mexique, y attachans des aneaux & cercles, & autres ioyaux, portans mesmes habitz, comme aussi font les femmes, lesquelles se parent de Colliers, & carquans d'or, se chargent de brasseletz, & font si peu de compte de ce metal, qu'elles en enrichissent leur chaussure. Ce sont elles qui vont aux foires, & marchez, & font les eschanges, là où les hommes (si ce n'est en temps de guerre) s'arrestent à la maison pour faire du feu, acoustre à manger, & autres tels offices, voire qu'à Duracà & Caniore, ils s'humiliēt iusques à manier le fuseau & quenoille, & se croupissans pour pisser, & les femmes au contraire y pissant toutes debout, iacoit que tous ne viuēt point, & n'vſent de pareilles façons de faire. Ilz vôt presque par tout tous nuds se paignans de diuerses couleurs les corps, mais sur tout les bras sont embellis de telle peinture: & lient leurs cheveux aucuns par derriere, &

*Villes frequentées,
mais petites en
Nicaraguà.*

*Nicaraguens.
se rasent la teste.*

*Femmes de Ni-
caragua font l'of-
fice des hommes,
sauf en la guerre.*

LIVRE QUATRIÈME

Ceremonie de mariage en Nicaragua.

Punition des adulteres en Nicaragua.

Bigames comme punis.

autres sur le sommet de la teste: il en y a qui portent des brayes pour couvrir leurs parties honteuses, mais ce sont les hommes d'age parfait: & d'autres, qui se lient le membre entre les fesses, disant que cela sert à la generation, & qu'au reste c'est aux bestes sans raison de le porter pendant, & à l'homme de le serrer en ceste sorte. Leurs mariages se font ainsi, iacoit que chascun prenne plusieurs femmes, si en y a il tousiours vne qui est la principale, & est estimée legitime sur toutes les autres, & laquelle le mary prend avec ceste ceremonie. Deuant le prestre de l'idole qu'ils font icy luy les prend par leurs petits doigts, & les conduit en vne châbrette dans laquelle y a du feu allumé, lequel tandis que dure, le prestre ne cesse d'admonester les espousez; & si tost que le feu est estaint, aussi la ceremonie du mariage est consommée. L'homme espousant vne fille pour pucelle, & que puis apres il la trouue autre, la peut regetter, & laisser, mais autrement il ne luy est point loisible de la repudier: il y en a qui sont si bons, qu'ils donnent leurs femmes aux Caciques pour auoir la premiere pointe, tant pour honorer leur Roy avec ceste faueur, que pour se deliurer du soupçon de la corruption de sa femme. Il n'y a aucun qui aproche de son espouse, tandis qu'elle a son fluz (aussi ne font les Ameriques, ny Bresiliens) & ne couchent avec elles lors qu'ils sement leurs grains, ou qu'ils ieusnent: & lors aussi ils s'abstiennent du sel, & de toute chose qui peut les enyurer. N'est loisible à la femme souffrant ses moys d'entrer au temple, ny en lieu où soyent leurs idoles, & personne ne mange rien qu'elles attouchent, ny manient: & si vne femme est trouuée en adultere on la repudie, en luy rendant ce qu'elle a porté à son mary, sans que toutesfois elle oüst se remarier: l'homme aussi qui prend deux femmes legitimes, & avec la ceremonie susdite est condamné à tenir prison perpetuelle, & son bien est confisqué à sa premiere femme. L'homme qui est surpris avec vne femme mariée est puny à coups de baston, mais le tuer n'est point permis: au reste n'y a que les parens de la femme qui soient infamez en cecy, & l'homme qui veut se venger des cornes qu'on luy a planté sur la teste. Voire la femme qui se ioüe avec autre, qu'à son mary, n'y est point recherchée, si le mary l'ayme tant soit peu, & n'en reçoit peine, ny infamie, ains qui plus est, ilz sont si bons, & charitables qu'à certaines festes de l'an, ilz consentent volontiers qu'elles choisissent quelque amy pour se donner du bon temps. Au reste le commun c'est, que les femmes en ce pais là, ains que se marier ne sont guere chastes, ny pudiques, mais mariées que sont, elles changent de vie, & deuiennent fort honnestes, & vertueuses. Les filles qui sont sans party ont coustume certaines festes, & saisons de l'an de s'assembler, & eslire mary de la troupe des garçons, & iouuëceaux qui se trouuēt à telle feste. Quiconque viole, & rauist vne fille, & qu'elle s'en plaigne, il fault que il la dote, ou soit esclau des parens d'icelle: mais si c'est vn esclau ou seruiteur, qui se ioüe à la fille de son maistre, la loy, & vsage du pais porte qu'il soit enterré tout vif, sans que la fille en recoiue ny peine, ny aucun deshonneur. Les Bordeaux y sont receuz, & le payement de celles qui s'abandonnēt, & prostituēt est de dix Cacaos, qui sont comme petites noisettes, digne recompence d'un si vil, & poltron seruicē: & d'autant que ce

peuple est subiet au peché contre nature, quicôque est trouué en ces lieux où il y a des garles publiques, se soüiller en la Sodomie il est occis & lapidé sans aucune remissio ny grace. Les Nicaraguiens voyas les Espaignolz les oppresser plus que de raison, & les employer comme bestes au seruice des mines, feirent comme ceux de Haïti, ne couchas plus avec leurs femmes afin de n'engendrer des esclaves, & si quelque femme engrossoit, elle se faisoit auorter avec certaines drogues, ou bien suffoquoient l'enfant dès qu'estoit né, pour en oster la puissance à leurs seigneurs trop peu pitoyables: & si vn des gouuerneurs nommé Pedrariáz n'y eut pourueu, & n'eut flaté le peuple, luy promettant, & liberté, & allegiance de telle seruitude, c'est sans nul doute que dás cinq, ou six ans, il se fut veu sans subiets, à cause que plusieurs se faisoient mourir les vns de poison, & les autres ne prenaient aucune substance pour se tenir les corps en force. Souuét ce miserable peuple s'adressoit à ses idoles, prioit son Tuirà de chasser les Espaignolz de leur terre, mais le diable leur respondoit, qu'il ne pouuoit ce faire, s'il ne mettoit la mer sur leur doz, & que ce faisant, & cuidât chasser l'estrange, & le ruiner, il abismeroit les siens mesmes avec les flots escumeux de l'Océan. En Nicaraguà ceux qui ont faute, demandent ce que ilz ont besoing à ceux qui sont plus riches, sans les prier autrement que de leur dire, qu'ilz requierent cela pressé de necessité, ou estans assailliz de quelque maladie. Si quelqu'un entre les Nicaraguiens veut aller habiter en autre lieu que la ville de sa naissance, il ne peut vendre ny aliener sa maison, ny patrimoine, ains fault que les laisse à celui qui luy sera plus proche de sang. Leur iustice est assez rigoureuse, & les officiers des Caciques portent des baguettes, comme noz sergents en signe de la puissance qu'ils ont, celui qui defrobe est tondu sans qu'on luy laisse vn seul poil en la teste, & demeure l'esclau de celui, à qui il a fait le larcin, iusqu'à ce qu'il luy a fait satisfaction, lequel le peut & iouer, & vendre, mais non eschanger, ou mettre à rançon sans le consentement, & licéce du Cacique: que si cest esclau est longuement sans se rachapter de telle seruitude, il sert de victime, & sacrifice deuât leurs idoles, & en prennent leur curée, car ceux qui ne sont point Chrestiens sont aussi bien mage-hommes que pourroyent estre les Canibales. Ces peuples tous en general respectent tant leurs seig. & Caciques, que croyans que iamais homme ne seroit si detestable que de mettre violentemét la main sur vn Roy, ils n'ont aussi estably loy quelconque contre vn tel homicide, de tuer vn esclau, ny a peine aucune ordonnée: mais si quelqu'un occist vn homme libre de condition, fault qu'en rende vn pareil aux enfans, & parés de celui qui a esté occis. Et est le país si bien party, que tout ainsi qu'en Alemaigne, & Italie, il y a des seigneurs, & des citez franches, & non subiettes à Roy quelcôque: Où il y a Roy, n'est permis de faire aucune asséblée, & sur tout amas d'hommes pour la guerre, sans le commandement expres du Cacique: & s'arment les vns les autres à cause des limites, & finages, souuent pour la chasse, & pour moindre occasion, voire pour la querelle de se dire meilleurs, & plus braues que ne sont leurs voisins, & n'est là seulement qu'ilz sont ainsi chatoüilleux, & faciles à se guerroyer, ains en vsent par tous les

Nicaraguiens tacheut de se fester & pourquoy.

Responce de l'idole aux Nicaraguiens.

Les biens ne sortent des familles en Nicaraguà.

Pourquoy n'y a loy cõtre ceux qui occient le Roy.

LIVRE QUATRIESME

*Surquoy s'ot s'otées
les guerres des Ni-
caraguens.*

*Villes franches en
Nicaraguà.*

*Punition des
côuardz.*

*Medecins quelz
en Nicaraguà.*

*medecins quelz
en Nicara gua*

*Le diable appa-
roit aux Nicara-
guens.*

*Langues desquel-
les on use en Ni-
caraguà.*

*Mexiquan fugi-
tif en Nicaraguà.*

pays portans tiltre d'Indes Occidentales: & le plus souuēt ce qui les meut à l'entrefaire guerre n'est que pour enleuer des hommes affin de les sacrifier auz idoles, & se fâschâs de se souiller les mains au sang de leurs parēs iacoit que chascun festime plus que bien-heureux s'il luy escheoit d'estre choisy pour le sacrifice: & à chascun Cacique des enseignes, & marques particulieres pour recognoistre ses soldadz, & subietz d'avec les bandes de son voisin. Les villes qui ioiüssent de leur liberté eslisent vn chef toutes les fois qu'il fault guerroyer auquel elles donnent souueraine puissance de tout faire, sans qu'aucun puisse appeller de rien qu'il ordonne estât à la guerre. Le soldard qui craint de combattre, ou s'est porté cōiudemēt à la bataille, est priuē de ses armes, & chassē de la compagnie des autres: & ioiüst chascun de tout ce qu'il pille, & butine, sauf des prisonniers qui sont au public, & lesquelz il fault représenter sur peine de la vie, affin que ils soyent sacrifiez dès qu'ils sont retirez en leurs villes: aussi n'y a il moyē aucun de les rauoir par rançon, ny en eschāge, chascun se contentant fort d'auoir le moyen d'immoler, & mager son aduersaire. Et sont hardis, courageux, vaillans, & rusez en fait de guerre, & qui surprēnt fort sagemēt leurs ennemys, ainsi que souuent les Espaignolz en ont veu l'experience. Les vieilles femmes sont celles qui se messent de la guerison des malades, ainsi qu'en est la coustume presque par toutes les isles, & en la plus part des Prouinces de terre ferme: elles voulâs faire prendre medecine à quelque patient, mettēt la decoction premieremēt en leur bouche, & la soufflent avec vn entonnoir en celle du patient, & le guerissent en ceste sorte, mais leur guerison plus grande vient du cōseil des malins esprits que ils voyent à toutes heures, ainsi qu'ils disent, & confessent eux mēmes, tantost en forme de chiens, ores de Singes, vne fois en figure d'oiseau, vne autres ayans les gestes, contenance, & parolle d'vn hōme, qui les touchēt, & manient, & par iceux se disent ainsi alleges de leurs angoisses, & maladies. C'est grand dompage que la simplicité des Chrestiens, qui ont pénétré iusqu'en ce païs estranger, n'est esgalle à la rudesse du peuple decouuert, affin que tout ainsi que cestuy se monstre aisé à receuoir l'impresion du Christianisme, les autres fussent esloignez de l'ambition, & auarice: car si cela estoit ainsi, le diable y perdrait bien tost son regne, encore qu'il semble l'y auoir fermement estably. Comme ainsi soit qu'entre les Nicaraguens, il y aye cinq langues selō la diuersité des peuples, aussi chascun des peuples a diuerses façons d'adoration, lesquelles toutesfois se rapportent à vne, & de laquelle nous parlerons, ayans specifié le nom des lāgages qui sont telz: le Coribiciē, qui est fort loüē, le Ciorotegà, qui est le naturel du païs, & le plus ancien, & duquel vsent ceux qui ont droit de succession & qui peuuent vser de Cacaoz qui est la monnoye de leur terre, laquelle est faite de meslange de diuers metaux, & ayant la figure d'vne amande: ces Ciorotegaz sont cruelz, & subiets à leurs femmes, ainsi qu'auons dit cy deuant, ce que ne sont les autres, qui habitent celle Prouince. La quatriesme sorte de leur langue se nōme Ciondale, & de ceste cy vsent les grossiers, & villageois, comme Oroieguà est propre aux petis enfans: mais le principal est celuy du Mexique, iacoit q ce païs soit loing du

du Mexique plus de cent cinquante lieues, mais les Mexiquains se retirerent iadis en Nicaragua pressés de famine à cause d'une grande sécheresse qui assaillit leur terre si que quittés Auanac leur terre, qui est le Mexique ilz se mirèrent sur la mer de midy, & pénétrèrent jusques en ceste Province. J'ay amené tout cecy, à cause que cy dessus parlans du Roy de qui ceste terre porte le nom, nous auons dit qu'il estoit sans lettres, mais ne fault tellement prendre les choses, les mesurer, ou peser si seuerement que on leur oste du tout les Caracteres, non plus qu'à ceux de l'isle de Giapan de laquelle à esté fait mention cy deuant: ny les faire si grossiers qu'ayans la police bien dressée, l'ordre des offices, & la raison si gentille, ils soyent sans aucune lettre, ainsi que sont les Canadiens, Canibales Haïtiens iadis, à present les Bresiliens, & autres Ameriques. Car aussi bien peuuent ils auoir inuenté des caracteres pour s'exprimer, comme fait iadis Cadme, ny Nausistrat, ou quel que ce soit de ceux qui le temps passé ont eu la gloire de ceste premiere inuention. Je sçay que les Mexicains quoy que n'ayent ceste disposition certaine que nous auons en l'ordre de l'Alphabet, si est ce qu'ilz vsent de figures significatives tout ainsi qu'iadis auoient les Ethiopiens & depuis les Egiptiens en leurs Hieroglyphiques, & y a des traits propres pour l'eau, pour les champs, & pour les maisons, avec lesquels ilz escriuent sur du parchemin, & marquent la memoire de ce qui passe parmy eux, soit faisant iustice à chascun, ou descriuant les gestes de leurs Princes. Ainsi ceux qui sont venus de Mexique en Nicaragua vsent de ces caracteres, & les autres sont du tout sans lettres: les premiers suyuent l'adoration, & façons de faire en leurs ceremonies des habitans de Themistitan, & Panuccò, & les autres ont des coustumes qui leur sont toutes particulieres, & desquelles nous dirons ce qui ensuit. Il sont des Pagez, & Boitiz de deux sortes, (ainsi que ceux de l'isle de Giapan) les uns qui sacrifient seulement, les autres qui sacrifient, & oyent la confession des pechez de tout le peuple sans que ilz osassent dire un seul mot de rien qu'on leur die sur peine de la mort, comme aussi il ne leur est point permis de se marier, comme ainsi soit que tous les autres espousent femme aussi bien que le moindre d'entre le peuple. C'est à ces Prestres d'annoncer les iours des festes, desquelles ilz ont dixhuit, & icelles sur le commencement des mois ainsi que ces peuples les comptent, & considerent selon le cours de la Lune ainsi qu'ilz la partissent, & entendent. Quel que ce soit de ces sacrificateurs, qui doiuent sacrifier, car c'est des hommes que l'on fait la victime pour estre offerte sur l'autel du Soleil, fault que se tienne deuant le temple de leurs dieux, ou l'hostie, ou chose à sacrifier leur est amenée, & laquelle ilz ouurent, avec un couteau de pierre, ou d'un caillou bien tranchant, & acere. Ces hommes sanglans, & bouchers sacrez, (mais plustost execrables,) fault qu'aduertissent le peuple du nombre d'hommes qu'on doit sacrifier, & si ce seront homes, ou femmes, d'autant qu'ilz n'y vont si doucement que les Canibales qui espargnent les femelles pour en tirer lignée: annoncent si ce seront françois, ou esclaves pris en guerre ou autrement, disent comme la feste doit estre celebrée, quelles prieres il conuient dire, & qu'est-ce que le peuple doit offrir, non avec moins de peine que ceux qui iadis auoyent la

Nicaraguains ont des caracteres, & quelz.

Deux sortes de sacrificateurs à Nicaragua.

Canibales ne sacrifient point les femmes.

LIVRE QUATRIESME

*Desmembrement
des homes au sacri-
fice en Nicaragua*

*Sacrifice des esclaves
nō pris en guerre.*

*Nul libre sacrifié
entre les Nicaraguens.*

*Procession des idolatres
en Nicaragua.*

charge des ceremonies lors que Rome estoit souillée par l'abomination de l'Idolatrie. Avant donc que ce venerable sacrificateur assomme l'homme qu'il doit offrir, il fait trois tours autour de luy chantant vn lay fort piteux, & lamentable, puis luy ouure l'estomach avec le couteau sus nommé, luy souille le visage de son sang propre, arrache le cœur, & desmembre tout le corps en pieces, tout ainsi qu'en fait vn boucher estalant sa chair à la boucherie: despecé qu'il a le corps, il dōne le cœur au principal sacrificateur, les piedz, & les mains au Roy, les cuisses à celui qui l'aura fait prisonnier en guerre, & les entrailles aux trōpettes, le surplus seruāt pour le rassasiemēt, & passerēps du peuple, affin qu'aucū ne soit sans se sentir de ceste feste, la teste estant reseruee pour seruir de monstre, & memoire sur quelque arbre voisin, & qui est là rengé pour ce seul effect, ainsi qu'auons veu en l'isle des sacrifices: & grauant contre cest arbre quelque caractère signifiant la Prouince contre laquelle ilz voudront faire la guerre, ou avec laquelle ils sont desia en debat & querelle. Mais si celui qu'ils sacrifient n'est point proye de guerre, ains achepté, à cause que n'ayans de tel butin, ilz acheptēt des esclaves, ou arrestent les passans, ils vsent d'une façon pour y proceder: entant que l'ayā ouuert, on enterre toutes ses entrailles, & parties interieures, piedz & mains le tout mis en vne cocourde de telles que porte leur terre, & le cœur avec tout le reste du corps, sauf la teste, est brulé, & la teste demeure tousiours pour memoire aux arbres susdits. En default d'ennemy, & d'estranger, ilz se sacrifient de voisin à voisin, mais faut que le sacrifié soit achepté: aussi le pere a licence de vendre ses enfans, & chascun liberté de se vendre soy mesme, mais ceux qui sont offerts aux Idoles en ceste sorte, ne sont point mangez par les assistans: or quand on mange ceux desquelz est permis d'aualler la chair, ils dancent, saultent, & gambadent tant qu'ilz peuuent, & iusqu'à ce que les iambes leur deffailent de l'assitude, s'enyurent avec leur vin, qui n'est point de vigne ains de Mahiz, & de leurs fruitz, ainsi que par tout les coings de ce pais Occidental: & ayde à leur enyurement vne fumée de certaine pouldre qu'ils font expres pour cest affaire. Il est vray qu'auant que haucer le gobeler le prestre oingt & laue la face de l'Idole du sang de celui qui a esté sacrifié, & tandis ses compagnons chantent, & le peuple fait ses prieres fort humblement, & non sans pleurs, & larmes. Cecy fait on commence vne procession, les sacrificateurs ayans des robes blanches de Cotō, & des pieces comme bandelletes qui leur pendent des les espauls iusqu'aux talons, au bout desquelles y a (en lieu des houpes) des bourses, pleines de rasoirs de pierre noire des poinçons de quelque sorte de metal, du charbon en poudre, plusieurs sortes d'herbes, & drogueries. Le peuple d'autre part a des bandelletes desquelles chascun porte l'idole qu'il ayme le mieux, des sachets de pouldre, & des poinçons encor, l'usage desquelz vous entendrez bien tost en ceste ceremonie, comme aussi la cause pourquoy les ieunes garçons portēt arcz, fleches, & boucliers, & pour baniere l'image du diable, ainsi qu'on la paint au Mexique, & en Calicuth, & que le plus vieil, & honorable sacrificateur de toute la compagnie fault que porte deuant tout le peuple. Ceste troupe de Pagez, & sacrificateurs marche d'ordre en

chantant tousiours iusqu'au lieu de l'idolatrie, & estans là arriuez, ils estendent vne couverture gettans par dessus force Roses, & autres fleurs en grand abondance, afin que le diable ne touche point par terre: & si tost que ceste idole est posé iuz, leur chant prend aussi fin, & tous se mettent à prier: puis le souuerain des ministres des idoles fait vn certain signe de sa main, lequel on n'a pas aussi tost aperceu que chascun desgaigne son poinçon & s'en frappe, qui les oreilles, cestuy les bras, & l'autre les cuisses, & en y a qui avec des rasoirs de pierre incisent leur membre: & en somme n'y a homme qui suyuant sa deuotion ne tire de son sang en assez grand abondance. Se voyans ensanglantez, ils ont en leurs sachez des cartes, ou des feilles d'arbres avec lesquelles ils recoiuent ce sang, & en oignent leurs idoles Sathaniques, & tandis que ces eceruelles font ceste abominable offrande les ieunes garçons dâcent, & gâbadent comme ceux qui ioient par deça les bouffons & Matassins, & escarmouchent & combattent l'un contre l'autre pour plus faire d'honneur à la feste. Et ceste folle escarmouche prenant fin, & cessant la priere, tous se pensent leurs playes avec le charbon qu'ils ont en leurs sachez, avec les herbes, & autres drogues.

Dance armée au nom de Sathan.

Aduient souuent en telles, & pareilles processions que plusieurs Pagez font des benedictions sur leur pain de Mahiz, & l'arrousent du sang tiré de leurs parties honteuses, & le mangent ainsi benit, & arrousé, comme de chose leur estant & saine, bonne, & salutaire. Voila quelle est la vie des Nicaraguens, lesquelz à present ont en plusieurs endroitz changé de façons de vie, ayans receu l'Euangile, & y faisans profit (Dieu aydant) ils quitterot toute ceste idolatrie. En somme tous ces Occidéaux quoy que ayent gousté les mœurs des nostres, si ne peuuent ils oublier, ny leurs façons, ny ancienne nourriture. Et quoy qu'en plusieurs endroits nostre bled y croisse qu'ils voyent faire le pain à la façon de par deça, & qu'il le goust leur en plaise, comme plus agreable, si est-ce que iamais ils n'ont daigné laisser le Mahiz, pour lequel cultiuer il faut qu'il labourét la terre avec des hoües, & peles de terre n'ayât l'usage d'ateller les bestes pour vn tel seruice. Ains que getter ceste semence en terre, ils la font tréper quelques iours, & la plâtent ainsi qu'il nous les febues, en mettât quatre pour le moins en chascun trou: & est ceste plante si fertile, qu'on a veu iusqu'à 400. grains d'un seul semé en sa saison: la tige croist de la haulteur d'un homme, & plus, & est grosse selon sa grandeur, ayant la fucille semblable au Panicle, ou telle que noz Canes, & rouseaux, mais sont plus larges, plus longues & molles & plus douces: l'espy est tout ainsi qu'une pome de Pin, le grain gros & rond comme vn poids, non du tout tât, ny long aussi comme nostre bled, ny fait du tout en quarré. Le pain de ce grain est bon état tédre, il se durcist soudain, & dur qu'il est, aussi perd soudain son goust, & saueur, & gaste fort les dents, qui est cause qu'il souuent ce peuple se les nettoye. La farine du Mahiz a vne grand vertu, qui est de conseruer l'eau & empescher qu'elle ne se gaste ny corrompe, & c'est pourquoy les Espaignolz, & autres nauigeans, celle part ne vont iamais sans en faire prouision. Ce grain sert de vin à ces Indiens, ainsi que font l'orge, & obelons à plusieurs Septentrionnaux en l'Europe, n'est subiet à estre tempesté, ny guere mangé de vers, ne couste ny

Pain arrousé de sang usé par les Nicaraguens.

Mahiz, & comme il est cultivé aux Indes.

Vertu de la farine du Mahiz.

*Couleur des Indiens
d'Occident.*

*Nul Indien rouf-
sean, & peu de
chauues.*

*Mœurs en gene-
ral des Indiens Oc-
cidentaux.*

temps, ny grand peine à estre cultiué, & en somme les Indiens aiment mieux le pain d'iceluy que de pas vne de noz semences. Iacoit & qu'en Europe, & Asie, & Afrique il y aye grād diuersité de couleurs és hōmes, si est-ce qu'entre ces Indiens vous n'y voyez guere de difference, estās presque tous de couleur tirant sur le Chastaignier, comme d'une Oliue, & sebahissent autāt de voir vn visage blanc, ou noir, que nous faisons voyans ceux qui nous sont dissemblables: sans q̄ pour le present r'être sur la dispute de la cause des couleurs, ou si ce vient de la semēce, ou de la qualité du païs, ou de l'ardeur du Soleil, ou pour autre occasion secrette: encore laisseray-ie aux naturalistes à vider ce point, pourquoy est-ce qu'en ce païs on ne voit pas vn rousseau, & fort peu d'hōmes chauues, affin qu'ils s'exercent la rate en l'inquisition naturelle de chose assez esmerueillable. Nous ce pendant dirons, pour cōclurre le discours des Indiens Occidentaux, & qui vont tirans vers la mer Pacifique, q̄ s'il y en a quelques vns qui ressentent quelque douceur, & debonnaireté, si est-ce que pour le plus souuēt, & cōmun allans tous nudz, aussi sont ilz eshontez, sans amour ny esgard à l'endroit de personne, lourdz, brutaux, ignorās, fortz, insensez, malicieux avec ceste ignorāce, ne tenans cōpte de leur vie, & moins faisans cōscience de tuer les autres, tous presque Antropophages, mēteurs, ingrats, & inconstans, aymās la nouueauté, & se plaïsans en l'yurognerie, pour à laquelle se faire voye il n'y a herbe, ny fruit qui ne soit employé à faire leur boisson. Ilz ne sçauent que c'est de raison, & equité, hayēt d'estre repris, & ne veulent qu'on les chastie, au reste trahistres, cruelz, vindicatifz, ne pardōnās iamais à ceux qui les offencēt, ennemys de toute relligion, & sainteté, de peu de iugement & hommes sans effect en leurs deliberations. Leur foy, & loyauté est sans durée, les marys violent promesse à leurs espouses, & les femmes à leurs marys: forciers au possible, deuins, & adōnez au seruice des Diabes: coïardz en d'aucuns lieux, en d'autres plus hardis & temerairement courageux que les bestes les plus farouches. Ilz n'ont point de barbe, & sont sans contenance, ne renās compte de leurs malades, ains en aucuns lieux lors qu'ils les voyēt voisins de la mort, les portent sur vne montaigne leur laissant du pain & de l'eau, pour passer le peu qu'il leur reste de vie, quoy qu'ailleurs ils en soyent fort soigneux, & les plaignent s'ils en meurent. Conclusion tant plus ces gens croissent en aage, & plus ils deuiennent meschans, & quoy que sur les 10. ou 12. ans ils semblēt promettre quelque chose de bon, si est-ce que soudain vous en perdez l'esperance, se gastans tout à vn coup, & deuenans pires que ceux qui iamais ne donnerent espoir de preud'homme. Aussi Dieu leur a enuoyé des hommes telz qu'il leur failloit pour les punir, à sçauoir les Espagnolz, & Portugais ennemys du vice, & punisseurs seueres de la meschanceté, lesquelz si n'ont du tout abatu l'orgueil de ces barbares, ils les tiennent à tout le moins si bien bridez, qu'ilz n'osent guere plus se desborder en leur vilénie.

*Du pays de l'Amerique, mœurs, & façons de faire des habitans
en icelle. Chapitre seiziesme.*



Usques icy auons nous descrit ce qui est du partage du Roy Espagnol, selon la bulle du Pape en celle estendue limitée par les Orient, & Occidens imaginez par les raisons mathematiques: reste à voir celle partie de la quatriesme description du monde, qui est enuelpée sous le nom d'Amerique, & laquelle a pris ce nom d'un excellent homme de nostre temps auquel nous sommes autant redevables que à autre qui ayt vescu du siecle de nos peres. Et d'autant que plus asseurément ne peux-je parler qu'en suyuant ce que luy-mesmes en a escrit, & me gouvernant selon son tesmoignage, puis qu'il a veu au long, & au large ce dequoy il parle: on ne trouuera point aussi estrange si je ne fais pas grand arrest sur ce que aucuns François en ont escrit plus licentieusement, peut estre, que de raison, desquels j'ay arraisonné les vns, & veu les escrits des autres, lesquels pour embrasser sous le nom Amerique tout ce qui est presque sous le cours des Indes Occidentales, s'estendēt trop, pour particulariser vn peuple nō remarqué de choses tāt singulieres q̄ on luy at tribue, & oubliās (parauēture) pour ne sē souuenir, des cas qui meriteroient que on les eust redigez par histoire. Il me souuient d'auoir ouy parler vn nommé Bessart, homme non impertinēt, ny ignorant, qui a demouré sept, ou huit ans en celle riuere où le seigneur de Villegaignon voyagea-il a quelques années: cestui-cy m'en disoit des choses toutes differētes de ce qu'on en escrit, & ie seroy presque d'aduis de luy aiouster plustost foy que aux autres, qui y ont demouré moins d'espace de tēps, & qui n'ont gousté les humeurs du peuple, ny veu des diuersitez des mœurs d'iceux, & des païsages: n'estoit que ie les respectē aucunement, & que il me fāsche de deffendre l'un, pour regetter l'opinion des autres. A ceste cause, pour ne iurer en la parolle ny des vns ny des autres, ie proteste dez à present de ne dire rien de l'Amerique, que ce que mot à mot ie tireray d'Americ Vesputce Florentin, qui est celuy, qui le premier descourrit ce pays, & duquel la prouince à porté, & porte le nom d'Amerique, sans que le tiltre de France Antartique aye peu alterer la gloire de celuy, qui en feit la premiere descouuerte. Or c'est ainsi que parle en son discours Americ Vesputce. La terre ferme de ce pays commence par delà la ligne Equinoctiale huit degrez, vers le pol Antartique, & nauigames tant le long de celle coste, que nous outrepassāmes de dixsept degrez & demy le Tropique de Capricorne, où nous auons nostre orison esleué de cinquante degrez. Ce que ie veis là, n'est point cogneu aux hommes de nostre siecle, qui est le peuple du pays, ses mœurs, & coustumes, la courtoisie, la fertilité de la terre, la bonté de l'air, salubrité du ciel, les corps celestes & sur tout les estoiles fixes de l'huitiesme Sphere, nō cogneuēs, ny mentionnées iusques au iour present, ny ramenteuēs par aucun des sçauans du temps iadis. Ce païs

*C'est Vesputce
qui a donē le nom
à tout ce pays Bre
silien.*

*Bessart a demou-
ré 7. ans sous le
Tropique d'hiver*

*Ce discours est pris
des escrits de Ves-
putce, à Soderin
Gonsalonier de
Florence.*

*Amerique fort
peuplée.*

*Quels les hommes
en l'Amérique.*

*Amériques se
gastent le visage
avec des incisions.*

*Amériques se
percent la face, &
pourquoy.*

*Vilaine cruauté
des femmes de
l'Amérique.*

*Les François qui
y ont esté, niés que
on y abuse des me-
res ny des sœurs.*

est habité, & peuplé autant ou plus que autre que j'aye iamais veu, & les hommes y sont fort courtois, & priuez, sans offencer personne, ne les offendant point, allans tous nuds ainsi que nature les produit du ventre de leur mere. Leurs corps sont bien formez, & proportionnez de telle sorte qu'on n'y peut desirer rien pour la perfection requise en la forme de l'homme, la couleur de leur cuir tirant un peu sur le rouge, pour estre reschaudez du soleil estans ainsi nuds qu'ils sont, ils ont les cheveux noirs, longs, & esparpillez sur les espaulles, adextres en tout ce qu'ils font soit qu'ils se iouent, que ilz courent, ou que ils cheminent. Et comme ainsi soit que ils ayent la face autant belle, & le regard aussi gentil que nation de la terre, si est-ce que ils se la font deuenir laide & difforme avec vne façon, qu'à grand peine voudroit-on croire: entant que ils se percent & incisent le visage en plusieurs endroits à sçauoir es iouës, au nez, leures, & oreilles, & en ostans la chair, y remplissent les trous avec des petites pierres qui semblent de marbre, ou de cristal, d'alebastre, ou autre telle chose, ou bien des os tres-blancs, & subtils à leur mode, & qu'il acoustrent & ouurent fort mignotement. Toutesfois n'est aucun qui ne trouue chose monstrueuse de voir qu'un homme aye sa face pleine de cailloux enchassez en sa chair, & tout le visage deschiqueté, voire qu'il s'en trouue tel qui aura sept pierres en la face, chacune desquelles aura plus de demy pied de long, & ay veu de ces pierres qui pesoient pres de seize onces: mais aux oreilles ilz portent des aneaux avec des perles à la mode ancienne des Egyptiens & Indiens. Or ce sont les hommes seuls qui se defigurent ainsi la face, car les femmes n'y font aucune incision, contentes de se parer seulement les oreilles: & lesquelles ont vne coustume fort cruelle, & esloignée de toute courtoisie, & douceur ressentant quelque cas de l'homme: car elles estant paillardes outre mesure, & souhaitans de satisfaire à leur effrenée lubricité, & plaisir desreiglé de leur appetit, elles donnent à boire aux hommes du iust d'une certaine herbe, de laquelle ils n'ont pas si tost gousté qu'ilz se voyent enfler le membre, & leur accroistre merueilleusement, pour prendre plus à leur gré le passetemps qu'elles desirent: & si ceste herbe ne prouffite, & satisfait à leur fantasie, elles sont si desnaturement cruelles qu'elles de mettre certains serpenteaux & animaux venimeux aux membres de leurs hommes, qui les leur mordent, iusqu'à tant qu'ils les font enfler, si bié que plusieurs souuent en perdent les genitoires. Ils n'ont ny draps, ny lins, ny cotô, aussi n'en ont ils affaire, d'autant que allans nuds, comme ils sont, ils n'ont aussi affaire quelconque de vestement, & ne s'en soucient. Parmy ce peuple n'y a aucun qui ayt patrimoine, ou heritage, entant que ilz vivent tous en commun, sans Roy, Empire, ny principauté, chacun estant Roy à soy mesme, & ayants tout autant de femmes que bon leur semble, s'accouplans sans honte aucune ny sans respect de parenté, ou alliance de sang, entant que le fils abuse de la mere, & le frere de la sœur, & ce publiquement tout ainsi qu'en vsent les bestes sans raison. Et ainsi ne fault s'estonner si ils rompent le mariage puis qu'ils sont sans loy, & que c'est le seul plaisir qui est guide de leurs actions, n'ayans police, magistrat, temple, religion, ny aucune idole, & viuans en vne detestable liberté de tout faire sans reprehension.

Le trafic leur est incogneu, la monnoye n'y est veüe, le terroir leur estant commun, ilz n'ont occasion de se quereller, & neantmoins combatent ils souuent & fort cruellemēt, mais sans tenir ordre, ny discipline quelcōque à dresser les rancs. S'ils s'assemblēt pour consulter, ce sont les vieillards, qui esguillōnent les ieunes, & leur font faire ce que bon leur semble, les incitant à faire guerre, & se venger de leurs ennemys, lesquels ils occient sans aucune compassion, & les vainquans & prenans, ils les māgent, & estimēt ceste viāde la plus delicate, plaissante, & sauoureuse, q̄ autre q̄ ils sçauroyēt gouter. Et sont si friās de chair humaine q̄ le pere māge le fils, & le fils se repaist de celuy qui l'a engendré selō q̄ ils se rencōtrent fortuitement. I'en veis vn qui se vāroit d'auoir cōtentē son apētit de la chair de plus de 300. hōmes, & ne faisoit pas peu de parade de ceste siēne brutalle vaillāce: voire arrestasmes nous, en certain lieu de ces hōmes, où lon voyoit les pieces, & mēbres des hōmes pēdus dedās leurs loges, tout ainſi q̄ nous accrochōs par deçā la venaison despecēe venans de la chasse: & s'esbaissoyent ces gēs de ce q̄ nous refusiōs de māger de ceste chair de leurs ennemis, entāt q̄ ilz diēt, q̄ elle leur ouure l'apētit, & est de merueilleux goust, & plaissante saueur, & la louēt sur toutes les viandes desq̄lles ils vsent ordinaiemēt. Les armes de ce peuple sont pour les plus ordinaires, & acoustumēes les arcs, & les feschēs, avec lesq̄lles ils se despechēt & tuēt fort cruellement, cōme gēs qui sont nuds, & qui sont cōduits d'une affectiō brutale, & sās aucune raison: & nous les ayās souuēt admonnestez de laisser ces façōs de faire si desnaturēes & abominables, nous promirēt aussi de suiure nōstre conseil, mais ce fut sans q̄ l'effect s'en ensuiuit. Reuenāt aux fēmes Ameriques, & desq̄lles nous auōs ia parlē, iāgoit q̄ elles aillēt nuēs, & vagabōdes, & q̄ elles soyēt des plus impudiqs, & gloutes du plaisir charnel q̄ nature en ayt formēes, neātmoins ne sont laides, ny mal proportionēes, & n'ont le taint haillé du soleil, ains belles, bien proportionēes: & sil y a q̄lque gresse en elles, si ne leur dōne elle riē de malseāce, ou indispositiō: & ce q̄ ie trouuay le plus admirable, c'est q̄ ie nē vey pas vne, quoy q̄ elle eut porté des enfās qui eut les terins pēdāns, ny les mamelles feschies & brāslātes, ains en toute la ressemblāce, & port du corps on les iugeroit toutes estre encore pucelles & vierges, sās q̄ vous leur voyez la peau du vētre plissēe, ny ridēe en sorte quelconque: voire les parties que l'honnēstetē ne souffre de nōmer, & que elles ne cachent point nomplus que elles couurent leur visāge, ne sont plus apparentes en celles qui s'abandonnent à tout coup, que de celles qui iamais ne furent corrompuēs, desquelles le nōbre en est fort petit, veu la licence de tout faire, & la naturelle inclination d'icelles à la vilēnie, que les bestes sans raison, poursuiuent moins que les hommes: tellement que tant que les Chrestiens y furent, c'est chose incroyable cōme ces fēmes appētoyent leur acointance, & quel plaisir elles prenoyēt si quelcun les sollicitoit d'amour, qu'elles mesurēt tout ainſi que l'apētit les trāsporte. Ce peuple vit fort long temps, cōme y ayant des vieillards qui ont attraits les cent cinquante ans de leur aage, & fils deuiennent malades, ce qui n'aduient guere souuent entr'eux, ilz ne le sont guere long tēps, pour ce que soudain ilz y remedient avec le iust des herbes qu'ilz cognoissent.

Cruauté des Ameriques se mangeans les uns, les autres.

Encore les François dient que ilz ne mangent que leurs ennemys.

Armes des Ameriques.

Beauté, & netteté des femmes Ameriques.

Ameriques vivent longuement sans maladie.

LIVRE QUATRIÈME

C'est tout ce que j'ay trouué parmy ce peuple, qui merite qu'on en face compte à sçauoir l'air temperé, la bonté du ciel, la fertilité du terroir, & l'aage si long des habitans, qui (peut estre) y est causé par le vent d'Orient lequel y souffle, & respire tousiours, & qui y est tel que par deça le Septentrion causant nostre santé.

Ilz ont vn grand plaisir à la pescherie de laquelle ils vivent plus que d'autre chose, en cecy leur aydant la nature, d'autant que en ce pays la mer semble formiller abondamment toute sorte diuerse de poissons: aussi ne se plaist guere ce peuple de la chasse, ce qui aduient pour la grand multitude de bestes farouches qui repairent és grands boys, & forests de celle contrée, & les habitans n'y osans pratiquer, entant que ainsi nuds, & sans armes ils ne pourroyent se preualoir de ces animaux cruelz, & sanguinaires. Auant que passer plus oultre en la suite des propos de Vespucce, ie diray seulement en passant, ce que j'ay ouy dire, & à Bessard, & d'autres qui ont vescu assez lōg temps en l'Amerique, que pour vray ce peuple est sans religion, neantmoins confesse-il vn moteur de toutes choses, & reuere le soleil, & craint sur toutes choses le tonnerre: au reste croit le deluge, mais ne sçait compter le temps auquel il aduint, est affligé merueilleusement par les fantosmes, & illusions du malin esprit qui de nuit les espouuente: d'adorer, ou prier, il ne s'en parle nom plus que parmy les bestes, & n'ont autre soing que de leurs racines à faire leur pain, & de leur breuuage de palmier. Leur mariage est libre, bien est vray que les femmes mariées ne se donnent trop prodigement, leurs marys le sçachans, là où les peres, & meres font liberale largesse de leurs filles aux estrangers, & leur prostituent pour auoir vn couteau, vne sonnette, ou autre telle, & si menuë chose. De roy il y a des pays où ils vivent sans chef, ainsi que dit Vespucce, & en d'autres, ou le plus fort & vaillant à commandement sur la troupe, sans que ceste puissance s'estende sur les enfans, & successeurs de celuy qui aura eu ceste autorité: leur aprenant nature cecy, qu'il fault qu'il y ait vn chef en toute police qui commande sur tout le reste du corps. Mais oyons comme Vespucce continue son dire: Le pays (dit-il) est fort temperé, fertile, & sur tout autre agreable, & plaisant: & iajoit que il y ait plusieurs costaux, & collines, est-il neantmoins arrousé de plusieurs fontaines, & infinis ruisseaux, ayant les boys de haute fustaye si espais, & touffus, qu'il est presque impossible de passer, & voyager par iceux.

Les arbres soyent fruittiers, ou d'autre sorte, y croissent sans la main, & artifice de l'homme, & les fruits y viennent, & bons, & en grand abondance & sans que ilz nuisent à ceux qui les mangent, & lesquelz sont du tout differents, & dissemblables aux nostres, comme aussi sont les herbes, & racines desquelles ilz s'aydent pour en faire leur pain, & autre viande pour les nourrir, & sustenter. La grande, & variable diuersité des oiseaux incogneus de par deça feroient estonner tout homme voyant tant de beaux plumages, & les figures ainsi diuersifiées de ceste volaille, & sur tout des Perroquets, & Papegaux, les couleurs estranges desquelz suffiroient à y amuser quelque gentil esprit voulant deschiffrer les miracles de la nature. Quant aux metaux on n'y a veu aucune apparence si ce n'est de l'or, mais il est

vray-

*Qu'est ce que
croient les Ame-
riques.*

*Ameriques pro-
stituent leurs fil-
les à peu de chose.*

*Quels rois en au-
ent lieux de l'A-
merique.*

*Plan, & assiette
du pais Ameri-
que.*

*Diuerité d'oy-
seaux.*

vray-semblable que les autres ny manquent non plus, mais que personne ne s'est mis en deuoir d'y dōner encor attainte pour les descouurir. Les arbres y sont si odoriferās, & d'une telle souefueté que il ne fault point s'escabahir si la santé y est si familiere, & en y a peu qui ne portent quelque gōme singuliere, quelque iust, suc, & liqueur, desquels si nous cognoissions la vertu & propriété, ie pense qu'il n'y a chose qui nous defaillist en ce qui concerne le maintenant de nostre santé, & bonne disposition. Quoy qu'il en soit, ce pays regardant le midy, & iouissant de l'aspect, si doux & gracieux du ciel, est tellement disposé, que l'hiver n'y est point excessif ny facheux en froidure, ny l'esté affoiblissant les corps avec la vehemēce de ses chaleurs: de sorte que plusieurs ont estimé que le Paradis terrestre n'est guere esloigné de celle Prouince. On ne voit guere l'air chargé de nuages, ains y est presque tousiours seraine la face du ciel, tombant quelquefois quelq̃ petite & legere roulée, qui ne dure plus hault de trois ou quatre heures, & tout ainsi s'escoulant q̃ une nuée s'espandāt, & euanouissant par la vehemence du vent qui la transporte, n'y ayant presque aucune vapeur qui altere en rien la santé des hommes, ou cause tempestes & orages, iaoit que pres de la mer il tōne quelquefois, & es pays auoisinās les hautes montaignes. Vespuce qui estoit vn des plus parfaits Astrologiens de son aage, dit qu'il y auoit considéré des estoiles toutes differentes à celles de ce nostre Hemisphere, & entre autres quelques vingt de si grād clarté, que l'astre lumineux de Venus, ou Vesper, ny la planete de Iupiter n'aprochent en rien de ceste splendeur, & la circonference desquelles surpasse la grandeur de ces deux susmentionnées. Or entre les autres, il se dit auoir veu trois Canopes, deux desquelles estoient fort cleres, & la troisieme sombre, & obscure, & du tout aux autres dissemblable. Le Pol antartique n'a point ourse grande & petite, ainsi qu'on voit en nostre Artique, ny des estoiles qui l'accompaignēt, & entourent, seulement en y a quatre qui l'écernent en forme quadrangulaire, & presque faite en croix, qui a esté cause q̃ les Pilotes luy ont donné le nom de Creusier, & dit le susdit Vespucce, que s'estant pris garde à celle grande dissimilitude des corps celestes, à leurs circonférences & proportiōs, il en a fait vn liure, qu'il laissa entre les mains du Roy de Portugal, dedans lequel il monstre de ses obseruations Astronomiques du tout contraires à ce qu'en ont traité les anciens, cōme celle quand il dit qu'il a veu l'arc celeste tout blāc presque sur le point de minuit, comme ainsi soit, que suyuant l'opinion des philosophes, cest arc prend sa couleur des quatre Elemens, iaoit que Aristote ne soit de cest aduis qui en raporte la cause à l'obiet, & rebat des raīs du soleil, & à la vapeur de la nuée qui luy est opposée. Dit e outre auoir veu la lune nouuelle au mesme tēps q̃ elle se conioint avec le soleil, surquoy i'ē laisse la cause à debatre aux philosophes sçauans & biē versēz en la sciēce naturelle, & quelque serenité qui soit en l'Amerique, si confesse toutesfois Vespucce, ce que souuent Bessard m'a asseuré auoir contemplé, que les nuitz y sont fort, & diuersement vaporeuses, tellement que on voit des flammes ardantes durant icelles voler & courir par le vague du Ciel, non sans l'estonnement des sauages, qui ne sçauent, & ne cognoissent rien

Arbres odoriferans, & aromatiques.

Serenité du Ciel, & l'air sans vapeur en l'Amerique.

Estoiles de la Vierge, quatre differentes à celles de nostre Hemisphere.

Trois Canopes en l'Antartique. Le pol Antartique quel & comment figuré.

Vespucce a fait un liure des consideration celestes.

Arc celeste blāc en plain minuit.

Feux volent en l'air la nuit en l'Amerique.

LIVRE QUATRIESME

des causes & secretz de la nature.

Promesse de l'auteur du present liure.

Je pourroy vous deduire plusieurs autres choses, & singularitez, tant de ce pays que d'autres, ayant (la Dieu mercy) les liures, & des Espaignols & Portugais qui ont couru tout l'Ocean presque par tous les coings du monde, mais vous serez contents pour ceste fois, du peu que j'ay tracé, attendant que en vn meilleur temps, & avec plus de commodité ie dresse l'ordre mieux à propos d'un liure, qui me semblant rude, & confus sous la main d'autrui, j'ay fait mien en l'ageanceant, & luy donnant telles couleurs que voyez, & que j'espere en Dieu, vn iour acoustrer de telle sorte que on n'aura affaire de prendre autre Cosmographie, que la description des mœurs des nations, ainsi que les voyez icy peintes, sans que ie me fie en rien de ma suffisance, ains recueille le tout des meilleurs liures, & auteurs plus approuuez que ie peux recouurer, ayment mieux estre accusé d'un si saint larcin, que de forte arrogance, & vouloir asseurer avec mon opinion, ce qu'à grand peine les sçauans peuuent autoriser, ny avec leur sentence, ny avec la raison mesme prise du plus profond, & asseuré secret de nature, tant les hommes sont à present difficiles à contenter, & enclins à mesdire. A Dieu.

FIN DE LA QUATRIES-
me partie.



TABLE DES NATIONS ET PRO-
uinces, contenuës en chacun liure de ce
present volume.

ET PREMIEREMENT DE L'AFRIQUE
premiere partie de la terre.

Liure premier.

- | | | |
|---|---|---|
| 1 | DE l'origine & creatiõ de l'homme
selon la vraye opinion des Theo-
logiens. fueil. 1. a | & façons de vie des Parthes.
fueil. 41. a |
| 2 | De l'origine de l'homme, selon la faul-
se opinion des Gentils. fueil. 2. b | 7 Du pays de Perse, mœurs, loix, & ce-
remones des Persans. fu. 44. a |
| 3 | Du sit, plan, & diuision de la terre.
fueil. 3. b. | 8 Des Indes & prodigieuses manieres
de viure & ceremonies des In-
diens. fueil. 46. b |
| 4 | De l'Etiopie, & mœurs du peuple
qui iadis y habitoyent. fueil. 4. b | 9 Du Quinsay, & autres peuples, &
prouinces des Indes. fueil. 51. b |
| 5 | Du pays d'Egypte, & façons de vie
des Egyptiens du teps iadis. f. 6. b | 10 De la Scythie, & mœurs des Scythes
anciens. fueil. 58. b |
| 6 | Du gouuernement, & police d'Egy-
pte. fueil. 9. b | 11 De la Tartarie, & des mœurs &
grãde puisſace des Tartares. f. 61. b |
| 7 | Des Panes, & autres peuples d'A-
frique. fueil. 13. b. | 12 Du pays de Turquie, loix, coustumes,
& façons de viure des Turcs. f. 68. a |
| 8 | Des pays non recitez par cest au-
teur descriuant l'Afriq. fueil. 19. a | 13 De l'ordre tenu en l'estat, gẽs d'arme-
rie & police des Turcs. fu. 70. b |
| 9 | Des Royaumes de Hea, Sus, & Ma-
roc, & isles Canaries. fueil. 23. a | 14 Des Chrestiens & origine d'iceux,
& ceremonies. fueil. 74. b |

DE L'ASIE SECONDE DE L'EVROPE TROI-
siesme partie de la terre.

Liure second.

Liure troisieme.

- | | | | |
|---|---|---|---|
| 1 | DE l'Asie. fueil. 27. b | 1 | DE l'Europe. fueil. 77. a |
| 2 | De Panchaie, & mœurs des Pan-
chayens. fueil. 29. b | 2 | De la Grece, loix donnees aux A-
theniens, par Solon le premier &
plus excellent legislateur d'entre
les Gracs. fueil. 78. a |
| 3 | Du pays d'Assyrie, & mœurs des
Assyriens. fueil. 31. a | 3 | Du pays de Laconie, & des mœurs
& loix anciennes des Lacedemo-
niens. fueil. 80. a |
| 4 | Du pays de Iudée, façons de vie, loix,
& ceremonies des Iuifs. fu. 32. b | 4 | De l'isle de Crete & de mœurs tant
recomandez des habitans en icelle.
fueil. 84. a |
| 5 | Des pays de Mede & Armenie, des
mœurs & coustumes des peuples
habitans en iceux, & en Georgie-
ne autrement Iberie. fueil. 38. b | 5 | Du pays de Thrace, à present Roma-
T T ij |
| 6 | De Parthie prouince, & des mœurs | | |

T A B L E.

- nie & des cruelles façons des Thraciens. fueil. 89. a
- 6 Des Goths, de leur origine, mœurs, religion & conquestes. fueil. 91. a
- 7 De la Russie ou Ruthenie & des mœurs des Russiens, telz qu'ilz sont à present. fueil. 97. a
- 8 De la Lithuanie & façons de vie des Lithuaniens. fueil. 101. a
- 9 De Liouonie & Prussie, & Cheualiers de Nostredame. fueil. 102. b
- 10 Du Royaume de Pologne, & mœurs desquels à present vsent les Polonois. fueil. 105. a
- 11 Du pays de Hongrie & façons de vie des Hongres. fueil. 107. a
- 12 Du pays et royaume de Boesme, mœurs & religion des Boesmes. fueil. 109. a
- 13 De la Germanie: & diuerses coustumes & mœurs des peuples qui sont en icelle. fueil. 111. a
- 14 De l'estat, mœurs, & conditions presentes du pais d'Allemaig. f. 116. a
- 15 Du pays de Saxe, des mœurs & coustumes des Saxons tant anciens que modernes. fueil. 119. a
- 15 Du pays de Westphalie, & iuges establis sur les Westphaliens par l'Emp. Charles le grand. fu. 122. b
- 16 De la Franconie, ou France Orientale, & diuerses façons des habitans d'icelle. fueil. 123. a
- 17 Du pays de Sueue, des mœurs tant anciennes q modernes des Sueu. f. 126. a
- 18 Des provinces de Bauiere, & Carinthie, de leurs loix anciennes, & mœurs, desquelles on y use à present. fueil. 131. a
- 19 De l'Italie & mœurs des Italiens, de Romule & de la police par luy instituée en Romme. f. 137. a
- 20 Du pays de Ligurie, ou Geneuois, & anciennes façons de vie des Liguriens. fueil. 146. a
- 21 Du pays de Toscane: & anciennes mœurs des Toscans. fu. 147. a
- 22 De la Lombardie, mœurs & façons des Lombards, & comme ils passerēt en Italie. fu. 148. a
- 23 Des loix des Lombards. fu. 151. a
- 24 Des Venitiens, & leurs origine & bastimens de leur cité. fu. 154. a
- 25 Des magistrats anciens & modernes de Venise, & de la police & estat public d'icelle. fu. 157. a
- 26 En quel temps furent esleus les premiers ducs a Venise, & le moyen de proceder à l'election. fu. 162. a
- 27 De l'ancienne Galathie, & mœurs des anciens Galathes. fueil. 167. a
- 28 De la Gaule, & mœurs des Gaullois. fueil. 170. a
- 29 Des François, de leurs mœurs, & origine & comme ils se firent seigneurs des Gaules. fueil. 175. b
- 30 Des loix anciennes des François. f. 181. a
- 31 De la grande, riche, & populeuse cité de Paris, comencement d'icelle, mœurs & coustumes des Parisiens. f. 184. a
- 32 Continuation de la police, & façons de faire des Parisiens. f. 188. a
- 33 De l'vniuersité de Paris, loix, institution, fondation & priuileges d'icelle. fueil. 191. a
- 34 Des Bourguignons, mœurs et façons anciennes d'iceux, leur origine, conquestes, & courses, & e quel tēps est-ce que ils conquerent les Gaules. f. 193. b
- 35 Quels estoient les Gaullois tenās le pays à present Bourguignon la conqueste d'iceluy, les loix, & quels princes y ont commandé, auant que le Roy en fut souuerain. f. 197. a
- 36 Des Suisses, origine, & mœurs d'iceux & s'ils sont les anciens habitans du pays iadis nommé des Heluetiens. fueil. 202. b
- 37 Quel a esté le succez des seigneurs d'entre les Suisses, & comme ils se sont soustraits de l'obeissance des Empereurs & de leurs princes. f. 207. a
- 38 Des Flamāns, leur Origine, mœurs &

TABLE.

- façons de faire. f.ueil.212.a
- 39 Des pays bas, costumes & façons des hommes qui habitent en iceux, qui est en la region Belgique. fue.216.b
- 40 Des Normandz & Marcomās, & leur origine, & courses en plusieurs lieux. f.ueil.221.a
- 41 Des Courses des Normandz, & comment ilz se arresterent en Gaule, & des terres par eux cōquises. f.225.b
- 42 Du Royaume d'Espagne & mœurs des Espaignolz. fueillet.229.b
- 43 De Lusitanie, & anciennes mœurs des Lusitaniens. fue.233.a
- 44 Des pays Insulaires d'Angleterre, Escoffe, & Irlande, & plusieurs autres Isles ensemble des mœurs & façons de vie des habitans d'icelle. fue.235.b
- 45 Descriptiō d'Escoffe, & mœurs du peuple Escossoys. fue.239.a
- 46 Des diuerses Isles de la mer, & des peuples habitās en icelles. fu.241.a

DES TERRES NEUVES quatriesme partie de la terre.

Liure quatriesme.

- 1 **D**u flux & reflux de la mer, soit Occéane ou mediterrannée, & d'oū il procede tous les iours & des courātes impetueuses des eaux pres les haures, mesmement es Indes Occidentales. fueil.249.a
- 2 Des terres de labeur, ou Labradour Bacaleos, & Isles voisines, avec les mœurs, & façons de vie des peuples qui y habitēt, & par qui elles furēt premierement descouvertes. f.252.b
- 3 De la nouvelle France, cōtenant Hochelagā, Canada, Saguenai, & la Floride, & des peuples qui y habitent. fue.258.a
- 4 Des peuples Septentrionnaux des la

- Floride, iusqu'à Temistitan, le long de la riuere des Palmes: & de l'Isle nommée Malhado. fueil.263.a
- 5 Du Royaume de Mexique, mœurs, & façons de vie des habitās en iceluy, & comme les Espaignolz l'ont conquis. fuei.265.b
- 6 De l'Isle de Giapan Septentrionale, & mœurs des peuples qui y habitent. fueil.272.a
- 7 Des Isles de Cuba, & Espaignolle, descouuerte d'icelles, & mœurs des habitans. 276.a
- 8 Des pays de Panuco, & Iucatan, cōqueste d'iceux, mœurs, & costumes des peuples qui y habitent, & de l'Isle des Sacrifices. fue.283.b
- 9 Des Prouinces d'Yraba, Beragua, & Darien, Parie, Cuman, & Cubagua, & des mœurs des peuples compris en icelles. fue.287.a
- 10 Des Caribes, & Canibales, leur cruauté, guerres et façons de vie. f.292.b
- 11 Description du Peru, descouuerte d'iceluy, richesses, mœurs, religion & costumes des habitans. fu.295.b
- 12 Des grādes richesses du Peru, la trahison d'Atabalipā, & comme il fut mis à mort par la sentēce de Pizarre. fue.301.a
- 13 De la grand citē du Cusco au Peru & guerres auāt que les Chrestiens la gaignassent, & mœurs des peuples qui y habitent. fue.303.b
- 14 De la prouince de Colao, mœurs des habitans d'icelle: & en general des façons de tous ceux qui se tiennent au Peru. fueil.306.a
- 15 De Panama, & en general de tout le pays Indien obeissant aux Espaignols, & consideration des peuples qui y habitent. fueil.309.b
- 16 Du pays de l'Amerique, mœurs, & façons de faire des habitās en icelle. fueillet.315.a

TABLE DES NOMS ET CHOSES PLUS MEMORABLES, CONTENUES EN CE PRESENT OEUVRE, le nombre marque le fucillet: la lettre. a. la premiere page. b. la seconde.



<i>Agés des peuples de</i>		<i>Alcoranistes.</i>	63.b
<i>Afrique.</i>	22.a	<i>Alemaigne.</i>	III.a
<i>Abillement des Tanis-</i>		<i>Alemans,</i>	II2.a. II6.a. 211.b
<i>saïres.</i>	71.a	<i>Aleman de langue.</i>	II0.a
<i>Aborigenes.</i>	237.b	<i>Alexandre le grand.</i>	95.b
<i>Abraham & sa se-</i>		<i>Alfrede Roy Angloys.</i>	227.b.
<i>mençe esleuë par le Mesie.</i>	2.a	<i>Almagro.</i>	296.a
<i>Abstinence.</i>	40.a	<i>Amazones.</i>	18.b. 193.b
<i>Accusations.</i>	200.a	<i>Ambition.</i>	109.a
<i>Accouchées.</i>	273.a	<i>Ameda arbre guerissant la peste.</i>	261.a
<i>Aconstrement des femmes.</i>	282.b	<i>Ame doit estre obeye par le corps.</i>	49.b
<i>Acridophages.</i>	16.b	<i>Amendes.</i>	134.b. 177.a
<i>Adamites.</i>	110.b	<i>Amitié des Egyptiens vers leurs Roys.</i>	
<i>Adiornemens,</i>	182.a		9.a
<i>Adorateurs du Soleil & Lune.</i>	2.a	<i>Au desparty.</i>	22.a
	265.b	<i>An de probation.</i>	37.a
<i>Adorez Roys.</i>	26.b	<i>An iubilé.</i>	34.b
<i>Adulteres & de leur peine.</i>	II.a. 34.b.	<i>An reduit en 12. mois.</i>	142.a
	41.a. 65.a. 73.b. 273.a. 283.b. 300.a.	<i>Anauares peuple.</i>	264.b
<i>Aduates.</i>	212.a	<i>S. André adoré.</i>	93.b
<i>Aduatiques.</i>	206.b	<i>Angleterre diuisee.</i>	227.b
<i>Afranchissements.</i>	200.a	<i>Angloys.</i>	237.a
<i>Africans idolatres, paillardes, malades,</i>		<i>Animaux admirables.</i>	243.a
<i>& bons marchands.</i>	21.b. 22.b	<i>Antioche & du premier siege en icelle.</i>	
<i>Afrique de la description & diuision</i>			75.a
<i>d'icelle.</i>	19.a. 27.b	<i>Antipodes.</i>	245.a
<i>Agion.</i>	143.b	<i>Antiquité en Afrique.</i>	22.a
<i>Agouionda peuple.</i>	260.a	<i>Apennin mont.</i>	139.a
<i>Air infect.</i>	50.a. 62.a.	<i>Apollon.</i>	83.a. 93.a
<i>Alans,</i>	196.a	<i>Apostres & de leur election.</i>	74.b
<i>Albion Roy.</i>	301.a	<i>Aquilee cité.</i>	139.a
<i>Albis fleuve.</i>	109.b	<i>Aquitaine gastée par les Normands.</i>	
<i>Alces.</i>	102.b		224.a
<i>Alcoran.</i>	69.b	<i>Arabarie Roy.</i>	222.b

T A B L E.

Arabie & de sa diuision.	27.b.62.a	Asile.	141.b
Arabie dite Sabée.	1.b	Asnes sauvages.	93.b
Arabes.	14.a.21.a.22.a.28.a.38.a	Asne, & du sacrifice à luy fait.	35.b
Aragon en Espagne.	96.b.230.a	Assirie & des mœurs des Assiriens.	31.b
Aragonnois.	170.b	Astres & Astrologie.	32.a
Araxe fleuve.	58.b	Asur abonde en Guinée.	27.a
Arbace vainquit Sardanapale.	44.b	Atabalipa.	301.a.302.a.303.a
Arbre fabuleux.	239.a	Athenes.	78.a
Arbre sans noyau au mont Atlas.	4.a	Atlas & Atlantique.	14.b
Arc.	294.b	Attée Roy.	95.a
Arcades.	137.a	Attila.	108.a
Arche de Noé.	1.b	Eubene en France.	56.a
Archiduc d'Autriche.	136.b	Auguste Rauracienne.	211.a
Arcueil.	185.b	Augustin.	237.a
Areopagites.	78.b	Augustins.	5.b
Arreiti chansons.	278.b	Aumosnes.	238.a
Argent.	81.a.141.b	Auorter.	277.b
Argipéens.	61.b	Auses & de leur bestise.	14.a
Arithmetique.	11.b	Ansonie.	137.a
Aristote & de sa mort.	88.a	Autriche.	96.a.136.a.105.b
Arles royaume.	199.a	Auvergnas.	96.b
Armes.	91.b.294.b.308.a		
Armes offensives du Mexican.	269.a		
Armes deffensives.	268.b		
Armes des Arabes & Perses.	29.b.		
45.a		Bacaleos.	252.b.254.b
Armes des Troglodites.	15.a	Bacchanales.	111.a.147.b
Armes des Tartares.	64.a	Basle.	210.b
Arménie.	38.b	Bahaboni fleuve.	276.a
Arnande.	198.b.40.a.53.a	Bains.	210.b
Arres.	135.a	Baian Chinsan.	67.a
Arrest en quelle sorte estoit donné en		Baia Zeth surnommé foudre du Ciel.	
Egypte.	10.b	43.a	
Arface deliura son pays.	41.b.42.b	Bailliages distingue par conte.	133.b
Arsenal de Rhodes.	86.b.297.b.299.a.	Baiser.	45.b
300.a		Balaine.	107.b
Artaxerse fait Roy.	44.b	Balle ou pellote.	280.b
Arts mecaniques.	142.a	Baleares.	241.b
Artisans.	81.a	Balle.	205.a
Artisans honorez & prizez.	79.b.	Baloter.	82.b
145.b		Balotes.	159.a.b
Artisans d'Egypte.	10.a	Banc & sablons.	13.b
Artisans quatriesme rang des Indiens.		Bande foudroyante.	223.b
48.b		Banquet des nopces.	288.b
Aruspice.	142.a	Banquet des Numidiens.	21.a.60.a
Asie.	27.b	Banquet sobre pour une épouse.	45.a

T A B L E.

Banquet des Indiens.	53.a	Blasphemateurs & de la loy contre eux.	
Banquets sobres en Guienne.	183.b	33.a	
Banquets.	290.b	Boccoride legislateur.	11.a
Banqueter & façons,	8.a	Bocchoris Roy.	35.b
Baraga prouince.	287.a	Bœuf & adorer.	57.b
Barbares subiets à la peste.	22.b.182.b.	Bœuf & indiens.	17.a
199.		Boesmes anciennement dit & slaves.	
Barbarins.	26.a	105.b	
Barbarie des anciens.	4.a.19.b	Boesme.	109.a
Barce ville.	114.b	Boies peuple.	109.b
Barques des Canadiens.	258.b	Boiens.	131.a
Barques d'osier.	240.a	Boire.	289.b
Barquerotes des Indiens.	49.a	Boisson.	237.a.239.a.272.b
Bastards.	135.a	Boitij prestres des Indiens.	278.b
Bastard.	88.a	Bolesla & fait Roy.	106.b
Bastards non tenu & de recognoistre leur		Bourbonnois.	109.b
pere.	79.a	Bourgeois.	117.a
Bastiments des Canibales.	294.a	Bourgeois dict & Bourguignons.	194.a
Bastiments superbes des champs.	118.b	Bourgongne unie à la couronne de France.	
Bastiments superbes.	24.a	202.b	
Bastiments chiches.	72.a	Bourguignons, & de leurs mœurs, origine	
Bataille des Troglodites.	15.a	conquestes & courses.	193.b.199.a
Bataille & forme de ce faire.	65.a	Bourgmeistes conseil.	118.b
Bauiere prouince & de leurs loix &		Boristhene fleuve.	194.b
mœurs.	131.a.172.a	Boson Roy.	202.a
Beduins auquel & les Arabes ont succe-		Bout de l'an.	292.b
de.	37.a	Bon &.	274.b
Belgique region.	216.b	Eramanes.	49.b
Bengala Royaume.	46.b	Biacmins sacrificateurs.	54.a.58.a
Berist.	95.b	Brebis sacrifiées.	83.b
Berne seigneurie.	207.a	Bresil & Bresiliens.	17.b.
Berne par qui bastie.	204.b	Bretons.	237.b
Bertold.	204.b	Briefueté de parole.	81.b
Bestes cruelles d'Egypte.	3.b	Bruges ville.	214.b.225.b
Bestes d'Afrique.	4.a	Brune gaste les pays.	16.b
Beste non nuisible.	240.a	Bude ville.	108.a
Bestise des Egyptiens iadis.	12.a	Budins peuple.	61.a
Betis.	230.b	Bulgares.	224.a
Betique prouince.	230.b		
Biarmie, Biarmiens.	94.b.69.b		
Bisans.	102.b		
Biscains.	232.b		
Bithinie.	69.b		
Bithume.	284.b		
Blancs & noirs & de leurs façons.			
26.b			
		C	
		Abale.	171.b
		Cacan nom de dignité.	131.a
		Cacique Roy & seigneur.	279.b
		Caen.	229.b
		Caibò prouince.	276.b
		Caire	

T A B L E.

Caire est Babilone iadis nommée	Helio-	Cathaloigne en Espagne.	96.b
poli.	7.a	Cathaiens.	51.a
Caironan cité.	20.a	Catheens.	50.b
Calis.	232.b	Cathalanches.	264.b
Calidonie.	238.a	Catheloigne.	230.a
Calicut cité.	53.b	Canalarie.	143.b
Caldéens.	32.a	Caxamalca & Caxamalquiens.	298.a
Calumniateur.	10.b	Cazabi pain.	277.a
Cambren.	213.a	Caſelbas.	45.b
Cambalu cité du grand Cam.	47.a	Cecrops premier baſtit Athenes.	78.a
Cambaie Royaume.	51.b	Cedre arbre fort precieux.	13.a
Camoles peuple.	266.b	Cecale Royaume.	27.a
Camothcia Iſle.	276.a	Celibat deteſté.	81.b
Camp, & de la police & iuſtice en ice-		Celtes.	167.b
luy.	43.b.71.b	Celtiberes Aragonnois.	170.b
Canada.	253.b.258.a	Cemis	277.b
Canadiens.	247.b.255.a	Cenſeurs.	144.b
Canal de Negropont.	251.a	Cercles celeſtes.	246.b
Canaries.	23.a.24.a. & b.25.a	Ceremonies.	8.a.34.b.271.b.289.a.
Candie Candior.	84.a.85.a	300 a.301.b	
Canibales & de leur façon de viure.		Ceremonies funebres en la mort des Rois	
292.b.293.a		d'Egypte.	9.a
Canoes bateaux.	281.a	Ceſar viola la liberté.	144.b.185.a
Canonor Royaume.	52.b	Ceul Royaume.	52.a
Canonizés Roys.	256.b	Ceuola pays.	265.a
Cantons ligues.	207.a	Ceuoliens.	265.b
Cantons.	139.b	Chaleur cauſe de la noirceur.	47.a
Cap des Rats.	257.a	Chambre d'enqueſtes.	177.a
Cap de pré.	258.b	Chambre legale.	215.b
Cap de bonne eſperance.	27.a	Chambres aſſemblées.	177.b
Capha cité par les Turcs poſſedée.	3.b	Chanſons.	257.a
Cappes de beaon.	231.a	Chantres.	298.b
Capitaines à Paris.	190.a	Chappeller à dire oraiſons.	275.a
Captif & diſme.	119.b	Charbonniere.	213.a
Caracanni pain.	259.a	Chariots conduits par des ſerfs.	95.a
Carraçteres latins.	21.b.91..	Chariot & ſur iceux combatre.	169.a
Carinthie prouince.	131.a.136.b	Charité recommandée.	10.b.33.b.43.b
Cariamairi peuple.	293.a	Charles de Moï lieutenant de l'Admiral.	
Caribes.	284.a.292.b	258.a	
Carline fort.	262.a	Charmes.	289.b
Carouannes.	29.b	Chartrains.	227.a
Carpathie montaigne.	105.a	Chaffe des Roys d'Inde.	48.a
Carthaginois deſloyaux.	22.b	Chaffe exercice ordinaire.	21.b
Carthaginois en Eſpaigne.	232.b	Chaffe ſubtile.	16.a.63.a
Caſtille d'or & des prouinces comprises		Chafteré.	295.b
en icelle.	2.a	Chastelet de Paris par qui edifié.	188.b

T A B L E.

Chauffage de fiente.	62.a	face.	
Chersonesse.	56.b	Clochettes.	105.a
Cheualiere.	172.b	Clotilde.	201.b
Cheualiers de nostre Dame.	102.b	Coiffure des femmes.	64.b
Cheuaux immolez.	60.b	Colao prouince.	306.a
Cheuaux d'Arabie.	20.b.29.b	Colleges en Perse.	45.a
Cheure immolée.	82.b	Colomb.marinier.	252.b
Chicheté.	64.a	Colon Royaume.	55.b
Chiluchimá.	303.b	Colonnelz.	19.a
Chipre.	87.b	Combats par ieu.	85.b.90.b
Chir Isle.	83.b	Combat à pied.	109.a
Choses comme furent inuentées.	3.a	Combat de filles.	14.a
Chœur entrée dudit interdit aux lays.		Combatre.	231.b.266.b
76.b		Comes peuple.	266.b
Chrestiens.	301.a	Cometes.	291.a
Chresties & de diuerses sortes en leuât.		Comete presageant la mort.	302.b
37.b		Commandemens de la loy.	33.a
Chrestiens & de leur origine.	74.b.	Commun entre les Panchaiens.	30.a
88.b		Communion souz les deux especes.	110.b
Chresties appellez payens des Tartares.		Communion aux enfans.	40.b
63.b.72.a		Communaulté des freres.	
Chrestiens gardes du Roy de Pegu.	56.a	Confession de foy des Mahometistes.	72.b
Christophle Colomb.premier descouureur		Confession publique.	275.a
des Isles.	275.a	Conilz.	242.a
Ciamba region.	67.a	Consanguinité.	133.b.152.a
Cibau montaigne.	276.b	Conseil Royal.	215.b
Ciboire.	76.b	Conseil des Roys & quelz hommes y e-	
Cichoriens.	257.a	stoient appellez.	48.b
Cichores & de leurs religion & mœurs.		Conseil provincial.	215.b
255.b		Consécration des Romains.	55.b
Ciel & du mespris d'iceluy dès le pre-		Consignation.	159.a
mier aage.	1.b	Consulz.	162.b
Ciel nuageux.	237.b	Consulat.	188.b
Cimbres.	206.114.a.212.b	Consulz.	162.b
Circoncision.	286.a	Conspiration contre les Chrestiens.	301.a
Cire.	286.a	Constance de Capitaine.	300.b
Cire parlant à son pere.	45.a	Constantinople.	85.b.87.a
Citoyens.	117.a	Contenance des prestres.	53.b
Citoyens & du moyen d'en sçauoir le		Comté de Flandres dicté charbonniere.	
nombre.	68.a	182.b	
Citoiers.	4.a	Core mesure.	81.a
Clergé usurier.	40.a	Conrad Roy.	202.a
Clergé c'est sort & choix.	75.a	Corps morts donnez en gage pour les deb	
Clermont en Auvergne.	96.b.196.b	tes.	13.a
Client.	140.b	Corps doit obeyr à l'ame.	49.b
Climatz & de leur influence à la pre-		Corps en combat.	81.b

T A B L E.

Cornées.	132.b	Dieux presidents aux moys.	32.b
Courantes.	251.a.252.b	Dieu veut estre honore en ces saints.	76.a
Court de Parlement & de ceux qui sy peuvent asseoir.	177.b	Diette vray remede de toute maladie.	12.a
Couronnement.	363.a.188.b	Differens & forme d'iceux vuyder.	48.a
Costumes de Paris.	190.a	Digamie.	273.a
Coxumel.	286.b	Dimanche.	76.a
Cracouie cité.	105.a	Disme.	81.a
Crete Isle.	84.a.85.a.86.a	Disimulateurs.	85.a
Crieurs & porte-chapes.	12.b	Disipateurs du patrimoine.	29.a
Crimes & punition d'iceux.	58.a.152.b	Diuination.	94.a
Criminelz gardez cinq ans.	170.b	Diurce deffendu aux Chrestiens.	76.a
Crocodiles.	292.a	Dixaines.	143.a
Crotone ville.	139.a	Daces.	224.a
Cruauté des Lappons enuers les enfans.	81.b	Dalmates.	166.a
Cruauté.	15.a	Dalmatie Esclauonie appelée.	106.a
Cruauté du Mexican en bataille.	269.a	Dance en sacrifiant.	52.b
Crysoprase or verdoyant.	5.a	Dances en arces.	85.a
Cry de Haro.	184.a	Dances.	294.a.256.a.290.a
Cub à Isle Espaignolle & des peuples d'i celle.	275.a.281.b	Dancer propre aux Occidentaux.	289.b
Cubague.	287.a	Dames.	91.b
Cudruagui Dieu.	260.a	Dannemarch.	224.a
Cuiaios peuple.	264.b	Danoys.	224.a
Cuinar region.	267.a	Danube, & de son cours.	295.b
Cuinaquiro.	267.a	Darie avec quelle ruse vint au Royaume	44.b
Cumane.	287.a	Darie commēt mys en fuyte par les Sey- tes.	58.b
Cumanois.	291.a.292.a	Darien prouince.	287.a
Curtie.	71.a	Debtes quittes par nouveau Roy.	84.a
Cusco Roy, & de la cité & peuples d'i- celle.	303.b.304.a. & b.	Deceder sans enfans maudits.	79.a
Cybele.	105.a	Decurions.	139.b
Cyclades.	157.a	Delays.	200.b
Cylindre.	157.a	Dexys Dieu.	28.b
Cymbres.	168.a.b.170.a.290.b	Depost.	135.a
Cinamines.	17.a	Deruis saints.	73.a
Cynocephales.	50.b	Deserts.	20.b
		Desert de Camul.	248.a
		Despance de funerailles.	12.b
		Destroit des trois freres.	248.a
		Destroit de Castille.	250.b
		Deuinereffes.	170.a
		Deuineurs.	273.b
			278.a.289.b

D

Dieux Egyptiens.	7.b.12.b
Dieux honorez.	59.a.90.a.243.b
Dieux habitans aux boys.	104.b
Dieux infernaux.	13.a
Dieux moindres entre les Goths.	92.b

T A B L E.

Deuotion.	135.b	Egyptiens.	36.a
Deuotion superstitieuse.	270.b	Eglise Chrestienne, sa police, & immu-	
Diable.	54.a	nité des Eglises.	75.a.132.a
Diable instruit les deuins.	289.a	Eglise François.	183.b
Diable adoré.	53.b	Eglise S. Marc de Venise.	165.a
Dictature.	139.b	Electeurs & de leur creation.	163.b
Dictamine herbe.	84.b	Election.	163.b
Dieu adoré.	53.b.277.b	Emilie pays.	145.b
Dieux chassent l'un l'autre.	93.a	Empereurs Roys d'Arles.	202.a
Dieux des Mexicans.	269.b	Empoisonneurs, & de leur punitiõ.	33.b
Dieux des Perses.	45.a	151.b.182.b	
Domage donné par les bestes.		Enchanteurs.	256.a
134.b		Enfans perdus.	71.a
Donacona Roy.	259.a	Enfans rebelles.	133.a
Donations.	151.a.200.a	Enfans exposez.	67.a
Douaires des femmes d'Ethiopie, & a-		Enfans ne succedent aux peres.	53.a
brogation d'iceux.	6.a.79.a	Enfans nourris aux lettres.	273.a
Douze pairs de France.	183.a	Enfans successeurs en Turquie.	
Drachme.	79.a	73.b	
Dracon & de ses loix.	78.b	Enfer.	74.a.274.b
Drogues.	135.b.191.b	Engagemens.	134.b.200.b
Druides & cheualiers.	172.b.18.a	Enterrement des Nasamones, & des	
Duc.	133.a.162.a.163.a.180.a	Tartares.	14.b.66.a.15.a
Duc change en princes.	197.b.	Boë mer de Cathai.	27.b
Dueil apres la mort des Rois d'Egypte.		Enseigne en guerre.	71.b
9.a.55.a		Ephores Magistrats Indiens.	48.b.
Dueil public.	83.b	80.b	
Dueil en Hongrie.	108.b	Equateur habitable.	19.a.246.a
Dueil de Roy.	303.a	Equité d'Egyptiens.	10.a
		Erreurs damnable.	40.b
		Escheuins.	189.a
		Esclauonie, & Dalmatie.	106.a.111.a
		Esclauon peuple.	105.b
		Esclaves en France.	182.a
		Esclaves non receuz en tesmoings.	
		33.b	
		Escoles quelles iadis.	45.a.73.a
		Escoles publiques.	275.b
		Escolle & Escossoys.	238.a
		Esnegui.	259.a
		Espaigne & mœurs des Espaignolz, &	
		Roys d'Espaigne sortis des Goths.	
		96.b.229.b.232.b.252.b.	
		Espaigne ditte Aragon,	2.a
		Espaignolle isle.	277.a
		Espaigne nouvelle.	276.a

E

E Au principe de tout, & difference d'icelle.

Eau adorée.	249.a
Eau adorée.	265.a
Ebene bois precieux.	47.a
Ebudes, & de leur Roy.	241.a
Ecbatane cité.	38.b
Echo.	292.b
Eclipse de Soleil.	291.a
Edifices pauvres.	53.b
Edu des Tartares.	62.b
Ediles.	189.a
Egypte region d'Asie.	6.b. & 9.b
Egypte.	3.b.4.a.6.b
Egypte escolle des sçauans.	8.a

T A B L E.

Esprit malin.	264.b	Femmes peu respectées.	270.b
Esperie de quel pais.	52.b	Femmes tuans leurs enfans.	273.b
Esposse, & banquets d'icelle.	45.a	Femmes plus laborieuses que les hommes.	260.b
Esseens moynes.	37.a	Femmes guerrieres.	40.a 239.b
Estats d'Ethiopie, & Calicut.	6.a 54.b	Femmes & de leur pudicité.	34.a
Estats entre les Indiens.	48.a & b	Femmes s'exposans à la mort pour leurs maris.	89.b
Estrangers comment receus.	259.b	Femmes des Guidanes se prostituoyent à chacun.	14.a
Etheges race des Arabes.	20.b	Femmes non receues à tesmoings.	33.b
Ethiopie & mœurs des Ethiopiens.	4.b 6.a	Femmes grosses.	11.a
Ethiopiens assaillis par les Lyos.	15.b 242.a	Femmes menstrueuses.	34.a
Etie general de l'armée.	201.a	Femme & de sa creation.	1.a 50.a
Euangile preschée aux Indes.	53.b	Femmes non veues que enceintes.	81.b
Eubée isle.	78.a	Femmes Zabiques chartieres.	14.b
Euesques Ethiopiens ont la croix qui les precede.	5.b	Femmes marquées au front.	90.a
Euesques Armeniens tous moynes.	41.a	Femelle aide à la generation avec sa semence.	11.b
Euesques dependent du pape.	75.b	Feries.	81.a
Eufate fleuve.	31.a	Ferdech Royaume.	57.b
Europe.	77.a	Fernand Cortez.	271.a.b
Exaction nulle en Egypte.	9.b	Fernandine isle.	281.b
Exactions des Rois sur le peuple.	44.b	Festes solennelles des Iuifs.	35.a
Exactions excessiues entre les Tartares.	64.a	Festes solennelles en Canonor.	53.a
Exercices violans dangereux.	12.a	Festes, & leurs violateurs.	133.b
Expiation des Iuifs.	34.a	Feste pour deffaite.	166.a
Extase en charmant.	289.b	Festins.	290.b
		Festins du duc de Venise.	160.b
		Feu sert de baptesme en Ethiopie.	6.a
		Feu honoré.	65.b
		Feu remede de maladies.	23.b
		Feu tiré du bois.	281.b
		Feu adoré.	94.a
		Feu mis en maison.	135.a
		Fils ne succede au Roy.	54.b
		Filles Cumanoises.	288.a
		Filles & combat d'icelles.	14.a
		Filles ne sont esposées vierges.	24.b
		Filles consacrées.	58.a
		Filles de Lacedemone, & de leur exercice.	81.a
		Filles mariées sans rien.	83.a
		Filles occises par leurs peres.	264.a
		Fimmarchie.	94.b
		Finances de Mexique.	271.a

T A B L E.

Flamās, leur origine & mœurs.	212.a.b	Gariglian fleuve.	138.b
Flandres Flamans.	213.a.b.114.a	Garnisons.	106.b
Flamine.	142.b	Gastadours Indiens.	298.b
Flandebert.	214.a	Gaule & Gaulois.	170.b. & 171.a
Fleches enuenimées.	291.a	b.182.b.194.a.197.a.203.a	
Fleustes en combat.	81.b	Gaulois.	162.a.167.a
Fleuves.	249.b	Gaulois en bataille.	81.b
Fleuve Iordain.	255.b	Gaulois habitans en Italie.	131.a
Fleuve d'Eden.	249.a	Gaule Belgique.	216.b
Floride.	252.a.255.b.258.a.261.a.b	Geans.	162.a
Fontaines diuerses.	298.a	Gedrosie Prouince.	30.b
Fontaines pour la santé.	243.a	Gelons peuple.	61.a
Fortunées isles.	24.b	Gendarmerie.	183.b
Forestiers comtes.	214.b	Genferic Roy.	19.b
Foulques Roy.	202.a	Genes.	138.b
Foy plantée premicrement en Asie.	76.b	Genie.	142.a
Franc & affranchy.	120.b	Gentilshommes.	111.b
François Pi Zarre.	297.a	Geographie à la preface.	
Frāçois, & de leurs loix, & armes.	181.a	Geometrie prisee en Egypte.	11.b
François chasse des Gaules.	179.a	Geoffroy Roy.	223.b
François suiets au Capricorne.	177.a.b	Gerard de Roussillon.	202.a
François de leur origine & nom.	178.b	Gerion.	241.b
Frāçois leur estat composé de trois.	180.a	Germanie.	III.a 116.a
France nouvelle.	258.a	Georgiens quels, & de leur pays.	39.b
François Hernandes.	285.a	Gesan cité.	29.a
Franchise.	55.a.61.b.132.b.275.b	Getes.	91.b
Pretons.	15.b	Giapan isle, & des peuples y habitans.	
Fribourg par qui basty.	210.a	272.a	
Proe magicien.	93.a	Gibaltar, & de son destroit.	3.b
Fruit à faire pain.	243.a	Gibelins.	132.a
Fuite en guerre.	64.b	Gurse cité royalle.	84.b
Funerailles à la mort des rois d'Egyp.	9.a	Goā isle.	52.b
Funerailles.	12.b.26.b.83.b	Gobelets testes d'hommes.	59.a
Funerailles sauuages.	89.b	Goddan Dieu.	149.b
Funebre aux Emp. avec pompes.	144.b	Gog.	92.b
Fuyards.	115.a	Gomachucò prouince.	301.a
		Gondebauld.	201.b
G		Goths, de leur origine, mœurs, & religio.	
Gadure fleuve.	86.b	91.a.93.a.196.b.291.a.	
Gaiac.	281.b	Goulphe de la chaleur.	258.b
Galatie & Galates.	167.a	Goulphe Arabique.	17.a
Gambre Royaume.	26.a	Goulphe S. Michel.	297.a
Gambriens sorciers.	26.a	Gouuernement d'Egypte.	9.b
Gand ville.	215.b	Gouuernemens discordans.	296.a
Gantois.	215.b	Goxo roy de l'isle de Giapan.	272.a
Garamantes peuple de Lybie.	14.a	Grand conseil.	186.b
Garde-couche.	74.a		

T A B L E.

Grands se façonnent selon les mœurs d'i- ceux qui les manient.	8.b	Hercules surnommé Lybien sorty d'E- gypte.	4.a
Gratter & de la faç de se gratter.	47.b	Herauel pere de Sophy.	46.a
Grece.	78.a 139.b	Herese des Saduceens.	36.b
Grecs differens.	32.a	Heretiques.	67.b
Grenade pays.	265.a	Heritage esgal.	145.a
Grottesques maisons des Brachmanes.	49.b	Heritages.	135.a
Guaixamacar occis par son frere.	296.b	Hesperie.	137.a
Guay herbe.	256.a	Heures canoniales.	75.b
Gualdupes, & de leurs mœurs.	255.b	Hiacinte pierre precieuse.	5.a
Guede.	237.b	Hidalgue.	231.b
Guelphes.	132.a	Hierusalem frequentée & prinse.	38.a
Guerre, & de la cōdition de ceux, qui sont prins, & qui y meurēt.	25.a 34.a 79.b	Hieroglyphiques.	240.a
Guerriers.	266.b	Hilophages.	16.a
Guerre, & des dignitez en icelle.	140.a	Hipre.	215.b
Guibray.	229.a	Hircans.	292.b
Gundebauld legislateur.	199.a	Hoch teut Schland.	12.b
Gundioque roy Arrien.	201.a	Hochelagua.	258.a 259.a
Guizule province.	24.a	Holocauste.	34.b
Gymnites.	16.a.b	Homme & de son origine & creation.	
Gymnosophistes philosophes Indiens.	49.a	1.a.2.b.3.a.279.a	
		Homme à diuerses complexions, à la pre- face.	
H		Hommes sacrifiez.	300.b
Habits diuers des Indiens.	47.a	Hommes salez pour manger.	293.b
Habits d'Euesque.	75.b	Hommes monstrueux.	242.b
Habillements riches, & modestes.	50.a	Hommes sans barbe.	50.a
74.a		Hommes immolez.	114.b
Hadingue Dieu.	93.a	Hōmes sans ame, & sans appetit.	18.a
Hayti arbre.	288.a	Homme corrompu de la multitude.	1.b
Haity isle.	277.b	Hommes premiers de vie grossiere.	3.a
Haïtiens.	277.a	Hommage.	216.a
Haly alla en Perse.	45.b	Homicides.	10.b.23.b.200.a
Halyatte Roy.	81.b	Homar disciple de Mahomet.	37.b
Hanetons.	15.b	Homar se fit seigneur de Palestine.	45.b
Harpe en bataille.	81.b	Homar succeda à Mahomet.	68.b
Hea royaume.	23.a	Homere natif de Rhodes.	86.b
Hebrieux seuls vrais adorateurs.	33.a	Honneurs des Rois.	83.a
Heluetiens.	202.b.203.a	Hongrie & de leurs estats.	106.b
Heluetiens.	131.b	Hongrie, & Hongres.	107.a.109.a
Henry I. & 4.	204.b	206.a.224.a	
Heraux.	142.b	Horchilouos idole de Themistitan.	
Herbe causant la mort.	243.a	270.a	
Herbe priuant de sens.	278.a	Hospitalité.	231.b
Hercinie forest.	109.a	Hostel de Clugny.	185.b
Hercules Lybien.	230.b	Hugues tyran.	195.b

T A B L E.

Huguenots.	110.a	Indes & des Indiens.	46.b
Hugueigabon lac.	276.b	Indie anciennement apellée Ethiopie.	4.b
Huns.	107.a	Ingellon Ladislus.	102.b
Huracans orages.	281.a	Ingres peuples.	307.a
Husites.	110.a	Inquisiteurs de foy en Turquie.	73.b
Hypocrate natif de Lango.	88.b	Iornande.	95.b
I			
I Acelique, autant que Euesque.	40.a	Iours longs.	94.b
Iacobins.	5.b	Iours esgaux.	276.b
Iaguasés occiseurs de leurs filles.	264.a	Iphyeme vierge.	60.b
Iamaïque isle.	283.a	Irlandoys Barbares.	240.a
Iambol.	242.a	Isacie vierge.	60.b
Iane ville.	57.a	Isis Roy d'Egipte.	2.a
Iane.	137.b	Isis aymée de Iupiter.	7.b
Ianisaires.	71.a	Isle S. Iaques.	297.a
Ianvier apellé.	92.b	Isle de terre françoise.	258.a
Iaques Cartier pilote.	258.a	Isles de terre neufue.	257.b
Iaruma fruit.	283.a	Isle S. Iaques.	258.a
Iberie.	38.b	Isles de Baccaleos.	252.b
Iberes.	39.b 230.b	Isles fortunées.	24.b
Ibor.	148.b	Isles vers le grand Ocean.	57.a
Ichthiophages.	17.a	Isles du goulphe.	30.b
Idolatrie, & de son commencement en E-		Isles diuerses.	241.a
gypte.	2.a 26.b	Ismael planta sa loy par armes.	46.a
Idolatrie monstrueuse.	12.a	Isidons.	61.b
Idolatrie des habitans de Iaué.	57.a	Istriens enuieux des Venitiens.	166.a
Idolatrie sorte à la preface.		Italie & Italiens.	137.a
Idolâtres croyent un Dieu.	274.a	Iubilé des mariez.	221.a
Idoles.	256.a 270.a. 285.b. à la	Iucca racine.	277.a
preface.		Iucatan & Iucatanien.	285.a.b
Idoles du Diable.	294.a	Iudée.	32.b
Idole.	302.b. 304.a	Iugemens difficiles à qui sont à decider	
Iesuchrist pourquoy venu.	74.b	& iuges de Septentrionaux.	33.a. 196.a
Ierusalem.	88.a	Iuges esleus des plus gens de bien.	10.a
Ieusnes ordonnées en l'Alcoran.	72.b	Iugements en Egypte et la forme d'y pro-	
Ieusnes des Indiens.	53.a	ceder.	10.b 149.b
Ieusnes des Armeniens.	40.a	Iugemens en combatant.	108.b
Ieu à l'argent deffendu.	72.a	Iuhra pays.	109.a
Ieu.	272.b	Iupiter le pluuiex.	48.a
Ieux Isthiniens.	79.a	Iurement par le soleil.	272.b
Illustres honoréz entre les Galath.	168.b	Iustice corrompue.	23.b
Immortalité de l'ame.	292.b	Iustice notable.	24.a
Imposts estranges.	300.a	Iustice au camp.	43.b
Impudicité de filles.	23.a	Iuifs.	162.a
Impunité des maux cause desordres en l'e-		L	
stat.	10.a	Labrador.	252.b
		Labourage échargé aux femmes.	291.b
		Laboureurs	

T A B L E.

 XYx

T A B L E.

Mal caduque.	22.b	Maxes accoustrez & estrangement.	14.b
Maladie pediculaire.	16.b	Mede pais.	38.b
Malades.	15.a	Medecins fort subiets iadis en Egypte.	
Mal de Naples.	261.a	12.a	
Maladie.	260.b	Melinde prouince.	27.a
Maladie Venerique.	281.b	Melanchlénies peuples.	61.a
Malades visitez.	274.b	Membre d'homme adoré.	283.b
Malamoces.	163.a	Memphis.	7.a
Malhado isle.	263.a	Menteurs.	10.b
Malles.	181.a	Mer & de son origine.	279.b
Malicons peuple.	264.b	Mer Caspie.	38.b. 276.b
Maluoisie.	84.b	Mer de Sur.	287.b
Mango Cam Empereur.	39.b 67.b	Mer Ionique.	78.a
Manne.	111.b	Mer & des flus et reflux d'icelle.	249.a
Mannio.	182.a	Mer d'eau douce.	243.b
Maniacles.	239.b	Mer d'Irlande.	240.b
Mange-sauterelles.	16.b	Mer rouge.	288.a
Mansor pontife & roy.	20.b	Mercies.	222.a
Marc Anthoine contre les parthes.		Merouée.	179.b
41.b		Meride ville.	230.b
Marbre ancien.	198.a	Meroé isle dans le Nil.	5.a
Marcomans.	221.a. 109.b	Meschanceté des Lybiens.	23.a
Marchans Indiens.	298.b	Meschants multipliez.	2.a
Mariage permis aux prestres d'Ethiopie.		Massagetes sont Scythes.	13.b. 60.a
5.b		Messages.	89.b
Mariage des Egyptiens.	11.b	Mestiers.	143.a
Mariage des catholiques.	16.b. 75.b	Metaux abondent en l'Europe.	78.a
Mariage bien gardé.	52.a	Methotin magique adoré pour Dieu.	93.a
Mariage des Indiens.	47.b	Meurtres.	151.b
Mariage des Cretes.	85.a	Mexique royaume & des peuples.	
Mariage necessaire.	73.b	265.b	
Mariages.	270.b. 237.b. 308.b	Mexiquiens peuple.	264.b. 269.a
Mariage à quarante ans.	284.a	Miel.	109.b. 232.a. 286.a
Mariage sauuage.	242.a	Militaire loy pour tenir les soldats en de- voir.	11.a
Maris suivis par leurs femmes à la guer- re.	293.b	Miles d'où vient.	141.b
Maris communiquans leurs femmes.		Mines d'or.	276.b
47.a		Mines.	12.b
Mariembourg.	103.b	Mine comment est lavée.	306.b
Mascaret.	250.a	Ministres d'idoles.	299.b
Mars adoré.	59.b	Miracle à la preface.	
Mars natif de Thrace.	90.a	Misie.	108.a
Marseille & de l'escole.	191.b	Misistrate.	80.a
Maroc Royaume.	23.a	Modestie des Egyptiens.	9.a
Marsen bannissement.	209.a	Mœurs des Libyens.	14.b
Mauritanies doux.	19.b	Mœurs des Numides.	21.a

T A B L E.

Moisson double aux Indes.	46.b	58.a	
Monde & diuision d'iceluy.	245.b	Nauigage.	135.b
Monde incorruptible.	2.b	Nauarre en Eſpaigne.	96.b.230.a
Monde nouveau.	247.a.b	Necromance à laquelle ſont adonnez les	
Monarchies par ſang.	62.b	preſtres.	40.b
Mongal region de Tartarie.	61.b	Negropont.	88.a
Monnoye incogneue au Peru.	308.a	Neftoriens.	66.a
Monnoye de papier.	51.b.134.a	Neures peuples.	61.a
Monſtres.	50.b	Nider ieut Schland baſſe Allemagne.	
Montaignars hommes fiers.	307.a		112.b
Monte Luma Roy.	271.a	Nidroſie.	225.a
Monte L.	297.a	Niger fleuue de Senega.	15.b
Montreal fort en la Floride.	259.b	Nil & de ſon eſtendue.	3.b.295.b
Mores en Egypte & de deux ſortes.	6.b	Niſan moys des Hebreux.	35.a
19.b		Nobleſſe.	116.a.145.a
Morts iouiſſent de leurs maiſons.	305.a	Nobleſſe reſpectee entre les Giapanois.	
Mort ignominieufe d'un Roy.	303.a		272.b.
Mort & de la cõdemnation à icelle.	182.a	Noe.	1.b
Mort cruelle contre les Roys mal viuans.		Noirs en leur ſimplicitẽ.	22.b.23.a.26.a
90.a		Nomades.	93.b
Morts.	135.b	Nom des femmes.	81.a
Morts & du ſoing d'iceux.	42.a.59.b	Nonnains.	132.b
Mofcouites trompeurs.	101.a	Nopces.	94.a
Mofquée riche.	301.b	Nopçage entre les Perſes.	45.a
Mouuement eſtrange.	287.a	Nord ſeptentrion.	221.a
Mouy ſeigneur de la Milleraye.	258.a	Normads & de leur origine & courſes.	
Mouches à miel.	240.a		221.a.225.b.229.a
Moynes Mahometiſtes.	21.b	Nore roy.	224.b
Multane fleuue.	109.b	Nourriture des enfans d'Egypte.	11.b
Muſcane ville.	47.a	Nourriture pauvre.	24.a
Muſique corrompt l'eſprit de la ieuneſſe.		Nourriture delicieuſe en perſe.	45.a.85.a
12.a		Noruege & Noruegiens.	224.b
		Noruegiens ſauuages.	93.b
		Nuits courtes.	94.b
		Nuits ſemefres.	241.a
		Nuit & du travail en icelle.	94.b
		Numides.	21.a.b
		Numidie Barbarie.	19.b
			O
		Obeiffance des ſubiectz.	62.b.64.b
		Obeiffance au roy d'Ethiopie.	4.b
		Obſeques d'Egyptiens & Tarnaſſariens.	
			12.b.55.b
		Obſeques en Athenes.	80.a
		Obſeques des roys & des Tartares.	58.a.
			59.b.66.a.67.b

T A B L E.

Océan difficile à naugier.	167.b	PaluX.	13.a
Occidentaux de quels instrumens usent.		Pallus fut nommée Tritonie.	14.a
291.a		Paliure arbre & herbe.	15.a
Odeur.	50.b	Palmiers fertileX.	31.a
Odoacre roy.	96.a	Palestine & de son asiete.	32.b
Oenotere.	137.a.b	Palatins chasseX.	106.b
Oethe mont.	78.a	Palais des princes à qui destineX.	305.a
Oeuvres meritoires.	275.b	Panucò pays.	283.b
Ofisi bled.	260.a	Pannonie.	96.a.167.a.b
Office diuin.	76.a	Panchée isle.	29.b
Officiers des rois d'Egypte.	8.b	Pape monarque de l'Eglise.	75.a
Offices de ville.	189.a	Papiros arbre.	7.b
Offrandes pour les pecheX.	35.a	Papier.	277.a
Oignement des Insulaires.	24.b	Paris, mœurs & coustumes des Parisiens.	
Olympiens.	79.b	184.a	
Omarbech.	88.b	Parie.	287.a
Omen Caliphe Roy.	20.a	Parlement & de son origine.	177.b
Orages.	62.a.281.a	Paridis.	274.b
Oratoire & ornement d'iceluy.	54.a	Parruque.	82.b
Ordre saint Michel.	183.a	Parler au camp deffendu.	66.b
Ordres entre les Indiens.	49.a	Pariure & peine d'iceluy.	60.a.
Or.	81.a	143.b.10.b	
OrmuX.	30.b	Pardon general entre les Idolatres.	55.a
Orpheé tué.	89.a	Parthie prouince & des Parthes.	41.a
Osire roy d'Egypte.	2.a	Paradis de Mahomet.	74.a
Othon forest.	109.a	Paradis terrestre lieu de delices.	1.a
Oyseaux passagers.	282.a	Parricides.	11.a

P

P Achalchami cite.	302.a	Patrices.	140.b
Paccamacà Dieu.	304.a	S. Patrice conuertit les Idolatres en Hi-	
Pades Indiens,	49.a	bernie.	240.b
Pages predisent les choses auenir.	289.a	Patagones geans.	308.a
Pages medecins.	289.a	Patruarchat & different pour iceluy.	
Pages des Cumanois couchent avec les		166.b.	
mariees.	288.b	Pegu cité.	56.a
Pain de froment.	243.a	Pende Roy d'Escoffe.	223.a
Pays bas & de ses coustumes.	216.b	Penitence.	37.a.275.a
Pays possedeZ par les Goths en Gaule.		Pentecousté.	35.a
96.b		PeresaZ Roy de Perse.	107.b
Pairs de France.	177.b 183.a	Peres vendans leurs enfans.	26.b
Paillards.	65.a.152.b	Peres tuans leurs enfans comme estoient	
Paillardise execrable.	110.b	punis.	10.b.142.a
Paix.	50.a	Peres ne doiuent laisser leurs enfans sans	
Palais.	298.a	vaccation.	79.a

Permutation.	94.a	Portugais ont cherché les terres Septen-	
Perles & de leurs costumes.	84.a	trionales.	252.b
Perles.	57.b.288.b	Portugais tiennent des fortresses en Cam-	
Persepoly ruinée.	45.a.70.b	baie.	52.a
Perles & Persans.	45.a.70.b	Portugal & du Roy.	20.b
Peru & des habitans d'iceluy.	295.b	24.a.30.b	
307.a		Pouille.	139.a
Peschier, & pescherie.	17.b.292.	Pourpre.	243.b
Peche & esgaux en Giapan.	272.b	Poudre de grand vertu.	260.a
Peste.	261.a.308.a	Prague cité.	109.b
Peuple vivans de chair de Singe.	14.b	Præfectus annonæ commis des viures.	
Peuples divers en Grece, voy la preface.	189.a		
Peuple.	141.a	Prestres continens honorez.	53.b
Pencetie.	137.a	73.a	
Phalange.	84.b	Prestres anciens en Egypte fort sçauans.	
Pharisiens fataux.	36.b	9.b	
Philerne montaigne.	86.b	Prestres des Panchaiens.	30.a
Philstrate grand bourdeur.	30.b	Prete-ian.	62.b
Philistins.	32.b	Prestres des Giapanois.	272.b
Philosophes des Perles & Indiens.		Prestres Idolatres.	256.a
44.b		Prestres mariez.	102.a
Phoronce.	80.b.137.a	Prestres Iuges.	114.b
Phrise tributaire.	227.b	Prestres de Cybelle.	190.a
Pictes.	203.b.238.a	Prescheurs admirez.	145.a
Pie Pape du temps de Tamberlan.		President.	161.b
42.a		Preteurs.	144.b
S. Pierre chef de l'Eglise.	74.b	Preuost de Paris.	189.a
Pierres avec quel engin portées.	308.a	Prince Lorrain.	228.b
Pionniers.	143.a	Priape honoré.	284.a
Piquiers Allemans.	114.a	Princes discordans donnent entrée au So-	
Pissant les Turcs sacroupissent.	72.b	-phy.	46.a
Plan fleuve.	162.b	Prince & loy liant sa puissance.	45.a
Pœnes peuple d'Afrique.	13.b	Princes d'Ethiopie commet sont traite.	
Poetes honorez.	170.a	6.b	
Poiles.	185.a	Princes en France.	188.a
Poissons.	224.b	Princes Allemans subiets à l'Empereur.	
Poisson.	232.b.291.b	116.b	
Pologne, & polonois.	105.a	Principe des choses.	32.a
Police de France.	183.a	Priere pour les morts entre les Gentilz.	
Police d'Egypte.	9.b	13.a	
Police au camp.	42.b	Priere pour les morts entre les Chrestiens.	
Pontifes gentilz.	5.b	76.b	
Pontife.	142.b	Priere pour les soldats morts en guerre.	
Ponts.	302.a	72.a	
Popiel Roy mangé des rats.	106.a	Prieres des Turcs.	62.b
Populace.	140.b	Promontoire prassien Royaume.	17.a

T A B L E.

Pronostiqueurs philosophes.	48.a	Religion françoise.	183.b
Procureurs de S. Marc.	161.a	Religieux en Giapan.	274.b
Proces.	183.b	Reliques des saints.	14.a
Prouins c'est Agèdicum.	185.b	Requestes du palais.	177.a
Procureurs des nations.	192.b	Resurrection de Iesus Christ.	76.a
Prouvinces portans le nom des fleuves & riuieres.	295.b	Reuerence.	207.a
Pthiriasé maladie pediculaire.	16.b	Rhodes.	86.a
Protomée premier Cosmographe.	245.b	Rhuten.	213.a
Protomée premier Roy d'Egypte apres Alexandre.	11.b	Richesses de Peru.	301.a
Pugnà Isle.	297.a	Ris en usage entre les Indiens.	47.b
Puisnez.	229.a	Riuieres de Maragaon & Orellane.	
Punition de ceux qui pratiquoyent avec l'ennemy.	11.a	Robert Roy.	202.b
Pyramides.	7.a	Romains deffait par les Heluetiens.	
Pithies quelz.	83.b	203.a	
		Romaignolle.	136.a
		Rome pillée.	206.a
		Romule & Reme.	137.a
		Romains deffait par les Saxons.	
		119.a	
		Romains à la preface.	
		Romains quelz.	145.b
		199.b. 113.b	
		Rome prise.	96.a
		Roric Roy.	226.a
		Rostar Saturne.	93.a
		Rostich Dieu.	93.a
		Rotharis Arrien.	151.a
		Rouen.	229.a
		Roy quel doit estre.	8.b
		Roy ayant grand nombre d'enfans.	
		301.a	
		Roy porté par les Indiens.	299.a
		Roys adorez.	26.b
		Roys guerns de maladies.	279.b
		Roys adorez à leur trespas.	257.a
		Roys morts honorez.	300.b
		Roys en France, & d'où descendus.	88.a
		191.a	
		Roys de Bourgongne.	201.a
		Roys sous vn Monarque.	195.b
		Rubion.	138.b
		Rustiques & de leur vestement.	
		118.b	

T A B L E.

S

Sabéens.	29.a	Sauterelles.	87.b
Sabée ditte Arabie.	11.b.28.b	Saxe & Saxons.	119.a
Sacrificateurs contrains.	30.a	Saxons.	213.a
Sacrifices. 15.a.54.b.93.a.169.b.270.a		Sçauoir.	145.a
265.b.275.b		Schaffuse ville.	210.b
Sacrifices des Iuis.	34.b	Scandinauie Isle.	148.b
Sacrifices des Perses.	45.a	Scinites.	16.a.à la preface.
Sacrifices cruel.	297.b.300.b	Sciopodes.	51.a
Sacrifice pour deuiner.	170.b	Scrifinie.	94.b
Sacrifices des Barcéens.	14.b	Scordisques.	172.a
Saducéens.	36.b	Scythie & Scythes.	58.b.247.a.
Saiettes enuenimées.	57.a	292.b	
Saiettes des Cumanois.	292.a	Seau & description d'iceluy du Tartare	
Saint Gal cité.	210.a	66.b	
Saint Sepulchre.	69.b	Sechereffe.	230.b
Salairé proposé à ceux qui auoient grand		Sectes entre les Iuis & Lithuaniens.	
nombre d'enfans.	45.a	36.b.101.b	
Salairé des Iuges.	133.b	Seditieux.	78.b
Sales Saliques.	112.b	Sedunois.	209.a
Saliens.	290.a	Sel.	157.a.229.b
Saliens prestres.	142.b	Senegà Royaume.	15.b
Salique.	181.a.b	Senegà fleuue.	295.b
Salerne.	138.b	Senat.	141.a
Salpe.	139.a	Senateurs.	161.a
Samaritistes mangeurs d'hommes.	57.b	Sepultures. 50.a.168.b.270.b.274.b.	
Samarcand cité.	43.b	268.b.279.a.292.a	
Samogithie region.	103.b	Septem castra..	206.a
Sang merueilleux	243.a	Septentrionales terres.	247.a
Sang Royal conuient respecter.	83.a	Septentrionaux.	253.a.263.a
Sangias.	71.a	Sequanoys.	198.a
Sang n'est mangé par les Iuis.	34.a	Serpens mange.	282.b
Sardanapale vaincu par Arbace.		Serpens bons à manger.	243.b
44.b		Sermens.	11.a.28.a
Sarmates.	222.b	Seres peuples.	47.a.60.b
Saron Roy.	191.a	Seruiteurs superbes.	273.b
Saronides Theologiens.	169.b	Serviettes de cuir d'hommes.	59.a
Sarrasins pilleurs.	6.b.29.b.87.a	Sesame froment Indien.	5.a.28.a
Sarrasin & de l'origine de son nom.		Sez.	229.a
62.a		Signes.	302.b
Sathan adoré.	à la preface.	Sigismond Roy.	201.b
Saumons en abondance.	253.b	Slauë que signifie.	105.b
Sauuagine.	237.a	Silaris fleuue.	130.b
Sauuages.	17.b.239.a	Siliquastre nommé aussi piperitis.	5.a
Sauf-conduit.	64.a	Siluoysens.	241.a
		Simulachre.	120.b
		Simples pour fair poison.	291.b

<i>sinistres sacrificateurs.</i>	195.a	<i>Suz Royaume.</i>	23.a
<i>Syrie.</i>	37.b		
<i>Syriens.</i>	38.a		
<i>Sobrieté des Egyptiens.</i>	9.a.37.a		
<i>Société des hommes.</i>	33.b		
<i>Sodomites.</i>	65.a		
<i>Songes.</i>	4.b		
<i>Soldat & nourris aux despens du Roy, & du triple ordre d'iceux.</i>	48.b.71.a		
<i>Soleil adoré. 265.b.277.b.290.b.299.a</i>			
<i>Soleil estimé Dieu, & adoré. 26.b.60.a</i>			
<i>272.b.293.b</i>			
<i>Soliers à l'Epistolique.</i>	31.a		
<i>Soleurre cité ancienne.</i>	210.a		
<i>Solon.</i>	78.b		
<i>Solyman.</i>	68.b		
<i>Sophy commença à regner l'an. 1499.</i>			
<i>46.a</i>			
<i>Sort.</i>	159.a		
<i>Sorciers. 93.a.94.b.285.a.273.b.289.a</i>			
<i>Spermatophages.</i>	16.a		
<i>Sparte region.</i>	80.b		
<i>Stade.</i>	84.b		
<i>Statue.</i>	120.b		
<i>Stiriens.</i>	136.b		
<i>Subornations.</i>	200.a		
<i>Successions. 200.a.273.b.308.b</i>			
<i>Succes. 303.b</i>			
<i>Suenes. 129.a.b</i>			
<i>Suffrages. 143.b</i>			
<i>165.a</i>			
<i>Suysses d'où viennent, & de leurs succes. 206.a.207.a</i>			
<i>Suysses ne sont Heluetiens. 209.a</i>			
<i>Suysses origine & mœurs. 202.a</i>			
<i>Sultan Solyman. 88.b</i>			
<i>Sumatre region. 57.a</i>			
<i>Supplice cruel. 239.a</i>			
<i>Superstition folle. 232.b</i>			
<i>267.a</i>			
<i>Superstitions introduites à bonne fin. 13.b</i>			
<i>Superstitieuses contemplations. 32.b</i>			
<i>Superstition des persans, Indiens & Tartares. 44.a.49.a.65.b</i>			
		<i>Table des commandemens de la loy. 33.a</i>	
		<i>Tamberlan de quel estat. 92.a</i>	
		<i>Tanaide Déesse. 39.a</i>	
		<i>Tapis. 72.a</i>	
		<i>Taprobane Isle. 57.a</i>	
		<i>Tartarie, & Tartares. 61.b</i>	
		<i>Tarente ville. 139.a</i>	
		<i>Taurisques. 136.b</i>	
		<i>Tauris cité prise par le Sophy. 46.a</i>	
		<i>Taurosytes. 60.b</i>	
		<i>Taures cité de Sophy. 39.a</i>	
		<i>Taure mont. 27.b</i>	
		<i>Tectosages Languedoc. 204.a</i>	
		<i>Techel Caselbas. 46.a</i>	
		<i>Teie Roy. 204.a</i>	
		<i>Temple d'incroyable grandeur. 30.b</i>	
		<i>Temple, & ornement d'iceluy. 54.a</i>	
		<i>Temple ancien des Idolatres. 286.b</i>	
		<i>Temple du Soleil. 297.b.306.a</i>	
		<i>Temporiseurs. 29.a</i>	
		<i>Termopile. 78.a</i>	
		<i>Terres neufues par qui premier descouvertes. 252.b</i>	
		<i>Terre François. 257.b</i>	
		<i>Terre-tremble. 274.a</i>	
		<i>Terres de labeur, ou Labrador. 252.b</i>	
		<i>Terre maudite & pourquoy. 1.b</i>	
		<i>Terre ronde. 245.a</i>	
		<i>Testes rasés. 63.a</i>	
		<i>Tesmoings & de leur loy. 33.b</i>	
		<i>Tesmoings quels sont receus en Turquie. 73.b</i>	
		<i>Thilé Isle. 241.a</i>	
		<i>Tholosains. 172.a</i>	
		<i>Thrace. 89.a</i>	
		<i>Themistitan ville. 51.b.267.b</i>	
		<i>Thirrene. 147.a.b</i>	
		<i>Thomas apostre. 53.a</i>	
		<i>Tignée. 204.b</i>	
		<i>Timangouà peuple. 262.b</i>	
		<i>Timao. 70.b</i>	
		<i>Timaoli</i>	

T A B L E.

Timarli.	70.b	143.b	
Toiles d' Alemaigne.	130.b	Vesues ne se remarians.	257.a
Tombeaux & de leur magnificence.	50.a	Venditions.	135.a
301.b		Vendredy feste des Turcs.	72.b
Tonnerre.	93.a.291.a	Venitiens iadis Henetes.	31.b.88.a
Toscane, & Toscons.	147.a	Venise & Magistrats, & estat d'icelle.	
Touraine.	182.b	157.b	
Tournon & de leur maison.	197.b	Venus celeste.	59.a
Traistres.	115.a	Venus née en Chipre.	87.b
Tribuns.	144.a	Vents cause des flux.	250.a
159.a.162.a.b.189.a		Verole mal de Naples.	281.b
Tribut.	91.a	Verité marque des Princes.	10.a
Trieste cité.	166.a	Vesue mont.	249.a
Tritonie Isle.	18.b	Vespucce mathematicien.	252.b
Troglodites quelz.	15.a	Vestales.	142.b
Trompettes en combat.	81.b	Vestemens des Tartares.	64.b
Trondenne.	225.a	Vestemens des Africains, & Persans.	
Tropique d'Esté.	17.a	21.a.45.b	
Tubal.	1.b	Via fora.	184.a
Tudesques.	1.b	Viandes abominables.	294.b
Tuiscon.	1.b	Vices des nations Germaniques.	130.b
Tumbez.	297.b	Viceroy.	296.a
Turban rouge & de son institution.	46.a	Vices/generaux au Peru.	308.b
Turie fleuve.	232.b	Victoires esclrites.	72.a
Turege.	204.b	Widimir.	96.a
Tura.	à la preface.	Vie bonne, & de son effet.	50.a
Turcs & Persans en different & de la		Vie miserable.	16.a
cause.	46.b	Vie courte.	16.b
Turquie & des Turcs.	68.a	Vieillards honnorez.	8.a
Turquestan.	68.b	Vieillesse reuerée.	83.a
Tyrannie.	65.b	Vierges mises en vente.	31.a
		Villes fameuses pour le traffic.	38.a
		Villes, & de leurs sieges.	43.b
		Villes Imperiales.	117.a
		Villes du Peru.	307.a
		Vin des Occidentaux.	290.b
		Vin deffendu.	58.a.59.b.72.b
		Vins bons en Espaigne.	232.a
		Vioteurs.	11.a
		Viriati.	231.a
		Visage large.	292.a
		Wistule fleuve.	202.b
		Viures, & des commis d'iceux.	189.a
		Viure de ceux des Isles.	243.b
		Vniuersité de Paris, & de sa fondation,	
		& commet elle à esté appelée fille par	

II

Procurator generalis

Procurator generalis

T A B L E.

[illegible]


FIN.

Extrait du Priuilege.

PA R grace & priuilege du Roy, est permis à Geruays Mallot marchand Libraire Iuré en l'Vniuersité de Paris, d'Imprimer, ou faire imprimer. *L'histoire Vniuerselle du monde* (tât François que Latine) contenant l'entiere description, & situation des quatre parties de la terre, la diuision, & esedue d'une chacune Regiõ & Prouince d'icelles. Ensemble l'origine & particulieres mœurs, loix, costumes, religion, & ceremonies de toutes les nations, & peuples par qui elles sont habitées, diuisee en quatre liures, par François de Belleforest, Comingois. Et faict deffences ledit seigneur à tous Libraires, & Imprimeurs, ou autres de quelque estat, qualité, ou condition qu'ilz soyent, de non Imprimer, ou faire Imprimer, vendre, ou distribuer en ses pays, terres & seigneuries, autre que celle que ledit Mallot aura faict Imprimer, & ce iusques au terme de six ans, à cõpter du iour que laditte histoire, tâ François que Latine, aura esté acheuée d'Imprimer, & ce sur peine de confiscation desditz Liures, & despès, dommages, & interests dudit exposant, comme plus à plain est contenu esdites lettres. Donné à Paris ce deuxiesme iour de feburier mil cinq cens septante. Par le Roy en son Conseil estably pres Monseigneur le Duc. Signé Debaldit. Et sellées du grand sceel en simple queue.

Signé Debaldit

umeron



X LANDE 00028

Les ff. 245031 - en français
la Description de l'Amérique
que l'auteur appelle aussi *Grande nouvelle*
ou *Indes Occidentales*

269 2021

212

